

# কালীপ্রসন্ন সিংহ

ব্রজেন্দ্রনাথ বন্দ্যোপাধ্যায়

13155550



বঙ্গীয়-সাহিত্য-পরিষৎ

২৪৩/১, আচার্য প্রফুল্লচন্দ্র বোস

কলিকতা-৬

প্রকাশক  
শ্রীমদনমোহন কুমার  
সম্পাদক  
বঙ্গীয়-সাহিত্য-পরিষৎ

RR  
১২৮. ১২৪৪  
ব্রজেন্দ্রনাথ/কা

প্রথম সংস্করণ—মাঘ ১৩৪৬, দ্বিতীয়—ভাদ্র ১৩৪৯,  
তৃতীয়—ফাল্গুন ১৩৫০, চতুর্থ—পৌষ ১৩৫৩,  
পঞ্চম সংস্করণ—বৈশাখ ১৩৬৪,  
৬ষ্ঠ মুদ্রণ—বৈশাখ ১৩৮৩

মূল্য—দুই টাকা পঞ্চাশ পয়সা

STATE CENTRAL LIBRARY, WEST BENGAL  
ACCESSION NO. ৫৭. ২৬৬৬০  
DATE..... ১২. ৪. ১০

ব্রজেন্দ্রনাথ, ১৬২, অরবিন্দ নগরী, কলিকাতা-৬

সাহিত্য-সাধক-চরিতমালা—১\*

কালীপ্রসন্ন সিংহ  
১৮৪০—১৮৭০



**টি**ক এক শত বৎসর পূর্বে, ১৮৪০ খ্রীষ্টাব্দের প্রারম্ভে কলিকাতার এক ধনী জমিদার-বংশে কালীপ্রসন্ন সিংহের জন্ম হইয়াছিল এবং মাত্র ত্রিশ বৎসরের স্বল্পস্থায়ী জীবন যাপন করিয়া তিনি ১৮৭০ খ্রীষ্টাব্দেই পরলোক গমন করিয়াছিলেন। কিন্তু উচ্চ সাহিত্য-প্রতিভা এবং অসাধারণ বদান্ততাগুণে কালীপ্রসন্ন তাঁহার স্বল্পপরিসর জীবনকেই এমন মহিমমণ্ডিত করিতে সক্ষম হইয়াছিলেন যে, উনবিংশ শতাব্দীর বাংলা দেশে শ্রেষ্ঠ মনীষি-সম্প্রদায়ের মধ্যে তাঁহাকে আজ গণনা না-করিয়া উপায় নাই। তিনি নিতান্ত কিশোর বয়সেই দেশের এবং দশের হিতকারী অল্পস্থানে আত্মনিয়োগ করিয়া এমন কতকগুলি মহতী কীর্তি রাখিয়া গিয়াছেন যে, অকাল-মৃত্যু এবং ভবিষ্যৎ কাল তাঁহার সেই কীর্তি বিলুপ্ত করিতে পারে নাই, বরঞ্চ তাঁহার চরিত্রের শুদার্য ও সাহিত্যিক প্রতিভা আমাদের নিকট উত্তরোত্তর উজ্জ্বলতরই হইয়া উঠিতেছে। আজ দীর্ঘ এক শতাব্দী পরে তাঁহার জীবনী ও কীর্তি আলোচনা করিয়া আমরা এই আক্ষেপই করিতেছি যে, তাঁহার সকল আরক কীর্তি সম্পূর্ণ হইবার সুযোগ পায় নাই; পাইলে বাংলা দেশ উন্নতিমার্গে আরও কিছু অগ্রসর হইতে পারিত।

তুলনার দ্বারা কালীপ্রসন্নের প্রতিভা পরিষ্কৃততর হইবে। কালীপ্রসন্ন বঙ্কিমচন্দ্রের দুই বৎসর পরে জন্মগ্রহণ করিয়া ১৮৭০ খ্রীষ্টাব্দে যখন পরলোক গমন করেন, বঙ্কিমচন্দ্র তখন 'ললিতা ও মানসে'র কাব্যবিলাস এক বৈদেশিক বাণীসাধনা ত্যাগ করিয়া মাত্র 'দুর্গেশনন্দিনী,' 'কপাল-কুণ্ডলা' ও 'স্বর্ণালিনী' রচনা শেষ করিয়াছেন। 'বঙ্গদর্শনে'র সম্ভাবনা তখনও ভবিষ্যতের গর্ভে। কিন্তু কালীপ্রসন্ন সেই স্বল্পকালের জীবনেই সমাজে, রাষ্ট্রে এবং সাহিত্যে এমন সকল কীর্তি স্থাপন করিতে সক্ষম

হইয়াছেন, যাহার আলোচনা ও বিবৃতি এ যুগেও আমাদের অপরিমিত বিশ্বয়ের উদ্রেক করিতেছে। কালীপ্রসন্নের বহুমুখী প্রতিভার এবং বিচিত্র কর্মজীবনের অদ্ভুত পরিচয় লাভ করিয়া পাঠকমাত্রেই নিঃসংশয়ে স্বীকার করিবেন যে, এই কীর্ত্তিমান পুরুষ দীর্ঘজীবী হইলে বাংলা দেশ ও বাঙালী জাতি লাভবান হইত। আজ তাঁহার জন্মশতবার্ষিক উৎসব উপলক্ষ্যে আমরা এই কীর্ত্তিমান পুরুষের জীবনী ও কীর্ত্তির কথা সাধারণের গোচর করিতেছি।

### বাল্য-জীবন

কালীপ্রসন্ন কলিকাতা জোড়াসাঁকো-নিবাসী প্রসিদ্ধ দেওয়ান শান্তিরাম সিংহের প্রপৌত্র, জয়কৃষ্ণ সিংহের পৌত্র এবং নন্দলাল সিংহের একমাত্র পুত্র। ১৮৪০ খ্রীষ্টাব্দে তাঁহার জন্ম হয়।

কালীপ্রসন্নের জন্ম-উপলক্ষ্যে সিংহ-পরিবারে সমারোহের সহিত যে উৎসব সম্পন্ন হইয়াছিল, 'সংবাদ প্রভাকরে' প্রকাশিত তাহার বিবরণটি ২৪ ফেব্রুয়ারী ১৮৪০ তারিখের 'ক্যালকাটা কুরীয়ার' পত্রে অনূদিত হইয়াছিল। উহা নিম্নে উদ্ধৃত করিতেছি :—

**Nautch in Celebration of the 'Birth of a Child.—Last night a series of Nautches commenced at the residence of Baboo Nundolaul Sing, at Jorasanko, in celebration of the birth of his first child, a boy, which took place lately. There were a large assemblage of native gentlemen and professors of Sanscrit present on the occasion ; the former were highly gratified with the musical performances of the nautch girls, and the latter with the valuable presents of Cashmere Shawls, etc.—Prabhakur.**

শৈশবে কালীপ্রসন্ন হিন্দু-কলেজে শিক্ষালাভ করিয়াছিলেন, কিন্তু কৃতী ছাত্র বলিয়া তাঁহার সুনাম ছিল না। তিনি গৃহে বসিয়া উইলিয়ম

## বাল্য-জীবন

কার্কপ্যাট্টরিক নামে এক জন সাহেবের নিকট রীতিমত ইংরেজি  
অধ্যয়ন করিয়াছিলেন। সংস্কৃত এবং মাতৃভাষা বাংলার প্রতি তাঁহা  
আশৈশব অনুরাগ ছিল। এই দুই ভাষাও তিনি পণ্ডিত রাখিয়া আয়  
করিয়াছিলেন। ‘হতোম প্যাটার নকশা’র কালীপ্রসন্ন তাঁহার বাল্য  
জীবনের যে অপূৰ্ব বর্ণনা রাখিয়া গিয়াছেন, তাহা নিছক কল্পনা বলি  
মনে করিবার কারণ নাই। বর্ণনাটি এইরূপ :—

ছেলেবেলা থেকেই আমাদের বাঙ্গলা ভাষার উপর বিলক্ষ  
ভক্তি ছিল, শেখবারও নিতান্ত অনিচ্ছা ছিল না। আমরা পূর্বে  
বলিছি যে আমাদের বুড়ো ঠকুরমা ঘুমবার পূর্বে নানা প্রকা  
উপকথা কইতেন। কবিকঙ্কণ, কৃষ্ণিবাস ও কাশীদাসের পয়া  
মুখস্থ আওড়াতেন। আমরাও সেইগুলি মুখস্থ করে স্থলে, বাড়ীতে  
ও মার কাছে আওড়াতেম—মা শুনে বড় খুসি হতেন ও কখন কখন  
আমাদের উৎসাহ দেবার জন্যে ফি পয়ার পিছু একটি করে সন্দে  
প্রাইজ দিতেন ; অধিক মিষ্টি খেলে তোৎলা হতে হয়, ছেলেবেলা  
আমাদের এ সংস্কারও ছিল, স্ততরাং কিছু আমরা আপনারা খেতু  
কিছু কাক ও পায়রাদের জন্যে ছাদে ছড়িয়ে দিতুম ; আর আমাদে  
মুঞ্জুরী বলে দিকি একটি সাদা বেরাল ছিল (আহা! কাল সকা  
সেটি মরে গ্যাচে—বাচ্চাও নেই) বাকী সে প্রসাদ পেত। সংস্ক  
শেখাবার জন্যে আমাদের একজন পণ্ডিত ছিলেন, তিনি আমাদে  
লেখাপড়া শেখাবার জন্যে বড় পরিশ্রম কতেন। ক্রমে আমরা চ  
বছরে মুঞ্চবোধ পার হলেম, মাঘের দুই পাত ও রঘুর তিন পা  
পড়েই আমাদের জ্যাঠামোর স্তত্র হলো ; টিকি, ফোটা ও রা  
বনাতওয়ালো টুলো ভট্টাচার্য্য দেখলেই তক কস্তে যাই, হোড়  
গোছের ঐ রকম বেয়াড়া বেশ দেখতে পেলেই তক হারিয়ে টি

কেটে নিই, কাগজে প্রস্তাব লিখি—পয়সার লিখতে চেষ্টা করি ও  
 অল্পের লেখা প্রস্তাব থেকে চুরি করে আপনার বলে অহঙ্কার করি—  
 সংস্কৃত কালেজ থেকে দূরে থেকেও ক্রমে আমরাও ঠিক এক জন  
 সংস্কৃত কালেজের ছোকরা হয়ে পড়লেম ; গৌরবলাভেচ্ছা হিন্দুকুশ  
 ও হিমালয় পর্বত থেকেও উচু হয়ে উঠলো—কখন বোধ হতে  
 লাগলো কিছু দিনের মধ্যে আমরা দ্বিতীয় কালিদাস হবো ( ওঃ  
 শ্রীবিষ্ণু কালিদাস বড় লম্পট ছিলেন ) তা হওয়া হবে না, তবে  
 ব্রিটেনের বিখ্যাত পণ্ডিত জনসন ? না ! ( তিনি বড় গরিবের  
 ছেলে ছিলেন ) সেটি বড় অসম্ভব হয়, তবে রামমোহন রায় ? হ্যাঁ,  
 একদিন রামমোহন রায় হওয়া যায়—কিন্তু বিলেতে মস্ত  
 পারবো না ।

ক্রমে কি উপায়ে আমাদের পাঁচ জনে চিন্বে, সেই চেষ্টাই  
 বলবতী হলো, তারই সার্থকতার জন্যই যেন আমরা বিছোৎসাহী  
 সাজলেম—গ্রন্থকার হয়ে পড়লেম—সম্পাদক হতে ইচ্ছা হলো—  
 সভা কল্লেম—ব্রাহ্ম হলেম—তত্ত্ববোধিনী সভায় যাই—বিধবা বিয়ের  
 দালালি করি ও দেবেন্দ্রনাথ ঠাকুর, ঈশ্বরচন্দ্র বিদ্যাসাগর, অক্ষয়কুমার  
 দত্ত, ঈশ্বরচন্দ্র গুপ্ত প্রভৃতি বিখ্যাত দলের লোকেদের উপাসনা  
 করি—আন্তরিক ইচ্ছে যে লোকে জাহুক যে আমরাও ঐ দলের  
 এক জন ছোটখাট কেঁট বিষ্টুর মধ্যে !

হায় ! অল্প বয়সে এক এক বার অবিবেচনার দাস হয়ে  
 আমরা যে সকল পাগলামো করেছি, এখন সেই গুলি স্মরণ হলে  
 কারা ও হাসি পায় ;...

ছয় বৎসর বয়সে কালীপ্রসন্ন পিতৃহীন হন । ৬ এপ্রিল ১৮৪৬  
 তারিখে ওলাউঠা রোগে তাঁহার পিতা নন্দলাল গুরুকে সাতু সিংহের



মৃত্যু হয়। প্রতিবেশী হরচন্দ্র ঘোষ কালীপ্রসন্নের অভিভাবক এবং পিতৃসম্পত্তির তত্ত্বাবধায়ক নিযুক্ত হন।

১৮৫৪ খ্রীষ্টাব্দের ৫ই আগস্ট বাগবাজারের প্রসিদ্ধ বহু-বংশের লোকনাথ বহুর ভ্রাতা বেণীমাধব বহুর কন্যার সহিত চতুর্দশবর্ষবয়স্ক কালীপ্রসন্নের শুভবিবাহ সম্পন্ন হয়। 'সংবাদ ভাস্কর' পত্রে প্রকাশ :—

গত শনৈশ্চর বাসরীয় যামিনীযোগে আমারদিগের প্রিয় বন্ধু পরলোকগত বাবু নন্দলাল সিংহ মহাশয়ের বংশধর পুত্র শ্রীযুত কালীপ্রসন্ন সিংহ বাবুর উদ্বাহ কার্য রঙ্গপুরের সদর আমীন শ্রীযুত বাবু বেণীমাধব বহুর কন্যার সহিত স্ত্রসম্পন্ন হইয়াছে...।—  
৮ আগষ্ট, ১৮৫৪।

কিছু দিন পরে স্ত্রীবিয়োগ হইলে তিনি চন্দ্রনাথ বহুর এক কন্যাকে বিবাহ করেন।

## বিদ্যোৎসাহিনী সভা

অতি অল্প বয়স হইতেই কালীপ্রসন্ন সাহিত্যচর্চায় মনোনিবেশ করিয়াছিলেন। বঙ্গভাষার অনুশীলনের জন্ত তিনি মাত্র তের বৎসর বয়সে একটি সভার প্রতিষ্ঠা করেন। ইহাই বিদ্যোৎসাহিনী সভা নামে পরিচিত। কালীপ্রসন্নের অনেক কীর্তি এই বিদ্যোৎসাহিনী সভাকে কেন্দ্র করিয়া গড়িয়া উঠিয়াছে। এই সভার প্রতিষ্ঠাকাল—ইং ১৮৫৩। ১৪ জুন ১৮৫৩ (১ আষাঢ় ১২৬০) তারিখের 'সংবাদ প্রভাকরে' প্রকাশ :—

জ্যৈষ্ঠ মাসের বিবরণ। ৬নন্দলাল সিংহ মহাশয়ের পুত্র শ্রীমান বাবু কালীপ্রসন্ন সিংহ বঙ্গভাষার অনুশীলন জন্ত এক সভা করিয়াছেন।

এই সভাই যে বিজ্ঞোৎসাহিনী সভা, তাহাতে কোন সন্দেহ নাই।\*

বিজ্ঞোৎসাহিনী সভার প্রথমাবস্থায় এবং পরেও অনেক দিন কালীপ্রসন্ন ইহার সম্পাদকতা করিয়াছিলেন। সংবাদপত্রে প্রকাশিত সভার বিজ্ঞাপন হইতে আমরা আরও কয়েক জনের নাম সম্পাদকরূপে পাই; ইহারা উমেশচন্দ্র মল্লিক, ক্ষেত্রনাথ বসু ও রাধানাথ বিজ্ঞায়ক।

কৃষ্ণকমল ভট্টাচার্য্য, প্যারীচাঁদ মিত্র, কৃষ্ণদাস পাল প্রভৃতি বিজ্ঞোৎসাহিনী সভার সভ্য ছিলেন। সভায় অনেক জ্ঞানগর্ভ প্রবন্ধাদি পঠিত ও আলোচিত হইত। কালীপ্রসন্নও স্বরচিত অনেক প্রবন্ধ এই সভায় পাঠ করিতেন। এক জন প্রত্যক্ষদর্শী বিজ্ঞোৎসাহিনী সভা সম্বন্ধে 'সমাচার সুধাবর্ষণ' পত্রে (১৬-১৭ আগস্ট ১৮৫৫) যে বিবরণ প্রকাশ করেন, নিম্নে তাহা উদ্ধৃত করা হইল:—

আমরা গত শনিবাসরীয় যামিনীযোগে 'বিজ্ঞোৎসাহিনী সভায়' গমন করিয়াছিলাম...। ন্যূনাধিক দুই শত ভদ্র সন্তান ঐ সভায় বিচরমান ছিলেন, কালীপ্রসন্ন বাবু প্রসন্ন বদনে সমাদর পূর্বক তাহারদিগকে সম্বোধন করিয়া অকুণ্ঠ সুকণ্ঠ স্বরে বিজ্ঞোৎসাহিনী পত্রিকার গ্রাহক মহাশয় দিগের পত্র সকল পাঠ করিলেন, কানপুর দিনাজপুর বগুড়া বালেশ্বরাদি নানা স্থানীয় গুণগ্রাহক গ্রাহক মহাশয়েরা বিজ্ঞোৎসাহিনী পত্রিকা গ্রহণার্থ পত্র লিখিয়াছেন।

\* ১৯ জানুয়ারি ১৮৫৬ তারিখে বিজ্ঞোৎসাহিনী সভার প্রথম সাপ্তাহিক সভার অধিবেশন হয়, এই কারণে সভার প্রতিষ্ঠাকাল ১৮৫৫ খ্রীষ্টাব্দ বলিয়া মনে করা স্বাভাবিক। প্রকৃতপক্ষে বিজ্ঞোৎসাহিনী সভার সাপ্তাহিক সভাগুলি বধাসময়ে অনুষ্ঠিত হয় নাই। এক বৎসরের মধ্যেই প্রথম তিনটি সাপ্তাহিক সভা হইয়াছিল। ১৮৫৬ খ্রীষ্টাব্দের ১৯এ জানুয়ারি প্রথম সাপ্তাহিক সভা হইলেও, তৃতীয় সাপ্তাহিক সভার অধিবেশন হইয়াছিল ১৪ জানুয়ারি ১৮৫৭ তারিখে।

শ্রীযুক্ত বাবু কালীপ্রসন্ন সিংহ মহাশয় ঐ সকল পত্র পাঠ করিয়া মূল প্রস্তাব অর্থাৎ বাণিজ্য বিষয়ে কি উপকার, সংক্ষেপে তাহার বিবরণ ব্যক্ত করিলেন তৎপরে সভা সম্পাদক শ্রীযুক্ত বাবু কালীচরণ শর্মা মল্লিখিত বিস্তারিত রূপে ঐ সকল বিষয় ব্যক্ত করেন অনন্তর কালীপ্রসন্ন সিংহ বাবু ঈষদ্বাহু প্রসন্ন বদনে বলিলেন সভ্য ও দর্শক মহাশয়দিগের মধ্যে প্রস্তাবিত বিষয়ে যে ভাষায় যিনি যাহা বলিতে পারেন বক্তৃতা করুন তাহাতে আমরা আহ্লাদিত হইয়া সভার কার্য এবং উন্নতি ইত্যাদি বিষয়ে যথাসাধ্য কিঞ্চিৎ বলিয়াছি অনুভব করি সর্বসাধারণ লোকেরা বিজ্ঞোৎসাহিনী পত্রিকাতেই তাহা দেখিতে পাইবেন।

সাধারণতঃ শনিবার সন্ধ্যাকালে বিজ্ঞোৎসাহিনী সভার অধিবেশন হইত। সভায় কি ধরণের প্রবন্ধ পাঠ ও বক্তৃতা হইত তাহার আভাস দিবার জন্ত সেকালের সংবাদপত্র হইতে কয়েকটি বিজ্ঞাপন উদ্ধৃত করিতেছি :—

(১) আগামি শনিবাসরে সি, জি, মনটেগিউ [ ডেভিড হেয়ার অ্যাকাডেমির প্রধান শিক্ষক ] সাহেবের বক্তৃতা করিবার ভার ছিল, অকস্মাৎ তাহার কোন বাধা ঘটিলে তিনি আগামি শনিবারে আসিতে অক্ষম, আগামি শনিবারের পর শনিবারে তিনি “Labour its importance dignity piety and triumphant results.” এই বিষয়ে বক্তৃতা করিবেন, “মহুজ্জাতির মহত্ব কি?” এই বিষয়ক প্রস্তাব শ্রীযুক্ত প্রিয়মাধব বসুর দ্বারা এই শনিবারে পঠিত হইবেক। শ্রীশ্রীধর শর্মা।—‘সংবাদ প্রভাকর’, ১ ফেব্রুয়ারি ১৮৫৬।

(২) অষ্ট শনিবার সন্ধ্যার সময় বিজ্ঞোৎসাহিনী সভার প্রকাশ সভা হইবেক, দর্শক ও সত্যগণ সভাস্থ হইয়া বাধিত করিবেন।

সম্পাদক মহাশয় তাঁহার সম্পাদকীয় আসনে এইবার শেষ উপবেশন করিয়া ‘বঙ্গদেশের কুরীতি’ বিষয়ক প্রবন্ধ পাঠ করিবেন। শ্রীউমাচরণ নন্দী। কৰ্ম্মাধ্যক্ষ।—‘সংবাদ প্রভাকর’, ১৫ মার্চ ১৮৫৬।

(৩) আগামি শনিবার সন্ধ্যার পরে যুগলসেতুস্থ বিদ্যোৎসাহিনী সভায় শ্রীযুত কার্কেপেট্রিক সাহেব “Sentiments proper to the age and Country” অর্থাৎ দেশকাল বিষয়োপযোগী অভিপ্রায় বিষয়ে লেক্চর অর্থাৎ উপদেশ করিবেন, অতএব উক্ত সময়ে সভ্য ও বিদ্যোৎসাহি দর্শক মহাশয়েরা উপস্থিত হইয়া বাধিত করিবেন। শ্রীকালীপ্রসন্ন সিংহ। সম্পাদক।—‘সংবাদ প্রভাকর’, ২৪ সেপ্টেম্বর ১৮৫৬, বুধবার।

স্থলিখিত প্রবন্ধের জন্য বিদ্যোৎসাহিনী সভা মাঝে মাঝে পুরস্কার ঘোষণা করিতেন। এই প্রসঙ্গে সংবাদপত্র হইতে দুইটি বিজ্ঞাপন উদ্ধৃত করিতেছি :—

(১) “জগতে স্থিতি কে?” এই বিষয়ক প্রবন্ধ যে ব্যক্তি লিখিতে ইচ্ছা করেন উত্তম হইলে বিচার মতে ২২ আষাঢ়ের মধ্যে বিদ্যোৎসাহিনী সভা তাঁহাকে ২০০ দুই শত টাকা পুরস্কার প্রদান করিবেন, ৮ পেজি ফরমার, ১ ফরমার ন্যূন হইলে গ্রহণযোগ্য নহে। শ্রীকালীপ্রসন্ন সিংহ। সহকারী কৰ্ম্মাধ্যক্ষ।—‘সংবাদ প্রভাকর’ ৪ জুন ১৮৫৬।

(২) “হিন্দুধর্মের উৎকৃষ্টতা” বিষয়ক প্রবন্ধ নানা প্রকার প্রমাণাদি সহিত লিখিতে হইবে, যিনি লেখকগণের মধ্যে বিচারে উত্তম হইবেন তাঁহাকে বিদ্যোৎসাহিনী সভা তিন শত মুদ্রা পারিতোষিক প্রদান করিবেন ২ মাঘ সাঙ্ঘৎসরিক সভায় প্রেরণ

করিতে হইবেক । শ্রীক্ষেত্রনাথ বসু । বিদ্যোৎসাহিনী সভা সম্পাদক ।—  
‘সংবাদ প্রভাকর’, ৪ নবেম্বর ১৮৫৬ ।

কালীপ্রসন্নের বিদ্যোৎসাহিনী সভা কেবলমাত্র সাহিত্যালোচনায় আবদ্ধ ছিল না; খ্যাতনামা সাহিত্যিকগণের সম্বন্ধনাদি দ্বারা সাহিত্যমুখীলনে সাধারণকে উৎসাহিত করাও ইহার অন্যতম উদ্দেশ্য ছিল । বাংলায় অমিত্রাক্ষর ছন্দ প্রবর্তনের জন্ত মধুসূদন দত্তকে সম্বন্ধিত করিবার নিমিত্ত কালীপ্রসন্ন বিদ্যোৎসাহিনী সভার পক্ষ হইতে ১২ ফেব্রুয়ারি ১৮৬১ তারিখে একটি সভার আয়োজন করেন । বঙ্গসাহিত্যের সেবা করিয়া দেশবাসীর দ্বারা সম্বন্ধিত হইবার সৌভাগ্য বোধ হয়, মধুসূদনের অদৃষ্টেই প্রথম ঘটে । এই সভায় উপস্থিত হইবার জন্ত মধুসূদনের গুণানুরক্ত বহু গণ্যমান্য ব্যক্তি আমন্ত্রণ-লিপি পাইয়া, ছিলেন । আমন্ত্রণ-লিপিটি এইরূপ :—

My dear Sir,

Intending to present Mr. Michael M. S. Dutt with a silver trifle as a mite of encouragement for having introduced with success the Blank verse into our language, I have been advised to call a meeting of those who might take a lively interest in the matter at my house on the occasion of the presentation, in order to impart as much of solemnity as it is capable of receiving, while retaining its private character and therefore to serve perhaps its purpose better ; I shall therefore be obliged, and I have no doubt all will be pleased by your kind presence at mine on Tuesday next, the 12th instant at 7 P. M.

Yours truly  
Kaly Prussunno Singh  
Calcutta the 9th February 1861.

সম্বন্ধনা-সভায় রাজা প্রতাপচন্দ্র সিংহ, রমাপ্রসাদ রায়, কিশোরীচাঁদ মিত্র, পাদরি কৃষ্ণমোহন বন্দ্যোপাধ্যায় প্রভৃতির সমাগম হইয়াছিল । বিদ্যোৎসাহিনী সভার পক্ষ হইতে কালীপ্রসন্ন কবিবরকে একখানি

মানপত্র ও একটি মূল্যবান সুদৃশ্য রজত-পানপাত্র উপহার দিয়াছিলেন।  
মানপত্রখানি ২০ ফেব্রুয়ারি ১৮৬১ তারিখের 'সোমপ্রকাশ' হইতে  
উদ্ধৃত করিতেছি :—

মান্যবর শ্রীল মাইকেল মধুসূদন দত্ত মহাশয় সমীপেষু।

কলিকাতা বিদ্যোৎসাহিনী সভার সর্বনয় সাদর সম্ভাষণ নিবেদনমিদং।

যে প্রকারে হউক বাঙ্গালা ভাষার উন্নতিকল্পে কায়মনোবাক্যে  
যত্ন করাই আমাদের উচিত, কর্তব্য, অভিপ্রেত ও উদ্দেশ্য। প্রায়  
ছয় বর্ষ [?] অতীত হইল বিদ্যোৎসাহিনী সভা সংস্থাপিত হইয়াছে  
এবং ইহার স্থাপনকর্তা তাহার সংস্থাপনের উদ্দেশ্যে যে কতদূর  
কৃতকার্য হইয়াছেন তাহা সাধারণ সঙ্গদয় সমাজের অগোচর নাই।  
আপনি বাঙ্গালা ভাষায় যে অমূল্য অশ্রুতপূর্ব অমিত্রাক্ষর কবিতা  
লিখিয়াছেন, তাহা সঙ্গদয় সমাজে অতীব আদৃত হইয়াছে, এমন  
কি, আমরা পূর্বে স্নেহেও এরূপ বিবেচনা করি নাই যে, কালে  
বাঙ্গালা ভাষায় এতাদৃশ কবিতা আবির্ভূত হইয়া বঙ্গদেশের মুখ  
উজ্জ্বল করিবে। আপনি বাঙ্গালা ভাষার আদি কবি বলিয়া  
পরিগণিত হইলেন, আপনি বাঙ্গালা ভাষাকে অমূল্য অলঙ্কারে  
অলঙ্কৃত করিলেন, আপনাই হইতে একটি নূতন সাহিত্য বাঙ্গালা  
ভাষায় আবিষ্কৃত হইল, তজ্জন্য আমরা আপনাকে সহস্র ধন্যবাদের  
সহিত বিদ্যোৎসাহিনী সভাসংস্থাপক প্রদত্ত রৌপ্যময় পাত্র প্রদান  
করিতেছি। আপনি যে আলোকসামান্য কার্য করিয়াছেন তৎপক্ষে  
এই উপহার অতীব সামান্য। পৃথিবীমণ্ডলে যতদিন যেখানে  
বাঙ্গালা ভাষা প্রচলিত থাকিবেক তদেশবাসী জনগণকে চিরজীবন  
আপনার নিকট কৃতজ্ঞতা পাশে বন্ধ থাকিতে হইবেক, বঙ্গবাসিগণ  
অনেকে এক্ষণেও আপনার সম্পূর্ণ মূল্য বিবেচনা করিতে পারেন

নাই কিন্তু যখন তাঁহারা সমুচিতরূপে আপনার অলৌকিক কার্য্য বিবেচনায় সক্ষম হইবেন, তখন আপনার নিকট কৃতজ্ঞতা প্রকাশে ক্রটি করিবেন না। আজি আমরা যেমন আপনাকে প্রতিষ্ঠা করিয়া আপনার সহবাস লাভ করিয়া আপনা আপনি ধন্য ও কৃতার্থশ্রু হইলাম হয়ত সে দিন তাঁহারা আপনার অদর্শনজনিত দুঃসহ শোকমাগরে নিমগ্ন হইবেন। কিন্তু যদিচ আপনি সে সময় বর্তমান না থাকুন বাঙ্গালা ভাষা যতদিন পৃথিবীমণ্ডলে প্রচারিত থাকিবে ততদিন আমরা আপনার সহবাস স্মৃতে পরিতৃপ্ত হইতে পারিব সন্দেহ নাই। এক্ষণে আমরা বিনীত ভাবে প্রার্থনা করি আপনি উত্তরোত্তর বাঙ্গালা ভাষার উন্নতিকল্পে আরও যত্নবান্ হউন। আপনা কর্তৃক যেন ভাবি বঙ্গসন্তানগণ নিজ দুঃখিনী জননীর অবিরল বিগলিত অশ্রুজল মার্জনে সক্ষম হন। তাঁহাদিগের দ্বারা যেন বঙ্গভাষাকে আর ইংরেজি ভাষা সপত্নীর পদাবনত হইয়া চিরসস্তাপে কালান্তিপাত করিতে না হয়। প্রত্যুত আমরা আপনাকে এই সামান্য উপহার অর্পণ উৎসবে যে এ সকল মহোদয়গণের সাহায্য প্রাপ্ত হইয়াছি ইহাতে তাঁহাদিগের নিকট চিরবাধিত রহিলাম তাঁহারা কেবল আপনার গুণে আকৃষ্ট ও আমাদের উৎসাহে উৎসাহিত হইয়া এখানে উপস্থিত হইয়াছেন। জগদীশ্বরের নিকট প্রার্থনা করি তাঁহারা যেন জীবনের বিশেষ ভাগ গুণগ্রহণে বিনিয়োগ করেন।

কলিকাতা

বিদ্যোৎসাহিনী সভা সভ্যবর্গানাম্।

বিদ্যোৎসাহিনী সভা

২ ফাল্গুন ১৭৮২ শকাব্দ।

এই মানপত্রের উত্তরে মধুসূদন বাংলায় একটি বক্তৃতা করেন।  
তাঁহার বক্তৃতার অনুলিপি নিম্নে দেওয়া হইল :—

বাবু কালীপ্রসন্ন সিংহ মহাশয়, আপনি আমার প্রতি যেরূপ  
সমাদর ও অনুগ্রহ প্রকাশ করিতেছেন, ইহাতে আমি আপনার  
নিকট যে কি পর্য্যন্ত বাধিত হইলাম তাহা বর্ণনা করা  
অসাধ্য।

স্বদেশের উপকার করা মানব জাতির প্রধান ধর্ম। কিন্তু  
আমার মত ক্ষুদ্র মনুষ্য দ্বারা যে এদেশের তাদৃশ কোন অভীষ্ট সিদ্ধ  
হইবেক, ইহা একান্ত অসম্ভবীয়! তবে গুণানুরাগী আপনারা  
আমাকে যে এতদূর সম্মান প্রদান করেন, সে কেবল আমার  
সৌভাগ্য এবং আপনার সৌজ্ঞ্য ও সহৃদয়তা।

বিদ্যাবিশয়ে উৎসাহ প্রদান করা ক্ষেত্রে জলসেচনের ন্যায়।  
ভগবতী বসুমতী সেই জল প্রাপ্তে যাদৃশ উর্বরতরা হন, উৎসাহ  
প্রদানে বিদ্যাও তাদৃশী প্রকৃতি ধারণ করেন। আপনার এই  
বিদ্যোৎসাহিনী সভা দ্বারা এদেশের যে কত উপকার হইতেছে,  
তাহা আমার বলা বাহুল্য।

আমি বক্তৃতা বিষয়ে নিপুণতাবিহীন। সুতরাং আপনার  
এ প্রকার সমাদর ও অনুগ্রহের যথাবিধি কৃতজ্ঞতা প্রকাশে নিতান্ত  
অক্ষম। কিন্তু জগদীশ্বরের নিকট আমার এই প্রার্থনা যেন আমি  
যাবজ্জীবন আপনার এবং এই সামাজিক মহোদয়গণের এইরূপ  
অনুগ্রহভাজন থাকি ইতি।—

‘সোমপ্রকাশ’, ২০ ফেব্রুয়ারি ১৮৬১।

কালীপ্রসন্ন মধুসূদনের প্রকৃত গুণগ্রাহী ছিলেন। কবির সম্বন্ধনা  
করিয়াই তিনি নিজ কর্তব্য শেষ করেন নাই, ‘মেঘনাদবধ কাব্য’ বিশ্লেষণ



করিয়া দেশবাসীর নিকট মধুসূদনের অসাধারণ প্রতিভার পরিচয় দিয়াছিলেন। তিনি লিখিয়াছিলেন :—

বাঙ্গালা সাহিত্যে এবম্বিধকার কাব্য উদ্ভিত হইবে বোধ হয়,  
সরস্বতীও স্বপ্নে জানিতেন না।

“—শুনিয়াছে বীণাধ্বনি দাসী,  
পিকবর রব নব পল্লব মাঝারে  
সরস মধুর মাসে ; কিন্তু নাহি শুনি  
হেন মধুমাখা কথা কভু এ জগতে !”

হায় ! এখনও অনেকে মাইকেল মধুসূদন দত্তজ মহাশয়কে চিনিতে পারেন নাই। সংসারের নিয়মই এই প্রিয় বস্তুর নিয়ত সহবাস নিবন্ধন তাহার প্রতি তত আদর থাকে না, পরে বিচ্ছেদই তদুগ্ধরাজির পরিচয় প্রদান করে ; তখন আমরা মনে মনে কত অসীম যন্ত্রণাই ভোগ করি। অন্ততাপ আমাদের শরীর জর্জরিত করে, তখন তাহারে স্মরণীয় করিতে যত চেষ্টা করি, জীবিতাবস্থায় তাহা মনেও আইসে না।

মাইকেল মধুসূদন দত্তজ জীবিত থাকিয়া যত দিন যত কাব্য রচনা করিবেন, তাহাই বাঙ্গালা ভাষার সৌভাগ্য বলিতে হইবে। লোকে অপার ক্লেশ স্বীকার করিয়া জলধিজল হইতে রত্ন উদ্ধারপূর্বক বহুমানের অলঙ্কারে সন্নিবেশিত করে। আমরা বিনা ক্লেশে গৃহমধ্যে প্রার্থনাধিক রত্নলাভে কৃতার্থ হইয়াছি, এক্ষণে আমরা মনে করিলে তাহারে শিরোভূষণে ভূষিত করিতে পারি এবং অনাদর প্রকাশ করিতেও সমর্থ হই ; কিন্তু তাহাতে মণির কিছুমাত্র ক্ষতি হইবে না। আমরাই আমাদের অজ্ঞতার নিমিত্ত সাধারণে লজ্জিত হইব।—‘বিবিধার্থ-সঙ্গ্রহ,’ আষাঢ় ১৭৮৩ শক, পৃ. ৫৫-৫৬।

মধুসূদনকে অনুসরণ করিয়া সর্বপ্রথম কালীপ্রসন্ন সিংহই অমিত্রাক্ষর ছন্দ ব্যবহার করিয়াছিলেন। তাঁহার ‘হতোম প্যাচার নকশা’র প্রথম ও দ্বিতীয় ভাগের গোড়ায় এই দুইটি কবিতা আছে :—

হে শারদে ! কোন্ দোষে ছুঁষি দামী ও চরণতলে ?  
 কোন্ অপবাধে ছলিলে দামীরে দিয়ে এ সন্তান ?  
 এ কুৎসিতে ! কোন্ লাজে সপত্নী সমাজে পাঠাইব,  
 হেবিলে মা এ কুরূপে—দূষিবে জগৎ—হাঁসিবে  
 সতিনী পোড়া ; অপমানে উভরায়ৈ কাঁদিবে  
 কুমার—সেসময় মনে য্যান থাকে ; চির অনুগত লেখনীরে !  
 হে সজ্জন ! স্বভাবের সুনির্মল পটে,  
 রহস্য রসের বঙ্গে,  
 চিত্রিণু চরিত্র—দেবী সরস্বতী বরে ।  
 রূপাচক্ষে হের একবার ; শেষে বিবেচনা মতে  
 যার যা অধিক আছে ‘তিরস্কার’ কিম্বা ‘পুরস্কার’  
 দিও তাহা গোরে—বহু মানে লব শির পাতি ।

মধুসূদনের সম্বন্ধিনার পর-বৎসরে কালীপ্রসন্ন বিজ্ঞানসাহিনী সভার পক্ষ হইতে পাদরি লঙ্কেও সম্বন্ধিত করিয়াছিলেন। এদেশবাসীর অকৃত্রিম স্নেহরূপে পাদরি লঙ্কে তিনি বিশেষ সম্মান করিতেন। দীনবন্ধু মিত্রের ‘নীলদর্পণ’ ইংরেজীতে প্রচার করার অভিযোগে নীলকরেরা লঙ্কের বিরুদ্ধে মকদ্দমা করিলে কালীপ্রসন্ন স্বয়ং সুপ্রীমকোর্টে গিয়া মকদ্দমার অবস্থা লক্ষ্য করিতেন। এই মকদ্দমায় বিচারপতি সার মর্ড্যান্ট ওয়েল্‌স যখন লঙ্কের এক মাস কারাবাস ও এক হাজার টাকা অর্থদণ্ডের আদেশ করেন ( ২৪ জুলাই ১৮৬১ ), তখন কালীপ্রসন্নই অগ্রসর হইয়া অযাচিত ভাবে সহস্র মুদ্রা আদালতে প্রদান করিয়াছিলেন।

এই ঘটনার কয়েক মাস পরে কালীপ্রসন্ন শুনিলেন—লঙ্ স্বদেশ যাত্রা করিতেছেন। বিদায়ের প্রাক্কালে তিনি বিছোৎসাহিনী সভার পক্ষ হইতে লঙ্কে অভিনন্দন-পত্র দিয়া সম্মানিত করিতে বিশ্বত হন নাই। এই উপলক্ষে ‘হিন্দু পেট্রিয়ট’ ৩ মার্চ ১৮৬২ তারিখে লিখিয়াছিলেন :—

*Saturday, 1st March...The Biddotshahinee Shabha headed by Baboo Kaliprossunno Sing Presented an excellent valedictory address to the Rev. James Long on the day of his departure. The address does honor to those from whom it emanated.*

কল্যাণকর বা সমাজ সংস্কারক অনুষ্ঠানাদির সহিতও বিছোৎসাহিনী সভার যোগ ছিল। পণ্ডিত ঈশ্বরচন্দ্র বিছাসাগর যখন বিধবা বিবাহ প্রচলন সম্পর্কে আন্দোলন উপস্থিত করেন, তখন কালীপ্রসন্ন বিছোৎসাহিনী সভার পক্ষ হইতে তাঁহাকে সাহায্য করিতে অগ্রসর হইয়াছিলেন। কালীপ্রসন্ন বিছাসাগরকে ভক্তি করিতেন; বিছাসাগরও তাঁহাকে পুত্রের ন্যায় স্নেহ করিতেন। ১৮৫৬ খ্রীষ্টাব্দের গোড়ায় যখন বিধবা-বিবাহ আইন জারি করিবার আয়োজন চলিতেছিল, এবং এই প্রস্তাবিত আইনের বিরুদ্ধে আবেদনপত্র পেশ হইতেছিল, তখন বিছোৎসাহিনী সভা বিধবা-বিবাহ সমর্থন করিয়া বহু গণ্যমান্য লোকের স্বাক্ষরযুক্ত একখানি আবেদনপত্র ব্যবস্থাপক-সভায় প্রেরণ করিবার ব্যবস্থা করিতেছিলেন। এই সম্পর্কে ‘সংবাদ প্রভাকর’ লেখেন :—

বিছোৎসাহিনী সভা বিধবা বিবাহ পক্ষে লেজিস্লেটিব কোম্সেলে যে দরখাস্ত দিতে ইচ্ছা করিতেছেন তাহাতে তিন সহস্র ভদ্র লোকের স্বাক্ষর হইয়াছে, যতপি কেহ স্বাক্ষর করিতে ইচ্ছা করেন বিছোৎসাহিনী সভায় আগমন করিলেই স্বাক্ষর পুস্তক পাইবেন। —১২ মে ১৮৫৬। ৫৭ ১৬৬৬০

১৮৫৬ খ্রীষ্টাব্দের জুলাই মাসে বিধবা-বিবাহ-আইন বিধিবদ্ধ হইলে, কালীপ্রসন্ন সংবাদপত্রে ঘোষণা করেন যে, যাহারা বিধবা-বিবাহ করিতে ইচ্ছুক হইবেন, বিদ্যোৎসাহিনী সভা তাঁহাদের প্রত্যেককে এক সহস্র মুদ্রা পুরস্কার দিতে স্বীকৃত আছেন। ২২ নভেম্বর ১৮৫৬ তারিখের 'সংবাদ প্রভাকরে' প্রকাশ :—

বিজ্ঞাপন।—বিদ্যোৎসাহিনী সভা বিধবা বিবাহেচ্ছু ব্যক্তি-বর্গকে জ্ঞাত করিতেছেন যে ১৭৭৭ শকীয় উনবিংশ সভায় সভার অধ্যক্ষ মহোদয়গণ প্রতি বিবাহে এক২ সহস্র মুদ্রা প্রদানে স্বীকৃত হইয়াছেন, অতএব প্রতিজ্ঞা অর্থাৎ সম্বন্ধ নির্বন্ধ পত্রে স্বাক্ষরিত হইলেই বিবাহের পূর্বে বিদ্যোৎসাহিনী সভা সঙ্কলিত অর্থ প্রদান করিবেন। শ্রীকালীপ্রসন্ন সিংহ। বিদ্যোৎসাহিনী সভা সম্পাদক। বিদ্যামাগরের বহুবিবাহ-নিবর্তক আন্দোলনেও ব্যক্তিগত ভাবে কালীপ্রসন্ন সহযোগিতা করিয়াছেন।\*

আরও একটি ব্যাপারে বিদ্যোৎসাহিনী সভার পক্ষ হইতে কালীপ্রসন্ন আন্দোলন করেন। উহা কলিকাতা নগরপ্রান্তে বেঙ্গাদিগের বাসস্থল নির্দেশকরণ সম্বন্ধে। এই প্রসঙ্গে বিদ্যোৎসাহিনী সভার পক্ষ হইতে যে-আবেদনপত্র ব্যবস্থাপক-সভায় পাঠাইবার প্রস্তাব হয়, তাহা ১৯ নবেম্বর ১৮৫৬ তারিখের 'সংবাদ প্রভাকরে' প্রকাশিত হইয়াছিল। আবেদনপত্রখানি এইরূপ :—

---

\* কৌলীন্ড প্রথা রহিত করিবার জন্ত ১ ফেব্রুয়ারি ১৮৬৬ তারিখযুক্ত বহু সহস্র লোকের স্বাক্ষরিত যে দ্বিতীয় আবেদনপত্র রাজদ্বারে প্রেরিত হয়, তাহাতেও কালীপ্রসন্নের স্বাক্ষর আছে।

প্রভাকর সম্পাদক মহাশয় সমীপেষু ।

বিছোৎসাহিনী সভা, কলিকাতা নগরপ্রান্তে বেশাদিগের বাসস্থল নির্দিষ্ট জন্ম লেজিস্লেটিব কোম্পলে আবেদন করিবেন, আবেদনপত্র আপনার নিকট প্রেরণ করিতেছি পাঠকবর্গের বিদিতার্থ প্রভাকরে প্রকাশ করিবেন । শ্রীকালীপ্রসন্ন সিংহ । বিছোৎসাহিনী সভা সম্পাদক ।

নগরপ্রান্তে বেশাগণ বসতিকরণ কারণ বঙ্গদেশবাসিগণের ভারতবর্ষীয় লেজিস্লেটিব কোম্পলে আবেদন ।

মহামহিম ভারতবর্ষীয় ব্যবস্থাপক সমাজের অধ্যক্ষ মহোদয়গণ সমীপেষু ।

নিম্ন স্বাক্ষরিত বঙ্গদেশবাসীদিগের সবিনয় নিবেদন এই যে বিধবা বিবাহ প্রথা প্রচলিত করায় বঙ্গদেশবাসিগণের যে কত উপকার হইয়াছে তাহা বর্ণনাতীত, কারণ দেশের শান্তিরক্ষা ও কুরীতি নিরাকরণ করাই ছত্রধরদিগের উচিত কার্য্য ও তাঁহাদিগের পরম ধর্ম্ম । এক্ষণে পুলিস কর্তৃক যেরূপ শান্তিরক্ষা হইতেছে বর্ণন বাহুল্য, অতি সূচারূপেই হইতেছে তাহার সন্দেহ নাই, নগরীয় যাবতীয় শান্তিরক্ষার মধ্যে বেশাকুল দ্বারা তাহার অনেক অংশের ক্রটি হয়, কারণ বারষোষাকুল সমস্ত রাত্রি মত্তপান দ্বারা গীতবাঁচাদির কোলাহলে এত উৎপাত আরম্ভ করে যে ভদ্রলোক মাঝেই উক্ত পল্লীতে শয়নাগার ত্যাগকরণে বাধ্য হন, চৌর্য্য কার্য্যদ্বারা যে সমস্ত দ্রব্যাদি সংগৃহীত হয় তাহা কেবল ঐ বারললনাগণের ব্যবহার কারণ । রাত্রিকালে মত্ত বিক্রয় যাহা ভয়ানক শাস্তিভঙ্গ তাহা কেবল বারষোষাগণের নিমিত্তে হয়, কলহ, মত্তপান দ্বারা জীবন সংহার, ব্যসন দ্যুতক্রীড়া ইত্যাদি ভয়ানক

অত্যাচার করণ এই বারঞ্জীগণের আলেয়াই সম্পাদিত হয়, আরো বঙ্গীয় যুবকবৃন্দের ইহা স্বভাব সংশোধন বলিলেও বলা যাইতে পারে, কারণ তাহারা কি প্রাতঃকালে কি সায়ংকালে সাবকাশ হইলেই এই কদাচার কর্মে প্রবৃত্ত হয়, বেষ্ঠা সংখ্যায় ক্রমশঃ উন্নতি হইতেছে তাহার তাৎপর্য্য কি কেবল তাহাদিগের প্রতি কোন উক্ত নিয়ম অত্যাচারি প্রচলিত হয় নাই বলিয়াই তাহারা স্বেচ্ছাচারিণী হইয়া যথেষ্ট তাহাই করিতেছে, কেবল যে বেষ্ঠাদিগের সংখ্যা বৃদ্ধি হইবায় এত উৎপাত হইতেছে তাহাও নহে ; বঙ্গদেশীয় ধনবান্গণ স্বীয় স্বীয় বসতবাটীতেও অধিক ভট্টালোভী হইয়া ভদ্রপল্লীমধ্যে বেষ্ঠাগণকে স্থান দান করিয়া অতুল স্বথ প্রাপ্ত হইতেছেন যদ্বারা এক ঘর বেষ্ঠাবৃদ্ধি হইবায় সেই ভদ্রপল্লী একেবারে অভদ্র নিয়মে পরিপূর্ণ হইতেছে অতি নিখিল নিষ্কলঙ্ক ধনবান্ মাগ্ন বংশের প্রাসাদের নিকটেই বেষ্ঠানিকেতন কেবলই ভয়নক ব্যবহার প্রদর্শিত হইতেছে । অতএব হে সভ্য মহোদয়গণ ! আপনারা মনোযোগী হইয়া বেষ্ঠাগণকে নগরের প্রান্তে একত্রে নিবসতির আঞ্জা করুন, নতুবা কোন প্রকারেই ভদ্র ধনবান্গণ এই বিশাল ধনপূর্ণ ভদ্র নগর বাসের উত্তম স্থল বোধ করিতে পারেন না । যদুপি রাজা হইয়া প্রজাদিগের শুভ চীৎকারের সময়ে কালার গায় ব্যবহার করেন তাহা হইলে সেই রাজার রাজত্বের কীর্ত্তি কোন কালেই পতাকা রূপে উড্ডীন হইতে পারে না ।

অতি পূর্বে সোণাগাছি নামক স্থান বেষ্ঠাদিগের বাসস্থল ছিল অত্য়পিও তাহার অনেক প্রমাণ প্রাপ্ত হওয়া যায়, পূর্ব সময়ে যেরূপ শাস্তি রক্ষার নিয়ম ছিল মধ্যে তাহার উল্লেখ না হইবায় একেবারে তাহা মিলিত হইয়া গিয়াছে, অযোধ্যা, কাশী, দিল্লী

ইত্যাदि নগরে এবং ইউরোপীয় নানা নগরে এই প্রকার রীতি প্রচলিত আছে তজ্জন্য আমরা বিনীতভাবে এই নিবেদন করি যে দেশীয় স্বাস্থ্য বৃদ্ধি ও শান্তিকার্য উত্তমরূপে নির্বাহ জন্ম সভ্যমহোদয়েরা মনোযোগী হইয়া বেঞ্জাদিগের নিমিত্ত স্বতন্ত্র পল্লী নির্দিষ্ট করুন যদ্বারা আমাদের ইচ্ছিত বিষয় সুসিদ্ধ হইবে সন্দেহ নাই।

মহোদয়গণ

আমরা আপনাদিগের নিতান্ত অমুগত ভূতা

শ্রীকালীপ্রসন্ন সিংহ।

বিদ্যোৎসাহিনী সভা সম্পাদক।

১৮৫৭ খ্রীষ্টাব্দে বিদ্যোৎসাহিনী সভা জনসাধারণের সুবিধার জন্ম একটি সাধারণ পাঠাগার স্থাপনের আয়োজন করিতেছিলেন। ১২ মার্চ ১৮৫৭ তারিখের 'সমাচার চন্দ্রিকা'য় এই সংবাদ বিজ্ঞাপিত হইয়াছিল :—

পুস্তকালয় সংস্থাপন।—আমরা শুনলাম যোড়াসাঁকো বিদ্যোৎসাহিনী সভার সভ্যেরা এক সাধারণ বা শাখা প্রকাশ্য পুস্তকালয় সংস্থাপন করিবেন, শ্রীযুক্ত বাবু কালীপ্রসন্ন সিংহ তাহাতে উচিত মত সাহায্য করিবেন, এবং আরো অবগতি হইল ঐ সভ্যেরা বর্ধমানাধিপতি বাহাদুরের নিকট সাহায্য প্রার্থনা করিবেন।

## বিদ্যোৎসাহিনী রঙ্গমঞ্চ

বিদ্যোৎসাহিনী সভার আর একটি উল্লেখযোগ্য অঙ্গ—বিদ্যোৎসাহিনী রঙ্গমঞ্চ। ইহার সাহায্যে কালীপ্রসন্ন বাংলায় নাট্যাভিনয় ও নাট্য-সাহিত্যের যথেষ্ট উন্নতি সাধন করেন।

উনবিংশ শতাব্দীর মধ্যভাগে বাংলা নাট্যশালার নবজীবন লাভ হয়। পঞ্চাশ বৎসরেরও অধিক পুরাতন হইলেও এ-পর্য্যন্ত উহা একটা স্থায়ী কীর্ত্তি হইয়া দাঁড়াইতে পারে নাই। এই বিফলতার একটি প্রধান কারণ, বাংলা ভাষায় নাটকের অভাব। এক লেবেডেফ ১৭২৫-২৬ খ্রীষ্টাব্দে ও নবীন বসু ১৮৩৫ খ্রীষ্টাব্দে তাঁহাদের নাট্যশালায় বাংলা নাটকের অভিনয় করান; অত্র সকলেই শেক্সপীয়রের নাটক অথবা কোন সংস্কৃত নাটকের ইংরেজী অনুবাদ অভিনয় করাইয়াছিলেন। কিন্তু ১৮৫৭ খ্রীষ্টাব্দে কলিকাতায় একসঙ্গে একাধিক রঙ্গমঞ্চে বাংলা নাটকের অভিনয় আরম্ভ হইল; তন্মধ্যে কালীপ্রসন্ন সিংহের বিদ্যোৎসাহিনী রঙ্গমঞ্চের নাম বিশেষভাবে উল্লেখযোগ্য।

বিদ্যোৎসাহিনী রঙ্গমঞ্চ কালীপ্রসন্নের উদ্যোগেই ১৮৫৬ খ্রীষ্টাব্দে প্রতিষ্ঠিত হয়; ইহা বিদ্যোৎসাহিনী সভার সহিত সংযুক্ত ছিল।\* পর-বৎসরের ১১ই এপ্রিল শনিবার এই রঙ্গমঞ্চের দ্বার উন্মোচিত হয় ও সেই তারিখে উহাতে প্রথম অভিনীত হয় ভট্টনারায়ণ-রচিত 'বেণীসংহার' নাটকের রামনারায়ণ তর্করত্ন-কৃত একটি বাংলা অনুবাদ। এই অভিনয় সম্বন্ধে 'সংবাদ প্রভাকরে' নিম্নোক্ত বিবরণটি প্রকাশিত হয় :—

যুগলমেতু নিবাসি সিংহবাবুদিগের ভবনে গত শনিবার [ ১২ এপ্রিল ] সন্ধ্যার পর মহাসমারোহে নাট্যক্রীড়া হইয়াছিল, সুপ্রিয় কোর্টের বিচারপতি স্ত্রীর আরথর বুলার সাহেব, ইণ্ডিয়া গবর্নমেন্টের প্রধান সেক্রেটারী মেং সিসিল বিডন সাহেব প্রভৃতি ৫১৭ জন প্রধান ইংরাজ এবং নগরীর অনেক আঢ্য মহাশয়েরা ঐ নাট্যক্রীড়া দর্শনে গমন করিয়াছিলেন, তাঁহারা সকলেই নাট্য কোঁতুক দর্শনে সন্তুষ্ট

\* "The Bidyotshahinee Theatre is in the second year of its existence."—*Hindoo Patriot*, 3 Decr. 1857.



হইয়াছেন, এবং বাবুরা সাহেবদিগকে পান ভোজনে পরিতোষ করিয়াছেন।—১৫ এপ্রিল ১৮৫৭, বুধবার।

‘বেণীসংহার’ নাটকের অভিনয়ে কালীপ্রসন্ন নিজেও একটি ভূমিকা গ্রহণ করিয়াছিলেন এবং তাঁহার অভিনয় খুব প্রশংসনীয় হইয়াছিল। প্রশংসায় উৎসাহিত হইয়া তিনি স্বয়ং নাটক-রচনায় প্রবৃত্ত হন এবং ১৮৫৭ খ্রীষ্টাব্দের সেপ্টেম্বর মাসে কালিদাসের ‘বিক্রমোর্ধ্বী’র অনুবাদ পুস্তকাকারে প্রকাশ করেন। ইহার “বিজ্ঞাপন” পাঠে আমরা নাটক-রচনার উদ্দেশ্য ও বিদ্যোৎসাহিনী রঙ্গভূমির কথা জানিতে পারি :—

বাঙ্গলা নাটকের অনুরূপ বহুকালাবধি বঙ্গবাসিগণ দর্শন করেন নাই, কারণ অতি পূর্বকালে মহাকবি কালিদাসাদির দ্বারা যে সমস্ত সংস্কৃত নাটক রচিত হয়, তাহারই অনুরূপ হইত, পরে প্রায় দুই তিন শত বৎসর অতীত হইল সংস্কৃত ভাষায় নাটক ও অনুরূপাদি এককালেই রহিত হইয়াছে, সেই অবধি আর কোন ধনবান্ ভবনে নাটকাদির অভিনয় হয় নাই। পরে সেক্সপিয়র ও অগাণ্ড ইংরাজি নাটকাদি বঙ্গদেশে অভিনয় হইলে হিন্দুগণের সংস্কৃত ও বাঙ্গলা নাটকের অনুরূপ করিতে ইচ্ছা হয়। উইলসন্ সাহেব লেখেন প্রায় অশীতিবর্ষ অতীত হইল কৃষ্ণনগরাধিপতি ৩প্রাপ্ত শ্রীযুক্ত রাজা ঈশ্বরচন্দ্র রায় বাহাদুরের ভবনে চিত্রযজ্ঞ নামক এক সংস্কৃত নাটকের অনুরূপ হয়, কিন্তু রঙ্গভূমির নিয়মাদির অনুবর্তী হইয়া অভিনয় করেন নাই, ও সংস্কৃত ভাষায় লিখিত হইবার কারণ অনেকের মনোরঞ্জন হয় নাই।

এক্ষণে এই বিদ্যোৎসাহিনী সভার অধীনস্থ রঙ্গভূমিতে বঙ্গবাসি-গণ পুনরায় বাঙ্গলা নাটকের অনুরূপ দর্শনে পারগ হইলেন। প্রথমতঃ বিদ্যোৎসাহিনী রঙ্গভূমিতে ভট্টনারায়ণ প্রণীত বেণীসংহার

নাটকের শ্রীযুক্ত রামনারায়ণ ভট্টাচার্য্য কৃত বাঙ্গলা অনুবাদের অভিনয় হয়, যে মহাত্মারা উক্ত অভিনয় সময়ে রঙ্গভূমিতে উপনীত ছিলেন, তাঁহারা ই তাহার উত্তমতার বিষয়ে বিবেচনা করিবেন, ফলে মাণ্ডবর নটগণ যথাবিহিত নিয়ম ক্রমে অনুরূপ করায় দর্শক মহাশয়দিগের প্রীতিভাজন ও শত শত ধন্যবাদের পাত্র হইয়াছেন।

পরে উপস্থিত দর্শক মহোদয়গণের নিতান্ত আগ্রহাতিশয়ে এবং তাঁহাদিগের অনুরোধ বশতঃ পুনরায় বিছোৎসাহিনী সভার অধীনস্থ রঙ্গভূমিতে অনুরূপ কারণই বিক্রমোর্কশী অনুবাদিত ও প্রকাশিত হইল, এক্ষণে বিছোৎসাহী মহোদয়গণের পাঠযোগ্য এবং নাগরীয় অন্যান্য রঙ্গভূমির অনুরূপ যোগ্য হইলে আমাব শ্রম সফল হইবে।

২৪ নবেম্বর ১৮৫৭ তারিখে বিছোৎসাহিনী রঙ্গমঞ্চে বিক্রমোর্কশী নাটক মহাসমারোহে অভিনীত হয়। কালীপ্রসন্ন স্বয়ং পুরুরবার ভূমিকা কৃতিত্বের সহিত অভিনয় করিয়াছিলেন।

১৮৫৮ খ্রীষ্টাব্দে কালীপ্রসন্ন সিংহের 'সাবিত্রী সত্যবান নাটক' প্রকাশিত হয়। এখানি তাঁহার নিজস্ব রচনা—কোন সংস্কৃত নাটকের অনুবাদ নহে। এই বৎসরের ৫ই জুন বিছোৎসাহিনী রঙ্গমঞ্চে নাটকখানির মহলা দেওয়া হইয়াছিল, 'সংবাদ প্রভাকরে'র নিয়োদ্ধৃত অংশ হইতে এ-কথা জানা যাইবে :—

আগামী শনিবার ৭ ঘণ্টার সময় কলিকাতা বিছোৎসাহিনী সভার রঙ্গভূমিতে শ্রীযুত বাবু কালীপ্রসন্ন সিংহ প্রণীত সাবিত্রী সত্যবান নাটকের আভিনয়িক পাঠ হইবেক। এক্ষণে প্রথা বঙ্গবাসিগণের মধ্যে প্রচলিত নাই, তবে ইংরাজী সেক্সপিয়র প্রভৃতি নাটক যেরূপ পাঠিত হইয়া থাকে ইহাও সেইরূপে পাঠিত হইবেক

অধিকন্তু ইহাতে বিস্তর গীত সংযোজিত হইবায় তাহা যন্ত্রের সহিত মিলাইয়া গান করা যাইবেক ।—৪ জুন ১৮৫৮, শুক্রবার ।

শুধু নাট্যকলা নহে, সঙ্গীতের উন্নতিকল্পেও কালীপ্রসন্নের লক্ষ্য ছিল । হিতেন্দ্রনাথ ঠাকুর “৮কালীপ্রসন্ন সিংহ” প্রবন্ধে লিখিয়াছেন :—

একজন বিশিষ্ট গায়কের মুখে শুনিয়াছি যে বিখ্যাত মহাভারতের অনুবাদক ৮কালীপ্রসন্ন সিংহ মহাশয় স্বাভাবিক অলাবুর তুন্দের অনুকরণে কাগজের তুন্স প্রস্তুত করাইয়াছিলেন । তাহা তাঁহার বৃহৎ অট্টালিকাস্থ বৈঠকখানার মজলিসে আনা হইয়াছিল, তৎসাহায্যে গাওনাও হইয়াছিল । কাগজের তুন্স অনেকটা শুষ্ক অলাবু তুন্দের কাছাকাছি যায় ; কিন্তু কাষ্ঠের করিলে সেরূপ হয় না ।

৮কালীসিংহ মহাশয়ের তাম্বুর নামক কলাবতী বীণার এরূপ কাগজের তুন্সী নির্মাণের চেষ্টার জন্য সমস্ত সঙ্গীত সমাজ তাঁহার নিকট কৃতজ্ঞ ।—‘পুণ্য’, পৌষ-মাঘ ১৩০৫, পৃ. ১২৩ ।

## সাময়িক-পত্র পরিচালন

গ্রন্থাদি রচনা ব্যতীত সাময়িক-পত্র পরিচালনেও কালীপ্রসন্ন প্রভূত কৃতিত্ব প্রদর্শন করেন । যে-সকল সাময়িক-পত্রের সহিত তিনি সংশ্লিষ্ট ছিলেন, সেগুলির পরিচয় দিতেছি ।

### ‘বিদ্যোৎসাহিনী পত্রিকা’

কালীপ্রসন্ন বিদ্যোৎসাহিনী সভার মুখপত্র-স্বরূপ ‘বিদ্যোৎসাহিনী পত্রিকা’ নামে একখানি মাসিক পত্রিকা প্রকাশ করেন । ইহার প্রতি সংখ্যার মূল্য ছিল এক আনা, সভার সভ্যবৃন্দ, বিনামূল্যে এক খণ্ড করিয়া

পাইতেন। ইহাতে কালীপ্রসন্নের রচনাবলী—বিশেষতঃ যে-সকল প্রবন্ধ তিনি বিদ্যোৎসাহিনী সভাতে পাঠ করিতেন, তাহা মুদ্রিত হইত।

‘বিদ্যোৎসাহিনী পত্রিকা’র প্রথম সংখ্যার প্রকাশকাল—২০ এপ্রিল ১৮৫৫। পত্রিকার মলাটের উপর মুদ্রিত থাকিত :—

বিদ্যোৎসাহিনী পত্রিকা। মাসিক প্রকাশ। শ্রীকালীপ্রসন্ন সিংহ দ্বারা বিরচিত। বাঙ্গাল সুপিরিয়ার যন্ত্রে মুদ্রিত।

এই সংখ্যায় “বিজ্ঞপনে” কালীপ্রসন্ন লিখিয়াছিলেন :—

যদিও আমার তাদৃশ বঙ্গভাষায় ব্যুৎপত্তি হয় নাই, তথাপি বিদ্যাবস্তু ব্যক্তিব্যাহের উৎসাহে এই কৰ্ম্মে প্রবৃত্ত হইলাম।

‘বিদ্যোৎসাহিনী পত্রিকা’র প্রতি সংখ্যায় ১০ পৃষ্ঠা পরিমাণ লেখা থাকিত। প্রথম দুই সংখ্যায়—সভ্যতার বিষয়, চাঞ্চল্য; বাল্য-বিবাহ, কোলীণ ও বিজাতীয় রাজগণের অধীনে ভারতবর্ষের অবস্থা—এই কয়টি প্রবন্ধ আছে। কালীপ্রসন্নের বাল্যরচনার নিদর্শন-স্বরূপ শেষোক্ত প্রবন্ধটি হইতে কয়েক পংক্তি উদ্ধৃত করিতেছি :—

...মুসলমান রাজারা রাজনীতি অনভিজ্ঞ ছিলেন, প্রজাদিগকে কিরূপ পালন করিতে হয় তাহা না জানাতে পালন স্থলে পীড়ন করিতেন, এবং এই দোষেই তাহাদিগের রাজ্য নষ্ট হয়। হিন্দু প্রজারা আর সহ্য কবিতেন না পারিয়া আপনাদিগকে পরিত্রাণ নিমিত্ত ইংরাজদিগকে আহ্বান করিয়া বাঙ্গালারাজ্য অধিকার করিবার সূচনায় করিয়া দিলেন কিন্তু ব্রিটিশ্ গবর্ণমেণ্টও বিজাতীয় পক্ষপাতশূন্য নহেন। মুসলমানদিগের অধীনে পরিশ্রমের ফলভোগ করিতে পাওয়া যাইত না বলিয়া কেহ পরিশ্রম করিত না। কিন্তু এক্ষণে বিবেচনা হয় তাহাও ভাল ছিল। এক্ষণে অবাধে বিদ্যার বিমল জ্যোতিতে সকলের মন উজ্জ্বল হইতেছে কিন্তু

কি মনস্তাপ! যে ইংরাজদিগের সমকৃতবিদ্য হইলেও তাহারদিগের  
 গায় উচ্চ পদ প্রাপ্ত হওয়া যায় না। এক জন ইংরাজ যে কৰ্ম  
 করে যদি সেই কৰ্ম এক জন বাঙ্গালি নির্বাহ করেন তাহা হইলেও  
 তাহার বেতন সেই ইংরাজের গায় হইবে না, সমান বেতন পাওয়া-  
 দূরে থাকুক অপেক্ষাকৃত পারগ হইলেও সে পদ তাঁহার পাইবার  
 বিষয় কি, ইহাকে কি বিজাতীয় পক্ষপাত বল না। এক্ষণে একবার  
 আকবর বাদশাকে স্মরণ করি, তাঁহার সময়ে যোগ্য ব্যক্তি হইলেই  
 রাজ্যের গুরুতর কৰ্মের ভার গ্রহণ করিতে পারিত, হিন্দু কি  
 মুসলমান তাহার বিচার ছিল না। তাঁহার বিদ্যাই পূজ্য হইত,  
 যেমন একচন্দ্র গগনমণ্ডলে উদয় হইয়া পৃথিবীর সকল অন্ধকার  
 হরে, সেইরূপ তিনি উদয় হইয়া পূৰ্বমত মুসলমানদিগের, রাজধৰ্ম্ম  
 অনভিজ্ঞতা রূপ যে অন্ধকার ছিল, তাহা হরিয়াছিলেন দেখ  
 ব্যবস্থাপক কোনসলে এক্ষণে প্রজাদিগের কোন হাত না থাকাতে  
 কত অমঙ্গলের সম্ভাবনা কোন আইন প্রচার কালে প্রজাদিগের  
 মত গ্রহণ হয় না ইহাতে তাহারা কোন নিয়ম অকল্যাণকর জ্ঞান  
 করিলেও স্তব্ধ থাকে পরন্তু মুসলমানদিগের প্রতি কোন দোষারোপ  
 করা যাইতে পারে না তাহারা যে কালে রাজা ছিল সে কালে  
 অসভ্যতাই সবল ছিল কিন্তু এইক্ষণে অসভ্যতা দূর হইয়া সভ্যতার  
 সোপান বর্দ্ধিত হইতেছে। আমাদিগের ব্রিটিশ, গবর্ণমেন্ট সভ্য  
 বলিয়া লোকবিখ্যাত আছেন অতএব বিজাতীয় পক্ষপাত থাকিতে ঐ  
 বিষয়ে গবর্ণমেন্ট সভ্য বলিয়া পরিচয় দিতে অবশ্যই লজ্জা পাইবেন।  
 'বিদ্যোৎসাহিনী পত্রিকা' এক বৎসরেরও অধিক কাল জীবিত ছিল।  
 ২৮ মে ১৮৫৬ তারিখের 'সংবাদ প্রভাকরে' ১২৬৩ সালের "জ্যৈষ্ঠ মাসীয়  
 বিদ্যোৎসাহিনী পত্রিকার বিধবা-বিবাহ বিষয়ক প্রবন্ধটি" উদ্ধৃত হইয়াছে।

## ‘সর্বতত্ত্ব প্রকাশিকা’

১৮৫৬ খ্রীষ্টাব্দের জুলাই (?) মাসে ‘সর্বতত্ত্ব প্রকাশিকা’ নামে একখানি মাসিক পত্র প্রকাশিত হয়। পরবর্তী ৬ই আগস্ট ঈশ্বরচন্দ্র গুপ্ত ‘সংবাদ প্রভাকরে’ লেখেন :—

‘সর্বতত্ত্ব প্রকাশিকা’ অর্থাৎ প্রাণি বিদ্যা, ভূতত্ত্ব বিদ্যা, ভূগোল বিদ্যা ও শিল্প সাহিত্যাদি ছোটক মাসিক পত্রিকা। ইত্যভিধেয় এক খানি নূতন পত্রিকা আমরা প্রাপ্ত হইয়া তাহার আছোপান্ত পাঠ করিয়া পরম মনুষ্ট হইয়াছি, পত্রিকা প্রকাশক বা প্রকাশকগণ যে যে বিষয় লিখিয়াছেন তাহার প্রায় সমুদায়ংশকেই উত্তম বলিতে হইবেক, যেহেতু তাহাতে সুসাদু সরল বঙ্গভাষায় অতি পরিষ্কাররূপে অভিপ্রায় সকল ব্যক্ত হওয়াতে ঐ পত্রিকা সর্ব সাধারণের পাঠোপযোগী হইয়াছে, বিশেষতঃ ‘কুতর্ক-দমন’ নামক প্রথম প্রস্তাব সর্বোৎকৃষ্ট হইয়াছে, ।

বিদ্যোৎসাহিনী সভা-সম্পাদক কালীপ্রসন্নই যে ‘সর্বতত্ত্ব প্রকাশিকা’ প্রকাশ করেন, ‘বঙ্গবিদ্যা প্রকাশিকা পত্রিকা’র নিম্নোক্ত অংশ হইতে তাহার আভাস পাওয়া যায় :—

সমাচার ।...বিদ্যোৎসাহিনী সভা-সম্পাদক সর্বতত্ত্ব প্রকাশিকা নামক এক মাসিক পত্রিকা প্রকাশ করিয়াছেন ।—১ম খণ্ড, ৮ সংখ্যা, ১২৬৩ ।

## ‘বিবিধার্থ-সঙ্গহ’

ইহার পর আমরা কালীপ্রসন্নকে আর একখানি মাসিক পত্র সম্পাদন করিতে দেখি; ইহা ‘বিবিধার্থ-সঙ্গহ’। রাজেন্দ্রলাল মিত্র এই পত্রিকার প্রথম ৬ পর্ক সম্পাদন করিয়াছিলেন। কালীপ্রসন্ন ৭ম পর্ক সম্পাদন

করেন। সম্পাদন-ভার গ্রহণ করিয়া তিনি প্রথম সংখ্যায় (বৈশাখ, ১৭৮৩ শক) ভূমিকা-স্বরূপ যাহা লেখেন,, তাহার কিয়দংশ উদ্ধৃত করিতেছি :—

১৭৭৬ [ ১৭৭৩ ? ] শকে বঙ্গভাষানুবাদক-সমাজের আনুকূল্যে শ্রীযুক্ত বাবু রাজেন্দ্রলাল মিত্র কর্তৃক বিবিধার্থ-সঙ্গ্ৰহ প্রথম প্রকাশিত হয়, এবং তদবধি ক্রমাগত ছয় বৎসর যথানিয়মে উদিত হইয়া আসিতেছে। কেবল মধ্যে কিয়ৎকাল বঙ্গভাষানুবাদক-সমাজের অর্থক্লম্ব উপস্থিত হওয়ায় তাহার অন্তথা হইয়াছিল...বিবিধার্থ কি বিঘাবতী রমণীকুল কি তত্ত্বদর্শী পণ্ডিতসমাজ, সর্বত্রই তুল্য সম্মানে পরিগৃহীত হইয়াছে; এমন কি বর্ণ-পরিচয়বিহীন বালকগণও শুদ্ধ চিত্র দর্শনাভিলাষে বিবিধার্থের প্রকাশ-কাল প্রতীক্ষা করিয়াছে।...

বিবিধার্থ এতাবৎ কাল যাহার অবিচলিত অধ্যবসায় ও প্রযত্নে পূর্বোল্লিখিত বহুতর জ্ঞানগর্ভ রচনাবলীর আন্দোলনে পাঠকবর্গের স্নেহভাজন হইয়াছে—যিনি বাঙ্গালিভাষারে বিবিধ তত্ত্বালঙ্কারে অলঙ্কৃত করিয়া স্বদেশের গৌরব বর্দ্ধন করিয়াছেন—এক্ষণে তিনি এতৎ পত্রের সম্পাদকীয় পদ পরিত্যাগ করায় বিবিধার্থ বিলক্ষণ ক্ষতি স্বীকার করিয়াছে। জন্মদাতা হইতে স্বতন্ত্রিত ও সহসা অপরিচিত-হস্তে গুস্ত হওয়াতে অনেকে ইহার স্থায়িত্ব বিষয়ে সন্দেহ করিতে পারেন; বিশেষত শ্রীযুক্ত বাবু রাজেন্দ্রলাল মিত্র মহাশয়ের পরিবর্তে তৎপদে অপর ব্যক্তির সূশৃঙ্খলে কার্য্য নির্বাহ করা নিতান্ত সহজ ব্যাপার নহে। বিবিধার্থ যে প্রকার পত্র, মিত্র মহাশয়ই তাহার উপযুক্ত পাত্র ছিলেন; অনুবাদক-সমাজ, বিবিধার্থ সহৃদয়-সমাজের স্নেহভাজন ও পাঠকমণ্ডলীর নিতান্ত নিস্প্রয়োজনীয়

নহে জানিয়াই অগত্যা আমারে তৎপদে প্রতিষ্ঠিত করিয়াছেন ; কিন্তু বিবিধার্থ-সম্পাদন-পদ স্বীকার করিয়া আমি অসমসাহসিকতার কার্য করিয়াছি। সাহিত্য-সংসারে আমার নাম অশ্রুতপূর্ব ; স্মরণীয় এতাদৃশ অসদৃশ গুরু ভার মাদৃশ জন দ্বারা অব্যাঘাতে নির্বাহিত হইবে এমত আশা করা যায় না ; কেবল ভূতপূর্ব সম্পাদক গন্তব্য পথ পরিষ্কার করিয়া গিয়াছেন ভরসা আছে, আমি সাবধানে সেই পথে তাঁহার অনুসরণ করিলে ক্রমে পাঠকবর্গের মনোরঞ্জে সমর্থ হইব। সচ্ছিত্র মণিখণ্ডে সূত্র প্রবেশনের ন্যায় আমার পক্ষে অস্বলভ হইবে না।...শ্রীকালীপ্রসন্ন সিংহ। বিবিধার্থ-সঙ্গ্রহ-সম্পাদক।

কালীপ্রসন্ন ৭ম পর্ব 'বিবিধার্থ-সঙ্গ্রহে'র মাত্র আটটি সংখ্যা— বৈশাখ-অগ্রহায়ণ ১৭৮৩ শক\* সম্পাদন করিয়াছিলেন। তাহার পর উহা আর প্রকাশিত হয় নাই। না হইবার কারণটিও আমরা জানিতে পারিয়াছি।

'নীলদর্পণ' নাটক ইংরেজীতে প্রচার করার অভিযোগে নীলকরেরা পাদরি লঙ্কে রাজদ্বারে দণ্ডিত করেন,—এ কথা পূর্বেই বলিয়াছি। এই সময়ে কালীপ্রসন্ন গবর্মেণ্টের অর্থানুকূলে পরিচালিত 'বিবিধার্থ-সঙ্গ্রহে' ( আষাঢ় ১৭৮৩ শক ) 'নীলদর্পণ' নাটকের বিস্তারিত সমালোচনা প্রকাশ করায় কর্তৃপক্ষ রুষ্ট হন, ফলে অল্প দিন পরেই পত্রিকাখানির মৃত্যু ঘটয়াছিল। 'এডুকেশন গেজেট' সম্পর্কে, ৩ সেপ্টেম্বর ১৮৭৯

\* 'বিবিধার্থ সঙ্গ্রহে'র ৭ম পর্বের বৈশাখ ও জ্যৈষ্ঠ সংখ্যায় ভুলক্রমে "১৭৮২ শক" মুদ্রিত হইয়াছে।



তারিখের 'সংবাদ পূর্ণচন্দ্রোদয়ে' সম্পাদক যে মন্তব্য করেন, তাহাতে 'বিবিধার্থ-সংগ্রহ' সম্বন্ধে এই সংবাদ আছে :—

“প্যারি বাবু [ প্যারীচরণ সরকার ] দেখিলেন এ পত্রে আপন অভিপ্রায়মত প্রস্তাবাদি লিখিলে বেঙ্গল গবর্ণমেন্ট বিরক্ত হইয়া উঠেন, তজ্জন্যই তিনি মানে মানে ইহার সম্পাদকীয়তা পরিত্যাগ করেন। বিবিধার্থ সংগ্রহ নামে আর একখানি গবর্ণমেন্ট সংক্রান্ত সংবাদ পত্র ছিল। কিয়দিবসের নিমিত্ত বাবু কালীপ্রসন্ন সিংহ মাহোদয় তাহার সম্পাদক হইয়াছিলেন। সম্পাদক বাবু বিবিধার্থে নীলকরদিগের গ্লানি প্রকাশ করায় গবর্ণমেন্ট যার পর নাই অসন্তুষ্ট হইয়া উঠেন, এবং সেই সূত্রেই বিবিধার্থের বিনাশ হয়।”

### ‘পরিদর্শক’

কালীপ্রসন্ন একখানি দৈনিক সংবাদপত্রও কিছু দিন পরিচালন করিয়াছিলেন। পত্রখানির নাম ‘পরিদর্শক’। জগন্মোহন তর্কালঙ্কার ও মদনমোহন গোস্বামীর সম্পাদনায় ইহা ১৮৬১ খ্রীষ্টাব্দের জুলাই (?) মাসে প্রথম প্রচারিত হয়। ১৪ নবেম্বর ১৮৬২ ( ১ অগ্রহায়ণ ১২৬৯ ) হইতে কালীপ্রসন্ন ‘পরিদর্শক’ পত্রের সম্পাদক হন, সঙ্কে সঙ্কে পত্রের কলেবরও বৃদ্ধি পাইয়াছিল। ‘সোমপ্রকাশ’ লিখিয়াছিলেন :—

পরিদর্শকের সম্পাদক পরিবর্ত্ত ও কলেবর বৃদ্ধি।—এই অগ্রহায়ণ মাসের প্রথম দিনাবধি পরিদর্শকের সম্পাদক পরিবর্ত্ত ও কলেবর বৃদ্ধি হইয়াছে। এ দুটাই আমাদের আনন্দের হেতু হইয়াছে। পরিদর্শক দৈনিক পত্র। পাঠকগণ দৈনিক পত্র দ্বারা বহু বিষয় অবগত হইবার বাসনা করেন। কিন্তু এত দিন উহার যেরূপ ক্ষুদ্র অবয়ব ছিল, তাহাতে তাঁহাদিগের মনোরথ পূর্ণ হইবার

সম্ভাবনা ছিল না। এখন উহার আকার বৃদ্ধি হইয়াছে। এখন জ্ঞাতব্য অনেক বিষয় উহাতে সমাবেশিত হইবে। দ্বিতীয় আঙ্কলারের বিষয় এই, শ্রীযুক্ত বাবু কালীপ্রসন্ন সিংহ সম্পাদকতা ভার গ্রহণ করিয়াছেন। বঙ্গভাষার উন্নতি কল্পে তাঁহার সবিশেষ অকুরাগ ও যত্ন আছে। তিনি লাভার্থী নহেন। পরিদর্শকের আয়ের ন্যূনতা দর্শন করিলে তিনি যে ভগ্নোৎসাহ হইবেন, সে সম্ভাবনা নাই। বৃহদাকার পত্রের নিত্য কার্য সমাধান স্বল্পব্যয়সাধ্য নয়, জগদীশ্বরের রূপায় তাঁহার তৎসম্পাদন সামর্থ্যও আছে। আমরা প্রথমাবধি কয়েক খানি পরিদর্শক অভিনিবেশ পূর্বক পাঠ করিলাম। যে যে প্রস্তাব লিখিত হইয়াছে, প্রায় তাহার সমুদায়গুলি অতিশয় হৃদয়গ্রাহী হইয়াছে।—‘সোমপ্রকাশ,’ ২৪ নবেম্বর ১৮৬২।

কিন্তু কয়েক মাস যাইতে-না-যাইতেই কালীপ্রসন্ন ‘পরিদর্শক’ বন্ধ করিয়া দিলেন। ইহাতে ‘সোমপ্রকাশ’ ( ১৬ ফেব্রুয়ারি ১৮৬৩ ) দুঃখ করিয়া লিখিয়াছিলেন :—

আমরা অতিশয় দুঃখিত হইলাম, পরিদর্শক অকালে দেহ পরিত্যাগ করিয়াছে। বাঙ্গালা ভাষায় এক খানিও উৎকৃষ্ট দৈনিক সম্বাদ পত্র নাই। পরিদর্শককে দেখিয়া আমাদের কথঞ্চিৎ এই আশা জন্মিয়াছিল যে ইহা ক্রমে সেই ক্ষোভ দূর করিতে সমর্থ হইবে, কিন্তু তাহাও উন্মূলিত হইল। সম্পাদক বিরক্ত হইয়া পরিদর্শক উঠাইয়া দিলেন। তিনি বিরাগের যে যে কারণ নির্দেশ করিয়াছেন, গ্রাহকগণের অনাদর উহার অন্ততর বলিয়া উপগৃহ্য হইয়াছে।...আমরা সম্পাদকের একটা সক্ষোভ অসুচিত প্রতিজ্ঞা দেখিয়া যার পর নাই ক্ষুব্ধ হইলাম। তিনি প্রতিজ্ঞা করিয়াছেন, বাঙ্গালি সমাজের এরূপ অবস্থা থাকিতে তিনি আর বাঙ্গালিদিগের

উপকার করিবেন না। তাঁহার সদৃশ দেশহিতৈষী উদারস্বভাব ব্যক্তির। যদি এরূপ প্রতিজ্ঞা করেন, তবে কাহা হইতে সমাজের অবস্থা সংশোধিত হইবে ?

### রচনা—পুস্তক ও প্রবন্ধ

কালীপ্রসন্ন লিখিয়াছেন, “এই ভারতবর্ষে কত কত মহাবলপরাক্রান্ত রাজাধিরাজেরা সুদূরবিস্তৃত পস্থা, সুদীর্ঘ দীর্ঘিকা ও দুর্গম দুর্গ স্থাপন করিয়া গিয়াছেন ; কিন্তু কালের ভীষণ দশনে সেই সকলেরই কিছুমাত্র চিহ্ন থাকিবে না। কত কত সুসমৃদ্ধ জনপদ গহন বিপিনে পরিণত ও নদীগর্ভে বিলীন হইয়া গিয়াছে। সুতরাং কেবল জ্ঞানচিহ্নস্বরূপ গ্রন্থাদি ভিন্ন অপর কীর্ত্তিমাাত্রই বিনশ্বর। গ্রন্থাদি ভাষার সহিত চিরদিন বর্তমান থাকে এবং নবাবিভূত লোকের নিকট চিরদিন নবীন বলিয়া প্রতীত হয়।” জ্ঞানচিহ্নস্বরূপ তিনি যে-সকল গ্রন্থ রচনা করিয়া গিয়াছেন, সেগুলি—বিশেষ করিয়া ‘হতোম প্যাচার নকশা’ ও অষ্টাদশ পর্ক মহাভারতের গজ-অনুবাদ—তাঁহার অবিনশ্বর কীর্ত্তি। কালানুসারে তাঁহার গ্রন্থাবলীর একটি তালিকা দিতেছি :—

১। বাবু নাটক। ইং ১৮৫৪।

১৪ ডিসেম্বর ১৮৫৫ তারিখের ‘সংবাদ প্রভাকরে’ মুদ্রিত নিম্নোক্ত বিজ্ঞাপন হইতে নাটকখানির কথা জানা যায় :—

পূর্বে প্রায় দুই বৎসর গত হইল আমি একবার বাবু নাটক নামক গ্রন্থ রচিয়া প্রকাশ করি কিন্তু তাহা এক্ষণে এমত দুঃখাপ্য হইয়াছে যে কত লোক চারি মুদ্রা স্বীকার করিয়াও পান নাই,

অতএব আমি পুনরায় মুদ্রিত করিবার অভিলাষি, যতপি কেহ গ্রাহক শ্রেণীতে ভুক্ত হইতে ইচ্ছা করেন তিনি বিদ্যোৎসাহিনী সভায় নাম ধাম লিখিয়া পাঠাইলে তাঁহাকে গ্রাহকগণ মধ্যে গণ্য করা যাইবেক মূল্য ৥০, বিনা স্বাক্ষরকারী ৫০ মাত্র। শ্রীকালীপ্রসন্ন সিংহ। সম্পাদক।

২। বিক্রমোর্কশী নাটক। সেপ্টেম্বর, ১৮৫৭। পৃ. ৮৫।

বিক্রমোর্কশী নাটক। মহাকবি কালীদাস বিরচিত। শ্রীযুক্ত কালীপ্রসন্ন সিংহ কর্তৃক মূল সংস্কৃত গ্রন্থ হইতে বাঙ্গালা ভাষায় অনুবাদিত। কলিকাতা বিদ্যোৎসাহিনী সভার কারণ। তত্ত্ববোধিনী সভার যন্ত্রে শ্রীযুক্ত আনন্দচন্দ্র বেদান্তবাগীশ দ্বারা মুদ্রিত। ১৭৭২ শক।

৩। সাবিত্রী সত্যবান নাটক। ইং ১৮৫৮। পৃ. ১৭০ + ২৮।

*Shabitree Shotyobhan Natuck, A Comedy By Kaliprossono Sing Member of the Asiatic and Agricultural and Horticultural Societies of India, and of the British Indian Association, and President of the Bedoyth Shahine Shobha of Calcutta, etc. etc. Calcutta Printed by G. P. Roy & Co, for Bedoyth Shahine Shobha, No. 67 Emaumbarry Lane, Cossitollah. 1858.*

সাবিত্রী সত্যবান নাটক। শ্রীযুক্ত কালীপ্রসন্ন সিংহ প্রণীত। কলিকাতা। জি, পি, রায় এণ্ড কোং দ্বারা বিদ্যোৎসাহিনী সভার কারণ মুদ্রিত, কসাইটোলা এমামবাড়ী লেন নং ৬৭। শকাব্দ ১৭৮০ বিনা মূল্যে বিতরিতব্যং।

ইহাতে “মহাভারতীয় বনপর্কাস্তর্গত পতিব্রতোপাখ্যানের সাবিত্রী চরিত হইতে কেবল মর্ম মাত্র পরিগৃহীত হইয়াছে”।

৪। মালতী মাধব নাটক। ইং ১৮৫৯। পৃ. ৯০+৯১।

*Malatee Mudhaba A Comedy of Bhubabhootee. Translated into Bengalee from the original Sanscrit, By Kali Prusno Sing M. A. S. Calcutta : Printed for the Beedut Shaheenee Shova, by G. P. Roy & Co. No. 67 Emaumbarry Lane, Cossitollah, 1859.*

মালতী মাধব নাটক। মহাকবি ভবভূতি বিরচিত। শ্রীযুক্ত কালীপ্রসন্ন সিংহ কর্তৃক মূল সংস্কৃত হইতে বাঙ্গালা ভাষায় অনুবাদিত। কলিকাতা। জি, পি, রায় এণ্ড কোং দ্বারা বিজ্ঞোৎসাহিনী সভার কারণ মুদ্রিত, শকাব্দা ১৭৮০ বিনা মূল্যে বিতরিতব্য।

৪। হিন্দু পেট্রিয়ট সম্পাদক মৃত হরিশচন্দ্র মুখোপাধ্যায়ের স্মরণার্থ কোন বিশেষ চিহ্ন স্থাপন জন্য বঙ্গবাসিবর্গের প্রতি নিবেদন। ইং ১৮৬১। পৃ. ১৬।

১৪ জুন ১৮৬১ তারিখে 'হিন্দু পেট্রিয়ট'-সম্পাদক হরিশচন্দ্র মুখোপাধ্যায়ের মৃত্যু হইলে কালীপ্রসন্ন এই পুস্তিকাখানি রচনা করিয়া সাধারণের মধ্যে বিতরণ করেন। কিশোরীচাঁদ মিত্র তৎসম্পাদিত 'ইণ্ডিয়ান ফীল্ড' পত্রে এই পুস্তিকাখানির সমালোচনা-প্রসঙ্গে লিখিয়া-  
ছিলেন :—

We have received a funeral euloge by Baboo Kali Prossunno Sing on the late editor of the *Hindoo Patriot* which has been published at the Pooran Sangraha Press. The Language used is chaste and classical but perhaps too refined and elevated for common readers. The writer depicts the character and delineates the career of the late Harish Chunder Mookerjee. He calls on his fellow-countrymen to open their purse-strings to commemorate the distinguished services of the deceased and we trust the call will be cordially responded to.—*Memoris of Kali Prossunno Singh (1920), p. 50*

## ৬। ছতোম প্যাঁচার নকশা।

১৮৬১ খ্রীষ্টাব্দে ‘ছতোম প্যাঁচার নকশা’ প্রথমে খণ্ডশঃ প্রকাশিত হয়। প্রথম খণ্ডের ( পৃ. ১৬ ) আখ্যা-পত্র এইরূপ :—

ছতোম প্যাঁচার কলিকাতার নকশা। চড়ক। প্রথম খণ্ড।  
“উৎপৎস্রতেস্তি মম কোপি সমানধর্ম্মা। কালোহয়ং নিরবধিবিপুলা  
চ পৃথ্বী।” ভবভূতি। আশ্‌মান। রামপ্রেসে মুদ্রিত। নং ৮৪  
ছঁকো রাম বসুর ইষ্ট্রীট। মূল্য পয়শায় দুখানা।

ইহার উপহার-পৃষ্ঠায় “১৭৮৩ শক” ( ইং ১৮৬১ ? ) পাইতেছি।  
পুস্তিকার ভূমিকাস্বরূপ নিম্নোক্ত অংশটি মুদ্রিত হইয়াছে :—

বিজ্ঞাপন। ছতোম প্যাঁচা এখন মধ্যে মধ্যে ঐ রূপ নকশা  
প্রস্তুত করিবেন। এতে কি উপকার দর্শিবে, তা আপনারা এখন  
টের পাবেন না ; কিন্তু কিছু দিন পরে বুজ্‌তে পারবেন। ছতোমের  
কি অভিপ্রায় ছিল। কিন্তু হয় ত সে সময় হতভাগ্য ছতোমকে  
দিনের ব্যালা দেখতে পেয়ে কাক ও ফরুমাসে হারামজাদা ছেলেরা  
ঠোট ও বাস দিয়ে, খোঁচা খুঁচি করে মেরে ফেলবে স্ততরাং কি  
ধিকার কি ধন্যবাদ ছতোম কিছুই শুনতে পাবেন না।

এই পুস্তিকায় দুইখানি ধাতু-খোদাই চিত্র আছে। একখানি—  
“ছতোম প্যাঁচা আশ্‌মানে বসে নকশা উড়াচ্ছেন” ; অপরখানি—  
“ঠণ্ঠণের হঠাৎ অবতার”।

১৮৬২ খ্রীষ্টাব্দের শেষার্ধ্বে ‘ছতোম প্যাঁচার নকশা,’ প্রথম ভাগ  
( পৃ. ১৭৬ ) প্রকাশিত হয়। ইহার ইংরেজী ও বাংলা আখ্যা-পত্র  
এইরূপ :—

Sketches by Hootum illustrative of Every Day Life and  
‘Every Day People. Vol. I “ By heaven, and not a master  
tought.”

“ Mislike me not for my complexion.”, Shakespeare. Calcutta. Bose and Company, Printers & Publishers. 1862.

ছতোম প্যাঁচার নক্শা। ( প্রবন্ধ কল্পনা। ) প্রথম ভাগ সর্গাদিদ মনুপ্রাপ্তং নাচার্য্য মুখ কন্দরাং। প্রকাশায় চরিত্রাণাং মহেশ্বরাঅন স্তথা। চিত্তবৃত্তেশ্চ দত্তাশ্চৈ প্রতিভা পরিমর্জিতা। কলিকাতা। রাম প্রেস্ বস্ কোম্পানী কর্তৃক প্রচারিত। দরজী পাড়া। ১৭৮৪।

‘ছতোম প্যাঁচার নক্শা’র দ্বিতীয় ভাগ স্বতন্ত্রভাবে প্রকাশিত হইয়াছিল কি না জানি না, তবে ১৮৬৪ খ্রীষ্টাব্দে ইহার প্রথম দুই ভাগ একত্রে ( পৃ. ১৮০ + ৫৪ )। গ্রন্থকার প্রত্যেক সংস্করণেই বহু পরিবর্তন করিয়াছেন।

৭। **পুরাণসংগ্রহ**। মহর্ষি কৃষ্ণদ্বৈপায়ন বেদব্যাস প্রণীত মহাভারত। শ্রীযুক্ত কালীপ্রসন্ন সিংহ মহোদয় কর্তৃক মূল সংস্কৃত হইতে বাঙ্গালা ভাষায় অনুবাদিত। ১-১৭শ খণ্ড। ইং ১৮৬০-৬৬।

পণ্ডিতবর্গের সাহায্যে কালীপ্রসন্ন মূল সংস্কৃত হইতে মহাভারত গণ্ডে অনুবাদ করেন। নিম্নোক্ত বিজ্ঞাপন হইতে জানা যাইবে, ১৮৫৮ খ্রীষ্টাব্দের জুলাই মাসের মাঝামাঝি মহাভারতের অনুবাদ-কার্য আরম্ভ হয়, এবং রামায়ণ-অনুবাদের সঙ্কল্পও কালীপ্রসন্নের ছিল :—

বিজ্ঞাপন।—মহাভারত ও রামায়ণ অনুবাদক পণ্ডিত মহাশয়েরা ১লা শ্রাবণ বিষ্ণোৎসাহিনী সভায় উপস্থিত হইবেন, ঐ দিনে রামায়ণ ও মহাভারত অনুবাদারম্ভ হইবে। শ্রীকালীপ্রসন্ন সিংহ।—‘সংবাদ প্রভাকর’, ১৩ জুলাই ১৮৫৮।

মহাভারতের অনুবাদ-কার্য শেষ করিয়া সমগ্র গ্রন্থ প্রকাশ করিতে দীর্ঘ আট বৎসর লাগিয়াছিল। ইহার প্রথম খণ্ড ১৮৬০ খ্রীষ্টাব্দে\* এবং ১৭শ বা শেষ খণ্ড ১৮৮৮ শকে ( ইং ১৮৬৬ ) প্রকাশিত হয়। “অষ্টাদশ পর্ব অনুবাদের উপসংহার”-রূপে কালীপ্রসন্ন ১৮শ খণ্ডের শেষে এই অনুবাদ-রচনার যে বিবরণ দিয়াছিলেন, তাহা উদ্ধৃত করিতেছি :—

১৭৮০ শকে সংকীর্তি ও জন্মভূমির হিতানুষ্ঠান লক্ষ্য করিয়া ৭ জন কৃতবিদ্য সদস্যের সহিত আমি মূল সংস্কৃত মহাভারত বাঙ্গালা-ভাষায় অনুবাদ করিতে প্রবৃত্ত হই। তদবধি এই আট বর্ষকাল প্রতিনিয়ত পরিশ্রম ও অসাধারণ অধ্যবসায় স্বীকার করিয়া বিশ্বপাতা জগদীশ্বরের অপার কৃপায় অল্প সেই চিরসঙ্কলিত কঠোর ব্রতের উদ্যাপনস্বরূপ মহাভারতীয় অষ্টাদশ পর্বের মূলানুবাদ সম্পূর্ণ করিলাম।...অনুবাদসময়ে মূল মহাভারতের কোন স্থলই পরিত্যাগ করি নাই ও উহাতে আপাতরঞ্জন অমূলক কোন অংশই সন্নিবেশিত হয় নাই; অথচ বাঙ্গালাভাষার প্রসাদগুণ ও লালিত্য পরিরক্ষণার্থ সাধ্যানুসারে যত্ন পাইয়াছি এবং ভাষান্তরিত পুস্তকে সচরাচর যে সকল দোষ লক্ষিত হইয়া থাকে, সেগুলির নিবারণার্থ বিলক্ষণ সচেष्ट ছিলাম।...

বহু দিবস সংস্কৃত সাহিত্যের সম্যক পরিচালনার বিলক্ষণ অসম্ভাব হওয়াতে আপাতত মূল মহাভারতের হস্তলিখিত পুস্তক-সমুদায়ের পরস্পর এপ্রকার বৈলক্ষণ্য হইয়া উঠিয়াছে যে, ২।৪ খানি গ্রন্থ একত্র করিলে পরস্পরের শ্লোক, অধ্যায় ও প্রস্তাবঘটিত অনেক বিভিন্নতা দৃষ্ট হয়। তন্নিবন্ধন অনুবাদকালে ‘সবিশেষ কষ্ট স্বীকার করিতে হইয়াছে। আমি বহুযত্নে আসিয়াটিক সোসাইটির মুদ্রিত

\* ১৬ এপ্রিল ১৮৬০ তারিখের ‘সোমপ্রকাশে’ মহাভারতের ১ম খণ্ড সমালোচিত হয়।



এবং সভাবাজারের রাজবাটীর, মৃত বাবু আশুতোষ দেবের ও শ্রীযুক্ত বাবু যতীন্দ্রমোহন ঠাকুরের পুস্তকালয়স্থিত, তথা আমার প্রপিতামহ দেওয়ান শান্তিরাম সিংহ-বাহাদুরের কাশী হইতে সংগৃহীত হস্তলিখিত পুস্তকসমুদায় একত্রিত করিয়া বহুস্থলের বিরুদ্ধভাবে ও ব্যাসকূটের সন্দেহ নিরাকরণ পূর্বক অনুবাদ করিয়াছি। এই বিষয়ে কলিকাতা সংস্কৃত বিদ্যালয়ের সুবিখ্যাত অধ্যাপক শ্রীযুক্ত তারানাথ তর্কবাচস্পতি মহাশয় আমারে যথেষ্ট সাহায্য করিয়াছেন।...

আমার অধিতীয় সহায় পরম শ্রদ্ধাঙ্গদ শ্রীযুক্ত ঈশ্বরচন্দ্র বিদ্যাসাগর মহাশয় স্বয়ং মহাভারতের অনুবাদ করিতে আরম্ভ করেন এবং অনুবাদিত প্রস্তাবের কিয়দংশ কলিকাতা ব্রাহ্মসমাজের অধীনস্থ তত্ত্ববোধিনী পত্রিকায় ক্রমান্বয়ে প্রচারিত ও কিয়দংশ পুস্তকাকারেও মুদ্রিত করিয়াছিলেন; কিন্তু আমি মহাভারতের অনুবাদ করিতে উদ্যত হইয়াছি শুনিয়া, তিনি কৃপাপরবশ হইয়া সরলহৃদয়ে মহাভারতানুবাদে ক্ষান্ত হন। বাস্তবিক বিদ্যাসাগর মহাশয় অনুবাদে ক্ষান্ত না হইলে আমার অনুবাদ হইয়া উঠিত না। তিনি কেবল অনুবাদেচ্ছা পরিত্যাগ করিয়াই নিশ্চিত হন নাই, অবকাশানুসারে আমার অনুবাদ দেখিয়া দিয়াছেন ও সময়ে সময়ে কার্যোপলক্ষে যখন আমি কলিকাতায় অনুপস্থিত থাকিতাম, তখন স্বয়ং আসিয়া আমার মুদ্রায়ন্ত্রের ও ভারতানুবাদের তত্ত্বাবধারণ করিয়াছেন। ফলত বিবিধ বিষয়ে বিদ্যাসাগর মহাশয়ের নিকট পাঠাবস্থাবধি আমি যে কত প্রকারে উপকৃত হইয়াছি, তাহা বাক্য বা লেখনী দ্বারা নির্দেশ করা যায় না।...স্বহৃদয় শ্রীযুক্ত মাইকেল মধুসূদন দত্ত অনুবাদিত ভাগ হইতে উৎকৃষ্ট প্রস্তাব সকল সংগ্রহ

করিয়া অমিত্রাকর পদে ও নাটকাকারে পরিণত করিতে প্রতিশ্রুত হইয়া আমারে বিলক্ষণ উৎসাহিত করিয়াছেন।

সে সকল মহাত্মারা সময়ে সময়ে আমার সদস্যপদে ব্রতী হইয়াছিলেন, সংস্কৃত বিদ্যালয়ের ব্যাকরণের অধ্যাপক ও সংস্কৃত রঘুবংশের বাঙ্গালা অনুবাদক ৩ চন্দ্রকান্ত তর্কভূষণ, ৩ কালীপ্রসন্ন তর্করত্ন, ৩ ভুবনেশ্বর ভট্টাচার্য্য, বিদ্যাসাগর মহাশয়ের পরমাশ্রয়ী ৩ শ্যামাচরণ চট্টোপাধ্যায়, ৩ ব্রজনাথ বিদ্যারত্ন ও ৩ অযোধ্যানাথ ভট্টাচার্য্য-প্রভৃতি ১০ জন অনুবাদশেষের পূর্বেই অসময়ে ইহলোক পরিত্যাগ করিয়াছেন। ঐ সকল মহাত্মাদিগের নিমিত্ত আমারে চিরজীবন যাবৎ পর নাই দুঃখিত থাকিতে হইবে।

এক্ষণকার বর্তমান শ্রীযুক্ত অভয়াচরণ তর্কালঙ্কার, শ্রীযুক্ত কৃষ্ণধন বিদ্যারত্ন, শ্রীযুক্ত রামসেবক বিদ্যালঙ্কার ও শ্রীযুক্ত হেমচন্দ্র বিদ্যারত্ন-প্রভৃতি সদস্যদিগকে মনের সহিত সক্রতজ্জচিত্তে বার বার নমস্কার করিতেছি। এই সমস্ত সুবিচক্ষণ কর্ণধারদিগের কৃপাবলেই আমি অনায়াসে মহাভারত-স্বরূপ সমুদ্রের পরপার প্রাপ্ত হইয়া কৃতার্থ হইলাম।...

মহাভারতের প্রত্যেক খণ্ড তিন সহস্র মুদ্রিত হয়। সমগ্র গ্রন্থ বিনামূল্যে ও বিনামাশুলে বিতরিত হইয়াছিল।

৮। বঙ্গেশবিজয়।

কালীপ্রসন্ন এই নামে একখানি গ্রন্থ লিখিতেছিলেন ; ১৮৬৮ খ্রীষ্টাব্দে ইহার দুই ফর্মা ছাপাও হইয়াছিল। কিন্তু শেষ-পর্য্যন্ত উহা প্রকাশিত হয় নাই বলিয়া মনে হয়। প্রতাপচন্দ্র ঘোষ তাঁহার বাল্যবন্ধু কালীপ্রসন্নের নামে 'বঙ্গাধিপ-পরাজয়' গ্রন্থখানি উৎসর্গ করেন। ইহার ভূমিকায় প্রকাশ :—

...গ্রন্থের নাম 'বঙ্কেশবিজয়' দিয়া মুদ্রাক্ষনার্থে কাব্যপ্রকাশ যন্ত্রাধ্যক্ষ শ্রীযুত জগন্মোহন তর্কালঙ্কার ভট্টাচার্য্য মহাশয়ের নিকট আমার বন্ধু দ্বারা পাঠাইলে শুনিলাম যে, উক্তাভিধেয় শ্রীযুত কালীপ্রসন্ন সিংহ মহোদয়ের রচিত একখানি গ্রন্থের দুই ফরমা ভট্টাচার্য্য যন্ত্রে ছাপা হইয়াছে, একারণ তর্কালঙ্কার মহাশয়ের তথা শ্রীযুক্ত সিংহ মহোদয়ের ও আমায় মধ্যস্থ আত্মীয়ের অনুরোধে 'বঙ্কেশবিজয়' নামের পরিবর্তে এই গ্রন্থের নাম 'বঙ্কাদ্বিপ-পরাজয়' দিলাম... ( ২ আশ্বিন ১২৭৫ ) ।

৯। শ্রীমদ্ভগবদগীতা । ইং ১৯০২ । পৃ. ৩৪৮ ।

'শ্রীমদ্ভগবদগীতা' কালীপ্রসন্নের মৃত্যুর পরে মুদ্রিত ও প্রকাশিত হয় । বেঙ্গল লাইব্রেরির পুস্তক-তালিকায় ইহার এইরূপ বর্ণনা আছে :—

Srimadbhagavadgita. Kaliprasanna Sinha. 3 Dec. 1902.  
Rl. 32 mo ; 348 ; 1st edn.

১৯১১ খ্রীষ্টাব্দে ইহার আর একটি সংস্করণ ( পৃ. ৫১২ ) বরাহনগর "শ্রীরামকৃষ্ণ-লাইব্রেরী" হইতে সত্যচরণ মিত্র কর্তৃক প্রকাশিত হয় ; উহার আখ্যা-পত্র এইরূপ :—

শ্রীমদ্ভগবদগীতা । মূল, অম্বয় ও মহাত্মা ৮ কালীপ্রসন্ন সিংহ কৃত বঙ্কানুবাদ আচার্য্যগণের টীকানুযায়ী পরিবর্তিত ও পরিবর্দ্ধিত জনঃ সংসারদুঃখার্ন্তো গীতাজ্ঞানং সমালভেৎ । পীত্বা গীতামৃতং লোকে লব্ধ্বা ভক্তিং স্থখী ভবেৎ ॥...

প্রকাশকের নিবেদনে প্রকাশ :—গণ্ড মহাভারতের লব্ধ-প্রতিষ্ঠ অনুবাদক পুণ্যলোক ধনকুবের ৮ কালীপ্রসন্ন সিংহ এই সংস্করণ যন্ত্রস্থ করিয়া অকালে স্বর্গারোহণ করেন, সুতরাং এতাবৎকাল ইহা আদৌ

পুস্তকাকারে প্রকাশিত হয় নাই। আমরা তাঁহার উত্তরাধিকারী গণের নিকট হইতে জীর্ণ শীর্ণ কীটদষ্ট হস্তলিখিত পুঁথির প্রকাশস্বত্বের ভার গ্রহণ করিয়া মহাত্মার শেষ কীর্ত্তি স্বরূপ এই “শ্রীমদ্ভগবদ্গীতা” সাধারণের সুবিধার জন্ত স্বেচ্ছা পকেট এডিসনে প্রকাশ করিলাম।

কালীপ্রসন্ন-লিখিত ‘শ্রীমদ্ভগবদ্গীতা’র ভূমিকাটি নিম্নে উদ্ধৃত হইল :

মহাভারতীয় ভীষ্ম পর্ব জম্মুখণ্ডবিনির্মাণ, ভূমি, ভগবদ্গীতা ও ভীষ্মবধ এই চারি পর্বে বিভক্ত। এই পর্ব পাঠ করিলে স্পষ্ট প্রতীয়মান হয় যে, পূর্বতন হিন্দুরা সকল কার্যই ধর্মের অনুমোদিত করিয়া সম্পন্ন করিতেন। যুদ্ধ যে এমন নৃশংস ব্যবহার, তাহাও ধর্ম বুদ্ধিতেই সম্পাদিত হইত। উভয় পক্ষ, যুদ্ধে প্রবৃত্ত হইবার পূর্বে, যে সকল সাংগ্রামিক নিয়ম সংস্থাপিত করেন, তাহাতেই উহা সপ্রমাণ হইতেছে। উভয় পক্ষেই মধ্যো মধ্যো আপনাদের সংস্থাপিত নিয়ম উল্লঙ্ঘন করিতেন বটে, কিন্তু যিনি ঐরূপ করিতেন তিনি জনসমাজে অন্তায়কারী বলিয়া সাতিশয় নিন্দনীয় হইতেন। এই যুদ্ধে প্রবৃত্ত হইলে যে ভুরি ভুরি লোক ক্ষয় ও অনিষ্ট ঘটনা হইবে, যুদ্ধে প্রবৃত্ত হইবার পূর্বে উভয় পক্ষই বিলক্ষণ রূপে তাহা হৃদয়ঙ্গম করিয়াছিলেন; কিন্তু দুর্ব্যোধন স্বার্থপরতায় ও যুধিষ্ঠির ক্ষত্রিয় হইয়া যুদ্ধে পরাঙমুখ হইলে অধর্ম হয়, এইরূপ সংস্কারেই যুদ্ধে প্রবৃত্ত হন। ব্যাসদেবের সময়ে কিরূপ ভূগোল বিজ্ঞার আলোচনা হইত, জম্মুখণ্ডবিনির্মাণ ও ভূমি পর্বে তাহাও এক প্রকার অবগত হওয়া যায়।

ভগবদ্গীতা পাঠ করিলে পূর্ব পুরুষদিগের বিজ্ঞা বুদ্ধি স্মরণ করিয়া আত্মাদে পরিপূর্ণ হইতে হয়। কত শতাব্দী অতীত হইল

ভগবদ্গীতা প্রকাশিত হইয়াছে, কিন্তু উহার অধিকাংশ মতের সহিত অধুনাতন বিখ্যাত আন্বীক্ষিকী ও ত্রয়ী বেত্তাদিগের মতের ঐক্য দেখিতে পাওয়া যায়। উহাতে ভ্রান্তিসংকুল মতও নিবেশিত আছে যথার্থ বটে, কিন্তু উহার মধ্যে যে সকল অমূল্য সত্য অক্ষত হইয়া রহিয়াছে, তাহাই ভারতবর্ষীয় আন্বীক্ষিকী ও ত্রয়ী বেত্তাদিগের গৌরবের একমাত্র দৃষ্টান্ত হইতে পারে। এস্থলে ইহাও উল্লেখ করা আবশ্যিক যে যুদ্ধপরাঙমুখ অর্জুনকে যুদ্ধে প্রবৃত্ত করিবার নিমিত্তই ভগবদ্গীতা অবতারণিত হইয়াছে, স্মতরাং যুদ্ধোৎসাহ উদ্দীপিত করা উহার যত উদ্দেশ্য, মনোবিজ্যা প্রভৃতি প্রচার করা তত উদ্দেশ্য ছিল না। ভগবদ্গীতা পাঠ করিতে আরম্ভ করিলে দেখিতে পাওয়া যায় যে, সঞ্জয় একেবারে যুদ্ধক্ষেত্র হইতে প্রত্যাগত হইয়া ধৃতরাষ্ট্রকে ভীষ্মের মৃত্যু সংবাদ শ্রবণ করাইতেছেন, কিন্তু ইতিপূর্বে কোন স্থলেই যুদ্ধের কথা উল্লিখিত হয় নাই। ব্যাসদেব কেবল মহাভারতের ঘটসম্পাদিতা সম্পাদন করিবার নিমিত্তই এই-রূপ কৌশল করিয়াছেন।

পূর্বতন হিন্দুরা কিরূপ উৎসাহের সহিত যুদ্ধে প্রবৃত্ত হইতেন, অরাতিগুণকে পরাজিত করিবার নিমিত্ত দুর্বিষহ কষ্টকে কেমন আনন্দের সহিত আলিঙ্গন করিতেন, ধর্ম রক্ষার অহুরোধে প্রাণত্যাগ কেমন সামান্ত বোধ করিতেন, কি প্রকারে সেনাপতি নিয়োগ, সেনা বিভাগ, যুদ্ধযাত্রা, বাহু নির্মাণ, যুদ্ধ আরম্ভ, যুদ্ধ অবহার ও নিরুদ্ধেগে বিশ্রাম করিতেন এবং যুদ্ধে মৃত আহত ব্যক্তিদিগের প্রতি কিরূপ আচার করিতেন, ভীষ্মবধ পর্ব পাঠ করিলে বিলক্ষণ জ্ঞাত হওয়া যায়। ফলত যিনি তন্ন তন্ন করিয়া ইতিহাস পাঠ করিতে অভ্যাস করিয়াছেন, তিনি ভীষ্ম পর্বে

অভূতপূর্ব আনন্দ লাভ ও অনেক সত্য উপার্জন করিতে পারিবেন, সন্দেহ নাই। আমি যে দুঃসাধ্য ও চিরজীবনসেব্য কঠিন ব্রতে কৃতসংকল্প হইয়াছি, তাহা যে নির্বিঘ্নে শেষ করিতে পারিব, আমার এ প্রকার ভরসা নাই। ভগবদগীতা অনুবাদ করিয়া যে লোকের নিকট যশস্বী হইব, এমত প্রত্যাশা করিয়াও এ বিষয়ে হস্তার্পণ করি নাই। যদি জগদীশ্বরপ্রসাদে পৃথিবী-মধ্যে কুত্রাপি বাঙ্গালা ভাষা প্রচলিত থাকে, আর কোন কালে এই অনুবাদিত পুস্তক কোন ব্যক্তির হস্তে পতিত হওয়ায় সে ইহার মৰ্ম্মানুধাবন করত হিন্দু কুলের কীর্তিস্তম্ভস্বরূপ শ্রীমদ্ভগবদগীতার মহিমা অবগত হইতে সক্ষম হয়, তাহা হইলেই আমার সমস্ত পরিশ্রম সফল হইবে।  
শ্রীকালীপ্রসন্ন সিংহ।

\*

\*

\*

কালীপ্রসন্ন এক সময়ে জুলিয়াস সীজরের জীবনচরিত বাংলায় অনুবাদ করিবার সঙ্কল্প করিয়াছিলেন। ১১ ডিসেম্বর ১৮৬৫ তারিখের 'হিন্দু পেট্রিয়টে' এই সংবাদটি মুদ্রিত হয় :—

Baboo Kaliprosso Sing...we are told has applied to Emperor Napoleon for permission to translate into Bengalee his Imperial Majesty's Life of Julius Cæsar.

### পুস্তকাকারে অপ্রকাশিত রচনা

এই সকল পুস্তক ছাড়া কালীপ্রসন্ন বহু প্রবন্ধও রচনা করিয়াছিলেন। তাহার অনেকগুলি 'বিজ্ঞানসাহিনী পত্রিকা'য় প্রকাশিত হইয়াছিল, কিন্তু প্রথম দুই সংখ্যা ছাড়া এই পত্রিকার অন্য সংখ্যাগুলি এখনও সংগ্রহ করিতে পারা যায় নাই। ১৮৫৭ খ্রীষ্টাব্দে রাজেন্দ্রলাল মিত্রসম্পাদিত 'বিবিধার্থ-সঙ্গ-হে' (কার্তিক, ১৭৭৯ শক) "কা. প্র. সি" স্বাক্ষরে তিনি কয়েকখানি গ্রন্থের সমালোচনা করিয়াছিলেন।

ডেভিড হেয়ার সাঙ্ঘৎসরিক সভাতেও কালীপ্রসন্ন কয়েক বার প্রবন্ধ পাঠ করিয়াছিলেন।\* হেয়ারের মৃত্যুর পর প্রতি বৎসর জুন মাসে এই সভার অধিবেশন হইত; সভায় বহু মাণ্ডগণ্য লোকের সমাগম হইত, প্রবন্ধপাঠ ও বক্তৃতাাদিও হইত। কালীপ্রসন্ন নিজ বাটীতে কয়েক বার এই সাঙ্ঘৎসরিক সভার আয়োজন করিয়াছিলেন। এই স্মৃতিসভায় তিনি যে-সকল বাংলা প্রবন্ধ পাঠ করেন, তাহার তালিকা :—

১ জুন	১৮৫৬,	১৪শ	সাঙ্ঘৎসরিক সভা	প্রবন্ধ।
১ জুন	১৮৫৭,	১৫শ	"	বঙ্গভাষার অনুশীলন সম্বন্ধে প্রবন্ধ।
১ জুন	১৮৫৯,	১৭শ	"	বাংলা নাটক।
২ জুন	১৮৬১,	১৯শ	"	প্রবন্ধ।
১ জুন	১৮৬৩,	২১শ	"	কৃষি-বিষয়ক প্রবন্ধ। †

## রচনার নিদর্শন

রচনার নিদর্শন-স্বরূপ কালীপ্রসন্নের পুস্তক-পুস্তিকা হইতে কিছু কিছু উদ্ধৃত করিতেছি :—

\* Peary Chand Mittra : *A Biographical Sketch of David Hare* (1877), pp. 94, 99, 101-02.

† “১লা জুন সোমবার শ্রীযুক্ত বাবু কালীপ্রসন্ন সিংহ ভারতবর্ষীয় সভাগৃহে মৃত মহাশয় ডেভিড হেয়ার সাহেবের স্মরণার্থ সাঙ্ঘৎসরিক সমাজে বঙ্গদেশীয় কৃষিকার্যের বর্তমান অবস্থার সমালোচন, কৃষিকার্যের উপযোগিতা, কৃষিসমাজ ও কৃষিবিদ্যালয় প্রতিষ্ঠার আবশ্যকতা এবং কৃষিজাত দ্রব্য ও কৃষিসাধন অস্ত্র ও যন্ত্রাদি প্রদর্শনের মহোপকারিতা বিষয়ক প্রবন্ধ পাঠ করিবেন।”—‘সোমপ্রকাশ’; ১ জুন ১৮৬৩।

‘হিন্দু পেট্রিয়ট সম্পাদক যুত হরিশচন্দ্র মুখোপাধ্যায়’  
( ইং ১৮৬১ ) :

বঙ্গবাসিগণ ! আষাঢ় মাসের প্রথম দিবসে তোমাদিগের এক জন পরম প্রিয়চিকীর্ষু বাঙ্গব ইহলোক হইতে অবসৃত হইয়াছেন । ভারতভূমি তাঁহার অকাল মৃত্যুতে যত অপার ক্ষতিগ্রস্ত হইয়াছেন, ত্রিশং সালের ভয়ানক জলপ্লাবনে, বিগত বিদ্রোহে ও বর্তমান দুর্ভিক্ষে তত ক্ষতি স্বীকার করেন নাই । তিনি ভারতবর্ষে জন্মগ্রহণ করিয়া ইহার যত উন্নতি সাধন করিয়াছেন, সতীদাহ নিবারণে রাজা রামমোহন রায়, বিধবাবিবাহ প্রচলনে বিদ্যাসাগরও তত উপকার সাধন করিতে পারেন নাই । উত্তর-পশ্চিম প্রদেশীয় বিদ্রোহসময়ে কেবল তাঁহার একমাত্র অসাধারণ অধ্যবসায় ও ধীশক্তিগুণে জলধিজলমগ্নোন্মুখ বাঙ্গালিসম্মান সংরক্ষিত হইয়াছিল । যদি সে সময় তিনি না থাকিতেন, যদি সে সময় তাঁহার লেখনী নিরীহ বঙ্গবাসিবর্গের অমুকূলে চালিত না হইত, তাহা হইলে আজি আর বঙ্গদেশের দুর্দশার পরিসীমা থাকিত না । যখন বিদ্রোহসময়ে হতসর্বস্ব, বিগতবাঙ্গব, বৈর-নির্যাতনাক্রান্তচিত্ত ইংলণ্ডীয়েরা নির্বোধ সিপাহিদিগের সহিত বাঙ্গালিদিগকেও কলঙ্কিত করিতে সমূহ চেষ্টা করিয়াছিল, যখন উদ্বন্ধনে প্রাণদণ্ড ভিন্ন বাঙ্গালিদিগের আর অন্য গতি ছিল না, তখন কেবল একমাত্র তিনিই অগ্রসর হইয়া আমাদের চিরপরিচিত সম্মান রক্ষা করেন ; সেই বীভৎস সময় আজিও স্মরণ হইলে পাষণ্দহৃদয়ও কম্পিত হয় । ( পৃ. ১-২ )

এক্ৰণে তাঁহারে চিরস্মরণীয় করণার্থ ভারতবর্ষের আবালবৃদ্ধবনিতার প্রাণপণে কায়মনোবাক্যে সাহায্য করা কর্তব্য ; যদি আমাদের রামমোহন রায়ের নিকট, বিদ্যাসাগরের নিকট, কৃতজ্ঞতা প্রকাশ করা বিধেয় হয় তাহা হইলে হরিশচন্দ্র মুখোপাধ্যায়ের নিকট শত গুণে কৃতজ্ঞ



হওয়া উচিত। কলিকাতা নগরীয় ঐশ্বর্যমত্ত ধনিগণ! একবার স্বদেশের বর্তমান ছরবস্থার প্রতি দৃষ্টি রোপণ কর। গৃহপতি মণ্ডপ ও লম্পট হইলে সংসারের যেরূপ বিশৃঙ্খলা হয়—তোমাদিগের ঐশ্বর্যমত্ততায় বঙ্গদেশের তদনুরূপ দুর্দশা ঘটিতেছে। সাধারণ-হিতকরী কার্যে যদি তোমরা কায়মনে সাধ্যানুসারে সাহায্য না করিবে, যদি তোমরা শ্রেষ্ঠত্বপদ প্রাপ্ত হইয়া ছরবস্থা মোচনে সচেष्ट না হইবে তাহা হইলে চিরদিনেও ভারতের সুখ সৌভাগ্যের উন্নতি হইবে না। তোমরা অতুল ধন প্রাপ্ত হইয়াছ তৎসকলই সাধারণহিত কার্যে ব্যয় কর আমার এরূপ প্রার্থনা নহে, যদি তোমাদিগের স্মরণমাত্র থাকে যে, স্বদেশের শ্রীবৃদ্ধি বিষয়ে অযত্ন করা,—সমাজের উন্নতিতে উপহাস ও মঙ্গলময় কার্যে ব্যয় না করা; ঈশ্বরের শ্রেষ্ঠ সৃষ্ট পদার্থ মনুষ্য নামধারীর উচিত নহে—তাহা হইলে বিজ্ঞানবিহীন বণ্ড মৰ্কটে ও ঐ ধনীতে বিশেষ কি; তাহা হইলেই যথেষ্ট হইবেক। যদি তোমরা বিশ্রাম সুখশয্যায় শয়িত হইয়া নিজ নিজ অবস্থা বিষয়ে চিন্তা কর, যদি তোমরা এক দিনের জগৎ ভাবিয়া দেখ যে, ভারতে জন্ম গ্রহণ করিয়া এত অতুল ধনের অধিপতি হইয়া জন্মভূমির কি উপকার সাধন করিলাম, কয় জন অনাথ তোমাদের সাহায্যে বিদ্যাশিক্ষা করিয়া মনুষ্য নামে পরিচয় দানে সমর্থ হইতেছে? কয় জন বিধবা তোমাদিগের উদ্যোগে পুনর্বার পতি প্রাপ্তে বিবিধ দুঃখিত হইতে মুক্ত হইয়াছে? স্বদেশের শ্রীবৃদ্ধি বিষয়ে কোন্ বিখ্যাত ধনী কয় টাকা ব্যয় করিয়াছে? তোমরা মৃত পিতা মাতার শ্রাদ্ধাদি উপলক্ষে, পুত্র কন্যার বিবাহ সময়ে ধন ব্যয় করিয়া থাক সে কেবল প্রশংসা লাভের একমাত্র উপায়, তাহাতে তোমাদের লালুল আরও ফুলিয়া উঠে এবং শ্রীরামচন্দ্রের মত আত্মবিশ্বত হও, তোমাদিগের আত্মবিশ্বতি, সামান্ত লোকদিগের যাতনার কারণ মাত্র।

তোমরা স্থির করিয়াছ যে, তোমরা হনুমানের গায় অমর, কখনই মরিবে না—চিরকাল বালাখানার বৈঠকখানায়—বাগানে সুখে বিহার করিবে, স্বদেশের শুভ চিন্তায় বিভ্রত হওয়া, তাহার শ্রীসাধন কার্যে ব্যয় করা মূর্খের কার্য্য স্মতরাং এ বিষয়ে তোমাদিগের অপেক্ষা নীলকার্য্যের প্রজাগণে অধিক সাহায্য করিবে—কৃষকের সরল হৃদয় ক্লতজ্ঞতারসে পরিপূর্ণ। আজি যদি সোনাগাজীর খোঁড়া ব্রহ্মের শ্রীক হইত বা পাগলা ছিরুর মপিগুন হইত তাহা হইলে তোমরা সাহায্য করিতে পথ পাইতে না ; আজি আস্তাবল বা হোটেলরক্ষক কোন ফিরিঙ্গী মরিলে সাধ্য মতে সাহায্য করিতে। তোমরা চালচিত্রের অসুরের মত সুদ্ধ দর্শনীয় নতুবা পদার্থে ভূণ হইতেও নিকৃষ্ট। এক্ষণে উপসংহার সময়ে বঙ্গদেশবাসীদিগের নিকট আমার নিবেদন এই, যে মহাত্মা তোমাদিগের এত উপকার সাধন করিয়াছেন, যদ্বারা অনেক বিষয়ে তোমরা প্রাপ্তকাম ও পূর্ণমনোরথ হইয়াছ ; যিনি নিজ ধীশক্তিবলে সানশোধিত মণির গায় মেঘতাস্ত্র দিনকরের গায় স্তবকতাস্ত্র পুষ্পের গায় বাঙ্গালিসমাজ অলঙ্কৃত করিয়াছিলেন, তাঁহারে চিরস্মরণীয় কর। ( পৃ. ১২-১৪ )

### ‘হতোম প্যাঁচার নক্শা’

দুর্গোৎসব বাঙ্গালা দেশের পরব, উত্তরপশ্চিম প্রদেশে এর নাম গন্ধও নাই ; বোধ হয়, রাজা কৃষ্ণচন্দরের আমল হতেই বাঙ্গালায় দুর্গোৎসবের প্রাদুর্ভাব বাড়ে। পূর্বে রাজ রাজড়া ও বনেদী বড়মাহুঘদের বাড়ীতেই কেবল দুর্গোৎসব হতো, কিন্তু আজকাল পুঁটেতেলীকেও প্রতিমা আনতে দেখা যায় ; পূর্বকার দুর্গোৎসব ও এখনকার দুর্গোৎসবে অনেক ভিন্ন।

ক্রমে দুর্গোৎসবের দিন সংক্ষেপ হয়ে পড়ল ; কৃষ্ণনগরের কারিকরেরা কুমারটুলী ও সিদ্ধেশ্বরীতলা জুড়ে বসে গ্যালো। জায়গায়

জায়গায় রং-করা পাটের চুল, তবলকীর মালা, টিন ও পেতলের অশ্বরের ঢাল-তলওয়ার, নানারঙ্গের ছোবান প্রিতিমের কাপড় ঝুলতে লাগলো ; দর্জির ছেলেদের টুপি, চাপকান ও পেটী নিয়ে দরোজায় দরোজায় বেড়াচ্ছে ; ‘মধু চাই !’ ‘শাঁখা নেবে গো !’ বোলে ফিরিওয়ালারা ডেকে ডেকে ঘুচ্ছে । ঢাকাই ও শান্তিপুরে কাপুড়ে মহাজন, আতরওয়ালা ও যাত্রার দালালরা আহা-নিদ্রে পরিত্যাগ করছে । কোন খানে কাঁসারীর দোকানে রাশীকৃত মধুপঙ্কের বাটি, চুমকী ঘটী ও পেতলের খালা ওজন হচ্ছে । ধূপ-ধূনো, বেণে মসলা ও মাথাঘষার একুষ্ঠা দোকান বসে গ্যাছে । কাপড়ের মহাজনেরা দোকানে ডবল পর্দা ফেলেচে ; দোকানঘর অন্ধকার-প্রায়, তারি ভেতরে বসে যথার্থ পাই-লাভে বউনি হচ্ছে । সিঁদুরচূপড়ী, মোমবাতি, পিঁড়ে ও কুশাসনের অবসর বুঝে দোকানের ভিতর থেকে বেরিয়ে এসে রাস্তার ধারে অ্যাকুডেক্টের উপর বার দিয়ে বসেচে । বাঙ্গাল ও পাড়াগেঁয়ে চাকরেরা আরসি, ঘুন্সি, গিল্টির গহনা ও বিলিতি মুক্তা একচেটেয় কিন্চেন ; রবরের জুতো, কমফরটার, ষ্টিক ও গ্যাজওয়ালা পাগড়ী অগুস্তি উঠ্চে ; ঐ সঙ্গে বেলোয়ারি চুড়ী, আঙ্গিয়া, বিলিতি সোনার শীলআংটা ও চুলের গার্ডচেনেরও অসঙ্কত খদ্দের । এত দিন জুতোর দোকান ধুলো ও মাকড়সার জালে পরিপূর্ণ ছিল, কিন্তু পূজোর মোরশুমে বিয়ের কনের মত ফেঁপে উঠ্চে ; দোকানের কপাটে কাই দিয়ে নানা রকম রঙ্গিন কাগজ মারা হয়েছে, ভেতরে চেয়ার পাড়া, তার নীচে এক টুকরো ছেঁড়া কার্পেট । সহরে সকল দোকানেরই শীতকালের কাগের মত চেহারা ফিরেচে । যত দিন ঘুনিয়ে আস্চে, ততই বাজারের কেনাবেচা বাড়্চে, ততই কলকেতা গরম হয়ে উঠ্চে । পল্লীগ্রামের টুলো অধ্যাপকেরা বৃত্তি ও বার্ষিক সাধ্তে বেরিয়েচেন, রাস্তায় রকম রকম তরবেতর চেহারার ভিড় লেগে গ্যাছে ।

কোনখানে খুন, কোনখানে দাঙ্গা, কোথায় সিঁধচুরী, কোনখানে ভট্টাচার্য্য মহাশয়ের কাছ থেকে দু ভরি রূপো গাঁট কাটায় কেটে নিয়েচে ; কোথাও কোন মাগীর নাকে থেকে নথটা ছিঁড়ে নিয়েচে ; পাহারাওয়াল শশব্যস্ত, পুলিশ বদমাইস্ পোরা, চোরেরা পূজোর মোরশুমে দেদার কারবার ফালাও কচ্ছে, “লাগে তাক না লাগে তুকো” “কিনি তো হাতী, লুটি তো ভাঙার” তাদের জপমন্ত্র হয়েছে ; অনেকে পার্কণের পূর্বে শ্রীঘরে ও বাস্কুলে বসতি কচ্ছে ; কারো পূজায় পাথরে পাঁচ কিল ; কারো সর্বনাশ ! ক্রমে চতুর্থী এসে পড়লো ।

এবার অমুক বাবুর নতুন বাড়ীতে পূজার ভারী ধুম । প্রতিপদাদিকল্পের পর ব্রাহ্মণ-পণ্ডিতের বিদায় আরম্ভ হয়েছে, আজও চোকে নাই— ব্রাহ্মণ-পণ্ডিতে বাড়ী গিস্গিস কচ্ছে । বাবু দেড়ফিট উচ্চ গদীর উপর তসর কাপড় পরে বার দিয়ে বসেচেন, দক্ষিণে দেওয়ান টাকা ও সিকি আধুলির তোড়া নিয়ে খাতা খুলে বসেচেন, বামে হরীশ্বর গ্যালক্লার সভাপণ্ডিত, অনবরত নশ্র নিচ্ছেন ও নাসানিঃসৃত রঙ্গিন কফজল জাজিমে পুঁছেন । এদিকে জহুরী জড়ওয়া গহনার পুঁটুলি ও ঢাকাই মহাজন ঢাকাই শাড়ীর গাঁট নিয়ে বসেচে, মুন্সি মোশাই, জামাই ও ভাগনে বাবুরা ফর্দ কচ্ছেন, সামনে কতকগুলি প্রিতিমে-ফেলা দুর্গাদায়গ্রস্ত ব্রাহ্মণ, বাইরের দালাল, যাত্রার অধিকারী ও গাইয়ে ভিক্ষুক ‘যে আঞ্জা’ ‘ধর্ম্ম অবতার’, প্রভৃতি প্রিয় বাক্যের উপহার দিচ্ছেন । বাবু মধ্যে মধ্যে কারেও এক আধটা আগমনী গাইবার ফর্দমাস কচ্ছেন ।... সভাপণ্ডিত মহাশয় সরপটে পিরিলীর বাড়ীর বিদেয় নেওয়া ও বিধবাদলের এবং বিপক্ষপক্ষের ব্রাহ্মণদের নাম কাটছেন ; অনেকে তাঁরা পা ছুঁয়ে দিকি গালচেন যে, তাঁরা পিরিলীর বাড়ী চেনেন না ; বিধবা বিয়ের সভায় যাওয়া চুলোয় যাক, গত বৎসর শয্যাগত ছিলেন বলেই

হয়। কিন্তু বাণের মুখের জেলেডিস্ট্রীর মত তাঁদের কথা তল্ হয়ে যাচ্ছে, নামকাটারদের পরিবর্তে সভাপণ্ডিত আপনার জামাই, ভাগ্নে, নাত-জামাই, দৌস্তুর ও খুড়তুতো ভেয়েদের নাম হাসিল কচ্ছেন; এ দিকে নামকাটার বাবু ও সভাপণ্ডিতকে বাপাস্ত করে পৈতে ছিঁড়ে গালে চড়িয়ে শাপ দিয়ে উঠে যাচ্ছেন। অনেক উমেদারের অনিয়ত হাজ্বরের পর বাবু কাকেও ‘আজ যাও’ ‘কাল এসো’ ‘হবে না’ ‘এবার এই হলো’ প্রভৃতি অনুজ্জায় আপ্যায়িত কচ্ছেন—হজুরী সরকারের হেকুমত দেখে কে! সকলেই শশব্যস্ত, পূজার ভারি ধুম!

### বদান্যতা

কালীপ্রসন্নের বদান্যতা ছিল অনন্যসাধারণ এবং বহুমুখী; দেশের বহুবিধ হিতকর কার্যে ব্যক্তিগত ভাবে এবং সামাজিক ভাবে অকাতরে দান করিতে তাঁহার মত সে-যুগে আর কাহাকেও দেখি না। আচার্য্য কৃষ্ণকমল ভট্টাচার্য্য কালীপ্রসন্ন সম্বন্ধে সত্যই লিখিয়াছেন, “তিনি যেমন তাঁহার Purse-এর সদ্যবহার করিতে জানিতেন, তেমন আর কেহই জানিত না।” স্বল্প-পরিসর পুস্তকে তাঁহার বদান্যতার বিস্তৃত পরিচয় দেওয়া সম্ভবপর নহে। আমরা এখানে কয়েকটি মাত্র দৃষ্টান্তের উল্লেখ করিতেছি।

### শিক্ষাবিস্তারে দান

স্থানে স্থানে অবৈতনিক বিদ্যালয় স্থাপন এবং কোন কোন দুঃস্থ শিক্ষা-প্রতিষ্ঠানে সাহায্য দান করিয়া কালীপ্রসন্ন জনসাধারণের কৃতজ্ঞতা অর্জন করিয়াছিলেন। এই প্রসঙ্গে ২৬ মার্চ ১৮৫৮ তারিখের ‘এডুকেশন গেজেট’ ও ‘সাপ্তাহিক বার্তাবহে’ প্রকাশিত একখানি পত্র উদ্ধৃত করিতেছি :—

ভাগীরথীর পশ্চিম তীরে বংশবাটী গ্রামে বঙ্গীয় বিদ্যালয় নামে এক পাঠশালা সাধারণের সাহায্যে দ্বিবর্ষাভীত হইল সংস্থাপিত হইয়া বঙ্গবিদ্যা প্রচার করিতেছিল, পরে সম্প্রতি কলিকাতা নিবাসী বিদ্যোৎসাহী শ্রীযুক্ত বাবু কালীপ্রসন্ন সিংহ মহাশয় তথায় শুভাগমন করত বালকগণের পরীক্ষা গ্রহণানন্তর অত্যন্ত সন্তুষ্ট হইয়া ইংরাজি শিক্ষা দিবার জন্ত মাসিক এক শত টাকা দান স্বীকার করিয়া ইংরাজি শিক্ষক ও পণ্ডিত নিযুক্ত করিয়াছেন।

এই নব যুব বিদ্যোৎসাহী সিংহ মহাশয় পরোপকারে সিংহ স্বরূপ হইয়াছেন, ইনি দিগ্বিদিকে আর ছয়টা অবৈতনিক বিদ্যালয় সংস্থাপন করিয়া দীন হীনগণকে তিমিরহারী জ্ঞান চক্ষু দিতেছেন, ইহার জীবন বৃদ্ধি ও ধনবর্দ্ধন হইলে অস্বদেশীয় জনগণের যে কত উপকার হইবে তাহা বর্ণনাভীত! —বিদ্যালয়গী। বংশবাটী। ২১ ফাল্গুন সম্বৎ ১৯১৪।

ছাত্রদিগকে বাংলা-রচনায় উৎসাহিত করিবার জন্ত কালীপ্রসন্ন সময়ে সময়ে পদক ও পুরস্কার বিতরণ করিতেন। ১ জুন ১৮৫৮ তারিখের 'হিন্দুরত্ন কমলাকর' পত্র পাঠে জানা যায় যে, ওরিয়েন্টাল সেমিনারীর ছাত্রদের শিক্ষার পরীক্ষায় কালীপ্রসন্ন ইংরেজী চারি শ্রেণীতে বাংলা বিষয়ে প্রশ্ন প্রদান ও উত্তম লেখক চারি জন বালককে পদক প্রদান করিয়াছিলেন।

অনেক ছাত্র তাঁহার নিকট অর্থসাহায্য পাইয়া বিদ্যালয়ে শিক্ষালাভের সুযোগ পাইয়াছে—এরূপ দৃষ্টান্তও বিরল নহে। ১ অক্টোবর ১৮৬০ তারিখে 'সোমপ্রকাশ' লেখেন :—

আমরা শ্রীযুত বাবু কালীপ্রসন্ন সিংহের দানশীলতা প্রভৃতির ভূয়সী প্রশংসা পরিপূর্ণ এক খানি প্রেরিত পত্র পাইয়াছি। স্থানের

অসম্ভাব প্রযুক্ত অবিকল পত্রস্থ করিতে পারিলাম না। পত্র প্রেরক মাডিকেল কলেজের বাঙ্গলা শ্রেণীর প্রথম বর্ষের ছাত্র। তাঁহার এরূপ সঙ্গতি নাই যে, উপযুক্ত ব্যয় নির্বাহ করিয়া কলেজে পাঠ করেন। উল্লিখিত সিংহ বাবু অনেক অংশে আনুকূল্য করাতে তাঁহার সেই অসঙ্গতি জন্ত ক্লেশ দূরগত হইয়াছে। কালীপ্রসন্ন বাবুই অর্থের যথার্থ ব্যবহার করিতেছেন সন্দেহ নাই।

### সাহিত্যের উন্নতিকল্পে দান

মাতৃভাষার উন্নতিকল্পে কালীপ্রসন্ন অকাতরে অর্থব্যয় কবিয়া গিয়াছেন। লেখকবর্গের উৎসাহবর্দ্ধনার্থ মাঝে মাঝে তিনি পুরস্কার ঘোষণা করিতেন—বিদ্যোৎসাহিনী সভার বিবরণে তাহার উল্লেখ করা হইয়াছে।

‘সংবাদ প্রভাকর’ যন্ত্রালয়ে চৈত্র-সংক্রান্তির দিন একটি সম্মিলন অনুষ্ঠিত হইত। এই উপলক্ষে বহু শিক্ষিত ব্যক্তির সমাগম হইত, প্রবন্ধাদি পাঠিত হইত, ভোজেরও ব্যবস্থা ছিল। এই সাপ্তাহিক সম্মিলনে লেখকবর্গের উৎসাহবর্দ্ধনার্থ পারিতোষিক প্রদানের ব্যবস্থা ছিল। বিদ্যোৎসাহী ব্যক্তিরা এই সকল পুরস্কার দিতেন; তাঁহাদের মধ্যে কালীপ্রসন্নের নাম সর্বাগ্রে উল্লেখ করা কর্তব্য। এরূপ পুরস্কার প্রদানের একটি বিবরণ রামচন্দ্র গুপ্ত-সম্পাদিত ‘সংবাদ প্রভাকর’ (১ বৈশাখ ১২৬৮) হইতে উদ্ধৃত করিতেছি :—

বঙ্গভাষা লেখক ও অন্য ভাষা হইতে বাঙ্গলা অনুবাদকদিগের উৎসাহবর্দ্ধনার্থ প্রভাকর পত্রের বর্ষবৃদ্ধির আনন্দজনক এই বার্ষিকী সভায় পারিতোষিক প্রদানের যে নিয়ম এতৎপত্রের জন্মদাতা কবিবর গুণাকর ৩ঈশ্বরচন্দ্র গুপ্ত মহাশয় কতিপয় দেশহিতৈষী

বিদ্যোৎসাহী ব্যক্তিদিগের বিশেষাণুরাগ ও সাহায্য দ্বারা নিরূপণ করিয়াছিলেন...বহুবাজার নিবাসি বহুগুণসম্পন্ন বিদ্যাশুরাগী সরলস্বভাব বাবু ৬ উমেশচন্দ্র দত্ত মহাশয় কয়েক বৎসর ঐ বিষয়ে যথেষ্ট আনুকূল্য করিয়াছেন, ... । উমেশ বাবুর অভাবে উক্ত লেখক ও অনুবাদকগণের উৎসাহবর্দ্ধন বিষয়ে আমরাদিগেরও অনুরাগ অনেকাংশে ত্রিয়মান হইয়াছিল, কিন্তু যুগলসেতুনিবাসি ধনরাশি বিদ্যোৎসাহী সরলস্বভাব সুপ্রসন্নচিত্ত শ্রীযুক্ত বাবু কালীপ্রসন্ন সিংহ মহাশয় জাতীয় ভাষার উন্নতিসাধন বিষয়ে সমধিক উৎসাহী হইয়া যথেষ্টরূপে আনুকূল্য করাতে আমরাদিগের ঐ ক্ষণোৎসাহ বর্দ্ধমান হইয়াছে, বঙ্গভাষার শ্রীবৃদ্ধি সম্পাদন বিষয়ে কালীপ্রসন্ন বাবুর যেরূপ অনুরাগ ও যত্ন আছে, তাহা সাধারণের অবিদিত নাই, তিনি ঐ বিষয়ে কেবল অর্থ ব্যয় করিতেছেন, এমত নহে, স্বয়ং লেখনীধারণ পূর্বক অবিপ্রাস্তরূপে পরিশ্রমও করিতেছেন, বঙ্গভাষার সুলেখকদিগকে তিনি সমাদর পূর্বক গ্রহণ করেন, এবং তাহারাদিগের দ্বারাই সর্বদা পরিবেষ্টিত থাকেন, স্বয়ং মুদ্রা-যন্ত্র স্থাপন করিয়া মহাভারতাদি মহাপুরাণ ও অন্যান্য সংস্কৃত গ্রন্থাদি বঙ্গভাষায় অনুবাদ পূর্বক উত্তম রূপে মুদ্রাঙ্কণ করিয়া অকাতরে সাধারণকে বিতরণ করাতে যে উপকার হইতেছে তাহা বিবেচনা করিলে স্বদেশহিতেচ্ছু ব্যক্তিদিগকে শ্রীযুক্ত বাবু কালীপ্রসন্ন সিংহ মহাশয়ের নিকটে বিশেষ বাধ্যতা স্বীকার করিতে হইবেক । অধুনা আমরা এইস্থলে তাঁহার বিষয় অধিক না লিখিয়া পরমেশ্বরের নিকটে একান্তচিত্তে প্রার্থনা করিতেছি, তিনি অরোগী এবং দীর্ঘায়ু হউন, এবং বঙ্গভাষার উন্নতিবর্দ্ধন বিষয়ে তাঁহার যত্ন ও অনুরাগ এবং উৎসাহ ক্রমে বৃদ্ধি হইতে থাকুক, স্বজাতির ভাষার অবস্থা সংশোধন



বিষয়ে তিনি অবিচলিত অনুরাগ প্রকাশ করিয়া আপনার যথার্থ কর্তব্যকার্য সাধন করিতেছেন, তিনি তদ্বিষয়ে যে সমস্ত সংস্কল্প করিয়াছেন, তাহা সিদ্ধ হইলে এদেশের এক চির উপকার সাধন করা হইবেক। পুরাবৃত্তলেখক মহানুভবেরা হেমাঙ্করে শ্রীযুক্ত বাবু কালী-প্রসন্ন সিংহ মহোদয়ের গুণাবলী বর্ণন করিবেন, তাহার সন্দেহ নাই।

শ্রীযুক্ত বাবু কালীপ্রসন্ন সিংহ মহোদয় অনুবাদের নিমিত্ত দুইটি প্রশ্ন প্রদান করিয়াছিলেন, যথা।

ইংলণ্ডীয় কবির তামস্ মুর সাহেবের বিরচিত লালারুক বাঙ্গালা পণ্ডে অনুবাদ পারিতোষিক ১০০ টাকা।

টড্, সাহেবের রাজস্থাননামক পুস্তক হইতে উদয়পুরের রাজকুমারী কৃষ্ণকুমারীর বিচিত্র চরিত্র বাঙ্গালা পণ্ডে অনুবাদ পারিতোষিক ৩০ টাকা।

ইহার মধ্যে কোন অনুবাদক লালারুক অনুবাদ করিয়া প্রেরণ করেন নাই...।

দ্বিতীয় বিষয়, অর্থাৎ কৃষ্ণকুমারীর বিচিত্র চরিত্র বর্ণন দুই জন অনুবাদ করিয়া পাঠাইয়াছিলেন, তাহার মধ্যে শ্রীযুক্ত বাবু গোঁসাই দাস গুপ্তের লেখা পরীক্ষকদিগের বিবেচনায় উত্তম হওয়াতে তাঁহাকে অবধারিত পারিতোষিক ৩০ টাকা প্রদানানুমতি হইয়াছে।

শ্রীযুক্ত বাবু কালীপ্রসন্ন সিংহ মহাশয় পণ্ড রচনাবিষয়ে তিনটি বিষয় প্রেরণ করেন যথা।

রূপকচ্ছলে সমস্ত রজনীবর্ণন, বঙ্গভাষার সমালোচন এবং তাহার বর্তমান অবস্থাবর্ণন, কবিতা ৪০০ পংক্তির ন্যূন না হয়, পারিতোষিক ৫০ টাকা, ...শ্রীযুক্ত বাবু প্রিয়মাধব বসুর রচনা উত্তম হওয়াতে তিনি অবধারিত পঞ্চাশত মুদ্রা পারিতোষিক প্রাপ্ত হইলেন।

দ্বিতীয় বিষয়, নগর মধ্যে রজনী সন্তোষ এবং কলিকাতা নগরের বর্তমান অবস্থা বর্ণন। কবিতার সংখ্যা চারি শত পংক্তির অধিক না হয়, এই বিষয়ে কেবল শ্রীযুক্ত রাধামাধব মিত্র লিখিয়া প্রেরণ করিয়াছিলেন, ... তাঁহাকে অবধারিত ত্রিশ টাকা প্রদান করা গেল।

শেষ প্রস্তাব গল্প রচনা, পুরাণ পাঠের ফল, এই বিষয়ে যে কয়েকটি রচনা আসিয়াছিল, তন্মধ্যে শ্রীযুক্ত বাবু জয়নারায়ণ বন্দ্যোপাধ্যায় এবং শ্রীযুক্ত বাবু বিপিনবিহারী সেনের রচনা পরীক্ষকদিগের বিবেচনায় উত্তম হওয়াতে তাঁহারা উভয় লেখকের উৎসাহ বৃদ্ধিনার্থ অবধারিত পারিতোষিক ত্রিশ মূদ্রা সমভাগ করিয়া দিবার আদেশ করিয়াছেন।

১২৭০ সালের চৈত্র-সংক্রান্তির বাৰ্ষিক সভা উপলক্ষে কালীপ্রসন্ন স্বনামে ও বেনামীতে কয়েকটি পুরস্কার ঘোষণা করিয়াছিলেন। পুরস্কারের বিষয়গুলি এই :—

শ্রীযুত বাবু কালীপ্রসন্ন সিংহ মহোদয়ের প্রদত্ত।

পুরাণ পাঠের ফল কি ?

পরিমাণ প্রভাকর পত্রের চারি ফরমা, পুরস্কার ২৫ টাকা।

পরীক্ষক ব্রাহ্মসমাজের উপাচার্য্য শ্রীযুত অযোধ্যানাথ পাকড়াসী।

শ্রীযুত মুলুকচাঁদ শর্মা প্রদত্ত।

প্রথম, “ভারতবর্ষের প্রাচীন অবস্থা অপেক্ষা কি কি বিষয়ে এইক্ষণে উন্নতি হইয়াছে” যিনি লিখিবেন, তাঁহার এই লেখা অন্যান্য বিংশতি পত্র হয়, পারিতোষিক ১০ টাকা মাত্র, পরীক্ষক শ্রীযুত বাবু কালীপ্রসন্ন সিংহ মহোদয়।

দ্বিতীয়, বঙ্গদেশাধিপতি সুবিখ্যাত রাজা বল্লাল সেনের জীবন

বৃত্তান্ত ১২ পেজি ফরমার এক শত পৃষ্ঠার ন্যূন না হয়, পারিতোষিক ৪০ চল্লিশ টাকা ।

পরীক্ষক শ্রীযুত পণ্ডিত ঈশ্বরচন্দ্র বিদ্যাসাগর, বাবু রাজেন্দ্রলাল মিত্র ও বাবু কালীপ্রসন্ন সিংহ ।—‘সংবাদ প্রভাকর’, ২৫ মার্চ ১৮৬৪ ।

কালীপ্রসন্ন সাহিত্যিকগণকে নানা ভাবে সাহায্য করিতেন । ১৮৬২ খ্রীষ্টাব্দের মধ্যভাগে ক্ষেত্রমোহন ভট্টাচার্য্য তৎসম্পাদিত ‘সংবাদ রসরাজ’ পত্রে কতকগুলি কুৎসাপূর্ণ প্রবন্ধ প্রকাশ করার অপরাধে নূতন ফৌজদারী বিধিমতে ধৃত হন । এই সময় কালীপ্রসন্নই অগ্রসর হইয়া তাঁহাকে জামিনে খালাস করেন । নীলকরদিগের সহিত মকদ্দমায় পাদুরি লঙের সহস্র মুদ্রা অর্থদণ্ডের আদেশ হইলে কালীপ্রসন্নই অযাচিত ভাবে এই অর্থ আদালতে প্রদান করিয়াছিলেন এ-কথা পূর্বেই বলা হইয়াছে ।

কালীপ্রসন্নের বদান্যতার জন্তই অনেক লেখক তাঁহাদের সাহিত্য-চর্চার ফল পুস্তকাকারে প্রকাশ কবিত্তে সমর্থ হইয়াছিলেন । ১৮৬৩ খ্রীষ্টাব্দের ৩০ নবেম্বর তারিখের ‘সোমপ্রকাশে’ প্রকাশ :—

নূতন পুস্তক ।...বাঙ্গালা নাগানন্দ । ইহা সংস্কৃত নাগানন্দের অনুবাদ । শ্রীযুক্ত বাবু কালীপদ মুখোপাধ্যায় শ্রীযুক্ত বাবু কালীপ্রসন্ন সিংহের অনুমতি অনুসারে এই অনুবাদ করিয়াছেন । কালীপ্রসন্ন বাবু ইহার সমুদয় ব্যয় দিয়াছেন । লেখা মন্দ নহে । চিতপুর পুরাণসংগ্রহ যন্ত্রে মুদ্রিত ;...

বাংলা সংবাদপত্র প্রকাশ দ্বারা স্বদেশের অশেষবিধ কল্যাণের কথা স্মরণ করিয়া কালীপ্রসন্ন সময়ে সময়ে এই সকল পত্রিকার উন্নতিবিধানের জন্ত অর্থসাহায্য করিতেন । ইহার দু-একটি দৃষ্টান্ত দিতেছি :—

(ক) ১৮৬১ খ্রীষ্টাব্দের মে মাসে ‘ভারতবর্ষীয় সংবাদপত্র’ নামে রাজনীতি-সংক্রান্ত একখানি পাক্ষিক সমাচারপত্র তারকচন্দ্র চূড়ামণির

সম্পাদকত্বে প্রকাশিত হয়। কালীপ্রসন্ন সম্পাদককে পাঁচ শত টাকা দান করিয়া এই পত্র প্রকাশে আনুকূল্য করিয়াছিলেন।—‘সোমপ্রকাশ’, ১ জুলাই ১৮৬১।

(খ) ১৩ অক্টোবর ১৮৬২ তারিখে ‘সোমপ্রকাশ’-সম্পাদক লিখিয়াছিলেন :—

আমরা কৃতজ্ঞতা সহকারে স্বীকার করিতেছি, জোড়াসাঁকোস্থ প্রসিদ্ধ দাতা স্বদেশহিতৈষী শ্রীযুক্ত বাবু কালীপ্রসন্ন সিংহ সোমপ্রকাশের উন্নতির নিমিত্ত ২০০ টাকা দান করিয়াছেন।

কালীপ্রসন্ন এক সময়ে তত্ত্ববোধিনী সভাকে একটি মুদ্রায়ত্ত্ব দান করিয়াছিলেন বলিয়া জানা যায়। চিন্তামণি চট্টোপাধ্যায় লিখিয়াছেন :—

কালীপ্রসন্ন নিজে একটি প্রেশ কিনিয়া তত্ত্ববোধিনী সভাকে দান করেন। তাহা আজও আদিব্রাহ্মসমাজের কার্যে লাগিতে রহিয়াছে। তিনি দেবেন্দ্রনাথের সঙ্গে ঘনিষ্ঠভাবে এ সময়ে মিশিয়াছিলেন। আমাদের যতদূর স্মরণ হয় তাহাতে আদিব্রাহ্মসমাজের ব্যবহারের জন্য তিনি একটি ঝাড় দিয়াছিলেন। সেটা রূপান্তরিত হইয়া আজও সমাজের ত্রিতলে বিরাজমান। মাঘোৎসব উপলক্ষে ব্রাহ্মণ-পণ্ডিতের বিদায়দানের আংশিক ভারও তিনি নিজে গ্রহণ করিয়াছিলেন।—‘কালীপ্রসন্ন সিংহ’, ‘তত্ত্ববোধিনী পত্রিকা’, জ্যৈষ্ঠ ১৮৪২ শক, পৃ. ৩৭।

এই প্রসঙ্গে বলা প্রয়োজন, কালীপ্রসন্ন পাঁচ ছয় বৎসর ব্রাহ্মসমাজের সহিত সংশ্লিষ্ট ছিলেন এবং এই সমাজে নিয়মিতভাবে অর্থ দান করিয়াছিলেন। ১৮৫৭ খ্রীষ্টাব্দে তত্ত্ববোধিনী সভার মুদ্রায়ত্ত্বের কার্যের তত্ত্বাবধারণার্থ তিনি অন্যতম “যন্ত্রাধ্যক্ষ” নির্বাচিত হইয়াছিলেন (‘তত্ত্ববোধিনী পত্রিকা’, ফাল্গুন ১৭৭৮ শক, পৃ. ১৬০)।

কালীপ্রসন্ন যে কেবল বাংলা পত্রিকাগুলিরই প্রতি সদয় ছিলেন, এরূপ মনে করিলে অশ্রদ্ধায় হইবে। শিক্ষিত স্বদেশবাসী কর্তৃক পরিচালিত ইংরেজী পত্রিকাগুলির উন্নতির প্রতিও তিনি সজাগ ছিলেন। ১৮৬১ খ্রীষ্টাব্দে শম্ভুচন্দ্র মুখোপাধ্যায়ের *Mookerjee's Magazine* (১ম পর্ব) প্রকাশিত হয়। ইহার মুদ্রণের সাহায্যার্থে কালীপ্রসন্ন স্বয়ং একটি মুদ্রায়ন্ত্র ক্রয় করিয়া শম্ভুচন্দ্রকে ব্যবহার করিতে দিয়াছিলেন। কয়েক সংখ্যা প্রকাশিত হইয়া পত্রিকাখানি বন্ধ হইয়া যায়। কিছু দিন পরে, ১৮৬২ খ্রীষ্টাব্দের মে মাসে গিরিশচন্দ্র ঘোষ কর্তৃক প্রতিষ্ঠিত 'বেঙ্গলী' নামক ইংরেজী সাপ্তাহিক পত্রের সাহায্যার্থে কালীপ্রসন্ন মুদ্রায়ন্ত্রটি দান করিয়াছিলেন। ৫-জানুয়ারি ১৮৬৩ তারিখে 'সোমপ্রকাশ' মন্তব্য করেন :—

বিবিধ সংবাদ।...১৭ই পৌষ বুধবার। আমরা এবারের বাঙ্গালি পত্র পাঠ করিয়া অতিশয় আনন্দিত হইলাম। সম্পাদক বলেন, স্বদেশহিতৈষী প্রসিদ্ধ দাতা বাবু কালীপ্রসন্ন সিংহ ঐ পত্রের নিমিত্ত একটি স্বতন্ত্র মুদ্রায়ন্ত্রের সংযোগ করিয়া দিয়াছেন। জানুয়ারি মাস অবধি ঐ পত্রের অবয়ব বৃদ্ধি হইবে। কালীপ্রসন্ন বাবুর তুল্য সংকার্যে উৎসাহদাতা লোক অতি অল্প দেখিতে পাওয়া যায়।

১৪ জুন ১৮৬১ তারিখে হরিশ্চন্দ্র মুখোপাধ্যায়ের মৃত্যু হইলে 'হিন্দু পেট্রিয়টে'র ন্যায় দেশহিতকর পত্রের বিলোপ অবশ্যস্তাবী হইয়াছিল। এই সময় কালীপ্রসন্নই 'হিন্দু পেট্রিয়ট'কে মৃত্যুমুখ হইতে রক্ষা করেন। তিনি হরিশ্চন্দ্রের পরিবারকে পাঁচ হাজার টাকা দিয়া মুদ্রায়ন্ত্র ও পত্রের সর্বস্বত্ব ক্রয় করিয়া লইয়াছিলেন। ইহা দ্বারা শুধু পত্রিকাখানি রক্ষা পায় নাই, পরন্তু হরিশ্চন্দ্রের পরিবারবর্গও যথেষ্ট উপকৃত হইয়াছিল। 'হিন্দু পেট্রিয়টে'র পরবর্ত্তী ইতিহাস এখানে দেওয়া সম্ভবপর নহে।

এই প্রসঙ্গে বলা প্রয়োজন, হরিশ্চন্দ্রের ঞায় দেশহিতব্রতের প্রতি কালীপ্রসন্ন বিশেষ শ্রদ্ধাশ্রিত ছিলেন। স্বর্ভূভাবে তাঁহার স্মৃতিচিহ্ন-স্থাপনে সহায়তার জন্ম কালীপ্রসন্ন একখানি পুস্তিকা প্রচার করিয়া দেশবাসীর প্রতি তাঁহার নিবেদন জ্ঞাপন করিয়াছিলেন। তিনি নিজে ‘হরিশ মেমোবিয়াল ফণ্ডে’ পাঁচ শত টাকা দান করেন; এমন কি, হরিশ্চন্দ্র-স্মৃতিমন্দির স্থাপনার্থে বাহুড়বাগানে দুই বিঘা জমি দান করিবার প্রস্তাব করিয়া স্মৃতি-সমিতিকে ৯ নবেম্বর ১৮৬২ তারিখে একখানি পত্রও লিখিয়াছিলেন। সমিতি এই প্রস্তাব সাদবে গ্রহণ করিয়া শেষ পর্য্যন্ত কিছুই করেন নাই।

কালীপ্রসন্ন এক সময়ে আর একখানি সংবাদপত্রের স্বত্ব ক্রয় করিয়া উহার পরিচালনে সহায়তা করিয়াছিলেন।\* কাগজখানির নাম ‘দূরবীন’, ইহা ফার্সী সংবাদপত্ররূপে ১৮৫৪ খ্রীষ্টাব্দে প্রথম প্রকাশিত হয়।

## দুর্ভিক্ষে দান

দানবীর কালীপ্রসন্ন জাতিধর্মনির্বিশেষে দান করিতেন। ১৮৬২ খ্রীষ্টাব্দে তিনি ল্যাঙ্কাশায়ার দুর্ভিক্ষ-তহবিলে সহস্র মুদ্রা দান করিয়াছিলেন। এই প্রসঙ্গে ‘হিন্দু পেট্রিয়ট্’ ( ১৫ ডিসেম্বর ১৮৬২ )

লেখেন :—

**we are glad to see the subscriptions in aid of the Lancashire [Famine] Fund are pouring in rapidly. Some of our leading townsmen have subscribed munificently. Rajah Pertaub Chunder**

\* ...His patronage of the press was catholic, for he extended it even to that Urdu newspaper, the *Doorbin*, the proprietary right in which he bought at the instance of a Mahomedan friend [Nawab Abdul Latif Khan Bahadur.]—*The Hindoo Patriot* for July 25, 1870.

Sing has contributed another thousand. The other one thousand-wallahs are Ranee Surnomoyee. Baboo prosunno Coomar Tagore, Baboo Kali Prossunno Sing and Baboo Herallaul Seal. Lesser stars then follow...

. ১৮৬১ খ্রীষ্টাব্দে উত্তর-পশ্চিমাঞ্চলে ভীষণ দুর্ভিক্ষ হয়। ইহার নিবারণ-কল্পেও কালীপ্রসন্ন সাহায্য করিয়াছিলেন। জ্যোতিরিন্দ্রনাথ ঠাকুর তাঁহার স্মৃতিকথায় বলিয়াছেন :—

একবার উত্তরপশ্চিমাঞ্চলে খুব দুর্ভিক্ষ হয়। সেই দুর্ভিক্ষ উপলক্ষে আদি ব্রাহ্মসমাজে একটা সভা হয়। সেই সভায় পিতৃদেব বেদী হইতে যেরূপ মস্বম্পর্শী বক্তৃতা করেন তাহা আমি কখন ভুলিব না। তাঁহার বক্তৃতা শুনিয়া লোকেরা এমনি মুগ্ধ ও উত্তেজিত হইয়াছিল যে, যাহার কাছে যাহা কিছু ছিল, তৎক্ষণাৎ সে দুর্ভিক্ষের সাহায্যার্থে দান করিল। কেহ আঙ্গুল হইতে আংটি খুলিয়া দিল, কেহ ঘড়ি ও ঘড়ির চেন খুলিয়া দিল। আমার স্মরণ হয় ৮ কালীপ্রসন্ন সিংহ তাঁহার মহমূল্য উত্তরীয় বস্ত্র (বোধ হয় শাল) তৎক্ষণাৎ খুলিয়া দান করিলেন।—“পিতৃদেব সম্বন্ধে আমার জীবনস্মৃতি,” ‘প্রবাসী’, মাঘ ১৩১৮, পৃ. ৩৮৯-৯০।

## জনহিতকর কার্যে দান

১৮৬৫ খ্রীষ্টাব্দে কালীপ্রসন্ন চিত্রপুরে একটি দাতব্য ঔষধালয়ের প্রতিষ্ঠা করিয়া স্থানীয় লোকদিগের অসুবিধা অনেকটা দূর করিয়াছিলেন। এই প্রসঙ্গে ‘বামাবোধিনী পত্রিকা’ (কার্তিক ১২৭২, পৃ. ১৩৯) লেখেন :—

নূতন সংবাদ।—...আমরা শুনিয়া সম্ভ্রাষ লাভ করিলাম কলিকাতা নিবাসি শ্রীযুক্ত বাবু কালীপ্রসন্ন সিংহ সংপ্রতি চিত্রপুরে

একটি দাতব্য ঔষধালয় স্থাপন করিয়া তত্রত্য লোকদিগের মহোপকার করিতেছেন।

কলিকাতায় যখন বিশুদ্ধ পানীয় জলের সৃষ্টি হয় নাই, তখন কালীপ্রসন্ন বিলাত হইতে চারিটি ধারায়ন্ত্র আনাওয়া শহরের বিভিন্ন স্থানে স্থাপনের সঙ্কল্প করিয়াছিলেন। এই প্রসঙ্গে ‘সংবাদ পূর্ণচন্দ্রোদয়’ ৬ ডিসেম্বর ১৮৬৫ তারিখে লেখেন :—

বাবু কালীপ্রসন্ন সিংহের দত্ত দুই সহস্র টাকা দ্বারা ইংলণ্ড হইতে ধারায়ন্ত্র ৪টি আনয়ন করা হইয়াছে। উহার ব্যয় সর্বশুদ্ধ ২৯৮৫।।৯০ আনা হইয়াছে। এতদ্ভিন্ন স্থাপনের ব্যয় স্বতন্ত্র দেওয়া হইবে।

এই সকল ধারায়ন্ত্র শহরের যে যে স্থানে স্থাপিত হইবার প্রস্তাব হইয়াছিল, তৎসম্বন্ধে ১৫ জুন ১৮৬৫ তারিখের ‘হিন্দু পেট্রিয়টে’ আলোচনা আছে। ‘হিন্দু পেট্রিয়ট’ লিখিয়াছিলেন :—

We understand that the Chairman of the Justices has determined to put up the four fountains presented by Baboo Kaliprossunno Sing to the Town at the following places :—

- 1 At Junction of Dalhousie Square and Clive Street.
- 1 At Junction of Strand and Durmahatta Street.
- 1 At Junction of Esplanade Row and Government Place East.
- 1 At Junction of Rajah Guru Dass Street and Beadon Street.

The first site is very appropriate...A fountain at the new Square in the Native Town will be both useful and ornamental. But we are of opinion that one ought to be put up near the residence of the munificent donor in Baranussy Ghose's Street.

‘হিন্দু পেট্রিয়টে’র প্রস্তাব-মত কাজ হইয়াছিল। একটি ধারায়ন্ত্র কালীপ্রসন্নের আবাসস্থলের নিকটে এবং আর একটি রাজা গুরুদাস স্ট্রীট ও বীডন স্ট্রীটের সংযোগস্থলে স্থাপিত হইয়াছিল, বাকী দুইটি সম্ভবতঃ কোথাও স্থাপিত হয় নাই।



## দেশপ্রীতি

কালীপ্রসরের সাজাত্যবোধ, স্পষ্টবাদিতা, সহৃদয়তা, অপক্ষপাতিতা প্রভৃতি গুণ উল্লেখযোগ্য। নানা ব্যাপারে বিভিন্ন কৰ্মক্ষেত্রে তাঁহার এই সকল গুণের পরিচয় পাওয়া যায়। নিম্নে তাহার কয়েকটি দৃষ্টান্ত দেওয়া যাইতেছে।

সার্ব মর্ডান্ট ওয়েল্‌স সুপ্রিম কোর্টের বিচারাসন হইতে প্রায়ই বলিতেন, বাঙ্গালী মিথ্যাবাদী ও প্রভারক। নীলদর্পণ-মকদ্দমায়ও তিনি এইরূপ কটুবচন প্রয়োগ করিয়াছিলেন। সমগ্র জাতিকে এরূপভাবে অপমানিত করায় তাঁহার বিরুদ্ধে চারি দিকেই অসন্তোষের গুঞ্জনধ্বনি শোনা যাইতে লাগিল। ২৬ আগস্ট ১৮৬১ তারিখে দেশীয় নেতৃবর্গ রাজা রাধাকান্ত দেবের নাটমন্দিরে এক বিরাট সভার আয়োজন করেন। কালীপ্রসরও এই সভায় যোগদান করিয়াছিলেন; শুধু যোগদান করিয়াছিলেন বলিলে ঠিক হইবে না,—বাঙালী-চরিত্রে অযথা কলঙ্ক-লেপনের জন্য তিনি বিচারপতি ওয়েল্‌সের বিরুদ্ধে এই জনসভায় এক জালাময়ী বক্তৃতা করেন। সভায় রাজা রাধাকান্ত দেব, যতীন্দ্রমোহন ঠাকুর, রামগোপাল ঘোষ, দেবেন্দ্রনাথ ঠাকুর প্রভৃতি গণ্যমান্ত ব্যক্তিগণ উপস্থিত ছিলেন।

১৮ সেপ্টেম্বর ১৮৬১ তারিখে ওয়েল্‌সের বিরুদ্ধে বহু সহস্র লোকের স্বাক্ষরিত আবেদন-পত্র ব্রিটিশ ইন্ডিয়ান অ্যাসোসিয়েশনের মাৰফৎ বিলাতে সেক্রেটারী-অব-স্টেট সার্ব চার্লস উডের নিকট প্রেরিত হইল। এই আবেদনের উত্তরে পরবর্তী ২৪ ডিসেম্বর তারিখে সার্ব চার্লস উড গবর্নর জেনারেলকে জানাইলেন :—

...those who hold the Judicial office may be sensible of how great

importance it is that their denunciations of crime may not be interpreted into hasty imputations against a whole people or country.\*

“হত্যোমে’র ভাষায় সেই অবধি ওয়েল্‌সও ব্রেক হলেন” ।

১৮৬৩ খ্রীষ্টাব্দে ওয়েল্‌স যখন এদেশ হইতে বিদায় গ্রহণ করেন, তখন যাঁহারা তাঁহাকে অভিনন্দিত করিতে অগ্রসর হইয়াছিলেন, তাঁহাদের মধ্যে কালীপ্রসন্নকেও দেখিতে পাই ।† ইহা তাঁহার হৃদয়ের মহত্ত্ব বলিতে হইবে । প্রকৃতপক্ষে কালীপ্রসন্ন মনে মনে ইংরেজ-বিদ্বেষ পোষণ করিবার মত অমুদার ছিলেন না । বরং দেখা যায়, যে-সকল ইংরেজ এদেশের হিতসাধন করিয়াছেন, তিনি তাঁহাদের প্রতি সম্মান প্রদর্শন করিতে মোটেই পশ্চাৎপদ হন নাই । দৃষ্টান্তস্বরূপ দু-একটি ঘটনার উল্লেখ করিতেছি ।

কালীপ্রসন্ন লর্ড ক্যানিঙের প্রতি অতিশয় শ্রদ্ধাশ্রিত ছিলেন । তাঁহার স্বদেশগমনের সঙ্কল্পের কথা প্রচারিত হইলে তাঁহাকে কি ভাবে সম্মানিত করা যায়, সে সম্বন্ধে আলোচনা করিবার জন্ম টাউনহলে ২৫ ফেব্রুয়ারী ১৮৬২ তারিখে এক বিরাট জনসভা হয় । এই সভায় স্থির হয়, রাজা রাধাকান্ত দেব, যতীন্দ্রমোহন ঠাকুর, রামগোপাল ঘোষ, মৌলবী আবদুল লতীফ-প্রমুখ নেতৃবর্গ লর্ড ক্যানিঙের নিকট উপস্থিত হইয়া এদেশবাসীর পক্ষ হইতে তাঁহাকে একখানি মানপত্র দিবেন । এই সকল দেশনায়কের দলে কালীপ্রসন্নও ছিলেন । পরবর্তী ১৪ই মার্চ লর্ড ক্যানিঙকে মানপত্র দেওয়া হয় । সভায় আরও স্থির হইয়াছিল, চাঁদা তুলিয়া লর্ড ক্যানিঙের একটি মর্ম্মর মূর্তি প্রতিষ্ঠা করিতে হইবে । এই স্মৃতিরক্ষাকল্পে কালীপ্রসন্ন সহস্র মুদ্রা দান করিয়াছিলেন ।‡

\* ১৭ ফেব্রুয়ারি ১৮৬২ তারিখের ‘হিন্দু পেট্রিয়ট’ ড্রষ্টব্য ।

† ‘সোমপ্রকাশ’, ১৪ সেপ্টেম্বর ১৮৬৩, পৃ. ৬৫৯ ড্রষ্টব্য ।

‡ ৩১ মার্চ ১৮৬২ তারিখের ‘হিন্দু পেট্রিয়ট’ ড্রষ্টব্য ।

নীলকর-পীড়িত প্রজাবর্গকে দুঃখমোচনকারী লেফটেন্যান্ট গবর্নর সার্ জন্ পীটার গ্রাণ্ট যখন এদেশ ত্যাগ করেন, সেই সময় তাঁহাকে বিদায়-অভিনন্দনপত্র দিবার জন্য দেশের যে-সকল গণ্যমান্য ব্যক্তি ২২ এপ্রিল ১৮৬২ তারিখে বেলভিডিয়া হাউসে সমবেত হইয়াছিলেন, কালীপ্রসন্ন তাঁহাদের অন্যতম।\* গ্রাণ্ট সাহেবের স্বরণার্থ তহবিলেও কালীপ্রসন্ন শত মুদ্রা দান করিয়াছিলেন।†

১৮৬১ খ্রীষ্টাব্দে স্বনামধন্য অধ্যাপক ডি. এল. রিচার্ডসন যখন স্বদেশ-প্রত্যাবর্তনের সঙ্কল্প করেন, তখন যে-সকল কৃতবিদ্য ব্যক্তি টাউন-হলে ( ৫ ফেব্রুয়ারি ) তাঁহাকে অভিনন্দন-পত্র ও পাথেরস্বরূপ চারি সহস্র মুদ্রা প্রদান করেন, কালীপ্রসন্ন তাঁহাদের মধ্যেও এক জন।

## বিচারকের পদে কালীপ্রসন্ন

১৮৬৩ খ্রীষ্টাব্দে কালীপ্রসন্ন অবৈতনিক ম্যাজিস্ট্রেট ও জজিস অব দি পীস নিযুক্ত হইয়াছিলেন।‡ তিনি এই কার্য্য কিরূপ দক্ষতার সহিত সম্পন্ন করিয়াছিলেন, তাহার দু-একটি দৃষ্টান্ত দিতেছি।

৬ জুন ১৮৬৪ তারিখে 'সোমপ্রকাশে' এই সংবাদটি প্রকাশিত হয় :—

টেরিটার বাজার অপরিষ্কৃত থাকাতে অবৈতনিক ম্যাজিস্ট্রেট শ্রীযুক্ত বাবু কালীপ্রসন্ন সিংহ বর্তমানাধিপতির ৫০ টাকা জরিমানা

\* *The Indian Field* for 26 April 1862.

† জুলাই ১৮৬৩ তারিখের 'সোমপ্রকাশ' দ্রষ্টব্য।

‡ "আমরা শুনিয়া আশ্চর্য হইলাম শ্রীযুক্ত বাবু কালীপ্রসন্ন সিংহ অনারারী ম্যাজিস্ট্রেট হইয়াছেন।"—'সোমপ্রকাশ', ৪ মে ১৮৬৩।

করিয়াছেন, যত দিন উহা পরিষ্কৃত না হইতেছে প্রতিদিন তাঁহাকে ৫০ টাকা করিয়া জরিমানা প্রদান করিতে হইবে।

‘সোমপ্রকাশ’ পুনরায় ২৯ আগস্ট ১৮৬৪ তারিখে নিম্নোক্ত অংশ প্রকাশ করেন :—

কলিকাতার অবৈতনিক ম্যাজিষ্ট্রেট শ্রীযুক্ত বাবু কালীপ্রসন্ন সিংহ আজি কালি পুলিশের কার্যে বিলক্ষণ দক্ষতা প্রদর্শন করিতেছেন। গত ১৬ই আগস্ট তিনি যে কয়েকটা মকদ্দমার বিচার করিয়াছেন, তাহার দুটি দেখিয়া আমরা সম্ভ্রান্ত লাভ করিলাম। ৮ জন দোকানদার কৃত্রিম বাঁটখারা ব্যবহার করাতে তাহাদিগের প্রত্যেকের ২৫ টাকা করিয়া জরিমানা হইয়াছে। ম্যাজিষ্ট্রেট আক্ষেপ করিয়াছেন, ধূর্ত দোকানদারেরা এক এক দ্রব্যে দুই গুণ লাভ করিয়া থাকে। লোকে যথার্থ মূল্য দিয়া একরূপ প্রবঞ্চনা ও ক্ষতি সহ করিবেন কেন? পুলিশের ইনস্পেক্টরগণ ইহার অনুসন্ধান রাখেন না বলিয়া তিনি ক্ষুব্ধ ও আশ্চর্যান্বিত হইয়াছেন। ওজন ও মাপের জুয়াচুরি প্রায় সর্বত্রই সমান, দণ্ডবিধিতেও ইহার এক বৎসর মেয়াদ নির্দিষ্ট হইয়াছে। কালীপ্রসন্ন বাবু বারাস্তরে একরূপ অপরাধীর দণ্ড বাড়াইয়া দিবেন, একরূপ অভিপ্রায় প্রকাশ করিয়াছেন।

বিচারকার্যে সুনামের জন্য যুবক কালীপ্রসন্ন কয়েক বার অস্থায়ী ভাবে ম্যাজিষ্ট্রেটের পদে কার্য করিতে অনুরুদ্ধ হইয়াছিলেন। এই প্রসঙ্গে ৩১ অক্টোবর ১৮৬৪ তারিখে ‘হিন্দু পেট্রিয়ট,’ লেখেন :—

Baboo Kally Prossunno Sing has been requested by the Commissioner of Police to officiate for Mr. Dickens, the Southern Division Magistrate, for two months. It is but bare justice to the Baboo to say that he has taken the shine out of all the Honoraries of Calcutta. Whether European or native, and the public spirit which he is

exhibiting by thus employing his leisure for the benefit of the public is indeed entitled to high commendation.

৩ জুন ১৮৬৫ তারিখের 'সংবাদ প্রভাকর' পাঠে জানা যায়, "কলিকাতা পুলিশের প্রধান মাজিষ্ট্রেট ব্রান্সন সাহেব অশ্ব হইতে পতিত হইয়া আপাততঃ বিচারালয়ে আগমনে অশক্তি হওয়াতে উপস্থিত অবৈতনিক মাজিষ্ট্রেট শ্রীযুক্ত বাবু কালীপ্রসন্ন সিংহ তাঁহার কাৰ্য্য করিতেছেন এবং থিয়োডোর ডিকেন্সের মৃত্যুর পর ব্রান্সন সাহেবের নিয়োগের পূর্বে এই বাবু কিছুদিন পুলিশের প্রধান আসনোপবিষ্ট হইয়া সচিবচার বিতরণ দ্বারা বিলক্ষণ প্রশংসাজন হইয়াছিলেন।"

সমসাময়িক সংবাদপত্রে কালীপ্রসন্ন আদর্শ বিচারপতিরূপে কীর্তিত হইয়াছেন। ১৬ জানুয়ারি ১৮৬৫ তারিখে 'সোমপ্রকাশে'র সম্পাদকীয় স্তম্ভে নিম্নাংশ প্রকাশিত হয় :—

আদর্শ বিচারপতি :—২ই জানুয়ারির হিন্দুপেট্রিয়টে দৃষ্ট হইল, অনরারি মাজিষ্ট্রেট বাবু কালীপ্রসন্ন সিংহের নিকটে একদা ডাক্তার বীটসনের কেরাণী মহেশ্চন্দ্র দাস ডাক্তারের পকেট বহি চুরী করিয়াছেন বলিয়া অভিযোগ উপস্থিত হয়। কালীপ্রসন্ন বাবু প্রমাণ প্রয়োগ লইয়া মহেশের কাৰাবাসের আদেশ করেন। পশ্চাৎ বাবু জানিতে পারিলেন, সে বহি অন্যের নিকটে দৃষ্ট হইয়াছে। তিনি তৎক্ষণাৎ মহেশের মুক্তিলাভের অমুরোধ করিয়া গবর্নমেন্টে লিখিলেন। লেপ্টেনন্ট গবর্নর তাঁহার অমুরোধ রক্ষা করিয়াছেন।

কালীপ্রসন্ন বাবু যে দিন অনরারি মাজিষ্ট্রেটের পদে প্রতিষ্ঠিত হইয়াছেন, সেই অবধি আমরা তাঁহার প্রশংসাবাদ শ্রবণ করিতেছি। কিন্তু তাঁহার উপস্থিত বিষয়ের প্রশংসা আর সমুদায় অতিক্রম করিয়া উচ্চ হইয়া উঠিয়াছে। তিনি অতঃপর অণু অণু বিচারপতির আদর্শ স্থলে দণ্ডায়মান হইলেন। বিচারপতির এইরূপ হওয়াই উচিত।...

যাঁহারা বাঙ্গালিদিগকে উচ্চ বিচারাসন দানের প্রতিবন্ধকতা করেন, তাঁহারা দেখুন বাঙ্গালিদিগের জায়পরতা কতদূর গমন করিয়াছে।

বিচারকার্যে কালীপ্রসন্নের অপক্ষপাতিতার পরিচয় সত্যই বিরল নহে। ২১ সেপ্টেম্বর ১৮৬৫ তারিখের 'সংবাদ পূর্ণচন্দ্রোদয়ে' প্রকাশ :—

ভেলি নিউসের একজন পত্র প্রেরক বলেন, বাবু কালীপ্রসন্ন সিংহের নিকট একদিন মিউনিসিপ্যাল সংক্রান্ত মোকদ্দমা উপস্থিত হয়। বিচার কালে হেলথ অফিসর ডাক্তার টনিয়র সম্মুখে ছিলেন ; ডাক্তার টনিয়র বলিলেন নেটিবদিগের সাক্ষ্য বিশেষ বিশ্বাসযোগ্য নয়। এই কথায় কালীপ্রসন্ন বাবু বলেন, অনেক মিউনিসিপ্যাল অফিসরের কথা শুনিয়া তাহার বিচার করিব না। সম্ভ্রান্ত বাঙ্গালীদিগের সাক্ষ্যও আমি অগ্রাহ্য করিব না। সম্ভ্রান্ত ইউরোপীয় সাক্ষিদিগের কথা যত দূর বিশ্বাস করি, সম্ভ্রান্ত দেশীয় লোকের কথা ততদূর বিশ্বাস করিব। একটুকুও ন্যূন করিব না।

১২ সেপ্টেম্বর ১৮৬৪ তারিখের 'হিন্দু পেট্রিয়টে' বিচারক কালীপ্রসন্নের সহৃদয়তা সম্বন্ধে এই বিবরণটি প্রকাশিত হইয়াছিল :—

A blind beggar was the other day brought up before Baboo Kaliprossonno Sing, Honorary Magistrate, on a charge of begging for alms in the streets. The appearance of the man at once excited the sympathy of the Magistrate who far from punishing him gave him a donation of 2 Rs. out of his own pocket and promised him a monthly relief of one Rupee. A letter to the Secretary of the District Charitable Society was also directed to be written. We wish however the Magistrate had shown some sense of his displeasure to the over-zealous Police Officer, who hauled up a blind man for begging.

কালীপ্রসন্নের স্মৃষ্ণ বিচারে সাহেবই হউক আর বাঙ্গালীই হউক, কোন অপরাধীরই নিষ্কৃতি পাইবার উপায় ছিল না। 'ইণ্ডিয়ান ফীল্ড' (২০ আগস্ট ১৮৬৪) সত্য সত্যই লিখিয়াছিলেন :—

...Baboo Kali Prosono has become since his accession to the Honorary Magistrate bench of Calcutta a terror to Bengalee Villains and European rogues.

কালীপ্রসন্ন শুধু আদালতের বিচারামনেই আইনের প্রয়োগ করিতেন না, আইনের যথাযথ প্রয়োগের জন্ত অবসরসময়ে চিন্তাও করিতেন। ১৮৬৬ খ্রীষ্টাব্দের জুন মাসে তিনি *The Calcutta Police Act* নামে একখানি ইংরেজী পুস্তক প্রকাশ করেন। পুস্তকখানির পৃষ্ঠা-সংখ্যা ২০৮ ; ইহার আখ্যা-পত্রটি এইরূপ :—

**THE CALCUTTA POLICE ACT.** Containing Act No. IV, of 1866 B. C. together with the Sections of the Indian Penal Code referred to therein an abstract statemet of the offences and the Penalties attached thereto, and an alphabetical Index, &c &c. With the Amended Act. Compiled By KALI PRUSUNNO SINGH. *Honorary Magistrate and Jnstice of the Peace for the town of Calcutta. One of the Municipal Commissioners for the Suburbs of Calcutta with the powers of a magistrate.* Calcutta ; Printed and Published for Babu Shib Chunder Bose at J. G. Chatterjea & Co.'s Press. No. 68. Pottuldunga, College Street, 1866. *To be had at the Calcutta Police Court. Price One Rupee.*

এই পুস্তকের ভূমিকায় কালীপ্রসন্ন যাহা লিখিয়াছেন, তাহার ইংরেজী রচনার নিদর্শনস্বরূপ তাহাও এখানে উদ্ধৃত করিতেছি :—

#### PREFACE

In editing the new Police Act. I beg to inform the public that I have inserted all the Sections of the Indian Penal Code referred to in the clauses of the section-XXVI of this Act, have prepared an abstract statement of all the offences and penalties attached thereto, and have introduced the limits of the Port and Town of Calcutta, and the Amended Act.

If my brother Honorary Magistrates find facilities in dispensing Justice with accuracy by the aid of these few pages, thus laid before them, I shall feel my labour amply rewarded.

In conclusion, I cannot refrain from acknowledging my best thanks to my friend. **BABOO PRANKISSEN GHOSE**, Interpreter

to the magistrate of the northern Division of Calcutta, for the valuable assistance he has rendered me in compiling this work.

Calcutta, Police Court,  
The 7th June. 1866

KALI PRUSUNNO SINGH

## মৃত্যু

২৪ জুলাই ১৮৭০ ( ২ শ্রাবণ ১২৭৭ ) তারিখে অপুত্রক কালীপ্রসন্ন একালে ইহলোক ত্যাগ করেন। তাঁহার মৃত্যুতে 'ইণ্ডিয়ান মিরর' যাহা লিখিয়াছিলেন, নিম্নে তাহা উদ্ধৃত করা হইল :—

Among the wealthy and aristocratic classes of Calcutta there are few, young or old, that could equal the accomplishments of Kali Prossono Singh, whose death during the last week it is our melancholy duty to record. The only son of a wealthy father, he left his college studies while very young; and his character gave little indication of any future worth or usefulness. But as he with increased years imbibed a taste for the pleasures of opulence and youth, he also imbibed higher and more refined tastes, and became such an ardent lover of literature and wit as few of his class have ever seen. His celebrated translation of the *Mahavarata*, which before his time never stood in decent Bengali, and the free distribution of the fifteen volumes of his great work, made him popular with every native of Bengal that could spell a sentence of his mother-tongue. His exquisite sketches of Calcutta society published under the humorous title of *Hootum* are inimitable, and would not, we advisedly say, dishonour the genius of a Swift or a Dickens. He it was who originally introduced into Bengal the taste for indigenous theatricals, and his translation of *Vikramorvasi* was the first play ever represented in a Bengali stage. He started a daily vernacular newspaper, under the model of English journalism called the *Paridarshaka*, for some time conducted the well-known Bengali monthly journal *Vividartha Sungraha*, and when the *Hindoo Patriot* was on the verge of ruin, he rescued it at great expense,



and entrusted it to competent hands. Nor was he wanting in public spirit. The ardent co-operation which he rendered to Dr. Duff during Famine of 1861 in the N. W. Provinces, the ready help which Mr. Long received from him during the *Nil Durpan* troubles, and the munificent gift of the stone fountains which he made to the Municipality amply testify to this. Handsome, young, rich, and generous he was ever a prey to the temptations that infest native society, and to nothing more than the dreadful voice of intemperance. Last Sunday at about 8 o'clock P. M. he died of a disorder of the liver brought on by his excesses, in the 29th year of his age.—*The Indian Mirror* for 29 July (Friday), 1870.

কালীপ্রসন্নের মৃত্যুতে প্যারিমোহন কবিরত্ন একটি গান রচনা করিয়াছিলেন। গানটি এইরূপ :—

দেশহিতৈষী কালী সিংহ গুণগ্রাহী গুণাকর ।

গিয়াছেন স্বর্গধামে ত্যেজে মনুজ কলেবর ॥

আক্ষেপ অতি অল্প কালে, গ্রাসিল করাল কালে,

বিষয়চ্যুত চিন্তানলে, দেহ ছিল জর জর ॥

এত বিখ্যাত অল্প দিনে, বাঙ্গালী মহলে আর দেখিনে,

স্বয়ং মহীকুহ রোপণ করে গিয়াছেন বিস্তর ॥

ভয়ানক তুফান নীল-দর্পণে, জজ্জ্ ওয়েল্‌সের কোপাশুনে,

লংকে করিল রক্ষা সমাজে অতি সত্বর ॥

কম লিখেছে কি হতোম পেঁচায়, টের পেয়েছেন অনেক বাছায়,

অনেকের দোষ শুধরে গেছে, যারা ছিল দোষের সাগর ॥

বিষয় গেলো এই এক দোষ, বৃথা করা আপশোষ্,

সকলের সকলি যাবে, সংসারে কিছু দিনান্তর ॥

মহাযশ মহাভারতে, রেখে গিয়েছেন ভারতে,

কবি কয় ভারতবর্ষে, জন্মাবে না তেমন নয় ॥—

‘গীতাবলী’, পৃ. ৬২-৭০ ।

## উপসংহার

কালীপ্রসন্ন সিংহের বহুমুখী প্রতিভা এবং আরক ও অসম্পূর্ণ বহুবিধ কীর্তি এই সংক্ষিপ্ত পরিচয়ের মধ্যে সমস্ত মানুষটির যে রূপ সন্ততি বংশরের ব্যবধানেও আমাদের সম্মুখে প্রতিভাত হইতেছে, কলিকাতার ধনী জমিদার বা বাবু-সম্প্রদায়ের মধ্যে তাহা অননুসাধারণ—বৃহত্তর বাঙালী-সমাজেও তাহা দুর্লভ। অকালমৃত্যু তাঁহার মূল্যবান জীবনকে মধ্যপথে খণ্ডিত করিয়া বাংলা দেশ ও জাতিকে যে কতখানি বঞ্চিত করিয়াছে, তাঁহার সংক্ষিপ্ত জীবনের এই অসম্পূর্ণ ইতিহাস হইতে আমরা তাহা উপলব্ধি করিয়া আজ ক্ষুব্ধ না হইয়া পারি না। এই সামান্ত পরিচয় হইতেই আমরা নিঃসন্দেহে আজ বলিতে পারি, বাংলা ভাষা ও সাহিত্য এবং বাঙালীর সামাজিক জীবনের বহুবিধ সংস্কার ও উন্নতির ভিত্তিমূলে যতকাল কালীপ্রসন্নের নাম চিরকাল খোদিত থাকিবে; তাঁহার হৃদয়ের উদারতা, স্বদেশপ্রেম ও সাজাত্যবোধ, শিক্ষা, ভাষা, সাহিত্য ও সমাজসংস্কারে তাঁহার দূরদর্শিতা ও অধ্যবসায় তাঁহার অসাধারণ প্রতিভার সহিত যুক্ত হইয়া তাঁহাকে চিরদিন আমাদের স্মরণীয় করিয়া রাখিবে।

কালীপ্রসন্ন যে-আদর্শ অনুসরণ করিয়া জীবনে চলিতে চাহিয়াছিলেন তদানীন্তন সুখবিলাসলালিত ধনি-সন্তানদের তাহা কল্পনার অতীত ছিল; তাঁহার জীবনে এই আদর্শ পরিপূর্ণতা লাভ করিলে উনবিংশ শতাব্দীর বাঙালীর ইতিহাস আরও কিছু পরিমাণ গৌরবময় হইত। তাঁহার আকস্মিক মৃত্যু এদেশের পক্ষে একটি শোচনীয় দুর্ঘটনা।

মহাভারতের উপসংহারে কালীপ্রসন্ন আপন জন্মভূমির উন্নতি বিষয়ে যে কামনা করিয়াছিলেন, তাহাই উদ্ধৃত করিয়া প্রসঙ্গের শেষ করিতেছি,—

জগদীশ্বরসমীপে কায়মনোবাক্যে প্রার্থনা করি, দেশীয় ক্ষমতাশালী ধনবান্ ব্যক্তির কায়মনে জন্মভূমির উন্নতিসাধনে নিযুক্ত হইয়া ধনের সার্থকতা সম্পাদনপূর্বক অবিনশ্বর সংকীৰ্ত্তি লাভ করুন। তাঁহাদিগের যশঃসৌরভে ভূমণ্ডল পরিপূরিত হউক। বিচার বিমলজ্যোতিঃ সাধারণের হৃদয়নিহিত মোহাঙ্ককার দূর করুক দীর্ঘকালমলিনা ভারতবর্ষের সৌভাগ্য দিন দিন নবোদিত শশিকলার ন্যায় বৃদ্ধি হউক। মহদয় সাধু জনেরা নিরাপদে চিরদিন স্বদেশীয় সাহিত্যরসাস্বাদনে কালাতিপাত করুন এবং শত শত অনুবাদক, গ্রন্থকার ও কবিবরেরা জন্মগ্রহণ পূর্বক ভাষাদেবীকে অনুপম অলঙ্কারে বিভূষিত করিয়া সাধুসমাজের মনোরঞ্জন করত অমরতা লাভ করুন।




সাহিত্য-সাধক-চরিতমালা—

কৃষ্ণকমল ভট্টাচার্য  
রামকমল ভট্টাচার্য



কৃষ্ণকমল ভট্টাচার্য  
রামকমল ভট্টাচার্য

ব্রজেন্দ্রনাথ বন্দ্যোপাধ্যায়



বঙ্গীয় সাহিত্য পরিষদ

২৪৩।১, আচার্য প্রফুল্লচন্দ্র রোড

কলিকাতা-৭০০ ০০৬

প্রকাশক  
শ্রীমদনমোহন কুমার  
সম্পাদক  
বঙ্গীয় সাহিত্য পরিষৎ

ষষ্ঠ সংস্করণ—অগ্রহায়ণ, ১৩৮৩  
মূল্য এক টাকা পঞ্চাশ পয়সা

মুদ্রাকর—শ্রীকালিদাস মুন্সী  
পুরাণ প্রেস—২১, বলরাম ঘোষ স্ট্রীট, কলিকাতা-৭০০ ০০৪



# কৃষ্ণকমল ভট্টাচার্য্য

১৮৪২-১৯৩২

## বাল্য-জীবন

**জন্ম :** ১৮৪০ খ্রীষ্টাব্দে কৃষ্ণকমল জন্মগ্রহণ করেন। তাঁহার পিতা রামজয় তর্কালঙ্কার মালদহের অধিবাসী এবং জাতিতে বারেন্দ্রশ্রেণীর ব্রাহ্মণ।

**সংস্কৃত কলেজ :** ১৮৪৮ খ্রীষ্টাব্দের প্রথম ভাগে কৃষ্ণকমল, আট বৎসর বয়সে, শিক্ষার্থী হিসাবে সংস্কৃত কলেজে প্রবেশ করেন।\*

“তখন আমার বয়স আনু্য ৬।৭ বৎসর ; বোধ হয় ইংরাজি ১৮৪৭ সাল হইবে। আমি আমার দাদার সঙ্গে সংস্কৃত কলেজে যাইতাম। তিনি আমাকে একটা বেঞ্চে বসাইয়া রাখিতেন। এই রকম ২।৫ দিন যাইতে যাইতে একদিন বিদ্যাসাগর মহাশয় আমাকে বলিলেন, ‘আয় তোকে ইস্কুলে ভর্তি করে দি।’ তখন কোনও

\* সংস্কৃত কলেজের সেক্রেটারী ১৮৪৮ খ্রীষ্টাব্দে ১৫ই মে কাউন্সিল-অব-এডুকেশনকে জানাইয়াছিলেন :—

-I have the honour to report that since my letter No. 373 dated 25th January 1848 the undermentioned Students have been admitted in the Sanskrit College.

Names	Age in the year	Class
Krishnacomul	8	4th Grammar Class

ছাত্রের বেতন দিবার পদ্ধতি ছিল না ; কায়েই ইন্সকুলে ভর্তি হওয়ার প্রতিবন্ধক হইল না ।...ইন্সকুলে ভর্তি হইয়াই আমার ‘মুঞ্চবোধ’ পড়া আরম্ভ হইল । প্রথম দুই বৎসর ৮প্রাণকৃষ্ণ বিদ্যাসাগর মহাশয়ের কাছে অধ্যয়ন করিলাম ।...তৃতীয় বৎসর ৮গোবিন্দ শিরোমণি [ রামগোবিন্দ গোস্বামী ? ] মহাশয়ের ক্লাসে ও চতুর্থ বৎসর ৮দ্বারিকানাথ বিদ্যাভূষণ মহাশয়ের কাছে ‘মুঞ্চবোধ’ অধ্যয়ন করিলাম ।...এই চারি বৎসরে ‘মুঞ্চবোধ’ পড়া শেষ হইল ।...অঙ্কের অধ্যাপক...শ্রীনাথ দাস ; ইংরাজির অধ্যাপক প্রসন্নকুমার সর্বাধিকারী । আমি তাঁহাদের উভয়ের কাছেই পড়িয়াছি ।”  
( ‘পুরাতন প্রসঙ্গ,’ ১ম পর্য্যায়, পৃ. ৩৩-৩৬ )

কৃষ্ণকমল সংস্কৃত কলেজের কৃতী ছাত্র ; তিনি ১৮৫৪ খ্রীষ্টাব্দের এপ্রিল মাসে জুনিয়র বৃত্তি পরীক্ষায় সংস্কৃত কলেজের ছাত্রদের মধ্যে শীর্ষস্থান অধিকার করিয়া মাসিক আট টাকা বৃত্তি লাভ করেন । তিনি মোট ২০০ নম্বরের মধ্যে সর্বসাকল্যে ১৭৬ পাইয়াছিলেন । পরীক্ষার ফল এইরূপ :—

সাহিত্য ৪৮ ; অলঙ্কার ৪৮ ; অনুবাদ ৪০ ; সংস্কৃত রচনা ৪০ ।

মোট ১৭৬ ।\*

১৮৫৫ খ্রীষ্টাব্দের এপ্রিল মাসে কৃষ্ণকমল ৪র্থ শ্রেণী হইতে পরীক্ষা দিয়া সংস্কৃত কলেজের অন্যান্য ছাত্রদের মধ্যে শীর্ষস্থান অধিকার করিয়া বারো টাকা সিনিয়র বৃত্তি ( “Promoted to Senior Scholarship” ) লাভ করেন । এবার তিনি মোট ২৫০ নম্বরের

\* General Report on Public Instruction, in the Lower Provinces of the Bengal Presidency, From 30th Sept. 1852, to 27th Jan. 1855. App. D. p. cccxxiv.

মধ্যে সর্বসাকল্যে ২০১.৭৫ পাইয়াছিলেন। পরীক্ষার ফল উদ্ধৃত করিতেছি :—

সংস্কৃত সাহিত্য ৪৫ ; দর্শন বা স্মৃতি ৩৭.৫ ; ইংরেজীর মৌখিক পরীক্ষা ৪৭ ; ইংরেজী হইতে বঙ্গানুবাদ ২৫ ; বাংলা রচনা ৩৭.২৫। মোট ২০১.৭৫।\*

কৃষ্ণকমল ১৮৫৭ খ্রীষ্টাব্দের এপ্রিল মাসে পরীক্ষা দিয়া সংস্কৃতে ব্যুৎপত্তি হেতু এক বৎসরের জন্য ষোল টাকা সিনিয়র বৃত্তি পাইয়াছিলেন।†

১৮৫৭ খ্রীষ্টাব্দে এন্ট্রান্স পরীক্ষার প্রবর্তন হয়। এই বৎসর এপ্রিল মাসে কৃষ্ণকমল সংস্কৃত কলেজ হইতে এন্ট্রান্স পরীক্ষা দেন। বঙ্কিমচন্দ্র চট্টোপাধ্যায়ও ঐ বৎসর প্রেসিডেন্সী কলেজের আইন-বিভাগ হইতে এন্ট্রান্স পরীক্ষা দিয়াছিলেন। তাঁহারা উভয়েই পরীক্ষায় প্রথম বিভাগে উত্তীর্ণ হন।

**প্রেসিডেন্সী কলেজ :** ১৮৫৭ খ্রীষ্টাব্দেই কৃষ্ণকমল উচ্চ শিক্ষা লাভের জন্য প্রেসিডেন্সী কলেজে ভর্তি হন।

**নিরুদ্ধেশ :** প্রেসিডেন্সী কলেজে প্রবেষ্ট হইবার প্রায় এক বৎসর পরে তিনি কাহাকেও কিছু না-বলিয়া পশ্চিম যাত্রা করেন। এই অতাবনীয় ব্যাপারে তাঁহার অগ্রজ সংবাদপত্রে যে বিজ্ঞাপন দিয়াছিলেন, তাহা উদ্ধৃত করিতেছি :—

আমার ভ্রাতা শ্রীমান কৃষ্ণকমল ভট্টাচার্য্য গত ৫ বৈশাখ শনিবার দিবস নিরুদ্ধেশ হইয়াছে। তাহার বয়স ১৬।১৭ বৎসর

\* General Report.....From 27th January to 30th April 1855. Pp. 31, 34. App. XCV.

† Report of the Director of Public Instruction for the year 1856-57, App. C, p. 12.

কিন্তু খর্বাকৃতি জন্ম অল্প বোধ হয়, গৌরাজ, কৃশ, সংস্কৃত কালেজ হইতে প্রেসিডেন্সি কালেজে অধ্যয়নে প্রবৃত্ত হইয়াছিল যে কেহ তাহার অনুসন্ধান করত ধৃত করিতে পারেন, প্রভাকর যন্ত্রালয় অথবা নরমেল স্কুলে আমার নিকট সংবাদ দিলে তাঁহার নিকট যথোচিত বাধিত উপকৃত হইব। শ্রীরামকমল ভট্টাচার্য। নরমেল স্কুলের প্রধান শিক্ষক (‘সংবাদ প্রভাকর,’ ২০ এপ্রিল ১৮৫৮, ৮ বৈশাখ ১২৬৫)

**ডভ'টন কলেজ** : তখনও এফ. এ. পরীক্ষা প্রবর্তিত হয় নাই। কৃষ্ণকমল কয়েকমাস ডভ'টন কলেজে (ভূতপূর্ব ‘পেরেন্টেল একাডেমি’) পড়িয়া, গৃহে বসিয়াই বি. এ. পরীক্ষার জন্ম প্রস্তুত হইতে লাগিলেন। ১৮৬০ খ্রীষ্টাব্দে তিনি দ্বিতীয় বিভাগে বি. এ. পরীক্ষায় উত্তীর্ণ হন।

“আমি প্রেসিডেন্সি কলেজে এক বৎসর অধ্যয়ন করিয়া কয়েক মাস ডভ'টন কলেজে পড়িয়াছিলাম।...

কলেজে অধ্যয়ন না করিয়া আমি এন্ট্রান্স পাসের দুই আড়াই বৎসরের মধ্যে ঘরে পড়িয়া বি.এ. পাস দিয়াছিলাম...।” (‘পুরাতন প্রসঙ্গ,’ ১ম পর্যায়, পৃ. ১০৩, ১১৯)

## অধ্যাপনা, ওকালতি

**খানাকুল কৃষ্ণনগরে শিক্ষকতা** : ১৮৫৯ খ্রীষ্টাব্দের শেষ ভাগে কৃষ্ণকমল খানাকুল কৃষ্ণনগরস্থ সংস্কৃত-ইংরেজী বিদ্যালয়ের প্রধান শিক্ষকের পদ লাভ করেন। বিদ্যালয়টি যছনাথ সর্বাধিকারীর বাটীতে অবস্থিত ছিল। ২৬ মে ১৮৬০ তারিখে বিদ্যালয়ের পারিতোষিক বিতরণ উপলক্ষে বক্তৃতায় প্রসন্নকুমার সর্বাধিকারী বলেন :—

...আমাদের এই বিদ্যালয়ে কেবল ইংরেজী ভাষার চর্চা না হইয়া ইংরেজী সংস্কৃত ও বাঙ্গালা তিন ভাষারই শিক্ষা হইয়া

ধাকে । ...দুই বৎসর হইল [ বৈশাখ ১২৬৫ ) এই স্কুল সংস্থাপিত হইয়াছে ।... বিদ্যালয়টি সংস্থাপিত হইলেই গিরিশচন্দ্র গুপ্ত অধ্যাপকের পদ গ্রহণ করেন ।.. এখানে দেড় বৎসরকাল বাস করিয়া তিনি পরলোক গমন করেন ।...গিরিশ বাবুর মৃত্যুর পর অবধি দুই জন শিক্ষকের আবশ্যক হয় । শিক্ষক মহাশয়দিগের কলিকাতা হইতে যত দিন না আসা হইয়াছিল কৃষ্ণনগর নিবাসী শ্রীযুক্ত কাশীনাথ চৌধুরী বিনা বেতনে পরিশ্রম স্বীকার করিয়া শিক্ষাকার্য্য নির্বাহ করেন । কাশীনাথ বাবু কিছুদিন কৰ্ম্ম করিলে পর শ্রীযুক্ত কৃষ্ণকমল ভট্টাচার্য্য বি, এ, প্রধান শিক্ষকের পদ ও শ্রীযুক্ত উমেশচন্দ্র গুপ্ত দ্বিতীয় শিক্ষকের পদ গ্রহণ করেন ।... কৃষ্ণকমল অল্প দিন হইল নিজের কোন বিশেষ প্রয়োজন বশতঃ কৰ্ম্ম পরিত্যাগ করিয়াছেন । কৃষ্ণকমল আর কিছুদিন আমাদের এখানে থাকিলে অত্যন্ত আফ্লাদের বিষয় হইত । তিনি যেরূপ বুদ্ধিমান্ অতি অল্প লোক সেরূপ দেখিতে পাওয়া যায় । সংস্কৃত ও ইংরেজী শাস্ত্রে তিনি বিলক্ষণ অধিকারী হইয়াছেন । বালকদিগকে শিক্ষাদান বিষয়ে তাঁহার সমধিক যত্ন ছিল । ( 'সোমপ্রকাশ,' )  
১৮ জুন ১৮৬০ )

**নর্ম্মাল স্কুলের সুপারিন্টেন্ডেন্ট :** কৃষ্ণকমলের অগ্রজ রামকমল কলিকাতা নর্ম্মাল স্কুলের প্রধান শিক্ষক ছিলেন । ১১ জুলাই ১৮৬০ তারিখে তিনি উদ্বন্ধনে প্রাণত্যাগ করেন । সম্ভবতঃ আতার মৃত্যুর পরেই কৃষ্ণকমল নর্ম্মাল স্কুলের সুপারিন্টেন্ডেন্টের পদে অস্থায়ী ভাবে নিযুক্ত হইয়াছিলেন ।

**ডেপুটি ইন্স্পেক্টর অব-স্কুল্‌স্ :** ইন্স্পেক্টর-অব-স্কুল্‌স্, উড্‌রো সাহেব কৃষ্ণকমলকে বড় ভালবাসিতেন । তাঁহারই চেষ্টায় কৃষ্ণকমল ১৮৬০ খ্রীষ্টাব্দের আগস্ট (?) মাসে মাসিক ১০০ বেতনে

কলিকাতার ডেপুটি ইন্স্পেক্টর-অব-স্কুলসের পদ প্রাপ্ত হন। তাঁহার এই নিয়োগ সম্বন্ধে 'সোমপ্রকাশে' (২৭ আগস্ট ১৮৬০) প্রকাশ :—

এডুকেশন গেজেট হইতে গৃহীত। নিয়োগ।...কলিকাতা নর্থাল স্কুলের অফিসিএটিং সুপারিণ্টেন্ডেন্ট বাবু কৃষ্ণকমল ভট্টাচার্য্য কলিকাতার দ্বিতীয় শ্রেণীভুক্ত ডেপুটি ইন্স্পেক্টর হইবেন।

১ জুন ১৮৬১ তারিখে শিক্ষা-বিভাগের ডিরেক্টরকে লিখিত স্কুল-ইন্স্পেক্টর উড্রো সাহেবের পত্রের সহিত কৃষ্ণকমলের একটি রিপোর্ট প্রেরিত হইয়াছিল। ঐ রিপোর্টের কয়েক পংক্তি উদ্ধৃত করিতেছি :—

.....Whatever scheme of liberal education may be conceived for Bengal, it will be narrow and imperfect, unless it take in a thorough mastery over Bengali and Sanskrit, together with a critical, extensive, and profound acquaintance with English.\*

কৃষ্ণকমল ১৮৬১ খ্রীষ্টাব্দের মে-জুন মাসে হাবড়ার স্কুলগুলি পরিদর্শন করিয়াছিলেন। ইহার অব্যবহিত পরে—১৮৬১ খ্রীষ্টাব্দেই তিনি এই পদ ত্যাগ করেন।

খানাকুল কৃষ্ণনগরের শিক্ষকতা : কৃষ্ণকমল ১৮৬২ খ্রীষ্টাব্দের প্রথম চারি মাস পুনর্বার খানাকুল কৃষ্ণনগরের সংস্কৃত-ইংরেজী বিদ্যালয়ে প্রধান শিক্ষকের কর্ম করিয়াছিলেন। ২৯ মে ১৮৬২ তারিখে এই বিদ্যালয়ের বার্ষিক পারিতোষিক-বিতরণ-সভায় প্রসন্নকুমার সর্বাধিকারী বলেন :—

\* Extracts from the Report of Baboo Comul Bhattacharjee B.A., late Deputy Inspector of Schools, for the Southern part of the 24-Pargannahs (General Report on Public Instruction in the Lower Provinces of the Bengal Presidency, for 1860-61. App, A, pp. 58-60.)

আপনারা ছাত্রদিগের উৎসাহ বর্ধনার্থ গত বৎসর এইরূপে সমবেত হইবার প্রায় দেড় মাস পরে শ্রীযুক্ত শ্যামাচরণ গঙ্গোপাধ্যায়, বি. এ. প্রধান শিক্ষকের পদ গ্রহণ করেন।...শ্যামাচরণ বাবু শ্রাবণ মাস অবধি পৌষ মাস পর্য্যন্ত প্রধান শিক্ষকতা কার্যে নিযুক্ত ছিলেন। ...শ্যামাচরণ বাবুর গমনের পর কয়েক দিবস শ্রীযুক্ত বাবু ললিতমোহন চট্টোপাধ্যায়...কর্ম করিলে পরেই শ্রীযুক্ত বাবু কৃষ্ণকমল ভট্টাচার্য্য বি. এ. প্রধান শিক্ষকের পদ গ্রহণ করিয়া আমাদের এই বিদ্যালয়ের যৎপরোনাস্তি উপকার করিয়াছেন। তিনি সংস্কৃত ও ইংরেজী শাস্ত্রে যেরূপ ব্যুৎপন্ন শিক্ষাকার্যে যেরূপ আগ্রহযুক্ত ও পটু আমাদের এই বিদ্যালয়ের প্রতি তাঁহার যেরূপ স্নেহ দৃষ্টি এখানকার ছাত্রেরা তাঁহার প্রতি যেরূপ অনুরক্ত তিনি যেরূপ শান্তস্বভাব ও অমায়িক তাহাতে সমুদয় বিবেচনা করিলে আমাদের এই পাঠশালার পক্ষে তাঁহার মত অন্ত শিক্ষক অতি বিরল অবশ্যই বলিতে হইবে। কিন্তু স্মৃথ কি চিরস্থায়ী হয় ? আমাদের এই বিদ্যালয়ের সৌভাগ্য কি চিরকালই অব্যাহত থাকিবে ? কৃষ্ণকমল বাবু আর এখানে থাকিতে পারিবেন না, আগামী ২০এ জ্যৈষ্ঠ অবধি তাঁহাকে কলিকাতায় অবস্থিতি করিতে অন্ত্যর্ধনায় তাঁহাকে প্রেসিডেন্সি কলেজের অন্ততম সহকারী অধ্যাপকের পদ গ্রহণ করিতে হইয়াছে। তাঁহার এখানকার কর্ম পরিত্যাগ করিতে বড় ইচ্ছা ছিল না আমি সবিশেষ অনুরোধ করিয়া ও পরামর্শ দিয়া তাঁহাকে কর্মটি স্বীকার করাইলাম। বুঝিতেছি যে এরূপ করিয়া আমাদের এই বিদ্যালয়ের বিলক্ষণ ক্ষতি করিলাম। কিন্তু বলিলে কি হয়, আমাদের এখানে ৮০ আশি টাকা মাত্র বেতন, নূতন কর্মটির মাসিক বেতন ২০০ দুই শত টাকা। কৃষ্ণকমল বাবুকে এ কর্মটি গ্রহণ করিতে প্রবর্তনা না দিলে, বন্ধুর মত কাজ না

হইয়া নিতান্ত স্বার্থপর ব্যক্তির মত কাজ হইত। এক্ষণে ভরসা করি যে তিনি স্বচ্ছন্দ শরীরে ও স্বচ্ছন্দ মনে নূতন কর্মটি করিতে থাকুন এবং ক্রমশঃ তাঁহার পদ বৃদ্ধি হইতে থাকুক। (‘সোমপ্রকাশ’, ৭ জুলাই ১৮৬২)

প্রেসিডেন্সী কলেজে অধ্যাপনা : ১৮৬২ খ্রীষ্টাব্দের মে মাসে কৃষ্ণকমল মাসিক দুই শত টাকা বেতনে প্রেসিডেন্সী কলেজে বাংলা ভাষার সহকারী অধ্যাপক নিযুক্ত হন।\* ইহার ছয় মাস পরেই তিনি বাংলা ভাষার প্রধান অধ্যাপক-পদে উন্নীত হন ও তাঁহার বেতন তিন শত টাকা হয়।

“ছয় মাস পরে রামচন্দ্র মিত্র অবসর গ্রহণ করিলে বিদ্যাসাগর মহাশয় ছোটলাট Sir Cecil Beadonকে বলিয়া আমাকে Senior Professorএর পদে নিযুক্ত করাইয়া দিলেন,···। আমি বাঙ্গালা পড়াইতাম। কাশীদাস ও কৃত্তিবাস লইয়া আরম্ভ করা হইল। ক্রমে ক্রমে অন্যান্য পুস্তক যেমন প্রকাশিত হইতে লাগিল, অমনি আমি কলেজে পড়াইতে লাগিলাম। কৃষ্ণ বন্দ্যোপাধ্যায়ের ‘ষড়্দর্শন,’ হেম বন্দ্যোপাধ্যায়ের ‘চিন্তাতরঙ্গিণী,’ ‘মেঘনাদবধ’ প্রভৃতি ধরাইলাম।”

সুনারের সহিত ১৩ বৎসর অধ্যাপনার পর তিনি ১৮৭৩ খ্রীষ্টাব্দের ৮ই জানুয়ারি প্রেসিডেন্সী কলেজের অধ্যাপকের পদ ত্যাগ করেন। তাঁহার পদত্যাগের কারণ সম্বন্ধে ‘এডুকেশন গেজেট’ (৩ জানুয়ারি ১৮৭৩) লেখেন :—

\* “I am directed to inform you that the Lieutenant Governor has been pleased to appoint you to be Assistant Professor of Vernacular Literature in the Presidency College on a salary of Rupees 200 Two hundred per mensem.”—Letter dated 30 May 1862 from the Junior Secretary to the Govt. of Bengal.



সাপ্তাহিক সংবাদ ।—প্রেসিডেন্সি কলেজের সংস্কৃত অধ্যাপক বাবু কৃষ্ণকমল ভট্টাচার্য্য কর্ত্তে জবাব দিয়াছেন । তিনি হাইকোর্টে ওকালতি করিবেন । প্রেসিডেন্সির ন্যায় সর্বপ্রধান কলেজের সংস্কৃতের অধ্যাপকের পদ শিক্ষা বিভাগের গ্রেডভুক্ত না হওয়া উক্ত বাবুর পদত্যাগের কারণ ।

**ওকালতি :** কৃষ্ণকমল ১৮৭২ সনের জাহুয়ারি মাসে প্রেসিডেন্সি কলেজ হইতে বি. এল. পরীক্ষায় উত্তীর্ণ হইয়া, ২য় বিভাগে ৪র্থ স্থান অধিকার করিয়াছিলেন । অধ্যাপকের পদ পরিত্যাগ করিয়া তিনি হাইকোর্টে, এবং তৎপর হাওড়া-কোর্টে কয়েক বৎসর ওকালতি করিয়াছিলেন ।

**ঠাকুর-আইন-অধ্যাপক :** ১৮৮৪ খ্রীষ্টাব্দে কলিকাতা বিশ্ব-বিদ্যালয় কর্ত্তক 'ঠাকুর-আইন-অধ্যাপক ( Tagore Law Lecturer ) পদে নিযুক্ত হইয়া হিন্দু একাগ্রবর্ত্তী পরিবার সম্বন্ধে বক্তৃতা দিয়াছিলেন ইহার পারিশ্রমিক-স্বরূপ তিনি প্রায় দশ হাজার টাকা পাইয়াছিলেন ।

**রিপন কলেজের অধ্যক্ষ :** ১৮৯১ খ্রীষ্টাব্দে কৃষ্ণকমল রিপন কলেজের প্রিন্সিপ্যাল নিযুক্ত হন । তিনি ১৯০৩ খ্রীষ্টাব্দ পর্য্যন্ত অধ্যক্ষতা করিয়া অবসর গ্রহণ করেন ।

## সাহিত্যানুরাগ

**বিদ্যোৎসাহিনী সভা :** কৃষ্ণকমল অল্প বয়স হইতেই মাতৃভাবার প্রতি অনুরাগী ছিলেন । তিনি পঠদশায় কালীপ্রসন্ন সিংহের বিদ্যোৎসাহিনী সভায় প্রবন্ধাদি পাঠ করিতেন :—

“আমার যখন ১৫।১৬ বৎসর বয়স, তখন কালীপ্রসন্ন সিংহের সহিত আমার প্রথম আলাপ হয় ।...তাহার বাড়ীর দোতালায় একটি Debating Club ছিল, আমি সেই সভার সভ্য হইয়াছিলাম । সেই স্থানে কৃষ্ণদাস পালের সহিত আমার প্রথম পরিচয় হয়। এখনও আমার বেশ মনে আছে, যে দিন কৃষ্ণদাস পাল commerce সম্বন্ধে একটি বক্তৃতা করেন ; ইংরাজিতে তাহার সেই বক্তৃতা শুনিয়া আমি মুগ্ধ হইয়াছিলাম ।...আমিও প্রবন্ধ পাঠ করিতাম, কিন্তু বাঙ্গালায় । আমি ছেলে মানুষ বলিয়াই হোক বা আর কোনও কারণেই হোক, প্রবন্ধগুলির জন্ত আমি প্রশংসা পাইতাম । একদিন আমার একটি প্রবন্ধের আলোচনা হইতেছিল—কি বিষয়ে সে প্রবন্ধ রচিত হইয়াছিল, এখন আমার স্মরণ নাই, বোধ হয় বিধবা-বিবাহের উপর—এমন সময় একজন সত্য বলিয়া উঠিলেন, ‘ছেলে মানুষের প্রশংসা ক’রে ক’রে রাত কাটান যাবে না কি ?’ (‘পুরাতন প্রসঙ্গ,’ ১ম পর্য্যায়, পৃ. ৮৪-৮৫)

‘বিচারক’ : ১৮৫৮ খ্রীষ্টাব্দের ফেব্রুয়ারি মাসে\* কৃষ্ণকমল ‘বিচারক’ নামে একখানি সাপ্তাহিক পত্র প্রকাশ করেন ।

“[ সিপাহী-বিদ্রোহের ] সময়ে বাঙ্গালা রচনার দিকে আমার কিছু ঝোঁক ছিল । ‘বিচারক’ নামে একখানি সাপ্তাহিক সংবাদ পত্র

\* বিচারকের প্রথম তিন সংখ্যা হস্তগত হইলে ২২ ফেব্রুয়ারি ১৮৫৮ তারিখে ‘সংবাদ প্রভাকর’ এইরূপ মন্তব্য করেন :—“ ‘বিচারক’ নামক একখানি অভিনব সাপ্তাহিক পত্রের ১ হইতে ৩ সংখ্যা প্রাপ্ত হইলাম, বিচারক তত্ত্ব বিচারে প্রবৃত্ত হইরাছেন, এই অনুষ্ঠানটি অতি সদনুষ্ঠান বটে ।...সম্পাদক মহাশয় কি জন্ত আপনার নামটা গোপন করিয়াছেন, তাহা জানিতে পারিলাম না ।”

তৎকালে আমি বাহির করিয়াছিলাম। ইহা অ্যাডিসনের Spectatorএর ধরণে গঠিত হইয়াছিল। একটি সন্দর্ভে সমস্ত কাগজ পূর্ণ হইত। সর্বোপরি একটি করিয়া সংস্কৃত motto থাকিত। কি কারণে, মনে নাই, পাঁচ ছয় সংখ্যা বাহির হইয়াই উহা কিন্তু বন্ধ হইয়া যায়। পণ্ডিত তারানাথ তর্কবাচস্পতি মহাশয়ের জ্ঞাতিত্রাতা তারাদন ভট্টাচার্য্য\* পত্রিকার ব্যয়ভার বহন করিয়াছিলেন।”

( ‘পুরাতন প্রসঙ্গ,’ ১ম পর্য্যায়, পৃ, ২০০-২০১ )

‘ত্রৈমাসিক সমালোচক’ : ১৮৭৬ খ্রীষ্টাব্দের জানুয়ারি মাস হইতে কৃষ্ণকমল ‘ত্রৈমাসিক সমালোচক’ নামে একখানি “সর্ব-শাস্ত্র-বিষয়ক ত্রৈমাসিক পত্র ও সমালোচন” প্রচার করিবার সঙ্কল্প করেন। ৩ অগ্রহায়ণ ১২৮২ তারিখের ‘অমৃত বাজার পত্রিকা’র এই বিজ্ঞাপন প্রকাশিত হয় :—

\* “১২০৬ সম্বতে পটলডাঙ্গায় টামাস লেনে বিশ্বপ্রকাশ নামক একটা দেবান্ধরের ও বঙ্গান্ধরের মুদ্রাঘরের স্থাপন করিয়াছিলাম।...উক্ত বিশ্বপ্রকাশ ঘরের নিঃস্বার্থ-উন্নতি সাধনার্থ উদ্যোগেতা বালক কৃষ্ণকমল ভট্টাচার্য্য ‘বিচারক’ নামে একখানি সারপূর্ণ সাপ্তাহিক ক্ষুদ্র পত্রিকা ও ‘দুরাকাজ্জের বৃথা ভ্রমণ’ নামক একখানি অতি মনোরম পুস্তক মুদ্রিত করেন। তিনি এই উভয়েরই উপস্থানের প্রয়াসী ছিলেন না। কেবল আমারই নিঃস্বার্থ উপকারার্থ উহা মুদ্রিত করিতেন।...উক্ত মহাচেতা কৃষ্ণকমলের লিখিত ‘বিচারক’ ও ‘দুরাকাজ্জের বৃথা ভ্রমণ,’ উভয়ই একজন বিদ্যালয়ের পোগণ ছাত্রের লেখনী প্রসূত বলিয়া নিতান্ত অসার বোধে উহাদের প্রত্যক্ষ গুণগ্রাহেও কেহ আর লক্ষ্যই করিলেন না। সুতরাং উহাদের উভয়েরই বাল্যমৃত্যু হইল।” ( তারাদন তর্কভূষণ : ‘তারানাথ তর্কবাচস্পতির জীবনী এবং সংস্কৃত বিদ্যার উন্নতি,’ ইং ১৮২৩, পৃ. ৫৩-৫৪ )

আগামী ১লা মাঘ হইতে প্রকাশিত হইবে।

লেখক।

সাধারণতঃ প্রত্যেক প্রবন্ধে লেখকের নাম প্রকাশ থাকিবে।

শ্রীযুক্ত রামগতি ঞায়রত্ন। শ্রীযুক্ত রামদাস সেন। শ্রীযুক্ত  
সুরেন্দ্রনাথ বন্দ্যোপাধ্যায়। শ্রীযুক্ত বলদেব পালিত। F. H.  
Skrine Esq. C. S. এতদ্ব্যতীত জ্ঞানাসুর পত্রের অধিকাংশ  
লেখকগণ।

সম্পাদক শ্রীকৃষ্ণকমল ভট্টাচার্য্য।

এ পত্রে কখন কখন ইংরাজি প্রবন্ধাদিও লেখা হইবে।...

শ্রীশ্রীকৃষ্ণ দাস ( ভূতপূর্ব জ্ঞানাসুর সম্পাদক। )

সহকারী সম্পাদক।

‘ত্রৈমাসিক সমালোচক’ শেষ-পর্য্যন্ত প্রকাশিত হইয়াছিল কি না  
জানিতে পারি নাই।

‘হিতবাদী’ঃ ১৮২১ খ্রীষ্টাব্দের ৩০এ মে (১) সাপ্তাহিক ‘হিতবাদী’  
পত্র প্রথম প্রকাশিত হয়।\* সুরেন্দ্রনাথ বন্দ্যোপাধ্যায়ের অনুরোধে  
কৃষ্ণকমল ইহার প্রধান সম্পাদকের পদ গ্রহণ করিয়াছিলেন। তিনি  
তখন রিপন কলেজের অধ্যক্ষ। স্ববীন্দ্রনাথ সাহিত্য-বিভাগের সম্পাদক  
হন, তাঁহার ছোট গল্প লেখার সূত্রপাত এই ‘হিতবাদী’তেই; তিনি  
লিখিয়াছেন :—

আমাদের হিতবাদী বলে একখানি সাপ্তাহিক সংবাদপত্র  
বেরোচ্ছে। একটি বড় রকমের কোম্পানি খুলে কাজে প্রবৃত্ত হওয়া  
যাচ্ছে। ২৫,০০০ টাকা মূলধন। ২৫০ টাকা করে প্রত্যেক

---

\* কৃষ্ণকমল-সম্পাদিত ১ম ভাগ ১১শ সংখ্যা ‘হিতবাদী’ দেখিয়াছি। উহার  
তারিখ— আগষ্ট ১৮২১।

অংশ এবং এক-শ অংশ আবশ্যিক । প্রায় অর্ধেক অংশের গ্রাহক ইতিমধ্যেই পাওয়া গেছে । কৃষ্ণকমল বাবুকে প্রধান সম্পাদক, আমাকে সাহিত্যবিভাগের সম্পাদক এবং মোহিনীকে রাজনৈতিক সম্পাদক নিযুক্ত করা হয়েছে । বঙ্কিম, রমেশ দত্ত প্রভৃতি অনেক ভাল ভাল লোক লেখায় যোগ দিতে রাজি হয়েছেন । (‘বিশ্বভারতী পত্রিকা,’ শ্রাবণ ১৩৪২, পৃ. ৩০ )

সাধনা বাহির হইবার পূর্বেই হিতবাদী কাগজের জন্ম হয় । যাঁহারা ইহার জন্মদাতা ও অধ্যক্ষ ছিলেন তাঁহাদের মধ্যে কৃষ্ণকমলবাবু, সুবেন্দ্রবাবু, নবীনচন্দ্র বড়ালই প্রধান ছিল । কৃষ্ণকমলবাবুও সম্পাদক ছিলেন, সেই পত্রে প্রতি সপ্তাহেই আমি ছোট গল্প সমালোচনা ও সাহিত্যপ্রবন্ধ লিখিতাম । আমার ছোট গল্প লেখার সূত্রপাত ঐখানেই । ছয় সপ্তাহকাল লিখিয়াছিলাম । (‘আত্মপরিচয়’)

“হিতবাদী’ নামটি দ্বিজেন্দ্র বাবুরই সৃষ্টি, এবং ‘হিতং মনোহারি’ চ দুর্লভং বচঃ এই Mottoটিও তিনিই বলিয়া দেন ।” বানা ঝঙ্কাটে পড়িয়া কৃষ্ণকমল বেশী দিন সম্পাদকের কার্য্য করিতে পারেন নাই ।

গ্রন্থাবলী : কৃষ্ণকমলের বাংলা ও ইংরেজী গ্রন্থগুলির একটি কালানুক্রমিক তালিকা দিতেছি ।

১ । ছুরাকাঙ্ক্ষের বৃথা ভ্রমণ : ১৭৭২ শকাদা (ইং ১৮৫৭ ?)  
পৃ. ৬২ ।

ছুরাকাঙ্ক্ষের বৃথা ভ্রমণ ॥ কলিকাতা । ১৭৭২ শকাদা টামাস লেনে বিশ্বপ্রকাশ যন্ত্রে মুদ্রিত ।

কৃষ্ণকমল তাঁহার স্মৃতিকথায় বলিয়াছেন, “যোলো সতের বৎসর বয়সে ‘ছুরাকাঙ্ক্ষের বৃথা ভ্রমণ’ নামক একখানি পুস্তক আমি রচনা

করিয়াছিলাম।” পুস্তকখানি ১৮৫৭ খ্রীষ্টাব্দের শেষ ভাগে প্রকাশিত বলিয়া মনে হইতেছে। রাজেন্দ্রলাল মিত্র ইহার সমালোচনা প্রসঙ্গে লিখিয়াছিলেন :—

এতদেশীয় উপন্যাস সকলেরই এক ধারা ; সকলেই “এক রাজা ছিলেন তাঁহার সো দো ছই রাণী” এই রূপ বান্ধা ধরণে আরম্ভ হইয়া থাকে ; এই উপন্যাস তদ্রূপ নহে, এবং গল্পটীও তাদৃশ নিন্দনীয় বোধ হয় না। (‘বিবিধার্থ-সংগ্রহ,’ আষাঢ় ১৭৮০ শক )

‘ছুরাকাজ্জের বৃথা ভ্রমণে’র ভাব, ভাষা ও গল্প অক্ষয়চন্দ্র সরকারকে মুগ্ধ করিয়াছিল। তিনি লিখিয়াছেন :—

আমি বালককালে এই গ্রন্থের ভাষায় যে কেবল মুগ্ধ হইলাম এমন নহে, ইহার ভাবেও আকৃষ্ট হইলাম। আর উহার গল্প বড়ই ভাল লাগিয়াছিল।...আমি চুঁচুড়া হইতে প্রকাশিত সুবোধিনী পত্রিকার নিয়মিত গ্রাহক ছিলাম। তাহাতে ‘ভারতবর্ষীয় কুটীর’ নাম দিয়া একটি গল্প খণ্ডে বাহির হইত। - সেই গল্পে ছিল জগন্নাথ যাইবার পথে—পথের একটু তফাতে জটাঘটাসজ্জ্বিত—এক মহাবটবৃক্ষ। তাহার তলদেশ নিতান্ত নিভৃত নিরালয়। সেখানে সূর্য্যরশ্মি প্রবেশ লাভ করিতে পায় না। ভীষণ বায়ু উপরে হু হু করিলেও তলদেশে মন্দ মন্দ বিচরণ করে। প্রচুর পত্রসন্নিবেশে যেখানে বৃষ্টিও পড়িতে পারে না। সেইখানে একটি ছোট খাট সামান্য কুটীর, বাস করেন এক পড়িয়া বা চণ্ডাল খ্রীষ্টান, তাঁহার সহধর্মিণী ও একটি ছোট কন্যা। এ পুস্তকে পড়িলাম ছুরাকাজ্জ যখন মাদ্রাজ, মহীশূর, মালব উলট পালট করিয়া সেই বটতলে উপস্থিত হইলেন, তখন পড়িয়ার সহধর্মিণী মরিয়াছে, কন্যা যুবতী হইয়াছে,

‘দুইটি বিভিন্ন সময়ে,\* বিভিন্নরূপে প্রকাশিত গল্পের এইরূপ অপূর্ব মিল দেখিয়া, আমার বালক মনে বড়ই আনন্দ হইল। ভারতবর্ষীয় কুটীরে ও ছয়াকাজের বৃথা ভ্রমণে কেন যে মিল হইল, এখন তাহা জানি। দুই খানিই ইংরাজী রোমন্স অফ্‌ হিসটরি হইনে সঙ্কলিত (‘বঙ্গভাষার লেখক,’ পৃ. ৫২৫-২৮)

২। বিচিত্রবীর্য। জাহুয়ারি. ১৮৬২। পৃ. ৭৬।

**Bichitrabyrya A Heroic Tale By Krishnakamal Bhattacharya.** বিচিত্রবীর্য নামক বীররসাম্প্রিত আখ্যান। শ্রীকৃষ্ণকমল ভট্টাচার্য্য প্রণীত। কলিকাতা গোড়ীয় যন্ত্রে মুদ্রিত ইং ১৮৬২ সাল।

“‘বিচিত্রবীর্য’ হস্তলিখিত অবস্থায় পাঠ করিয়া আমার জ্যেষ্ঠ রামকমল বলিয়াছিলেন,—“It would do credit to a veteran writer,”—বোধ হয় ইহা ভ্রাতৃশ্নেহের অত্যাক্তি। পুস্তকখানি আমি সতের আঠার বৎসর বয়সে রচনা করি, কিন্তু পাঁচ সাত বৎসর ছাপান হয় নাই; পরে প্রেসিডেন্সি কলেজের অধ্যাপক হইয়া আন্দাজ ইংরাজি ১৮৬৪ সালে উহা মুদ্রিত করিয়াছিলাম।” (‘পুরাতন প্রসঙ্গ,’ ১ম পর্য্যায়, পৃ. ২০২-৩)

3. *On some unsettled questions of Succession under the Bengal School of Hindu Law.* Calcutta, 1877.

4. *Tables of Succession under the Bengal School in Hindu*

\* রামচন্দ্র দিচ্ছিত-সম্পাদিত ‘স্ববোধিনী’ নামে পাক্ষিক পত্রিকার ১ম সংখ্যা প্রকাশিত হয় ১৩ জাহুয়ারী ১৮৫৮ তারিখে। প্রথম সংখ্যা হইতেই “ইতিহাস কটেক অর্থাৎ ভারতবর্ষীয় কুটীর” ধারাবাহিক ভাবে প্রকাশিত হইয়াছিল।

*Law with an Introduction on some unsettled Questions. By Krishna Kamal Bhattacharya, B.L., Vakeel, High Court, Calcutta. 1885. pp. 37 + xii.*

5. *Tagore Law Lectures—1884-85. The Law relating to the Joint Hindu Family. 1885.*

6. *The Institutes of Parasara. Translated into English by Krishnakamal Bhattacharya. ( Bibliotheca Indica ). Calcutta, 1887 pp. 82.*

7. *An English Translation of Sakuntala. 16 Oct. 1891. pp. 134.*

৮। ধর্মশাস্ত্র। ইং ১৮৯৫।

ইহা রমেশচন্দ্র দত্ত-সম্পাদিত 'হিন্দুশাস্ত্র' গ্রন্থের চতুর্থ ভাগ। এই খণ্ডের ভূমিকায় রমেশচন্দ্র লিখিয়াছেন :—

এই ভাগে হিন্দু ধর্মশাস্ত্র সমূহের সংক্ষিপ্ত বিবরণ দেওয়া হইয়াছে, এবং মনুর ধর্মশাস্ত্র হইতে অনেক অংশ, ও যাজ্ঞবল্ক্য, বিষ্ণু, দক্ষ, পরাশর ও ব্যাসের কোন কোন অংশ উদ্ধৃত ও অনুদিত হইয়াছে। ধর্মশাস্ত্রে অধিতীয় পণ্ডিত, এবং সংস্কৃত ভাষায় মদীয় শিক্ষাগুরু মহানুভব শ্রীযুক্ত কৃষ্ণকমল ভট্টাচার্য এই ভাগ সঙ্কলন করিয়া আমাকে বিশেষ অনুগ্রহীত করিয়াছেন।

\* \* \*

তিনি 'নাগানন্দম্' ( সন্থ ১৯২১ ), ভট্টিকাব্য, শকুন্তলা, উত্তররাম-চরিত, রঘুবংশ, ঋজুপাঠ প্রভৃতি গ্রন্থের ছাত্রোপযোগী সংস্করণ প্রকাশ করিয়াছিলেন। তাঁহার কৃত কুমারসম্ভবের প্রথম সাত সর্গের বঙ্গানুবাদ ( ইং ১৮৭৫ ) এই প্রসঙ্গে বিশেষ উল্লেখযোগ্য।

কৃষ্ণকমলের পাণ্ডিত্যের সাহায্য লাভ করিয়া অনেকে গ্রন্থ রচনার



ঊৎসাহিত হইয়াছিলেন। মনীষী রমেশচন্দ্র দত্ত ‘ঋগ্বেদসংহিতা’র বঙ্গাহুঁবাদ-গ্রন্থের ভূমিকায় ( ইং ১৮৮৫ ) লিখিয়াছেন :—

আমার ভূতপূর্ক শিক্কাগুরু এবং পরম স্নহদ শ্রীকৃষ্ণকমল ভট্টাচার্য্য মহাশয়ও আমাকে এই বৃহৎ কার্য্যে সহায়তা করিতেছেন। তিনি পূর্কে প্রেসিডেন্সী কলেজে সংস্কৃতের অধ্যাপক ছিলেন, তিনি সংস্কৃত ভাষায় অদ্বিতীয় পণ্ডিত এবং সংস্কৃত শাস্ত্রে পারদর্শী। ঃাহারা বিশ্ববিদ্যালয়ে কৃষ্ণকমল বাবুর নিকট অধ্যয়ন করিয়াছেন তাঁহারাই তাঁহার সংস্কৃত ভাষায় অসাধারণ অধিকার দেখিয়া বিস্মিত হইয়াছেন। তাঁহার সহায়তায় আমি এই কার্য্যে যে কত দূর উপকার লাভ করিতেছি তাহা বলিয়া শেষ করিতে পারি না।—

তারানাথ তর্কবাচস্পতির বিখ্যাত ‘বাচস্পত্যাভিধান’ সঙ্কলনে কৃষ্ণকমল সাহায্য করিয়াছিলেন এবং তর্কবাচস্পতি মহাশয় তাঁহাকে ‘বিদ্যাবুধি’ উপাধি দিয়াছিলেন।

পুস্তকাকারে অপ্রকাশিত রচনা : পূর্ণিমা’, ‘অবোধ-বন্ধু’, ‘ভারতী’ প্রভৃতি মাসিক ও সপ্তাহিক পত্রাদিতে কৃষ্ণকমল বহু প্রবন্ধ লিখিয়াছিলেন। তখন প্রবন্ধের শেষে বড়-একটা লেখকের নাম থাকিত না। এই কারণে আজিকার দিনে তাঁহার রচনাগুলি নিঃসংশয়ে নির্ণয় করা দুর্লভ। কয়েকটি রচনা সন্ধক্ষে তিনি নিজেই সঙ্কান দিয়াছেন তিনি বলিয়াছেন :—

সুন্দর কবি বিহারিলাল ‘পূর্ণিমা’ নামে একখানি মাসিক পত্র প্রতিষ্ঠিত করেন। আমি তাহার অন্ততম লেখক হইলাম...ঐ পত্রিকায় আমার দুইটি গ্লোকখণ্ড প্রকাশিত হইয়াছিল,— ‘জুঁইফুলের গাহ’ ও ‘তাতিয়া টোপি’। কবিতা দুইটি কোনও কোনও ব্যক্তির নিতান্ত মন্দ লাগে নাই। ৮কাব্য্যাচরণ ষোষ, অপ্রণীত ‘রত্নসরে’

নামক বাল্যপাঠ্য সংগ্রহগ্রন্থে ঐ দুইটি সন্নিবিষ্ট করিয়াছিলেন ; পরে কিন্তু ‘তাতিয়া টোপি’ কবিতাটি পাছে রাজভক্তির বিরুদ্ধ বলিয়া পরিগৃহীত হয়, এই ভয়ে সেটিকে বাদ দিয়াছিলেন । ‘পূর্ণিমা’তে আর কি কি লিখিয়াছিলাম, এক্ষণে মনে নাই ।—

কিছু দিন পরে বিহারিলাল ও যোগীন্দ্রচন্দ্র [যোগীন্দ্রনাথ] ঘোষ ( ইনি হোমিওপ্যাথিক চিকিৎসক ) প্রভৃতি কয়েক জন বন্ধু একত্র হইয়া ‘অবোধবন্ধু’ নামক একখানি মাসিকপত্র প্রতিষ্ঠিত করেন । এই পত্রিকাখানি বোধ হয়, ইংরাজি ১৮৭১ সাল পর্য্যন্ত জীবিত ছিল । ইহাতে আমি অনেক বিষয়ে লিখিয়াছিলাম ; সমগ্র ‘পল-বর্জিনিয়া’ গ্রন্থ ফরাসী ভাষা হইতে অনুবাদ করিয়া ক্রমশঃ প্রকাশিত হইয়াছিল । নেপোলিয়নের একটি জীবনবৃত্তান্ত বহুবিস্তারিত ভাবে লোডির যুদ্ধ পর্য্যন্ত বাহির করা হইয়াছিল । অনেক প্রবন্ধও লিখিয়াছিলাম । মনে পড়ে একটি প্রবন্ধে যুরোপের duel ( অর্থাৎ যুরোপীয়েরা অপমানিত হইলে পরস্পর প্রাণান্ত পর্য্যন্ত যে মারামারিতে প্রবৃত্ত হয় তাহারই ) সম্বন্ধে আলোচনা করিয়াছিলাম ।

স্মৃতিকথায় কৃষ্ণকমল তাঁহার রচিত ও প্রকাশিত যে-কয়টি রচনার সন্ধান দিয়াছেন, প্রকাশকাল-সমেত সেগুলির তালিকা :—

“জুঁইফুলের গাছ” : ‘পূর্ণিমা,’ ৫ম সংখ্যা । ১২৬৬ সাল ।  
জ্যৈষ্ঠ-পূর্ণিমা ।

“পোল ভর্জীনী” : ‘অবোধ-বন্ধু,’ পৌষ-চৈত্র ১২৭৫ ; পৌষ-  
চৈত্র ১২৭৬ ।

“নেপোলিয়ন বোনাপার্টের জীবন বৃত্তান্ত” : ‘অবোধ-বন্ধু,’  
বৈশাখ-শ্রাবণ ও আশ্বিন ১২৭৬ ।

“ডুয়েল” : ‘অবোধ-বন্ধু,’ অগ্রহায়ণ ১২৭৬ ।

এই সকল রচনার মধ্যে “পোল বর্জিনী” বিশেষ উল্লেখযোগ্য । এই রচনাটির কথা রবীন্দ্রনাথ “বিহারিলাল” প্রবন্ধে ( ‘সাধনা,’ ৩য় বর্ষ, ২য় ভাগ ) ও ‘জীবন-স্মৃতি’তে বিশেষভাবে উল্লেখ করিয়াছেন :

এই অবোধবন্ধু কাগজেই বিলাতী পোলবর্জিনী গল্পের সরস বাংলা অনুবাদ পড়িয়া কত চোখের জল ফেলিয়াছি তাহার ঠিকানা নাই । আহা সে কোন্ সাগরের তীর ! সে কোন্ সমুদ্রসমীরকম্পিত নারিকেলের বন ! ছাগলচরা সে কোন্ পাহাড়ের উপত্যকা ! কলিকাতা সহরের দক্ষিণের বারান্দায় ছপুরের রৌদ্রে সে কি মধুর মরীচিকা বিস্তীর্ণ হইত ! আর সেই মাথায় রঙীন রুমালপরা বর্জিনীর সঙ্গে সেই নির্জন দ্বীপের শ্যামল বনপথে একটি বাঙালী বালকের কি প্রেমই জমিয়াছিল ! ( ‘জীবন-স্মৃতি’ )

কৃষ্ণকমল কোঁতের শিষ্য ছিলেন ; তিনি তাঁহার স্বতিকথায় বলিয়াছেন, “আমি Positivist ; আমি নাস্তিক ।” কোঁতের ধ্রুবদর্শন সম্বন্ধে তিনি বাংলায় দুইটি প্রবন্ধ লিখিয়াছিলেন ; উহা—

Positivism কাহাকে বলে ? ... ‘ভারতী,’ শ্রাবণ, আশ্বিন ১২৯২  
প্রামাণিক ধর্ম ... ,, পৌষ ,,

দ্বিজেন্দ্রনাথ ঠাকুর “পজিটিবিজম্ এবং আধ্যাত্মিক ধর্ম” প্রবন্ধে কৃষ্ণকমলের রচনার প্রতিবাদ করিয়াছিলেন । কৃষ্ণকমল যে স্মৃত্যুতিক, রাজনারায়ণ বসুকে লিখিত একখানি পত্রে তিনি তাহা স্বীকার করিয়াছেন ; তিনি লিখিয়াছেন :

আপনি দুইটি বিষয়ে বেজায় চুপ করিয়া গিয়াছেন—কার্য-  
কারণ তত্ত্ব এবং কৃষ্ণকমলী সংগ্রাম । লেখনীর ছিটাগুলি বর্ষণ করুন  
—আমি ধৈর্যের ঢাল ধরিয়া বসিয়া আছি । আমি আপনারই তো  
champion, আমাকে যত উৎসাহিত করিবেন ততই কোষের বাঁধিয়া

লাগিব। It costs me a good deal of labour নিভাত্ত  
ছেলেখেলা নয়, কৃষ্ণকমল is not যে সে লোক—he is a terrible  
fellow. He knows how to write and how to fight and  
how to slight all things divine. ('সুপ্রভাত,' আশ্বিন ১৩১৭)

কৃষ্ণকমলের স্বাক্ষরিত আরও কতকগুলি রচনার সম্বন্ধ পাওয়া  
গিয়াছে। সেগুলি :—

“বিবাহের অন্ত পূর্বরূপ আবশ্যিক কি না” : ‘ভারতী ও  
বালক,’ কার্তিক ১২১৪।

“জাতব চূড়ক শক্তি” : ‘ভারতী ও বালক,’ শ্রাবণ ১২১৮।

“পুস্তক-প্রশংসা” [ ‘তীর্থভ্রমণ’ ]—‘সবুজপত্র,’ আষাঢ় ১৩২৩।

“ললিতবাবু” [ললিতকুমার বন্দ্যোপাধ্যায়] : ‘মাসিক বনুমতী,’  
পৌষ ১৩৩৬।

## প্রতিভার সম্মান.

কলিকাতা-বিখ্যবিদ্যালয় কৃষ্ণকমলকে ১৮৭২ সনে সেনেটের সদস্য ও  
১৯০৪ সনে অনরারি ফেলো নির্বাচিত করিয়া সম্মান প্রদর্শন করিয়া-  
ছিলেন।

১৩১৮ সালে কৃষ্ণকমলকে “বিশিষ্ট-সদস্য” নির্বাচিত করিয়া বঙ্গীয়-  
সাহিত্য-পরিষৎ গুণগ্রাহিতার পরিচয় দিয়াছেন। এই পদ গ্রহণে  
সম্মতি জ্ঞাপন করিয়া পরিষৎকে তিনি যে পত্রখানি লিখিয়াছিলেন,  
তাহার প্রতিলিপি দিতেছি :—

সাহিত্য পরিষৎ-সম্পাদক  
মহান্যয় সমীপে

মহান্যয়

পরিষদ আমাকে বিশিষ্ট  
সভাপদে বরণে করিয়াছেন  
স্বচ্ছ হইয়া যার পরনাই  
অস্বাসিত বেদি কবিতা  
এং কৃতার্থস্বয় হইতাই  
দুঃখের বিষয় এই যে  
বোল ও বার্কো আমায়  
স্বীয় একম জন সীম  
সম্পূর্ণ হইয়াছে যে পরি-  
ষদে উপস্থিত হইয়া  
ও সম্পর্কীয় কোন কার্য  
নিষ্ঠ হওয়া বিশ্ব সমাজ

কৃষ্ণা স্যামার দ্বারা দীর্ঘকাল  
 আমি কেমন নামমাত্র  
 সন্ত ইহলাম । যাহা হুক  
 মেধাবিশ্বাস দেবার মান  
 গাও কতিবিদ্য যুক্তিদিগার  
 বিদ্যে-এধকার সমুদ্র  
 সম্মান লাভ করিয়া স্যামার  
 প্রস্তুত করলে একটা  
 প্রপরিগ্রীম কৃষ্ণি স্যামিঃ  
 ইতি মন ২০/১৮-স্যাম  
 ৫ই স্যামিঃ  
 — কৃষ্ণকমল ভট্টাচার্য্য

## মৃত্যু

১৩ আগষ্ট ১৯৩২ ( ২৮ শ্রাবণ ১৩৩৯ তারিখে, ৯২ বৎসর বয়সে, কৃষ্ণকমল পরলোক গমন করেন ।

তিনি ছিলেন প্রাচ্য এবং পাশ্চাত্য উভয়বিধ বিদ্যায় সুপণ্ডিত । সংস্কৃত ও ইংরেজী সাহিত্যে তাঁহার জ্ঞান ছিল গভীর ; ফরাসী ভাষাও তিনি আয়ত্ত করিয়াছিলেন । স্মৃতি ও ব্যবহারশাস্ত্রেও তিনি কৃতবিদ্ব । তাঁহার পাণ্ডিত্যের খ্যাতি বিদ্বজ্জন-সমাজে বিস্তৃতি লাভ করিয়াছিল । অধ্যাপক হিসাবে তিনি ছাত্র-সমাজে পূজ্য ছিলেন । সকল খ্যাতির উপর ছিল তাঁহার চারিত্রিক দৃঢ়তার স্থান ; তিনি যাহা ভাল মনে করিতেন,

তাহা হইতে এক তিলও বিচ্যুত হইতেন না। এই দৃঢ়সঙ্কল্প, পরিমিত-ভাবী, তীক্ষ্ণধী পুরুষ জীবিতকালে সকলের শ্রদ্ধাভাজন হইয়াছিলেন।

## কৃষ্ণকমল ও বাংলা-সাহিত্য

কৃষ্ণকমলের এই সামান্য পরিচয় এবং তাঁহার রচিত পুস্তকাদি হইতে এইটুকু অশুভব করিতে পারি যে, যে-কারণেই হউক, তিনি তাঁহার যথার্থ কীর্ত্তি-গৌরবে প্রতিষ্ঠিত হন নাই, সম্ভবতঃ পাদপীঠের সম্মুখে আসিতে তাঁহার নিজেরই সঙ্কোচ ছিল। নতুবা বঙ্গসাহিত্যে তাঁহার দান পরিমাণে অল্প হইলেও, বঙ্কিম-পূর্ব যুগের সেই অল্প পরিমাণ দানই আজ আমাদের বিস্ময়-বিমুগ্ধ করে। তাঁহার ‘ছুরাকাজেকের বৃথা ভ্রমণ’ ভূদেবের ‘ঐতিহাসিক উপন্যাস’ ও প্যারীচাঁদের ‘আলালের ঘরের দুলালে’র সমসাময়িক ; রচনাশিল্প হিসাবে ইহা কত উচ্চ শ্রেণীর, সাহিত্যবোধসম্পন্ন পাঠকেরা তাহা বুঝিতে পারিবেন। বঙ্কিম যে বিরাট কীর্ত্তি রাখিয়া গিয়াছেন, কৃষ্ণকমলের মধ্যে তাহারই সম্ভাবনা প্রত্যক্ষ করা যায়। এই প্রসঙ্গে সাহিত্যরথী অক্ষয়চন্দ্র সরকারের মন্তব্যও প্রশিধানযোগ্য। তিনি লিখিয়াছেন :—

এই ক্ষুদ্র গ্রন্থ [ ‘ছুরাকাজেকের বৃথা ভ্রমণ’ ] মনোযোগের সহিত পাঠ করিয়া আমি যেন ভাষা রাজ্যে আর এক দেশে উপস্থিত হইলাম। এ ত কাদম্বরী নয়, বেতাল পঁচিশ নয়, তারাশঙ্করও নয় প্যারীচাঁদও নয়—এ যে এক নূতন সৃষ্টি। ইহাতে কাদম্বরীর আড়ম্বর নাই, বিদ্যাসাগরের সরসতা নাই, অক্ষয়কুমারের প্রগাঢ়তা নাই, প্যারীচাঁদের গ্রাম্য সরলতা নাই, অথচ যেন সকলই আছে। এবং উহাদের ছাড়া আরও যেন কিছু নূতন আছে। আমি বার বার

তিন বার পাঠ করিলাম। কিন্তু কিছুতেই ভাষার বিশেষত্ব আয়ত্ত করিতে পারিলাম না।...বিশেষত্ব এই যে, সংজ্ঞাপদে এবং বিশেষণে, স্থলে স্থলে সংস্কৃতের মত। ক্রিয়াপদগুলি অনেক স্থলেই ষাঁটি বাঙ্গালা...আমার বিশ্বাস ছুরাকাজ্ঞের ভাষা বঙ্কিমচন্দ্রের ভাষার অনন্য।

রচনার নিদর্শন : রচনার নিদর্শন-স্বরূপ কৃষ্ণকমলের ছইখানি পুস্তক হইতে কিছু কিছু উদ্ধৃত করিতেছি :—

একদা আমরা বাহাদায়ে পরস্পরকে সংযত করিয়া নানা স্থানে বিহার করিতে লাগিলাম, বকুল বৃক্ষের তলে উপবেশন করিতাম, গিরিনদীতে বিহরমান হংসযুগে কোতুকযুক্ত হইতাম, আশ্রুকুঞ্জে অবিরলতরুপোলে কথা কহিয়া রাত্রির অতিপাত করিতাম, নগ্নসর্কাজ হইয়া নিব্বরেয় করণশীল জলে ধোত হইতাম, সমুদ্রতটে কত খেলা খেলিতাম, বর্ষাকালে জলবিন্দুসিক্ত শিলাতলে উপবিষ্ট হইয়া ময়ূর ময়ূরীর কেকা সহিত নৃত্য ও পক্ষবিশ্বার দর্শন করিতাম, শরৎকালের নিশ্চল জ্যোৎস্নার সহিত কমলাদীর কপোলপ্রভার উপমা দিতাম, শ্রীশ্মের যুথিকা লইয়া তাহার ভ্রমরনৌল অলকে বসাইয়া দিতাম, হেমস্তের নবাসুর অপাণ্ডু গণ্ডস্থলে পরাইয়া দিতাম, মধুমাসের মধুর বায়ু সেবন করিতে করিতে তাহার বদনসুধা পান করিয়া মাস নামের সার্থকতা করিতাম। আর কত বলিব, সংস্কৃত কবিরা যে স্থানে যেস্বরূপ বর্ণন করিয়াছেন, আমরা সে সকলের স্বাদগ্রহ করিতে অবশিষ্ট রাখি নাই। যদি আমার চিরকাল ইন্দ্রিয়সুখে কাল যাপন করিবার অতিলাভ থাকিত, যদি ছুরাশা কর্ণে জপতা না করিত, তবে আমি কমলাদীর সহিত অধিচ্ছেদে সুখ ভোগ করিতাম। প্রিয়বাদিনী প্রিয়দর্শনা ভার্য্যা, মাসুষের বিবচকু হইতে দূরবর্তিতা, প্রকৃতির অতি



মনোহর অবস্থা নিরীক্ষণ এবং স্বতন্ত্রতা, ইহা অপেক্ষা সংসারে আর সুখ কি আছে। আমার সে সকলই ছিল। নিবিড় অরণ্যমুকুটিত শৈলমালা প্রতিদিন লোচনগোচর হইয়া অপরিসীম আনন্দ দান করিত, নিঝর হইতে ঝরঝর শব্দে ক্ষতিশীল বারি বীণা অপেক্ষাও অধিক মধুধারা কর্ণে বমন করিত, ঘন পত্রাচ্ছন্ন তরুমালায় সূর্য্যতাপ হইতে ছাদিত নদীর তটভাগে হংসতুল অপেক্ষা সমধিক কোমল নব শম্প শয়নীয় বিস্তার করিয়া রাখিত, কলকঠ পতত্রিরা মধুর স্বর আবিষ্কৃত করিয়া নাগরিকাদিগের আমোদদায়ী গায়কবর্গকে তিকার করিত, কস্তুরীমৃগদিগের অধ্যাসনে সুরভীকৃত শিলাতল শ্রমহারী বিষ্টরস্বরূপ হইয়া উপবেশনের নিমিত্ত আহ্বান করিত। ইহা অপেক্ষা মধুরতর আবাস আর কি হইবে? আবার এমন স্থানে যেরূপ সৌন্দর্য্য যেরূপ প্রণয়, যেরূপ সূচারিত্র ছিল তাহাতে কি এমন স্থান সেই সুরলোক অপেক্ষা রমণীয়তর নহে? তথায় কোন সংকৃত নাটকের একজন পাত্র বলিয়াছে, যে যথায় আহারও নাই, পানও নাই, কেবল মীনের মত অনিমিষে চাহিতে হয়। (‘ছুরাকাঙ্ক্ষের বুধা ভ্রমণ,’ পৃ. ১৭-১৯ )

জনমেজয়ের সর্পসত্র সমাপিত হইলে তিনি কিছুকাল সাবধানে রাজকার্য্য পর্য্যবেক্ষণে প্রবৃত্ত হইলেন। তখন বহুদিন তাঁহার সূক্ষ্মদর্শী নয়নের অগোচর থাকাতে দেশের ছুরবন্ধার শেষ ছিল না। পথ, ঘাট, নগর, গ্রাম সর্ব্বস্থানই সূক্ষ্মদৃষ্টি দৃশ্যবর্গে পরিপূর্ণ ছিল। গ্রামের লইয়া যাইতে, লুক্ক হস্তে পতিত হইবার শঙ্কা করিত। কাহারও গৃহে রূপবতী রমণী থাকিলে লম্পটেরা ছলে, বলে বা কৌশলে অপহরণ করিয়া লইত। সৈন্ধ্য সমূহ বহুদিন উপেক্ষিত থাকিয়া নিতান্ত অকর্ম্মণ্য হইয়া গিয়াছিল এবং নিয়মের দাস হইতে মুক্ত বন্ধন

হইয়া প্রজাগণের উপর নানা অত্যাচার করিত। দেশের গুপ্তি অতি দুর্বল হওয়াতে শাস্তি রক্ষা নিতান্ত দুঃসাধ্য হইয়াছিল। কৃষি ও বাণিজ্যের ব্যাঘাতে কত সমৃদ্ধ পৌর সুখস্বাচ্ছন্দ্য হইতে দারিদ্র্য গহ্বরে নিপতিত হইল। রাজস্বের অতিশয় ন্যূনতা হইল। স্থানে স্থানে দুর্ভিক্ষ হইয়া প্রজাদিগের হাহাকাারে গগন বিদীর্ণ হইত। দুর্ভিক্ষের সহচর মড়ক, যেন সম্মার্জনী দ্বারা কত গ্রাম নগর শূন্য করিয়া গেল। যথায় যাও, সেইখানেই ক্ষুধার্ত কণ্ঠস্বাস প্রাণীর মরণ যাতনা দেখিতে পাও। যে স্থান পূর্বে জনসমাকীর্ণ ধনপূর্ণ নগরের অধিষ্ঠান থাকিয়া ক্রয়বিক্রয়ের কোলাহলে পরিপূর্ণ থাকিত, এখন তথায় নির্জনবাসী পেচকের কর্ণকঠোর চীৎকার, ঝিল্লীরব, সর্পের স্রংকার, ও পৃথিবীপবনের বিষাদজনক হুহুধ্বনি শ্রবণ গোচর হইত। রাজপথের উপর নিবিড় জঙ্গল, কঙ্কালরাশি ও হিংস্র জন্তুর নখপদ দেখিয়া পথিকেরা উদ্ভিগ্নমানসে, সভয় পদসঞ্চারে, বসনে নাসা আচ্ছাদন করিয়া ত্বরিত পরিহার করিয়া যাইত। “যে সকল সোপান পূর্বে রমণীরা পাদালকু দ্বারা রঞ্জিত করিত, এখন তথায় সন্তোনিহত হরিণের উষ্ণ রুধির ছল্ ছল্ করিত। গৃহদীর্ঘিকার জলে আরণ্য মহিষেরা শৃঙ্গাঘাত করিত। গৃহের চিত্রপটে লিখিত হস্তীকে পারমার্থিক সিংহ নখাঘাত করিত”। হস্তিনাপুরী ও তাহার পার্শ্ববর্তী কতিপয় গ্রাম আফ্রিকার শাহারামরুতে অবাকীর্ণ ওশিসের ন্যায় হইয়াছিল। দেশের ত এইরূপ দুর্দশা হইয়াছিল। (‘বিচিত্রবীর্ষ,’ পৃ. ১-২)।

# রামকমল ভট্টাচার্য্য

১৮৩৪-১৮৬০

## জীবনবৃত্ত\*

এই গ্রন্থের অনুবাদের সহিত ঠাঁহার নামের সংশ্রব আছে, সেই রামকমল ভট্টাচার্য্য একজন অসাধারণ লোক ছিলেন। যদিও অকালে কালগ্রাসে পতিত হওয়াতে তাঁহার তেমন কোন মহৎ কীর্ত্তি অনুষ্ঠান করিবার অবসর হয় নাই, তথাপি তাঁহার সহিত যে সকল ব্যক্তির বিশেষ পরিচয় ছিল, সকলেই মুক্তকণ্ঠে স্বীকার করিয়া থাকেন যে, তাদৃশ ধী-শক্তি-সম্পন্ন গুণবান্ পুরুষ দীর্ঘজীবী না হওয়াতে হতভাগ্য বাঙ্গালা দেশের বিশেষ অনিষ্ট হইয়াছে। এ নিমিত্ত তদীয় জীবনবৃত্ত পাঠ করিতে লোকের অতিরুচি হইলেও হইতে পারে, ইহা আলোচনা পূর্ব্বক নিম্নলিখিত সন্দর্ভ সঙ্কলিত ও সংযোজিত হইতেছে।

১২৪০ সালের ১৬ই চৈত্র কলিকাতা শহরের সিমুলিয়া পল্লীর অন্তঃপাতী মালিরবাগান নামক স্থানে রামকমলের জন্ম হয়। তাঁহার পিতার নাম রামজয় তর্কালঙ্কার। ইনি জাতিতে বারেন্দ্রশ্রেণী ব্রাহ্মণ

\* রামকমলের মৃত্যুর পর, ১৮৬৯ খ্রীষ্টাব্দে কৃষ্ণকমল অগ্রজের 'বেকন অর্থাৎ তদীয় কতিপয় সন্দর্ভ' পুস্তকের ২য় সংস্করণ প্রচার করেন। এই সংস্করণে সংযোজিত "রামকমলের জীবনবৃত্ত" অংশটি কৃষ্ণকমল কর্তৃক লিখিত। এই জীবনবৃত্ত পুনর্মুদ্রিত হইল; পাদটীকার মন্তব্যগুলি আমার।—ব্র. না. ব.

ছিলেন, এবং বরেন্দ্রভূমির অন্তর্গত ও গোড় দেশের ভূতপূর্ব রাজধানী বালদহ নগরের অধিবাসী ছিলেন। কলিকাতার সুপ্রসিদ্ধ রাধাকৃষ্ণ বসাকের বিমাতার যত্নাতিশয়ে রামজয়ের পিতা আসিয়া পুত্র সমেত কলিকাতাবাসী হইলেন। ঐ বসাক গোষ্ঠী হইতেই একটি বাসবাটী, এক বিগ্রহ ঠাকুর এবং মাসিক কিঞ্চিৎ বৃত্তির বিধান করা হয়, রামজয়ের পিতা এবং তদীয় পরলোকের পর রামজয় নিজে, উভয়েই সেই বৃত্তি উপলক্ষ করিয়া সংসারযাত্রা নির্বাহ করিয়াছিলেন। রামজয় ব্রাহ্মণ-পণ্ডিতের ব্যবসায়ী ছিলেন; সংস্কৃত শাস্ত্রে তাঁহার বিশেষ ব্যুৎপত্তিও ছিল, বিশেষতঃ ভাগবত পুরাণ নামক ছন্দহ ছরবগাহ পুরাণ গ্রন্থের রসজ্ঞ বলিয়া তাঁহার কিঞ্চিৎ প্রতিষ্ঠাও ছিল। কিন্তু এতদেশীয় অধ্যাপক-মণ্ডলী মধ্যে তাঁহার নামের সেরূপ প্রভা প্রকাশ হয় নাই। তিনি স্বভাবত নিষ্কিরোধী ও বিজনবাসপ্রিয় লোক ছিলেন, পাঁচ জনের প্রশংসা লাভার্থ তাঁহার তেমন ছর্দম ঔৎসুক্য ছিল না। এই বলিয়াই হউক; অথবা সংসারযাত্রা নির্বাহার্থ বিশেষ ভাবনা চিন্তা ছিল না, সুতরাং ব্রাহ্মণ পণ্ডিতদিগের একমাত্র উপজীব্য ও অদ্বিতীয় কীর্তিমার্গ যে সম্বন্ধে বিচার আচার করা, তদ্বিষয়ে তাঁহার চেষ্টা বা আগ্রহের উদয় হইত না, এ কারণেই হউক; রামজয় একপ্রকার অপ্রকাশ ভাবেই কালযাপন করিয়া গিয়াছেন। তিনি পুত্রের শৈশবদশাতেই এতদেশীয় রীতি অনুসারে মুখবোধ ব্যাকরণ অধ্যয়ন করান। ছাদশ বর্ষ বয়ঃক্রমের মধ্যেই উল্লিখিত স্ক্রুঠিন ব্যাকরণ সমগ্র, অমরকোষ অভিধান, এবং ভট্টিকাব্য ও শ্রীমদ্ভাগবত পুরাণের কিয়দংশ পাঠ সাজ হইলে রামকমলের পিতৃবিয়োগ হয়; তৎকালে রামজয়ের এক কন্যা ও রামকমল ব্যতীত আর এক পুত্র বর্তমান থাকে। তন্মধ্যে রামকমল ভগিনী অপেক্ষা বয়সে ছোট এবং সহোদর অপেক্ষা বড় ছিলেন।

এইরূপে অল্পবয়সে অনাথ ও অভিভাবকশূন্য হইয়াও রামকমলের জীবনবৃত্ত কোন অংশে অগ্রথাভূত হইল না। তিনি অবিলম্বে কলিকাতাস্থ সংস্কৃত কলেজের সাহিত্য শ্রেণীতে ভর্তি হইলেন। সেই অবধি এক্রপ প্রগাঢ় অভিযোগ, অক্লিষ্ট অধ্যবসায় ও দুর্দম উত্তম সহকারে সংস্কৃত শাস্ত্রের ভিন্ন ভিন্ন শাখা ও ইংরেজীর অন্তঃপাতী বিস্তর বিদ্যার প্রতি মনোযোগ প্রদান করিয়াছিলেন যে, তেইশ চক্কিশ বৎসর বয়সের মধ্যে তাবৎ পরিচিত ব্যক্তির হৃদয়ে বিশ্বয় ও চমৎকারের উদয় করিয়াছিলেন। তিনি তাবৎ পরীক্ষাতে স্বসমকক্ষ অশেষ সহাধ্যায়ীর উপর প্রাধান্য লাভ করিয়া আসিয়াছিলেন এবং কি সাহিত্য, কি অলঙ্কার কি দর্শন, সকল বিষয়েই অসাধারণ প্রতিপত্তি উপার্জন করিয়াছিলেন।\* ঐ বিদ্যালয়ের যে যে অধ্যাপকের নিকট তাঁহার অধ্যয়ন হয়, তাঁহাদিগের প্রত্যেকেই তাঁহার নামে গদগদ হইতেন এবং অনন্তরাগত ছাত্রবর্গকে তাঁহার দৃষ্টান্ত দেখাইয়া শাস্ত্রচর্চা বিষয়ক সমুন্নতি করিবার উপদেশ দিতেন। ফলত তাদৃশ অল্পম বুদ্ধিমত্তার সহিত তাদৃশ অবিচলিত অধ্যবসায়ের সহযোগ সংস্কৃত বিদ্যালয়ের ইতিহাস মধ্যে কুত্রাপি দৃষ্ট হইবেক না। তাঁহার বুদ্ধি কোন বিষয়েই কুণ্ঠিত হইত না, তাঁহার শাস্ত্রানুরাগ কোন শাস্ত্রের প্রতিই অকুচি ধারণ করিত না। কি সুললিত কালিদাস কি সুনিপুণ রসগঙ্গাধরকর্তা জগন্নাথ, কি সুগভীর রঘুনাথ

\* রামকমল ১৮৫৪ খ্রীষ্টাব্দের এপ্রিল মাসে সিনিয়র বৃত্তি পরীক্ষায় সংস্কৃত কলেজের ছাত্রদের মধ্যে শীর্ষস্থান অধিকার করিয়া মাসিক ২০ টাকা বৃত্তি লাভ করেন। তিনি পরীক্ষায় মোট ৩০০ নম্বরের মধ্যে সর্বসাকল্যে ২৬৪ পাইয়াছিলেন। পরীক্ষার ফল :— সাহিত্য ৪৮ ; অলঙ্কার ৪৮ ; দর্শন ৪৬ ; ইংরেজী সাহিত্য ৪৬ ; ইংরেজী গণিত ৩২ ; বাংলা রচনা ৪৪ । মোট ২৬৪ । (General Report on Public Instruction... From 30th Sept. 1852, to 27th Jan. 1855.)

শিরোমণি, তিনি সকলের প্রতিই প্রগাঢ় প্রীতিভাবে পরিপূর্ণ ছিলেন। কোন রূপ রমণীয়তা তাঁহার সহৃদয়তার নিকট অনাদৃত হইত না, কোন রূপ বুদ্ধিচাতুরীই তাঁহার ভাবগ্রাহিতার নিকট হেয় হইত না। তাঁহার শাস্ত্রচর্চার এই এক চমৎকার গুণ ছিল যে, যাহা অধ্যয়ন করিতে প্রবৃত্ত হইতেন, চূড়ান্ত না করিয়া ছাড়িতেন না; পল্লবগ্রাহিতা তাঁহার স্বভাবের নিতান্ত বহির্ভূত ছিল। তিনি যখন অলঙ্কার পড়িতে আরম্ভ করেন, প্রচলিত সাহিত্যদর্পণ ও কাব্যপ্রকাশ মাত্র পাঠে তৃপ্তি লাভ করেন নাই, রসগঙ্গাধর চিত্রমীমাংসা প্রভৃতি আরও অনেক গ্রন্থের আলোচনা করিয়া ঐ শাস্ত্রে একরূপ প্রবীণতা লাভ করিলেন যে, তাঁহার অধ্যাপককেও স্বীকার করিতে হইয়াছিল যে, শিক্ষকের অপেক্ষা ছাত্রের বহুদর্শিতা বলবত্তর। শেষাংশে যখন তিনি দর্শন পড়িতেন, তখন আর সহাধ্যায়ী কেহ ছিল না; তিনি একাকী অধ্যয়ন করিতেন এবং প্রতি বৎসর পরীক্ষার সময় শুদ্ধ তাঁহারই নিমিত্ত এক একখানি প্রশ্নের রচনা হইত।

এইরূপে সংস্কৃত শাস্ত্র সমাপনের পর তিনি ঐ বিদ্যালয়েই ইংরেজী চর্চায় মনোনিবেশ করেন। এ বিষয়েও অল্পকাল মধ্যে একরূপ ভূয়সী উন্নতি লাভ করিয়াছিলেন, একরূপ রচনাপারিপাট্য ও ভাবগ্রাহিতা উপার্জন করিয়াছিলেন, যে লক্ষ্যপ্রতিষ্ঠ ও বিখ্যাতকীর্ত্তি তদীয় শিক্ষকেরা পর্য্যন্ত আর্দ্র ও আশ্চর্য্যাশ্বিত হইয়াছিলেন।\* এই সন্দর্ভের প্রণেতা

\* কলিকাতা গবর্নমেন্ট সংস্কৃত কলেজ হইতে ২৪ জুলাই ১৮৫৭ তারিখে রামকমলকে যে প্রশংসাপত্র দেওয়া হইয়াছিল, তাহাতে প্রকাশ, তিনি ১০ বৎসর সংস্কৃত কলেজে ব্যাকরণ, সাহিত্য, অলঙ্কার, স্মৃতি ও স্মারক রীতিমত অধ্যয়ন করিয়াছিলেন, ইংরেজী ভাষা ও সাহিত্যে তাঁহার বিশেষ জ্ঞান জন্মিয়াছিল এবং তিনি ৬ বৎসর সিনিয়র বৃত্তিধারী ছাত্র ছিলেন।

তাঁহাদের এক জনের মুখে স্বকর্ণে শুনিয়াছেন যে, সময়ে সময়ে রামকমল ইংরেজী রচনা বিষয়ে এরূপ বিশিষ্ট নৈপুণ্যের চিহ্ন প্রদর্শন করিতেন যে, তাঁহার শিক্ষক নিজেও সে স্থলে সেরূপ নৈপুণ্য জুটাইতে পারিতেন কি না সন্দেহ। সে যাহা হউক ইংরেজী অধ্যয়ন সম্পূর্ণরূপে সাজ না হইতে হইতেই এক বিষম প্রতিবন্ধক উপস্থিত হইয়া তাঁহার শাস্ত্রচর্চার অবসান করিল।

তাঁহার চক্ষু স্বভাবত নিস্তেজ ছিল ; তাহাতে বহুকাল রাত্রিজাগরণ এবং সংস্কৃত শাস্ত্রবিষয়ক সুগভীর চিন্তা দ্বারা তাঁহার মস্তিষ্কের কিঞ্চিৎ অপকার জন্মিয়া, বোধহয় তৎসহকারে নেত্রজ্যোতি আরো দুর্বল হইয়া যায়। পরিশেষে সেই রোগ এতদূর প্রবল হইয়া উঠে যে, ইংরেজী ১৮৫৬ সালে তাঁহাকে অধ্যয়নে ভঙ্গ দিয়া বায়ুপরিবর্তের নিমিত্ত পশ্চিমাঞ্চলে যাত্রা করিতে হইল। তথায় অল্পকাল থাকিয়া তাঁহার রোগের হ্রাস না হইয়া বরং বৃদ্ধি হইল, তিনি প্রত্যাগমনপূর্বক বৈদ্যকশাস্ত্রসম্মত চিকিৎসা দ্বারা পুনর্ব্যায় যৎকিঞ্চিৎ স্বাস্থ্য লাভ করিয়াছিলেন। কিন্তু পূর্ববৎ অধ্যয়নাদি করিবার সামর্থ্য আর প্রত্যাগমন করে নাই। তিনি বলিতেন যে, তাঁহার বামচক্ষুর পুরোভাগে রক্তবর্ণ রেখাকৃতি ক্ষুদ্র এক প্রতিমূর্তি নিরন্তর বিরাজ করে। ইহাই তদীয় চক্ষুরোগের অসাধারণ ধর্মস্বরূপ ছিল। তদ্ব্যতীত তিনি ইংরেজীতে যাহাকে “ব্রহ্ম দৃষ্টি” কহে, সেই রোগের রোগী ছিলেন, অর্থাৎ দূরের বস্তু দেখিতে পাইতেন না, কিঞ্চিদূরে লোক চিনিতে পারিতেন না। ইহার সঙ্গে আবার অজীর্ণ, শিরঃপীড়া, আকস্মিক অবসাদ ও দৌর্বল্যের সহযোগ ছিল এবং যুত্বার অবহকাল পূর্বে অর্শরোগেরও কিঞ্চিৎ সঞ্চার হইয়াছিল। এই সকল বিবিধ ব্যাধি দ্বারা আক্রান্ত হইয়া তাঁহাকে অগত্যা, এবং যার পর নাই অনিচ্ছায়

সহিত, ছুনিবার জ্ঞানলালসাকে স্তম্ভিত রাখিতে হইয়াছিল। কিন্তু সংসার নির্বাহ বিষয়েও কিছু কিছু অপ্রতুল হইয়া উঠাতে তিনি ইং ১৮৫৭ অব্দে কলিকাতা নর্মাল ইন্স্কুলের প্রধান শিক্ষকতা পদ গ্রহণ করিতে বাধ্য হন।

তিনি তিন বৎসর ঐ পদের কার্য নির্বাহ করিয়াছিলেন। এই অবসরে যদিও নেত্ররোগ বৃদ্ধি শঙ্কাতে তাঁহাকে বড়ই ব্যাকুলিত থাকিতে হইত, দীপালোকে অধ্যয়ন একেবারে রহিত করিয়াছিলেন এবং দিবা ভাগে বিশেষ ঘটা করিয়া পড়িতে তাঁহার সাহস কুলাইত না, তথাপি ইংরেজী ভাষার সাহিত্য ও দর্শন শাস্ত্রের অনুশীলন হইতে বিরত হইতেন নাই। তাঁহার যাহা কিছু রচনা বর্তমান আছে, এই কল্প বৎসরের মধ্যেই সে সমস্ত সমাধা করা হয়। তন্মধ্যে তৎপ্রণীত জ্যামিতি গ্রন্থ সর্বাগ্রে উল্লেখযোগ্য। তিনি নিজে আপনার জ্যামিতিকে এক বিশিষ্ট গুণপনার কাণ্ড বলিয়া জ্ঞান করিতেন, অতএব ইহার কিঞ্চিৎ আনুপূর্বিক বিবরণ লেখা কর্তব্য বোধ হইতেছে।

যৎকালে তাঁহার নেত্ররোগ দেখা দিয়া শাস্ত্রচর্চায় এক প্রকার জলাঞ্জলি দেওয়া তাঁহার পক্ষে অপরিহার্য্য করিয়া তুলে, সেই সময়ে সময়বিনোদনের নিমিত্ত তিনি জ্যামিতি বিষয়ক চিন্তাতে মনঃসংযোগ করিতেন। ইংরেজী জ্যামিতির সহিত পরিচয় হইবার অত্যল্প কাল পরেই তাঁহার মনে এই এক সংস্কারের উদয় হয় যে, ঐ শাস্ত্রের প্রচলিত অনুশীলনপ্রণালী সম্যক যুক্তিসিদ্ধ নহে। দুই সহস্র বৎসর পূর্বে প্রণীত ইউক্লিড নামক গ্রন্থকর্তার সংগ্রহগ্রন্থকে জ্যামিতির পাঠ্যপুস্তক স্বরূপ করিয়া রাখাতে বিস্তর বৃথা সময় ব্যয় হয়, অনেক অনাবশ্যক বিষয়ে পণ্ডশ্রম করিতে হয়, আবশ্যক বিষয়ের শিক্ষাপক্ষে অনেক পুরাতন অমনোরম ও অটল রীতির অনুসরণ দ্বারা নিরর্থ বুদ্ধিকে ক্লেশিত করা



হয়, ইত্যাকার এক চিন্তা তাঁহার হৃদয়ে কিঞ্চিৎ কিঞ্চিৎ প্রকাশ  
পাইয়াছিল। পরে অধ্যয়ন হইতে ঐকান্তিক অবসর গ্রহণ করিবার  
পর সেই চিন্তা ক্রম বিকাশপ্রাপ্ত ও শাখাপল্লবে বিস্তারিত হইয়া  
তাঁহাকে জ্যামিতি বিষয়ে এক নূতন সংগ্রহগ্রন্থ প্রণয়ন করিতে প্রবর্তিত  
করিল। এই গ্রন্থের রচনা বিষয়ে তিনি নিম্নলিখিত কয়েকটি মূলতত্ত্বের  
প্রতি দৃষ্টি রাখিয়াছিলেন : যথা, ত্রিকোণমিতি, জ্যোতিষ প্রভৃতি  
বিজ্ঞানশাস্ত্র অধ্যয়ন করিবার পারকতা উৎপাদন ব্যতীত জ্যামিতির অণু  
কোন উপযোগিতা নাই, জ্যামিতিকে অণু কোন উদ্দেশে অনুশীলন করা  
বৃথা সময়ক্ষয় মাত্র, সেই অনুশীলন দ্বারা যদিও বুদ্ধিবৃত্তির পরিচালনা  
জনিত কিঞ্চিৎ প্রখরতা জন্মিলেও জন্মিতে পারে, কিন্তু সে প্রখরতা  
সর্বসংগ্রাহিণী নহে, অর্থাৎ জ্যামিতি ব্যতীত আর কুত্রাপি সে প্রখরতার  
কাজ দর্শে না, বুদ্ধির ঐদৃশ প্রখরতা সাধনের উদ্দেশে অনন্যকর্মা হইয়া  
জ্যামিতি চর্চা করা বা অধিক দিন উহাতে ব্যয় করা যুক্তিযুক্ত নহে,  
কারণ প্রাচীনকালের অনেক শাস্ত্র বুদ্ধিপরিচালনা বিষয়ে জ্যামিতির  
মত কিম্বা ততোহধিক উপযোগী হইলেও, গুরুতর ও আবশ্যিকতর বিষয়  
বিশেষের সহিত সে সকলের সংস্রব নাই বলিয়া, ক্রম উপেক্ষিত হইয়া  
আসিয়াছে, যথা প্রাচীন উপনিষদ্ শাস্ত্র, প্রাচীন তর্কশাস্ত্র ও বেদান্ত  
ইত্যাদি। এই মতের পরতন্ত্র হইয়া রামকমল ইউক্লিড্ প্রণীত  
ষড়ধ্যায়ীকে গুটিপঞ্চাশেক সূত্র স্বরূপ পরিণত করিলেন এবং ইউক্লিডের  
প্রণালী ও ইউক্লিডের ব্যবস্থা অনেক অংশ পরিত্যাগ পূর্বক নূতন  
সঙ্কায় জ্যামিতিকে সঙ্জিত করিলেন, ইউক্লিডের উপপাদনপদ্ধতিও  
অনেক স্থলে পরিহৃত হইল এবং তৎপরিবর্তে কোথাও স্বরচিত,  
কোথাও বা অণ্যান্ত জ্যামিতিবেত্তার উদ্ভাবিত পদ্ধতি সন্নিবেশিত  
হইল।

জ্যামিতির রচনা বিষয়ে তাঁহার বিপুল ভাবনা ব্যয় হইয়াছিল, সুতরাং তিনি যে ইহার প্রতি বিশেষ আস্থা পরিগ্রহ করিবেন, তাহা বিচিত্র নহে। প্রণয়নের পর দু চারি জন সুবিচক্ষণ ব্যক্তিকে দেখান হয়, কেহ বা তাঁহার কৃতকার্যতা স্বীকার করিয়াছেন, কেহ বা কহিয়াছেন যে, এতদ্বারা বিশেষ কিছু উপকার দর্শিবেক না। কিন্তু রামকমল লোককে যেক্রমে জ্যামিতি শিখাইতে উদ্যত হইয়াছিলেন, ইউরোপের দুএক জন অসাধারণ ধীশক্তিসম্পন্ন গণিতশাস্ত্রবিশারদ দর্শনকারের বচনভঙ্গী পর্যালোচনা করিলে তাঁহাদিগেরও তাহা অনুমোদিত বলিয়া বোধ হয়। বিশেষতঃ সুপ্রসিদ্ধ ফরাসি দর্শনকার অগস্ট কণ্ট স্ব-প্রণীত “ফ্রান্সরাজনীতি” নামক গ্রন্থে যে স্থলে “শিক্ষাপদ্ধতির পুনঃ সংস্কার” বিষয়ে লিখিতে বসিয়াছেন, নিবিষ্টচিত্তে সেই স্থান পাঠ করিয়া দেখিলে বোধ হইবেক যে রামকমলের জ্যামিতির মত গ্রন্থকে তিনি বিশেষ সমাদর করিলেও করিতে পারিতেন। যাহা হউক, শিক্ষাপদ্ধতির পুনঃ সংস্কার বিষয়ে কণ্ট যে সকল অতিমত ব্যক্ত করিয়া গিয়াছেন, সে সকল যখন ইউরোপীয় পণ্ডিতমণ্ডলী মধ্যে বিশ্বজনীনরূপে পরিগৃহীত হইতেছে না, তখন তাঁহার দোহাই দিয়া রামকমলের জ্যামিতির পার পাইবার যো নাই। অতএব এই গ্রন্থের গুণাগুণ এখনও অসাব্যস্তই থাকিতেছে।\*

বেকনের সন্দর্ভ রামকমলের দ্বিতীয় গ্রন্থ। নর্ম্যাল স্কুলের ছাত্রবর্গকে লিখাইয়া দিবার নিমিত্ত তিনি বেকনের কয়েকটি সন্দর্ভ বাছিয়া অনুবাদ করেন। অতাপিও সেই দলভুক্ত ব্যক্তিরাই ইহার প্রধান গ্রাহক। গ্রন্থকার নিজে ইহার বিশেষ গৌরব করিতেন না, তিনি স্বয়ং ইহা মুদ্রিত করিতে চাহিতেন না। সেই অমুদ্রিত

\* রামকমলের মৃত্যুর পর তাঁহার ‘জ্যামিতি’ (‘Elements of Geometry’) ইংরেজী অনুবাদ সহ ১৮৬২ সনে পুস্তকাকারে প্রকাশিত হইয়াছিল।

অবস্থায় বাঙ্গালা ভাষার ধুরন্ধর ছু এক ব্যক্তির নিকট পরীক্ষিত হইবার পর তাঁহাদিগের এই রায় হইয়াছিল যে, একরূপ নূতন প্রকারের বাঙ্গালা লোকের মনোরম হইবার বিষয় নাই। বাস্তবিকও বাঙ্গালাতে এখন যে দুই প্রকারের রচনা প্রচার আছে, অর্থাৎ আছোপাস্ত সংস্কৃত কথা, ক্রিয়াগুলিও অর্ধেক সংস্কৃত, এই এক প্রকার রীতি ; আর শুদ্ধ চলিত কথার ব্যবহার করিয়া বাঙ্গালা লেখা কর্তব্য, একরূপ যে এক মত আছে ; এই দুই প্রকার রীতির কোন রীতিই বেকনে অমুস্বত হয় নাই। গ্রন্থকার অতি দুর্লভ ও সাড়ম্বর সংস্কৃত শব্দের প্রয়োগ করিবার পরক্ষণেই সহজ সরল ও অতি সাধারণ বাঙ্গালা শব্দ সকল অকুতোভয়ে প্রয়োগ করিয়াছেন, ঘোরঘটা করিয়া শাস্ত্রীয় পদাবলীর ছটা বিস্তারিত করিবার সঙ্গে সঙ্গেই তিনি অতি অর্কাচীন ও প্রাকৃত শব্দবিচার করিতে অণুমাত্র সঙ্কুচিত হয়েন নাই। ইহাই বেকনের সুস্পষ্ট লক্ষ্য অসাধারণ ধর্ম। বাঙ্গালার ভবিষ্যতে এইরূপ রীতি বজায় হইয়া উঠিবেক কি না, এক্ষণে তাহা নিরূপণ করা ভার। তবে যাহারা দুই তিন ভাষা আলোচনা পূর্বক ভাষার শ্রীবৃদ্ধি ও শ্রীভ্রংশ সম্পর্কীয় সকল লক্ষণের পরিচয় পাইয়াছেন, তাঁহারা কহেন, যে যদি বাঙ্গালা কখনও বলবৎ হইয়া উঠে, যদি ইংরেজীর প্রতাপে ইহাকে অকালমৃত্যু আসিয়া না ধরে, তাহা হইলে সংস্কৃত ভাষার অত চাটুকর এবং আসল বাঙ্গালার প্রতি অত বিমুখ হইলে চলিবেক না। যাহা হইক, বেকনের রচনা বাঙ্গালা পাঠকদিগের হৃদয়গ্রাহিণী হইয়াছে কি না, তাহা তাঁহারাই জানেন। তবে এই মাত্র বলা যাউতে পারে যে, মাইকেল মধুর অমিত্রাকর ছন্দের মত বেকনের রচনারও ছু একজন দুর্দান্ত ও বিজাতীয় পক্ষপাতী বিদ্যমান আছেন।

রামকমলের তৃতীয় গ্রন্থ অসমাপ্ত অবস্থায় রহিয়াছে। সুপ্রসিদ্ধ

ইংলণ্ডীয় দর্শনকার জন ইস্টুরট মিল্ প্রণীত ন্যায়দর্শন বিষয়ক গ্রন্থ দৃষ্টে তিনি বাঙ্গালাতে এক ন্যায়শাস্ত্র রচনায় প্রবৃত্ত হইলেন। ইহাকে তিনি “অধীক্ষিকী” নাম দিয়া গিয়াছেন। ইহার কত দূরই বা মিলের গ্রন্থ মূলক, কত দূরই বা তাহার নিজ কপোল কল্পিত, তাহা স্থির করিয়া বলা যায় না, কারণ অত্যাধিক এই হস্তলিখিত গ্রন্থের পরীক্ষা বা মুদ্রাকরণে কেহ কৃতসংকল্প হইলেন নাই। কিন্তু এই গ্রন্থখানি অসমাপ্ত থাকিতে যার পর নাই আক্ষেপ ও পরিতাপের বিষয় হইয়া আছে। ইংরেজী ও সংস্কৃত এই দুই প্রকার দর্শন শাস্ত্রে তেমন ব্যাপন আর এক জন লোক জন্মগ্রহণ করা ক্রমেই দুর্ঘট হইতেছে। সংস্কৃত দর্শনশাস্ত্র যেরূপ দুর্লভ ব্যাপার, অননুমনা হইয়া গুরুপদেশ সহকারে তিন চারি বৎসর কাল উচার প্রতি বিনিয়োগ না করিলে প্রকৃতরূপে উহাকে আয়ত্ত্ব করা দুঃসাধ্য। কিন্তু ইংরেজী শিখিবার পর সেই বিষয়ে প্রবৃত্ত হইতে পারে, এরূপ অধ্যবসায় বাঙ্গালীর সম্ভবে না, ফলতঃ উহা এক প্রকার দুঃসাহসিক কার্য্য বলিলেও বলা যায়। যখন ইউরোপের প্রধান প্রধান সংস্কৃতবেত্তারা পর্য্যন্ত সংস্কৃত তর্কশাস্ত্র সম্পর্কীয় গ্রন্থ সমূহের নিকট স্তব্ধ হইয়া যান, তখন অর্থকরী বিদ্যায় বাইশ তেইশ বৎসর বয়স পর্য্যন্ত ক্ষয় করিয়া সেই নীরস সংস্কৃত দর্শন শাস্ত্রে মনোনিবেশ করিতে পারে, ইদৃশ শাস্ত্রাহুরাগী ব্যক্তি অত্যাধিক এতদেশে হয় নাই। তাহার প্রধান কারণ এই যে, ইংরেজীতে সহজ সহজ ভাষায় সকল বিষয় পড়িবার অভ্যাস হইলে কঠিন ভাষা বুঝিবার সামর্থ্য অনেক হ্রাস হয়, সুতরাং যাহা বুঝিতে ক্লেশ বোধ হয়, তাহা অসার অকিঞ্চিতকর ও বৃথা বাগ্জালময় বলিয়া অনাদর জন্মে এইরূপে ইংরেজী অধ্যয়ন দূর হইতে সংস্কৃত দর্শনশাস্ত্রকে দণ্ডবৎ করিতে নিতান্তই বাধ্য হইবেন। রামকমলের পক্ষে সে সঙ্কট দৈববশাৎ অশনীত হইয়াছিল। তিনি অগ্রে সংস্কৃত দর্শনশাস্ত্রের প্রকৃত আশ্বাদ

প্রহণ করিয়া, পরে ইংরেজী দর্শনের অধ্যয়নে প্রবৃত্ত হইয়াছিলেন। ভাষার লালিত্য বিষয়ে সংস্কৃত ও ইংরেজী দর্শনের যে স্বর্গমর্ত্য্য প্রভেদ, তদ্বারা তাঁহার পাঠলালসা আরো উদ্ভেজিতই হইয়াছিল। “ঘটত্বাবচ্ছেদক” “সাধ্যাভাবব্যাপকীভূত” প্রভৃতি কর্ণকঠোর বর্ষর পরিভাষা সমস্ত একবার যিনি গলাধঃকরণ করিয়াছিলেন, হিউমের স্নমধুর পদবিচার ও জন্ ইন্সটুয়ার্ট মিলের উদার সরল ও পরিষ্কার রচনার অনুশীলন করিবার সময় তাঁহার এক প্রকার নিরুপম আঘাত বোধ হইয়া থাকিবেক। এ কারণে তিনি অচিরেই ইংরেজী দর্শনের একরূপ মর্মগ্রাহী হইয়াছিলেন যে, শেষাংশে অগস্ট কণ্ট ও মিলের সম্প্রদায়কে গুরুদেবের ন্যায় ভক্তি করিতেন। পূর্বদেশীয় ও পশ্চিমদেশীয় এই উভয়বিধ দর্শনশাস্ত্র আর কখন একরূপ পরিপাটীরূপে একাধারে বর্ত্তে নাই, অতএব তাদৃশ লোকের চিন্তাশক্তির দ্বারা পরিণতি প্রাপ্ত হইয়া দর্শনশাস্ত্র যে কিরূপ মূর্ত্তি ধারণ করে, লোকের এ কোঁতুহল এখন কিছুকালের নিমিত্ত স্তম্ভিত রাখিতে হইল। সেই অমূল্য চমৎকার সুযোগ রামকমলের চিতার উপরেই ভ্রমসাৎ হইয়া গিয়াছে।

উল্লিখিত কয়েক গ্রন্থ তিন আর যাহা কিছু তিনি রাখিয়া গিয়াছেন, তাহা তাদৃশ নির্দেশযোগ্য নহে। ‘জীবনবৃত্ত’ বলিয়া অসমাপ্ত কতিপয় পৃষ্ঠা পুস্তক “শিক্ষাপদ্ধতি” নামক একখানি ক্ষুদ্র সন্দর্ভ আর ইংলণ্ডের ইতিহাসের\* কিয়দংশ এই কয় নাম করিলেই তৎপ্রণীত সকল গ্রন্থের উল্লেখ সাঙ্গ হয়। শেষোক্ত দুইখানি খণ্ডগ্রন্থ অত্যাপি হস্তলিখিত অবস্থায় বিদ্যমান রহিয়াছে।

তিন বৎসর কাল এই সকল ব্যাপারের সমাধানে ব্যস্ত থাকিয়া, ঈং ১৮৬০ সালের ১১ই জুন তারিখে রামকমল অকস্মাৎ আরহত্যা

\* ‘ইংলণ্ডের ইতিহাস’ ১৮৬১ খ্রীষ্টাব্দে প্রকাশিত হয়।

দ্বারা মানবলীলা সংবরণ করেন।\* এই অসম্ভাবিত ব্যাপারের কারণ কি, তদ্বিষয়ে তাঁহার আত্মীয়বর্গ কেহই কোন হেতু নির্দেশ করিতে পারেন না। তবে তাঁহার সঙ্গে অতি ঘনিষ্ঠ সম্পর্কে সহস্র হু এক ব্যক্তির প্রমুখাৎ শুনিয়া বোধ হয় যে, শরীরের রুগ্নাবস্থাই ইহার আদিকারণ। তিনি এক জন অত্যন্ত তেজিয়ান ও মনশ্বী পুরুষ ছিলেন। নর্মাল ইন্সুলে যে কাজ করিতেন, তাহার আয় অতি সামান্য ছিল। বিশেষত তাদৃশ বিদ্যাবান্ ব্যক্তির পক্ষে কেবল বাঙ্গালা পড়াইয়া দিনপাত করা একপ্রকার শয্যাকণ্টকের স্বরূপ হইয়াছিল। তিনি আপনার পদকে ঘোরতর ঘৃণা করিতেন, উপরিতন কর্তৃপক্ষেরা ঐ পদের সম্পর্কে যে সমস্ত ব্যবস্থা করিতে যাইতেন, সে সকলের প্রতি তাঁহার ষার পর নাই হয় জ্ঞানের উদয় হইত। সেই সকল তুচ্ছ আইন জারী করিয়া কালক্ষয় করা তাঁহার মহাপাতকের মত জ্ঞান হইত। এ কারণ কর্তৃপক্ষের সঙ্গে তাঁহার তাদৃশ বনিবনাও হয় নাই। কর্তৃপক্ষের সহিত যেক্ষপ গতিক দাঁড়ায়, তাহাতে ঐ পদ পরিত্যাগ করাই তাঁহার পক্ষে একমাত্র পরামর্শ ছিল। কিন্তু শরীর যেক্ষপ জীর্ণ শীর্ণ তাহাতে পদ পরিত্যাগ পূর্বক প্রকারান্তরে জীবিকা উপার্জন করিবার চেষ্টা তাঁহার পক্ষে সুদূর পরাহত। এই সকল ক্লেশকর চিন্তাজালে ব্যাকুলীভূত হইয়াই বোধ হয় তাঁহার বুদ্ধির বিকার ও আত্মহত্যাপথের পথিক

\* তারিখটি ১১ই জুন না হইয়া ১১ই জুলাই হইবে। ১৬ জুলাই :৮৬০ (সোমবার) তারিখে 'সোমপ্রকাশ' রামকমলের মৃত্যু-প্রসঙ্গে লেখেন :—“আমরা অতিশয় শোকাভি হইয়া লিখিতেছি, কলিকাতা নর্মাল স্কুলের তত্ত্বাবধায়ক রামকমল ভট্টাচার্য্য গত বুধবারে [ ১১ জুলাই ] উষ্মানে দেহত্যাগ করিয়াছেন।”

হইবার অভিলাষ সঞ্চার হয়। তিনি একবার সেই চেষ্টা করিয়া বিফল-প্রয়াস হয়েন, সেই অবধি তাঁহার পরিবারের সকলে তাঁহাকে চোকে চোকে রাখিয়াছিল। কিন্তু এই দুর্বুদ্ধি একবার সঞ্চার হইলে তদাক্রান্ত ব্যক্তি স্বয়ং যদি প্রকৃতিস্থ হন, তাহা হইলেই আত্মহত্যা ব্যবসায় হইতে তাঁহাকে নিবৃত্ত রাখা যায়, নচেৎ তাঁহার নিজের মনে সেই সংকল্প নিরন্তর জাগরুক হইয়া থাকিলে, সাধ্য কি যে, কেহ চৌকি দিয়া থামাইতে পারে। সুতরাং প্রথম চেষ্টার এক মাস পরেই রামকমল পুনর্বার চেষ্টা করিয়া আপনার ছরস্ত্র অতিপ্রায় সিদ্ধ করিলেন। সস্ততির মধ্যে তিনি দুই কণ্ঠা সন্তান রাখিয়া যান, তন্মধ্যে কনিষ্ঠা কণ্ঠাটি তাঁহার মৃত্যুর তিন চারি মাস পরে ভূমিষ্ঠ হয়।

রামকমল দেখিতে দীর্ঘাকৃতি, ছষ্টপুষ্ট, গৌরবর্ণ, সুশ্রী ও গস্তীরমূর্ত্তি ছিলেন। তাঁহার ললাটদেশে তদীয় বিপুল বুদ্ধিমত্তার স্পষ্ট লক্ষণ প্রকাশ পাইত। তাঁহার মুখের ভঙ্গী অবলোকন করিলে জ্ঞান হইত যে তিনি অত্যন্ত চিন্তা করিয়া থাকেন। অপরিচিত ব্যক্তির হঠাৎ দেখিলে তাঁহাকে বিষণ্ণতাব ও নিরানন্দ বোধ করিতেন। কিন্তু তাঁহার সহিত সুললিত সৌহার্দস্বত্রে যাহারা কখন বন্ধ হইয়াছিলেন, তাঁহার সহিত বিশ্রান্তালাপ করিবার অতুল আনন্দ যাহারা সন্তোষ করিয়াছেন, তাঁহাদিগের অগ্ণাপি স্মরণ থাকিবেক যে, তিনি কিরূপ প্রসন্ন প্রফুল্ল পরিহাসরসিক ও অট্টহাসশীল লোক ছিলেন। তাঁহার হৃদয় অত্যন্ত স্নিকুমার ছিল, তিনি আপন পরিবারের সকলের প্রতি এক প্রকার অতি মৃদু স্নেহ বাৎসল্যরসে নিরন্তর আর্দ্র হইয়া থাকিতেন। সে অংশে কোন কিছু ক্ষোভের বিষয় উপস্থিত হইলে বড় অধীর ও কাতর হইয়া পড়িতেন। তাঁহার হৃদয়ের এই স্নিকুমারতাঙ্গণ সর্ব্বাংশে প্রশংসনীয় বলিয়া বোধ হয় না। সংসারে তিষ্ঠিতে গেলে সময়ে সময়ে যেরূপ

অকুতোভয় অপ্রকম্প্য ও অবিচলিত মূর্ত্তি ধারণ করিতে হয়, পরের কথায় যেরূপ তুচ্ছজ্ঞান, দৈবের দৌরাগ্ন্যে যেরূপ তাচ্ছল্য করিয়া চলিতে হয়, তাঁহার স্বভাবের মধ্যে তরুণযোগী ধৈর্য্যগুণ ছিল না। তিনি অল্পেই ব্যস্ত হইয়া পড়িতেন, কি মানসিক কি শারীরিক কোনরূপ যন্ত্রণা স্থিরচিত্তে সহ করিতে পারিতেন না, সহজেই কাতরতা প্রদর্শন করিতেন, নিতান্ত নির্বিরোধী লোকের মত থাকিতে ভাল বাসিতেন, লোকে কি ভাবিবে এ বিষয়ে বড় অধিক চিন্তা করিতেন এবং রোগের যন্ত্রণাকে বিজাতীয় ভয় করিতেন। তদীয় স্বভাবনিষ্ঠ এই সকল ধর্ম্মই পরিণামে তাঁহার নিদারুণ মৃত্যু ঘটাইয়াছে। তিনি সংসারের প্রবাহে আত্মসমর্পণ করিতে সাহসী না হইয়া ভবিষ্যতের একরূপ ভয়াবহ ঘোরতর প্রতিমূর্ত্তি আপন চিত্তপটে অঙ্কিত করিলেন যে, উহার নিকট নিষ্কৃতি পাইবার নিমিত্ত সংসারধাম পরিত্যাগ পর্যন্ত শ্রেয়ঃকল্প বলিয়া বোধ হইল।

এ স্থলে তাঁহার পারমার্থিক বিশ্বাসের কথাও কিছু উল্লেখ করা আবশ্যিক। সে বিষয়ে তিনি ঘোরতর নাস্তিক ছিলেন, ঈশ্বর বা পরকাল কিছুই মানিতেন না, শুদ্ধ একরূপ নহে, কিন্তু যাহারা মানে, নির্বোধ অর্ধাচীন ও বালিশ বলিয়া তাহাদিগকে অকাতরে অবজ্ঞা করিতেন। গায়শাস্ত্রে যাহাকে অত্যন্তাভাব কহে, তিনি ঈশ্বর ও পরলোক বিষয়ে সেই সিদ্ধান্ত অদ্রাস্ত করিয়া রাখিয়াছিলেন। শেষাশেষি তাঁহার আগস্ট্ কণ্ট কর্তৃক উপদিষ্ট ধর্ম্ম-প্রণালীর প্রতি আস্থা জন্মিয়াছিল এবং সময়ে সময়ে কহিতেন “যদি মানব জাতির কিছু শুভাশংসা থাকে, তাহা হইলে কণ্টের উপদেশ হইতেই সেই আশা কদাচিৎ ফলবতী হইবেক।”

তাঁহার অনৈসর্গিক মৃত্যু নিবন্ধন রাজসিক্কামাসারে যখন শব্দের



করিয়া দেখা হয়, তখন এই জনরব উঠিয়াছিল যে, ছেদকর্তারা তাঁহার মস্তিষ্কের অত্যাশ্চর্য্য সম্পূর্ণতা অবলোকনে বিস্ময়াস্বিত হইয়া ধনু ধনু করিয়াছিলেন। তাঁহারা নাকি কহিয়াছিলেন যে, একরূপ সর্ব্বাঙ্গসম্পূর্ণ সুসজ্জিত চতুরস্র মস্তিষ্ক এদেশের অতি অল্প লোকেরি দৃষ্ট হয়। এ কথাই তথ্যাতথ্য বিষয়ে এই সন্দর্ভের প্রণয়নকর্তা কোনরূপ সাক্ষ্য দিতে পারক নহেন।\*

\* ইন্সপেক্টর হেনরি উড্রো ১ জুন ১৮৬১ তারিখে ডি. পি. আই-কে যে রিপোর্ট পাঠাইয়াছিলেন, তাহাতে রামকমল সম্বন্ধে এই অংশটি আছে :—

“Pundit Ramkamal Bhattacharjee, the late Head Master of the Calcutta Normal School, died, unhappily, on the 11th July 1860. He was one of the most profound Sanskrit scholars of Bengal. To natural gifts of the highest order, he added the information obtained by laborious study. He had, in a pre-eminent degree, the inclination as well as the ability to exhibit European knowledge in the Bengali language. His sketch of English History, his translation of some of Bacon's essays, and his short and original Treatise on Ceometry, indicate the powers he possessed of enriching his mother tongue with valuable contributions in literature and science. But just when he was commencing a career of usefulness in unfolding to his countrymen the treasures of Western learning, with which his own mind was stored a deep gloom fell suddenly upon him, and he perished by an untimely end. His genius fitted him for high employment as a Professor of Sanskrit or Bengali, rather than for a Teacher of a Vernacular Normal School; and the task of implementing the elements of knowledge in the future Masters of Village Schools, was distressing to his highlywrought feelings.” (Gen. Rep. on Pub. Instruction in the Lower Provinces of the Bengal Presidency, for 1860-61. Appendix A, p. 78).

# সাহিত্য-সাধক-চরিতমালা

## সম্বন্ধে অভিমত

শ্রীযোগেশচন্দ্র রায় বিদ্যানিধি—“অধিকাংশ পুস্তক  
আছোপাস্ত পড়িয়াছি, উপকৃত ও প্রীত হইয়াছি। কয়েকখানি পড়িয়া  
চমৎকৃত হইয়াছি, মালাকার শ্রীব্রজেন্দ্রনাথ বন্দ্যোপাধ্যায়ের অশেষ  
অনুসন্ধানের, পরিশ্রমের ও সমাহরণ-নৈপুণ্যের প্রশংসা করিতেছি।”...  
“তিনি, দেশজ্ঞান প্রচারের নূতন পথ দেখাইলেন। তাঁহার সোনার  
দোয়াত-কলম হউক।”—‘প্রবাসী’, চৈত্র ১৩৫০।





সাহিত্য-সাধক-চরিতমালা—৩

মৃত্যুঞ্জয় বিদ্যালঙ্কার

১৭৩২—১৮১৯

1

# মৃত্যুঞ্জয় বিদ্যালয়

ব্রজেন্দ্রনাথ বন্দ্যোপাধ্যায়



বঙ্গীয় সাহিত্য পরিষদ -

২৪৩/১, আচার্য প্রফুল্লচন্দ্র রোড  
কলিকাতা-৬

প্রকাশক  
কানাইচন্দ্র পাল  
সম্পাদক  
বঙ্গীয়-সাহিত্য-পরিষৎ

প্রথম সংস্করণ—শ্রাবণ ১৩৪৭ । দ্বিতীয় সংস্করণ—শ্রাবণ ১৩৪৯  
তৃতীয় মুদ্রণ—কার্তিক ১৩৫০ । চতুর্থ মুদ্রণ—ফাল্গুন ১৩৫২  
পঞ্চম মুদ্রণ—অগ্রহায়ণ ১৩৬২ । ষষ্ঠ মুদ্রণ—শ্রাবণ ১৩৬৪

মূল্য :—২'৫০

মুদ্রাকর—শ্রীমতী রেখা দে  
শ্রীহরিপ্রিন্টার্স ১২২/৩, রাজা দীনেন্দ্র ষ্ট্রীট, • কলিকাতা-৪



আজিকার বাঙালী পাঠকের মনে স্বতঃই প্রশ্ন উঠিতে পারে, বর্তমানে বর্তমানে বিশ্বত এই স্বরণীয় ব্যক্তিটি কে ছিলেন, বাংলাসাহিত্যের সহিত ইহার সম্পর্কই বা কি ছিল এবং অধুনাই বা তাঁহার স্থান কোথায়। আমরা আত্মবিশ্বত অনৈতিহাসিক জাতি বলিয়া এ প্রশ্ন উঠা অস্বাভাবিক নয় এবং এই বিশ্বতির জন্ত এ যুগের বাঙালীকে দোষও দেওয়া যায় না। কারণ, আজ প্রায় এক শত তেইশ বৎসর হইল, যুত্যাঞ্জয় বিদ্যালয়কার ইহধাম হইতে বিদায় লইয়াছেন, কিন্তু তাঁহার গুণমুগ্ধ ভক্তসম্প্রদায় তাঁহার কীর্তিকে চিরস্মরণীয় করিবার সুযোগ পান নাই। ইহার দুইটি কারণ হইতে পারে। এক, ইউরোপের নূতন ভাবধারা আসিয়া বাঙালী সমাজকে ঠিক এই সময়ে এমন ভাবে আলোড়িত করে যে, ভালমন্দ বিচারের ক্ষমতা সাময়িক ভাবে বিলুপ্ত হইয়াছিল। সমাজ স্বধন সহজ অবস্থায় ফিরিয়া আসিল, যুত্যাঞ্জয় তখন বিশ্বতপ্রায়। নূতনের পূজারী ঝাঁহারা, তাঁহারা নিজেদের জ্ঞান ও শিক্ষাদীক্ষা যত প্রথমটা পুরাতনকে সম্পূর্ণ উপেক্ষা করিয়া নূতনকেই সর্বপ্রকার গৌরবের আসনে প্রতিষ্ঠিত করিতে চাহিয়াছিলেন, এমন কি, তাঁহারা বাংলা গল্প সাহিত্যের সৃষ্টি গৌরবও যুত্যাঞ্জয় প্রভৃতি ঝাঁহারা সত্যকার অধিকারী, তাঁহাদিগকে না দিয়া, পরবর্তীরাই স্বল্পে চাপাইতে চেষ্টা করিয়াছিলেন। ইহাদের প্রচারের ফলে জনসাধারণের মনেও ভুল ধারণার সৃষ্টি হইয়াছিল। দ্বিতীয় কারণ, এবং অপেক্ষাকৃত সঙ্গত কারণ এই যে, যুত্যাঞ্জয় কেবলমাত্র “অভিনব যুবক সাহেবজাতে”র নিমিত্ত রচিত পাঠ্য পুস্তকের লেখক, এই ধারণাই প্রচলিত থাকাকে সে যুগের প্রধান ব্যক্তিরূপে তাঁহার রচনার সহিত পরিচিত হন নাই। তাঁহাদের প্রশংসাপত্র ব্যতিরেকে সে যুগে কিছুই চলিত না, সুতরাং যুত্যাঞ্জয়ও সাধারণভাবে চলেন নাই। এত দিনেও যে এই ভুল ভাঙিবার সুযোগ উপস্থিত হইয়াছে, ইহাও মন্দের

ভাল। প্রারম্ভে সাধারণভাবে একটি সংবাদ দেওয়ার আবশ্যক বোধ করিতেছি—মৃত্যুঞ্জয় আজিকার দিনে যত অজ্ঞাতই হউন, ঊনবিংশ শতাব্দীর প্রথম পাদার্ধে তাঁহার তুল্য সম্মাননীয় পণ্ডিত দ্বিতীয় ছিলেন না এবং তিনি সর্বপ্রথম অব্যবহিত অপ্রচলিত এবং সত্ৰগড়িয়া-তোলা বাংলা-গণের একটা সচল মহনীয় রূপ প্রত্যক্ষ করিয়াছিলেন। যে ভাষা ও সাহিত্য লইয়া আজ আমরা যে বিশ্বসংসারে গৌরব বোধ করিতেছি, সে দিন সেই অপোগণ্ড ভাষার ভবিষ্যৎ বিচিত্র বিকাশের সম্ভাবনার চিত্র তাঁহার মানস নেত্রেই প্রতিভাত হইয়াছিল; মৃত্যুঞ্জয়ের রচনার মধ্যে বাংলা-গণের সেই মৃত্যুঞ্জয়-ইতিহাসেরই সূত্রপাত হইয়াছে।

১৮১৫ খ্রীষ্টাব্দে রামমোহন রায়ের 'বেদান্ত গ্রন্থ' প্রকাশিত হয়। তৎপূর্বে যাঁহারা বাংলা-গণে গ্রন্থ রচনা করিয়া প্রকাশ করিয়াছিলেন, তাঁহাদের নাম যথাক্রমে—রামরাম বসু, উইলিয়ম কেরী, মৃত্যুঞ্জয় বিদ্যালঙ্কার, গোলোকনাথ শর্মা, তারিণীচরণ মিত্র, রাজীবলোচন মুখোপাধ্যায়, চণ্ডীচরণ মুন্সী, রামকিশোর তর্কচূড়ামণি ও হরপ্রসাদ রায়। পাণ্ডিত্য ও ভাষার গুণ বিচার না করিয়াও শুধু রচিত পুস্তকের সংখ্যাধিক্যেই মৃত্যুঞ্জয় বিদ্যালঙ্কার এই দলের প্রধান। গোলোক শর্মা, তারিণীচরণ, রাজীবলোচন, চণ্ডীচরণ, রামকিশোর ও হরপ্রসাদ প্রত্যেকেই একখানি করিয়া, এবং কেরী ও রামরাম প্রত্যেকেই দুইখানি করিয়া সাহিত্যবিষয়ক গল্পগ্রন্থ রচনা করিয়াছিলেন। একা মৃত্যুঞ্জয়ই ১৮১৩ খ্রীষ্টাব্দের চারিখানি গ্রন্থ—'বজ্রিশ সিংহাসন', 'হিতোপদেশ', 'রাজাবলি' 'প্রবোধচন্দ্রিকা' রচনা করেন, তন্মধ্যে প্রথম তিনখানি তাঁহার জীবিতকালে মুদ্রিত ও প্রকাশিত হয়। এখানে আরও একটি কথা বলা আবশ্যক। অনেকের এই ভ্রান্ত ধারণা আছে যে, মৃত্যুঞ্জয়ের রচিত গ্রন্থগুলির ভেদন প্রচার ছিল না। আসলে কিন্তু আমরা দেখিতে পাই

যে, উনবিংশ শতাব্দীর সপ্তম দশক পর্যন্ত তাঁহার 'প্রবোধচন্দ্রিকা' বাংলা দেশে বহুল প্রচারিত ছিল। কলিকাতা বিশ্ববিদ্যালয়ও যে যুগে ঐ পুস্তকের বিশেষ সংস্করণ প্রকাশ করিয়া গ্রন্থকারকে সম্মানিত করিয়াছিলেন।

শুধু রচিত পুস্তকের সংখ্যাধিক্যই নয়, পাণ্ডিত্য ও ভাষা-জ্ঞানের দিক দিয়া বিচার করিতে গেলেও মৃত্যুঞ্জয়ের প্রাধান্য সন্দেহ কোনও সন্দেহ থাকে না ; উক্ত লেখক-সম্প্রদায় মধ্যে একমাত্র তাঁহারই ভাষাজ্ঞান ও সাহিত্যবুদ্ধি এত অধিক পরিমাণে ছিল যে, তিনি লেখার একটা ষ্টাইল খাড়া করিতে পারিয়াছেন ; সাধু ও চলতি—এই দুই ভিন্ন রীতির পার্থক্য বাংলা দেশে সর্বপ্রথম তিনি উপলব্ধি করিয়াছিলেন, তিনিই বাংলাগদ্যের সর্বপ্রথম কনশাস আর্টিষ্ট (conscious artist)। বাকী যাহারা লিখিয়াছেন, তাঁহাদিগকে ভিন্নধর্মী নানা শব্দ জোড়া দিয়া অর্থপূর্ণ বাক্য গঠনে প্রাণাস্তকর প্রয়াস করিতে হইয়াছে ; তাঁহাদের অসমঞ্জস ভাষার মধ্যেই এই প্রয়াসের ইতিহাস বর্তমান। বিদ্যালকার সংস্কৃত ভাষায় এবং বেদান্ত, কাব্য, অলঙ্কার প্রভৃতি বিবিধ শাস্ত্রে এমনই পারদম ছিলেন যে, সম্পূর্ণ নূতন ভাষায় বিভিন্ন ষ্টাইলের কৌশল ও সহজ পারদর্শিতা তিনি অক্লেশে প্রদর্শন করিয়াছেন ; পাঠকেরা তাহার অসংখ্য নিদর্শন মৃত্যুঞ্জয়ের গ্রন্থগুলির মধ্যেই পাইবেন। “শিল্পী মৃত্যুঞ্জয়” শিরোনামায় আমরা মৃত্যুঞ্জয়ের বাংলা-গদ্যের সংক্ষেপ আলোচনা করিয়াছি ; সেই অধ্যায় পাঠ করিলে বাংলা-গদ্যের প্রথম শিল্পী মৃত্যুঞ্জয় সন্দেহে আমরা যাহা বলিয়াছি, সে সন্দেহে কাহারও কোনও সংশয় থাকিবে না।

আর একটি বিষয়ে মৃত্যুঞ্জয়ের কৃতিত্ব আমরা ভুলিয়াছি। সহমরণ-প্রথা শাস্ত্রীয় কি না, ইহা লইয়া যখন প্রবর্তক ও নিবেদক, এই উভয় সম্প্রদায়ের মধ্যে দ্বন্দ্বের আর শেষ ছিল না, তাহারও বৎসরাধিক কাল পূর্বে মৃত্যুঞ্জয়ের মত এক জন গৌড়া ব্রাহ্মণপণ্ডিত মনের অকৃত্রিম

উদারতার ১৮১৭ খ্রীষ্টাব্দে সদর বেওয়ানী আদালতের প্রধান বিচারপতির  
অনুরোধে সংস্কৃত ভাষায় যে মত ব্যক্ত করিয়াছিলেন, নিষেধকেরা তাহাই  
মূল প্রমাণস্বরূপ মান্য করিয়াছিলেন। রামমোহন তাঁহার *Some Remarks*  
*etc* পুস্তকে মৃত্যুঞ্জয়ের মতই প্রমাণ-স্বরূপ দাখিল করেন। মৃত্যুঞ্জয়ের মূল  
সংস্কৃত “পাতি” আর পাওয়া যায় না, তবে ১৮১৭ খ্রীষ্টাব্দের অক্টোবর  
সংখ্যা মাসিক ‘ফ্রেন্ড অব ইণ্ডিয়া’ (*Friend of India*) পত্রে তাহার যে  
সংক্ষিপ্তসার প্রকাশিত হয়, তাহাতেই দেখা যায় মৃত্যুঞ্জয় বলিতেছেন—

Hence I regard a woman's burning herself as an  
unworthy act, and a life of abstinence and chastity as  
highly excellent.

### মৃত্যুঞ্জয় বিদ্যালঙ্কার কি ওড়িয়া?

আনুমানিক ১৭৬২ খ্রীষ্টাব্দে যেদিনীপুরে মৃত্যুঞ্জয়ের জন্ম হয়,  
যেদিনীপুর তখন উড়িয়ার অন্তর্ভুক্ত ছিল।

মার্শম্যানের মতে মৃত্যুঞ্জয় উৎকল-জাত (“a native of  
Orissa”)।\* কেরীর চরিতকার জর্জ স্মিথ লিখিয়াছেন, মৃত্যুঞ্জয়ের  
মাতৃভাষা ওড়িয়া, এই ওড়িয়া ভাষায় তিনি বাইবেল অনুবাদ করেন।\*\*  
হরপ্রসাদ শাস্ত্রীও জর্জ স্মিথের প্রতিধ্বনি করিয়া তাঁহাকে “জাতিতে

\* John Clark Marshman: *The Life and Times of Carey Marshman, and Ward*, (1859), I. 180.

\*\* “The chief pundit, Mritunjaya, skilled in both dialects, first adapted the Bengali version to the language of the Oriyas which was his own.”—George Smith: *The Life of William Carey, D. D.*, (1885), p. 257.

উড়িয়া" বলিয়াছেন।\* কিন্তু প্রকৃতপক্ষে মৃত্যুঞ্জয় ওড়িয়া ভাষায় বাইবেল অনুবাদ করেন নাই;— এই অনুবাদ করেন পুরুষরাম নামে একজন ওড়িয়া পণ্ডিত।\*\* আমরা মৃত্যুঞ্জয় কুলীন ব্রাহ্মণ—চট্টোপাধ্যায়-বংশসম্বৃত, এবং তৎকালে উড়িয়ার অন্তর্ভুক্ত মেদিনীপুরে তাঁহার জন্ম হইলেও তিনি বহু দিন কলিকাতা-নিবাসী ছিলেন। এ সম্বন্ধে দুইটি প্রমাণ উদ্ধৃত করিতেছি।

(ক) সংবাদপত্রের কুলীন ব্রাহ্মণ সম্বন্ধে নিম্নার প্রতিবাদ করিয়া ভবানীচরণ বন্দ্যোপাধ্যায় ১৮৩০ খ্রীষ্টাব্দে তৎসম্পাদিত 'নমাচার চন্দ্রিকা'য় লেখেন :—

... ত্রবেণীনিবাসি ৩ জগন্নাথ ভূকেশ্বরানন ভট্টাচার্য্য এবং ধর্মদর্শনবিদ্যা নিবাসি নবম্বোপের রাজগুরু ভট্টাচার্য্য ৩ রঘুশি বিদ্যাভূষণ ও গুপ্তপল্লীনিবাসি ৩ বাণেশ্বর বিদ্যালয়কার চতুর্ভূজ শ্যামরত্ন ভট্টাচার্য্যের পিতামহ কলিকাতানিবাসি ৩ মৃত্যুঞ্জয় বিদ্যালয়কার ভট্টাচার্য্য ইহারদিগকে পুস্তকের গব্বনরু জেনরল বাহাদুরেরা বিলক্ষণরূপে সুপণ্ডিত বিবেচক জানিয়া মহামাণ্ড করিতেন সেই সকল এবং তত্তুল্য বা নূনাত্মিক তাবৎ পণ্ডিত পুরুষানুক্রমে কুলীনকে কল্যাণদান করিয়াছেন এবং অজ্ঞাবধি তৎসম্প্রদায়েরা করিতেছেন যদি কুলীনের কোন দোষ থাকিত তবে তাঁহারা ই যথাশাস্ত্র লিখিয়া রহিতের প্রার্থনা করিতেন... ।

\*“বাক্যলাসাহিত্য”—‘বঙ্গদর্শন’, ফাল্গুন ১২৮৭, পৃ. ৪২৬ ।

\*\* ফোর্ট উইলিয়ম কলেজের ২০ সেপ্টেম্বর ১৮০৪ তারিখের কার্যবিবরণে প্রকাশ—

READY FOR THE PRESS.

32. The New Testament in the Orissa Language translated by Poorush Ram the Orissa Pundit revised and compared with the original Greek by Mr. Wm. Carey.

— ২৫ ডিসেম্বর ১৮৩০ তারিখের 'সমাচার দর্পণে' উদ্ধৃত।

(খ) ১৮৮৯ খ্রীষ্টাব্দের বেহারীলাল চট্টোপাধ্যায় (ইনি নাট্যকার ও অভিনেতা বিহারীলাল নহেন) ৫২ নং রাজা রাজবল্লভ ষ্ট্রিট হইতে মৃত্যুঞ্জয়ের 'রাজাবলি' পুস্তকের পঞ্চম সংস্করণ প্রকাশ করেন। তিনি নিজেকে মৃত্যুঞ্জয়ের "পৌত্র" বলিয়া পরিচয় দিয়াছেন।

অক্ষয়চন্দ্র সরকার তৎসম্পাদিত 'নবজীবনে' (মাস ১২০৫) "মৃত্যুঞ্জয় তর্কালকার"\* নামে একটি প্রবন্ধ লেখেন। তিনি লিখিয়াছেন মৃত্যুঞ্জয়ের পৌত্র "বেহারীবাবুর অন্তর্গত আমরা মৃত্যুঞ্জয়ের বৃত্তান্ত সকলি কবিত্তে পারিলাম। ইহাদের বর্তমান বাস, রাজা রাজবল্লভের ষ্ট্রিট বাগবাজার কলিকাতা।" এই প্রবন্ধে প্রকাশ:—

১৭৬২।৬৩ খ্রীষ্টাব্দে মেদিনীপুরে মৃত্যুঞ্জয় জন্মগ্রহণ করেন। প্রায় তাঁহার জীবনকাল যাবৎ মেদিনীপুর উড়িষ্যার অন্তর্গত ছিল; সেই সময়ে ঐ অঞ্চলে একভাগ বাংলা, একভাগ হিন্দী, একভাগ উড়িষ্যা একরূপ ত্র্যম্পর্শ ভাষা প্রচলিত ছিল। এই কারণেই মার্কমান সাহেব মৃত্যুঞ্জয়কে উড়িষ্যা-জাত বলিয়াছেন, এবং অত্যাধিক অনেকে মৃত্যুঞ্জয়কে উড়িষ্যা বলিয়া জানেন। বাস্তবিক মৃত্যুঞ্জয় রাঢ়ীয় ব্রাহ্মণ, খণের চাটুড়ি, শ্রীকরের সন্তান।

মৃত্যুঞ্জয়ের জন্ম মেদিনীপুরে, বিদ্যা শিক্ষা নাটোরের সভাপাণ্ডের নিকটে, নাটোরে। নাটোর তখন অর্ধরাজ্যের রাজধানী

...কৈশোরে তিনি নাটোরে. এবং যৌবনে কলিকাতায় বাস করিতে, ...

\*মৃত্যুঞ্জয় বিদ্যালকারের নাম লইয়াও অনেক লেখক ও গবেষক বরাবর ভুল করিয়া আসিতেছেন— ইন্দ্রচন্দ্র হুগু (ইং : ১৮৫৪) এই ভুলের প্রবর্তক এবং 'বাঙ্গালী ভাষা ও বাঙ্গালী সাহিত্যবিষয়ক প্রস্তাব' (ইং : ১৮৭৩) গ্রন্থের লেখক রামগতি স্যায়রত্ন এখান প্রচারক।

## ফোর্ট উইলিয়ম কলেজে পাণ্ডিতী

ঈষ্ট ইণ্ডিয়া কোম্পানী যে-সব ইংরেজ সিবিలిয়ানকে এদেশে পাঠাইতেন, কয়েকক্ষেত্রে প্রবেশ করিতে দিবার পূর্বে তাহাদিগকে এ-দেশীয় ভাষা এবং অন্যান্য বিষয়ে শিক্ষা দেওয়া যে অবশ্য-প্রয়োজন ইহা গবর্নর-জেনারেল লর্ড ওয়েলেসলি বিশেষভাবে উপলক্ষি করিয়াছিলেন। এই উদ্দেশ্যে তিনি ১৮০০ খ্রীষ্টাব্দের মাঝামাঝি কালিকাতায় ফোর্ট উইলিয়ম কলেজের প্রতিষ্ঠা করেন। ১৮০১ খ্রীষ্টাব্দের ৪ঠা মে তারিখে কলেজ-কাউন্সিলের অধিবেশনে এই কলেজের বিভিন্ন বিভাগে পণ্ডিত, মৌলবী প্রভৃতির নিয়োগ মঞ্জুর হয়। বাংলা (পরে সংস্কৃত ও মরাঠী) বিভাগের অধ্যক্ষ নিযুক্ত হন—পাদরি উইলিয়ম কেরী। তাঁহার অধীনে মৃত্যুঞ্জয় বিদ্যালয়কার বাংলা-বিভাগের প্রধান পণ্ডিতরূপে মাসিক দুই শত টাকা বেতনে নিযুক্ত হন।

কলেজে প্রবেশ করিয়া কেরী দেখিলেন, পাঠনার উপযোগী কোন বাংলা গদ্যগ্রন্থ নাই। পাঠ্য পুস্তকের অভাব কলেজ-কর্তৃপক্ষও অনুভব করিয়াছিলেন; এই কারণে তাঁহারা দেশীয় পণ্ডিতদিগকে গদ্যগ্রন্থ-রচনায় উৎসাহ দেবার জন্য পুরস্কার ঘোষণা করেন। ইহা ছাড়া এই সকল রচনা প্রকাশের আনুকূল্যার্থ কলেজ-কাউন্সিল পুস্তকের অনেকগুলি খণ্ড কলেজের জন্য ক্রয় করিতেন। বলা বাহুল্য, তখন পুস্তকমুদ্রণ ব্যয়সাধা ব্যাপার ছিল। মৃত্যুঞ্জয় বিদ্যালয়কার কলেজের পাঠ্য পুস্তকরূপে 'বত্রিশ সিংহাসন' রচনা করিয়া পারিশ্রমিকরূপে কলেজ-কর্তৃপক্ষের নিকট হইতে দুই শত টাকা পাইয়াছিলেন।\* ইহা ছাড়া কলেজের জন্য এক শত খণ্ড 'বত্রিশ সিংহাসন' ছয় শত টাকা মূল্যে ক্রয় করা হইয়াছিল।

\*

To Charles Rothman Esqr.

Secretary to the Council of the College.

Sir,

In consequence of the Council of the College having offered rewards to learned natives for literary works, which may be useful to

১৮০৫ খ্রীষ্টাব্দে নূতন ব্যবস্থানুযায়ী ফোর্ট উইলিয়ম কলেজে দিবিবিলিয়ানদিগকে সংস্কৃত ভাষা শিক্ষা দিবার জন্য এক জন অধ্যাপকের প্রয়োজন হয়। মৃত্যুঞ্জয় বাংলা ভাষায় পারদর্শী ত ছিলেনই, পরন্তু সংস্কৃত ভাষায় তাঁহার অসাধারণ দখল ছিল। কেবী তাঁহাকেই এই পদের সম্পূর্ণ উপযুক্ত বিবেচনা করিয়া কলেজ-কর্তৃপক্ষকে লিখিলেন :—

I take the liberty to recommend Mrittoonjoya Vidyalkunkuru who tell the present time has been first Pundit in the Bengalee language, to be the Sangskrit Pundit, under the new arrangement. He is one of the best Sangskrit scholars with whom I am acquainted. Both he and Ramnath [Vidyavachaspati, second Pundit] have always afforded me every necessary assistance in teaching that language, though they derived no emolument therefrom. Mrittoonjoya has uniformly conducted himself with the greatest propriety, and is willing to go through any examination respecting his abilities, and knowledge of the Sangskrit language which the College Council may think proper.—Procdgs. of the College of Fort William, dated 4 Sept. 1805.

বলা বাহুল্য, কেবীর সুপারিশ গ্রাহ্য হইয়াছিল।

the Institution, I beg leave to represent to the Council that Mrittoonjoy. Head Pundit of the College, has translated from the Shanscrit language into Classical Bengalee Prose the Butteese Singhasun ..... They are works of considerable merit and such as deserve remuneration. Mrittoonjoy's was eleven months employed on this work.....

I am, Sir,

Your most obedient Servant,

W. Carey  
Bengalee Teacher.

P. S. Mrittoonjoy the Head Pundit in the Bengalee Department translated the Butteese Singhasun into the Bengalee Language, which is an excellent class book... ..



## সুপ্রীম-কোর্টে পণ্ডিতী

মৃত্যুঞ্জয়ের পাণ্ডিত্যের খ্যাতি চারি দিকে ছড়াইয়া পড়িয়াছিল। ১৮ ৬ খ্রীস্টাব্দের মাঝামাঝি সুপ্রীম-কোর্টের প্রধান বিচারপতি তাঁহাকে ঐ কোর্টের পণ্ডিত-পদে নিযুক্ত করিতে ইচ্ছা করিলেন। মৃত্যুঞ্জয় দীর্ঘ ১৫ বৎসর ফোর্ট উইলিয়ম কলেজে মাসিক দুই শত টাকা বেতনে প্রধান পণ্ডিতের কার্য করিতেছেন, কিন্তু কেবীর বিশেষ চেষ্টা সত্ত্বেও তাঁহার কোন আধিক উন্নতি হয় নাই; তাহার কারণ, সিবিলিয়ানদের জন্ম বিলাতে হেলিবেরি কলেজের প্রতিষ্ঠা হওয়ায় গবর্নেন্ট ক্রমেই ফোর্ট উইলিয়ম কলেজের ব্যয় ও কার্যপরিধি সঙ্কোচ করিতেছিলেন। এরূপ অবস্থায় মৃত্যুঞ্জয় সুপ্রীম-কোর্টের পণ্ডিতী গ্রহণ করা যুক্তিযুক্ত মনে করিয়া ২ জুলাই ১৮১৬ তারিখে ফোর্ট উইলিয়ম কলেজের কাউন্সিলকে পদত্যাগ-পত্র পাঠাইলেন। পত্রখানি এইরূপ:—

মহামহিম শ্রীযুত কলেজ কোমসলের সাহেবান বরাবরে।—  
 লিখিতঃ শ্রীমৃত্যুঞ্জয় শর্ম্মণঃ উপেক্ষাপত্রমিদং কার্যকাগে সুপরোম  
 কোর্টের প্রধান জজ সাহেব অনুগ্রহ পূর্বক আমাকে ঐ কোর্টের  
 পাণ্ডিত্যকর্ম্মে নিযুক্ত করিতে চাহেন একারণ আমার কলেজের  
 প্রধান পাণ্ডিত্যকর্ম্ম আমি স্বেচ্ছা পূর্বক উপেক্ষা করিলাম অতএব  
 সাহেবলোককর্ত্তা কৃপাপূর্বক আমার উপেক্ষাপত্র গ্রাহ করিতে আশী  
 হয় নিবেদনমিতি ১৮১৬ সাল তারিখ ২ জুলাই— শ্রীমৃত্যুঞ্জয় শর্ম্মণঃ।

Home Dept. Miscellaneous No 564, p. 181

RESOLVED that the sum of 200 Sicca Rupees be presented to the Head Pundit Mritoonjoy...as rewards for their respective works recommended by Mr. Carey.—Proccdgs of the College of Fort William, dated 18 July 1803

২৫ জুলাই তারিখেই এই পদত্যাগ-পত্র কলেজ-কাউন্সিলে পেশ করিবার সময় কেবী মৃত্যুঞ্জয়ের উচ্চ প্রশংসা করিয়া লিখিলেন :—

...I beg leave on this occasion to observe that the conduct of Mritoonjuya during the long time in which he has held his office in the College, has conducted himself to my entire satisfaction. In point of learning very few are his equals, and no one with whom I have any acquaintance exceeds him.

In case of his resignation being accepted by the College Council, I beg leave to recommend Rama Natha, who has hitherto been second pundit, as a proper man to succeed to his office, and Rama Juya the son of Mritoonjuya to the office of the Second Pundit instead of Rama Natha. Ram Juya is very little inferior to his father in general science, and will probably in a few years be his equal, and perhaps will exceed him.—*Ibid* p. 180.

মৃত্যুঞ্জয়ের পদত্যাগ-পত্র গৃহীত এবং কেবীর প্রস্তাবিত ব্যবস্থা অনুমোদিত হইয়াছিল ( ১৩ জুলাই ১৮১৬ ) ।

সুপ্রীম-কোর্টের বিচারপতি সার্ ফ্রান্সিস ম্যাকনটেনের অধীনে মৃত্যুঞ্জয় পারদর্শিতার সহিত জজ-পণ্ডিতের কাজ করিয়াছিলেন। হিন্দু ব্যবহার-শাস্ত্রে রীতিমত জ্ঞান না থাকায় তৎকালে ইউরোপীয় বিচারকেরা হিন্দু পণ্ডিতের সাহায্যে হিন্দুর মকদ্দমার নিষ্পত্তি করিতেন। মৃত্যুঞ্জয় এই কার্যে ম্যাকনটেনের দক্ষিণহস্ত-স্বরূপ ছিলেন। তখনকার দিনে সুপ্রীম-

কোর্টে ধনী হিন্দুদের মকদ্দমা লাগিয়াই থাকিত। ১৯২০ খ্রীষ্টাব্দের ৩১ অক্টোবর তারিখে শ্রীরামপুরের 'সমাচার দর্পণ' লেখেন :—

সুপ্রিমকোর্টে মোকদ্দমাকরণ অভিযয় সম্মানের লক্ষণ ছিল বিশেষতঃ সুপ্রিমকোর্টে অমুকের দুই তিনটা একুটির মোকদ্দমা চলিতেছে ইহা প্রকাশে তিনি ষে রূপ সম্মমপ্রাপ্ত হইতেন আমাদের বোধ হয় যে দুর্গোৎসবে বিশ হাজার টাকা ব্যয় করিলেও তাদৃশ সম্মানপ্রাপ্ত হইতেন না।

এই সকল মামলা-মকদ্দমার অনিবার্য ফল সম্বন্ধে 'সমাচার দর্পণ' আরও লেখেন :—

পাণ্ডিত্যবিষয়ে অধিতীয় সুপ্রিমকোর্টের পণ্ডিত যে মহাত্ম্যর বিদ্যালঙ্কার তিনি কহিতেন যে ধনাত্ম্য যত লোক সুপ্রিমকোর্টে প্রবিষ্ট হইয়াছেন তাঁহারা একেবারে নিঃস্ব হইয়া সেই আদালত হইতে মুক্ত হইয়াছেন ইহা ব্যতিরেকে আর কিছুই দেখি নাই।

## জনহিতকর প্রতিষ্ঠানের সহিত যোগ

নানা জনহিতকর প্রতিষ্ঠানের সহিত মহাত্ম্যয়ের যোগ ছিল। কলিকাতায় হিন্দু কলেজের স্থাপনার জন্য ১৮১৬ খ্রীষ্টাব্দের ২১মে তারিখের একটি সভায় এই প্রতিষ্ঠানের নিয়মাবলী প্রণয়নের উদ্দেশ্যে দেশী বিদেশী লোক লইয়া একটি সমিতি গঠিত হয়। মহাত্ম্যর এই সমিতির একজন সভ্য নির্বাচিত হইয়াছিলেন। ছাত্রগণের পাঠ্য পুস্তক রচনার জন্য ১৮১৭ খ্রীষ্টাব্দের জুলাই মাসে কলিকাতা-স্কুলবুক-সোসাইটি প্রতিষ্ঠা হয়। মহাত্ম্যর ইহার পরিচালক-সমিতির (Committee of Managers) একজন হিন্দু সদস্য ছিলেন।

১৮:৮ খ্রীষ্টাব্দের শেষাংশে কয়েক মাসের অবসর লইয়া মৃত্যুঞ্জয় তীর্থভ্রমণে বাহির হন। ১২ ডিসেম্বর ১৮:৮ তারিখে শ্রীরামপুরের 'সমাচার দর্পণ' লেখেন :—

সুপ্রীমকোর্টের পণ্ডিত শ্রীযুক্ত মৃত্যুঞ্জয় বিদ্যালঙ্কার ভট্টাচার্য্য শ্রীযুত বিচারক সাহেবদের নিকটে চারিমাসের বিদায় লইয়া কাশীতীর্থ দর্শনার্থ যাত্রা করিয়াছেন।

মৃত্যুঞ্জয় কাশী, প্রয়াগ, গয়া প্রভৃতি তীর্থস্থান দর্শন করিয়া বাড়ী ফিরিতেছিলেন। পথে মুর্শিদাবাদের নিকট তাঁহার মৃত্যু হয়। এই ঘটনার তারিখ ১৮:১২ খ্রীষ্টাব্দের মাঝামাঝি। তাঁহার মৃত্যুতে 'সমাচার দর্পণ' ১২-এ জুন তারিখে যাহা লেখেন, নিম্নে তাহা উদ্ধৃত হইল :—

মরণ।— মৃত্যুঞ্জয় বিদ্যালঙ্কার ভট্টাচার্য্য নামা শাস্ত্রীয় বিদ্যোপার্জন করিয়াছিলেন ও উপার্জনানুসারে বিদ্যা বিতরণ করিয়াছেন এবং মোং কলিকাতায় কোম্পানির কলেজের আরম্ভ বধি তাহার প্রধান পাণ্ডিত্য কর্ম পাইয়া অনেক বিশিষ্ট সম্মানেরদের অনৌপাধিক উপকার করত বহুকাল ক্ষেপ করিয়াছিলেন এবং দুই তিন বৎসর হইল কলেজের পাণ্ডিত্য কক্ষেতে স্বসদৃশ পুত্রকে অভিবিক্ত করিয়া আপনি সুপ্রীমকোর্টের পাণ্ডিত্য কর্ম করিতেছিলেন পরে আট মাস হইল সুপ্রীমকোর্টের সাহেবদের নিকট বিদায় লইয়া তীর্থদর্শনার্থ গিয়া কাশী প্রয়াগ গয়া প্রভৃতি তীর্থ দর্শন করিয়া বাটী আসিতেছিলেন, পথে মোং মুর্শেদাবাদের নিকটে গঙ্গাতীরে জ্ঞানপূর্কক পরলোক প্রাপ্ত হইয়াছেন।

### গ্রন্থাবলী

মৃত্যুঞ্জয় অনেকগুলি গ্রন্থ রচনা করিয়াছিলেন। এই সকল গ্রন্থের নাম, গ্রন্থকারের জীবদ্দশায় প্রকাশিত বিভিন্ন সংস্করণের তারিখ সম্বন্ধে নিম্নে দেওয়া হইল :—

১। বত্রিশ সিংহাসন ইং ১৮০২।\*

বত্রিশ সিংহাসন।—সংগ্রহ ভাষাতে। মৃত্যুঞ্জয় শর্মাণা ক্রিয়তে।—শ্রীরামপুরে ছাপা হইল।—১৮০২।

ইহার প্রথম সংস্করণ (পৃ. ২১০) ১৮০২ খ্রীষ্টাব্দে, দ্বিতীয় সংস্করণ (পৃ. ১২৮) ১৮০৮ খ্রীষ্টাব্দে এবং তৃতীয় সংস্করণে (পৃ. ১৪৪), ১৮১৮ খ্রীষ্টাব্দে শ্রীরামপুর হইতে প্রকাশিত হয়। ১৮১৬ খ্রীষ্টাব্দে “লন্ডন মহা নগরে চাপা” একটি সংস্করণ “শ্রী ক্রিমাঙ্কিতোর বত্রিশ পুস্তালিকা সিংহাসন সংগ্রহ বাঙ্গালা ভাষাতে” নামে প্রকাশিত হইয়াছিল।

২। হিতোপদেশ। ইং ১৮০৮।

পঞ্চতন্ত্র প্রভৃতি নীতিশাস্ত্র হইতে উদ্ধৃত। মিত্রলাভ সূত্রভেদ বিগ্রহ সঙ্ঘ। এতচ্চতুষ্টিয়াবয়ব বিশিষ্ট হিতোপদেশ।—বিষ্ণুশর্মা কর্তৃক সংগৃহীত। বাঙ্গালা ভাষাতে। মৃত্যুঞ্জয় শর্মাণা ক্রিয়তে।—শ্রীরামপুরে ছাপা হইল।—১৮০৮।—

ইহার প্রথম সংস্করণ (পৃ. ২৪৩) ১৮০৮ খ্রীষ্টাব্দে এবং দ্বিতীয় সংস্করণ (পৃ. ১২৭) ১৮১৪ খ্রীষ্টাব্দে শ্রীরামপুর হইতে প্রকাশিত হয়।

৩। রাজাবলি। ইং ১৮০৮।

রাজাবলি।—সংগ্রহ ভাষাতে।—মৃত্যুঞ্জয় শর্মাণা ক্রিয়তে।—শ্রীরামপুরে ছাপা হইল।—১৮০৮।—

\* পাদরিং লং লিখিয়াছেন, আনুমানিক ১৮০৫ খ্রীষ্টাব্দে মৃত্যুঞ্জয় সংস্কৃত হইতে অনুবাদ করিয়া ‘দায়রত্নাবলী’ প্রকাশ করিয়াছিলেন। “About 1805, (S. T.) HINDU LAW OF INHERITANCE, *Dayratnabali*, by Mritunjoy Videalankar”—Long’s *Descriptive Catalogue...* (1855), p. 55 আমি এই পুস্তক কোথাও দেখি নাই।

ফোর্ট উইলিয়ম কলেজের কাগজপত্রে Home Misc. No. 559, p.490 ;

ইহার প্রথম সংস্করণ ( পৃ. ২২৫ ) ১৮০৮ খ্রীষ্টাব্দে এবং দ্বিতীয় সংস্করণ ( পৃ. ২২১ ) ১৮১৪ খ্রীষ্টাব্দে প্রকাশিত হয় ।

‘রাজাবলি’তে কলির আরম্ভ হইতে ইংরেজ-অধিকার পর্যন্ত ভারতবর্ষের রাজা ও সম্রাটগণের সংক্ষিপ্ত ইতিহাস আছে । ইহাই ছাপার অক্ষরে প্রকাশিত ভারতবর্ষের প্রথম ধারাবাহিক ইতিহাস ।

৪ । An Apology for The Present System of HINDOO WORSHIP". Written in the Bengalee Language, and accompanied by an English Translation. Calcutta : Printed by A. G. Ballour, at the Government Gazettee Press, No. 1, Mission Row. 1817.

‘বেদান্ত চন্দ্রিকা’ ইংরেজী অনুবাদ সহ মুদ্রিত হইয়াছিল । গ্রন্থকার- হিসাবে মৃত্যুঞ্জয়ের নাম পুস্তকে না থাকিলেও ‘বেদান্ত চন্দ্রিকা’ যে তাঁহারই রচনা, তাহার দুইটি প্রমাণ দিতেছি

July 26, 180 . Literary Notices’ শিরোনামায় দেখা যায়, মৃত্যুঞ্জয় হিন্দুদিগের আচারব্যবহার সম্পর্কে একটি পুস্তক রচনা করিয়াছিলেন । বিজ্ঞাপনটি এরূপ —

### PREPARING FOR THE PRESS

A View of the Manners and Customs of the Hindoos, as they exist at the present time ; in which many popular practices are contrasted with the ancient observances prescribed by the Vedas ; an original work in the Bengalee language, composed by Mr. M. J. Vidyalankar head pundit in the Sanscrit and Bengalee Languages in the College of Fort William.

মৃত্যুঞ্জয়ের এই পুস্তকখানি খুব সম্ভব মুদ্রিত হয় নাই ; ইহার উল্লেখ অন্য কোথাও দেখি নাই ।

## গ্রন্থাবলী

(ক) কলিকাতা-স্কুলবুক-সোসাইটির তৃতীয় বার্ষিক (ইং ১৮১২-২০) বিবরণের দ্বিতীয় পরিশিষ্টে কতকগুলি মুদ্রিত পুস্তকের তালিকা আছে; এই তালিকার ৪১ পৃষ্ঠায় প্রকাশ,—

34. Vedanta-chondrica.....On the Vedant System ; (in defence of Hindoo Idolatry, against the observations of Rammohun Roy,)...Mrityonjoy Bidyaloncar.

(খ) ১৮৩৫ খ্রীষ্টাব্দের জুলাই মাসে 'ক্যালকাটা রিভিউতে "Vedantism ;—What is it ?" নামে একটি প্রবন্ধ প্রকাশিত হয়। ইহাতে স্বত্বাঙ্গয় ও তাঁহার 'বেদান্ত চন্দ্রিকা' সম্বন্ধে যে আলোচনা আছে, তাহার কিঞ্চিৎ উদ্ধৃত করিতেছি :—

Of the first work [*The Vedanta Chandrika* ; —an Apology for the present system of Hindu worship]..., less is known ; indeed, very few appear to have ever heard even of its existence. As the original production of a native of our own day, on a very abstruse and metaphysical subject, it is at once curious and important. It was published, in 1817, anonymously ; and the following are the only scanty particulars which we have been enabled to glean concerning the author and his work. His name was Mrityunjaya Vidyalankara. He was head Pundit of the College of Fort William ;—and afterwards Pandit of the Supreme Court under Sir Francis Macnaghten. He died, about 1820, at Moorshedabad, on his return from Benaras ; bearing universally the character of a very learned man in all the Darsans or systems of Sanskrit learning and philosophy. He was himself wholly unacquainted with the English language. His

son, who succeeded to his station at the Supreme Court, has been known to ascribe the credit of having aided his father with the English translation to the late Sir W. H. Macnaghten. Of the work itself two hundred and fifty copies were originally struck off ; and there has been no second edition, it has long been difficult if not impossible to obtain a copy ; indeed, we have never seen one except that which has fallen into our own possession. (Pp. 44-45)

### ৫। প্রবোধ চন্দ্রিকা। ইং ১৮৩৩।

প্রবোধ চন্দ্রিকা। শ্রীধ্বজ মৃত্যুঞ্জয় বিদ্যালঙ্কার কর্তৃক ফোর্ট উলিয়ম কলেজের ছাত্রেরদের নিমিত্ত রচিত। শ্রীরামপুরে মুদ্রাযন্ত্রালয়ে মুদ্রাঙ্কিত হইল। সন ১৮৩৩।

ইহার প্রথম সংস্করণ (পৃ. ১৯৫) ১৮৩৬ খ্রীষ্টাব্দে, দ্বিতীয় সংস্করণ (পৃ. :৮২) ১৮৪৫ খ্রীষ্টাব্দে এবং তৃতীয় সংস্করণ (পৃ. ১৮৯) ১৮৬২ খ্রীষ্টাব্দে শ্রীরামপুর প্রেস হইতে প্রকাশিত হয়। 'প্রবোধ চন্দ্রিকা' সে কালে কলেজের সিনিয়র ডিভিশনে পাঠ্য গ্রন্থ ছিল। ১৮৬২ খ্রীষ্টাব্দে "কালকাতা ইউনিবর্সিটির অনুমত্যনুসারে" ব্যাপটিষ্ট মিশন প্রেস হইতে ইহা পুনর্মুদ্রিত হয় ; ইহার পৃষ্ঠা-সংখ্যা ছিল ১৮৮।

আনুমানিক ১৮১৩ খ্রীষ্টাব্দে মৃত্যুঞ্জয় এই পুস্তক রচনা করেন। তাঁহার অনুরোধে ৫ জানুয়ারি ১৮১৯ তারিখে উইলিয়ম কেরী নিম্নোক্ত পত্রখানি ফোর্ট উইলিয়ম কলেজের কর্তৃপক্ষকে লেখেন :—

Mritoonjaya, formerly Chief Pundit of the College, some years ago at my suggestion under-took the above-mentioned work, to which he has given the name of Prabodha-chundrika. It is a sketch of the whole cycle of Hindoo Literature, illustrated by familiar examples and interspersed with anecdotes intended to exemplify the



different sciences described therein. He requests something by way of reward, or rather as an acknowledgment of the sense the College Council entertains of his labours. The work is now in the Serampore Press and will be printed without any application for a subscription. I consider it, however, as a work which as a class book will be of great value in the College.

Mritoonjaya discharged the duties of Chief Pundit of the College from its commencement till the time he was removed to the Supreme Court, in a manner honourable to himself and satisfactory to me. He translated some work from the Sanskrit, and composed other from other materials which are used in College as class books; for none of these did he ever receive any reward more than the pay of his office. This his last request will not therefore, I hope, appear unreasonable. I think 300 Rupees would be a proper testimony of the value of his labours. I expect the book will sell for about Rs. 8 a copy.

5 Jany. 1819.

Wm. Carey\*

কলেজ-কাউন্সিল ছাত্রদের ব্যবহারের জন্য ৫০ খণ্ড 'প্রবোধ চল্লিকা' জন্ম করিয়া লেখককে উৎসাহিত করিতে স্বীকৃত হন।\*\* কিন্তু ইহার কয়েক মাস পরেই মৃত্যুঞ্জয়ের মৃত্যু হয়। 'প্রবোধ চল্লিকা' তাঁহার জীবদ্দশায় প্রকাশিত হয় নাই; ইহা ১৮৩৩ খ্রীষ্টাব্দের মে মাসে শ্রীরামপুর হইতে প্রকাশিত হইয়াছিল।

\* Home Dept. Miscellaneous No. 565. p, 288.

\*\* Ibid., pp. 288-89.

মৃত্যুঞ্জয়ের এই সকল রচনা 'মৃত্যুঞ্জয়-গ্রন্থাবলী' নামে রজন পাবলিশিং হাউস কর্তৃক প্রকাশিত হইয়াছে।

মৃত্যুঞ্জয়ের নিকট সাহায্য লাভ করিয়া অনেকে গ্রন্থ রচনার উৎসাহিত হইয়াছিলেন। কয়েকটি দৃষ্টান্ত দিতেছি :—

( ক ) মৃত্যুঞ্জয়ের সহায়তায় উইলিয়াম কেরী ১৮০৪ খ্রীষ্টাব্দে সংস্কৃত হিতোপদেশ প্রকাশ করেন।

( খ ) ১৮০৬ খ্রীষ্টাব্দে কেবীর সংস্কৃত ব্যাকরণ প্রকাশিত হয়। এই ব্যাকরণ রচনার মৃত্যুঞ্জয় তাঁহাকে বিশেষভাবে সাহায্য করিয়াছিলেন।\*

( গ ) ১৮১৮ খ্রীষ্টাব্দে শ্রীরামপুর হইতে 'সাংখ্য ভাষা সংগ্রহ' প্রকাশিত হয়। অনুবাদক হিসাবে পুস্তকে রামজয় তর্কালঙ্কারের\*\* নাম থাকিলেও প্রকৃতপক্ষে তাঁহার পিতা মৃত্যুঞ্জয় বিদ্যালঙ্কার এই অনুবাদকার্যে যথেষ্ট সহায়তা করিয়াছিলেন। ১৮২৩ খ্রীষ্টাব্দে ত্রৈমাসিক 'ক্রোড় অব ইণ্ডিয়া' লিখিয়াছিলেন :—

...The Sankhya Pruvuchuna has been also published by them in Bengalee ; but for the translation the world is indebted to Mritoonjuya and Ramjuya Turkulunkara, the late and present Chief Pundits in the Supreme Court.—*The Friend of India* ( Quarterly Series ), Vol. 11 No. VIII. V. 567.

\* ভূমিকাব কেরী লিখিয়াছেন :—“He wishes here also to acknowledge the great assistance he has received...from Mrityoonjuyu Vidyalunkaru, and Ramunathu Vasuspati,...who have been always ready to contribute to this work, and to whose zeal and abilities he is happy to bear this testimony.”

\*\* রামজয় তর্কালঙ্কার আরও একখানি গ্রন্থের রচয়িতা ; উহা ১৮২৭ খ্রীষ্টাব্দে প্রকাশিত 'দায়কৌমুদী এবং দত্তকৌমুদী এবং ব্যবহাসংগ্রহ'। ৩ ডিসেম্বর ১৮৫৭ তারিখে রামজয়ের মৃত্যু হয়।

## পাণ্ডিত্য ও শাস্ত্রজ্ঞান

মৃত্যুঞ্জয় বিদ্যালয়কার সে-যুগের একজন অদ্বিতীয় পণ্ডিত ছিলেন। হিন্দুশাস্ত্রে তাঁহার গভীর জ্ঞান ছিল। তাঁহার কলিকাতা বাগবাজারের বাসগৃহে রীতিমত শাস্ত্রচর্চা হইত। রামমোহন রায় তাঁহার 'কবিতাকারের সহিত বিচার' পুস্তিকার এক স্থলে লিখিয়াছেন—

আমরা ঈশ কেন কঠ মুণ্ডক মাণ্ডুক্য ঐ দশোপনিষদের মধ্যে সম্পূর্ণ ৫ পাঁচ উপনিষদের ভাষা বিবরণ ভগবান্ আচার্যের ভাষ্যের অনুসারে করিয়াছি...ঐ সকল মূল উপনিষদ ও আচার্যের ভাষ্য এবং বেদান্ত দর্শন ও তাহার ভাষ্য মৃত্যুঞ্জয় বিদ্যালয়কার ডেপুটি আচার্যের বাটীতে এবং কালেক্টে ও অন্তঃ পণ্ডিতের নিকট এই দেশেই আছে...।

ওয়ার্ডের গ্রন্থে প্রকাশ, ১৮১৭ খ্রীষ্টাব্দে বাগবাজার মৃত্যুঞ্জয় বিদ্যালয়কারের চতুর্পাঠী ছিল; ১৫ জন ছাত্র তথায় অধ্যয়ন করিত।\* এই চতুর্পাঠীতে মৃত্যুঞ্জয় বেদান্তাদি শাস্ত্রের অধ্যাপনা করিতেন। তখন শাস্ত্র ও স্মৃতি-শাস্ত্রের তুলনায় বেদান্তের চর্চা কম হইত; কিন্তু একেবারেই যে হইত না, এরূপ মনে করিবার কোনও হেতু নাই। মৃত্যুঞ্জয় বেদান্ত ও উপনিষদে যে পারঙ্গম ছিলেন, ১৮০২ খ্রীষ্টাব্দে তাঁহার 'বত্রিশ সিংহাসন' পুস্তকের নিম্নোক্ত তংশ পাঠ করিলে তাহা স্পষ্ট হুয়া যাইবে :—

ন্যূনাধিক্য ভাবে বর্তমান যে২ বস্তু সে সকল বস্তুর সীমান্তান অবশ্য কেহ আছে যেমন সরোবর হ্রদ নদীনদাদিতে ন্যূনাধিক্য ভাবেতে স্থির হইয়াছেন যে জল তাহার সীমান্তান সমুদ্র তৎৎ ঐশ্বর্য্য বীর্ঘ্য বশঃ শোভা জ্ঞান বৈরাগ্যাদি ন্যূনাতিরেক ভাবে প্রাণিবর্গে আছেন অতএব ঐশ্বর্য্যাদি ষাবদুত্তম গুণের সীমান্তান কাহাকেও

\* William Ward ; *A view of the History, Literature, and Mythology of the Hindoos*, Vol. IV (1820), 3rd ed. p. 495.

অবশ্য বলিতে হইবে ইহাতে ষাহাতে বলিবা তিনি এক পরমেশ্বর তাহার স্বরূপ এই সর্বজ্ঞ সর্বৈশ্বর সর্বনিয়ন্তা কার্য্য রূপে এবং কারণ রূপে অভিযাক্ত সকলের অন্তঃকরণব্যাপারসাক্ষী পাদহীন অথচ সর্বত্রগ এবং পানিহীন সর্বগ্রাহী নেত্রহীন সর্বদর্শী শ্রোত্রহীন সর্বশ্রোতা তিনি সকলকে জ্ঞানেন তাহাকে কেহ জানে না সর্বত্রস্থিত কিন্তু সকলেরি দুর্লভ তাহার কেহ আধার নয় তিনি সকলের আধার সচ্চিদানন্দ-মাত্রস্বরূপ তাহার শক্তি দুর্ঘটঘটনপটুতরা অতএব তাহাকেই মহামায়া করিয়া শাস্ত্রে বলেন তিনি সকল জগতের মূল কারণস্বরূপা অতএব তাহাকে মূল প্রকৃতিও বলেন ঈশ্বরতত্ত্বজ্ঞেরা ঈশ্বরশক্তির কার্য্য জগৎকে স্বপ্নের গায় জানেন অতএব ঈশ্বরশক্তিকে মহানিদ্রা করিয়া বলেন এতাদৃশ শক্তিসহকারী নিগুণ নিষ্কর্ম সচ্চিদানন্দমাত্রস্বরূপ পরমেশ্বর সর্বজ্ঞাদিগুণক হন। এবম্বিধপরমেশ্বরবিষয়ক জ্ঞান নৈরন্তর্য্য দীর্ঘকাল সেবিত জ্ঞান যোক্ষের কারণ হন।—‘বত্রিশ সিংহাসন’ (‘মৃত্যুঞ্জয়-গ্রন্থাবলী’) পৃ. ৪৭-৪৮।

১৮১৭ খ্রীষ্টাব্দে প্রকাশিত তাঁহার ‘বেদান্ত চন্দ্রিকা’ ও বেদান্তে তাঁহার গভীর জ্ঞানের সাক্ষ্য দিতেছে।

হিন্দুশাস্ত্রে মৃত্যুঞ্জয়ের গভীর জ্ঞানের কথা রাজপুরুষদেরও অজ্ঞাত ছিল না। ১৮১৭ খ্রীষ্টাব্দে সদর দেওয়ানী আদালতের প্রধান বিচারপতি সহ-গমন সম্বন্ধে শাস্ত্রের বিধান অনুসন্ধান করিয়া জানাইবার জন্য তাঁহাকে অনুরোধ করেন। বহু শাস্ত্রগ্রন্থ মন্বন করিয়া উত্তরে মৃত্যুঞ্জয় সংস্কৃত ভাষায় ষাহা লিখিয়া পাঠাইয়াছিলেন, তাহার সারমর্ম :—“চিত্তায়োহণ অপরি-হার্য্য নয়,—ইচ্ছাধীন বিষয়মাত্র। অনুরগমন এবং ধর্মজীবনধাপন—এই উভয়ের মধ্যে শেষটিই শ্রেয়তর। যে স্ত্রী অনুরমতা না হয় অথবা অনুরগমনের

সংকল্প হইতে বিচ্যুত হই, তাহার কোন দোষ বর্তে না।”\*

পূর্বেই বলা হইয়াছে, মৃত্যুঞ্জয়ের এই অভিমত ১৮১৭ খ্রীষ্টাব্দে প্রবৃত্ত হইয়াছে। রামমোহন রায়ের সহমরণবিষয়ক প্রথম পুস্তিকা প্রকাশিত হইয়াছে ১৮১৮ খ্রীষ্টাব্দে। সুতরাং দেখা যাইতেছে, সহমরণ যে অবশ্যকর্তব্য নয় এবং ব্রহ্মচর্যা ও সহমরণের মধ্যে প্রথমটিই শ্রেয়ঃ—এই অভিমত মৃত্যুঞ্জয় রামমোহনের পূর্বেই প্রচার করিয়াছিলেন।

১৮১৯ খ্রীষ্টাব্দের অক্টোবর সংখ্যা মাসিক ‘ফ্রেণ্ড অব ইণ্ডিয়া’ পত্রে সতীদাহ সম্বন্ধে মৃত্যুঞ্জয়ের অভিমতের সারাংশ ইংরেজীতে মুদ্রিত হইয়াছে। ‘ফ্রেণ্ড অব ইণ্ডিয়া’র পূর্বাভিন সংখ্যাগুলি সহজ প্রাপ্য নহে বলিয়া আমরা ই সারাংশ নিয়ে উদ্ধৃত করিলাম :—

... We intreat permission to subjoin a few extracts from a document in our possession, drawn up in Sungskrita about two years ago by Mrityoonjaya Vidyalunkura, the Chief pundit successively in the College of Fort William, and in the Supreme Court, at the request of the Chief Judge in the Sudder Dewanee Adawlut, who wished him to ascertain from a comparison of all the work extant on the subject, the precise point of law relative to burning widows, according to those who recommend the practice. This document, as the Compiler of it, from his

---

\* সহমরণের বিরুদ্ধে আলোকনকালে রামমোহন রায় তাহার প্রচারিত একখানি ইংরেজী পুস্তিকায় মৃত্যুঞ্জয়ের এই মত উদ্ধৃত করিয়াছিলেন—Some Remarks in vindication of the resolution passed by the Government of Bengal in 1829 abolishing the practice of female sacrifices in India.—The Eng. Works of Raja Rammoan Roy, pub. by Sadharan Brahma Samaj, (1934), pp 73- 4.

own extensive learning and the assistance of his friends, had an opportunity of consulting more works on the subject than almost any pundit in this presidency, may be regarded as possessing the highest legal authority according to the Hindoos. After having consulted nearly thirty works on the subject current in Bengal and the northern, western and southern parts of Hindoosthan, among which are all those quoted for the practice by the author of this pamphlet, he says, "Having examined all these works and weighed their meaning, I thus reply to the questions I have been desired to answer." He then states Munoo having directed the following formula to be addressed to the bride by the priest at the time of marriage, "be thou perpetually the companion of thy husband, in life and in death." Hareeta, a letter writer, says that it is the inheritance of every woman belonging to the four castes, not being pregnant or not having a little child, to burn herself with her husband. The Compiler afterwards quotes *Vishnomoonee* as speaking thus, "Let the wife either embrace a life of abstinence and chastity, or mount the burning pile ;" but he forbids the latter to the unchaste. He then enumerates particularly the various rules laid down by him and others who have followed him on the same side of the question, relative to the time and circumstances in which a woman is permitted to

burn herself, and in what cases she is even by them absolutely forbidden. These extracts shew that binding the woman, and the other acts of additional cruelty which the author of this pamphlet justifies, are totally forbidden. The *Soodheekoumo, dee* as quoted by the Compiler says. Let the mother enter the fire after the son has kindled it around his father's corpse ; but to the father's corpse and the mother let him not set fire ; if the son set fire to the *living* mother, he has on him the guilt of murdering both a woman, and a mother. Thus the possibility of a woman's being bound to her husband's corpse is taken away : while the act is left perfectly optional, the son is not to be in the least degree accessory to the mother's death ; if she burn herself at all, it must be throwing herself into the flames already kindled. And the *Nirnuya-sindhoo* forbids the use of any bandage, bambocs, or wood by way of confining the woman on the funeral pile ; nor before she enter it must the least persuasion be used, nor must she be placed on the fire by others. Thus the practice as existing in Bengal and defended in this work, is deliberate murder even according to the legal authorities which recommend burning as optional.

*Mrityoonjaya* however shews from various authors, that though burning is termed optional, it is still not be.

recommended. To this effect he quotes the *Vijayante*, “While Brumhachurya and burning are perfectly optional burning may arise from concupisce, but Brumhachurya cannot ; hence they are not equally worthy, how then can they be equally optional ? By Brumhachrya the widow obtains bliss though she have no son.” He then quotes several authors, as declaring, that woman ought not to burn, because it is merely a work of concupiscence ; the *Julwamaia vilas* and others as declaring that the practice is merely the effect of cupidity and not the fruit of a virtuous and constant mind ; and the *Mitakshura* as declaring, that by embracing a life of abstinence the widow by means of divine wisdom may obtain beatitude ; and hence, that a woman’s burning herself is improper ; adding, that in former ages nothing was heard of women’s burning themselves : it is found only in the corrupt age.

The following is the conclusion drawn by this able pundit and jurist from the perusal of the whole of these works. “After perusing many works on this subject the following are my deliberate and digested ideas ; Vishnoo-moonee and various others say, that the husband being dead, the wife may either embrace a life of abstinence and chastity, or mount the burning pile ; but on viewing the whole I esteem a life of abstinence and chastity, to



accord best with the law ; the preference appears evidently to be on that side. Vyasa, Sungkoo, Ungeera, and Hareeta speaking of a widow's burning, say, that by burning herself with her husband she may obtain conjugal bliss in heaven ; while by a life of abstinence and chastity, she, attaining sacred wisdom, may certainly obtain final beatitude. Hence to destroy herself for the sake of a little evanescent bliss, cannot be her duty : burning is for none but for those who despising final beatitude, desire nothing beyond a little short lived pleasure. Hence I regard a woman's burning herself as an unworthy act and a life of abstinence and chastity as highly excellent.—In the Shastras appear many prohibitions of a woman's dying with her husband, but against a life of abstinence and chastity there is no prohibition. Against her burning herself the following authorities are found. In the Meemangsha-durshuna, it is declared that every kind of self inflicted injury is sin. The Sankhya says, that a useless death is undoubtedly sinful. The killing for sacrifice commanded by the Shastras has a reasonable cause and is yet sinful in a certain degree because it destroys life. And while by the Meemangsha, either of the two may be chosen ; by the Sankhya, a life of abstinence and chastity is alone esteemed lawful.

But by the Vedanta. all works springing from concupiscence, are to be Abhorred and forsaken ; hence a woman's burning herself from the desier of connubial bliss, ought certainly to be rejected with abhorrence."

He further adds, "No blame whatever is attached to those who pervent a woman's burning. In the Shastras it is said, that Kunderpa being consumed to ashed by the eye of Shiva, his wife Rutee, determined to burn herself ; and commanded her husband's friend Mudhoo to prepare the funeral Pile. Upon this the gods forbad her ; on which account she desisted, but by Kales-dasa no blame is attached to them for this conduct. Thus also in the Sree Bhaguvuta : a Woman, Kripee, had a son, a mighty hero, from love to Whom she forbore to burn herself With her husband ; yet she was deemed guilty of no sin therein. Now also we hear of sons and other relatives attempting to dissuade a woman from burning ; yet they are esteemed guilty of no crime. It is also evident that a woman in thus burning herself, dies merely from her own selfwill, and from no regard to any shastra ; such the command of a thousand shastras would not induce to die. They merely reason thus, "By the death of my husband I have sustained an irreperable loss ; it is better for me to die than to live ;" hence a woman determines to die ; and her rela-

tives seeing this mind in her, provide the funeral pile, and say, "If you are determined to die, to die by falling from a precipice would be tedious, die in this manner:" thus a father who has a son determined to go to a distant country, finding all dissuasion vain, at length sends a guide with him who knows all the rivers and dangerous place. The various shastras therefore, describe this action as being merely that of one who having received an incurable wound, is determined to die whether by falling from a precipice by fire, or by water." *The Friend of India* ( Monthly Series ) for October 1819, pp. 473-76.

### শিল্পী মৃত্যুঞ্জয়

বাংলা গদ্যের সহিত মৃত্যুঞ্জয়ের সম্পর্ক পূর্বাপর অল্পধাবন করিলে একটি বিষয়ে বিস্ময় বোধ না করিয়া থাকি যাই না—তাঁহার প্রতিষ্ঠার ভাগ্যপরিভ্রম। জীবিতকালে এবং মৃত্যুর অব্যবহিত পরে অর্থাৎ উনবিংশ শতাব্দীর প্রথমার্ধে যে মৃত্যুঞ্জয় বাংলা ভাষার শ্রেষ্ঠ পণ্ডিত ও লেখক বলিয়া সর্বত্র মান্য হইয়াছেন, কেহী যঁহার পাণ্ডিত্য ও রচনাক্ষমতার মুগ্ধ ছিলেন এবং নিজে চাকুরীতে প্রধান হইয়াও যঁহার পদতলে বসিয়া শিক্ষালাভ করিয়াছিলেন,\* দেওয়ান রামকমল সেন যঁহাকে পণ্ডিতসমাজে "the most eminent" বিশেষণে ভূষিত করিয়াছেন এবং জন ক্লার্ক মার্শম্যান যঁহাকে "colossus of literature" বলিতে বিধা

\* "Mr. Carey sat under his instructions two or three hours daily when in Calcutta, and the effect of this intercourse was speedily visible in the superior accuracy and purity of his translations."—J. C. Marshman; *The Life and Times of Carey, Marshman, and Ward*, i. 130.

করেন নাই—উনবিংশ শতাব্দীর শেষার্ধ্বেই দেখিতে পাই, সেই মৃত্যুঞ্জয়ের বাংলা রচনা হইয়া বাংলা ভাষা ও সাহিত্যের ঐতিহাসিকেরা উপহাস করিতেছেন !

মৃত্যুঞ্জয়ের অধিকাংশ রচনাই এখন আমাদের হস্তগত হইয়াছে, সুতরাং আক্ষাঙ্কে বা লোকশক্তি অক্ষুণ্ণ হইয়া তাঁহার রচনার বিচার করা আর চলে না। এই রচনাগুলি পাঠ করিয়া আমরা দেখিতে পাইতেছি যে, বাংলাংগদের যখন নিতান্ত শৈশবাবস্থা, তখনই তিনি বিভিন্ন গুরুত্বপূর্ণ লিখিত পরীক্ষা চালাইয়াছেন এবং তাঁহার বিভিন্ন পুস্তক বিভিন্ন রীতিতে রচনা করিবার দুঃসাহস দেখাইয়াছেন। ঐ শিশু ভাষার ভবিষ্যৎ বিচিত্র সম্ভাবনার কথা সর্বপ্রথম তাঁহারই মানস নেত্রে ধরা পড়িয়াছিল এবং কোনও প্রাচীন আদর্শের অভাবে তিনি নানা আদর্শ লইয়া পরীক্ষা করিয়াছিলেন। অবশ্য এ কথা ঠিক যে, সংস্কৃত ভাষায় তদ্বিতীয় জ্ঞানী মৃত্যুঞ্জয় সংস্কৃত রীতিকে যত দূর সম্ভব প্রাধান্য দিয়াছেন, কিন্তু খাঁটি বাংলা রীতিবোধ তিনি উপেক্ষা করেন নাই। সৃষ্টির আদিতে সৃষ্টিবর্তা যখন উপকরণ হইয়া পরীক্ষা করেন; তখন সমগ্র ভবিষ্যৎকে তিনি দেখিতে পান না বলিয়া কখনও একটি বিশেষ প্রকরণকেই একান্ত করিয়া দেখিতে পারেন না। মৃত্যুঞ্জয়ও কোনও একটা নির্দিষ্ট রীতিবেই একমাত্র রীতি বলিয়া প্রচার করিতে পারেন নাই; শিল্পিত্ত্বভূত প্রেমে সবগুলিবেই ভবিষ্যৎ বিচারকের হাতে তুলিয়া দিয়াছেন। তাঁহার 'বত্রিশ সিংহাসন', 'হিতোপদেশ', 'রাজাবলি', 'বেদান্তচণ্ডিকা' এবং বিশেষ করিয়া 'প্রবোধ চন্দ্রিকা'র ভাষায় এইরূপ নানা শিল্পনির্দর্শন আছে। আমরা সেগুলি চয়ন করিয়া পাঠক-সমাজের নিকট উপস্থাপিত করিতেছি।

সহৃদয় পাঠককে সর্বদাই স্মরণ রাখিতে বলি যে, মৃত্যুঞ্জয়ের সমগ্র পুস্তকের রচনাকাল ১৮০২ হইতে ১৮১৭ খ্রীষ্টাব্দের মধ্যে মাত্র বোল

বৎসর। এই কয়েক বৎসরের ইতিহাসই বাংলা গল্পের ইতিহাসের ‘দি বুক অব জেনেসিস’। সুতরাং একটু যত্নবান হইয়া বাক্যের অর্থ নির্ণয় করিয়া বাক্যার্থ গ্রহণ করিতে হইবে, বাহিরের কঠিন রূপই কাঠিছের পর্যাপ্ত প্রমাণ নয়। বিরামচিহ্নের অভাব অথবা চিহ্ন-বিপর্যয় যথার্থ রসিককে প্রতিহত করিবে না, ইহাই আমাদের বিশ্বাস।

এই কালে এক ব্যাঘ্র সেখানে আইল ব্যাঘ্রকে দেখিয়া বিজয় পাল গাছের উপরে চড়িলেন সেই গাছে এক বানর ছিল। সেই বানর রাজপুত্রকে কহিল হে রাজপুত্র কিছু ভয় নাই উপরে আইস। বানরের কথা শুনিয়া রাজপুত্র উচ্ছেতে গেলেন। সন্ধ্যাকাল হইলে রাজ্যে রাজকুমারের আলস্য দেখিয়া বানর কহিলেন হে রাজপুত্র বৃক্ষের নামতে ব্যাঘ্র আছে তুমি আমার কোড়ে নিদ্রা যাও। রাজপুত্র সেইরূপ নিদ্রা গেলেন। ব্যাঘ্র বানরকে কহিল ওহে বানর মনুষ্য জাতিতে বিশ্বাস করিও না। রাজপুত্রকে কেলিয়া দেহ তোমার ও আমার আহার হউক। বানর কহিল শুন রে ব্যাঘ্র রাজপুত্র আমাকে বিশ্বাস করিয়াছেন তাহাকে আমি নষ্ট করিব না। বানরের কথা শুনিয়া ব্যাঘ্র চূপ করিয়া থাকিল কিঞ্চিৎ কালের পর রাজপুত্র শয়ন ত্যাগ করিয়া বসিলেন। বানর রাজপুত্রের উরুদেশে মস্তক দিয়া নিদ্রা গেলেন। ব্যাঘ্র পুনর্বার রাজপুত্রকে কহিল হে রাজকুমার বানর জাতিতে বিশ্বাস কি তুমি বানরকে কেলিয়া দেহ যে আমার আহার হউক তোমার ভয় আমাহইতে কিছু নাই। রাজপুত্র ব্যাঘ্রের কথা শুনিয়া বানরকে কেলিয়া দিলেন। বানর পড়িয়া বৃক্ষের মধ্যে ডাল ধরিয়া রহিল নামতে পড়িল না। তাহা দেখিয়া রাজকুমার অত্যন্ত লজ্জিত হইলেন। বানর কহিল রাজপুত্র ভয় করিও না। তারপর প্রাতঃকাল হইল ব্যাঘ্র সে স্থান হইতে গেল।—‘বক্তিশ সিংহাসন’ ( ইং ১৮০২ ), পৃ. ২-১০।

হে মহারাজ শুন রাজলক্ষী কখন কাহাতেও স্থির হইয়া থাকেন

না। রক্ত মাংস মল মূত্র নানাবিধ ব্যাধিময় এ শরীও স্থির নয় এবং পুত্র মিত্র কলত্র প্রভৃতি ফেহ নিত্য নয় অতএব এ সকলে আত্যস্তিক প্রীতি করা জ্ঞানী জনের উপযুক্ত নয় প্রীতি যেমন সুখদায়ক বিচ্ছেদে ততোধিক দুঃখদায়ক হন অতএব নিত্য বস্তুতে মনোভিনিবেশ জ্ঞানীর কর্তব্য। নিত্য বস্তু সচ্চিদানন্দবিগ্রহ পরম পুরুষ ব্যতিরেক কেহ নয় তাঁহাতে মন স্থির হইলে জীব অসার সংসার কারাগারহইতে মুক্ত হন।—ঐ (ইং ১৮০২), পৃ. ২৭।

দক্ষিণ সমুদ্রতীরে টিডিভেরা স্ত্রী পুরুষে বাস করে তাহাতে প্রসব কাল নিকট হইলে টিডিভী পতিকে বলিল হে নাথ প্রসবোপযুক্ত নির্জ্জন স্থান অনুসন্ধান কর। টিডিভ বলিল হে প্রিয়ে এই স্থান সে বলিল এ স্থান সমুদ্রবেলাকর্তৃক আক্রান্ত হয় টিডিভ বলিল সমুদ্র কি আমাকে নিগ্রহ করিবেন টিডিভী হাসিয়া বলিল হে স্বামী তোমাতে আর সমুদ্রেতে বিস্তর অন্তর টিডিভ বলিল যে লোক জানে না অর্থাৎ যাহার বুদ্ধি নাই সে দুঃখের পরিচ্ছেদ করিতে পারে না আর যাহার বুদ্ধি আছে সে কষ্টেতেও অবসন্ন হয় না অল্পযুক্ত কার্যে আরস্ত ও অন্তরঙ্গের সহিত বিরোধ ও বলবানের সহিত আন্দোলন ও স্ত্রীলোকেরদিগেতে বিশ্বাস এই চারি যত্নের দ্বার অনন্তর পতির বাক্যহেতুক সে ঐ স্থানেতেই প্রসব হইল। এই সকল শুনিয়া সমুদ্রও তাহার সামর্থ্য জানিবার নিমিত্তে সেই সকল অপহরণ করিলেন। তাহার পর টিডিভী শোকাতুরা হইয়া ভর্তাকে বলিল হে প্রাণনাথ দুঃখ উপস্থিত হইল আমার সেই সকল অণু নষ্ট হইল টিডিভ বলিল হে প্রিয়ে ভয় করিও না ইহা বলিয়া পক্ষিরদিগের মিলন করিয়া পক্ষিরদিগের প্রধান গরুড়ের নিকট গেল সেখানে যাইয়া টিডিভ সকল বৃত্তান্ত ভগবান্ গরুড়ের অগ্রেতে নিবেদন করিল হে প্রভো আপন গৃহেতে অবস্থিত আমি অপরাধ

ব্যতিরেকে সমুদ্রকর্তৃক নিগৃহীত হইয়াছি। অনন্তর তাহার বচন শুনিয়া সৃষ্টি স্থিতি প্রলয়ের কারণ ভগবান্ নারায়ণ প্রভু বিজ্ঞাপিত হইয়া সমুদ্রকে অণু দানের নিমিত্তে আদেশ করিলেন তাহার পর সমুদ্র ভগবানের আজ্ঞা মস্তকে করিয়া সে অণু সকল টিটিভকে সমর্পণ করিলেন।—‘হিতোপদেশ’ ( ইং ১৮০৮ ) পৃ. ৮৪ ।

যে সিংহাসনে কোটি কোটি লক্ষ স্বর্ণদাতারা বসিতেন সেই সিংহাসনে মুষ্টিমাত্র ভিক্ষার্থী অনায়াসে বসিল। যে সিংহাসনে বিবিধপ্রকার রত্নালঙ্কারধারিরা বসিতেন সে সিংহাসনে ভস্মবিভূষিতসর্বাঙ্গ কুযোগী বসিল। যে সিংহাসনে অমূল্য রত্নময় কিরীটধারি রাজারা বসিতেন সেই সিংহাসনে জটাধারী বসিল। যে সিংহাসনস্থ রাজারদের নিকটে অনাবৃত অঙ্গে কেহ যাইতে পারিত না সেই সিংহাসনে স্বয়ং দিগম্বর রাজা হইল। যে সিংহাসনস্থ রাজারদের সম্মুখে অঞ্জলীকৃত হস্তদ্বয় মস্তকে ধারণ করিয়া লোকেরা দাঁড়াইয়া থাকিত সেই সিংহাসনের রাজা স্বয়ং উর্দ্ধবাহু হইল।—‘রাজাবলি’ ( ইং ১৮০৮ ), পৃ. ১৩৪ ।

দণ্ডকারণ্যে প্রাচী নদীতীরে বহুকালাবধি এক তপস্বী তপস্বী করেন বিবিধ কৃচ্ছ্রসাধ্য তপঃ করিয়াও তপঃসিদ্ধিভাগী হন না। দৈবাৎ ঐ তপোধনের তপোবনেতে এক দিবস নারদ মুনি আসিয়া উপস্থিত হইলেন। ঐ তপস্বী বহুমানপুরঃসর পাণ্ডাঘাসন দান ও স্বাগত প্রদান করিয়া নারদ মুনিকে নিবেদন করিলেন। হে ঈশ্বরদর্শি মুনি বহু কাল ব্যতীত হইল আমি তপস্বী করিতেছি তপঃসিদ্ধি হয় না কত কালে আমার তপঃসিদ্ধি হইবে ইহা আপনি ঈশ্বরসমীপে জানিয়া আমাকে আজ্ঞা করিবেন। তাপসের এই বাক্য শুনিয়া নারদ মুনি ঈশ্বর সন্নিধানে গিয়া তাহার কথা নিবেদন করিলেন। ঈশ্বর আজ্ঞা করিলেন ঐ তাপসের

তপোবনোপকর্থে যে অতিবৃহৎ তিস্তিড়ী বৃক্ষ আছে সে বৃক্ষের যত পত্র তত শত বৎসরে তার তপস্যাসিদ্ধি হইবে ।—'প্রবোধ চন্দ্রিকা' ( ইং ১৮১৩ ), পৃ. ২৫৫ ।

ইহা শুনিয়া বিশ্ববন্ধক কহিল তবে কি আজি খাওয়া হবে না ক্ষুধায় কি মরিব । তৎপত্নী কহিল মরুক্যানে আজি কি পিঠা না খাইলেই নয় দেখি দেখি হাঁড়িকুঁড়ী খুদকুঁড়া যদি কিছু থাকে । ইহা কহিয়া ঘরহইতে খুদকুঁড়া আনিয়া বাটিতে বসিয়া কহিল শীলটা ভাল বটে লোড়াটা যা ইচ্ছা তা এতে কি চিবণ বাটা হয় মরুক যেমন হউক বাটি ত । ইহা কহিয়া খুদকুঁড়া বাটিয়া কহিল বাটা তো এক প্রকার হইল অলুণি পিঠা খাইবা না লুণ তেল আনিতে হইবে । গতক্রিয়ার এই কথা শুনিয়া বিশ্ববন্ধক কহিল ওরে বাছা ঠক তৈল লবণ কোথাহইতে গোছে গোছে কিছু আন । ইহা শুনিয়া ঠক নামে তৎপুল্ল কোন পড়সীর এক ছানিয়াকে আয় আমার সঙ্গে তোকে মোয়া দিব এইরূপে তুলাইয়া সঙ্গে লইয়া বাজারে গিয়া এক মুদির দোকানে ঐ বালককে বন্ধক রাখিয়া তৈল লবণ লইয়া ঘরে আইল । তৎপিতা জিজ্ঞাসিল কিরূপে তৈল লবণ আনিলা ঠক কহিল এক ছোড়াকে তুলাইয়া বন্ধক দিয়া মুদি শালাকে ঠকিয়া আনিলাম ইহা শুনিয়া তৎপিতা কহিল হাঁ মোর বাছা এই তো বটে না হবে কেন আমার পুল্ল ভাল অন্ন করিয়া খাইতে পারিবে । এইরূপে পুল্লের ধন্যবাদ করিয়া ভাষ্যাকে কহিল ওলো মাগি যা যা শীঘ্র পিঠা করিগা ক্ষুধাতে বাঁচি না ।— ঐ (ইং ১৮১৩), পৃ. ২৬০-৬১ ।

এক স্থানে অনেক বক বসিয়াছিল অকস্মাৎ সেই স্থানে মানস সরোবরনিবাসী এক রাজহংস আসিয়া উপস্থিত হইল । বকেরা ঐ হংসকে দেখিয়া অত্যন্ত চমৎকৃত হইয়া লোহিত লোচন লপন



চরণ ধবল শরীর তুমি কে হে । হংস কহিল আমি রাজহংস ।  
 বকেরা কহিল ওহো তুমিই রাজহংস বটে ভাল এক্ষণে কোথা-  
 হইতে আইলা । মানস কাসারহইতে । সে স্থানে কি  
 আছে । সুবর্ণ বর্ণ রাজীবরাজী পীযুষতুল্য জল নানা রত্নেতে নিবদ্ধ  
 আলবাল যারদের এতাদৃশ পাদপপংক্তি প্রতীরেতে বহুবিধ  
 মণিখচিত হিরণ্ময় সোপানাবলি এই সকল তথা আছে । এতদ্রূপ  
 উত্তর প্রত্যুত্তরানন্তর ক্রুৎকেরা কহিল সেখানে শামুক আছে হংস  
 কহিল না । এই কথা শ্রবণমাত্রে কহেবরা হংসকে হীহী করিয়া  
 উপহাস করিল । —ঐ, ( ইং ১৮১৩ ), পৃ. ২৬৬ ।

দক্ষিণ দেশে উজ্জয়িনী নামে নগরীতে দাক্ষিণাত্য রাজ-  
 রাজীশিবোরত্নরঞ্জিতচরণ উজ্জয়িনী বিজয় নামে এক সার্বভৌম  
 মহারাজ ছিলেন । তাঁহার পুত্র বীরকেশরিনামা এক দিবস  
 অকণ্যাস্তরালে যুগয়া করিয়া ইতস্ততো বনভ্রমণজনিত পরিশ্রমেতে  
 নিতান্ত শ্রান্ত হইয়া তরুণিস্তনসুন্দর ইন্দীবর কৈরবকোরক  
 সুন্দরীমুখমনোহরান্মোলিতোৎফুল্লরাজীব নিম্নলিখিত সুস্বিধজল  
 পুষ্করিণী তটস্থলে বটবিটপিচ্ছায়াতে নিদ্রাধকালীন দিবসাবসান  
 সময়ে বটজটাতে ঘোটক বন্ধন করিয়া নিজভৃত্যজনসমাজাগমন  
 প্রতীক্ষাতে উপবিষ্ট হইলেন । তদনন্তর রাজধারস্থিত ঘটীযন্ত্র  
 দণ্ডতাম্রীতুল্য দিবাকর জলনিমগ্ন স্তায় অন্তমিত হইলেন । —ঐ,  
 ( ইং ১৮১৩ ), পৃ. ২৭১-৭২ ।

তাহার স্ত্রী কপালে করাধাত করিয়া ও যা এ কি হইল  
 শিয়ালের কামড় বড় মন্দ না জানি মোর ভাগ্যে কি আছে  
 অভাগিনী জন্মদুঃখিনী মুই । মোরা চাসু করিব কসল পাবো  
 রাজার রাজস্ব দিয়া যা থাকে তাহাতেই বছরভর অন্ন করিয়া  
 খাবো ছেলেপিনাওনি পুধিব । যে বছর শুকা হাজাতে কিছু খন্দ

না হয় সে বছর বড় দুঃখে দিন কাটি কেবল উড়িখানের মুড়ী ও মটর মসুর শাক পাত শামুক শুগুলি সিজাইয়া খাইয়া বাঁচি খড়কুটা কাটা শুকনা পাতা কঞ্চী তুঁষ ও বিলম্বুটিয়া কুড়াইয়া জালানি করি। কাপাস তুলি তুলা করি ফুড়ী পিঁজী পাইজ করি চরকাতে সূতা কাটি কাপড় বুনাইয়া পরি। আপনি মাটে ঘাটে বেড়াইয়া কলফুলারিটা যা পান তাহা হাতে বাজারে মাতায় মোট করিয়া লইয়া গিয়া বেচিয়া পোনেক দশ গুণ্ডা যা পাই। ও মিন্সা পাড়াপড়সিদের ঘরে মুনিস্ খাটিয়া দুই চারি পোণ যাহা পায় তাহাতে তাঁতির বাণী দি ও তেল লুণ করি কাটনা কাটি ভাড়া ভানি ধান কুড়াই ও সিজাই শুকাই ভানি খুদ কুঁড়া ফেণ আমানি খাই। শাক ভাত পেট-ভরিয়া যে দিন খাই সে দিন তো জন্মতিথি। কাপড় বিনা কেয়ো পাচা ঠুকরিয়া খায় তেল বিহনে মাতায় খড়ি উড়ে। শীতের দিনে কাঁধা খানী ছালিয়া শুলিকের গায় দি আপনারা দুই প্রাণী বিচালি বিছাইয়া পোয়ালের বিঁড়ায় মাতা দিয়া মেলের মাহুর গায় দিয়া শুই। বাসন গহনা কখন চক্ষেও দেখিতে পাই না যদি কখন পাথরায় খাইতে পাই ও রাজা তালের পাতা কাণে পরিতে ও পুঁতির মালা গলায় পরিতে ও রাজ সীসা পিতলের বালা তাড় মল খাড়ু গায় পরিতে পাই তবেতো রাজরাণী হই। এ দুঃখেও দুঃস্ত রাজা হাজা শুকা হইলেও আপন রাজস্বের কড়া গুণ্ডা ক্রান্তি বট ধুল ছাড়ে না এক আধ দিন আগে পাছে সহে না। যতপিপ্তাৎ কখন হয় তবে তার সূদ দামং বৃষ্টিয়া লয় কড়া বপর্দকও ছাড়ে না। যদি দিবার যোত্র না হয় তবে সানা মোড়ল পাটোয়ারি ইজারাদার তালুকদার জমীদারেরা পাইক পেয়াদা পাঠাইয়া হাল ঘোয়াল ফাল হালিয়া বলদ দামড়া গরু বাছুর বকুনা কাঁধা পাড়রঃ

চূপড়ী কুলা ধুচনীপর্যন্ত বেচিয়া গোবাড়িয়া করিয়া পিটিয়া সর্কস লয়। মহাজনের দশগুণ সুদ দিয়াও মূল আদায় করিতে পারি না কতো বা সাধ্য সাধনা করি হাতে ধরি পায় পডি হাত জুড়ি দাতে কুটা করি। হে ঈশ্বর দুঃখির উপরেই দুঃখ ধরে পোড়া বিধাতা আমাদের কপালে এত দুঃখ লেহিস্ তোর কি ভাতের পাতে আমরাই ছাই দিয়াছি।—ঐ, পৃ. ২৮২-২০।

দুর্গম বন পর্বতে বণ্টকোদ্ধার করিয়া প্রথম প্রকাশিত পথপ্রবর্তক প্রাচীনতর বিদ্যাজ্ঞানবুদ্ধ পণ্ডিতেরদের কর্তৃক প্রকাশিত পথের পরিষ্কার করিয়া সেই পথের পূর্বাশেখা উত্তমত্ববাহীও যদি হউন প্রাচীন পণ্ডিতেরা তথাপি তাদৃশ প্রাচীনতর পণ্ডিতেরদের হইতে বড় হন না যে প্রথম পথপ্রবর্তক সেই বড় ও তৎপ্রবর্তিত ও তদুত্তরপণ্ডিত-পরিষ্কৃত যে পথ সেই পথ। মহাজনো যেন গতঃ স পস্থাঃ ইতি। আধুনিক ধনমদমত্ত ভ্রাস্ত্রেরদের স্বাহকার বুদ্ধানেতে কৃত যে পথ সে কেবল লোকবিনাশার্থ বিদ্যা তারদের রাজপথ পরিত্যাগে নুতন পথগামীরা বিপদগ্রস্ত অবস্থায় ও গমনকালে নানা নিষেধবাধ্য না মানিয়া তৎপথগামীরা ততোধিক বিপত্তিভাগী হয়।—‘বেদান্ত চন্দ্রিকা’ ( ইং ১৮১০ ), পৃ. ২০২।

পরমার্থদর্শী ধার্মিক সম্পুরুষেরদের নির্মলভলবদ্বৃষ্টিতে বেদান্ত সিদ্ধান্ত বিস্তারার্থে তৈলকণাবৎ বেদান্তসিদ্ধান্তলেশমাত্র প্রক্ষেপ করা গেল আর যেমন মণি পথে ঘাটে পড়িয়া থাকে না কিন্তু তৎপরীক্ষকেরা উত্তম সম্পূটেতে অতিযত্নে দৃঢ়তর বন্ধন করিয়া রাখেন তেমনি শাস্ত্রসিদ্ধান্ত নিত্যান্ত লৌকিক ভাষাতে থাকে না কিন্তু সুপক্ক বদরীফলবৎ বাক্যেতে বন্ধ হইলেই থাকে। আরো যেমন রূপালঙ্কারবতী সাধ্বী স্ত্রীর হৃদয়ার্থবোদ্ধা স্তচতুর পুরুষেরা দিগম্বরী অসতী নারীর সন্দর্শনে পরাশ্রুত হন তেমনি সালঙ্কারা

শাস্ত্রার্থবতী সাধুভাষার স্বার্থবাক্য সম্পূর্ণরূপে নয়া উচ্ছ্বস।  
লৌকিক ভাষা শ্রবণমাত্রেতেই পরানুধ হন।—ঐ, পৃ. ২১৩।

যথেষ্টভাবে আদৃত উপরের দৃষ্টান্তগুলি হইতে সহজেই  
প্রতীয়মান হইবে যে, ভাষার ব্যাকরণ-অভিধানও যখন সুস্থভাবে  
রচিত ও সকলিত হয় নাই, মৃত্যুঞ্জয় তখনই কতকগুলি অপ্রচলিত ও  
পল্ল শব্দ পরস্পর যোজনায় করিয়া নানা বিচিত্র রস উদ্ভূত করিতে  
চেষ্টিত হইয়াছিলেন এবং তাহার চেষ্টা আংশিক অর্থাৎ শিল্পীর  
প্রতিভা তাঁহার ছিল। সুতরাং রবীন্দ্রনাথের বিদ্যালকার-সম্পর্কিত  
প্রসিদ্ধ উক্তি মৃত্যুঞ্জয় বিদ্যালকার সম্বন্ধেও প্রযোজ্য। তিনি লিখিতে  
পারিতেন—

মৃত্যুঞ্জয় বাংলাভাষার প্রথম যথার্থ শিল্পী ছিলেন। তৎপূর্বে  
বাংলার গদ্যনাহিত্যের সূচনা হইয়াছিল, কিন্তু তিনিই সর্ব প্রথমে বাংলা-  
গদ্যে কলাতনপুণ্যের অবতারণা করেন। .....মৃত্যুঞ্জয় বাংলা গদ্য ভাষার  
উচ্ছ্বসন জনতাকে সুবিভক্ত, সুবিগ্ৰস্ত, সুশরিক্ত এবং সুসংযত করিয়া  
তাঁহাকে সহজ গতি এবং কার্যকুশলতা দান করিয়াছেন—এখন  
তাঁহার দ্বারা অনেক সেনাপতি ভাব প্রকাশের কঠিন বাধাদল পরাহত  
করিয়া সাহিত্যের নব নব ক্ষেত্র আবিষ্কার ও অধিকার করিয়া  
লইতে পারেন কিন্তু তিনি এই সেনানীর রচনাকর্তা, যুদ্ধ জয়ের যশোভাগ  
সর্বপ্রথম তাঁহাকেই দিতে হয়।

যে কারণেই হউক, পণ্ডিতী ভাষা লইয়া মৃত্যুঞ্জয়কে পরবর্তীকালে  
অনেক লাঞ্ছনা সহিতে হইয়াছে। এই অপবাদ মিথ্যা, এত দিনে তাঁহার  
কালন হওয়া আবশ্যিক।

মৃত্যুঞ্জয়ের ভাষার “উৎকর্ষ” দেখাইতে গিয়া রাজনারায়ণ বসু-প্রমুখ\*

\* ‘বাঙ্গালী ভাষা ও সাহিত্যবিষয়ক বক্তৃতা’ (ইং ১৮৭৮), পৃ. ২১-২২।

পণ্ডিতগণ 'প্রবোধ চন্দ্রিকা'র "কোকিলকুলকলালাপবাচাল যে মলয়াচলা-  
নিন সে উচ্চলছোকরাত্যাচ্ছ নির্মরাভুঃকণাক্ষয় হইয়া আনিতেছে" এই  
বাক্যটাই বারংবার উদ্ধৃত করিয়াছেন এবং এই অভিনয়সম্বন্ধে বাক্যের  
সুস্থঠিন বাহু রূপই পাঠক সম্প্রদায়কে মৃত্যুঞ্জয় সম্বন্ধে বিরূপ করিয়া  
তুলিয়াছে। এই বিরূপতা বর্তমান কাল পর্যন্ত পৌছিয়া রবীন্দ্রনাথের  
মত সাহিত্য-প্রধানকেও ভীত চকিত করিয়াছে, ইহা আমরা দেখিয়াছি।  
কিন্তু আশ্চর্যের বিষয়, কিংবদন্তী অমুখ্যায়ী চিন কৰ্ত্তৃক কল্পিত এবং উর্দ্ধে  
নীত কর্ণধণ্ডের প্রতি ইহার উর্দ্ধমুখী হইয়াই ধাবমান হইয়াছেন, স্বীয়  
মস্তকসংলগ্ন কর্ণে হস্তক্ষেপ করিয়া তাহার অস্তিত্ব সম্বন্ধে সত্যাসত্য নির্ণয়ের  
চেষ্টা কেহ করেন নাই। কিন্তু আসলে যে মৃত্যুঞ্জয় "মধ্যম-প্রাণাঙ্কর বহুলা  
বাণী"র উদাহরণস্বরূপই উক্ত বাক্য প্রয়োগ করিয়াছেন, এই সামান্য তথ্যটি  
কেহ হিসাবের মধ্যে আনেন নাই। 'প্রবোধ চন্দ্রিকা'র যে অংশে উক্ত  
উদাহরণ দেওয়া হইয়াছে, তাহা নিম্নে লব্ধ উদ্ধৃত হইল :—

বর্গের মধ্যে প্রথম তৃতীয় পঞ্চম বর্ণ আর ষ ব ল এই আঠার  
অক্ষর অল্পপ্রাণ হয়। এতদ্ব্যতিরিক্ত মহাপ্রাণ হয়। কোন পণ্ডিতেরা  
কহিয়াছেন বর্ণ তিন প্রকার হয় মহাপ্রাণ মধ্যপ্রাণ ও অল্পপ্রাণ।  
বর্গের ঘকারাদি পাঁচ চতুর্থ বর্ণ আর তকার ও রেক ও বিসর্গযুক্ত  
অল্পস্বারযুক্ত ও সংযুক্ত বর্ণের পূর্ববর্ণ এই সকল মহাপ্রাণ হয়। বর্গের  
আদি ককারাদি পাঁচ পঞ্চম বর্ণ ওকারাদি পাঁচ ষ ব ল ও ককারাদি  
এই সকল অক্ষর অল্পপ্রাণ। অল্পপ্রাণ ও মহাপ্রাণভিন্ন যে অক্ষর সে  
মধ্যপ্রাণ হয়....।

আচার্য্য প্রভাকরনামা গুরু রাজপুত্রকে কহিলেন হে রাজপুত্র  
তোমার চিত্তের বিলাসের নিমিত্তে কথা প্রস্তাবে কিছু শাস্ত্র-সিদ্ধান্ত  
কহিনাম সম্প্রতি বাক্যের দশবিধ গুণ হয় তাহার বিশেষ কহি তুম।

শ্লেষ। প্রসাদ। সমতা। মাধুর্য্য। সুস্থমারতা। অর্থ ব্যক্তি।

উদারত্ব। ওজ। কাঙ্ক্ষি। সমাধি এই দশ প্রকার গুণ সকল  
বাক্যের প্রাণ হয় কেন না এই গুণব্যতিরেকে যে ভাষা সে মৃতপ্রায়।  
এই সকল গুণের বৈপরীত্য কোনও ভাষাতে দেখা যায়। এই সব  
গুণের প্রত্যেকের লক্ষণ ও উদাহরণ শুন।...

বাক্যপ্রবন্ধেতে যে অবৈষম্য সে সমতাধ্য গুণ হয়। বাক্যপ্রবন্ধ  
মুহু ও শ্লুট ও মধ্যম এই তিন ভেদেতে ত্রিবিধ হয়। অল্পপ্রাণাক্ষরময়  
বাক্য মুহু বাক্য হয়। মহাপ্রাণাক্ষর প্রচুর বাক্য শ্লুট বাক্য হয়।  
মধ্যমপ্রাণাক্ষরবহুলা বাণী মধ্যম হয়। “কোবিলকুলবলালাপবাচাল  
যে মলয়াচলানিল সে উচ্চলচ্চীকরাত্যচ্চ নিব'রাত্তঃ বনাচ্চয় হইয়া  
আসিতেছে”। এতদ্রূপ বৈষম্য দোষরহিত যে বাক্য সে সাম্যগুণবৎ  
বাক্য হয়। (‘মৃত্যুঞ্জয়-গ্রন্থাবলী,’ পৃ. ২২৯, ২৪৩-৪৪)

মৃত্যুঞ্জয়ের ভাষার সহিত তুলনার রামমোহনের ভাষার শ্রেষ্ঠত্ব প্রতি-  
পাদন করিবার উদ্দেশ্যে সে দিনও পর্যন্ত সাময়িক পত্রিকায় আন্দোলন  
হইতে দেখিয়াছি। এ প্রসঙ্গে আমরা নিজেরা কোনও প্রতিবাদ করিব  
না। প্রসিদ্ধ সাহিত্যিক শ্রীযুক্ত প্রমথ চৌধুরী ১৩২১ সালে উত্তর-বঙ্গ  
সাহিত্য-সম্মেলনের সভাপতিরূপে যে উক্তি করিয়াছিলেন, তাহাই উদ্ধৃত  
করিয়া আমাদের বক্তব্য শেষ করিতেছি। চৌধুরী মহাশয় বলিতেছেন—

মৃত্যুঞ্জয় তর্কালকার কালের হিসাব এবং ক্ষমতার হিসাব,—  
দুই হিসাবেই এই [পণ্ডিত] শ্রেণীর লেখকদিগের অগ্রগণ্য।  
তাহার রচিত প্রবোধচন্দ্রিকা ১৮১০ [১৮৩৩?] খৃষ্টাব্দে প্রথম  
প্রকাশিত হয়। প্রবোধচন্দ্রিকায়াং প্রথমস্তবকে দ্বিত্বকে ভাষা-  
প্রশংসানাম প্রথম কুণ্ডলের শেষাংশে লিখিত আছে যে—

“গৌড়ীয় ভাষাতে অভিনব যুবক সাহেবজাতের শিক্ষার্থে কোন  
পণ্ডিত প্রবোধ-চন্দ্রিকা নামে গ্রন্থ রচিতেছেন—”

বঙ্গভাষা সম্বন্ধে তর্কালকার মহাশয়ের ধারণা বিরূপ ছিল।

তাহার পরিচয় তিনি নিজেই দিয়াছেন—

“অশ্বদ্বারি ভাষার যুগবৎ বৈখরীরূপতামাত্র প্রতীতি সে উচ্চারণ-ক্রিয়ার অতি শীঘ্রতাপ্রযুক্ত উপর্ষধোভাবাবস্থিত কোমলতর-বহুল-কমলদল সূচীবোধন ক্রিয়ার মত ।...”

কলতঃ এ সকল তর্কালঙ্কার মহাশয়ের নিজের রচনা নহে । দণ্ডীর কাব্যাদর্শ প্রভৃতি গ্রন্থের সংস্কৃত পদ্যকে ছন্দমুক্ত এবং বিভক্তি-চ্যুত করিয়া তর্কালঙ্কার মহাশয় এই কিত্ত্বতবিম্বাকার গদ্যের সৃষ্টি করিয়াছিলেন ।...নিজে কখনই এরূপ রচনাকে গদ্যের আদর্শ মনে করেন নাই । সংস্কৃত পদ্যের ছন্দপাত করিলে তাহা যে বাঙ্গলা গদ্যে পরিণত হয়, এরূপ ধারণা যে তাঁহার মনে ছিল, এ কথা বিশ্বাস করা কঠিন । কেন না, তিনি একদিকে যেমন সাধু ভাষার আদি-লেখক —অপরদিকেও তিনি তেমনি চল্টি-ভাষারও আদর্শ লেখক । নিম্নে তাঁহার চল্টি-ভাষাব নমুনা উদ্ধৃত করিয়া দিতেছি ।

“মোরা চাষ করিব ফসল পাবো, রাজার রাজস্ব দিয়া যা থাকে, তাহাতেই বছরশুদ্ধ অন্ন করিয়া খাবো, ছেলেপিলাগুণি পুষিব । যে বছর শুকা হাজাতে কিছু খন্দ না হয়, সে বছর বড় দুঃখে দিন কাটি, কেবল উড়িধানের মুড়ী ও মটর মসুর শাক পাত শামুক গুগুলি সিজাইয়া খাইয়া বাঁচি । খড়কুটা কাটা শুকনা পাতা কঞ্চী তুঁষ ও বিলঘুঁটিয়া কুড়াইয়া জালানি করি । কাপাস তুলি তুলা করি ফুড়ী পিঁজী পাইজ করি চরকাতে সূতা কাটি, কাপড় বুনাইয়া পরি । আপনি মাটে ঘাটে বেড়াইয়া ফলফুলারিটা যা পাই তাহা হাতে বাজারে মাতায় মোট করিয়া লইয়া গিয়া বেচিয়া পোণেক দশ গণ্ডা যা পাই । ও মিন্সা পাড়াপড়সিদের ঘরে মুনিস খাটিয়া দুই চারি পোণ যাহা পায়, তাহাতে তাঁতির বাণী দি ও তেল লুণ করি, কাটনা কাটি, ভাড়া ভানি, ধান কুড়াই ও সিজাই শুকাই ভানি, খুদ কুঁড়া

কেন আমানি খাই। শাক ভাত পেট ভরিয়া যে দিন খাই, সে দিন তো জন্মতিথি। শীতের দিনে কাঁথাখানি ছালিয়াগুলিকের গায় দি। আপনারা দুই প্রাণী বিচালি বিছাইয়া পোয়ালের বিড়ায় মাতা দিয়া মেলের মাহুর গায় দিয়া শুই। বাসন গহনা কখন চক্ষেও দেখিতে পাই না। যদি কখন পাথরায় খাইতে পাই ও রাজা তালের পাতা কাণে পরিতে ও পুঁতির মালা গলায় পরিতে ও রাজ সীমা পিতলের বালা তাড় মল খাড়ু গায় পরিতে পাই তবে তো রাজরানী হই। এ দুঃখেও দুঃস্থ রাজা হাজা শুকা হইলেও আপন রাজশ্বের কড়া গণ্ডা ক্রান্তি বট ধূল ছাড়ে না। এক আদ দিন আগে পাছে সহে না। যতপিস্তাৎ কখন হয় তবে তার সুদ দামং বুঝিয়া নয়, কড়া কপর্দকও ছাড়ে না। যদি দিবার যোত্র না হয় তবে সানা মোড়ল পাটোয়ারি ইজারদার তালুকদার জমীদারেরা পাইক পেয়াদা পাঠাইয়া হাল যোয়াল কাল হালিয়া বলদ দামড়া গরু বাছুর বকুনা কাঁথা পাতরা চূপড়ী কুলা ধুচনী পর্যন্ত বেচিয়া গোবাড়িয়া করিয়া পিটিয়া সর্বস্ব নয়। মহাজনের দশগুণ সুদ দিয়াও মূল আদায় করিতে পারি না, কতো বা সাধ্য সাধনা করি, হাতে ধরি পায় পড়ি হাত জুড়ি দাঁতে কুটা করি। হে ঈশ্বর দুঃখির উপরেই দুঃখ। ওরে পোড়া বিধাতা আমারদের কপালে এত দুঃখ লেখিসু। তোর কি ভাতের পাতে আমরাই ছাই দিয়াছি।”

এ ভাষা অস্বদীয় ভাষা হউক আর না হউক, ইহা যে খাঁটি বাঙ্গলা, সে বিষয়ে সন্দেহ নাই। এ ভাষা সজীব সতেজ সরল স্বচ্ছন্দ ও সরস। ইহার গতি মুক্ত; —ইহার শরীরে লেশমাত্রও জড়তা নাই। এবং এ ভাষা যে সাহিত্য-রচনার উপযোগী, উপরোক্ত নমুনাই তাহার প্রমাণ।...আমার বিশ্বাস, আমাদের পূর্ববর্তী লেখকেরা যদি তর্কালঙ্কার মহাশয়ের রচনার এই বঙ্গীয় রীতি



অবলম্বন করিতেন, তাহা হইলে কালক্রমে এই ভাষা সুসংস্কৃত এবং পুষ্ট হইয়া আমাদের সাহিত্যের শ্রীবৃদ্ধি করিত।

কিন্তু তাঁহার [ রামমোহন রায়ের ] অবলম্বিত রীতি যে বঙ্গ-সাহিত্যে গ্রাহ্য হয় নাই, তাহার প্রধান কারণ, তিনি সংস্কৃত শাস্ত্রের ভাষ্যকারদিগের রচনাপদ্ধতি অনুসরণ করিয়াছিলেন। এ গঢ়, আমরা যাহাকে modern prose বলি, তাহা নয়! পদে পদে পূর্বপক্ষকে প্রতিক্ষিপ্ত করিয়া অগ্রসর হওয়া আধুনিক গঢ়ের প্রকৃতি নয়। —'সবুজ পত্র,' ফাল্গুন ১৩২১।

## চিত্র

রবার্ট হোম-অঙ্কিত 'কেরী ও তাঁহার মুনশী' চিত্রখানি সুপরিচিত। এই চিত্রে অঙ্কিত পণ্ডিতটিকে এ-যাবৎ অনেকেই যত্নাঞ্জয় বিদ্যালকারের প্রতিকৃতি বলিয়া চালাইয়াছেন।\* এই ভুলের সূত্রপাত হয়—কেরী সম্বন্ধে ডক্টর উইলসনের রচনার একটি পাদটীকা হইতে। পাদটীকাটি এইরূপ :—

Mritunjaya pundit.....is the individual whose portrait is included in the picture taken by Mr. Home of Dr. Carey, and which has been engraved.—Eustace Carny: *Memoir of William Carey, D. D.*, (MDCOCXXXVI), p. 597n.

কিন্তু প্রকৃতপক্ষে ইহা নদীয়ার পণ্ডিত রামগোপাল ঞ্চালকার ওরফে গোপাল ঞ্চালকারের চিত্র—যত্নাঞ্জয় বিদ্যালকারের চিত্র নহে। এ-কথার প্রমাণ কেরীর একখানি পত্রের নিম্নোক্ত অংশ হইতে পাওয়া যাইবে। কেরী লিখিতেছেন :—

কেদারনাথ মজুমদার আবার ইহাকে রামরাম বসুর চিত্র বলিয়া উল্লেখ করিয়াছেন।

In compliance with your wish though not my own, I have sat for my portrait. Ward has greatly desired that I should be drawn as engaged in the work of translating the Scriptures. So the artist, Mr. Home, has introduced the pundit, whom I employ as my amanuensis, as sitting by me. His likeness is a very good one. His name is Gopal Nyayalankara.—S. Pearce Carey : *William Carey*, 8th ed., p. 302.

আরও একটি কথা, মার্শম্যান সাহেব মৃত্যুঞ্জয় বিদ্যালঙ্কারের আকৃতির বর্ণনায় “unwieldly figure” কথাটি ব্যবহার করিয়াছেন, কিন্তু রবার্ট হোম-অঙ্কিত পণ্ডিতের আকৃতি ঠিক তাহার বিপরীত।

### উপসংহার

বাংলা-গতের প্রথম সক্ষম শিল্পী মৃত্যুঞ্জয়ের বিলুপ্তপ্রায় জীবনী ও কীর্তির সংক্ষেপ পরিচয় প্রদত্ত হইল। তিনি যে অসাধারণ কীর্তিমান এবং বিপুল পাণ্ডিত্য ও প্রতিভার অধিকারী ছিলেন, তাহা কালধর্ম্যে আমরা আজ বিস্মৃত হইলেও তাঁহার কালে তিনি উপেক্ষিত ও অবজ্ঞাত ছিলেন না। বৃহৎ সৌধের ভিত্তি-প্রস্তর-স্থাপন দিনে আমরা উৎসব করিয়া থাকি, কিন্তু সৌধ সমাপ্তির পর যুগ যুগ অতীত হইলে সেই ভিত্তির কথা কল্প জন স্মরণ রাখি? স্মরণ রাখি, আর নাই রাখি, তাহার অস্তিত্ব ও প্রাধান্য সহস্রদশ লোকের কাছে চিরদিনই সত্য রহিয়া যায়। মৃত্যুঞ্জয়ের বিরাটত্ব যিনি স্বচক্ষে দেখিয়াছিলেন, সে-যুগের শ্রেষ্ঠ সাংবাদিক সেই জন ক্লার্ক মার্শম্যান তাঁহার সম্বন্ধে যে প্রশংসা করিয়াছেন, তাহারই পুনরাবৃত্তি করিয়া আমি সেই যুগকরের প্রসঙ্গ শেষ করিতেছি। তাঁহার মত বৈদেশিক প্রধানের উক্তি শুনিলে সকলেই বিস্মিত হইয়া ভাবিবেন, কি অসাধারণ

আত্মবিশ্বস্তির কলে এমন লোককে আমরা ভুলিত বসিয়াছি। যাঁর যান  
বলিতেছেন,—

At the head of the establishment of Pundits [at the College of Fort William] stood Mritunjoy who, although a native of Orissa, usually regarded as the Boeotia of the country, was a colossus of literature. He bore a strong resemblance to our great lexicographer [Dr. Johnsons], not only by his stupendous acquirements and the soundness of his critical judgment, but also in his rough features and unwieldy figure. His knowledge of the Sanskrit classics was unrivalled, and his Bengalee composition has never been surpassed for ease, simplicity and vigour.— J. C. Marshman : *The Life and Time of Carey, Marshman and Ward*, 1. 180.



সাহিত্য-সাধক-চরিতমালা—৪

ভবানীচরণ বন্দ্যোপাধ্যায়

১৭৮৭-১৮৪৮



# ভবানীচরণ বন্দ্যোপাধ্যায়

ব্রজেননাথ বন্দ্যোপাধ্যায়

প্রথম পত্রিকা

বঙ্গীয়-সাহিত্য-পরিষৎ

২৪৩/১, আচার্য প্রফুল্লচন্দ্র রোড

কলিকাতা-৭০০০০৬

প্রকাশক  
শ্রীদিনীপকুমার বিশ্বাস  
সম্পাদক  
বঙ্গীয়-সাহিত্য-পরিষৎ

প্রথম সংস্করণ—কার্তিক ১৩৪৬ ; দ্বিতীয় সংস্করণ—শ্রাবণ ১৩৪৯  
তৃতীয় সংস্করণ—ফাল্গুন ১৩৫০ ; চতুর্থ সংস্করণ—বৈশাখ ১৩৬৪  
পঞ্চম সংস্করণ—ফাল্গুন ১৩৬৬ ; ৬ষ্ঠ মুদ্রণ—কার্তিক ১৩৮৯

মূল্য—তিন টাকা

মুদ্রাকর—শ্রীমতী রেখা দে  
শ্রীহরি প্রিন্টার্স, ১২২/৩, রাজা দীনেন্দ্র স্ট্রীট  
কলিকাতা-৪



দ্বাদশ শতাব্দীর শেষ এবং উনবিংশ শতাব্দীর প্রথম কয়েক বৎসরে নতন পদ্ধতিতে বাঙালী জাতির শিক্ষা ও সংস্কৃতি যাহারা নিয়ন্ত্রণ করিয়াছিলেন, দুর্ভাগ্যক্রমে তাঁহাদের মধ্যে বাঙালীর নাম খুঁজিয়া পাওয়া যায় না। ইস্ট ইণ্ডিয়া কোম্পানীর কতিপয় কর্মচারী, শ্রীরামপুর চুঁচুড়া বর্ধমান মালদহ ও কলিকাতার কয়েক জন ইউরোপীয় মিশনারী এবং ফোর্ট ইউলিয়ম কলেজের কর্তৃপক্ষের উৎসাহ ও চেষ্টায় নতন পথে বাঙালী যে জয়যাত্রা শুরু করিয়াছিল, ১৮১৫ খ্রীষ্টাব্দের পরে সম্পূর্ণ স্বাধীন ভাবে রাজা রামমোহন রায়, রাজা রাধাকান্ত দেব-প্রমুখ কয়েক জন দেশহিতৈষী তাহাতে যোগদান করেন। নিজেদের সমাজ, সাহিত্য, সংস্কৃতি ও রাষ্ট্র সম্বন্ধে মঙ্গলামঙ্গল চিন্তা করিয়া নিজেরাই একটা পথ করিয়া লইবার প্রবল প্রবৃত্তি ও আগ্রহ তখন হইতেই বাঙালীরা দেখাইতে শুরু করে। এই চিন্তাশীল দেশনাযকদের মধ্যে তৎকালে যে দুই চারি জন প্রভূত প্রতিষ্ঠালাভ করিয়াছিলেন, ভবানীচরণ বন্দ্যোপাধ্যায় তাঁহাদের অন্যতম। রামমোহন ও রাধাকান্তের নাম পরবর্তী কাল পর্যন্ত পৌঁছিয়াছে, কিন্তু ভবানীচরণের সমসাময়িক প্রতাপ ইহাদের কাহারও অপেক্ষা ন্যূন না হওয়া সত্ত্বেও তিনি কেন বিশ্বুতির অতলে তলাইয়া গেলেন, তাহা জানিতে হইলে সমাজ-বিপ্লবের মূল সূত্রটি ধরিয়া আলোচনা করিতে হইবে। আমরা তাহা না করিয়া, ভবানীচরণ তাঁহার সমসাময়িক সমাজে ও সাহিত্যে কতখানি প্রতিষ্ঠাপন্ন ছিলেন, সমসাময়িক ইতিহাস হইতে তাহাই দেখাইবার চেষ্টা করিতেছি। এই সকল অধুনা-বিশ্বৃত ইতিহাস হইতে এই সত্যটি স্পষ্ট হইয়া উঠিতেছে যে, সাংবাদিক ও স্নলেখক হিসাবে উনবিংশ শতাব্দীর প্রথমার্ধের বাংলা সাহিত্যের ইতিহাসে ভবানীচরণ

বন্দ্যোপাধ্যায়ের একটি বিশিষ্ট স্থান ছিল। কিন্তু যাঁহারা পরবর্তী কালে এই সকল বিষয়েও এই যুগের ইতিহাস লিখিয়াছেন, তাঁহাদের নিকট ভবানীচরণ তাঁহার প্রাপ্য সম্মান লাভ করেন নাই। এক শত বৎসর হইতে-না হইতেই আমরা তাঁহার কথা প্রায় বিস্মৃত হইয়াছি। সুতরাং বাংলা কথা সাহিত্যের প্রথম প্রবর্তক, সাহিত্যিক ভবানীচরণের জীবনকাহিনী বিবৃত করিবার সার্থকতা আছে।

### বালা-জীবন

ভবানীচরণের মৃত্যুর অব্যবহিত পরে, তাঁহার পুত্র ধর্মসভা-সম্পাদক রাজকৃষ্ণ বন্দ্যোপাধ্যায়ের তত্ত্বাবধানে ধর্মসভা হইতে একখানি জীবনচরিত প্রচারিত হয়।\* ভবানীচরণের জীবনী সকলনে ইহাই আমাদের প্রধান উপজীব্য। ইহাতে প্রকাশ :—

...“পরগণা উখ্‌ড়ার অন্তঃপাতি নারায়ণপুর নিবাসী ৩৮বামজয় বন্দ্যোপাধ্যায় মহাশয় ধনেপার্জনাভিলাষে কলিকাতা নগরে সমাগত হইয়া প্রথমত টাকশালের পদবিশেষে নিযুক্ত থাকিয়া অল্পকাল মধ্যে স্বকীয় সম্ভাবহার ও শীলতা সাধুতায় সকলের নিকট গণ্য মান্য পূজ্য হইলেন।

---

\* এই জীবনচরিতখানির নাম ‘ধর্মসভার অতীত সম্পাদক ৩৮বাবু ভবানীচরণ বন্দ্যোপাধ্যায় মহাশয়ের জীবনচরিত দৃষ্টশ্রুত পবিত্র চরিত্র বিবরণ,’ পৃষ্ঠা-সংখ্যা ৪০। ইহা ১৮৪২ খ্রীষ্টাব্দের গোড়ায় প্রকাশিত হয় ; ১৪ এপ্রিল ১৮৪২ তারিখে ‘সম্বাদ ভাস্কর’ লেখেন :—“গত বৃহস্পতি-বাসরীয়া চন্দ্রিকার সহিত আমারদিগের নিকট এক পুস্তক আসিয়াছে, ... তাহাতে ৩৮বাবু ভবানীচরণ বন্দ্যোপাধ্যায় মহাশয়ের জীবন বৃত্তান্ত লিখিত হইয়াছে, ...।”

“উক্ত মহাত্মার জ্যেষ্ঠপুত্র বাবু ভবানীচরণ বন্দ্যোপাধ্যায় ১১২৪ সালের আষাঢ়ী পৌর্ণমাসীতে উক্ত পরগনার উক্ত গ্রামে জন্ম পরিগ্রহ করেন, ... । তিনি শৈশবকালে শিশু প্রামাণিক [ অর্থাৎ আদর্শ শিশু ] হইয়া শ্রিয়ভাবে ও শাস্ত স্বভাবে সর্বথা জনক জননীর ও ভ্রাতৃ ভগিনীর সহক্রৌড়ক বয়স্ক বালকবালির আনন্দপ্রদ হন, এইরূপে প্রতিনিয়ত প্রফুল্ল বদনে ক্রৌড়া কোতুকে কোমারকাম যাপন করিলেন, তদনন্তর তাঁহার পিতা কলিকাতা মধ্যে কলুটোলা স্থানে একখানি বাটী ক্রয় পূর্বক তাঁহাকে কলিকাতায় আনয়ন করিয়া শুভ দিনে বিচারসভা করাইলেন, যদিচ তৎকালে একগণকার ন্যায় বিদ্যাশিক্ষার সরল সরণি ছিল না, সুতরাং সামান্য শিক্ষকের নিকট বিদ্যাশিক্ষার্থ প্রবৃত্ত হইলেন তথাপি স্বকৃত স্ক্রুতি বশত স্বল্পকাল মধ্যেই স্ক্রুতি হইলেন অর্থাৎ বঙ্গীয় পারসী এবং ইংলণ্ডীয় অর্থকরী বিদ্যা তাঁহার অভ্যাসের অগ্রসারিণী হইল, ... । তিনি উৎসাহ সত্ত্বে উপায়রাহিত্য বশত বিদ্যা শিক্ষায় বিরত হইয়া পরিবার পালনে ভারাক্রান্ত পিতার সাহায্যার্থ ষোড়শ বর্ষ বয়ঃক্রমে বিষয় কর্মাভিষিক্ত হন ।” ( জীবনচরিত, পৃ. ১-৩ )

“যাণ্ড মহাশয় নবম বর্ষ বয়ঃক্রমে উপনীত ও দশম বর্ষে উদ্বাহিত হন, পরগনা উখ্ড়ার অন্তঃপাতি মল্লিক নওয়াপাড়া গ্রাম নিবাসি ৬কালী-কিন্দর মল্লিকের কন্যার সহিত তাঁহার প্রথম পরিণয় হয়, তাঁহার বিংশ বর্ষ বয়সে প্রথম পুত্র শ্রীযুত রাজকৃষ্ণ বন্দ্যোপাধ্যায় ও তাহার দুই বৎসর অন্তরে দ্বিতীয় পুত্র রাজরাজেশ্বর বন্দ্যোপাধ্যায় জন্ম গ্রহণ করেন, তাঁহার চতুর্বিংশ বর্ষ বয়ঃক্রমে উক্ত পত্নী দৈহিক পীড়োপলক্ষে গতপ্রাণা হন, ... জনকের অমূল্য অমুমতিতে দ্বিতীয় বার বিবাহ করেন, তৎপত্নীগর্ভে শ্রীযুত নিমাইচরণ বন্দ্যোপাধ্যায় ও শ্রীমতী সতী নারী কন্যার জন্ম পরিগ্রহ হয় ।” ( জীবনচরিত, পৃ. ১১ )

## বিষয়কর্মের বিবরণ

“বাবু ভবানীচরণ বন্দ্যোপাধ্যায় প্রথমত ডকেট কোম্পানির কার্যালয়ে সরকারী কার্যে নিযুক্ত হইয়া অল্পকাল মধ্যে স্বীয় পরিশ্রমে কার্যপারদর্শিতা ও কুৎসৃততা গুণদ্বারা সাহেবের অন্তর্গত লাভ করত সদর মেটের কর্মে নিযুক্ত হন, তাহার একবৎসর অন্তর ঐ হোসের মুৎসদি হইলেন, এইরূপে কিয়ৎকালযাপন\* পরে শুভ কালের উদয়ে তাঁহার হৃদয়ে দিগ্‌দর্শনের প্রবৃত্তি উদয় পাইল...তিনি পিতৃদির প্রবোধোদয়ার্থ প্রচুরার্থ উপার্জনের প্রয়োজন জানাইয়া ১২২১ সালে সর উলিয়ম ক্যার সাহেবের সহিত পশ্চিম প্রদেশে যাত্রা করিলেন, পরে সাহেবের সহিত মিরাতে অবস্থিত হইয়া সময়ে২ তীর্থাদি ভ্রমণ করত মনস্থ করিলেন যে কিঞ্চিদর্থ সংগ্রহ পূর্বক বদরিকাশ্রমাঙ্গি যে সকল দূরস্থ তুর্গম তীর্থ আছে তাহা দর্শনে যাইবেন কিন্তু এক দিবস মিরাতের মধ্যে কশ্চিৎ তীর্থাশ্রমির নিকট পুরাণ শ্রবণ কালে গার্হস্থ্য ধর্ম প্রকরণে জ্ঞাতা হইলেন যে পিতৃ মাতৃ সেবনে ধর্মনিষ্ঠ গৃহির সর্বতীর্থ দর্শনজাত সম্যক ফলোদয় হয়, পিতৃসেবাবিমুখ ব্যক্তির অনিষ্ট ব্যতীত তীর্থ দর্শনে অভীষ্ট লাভ হইতে পারে না, এই পৌরাণিক উপদেশে পরিশেষে তাঁহার হৃদয়স্থা প্রগল্ভা আশা সংঘতা হইল, পরে পঞ্চম বৎসরে স্বধামে পুনরাগত হওত পিতৃদির আনন্দবর্ধন হইলেন, অনন্তর সর উলিয়ম ক্যার সাহেব মিরাত হইতে আসিয়া কলিকাতা তুর্গের মেজর জেনরলী পদাভিষিক্ত হইলে উক্ত মহাত্মা তাঁহার নিজের মুৎসদি হন, কিয়ৎকালান্তরে তাঁহার বিলাত গমন প্রযুক্ত কোমেলী কম্পটন সাহেবের বাটীতে কার্যভিষিক্ত হইলেন, কালাত্যয়ে ঐ সাহেব বোম্বাই গমন করাতে তিনি সর চার্লস

\* “Bhobanichurn Bannerjee served me 11 years in the capacity of a Sircar.”—J. Duckett 21 Novr. 1814.

ডাইলি সাহেবের নিকট কলিকাতা পরমিটের দায়োগাগিরি কর্মে নিযুক্ত হইয়া কার্য দ্বারা সরকার বাহাদুরের অনেক লাভের সোপান দর্শন করাইলে সাহেব তৎপ্রতি প্রীত হইয়া তাঁহাকে প্রধান কলকিউলেটরের কর্মে নিযুক্ত করিলেন, কালক্রমে ঐ সাহেবের পাটনা গমন ও ক্যার সাহেবের বিলাত হইতে প্রত্যাগমন প্রযুক্ত পরমিটের কর্ম পরিত্যাগ পূর্বক উক্ত সাহেবের নিজকার্য করিতে লাগিলেন, তৎপরে দ্বিতীয়বার ঐ সাহেব বিলাতগামী হইলে তিনি বিশাপ মিডিলটন সাহেবের কর্মে প্রবৃত্ত হন, পরে স্প্রিম কোর্টের চিফ জুষ্টিস সর হেনিরি ব্লাপেট সাহেবের নিজের মৃত্যু হইলেন, এক দিবস লর্ড বিশাপ হিবর সাহেব তাঁহার কার্যদক্ষতা নিলোভিতা সত্যবাদিতাদি সদৃশের কথা শ্রবণ করিয়া আহ্বান পূর্বক নিজ কার্যে নিযুক্ত করেন, এবং প্রকারে কিছুকাল গত হইলে সর ক্রাইষ্টফর পুলর সাহেব চিফ জুষ্টিসীপদে অভিষিক্ত হইয়া প্রসঙ্গায়ত তাঁহার গুণানুরাগ শ্রবণে গুণগ্রাহী সাহেব লর্ড বিশাপ সাহেবকে অনুরোধ করিয়া তাঁহাকে আনয়ন করত নিজ কার্যের ভারপূর্ণ করিলেন, তাহাতে তাঁহাকে কিয়ৎকালের জন্য উভয় স্থানীয় কার্য নির্বাহ করিতে হইয়াছিল, কয়েক মাস পরে চিফ জুষ্টিস সাহেব লোকান্তরিত হইলে তিনি কেবল লর্ড বিশাপের কর্ম নির্বাহ করিতে লাগিলেন, ঐ কালে উক্ত সাহেব বিশাপ্‌স কলেজ নামক বৃহৎশিখালয় স্থাপন করিয়া তদধ্যক্ষতা পদে তাঁহাকে অভিষিক্ত করিলেন, কতক কাল ঐ কার্য করিয়া পরে শোলা দানার নিমক এজেন্ট মেং জিনিং সাহেবের অধীনে শোলা দানার মধ্য ডিবিজনের সিরিস্তাদারী পদে নিযুক্ত হন [জানুয়ারী ১৮২৬], কালক্রমে তথাকার বায়ুবারি তৎসম্বন্ধে স্বাক্ষকারি না হওয়াতে তিনি বাটী আইসেন, পরে ঐ কাছারি এবালিস হইলে কিছু কালের জন্য হগলির

কালেক্টরী খাজাঞ্চীগিরি কর্মে নিযুক্ত হইয়াছিলেন, তদনন্তর ইংলিসম্যান পত্রের বিখ্যাত সম্পাদক মেং ইষ্টাকুইলর সাহেব তাঁহাকে নিজ অফিসের অধ্যক্ষকত্ব পদে নিয়োজন করেন, কএক বৎসর পরে ঐ কর্ম ত্যাগ করিয়া টেক্স অফিসের দেওয়ানী পদে অতিথিক্ত হন, তদনন্তর মিঃ হিকি বেলি কোম্পানীর বাণিজ্যালয়ে প্রধান পদস্থ হইয়া কার্য করিতেঃ অকস্মাৎ তাঁহার জীবন ও কার্যালয় সম কালেই কাল কর্তৃক অবকলিত হয়। তিনি যেই স্থানে কার্য করিয়াছিলেন তাহার প্রত্যেক স্থানীয় কর্তাদিগের স্বাক্ষরিত প্রশংসাপত্র প্রাপ্ত হন, তদ্বারা প্রকাশ হইবেক যে উক্ত তাবৎ কার্য ভিন্ন তাঁহার অন্যঃ প্রধানঃ স্থানেও বিষয় কর্ম ছিল। তিনি অন্য়াবলম্বনে কখন কোন স্থানে ধনার্জনের যত্ন করে নাই, জ্ঞানার্জিত বিভবে সর্বদা সন্তোষ থাকিতেন, তন্নির্কট অন্যঃ প্রচুর ধনোপার্জনের এবং অধিক সুখ সন্তোগের কথা কহিলে তিনি হাস্য করিয়া কহিতেন যে ‘সুখের কারণ ধন নহে কেবল নির্বিকল্প মনোমাত্র, শাস্ত্ৰচিত্ত লোকেরা সন্তোষামৃত পানে যেরূপ তৃপ্ত ও সুখী হইয়া থাকেন, সে রূপ ধনলুক চঞ্চলমনা মনুষ্যেরা ইন্দ্রত লাভ করিয়াও হইতে পারেন না যেহেতু আশার পার নাই’ এই কথা কহিয়া যোনী হইতেন ইতি ” (জীবনচরিত, পৃ. ৩-৭)

ভবানীচরণ কিছু দিন বিশপ হেবারের অধীনে চাকুরী করিয়াছিলেন—উপরি উদ্ধৃত অংশে তাহার উল্লেখ আছে। তাহার সম্বন্ধে হেবার যাহা লিখিয়া গিয়াছেন, এখানে তাহার উল্লেখ অপ্রাসঙ্গিক হইবে না।—

**October 10, [1823]...Over this plain drove to the fort, where Lord Amherst has assigned the old Government-house for our temporary residence...**

**Then all our new servants were paraded before us under their respective names. Chobdars, Sotaburdars, Hurkarus Khansamen.**

Abdar, Sherabdar, Khitmutgars, Sirdar Bearer, and Bearers, cum multis aliis. Of all these, however, the Sircar was the most conspicuous,—a tall fine looking man, in a white muslin dress, speaking good English, and the editor of a Bengalee newspaper, who appeared with a large silken and embroidered purse full of silver coins, and presented it to us, in order that we might go through the form of receiving it, and replacing it in his hands it was the relic of the ancient Eastern custom of never approaching a superior without a present... (i.25)

...My wife and children went by water, and I took our Sircar with me in the carriage. He is a shrewd fellow, well acquainted with the country, and possessed of the sort of information which is likely to interest travellers. His account of the tenure of lands very closely corresponded with what I had previously heard from others . (i.86)—*Narrative of a Journey Through the Upper Provinces of India, from Calcutta to Bombay, 1824-1825. By the Late Right Rev. Reginald Heber, D. D. (1828.)*

## তীর্থযাত্রা-বিবরণ

“প্রশংসিত মহাশয় সপ্তবিংশ বর্ষ বয়ঃক্রম সময়ে দিগ দর্শনেচ্ছু হইয়া ১২২১ সালে প্রথম বার দিগ্ভ্রমণে যাত্রা করেন, গমন কালে গঙ্গার উত্তর তটস্থ সমস্ত দেবালয় ঋশ্যালয় দেখিতে রাজমহালে উপস্থিত হইয়া মেং ক্যার সাহেবের স্থানে কয়েকজন বন্ধক লইয়া বিজ্ঞাচক্ষে নানা স্থলে পর্যটন করিয়া তদনন্তর পূর্বতনী মগধরাজের রাজধানী মুঙ্গেরের নিকট রামকৃষ্ণ সীতাকুণ্ডের শীতোষ্ণ জলে স্নানাবগাচন করিলেন, পরে মুঙ্গের হইতে যানারোহণে ত্রিলোকজননী সীতাজনক জনক রাজর্ষির রাজধানী মিথিলায় গমন করিয়া তত্রস্থ সমস্ত দেবাগার ও দেবাদিদেব মহাদেবের ভগ্ন কার্মুক দর্শনে প্রফুল্ল মনে পাটনার প্রত্যাগমনার্থ যাত্রা করত পশ্চিমধ্যে শালগ্রাম শিলাগর্তা গণ্ডকীসলিলে কৃতস্নাত হইয়া কহল গ্রামের অদূরে গঙ্গাগর্ভে উন্নত পবিত্র বারি প্রবাহ নিত্য ধৌত শিখরাগ্রে

শ্রীশ্রীবৈষ্ণবনাথাত্মা শিব সন্দর্শন পূর্বক পাটনায় উপস্থিত হইয়া ধানগ্রামীয় পর্বত প্রভৃতি নানা স্থানীয় সৌন্দর্য দর্শন করেন। কথিত আছে ষাণ্ময়ুগের রাজচক্রবর্তি অরাসঙ্কের কায়াগার উক্ত পর্বতের উপত্যকায় ছিল অত্যাপি ঐ স্থানে প্রাচীন ভগ্নাট্টালিকার নানা চিহ্ন দৃষ্ট হইয়া থাকে। পিতৃ বর্তমান গঙ্গা গমনের সার্থকতা বিরহপ্রযুক্ত তাহাতে পরাভুত হইয়া শোণাখ্য নদে স্নানাবগাহন করত আনন্দকানন কাশীধাম গমন পূর্বক উত্তরবাহিনী স্বর্ষদীর্ঘিকা মণিকর্ণিকা নীরে শুদ্ধচিত্তে স্নানাত হইয়া কারুণ্যানিধান বিশ্বনিদান নির্বাণপ্রদ ভগবান্ বিশেষ্বর পূজা সমাধান পূর্বক বিশ্বাত্মা বিশ্ববন্দ্যা বিশ্বজননী ভবানী অন্নপূর্ণার পূজা দ্বারা অভীষ্ট পূর্ণ করত পঞ্চকোশ মুক্তিক্ষেত্রের দেবালয় দেবনিচয় দর্শন পুরঃসর তীর্থবিহিত নিয়মাচারে ত্রিরাত্রি বাস করিয়া মৃঙ্গাপুর গমন করিলেন, তথায় বিজ্ঞাচলে বিজ্ঞাবাসিনীর মোক্ষপ্রদ পাদপঙ্কজে মনোমধুপ বিবেশ করাইয়া ভক্তি মকরন্দ পানে তৃপ্তচেতা হইয়া তীর্থরাজ প্রয়াগে যাত্রা করিলেন, তথায় ত্রিবেণী সঙ্কমে স্নান দান শিরোমুগুন দ্বারা নিধৃতপাপ হস্ত বেণীমাধব অক্ষয়বট দর্শন পূর্বক মিরাত যাত্রা করেন, তথায় ক্রিয়ংকাল অধিষ্ঠিত হইয়া পরে মুক্তিধাম মথুরা গমন করেন, তথা শ্রীবৃন্দাবনে শ্রীগোবিন্দ, গোপীনাথ, মদনমোহন, গোপেশ্বরাদি দেব দর্শন এবং কালিন্দীতরলতরঙ্গাবগাহিত শৈত্য সৌগন্ধ্য মান্দ্য গুণযুক্তানিল দোলাইত কণন নির্জিহ কোকিল কোকিলাবলি কুহুকল কলিত কেলিকেকা বিঘৃষিত বিকসিত কুসুমাবলি গলিত মকরন্দ পানাকুল অলিকুল গুঞ্জরিত সৌরভামোদিত মঞ্জুল নিকুঞ্জ পুঞ্জ ভ্রমণে, কোকিল বন, কাম্যবন, গোবর্ধনাদি তীর্থ দর্শনে, এবং চতুরশীতি ক্রোশাবচ্ছিন্ন মথুরা মণ্ডল পরিক্রমণে পরম সুখানুভব করিলেন তদনন্তর কুরুক্ষেত্রাদি তীর্থ ভ্রমণ করিয়া হরিদ্বারে গঙ্গাস্নান করত আলমোরার পর্বত পর্যটন পূর্বক কেদারনাথে গমন করেন এইরূপে প্রথম বার তীর্থ ভ্রমণ করিয়া গৃহে



আইসেন, অনন্তর ১২৩০ সালে স্বীয় পিতার গঙ্গালাভ হইলে যথাবিধি শ্রাদ্ধাদি সমাধান করিয়া দ্বিতীয় বার তীর্থযাত্রা করেন তৎপ্রথমে গঙ্গা গমন করত শ্রীশ্রীগদাধরপাদপদে পিণ্ডান পূর্বক পাদগঙ্গা চন্দ্রনাথ গমন করত কামাখ্যা দর্শন করিয়া বাটী আইসেন পরে ১২৫১\* সালে তৃতীয় বার তীর্থযাত্রা কালে রথযাত্রা সময়ে পুরুষোত্তম ক্ষেত্রে প্রয়াণ করত পথিমধ্যে যাজপুর নাভিগঙ্গায় পিণ্ডানদ্বারা ত্রিগঙ্গা সমাপন করিয়া পিতৃধাণ মোচিত হইয়া ভুবনেশ্বরে পুরুষোত্তমে এবং কোণার্ক তীর্থ-বিহিত নিয়মে স্নান তর্পণ দেবালয় দেব দর্শন করিয়া তৃপ্ত হন। তিনি নানা তীর্থ ভ্রমণ কালে যে সকল কার্য করিয়াছেন তাহা বিস্তার রূপে বর্ণিত হইলে একখানি বৃহৎগ্রন্থ প্রস্তুত হইতে পারে। তাহার পরোপকারিতা ও বিচক্ষণতার কথা কি কহিব যখন যে তীর্থে গমন করিয়াছেন তখন সে তীর্থে নিগূঢ় সন্ধান লইয়াছেন, পুরুষোত্তম ক্ষেত্রে পাণ্ডারা প্রতারণা দ্বারা লোকনাথখ্যা শিবের অন্নভোগ বাজারে শ্রীশ্রীজগন্নাথের ভোগ বলিয়া বিক্রয় করিত এবং বহুকালাবধি সন্ধান না জানিয়া যাত্রিরাও তাহা ভোজন করিতেন কিন্তু শাস্ত্রে পুরুষোত্তম জগন্নাথের প্রসাদ ভিন্ন অন্য দেবতার অন্নভোগ ভক্ষণের বিধি নাই তিনি চতুরতা দ্বারা ঐ কার্যের সন্ধান পাইয়া প্রথমত বিক্রেতাদিগকে নিষেধ করেন সে কথায় তাহারা মনোযোগ না করাতে পুরীর কালেক্টর সাহেবের সহিত সাক্ষাৎ করিয়া তাহাকে বিশেষ প্রকার বুঝাইয়া রাজকীয় শাসন দ্বারা ঐ কুপ্রথা চিরবিহিতা করিলেন, এই ব্যাপারে

\* ইহা সম্ভবতঃ ১২৪১ সাল হইবে। ২৬ ভাদ্র ১২৪১ তারিখের 'সমাচার দর্পণে' প্রকাশ :—“চন্দ্রিকাসম্পাদক মহাশয় সংপ্রতি শ্রীক্ষেত্র হইতে প্রত্যাগত হওয়াতে স্বীয় পত্রে তদ্বিষয়ক নানা উক্তি প্রকাশ করিয়াছেন।”

ক্ষেত্রের রাজা স্বয়ং প্রতিবাদী হইয়াও কৃতকার্য হইতে পারেন নাই, এই বিষয় সাধারণের কি প্রকার হিতকর তাহা সাধু লোকেরা বুঝিতে পারিবেন। অপর তিনি ক্ষেত্র গমন কালীন বহুতর নদীমধ্যে পারাণারকারি তরিবাহকদিগের অত্যাচার দৃষ্টি করিয়াছিলেন প্রত্যাগমন কালে কটকের কমিশ্বনর সাহেবকে তদৌরাত্ম্যমূলক বৃত্তান্ত অবগত করাইয়া এমত আঞ্জাপত্র অর্থাৎ পরবানা বাহির করাইলেন যে তদ্বারা যাত্রিকেরা বিনা ক্লেশে বিনা ব্যয়ে নদী পার হইয়া তাঁহাকে ধন্যবাদের সহিত আশীর্বাদ করিয়াছিলেন ইতি।” ( জীবনচরিত, পৃ ৭-১১ )

### ধর্মসভা সংস্থাপন

ভবানীচরণ রক্ষণশীল হিন্দু ছিলেন। পুরাতন এবং নূতনের সংঘর্ষে আমাদের সমাজে যে ভাঙন ধরিয়াছিল, তিনি পুরাতনের পক্ষ হইতে অমিতবিক্রমে তাহা রোধ করিতে চাহিয়াছিলেন। এই উদ্দেশ্যে তিনি বহু শাস্ত্রগ্রন্থ টীকাটিপ্পনী-সমেত পুঁথির আকারে তুলট কাগজে পুনর্মুদ্রিত করিয়া দেশবাসীর মধ্যে প্রচার করেন। হিন্দুকলেজে ইংরেজী শিক্ষালাভের ফলে যুবকদের মধ্যে হিন্দু আচারের বন্ধন শিথিল হইয়া আসিতেছে দেখিয়া তিনি নবীন আচার ব্যবহারের ক্রটি প্রতিপাদনের জন্য লেখনী ধারণ করিয়াছিলেন। এ জন্য তাঁহাকে সে-যুগের ছাত্রসমাজের বিরাগভাজন হইতে হইয়াছিল। হিন্দুকলেজের এই সকল ছাত্রই উক্তকালে সমাজে প্রতিষ্ঠা লাভ করিয়াছিলেন, সুতরাং বিরোধী ভবানীচরণের কীর্তি স্মায়া মূল্য প্রাপ্ত হয় নাই। রামমোহন যখন সহস্রাব্দ-প্রথার বিরুদ্ধে আন্দোলন উপস্থিত করেন, তখনও ভবানীচরণ মনীষকে তাঁহার সম্মুখীন হইতে ইতস্ততঃ করেন নাই।

সহমরণ-নিবারণ-আইন জারি হইলে ভবানীচরণ ঐ আইনের বিরুদ্ধে আন্দোলন করিবার জন্য এবং “স্বধর্ম ও সদাচার ও সম্মানহারাদি রক্ষার্থ” কলিকাতায় ধর্মসভা নামে সমাজ-স্থাপনে অগ্রণী হইয়াছিলেন এবং মৃত্যুকাল পর্যন্ত এই সভার সম্পাদকের কার্য বিশেষ কৃতিত্বের সহিত সম্পাদন করিয়াছিলেন।

১৭ জানুয়ারি ১৮৩০ তারিখে ধর্মসভা স্থাপিত হয়। ভবানীচরণের জীবনীতে ধর্মসভার একটি বিবরণ আছে ; নিম্নে তাহা উদ্ধৃত হইল :—

১২৩৫ সালে স্বদেশীয় ধর্মরক্ষার্থ উক্ত মহাত্মার প্রযত্নে এই ধর্মসভা স্থাপিত হইয়া ইহার দ্বারা স্বদেশের যেহি হিতোপলক্ষি হইয়াছে তাহা সাধারণের অবিদিত নাই, যদিও এই সভার মুখ্যোদ্দেশ্য সতী সহগমন ধর্ম নিবারণের আইন নিবারণ কুটিল কাল সহকারে না হউক তথাচ বিলাত হইতে অন্তঃ ধর্ম বিষয়ে বৃটিশ গবর্নমেন্টের হস্ত ত্রাস নিষেধ স্পষ্টাদেশ প্রাপ্ত হওয়া গিয়াছে এবং কলনাইজ অর্থাৎ এতদেশে বিনাদেশে ইংলণ্ডীয় সাধারণের প্রতিবাসিতারূপে বসবাস করণ যাহা এতদেশীয়দিগের অতি ভয়ানক তাহার নিবারণ হইয়াছে, এই সভার দ্বারা ব্রহ্মচারি কুপথচারি নাস্তিক মতাক্রান্ত হিন্দু সন্তানেরদিগের মতগর্ভ খর্ব হইয়া সনাতন ধর্ম উজ্জ্বল আছে, নানাদেশীয় ধার্মিকগণ ধর্মবিষয়ে নির্যাভন প্রাপ্ত হইয়া এই সভাকে অবগত করিলে ইহার দ্বারা যথাসাধ্য কার্যসিদ্ধির চেষ্টা হইয়া থাকে, এই মহাসভার শাখা সভা নানা প্রদেশে অর্থাৎ ঢাকা পাটনা দানাপুর আন্দুল প্রভৃতি স্থানে স্থাপিত হইয়া ধার্মিকবর্গের ধর্মরক্ষা হইতেছে, সাধারণের অহিত ব্যাপার উপস্থিত হইলে এই সভা রাজদ্বারে আবেদন দ্বারা হিতৈষিনী হইয়া থাকেন পাত্রি সাহেবেয়া বিদ্যাদানচ্ছলে হিন্দু বালককে যে স্ত্রীচারী করিতে

নিতান্ত যত্নবান তন্নিবারণ কারণ শীল্‌স ফ্রি কালেজ নামক  
 অবৈতনিক, বিদ্যালয় এই সভার অধীন স্থাপিত হয়, নগরীয় প্রধান  
 বংশ বালক বৃদ্ধাতুর বিধবাদি গ্রাসাচ্ছাদনে অবসন্ন হইলে এই  
 সভাঘারা দানপত্রী হইয়া যথাযোগ্য মাসিক বৃত্তিস্বরূপ বিত্ত পাইয়া  
 থাকেন ইত্যাদি প্রকার দেশীয় নানা মঙ্গল এই সভাঘারা হইয়া  
 থাকে, এবড়ুত ধর্মসভার সৃষ্টিকর্তা উক্ত মহাশয় তৎক্ষণ ইহার  
 সভ্যেরা এই সভার সম্পাদকত্ব পদে তাঁহাকে অভিষিক্ত করে ইতি ।  
 ( জীবনচরিত, পৃ. ১৭-১৮ )

প্রসঙ্গতঃ একটি কথা এখানে বলা আবশ্যিক । ভবানীচরণের মৃত্যুর  
 পর তৎপুত্র রাজকৃষ্ণ বন্দ্যোপাধ্যায় ধর্মসভার সম্পাদক নির্বাচিত  
 হইয়াছিলেন ।

## মৃত্যু

২০ ফেব্রুয়ারি ১৮৪৮ ( ৯ ফাল্গুন ১২৫৪ ) তারিখে ভবানীচরণ  
 ভাগীরথী-তীরে দেহরক্ষা করেন । মৃত্যুর কিছু দিন পূর্ব হইতে তিনি  
 বহুমূত্র রোগে কষ্ট পাইতেছিলেন ।

সে-যুগে জ্ঞানী, গুণী ও বিদ্বান্ ব্যক্তি হিসাবে তাঁহার কি প্রতিষ্ঠা ছিল;  
 সমসাময়িক সাহিত্য ও সংবাদপত্রে তাহার যথেষ্ট পরিচয় পাওয়া যায় ।  
 শ্রীরামপুরের 'সমাচার দর্পণ' তাঁহার সম্বন্ধে একবার লিখিয়াছিলেন :—

অনেককালাবধি শ্রীযুত বাবু ভবানীচরণ বন্দ্যোপাধ্যায়ের সঙ্গে  
 আমাদের আলাপ পরিচয় আছে এবং যত্বপিও তাঁহার আমারদিগের  
 সঙ্গে কোন পক্ষ সংপ্রতিপক্ষতাও থাকুক তথাপি সত্য কহিতে  
 হইলে জ্ঞান বুদ্ধিতে তাঁহার তুল্য এতদেশে অপর ব্যক্তি দুর্লভ ।  
 ( ১৮ জাঙ্ঘারী ১৮৩২ )

ভবানীচরণের মৃত্যুর পর 'ফ্রেণ্ড অব ইণ্ডিয়া' ( ৮ জুন ১৮৪৮ )  
লেখেন :—

"Friday, June 2 ..the Dhurma Sabha is about to print, and circulate among its friends, a memoir of its late able Secretary, Baboo Bhobany Churn Banerjee...We take great shame to ourselves for having neglected distinctly to notice the death of this Native gentleman, one of the ablest men of the age ; "

ডে. সি মার্শম্যান শ্রীরামপুর মিশনের ইতিহাসে (২য় খণ্ড. পৃ. ২৪০)  
ভবানীচরণ সম্বন্ধে এইরূপ মন্তব্য করিয়াছেন :—

...Bhobany Churun, a Brahmin of great intelligence and considerable learning though no pundit, but remarkable for his tact and energy, which gave him great ascendancy among his fellow-countrymen ..

ভবানীচরণের জীবনচরিতে তাঁহার চরিত্রের যে বর্ণনা পাওয়া যায়,  
এখানে তাহা উদ্ধৃত করা অপ্রাসঙ্গিক হইবে না :—

কথিত মহাশয় অতিসদাশয় ও নির্মলাশয় ছিলেন, দেব বিদ্য  
পূজনে স্বধর্ম যজনে তাঁহার নিষ্ঠা মতি ছিল, তিনি প্রতাহ প্রতাবে  
গাজোখান করত প্রাতঃকৃত্য সমাপন পূর্বক সন্ধ্যা বন্দনাদি  
সমাধানান্তে তৈল গ্রহণ সময়ে সমাগত পরিচিতাপরিচিত শিষ্ট  
সাম্প্রদায়িক জনগণের সহিত ইষ্ট মিষ্টালাপ করত স্নান তর্পণ দেব  
পূজনাদি নিত্য কর্মাবসানে ভোজনোত্তর বিষয়কার্য পর্যালোচনার  
প্রবৃত্ত হইতেন, অবকাশ মতে আশ্রয় সঙ্ঘের সহিত সন্ধ্যাপ  
করিতেন, নিয়ালয়ে তাঁহার বৃথা কালযাপন হইত না, নিকটে  
জনশূন্য হইলে পুস্তকাদি পাঠ করিতেন, প্রায় দিবসে নিদ্রা যাইতেন  
না, বিষয় কর্মে আবৃত থাকিলেও নিকটে মনুষ্য আগত হইলে  
স্বাদয়ের সহিত তৎসহ কিয়ৎকাল কথোপকথন করিতেন,  
অপরিচিত দীনজনেরা ও তাপিত লোকেরা তাঁহার প্রিয়ালোপে

এবং সর্বথা অধ্যাপকগণের উপকারেচু ছিলেন, নৈমিত্তিক কাম্য শীতল হইত, তিনি পণ্ডিতগণকে লইয়া মধ্যঃ শাস্ত্রীয়ালাপ করিতেন, কর্ম দান দেবার্চনাদিতে তাঁহার বিশেষ শ্রদ্ধা ছিল, আত্মীয় বাক্তবগণকে দেখিয়া দূরে হইতে প্রফুল্লবদনে প্রিয়বচনে কুশল প্রশ্ন জিজ্ঞাসা করিতেন, পরোক্ষে প্রিয়জনের প্রশংসা করা তাঁহার স্বাভাবিক কার্য ছিল, পরনিন্দা শ্রবণে অসহিষ্ণু ছিলেন, তন্নিকট বা তাঁহার সমক্ষে অন্তের নিকট কেহ পরদূষণে প্রবৃত্ত হইলে তিনি প্রতিবাদ করিয়া যত্নক্রমে নিন্দাবাদ হইত তাহার গুণানুবাদে নিন্দককে নতশিরা করিতেন, তাঁহার এই গুণে কোনঃ বিপক্ষও সপক্ষ হইয়াছিল, তিনি আত্মীয় সজ্জনের ও প্রতিবাসিগণের পীড়া সংবাদ পাইলে কর্মাস্তর পরিত্যাগ পূর্বক পীড়িতজনের ঔষধ পথ্য প্রদান বা প্রদানীয় উপদেশ দান করিতেন, বিপদাপন্ন মনুষ্য তাঁহার শরণাপন্ন হইলে প্রাণপণে তাহার বিশিষ্ট হিতচেষ্টা করিতেন, কৃতাকার্য হইলে ঈশ্বরের প্রতি সাধুবাদ পূর্বক প্রফুল্ল হইতেন, তিনি দেবীমাহাত্ম্য পাঠ শ্রবণে নিয়তানুরক্ত ছিলেন, অসাধ্য সাধনে উৎসুকতা ছিল না, যে বিষয়ে প্রবর্ত হইতেন তাহা প্রায় অসিদ্ধ হইত না। এতদেশীয় মনুষ্যকে স্বধর্ম ও স্বভাবানুরাগী করিতে তাঁহার বিশেষ উদ্যোগ ছিল, ধর্মবেষি দেব নিন্দক নাস্তিকাদির সহিত তিনি আলাপও করিতেন না, তাঁহার বাক্পটুতা ও বক্তৃতাশক্তি এমত নিপুণা ছিল যে তিনি যে সভায় গমন করিতেন তত্রস্থ সভ্যেরা তাঁহার নব নব বস বিকসিত বাক্শ্রেবে আত্মীভূত হইতেন, তজ্জন্য তিনি তুষ্টিঃ সভায় সঙ্কুতা দ্বারা অগণ্য ধন্যবাদ পাইয়াছেন, তিনি প্রতিদিন সায়ংসন্ধ্যার পর পুরাণ শ্রবণ পূর্বক নগরীর যাবদীর লংবাদপত্র পাঠ করিয়া স্বান্তি হই প্রহর পরে নিদ্রা যাইতেন ইতি।

( জীবনচরিত, পৃ. ১১-১৩ )

## সাহিত্য-কীর্তি

### সংবাদপত্র-পরিচালন

ভবানীচরণ বন্দ্যোপাধ্যায় একজন খ্যাতনামা সাংবাদিক ছিলেন। সংবাদপত্র-পরিচালনার তাঁহার হাতেখড়ি হয় 'সম্বাদ কোমুদী' পত্রে। ৪ ডিসেম্বর ১৮২১ তারিখে 'সম্বাদ কোমুদী' প্রথম প্রকাশিত হয়। এই সাপ্তাহিক পত্রের প্রথম ত্রয়োদশ সংখ্যা প্রকাশ করিবার পর "অংশিগণের সহিত ধর্ম বিষয়ে ঐকমত্য না হওয়ায়" তিনি 'সম্বাদ কোমুদী'র সংস্রব ত্যাগ করিতে বাধ্য হইয়াছিলেন। ভবানীচরণ উজোগী পুরুষ; তিনি অনতিবিলম্বে কলুটোলায় সমাচার চন্দ্রিকা যন্ত্র স্থাপন করিয়া 'সমাচার চন্দ্রিকা' নামে একখানি সংবাদপত্র প্রকাশ করিলেন। 'সমাচার চন্দ্রিকা'র প্রথম সংখ্যা প্রকাশিত হয় ৫ মার্চ ১৮২২ তারিখে। প্রথম দুই সংখ্যা প্রকাশিত হইবার পর ভবানীচরণ শ্রীরামপুরের 'সমাচার দর্পণ' পত্রে এই ইস্তাহারটি প্রকাশ করেন :—

ইস্তাহার।—কলিকাতার কলুটোলা গ্রাম নিবাসী শ্রীযুত ভবানীচরণ বন্দ্যোপাধ্যায় সকল বিজ্ঞ সন্নিবেচক মহাশয়েরদিগকে বিজ্ঞাপন করিতেছেন যে তিনি সম্বাদ কোমুদী নামক সমাচার পত্র ১ প্রথমাবধি ১৩ সংখ্যা পর্য্যন্ত প্রকাশ করিয়াছেন সন্মতি সমাচার চন্দ্রিকানামক এক পত্র প্রকাশ করিতেছেন তাহাতে নানাदिগ্দেশীয় বিবিধ সমাচার অনায়াসে জানা যায়। প্রথম পত্র ২৩ ফাল্গুন মঙ্গলবার প্রকাশ করিয়াছেন ২ বিত্তীয় পত্র সোমবার প্রকাশিত হইয়াছে এবং পরেও প্রতিসোমবারে প্রকাশিত হইবে। এই পত্র গ্রাহক মহাশয়েরদিগের প্রতি মাসে ১ টাকা মূল্য দিতে হইবে।—  
'সমাচার দর্পণ,' ২৩ মার্চ ১৮২২।

এই বিজ্ঞাপনটি বাহির হইবার এক সপ্তাহ পূর্বে—১৫ মার্চ তারিখে ইংরেজী সংবাদপত্র 'ক্যালকাটা জর্নালে'ও ভবানীচরণ একই মর্মে একটি ইংরেজী ইস্তাহার প্রকাশ করিয়াছিলেন। তাহার উত্তরে পরবর্তী ২৩এ মার্চ তারিখে 'সম্বাদ কোমুদী'-সম্পাদক হরিহর দত্তের যে বিজ্ঞাপনটি প্রকাশিত হয়, নিম্নে তাহা উদ্ধৃত করিতেছি :—

The Editor of the *Sungbad Coumudy* observing an Advertisement, inserted in the *Calcutta Journal* of the 15th instant, by one Bhubanee Churn Bunnerjee, asserting that the first 13 Nos. of the *Coumudy* were edited by him, deems it indispensably necessary to state, for publication, that this declaration is a wicked and malicious fabrication of falsehood, advanced through sinister motives; for he was no more than the real Editor's Assistant, and as such he was introduced to the notice of the gentlemen, under whose immediate and sole patronage and support the paper has been established.

March 21, 1822.

HURREE HUR DUTT,

'সম্বাদ কোমুদী'র প্রথম ১৩ সংখ্যা প্রকাশে ভবানীচরণ সম্পাদকই থাকুন বা সম্পাদকের সহকারীই থাকুন, পত্রিকা-পরিচালন ব্যাপারে তাঁহার যে হাত ছিল, তাহা অস্বীকার করিবার উপায় নাই। তবে এই সকল বিজ্ঞাপন হইতে 'কোমুদী'-কর্তৃপক্ষের সহিত ভবানীচরণের রীতিমত বিবাদের আভাস পাওয়া যায়। ইহার কারণ যে ধর্মমতের পার্থক্য, ভবানীচরণের জীবনীতে তাহার উল্লেখ আছে। এই বিবাদের ফলে উভয় পত্রিকাতেই পরস্পরের প্রতি আক্ষেপসূচক অশোভন নিন্দাবাদ প্রচলিত হইতে থাকে।

পূর্বেই বলিয়াছি, ভবানীচরণ নিজে ব্রহ্মণশীল হিন্দু ছিলেন; তাঁহার সম্পাদিত 'সমাচার চন্দ্রিকা' ব্রহ্মণশীল হিন্দুদের মুখপত্রস্বরূপ হইয়াছিল। ইহার গ্রাহক-সংখ্যা দ্রুত বৃদ্ধি পাইতে থাকে। ১৮২৯ খ্রীষ্টাব্দের এপ্রিল মাসে 'সমাচার চন্দ্রিকা' সাপ্তাহিক হইতে দ্বি-সাপ্তাহিক (অর্থাৎ সপ্তাহে



ছই বার প্রকাশিত ) পত্র পরিণত হয়। সে-যুগে ইহা একখানি বিশিষ্ট বাংলা সংবাদপত্রের গৌরব অর্জন করিয়াছিল।

ভবানীচরণের জীবনচরিতে 'সমাচার চন্দ্রিকা'র একটি সংক্ষিপ্ত বিবরণ আছে, তাহা নিম্নে উদ্ধৃত করা হইল :—

কথিত পুণ্যাত্মা ইংলণ্ডীয়দিগের দ্বারা এতদেশে মুদ্রায়ন্ত্রের ও সংবাদপত্রের স্থাপন দর্শনে বঙ্গভাষায় সংবাদপত্রের প্রকাশ করিতে ইচ্ছুক হন তাহাতে ১২২৮ সালে সংবাদ কোমুদী পত্রিকা কোনও ব্যক্তির সংস্ঠতায় প্রকাশমানা করেন পরে অংশিগণের সহিত ধর্ম বিষয়ে ঐকমত্য না হওয়ায় ঐ পত্র পরিত্যাগ পূর্বক সমাচার চন্দ্রিকা পত্র প্রচার পুরঃসর নিজালায়ে এক ছাপায়ন্ত্র স্থাপন করিলেন. অনন্তর অংশিরা কোমুদীপত্র সম্পাদনে অশক্ত হইয়া তাহা মৃত রামমোহন রায়েব হস্তে গুস্ত করত চন্দ্রিকা পত্রের উন্নতি বোধার্থে বিবিধ উদ্যম করিতে লাগিল কিন্তু ধর্মপক্ষিকা চন্দ্রিকা মনোরঞ্জিকা লিপিধারা সাধারণ সমীপে সমাদরণীয়া হওয়াতে একবর্ষ মধ্যে অন্যান আট শত গুণগ্রাহক ব্যক্তি ইহার গ্রাহক হইলেন ইহাতে কোমুদী পত্রই অবসাদ পাইল. সুদীর্ঘ কাল এই বঙ্গরাজ্য যবনাধীন প্রযুক্ত দেশীয় ভাষা যাবনিক ভাষার সহিত মিশ্রিত হইয়া যায় পরে চন্দ্রিকায় গোড়ীয় সুকোমল সাধু ভাষা বিস্তৃত হওয়াতে বিদ্যালয়গণের হৃদয়ে সাধু ভাষা শিক্ষার অনুরাগ বৃদ্ধি পাইতে লাগিল অতএব ঐ পত্রকে এতদেশীয় ভাষা পরিবর্তনের মূলসূত্র বলিতে হয়, ইহা ভিন্ন ঐ পত্রে ধর্ম ও রাজনীতি বিষয়ক বিবিধ প্রস্তাব প্রকাশ দ্বারা স্বদেশের কি পর্যন্ত উপকার হইয়াছে তাহা বিদ্বান্ লোকেবাই বিশেষরূপে আনিয়াছেন, কিছুকাল পরে উক্ত রায় এতদেশীয়া সাধ্বীদিগের সনাতন ধর্ম সহগমন নিবারণোচ্চোগে

স্বীয়াভিপ্ৰায় কোমুদী পত্রে ব্যক্ত করাতে উক্ত মহাশয় ঝায়ের প্রতিপক্ষরূপে লেখনী ধারণ করিলেন তদবধি ঝায়ের বিলাতপ্রাপ্তি-পর্যন্ত সর্বদাই উভয় পত্রিকায় বিবিধ বাদামুবাদ জল্পিত হইয়াছিল, উক্ত মহাশয়ের গল্প পল্প রচনায় ও উক্তর প্রত্যুত্তর লেখনে এমত পটুতা গছিল যে যেকোন কথা কটুতারূপে লিখিতা হইলেও মাধুর্যসরহিতা হইত না, একই সময়ে তাঁহার বাদ জল্প বিতণ্ডার প্রতি প্রতিপক্ষ রামমোহন রায় বহুশাস্ত্রজ্ঞ হইয়াও তিরোভূত হইয়া মুক্তকণ্ঠে তাঁহার প্রতি সাধুবাদ করিতেন। (জীবনচরিত, পৃ. ১৪-১৫)

## রচিত গ্রন্থ

গ্রন্থাকার হিসাবেও ভবানীচরণের যথেষ্ট খ্যাতি ছিল। তিনি প্রাঞ্জল ও সহজবোধ্য বাংলায় অনেকগুলি পুস্তক রচনা করিয়াছিলেন। তাঁহার মৃত্যু হইলে খ্যাতনামা সংবাদিক গোবীন্দ্র চন্দ্র তর্কবাগীশ (গুড়গুড়ে ভট্টাচার্য) তৎসম্পাদিত 'সম্বাদ ভাস্করে' তাঁহার রচনা-নৈপুণ্য সম্বন্ধে এইরূপ লিখিয়াছিলেন :—

ভবানীচরণ বন্দ্যোপাধ্যায় মহাশয়ের এই 'গুণে আমরা শোকাকুল হইতেছি গোড়ীয় ভাষায় ব্যাকরণশুদ্ধ গল্প পল্প লিখিতে এবং সংপ্রসঙ্গ কহিতে তাঁহার তুল্য ব্যক্তি আর দেখিতে পাই না, কোন বিষয়ে বাদামুবাদ উপস্থিত হইলে ভবানী বাবুর সহিত লিপিয়ুদ্ধে আমরা ভীত হইতাম, এবং অনেক বিষয়ে তিনি যাহা লিখিয়াছেন তাহাতে তাঁহাকে শিক্ষকরূপে মান্ত করিয়াছি, ...। (জীবনচরিত, পৃ. ২১)

ব্যঙ্গরচনায় ভবানীচরণ সিদ্ধহস্ত ছিলেন। বস্তুতঃ সর্বস ব্যঙ্গরচনার ক্ষে-যুগে তিনি অধিতীয় ছিলেন। নীচস শাস্ত্রীয় বিচার-বিতর্কের যুগে

তিনি বাংলা ভাষায় যে লালিতা ও রসসঞ্চার করিতে পারিয়াছিলেন, বাংলা ভাষা ও সাহিত্যের সঠিক ইতিহাস রচিত হইলে সে-সংবাদ বাঙালীর অগোচর থাকিত না। উনবিংশ শতাব্দীর বাংলা-গঞ্জে বাঙ্গ-বিদ্রূপপূর্ণ সামাজিক চিত্ররচয়িতা হিসাবে তাঁহার নাম সর্বাগ্রে করিতে হয়। ১৮২১-২২ খ্রীষ্টাব্দে ‘সমাচার দর্পণ’ পত্রে “বাবুর উপাখ্যান,” “শৌকীন বাবু,” “বৃদ্ধের বিবাহ,” “ব্রাহ্মণপণ্ডিত,” “বৈষ্ণব” ও “বৈষ্ণ-সম্বাদ.” এই কয়টি বিদ্রূপ ও হাস্যরসাত্মক চিত্র প্রকাশিত হইয়াছিল।\* এগুলি খুব সম্ভব ভবানীচরণেরই রচনা, অন্ততঃ “ব্রাহ্মণপণ্ডিত” চিত্রটির লেখক যে তিনিই, তাৎকালিক সাময়িক পত্রে তাহার ইঙ্গিত আছে।† ভবানীচরণের ‘কলিকাতা কমলালয়,’ ‘নববাবুবিলাস,’ ‘দূতীবিলাস’ প্রভৃতি গ্রন্থ অষ্টাদশ শতাব্দীর শেষ ভাগে এবং উনবিংশ শতাব্দীর প্রারম্ভে বাঙালী সমাজের ঐতিহাসিক উপকরণে সমৃদ্ধ।

ভবানীচরণ যে-সকল গ্রন্থ রচনা বা সম্পাদন করিয়াছিলেন, তাহার প্রায় সকলগুলিই আমরা দেখিয়াছি। সংক্ষিপ্ত মন্তব্য সহ এই সকল গ্রন্থের একটি তালিকা নিয়ে দেওয়া হইল :—

১। কলিকাতা কমলালয়। ইং ১৮২৩। পৃ. ৮+৯১।

শ্রীশ্রীহরি —স্মরণ পূর্বক।—শ্রীভবানীচরণ বন্দ্যোপাধ্যায়

\* ‘সংবাদপত্রে সেকালের কথা,’ প্রথম খণ্ড (২য় সংস্করণ), পৃ. ১০৮-২৬।

† “We close this slight and imperfect sketch with a humorous description of the brahmuns and pundits in Calcutta, drawn up we suspect, by the same able pen to which we are indebted for “The amusements of the modern baboo” [*Nava Babu Bilas.*] It was sent for insertion in the Bengalee Newspaper [*Sumachar Durpan.*]—“The Hindoo Priesthood” : *The Friend of India* (Quarterly), March 1826. p. 324.

বিরচিত কলিকাতা কমলালয় প্রথম তরঙ্গ কলিকাতা সমাচারচন্দ্রিকা  
যন্ত্রে মুদ্রিত হইল মন ১২৩০

পুস্তকের বিষয়—প্রশ্নোত্তরচ্ছলে কলিকাতার রীতিবর্ণন। পুস্তক-  
রচনার উদ্দেশ্য সম্বন্ধে ভবানীচরণ “ভূমিকা”য় বলিতেছেন :—

পল্লীগ্রাম নিবাসী ও অন্যান্য নগরবাসী লোক সকল এই  
কলিকাতায় আসিয়া এখানকার আচার বিচার ব্যবহার রীতি ও  
বাক্কৌশলাদি অবগত হইতে আশু অসমর্থ হইলেন তৎপ্রযুক্ত  
শঙ্কায়ুক্ত হইয়া এতন্নগরবাসি লোকেরদিগের নিকট গমনাগমন  
করেন এবং সভ্য ভব্য হইয়াও তাঁহাদেরদিগের নিকটে অসভ্য ও  
অভব্যল্যায় বসিয়া থাকেন কারণ যখন নগরবাসী বহুজন একত্র  
হইয়া প্রশ্নোত্তরভাবে পরস্পর কথোপকথন করেন তৎকালে  
পল্লীগ্রাম নিবাসী ব্যক্তি কোন সহস্তর করিলেও নগরস্থ মহাশয়রা  
তাহা গ্রহণ না করিয়া কহেন তুমি পল্লীগ্রাম নিবাসী অর্থাৎ  
পাড়াগেঁয়ে মানুষ অত্যন্ত দিবস কলিকাতায় আসিয়াছ এখানকার  
রীতিজ্ঞ নহ, তোমার এ কথায় প্রশ্নোত্তর নাঞি এ উত্তরে নিরুত্তর  
হইয়া ঐ ব্যক্তি দুঃখিত হইলেন অতএব এই কলিকাতা মহানগরের  
স্থলবৃত্তান্ত বিবরণ করিয়া কলিকাতা কমলালয় নামক গ্রন্থকরণে  
প্রবর্ত্ত হইলাম এতদগ্রন্থ পাঠে বা শ্রবণে অনায়াসে এখানকার  
ব্যবহার ও রীতি ও বাক্চাতুরী ইত্যাদি আশু জ্ঞাত হইতে  
পারিবেন,...

১. হিতোপদেশ। ইং ৮২৩। পৃ. ৩৪৫।

হিতোপদেশ পঞ্চতন্ত্র হইতে উদ্ধৃত শ্রীবিষ্ণুশর্মকর্তৃক সংগৃহীত  
সংস্কৃত গ্রন্থ তদীয়ার্থ গোড়ীয় ভাষায় শ্রীভবানীচরণ বন্দ্যোপাধ্যায়

দ্বারা সংগৃহীত হইয়া কলিকাতায় সমাচারচন্দ্রিকা যন্ত্রে মুদ্রাঙ্কিত হইল ॥ শকাব্দা: ১৭৪৫ সন ১২৩০ ।

“হিতোপদেশ গ্রন্থভাষা সংগ্রহকারের বিজ্ঞাপনমিদং অজ্ঞ বিজ্ঞ বালক বৃদ্ধ যুবা সকলের উপকার জনক এই হিতোপদেশ গ্রন্থ শ্রীল শ্রীযুত কুমার শিবচন্দ্র রায় তথা শ্রীমৎ শ্রীযুক্ত নৃসিংহচন্দ্র রায় বাহাদুরদিগের অনুমত্যানুসারে সংস্কৃত মূল শ্লোক রাখিয়া তাহার অর্থ গোড়ীয় ভাষায় প্রকাশ করা গেল এই গ্রন্থ বাহাদুরদিগের উপস্থিত থাকে তাঁহারা সকল বিষয়ের উত্তম অবম বিবেচনা করিতে পারেন এবং এই গ্রন্থ মতে কৰ্ম করিলে লোকের ইহকালে ও পরকালে কোন দোষ স্পর্শে না যেহেতু এ গ্রন্থ অভ্যাস হইলে লোক ইহলোকে সভ্যভব্য ধার্মিক হয়, ইহা বিজ্ঞদিগের বিদিত আছে ইহাতে বাহাদুর সন্দেহ হয় তিনি গ্রন্থের পূর্বাপর বিশেষ মনোযোগ পূর্বক পাঠ করিলেই জানিতে পারিবেন ইতি ।”—ভূমিকা ।

৩। নববাবুবিলাস । ইং ১৮২৫ ।

ভবানীচরণ পুস্তকে “প্রমথনাথ শর্ম্মণ” এই ছদ্ম নাম ব্যবহার করিয়াছেন । তাঁহার জীবনচরিত পাঠে জানা যায়, ‘নববাবুবিলাস’ই তাঁহার প্রথম রচনা ।\*

\*শ্রীরামপুরের ‘ফ্রেণ্ড অব ইণ্ডিয়া’ ( অক্টোবর, ১৮২৫ ) “১৮২৫ খ্রীষ্টাব্দে” প্রকাশিত সংস্করণের আখ্যানবস্তুর আভাস দিয়া, “The Amusements of the Modern Baboo. A Work in Bengalee, printed in Calcutta, 1825” নামে একটি দীর্ঘ সমালোচনা করেন । ইহার দ্বিতীয় সংস্করণ প্রকাশিত হয় ১৮৩৮ খ্রীষ্টাব্দে ( ‘বঙ্গালা প্রাচীন পুথির বিবরণ,’ মুনশী শ্রীআবদুল করিম সঙ্কলিত,

অনেকের ধারণা, ১৮৫৮ খ্রীষ্টাব্দে প্রকাশিত প্যারীচাঁদ মিত্র ওরফে টেকচাঁদ ঠাকুরের 'আলালের ঘরের দুলাল'ই বাংলা ভাষায় প্রথম সামাজিক উপন্যাস। কিন্তু 'আলালে'র বহু পূর্বে ভবানীচরণ 'নববাবুবিলাস' রচনা করিয়াছিলেন। 'নববাবুবিলাসে'র সহিত 'আলালে'র যে একটা সম্পর্ক আছে, তাহা রাজেন্দ্রলাল মিত্র বলিয়া গিয়াছেন। বাংলা বাঙ্গ-সাহিত্যের ইতিহাস-গ্রন্থে তিনি 'বিবিধার্থ-সঙ্গ্রহে' লিখিয়াছিলেন :—

যথার্থ বাঙ্গকাব্যের মধ্যে “নববাবুবিলাস নামক গদ্য পুস্তকের উল্লেখ করা কর্তব্য। তাহা ত্রিংশতাধিক বর্ষ হইল একজন সূচত্বর ব্যক্তি প্রস্তুত করেন। তাহাতে পিতার অমনোযোগে বালকের বিদ্যাভ্যাসের হানি হইলে জৈণ্যাতা ও পানদোষে কি পর্য্যন্ত অনিষ্ট ঘটিতে পারে তাহা তোতারাম দস্তের পুত্র বাবু কেশবচন্দ্রের উপন্যাসে প্রজ্বলরূপে বর্ণিত হইয়াছে। যে সময়ে তাহা প্রস্তুত হইয়াছিল তৎকালে বর্ণিত বাবুর আদর্শ কলিকাতায় অপ্রাপ্য ছিল না। অল্পকালে হতপিতৃ অনেক ধনাঢ্যের চরিত্র অবিকল গ্রন্থোক্ত নববাবুর প্রতিরূপ মনে হইত।...

পাঁচ বৎসর হইল মাসিক পত্রিকা নামক এক ক্ষুদ্র সাময়িক পত্রে “আলালের ঘরের দুলাল” শিরোনামে কএকটি প্রস্তাব প্রকটিত হয়, তাহা তদনন্তর সংশোধিত ও প্রকৃষ্টিকৃত হইয়া পুস্তকাকারে প্রকাশ হইয়াছে। ঐ প্রবন্ধের আদর্শ নববাবুবিলাস । ( শকাব্দা ১৯৮০, চৈত্র )

১ম খণ্ড, ১ম সংখ্যা, পৃ. ২৬৬ দ্রষ্টব্য )। পাদরি লণ্ডের তালিকায় মুদ্রিত (Catalogue, p. 82) 'নববাবুবিলাস' পুস্তকের প্রথম সংস্করণের প্রকাশকাল ১৮২৩ খ্রীষ্টাব্দ নির্ভুল নহে।

‘নববাবুবিলাসে’র নায়ক কলিকাতার ধনী, কিন্তু অশিক্ষিত ভক্তসন্তান। ইহাদের আচার-ব্যবহার ও নৈতিক চরিত্র সংশোধনের উদ্দেশ্যেই ‘নববাবুবিলাস’ রচিত হয়। ভবানীচরণ বন্দ্যোপাধ্যায়ের জীবনচরিতে বলা হইয়াছে,—

তিনি আত্মীয়গণের অনুরোধে গঢ় পঢ় রচনার প্রথমত নববাবু বিলাসখ্যা এক পুস্তক রচনা করেন ঐ পুস্তক সাধারণের কোতুক-জনক ফলত তদ্বারা কোশলে এতন্নগরীয় ভাগ্যবান সন্তানদিগকে কটাক্ষ করাতে তদানী অনেকে তদৃষ্টে কুকার্য পরিহার করিয়া সংপথাবলম্বন করেন। ( পৃ. ১৫ )

১৮৩১ খ্রীষ্টাব্দের ১লা সেপ্টেম্বর তারিখের ‘সমাচার চন্দ্রিকা’র প্রকাশিত একটি পত্রের ইহার আভাস পাওয়া যায়। পত্রলেখক লিখিতেছেন,—

শ্রীযুক্ত চন্দ্রিকাপ্রকাশক মহাশয় শ্রীচরণেষু.....একদে নূতন বাবুরদিগের পিতৃগণ পুত্রের কাণ্ডে নি ভয় ও কলিকাতা নিবাসী অবোধ পল্লীগ্রামবাসির কুব্যবহার ভয় এবং কুলটা রমণী পতি পত্নীর কুক্রিয়া ভয় ও লম্পটগণ পরদার গমনে শেষ বিচ্ছেদ এবং ধনক্ষয় ভয় হইতে মহাশয়ের রূপাতে উদ্ধার হইয়াছেন যেহেতু নববাবু বিলাস ও কলিকাতা কমলালয় এবং দূতী বিলাস গ্রন্থ অপূর্ব উপদেশে উক্ত দোষোদ্ধার উদ্দেশ্যে প্রকাশ করিয়াছেন তাহা কে না স্বীকার করিতেছেন...। ৫ ভাদ্র ১২৩৮ সাল—শ্রীম, বি, ।

‘নববাবুবিলাস’ যে একখানি উচ্চশ্রেণীর ব্যঙ্গ-চিত্র, তাহা অল্প সমালোচকেরাও স্বীকার করিয়া গিয়াছেন। ১৮৫৫ খ্রীষ্টাব্দে পাদরি লং লিখিয়াছিলেন, ইহা “One of the ablest satires on the Calcutta Babu, as he was 30 years ago.” ‘নববাবুবিলাস’

প্রকাশিত হইবার কিছু কাল পরে 'ফ্রেণ্ড অব ইণ্ডিয়া' পত্রে উহার যে আলোচনা ও পরিচয় প্রকাশিত হয়, তাহাতেও 'নববাবুবিলাসে'র চরিত্রচিত্রণের প্রশংসা আছে। 'ফ্রেণ্ড অব ইণ্ডিয়া' লেখেন,—

It is a satirical view of the education and habits of the rich, and more especially of those families which have very recently acquired wealth and risen into notice. The character of the work, as well as its allusions and similes, are purely native, and this imparts a value to it superior to that which could be attached to a similar representation from a European pen. The knowledge of the author respecting the subject he handles, must necessarily be more correct than that which a foreigner could acquire, and his descriptions may therefore be received with great confidence. Though the work is highly satirical, and though some of its strokes of ridicule may be too deeply touched. We cannot venture to pronounce it a caricature. Every opportunity we have enjoyed of examining the subject has confirmed us in its justness. The humour of the work, however, is sometimes too broad, its different parts are not invariably in good keeping with each other; its episodes are occasionally dull and languid, and its poetry often inharmonious as well as prosing; but with all its defects, it is a valuable document; it illustrates the habits and economy of rich native families, and affords us a glance behind the scenes.—“The Amusements of the Modern Baboo. A Work in Bengalee, printed in Calcutta, 1825”: *The Friend of India* (Quarterly Series). October 1825, p. 289.

এই সকল গুণের জন্য 'নববাবুবিলাস' খুব জনপ্রিয় হইয়া উঠিয়াছিল। লং সাহেবের উক্তি হইতে আমরা জানিতে পারি যে, উনবিংশ শতাব্দীর মাঝামাঝি পর্যন্ত উহার বহু সংস্করণ প্রকাশিত হইয়াছিল। শুধু তাই নয়, এই সময়ে উহা নাট্যকাব্যেও রূপান্তরিত হয়। ১১ জুলাই ১৮৫৭ তারিখের 'সংবাদ প্রভাকরে' আমরা এই বিজ্ঞাপনটি দেখিতে পাই,—

'বিজ্ঞানীকৃত বাবুনাটক'।—কলিকাতা মহানগর নিবাসি বাবুগণের বাবুানা ও তাঁহারদিগের ব্যবহার ও তাঁহারদিগের



কথোপকথন অবগতি কারণ বহুকাল হইল বাবুবিলাস নামক গ্রন্থ প্রকাশ হয়, কিন্তু অতি পূর্বকালের পুস্তক অজ্ঞ ভট্টাচার্য দ্বারা বিরচিত হইবায় এইরূপে তাহা পাঠযোগ্য নহে, এবং কথোপকথনও বর্তমান প্রচলিত নিয়ম মত নহে, এ নিমিত্ত নূতন মতে পদ্য ও গল্পে নাটকাকারে সুন্দররূপে লিখিত হইয়া মুদ্রিত আরম্ভ হইয়াছে, মূল্য ১০ আনা, ... ।

৪। দূতীবিলাস । ১৫ আশ্বিন ১২৩২ ( ইং ১৮২৫ ) । পৃ. ৮ + ১৩২ ।

‘দূতীবিলাস’ “সুকোমল পয়ারাদি নানাছন্দ রচিত...আদিরস ভক্তিরসঘটিত...স্বরসিক রসদায়ক পুস্তক” ।

রচনার নিদর্শনস্বরূপ ইহা হইতে বড় ঘরের মেঘেদের মঞ্জলিসের বিবরণ উদ্ধৃত করিতেছি :—

ভোজনান্তে সকলে বসিল সভা  
করি ।

এ সব হইলে পরে রাত্রি কিছু  
ছিল ।

তাকিয়া লাগায় তারা লজ্জা  
পরিহরি ॥

প্রেমিকারা প্রমায়ার খেলা  
আরম্ভিল ॥

গোপী দাসী সাজি আনি দিল  
পান দান ।

যাও থাক এই শব্দ কেহ  
কেহ কহে ।

কত মত ভুকুটি করিয়া পান খান ।

কেহ মোরেষ্ট ডাকে কেহ তাহা  
সহে ॥

কাহারো আলবোলা এলো কার  
গুড়গুড়ি ।

সাবাসি কাগজ বলে কোন  
রসবতী ।

সকলে তামুক খায় নবীনা  
কি বুড়ি ।

তনিয়া কাগজ ফেলে খেলুড়ি  
যুবতী ॥

যুবতীদের অলঙ্কারের বর্ণনা :—

কুটিল কুস্তল কাল কপাল উপর ।      ধানি মুড়কি মরদানি পৈঁছে আছে  
সৌদামিনী জিনি সিঁতি অতি      হাতে ।  
শোভাকর ॥      নবরত্ন অঙ্গুরীয় শোভা করে  
কাণবালা কর্ণফুল কর্ণেতে পরেছে ।      তাতে ॥  
মনোহর মুক্তা লচ্ছা তাহাতে      হীরার ফুলেতে স্বর্ণবালা  
দিয়েছে ॥      স্ত্রশোভিত ।  
মুক্তায় মুণ্ডিত লত নামায় হুলিছে ।      কটীতে কনকচক্রহার মনোনীত ॥  
যজ্ঞনে মার্জিত দস্ত দামিনী খসিছে ॥      চাবিশিক্লি তাতে পুন দিয়েছে  
মুক্তালচ্ছা গলদেশে সাজে সাতনরি ।      বুলায়ে ।  
হীরাপাশা ধুকধুক আছে শোভা      পদাঙ্গুলে আছে চুটকি ছালাতে  
করি ॥      মিশায়ে ॥  
বাহতে পরেছে বাজু হীরাতে      জড়াও ।      স্বর্ণের গোল মল পরিয়াছে পায় ।  
পরেছে তাবিজ কোলে করিয়া      পরেছে ঢাকাই শাড়ী অঙ্গ দেখা  
মেলাও ॥      যায় ॥

বর্ণনীয় বিষয়কে বিশদ করিবার জন্য এই পুস্তকের প্রথম সংস্করণে  
বারখানি লাইন-এনগ্রেভিং চিত্র সন্নিবেসিত হইয়াছিল ।

৫ । নববিবিবিলাস । ইং ১৮৩১ (?)

‘নববিবিবিলাস’ সম্ভবতঃ ১৮৩১ খ্রীষ্টাব্দে প্রকাশিত হইয়া থাকিবে ।  
পুস্তকখানি মুদ্রিত হইবার পূর্বে এই বিজ্ঞাপনটি প্রচারিত হয় :—

সম্প্রতি উক্ত যন্ত্রে [ “বহুবাজারে নেবুতলার লেনে অমর সিংহ  
চৌধুরীর বাটীতে উপেন্দ্রলাল যন্ত্রে” ]...বিবিবিলাস...মুদ্রিত হইবে  
এতৎপ্রযে গ্রহণাতিলাবী যদি কেহ হন তবে মলকার শ্রীকৃত

ব্রজমোহন সিংহ চৌধুরির নিকটে পত্রী প্রেরণ করিবেন...  
বিবিবিলাস এক টাকা ইতি।—‘সমাচার দর্পণ’, ২৮ আগষ্ট ১৮৩০।

১৮৪০ খ্রীষ্টাব্দে ‘নববিবিবিলাস’ তৃতীয় বার মুদ্রিত হয়;\* এই সংস্করণে গ্রন্থকাররূপে কাহারও নাম ছিল না। কিন্তু ১৮৫২ এবং ১৮৫৩ খ্রীষ্টাব্দে প্রকাশিত সংস্করণে ভোলানাথ বন্দ্যোপাধ্যায়ের নাম আছে; ইহাও ভবানীচরণের ছদ্ম নাম।

‘নববিবিবিলাসে’র ভূমিকার নিম্নাংশ হইতেও মনে হওয়া স্বাভাবিক যে, ভবানীচরণই ইহার লেখক ছিলেন :—

যত্বেপি নব বাবু বিলাসে নব বাবুদিগের স্বভাব সুপ্রকাশ আছে, কিন্তু সে গ্রন্থের ফল খণ্ডে লিখিত ফলের প্রধান মূল বাবুদিগের বিবি, সেই বিবিরূপ প্রধান মূলের অঙ্কুরাবধি শেষ ফল তাহাতে সবিশেষ ব্যক্ত হয় নাই; এ নিমিত্তে তৎপ্রকাশে, প্রয়াসপূর্বক নববিবি বিলাস নামক এই গ্রন্থ রচনা করিলাম।—পৃ. ৩

কোন বাবু আপন আশার সুসারহেতু ঐ কামিনীর নিকট দূতী প্রেরণ করেন, সেই দূতী কামিনীকে যেরূপ রস দেখাইয়া বশ করে তাহা দূতীবিলাস গ্রন্থেই নির্ঘাস মতে প্রকাশ হইয়াছে, পুনরায় তাহা লিখন অপয়োজন; .।—পৃ. ৬

বস্তুতঃ ভবানীচরণই যে ‘নববিবিবিলাস’ রচনা করেন, কবি বঙ্গলাল বন্দ্যোপাধ্যায় তাহার উল্লেখ করিয়াছেন :—

ভবানীচরণ বন্দ্যোপাধ্যায় কুকবি নহেন. সুকবিও নহেন,  
তদ্বিরচিত বাবু বিলাস বিবি বিলাস দূতী বিলাস গ্রন্থে ইয়ং বেঙ্গাল

\* ‘বাক্যলা প্রাচীন পুথির বিবরণ’—মুন্সী শ্রীশ্যামচন্দ্র করিম লিপিত। ১ম খণ্ড, ১ম সংখ্যা, পৃ. ২৬৬।

ওল্ড বেঙ্গালের যথার্থ চিত্র বিচিত্রিত হইয়াছে, ... ।—‘বাঙ্গালা কবিতা বিষয়ক প্রবন্ধ’ ( ১৮৫২ ), পৃ. ৪৭ ।

### ৬। শ্রীশ্রীগয়াতীর্থ বিস্তার । ইং ১৮৩১ ।

এই পুস্তকের প্রথম সংস্করণ ১২৩৮ সালে ( ইং ১৮৩১ ) এবং দ্বিতীয় সংস্করণ ১৮৪৩ খ্রীষ্টাব্দে প্রকাশিত হয় । ‘সমাচার চন্দ্রিকা’ হইতে দুইটি অংশ উদ্ধৃত করিতেছি ; তাহা হইতে উভয় সংস্করণের প্রকাশকাল জানা যাইবে :—

শ্রীশ্রীগয়াতীর্থ বিস্তার গ্রন্থ পঢ় পয়ার ভাষায় সর্বসাধারণের মনোরঞ্জনক হইয়াছে যেহেতু পুরাণাদিতে সকলি আছে বটে কিন্তু শূদ্রাদির সকল পাঠ্য নহে ।—কশ্চচিৎ চন্দ্রিকাপাঠকশ্চ ।...৩ বৈশাখ ।  
—‘সমাচার চন্দ্রিকা,’ ২২ এপ্রিল ১৮৩১ ।

শ্রীশ্রীগয়াতীর্থ বিস্তার । পাঠকবর্গের স্মরণ থাকিতে পারে গত ১২৩৮ সালে আমরা গয়াতীর্থ বিস্তার নামক একখানি ক্ষুদ্র বহি রচনা পূর্বক মুদ্রিত করিয়া চন্দ্রিকা গ্রাহকগণের পারিতোষিক প্রদান করিয়াছি এক্ষণে সেই গ্রন্থ এ যন্ত্রালয়ে আর না থাকাতে কোন ২ ব্যক্তির অনুরোধ রক্ষা করিতে পারি নাই তজ্জন্য পুনর্বার ঐ পুস্তক মুদ্রাঙ্কিত করা গেল...। বায়ুপুরাণের সহিত ঐক্য করিয়া স্থান প্রত্যেক করত গোড়ীয় সাধুভাষায় পয়ারছন্দে রচনা করা গিয়াছে তাহা তদ্ব্যমগামিদিগের উপকারজনক বটে ।—‘সমাচার চন্দ্রিকা,’ ৭ ডিসেম্বর ১৮৪৩ ।

### ৭। আশ্চর্য উপাখ্যান । ইং ১৮৩৫ । পৃ. ২০ ।

আশ্চর্য উপাখ্যান অর্থাৎ মুক্ত কালীশঙ্কর ঝায়ের বিবরণ । কয়তাদিকীর্তিকৃত্য ইহাতে বর্ণন । কলিকাতা নগরে সমাচার-চন্দ্রিকা যন্ত্রে মুদ্রিত হইল । ১ চৈত্র ১২৪১ সাল ।

যশোহর, নড়াইলের জমিদার কালীশঙ্কর রায়ের কীর্তি-কাহিনী এই পুস্তিকায় পয়ার ছন্দে বর্ণিত হইয়াছে। ইহার শেষ পৃষ্ঠায় গ্রন্থকারের নাম এই ভাবে দেওয়া আছে—

শ্রীভবানী চরণ বিজ্ঞ বন্দ্যোপাধ্যায়।

স্বকৃতির পুণ্য কীর্তি রচিলা ভাষায় ॥

৮। পুরুষোত্তম চন্দ্রিকা। ইং ১৮৪৪। পৃ. ৭৭।

শ্রীশ্রীজগন্নাথঃ শ্রীভবানীচরণ বন্দ্যোপাধ্যায় কর্তৃক সংগৃহীতা পুরুষোত্তম চন্দ্রিকা। অর্থাৎ শ্রীক্ষেত্রধামের বিবরণ। সমাচার চন্দ্রিকা যন্ত্রে মুদ্রিতা হইল ইতি। ১৭৬৬ শকাব্দ ১২২১ সাল।

এই পুস্তক প্রকাশিত হইবার পর ইহার বিষয়বস্তু সম্বন্ধে ১৬ সেপ্টেম্বর ১৮৪৪ তারিখে 'সমাচার চন্দ্রিকা' লিখিয়াছিলেন :—

শ্রীশ্রীপুরুষোত্তম চন্দ্রিকা। পাঠকবর্গের স্মরণ আছে আমরা পূর্বে পুরুষোত্তম চন্দ্রিকা চন্দ্রিকা যন্ত্রে মুদ্রিতারস্ত্র করিয়া আপনাবদিগকে সংবাদ দিয়াছি এক্ষণে বিদিত করিতেছি যে সেই পুস্তক মুদ্রিত সমাপ্ত হইয়াছে...। গ্রন্থের সংক্ষেপ বিবরণ এই প্রথমত সম্বন্ধেত্র অর্থাৎ পুরোধামে প্রসিদ্ধ যত দেবমূর্তি আছেন এবং তথায় গমন করিয়া যে ২ প্রকারে তীর্থ করিতে হয় ও শ্রীশ্রীমূর্তির ষাদশ যাত্রা ছত্রিশ নিয়োগ ইত্যাদি অশেষ রূপে লিখিত হইয়াছে অপর ঐ ধামে প্রতিদিন যে ২ কার্য নির্বাহ হয় তাহা উড়িয়া ভাষায় লিখিত হইয়া থাকে তাহার নাম মাদলা পত্রিকা কহে সেই পত্রিকা হইতে কনিষুগের আয়ত্তাবধি বর্তমান সময় পর্যন্ত যত রাজা ঐ রাজ্য অধিকার করিয়াছেন ফলত রাজা যুধিষ্ঠিরাবধি বর্তমান রাজা রামচন্দ্র দেবের অধিকার পর্যন্ত যত ২ নূতন কীর্তি হইয়াছে ও তাঁহারদের রাজ্য কাল শকাব্দ সহিত মিলিত করিয়া এতাবৎ

সংক্ষেপে সংগৃহীত হইয়াছে তাহাতে প্রকাশ আছে রক্তবাহু  
কামাপাহাড় ইত্যাদির উপাখ্যান বা ইতিহাস অতি আশ্চর্য।  
দ্বিতীয় চক্রক্ষেত্র যাহা ভুবনেশ্বর নামে প্রসিদ্ধ তথায় কোটি লিঙ্গ  
আছেন। তৃতীয় গয়াক্ষেত্র ফলত যাজপুর যে স্থানে নাভিগয়া  
অর্থাৎ গয়াস্থরের নাভিদেশ তথায় গয়াশ্রদ্ধ করিতে হয়। চতুর্থ  
পদ্মক্ষেত্র যাহা কণারক বলিয়া খ্যাত তথায় সূর্য ও চন্দ্রমূর্তি ছিলেন  
তাহা পুরীধামে আনীত হন ইত্যাদি নানা ইতিহাস সম্বন্ধিত উক্ত  
চারি ক্ষেত্রের বিশেষ বিবরণ অস্বয়ং কর্তৃক গোড়ীয় ভাষায় গদ্য পদ্য  
রচনার পুরুষোত্তম চন্দ্রিকা নামে প্রস্তুত হইয়াছে। গ্রন্থের পুস্তক  
মূল্য ১ টাকা দ্বির করা গিয়াছে ইতি।

## সম্পাদিত প্রাচীন গ্রন্থ

ভবানীচরণ তাঁহার সমাচার চন্দ্রিকা মুদ্রাযন্ত্রে কয়েকখানি প্রাচীন  
সংস্কৃত গ্রন্থ পুনর্মুদ্রিত করিয়াছিলেন। তাঁহার জীবনচরিতে প্রকাশ :—

তিনি সটীক শ্রীভাগবতের ও সটীক মহাসংহিতার দুপ্রাপ্যতা  
নিরাকরণ কারণ বহুবারে পুস্তকস্বরূপ মুদ্রিত করেন। এতদেশে  
অত্রিসংহিতা প্রভৃতি মূলমুদ্রিত প্রচলন ছিল না একারণ ঐ মহাশ্রী  
জ্ঞানিগণ নানা দেশ হইতে তাহার আদর্শ আনাইয়া ভাষাভাষা  
সংশোধন পূর্বক উনবিংশতি সংহিতা মুদ্রাঙ্কিত করিয়া দেশের  
পর্যায়কার্য করেন, তদনন্তর সটীক শ্রীভাগবদ্গীতা ও সটীক  
প্রবোধ-চন্দ্রোদয় নাটক ও হান্তার্ণব নাটক প্রভৃতি কয়েকখানি  
সংস্কৃত গ্রন্থ মুদ্রাঙ্কণ করিয়াছেন, পরিশেষে গত বর্ষে বহুদিনের  
প্রতিজ্ঞাত শ্রীমদ্বৈক্যনন্দন ভট্টাচার্য কর্তৃক ২৮ ভদ্র নব্য শ্রুতি সম্পূর্ণ রূপ  
মুদ্রিত করেন।—পৃ. ১৬

এই সকল গ্রন্থের মধ্যে আমি যেগুলির সন্ধান পাইয়াছি, তাহাদের নাম, প্রকাশকাল প্রভৃতি উল্লেখ করিতেছি :—

১। হাশ্মার্ণব ।

‘রাজাবলী’ নামক ইতিহাসগ্রন্থ-রচয়িতা নশিরাধিপতি বিজয়-গোবিন্দ সিংহের নির্দেশে ভবানীচরণ (খুব সম্ভব ১২শ শতাব্দীর ৩য় দশকে) জগদীশ্বর-কৃত ‘হাশ্মার্ণব’ গ্রন্থের একটি বিশিষ্ট সংস্করণ প্রকাশ করিয়াছিলেন ।

২। শ্রীমদ্ভাগবত । ইং ১৮৩০ । পত্র ৫০০ ।

ইহা পুথির আকারে তুলট কাগজে দুই খণ্ডে মুদ্রিত । ইতিপূর্বে বোধ হয়, এই ধরণে আর কোন গ্রন্থ ছাপা হয় নাই । ভবানীচরণ ‘শ্রীমদ্ভাগবত’ ব্রাহ্মণদ্বারা মুদ্রাঙ্কিত করাইয়াছিলেন । তিনি সংবাদপত্রে এই গ্রন্থের যে বিজ্ঞাপন দেন, তাহা উদ্ধৃত করিতেছি :—

চন্দ্রিকায়ন্ত্রাধক্ষ্য শ্রীভবানীচরণ বন্দ্যোপাধ্যায়স্ত বিজ্ঞাপনমিদং  
শ্রীমদ্ভাগবত - গ্রন্থের অপ্রাপ্তি দূর করণার্থে ছাপা করিতে প্রবৃত্ত  
হইয়াছি তুলাত কাগজে প্রাচীন ধারামত পুস্তকের পাত করিয়া বড়  
অক্ষরে মূল ক্ষুদ্রাক্ষরে শ্রীধর স্বামির টিকা এই প্রণালীতে সংশোধিত  
করিয়া চন্দ্রিকায়ন্ত্রে ব্রাহ্মণদ্বারা মুদ্রাঙ্কিত করাইব ইহার মূল্য  
স্বাক্ষরকারি গ্রাহকের নিমিত্তে ৩২ টাকা শুদ্ধিমান্ত গ্রাহক ৫০ টাকা  
স্থির করিয়াছি... ।—‘সমাচার দর্পণ,’ ২৫ আগষ্ট ১৮২৭ ।

গ্রন্থের পুস্তিকার ভবানীচরণের বংশ-লতা এবং মুদ্রণসমাপ্তিকাল (৩১ বৈশাখ ১৭৫২ শক=১২ মে ১৮৩০) দেওয়া আছে । এই গ্রন্থ জোড়াসাঁকো-রাজবাটীর রাজা শিবচন্দ্র দ্বায়ের অর্থাভুল্যে মুদ্রিত হয় । ৩১ মে ১৮৪২ তারিখে ‘সংবাদ ভাস্কর’ লেখেন :—

রাজা শিবচন্দ্র দ্বায় বাহাদুর বিজ্ঞানসুধাঙ্গী ছিলেন, তাহার

ধনেতেই চন্দ্রিকা যন্ত্রালয়ে শ্রীমদ্ভাগবত গ্রন্থ অতি শুদ্ধরূপে মুদ্রাঙ্কিত হয়, তাহার প্রত্যেক গ্রন্থের মূল্য ৩২ টাকা নির্দিষ্ট করিয়া চন্দ্রিকাসম্পাদক ভবানীচরণ বন্দ্যোপাধ্যায় বাবু টাকা লইয়াছেন, রাজা শিবচন্দ্র রায় বাহাদুর সে টাকা গ্রহণ করেন নাই।

৩। প্রবোধচন্দ্রোদয় নাটকং। ইং ১৮৩৩। পত্র ৫৪।

১৮৩৩ খ্রীষ্টাব্দে জুন মাসে শ্রীকৃষ্ণ মিশ্রের 'প্রবোধচন্দ্রোদয় নাটক' তুলট কাগজে পুথির আকারে মুদ্রিত হয়। গ্রন্থশেষে মুদ্রণসমাপ্তিকাল (২০ শ্রাবণ ১৭৫৫ শক) এই ভাবে দেওয়া আছে :—

শরহরাস্ত্রভূধরধরনিপরিমিতশকাঙ্গীয়াশ্রাবণশ্রু িংশতিবাসরে  
কলিকাতানগরে বন্দ্যঘটীয়শ্রীভবানীচরণশর্মা পরমকরণাবদ-  
গ্রগণ্যমান্যবদান্তবংশপ্রসূত নড়ালনিবাসি শ্রীযুক্ত বাবু বাধাচরণরায়-  
মহাশয়মহোদয়শ্রীকুমত্যা প্রবোধচন্দ্রোদয়নামধেয়নাটকমিদং সমাচার-  
চন্দ্রিকাযন্ত্রেণ মুদ্রাঙ্কিতং ॥

৪। মনুসংহিতা। ইং ১৮৩৩। পত্র ২৬৫।

গ্রন্থের পুস্তিকায় মুদ্রণসমাপ্তিকাল—২০ ফাল্গুন ১৭৫৪ শক=২ মার্চ ১৮৩৩ দেওয়া আছে। ইহাও তুলট কাগজে পুথির আকারে মুদ্রিত। সাতক্ষীর জমিদার (তৎকালে কাশীপুর-নিবাসী) প্রাণনাথ চৌধুরীর আনুকূল্যে মনুসংহিতা মুদ্রিত হয়।

৫। উনবিংশ সংহিতা। ইং ১৮৩৩ (?)

সংহিতাগুলির নাম—অঙ্গিরা, আপস্তম্ব, অত্রি, শঙ্খ, শাতাতপ, দক্ষ, গোতম, হারীত, কাत्याয়ন, লিখিত, পরাশর, সম্বর্ত, উশনা, বিষ্ণু, বৃহস্পতি, ব্যাস, যাজ্ঞবল্ক্য, যম ও বশিষ্ঠসংহিতা। এই সকল সংহিতার কোনখানিতেই মুদ্রণকাল দেওয়া নাই। আনুমানিক ১৮৫৩ খ্রীষ্টাব্দে এগুলি পুথির আকারে তুলট কাগজে মুদ্রিত হয়।



৬। শ্রীভগবদ্গীতা। ইং : ৮৩৫।

ইহাতে প্রকাশকাল এই ভাবে দেওয়া আছে :—“সিক্কেশ্বরধরধর-  
ধরাশাকীয়াখিনন্দ্র তৃতীয়বাসরে” ( ৩ আশ্বিন ১৭৫৭ শক )। ইহাও  
তুলট কাগজে পুথির আকারে মুদ্রিত।

৭। রঘুনাথ ভট্টাচার্যকৃত অষ্টাবিংশতি ভব নব্য স্মৃতি।

তুলট কাগজে পুথির আকারে মুদ্রিত। গ্রন্থে মুদ্রণকাল দেওয়া  
নাই। খুব সম্ভব ১৮৪৮ খ্রীষ্টাব্দে ইহার মুদ্রণ সমাপ্ত হয়।

## ভবানীচরণ ও বাংলা-সাহিত্য

ভবানীচরণের মত মনীষীর কীর্তি ও কর্মজীবনের এই ইতিহাস  
অত্যন্ত অসম্পূর্ণ; সমসাময়িক সমাজ-জীবনে তাঁহার যে কি পরিমাণ  
প্রতিষ্ঠা ছিল, আজিকার দিনে তাহা আমাদের পক্ষে অনুমান করাও  
কঠিন। সমগ্র হিন্দুসমাজ এক দিন সামাজিক ব্যাপারে মতামতের জন্য  
তাঁহার মুখ চাহিয়া বসিয়া থাকিত—তিনি সর্বত্র নেতৃত্ব করিয়া  
ফিরিতেন। কিন্তু বাংলা-সাহিত্যের পরিপুষ্টির দিক্ দিয়াও ভবানীচরণের  
দান নগণ্য নহে। সাহিত্যে তিনিই সর্বপ্রথম ব্যঙ্গরচনার সূচনা  
করেন; তাঁহারই স্পর্শে বাংলা-সাহিত্যের ‘শুকং কাষ্ঠং’ ধীরে ধীরে  
‘নীরসতরুণঃ’ হইয়া উঠিবার লক্ষণ প্রকাশ করে, তিনিই সর্বপ্রথম  
সাহিত্যের দর্পণে বাবু ও বিবি বাঙালীকে নিজ নিজ মুখ দেখাইয়া  
আত্মস্ব হইতে শিক্ষা দেন; পঞ্চদশ বাঙালীকে মাহুষ করিয়া তুলিবার  
প্রথম ইঙ্গিত তাঁহার রচনাতেই আমরা দেখিতে পাই। শতাব্দীর  
পরপার হইতে এই মনস্বী বাঙালীকে তাঁহার সমকালিক সকল গরিমায়  
প্রত্যক্ষ করিতে পারিলে আমাদের আত্মসম্মানবোধ জাগ্রত হইবে,  
তাঁহার প্রতি আমাদের যথার্থ শ্রদ্ধা নিবেদিত হইবে।

ভবানীচরণ কালের অগ্রগতির সহিত ভাল রাখিতে পারেন নাই বলিয়া নিজের কীর্তিসম্মেত কালগর্ভে বিলীন হইয়াছেন, কিন্তু সাহিত্যের ঐতিহাসিকের নিকট তাঁহার দান অবহেলিত হইবার নহে। বাংলা সাহিত্যের বর্তমান সমৃদ্ধ হর্ম্য নির্মাণে ভবানীচরণের প্রতিভা ও অধ্যবসায়-রচিত ইষ্টকরাজি এক দিন সবিশেষ সাহায্য করিয়াছিল; সেই হর্ম্য যত দিন না ধ্বসিয়া পড়িবে, তত দিন ভবানীচরণকে আমরা স্মরণ করিতে বাধ্য থাকিব। বাংলা-গদ্যে রসরচনার প্রথম শিল্পী হিসাবে ভবানীচরণের নাম চিরকাল কীর্তিত হইবে।

ভাষার নিদর্শন-স্বরূপ ভবানীচরণের রচনা হইতে কিছু কিছু উদ্ধৃত করিতেছি :—

### ‘কলিকাতা কমলালয়’ :

দেখ এ স্থানে যে সকল লোক দুর্গোৎসব করেন তাহাকে ঝাড় উৎসব, বাতি উৎসব, কবি উৎসব, বাই উৎসব, কিম্বা স্ত্রীর গহনা উৎসব, ও বন্দোৎসব বলিলেও বলা যায় ইত্যাদি নানা প্রকার বাঙ্গ বিদ্রূপ করিয়া নিন্দা করিয়া থাকেন। ( পৃ. ১১ )

বি, প্রি, মহাশয় এই কলিকাতায় ভাগ্যবান্ লোকের বাটীতে আমারদিগের দেশস্থ কতকগুলি লোক কোন২ কর্মে নিযুক্ত আছেন তাঁহারদিগের প্রমুখাৎ অবগত হইয়াছি যে বাবুসকল নানা জাতীয় ভাষার উত্তম২ গ্রন্থ অর্থাৎ পার্শি ইংরাজী আরবি কেতাব ক্রয় করিয়া কেহ এক বা দুই গেলানওয়ালা আলমাদির মধ্যে সুন্দর শ্রেণী পূর্বক এমত সাজাইয়া রাখেন যে দোকানদারের বাপেও এমত সোনার হল করিয়া কেতাব সাজাইয়া রাখিতে পারে না আর তাহাতে এমন যত্ন করেন এক শত বৎসরেও কেহ বোধ করিতে পারেন না যে এই

কেতাবে কাহারও হস্তস্পর্শ হইয়াছে অন্য পরের হস্ত দেওয়া দূরে থাকুক জেলদগর ভিন্ন বাবুও স্বয়ং কখন হস্ত দেন নাই এবং কোন কালেও দিবেন এমন কথাও শুনা যায় না, ...। ( পৃ. ৬৭-৬৮ )

ন, উ, শুন যাহারা বাবুর মোসাহেব রূপে খ্যাত হয় তাহাদিগের বিষয় তোমাকে কি বলিব আমার বোধ হয় বুঝি ঐ নরাদিগেরদিগের ইহকালও নাই পরকালও নাই, তবে দিনপাতের বিষয়, তাহা বাবুর প্রসাদে আপনঃ উদর পূরণ হয়, যদি কাহার পরিবার থাকে তবে তাহাদিগের পরমেশ্বর দিন চালাইবেন ইহাই ভাবে, আর কখনঃ বাবু কিছুঃ দিয়া থাকেন তাহা বুঝি কেহঃ পরিবারেরদিগকে দেয়, প্রায় অনেকেই তাহাদিগের ইহকাল নিস্তারকর্তীকেই দিয়া থাকে বাটীর পরিবারেরা কোন উপায় করিয়া লয়।—( পৃ. ৮২-৯০ )

### ‘নববাবুবিলাস’ :

অমাত্যবর্গেরা কহিলেন বাবুরদিগের যেরূপ বুদ্ধি ও মেধা এরূপ প্রায় দৃষ্টচর্য নহে আমরা পাঠশালায় দেখিয়াছি অঙ্কের সহিত দেখাইবা মাত্র গ্রহণ করিয়া থাকেন এবং প্রবণ মাত্রই শ্লোক অভ্যাস করেন ইহারা মহাশয়ের নাম সঙ্ঘম ও কুলোজ্জল করিবেন আর কহিলেন বাঙ্গালা লেখাপড়া একপ্রকার হইয়াছে আর যদি কিছু অপেক্ষা থাকে তাহাও হইয়া উঠিবেক আপনাদিগের জাতি বিত্তা আর এমনি এ বংশের গুণ আছে না পড়িলেও বিত্তা হয় সংপ্রতি এই অবধি পারসী পড়াইলে ভাল হয়। কর্তা কহিলেন আমিও মনে মনে স্থির করিয়াছি যে এক বেলা বাঙ্গালা এক বেলা পারসী পড়াইলে ভাল হয় অমাত্যেরা কহিলেন উত্তম আত্মা করিয়াছেন ইত্যাদি অনেক খোসামোদের কথা কহিতে লাগিলেন ...।

...অনন্তর চট্টগ্রামনিবাসী অপূর্ব মিষ্টভাষী এক উপযুক্ত মুনসী তিনি বোট আপিসের মাঝি ছিলেন, এক সার্টিফিকেট দেখাইলেন কর্তার যেরূপ বিজ্ঞা তাহা পূর্বে লিখিয়াছি তাহাতেই সুবিদিত আছেন, কর্তা মহাশয় ঐ ইংরাজী লিখিত সার্টিফিকেট পাঠ করিয়া বলিলেন যে অনেক দিবসাবধি এ ব্যক্তি মুনসীগিরি কর্ম করিয়াছে তাহাতে লেখা আছে, যে এ ব্যক্তি মাঝি বড় ভাল মনুষ্য এক্ষণে বৃদ্ধ হইয়াছে এ প্রযুক্ত আমার কর্ম হইতে ছাড়াইল, কর্তা জিজ্ঞাসা করিলেন তুমি কত কাল এ সাহেবের নিকট চাকর ছিলে, মুনসী কহেন উহাতে লেখা আছে আপনি দেখিবার চান তো দেখুন ; কর্তা কহিলেন হাঁ আছে বটে, কোন্ সাহেবের কর্ম করিতে, আজ্ঞা কর্তা, বালবর কোম্পানি, কোম্পানির মুনসী শুনিয়া মহা সন্তুষ্ট হইলেন পরে মাঝি পূর্বলিখিত বেতনে সেই সকল কর্ম স্বীকার করিলেন। পরদিবস বাবুদিগের পাঠ আরম্ভ হইল। অতিশুদ্ধবুদ্ধিপ্রযুক্ত দুই বৎসর মধ্যেই প্রায় করিয়া সমাপ্তি করিলেন, গোলেন্টা বোস্টা আরম্ভ করিয়া ইংরাজী পড়িবার নিমিত্ত বাবুরা স্বয়ং চেষ্টক হইলেন বয়ঃক্রম প্রায় তের চৌদ্দ বৎসর হইয়াছে, ইংরাজী কাহার নিকট পড়িবেন ইহার চেষ্টায় কখন আবাতুন পিৎরুস, ডিকরুস, ফালস ইত্যাদি সাহেবের ইস্কুলে গমনাগমন করেন, কিন্তু বাবুদিগের কেহ ভালমতে বুঝাইতে পারেন না, ...।

সাহিত্য-সাধক চরিতমালা—৫

রামনারায়ণ তর্করত্ন

১৮২২-১৮৮৬



# ৰামনাৰায়ণ তৰ্কৰত্ন

ব্ৰজেন্দ্ৰনাথ বন্দ্যোপাধ্যায়



বঙ্গীয়-সাহিত্য-পরিষৎ  
২৪৩১, আচার্য প্রফুল্লচন্দ্র রোড,  
কলিকাতা-৭০০০০৬

প্রকাশক  
শ্রীদিলীপকুমার বিশ্বাস  
সম্পাদক  
বঙ্গীয়-সাহিত্য-পরিষৎ

প্রথম সংস্করণ—পৌষ ১৩৪৭ ; দ্বিতীয় সংস্করণ—ভাদ্র ১৩৪৯ ;  
তৃতীয় সংস্করণ—চৈত্র ১৩৫০ ; চতুর্থ সংস্করণ—বৈশাখ ১৩৫৪ ;  
পঞ্চম মুদ্রণ—মাঘ ১৩৮৯ ।

মূল্য—তিন টাকা

মুদ্রাকর :  
শ্রীমতী রেখা দে : শ্রীহরি প্রিন্টার্স  
১২২/৩, স্বাভা দীনেত্র স্ট্রীট, কলিকাতা-৭০০০০৪



মধুসূদন দত্তের 'তিলোত্তমাসম্ভব কাব্যে'র পূর্বে দুই এক জন বাঙালী কবি ইংরেজী কাব্যের প্রভাবে পড়িয়া সম্পূর্ণ নূতন পদ্ধতিতে কাব্য-রচনার সূত্রপাত করিয়া থাকিলেও আমরা যেমন আজও পর্যন্ত তাঁহাকেই আধুনিক পদ্ধতির সর্বপ্রথম কবি হিসাবে সম্মান করিয়া থাকি, রামনারায়ণ তর্করত্ন বা নাটুকে রামনারায়ণকেও তেমনই দুই চারি জন পূর্বগামী নাট্যকারের নাট্যপ্রচেষ্টা সত্ত্বেও সর্বপ্রথম আধুনিক নাট্যশিল্পীর সম্মান দিয়া থাকি। ইহার কারণ এই যে, মাইকেলের মত তিনিও অসাধারণ শিল্পপ্রতিভাবলে প্রাণহীন গতানুগতিকতার মধ্যে প্রাণসঞ্চার করিতে পারিয়াছিলেন; উনবিংশ শতাব্দীর মধ্যভাগে ইউরোপীয় রঙ্গমঞ্চের অনুকরণে বাংলাদেশে যে রঙ্গমঞ্চের উদ্ভব হইয়াছিল, তাঁহারই কবি-কীর্তির দ্বারা তাহা সর্বপ্রথম সার্থকতা লাভ করে। ইহা এক হিসাবে অধিকতর বিশ্বয়কর এই কারণে যে, বহু-ভাষাবিদ মধুসূদন ইউরোপীয় জ্ঞানসমৃদ্ধ মগ্নন করিয়াছিলেন বলিলেও অত্যাক্তি হয় না; কিন্তু পণ্ডিত রামনারায়ণ তর্করত্ন দীর্ঘকাল কলিকাতা গবর্নমেন্ট সংস্কৃত কলেজে সংস্কৃত ব্যাকরণ অলঙ্কারের এক জন অধ্যাপক ছিলেন, ইউরোপীয় বা আধুনিক পদ্ধতির সহিত তাঁহার প্রত্যক্ষ কোনই পরিচয় ছিল না। সংস্কৃত কাব্য ও অলঙ্কারে তাঁহার অসাধারণ অধিকার ছিল, তিনি অধ্যাপক হিসাবে প্রসিদ্ধ ছিলেন—তাঁহার এই সকল পরিচয় আজিকার দিনে প্রস্তুতভাবে বিষদ্রোভিত হইয়াছে; কিন্তু বাংলা ভাষার প্রথম যথার্থ নাট্যকার হিসাবে তিনি আজিও সর্বোত্তম বাঙালী সাহিত্য ও সংস্কৃতির ইতিহাসে বিরাজ করিতেছেন। তাঁহার জীবনী ও কীর্তির পুনরালোচনা মধুদত্ত বাঙালী পাঠকের নিকট অনাবশ্যক বিবেচিত না হইতেও পারে।

## বাল্য ও ছাত্র-জীবন

২৬শে ডিসেম্বর ১৮২২ তারিখে চব্বিশ-পরগণার অন্তঃপাতী হরিনাভি গ্রামে রামনারায়ণ জন্মগ্রহণ করেন। তাঁহার পিতার নাম রামধন শিরোমণি। রামনারায়ণ “বাল্যাবস্থাতেই দেশে ও বিদেশে চৌবাড়িতে ব্যাকরণ, কাব্য ও শ্বতির কিয়দংশ এবং গায়শাস্ত্রের অনুমানখণ্ড প্রায় অধ্যয়ন” করেন।

রামনারায়ণ শৈশবেই পিতামাতাকে হারাইয়াছিলেন। তাঁহার কোন পরিচিত বন্ধু লিখিয়াছেন, “তিনি তাঁহার জ্যেষ্ঠ সহোদর স্বর্গীয় প্রাণকৃষ্ণ বিজ্ঞাসাগর\* ও তৎপত্নী কর্তৃক লালিত হইয়া পিতৃ মাতৃ বিয়োগ কষ্ট অনুভব করিতে পারেন নাই। আমরা তর্করত্ন মহাশয়কে স্বীয় ভ্রাতৃজ্ঞায়ার গুণোদঘোষণা করিয়া বলিতে শুনিয়াছি যে, ‘তিনি শৈশবে আমার মাতৃস্নেহে পালন না করিলে বোধ হয় শৈশবেই আমার মৃত্যু লোপ হইত’।”‡

\* প্রাণকৃষ্ণ বিজ্ঞাসাগর ১৮৪৩-৪৫ খ্রীষ্টাব্দে প্রথম ও দ্বিতীয় ব্যাকরণ-শ্রেণীর অধ্যাপকের প্রতিনিধিরূপে আর তিন বৎসর সংস্কৃত কলেজে অধ্যাপনা করিয়াছিলেন। ২০ মে ১৮৪৬ হইতে তিনি মাসিক ৪০ টাকা বেতনে সংস্কৃত কলেজের চতুর্থ ব্যাকরণ-শ্রেণীর অধ্যাপক নিযুক্ত হন। ১৮৫৫ খ্রীষ্টাব্দের ৭ই মে তাঁহার মৃত্যু হয়। প্রাণকৃষ্ণ বিজ্ঞাসাগর যে-সকল পুস্তক রচনা করিয়াছিলেন, তাহার মধ্যে আমি এই কয়খানি দেখিয়াছি—‘কুলরহস্য’ (ইং ১৮৪৪), ‘শ্রীশ্রীঅন্নপূর্ণাশতকং’ (ইং ১৮৪৫), ‘ধর্মসভা বিলাস’ (ইং ১৮৫০) ও ‘শ্রীশিবশতক স্তোত্ররত্ন’ (ইং ১৮৫৪)। তিনি যোগ্যতার সহিত কিছু দিন ভবানীচরণ বন্দ্যোপাধ্যায়-প্রতিষ্ঠিত ‘সমাচার চন্দ্রিকা’ সম্পাদন করিয়াছিলেন।

‡ “বঙ্গীয় কবিকেশরী রামনারায়ণ তর্করত্ন” : ‘শিল্পপুস্পাঞ্জলি’, ১২৯২ সাল, পৃ. ১৫৬।

## চাকুরী

১৮৪৩ খ্রীষ্টাব্দের আগস্ট মাসে প্রাণকৃষ্ণ বিজ্ঞানাগর অহারী ভাবে কিছু দিনের জন্য গবর্নেন্ট সংস্কৃত কলেজে ব্যাকরণের প্রথম শ্রেণীর অধ্যাপক হন। এই সময় রামনারায়ণ ভ্রাতার নিকট থাকিয়া সংস্কৃত কলেজে প্রবিষ্ট হন। ১৮৪৩ হইতে ১৮৫৩ খ্রীষ্টাব্দের প্রথম ভাগ পর্যন্ত—দশ বৎসর তিনি গবর্নেন্ট সংস্কৃত কলেজে অধ্যয়ন করিয়াছিলেন। বৃত্তিপ্রাপ্ত কৃতী ছাত্র হিসাবে কলেজে তাঁহার সুনাম ছিল।

## চাকুরী

### হিন্দু মেট্রোপলিটন কলেজ

কলিকাতা গবর্নেন্ট সংস্কৃত কলেজের পাঠ সাক্ষ করিয়া রামনারায়ণ হিন্দু মেট্রোপলিটন কলেজের প্রধান পণ্ডিতের পদে নিযুক্ত হন। স্বাস্থ্যসুনাথ দত্ত-প্রমুখ কয়েক জন বিদ্যোৎসাহী ব্যক্তির চেষ্টায় সিঁহুরিরাপটীর ৬ রামগোপাল মল্লিকের বৃহৎ বাটীতে এই কলেজ প্রতিষ্ঠিত হয়। ইহার সহিত শীল্দ স্ক্রি কলেজ ও ডেবিড হেয়ার অ্যাকাডেমিও সংযুক্ত হইয়াছিল। এই কলেজের ত্রীবৃদ্ধির নিমিত্ত রানী রামধবি দশ হাজার টাকা দান করিয়াছিলেন।\* কলেজের কার্য আরম্ভ হয় “১৮৫৩ সালের ২রা মে সোমবার।† রামনারায়ণের অধ্যাপনা বিষয়ে কবিবর ঈশ্বরচন্দ্র গুপ্ত যে মন্তব্য করিয়াছিলেন, নিয়ে তাহা উদ্ধৃত হইল :

ত্রীবৃদ্ধ রামনারায়ণ ভরুনিছার মহাশয় হিন্দু মেট্রোপলিটন কলেজের প্রধান পণ্ডিতের পদে অতিবিক্ত হওয়াতে ছাত্রদিগের

\* ‘সংবাদ প্রভাকর’, ১৩ মে ১৮৫০। † ‘সংবাদ প্রভাকর’, ৩০ এপ্রিল ১৮৫০।

বাকলা শিক্ষা অতি সূচাক্রমে নির্বাহ হইতেছে, ইনি অতি সুপণ্ডিত ও সংস্কৃত কালেজের একজন বৃত্তিধারি ছাত্র ছিলেন। বঙ্গভাষা লেখন পঠনেও বিশেষ পারদর্শী, পতিব্রতোপাখ্যান নামক পুস্তক লিখিয়া বঙ্গপুরের কুণ্ডি পরগণার বিখ্যাত ভূম্যধিকারি শ্রীযুত কালীচন্দ্র রায় চৌধুরী মহাশয়ের প্রদত্ত প্রাইজ গ্রহণ করিয়াছেন, অতএব এতাদৃশ সুযোগ্য মহাশয়ের সংযোগ দ্বারা অভিনব কালেজে বিজ্ঞালোকে পরিদীপ্ত হইবেক তাহার সন্দেহ নাই।—‘সংবাদ প্রভাকর’, ২৬ সেপ্টেম্বর ১৮৫৩।

২২ অক্টোবর ১৮৫৩ তারিখে রামনারায়ণ হিন্দু মেট্রোপলিটন কলেজের ছাত্রদিগের উপদেশার্থ বিজ্ঞা-বিষয়ক প্রকাশ্য বক্তৃতা করেন। এই বক্তৃতায় তিনি মাতৃভাষা শিক্ষার প্রয়োজনীয়তা বিষয়ে যাহা বলিয়াছিলেন, আজিকার দিনেও তাহার মূল্য আছে। তিনি বলেন :

তোমরা যেমন মনোযোগ পূর্বক ইংরাজী লিখিবে বাকলাও সেইরূপ শিক্ষা করিবে, বাকলার প্রতি কদাচ অনাহা করিবে না ; বাকলা এতদেশীয় মাতৃভাষা, সূতরাং মাতৃবৎ এই মাতৃভাষার প্রতি ভক্তি রাখা নিতান্ত আবশ্যিক। দেখ বর্তমান কালে যে সকল প্রদেশ দৃষ্টি ও শ্রুতি গোচর হইতেছে সে সমস্ত দেশীয় লোকেরা সকলি স্ব স্ব দেশীয় ভাষাকে উত্তম ভাষা জানে মাতৃ করিয়া থাকেন এবং সাধারণের এই এক প্রমিত্ত প্রথা আছে যে আপনং দেশীয় ভাষা সম্পূর্ণরূপে শিক্ষা না হইলে কেহই অগ্র ভাষা প্রতি ধাবমান হইবেন না অতএব তোমাদিগের দেশভাষার প্রতি বিমুখ হওয়া কদাচ উচিত নহে।

১৯ রামনারায়ণ ছই বৎসর যোগ্যতার সহিত হিন্দু মেট্রোপলিটন কলেজে প্রধান পণ্ডিতের পদের কার্য করিবার পর গবর্নেন্ট সংস্কৃত কলেজে যোগদান করেন।

কলিকাতা গবর্নমেন্ট সংস্কৃত কলেজ

১৫ জুন ১৮৫৫ হইতে ৩১ ডিসেম্বর ১৮৮২ খ্রীষ্টাব্দ পর্যন্ত—অন্যান্য  
সাড়ে সাতাশ বৎসর রামনারায়ণ সংস্কৃত কলেজে অধ্যাপনা  
করিয়াছিলেন। এই কয় বৎসরের মধ্যে তিনি কখন কোন্ পদে কত  
বেতনে কাৰ্য্য করিয়াছিলেন, তাহার সঠিক সংবাদ সংস্কৃত কলেজের  
পুরাতন নথিপত্রের সাহায্যে দিতেছি :

পদ	বেতন	কার্যকাল
অধ্যাপক, ৫ম ব্যাকরণ-শ্রেণী	৪০/-	১৫ জুন ১৮৫৫ হইতে ৩১ মার্চ ১৮৬০
ঐ ঐ ঐ	৪০/-	১ এপ্রিল ১৮৬০ হইতে ১১ জুন ১৮৬৩
ঐ ঐ ঐ	৪১/-	১২ জুন ১৮৬৩ হইতে ২০ মার্চ ১৮৬৪
ঐ ঐ ঐ	৫০/-	২৪ মার্চ ১৮৬৪ হইতে ৩০ জুন ১৮৭৩
দ্বিতীয় ব্যাকরণ-পণ্ডিত, সংস্কৃত কলিজিয়েট স্কুল	৬০/-	১ জুলাই ১৮৭৩ হইতে ২৮ ফেব্রুয়ারি ১৮৭৪
প্রথম ব্যাকরণ-পণ্ডিত ঐ ঐ	৬০/-	১ মার্চ ১৮৮৪ হইতে ৭ জুন ১৮৭৪
সহকারী অধ্যাপক—সংস্কৃত, অলঙ্কার প্রভৃতি, সংস্কৃত কলেজ	৮০/-	৮ জুন ১৮৭৪ হইতে ৩১ জুলাই ১৮৭৯
	৮৫/-	১ আগষ্ট ১৮৭৯ হইতে ৩১ জুলাই ১৮৮০
	৯০/-	১ আগষ্ট ১৮৮০ হইতে ৩১ জুলাই ১৮৮১
	৯৫/-	১ আগষ্ট ১৮৮১ হইতে ৩১ জুলাই ১৮৮২
	১০০/-	১ আগষ্ট ১৮৮২ হইতে ৩১ ডিসেম্বর ১৮৮২

৩০ ডিসেম্বর ১৮৮২ তারিখে রামনারায়ণ পেন্সনের জন্ত যথারীতি  
আবেদন করেন। সংস্কৃত কলেজের তদানীন্তন অস্থায়ী অধ্যক্ষ মহেশচন্দ্র  
স্বায়রত্ন ৬ জানুয়ারি ১৮৮৩ তারিখে এই আবেদনপত্র সুপারিশ করিয়া  
শিক্ষা-বিভাগের নিকট পাঠাইয়াছিলেন। ১ জানুয়ারি ১৮৮৩ তারিখ

হইতে রামনারায়ণের পেন্সন মঞ্জুর হইয়াছিল।\* সংস্কৃত কলেজে রামনারায়ণের শূণ্য পদে নিযুক্ত হন—পণ্ডিত হরপ্রসাদ শাস্ত্রী।

## মৃত্যু

সংস্কৃত কলেজ হইতে অসমর গ্রহণ করিবার পর নারায়ণের শেষ দিনগুলি কি ভাবে কাটিয়াছিল, তাহার বিবরণ তাঁহার মৃত্যুর অব্যবহিত পরে প্রকাশিত একটি প্রবন্ধে পাওয়া যায়। ইহাতে প্রকাশ :

...কার্যময় জীবন কোন কালে স্থির থাকিবার নয়, তাঁহার জীবনের শ্রেষ্ঠাংশ শিক্ষাদানে অতিবাহিত হইয়াছিল, শেষাংশও সেই কার্য ত্যাগ করিতে পারে নাই। তিনি পেন্সন গ্রহণ করিয়াও বাটীতে দেশস্থ ব্রাহ্মণ বালকদিগকে সংস্কৃত শিক্ষা দিতে আরম্ভ করিয়াছিলেন। এইরূপে ঐ কার্যের সুবিধার জন্ম খ্রীঃ ১৮৮৪ অব্দের ৩০শে নবেম্বর রবিবার স্বীয় জন্মগ্রামে একটি চতুষ্পাঠী প্রতিষ্ঠিত করেন। ঐ প্রতিষ্ঠা উপলক্ষে দেশস্থ লোকেরা উপস্থিত থাকিয়া বিশেষ সহায়ত্ব দেখাইয়াছিলেন, স্থানীয় মিউনিসিপ্যালিটি, চতুষ্পাঠীতে বিদেশীয় ছাত্রগণের অবস্থান বাসের সাহায্য জন্ম মানিক ১০ টাকা করিয়া দিতে আরম্ভ করিয়াছিল, দূরদেশ হইতে ছাত্র আসিয়া চতুষ্পাঠীতে অবস্থান করিয়া শিক্ষা করিতে আরম্ভ করিয়াছিল, কিন্তু তাঁহার জন্মগ্রামের—অভিশপ্ত হরিনাভি গ্রামের—সৌভাগ্য সুখ সুদূরস্থ—এক বৎসর অতীত হইতে না হইতেই

\* সংস্কৃত কলেজের অধ্যক্ষ শিক্ষা-বিভাগকে রামনারায়ণের পেন্সন সংক্রান্ত যে-সকল কাগজপত্র পাঠাইয়াছিলেন, তাহা হইতে রামনারায়ণের জন্মতারিখ ও সংস্কৃত কলেজে চাকরির ইতিহাস পাওয়া গিয়াছে। পেন্সন-সংক্রান্ত কাগজপত্রে রামনারায়ণের আকৃতির এইরূপ বর্ণনা আছে—“Height—5 feet 6 inches. Marks—Perpendicular wrinkle between the eye-brows leaning on the right side etc.”

তর্করত্ন মহাশয় সাংঘাতিক পীড়ায় আক্রান্ত হইলেন। প্রায় ৬ মাস কাল উদরী রোগাক্রান্ত হইয়া অনেক কষ্ট ভোগ করিয়া ১২২২ সালের ৭ই মাঘ গত ১২এ জাহ্নয়ারীতে তিনটি পুত্র ও দুইটি কন্যা রাখিয়া ৬৩ বৎসর বয়সে ইহলোক ত্যাগ করিয়াছেন। “স্বর্গীয় কবিকেশরী রামনারায়ণ তর্করত্ন” — ‘শিল্পপুষ্পাঞ্জলি’, ১২২২ সাল, পৃ. ১৫৭।

১২ জাহ্নয়ারি ১৮৮৬ তারিখে রামনারায়ণের মৃত্যু হইলে ‘সোম-প্রকাশ’ যাহা লিখিয়াছিলেন, নিম্নে তাহা উদ্ধৃত করা হইল —

পণ্ডিত ৮রামনারায়ণ তর্করত্ন।—আমরা অতি দুঃখের সহিত প্রকাশ করিতেছি যে সংস্কৃত শাস্ত্রাধ্যাপক কলিকাতা সংস্কৃত কলেজের অন্ততম প্রসিদ্ধ পণ্ডিত রামনারায়ণ তর্করত্ন গত ৭ই মাঘ মঙ্গলবার মানবলীলা সম্বরণ করিয়াছেন। ইনি প্রায় ৬ মাস কাল উদরী-রোগাক্রান্ত হইয়াছিলেন। তর্করত্ন নানাগুণে অলঙ্কৃত ছিলেন। ইংহার ইংহার সহিত অল্প সময়ের জন্ম ও আলাপ করিয়াছিলেন তাঁহার তাঁহার রসপূর্ণ মিষ্টালাপ কখন বিস্মৃত হইতে পারিবেন না। বাঙ্গালা নাটকের ইনি এক প্রকার সৃষ্টিকর্তা বলিতে হইবে। এইজন্ম মহারাজা যতীন্দ্রমোহন ঠাকুর মহোদয়ের প্রসিদ্ধ দেশীয় নাটক অভিনয়ের সময় ইনি একমাত্র সহায়তা করিয়াছিলেন। ইংহার প্রণীত “কুলীন কুলসর্বস্ব” নাটক বাঙ্গালা ভাষায় প্রথম নাটক এবং এই নাটক হইতে প্রথম প্রসিদ্ধি লাভ করেন। এতদ্ব্যতীত তাঁহার রচিত অনেক নাটক আছে। “নবনাটক” “ধর্মবিজয়” “বেণীসংহার” “চন্দ্রদান” প্রভৃতি প্রত্যেক নাটকেই তাঁহার নাম এবং মাহাত্ম্য দেদীপ্যমান রহিয়াছে। সংস্কৃত ভাষায় তিনি কাব্য ও অলঙ্কার বিষয়ে অতি সুপণ্ডিত ছিলেন। বর্তমান সময়ে তাঁহার ন্যায় সংস্কৃত কবি আর কেহ ছিল না। তাঁহার প্রণীত “আর্ষশতক” ও “দক্ষযজ্ঞ” সর্বত্র বিশেষ প্রশংসালভ করিয়াছে। ‘দক্ষযজ্ঞ’ প্রণয়ন করাতে ইংলণ্ডীয় মহাত্মা ই. বি. কাউয়েল ইংহাকে

“কবিকেশরী” উপাধি পাঠাইয়াছিলেন। বস্তুতঃ সংস্কৃত ভাষার তাঁহার কবিত্বশক্তি এতদূর মধুর এবং গাঢ় ছিল যে তাঁহার নাম না থাকিলে কেহ তাঁহার শ্রেণীত কাব্যগুলি আধুনিক কবির রচিত বলিয়া অনুমান করিতে পারেন না। তাঁহার সংস্কৃত রচনা এতদূর প্রাঞ্জল এবং অলঙ্কারপূর্ণ, যে তাঁহার আর্ষশতক এবং দক্ষযজ্ঞ সহস্রা কবি-চূড়ামণি কানিদাসের রচিত বলিয়া ভ্রম হয়। কলিকাতা সংস্কৃত কালেজে অলঙ্কারের পণ্ডিতরূপে বহু বার অধ্যাপনা কার্যে নিযুক্ত থাকিয়া ইনি ছাত্রদিগের নিরতিশয় শ্রদ্ধাভাজন হইয়াছিলেন। হিন্দু-ধর্মের মর্যাদা বৃদ্ধির জন্য ইঁহার এতদূর যত্ন ছিল যে সঞ্চিত অর্থ তিনি ক্রিয়াকলাপে ব্যয় করিতেন। তিনি নিজ বাটীতে একটি হরিসভা প্রতিষ্ঠা করিয়া প্রতি সপ্তাহে বক্তৃতা ও ধর্মশাস্ত্র পাঠাদি দ্বারা সভ্যদিগকে উপদেশ দান করিতেন। তাঁহারই যত্নে তাঁহার জন্মভূমি হরিনাভিগ্রামে সংস্কৃত শিক্ষার নিমিত্ত একটি চতুষ্পাঠী খোলা হইয়াছিল। নিজে অধ্যাপকতা করিয়া অনেক দিন উক্ত চতুষ্পাঠীর মর্যাদা বৃদ্ধি করিয়াছিলেন। তিনি যেমন সুপণ্ডিত ছিলেন তাদৃশ সুবক্তাও ছিলেন। যে সভায় তিনি উপস্থিত থাকিতেন তাঁহার মধুর বক্তৃতা শুনিবার জন্য সভাস্থ সকলেই ব্যগ্র হইতেন এবং তিনিও তাঁহাদিগকে রসগর্ভ ও উপদেশপূর্ণ বক্তৃতা দ্বারা মুগ্ধ করিতেন। ইঁহার অভাবে আপায়র সাধারণ এবং বিশেষতঃ দাক্ষিণাত্য বৈদিক সমাজ যে বিশেষ ক্ষতিগ্রস্ত হইয়াছেন তাহা আর বলিবার অপেক্ষা নাই।

পণ্ডিত রামনারায়ণ তর্করত্ন দরিদ্র পরিবারে জন্মগ্রহণ করিয়া-ছিলেন। তাঁহার শৈশবাবস্থায় তাঁহার মাতা পিতার মৃত্যু হয়। তাঁহার জ্যেষ্ঠ সহোদর প্রাণকৃষ্ণ বিজ্ঞানাগর দুরবস্থাপন্ন হইয়াও তাঁহার লালন-পালনের ভার গ্রহণ করিয়াছিলেন। এই অবস্থায় তিনি হরিনাভিগ্রামে প্রসিদ্ধ মধুসূদন বাচস্পতির নিকট প্রথমতঃ ব্যাকরণ, স্মৃতি ও কয়েকখানি



সংস্কৃত কাব্য অধ্যয়ন করেন। পরে জায়শান্ত শিফার জন্ম পূর্বদেশস্থ পোড়া [ পুঁড়া ? ] নামক গ্রামে কিছুকাল বাস করিয়াছিলেন। কিছুদিন পরে তাঁহার জ্যেষ্ঠভ্রাতা কলিকাতা সংস্কৃত কলেজে অধ্যাপক নিযুক্ত হইলে তিনি তাঁহারই নিকট অবস্থান করিয়া উক্ত কলেজে অনেক দিন পর্যন্ত অধ্যয়ন করিয়াছিলেন। ভ্রাতার মৃত্যুর পর তিনিও সংস্কৃত কলেজের অধ্যাপক হইলেন। অধ্যাপকতা বিষয়ে উক্ত কলেজে বিশেষ প্রতিষ্ঠা লাভ করিয়া অবশেষে প্রায় দুই বৎসর হইলে পেন্সন গ্রহণ করিয়াছিলেন। এই দুই বৎসরকাল পেন্সনভোগ করিয়া প্রায় ৬৫ বৎসর বয়সে ৩টা পুত্র ২টা কন্যা রাখিয়া পরলোক গমন করিয়াছেন।—‘সোমপ্রকাশ’, ১৩ মাঘ ১২৯২।

## রচনাবলী

রামনারায়ণের রচনাবলীর মধ্যে নাটক ও প্রহসনের সংখ্যাই বেশী। নাটক-রচনার সিদ্ধহস্ত ছিলেন বলিয়া লোকে তাঁহাকে ‘নাটুকে রামনারায়ণ’ বলিত। সেকালে তাঁহার নাটক ও প্রহসনগুলি সখের নাট্যশালায় ও সাধারণ রঙ্গালয়ে সমারোহের সহিত অভিনীত হইয়াছিল। এই সকল অভিনয়ের বিবরণ আমার ‘বঙ্গীয় নাট্যশালায় ইতিহাসে’ পাওয়া যাইবে।

১৮৫৪ খ্রীষ্টাব্দে প্রকাশিত রামনারায়ণের প্রথম নাটক ‘কুলীন কুলসর্বস্ব’কে অনেকে বাংলার আদি নাটক বলিয়াছেন। কিন্তু ‘কুলীন কুলসর্বস্ব’র পূর্বেও আরও কয়েকখানি বাংলা নাটক রচিত ও প্রকাশিত হইয়াছিল; দৃষ্টান্তস্বরূপ ১২৫৮ সালে ( ১৮৫২ খ্রীষ্টাব্দে ? ) প্রকাশিত যোগেন্দ্রচন্দ্র গুপ্তের ‘কীর্তিবিলাস’, ১৮৫২ খ্রীষ্টাব্দে তারানাথ শীকদারের ‘ভক্তার্জুন’, এবং ১৮৫৩ খ্রীষ্টাব্দে প্রকাশিত হরচন্দ্র ঘোষের ‘ভানুমতী

চিত্তবিস্তার' ও কালীপ্রসন্ন সিংহের 'বাবু নাটকে'র উল্লেখ করা যাইতে পারে। এগুলির কোনটিই যে বঙ্গমঞ্চে বা সমসাময়িক স্থানীয়সমাজে বিশেষ কোনও প্রভাব বিস্তার করিয়াছিল, তাহার পরিচয় পাওয়া যায় না। এই কারণেই বোধ হয়, সামাজিক সমস্যা লইয়া রচিত সামাজিক নাটকের মধ্যে 'কুলীন কুলসর্বস্ব'কেই কেহ কেহ সর্বপ্রথম নাটকের মর্যাদা দিয়াছেন।

নাটক-রচনার নৈপুণ্যের জ্ঞান এবং বাংলা ভাষায় সর্বপ্রথম বিধিবদ্ধ ভাবে নাটক রচনার জ্ঞান দি বেঙ্গল ফিল্‌হার্মোনিক অ্যাকাডেমি ৯ মার্চ ১৮৮২ তারিখের অধিবেশনে রামনারায়ণকে 'কাব্যোপাধ্যায়' উপাধি ও 'হরকুমার ঠাকুর কনক-কেয়ূর' প্রদান করিয়াছিলেন। এই অ্যাকাডেমির প্রতিষ্ঠাতা ও সভাপতি শৌরীন্দ্রমোহন ঠাকুর এবং ডিরেক্টর ক্লেত্রমোহন গোস্বামী। এই উপলক্ষে রামনারায়ণকে প্রদত্ত মানপত্রখানি এইরূপ :—

THE BENGAL PHILHARMONIC ACADEMY,

PATRONS :

The Hon'ble Sir Ashley Eden, K. C. I. E.

Lieutenant-Governor of Bengal.

A. W. Croft, Esq. M.A.

Director of Public Instruction, Bengal

Founder—Rajah Comar Sourindro Mohon Tagore,

Mus Doc. Sanglta Nayaka,

Companion of the Order of the Indian Empire.

Diploma of Honour No. 14.

The Executive Council of the above named Academy has, at its sitting of the 9th March 1882, conferred upon Pandit Ramnarayan Tarkaratna of Harinavi the title of Kavyopadhyaya together with a gold Harakumar Tagore Kayura, the insignia thereof, in consideration of his proficiency in dramatic writing and of his being the first writer of Bengali dramas in a systematic form.

Sourindra Mohon Tagore, Founder and President

ক্লেত্রমোহন গোস্বামী

Director

Calcutta,  
Pathuriaghata Rajbati  
The 22nd August, 1882. •

}

Balkunthanath Basu,  
Honorary Secretary.

স্বামনারায়ণের সংস্কৃত রচনাও প্রসাদগুণবিশিষ্ট ছিল। 'সোমপ্রকাশ' লিখিয়াছিলেন, "ঐহার সংস্কৃত রচনা এতদূর প্রাঞ্জল এবং অলঙ্কারপূর্ণ, যে ঐহার আর্ষশতক এবং দক্ষযজ্ঞ সহসা কবিচূড়ামণি কালিদাসের রচিত বলিয়া ভ্রম হয়।" 'দক্ষযজ্ঞ' পাঠ করিয়া সংস্কৃত কলেজের ভূতপূর্ব অধ্যক্ষ সুপণ্ডিত ই. বি. কাউয়েল বিলাত হইতে ঐহাকে 'কবিকেশরী' উপাধি দিয়া পাঠাইয়াছিলেন।

স্বামনারায়ণের সংস্কৃত রচনা প্রসঙ্গে আচার্য কৃষ্ণকমল ভট্টাচার্য ঐহার স্মৃতিকথায় যাহা বলিয়াছেন, তাহা উদ্ধৃত করা প্রয়োজন; তিনি বলিয়াছেন :

সংস্কৃত শ্লোক রচনা করিতে তিনি যেরূপ কৃতিত্ব দেখাইয়াছেন, সেরূপ প্রায় দেখা যায় না। 'কুলীন কুলসর্বস্ব' নাটকে ইহার যথেষ্ট নমুনা আছে। একটি শ্লোক আছে [পৃ. ১১০] যাহা মাঘ কবি লিখিলেও অর্গোরব হইত না। কবিতাটি এই :

অতিরক্তবগুঃ স্বন্দগতি-  
বসুহীনো বিগতাস্বরো রবিঃ ।  
পততি প্রতিবারি বারুণী-  
বহুসেবাকলমেতদেব হি ॥

এই শ্লোকটির মধ্যে যে double entendre, যে pun রহিয়াছে, তাহা কেমন সুন্দর।

প্রথম অর্থ—সূর্য্যদেব অত্যন্ত লাল হ'য়ে মন্দগতি হ'য়ে, কিরণ সব মিলিয়ে যাচ্ছে এমন অবস্থায় সমস্ত আকাশ অতিক্রম ক'রে জলে ঝাঁপ দিচ্ছেন। পশ্চিম দিকে যাওয়ার এই ফল।

দ্বিতীয় অর্থ—মদ খেয়ে মাতালের শরীর লাল হয়ে উঠেছে, সে চলতে গিয়ে হোচট্ট খাচ্ছে, সব টাকা উড়িয়ে দিচ্ছে, গায়ের কাপড় গা

থেকে খসে পড়ছে, সে জলে ঝাঁপ দিচ্ছে। অত্যন্ত মদ খাওয়ার ফল  
এই।—‘পুরাতন প্রসঙ্গ’, ১ম পর্ষায়, পৃ. ২৫।

রামনারায়ণ যে-সকল গ্রন্থ রচনা করিয়াছিলেন, তাহার প্রায় সকল-  
গুলিই আমরা দেখিয়াছি। সংক্ষিপ্ত মন্তব্য সহ এই সকল গ্রন্থের একটি  
তালিকা নিয়ে দেওয়া হইল।

বাংলা রচনা :

১। পতিব্রতোপাখ্যান : জানুয়ারি ১৮৫৩। পৃ. ২৪।

নমো জগদীশ্বরায়। পতিব্রতোপাখ্যান। জিলা রঙ্গপুরাস্তঃপাতি  
কুণ্ডী নিবাসি ভূম্যধিকারি শ্রীযুক্ত বাবু কালীচন্দ্র রায় চতুর্ধুরি মহাশয়ের  
আদেশে কলিকাতা সংস্কৃত বিদ্যালয়দ্বারে শিক্ষিত অশিক্ষিত শ্রীযুক্ত  
রামনারায়ণ তর্কসিদ্ধান্ত ভট্টাচার্য রচিত কলিকাতা শোভাবাজারীয়  
সংবাদ ভাস্কর যন্ত্রে মুদ্রিত হইল। ১২৫২ শাল ১১ মাঘ। ইংরেজি  
১৮৫৩ শাল ২৩ জানুয়ারি। Printed by Shibe-krist Mitter.

এই পুস্তক রচনার একটি ইতিহাস আছে। রংপুর কুণ্ডী পরগণার  
জমিদার কালীচন্দ্র রায়চৌধুরী পুরস্কার ঘোষণা করিয়া ‘সংবাদ প্রভাকর’,  
‘সংবাদ ভাস্কর’ ও ‘রঙ্গপুর বার্তাবহ’ পত্রের একটি বিজ্ঞাপন দিয়াছিলেন।  
‘রঙ্গপুর বার্তাবহে’ প্রকাশিত বিজ্ঞাপনটি এইরূপ :—

বিজ্ঞাপন

৫০ টাকা পারিতোষিক

বঙ্গীয় ভাষার প্রবন্ধ রচনা

এই বিজ্ঞাপন পত্র দ্বারা সর্ব সাধারণ কৃতবিদ্য মহোদয়গণকে বিজ্ঞাত  
করা যাইতেছে, যিনি ‘পতিব্রতোপাখ্যান’ ইত্যাদিধেয় এক প্রবন্ধ রচনা  
করিয়া রচকগণ মধ্যে সুর্বোৎকৃষ্টতা দর্শাইতে পারিবেন তাঁহাকে সহস্র

৫০ পঞ্চাশ টাকা পারিতোষিক প্রদান করা যাইবেক। স্ত্রীজাতি স্বপতির মতাবলম্বিনী হইয়া, দেহযাত্রা নির্বাহকরণে, দম্পতী প্রীতিবন্ধন হওত: সৃষ্টিপ্রবাহের প্রতি প্রতিবন্ধকতা ছেদনপূর্বক কি নিগূঢ় ইষ্টফলোৎপত্তি হইতে পারে? তদন্তথাতেই বা কি অনিষ্টতা অথবা শাস্তির ব্যাঘাত জন্মে? বিবিধ প্রমাণ ও বিবিধ সদ্যুক্তির দ্বারা প্রবন্ধ মধ্যে ইহাই প্রতিপন্ন করা প্রস্তুতকার মূলাভিপ্রেত। রচক মহাশয়েরা আগত আষাঢ় মাস শেষ হইতে না হইতে স্ব স্ব রচিত প্রবন্ধ রীতিমত প্রেরণ করিবেন।

রঙ্গপুর

শ্রীকালীচন্দ্র রায় চৌধুরী

বঙ্গাব্দ ১২৫৮ সাল

কুণ্ডী পং জমিদার।

তারিখ ৬ কার্তিক।

প্রতিযোগিতায় রামনারায়ণের রচনা সর্বোৎকৃষ্ট বিবেচিত হওয়ায় তিনি বিজ্ঞাপিত পুরস্কার লাভ করিয়াছিলেন। 'পতিব্রতোপাখ্যান' পুস্তকের "ভূমিকা"র প্রকাশ :—

অনেকে পতিব্রতোপাখ্যান লিখিয়া বাবুর নিকট পাঠাইয়াছিলেন তাঁহার সভাপতি মহাশয়েরা সমস্ত পরীক্ষা করিয়া সংস্কৃত কালেজীয় সুপরিচিত সুপাত্র ছাত্র শ্রীযুক্ত রামনারায়ণ তর্কসিদ্ধান্ত ভট্টাচার্যের লিখিত এই গ্রন্থ মনোনীত করেন। পরে বাবুর অশ্রুজ্ঞায় আদর্শ পুস্তক ভাস্কর যন্ত্রাগারে আনিয়াছিল, শ্রীযুক্ত বাবু কালীচন্দ্র রায় চৌধুরি মহাশয় নানাধিক : ৫০ দেড় শত টাকা ব্যয়ে ইহা মুদ্রাঙ্কিত করাইলেন।

রচনার নিদর্শনস্বরূপ 'পতিব্রতোপাখ্যান' হইতে কিয়দংশ উদ্ধৃত হইল :—

এই বস্তুকরা মধ্যে প্রায় যাবতীয় ভদ্র ব্যক্তি এক্ষণে স্ব স্ব পুত্রকে সাদরে বিজ্ঞা শিক্ষা করাইতেছেন, পুত্রেরাও বিবিধ বিজ্ঞানদ্বিরে সংসঙ্গে সদালাপনে সময় ষাপন পূর্বক অপূর্ব প্রকৃতি হইতেছে কিন্তু এতদেবীয়া



## স্বামনারায়ণ তর্করত্ন

অভাগা ঘোষাজাতির প্রতি কেহই দৃষ্টিক্ষেপ করেন না, ইহারা কণ্ঠা সম্ভানকে অনাস্থা করিয়া যে বিজ্ঞা শিক্ষা করান্ না এমত নহে অশ্বদেশীয়েয়া অতি ধনলোভি ইহারা কহেন কণ্ঠারা কি ধনোপার্জন করিবে যে তাহাদিগকে বিজ্ঞা শিক্ষা করান আবশ্যক কিন্তু আমি এই ধনদাস দেশীয়দিগকে জিজ্ঞাসা করি ধনই কি কেবল তাঁহাদিগের সংসার যাত্রার উদ্দেশ্য, বিজ্ঞাত্যাস করলে বোধ বিধুর উদয় হয়, তাহাতে অজ্ঞানাক্রকার দূরীভূত হইয়া যায় এবং সচ্চরিত্তরূপ চন্দ্রিকার প্রকার অস্তঃকরণ কৈরব প্রফুল্ল, স্মৃৎসাগর বর্দ্ধমান, সৎপথে দৃষ্টিপাত, সাহসিক ব্যাপারের সঙ্কোচ হয়, বিজ্ঞার এই সকল ফল কি তাঁহারা দেখিতে পান্ না অতএব বিজ্ঞারসে স্ত্রীজাতিকে বঞ্চিত রাখা কদাপি নহে। স্ত্রীজাতিকে বিজ্ঞা শিক্ষা না করাইলে অনেকানেক দৃষ্ট দোষ আছে। ( পৃ. ২৪-২৫ )।

২। প্রকাশ্য বক্তৃতা। অক্টোবর ১৮৫৩। পৃ. ২০।

প্রকাশ্য বক্তৃতা অর্থাৎ কলিকাতাস্থ হিন্দু মেট্রোপোলিটন নামক বিদ্যালয়ের ছাত্র দিগের উপদেশার্থে তত্ৰস্থ প্রধান পণ্ডিত শ্রীযুত স্বামনারায়ণ তর্ক সিদ্ধান্ত দ্বারা বিজ্ঞা বিষয়ক বক্তৃতা। ৭ কার্তিক, সন ১৩৬০ সাল। কলিকাতা ইষ্টান-হোপ যন্ত্রালয়। বহুবাজারীয়া ১৮৫ সংখ্যক ভবনে শ্রীলালচাঁদ বিশ্বাস ও শ্রীদেবচন্দ্র বসু দ্বারা মুদ্রাঙ্কিত হইল।

পুস্তকাখানি দুপ্রাপ্য। বিলাতের ব্রিটিশ মিউজিয়মে ইহার এক খণ্ড আছে। আমি তাহার ফোটো-প্রতিলিপি আনাইয়াছি। এই পুস্তিকা হইতে কিয়দংশ উদ্ধৃত হইল :—

তোমরা যেমন মনোযোগ পূর্বক ইংরাজী শিখিবে বাঙ্গলাও সেইরূপ শিক্ষা করিবে, বাঙ্গলার প্রতি কদাচ অনাস্থা করিবে না ;

বাঙ্গলা এতদেশীয় মাতৃভাষা, সুতরাং মাতৃবৎ এই মাতৃভাষার প্রতি ভক্তি রাখা নিতান্ত আবশ্যিক। দেখ বর্তমান কালে যে সকল প্রদেশ দৃষ্টি ও শ্রুতি গোচর হইতেছে সে সমস্ত দেশীয় লোকেরা সকলি স্ব স্ব দেশীয় ভাষাকে উত্তম ভাষা জ্ঞানে মান্য করিয়া থাকেন এবং সাধারণের এই এক প্রশিদ্ধ প্রথা আছে যে আপনঃ দেশীয় ভাষা সম্পূর্ণরূপে শিক্ষা না হইলে কেহই অন্য ভাষা প্রতি ধাবমান হইবেন না অতএব তোমাদিগের দেশ ভাষার প্রতি বিমুখ হওয়া কদাচ উচিত নহে ॥...

এক্ষণে ইংরাজী ভাষায় বিবিধ প্রকার পদার্থবিজ্ঞা, জ্যোতিষ, দণ্ডনীতি, ও চিকিৎসা বিষয়ক উত্তমোত্তম প্রবন্ধ সকল দৃষ্ট হইতেছে যদি তোমরা স্বদেশীয় ভাষায় স্বরূপ যোগ্য হও তাহা হইলে ঐ সমস্ত উৎকৃষ্টঃ গ্রন্থ স্বদেশীয় ভাষায় অনুবাদিত করিতে পারিবে তাহাতে দেশীয় ব্যক্তিদিগের যে কত উপকারে উপকৃত হইয়া ঐ অনুবাদকর্তাকে গ্রন্থকর্তা বলিয়া চিরকাল স্ব স্ব স্মৃতিপথে আকৃত রাখিবেন, তাহাতে তাঁহার বিদ্যোপার্জন সার্থক হইবে ॥

বর্তমান কালে এই বিষয়ের দৃষ্টান্তপথে পতাকা স্বরূপ কতিপয় সুবিজ্ঞ মহোদয়েরা সাতিশয় যত্নপূর্বক নানা সংস্কৃত ও ইংরাজী গ্রন্থ দেশীয় ভাষায় অনুবাদিত করিয়াছেন, এক্ষণেও করিতেছেন, তাহাতে পূর্বাপেক্ষা দেশীয়দিগের কত অবস্থার পরিবর্তন হইয়াছে, তাহা একবার বিবেচনা করিলেই সম্পূর্ণরূপে জানিতে পারা যায় ; ফলতঃ ইংরাজী গ্রন্থের অনুবাদ করা আবশ্যিক বোধ করিয়াও স্বদেশীয় ভাষার প্রতি অনুরাগ রাখা নিতান্ত উচিত ॥

এই সুকুমার দেশীয় ভাষা ইহা শিক্ষা করিতে তোমাদিগকে নিতান্ত পরিশ্রম স্বীকার করিতে হইবে না, যেহেতু ইহা এতদেশীয় মাতৃভাষা। মাতৃ ভাষায় হইতে ভূমিষ্ঠ হইলেই ঐ ভাষা কর্ণ কুহরে প্রবিষ্ট হইতে থাকে, এবং স্তম্ভপান সমকালেও অনেক কর্ণ হইয় পড়ে

মাতা পিতা প্রভৃতি স্বপ্ন সাধারণ সকলেরি নিকট সর্বদা তাহা প্রবণ  
করাতে বালাবস্থাতেই প্রায় অর্ধেক অভ্যস্ত হইয়া থাকে, অনন্তর  
কিঞ্চিৎ পরিশ্রম স্বীকার করিয়া যথা নিয়মে শিক্ষা করিলেই সম্পূর্ণরূপে  
তাহাতে ব্যাপ্তি জন্মে, ফলতঃ অনায়াসলভ্য এতাদৃশ উত্তম বস্তুতে  
কাহার না অভিলাষ হয়? যদি পথিমধ্যে এক অমূল্য বস্তু পতিত হইয়া  
থাকে এবং তাহা গ্রহণ করিতে কোন প্রতিবন্ধক না থাকে তাহা  
হইলে চক্ষুমান্ পথিক কি তাহা পরিহার করে? কদাচ করে না;  
কিন্তু যদি পথিক নগ্ন বিহীন হয় তবেই সেই বস্তু স্মৃতরাং পরিহৃত  
হয় তাহার জ্ঞান যদি ভোমাদিগের বিবেক নগ্ন থাকে তবে কদাচ এই  
অস্বভাব্য স্বদেশীয় বিচারকে অশ্রদ্ধা করে না।

বর্তমানাবস্থায় যে সমস্ত গ্রন্থ প্রচলিত আছে যদি ঐ সকল গ্রন্থ  
স্বদেশীয় ভাষায় অনুবাদিত হয় তাহা হইলে এতদেশের কত মঙ্গলোন্নতি  
হইবে তাহা পূর্বে কহিয়াছি, অতএব যাহারা দেশানুরাগি তাঁহারা  
স্বদেশীয় ভাষায় উন্নতি বিষয়ে একান্ত সচেত্ন থাকেন। ইতিপৌর্কীয়  
যবন জাতীয় রাজারা আপনাদিগের ভাষায় প্রতি নিতান্ত দৃঢ়ভক্তি  
রাখিয়াছিলেন ইহাদিগের মধ্যে কাহারও নিজ ভাষায় প্রতি এতাদৃশ  
অনুরাগ ছিল যে তাঁহারা তদ্ভাষায় সম্যক প্রচার করিবার নিমিত্ত অগ্ৰাণ্ড  
ভাষায় সম্মেলোৎপাটনেও চেষ্টা করিয়াছেন এবং ইংলণ্ডীয় পণ্ডিতেরা যত  
দূর পর্যন্ত ক্ষমতা স্বদেশীয় ভাষা প্রতি অনুরাগ রাখিয়া ইহার দৃষ্টান্ত  
পথে দণ্ডায়মান আছেন, কিন্তু এতদেশের দৌর্ভাগ্যপ্রযুক্ত এতদেশীয়  
লোকেরা প্রায় অনেকেই দেশীয় ভাষায় প্রতি ষেব করেন, বিদ্যালয়ে  
বালকগণ বিদ্যা শিক্ষা ছাত্রদিগের অভিলাষানুসারেই চলিয়া থাকে, অর্থাৎ  
যে দিবস ইংরাজী শিক্ষা করিয়া আসার সময় থাকে ও আলস্য দোষ  
উপস্থিত না হয় সেই দিনই একবার দেশীয় ভাষায় পুস্তক অনায়া  
বুদ্ধিতে গৃহীত হয়, নতুবা হয় না, ইহাতে যে কেবল ঐ সকল ছাত্র



গণেরই দোষ এমত নহে, তাহাদিগের মাতা পিতাও তদ্বিষয়ে দোষাত হইতেছেন, যেহেতু ইঁহারা স্ব স্ব সম্ভান দিগের স্বদেশীয় ভাষা শিক্ষা হইতেছে কি না ইহা একবারও দেখেন না, বালকেরা ইংরাজী পাঠাভ্যাস করিলেই প্রশংসা করেন, এবং যদি ঐ বালক ইংরাজী কোন পুস্তক ক্রয় করিবার নিমিত্ত তাঁহাদিগের নিকটে দশ বা ষাটশ মুদ্রা প্রার্থনা করে তবে তাঁহারা তৎক্ষণাৎ তাহা দেন কিন্তু বাঙ্গলা পুস্তক ক্রয় করিতে অর্দ্ধমুদ্রা যাচঞা করিলেও কহেন অর্থের বড় অনটন, কিছুদিন যাউক, একুণ হইবে না, ইত্যাদি বিবিধ বাগাড়ম্বর করিয়া বালকদিগকে দেশ ভাষা শিখিতে অনুৎসাহ দেন, এই সমস্ত ব্যবহার কি দেশ ভাষা নির্মূল করার কারণ নহে? হায় কি আশ্চর্য্য দেশ ভাষার প্রতি ইঁহাদিগের এত অকৃটি কেন? কেহ বা আপনি দেশানুরাগী ইঁহা জানাইবার নিমিত্ত মুখে মাত্র কহিয়া থাকেন যে 'আমাদিগের দেশ ভাষার উন্নতি করা নিতান্ত আবশ্যিক' কিন্তু তাহা ইঁহাদিগের হৃদয়ঙ্গম নহে; যদি এমত অভিলষিত হইত তাহা হইলে কি তাঁহারা দেশীয় সভায় বিদেশীয় ভাষায় বক্তৃতা করিতেন, কি দেশীয় ভাষায় আলাপ করিতে হইলে ইংরাজী ভাষা মিশ্রিত করিতেন? কখনই করিতেন না।

বঙ্গ ভাষার আলাপ মধ্যে ইংরাজী হই এক শব্দ প্রয়োগ করা আর বাঙ্গালি পরিচ্ছদ অর্থাৎ ধুতি চাদর পরিধান করিয়া একটি উত্তম ইংরাজি টুপি ধারণ করা তুল্য হাস্যাম্পদ, সত্য মিথ্যা তোমরা বিবেচনা কর। যাহা হউক দেশীয় ভাষার আলাপ মধ্যে অল্প ভাষা সংশ্লিষ্ট করার কারণ দেশ ভাষার অনভিজ্ঞতা ব্যতীত আর কি বোধ হয়? বর্তমান কালে ইংরাজ রাজপুরুষগণের মধ্যে অনেকেই বাঙ্গলা ভাষা বিলক্ষণ জানেন কিন্তু ইঁহারা কি ইংরাজী কহিতেই হই এক বাঙ্গলা ভাষা কহিয়া থাকেন? যদি বল এতদেশীয়েরা যে বাঙ্গলা কথায়

মধ্যে ইংরাজীর দুই এক শব্দ কহেন তাহাতে ইহাদিগের ইংরাজী ভাষার অনুরাগই প্রকাশ পায়, কিন্তু ইহা আমাদিগের কদাচ অসম্ভবে আইসে না। ইংরাজ মহোদয়দিগের কি বাঙ্গলা ভাষায় অনুরাগ নাই এমত নহে, অনেকানেক ইংলণ্ডীয় পণ্ডিতেরা এতদেশীয় ভাষায় প্রশংসা করিয়া থাকেন, তবে এই বরং কহা যায় যে এতদেশীয়দিগের দেশ ভাষায় অনুরাগ নাই, ইহারা দেশভাষা ক্রমশঃ নির্মূলিত করিবার মানসেই তাদৃশ ব্যবহার করেন কিন্তু ইহা নিতান্ত অনুচিত কর্ম ॥

ইংলণ্ডীয় ভাষার প্রেমমুগ্ধ কোন ব্যক্তি কহেন যদি কোন লোক জ্ঞানোপার্জনে অভিলাষী হয়, তবে কেবল ইংরাজী শিক্ষা করিলেই অভীষ্টসিদ্ধ করিতে পারিবে, স্বদেশীয় ভাষা শিক্ষার অপেক্ষা কি, এতৎ-প্রদেশীয় সকল লোকের যদি জ্ঞানোপার্জন কর্তব্য হয় সকলেই ইংরাজী শিক্ষা করুন, কিন্তু আমি ইহাদিগকে জিজ্ঞাসা করি, আত্মভাষার বিজ্ঞা শিক্ষা ও পরভাষার বিজ্ঞা শিক্ষা ইহার মধ্যে স্থলভ কি, বোধ হয় ইহা বিবেচনা করিলে তাঁহারা আর এমত কথা কহিবেন না। অতএব ইহারা স্বদেশের প্রতি প্রীতি রাখিয়া যাহাতে আত্মভাষার উচ্ছেদ না হয় এমত চেষ্টা করুন।

প্রাচীন পণ্ডিতেরা জন্মভূমিকে জননীর তুল্য বলিয়াছেন, সুতরাং সেই জন্মভূমিকে ছরবস্থা হইতে মোচন না করা আর ব্যাধি পীড়িতা জননীকে ঔষধ প্রদান ও শুশ্রূষা বিধানাদি দ্বারা সুস্থ না করা তুল্য কথা ॥

যে স্থানে আমরা জন্ম গ্রহণ করিয়া শৈশবলীলায় লালিত হইয়াছি, যে স্থানে যৌবন যাপন কালে ধন, জন, বিজ্ঞা, বুদ্ধি, স্থনীতি, সচ্চরিত্রতা, যশঃ, সম্পত্তি প্রভৃতি সকল উপার্জন করিয়া সুখী হইতেছি এবং যে স্থানের স্বরণে মাতা, পিতা, দয়িতা, পরিণেতা, পুত্র, মিত্রাদির নির্মল বন্দন কমল সহসাই স্মৃতি পথে পতিত হয় এতাদৃশ অন্তাদৃশ প্রেমাস্পদ

জন্মভূমির প্রতি অশ্রদ্ধা করা কি আমাদের উচিত কর্ম ? যে ব্যক্তি দেশান্তরে অবস্থান করে সেই ব্যক্তিই জন্মভূমির মর্মান্বয়ে অবগত থাকে, জন্মভূমি তাহারি আনন্দভূমি বোধ হয়, অতএব এই আনন্দভূমির প্রতি যাহার স্নেহ নাই সে কি মনুষ্য ?

দেশীয় ভাষার যাহাদিগের নিতান্ত ঘেব তাঁহারা ইংরাজী বিজ্ঞান আপনাদিগের গাঢ়তর ব্যুৎপত্তি জ্ঞাপন করাইবার নিমিত্ত স্বদেশীয় স্বজনগণের সহিতও ইংরাজী ভাষায় আলাপ করেন ; কিন্তু নিজের বাটীর পরিজনের সহিত আলাপ করিতে হইলে অবশ্যই ইহাদিগের দেশীয় ভাষা অবলম্বিতা হয় তাহার সন্দেহ নাই ; সুতরাং যে ভাষা ব্যতীত সাংসারিক ব্যাপার সমাধা হয় না, তৎপ্রতি অনায়া বোধ বৈধ নহে, স্বদেশীয় ভাষা ব্যতীত মনোগত অভিপ্রায় প্রায় প্রকাশ পায় না । প্রসূতির স্তনক্ষীর যে প্রকার শরীরের পুষ্টি ও বলিষ্ঠতা সম্পাদক, স্বদেশীয় ভাষাও তদ্রূপ মানসিক শক্তিদায়ক সন্দেহ কি ? ভাল স্বদেশীয় ভাষা প্রতি অশ্রদ্ধাকারিকে আরো জিজ্ঞাসা করি তাঁহারা সেক্সপীয়ার প্রভৃতি গ্রন্থ যখন পাঠ করেন তখন কি স্বদেশীয় ভাষায় ভাব উদয় করেন না ? অগ্রে দেশ ভাষায় ভাব গ্রহণ না করিলে কখনই ভিন্ন ভাষায় ভাবোদয় হয় না ।

অতএব হে ছাত্রগণ তোমরা বাঙ্গলা সাধুভাষা প্রতি কিঞ্চিৎ মনোনিবেশ কর, ঐ ভাষা এতদেশীয় দেশীয় ভাষা, যত দিন পর্যন্ত এতৎপ্রদেশে উহার শ্রীবৃদ্ধি না হইবে, ততদিন নানা ইংরাজী গ্রন্থ প্রচার হউক, উত্তমোত্তম শিক্ষক থাকুন, কিছুতেই এতদেশীয় সাধারণের জ্ঞানরসান্বাদন হইবে না ।

৩। কুলীন কুলসর্কস্ব নাটক । ইং ১৮৫৪ । পৃ. ১২৭ ।

কুলীন কুলসর্কস্ব নাটক । শ্রীরামনারায়ণ শর্মা প্রণীত । কলিকাতা শ্রীকেশবচন্দ্র বসুর বহুবাজারস্থ ১৮৫ নং ইষ্টানহোপ যন্ত্রালয়ে মুদ্রিত হইল । সনৎ ১৩১১ ।

‘কুলীন কুলসর্বস্ব’-রচনার ইতিহাস এইরূপ। রংপুর কুণ্ডী-পয়গণার বিজ্ঞোৎসাহী জমিদার কালীচন্দ্র রায় চৌধুরী ‘সম্বাদ ভাস্কর’-আদি পত্রে পুরস্কার ঘোষণা করিয়া একটি বিজ্ঞাপন প্রচার করেন। ৮ নবেম্বর ১৮৫৩ তারিখের ‘রঙ্গপুর বার্তাবহ’ পত্রেও বিজ্ঞাপনটি প্রকাশিত হইয়াছিল; বিজ্ঞাপনটি এইরূপ :—

বিজ্ঞাপন।

৫০ পঞ্চাশ টাকা পারিতোষিক।

এই বিজ্ঞাপন পত্র দ্বারা সর্বসাধারণ কৃতবিদ্য মহোদয়গণকে বিজ্ঞাত করা যাইতেছে, যিনি স্থললিত গোড়ীয় ভাষায় ছয় মাস মধ্যে “কুলীন কুলসর্বস্ব” নামক একখানি মনোহর নাটক রচনা করিয়া রচকগণ সর্বোৎকৃষ্টতা দর্শাইতে পারিবেন তাঁহাকে সন্মিত ৫০ পঞ্চাশ টাকা পারিতোষিক প্রদান করা যাইবেক।

রঙ্গপুর পং কুণ্ডী শ্রীকালীচন্দ্র রায় চৌধুরী  
কুণ্ডী পং জমিদার।

এই বিজ্ঞাপন দেখিয়া রামনারায়ণ ‘কুলীন কুলসর্বস্ব’ রচনা করেন এবং ১০ মার্চ ১৮৫৪ তারিখে নিম্নোক্ত পত্রের সহিত রচনার পাণ্ডুলিপি রংপুরে পাঠাইয়া দেন :—

বিবিধ বিজ্ঞোৎসাহী গুণগ্রাহী মান্ধবর

শ্রীল শ্রীযুক্ত বাবু কালীচন্দ্র চতুর্ধুরী

মহাশয় সর্বোপকারকেষু—

নমস্কার পূর্বক নিবেদনমিদং—

আমি ভাস্কর পত্রস্থ মহাশয়ের বিজ্ঞাপন দৃষ্টে কুলীন কুলসর্বস্ব নাটক রচনায় প্রবৃত্ত হইয়াছিলাম তাহার কারণ আপনি অধিতীয় বিজ্ঞোৎসাহী ও আপনার প্রস্তাবিত বিষয় অতি উপাদেয়। কিন্তু রচনা করিতে প্রবৃত্ত হইয়াই সাতিশয় শিরোবেদনা প্রভৃতি বিবিধ পীড়ায় আক্রান্ত

হইয়া কিছুদিন কাস্ত হইতে হইয়াছিল তাহাতে পুস্তক প্রস্তুতপূর্বক প্রেরণ করিতে শীঘ্র পারি নাই অপরাধ মার্জনা করিবেন। এক্ষণে দৈবানুগ্রহে শারীরিক সুস্থ হওয়ায় অত্যন্ত যত্ন ও অজস্র পরিশ্রম সহকারে উক্ত গ্রন্থ রচনা করিয়া আপনকার নিকটে পাঠাইলাম পুরস্কার প্রদানে পরিশ্রম সার্থন করিবেন। ...২৮ ফাল্গুনশ্র। শ্রীরাম-নারায়ণ শর্মণঃ। কলিকাতা হিন্দু মিট্রোপলিটান বিদ্যালয়স্থ প্রধানাধ্যাপকশ্র।

বলা বাহুল্য, রামনারায়ণ বিজ্ঞাপিত পুরস্কার ৫০ টাকা যথাসময়ে পাইয়াছিলেন।

১৮৫৪ খ্রীষ্টাব্দে শেষ ভাগে এই নাটক প্রকাশিত হয়। 'বিবিধার্থ-সঙ্গ্রহে' ( ৩৫ খণ্ড ) ইহার সমালোচনাকালে রাজেন্দ্রলাল মিত্র লিখিয়াছিলেন :—

.. এইক্ষণে ..সুন্দর ব্যক্তিগণ বঙ্গভূমিতে কবিতাসুধাকরেষু উদয় করণার্থে যত্নবান্ হইয়াছেন। যে গ্রন্থের প্রসঙ্গে এই প্রস্তাব আরক হইয়াছে তাহা এই নির্মল চন্দ্রোদয়ের আদিকিরণ বলিলে বলা যায়।

পূর্বে বঙ্গভাষায় কয়েকখানি নাটক প্রকটিত হইয়াছে, কিন্তু তাহা যথার্থ নাটক নহে। তাহাতে অনেক পদ্যাদি আছে, এবং তাহার সর্বাঙ্গ সমীচীন ও সুসম্পন্ন এবং সুপাঠ্য বটে; কিন্তু সাহিত্যকারেরা যাদৃশ গুণপ্রযুক্ত নাটককে "দৃশ্য কাব্য" বলিয়া বর্ণন করেন, তাহার অভ্যন্তর তাহাতে বর্তমান দেখা যায়।

প্রস্তাবিত নাটক খানিতে রূপকের অনেক ধর্ম বক্ষিত হইয়াছে; তাহার আখ্যায়িকা একানুগামিনী বটে, ইহার অভিপ্রায় উত্তম, ও ভাবও পরিশুদ্ধ। গ্রন্থকার শ্রীযুক্ত রামনারায়ণ তর্কসিদ্ধান্ত সাহিত্যা-লঙ্কার-শাস্ত্রে সুপণ্ডিত, এবং কাব্যরচনায় তৎপর। তিনি সমীচীন-যত্নে এই নাটকখানি রচনা করিয়াছেন; এবং সুন্দর পাঠকগণ যে

কেহ ইহা পাঠ করিয়াছেন, তিনি অবশ্যই স্বীকার করিবেন, যে তাঁহার প্রযত্ন ব্যর্থ হয় নাই। ( পৃ. ২৫৫-৫৬ )

‘কুলীন কুলসর্বস্ব’ সম্বন্ধে আচার্য কৃষ্ণকমল ভট্টাচার্য তাঁহার স্মৃতি-কথায় বলিয়াছেন, “বোধ হয় ইংরাজি খুব ভাল ভাল comedy অপেক্ষা কোনও অংশে ইহা মন্দ নহে।” ( ‘পুরাতন প্রসঙ্গ’, ১ম পর্যায়, পৃ. ৯৫ )

‘কুলীন কুলসর্বস্ব’ নাটকের মাঝে মাঝে কবিতা আছে। বিবাহ-উৎসবে মেয়েদের সাজসজ্জার বর্ণনা এইরূপ :—

কুলপালকের গৃহে বিবাহ উৎসবে ।  
 প্রতিবাসি রামাগণ নিমন্ত্রিত সবে ॥  
 মনোমত সজ্জা করে বিভবানুসারে ।  
 এই প্রথা সর্বকালে সকলি সংসারে ॥  
 মনের আয়োদে মস্ত কোন কুলবালা ।  
 কর্ণমূলে পরিল স্তব্ধ কাণবালা ॥  
 কেহ কেয়াপাত করে কেহ বা চৌদানী ।  
 না ছিল পূর্বেতে ইহা হয়েছে ইদানী ॥  
 শ্রবণযুগলে দোলে কাহার কুণ্ডল ।  
 হেরি শোভা চমকিত যুবক মণ্ডল ॥  
 ভালতে শোভিছে ভাল কারো স্বর্ণশ্রিতি ।  
 যাহা হেরি যুবজন গণের বিশ্বিতি ॥  
 মুক্তাকলে শোভা পায় ষাহার নাসিকা ।  
 বোধ হয় সেই নারী নিতান্ত রসিকা ॥  
 কেহ করে পরে দিব্য স্তব্ধ বলয় ।  
 ভড়িতে ভড়িত যেন নব কিসলয় ॥  
 বাহতে ধারণ করে কেহ বা কেয়ুর ।  
 হেরি সৌন্দর্যিনী বোধে হর্ষিত ময়ুর ॥

কেহ কণ্ঠে পরে ডায়মোন্ কাটা চিক্ ।  
 দেখিতে অপূৰ্ণ যাহা করে চিক্চিক্ ॥  
 পয়িল গলেতে কেহ মণিময় হার ।  
 অধরে সম্বৃত্ত তবু বাহিরে বাহার ॥  
 রত্নের অঙ্গুরী কেহ যত্ন করে পরে ।  
 আপন সম্পদ কিছু দেখাইতে পারে ॥  
 কোন নারী নিতম্বে ধরিল চন্দ্রহার ।  
 বিরহি যুবাব মন করিতে সংহার ॥  
 কাহার চরণে চেষ্টুতরঙ্গের মল ।  
 বজ্রত নিশ্চিত যাহা অতি সুনির্মল ॥  
 কেহ বা খোপার মাঝে গুঁজিয়া গোলাপ ।  
 কোকিল কুণ্ঠিত কণ্ঠে করিছে আলাপ ॥  
 করিয়া সুসজ্জা সবে আনন্দিত মন ।

বিবাহবাটীতে দেখ করিছে গমন ॥ ( পৃ. ৪২-৪৪ )

‘কুলীন কুলসর্বশ্বে’ উত্তম, মধ্যম ও অধম—তিন প্রকার ফলারের  
 বর্ণনা আছে । ইহা উদ্ধৃত করিবার লোভ সম্বরণ করিতে পারিলাম না :—

উত্তম ফলার ।

ঘিয়ে ভাজা তপ্ত লুচি, দুচারি আদার কুচি,  
 কচুরি তাহাতে খান দুই ।

ছকা আর শাকভাজা, মতিচূর বঁদে খাঁজা,  
 ফলারের যোগাড় বড়ই ॥

নিখুতি জিলাপি গজা, ছানাবড়া বড় মজা,  
 শুনে সক্‌সক্‌ করে নোলা ।

হবেক বকম মণ্ডা, যদি দেয় গণ্ডা গণ্ডা,  
 বসত খাই তত হয় তোলা ॥

খুরী পুরী কীর তায়, চাহিলে অধিক পায়,  
কাতারি কাটিয়ে সুখো দই ।  
অনন্তর বাম হাতে, দক্ষিণা পানের সাথে,  
উত্তম ফলার তাকে কই ॥

মধ্যম ফলার ।

সকু চিড়ে সুখো দই, মন্তমান ফাকাথই,  
খাসা মণ্ডা পাত পোরা হয় ।  
মধ্যম ফলার তবে, বৈদিক ব্রাহ্মণে কবে,  
দক্ষিণাটা ইহাতেও রয় ॥

অধম ফলার ।

শুমো চিড়ে জলো দই, তিতগুড় ধেনো খই,  
পেট ভরা যদি নাই হয় ।  
ষোদ্ধুরেতে মাথা ফাটে, হাত দিয়ে পাত চাটে,  
অধম ফলার তাকে কয় ॥ ( পৃ. ৮৮-৮৯ )

৪। বেণীসংহার নাটক । ইং ১৮৫৬ । পৃ. ৯৬ ।

বেণীসংহার নাটক । শ্রীরামনারায়ণ তর্করত্ন কর্তৃক গোড়ীয় চলিত  
ভাষায় অনুবাদিত । কলিকাতা : সত্যার্ণব যন্ত্রে মুদ্রিত । সংবৎ ১৯১৩ ।  
'বেণীসংহার নাটক' ১৮৫৬ খ্রীষ্টাব্দের মধ্যভাগে প্রকাশিত হয় । এই  
পুস্তকের "বিজ্ঞাপন"-এর তারিখ "২৮ জ্যৈষ্ঠ, সংবৎ ১৯১৩" । 'বিবিধার্থ-  
সঙ্গ্রহে' ( ৪১ খণ্ড, পৃ. ১০৭ ) সমালোচনাকালে রাজেন্দ্রলাল মিত্র  
লিখিয়াছিলেন :—

কবি না হইলে কাব্যের অনুবাদ করা অতিশয় দুর্লভ । কুলীন  
কুলসর্কর নাটককারের মে গুণের অভাব নাই ; তিনি সর্কর কাব্যরস



রক্ষা করিয়া অভিনয়োপযুক্ত চলিত ভাষায় পরিপাটীরূপে বেণীসংহার  
অনুবাদিত করিয়াছেন।...

৫। রত্নাবলী নাটক। ইং ১৮৫৮। পৃ. ২২।

রত্নাবলী নাটক। শ্রীরামনারায়ণ তর্করত্ন কর্তৃক চলিত ভাষায়  
অনুবাদিত। কলিকাতা। শ্রীযুত ঈশ্বরচন্দ্র বসু কোং বহুবাজারস্থ ১৮৫  
সংখ্যক ভবনে ষ্ট্যান্‌হোপ যন্ত্রে যন্ত্রিত। সন্থং ১৯১৪।

‘রত্নাবলী’ ১৮৫৮ খ্রীষ্টাব্দের মার্চ মাসে প্রকাশিত হয়। ইহার  
‘ভূমিকা’র তারিখ “২৮ ফাল্গুন, সন্থং ১৯১৪”। ‘বিবিধার্থ-সঙ্গ্রহে’  
(৪৯ খণ্ড, পৃ. ১৮) সমালোচনাকালে রাজেন্দ্রলাল মিত্র লিখিয়াছিলেন :—

...অবিশ্রান্ত পীযুষপানের গ্ৰাম গ্রন্থের আত্মোপাস্ত পাঠ করিয়া  
আমরা সর্বতোভাবে পরিতৃপ্ত হইয়াছি।...ঠাঁহাকর্তৃক রত্নাবলীর  
সৌন্দর্য্য যাদৃশ পরিপাটীরূপে বঙ্গভাষায় প্রকটিত হইয়াছে : বোধ হয়  
অতি অল্প লোকে তাদৃশরূপে সংস্কৃতের চাতুর্য্য বাঙ্গালীতে রক্ষা করিতে  
পারিতেন।

এই নাটকখানি পাইকপাড়া-রাজাদের বেলগাছিয়াস্থিত বাগান-  
বাটীতে প্রতিষ্ঠিত বঙ্গমঞ্চে ৩১ জুলাই ১৮৫৮ তারিখে সর্বপ্রথম অভিনীত  
হয়। ‘রত্নাবলী’ বেলগাছিয়া নাট্যশালায় ছয় সাত বার অভিনীত  
হইয়াছিল। নিমন্ত্রিত ইংরেজ দর্শকদের সুবিধার জন্য পাইকপাড়ার  
রাজারা মাইকেল মধুসূদন কর্তৃক ‘রত্নাবলী ইংরেজীতে অনুবাদ করাইয়া  
পুস্তকাকারে প্রকাশ করিয়াছিলেন। এইভাবে মাদ্রাজ-প্রবাস হইতে  
সদ্য প্রত্যাবৃত্ত মধুসূদনকে বঙ্গসাহিত্যের দিকে বিশেষভাবে আকর্ষণ  
করিবার উপলক্ষ্য হিসাবে ‘রত্নাবলী’র অভিনয় বাংলা সাহিত্যের  
ইতিহাসে একটি বিশেষ স্মরণীয় ঘটনা। এই ‘রত্নাবলী’ নাটকের  
অভিনয় দেখিয়াই মধুসূদনের মনে নাটক লিখিবার সঙ্কল্প জাগে।

৬। অভিজ্ঞানশকুন্তল নাটক । ইং ১৮৬০ । পৃ. ১৩২ ।

অভিজ্ঞানশকুন্তল নাটক । শ্রীস্বামিনারায়ণ তর্করত্ন কর্তৃক চলিত গৌড়ীয় ভাষায় অনুবাদিত । চতুঃষোড়শি টীকানাং প্রাচীনানাঞ্চ তুষ্টিয়ে । চমৎকৃতিকরৌ ভূয়ান্নবীনানাঞ্চ মৎকৃতিঃ ॥ কলিকাতা । শ্রীযুত ঈশ্বরচন্দ্র বসু কোং বহুবাজারস্থ ১৮২ সংখ্যক ভবনে ইষ্টানহোপ যন্ত্রে যন্ত্রিত । মঘৎ ১২১৭ ।

ইহা কালিদাসের অভিজ্ঞানশকুন্তল নাটকের অনুবাদ, “অধুনাতন নিয়মানুসানে নাটক অভিনয়োপযোগি করিবার নিমিত্ত স্থানে স্থানে রসভাবাদি পরিবর্তিত পরিত্যক্ত ও সন্নিবেশিত” । পুস্তকের “মঙ্গলাচরণ”-এর তারিখ “১০ আশ্বিন ১২৬৭” ।

৭। যেমন কর্ম তেমনি ফল ( প্রহসন ) । [ ইং ১৮৬৫ ? ]

৮। নব-নাটক । এপ্রিল ১৮৬৬ । পৃ. ১৫৮ ।

বহুবিবাহ প্রভৃতি কুপ্রথা বিষয়ক নব-নাটক । শ্রীস্বামিনারায়ণ তর্করত্ন প্রণীত । কলিকাতা । বহুবাজারস্থ ১৭২ সংখ্যক ভবনে ইষ্টানহোপ যন্ত্রে শ্রীযুত ঈশ্বরচন্দ্র বসু কোম্পানি কর্তৃক যন্ত্রিত । শকাব্দাঃ ১৭৮৮ । মূল্য এক টাকা ।

ছোড়াসাঁকো ঠাকুর-বাড়ীর গুণেন্দ্রনাথ ঠাকুর ও জ্যোতিরিন্দ্রনাথ ঠাকুর—উভয়েরই বাল্যকালে নাট্যাভিনয়ের দিকে বোঁক ছিল । গোপাল উড়ের যাত্রা দেখিয়া তাঁহাদের অভিনয়-বাসনা আগ্রত হয় এবং তাঁহারা ঠাকুর-বাড়ীতে একটি নাট্যশালা প্রতিষ্ঠা করেন । এই নাট্যশালার নাম ছোড়াসাঁকো নাট্যশালা । অভিনয়োপযোগী অথচ লোকশিক্ষার অমুকুল উৎকৃষ্ট নাটকের অভাব অনুভব করিয়া, নাট্যশালার কর্তৃপক্ষ ১৮৬৫ খ্রীষ্টাব্দের ২২ জুন তারিখে ‘ইণ্ডিয়ান ডেপী নিউজ’ পত্রে বহুবিবাহ বিষয়ে একখানি উৎকৃষ্ট নাটকের জন্য পুরস্কার ঘোষণা করিয়া বিজ্ঞাপন

দিয়াছিলেন। কিন্তু অল্প দিন পরেই সংবাদপত্র হইতে বিজ্ঞাপন প্রত্যাহার করিয়া, পণ্ডিত রামনারায়ণ তর্করত্নের উপর এই নাটক-রচনার ভার অর্পিত হয়। ১৮৬৫ খ্রীষ্টাব্দের ১৫ই জুলাই তারিখের 'ইণ্ডিয়ান মিরর' ( তৎকালে পাক্ষিক ) পত্রে জোড়াসাঁকো নাট্যশালা কমিটির এই বিজ্ঞাপনটি বাহির হয় :—

The subject on Polygamy which was advertized in the *Indian Daily News* of the 22nd instant [June ?] is, after due consideration, withheld from public competition, as the Committee have been able to secure the services of Pundit Ram Narain Turkorutno for the task. The following gentlemen have kindly taken upon themselves task of examining the same :—

Pundit Eshwar Chunder Bidyasagar.  
Baboo Raj Krishna Banerjee.

ইহার অল্প দিন পরেই রামনারায়ণ 'নব-নাটক' রচনা করিয়া, জোড়াসাঁকো নাট্যশালায় কর্তৃপক্ষের নিকট হইতে দুই শত টাকা পারিতোষিক লাভ করিয়াছিলেন। সংক্ষেপে ইহাই 'নব-নাটক' রচনার ইতিহাস।

৯। মালতীমাধব নাটক। [ ১৮ নবেম্বর ১৮৬৭ ] পৃ. ১৭৯।

মালতীমাধব নাটক। শ্রীরামনারায়ণ তর্করত্ন প্রণীত। কলিকাতা। শ্রীযুক্ত ঈশ্বরচন্দ্র বসু কোং বহুবাজারস্থ ১৭২ সংখ্যক ভবনে ট্যান্‌হোপ যন্ত্রে মুদ্রিত। বাং ১২৭৪। ইং ১৮৬৭।  
পুস্তকের বিজ্ঞাপনে প্রকাশ, "নাটকের সঙ্গীত করেকটা শ্রীযুক্ত বাবু বনয়ারীলাল রায় মচাপন্ন রচনা করিয়া দিয়াছেন"।

১০। উত্তর সঙ্কট ( প্রহসন )। [ ১৯ নবেম্বর ১৮৬৯ ]। পৃ. ২৭।

উত্তর সঙ্কট। প্রহসন বন্ধুদিগের বিতরণার্থে। কলিকাতা। শ্রীযুক্ত ঈশ্বরচন্দ্র বসু কোং বহুবাজারস্থ ২৪৯ সংখ্যক ভবনে ট্যান্‌হোপ যন্ত্রে মুদ্রিত। সন ১২৭৬ সাল।

১১। চক্ষুদান ( প্রহসন )। [২৫ নবেম্বর ১৮৬৯]। পৃ. ২৬।

চক্ষুদান। প্রহসন বন্ধুদিগের বিতরণার্থে। কলিকাতা। শ্রীযুক্ত ঈশ্বরচন্দ্র বসু কোং বহুগজারস্থ ২৪৯ সংখ্যক ভবনে ষ্ট্যান্‌হোপ্‌ যন্ত্রে মুদ্রিত। সন ১২৭৬ সাল।

১২। কুঞ্জিনীহরণ নাটক [৯ সেপ্টেম্বর ১৮৭১]। পৃ. ৯৯।

কুঞ্জিনীহরণ নাটক। শ্রীরামনারায়ণ তর্করত্ন প্রণীত। কলিকাতা। শ্রীযুক্ত ঈশ্বরচন্দ্র বসু কোং বহুগজারস্থ ২৪৯ সংখ্যক ভবনে ষ্ট্যান্‌হোপ্‌ যন্ত্রে মুদ্রিত ও প্রকাশিত। সন ১২৭৮ সাল।

১৩। স্বপ্নধন নাটক। [৮ নবেম্বর ১৮৭৩]। পৃ. ৮৩।

স্বপ্নধন নাটক। শ্রীযুক্ত রামনারায়ণ তর্করত্ন প্রণীত। সিমুলিয়া বঙ্গ বঙ্গভূমি হইতে প্রকাশিত। নূতন বাঙ্গালা যন্ত্র কলিকাতা,— সিমুলিয়া, মানিকতলা স্ট্রীট নং ৪৮। সম্বৎ ১৯৩০।

১৪। ধর্ম-বিজয় নাটক। [১৩ সেপ্টেম্বর ১৮৭৫]। পৃ. ১১৪।

ধর্ম-বিজয় নাটক। শ্রীরামনারায়ণ তর্করত্ন প্রণীত। হরিনাভি বঙ্গ নাট্যসমাজের সম্পাদক শ্রীকালীপ্রসন্ন ভট্টাচার্য্য কর্তৃক প্রকাশিত। “যতো ধর্মস্তো জয়ঃ” হরিনাভি ইষ্ট ইণ্ডিয়া পেসে মুদ্রিত। ২৮২

ধর্ম-বিজয় নাটক’ হরিশ্চন্দ্রের আখ্যায়িকা অ লঙ্ঘনে রচিত ১০ই ভাদ্র ১২৮২ তারিখে রামনারায়ণ এই নাটকখানি “সভাগণের আকিঞ্চনে” হরিনাভি বঙ্গনাট্যসমাজের সম্পাদক কালীপ্রসন্ন ভট্টাচার্য্যকে বিক্রয় করেন। ভট্টাচার্য্য মহাশয়ই নাটকখানি প্রকাশ করেন; তাঁহার “বিজ্ঞাপনে” প্রকাশ, “শেষ ভাগে যে সকল সংগীত সন্নিবেশিত হইল তৎসকল শ্রীযুক্ত বাবু কালীকুমার চক্রবর্তী এবং শ্রীযুক্ত বাবু কালীনাথ সান্যাল মহাশয়ের নিকট কৃতজ্ঞতা পাশে বন্ধ রহিলাম।...হরিনাভি ২০এ ভাদ্র ১২৮২।”

১৫। কংসবধ নাটক। [৬ ডিসেম্বর ১৮৭৫]। পৃ. ৭২।

কংসবধ নাটক। শ্রীরামনারায়ণ তর্করত্ন প্রণীত ও প্রকাশিত। কলিকাতা। শ্রীঈশ্বরচন্দ্র বসু কোম্পানির বহুবাজারস্থ ২৪২ সংখ্যক ভবনে ষ্ট্যান্‌হোপ যন্ত্রে মুদ্রিত। সন ১২৮২ সাল।

### সংস্কৃত রচনা :

১। মহাবিদ্যারামন। ইং ১৮৭০ (৭)

ইহা দশ মহাবিদ্যার স্তোত্র ও গীতিকা এবং ১২৭৮ সালে রচিত বলিয়া রামনারায়ণের আত্মকথায় প্রকাশ, কিন্তু তারিখটি ঠিকমত মুদ্রিত হয় নাই বলিয়া মনে হয়। ইহা সম্ভবতঃ ১২৭৭ সালে (ইং ১৮৭০) রচিত।

২। আর্ঘ্যাশতকম্। ফেব্রুয়ারি, ১৮৭২। পৃ. ১০।

আর্ঘ্যাশতকম্ কলিকাতা গবর্নমেন্ট সংস্কৃতবিদ্যালয়াদ্যাপকেন শ্রীরামনারায়ণ তর্করত্নেন বিবচিতম্। কলিকাতা মৃজাপুর অপার-সরকিউলর রোড, নং ৫৮।৫ গিরিশ-বিদ্যালয় যন্ত্রে তেনৈব মুদ্রিতম্। ইং ১৮৭২ ফেব্রুয়ারি।

পুস্তকখানি দেবানগর অক্ষরে মুদ্রিত। রচনার নিদর্শনস্বরূপ ইহা হইতে কয়েক পংক্তি উদ্ধৃত হইল :

এষা মূর্ধৈব বার্তা ন স্তথা বসুধাতলে সুলভ্যতি।

নবরসরসিকজনাস্তোদ্রুতভারতী যদত্রাস্তে ॥৭

লেখনি খনিরসি লোকে কবিকরকলিতা স্ববর্ণরত্নানাম্।

সা ত্বং পরার্থসিদ্ধেঃ কর্তী চাধোমুখীভূয় ॥৮

কোমলমিহ নবনীতং সমধিককোমলতরং সতাং চেতঃ।

আগুং স্বস্মিংস্তাপাদ্ জ্বলতি তু পরতাপতোহপ্যন্তম্ ॥৯

ধরণী ধরতি সমস্তং ধরনিমনস্তঃ শিরোভিরপি ধস্তে ।

যো হি বহতি পরভাঃ তস্ত তু পতনং ন সম্ভাব্যম্ ॥১০

কস্থাং শিরসি নিদধ্যাৎ কো বা নিত্যং তবাদরং ধস্তে ।

ছত্র স্বয়মপি তপ্তং পরতাপং চেন্ন বারয়সি ॥১১

৩। দক্ষযজ্ঞম্ (পূর্বার্ধম্), সর্গ ১-৫ । ইং ১৮৮১ । পৃ. ৪৩ ।

দক্ষযজ্ঞম্ (পূর্বার্ধম্) কলিকাতাস্থিত-সংস্কৃতবিজ্ঞানন্দিরস্ত অধ্যাপকগুণতমেন শ্রীরামনারায়ণ তর্করত্নেন বিরচিতম্ শ্রীগিরিশচন্দ্র বিজ্ঞানরত্নেন সংশোধিতম্ কলিকাতা-রাজ্যধাণ্ডাম্ নং ২৪, গিরিশ-বিজ্ঞানরত্ন লেন, গিরিশ-বিজ্ঞানরত্ন-যন্ত্রে শ্রীহরিশচন্দ্র কবিরত্নেন পরিশোধিতং, মুদ্রিতং, প্রকাশিতঞ্চ । ইং ১৮৮১ ।

৪। দক্ষযজ্ঞম্ (উত্তরার্ধম্), সর্গ ৬-১০ । ইং ১৮৮২ । পৃ. ৪১ ।

দক্ষযজ্ঞম্ (উত্তরার্ধম্) কলিকাতাস্থিত-সংস্কৃতবিজ্ঞানন্দিরস্ত অধ্যাপকগুণতমেন শ্রীরামনারায়ণ তর্করত্নেন বিরচিতম্ শ্রীগিরিশচন্দ্র বিজ্ঞানরত্নেন সংশোধিতম্ কলিকাতা-রাজ্যধাণ্ডাম্ নং ২৪, গিরিশ-বিজ্ঞানরত্ন লেন, গিরিশ-বিজ্ঞানরত্ন-যন্ত্রে শ্রীহরিশচন্দ্র কবিরত্নেন পরিশোধিতং, মুদ্রিতং, প্রকাশিতঞ্চ । ইং ১৮৮২ ।

রচনার নিদর্শনস্বরূপ দেবনাগর অক্ষরে মুদ্রিত এই সংস্কৃত খণ্ডকাব্য হইতে কয়েক পংক্তি উদ্ধৃত হইল :—

হরো ব্রহ্মচারী কলহাপহারী

শশাঙ্কার্ধধারী শশানপ্রচারী ।

বিপৎপাতবারী সদস্তবিহারী

ভবভ্রাণকারী স্বভৌ মেহস্ত নিত্যম্ ॥৩৩

ভবানীশমীশং স্বরেশং গিরীশং

জ্ঞনেশং মহেশং শিবং বোমকেশং ।

মহাভীমবেশং সুবেশৈকবাসং  
 সত্যং সুপ্রকাশং স্মরামি স্মরামি ॥৩৪  
 স্মরা সদ্বিধেয়ং তথা তদ্বিধেয়ং  
 বিধের্নাস্তি শক্তিস্তদন্তদ্বিধাতুম্ ।  
 অতঃ প্রার্থয়েহং ভবান্তোধিময়ঃ  
 স্মরা রক্ষণীয়ঃ শরণ্যাগ্রগণা ॥৩৫  
 নমো বিশ্বকর্ত্রে নমো বিশ্বধর্ত্রে  
 নমো বিশ্ববীজস্বরূপায় নিত্যং  
 ত্রিনেত্রায় তুভ্যং নমঃ শঙ্করায় ॥৩৬  
 স্তদন্তয় চান্তে ভবে বস্ত্ব কিঞ্চৎ  
 স্মমেবাদিমশ্চাস্তিমো মধ্যমশ্চ ।  
 বিধাতুং স্তবং তে বিধাতুর্ন শক্তিঃ  
 কথং বক্তৃমীশো ভবেয়ং ভবেশ ॥৩৭

—পূর্বার্ধ, ৪র্থ সর্গ, পৃ. ২৮-২৯ ।

সংস্কৃত কলেজের কাব্য-শ্রেণীর অধ্যাপক জয়গোপাল তর্কালঙ্কার  
 ছাত্রবর্গকে সময়ে সময়ে পূরণার্থ কতকগুলি সমস্যা দিতেন । এই সমস্যা  
 পূরণ প্রসঙ্গে যে-সকল কবিতা রচিত হইয়াছিল, তাহা একটি পুস্তকে  
 লিখিত হইত । এই পুস্তকের নাম 'সমস্যাকল্পলতা', ১৭৬৭ শকে ( ইং  
 ১৮৪৫ ) ইহা সংকলিত হইয়াছিল । পরবর্তী সময়ের কয়েক জন ছাত্রের  
 দ্বারাও এই পুস্তকের কলেবর কিঞ্চিৎ বর্ধিত হইয়াছিল । 'সমস্যাকল্প-  
 লতা'র রামনারায়ণের কতকগুলি রচনা আছে । ১৩০৭ সালে জ্ঞানচন্দ্র  
 চৌধুরী 'সমস্যাকল্পলতা' পুস্তকাকারে প্রকাশ করিয়াছেন ।

ইহা ছাড়া রামনারায়ণ আরও দুইখানি পুস্তক রচনা করিয়াছিলেন

বলিয়া সমসাময়িক কোন কোন ব্যক্তি উল্লেখ করিয়াছেন। পুস্তক দুইখানি অণ্ডের নামে প্রচারিত, কিন্তু এগুলির রচনায় যে তাঁহার যথেষ্ট হাত ছিল, তাহার প্রমাণ পাওয়া যায়।—

(ক) যতীন্দ্রমোহন ঠাকুরের কনিষ্ঠ ভ্রাতা শৌরীন্দ্রমোহন ঠাকুর কালিদাস-প্রণীত ‘মালবিকাগ্নিমিত্র’ নাটকের অনুবাদ করেন। নাটকখানি পাথুরিয়াঘাটা ঠাকুর-গোষ্ঠীর আদি বাড়ীতে একাধিক বার অভিনীত হইয়াছিল। এই অভিনয়ে মহেন্দ্রনাথ মুখোপাধ্যায় বিদূষকের ভূমিকা গ্রহণ করিয়াছিলেন, তিনি তাঁহার স্মৃতিকথায় বলিয়াছেন :—

রামনারায়ণ পণ্ডিত মহারাজা যতীন্দ্রমোহন ঠাকুরকে...বলিলেন—‘আমি আপনাকে ঠিক ‘রত্নাবলী’র মত একখানা নাটক লিখিয়া দিব।’ তাঁহার রচিত ‘মালবিকাগ্নিমিত্র’ নাটক আমরা প্রথম অভিনয় করিয়াছিলাম। ছোটরাজা শৌরীন্দ্রমোহন ঠাকুর সেই একবার মাত্র stage-এ অভিনয় করিয়াছিলেন, বড বাজার অনুরোধে তিনি ‘কঙ্কী’ সাজিয়াছিলেন। (‘পুরাতন প্রসঙ্গ’, ১ম পর্যায়, পৃ ১১৫)

মহেন্দ্রনাথের উক্তি একেবারে অমূলক বলিয়া মনে হয় না। ‘মালবিকাগ্নিমিত্র’ নাটকের প্রথম সংস্করণে (১২৬৬ সাল) অনুবাদকের নাম ছিল না; দ্বিতীয় সংস্করণে (১২৮৪ সাল) শৌরীন্দ্রমোহন ঠাকুরের নাম থাকিলেও, এই নাটক-রচনায় রামনারায়ণের যথেষ্ট হাত ছিল। ৭ জুলাই ১৮৬০ তারিখে এই নাটকের দ্বিতীয় বার অভিনয় হয়। এই অভিনয়-প্রসঙ্গে ‘সোমপ্রকাশ’ (১৬ই জুলাই ১৮৬০) লিখিয়াছিলেন :—

আমরা পূর্বে [ ২ জুলাই ১৮৬০ ] মহাকবি কালিদাস প্রণীত মালবিকাগ্নিমিত্র নাটকের বাঙ্গালানুবাদ সমাচার পাঠকগণের গোচর করিয়াছি। গ্রন্থ মধো অনুবাদকের নাম ছিল না, সুতরাং তাহা পাঠকগণকে জানাইতে পারি নাই। এক্ষণে জানিতে পারিলাম,



পাথুরিয়াঘাটার শ্রীযুক্ত বাবু যতীন্দ্রমোহন ঠাকুরের ভ্রাতা শ্রীযুক্ত বাবু শৌরেন্দ্রমোহন ঠাকুরের যত্নে অল্পবাদ ক্রিয়া সম্পন্ন হয়। পশ্চাৎ শ্রীযুক্ত রামনারায়ণ তর্কসিদ্ধান্ত বেশ ভূষা পরাইয়া দেন। সম্প্রতি উহার অভিনয় আরম্ভ হইয়াছে।...

(খ) পুলিনবিহারী দত্ত মহাশয়ের মুখে শুনিয়াছি, 'পৌরাণিক ইতিবৃত্ত' ( ১২৭৭ সাল ) পুস্তকখানি রামনারায়ণের রচনা। দত্ত-মহাশয় রামনারায়ণের ছাত্র ছিলেন। তাঁহার কথাও অমূলক না হইতে পারে; কারণ, পুস্তকে গ্রন্থকারের নাম "ডব্লু অত্রাএন স্মিথ" মুদ্রিত থাকিলেও ইহার "বিজ্ঞাপনে" প্রকাশ :—

— ইহাও বক্তব্য, পুস্তক প্রণয়নে শ্রীযুক্ত রামনারায়ণ তর্করত্নেরও সাহায্য গ্রহণ করা হইয়াছে।

## আত্মকথা

১৮৭২ খ্রীষ্টাব্দে রামনারায়ণ সংক্ষেপে আত্মকথা লিখিয়া রাখিয়া ছিলেন। শ্রীযুক্ত চাক্চন্দ্র ভট্টাচার্য ১৩২৩ সালের কার্তিক সংখ্যা 'ভারতবর্ষে' ইহা প্রকাশ করিয়াছেন, কিন্তু তারিখগুলি সর্বত্র নিভুল ভাবে মুদ্রিত হয় নাই বলিয়া মনে হয় রামনারায়ণের আত্মকথা নিম্নে উদ্ধৃত হইল :—

সন ১২২৯ সালে আমার জন্ম। আমার পিতা ঠাকুরের নাম ৮রামধন শিরোমণি মহাশয়। ২৪ পরগণার অন্তঃপাতি হরিনাভি নামক গ্রামে আমার বাস। আমি বাল্যাবস্থাতে দেশে ও বিদেশে চৌবাড়িতে ব্যাকরণ, কাব্য ও স্মৃতির কিয়দংশ এবং শাস্ত্রের অল্পমানসও প্রায় অধ্যয়ন করি। পরিশেষে ইং ১৮৪৩ অর্থাৎ ১২৫০ সালে গবর্ণমেন্ট

সংস্কৃত কলেজে পাঠার্থ প্রবিষ্ট হই। ইং ১৮৫৩ বাঙ্গালা ১২৬০ সালে কলেজ পরিভাগ করিয়া প্রথমতঃ হিন্দু মিট্রোপলিটন কলেজের প্রধান পাণ্ডিত্যপদে নিযুক্ত হই। দুই বৎসর তথায় কর্ম করিয়া ১৮৫৫ সালের ১৬ই জুন\* তারিখে ( বাঙ্গালা ১২৬২ সালে ) সংস্কৃত কলেজে অধ্যাপনাকার্যে নিযুক্ত হইয়া অত্যাপি সেই কর্মই করিতেছি।

১২৫২ সালে পতিব্রতোপাখ্যান প্রস্তুত করি। রঙ্গপুরের ভূম্য-ধিকারী বাবু কালীচন্দ্র রায় উক্ত পুস্তকে ৫০ টাকা পারিতোষিক দেন।

কুলীন কুলসর্বস্ব নাটক ১২৬১ সালে রচিত হয়, উহাতেও রঙ্গপুরের উক্ত ভূম্যধিকারি বাবু কালীচন্দ্র রায় ৫০ টাকা পারিতোষিক দেন ; এই পুস্তক মুদ্রাঙ্কনের সাহায্যে আরো ৫০ টাকা দান করেন। এই নাটক কলিকাতা নূতনবাজারে বাঁশতলার গলিতে ও চুঁচুড়াতে অভিনীত হয়।

বেণী-সংহার নাটক। ১২৬৩ সালে প্রস্তুত হয়। এই নাটক কলিকাতা জোড়াসাঁকোস্থ বাবু কালীপ্রদত্ত সিংহের বাটীতে ও নূতনবাজারে বাবু জয়রাম বশাকের বাটীতে অভিনীত হয়।

রত্নাবলী ১২৬৪ সালে প্রস্তুত হয়। ইহাতে কান্দিনিবাসী রাজা প্রতাপচন্দ্র সিংহ বাহাদুর ২০০ টাকা পারিতোষিক দেন। উক্ত রাজার কলিকাতার সন্নিকট বেলগেছিয়ার বাটীতে ৬৭ বার ঐ নাটক অভিনীত হয়। তন্নিম্ন গীতাভিনয় প্রস্তুত হইয়া এক্ষণেও নানা স্থানে অভিনীত হইতেছে।

অভিজ্ঞান-শকুন্তল নাটক। ১২৬২ [ ১২৬৭ ? ] সালে প্রস্তুত হয়।

\* তারিখটি “১৫ই জুন” হইবে। সংস্কৃত কলেজে রক্ষিত অধ্যাপকদের মাহিনার রসিদ-বইয়ে প্রকাশ, রামনারায়ণ ১৮৫৫ সনের জুন মাসের বেতন বাবদ ২১১/৪ পাইয়াছিলেন।

এই নাটক কলিকাতা শাঁকারিটোলার বাবু ক্ষেত্রমোহন ঘোষের বাটীতে ৫ বার অভিনীত হয়।

নবনাটক ১২৭৩ সালে রচিত হয়। ইহাতে কলিকাতা জোড়াসাঁকোবাসি বাবু গুণেন্দ্রনাথ ঠাকুর ২০০ টাকা পারিতোষিক দেন। এই নাটক তাঁহার বাটীতে ৯ বার অভিনয় হয়।

মালতীমাধব নাটক ১২৭৪ সালে প্রস্তুত করিয়া কলিকাতা পাথুরিয়াঘাটার সুপ্রসিদ্ধ রাজা যতীন্দ্রমোহন ঠাকুর বাহাদুরকে প্রদান করি। তিনি উহাতে ১০০ পারিতোষিক দেন। তাঁহার বাটীতে ঐ নাটক ১০।১১ বার অভিনীত হয়।

স্বনীতিসম্ভাপ নাটক ১২৭৫ সালে প্রস্তুত করিয়া কলিকাতা কাশারীটোলানিবাসি বাবু কালীকৃষ্ণ প্রামাণিককে প্রদান করি। তিনি আমাকে ২০০ টাকা পারিতোষিক দেন। ঐ নাটক কোন কারণে মূত্রিত হয় নাই।

১২৭৮ সালে কল্পিণীহরণ প্রস্তুত করিয়া পূর্বোক্ত রাজা যতীন্দ্রমোহন ঠাকুর বাহাদুরের নিকটে ৫০ টাকা পারিতোষিক পাই। ঐ নাটক তাঁহার বাটীতে ১০।১১ বার অভিনীত হইয়াছে। এতদ্ব্যতীত যেমন কর্ম তেমন ফল, উভয় সঙ্কট এবং চক্ষুর্দান নামে আরো ৩ খানি প্রহসন\* অর্থাৎ হাস্যরসব্যঞ্জক ক্ষুদ্র নাটক প্রস্তুত করিয়া উক্ত রাজা বাহাদুরের নিকট যথাযোগ্য পুরস্কৃত হইয়াছি, সে সকল নাটকও প্রত্যেকে ৭।৮ বার করিয়া তাঁহারই বাটীতে অভিনীত হইয়াছে।

মধ্যে মধ্যে কল্পিপূরণ, সমুদয় উত্তররামচরিত নাটক ও

\* এই প্রহসন তিনখানি মহারাজা যতীন্দ্রমোহন ঠাকুরের রচনা বলিয়া অনেক মনে করেন, কিন্তু তাহা ঠিক নহে।

যোগবাশিষ্ঠের কিয়দংশ অনুবাদ করিয়া সর্বার্থপূর্ণ...দয় . [ সর্বার্থ পূর্ণচন্দ্র ] নামক পত্রিকাতে ক্রমশঃ প্রকাশ করা হইয়াছে ।

কেরলীকুসুম [ পরে 'স্বপ্নধন' নামে প্রকাশিত ] নামে একখানি নাটক প্রস্তুত করা গিয়াছে ; অত্যাপি মুদ্রিত হয় নাই ।

### সংস্কৃত গ্রন্থ

১২৭৮ সালে মহাবিচারাদ্বয়নামে দশমহাবিচার স্তোত্র ও গীতিকা এবং বর্তমান বর্ষে আর্ঘ্যাশতক প্রস্তুত করিয়াছি ।

“বর্তমান বর্ষে আর্ঘ্যাশতক প্রস্তুত করিয়াছি”—আত্মকথার এই কথাগুলি হইতে কাহারও বুঝিতে অস্ববিধা হইবে না যে, যে বৎসর ‘আর্ঘ্যাশতক’ প্রস্তুত হয়, সেই বৎসরই আত্মকথা লিখিত হইয়াছিল । ‘আর্ঘ্যাশতকম্’-এর প্রকাশকাল “ইং ১৮৭২ । ফেব্রুয়ারি” . স্মৃত্যঃ রামনারায়ণের আত্মকথা যে ১৮৭২ খ্রীষ্টাব্দে বা ১২৭৮ সালে রচিত, তাহা নিঃসন্দেহ । এই আত্মকথা লিখিত হইবার পরেও রামনারায়ণ আরও কয়েকখানি পুস্তক রচনা করিয়াছিলেন ; সেগুলির পরিচয় পূর্বেই দেওয়া হইয়াছে ।

রামনারায়ণ ‘ধনুর্ভঙ্গ’ নামে একখানি পুস্তক রচনা করিয়াছিলেন, কিন্তু তাহা মুদ্রিত হয় নাই ( ‘শিল্পপুষ্পাঞ্জলি’, ১২৯২, পৃ. ১৫৭ ) ।


সাহিত্য-সাধক-চরিতমালা—৬\*

রামরাম বসু



# রামরাম বসু

ব্রজেননাথ বন্দ্যোপাধ্যায়



বঙ্গীয় সাহিত্য পরিষৎ

বঙ্গীয়-সাহিত্য-পরিষৎ

২৪৩/১, আচার্য প্রফুল্লচন্দ্র রোড

কলিকাতা-৬

প্রকাশক  
শ্রীমদনমোহন কুমার  
সম্পাদক  
বঙ্গীয়-সাহিত্য-পরিষৎ

পঞ্চম সংস্করণ—মাঘ ১৩৬৫

ষষ্ঠ মুদ্রণ—শ্রাবণ ১৩৮৩

মূল্য : এক টাকা পঞ্চাশ পয়সা

মুদ্রাকর—শ্রীসুধাবিন্দু সরকার  
ব্রাহ্ম মিশন প্রেস, ২১১/১, বিধান সরণী, কলিকাতা-৬



# রামরাম বসু

১৭৫৭—১৮১৩

বাংলা-গণের ইতিহাসের সহিত ষাঁহাদের পরিচয় আছে, তাঁহাদের নিকট রামরাম বসুর নাম অজ্ঞাত নহে। তাঁহার রচিত 'রাজা প্রতাপাদিত্য চরিত্র'ই বঙ্গাক্ষরে মুদ্রিত বাঙালী-রচিত প্রথম মৌলিক গদ্য-গ্রন্থ।

রামরাম বসুর বাল্য-জীবন সম্বন্ধে আমাদের বিশেষ কিছু জানা নাই। আনুমানিক ১৭৫৭ খ্রীষ্টাব্দে তাঁহার জন্ম হইয়াছিল ধরিয়া লইবার সম্ভাষজনক প্রমাণ আছে।\* বংশ-পরিচয় সম্বন্ধে 'রাজা প্রতাপাদিত্য চরিত্রে'র ভূমিকায় রামরাম বসু নিজের লিখিয়া গিয়াছেন, "আমি তাহারদিগের [প্রতাপাদিত্যের] স্বশ্রেণী একেই জাতি," সেজন্য তাঁহাকে বঙ্গজ কায়স্থ বলিয়া গণ্য করিতে হয়। তাহা ছাড়া, প্রচলিত জীবন-কাহিনীতে তাঁহার জন্মস্থান চুঁচুড়া ও শিক্ষাস্থল ২৪-পরগণার নিমুতা গ্রাম বলিয়া উল্লিখিত আছে।

রামরাম বসুর বাল্য ও প্রথম জীবন সম্বন্ধে আর কিছু জানা না গেলেও কর্ম-জীবন সম্বন্ধে অনেক তথ্য সংগ্রহ করিবার উপায় আছে। পর-জীবনে রামরাম বসু জন্ টমাস, উইলিয়ম কেরী-প্রমুখ মিশনারী ও সরকারী ফোর্ট উইলিয়ম কলেজের সহিত কর্মসূত্রে সংশ্লিষ্ট ছিলেন।

\* বঙ্গদেশে আগত প্রথম ব্যাপ্টিস্ট মিশনারী জন্ টমাসকে রামরাম বসু কিছু দিন বাংলা শিখাইয়াছিলেন। ১৭৯২ খ্রীষ্টাব্দে লিখিত টমাসের একখানি পত্র পাঠে জানা যায় যে, সে সময়ে রামরাম বসুর বয়স ছিল "about 35."

সেজন্য মিশনরীদের জীবনী, শ্রীরামপুর ব্যাপ্টিস্ট মিশনের কার্যবিবরণাদি ও সরকারী দপ্তরে রামরাম বসুর উল্লেখ আছে। এই সকল উপকরণের সাহায্যে বর্তমান জীবনী সঙ্কলিত হইয়াছে।

## জন্ টমাসের মূন্সী

রামরাম বসু মিশনরীদের মধ্যে সর্বপ্রথমে জন্ টমাসের সংস্রবে আসেন। টমাস এক জন ব্যাপ্টিস্ট মিশনরী, ১৭৮৩ খ্রীষ্টাব্দে প্রথম এই দেশে আসেন, কিন্তু পর-বৎসরই বিলাতে ফিরিয়া গিয়া খ্রীষ্টধর্ম-প্রচারের উদ্দেশ্যে ১৭৮৬ খ্রীষ্টাব্দে আবার বাংলায় প্রত্যাবর্তন করেন। এই সময়ে ভারতপ্রবাসী দু-চার জন ইংরেজ হিন্দুদের মধ্যে খ্রীষ্টধর্ম-প্রচারের প্রয়োজন অনুভব করিতেছিলেন। ইঁহাদের এক জন—রেভারেন্ড ডেবিড ব্রাউন ( ইনি ১৮০০ খ্রীষ্টাব্দে ফোর্ট উইলিয়ম কলেজের প্রভোস্ট হন ) ১৭৮৭ খ্রীষ্টাব্দে একখানি পত্রে লিখিয়াছিলেন, "Out of ten million natives, we know of no Christian." এইরূপ আরও কয়েক জন ইংরেজের সহিত টমাসের পরিচয় হইল। তাঁহারা খ্রীষ্টধর্ম-প্রচারে তাঁহার আনুকূল্য করিতে প্রস্তুত হইলেন।

এদেশের লোকের মধ্যে প্রচারকার্য চালাইতে হইলে সর্বপ্রথমে বাংলা ভাষা শেখা দরকার ; টমাস বাংলা শিখিবার জন্য এক জন উপযুক্ত শিক্ষকের সন্ধান করিতে লাগিলেন। তখন উইলিয়ম চেম্বার্স সুপ্রীম-কোর্টের ফার্সী দোভাষী। তিনি টমাসকে এক জন সুদক্ষ বাংলা শিক্ষকের সন্ধান দিলেন—ইনিই আমাদের রামরাম বসু।\*

\* "He was one of the most accomplished Bengalee scholars of this day, and wielded the power of sarcasm inherent in the language with

চেয়ার্‌সের সুপারিশে তিনি টমাসের মুনশী নিযুক্ত হইলেন ( ৮ মার্চ, ১৭৮৭ ) ।\*

হিতাকাজী বন্ধুদের পরামর্শে শীঘ্রই টমাসকে ধর্মপ্রচারক-রূপে মালদহে যাইতে হইল । মালদহে তখন কোম্পানীর রেশম-কুঠীর কমার্শিয়াল রেসিডেন্ট ছিলেন—জর্জ উড্‌নী । ঠিক হইল, উড্‌নী পরিবারে টমাস বাস করিবেন, বাংলা শিখিতে থাকিবেন এবং দেশীয় লোকের মধ্যে খ্রীষ্ট-মহিমা প্রচার করিবেন ।

১৭৮৭ খ্রীষ্টাব্দের জুন মাসে টমাস মুনশী রামরাম বসু সহ মালদহে উপস্থিত হইলেন । মুনশীর নিকট অল্পমূল্য বাংলা শিখিয়া তিনি পরবৎসর এপ্রিল মাসে সর্বপ্রথম বাংলায় ধর্মপ্রচার আরম্ভ করিলেন । প্রচারকালে রামরাম বসু সঙ্গে থাকিয়া তাঁহাকে সাহায্য করিতেন । কিছু দিন পরে টমাস লক্ষ্য করিলেন, খ্রীষ্টধর্মের প্রতি রামরাম বসু যেন ক্রমশঃ আকৃষ্ট হইতেছেন । তাঁহার মনে বিশেষ আশা জাগিল যে, এক দিন রামরাম বসু স্বধর্মের পৌত্তলিকতা বর্জন করিয়া খ্রীষ্টধর্মে দীক্ষিত হইবেন । একটি ঘটনায় এই ধারণা আরও বদ্ধমূল হইল । ঘটনাটি টমাসের জীবনীতে এইরূপ বর্ণিত আছে,—

This man [Ram Basu] told him in June, 1788, that he had found Jesus to be the answerer of his prayer. He had cried to

singular effect."—J. O. Marshman ; *The Life and Times of Carey, Marshman, and Ward*. I. 132.

ফার্সী ভাষাতেও রামরাম বসুর যথেষ্ট জ্ঞান ছিল । কেহ একখানি পত্রে লিখিয়াছেন,  
"Ram Boshoo is a good Persian scholar. Eustace Carey : *Memoir of William Carey*, p. 119.

\* C. B. Lewis : *The Life of John Thomas, Surgeon of the Earl of Oxford East Indiaman, and the First Baptist Missionary to Bengal*, (1878), p 65.

Him in sickness, and a speedy cure had been granted. Towards the end of the same month, he brought Mr. Thomas, "a gospel hymn of his own composing, the first ever seen or heard of in the Bengalese language."—a lyric which still holds its place in our collections of Bengali hymns. Ram Basu's daily conversation betokened also a deep conviction of the truth of the gospel, and there was reason to hope he might soon be an acknowledged follower of Christ.—*The life of John Thomas* (1873), pp.111-12.

১৭৮৮ খ্রীষ্টাব্দের জুন মাসে রচিত রামরায় বসুর খ্রীষ্ট-স্তবটি নিয়ে উদ্ধৃত করা হইল,—

কে আর তারিতে পারে

লর্ড জিজ্জু ক্রাইস্ট বিনা গো ।

পাতক সাগর ঘোর

লর্ড জিজ্জু ক্রাইস্ট বিনা গো ।

সেই মহাশয়

ঈশ্বর তনয়

পাপীর ত্রাণের হেতু ।

তাঁরে যেই জন

করয়ে ভজন

পার হবে ভবসেতু ।

এই পৃথিবীতে

নাহি কোন জন

নিষ্পাপী ও কলেবর ।

জগতের ত্রাণকর্তা

সেই জন

জিজ্জু নাম তাঁহার ।

ঈশ্বর আপনি

জন্মিল অবনা

উদ্ধারিতে পাপী জন ।

যেই পাপী হয়                      ভজয়ে তাঁহায়  
সেই পাবে পরিত্রাণ ।

আকার নিরাকার                      ধর্ম অবতার  
সেই জগতের নাথ ।  
তাঁহার বিহনে                      স্বর্গের ভুবনে  
গমন দুর্গম পথ ।

সে বদন বাণী                      তন সব প্রাণী  
যে কেহ তুষিত হয় ।  
যে নর আসিবে                      শুদ্ধ বারি পাবে  
আমি দিব সে তাহায় ।

অতএব মন                      কর রে ভজন  
তাঁহাকে জানিয়া সার ।  
তাঁহার বিহনে                      পাতকী তারণে  
কোন জন নাহি আর ।\*

\* *The Life of John Thomas*, (1878), pp. 111-12.—১৮১৮ খ্রীষ্টাব্দে  
শ্রীরামপুর হইতে প্রকাশিত ‘শিষ্ট খ্রীষ্টের মণ্ডলীতে গের গীত’ নামে একখানি পুস্তক  
শ্রীরামপুর কলেজ-লাইব্রেরিতে আছে (G. 10. 59)। পুস্তকখানি তিন ভাগে বিভক্ত ;  
তৃতীয় ভাগে (“বাকালি স্বর”) ১-২ পৃষ্ঠায় রামরাম বসুর সঙ্গীতটি হান পাইয়াছে ।  
কিন্তু ইহার প্রথম চারি পংক্তি এইরূপ,—

“কে আর তারিতে পারে ।  
ঈশ্বর শিষ্ট খ্রীষ্ট বিনা গো ।

সাগর ও ঘোরে                      র  
শিষ্ট খ্রীষ্ট বিনা গো ।”

১৭৯১ খ্রীষ্টাব্দে অক্টোবর মাসের শেষ ভাগে আমরা টমাসকে নবদ্বীপে দেখিতে পাই। তিনি সংস্কৃত ভাষা শিখিবার জন্য সেখানে গিয়াছিলেন। নবদ্বীপকে তিনি “হিন্দু অক্সফোর্ড” বলিয়া বর্ণনা করিয়াছেন। নবদ্বীপে পঞ্চানন বিদ্যালয়কারের চেফায় টমাস এক জন সুপণ্ডিতের সন্ধান পান; তাঁহার নাম পদ্মলোচন। টমাস তাঁহার অধীনে যুক্তবোধ ব্যাকরণ অভ্যাস করিতে লাগিলেন।

১০ ডিসেম্বর ১৭৯১ তারিখে টমাস নবদ্বীপ ত্যাগ করিয়া কলিকাতা যাত্রা করেন ও পর-বৎসর ফেব্রুয়ারি মাসের মাঝামাঝি স্বদেশে প্রত্যাবর্তন করেন। তাঁহাকে বিদায় দিবার জন্য রামরাম বসুও কলিকাতায় আসিয়াছিলেন।

স্বদেশে ফিরিয়া এই বৎসর নবেম্বর মাসে তিনি স্থানীয় ব্যাপ্টিস্ট মণ্ডলীকে ভারতবর্ষে তাঁহার ধর্মপ্রচার সম্বন্ধে একটি বিবরণ লিখিয়া পাঠাইয়াছিলেন। এই বিবরণে রামরাম বসু সম্বন্ধে কিছু তথ্য আছে; নিয়ে তাহা উদ্ধৃত করা হইল,—

Third Meeting of the primary Society, at  
Northampton, November 13, 1792.

\* \* \*

Brother Thomas having been requested to give a Narrative of himself, and his labours in India, he wrote the following, which appeared in Rippon's Baptist [ Annual ] Register, No. V [ p. 356. ]

...Some little account of Boshoo, the Munshee  
...He is about 35 years of age, and a person of more than ordinary capacity, and has been well educated in the Persian language; he was recommended to me by Mr. W. C.—, who is a great Persian scholar; and I have employed him in the office of my Munshee,

or teacher, all the time I have been in Bengal. It was he that composed the *Bengal Hymn* which I annex, and, many other sonets of his own accord, without any assistance from me or any other ; and it was he who chiefly laboured with me, in the translation of Matthew, Mark, James, &c. and he often disputes with and confounds the Brahmins, both learned and unlearned, though he not a Brahmin himself, but of the writer *Cast* ; and this is not in a small degree extraordinary, for the Brahmins think it a very great condescension to hold an argument with any person whose *Cast* is inferior to that of a Brahmin. This man has a considerable degree of knowledge and gifts, and I hope they will one day shine forth to the good of many. I should have baptized him, but his relations refused to give him his wife and children. He will accomplish his wishes I hope, before I return, and then his family will be numbered with the stated hearers, and he himself be baptized.....\*

## কেরীর মুন্সী

১৭৯৩ খ্রীষ্টাব্দের ১১ই নবেম্বর টমাস ইংলণ্ড হইতে ফিরিয়া আসিলেন ; তাঁহার সঙ্গে আসিলেন উইলিয়ম কেরী। তাঁহারা কলিকাতায় পৌঁছিবার পর রামরাম বসুও আসিয়া তাঁহাদের সহিত মিলিত হইলেন। রামরাম বসুকে পাইয়া টমাস যেমন আনন্দিত

\* *Periodical Accounts relative to the Baptist Missionary Society.*  
Vol. I c, pp. 19-20.

হইলেন, তেমনই একটি সংবাদে স্কুলও হইলেন। স্বদেশযাত্রাকালে টমাস রামরাম বসুকে খ্রীষ্টধর্মে অনুরাগী দেখিয়া গিয়াছিলেন। তাঁহার অনুপস্থিতিকালে কোন খ্রীষ্টান বন্ধু বা সাহায্যকারীর অভাবে রামরাম বসু অর্থকষ্টে পড়েন ও অবশেষে বন্ধু ও পরিজনগণের মধ্যে ফিরিয়া গিয়া তাহাদের তুষ্টির জন্য পৌত্তলিক আচার-অনুষ্ঠানও পালন করিয়াছিলেন। রামরাম বসুর ছরবস্থার কথা টমাস তাঁহার একখানি পত্রে এইরূপ বর্ণনা করিয়াছেন,—

Jan. 8. 1794.

...It was very afflicting to hear of Ram Boshoo's great persecution and fall. Deserted by Englishmen, and persecuted by his own countrymen, he was nigh unto death: The natives gathered in bohies, and threw dust in the air as he passed along the streets in *Calcutta*. At last one of his relations offerd him an asylum on condition of his bowing down to their idols. The practice of the Roman Catholics strengthened this temptation, and he was prevailed on. He is now with Mr. *Carey*, from whom you will have a more circumstantial account. He thinks well of him, and I hope he at heart is convinced of his error.

I am pursuing my Shanscrit studies, and keep a Pundit: brother *Carey* pays *Moonshee* twenty rupees per month, which takes almost half his income...—*Periodical Accounts relatius to the Baptist Missionary Society. Vol. I (1792-1800), pp. 78-79.*

যাহা হউক, রামরাম বসুকে কৃত কর্মের জন্য অনুতপ্ত দেখিয়া টমাস আশ্চর্য হইলেন। স্বদেশবাসীর মধ্যে প্রচারকার্য চালাইতে হইলে সর্ব্বাগ্রে বাংলা শেখা দরকার বুঝিয়া কেরী রামরাম বসুকে মাসিক কুড়ি টাকা বেতনে মুনশী নিযুক্ত করিলেন (নবেম্বর ১৭৯৩)। দুইটি কারণে রামরাম বসুকে কেরীর বড়ই পছন্দ হইয়াছিল—প্রথমতঃ তাঁহার কথা-বার্তা; দ্বিতীয়তঃ, তাঁহার অল্পবয়স ইংরেজী-জ্ঞান। টমাস সংস্কৃত ভাষা উত্তমরূপে আয়ত্ত করিবার জন্য পদ্যালোচনকে পুনরায় নিযুক্ত করিলেন।



অর্থাভাবে কেরী ও টমাসের পক্ষে বেশী দিন কলিকাতায় থাকা সম্ভব হইল না। তাঁহারা স্থান হইতে স্থানান্তরে ঘুরিয়া অবশেষে মালদহে গিয়া জর্জ উডনীর দুইটি নীলকুঠীর তত্ত্বাবধানে নিযুক্ত হইলেন। টমাস ১৭৯৪ খ্রীষ্টাব্দের মার্চ মাসে মহীপালদীঘির নীলকুঠীতে এবং কেরী পরবর্তী জুন মাসের ১৫ই তারিখে মদনাবাটীর নীলকুঠীতে উপস্থিত হন। উভয় কুঠীর মধ্যে ব্যবধান মাত্র কয়েক ক্রোশ পথ। রামরাম বসুও কেরীর সঙ্গে মদনাবাটী গিয়াছিলেন।

অর্থসঙ্কট হইতে মুক্তি পাইয়া মিশনরীরা দেশীয় লোকের মধ্যে খ্রীষ্টতত্ত্ব-প্রচারের আশায় উৎফুল্ল হইলেন। কেরী বাইবেলের বঙ্গানুবাদে হাত দিলেন। রামরাম বসু তাঁহাকে সকল বিষয়ে সাহায্য করিতে লাগিলেন। এই সময়ে কেরী তাঁহার 'জর্নালে' লিখিতেছেন,—

21 [Jany 1794], ...This evening I had a very profitable conversation with Moonshi, about spiritual things; and I do hope that he may one day be a very useful and eminent man. I am so well able to understand him, and he me, that we are determined to begin correcting the translation of Genesis tomorrow.—  
*Memoir of William Carey.* p. 142.

কিন্তু ১৭৯৬ খ্রীষ্টাব্দে এমন একটি ঘটনা ঘটিল, যাহার ফলে কেরী তাঁহার মুনশী রামরাম বসুকে ত্যাগ করিতে বাধ্য হইলেন।

মহীপালদীঘিতে টমাস এক দিন লোকমুখে জানিতে পারিলেন যে, রামরাম বসু কিছু দিন হইতে একটি তরুণী বিধবার প্রতি আসক্ত এবং এই বিধবার একটি সন্তান হওয়াতে শিশুটিকে গোপনে হত্যা করা হইয়াছে। ব্যাপারটা সত্য কি না, অবিলম্বে তদন্ত করিবার জন্ত টমাস কেরীকে লিখিয়া পাঠাইলেন। অহুসস্থানে সকলই প্রকাশ পাইল এবং সঙ্গে সঙ্গে রামরাম বসুও মদনাবাটী ছাড়িয়া চলিয়া গেলেন।\* কেরী

\* O. B. Lewis : *The Life of John Thomas*, pp. 294-95.

ও টমাস উভয়েই রায়রাম বসুকে নিষ্কলঙ্কচিত্তে জ্ঞান করিতেন, তাঁহার এই পদস্থলন মিশনরীদের দারুণ মনঃকষ্টের কারণ হইয়াছিল। মদনাবাটী হইতে ১৭ জুন ১৭৯৬ তারিখের একটি পত্রে কেরী লিখিতেছেন,—

...I have been forced, for the honour of the gospel, to discharge the Moonshi, who...was guilty of a crime which required this step, considering the profession he had made of the gospel. The discouragement arising from this circumstances is not small, as he is certainly a man of the very best natural abilities that I have ever found among the natives, and being well acquainted with phraseology of scripture, was peculiarly fitted to assist in the translation ; but I have now no hope of him. \*

## শ্রীরামপুর ব্যাপ্টিষ্ট মিশনে

ইহার পর তিন-চার বৎসর আর আমরা রায়রাম বসুর কোন সংবাদ পাই না। মদনাবাটীর মত নির্জন জঙ্গলাকীর্ণ স্থানে পাঁচ বৎসরের উপর কাটাইয়া পুত্রপরিবার সহ কেরী ১৮০০ খ্রীষ্টাব্দের জানুয়ারি মাসে শ্রীরামপুরে আসিয়া পৌঁছিলে, যে মাসের শেষাংশে রায়রাম বসু আসিয়া তাঁহার সহিত সাক্ষাৎ করেন। কেরী তখন ওয়ার্ড, মার্শম্যান, ফাউন্টেন প্রভৃতির সাহচর্যে খ্রীষ্টধর্ম প্রচারে ব্রতী হইয়াছেন, শ্রীরামপুরে ব্যাপ্টিষ্ট মিশন প্রতিষ্ঠিত হইয়াছে, মিশনরীরা সোসাইটির নামে শ্রীরামপুরে একখানি বাড়ী কিনিয়াছেন, একটি মুদ্রাযন্ত্র স্থাপিত হইয়াছে, একটি বাংলা-বিদ্যালয় খুলিবার আয়োজনও চলিতেছে। রায়রাম বসুর মত গুণী লোকের সাহায্য পাইলে নানা দিক্ হইতে প্রচার-কার্য্য দ্রুত অগ্রসর হইবে—এই ভাবিয়া কেরী যৎকিঞ্চিৎ দক্ষিণার

\* *Hustace Carey : Memoir of William Carey, D. D., p. 264.*

বিনিময়ে পুনরায় তাঁহাকে নিযুক্ত করিলেন। এই প্রসঙ্গে ওয়ার্ড লিখিয়াছেন,—

*Mr. Ward's Journals.*

*Lord's-day. May 25, 1800.....Ram Boshoo having just received notice of our arrival, came up this day, and accompanied brother C. in the evening preaching. He is a very sensible man; speaks English pretty well, though he cannot read it; and knows enough to despise the superstitions of his country. Brother C. talked to him very closely, and has translated Dr. Ryland's letter to him.*

\* \* \* \* \*

*Lord's-day, June 29, 1800...Ram Boshoo is, with us on a small allowance.\**

রামরাম বসু মিশনরীদের একাধিক পুস্তিকা ও গান রচনা করিয়া দিয়াছিলেন। এই সকল পুস্তিকা বহুল বিতরণের ফলে হিন্দুদের মধ্যে চাঞ্চল্যের লক্ষণ দেখা গিয়াছিল। ১৮০০ খ্রীষ্টাব্দের ডিসেম্বর মাসে বাঙালীদের মধ্যে কৃষ্ণ পাল নামে এক ছুতার সর্বপ্রথম স্বধর্ম ত্যাগ করিয়া খ্রীষ্টধর্ম বরণ করে।

রামরাম বসুর খ্রীষ্টতত্ত্ব-বিষয়ক রচনাগুলির মধ্যে ১৭৮৮ খ্রীষ্টাব্দের জুন মাসে লিখিত খ্রীষ্ট-স্তবটির কথা পূর্বেই বলিয়াছি। ১৮০০ খ্রীষ্টাব্দে তিনি কেরীর অনুরোধে 'হরকরা' † ('গস্পেল মেসেঞ্জার') নামে ১০০ পংক্তির একখানি কবিতা-পুস্তক রচনা করেন। ওয়ার্ডের 'জর্নালে' প্রকাশ,—

\* *Periodical Accounts relative to the Baptist Missionary Society. Vol. II, pp. 62-68, 66.*

† "...Ram Basu's *Harkara*, a poetical tract, intended as an introduction to the gospel, which this singular man had written and presented to the missionaries."—*The Life of Thomas*, (1878), p. 865.

*Lord's-day, June 22, 1800. ...Ram Boshoo has written a piece, which is printed : we call it the Gospel's Messenger.\**

*Lord's-day, June 29. ...The piece which he has written in recommendation of the Bible, is likely to be useful. The natives are fond of rhymes, and it is written in their own idiom.*

‘হরকরা’ (‘গস্পেল মেসেঞ্জার’) ইংরেজী, † ওড়িয়া ও হিন্দী ভাষায় অনূদিত হইয়াছিল। ‡

এই বৎসরের (ইং ১৮০০) শেষাংশে রামরাম বসু আরও একখানি কবিতা-পুস্তক শ্রীরামপুর মিশনারীদের জন্য রচনা করিয়াছিলেন। § পুস্তকখানির নাম ‘জানোদয়’। ব্যাপ্টিস্ট মিশনারী সোসাইটির বিবরণীতে প্রকাশ,—

\* *Periodical Accounts...Vol. II, pp. 65, 66, 69.*

† এই ইংরেজী অনুবাদ করেন ফারনান্দেজ (Fernandez) |— *A Vindication of the Hindoos :...By a Bengal Officer. Part II. London, 1808, pp. 165-75, 191-92* দ্রষ্টব্য।

‡ Murdoch : *Catalogue of the Christian Vernacular Literature of India, pp. 36, 44.*

§ “We have printed, besides a number of evangelical hymns, a piece [‘Gospel Messenger’] written by a native, Ram Boshu, to usher in the bible...We have another piece nearly ready, written by a native (Ram Boshu), exposing the folly and danger of the Hindu system. This is peculiarly pointed against Brahmunism, something like those thundering addresses against the idle, corrupt, and ignorant clergy of the church of Rome, at the commencement of the reformation...— *Mission House, Serampore, Oct. 10, 1800.*” (*Memoir of William Carey, D. D. p. 408.*)

১৮০০ খ্রীষ্টাব্দের নবেম্বর-ডিসেম্বর, অথবা পর-বৎসর জানুয়ারি মাসে ‘জানোদয়’ প্রকাশিত হয়। পাকরি লন্ডনের মধ্যে *Cat., p. 85* ইহার প্রকাশকাল ১৮০১।

*Deep Chund's Journal*

...On this we went to this house, and sat down in the midst of a number of brahmmins, musselmans and others, to whom I read part of the *Gyan odoi*, \* which says that "they who read and judge concerning vedas will become *chundals*."

ইহাতে হিন্দুদের পৌত্তলিকতার তীব্র প্রতিবাদ ছিল। ওয়াড লিখিতেছেন,—

*From Mr. Ward's Journal*

*Lord's-day, Aug. 31, 1800.* After dinner, brother Carey read and translated to us a most cutting piece in verse against the bramhmins written by *Ram Boshoo*. "You may think you are gods, says he, and have no sin ; but when we leave the body you will be as light as the sun, and all your sins will be magnified in an inconceivable manner." We have the honour of printing the first book that was ever printed in Bengalee ; and this is the first piece in which bramhmins have been opposed perhaps for thousands of years ..(*PeriodicalsAccounts*, ii. 111.)

খ্রীষ্ট-মহিমা-প্রচারে রামরাম বসুর অক্লান্ত প্রচেষ্টার কথা বিলাতে ব্যাপ্টিস্ট-মণ্ডলীর অজ্ঞাত ছিল না। অদূর ভবিষ্যতে হয় ত তিনি স্বর্গ ত্যাগ করিয়া খ্রীষ্টধর্ম গ্রহণ করিতে পারেন—একপ আশাও তাঁহার পোষণ করিতেন। এই সকল কারণে তাঁহার মাঝে মাঝে বসু

\* This book was written by Ram Bhowe who brings in this passage from the Hindoo writings. †

† *Periodical Accounts* relative to the Baptist Missionary society, Vol. III (1804-08), p. 271.

মহাশয়কে পত্ৰাদি লিখিয়া উৎসাহিত কৰিতেন। এইৰূপ একখানি পত্ৰেৰ উত্তরে :৮০১ খ্ৰীষ্টাব্দেৰ ফেব্ৰুৱাৰি মাসে ৰামৰাম বসু যাহা লেখেন, তাহাৰ ইংৰেজী অনুবাদ নিম্নে উদ্ধৃত কৰিতেছি ; পত্ৰখানিতে অনেক কাৰ্যেৰ কথা আছে।

RAM BOSHOO TO DR. RYLAND

(Translated by Mr. Carey)

Feb. 10, 1801

Salutation !

The three books and affectionate letter which you sent me by Mr. Marshman and the other missionaries, I received with great joy. I also feel very thankful that you have so great a favour towards me, a poor creature. I have heard of you before from Mr. Carey, but now know much more of you from your letter.

After the missionaries had arrived a long time in Bengal, I heard of them, and went to Calcutta, where I understood that they resided at Serampore. I therefore went thither and visited them, where I heard all particulars, and remained with them some time. Soon after this, Mr. Forsyth\* obtained me a place to live with Mr. Douglas to manage the Company's hemp experimental farm, where I have been four or five months. Rishera, the place where I reside, is near to Serampore; on which account I have opportunity frequently to visit the missionaries and hear the gospel.

\* ইনি লণ্ডন মিশনৰী সোসাইটিৰ একজন প্ৰচাৰক।

Oh sir ! I am most wretched. When the gospel was first published in this country, I heard it. Mr. Thomas had been here but a few days when I became his moonshi, and taught him the language of the country. After he had learned a little, he began to translate, and preach in many places, where he was much esteemed, and where the word was manifested to many people.

After this Mr. Carey came hither. I also taught him the language ; and the gospel also proclaimed. But as I was under Mr. Thomas, so I remained. I understood something of the gospel and can make it known a little to others ; but cannot leave my cast. This is my great difficulty. But what God hath said in Matt, vi. 7—12, gives me hope. This I seek after, and have hope from no other quarter. Whatever else relates to me you will understand from Mr. Carey's letters.

You have sent me the great Word—the Bible : what can I send you ? Only for the purpose of ushering in the gospel I have written two little pieces, which the missionaries have printed. I enclose you a copy of them, the particulars of which will be given by Mr. Carey. The people of this country will read such little pieces. I have a desire to turn all the bible thus into verse ; but must labour to supply the wants of my family, so that I have much travelling from one place to another, and am seldom long at rest. Yet at my leisure I have written a little : when

I have finished any subject, I will send you a copy.  
All other news Mr. Carey will send

RAM BOSHOO.\*

১৮০২ খ্রীষ্টাব্দে রামরাম বসু দুইটি ইংরেজী খ্রীষ্টসঙ্গীত বাংলায়  
অনুবাদ করিয়াছিলেন। ওয়ার্ডের জর্ণালে প্রকাশ,—

*From Mrs. Ward's Journal.*

March 5, 1802, Ram Boshoo came up to-day and brought with him some translations in Bengalee verse, of "Jesus. I love thy charming name," &c. ; and of, "He dies, the friend of sinners dies," &c. We have now three-and-twenty hymns printed in a little book in Bengalee. †

আমরা মূল সহ রামরাম বসু-কৃত সঙ্গীত দুইটির অনুবাদ নিয়ে মুদ্রিত করিলাম। ইহা হইতে বুঝা যাইবে, অনুবাদে তিনি কিরূপ সিদ্ধহস্ত ছিলেন।

১

1. Jesus, I love Thy charming name,  
'Tis music to my ear ;  
Fain would I sound it out so loud,  
That earth and heaven should hear.
2. Yes, Thou art precious to my soul.  
My transport and my trust ;  
Jewels, to Thee, are gaudy toys,  
And gold is sordid dust.
3. All my capacious powers can wish,  
In the doth richly meet :

\* *Periodical Accounts...* Vol. II, pp. 187-88.

† *Ibid*, Vol. II, p. 245.



Nor to mine eyes is light so dear,  
Nor friendship half so sweet.

4. Thy grace still dwells upon my heart,  
And sheds its fragrance there ;  
The noblest balm of all its wounds.  
The cordial of its care.
5. I'll speak the honours of Thy name  
With my last labouring breath :  
Then speechless, clasp Thee in mine arms,  
The antidote of death.

Philip Doddridge. 1755.

হে খ্রীষ্ট যিশু মুক্তিদ ।

পাপির পাপ কাণ্ডাগারে হে খ্রীষ্ট যিশু ।

হেদে খ্রীষ্ট যিশু মুক্তিদ ।

যিশু খ্রীষ্ট মুক্তি দাতা হে ।

হেদে পাপের প্রায়শ্চিত্য ।

সেই সেই জগৎ করতা হে খ্রীষ্ট যিশু ।

ওহে খ্রীষ্ট বর                      জগৎ ঈশ্বর ।

প্রেমী তব নাম গানে ।

কিবা মহানাম                      অতি অনুপম ।

সুশ্রাব্য আমার কাণে ।

মোর অভিলাষ                      করিতে প্রকাশ ।

এমতে তোমার নাম ।

পৃথীতে যে জন                      করয়ে শ্রবণ ।

সেই মত স্বর্গধাম ।

মোর মন প্রেম তোমাতে অসীম ।

আমার বিশ্বাস তুমি ।

তুমি মহাশয় মহানন্দময় ।

তুলনা কি দিব আমি ।

রত্নানন্দ যত স্বর্গে সেই মত ।

তুলনা করি হে যবে ।

খেলনার ন্যায় রত্নানন্দ হয় ।

স্বর্গ ধূলীবত তবে ।

মম বাঞ্ছা যত তোমাতে স্থাপিত ।

'আলো তব তুল্য নয় ।

প্রীতি মিঠা বটে তাহা নাই টুটে ।

তব তুল্য কোথা হয় ।

অনুগ্রহ তোর হৃদয়েতে ঘোর ।

বসিবে আপন গুণে ।

যেন ফুল হয় সুগন্ধি করয় ।

● বৃক্ষতলে সর্ব স্থানে ।

সব দুঃখ মোর অনুগ্রহে তোর ।

পলায়ণ করে ক্ষণে ।

কৌকানি সস্তাপ আর অনুতাপ ।

পলায় সব ঐ মনে ।

শেষ শ্বাসাবধি নাম গুণনিধি ।

সম্মম করিব আমি ।

তবে মৃত্যু কালে            তব বক্ষঃস্থলে ।

শোব জিনি মৃত্যু স্বামী ।

1.     He dies ! the Friend of Sinners dies !  
Lo ! Salem's daughters weep around :  
A solemn darkness veil the skies !  
A sudden trembling shakes the ground !
2.     Come saints, and drop a tear or two  
For Him who groaned beneath your load ;  
He shed a thousand drops for you,  
A thousand drops of richest blood !
3.     Here's love and grief beyond degree,  
The Lord of glory dies for men !  
But lo ! What sudden joys we see !  
Jesus the dead revives again.
4.     The rising God forsakes the tomb ;  
Up to His Father's court He flies ;  
Cherubic legions guard Him home.  
And shout Him welcome to the skies.
5.     Break off your tears, ye saints, and tell  
How high our great Deliverer reigns ;  
Sing how He spoiled the hosts of hell,  
And led the tyrant, death, in chains.
6.     Say, "Live for ever wondrous king !  
Born to redeem, and strong to save !"  
Then ask the monster, "Where's thy sting ?"  
And, "Where's thy victory, bosting grave ?"

Isaac Watts. 1706.



দূতগণ যত সবাই ঐ পথ ।

তাঁহার সঙ্গেতে যায় ।

মহানন্দ মনে আনন্দ গায়নে ।

স্বর্গপুর পূর্ণ হয় ।

পূণ্যবান জন ত্যাজিয়া জন্মন ।

সে প্রভু সম্পদ গাও ।

তাঁহে প্রেম করি পাপ পরিহরি ।

মৃত্যু পরে স্বর্গে যাও ।

কর সে কীর্তন কিমতে সে জন ।

নরক সেনা নষ্ট করি ।

মৃত্যুকে বাঁধিয়া নিজ রথে লৈয়া ।

গতি কৈল স্বর্গ পুরী ।\*

রামরাম বসু শ্রীরামপুরের পাদরি ওয়ার্ডের অনুরোধে 'খ্রীষ্টবিবরণা-মৃতং' নামে কবিতায় একখানি খ্রীষ্টচরিতও লিখিয়া দিয়াছিলেন । ১৮০৩ খ্রীষ্টাব্দে ওয়ার্ড তাঁহার জর্নালে লিখিতেছেন,—

MR. WARD'S JOURNAL.

Apr. 25, 1803...Yesterday at Calcutta Fam Bostoo called upon me at brother Carey's lodgings, by appointment. I wished

\* ইংরেজী সঙ্গীত দুইটি *Psalms and Hymns with Supplement for Public, Social and Private Worsh p.* Prepared for the Use of the Baptist Denomination, 1908, pp. 79, 57 হইতে গৃহীত । বাংলা সঙ্গীত দুইটি ১৮১৮ খ্রীষ্টাব্দে শ্রীরামপুর হইতে প্রকাশিত 'রিত্ত খ্রীষ্টের মণ্ডলীতে গের গীত' পুস্তকের "তৃতীয় বাঙ্গালি বর" বিভাগে তৃতীয় ও দ্বিতীয় গীতরূপে যথাক্রমে ৪-৫ ও ২-৫ গৃহীত মুদ্রিত হইয়াছে ।

to engage him to write for us a life of Christ in Bengalee rhyme to give away, in the hope it might be useful. The Hindoos have been used to scarcely anything but poetry ; and in consequence the bible is more strange, and unacceptable to them They have their histories of Ram, Creeshno, &c in poetry ; and it is probable that these poems have contributed more than any thing else to fix and disseminate the peculiar notions and customs of the Hindoos. Ram Boshoo was of the same opinion, and entered very cheerfully into the work, promising to devote his nights to it till it was accomplished.'\*

‘খ্রীষ্টবিবরণামৃতং’ ১৮০৫ খ্রীষ্টাব্দে প্রথম শ্রীরামপুরে মুদ্রিত হয় বলিয়া মনে হইতেছে।† পরিবর্তিত ও পরিবর্দ্ধিত আকারে ইহার একাধিক সংস্করণ প্রকাশিত হইয়াছিল।‡ স্বর্গীয় গণেন্দ্রনাথ বন্দ্যোপাধ্যায়ের পুস্তক-সংগ্রহে এক খণ্ড ‘খ্রীষ্টবিবরণামৃতং’ দেখিয়াছি। ইহার আখ্যাপত্র নাই। পুস্তকখানি খণ্ডিত ; মাত্র ৯৬ পৃষ্ঠা আছে। এখানির ছাপা দেখিয়া প্রথম সংস্করণের পুস্তক বলিয়া মনে হয়। রচনার নিদর্শন হিসাবে ইহার প্রথম কয়েক পৃষ্ঠা উদ্ধৃত করা হইল,—

\* *Periodical Accounts relative to the Baptist Missionary Society.* Vol. II (1801-04) p 379.

† “Serampore and Early Printed Tracts...In 1805, *Life of Christ in Verse.*”—*Long’s Descriptive Catalogue* ..p. 85. কিন্তু লং এই তালিকার ২৬ পৃষ্ঠায় অন্তরূপ লিখিয়াছেন,—“In 1810. one Ram Bose, a Hindu, composed a LIFE OF CHRIST, in verse, which passed through two editions, and was translated into Uriya and Hindi.”

‡ মারডক্ (Murdoch) *Catalogue of the Christian Vernacular Literature of India* পুস্তকের ৭ পৃষ্ঠায় ‘খ্রীষ্টবিবরণামৃতং’ পুস্তকের অপর একটি সংস্করণের এইরূপ বর্ণনা দিয়াছেন :—“The Immortal History of Christ, Verse 12 mo, 250 pp, By Ram Bosu. About 1810.”

অথ খ্রীষ্টবিবরণামৃতং স্তবং লিখ্যতে ।—  
 যুড়িয়া উভয় কর বন্দি যে জগদীশ্বর  
 সৃষ্টি স্থিতি যাহার কারণ  
 দয়াতে যে গুণময় অবতরি যহোদায়  
 ত্রাণহেতু লভিল মরণ ।  
 হে প্রভু এদেন কৈল আদমেরে নির্মাইল  
 খওয়া কৈল আদম কারণ  
 আদে সৃষ্টি হই জনে তাহার সন্তানগণে  
 পরিপূর্ণ করিল ভুবন ।  
 শয়তানের প্রভারণে এদেনের উদ্যানে  
 খওয়া ঈশ্বরাজ্ঞা ভঙ্গ করি ।  
 প্রভুর নিষেধ ফলে আদমেরে খাওয়াইলে  
 তাহে সে হইল পাপকারী ।  
 পাপ করি মহাদম ঈশ্বরাত্রে হৈয়াধম  
 অধোগতি হইল দৌহার  
 তাদের সন্তান যত পাপে রত অধোগত  
 কেহ নারে হইতে উদ্ধার ।  
 পূর্বে যবে সৃষ্টি হৈল প্রভু এই আজ্ঞা কৈল  
 পাপ পুণ্য করি নিরূপণ

শ্রীরামপুর কলেজ-লাইব্রেরিতে আধ্যাপত্রহীন এক খণ্ড ‘খ্রীষ্টবিবরণামৃতং’ আছে (Case G, Shelf 10. No. 57) । ইহার পৃষ্ঠা-সংখ্যা ২৪৩ । মূল পুস্তক ২৩৭ পৃষ্ঠার শেষ ; ২৩৮-৪৩ পৃষ্ঠায় একখানি পত্র মুদ্রিত হইয়াছে । পত্রখানির আরম্ভ এইরূপ :—  
 “বন্দনেশ্বানাং মঙ্গলাকাঙ্ক্ষি শ্রীকেশরি সাহেব শ্রীমাস’রিন সাহেবের নিবেদন মিদং ।”

যেই পাপ করিবেক            নরকেতে পড়িবেক  
পুণ্য স্বর্গে গমন কারণ ।

আদম পাপেতে রত            তাহার সন্তান যত  
সেই পাপে সবে অধোগতি

দেখিলেন দয়াময়            নর হৈল পাপাশ্রয়  
তাহাদের নাহিক নিষ্কৃতি ।

পূর্ব আজ্ঞা অনুক্রমে    শান্তি দিলে পাপাশ্রমে  
কছু তাদের নহিবে উদ্ধার

দয়াতে করুণাময়            কৈল অণু উপায়  
মানবের করিতে নিস্তার ।

প্রভু বলিলেন পাপ            নরের হৃদয় তাপ  
সহ তারা করিতে নারিবে

\* তাহার যন্ত্রণা যত            মানবে অনন্ত খ্যাত  
কছু তার শোধ না হইবে ।

আমার দ্বিতীয় বাণী            তনহ সকল প্রাণী  
পাপসম প্রায়শ্চিত্য করণে

নাহিক সন্দেহ তার            ধণ্ডিবে নরক দায়  
সর্ব পাপ হইবে মোচনে ।

এই মত নিরূপণ            কৈল অনাথের ধন  
কিন্তু তার কি হবে উপায়

ঈশ্বর নিষেধ কথা            হইয়াছে পাপ খ্যাতা  
তার তুল্য প্রায়শ্চিত্য কোথায় ।

অনন্ত ভুবন নরে            যদি উৎসর্গিতে পারে  
তখাচ সমান তার নবে



দেবর নিবেদ তুল্য                      দ্রব্য কোথা মহামূল্য  
কিমতে প্রায়শ্চিত্য তার হবে ।

দয়াতে জগৎ সার                      হৈয়া নর অবতার  
ভব্যবক্তা বাক্য অনুসারে  
পাপের যন্ত্রণা লই                      মরি তিন দিন বই  
পুনর্কার উঠিলা সত্বরে ।

ভব্যবক্তা যে বলিল                      কন্যাতে উদ্ভব হৈল  
যিশু খ্রীষ্ট নাম বৈল তাঁর  
পাপের প্রায়শ্চিত্য সেই                      তাকে বিশ্বাসীবে যেই  
সে নরকে পাইবে নিস্তার ।

সেই সর্ব বিবরণ                      তাঁর যত শিষ্যগণ  
মাতিউ দ্বিতীয় মার্ক হয়  
তৃতীয়েতে লুক নাম                      সবে ভক্ত অনুপম  
চতুর্থে যোহন মহাশয় ।

এই যত বারো জন                      খ্রীষ্টশিষ্য মহাশয়ন  
খ্রীষ্ট সাতে ছিল সর্ব কাল  
যে কিছু করিল তিঁহ                      হইয়া মানব দেহ  
সে সকল রচিল বিলাল ।

তার মধ্যে এই চারি                      লিখিল বিস্তার করি  
জন্ম কর্ম মরণ উখান  
তার পর যেই মতে                      গেল স্বর্গ ভুবনেতে  
সে সকল করিল রচন ।

সেই সৰ্ব্ব গ্রন্থ যত ছিল নানা ভাষাগত  
 গ্রীক আদি ভাষায় আছিল  
 তাহার আদেশ করি ইঙ্গরাজ আদি সৰ্ব্বপুরী  
 নিজস্ব ভাষা স্থিত কৈল ।

বাঙ্গলার ত্রাণকারণ ইঙ্গরাজ কোন জন  
 সৰ্ব্বগ্রন্থ বাঙ্গালায় লিখিল ।

তার কিছু লই অন্তরে প্রফুল্ল হই  
 বাঙ্গালির ত্রাণের কারণে  
 খ্রীষ্ট বিবরণামৃত করি গ্রন্থ নাম স্থিত  
 গীত ছন্দে কোন লোক ভনে ।

‘খ্রীষ্টবিবরণামৃতং’ পুস্তকের আখ্যাপত্রে গ্রন্থকাররূপে রামরাম বসুর  
 নাম ছিল না বলিয়া মনে হয় ; কিন্তু ইহা যে তাঁহার রচিত, তাহার  
 ইঙ্গিত পুস্তকের মধ্যেও পাওয়া যায় । ১৩ পৃষ্ঠায় আছে,—

সেই সকল বিবরণ পয়ারেতে রচন  
 করা যায় গ্রন্থ অনুসারে  
 মাতিউ আদি গ্রন্থ বেই পাঁচালি রচিল সেই  
 ভিন্ন না ভাবিও কোন নরে ।

‘মাতিউ’র অনুবাদ যে রামরাম বসুই করিয়াছিলেন, তাহার  
 প্রমাণ ১৭৯২ খ্রীষ্টাব্দে লেখা, টমাসের একখানি পত্র পাওয়া যায় ;  
 তিনি লিখিয়াছিলেন,—

...it was he who chiefly laboured with me, in the translation  
 of Matthew, Mark, James etc. (Periodical Accounts..., i. 18.)

## ফোর্ট উইলিয়াম কলেজে পণ্ডিত

রামরাম বসুর জীবনের এক নূতন অধ্যায় আরম্ভ হইল। ইস্ট ইণ্ডিয়া কোম্পানী যে-সকল ইংরেজ সিবিলিয়ান এদেশে পাঠাইতেন, তাহাদিগকে কৰ্মক্ষেত্রে প্রবেশ করিতে দিবার পূর্বে দেশীয় ভাষা শিক্ষা দেওয়া যে অবশ্যপ্রয়োজন, তখনকার গবর্নর-জেনারেল লর্ড ওয়েলেস্লি ইহা বিশেষভাবে উপলক্ষি করিয়াছিলেন। এই উদ্দেশ্যে তিনি ১৮০০ খ্রীষ্টাব্দের শেষের দিকে কলিকাতায় ফোর্ট উইলিয়াম কলেজের প্রতিষ্ঠা করেন। ৪ মে ১৮০১ তারিখে কলেজ-কাউন্সিলের অধিবেশনে এই কলেজের বিভিন্ন বিভাগে পণ্ডিত মৌলবী প্রভৃতির নিয়োগ মঞ্জুর হয়। বাংলা-বিভাগের অধ্যক্ষ নিযুক্ত হন—পাদরি উইলিয়াম কেরী। তাঁহার অধীনে মৃত্যুঞ্জয় বিদ্যালয়কার প্রধান পণ্ডিতের পদে এবং রামনাথ বিদ্যাবাচস্পতি দ্বিতীয় পণ্ডিতের পদে যথাক্রমে দুই শত ও এক শত টাকা বেতনে প্রবিষ্ট হন। ইহা ছাড়া মাসিক ৪৫ বেতনে আরও ছয় জন সহকারী পণ্ডিত নিযুক্ত হইয়াছিলেন। রামরাম বসু ইহাদের মধ্যে এক জন। অন্য পাঁচ জন পণ্ডিতের নাম :—শ্রীপতি [ রায় ], আনন্দচন্দ্র, রাজীবলোচন [ মুখোপাধ্যায় ], কাশীনাথ [ মুখোপাধ্যায় ], পদ্মলোচন\* [ চূড়ামণি ] †

\* পদ্মলোচন চূড়ামণির নিবাস নবদ্বীপে। ইনিই জন্ টমাসের সংস্কৃত-শিক্ষক। কেরী কিছু দিন টমাসের সহিত কাটাইয়াছিলেন, কাজেই পণ্ডিত পদ্মলোচনের সহিত তাঁহারও পরিচয় ছিল।—*The Life of John Thomas*, pp. 188, 248, 276, 313, 378.

† *Proceedings of the College of Fort William. Home Mis. Vol. No. 559, p 5.*

কলেজে প্রবেশ করিয়া কেবী দেখিলেন, নবাগত সিবিলিয়ানদিগকে বাংলা শিক্ষা দিবার উপযোগী কোন পুস্তক নাই। পাঠ্য পুস্তকের এই অভাব কলেজের কর্তৃপক্ষেরাও অনুভব করিয়াছিলেন। এই কারণে তাঁহারা দেশীয় পণ্ডিতদিগকে পুস্তক-রচনায় উৎসাহ দিবার জন্য পুরস্কার ঘোষণা করিয়াছিলেন। কেবী নিজেই বাংলা ব্যাকরণ রচনায় হাত দিলেন এবং রামরাম বসুকে দিয়া একখানি গদ্যগ্রন্থ লেখাইলেন—ইহার নাম ‘রাজা প্রতাপাদিত্য চরিত্র’।\* ইহার ইংরেজী ও বাংলা আখ্যাপত্র দুইটি এইরূপ :—

The History of Raja Pritapaditya, By Ram Ram Boshoo, one of the Pundits in the College of Fort-William. Serampore, Printed at the Mission Press. 1802.

\* “...When the appointment was made, I saw that I had a very important charge committed to me, and no books or helps of any kind to assist me. I therefore set about compilling a grammer, which is now half printed. I got Ram Boshu to compose a history of one of their kings, the first prose book ever written in the Bengali language ; which we are also printing. Our Pundit has, also, nearly translated the Sunsoit fables,...which we are also going to publish.”—Mr. Carey to Dr. Ryland, Serampore June 15. 1801. (*Memoir of William Carey* pp. 453-54.)

মারাঠী পাঠ্য পুস্তকের অভাবে ‘রাজা প্রতাপাদিত্য চরিত্র’ বাংলা হইতে মারাঠীতে ভাষান্তরিত হইয়াছিল। অনুবাদক ফোর্ট উইলিয়ম কলেজের মারাঠী বিভাগের প্রধান পণ্ডিত বৈষ্ণবাথ। এই মারাঠী-অনুবাদের জন্য কেবীর সুপারিশে কলেজ-কর্তৃপক্ষ ১৮০৫ খ্রীষ্টাব্দের সেপ্টেম্বর মাসে বৈষ্ণবাথকে তিন শত টাকা পুরস্কার দিয়া উৎসাহিত করিয়াছিলেন (*Home Dept. Miscellaneous No. 559. p. 442*)। ১৮১৬ খ্রীষ্টাব্দে এই অনুবাদ-পুস্তক প্রকাশিত হয় (*Boobuck's Annals of the College of Fort William, Appendix, p. 81*)

রাজা প্রতাপাদিত্য চরিত্র যিনি বাস করিলেন যশহরের  
ধুমঘাটে একব্বর বাদসাহের আমলে।—রামরাম বসুর রচিত।—  
শ্রীরামপুরে ছাপা হইল।—১৮০১।—

‘রাজা প্রতাপাদিত্য চরিত্র’ ১৮০১ খ্রীষ্টাব্দের জুলাই মাসে  
শ্রীরামপুরে মুদ্রিত হয়।\* ইহাই বাংলা অক্ষরে মুদ্রিত বাঙালী-রচিত  
প্রথম মৌলিক গদ্যগ্রন্থ। এই পুস্তকখানি রচনা করিষা রামরাম বসু  
কলেজ-কাউন্সিলের নিকট হইতে তিন শত টাকা পারিতোষিক  
পাইয়াছিলেন। এই সম্পর্কে কেরী কলেজ-কর্তৃপক্ষকে যে পত্র লেখেন,  
তাহা কলেজ-কাউন্সিলের ১৮ই জুলাই ১৮০৩ তারিখের অধিবেশনে  
পঠিত হয়। পত্রখানি এইরূপ :—

To Charles Rothman Esqr.

Secretary to the Council of the College.

Sir,

In consequence of the Council of the College  
having offered rewards to learned natives for literary  
works, which may be useful to the Institution, I beg  
leave to represent to the Council that Mritoonjoy,  
Head Pundit of the College, has translated from the  
Shanscrit language into Classical Bengalee Prose the  
Butteese Singhasun which is a very useful class book

\* ইংরেজী আখ্যাপত্রে ইহার প্রকাশকাল ইং “১৮০২” কিন্তু বাংলা আখ্যাপত্রে  
“১৮০১” দেওয়া আছে। শেষোক্ত বৎসরটিই ঠিক। মার্শম্যান লিখিয়াছেন :—

“He, therefore, employed Ram-bosoo...to compile a History of king  
Pritapadityu, an edition of which was published in July, 1801, at the  
Serampore press, and this may be regarded the first prose work—the  
laws and the tracts excepted—printed in the Bengalee language.”—  
J. O. Marshman : *The Life and Times of Carey, Marshman, and Ward*  
(1859) ,i, 159-60.

—and also that Ram Ram Bose has composed a History in the same language called Pritapeadytta— which is used by the students. They are works of considerable merit and such as deserve remuneration. Mritoonjoy's was eleven months employed on his work and Ram Ram Bose one year, six months.

I am, Sir,

Your most obedient Servant,

W. Carey

Bengalee Teacher.

P. S. Mritoonjoy the head Pundit in the Bengalee Department translated the Butteese Singhasun into the Benga'ee Language, which is an excellent class book. Ram Ram Bose also wrote the History of Raja Pritapaditya (the first prose work ever written in the language and an authentic history of the government of Bengal from the beginning of the reign of Achber to the end of that of Johangeer) and another book called Lippi Mala—which are also very useful class books. They have applied for rewards. I think about 400 Rupees will be a remuneration for Mritoonjoy, and about 600 for Ram Ram Bose.

Resolved that the sum of 200 Sicca Rupees be presented to the Head Pundit Mritoonjoy and 300 Sicca Rupees to Ram Ram Bose as rewards for their respective works recommended by Mr. Carey.\*

রচনার নিদর্শন-স্বরূপ 'রাজা প্রতাপাদিত্য চরিত্র' হইতে কয়েক :

পংক্তি উদ্ধৃত করা গেল :—

\* Proceeding of the College of Fort William.—Home Mis. Vol. No. 559, pp. 268-64.

দৈবক্রমে দেখ এক দিবস মহারাজা স্নান করিয়া সিংহাসনের উপর গাত্র মোচন করিতেছিলেন। একটা চিল্প পক্ষি তিরেতে বিদ্বিত হইয়া শূন্য হইতে মহারাজার সম্মুখে পড়িল অকস্মাৎ ইহাতে রাজা প্রথমত তটস্থ হইয়া চমকিৎ ছিলেন পশ্চাৎ জানিলেন তিরে বিদ্বিত চিল্প পক্ষি। লোকেরদিগকে জিজ্ঞাসা করিলেন এ চিল্পকে কেটা তির মারিয়াছে। তাহারা তত্ত্ব করিয়া কহিল মহারাজা কুমার বাহাদুর তির মারিয়াছেন এ চিল্পকে। তাহাকে সেই স্থানে ডাকিয়া জিজ্ঞাসা করিলেন পুত্র তুমি এ চিল্পকে তির মারিলা স্বৈকার করিলে রাজা বসন্তরায়কেও ঐখানে ডাকাইয়া সে চিল্প দেখাইলেন এবং কহিলেন তোমার ভ্রাতুপুত্র ইহা মারিয়াছেন। শ্রবণ করিয়া রাজা বসন্তরায় কুমার বাহাদুরের মুখ চুম্বন করিয়া পরমাদরে সম্মান করিলেন তাহাকে এবং ব্যাখ্যা করিয়া মহাজার নিকট নিবেদন করিলেন মহারাজা কুমার বাহাদুর সর্ব বিদ্যাতেই নিপুণ ইহার তুল্য গুণজ্ঞ বালক আমি দেখি নাই। এ আশ্চর্য্য ক্ষমতাপন্ন ইহার অনেক দৈব-শক্তি দেবতা ইহাকে প্রসন্ন। এই মতে প্রশংসা করিতেছিলেন।—

কিঞ্চিৎ পরে মহারাজা বালক আপন স্থানে বিদায় করিয়া দিলে ভ্রাতা বসন্তরায়কে সাত্তে করিয়া পূজার অট্টালিকায় নিভৃতি স্থানে গতি করিলেন এবং কহিলেন তাহাকে এই যে আমার বালক ইহাকে তুমি কি জ্ঞান করহ। তিনি প্রত্যুত্তর করিলেন মহারাজা ইহার লক্ষণা পেন্ধণে বুঝা যায় এ অতি উন্নত হবেক দৈব ভাগ্য ইহার অধিক জানা যায়। এ একটা অতি বড় মানুষ হবেক। মহারাজা কহিলেন সে প্রমাণ হইতে পারে। আমিও বুঝিতে পারি তাহা ভাবিয়া ইহাকে ছোট জ্ঞান করিবা না। এ আমার বংশে

মহা অসুর অবতার হইয়াছে ইহার কোষ্ঠিতে বলে এ পিতৃদ্রোহী হবেক । তাহা আমাকে কি মারিবেন । আমার প্রায় আখের হইয়া আইল কিন্তু আমার নাম ইহা হইতে লোপ হবেক তোমার সংহারকর্তা এ হবেক ইহার আর সন্দেহ করিও না অতএব আমি বলি এখন সাবধান হও ইহাকে মারিয়া ফেলিলে সকলের আপদ যায় এ কথা অল্প জ্ঞান করিবা না এই মত কর নতুবা ইহার ক্রিয়াতে পশ্চাৎ যথেষ্ট নিরামোদ হইবে ।—( পৃ. ৫২-৫৪ )

রাজা প্রতাপাদিত্য মহারাজা হইলেন । তাহার রাণী মহারানী । বঙ্গভূমি অধিকার সমস্তই তাহারি করতলে । এই মত বৈভবে কতক কাল গত হয় । রাজা প্রতাপাদিত্য মনে বিচার করেন আমি এক ছত্রী রাজা হইব এ দেশের মধ্যে কিন্তু খুড়া মহাশয় থাকিতে হইতে পারে না । ইহার মরণের পরে ইহার সন্তানদিগকে দূর করিয়া দিব । তবেই আমার একাধিপত্য হইল । এখন কিছু কাল ধৈর্য্য অবলম্বন কর্তব্য । এই মতে ঐশ্বর্য্য পরম বৃদ্ধি হইতেছে । নিকটবর্ত্তি আরম্ভ পট্টিদার যেহি ছিল সমস্তকেই উৎখাত করিয়া দিয়া আপনিই সর্বাধ্যক্ষ হইল । কোন ক্রমে আর হ্রাস নাই পর পর বৃদ্ধি ।—

বিবেচনা করিল আমার ধনের কিছু অধিক আকিঞ্চন নাই । তাহা প্রচুর মতেই আছে । এখন আমি কেন সামন্তের বাহুল্য না করিয়া এ একাদশ ভূঁয়ারদিগকে আপন কাবুর মধ্যে না আনি । এখন আমি ইহাতে অপারক নাহি সর্ব্বক্ষম । ( পৃ. ১০২-১০ )

১৮০২ খ্রীষ্টাব্দে ‘লিপি মালা’ নামে রামরাম বসুর আর একখানি পুস্তক প্রকাশিত হয় । ইহার ইংরেজী ও বাংলা আখ্যাপত্র এইরূপ :—

Lippi Mala, or The Bracelet of Writing ; being a series of Letters on different subjects. By Ram



*Ram Boshoo, One of the Pundits in the College of Fort-William. Serampore : Printed at the Mission Press, 1802.*

লিপি মালা পুস্তক ।—রাম রাম বসুর রচিত—শ্রীরামপুরে  
ছাপা হইল ।—১৮০২ ।—

নিম্নোক্ত অংশ হইতে পুস্তক-রচনার উদ্দেশ্য ও বিষয়বস্তুর আভাস  
পাওয়া যাইবে—

• এ হেন্দুস্থান মধ্যস্থল বঙ্গদেশ কার্যক্রমে এ সময় অন্যান্য দেশীয়  
ও উপদ্বীপীয় ও পর্বতস্থ ত্রিবিধ লোক উত্তম মধ্যম অধম অনেক  
লোকের সমাগম হইয়াছে এবং অনেক অনেকের অবস্থিতি ও এই  
স্থানে এখন এ স্থলের অধিপতি ইংলণ্ডীয় মহাশয়েরা তাহারা এ দেশীয়  
চলন ভাষা অবগত নহিলে রাজ্য ক্রিয়া ক্ষম হইতে পারেন না ইহাতে  
তাহারদিগের আকিঞ্চন এখানকার চলন ভাষা ও লেখা পড়ার ধারা  
অভ্যাস করিয়া সর্ববিধ কার্য ক্ষমতাপন্ন হইলেন । এতদর্থে এ ভূমীয়  
যাবদীয় লেখা পড়ার প্রকরণ দুই ধারাতে গ্রহিত করিয়া লিপি মালা  
নাম পুস্তক রচনা করা গেল । প্রথম ধারা দুই তিন অধ্যায় তাহার  
প্রথমতো রাজাগণ অন্য রাজারদিগকে লেখেন তাহার প্রত্যুত্তর পূর্বক  
দ্বিতীয় রাজাগণে আপন সচিব লোককে অনুজ্ঞা ও বিধি ব্যবহৃতক্রম  
দান । ইতি প্রথম ধারা । দ্বিতীয় ধারা সামান্ত লেখা পড়া । সমান  
সমানীকে গুরু লঘুকে এবং লঘু গুরুকে প্রভু কর্মকরকে এবং অঙ্কমালা  
এই মতে পুস্তক লেখা যাইতেছে । (পৃ. ৩-৪ )

‘রাজা প্রতাপাদিত্য চরিত্র’ পুস্তকে ফার্সী শব্দের বাহুল্য আছে,  
কিন্তু ‘লিপি মালা’ সম্বন্ধে সে-কথা বলা চলে না । রচনার নিদর্শনস্বরূপ  
‘লিপি মালা’ হইতে কয়েক ছত্র উদ্ধৃত করিতেছি :—

...এই মতে প্রেমাশক্ত সতী ও মাতাকে প্রণাম করিয়া আরও সমস্ত ভগিনী ও অমাত্যগণকে সস্তাষ করিয়া যজ্ঞস্থানে পিতার নিকটে যাইয়া প্রণাম করিলে দক্ষ তাহাকে দেখিবা। মাত্রেই হরকোপে কোপিত হইয়া শিব নিন্দায় প্রবর্ত্ত হইল। কহিল কহে তুমি কিমর্থে এখানে আসিয়াছ তোমার স্বামী ভূতের পতি শ্মশান মসানে তাহার অবস্থিতি হাড় মালা গলায় সাপ লইয়া তাহার খেলা বাড়িয়ার বেশ তোমার কপাল মন্দ অতএব এমত ঘটনা তোমাকে হইয়াছে আমি তাহাকে নিমন্ত্রণ করিলাম না। এ দেবসভা আমি ব্রহ্মার পুত্র বাড়িয়ার নিমন্ত্রণ দেবসভায় হইতে পারে না। সতী কহিলেন পিতা এমত কুৎসা মহাদেবের প্রতি কহ কেন মহাদেব দেবদেব ব্রহ্মা বিষ্ণু ইত্যাদি যাহার পদ যুগে শরণাগত যে হর মহাবীর ত্রিপুরাসুরকে সংহার করিলেন যে হর কালকূট পান করিয়া সৃষ্টি রক্ষা করিলেন তাহাকে কুৎসা বাক্য তোমা ব্যতিরেক কেহ কহে না তুমি এ অনুচিত ক্রিয়া কেন কর। কহিল দক্ষ নিন্দার প্রতি ফল পাইবা যে মুখে শিব নিন্দা করিলা তাহা তোমার নাশ হইয়া ছাগল বদন হইবেক এই সকল বাক্যে দক্ষ পুনর্বার শিব নিন্দা করিতে প্রবর্ত্ত হইলে সতী মহাক্রোধে উত্থান করিয়া কহিতেছেন পিতা সকলের উপযুক্ত গুরু নিন্দা শ্রবণে লোক নিন্দকের শির ছেদন করিবেক নতুবা নিজপ্রাণ ত্যাগ করিবেক কিহ্মা সে স্থান ত্যাগ করিবেক আমি আপন প্রাণ ত্যাগ করিব তোমার আত্মজা তনু আর রাখিব না এই কহিয়া বসন আঁটিয়া পরিয়া যাইয়া মধ্যস্থানে বসিয়া শিব রূপ ধ্যানে প্রাণ ত্যাগ করিলেন। ( পৃ. ১১১-১৩ )

পূর্বকালে বিষ্ণু উপাসক বৈষ্ণব পৃথিবীতে অতি অল্প ছিল হরিভক্তি ব্যতিরেক জীবের মুক্তাভাব এতদর্থে আপনৈ কৃষ্ণ বৎসর

শতচারি হইল নবদ্বীপপুরিমধ্যে শ্রীজগন্নাথমিশ্র ব্রাহ্মণের ঔরসে সচি ব্রাহ্মণির উদরে অবতার হইলেন তাহার নাম থুইলেন গৌরান্দ্রচন্দ্র । পরে এই মতে বাল্যক্রিড়ায় অল্পকাল যাপন করিয়া নবদ্বীপের প্রধান ভট্টাচার্য্য শ্রীবাসুদেব সার্কভৌমের চতুষ্পাটিতে পঠেন যেমত আরহ পড়ুয়ারা ও পঠেন উনিও সেইমত পাঠ করেন বটে । কিন্তু ভট্টাচার্য্য যাহা একবার অধ্যয়ন করান তাহা তৎক্ষণাত অভ্যাস হয় এমত উৎপন্ন মেধা এবং যাহা পাঠের মধ্যে আইসে নাই তাহাও স্তনিয়া অবগত এমত শ্রুতিধর আর রূপবানএবংকমলাঙ্গ বাক্য অমৃততত্ত্বুল্য ইহাতে সার্কভৌম বিস্ময়াপন্ন হইয়া বিবেচনা করিলেন এ বালক কদাচ সামান্য নহে ইহার তদন্ত আর কিছু থাকিবেক তাহার সন্দেহ নাই । এই চিন্তাতে ভট্টাচার্য্য সদা সৰ্বদা চৈতন্যের প্রতি তটস্থ থাকেন ইহার পরিষ্কার নিমিত্ত ভট্টাচার্য্য সমস্ত পড়ুয়ারদের আজ্ঞা করিলেন তোমরা একজন প্রতি দিবস প্রাতে আমার প্রাতঃস্নানের সময় ধুতি বস্ত্র এবং পুষ্পের শাজি ঘাটে লইয়া যাইও এই নিয়ম থাকিল । তদনন্তর পড়ুয়ারা প্রতি দিবস সেই নিয়ম মত একজন বস্ত্র ও পুষ্প ঘাটে লইয়া যান এই মত বারি চৈতন্যের পালার দিন তিনিও সেই মত করিলেন ভট্টাচার্য্য গৌরান্দ্রগমন জানিয়া কটি পর্যাস্ত জলে দাণ্ডাইয়া বস্ত্রের কারণ চৈতন্যের দিকে হস্ত বিস্তার করিলে তিনি জলে তিন চারি পদার্পণ করিলেন তাহার পদবিক্ষেপের স্থলে এক২ পদ্য প্রক্ষাটিত প্রতি পদের তলে হইল ইহা দেখিয়া ভট্টাচার্য্য চমতকৃত হইলেন কিন্তু তখন কিছুই বলিলেন না পরে সমায়ান্তরে ভট্টাচার্য্য কহিলেন গৌরান্দ্র গুন আমার নিবেদন এত দিবস পর্যাস্ত তুমি আমার পড়ুয়া ছিল বটে আজি অবধি আর আবশ্যিক নাই পাঠ করিতে আমার স্থানে যাহা হউক আমার সমস্ত পুথি প্রস্তুত আছে যদি

আবশ্যক হয় তাহা সমস্ত দৃষ্টি কর ইহাতেই সমস্ত অভ্যাস হইবেক তুমি কেটাতাহা আমার সুগোচর হইল তুমি সামান্য মনুষ্য নহ তাহা আমার বস্ত্র প্রদানের সময় প্রকাশ হইয়াছে । ইহা শুনিয়া গৌরাজ্জ কুণ্ঠিত হইয়া কহিতেছেন মহাশয় আমি আপনকার পড়িয়া যাহা আজ্ঞা করিলেন তাহাই আমার কর্তব্য অতএব সেই দিবস হইতে চৈতন্য ভট্টাচার্যের সমস্ত পুস্তক আপনি আৰুত করিতে অল্প কালেই মহা মহোপাধ্যায় হইলেন দেশেতে প্রকাশ হইল যে গৌরাজ্জ সামান্য মনুষ্য নহেন ঐনি কোন অবতার হবেন তাহার সন্দেহ নাই এই রূপে কতক কাল গত হয় ইতিমধ্যে ঐহার বিবাহক্রমে একের বিয়োগ অন্য হইল বয়ঃক্রমও পচিশ বৎসর হইল তাবত সুন্দর রূপ প্রকাশ হয় নাই ইতি মধ্যে কেশব ভারতী নামে এক জন দণ্ডী পশ্চিম হইতে আসিয়া চৈতন্যকে গোপ্তে ডাকিয়া কহিলেন কহ তুমি নিশ্চিত আছ তোমার বুদ্ধি কিছু মনে নাই যে কারণ তোমার আগমন বুদ্ধি তাহা বিস্মৃতি হইয়াছে এমত কথনের পরে তিনি কহিলেন আমি প্রকাশ হওনের অসঙ্গতিতে নিরস্ত আছি এবং আপনকার আপেক্ষিক পরে দুই জন নবদ্বীপ হইতে প্রস্থান করিয়া শান্তিপুর যাইয়া আর দুই জন অষ্টমত আর নিত্যানন্দ তিন জন সন্যাস গ্রহণ করিলেন ।

( পৃ. ১২৪-২৯ )

## মৃত্যু

জীবনের অবশিষ্ট কাল রামরাম বসু ফোর্ট উইলিয়ম কলেজে পণ্ডিত হিসাবেই কাটাইয়াছিলেন । কেহ কেহ কেবল "অপ্রকাশিত কাগজ-পত্রের" উপর নির্ভর করিয়া লিখিয়া গিয়াছেন যে, কলেজের কর্তৃপক্ষের

সহিত মতান্তর হওয়ায় রামরাম বসু ফোর্ট উইলিয়ম কলেজের পদ ত্যাগ করেন। কিন্তু ইহা যে ঠিক নহে এবং কেবলি যে এরূপ কোন উক্তি করিতে পারেন না, তাহা কেবলি নিজেরই লিখিত নিম্নোক্ত পত্র হইতে স্পষ্ট প্রমাণিত হয়,—

To the Council of the College of Fort William.  
Gentlemen,

Ram Ram Boshoo, one of the Pundits on the Bengalee Establishment died last week.

I beg to recommend his son, Nurottumo Boshoo as a proper person to occupy his place. Nurottumo has been employed for the last eight years as a super-numerary or Certificate Pundit in the College, and has educated himself so as to give universal satisfaction. He is fully competent to the duties of the office.

I am, Gentlemen  
Obidiently yours  
Wm. Carey

11 August, 1813.

Ram Ram Bose a Fundit of the fixed Establishment having died on the 7 August, 1813.

Nuruttom Bose was appointed on the 8 August to succeed him. (*Home Mis.* Vol. No. 562, p 487.)

ইহা হইতে নিঃসন্দেহে প্রমাণিত হইতেছে যে, ১৮১৩ খ্রীষ্টাব্দের ৭ই আগস্ট, অর্থাৎ মৃত্যুর দিন পর্যন্ত, রামরাম বসু ফোর্ট উইলিয়ম কলেজের বাংলা-বিভাগের সহিত যুক্ত ছিলেন ও তাহার মৃত্যুর পর-দিন হইতে নরোত্তম বসু পিতৃপদে প্রতিষ্ঠিত হন।

## রামরাম বসু ও রামমোহন রায়

রামরাম বসু ও রামমোহন রায়ের নাম একত্র যুক্ত হইয়া কতকগুলি কথা চলিয়া আসিয়াছে। ইহাদের একটি এই যে, রামরাম বসু রামমোহনের দ্বারা, 'রাজা প্রতাপাদিত্য চরিত্রে'র পাণ্ডুলিপি সংশোধিত করাইয়া লইয়াছিলেন। এই উক্তি প্রথমে নিখিলনাথ রায় মহাশয় করেন ও প্রমাণ-হিসাবে "শ্রীরামপুর মিশনে রক্ষিত কেরীর অপ্রকাশিত কাগজপত্রের" উল্লেখ করেন। পরবর্তী কোন কোন লেখক নিজেদের গ্রন্থে নির্বিচারে উহার পুনরাবৃত্তি করিয়াছেন। আর একটি ধারণাও চলিয়া আসিতেছে যে, রামমোহন রায়ই না-কি রামরাম বসুকে শ্রীষ্টধর্মে দীক্ষিত হইতে দেন নাই। এই দুইটি বিষয়েরই একটু আলোচনা প্রয়োজন।

শ্রীরামপুর মিশনে বর্তমানে কেরীর অপ্রকাশিত কাগজপত্র বলিয়া কিছু নাই; কোন দিন ছিল কি না, সে-বিষয়েও সন্দেহ আছে। এই তথা-কথিত কাগজপত্রের বলে যে উক্তি করা হইয়াছে, তাহার একটি যে নির্ভরযোগ্য নয়, তাহা আমরা ইতিপূর্বে দেখিয়াছি। সুতরাং এই কাগজপত্র সম্বন্ধে ভাল করিয়া অনুসন্ধান না-হওয়া পর্য্যন্ত অন্য প্রমাণের সাহায্যেই প্রশ্নগুলির মীমাংসা করা উচিত।

প্রথমেই আমরা দেখি, রামরাম বসু ১৭৮৭ খ্রীষ্টাব্দের মার্চ মাসে জন্মটমাসের বাংলা মুন্সী নিযুক্ত হন। তখন যে বাংলা ও ফার্সীতে রামরাম বসুর যথেষ্ট জ্ঞান ছিল এবং কাজ চালাইবার মত ইংরেজীর জ্ঞানও ছিল, তাহার প্রমাণ ইতিপূর্বে দেওয়া হইয়াছে। 'রাজা প্রতাপাদিত্য চরিত্র' প্রকাশিত হইবার পূর্বে রামরাম বসুর আরও

দুইখানি পুস্তিকা শ্রীরামপুর হইতে প্রকাশিত হইয়াছিল। উহাদের তারিখ যথাক্রমে ইং ১৮০০ ও ১৮০১। তাহা ছাড়া তিনি কেরীর বাইবেলের বঙ্গানুবাদ মার্জিত করিয়া দিয়াছিলেন। এই সকল কারণে মনে হয়, ১৮০১ খ্রীষ্টাব্দে 'রাজা প্রতাপাদিত্য চরিত্র' প্রকাশের সময়ে তাঁহার অন্যের সাহায্য গ্রহণ করিবার আবশ্যিক ছিল না। পক্ষান্তরে রামমোহন ১৮১৫ খ্রীষ্টাব্দের পূর্বে কোন বাংলা পুস্তক প্রকাশিত করিয়াছেন বা লিখিয়াছেন বলিয়া নিশ্চয়তা নাই। রামরাম বসুর প্রায় সকল রচনাই ইহার পূর্বে প্রকাশিত। সুতরাং তিনি বাংলা গদ্য লিখিতে রামমোহন-রচিত পৌত্তলিকতার বিরুদ্ধে কোন পুস্তক দ্বারা অনুপ্রাণিত হইয়াছিলেন বা রামমোহন দ্বারা 'রাজা প্রতাপাদিত্য চরিত্র' সংশোধন করাইয়া লওয়া আবশ্যিক জ্ঞান করিয়াছিলেন, এরূপ মনে করিবার কোন হেতু দেখি না। রামরাম বসু যে রামমোহনের বহু পূর্বে বাংলা রচনা আরম্ভ করিয়াছিলেন, তাহার একটি উদাহরণ— ১৭৮৮ খ্রীষ্টাব্দে যীশুখ্রীষ্ট সম্বন্ধে প্রাঞ্জল ভাষায় লিখিত তাঁহার কবিতা (ইতিপূর্বে উদ্ধৃত)। তখন রামমোহন নিতান্ত বালক। রামরাম বসু রামমোহন অপেক্ষা বয়সে ১৬-১৭ বৎসরের বড় ছিলেন।

এইবার রামরাম বসুর খ্রীষ্টধর্ম-অবলম্বনের কথা ধরা যাক। টমাস ও কেরীর অধীনে রামরাম বসু জীবনের শেষ কয় বৎসর চাকুরী করিয়াছিলেন এবং খ্রীষ্টধর্মের প্রতি এরূপ বিশ্বাস দেখাইয়াছিলেন যে, টমাস ও কেরীর ধারণা হইয়াছিল, রামরাম বসু শেষ পর্য্যন্ত খ্রীষ্টিয়ান হইবেন। কিন্তু এ-বিষয়ে তাঁহারা ভ্রান্ত হইয়াছিলেন বলিতে হইবে। রামরাম বসু মিশনারীদের প্রচারকার্যে সহায়তা করিয়াছেন—কেরীর অনুরোধে খ্রীষ্টতত্ত্ব বিষয়ে ও হিন্দুদের পৌত্তলিকতার বিরুদ্ধে পুস্তিকাও লিখিয়া দিয়াছেন, কিন্তু তিনি পরিবার-পরিজন ও স্বধর্মে জলাঞ্জলি

দিয়া খ্রীষ্টধর্ম বরণ করিতে কখনই সাহসী হন নাই। এই মর্মে একটি উক্তি ইতিপূর্বেই অন্যত্র দেওয়া হইয়াছে। এখানে আর একটি উক্তি উদ্ধৃত করিতেছি ; ইহা জন্-মার্শম্যানের। তিনি লিখিতেছেন,—

He had clearer perception of the truths of Christianity than any other native at the time, and he regarded the popular superstitions of the country with philosophical contempt, but he did not possess sufficient resolution to renounce his family connections, and avow himself a Christian. But like those who assisted in the construction of the ark, and obtained no asylum in it, Ram-bosoo, though he contributed largely to the introduction of Christian truth into the country, never himself sought refuge in the doctrines of the Gospel. \*

এই কথাটাই টমাসের জীবনীতে আরও স্পষ্ট করিয়া বলা হইয়াছে।

This man, [ Ram Basu ] within the first year of Mr. Thomas's Settlement at Malda, had given him hopes that he was a believer in the Lord Jesus Christ ; and, although he carefully preserved his caste, he appears to have professed a very hearty reception of the doctrines of the gospel. It may be feared that he was not sincere from the first ; and that the wily Munshi combined with other natives cruelly to impose upon the missionary, when, detached from all the world besides, he was labouring in longing hope that by his means a church of Jesus Christ might be gathered from amongst the natives of Bengal Ram Basu was a clever man, with a pleasing address. He wrote Bengali hymns and, at a later date, some very effective tracts ; and almost down to his death, in 1813, hopes were cherished that he might after all declare himself a disciple of Christ. †

দেখা যাইতেছে, রামরাম বসু খ্রীষ্টধর্ম গ্রহণ বা প্রত্যাখ্যান সম্বন্ধে

\* John Clark Marshman, *The Life and Times of Carey, Marshman, and Ward* (1859), i, 132.

† *Memoirs of the Rev. John Thomas*, (1871), p. 55.



নিজের বিশ্বাস অপেক্ষা আর্থিক ও সাংসারিক স্বার্থের দ্বারা অনেক বেশী চালিত হইয়াছেন এবং প্রকৃতপ্রস্তাবে খ্রীষ্টিয়ান হইবার সঙ্কল্প না থাকিলেও বরাবরই মিশনরীদের মনে এই আশা জাগাইয়া রাখিয়াছেন। এই ব্যাপার ইং ১৭৮৭ হইতে আরম্ভ করিয়া ১৮১৩ পর্য্যন্ত চলিয়াছে। ইহার মধ্যে রামমোহনের প্রভাব কল্পনা করিবার হেতু মাত্র নাই।

তবে ফোর্ট উইলিয়ম কলেজে চাকুরী করার সময়ে রামরাম বসুর সহিত রামমোহনের পরিচয় ছিল, এক্রপ মনে করা একেবারে অসঙ্গত হইবে না। রামমোহনের নিজের ও তাঁহার বন্ধু জন্ ডিগবীর উক্তি হইতে আমরা জানিতে পারি যে, ফোর্ট উইলিয়ম কলেজের সহিত রামমোহনের বিশেষ সংস্রব ছিল। অন্য প্রমাণ হইতে আরও জানা যায় যে, রামমোহন ইং ১৮০১ হইতে ১৮০৩ পর্য্যন্ত বেশীর ভাগ সময় কলিকাতায় কাটাইয়াছিলেন। এই সময়, অর্থাৎ ১৮০১ খ্রীষ্টাব্দের মে মাস হইতে, রামরাম বসু ফোর্ট উইলিয়ম কলেজের বাংলা-বিভাগের এক জন পণ্ডিত ছিলেন। সুতরাং তাঁহার সহিত রামমোহনের পরিচয় হওয়া খুবই স্বাভাবিক।

মোটের উপর মনে হয়, রামরাম বসু ও রামমোহনের কার্যকলাপের মধ্যে অনেকটা সাদৃশ্য থাকায় পরবর্ত্তী যুগে দুই জনকে লইয়া একটা গণ্ডগোল উপস্থিত হয় ও উহার ফলে রামরামের উপর রামমোহনের প্রভাব আরোপিত হয়। নতুবা হিন্দু পৌত্তলিকতার বিরুদ্ধে আন্দোলন সম্বন্ধে রামরাম বসু যে রামমোহনের অগ্রণী ছিলেন, সে-বিষয়ে কোন সন্দেহ নাই। এই আন্দোলনে তিনি প্রধানতঃ মিশনরীদের কথাই প্রতিধ্বনি করিলেও হিন্দু একেশ্বরবাদের সঙ্কান একেবারে পান নাই, তাহা বলা চলে না। ১৮০২ খ্রীষ্টাব্দে প্রকাশিত তাঁহার রচিত 'লিপি মালা' পুস্তকের ভূমিকায় আমরা পাই,—

সৃষ্টি স্থিতি প্রলয় কর্তা জ্ঞানদ সিদ্ধি দাতা পরম ব্রহ্মের উদ্দেশ্যে  
নত হইয়া প্রণাম ও প্রার্থনা করিয়া নিবেদন করা যাইতেছে।  
রামমোহনের প্রতিভা এবং পাণ্ডিত্য রামরাম বসুর না থাকিলেও  
তিনি যে রামমোহনের পূর্বেই পৌত্তলিকতা হইতে ব্রহ্মোপাসনার  
দিকে ফিরিয়াছিলেন, তাহা এই ছত্রটি স্পষ্ট প্রমাণ করে।

সাহিত্য-সাধক-চরিতমালা—৭

গঙ্গাকিশোর ভট্টাচার্য্য



# গঙ্গাকিশোর ভট্টাচার্য

ব্রজেন্দ্রনাথ বন্দ্যোপাধ্যায়



বঙ্গীয় সাহিত্য পরিষৎ

২৪৩।১, আচার্য্য প্রফুল্লচন্দ্র রোড

কলিকাতা-৭০০ ০০৬

প্রকাশক  
শ্রীমদনমোহন কুমার  
সম্পাদক  
বঙ্গীয় সাহিত্য পরিষৎ

ষষ্ঠ সংস্করণ—অগ্রহায়ণ, ১৩৭৩  
মূল্য এক টাকা পঞ্চাশ পয়সা

মুদ্রাকর—শ্রীকালিদাস মুন্সী  
পুরাণ প্রেস—২১, বলরাম ঘোষ স্ট্রীট, কলিকাতা-৭০০ ০০৪

# গঙ্গাকিশোর ভট্টাচার্য্য

ব্রাহ্মকাল সমাজে সংবাদপত্র নিত্যব্যবহার্য্য জিনিস হইয়া দাঁড়াইয়াছে, সংবাদপত্র মুদ্রণ ও বিতরণের বিধিব্যবস্থাও একটা বিরাট ব্যবসায়ের পরিণত হইয়াছে। অথচ সংবাদপত্রের ইতিহাস খুব প্রাচীন নয়।

অষ্টাদশ শতাব্দীর শেষ ভাগে বাংলা দেশে সর্বপ্রথম মুদ্রায়ন্ত্র স্থাপিত হয়। তাহার ফলে জ্ঞান ও শিক্ষার ক্ষেত্রে যে নব জাগরণ শুরু হয়, সংবাদপত্র প্রকাশ উহার একটি দিক। বাংলা দেশের—তথা ভারতবর্ষের প্রথম মুদ্রিত সংবাদপত্র ইংরেজী। উহা ১৭৮০ খ্রীষ্টাব্দের ২৯এ জানুয়ারি তারিখে হিকি (Hicky) সাহেব কর্তৃক প্রকাশিত হয়। ইহার প্রায় চল্লিশ বৎসর পরে—১৮১৮ খ্রীষ্টাব্দে বাঙালী কর্তৃক বাংলা ভাষায় প্রথম বাংলা সংবাদপত্র প্রকাশিত হয়। যিনি এই সংবাদপত্র প্রকাশ করেন, তাঁহার নাম গঙ্গাকিশোর ভট্টাচার্য্য; তিনিই প্রথম বাঙালী সাংবাদিকের গৌরবময় পদের অধিকারী।

## শ্রীরামপুর মিশনের ছাপাখানার কম্পোজিটর

গঙ্গাকিশোরের বাড়ী ছিল শ্রীরামপুরের নিকটবর্তী বহরা গ্রামে। ব্যাপটিস্ট মিশনারীরা প্রচারকার্যের সুবিধার জন্ম শ্রীরামপুরে বাংলা ছাপাখানা প্রতিষ্ঠিত করিলে গঙ্গাকিশোর কম্পোজিটর-রূপে শ্রীরামপুর মিশনের ছাপাখানায় প্রবেশ করেন। এইখানে তিনি ছাপাখানার

কাজ বিশেষভাবে শিখিবার সুযোগ পাইয়াছিলেন। শ্রীরামপুরে কিছু দিন চাকরি করিবার পর—উনবিংশ শতাব্দীর দ্বিতীয় দশকে—স্বাধীনভাবে জীবিকা অর্জন করিবার ইচ্ছায় উদ্যোগী পুরুষ গঙ্গাকিশোর কলিকাতায় আসেন।

## কলিকাতায় পুস্তক-বিক্রয়ের ব্যবসা

কলিকাতায় আসিয়া গঙ্গাকিশোর পুস্তক প্রকাশ ও বিক্রয়ের ব্যবসাতে হাত দিলেন। এদিকে তখনও কোন বাঙালীর নজর পড়ে নাই। শ্রীরামপুরের ‘সমাচার দর্পণ’ পত্র গঙ্গাকিশোর সম্বন্ধে লিখিয়াছিলেন :—

এতদেশীয় লোকের মধ্যে বিক্রয়ার্থে বাঙ্গালা পুস্তক মুদ্রিত-করণের প্রথমোদ্যোগ কেবল ১৬ বৎসরাবধি হইতেছে ইহা দেখিয়া আমাদের আশ্চর্য্য বোধ হয় যে এত অল্প কালের মধ্যে এতদেশীয় লোকেদের ছাপার কর্মের এমত উন্নতি হইয়াছে। প্রথম যে পুস্তক মুদ্রিত হয় তাহার নাম অন্নদামঙ্গল শ্রীরামপুরের ছাপাখানার এক জন কর্মকার শ্রীযুত গঙ্গাকিশোর ভট্টাচার্য্য তাহা বিক্রয়ার্থে প্রকাশ করেন। ( ৩০ জানুয়ারি ১৮৩০ )

গঙ্গাকিশোর প্রথমে ( ইং ১৮১৬ ) ফেরিস এণ্ড কোম্পানীর ছাপাখানায় বাংলা বই ছাপিতে শুরু করেন। তাহার প্রকাশিত পুস্তকগুলির মধ্যে ভারতচন্দ্রের ‘অন্নদামঙ্গল’ উল্লেখযোগ্য ; ইহাই বোধ হয়, ছাপার হরফে প্রথম সচিত্র বাংলা পুস্তক। স্বরচিত দুই-তিনখানি পুস্তক ছাড়া তিনি ‘গঙ্গাভক্তিতরঙ্গিনী’, ‘লক্ষ্মীচরিত্র’, ‘বেতাল পঞ্চবিংশতি,’ ‘চণিক্যান্নোক’ এবং ললুলালের সহযোগে রামমোহন



রাযের কোন কোন পুস্তক প্রকাশ করিয়াছিলেন।\* তিনি বাংলা দেশের প্রধান প্রধান শহর ও পল্লীগ্রামে প্রতিনিধি রাখিবার ব্যবস্থা করিয়াছিলেন; তাহারাই তাঁহার পুস্তকগুলি বিক্রয় করিত। গঙ্গাকিশোরের প্রকাশিত পুস্তকগুলির কাটতি উত্তরোত্তর বাড়িতে লাগিল; তিনি কলিকাতায় একটি আপিস ও বইয়ের দোকান খুলিলেন।

## কলিকাতায় দেশীয় মুদ্রায়ন্ত্রের প্রতিষ্ঠা

আনুমানিক ১৮০৫-৭ খ্রীষ্টাব্দে দেশীয় লোকদের মধ্যে বাবুরাম নামে এক জন হিন্দুই সর্বপ্রথম সংস্কৃত ও হিন্দী গ্রন্থ ছাপিবার জন্ম

\* কলিকাতা-স্কুলবুক-সোসাইটির তৃতীয় বার্ষিক (ইং ১৮১৯-২০) রিপোর্টের দ্বিতীয় পরিশিষ্টে (পৃ. ৪০-৪৬) এ দেশের মুদ্রায়ন্ত্র হইতে প্রকাশিত পুস্তকাবলীর একটি দীর্ঘ তালিকা আছে। ইহাতে গঙ্গাকিশোরের প্রকাশিত কতকগুলি পুস্তকের উল্লেখ পাওয়া যায়।

+ ১৮০৭ খ্রীষ্টাব্দেও খিদিরপুরে বাবুরামের সংস্কৃত যন্ত্রে মুদ্রিত পুস্তকের সন্ধান পাওয়া যাইতেছে; ইহা কোলকাতার আঞ্জার মুদ্রিত, বিজ্ঞান মিশ্রের সূচিসম্বিত 'অমরকোষ'। 'হেমচন্দ্রকোষ'ও এই বৎসর বাবুরাম কর্তৃক মুদ্রিত ও প্রকাশিত হয়। ২৭ ফেব্রুয়ারি ১৮০৮ তারিখে ফোর্ট উইলিয়ম কলেজে ৭ম বার্ষিক পরীক্ষা উপলক্ষে ভিজিটর-রূপে লর্ড মিল্টো যে বক্তৃতা করিয়াছিলেন, তাহাতে বাবুরামের সংস্কৃত যন্ত্র সম্বন্ধে এই অংশটি আছে।

“A printing press has been established by learned Hindoos, furnished with complete founts of improved Nagree types of different sizes, for the printing of books in the Sunskrit language. This press has been encouraged by the College to undertake an edition of the best Sunskrit Dictionaries, and a compilation of the Sunskrit rules of Grammar. The first of these works is completed, and with the second, which is in considerable forwardness, will form a valuable

খিদিরপুরে একটি দেবনাগরী অক্ষরের মুদ্রায়ন্ত্র স্থাপন করেন। তাহার ছাপাখানা সংস্কৃত যন্ত্র নামে পরিচিত ছিল। বাবুরাম এক জন সারস্বত ব্রাহ্মণ, নিবাস মির্জাপুরের ত্রিলোচন ঘাটে।\* এই ছাপাখানার মুদ্রাকর ছিল মদন পাল নামে এক জন সঙ্গোপ।

১৮১৪-১৫ খ্রীষ্টাব্দে ফোর্ট উইলিয়ম কলেজের ব্রজভাষার মুনশী ললুলাল কবি নামে এক জন গুজরাটী ব্রাহ্মণ বাবুরামের সংস্কৃত যন্ত্রের স্বত্বাধিকারী হইয়াছিলেন বলিয়া মনে হইতেছে † ললুলালের আমলেও ছাপাখানা সংস্কৃত যন্ত্র নামে পরিচিত ছিল, এবং পূর্বেকৃত মদন পালই তাহার মুদ্রাকর ছিল।‡ ললুলাল সংস্কৃত বা হিন্দী পুস্তক

collection of Sanskrit Philology. It may be hoped, that the introduction of the art of printing among the Hindoos, which has been thus begun by the institution of a Sanskrit press, will promote the diffusion of knowledge among this numerous and very ancient people ;” .....—Roebuck: *Annals of the College of Fort William*, p 155.

\* ১৮১৪ খ্রীষ্টাব্দে প্রকাশিত ললুলাল কবি-সঙ্কলিত ‘সভাবিলাস’ নামক হিন্দী পুস্তকের শেষে বাবুরামের এই পরিচয় পাওয়া যায়।

† ১৮১৪ খ্রীষ্টাব্দের জুন মাসে ‘কিরাতার্জুনীয়’ মুদ্রণের পর বাবুরামের সংস্কৃত যন্ত্রে মুদ্রিত আর কোন পুস্তকের সন্ধান পাওয়া যায় নাই। ললুলাল কবির সংস্কৃত যন্ত্রে ১৮১৫ খ্রীষ্টাব্দে (সংবৎ ১৮৭২) তুলসীদাসের ‘বিনয়পত্রিকা’ নাগরী অক্ষরে মুদ্রিত হয়, তৎপূর্বে এই ছাপাখানায় মুদ্রিত আর কোন পুস্তকের সন্ধান পাই নাই।

‡ ১৮০২ খ্রীষ্টাব্দে ললুলাল ফোর্ট উইলিয়ম কলেজের মাসিক ৫০ টাকা বেতন ব্রজভাষার মুনশী নিযুক্ত হন। কেহ কেহ লিখিয়াছেন, ১৮২৪ খ্রীষ্টাব্দে চাকুরি হইতে বিদায় লইয়া আশ্রা কিরিবার সময় তিনি মুদ্রায়ন্ত্রটি সঙ্গে লইয়া গিয়াছিলেন। গুজরাটী হইলেও তিনি স্বজনবর্গ সহ আশ্রা-গোকুলপুরায় স্থায়ী ভাবে বসবাস করিতেন। ১৮২৫ খ্রীষ্টাব্দে তাহার মৃত্যু হয়।

ছাড়া বাংলা পুস্তক মুদ্রণের ব্যবস্থাও করিয়াছিলেন। তাঁহার সংস্কৃত যন্ত্র পটলডাঙ্গায় অবস্থিত ছিল। এই মুদ্রায়ন্ত্রে ১৮১৭ খ্রীষ্টাব্দের জানুয়ারি মাসে পণ্ডিত রামচন্দ্র বিদ্যাবাগীশের 'জ্যোতিষসংগ্রহসার' মুদ্রিত হয়।

তখন বাংলা বই ছাপিতে হইলে প্রধানতঃ ফেরিস এণ্ড কোম্পানীর যন্ত্রালয় লালবাজারে হিন্দুস্থানী প্রেস, লল্লুলালের সংস্কৃত যন্ত্র, বাঙ্গালি প্রেস বা বাঙ্গালা যন্ত্র, অথবা শ্রীরামপুর-মিশন যন্ত্রালয়ের শরণাপন্ন হইতে হইত। কোন বাঙালীই তখনও পর্য্যন্ত মুদ্রায়ন্ত্র-প্রতিষ্ঠায় অগ্রসর হন নাই। গঙ্গাকিশোর বইয়ের ব্যবসা করিয়া বিলক্ষণ লাভবান হইয়া ছিলেন। তিনি ভরসা করিয়া একটি বাংলা মুদ্রায়ন্ত্র স্থাপনে অগ্রসর হইলেন। তাঁহার মুদ্রায়ন্ত্রটি ১৮১৮ খ্রীষ্টাব্দে স্থাপিত হয়; নাম—বাঙ্গাল গেজেটি প্রেস বা আপিস। এই নাম তাঁহার ছাপাখানা হইতে প্রকাশিত একাধিক গ্রন্থে পাওয়া যায়; দৃষ্টান্তস্বরূপ ১২২৬ সালে (ইং ১৮১৯) “বাঙ্গালগেজেটি আফিশে ছাপা” আত্মীয় সভা-নির্বাহক বৈকুণ্ঠনাথ বন্দ্যোপাধ্যায়-কৃত ভগবদগীতার পদ্যানুবাদের উল্লেখ করা যাইতে পারে।

## বাঙালী-প্রবর্তিত প্রথম বাংলা সংবাদপত্র

মুদ্রায়ন্ত্র স্থাপনের সঙ্গে সঙ্গে গঙ্গাকিশোরের দৃষ্টি পড়িল সংবাদপত্র-প্রকাশের উপর। বাঙালীর একখানি বাংলা সংবাদপত্র হইলে অনেক পাঠক জুটিতে পারে। কারণ, তখন পর্য্যন্ত খাস কলিকাতা হইতে কোন বাংলা সাময়িক-পত্র বাহির হয় নাই। এই অভাব পূরণ হয় 'বাঙ্গাল গেজেটি'র দ্বারা। কিন্তু এই পত্রিকা-প্রকাশ একক গঙ্গাকিশোরেরই কৃতিত্ব নয়, এই ব্যাপারে তাঁহার সহিত হরচন্দ্র রায় নামে আর এক জন সংশ্লিষ্ট ছিলেন।

‘বঙ্গাল গেজেট’ বাংলা ভাষার আদি সংবাদপত্র কি না, ইহা লইয়া অনেক দিন হইতে আলোচনা চলিতেছে। এক পক্ষের মতে শ্রীরামপুরের ‘সমাচার দর্পণ’ই প্রথম বাংলা সংবাদপত্র। অপর পক্ষ বলেন, এই সম্মান গঙ্গাকিশোর ভট্টাচার্য্যের ‘বঙ্গাল গেজেট’র প্রাপ্য।

১৮৫২ খ্রীষ্টাব্দে ঈশ্বরচন্দ্র গুপ্ত তাঁহার ‘সংবাদ প্রভাকরে’ সংবাদপত্রের ইতিবৃত্ত প্রকাশ করেন ; তাহাতে তিনি লেখেন যে, শ্রীরামপুর মিশন কর্তৃক ১৮১৮ খ্রীষ্টাব্দে প্রবর্তিত ‘সমাচার দর্পণ’ প্রথম বাংলা সংবাদপত্র নহে,—প্রথম বাংলা সংবাদপত্র ‘বঙ্গাল গেজেট’ ১২২২ কিংবা ১২২৩ (ইং ১৮১৫-১৬) সালে গঙ্গাধর ভট্টাচার্য্য কর্তৃক প্রকাশিত হয়। ১৭৫০ খ্রীষ্টাব্দে পাদরি লং ‘সমাচার দর্পণ’কে প্রথম বাংলা সংবাদপত্র বলিয়াছিলেন,\* কিন্তু ১৮৫৫ খ্রীষ্টাব্দে—সম্ভবতঃ ঈশ্বরচন্দ্র গুপ্তের উক্তি পাঠ করিয়া, তিনি পূর্বমত বর্জন করেন।† তদবধি প্রথম বাংলা সংবাদপত্র কোন্খানি, এই লইয়া আলোচনা চলিয়া আসিয়াছে, কিন্তু কেহই এ যাবৎ ‘বঙ্গাল গেজেট’র কোন সংখ্যা আবিষ্কার করিতে পারেন নাই। কিছু দিন পূর্বে এ বিষয়ে আমি কতকগুলি প্রমাণের সন্ধান পাই ; গৌণ প্রমাণ হইলেও এগুলির দ্বারা প্রতিপন্ন হয় যে, ‘বঙ্গাল গেজেট’ ১৮১৫-১৬ খ্রীষ্টাব্দে গঙ্গাধর ভট্টাচার্য্য কর্তৃক প্রকাশিত হয় নাই—হইয়াছিল ১৮১৮ খ্রীষ্টাব্দে গঙ্গাকিশোর ভট্টাচার্য্য কর্তৃক ; ইহাও মনে হয় যে, ‘সমাচার দর্পণ’ সম্ভবতঃ ‘বঙ্গাল গেজেট’র অগ্রজ। কিন্তু ‘বঙ্গাল গেজেট’ যে বাঙালী-প্রবর্তিত প্রথম বাংলা সংবাদপত্র, তাহা নিশ্চিত। প্রমাণগুলি পর পর উপস্থাপিত করিতেছি।

ঈশ্বরচন্দ্র গুপ্তের উক্তির অন্ততঃ বিশ বৎসর পূর্বে প্রথম বাংলা

\* *The Calcutta Review* for 1850, p. 145,

† *Long's Descriptive Catalogue of Bengali Works.*

সংবাদপত্র সম্পর্কীয় আলোচনার সূত্রপাত হয়। ১১ জুন ১৮৩১ তারিখে 'সমাচার দর্পণ'-সম্পাদক লেখেন :—

দর্পণ ও বাঙ্গাল গেজেট। চন্দ্রিকার এক পত্র লেখক দর্পণে প্রকাশিত এক পত্রের উত্তর দেওনেতে কহেন দর্পণ যে প্রথম বাঙলা ভাষায় প্রকাশিত হয় ইহা তিনি স্বীকার করেন না এবং তিনি কহেন যে দর্পণ প্রকাশ হওনের পূর্বে গঙ্গাকিশোর নামক এক ব্যক্তি প্রথম বাঙ্গাল গেজেটনামে সংবাদ পত্র প্রকাশ করিয়াছিলেন।\*

ইহাতে আমারদের এই উত্তর যে আমারদের প্রথম সংখ্যক দর্পণ প্রকাশ হওনের দুই সপ্তাহ পরে অনুমান হয় যে বাঙ্গাল গেজেটনামে পত্র প্রকাশ হয় কিন্তু কদাচ পূর্বে নহে। চন্দ্রিকার পত্র-প্রেরক মহাশয় যত্বপি অনুগ্রহপূর্বক ঐ বাঙ্গাল গেজেটের প্রথম সংখ্যার তারিখ আমারদিগকে নির্দিষ্ট করিয়া দেন তবে দর্পণের প্রথম সংখ্যার সঙ্গে ঐক্য করিয়া ইহার পৌর্বাপর্য্যের মীমাংসা শীঘ্র হইতে পারে। যত্বপি তাঁহার নিকটে ঐ পত্রের প্রথম সংখ্যা না থাকে তবে ১৮:৮ খ্রীষ্টাব্দের যে ইঙ্গলণ্ডীয় সংবাদপত্রে তৎপত্রের ইশ্তেহার প্রকাশ হয় তাহাতে অন্বেষণ করিতে হইবে। যেহেতুক ভারতবর্ষের মধ্যে বঙ্গভাষায় যে সকল সংবাদ পত্র প্রকাশ হয় তন্মধ্যে দর্পণ আদি পত্র ইহা আমরা সম্পূর্ণ জ্ঞাত হইয়া তৎসম্বন্ধে অনিবার্য্য প্রমাণ প্রাপ্ত না হইলে অমনি কদাচ উপেক্ষা করা যাইবে না।

ভবানীচরণ বন্দ্যোপাধ্যায়-সম্পাদিত 'সমাচার চন্দ্রিকা' পত্রের পুরাতন সংখ্যাগুলি পাওয়া যায় না, কাজেই আলোচ্য বিষয়ে আর

---

\* সমাচার চন্দ্রিকা. ৬ জুন ১৮৩১।—'সংবাদপত্রে সেকালের কথা', ২য় খণ্ড, পৃ. ৪৭৬ দ্রষ্টব্য।

কোন পত্র 'চন্দ্রিকা'য় প্রকাশিত হইয়াছিল কি না, জানিবার উপায় নাই। কিন্তু এরূপ অনুমান অসঙ্গত নহে যে, সেরূপ কোন কিছু প্রকাশিত হইয়া থাকিলে 'সমাচার দর্পণ'-সম্পাদক মন্তব্য সহ তাহা স্বীয় পত্রে পুনর্মুদ্রিত করিতেন। সুতরাং ১৮৩১ খ্রীষ্টাব্দে যতটা তথ্য জানা ছিল, তদবলম্বনে 'সমাচার দর্পণে'র দ্বিধাহীন উক্তি এই প্রশ্নের সম্পূর্ণ মীমাংসা করিয়া দিয়াছিল।

১৮৩১ হইতে ১৮২০ খ্রীষ্টাব্দে পিছাইরা যাওয়া যাক। ১৮২০ খ্রীষ্টাব্দে ত্রৈমাসিক 'ফ্রেণ্ড অব ইণ্ডিয়া'র প্রথম সংখ্যায় নিম্নোক্ত অংশ প্রকাশিত হয় :—

The first Hindoo who established a press in Calcutta was Babooram, a native of Hindoosthan. He was followed by Gunga Kishore, formerly employed at the Serampore press, who appears to have been the first who conceived the idea of printing works in the current language as a means of acquiring wealth.\* To ascertain the pulse of the Hindoo public, he printed several works at the press of a European, for which having obtained a ready sale, he established an office of his own, and opened a book-shop. For more than six years, he continued to print in Calcutta various works in the Bengalee language, but having disagreed with his coadjutor, he has now removed his press to

\* ১২৩২ সালের (ইং ১৮২৫) পঞ্জিকা সমালোচনাকালে 'ফ্রেণ্ড অব ইণ্ডিয়া' লিখিয়াছেন যে, বাঙালী কর্তৃক প্রথম মুদ্রাযন্ত্র অগ্রদ্বীপের সন্নিকটে প্রতিষ্ঠিত হয়। 'ফ্রেণ্ড অব ইণ্ডিয়া'র অংশটি এইরূপ :—

"Hindoo Almanack for 1825 ..The compiler of the Almanack is Gungadhur. It is printed in the country, near Ugru dweep, at a press, which was, we believe, the first ever established among the natives. It is dedicated under God, to the Raja of Krishnanugur, whose family, now reduced to poverty, were formerly the greatest patrons of literature in Bengal."—*The Friend of India* (Quarterly Series) for October 1825, pp. 189-90.

his native village. He appointed agents in the chief towns and villages in Bengal, from whom his books were purchased with great avidity ; and within a fortnight after the publication from the Serampore press of the Sumachar Durpun, the first Native Weekly Journal printed in India, he published another, which we hear has since failed.—“On the effect of the Native Press in India.” pp. 134-35.

‘ফ্রেণ্ড-অব-ইণ্ডিয়া’র এই উক্তি ‘বঙ্গাল গেজেট’ প্রকাশের দুই বৎসর পরে এবং বিলোপের এক বৎসর পরে প্রকাশিত হয় সুতরাং ইহার মূল্য সমধিক ।

এইবার আমরা ১৮১৮ খ্রীষ্টাব্দের ১৪ মে ও ৯ জুলাই তারিখের দুইটি বিজ্ঞাপন উদ্ধৃত করিতেছি। এগুলি একেবারে সমসাময়িক সাক্ষ্য ; এগুলি হইতে জানা যায়, ‘বঙ্গাল গেজেট’ ১৪ই মে ও ৯ই জুলাইয়ের মধ্যে কোন তারিখে প্রকাশিত হইয়াছিল। দুইটি বিজ্ঞাপনের প্রথমটি এইরূপ :

**HURROCHUNDER ROY** begs leave to inform his Friends and the Public in general, that he has established a **BENGALEE PRINTING PRESS**, at No. 45, Chorebagaun Street, where he intends to publish a **WEEKLY BENGAL GAZETTE**, to comprise the Translation of Civil Appointment, Government Notifications, and such other Local Matter, as may be deemed interesting to the Reader, into a plain, concise, and correct Bengalee Language ; to which will be added the Almanack, for the subsequent Months, with the Hindoo Births, Marriages and Deaths.

Advertisement for insertion in the Gazette, will be received at 2 Annas per line. English and Persian, the same Price.

Gentlemen wishing to become Subscribers to this Weekly Publication will be pleased to send their Names to **HURROCHUNDER ROY**. at this **PRESS**, No. 145, Chorebagaun Street, where every information will be thankfully received.

The Price of Subscription is 2 Rupees per Month, Extras included. *Calcutta, 12th May, 1818.*

দ্বিতীয় বিজ্ঞাপনটি এইরূপ :—

### HURROCHUNDER ROY

Having established a BENGAL GAZETTE, which he publishes on Fridays, containing the Translation of Civil Appointments, Government Notifications and Regulations, and such other LOCAL MATTER as are deemed interesting to the Reader, into a plain, concise and correct Bengalee Language and having spared no pains or trouble to render it as interesting as possible, earnestly hopes that in consideration of the heavy expenses which he has incurred, Gentlemen who have a knowledge and proficiency in the language, will be pleased to patronize his undertaking, by becoming subscribers to the BENGAL GAZETTE. No publication of this nature having hitherto been before the Public, HURROCHUNDER ROY trusts that the community in general will encourage and support his exertions in the attempt which he has made, and afford him a small share of their Patronage.

Gentlemen wishing to become Subscribers to this WEEKLY PUBLICATION will be pleased to send their names to HURROCHUNDER ROY, at his press, No. 145, Chorebagaun Street, where every information will be thankfully received.

The Price of Subscription is 2 Rupees per Month. Extras included.

*Calcutta, Chorebagun Street, No. 145.*

বিজ্ঞাপন দুইটি হইতে নিঃসংশয়ে প্রমাণিত হইতেছে যে, 'বাঙ্গাল গেজেট' ১৮১৫ বা ১৮১৬ খ্রীষ্টাব্দে প্রকাশিত হয় নাই, হইয়াছিল ১৮১৮ খ্রীষ্টাব্দে, অর্থাৎ যে-বৎসর 'সমাচার দর্পণ' প্রকাশিত হয়। এই দুইটি বিজ্ঞাপনে 'বাঙ্গাল গেজেট'র প্রকাশকরূপে গঙ্গাকিশোর ভট্টাচার্য্যের নামের স্থলে আমরা হরচন্দ্র রায়ের নাম পাইতেছি। অনুসন্ধান জানা



গিয়াছে, হরচন্দ্রেরও বাড়ী ছিল শ্রীরামপুরে। রামমোহন রায়ের “আত্মীয় সভা”র সহিত তাঁহার যোগ ছিল। রামমোহন রায়ের ‘কবিতাকারের সহিত বিচার’ পুস্তকের শেষ পৃষ্ঠায় তাঁহার নাম পাওয়া যায়। গঙ্গাকিশোরের ‘বঙ্গাল গেজেট’ যন্ত্রালয়ের তিনিও এক জন মালিক (“coadjutor”) ছিলেন—এ কথাই প্রমাণ ‘ফ্রেণ্ড অব ইয়ুথিয়া’র উদ্ধৃত অংশে মিলিবে। সুতরাং ‘বঙ্গাল গেজেট’ পত্রের প্রকাশকরূপে হরচন্দ্র রায়ের নাম বিজ্ঞাপনে ছাপা হইয়াছে বলিয়া, কাগজের সহিত গঙ্গাকিশোরের কোন সম্পর্কই ছিল না, এরূপ মনে করিবার হেতু নাই।

পূর্বেই বলিয়াছি, ‘বঙ্গাল গেজেট’ ১৮১৮ খ্রীষ্টাব্দের ১৪ই মে হইতে ৯ই জুলাইয়ের মধ্যে কোন তারিখে প্রকাশিত হইয়াছিল—ইহা নিঃসন্দেহ ঠিক কোন তারিখে প্রকাশিত হয়, জানা না গেলেও, ‘ফ্রেণ্ড অব ইয়ুথিয়া’ অতি স্পষ্টভাবে বলিয়াছেন যে, ২৩ মে ১৮১৮ তারিখে ‘সমাচার দর্পণ’ প্রকাশের এক পক্ষ মধ্যে ‘বঙ্গাল গেজেট’র উদ্ভব হয়। তখন ‘বঙ্গাল গেজেট’র দুই জন পরিচালক—গঙ্গাকিশোর ভট্টাচার্য্য ও হরচন্দ্র রায় জীবিত, কিন্তু তাঁহারা কেহ এই উক্তির প্রতিবাদ করিয়াছিলেন বলিয়া আমার জানা নাই। ১৮৩১ খ্রীষ্টাব্দে ‘সমাচার দর্পণ’-সম্পাদক ও দৃঢ়তার সহিত অসুরূপ কথা বলেন; তাঁহার মতে ‘বঙ্গাল গেজেট’র প্রকাশকাল ‘সমাচার দর্পণ’র “কদাচ পূর্বে নহে,” “ভারতবর্ষের মধ্যে বঙ্গভাষায় যে সকল সম্বাদ পত্র প্রকাশ হয় তন্মধ্যে দর্পণ আদি পত্র ইহা আমরা স্পষ্ট জ্ঞাত হইয়া” ইত্যাদি। এই কারণে ‘সমাচার দর্পণ’কে ‘বঙ্গাল গেজেট’র অগ্রজ মনে করিলে অসঙ্গত হইবে না।

প্রথম বাংলা সংবাদপত্র প্রসঙ্গে একটি নূতন সংবাদ সম্প্রতি জানা

গিয়াছে। ১৮১৯ খ্রীষ্টাব্দের জানুয়ারি-সংখ্যা “এশিয়াটিক জর্নালে” (পৃ. ৫৯) ১৬ মে ১৮১৮ তারিখের ‘ওরিয়েন্টাল স্টার’ পত্রিকা হইতে নিম্নোক্ত সংবাদটি মুদ্রিত হইয়াছে :—

### BENGALEE NEWSPAPER

*From the Oriental Star May 16.*—Amongst the improvements which are taking place in Calcutta, we observe with satisfaction that the publication of a Bengalee newspaper has been commenced. The diffusion of general knowledge and information amongst the natives must lead to beneficial effects; and the publication we allude to, under proper regulations, may become of infinite use, by affording the more ready means of communication between the natives and the European residents.—*The Asiatic Journal and Monthly Register* (London) for January 1819. p. 59.

দেখা যাইতেছে, ১৬ মে ১৮১৮ তারিখে ‘ওরিয়েন্টাল স্টার’ কলিকাতায় বাঙালী-প্রবর্তিত একখানা বাংলা সংবাদপত্রের কথা জ্ঞাপন করিতেছেন। এই সংবাদপত্র যে ‘বাঙ্গাল গেজেটি,’ তাহাতে সন্দেহ নাই; কারণ, শ্রীরামপুর হইতে ‘সমাচার দর্পণ’ প্রকাশিত হয় পরবর্তী ২৩এ মে (শনিবার) তারিখে। কিন্তু এই সংবাদটিকে আমি ‘বাঙ্গাল গেজেটি’ প্রকাশ সম্বন্ধে প্রমাণ বলিয়া মনে করিতে পারিতেছি না।

১৪ মে ১৮১৮ তারিখের ‘গবর্নমেন্ট গেজেটে’ প্রকাশিত, “১২ই মে” তারিখযুক্ত একটি বিজ্ঞাপনে (ইতিপূর্বে উদ্ধৃত) ‘বাঙ্গাল গেজেটি’ “বাহির হইবে” (“intendsto publish”) বলিয়া উল্লিখিত হইয়াছে এবং ‘ওরিয়েন্টাল স্টারের’ ১৬ মে তারিখের সংবাদে দেখা যাইতেছে, “The publication of a Bengalee Newspaper has been commenced.” তাহা হইলে ১২ই হইতে ১৬ই মে তারিখের কোন এক দিনে ‘বাঙ্গাল গেজেটি’ প্রকাশিত হইয়াছিল। ‘বাঙ্গাল গেজেটি’ প্রতি শুক্রবার প্রকাশিত হইত, সুতরাং ১৫ই মে ১৮১৮ (শুক্রবার) তারিখে

উহা প্রকাশিত হইয়াছিল ধরিতে হইবে। ‘বাঙ্গাল গেজেট’ “বাহির হইবে”—এই বিজ্ঞাপন ১৪ই মে বাহির হইবার পরদিনই ১৫ই মে তারিখে কাগজ বাহির হইয়াছে এবং এই ১৫ই তারিখেই ‘ওরিয়েন্টাল স্টারে’র সাহেব সম্পাদক সেই পত্রিকা দৃষ্টে সেই দিনই তাহার উপর মন্তব্য লিখিয়াছেন ও সেই মন্তব্য তাহার পরের দিন অর্থাৎ ১৬ই প্রকাশিত হইয়াছে—এই জাতীয় তৎপরতা সে-যুগে সম্ভব ছিল কি না, বিশেষভাবে বিবেচ্য। সে-যুগের ছাপাখানা ও সংবাদপত্র পরিচালন ব্যাপারে যাহাদের জ্ঞান আছে, তাহারাই বুঝিবেন, ইহার মধ্যে কোন গল্টি থাকা সম্ভব। আমার বিশ্বাস, এই সংবাদের অর্থ—‘বাঙ্গাল গেজেট’ প্রকাশের আয়োজন আরম্ভ হইয়াছে; “the publication has been commenced” কথাগুলির দ্বারা সম্পাদক মহাশয় ইহাই বুঝাইতে চাহিয়াছেন। এই সকল কারণে ‘বাঙ্গাল গেজেট’ প্রকাশের সঠিক কাল নিরূপণ বিষয়ে ‘ওরিয়েন্টাল স্টারে’র সংবাদটি নিঃসংশয়ে গ্রহণ করা যায় না।

‘বাঙ্গাল গেজেট’র কোন সংখ্যা এ-পর্যন্ত আবিষ্কৃত না হওয়ায় উহার বিষয়-বিভাগ ও রচনা-পদ্ধতি কিরূপ ছিল, তাহা বিশেষভাবে জানিবার উপার নাই। পূর্বেদ্বিত একটি বিজ্ঞাপন হইতে আমরা জানিতে পারি যে, উহাতে সরকারী বিজ্ঞাপন, আইন ও কর্মচারি-নিয়োগ সংক্রান্ত নানা সংবাদ ও সরল বাংলায় স্থানীয় লোকের রুচিকর নানা কথা থাকিত এবং উহার সডাক মাসিক মূল্য ছিল দুই টাকা। ইহা ছাড়া, সমকালীন সাময়িক-পত্র পাঠে আরও জানা যায়, ১৮১৮ খ্রীষ্টাব্দে এই ‘বাঙ্গাল গেজেট’ পত্রে সহমরণ বিষয়ে ঐ বৎসরে প্রকাশিত রামমোহন রায়ের ‘প্রবর্তক ও নিবর্তকের সঙ্গদ’ পুনর্মুদ্রিত হইয়াছিল।

বিশ্বাতের 'এশিয়াটিক জর্নাল' পত্রে ( জুলাই ১৮১৯, পৃ. ৬৯ )  
প্রকাশ :—

The India Gazette says, "We have been informed that this little work [ on Suttees ] has been republished in a newspaper, which for some time past has been printed and circulated in the Bengalee language and character, under the sole conduct of natives. This additional publicity which the labours of Ram-mohun Roy will thus obtain cannot fail to produce beneficial consequences ; and we are happy to find, that the conductors of the Bengalee Journal have determined to give insertion of articles that are likely to prove more advantageous to their countrymen...

তখন "বাঙালী-পরিচালিত" অপর কোন বাংলা সংবাদপত্র ছিল না, সুতরাং উদ্ধৃত অংশে 'বঙ্গাল গেজেট'র কথাই বলা হইয়াছে ।

'বঙ্গাল গেজেট' বেশী দিন স্থায়ী হয় নাই । বৎসরখানেক চলিবার পর উহার প্রচার রহিত হয় ।

## গ্রন্থাবলী

রচিত গ্রন্থ : গঙ্গাকিশোরের রচিত কয়েকখানি পুস্তকের সন্ধান পাওয়া গিয়াছে । সংক্ষিপ্ত পরিচয় সহ এই সকল গ্রন্থের একটি তালিকা নিম্নে দেওয়া হইল :

১। *A Grammar, in English and Bengalee.* । ইং ১৮১৬ ।  
পৃ. ২১৬ ।

A Grammar, in English and Bengalee ; containing what is necessary to the knowledge of the English Tongue. To which is added a Translation of. We did from one to three Syllables, laid down in a plain and familiar way. By Gungakissore Bhutachargee, Calcutta : From the Press of Ferris and Co. 1816.

ইহা বাংলা ভাষায় একখানি ইংরেজী ব্যাকরণ ; কেহ কেহ ইহাকে বাঙালীর লেখা প্রথম বাংলা ব্যাকরণ মনে করিয়া ভুল করিয়াছেন । এই ইংরেজী ব্যাকরণ বাংলায় প্রকাশের প্রয়োজনীয়তা সম্বন্ধে গ্রন্থকার লিখিতেছেন :—

এতদেশীয় প্রায় অনেক বালকগণ ইংরাজী ব্যাকরণ পাঠ করিতে আরম্ভ করিয়া অত্যল্প কাল পরে তাঁহারদিগের উহাতে অলসতাচ্ছল্য এবং অশ্রেয় জন্মে তাহার কারণ এই অভিপ্রায় হয় যে বালকত্ব ধর্ম্ম হেতু তাঁহারদিগের বুদ্ধির তরলতা প্রযুক্ত ও মনের চঞ্চলতা প্রযুক্ত ঐ ব্যাকরণের যে পাঠ তাঁহারদিগের গুরু ও বহু জনেরা দেন তাহা মোনে রাখিতে পারে না অতএব স্তুরাং তাঁহারদিগের অলসাদি জন্মাইতে পারে যেহেতুক মহুষ্যেরদিগের মন যে বিষয় কঠিন্ এবং শ্রম সাধ্য হয় তাহাতে অক্লেশে প্রবিষ্ট হয় না বিশেষত বালকগণদিগের অতএব আমি বিবেচনা করিয়া দেখিলাম যে ইংরাজী ব্যাকরণের অর্থ আমারদিগের আপনার ভাষাতে সংগ্রহ থাকিলে যে সকল বালকেরা ইংরাজী ব্যাকরণ পাঠ করিতে বাঞ্ছা করিবেন তাঁহারদিগের অতি সুসাধ্য হইতে পারে একারণ যথাসাধ্য এক সংক্ষেপ ইংরাজী ব্যাকরণের অর্থ আমারদিগের সাধু ভাষাতে সংগ্রহ করা গেল...।

মেং ফেরিসকোম্পানি শাহেবের ছাপাখানায় যে দায়ভাগ ভাষাতে ছাপা হইতেছে তাহা প্রায় প্রস্তুত হইল । শ্রীযুৎ গঙ্গা-কিশোর ভট্টাচার্য্যেন —পরোপকৃত্যে কৃতঃ—

এখানে উল্লেখ করা প্রয়োজন ঠিক এই বৎসরেই (ইং : ১৮১৬) রামচন্দ্র-রচিত 'ইঙ্গলষ দর্পণ' নামে বাংলা ভাষায় আর একখানি ইংরেজী ব্যাকরণ প্রকাশিত হয় । এই রামচন্দ্র ছিলেন ফোর্ট উইলিয়ম

কলেজের বাংলাবিভাগের একজন সহকারী পণ্ডিত । ইঁহার পূর্ণ নাম  
রামচন্দ্র রায় ।

২। দায়ভাগ । ইং ১৮১৬-১৭ ।

১৮১৬ খ্রীষ্টাব্দে প্রকাশিত ইংরেজী ব্যাকরণের ভূমিকায় গঙ্গাকিশোর  
লিখিয়াছেন :—

মেং ফেরিসকোম্পানি শাহেবের ছাপাখানায় যে দায়ভাগ  
ভাষাতে ছাপা হইতেছে তাহা প্রায় প্রস্তুত হইল ।

এই ‘দায়ভাগ’ ১৮১৬-১৭ খ্রীষ্টাব্দে প্রকাশিত হইয়াছিল । ১৮৫২  
খ্রীষ্টাব্দে প্রকাশিত ‘ব্যবস্থা-দর্পণ’ গ্রন্থের “ভূমিকা”য় শ্যামাচরণ শর্ম্ম-  
সরকার ইঁহার স্বল্প পরিচয় দিয়াছেন ; তিনি লিখিয়াছেন :—

বঙ্গভাষায় এপর্যন্ত ধর্ম্মশাস্ত্রীয় পুস্তক চারি খানি বই লিখিত  
হয় নাই, কিন্তু ঐ কএক খানই সর্বপ্রকারে ক্ষুদ্র,...। তৃতীয় খানি  
বহোরা নিবাসি গঙ্গাকিশোর ভট্টাচার্য্যের লিখিত, ইঁহাতে  
দায়াদিকার অশৌচ ও প্রায়শ্চিত্ত এই তিন প্রকরণ স্থূল রূপে  
সঙ্ক্ষেপে লিখিত আছে ।—পৃ. ১১০, পাদটীকা ।

৩। চিকিৎসার্নব । ইং :৮২০ (১) । পৃ. ৭২ ।

শ্রীশ্রীদুর্গা শহায় ॥ চিকিৎসার্নব ॥ নাড়ীজ্ঞান নিরূপণ ॥ জ্বর  
লক্ষণ ॥ পাঁচন ও ঔষধাদি এবং দ্রব্যাদি শোধন প্রকরণ মুদ্রাঙ্কিত  
হইল কলিকাতা .....

রাধাকান্ত দেবের লাইব্রেরিতে এই পুস্তকের এক খণ্ড দেখিয়াছি ।  
ইঁহার আখ্যাপত্রে প্রকাশ-কালটি কীটদষ্ট, তবে ছাপা দেখিয়া মনে হয়,  
১৮২০ খ্রীষ্টাব্দের কাছাকাছি ইঁহা মুদ্রিত । পরবর্ত্তী কালে ইঁহা বটতলা  
হইতে পুনর্মুদ্রিত হইয়াছিল ।

পুস্তকের গোড়ার কয়েক পংক্তি উদ্ধৃত করিতেছি ; ইহা হইতে গ্রন্থকারের নামধাম জানা যাইবে :—

গুরুপদে রাখি মতি বন্দোদেব গণপতি তুষ্টা হন ভগবতি তবে  
অতি শীঘ্রগতি পূরে অভিলাস ॥ জগৎ জননী যারে তুষ্টা হন এ  
সংসারে সে জন সকল পারে অনাআসে করিতে প্রকাশ ॥  
চিকীৎসার্নব নাম গ্রন্থ অতি গুণধাম চিন্তা করি অবিরাম দেখি  
চিন্ত হবে চমকিৎ । ভাসায় কোমলমিষ্টি গ্রন্থ যে নূতন সৃষ্টি কিছুদিন  
করি দৃষ্টি মূর্খ বৈগু হইবে পণ্ডিৎ ॥ নাড়িপ্রকাশানুসারে যদি নাড়ী  
বোধ করে চিকীৎসা করিতে পারে এ কারণে নাড়ীজ্ঞানে করি  
নিরূপিত ॥ না থাকিলে নাড়ীবোধ হবে কেন রোগবোধ মূর্খ বৈগু  
করে ক্রোধ বিষবড়ি দিয়া করে হিতে বীপরীৎ ॥ ব্যাধিতে পীড়িত  
লোক নানামতে পায় শোক তার কিছু করি যোগ উপায় কারণ ॥  
বৈগুকের শাস্ত্রমত পাঁচনাদি আছে কত তার মধ্যে সার যত এই  
গ্রন্থে করি নিরূপণ ॥ যে জরে যে অধিকার বিস্তারিয়া কব তার  
সভাকার উপকার হবে অতিশয় ॥ ঔষধী নানামত বিস্তারিয়া  
কব কত অল্পে করি গুণশত শাস্ত্রমত করিব নির্ণয় ॥ সুরধনি তিরে  
ধাম ধনু সে বহরাগ্রাম গঙ্গাকিশোর নাম দ্বিজদিন অতি ॥ চন্দ্রতেজ  
কর চুর তেজশ্চন্দ্র বাহাদুর ভুবনে দ্বিতীয়শূর মহারাজা তাঁর  
অধিকারেতে বসতি ॥ গ্রন্থে কোন থাকে ভুল গুনিগণ দিবে কুল  
দোষছাড়া নাহি মূল সাধুজনে আছেয়ে প্রকাশ ॥ অল্প দোষে সুধাকরে  
কি করিতে পারে তারে গঙ্গাধর ধরে শিরে অক্ষকার ঘোরতরে  
অনায়াসে করয়ে বিনাশ ॥

৪ । দ্রব্যগুণ । ইং ১৮২৪ ।\*

\* “১৮২৪ ..কলিকাতার বাহিরে মোং বহেড়াতে শ্রীগঙ্গাকিশোর ভট্টাচার্য্যকৃত।  
দ্রব্যগুণ ভাষা” ।—‘সংবাদপত্রে সেকালের কথা’ ( ১ম খণ্ড, ২য় সংস্করণ পৃ. ৭৬ )  
১৮৬৮ সনে ‘দ্রব্যগুণ’ বটতলা হইতে পুনর্মুদ্রিত হইয়াছিল ।

সম্পাদিত গ্রন্থ : গঙ্গাকিশোর কয়েকখানি প্রাচীন গ্রন্থ পুনর্মুদ্রিত করিয়াছিলেন। তন্মধ্যে দুইখানির নাম বিশেষভাবে উল্লেখযোগ্য। সে দুইখানির সংক্ষিপ্ত বিবরণ দিতেছি।

১। **অন্নদামঙ্গল।** ইং ১৮১৬। পৃ. ৩১৮।

Oonoodah Mongul, exhibiting the Tales of Biddah and Soonder. To which is added. The Memoirs of Rajah Prutapadityu. Embellished with Six Cuts. Calcutta : From the Press of Ferris and Co. 1816.

যত দূর জানা গিয়াছে, তাহাতে বলা চলে, ছাপার অক্ষরে ইহাই ভারতচন্দ্রের 'অন্নদামঙ্গল'র প্রথম সংস্করণ। ৮ ফেব্রুয়ারি ১৮১৬ তারিখের 'গবর্নমেন্ট গেজেটে' এই পুস্তকের যে বিজ্ঞাপন প্রকাশিত হয়, নিম্নে তাহা উদ্ধৃত করিতেছি :—

মে<sup>o</sup> ফেরিস এন কোম্পানি সাহেবের  
ছাপা খানায় সিদ্ধ প্রকাশ হইবেক  
অন্নদা মঙ্গল ও বিদ্যা সুন্দর পুস্তক  
অনেক পণ্ডিতের দ্বারা শোধিয়া শ্রীযুত  
পদ্মলোচন চূড়ামণি ভট্টাচার্য্য\* মহাস  
য়ের দ্বারা বর্ন সুন্দরকরিয়া উত্তম বাঙ্গলা  
অক্ষরে ছাপা হইতেছে পুস্তকের প্রতি  
উপক্ষেণে এক২ প্রতিমূর্ত্তি থাকিবেক মূল্য  
৪ টাকা নিরূপণ হইল জাহার লইবার  
ইচ্ছা হয় আপন নাম ঐ ছাপাখানায়

\* পদ্মলোচন চূড়ামণি নদীয়ার এক জন খ্যাতনামা পণ্ডিত। তিনি কিছু দিনের জন্য ভারতে আগত প্রথম ব্যাপটিষ্ট মিশনারী জন টমাসের পণ্ডিত ছিলেন। ২৫ সেপ্টেম্বর ১৭৯৫ তারিখে মদনাবাটী হইতে লিখিত জন টমাসের একখানি পত্রে প্রকাশ :—

I have a pundit to assist me in the translation, whose name



কিন্তু এই আপিসে শ্রীযুত গঙ্গাকিশোর  
ভট্টাচার্য্যের নিকট পাঠাইবেন ইতি—

এই পুস্তকে ছয়খানি চিত্র আছে ; প্রায় সবগুলিই লাইন-এন্ড্রেডিং ।  
চিত্রের লোকগুলি রামচাঁদ রায়ের ( হরচন্দ্র রায়ের আত্মীয় ? ) তৈয়ারি ।  
ইহার পূর্বে মুদ্রিত আর কোন সচিত্র বাংলা পুস্তক আমার নজরে  
পড়ে নাই ।

২ । ভগবদ্গীতা ।

গঙ্গাকিশোর “গণ্ডরচিত ভাষাঅর্থ সহ ভগবদ্গীতা প্রকাশ করিয়া-  
ছিলেন । ইহা ১৮২০ খ্রীষ্টাব্দের কাছাকাছি প্রকাশিত হইয়াছিল বলিয়া  
মনে হয় । ১৮২৪ খ্রীষ্টাব্দে মুদ্রিত এই গ্রন্থের দ্বিতীয় সংস্করণের  
( পৃ. ২১৬ ) এক খণ্ড বঙ্গীয়-সাহিত্য-পরিষদগ্রন্থাগারে আছে । তাহার  
আখ্যাপত্রটি এইরূপ :—

শ্রীশ্রীহরিঃ ॥ শ্রীভগবদ্গীতা ॥ ॥ নমো ভগবতে বাসুদেবায় ॥  
অষ্টাদশ অধ্যায় সংস্কৃত মূলগ্রন্থ ॥ [ এবং ] গণ্ডরচিত ভাষাঅর্থ সংগ্রহ ।  
শ্রীগঙ্গাকিশোর ভট্টাচার্য্যেন প্রকাশিত ॥ বাঙ্গালা যন্ত্রে দ্বিতীয়বার  
মুদ্রাঙ্কিত হইল ॥ মোকাম বহরা ॥ সন ১২৩১ সাল ।

## মৃত্যু

হরচন্দ্রের সহিত মতানৈক্য হওয়াতে\* ১৮১৯ (?) খ্রীষ্টাব্দে  
গঙ্গাকিশোর বাঙ্গাল গেজেট যন্ত্রালয় নিজ গ্রাম বহরায় লইয়া যান—

is Podo Loson, a native of that famous metropolis of Bengal  
Learning, Nuddea.—*Periodical Accounts...*i. 2। 5.

ফোর্ট উইলিয়ম কলেজে বাংলা-বিভাগ প্রতিষ্ঠিত হইলে, পদ্মলোচন চূড়ামণি ১৮০১  
খ্রীষ্টাব্দের মে মাসে মাসিক ৪০৭ টাকা বেতনে উইলিয়ম কেরীর অধীনে অগ্রতম সহকারী  
পণ্ডিতের পদ লাভ করেন । এই কর্ত্তে তিনি অনেক দিন যাবৎ নিযুক্ত ছিলেন ।

\* গঙ্গাকিশোরের সহিত পৃথক হইবার কিছু দিন পরেই হরচন্দ্র রায় ২ নং



সাহিত্য-সাধক-চরিতমালা—৮

# গৌরীশঙ্কর তর্কবাগীশ

১৭৯৯—১৮৫৯

ব্রজেন্দ্রনাথ বন্দ্যোপাধ্যায়



বঙ্গীয়-সাহিত্য-পরিষৎ

২৪৩'১, আচার্য প্রফুল্লচন্দ্র রোড

কলিকাতা-৭০০০৩৬

প্রকাশক  
সম্পাদক  
বঙ্গীয়-সাহিত্য-পরিষৎ

প্রথম সংস্করণ—শ্রাবণ ১৩৪৮ ; দ্বিতীয় সংস্করণ—আশ্বিন ১৩৪৯ ;  
তৃতীয় সংস্করণ—বৈশাখ : ১৩৫১ ; চতুর্থ সংস্করণ—বৈশাখ ১৩৫৪ ;  
পঞ্চম সংস্করণ—মাঘ ১৩৬২

মূল্য ১.৫০

মুদ্রাকর—যেখা দে  
শ্রীহরি প্রিন্টার্স, ১২২/৩ রাজা দীনেশ্বর স্ট্রীট, কলিকাতা-৪

**উ**নবিংশ শতাব্দীর ষষ্ঠ দশক পর্যন্ত বাংলা সাময়িক-সাহিত্যের  
 স্তম্ভস্বরূপ যে কয় জন শক্তিশালী সাংবাদিক বিদ্যমান ছিলেন,  
 তাঁহাদের মধ্যে গৌরীশঙ্কর তর্কবাগীশ অন্যতম। এই খর্বাকৃতি ও  
 তেজোদৃশু ব্রাহ্মণ (খর্বাকৃতি বলিয়া ‘গুড়গুড়ে ভট্টচাঁদ’ নামে  
 তিনি অভিহিত হইতেন) মাত্র পঞ্চদশ বর্ষ বয়ঃক্রমকালে সুদূর  
 শ্রীহট্ট হইতে বিদ্যার্জনের জন্য নিঃসম্বল অবস্থায় নৈহাটিতে  
 আসিয়া উপস্থিত হন, এবং স্বীয় প্রতিভা ও অধ্যাবসায়বলে  
 প্রগাঢ় পাণ্ডিত্য ও কবিখ্যাতির অধিকারী হইয়া ভাগ্যান্বেষণের  
 জন্য কলিকাতায় আগমন করেন। তৎকালে কলিকাতায় ধর্ম  
 ও সমাজ-আন্দোলনের যে আবর্ত সৃষ্টি হইয়াছিল, গৌরীশঙ্কর  
 তাঁহার প্রগতিশীল মনোবৃত্তি ও চিন্তাধারা লইয়া সেই আবর্ত-  
 মধ্যে অবতীর্ণ হন এবং অল্প কালের মধ্যেই সে যুগের  
 চিন্তানায়কগণের মধ্যে তাঁহার একটি বিশিষ্ট স্থান গড়িয়া উঠে।  
 তাহার পর এক হস্তে তৎকালীন সমাজ-জীবনের ক্রটি-বিচ্যুতির  
 বিরুদ্ধে তীব্র কশাঘাত এবং অপর হস্তে জাতি-গঠনের কল্যাণ-  
 কর্ম্মে আত্মনিয়োগ করিবার জন্য তিনি সংবাদপত্র পরিচালনে  
 মনোনিবেশ করেন। আমাদের প্রথম যুগের সাময়িক পত্রের  
 ইতিহাসে ‘ভাস্কর’-সম্পাদকের স্থান কাহারও পশ্চাতে নহে।

কিন্তু দুঃখের বিষয়, আজিকার দিনে তাঁহার জীবনবৃত্তান্ত  
 বিশেষ কিছুই জানিবার উপায় নাই। সমসাময়িক সংবাদ-  
 পত্রাদি হইতে তাঁহার সম্বন্ধে যেটুকু জানিতে পারা গিয়াছে,  
 আপাততঃ তাহাই আমাদের সম্বল।

অচ্যুতচরণ চৌধুরী তত্ত্বনিধি 'শ্রীহট্টের ইতিবৃত্ত' পুস্তকে গৌরীশঙ্করের বাল্যজীবন সম্বন্ধে যেটুকু সংবাদ দিতে পারিয়াছেন, তাহা এই :—

গৌরীশঙ্কর ইটার পঞ্চগ্রামে কৃষ্ণাত্রেয় গোত্রীয় ব্রাহ্মণকুলে ১৭২২ খ্রীষ্টাব্দে জন্ম গ্রহণ করেন। ইহার পিতার নাম জগন্নাথ ভট্টাচার্য্য। জগন্নাথের দুই পুত্র শ্রীনাথ ও গৌরীশঙ্কর। গৌরীশঙ্কর গৌরবর্ণ ও খর্বাকৃতি পুরুষ ছিলেন।

গ্রামের চতুষ্পাঠীতেই গৌরীশঙ্করের ব্যাকরণ ও সাহিত্য শিক্ষা সমাপ্ত হয়। তৎপূর্বেই তাঁহার মাতৃবিয়োগ হইয়াছিল। তিনি যখন কিশোরবয়স্ক, পিতা জগন্নাথ তখন পরলোক গমন করেন। পিতৃবিয়োগে গৌরীশঙ্কর অত্যন্ত বিষাদিত হন এবং একদা যাত্রিযোগে কাহাকেও কিছু না বলিয়া বাটী পরিত্যাগপূর্বক নবদ্বীপ গমন করেন। তখন গৌরীশঙ্করের বয়স পঞ্চদশ বর্ষ মাত্র, পঞ্চদশ-বর্ষীয় বালক অপরিচিত নবদ্বীপে জনৈক অধ্যাপকের গৃহে উপস্থিত হইয়া শ্রীয়াধ্যয়নের অভিপ্রায় জ্ঞাপন করেন। তৎকালে দেশে বিদ্যার্থীর অর্থের অভাব ছিল না, অধ্যাপকবর্গ ছাত্রের আহার দিতেন, দেশের জমীদারবর্গ হইতে তাঁহারা সাহায্য পাইতেন।

গৌরীশঙ্কর নিরুদ্ধেগে নবদ্বীপে শ্রীয়াধ্যয়ন করিতে লাগিলেন ও অসাধারণ প্রতিভাবলে অল্প কাল মধ্যেই সুখ্যাতি অর্জন করিতে সমর্থ হইলেন, তাঁহার যশঃপ্রভা কলিকাতা প্রভৃতি অঞ্চলেও বিকীর্ণ হইয়া পড়িল।

গৌরীশঙ্কর যথাকালে অধ্যাপক হইতে "তর্কবাগীশ" উপাধি লাভ করেন এবং কতিপয় মহানুভব ব্যক্তির পরামর্শে কলিকাতায় আগমন করেন। কলিকাতায় অল্পকাল মাত্র অবস্থিতির পরেই

তিনি শোভাবাজারের রাজা কমলকৃষ্ণ তাঁহাকে সভাপণ্ডিত নিযুক্ত করিয়া মাসিক ২০ টাকা বৃত্তি, ও শোভাবাজারের বালাখানায় বাসের জন্ত একটি বাটিকা নির্দ্ধারিত করিয়া দেন।—৪র্থ ভাগ, ( ১৩২৪ ), পৃ. ৬৪-৬৬।

এই বিবরণে গৌরীশঙ্করের নবদ্বীপে গ্ৰাম্যাধ্যয়নের কথা আছে। ইহা বোধ হয় ঠিক নহে। গৌরীশঙ্কর নৈহাটিতে হরপ্রসাদ শাস্ত্রী মহাশয়ের খুল্ল-পিতামহ (ন-ঠাকুরদা) নীলমণি গ্ৰায়পঞ্চাননের চতুষ্পাঠিতে শাস্ত্রাধ্যয়ন করিয়াছিলেন। শাস্ত্রী মহাশয়ের নৈহাটির বাটীতে পারিবারিক কাগজ-পত্রের মধ্যে, ১২৩৩-৩৪ সালে ( ইং ১৮২৬-২৭ ) গৌরীশঙ্কর যে নৈহাটিতে পঠদশায় ছিলেন, তাহার প্রমাণ আছে। নীলমণি গ্ৰায়পঞ্চানন নিঃসন্তান ছিলেন ; গৌরীশঙ্করকে তিনি পুত্রবৎ স্নেহ করিতেন।

হরপ্রসাদ শাস্ত্রীও গৌরীশঙ্করের প্রথম জীবন সম্বন্ধে লিখিয়া গিয়াছেন :—

...মহাত্মা রাজা রামমোহন রায় মহাশয় যখন কলিকাতায় পণ্ডিতমণ্ডলীর অগ্রগণ্য, সেই সময় আমার ন-ঠাকুরদাদার এক ছাত্র আসিয়া তাঁহার সহিত জোটেন। ইহার নাম গৌরীশঙ্কর ভট্টাচার্য্য বা গুড়গুড়ে ভট্টাচার্য্য। ন-ঠাকুরদাদা গুড়গুড়ে ভট্টাচার্য্যকে পালন করেন। কিছুদিন রামমোহন রায়ের সঙ্গে থাকিয়া অনেক বিষয়েই তাঁহাকে সাহায্য করিয়া তিনি তাঁহাকে ত্যাগ করেন ও ব্রাহ্মসভার বিরোধী যে ধর্মসভা ছিল, তাহাতেই উপস্থিত হন ও তাহার কর্তা নন্দলাল ঠাকুরের দক্ষিণহস্ত হইয়া উঠেন।... গৌরীশঙ্করের গুরুভক্তির বিশেষ অভাব ছিল না। আমাদের বাড়ীর কেহ কখনও কলিকাতায় আসিলে তিনি মহাসমারোহে তাহাকে

কলিকাতার বাড়ীতে লইয়া যাইতেন ও বৎসর বৎসর ৮পূজার সময় আমার ন-ঠাকুরমাকে ৮পূজার প্রণামীর টাকা ও কাপড় পাঠাইয়া দিতেন।—বঙ্গীয়-সাহিত্য-সম্মিলন, ১৫শ অধিবেশন, রাধানগর। কার্যবিবরণ, পৃ. ২৬।

গৌরীশঙ্কর কলিকাতায় অবস্থানকালে দক্ষিণারঞ্জন (তৎকালে ‘দক্ষিণানন্দন’) মুখোপাধ্যায়ের সুনজরে পড়েন এবং ক্রমশঃ তাঁহার অতীব প্রিয় পাত্র হইয়া উঠেন। বর্দ্ধমানে পরাণবাবু ও তদীয় পরিবারবর্গের সহিত বিবাদের সময় “স্বর্গীয় মহারাজ তেজশ্চন্দ্র বাহাদুরের কনিষ্ঠা স্ত্রী শ্রীমতী মহারানী বসন্তকুমারী ফৌজদারী সম্পর্কীয় বিচার প্রাপনার্থ” গৌরীশঙ্করকে মোক্তার নিযুক্ত করিয়াছিলেন।\* দক্ষিণারঞ্জনেরই সুপারিশে গৌরীশঙ্কর এই দায়িত্বপূর্ণ কার্যের ভার পাইয়াছিলেন। কিছু দিন পরে দক্ষিণারঞ্জন যখন “রানী বসন্তকুমারীকে বর্দ্ধমান হইতে কলিকাতায় আনিয়া কলিকাতার পুলিশ ম্যাজিষ্ট্রেট বাচ সাহেবের সম্মুখে Civil Marriage নামক বিবাহ করেন,” তখন গৌরীশঙ্কর তাহার সাক্ষী থাকেন।†

১৮ জুন ১৮৫১ তারিখে দক্ষিণারঞ্জন মুখোপাধ্যায় “ইয়ং বেঙ্গল”দের মুখপত্র ‘জ্ঞানান্বেষণ’ পত্র প্রকাশ করিলে, প্রফ-সংশোধনাদি যাবতীয় সম্পাদকীয় কার্য সম্পন্ন করিবার জন্য গৌরীশঙ্কর তর্কবাগীশকেই নিযুক্ত করেন। তাঁহাদের উভয়কে

---

\* এ বিষয়ে গৌরীশঙ্কর তর্কবাগীশের পত্র দ্রষ্টব্য।—‘সংবাদপত্রে সেকালের কথা,’ ২য় খণ্ড, ২য় সংস্করণ, পৃ. ৩৬৪-৬৫।

† ‘রাজনারায়ণ বহুর আশ্র-চরিত’, (১৩১৫), পৃ. ১১৯।



লক্ষ্য করিয়া সমসাময়িক সংবাদপত্র ‘সম্বাদ তিমিরনাশক’ লিখিয়াছিলেন :—

...শ্রীযুত দক্ষিণানন্দন ঠাকুর ইনি বাবু সূর্য্যকুমার ঠাকুরের দৌহিত্র বাঙ্গালা লেখা পড়া কিছুই জানেন না এবং বাঙ্গালা কথা কহিতে ভাল পারেন না তাহাতে কুচিও নাই তথাচ বাঙ্গালা সমাচার কাগজের এডিটর না হইলেই নয় মাতামহদত্ত কিঞ্চৎ সঞ্চিত আছে তাহা তাবৎকে বঞ্চিত করিয়া ঐ কাগজের জন্ত কথঞ্চিৎ কিছু ব্যয় করেন এক জন নাটুরে ভাট মণ্ডপায়িকে পণ্ডিত জানিয়া চাকর রাখিয়াছেন সে নাস্তিক হিন্দুদেবী কাগজ আরম্ভাবধি কেবল ধার্মিকবর চন্দ্রিকাকর মহাশয়কে কটু কহে আর হিন্দুশাস্ত্র ভাল নহে তাহারি দোষ আপন বুদ্ধিতে যাহা আইসে তাহাই লেখে এজন্ত ভদ্রলোকমাত্র কেহ ঐ কাগজ পাঠ করেন না তথাচ কাগজ ছাড়া করিয়া জন কএক লোকের বাটীতে পাঠাইয়া দেন ।

‘জ্ঞানান্বেষণে’র পর গৌরীশঙ্কর আরও তিনখানি সাময়িক-পত্র পরিচালন করিয়া গিয়াছেন—তাহাদের কথা যথাস্থানে লিখিত হইয়াছে । এখানে ইহাই বলিলে যথেষ্ট হইবে যে, তিনি সাংবাদিক হিসাবে যথেষ্ট খ্যাতি-প্রতিপত্তি অর্জন করিয়াছিলেন । তিনি ছিলেন এক জন নির্ভীক সম্পাদক, তাঁহার রচনা সহজ সরল ও প্রসাদগুণবিশিষ্ট ছিল । কলিকাতার খ্যাতনামা সাপ্তাহিক পত্র ‘ক্যালকাটা কুরীয়ার’ তাঁহার সম্বন্ধে একবার লিখিয়াছিলেন :—

His writings, as far as we have been able to judge, are always characterized by good sense and a vigorous style. Being freed from his trammels of Hindoo superstition, he gladly embraces every opportunity of exposing the folly of his bigotted countrymen, and showing the great utility of cultivating European knowledge.

গৌরীশঙ্কর বিরূপ উদারমতাবলম্বী ছিলেন, সে সম্বন্ধে তাঁহার নিজেরই উক্তি উদ্ধৃত করিতেছি। ডিক্‌শনারীটার বীটন (বেথুন) যখন কলিকাতায় হিন্দু বালিকা-বিদ্যালয় স্থাপন করেন, তখন গৌরীশঙ্কর এই বালিকা-বিদ্যালয় প্রতিষ্ঠা সমর্থন করিয়া বলিয়াছিলেন :—

আমরা কলিকাতা নগরে উপস্থিত হইয়া রাজা রামমোহন রায়ের সহিত প্রথম সাক্ষাৎ করি এবং তৎকালেই ব্যক্ত করিয়া-ছিলাম স্বদেশের কুপ্রথা ও সহমরণ নিবারণ এবং বিধবদিগের বিবাহ, স্ত্রীলোকদিগের বিদ্যাভ্যাস ইত্যাদি বিষয় সম্পন্নার্থ প্রাণপণে চেষ্টিত আছি, তাহাতেই রাজা রামমোহন রায় আমারদিগকে নিকট রাখেন, এবং সহমরণ নিবারণ বিষয়ে যথাসাধ্য পরিশ্রমে উক্ত রাজার আনুকূল্য করি তাহাতে কৃতকার্যও হইয়াছি, সহ-মরণ পক্ষাবলম্বি পাঁচ ছয় সহস্র পরাক্রান্ত লোকের সাক্ষাতে গবর্ণমেন্ট হোসের প্রধান হালে লর্ড বেণ্ডিক বাহাদুরের সম্মুখে সহ-মরণের বিপক্ষে দণ্ডায়মান হইতে যদি ভয় করি নাই তবে এইক্ষেণে ভয়ের বিষয় কি, এখন আমরা আপনাদিগকে স্বাধীন জ্ঞান করি ইহাতে দানবকেই ভয় করি না মানব কোথায় আছেন, আর সঙ্গশ্চ যুব হিন্দুগণ যাহারা বালিকাদিগের শিক্ষালয় স্থাপনে উল্লসিত হইয়াছেন তাঁহারাও কি স্মরণ করেন না জ্ঞানাস্বেষণ পত্র যন্ত্রাক্রুড় হইলে জ্ঞানাস্বেষণের শিরোভূষা কবিতা করিতে তাঁহারা এই আদেশ করিয়াছিলেন, তাহাতে আমরা যুব বান্ধবগণের সম্মুখে দণ্ডায়-মানাবস্থায় যে কবিতা করিয়াছিলাম সেই কবিতা জ্ঞানাস্বেষণের শিরোভূষা হয়, তাহার অর্থ ই আমারদিগের অভিপ্রেত, ...এই কবিতা ষারাই আমারদিগের ভাব ব্যক্ত হইয়াছে এইক্ষেণেও সেই ভাবের ভাবক আছি, সহস্র ২ কি লক্ষ ২ লোক যদি আমারদিগের বিরুদ্ধে

অস্ত্র ধারণ করেন, তথাচ আমরা বালিকাদিগের বিদ্যালয়ের অনুকূল বাক্যই কহিব, ...।—‘সম্বাদ ভাঙ্কর,’ ২৬ মে, ১৮৪২।

নানা সভা-সমিতি ও কল্যাণকর প্রতিষ্ঠানের সহিত গৌরী-শঙ্করের যোগ ছিল। দেশের ইষ্টানিষ্ঠের সঙ্গে সম্পর্কিত রাজকার্যাদি-সংক্রান্ত বিষয়ের রীতিমত আলোচনার জন্য যে সকল সভা গঠিত হয়, তন্মধ্যে উনবিংশ শতাব্দির তৃতীয় দশকে প্রতিষ্ঠিত বঙ্গভাষাপ্রকাশিকা সভাকে প্রথম বলিতে হইবে। এই সভার সহিত গৌরীশঙ্করের ঘনিষ্ঠ যোগ ছিল; তিনি কয়েক বার এই সভার সভাপতিত্বও করিয়াছিলেন। ১৮৫৯ খ্রীষ্টাব্দের ৫ই ফেব্রুয়ারি তাঁহার মৃত্যু হয়। তিনি অপুত্রক ছিলেন।

### সংবাদপত্র-পরিচালন

সাংবাদিক হিসাবে সে-যুগে তাঁহার বিলক্ষণ প্রতিষ্ঠা ছিল। তাঁহার পরিচালিত পত্রগুলির বিবরণ সংক্ষেপে দিতেছি।

‘জ্ঞানান্বেষণ’

সংবাদপত্র-পরিচালনে গৌরীশঙ্করের হাতেখড়ি হয়— ‘জ্ঞানান্বেষণ’ পত্রে। ১৮৩১ খ্রীষ্টাব্দের ১৮ই জুন তারিখে দক্ষিণা-নন্দন মুখোপাধ্যায় এই সাপ্তাহিক পত্র প্রকাশ করেন। শিরোভূষা-স্বরূপ ‘জ্ঞানান্বেষণে’ যে কবিতাটি মুদ্রিত হইত, তাহা গৌরীশঙ্করের রচিত। কবিতাটি এইরূপ :—

এহি জ্ঞান মনুষ্যাণমজ্ঞানতিমিরং হর ।

দয়ামত্যঞ্চ সংস্থাপ্য শঠতামপি সংহর ॥

## গৌরীশঙ্কর তর্কবাগীশ

বাঞ্ছা হয় জ্ঞান তুমি কর আগমন ।  
 দয়া সত্য উভয়েকে করিয়া স্থাপন ॥  
 লোকের অজ্ঞানরূপ হর অন্ধকার ।  
 একেবারে শঠতারে করহ সংহার ॥

দক্ষিণানন্দন নামে-সম্পাদক হইলেও, ইহার সম্পাদকীয় কার্য সম্পন্ন করিতেন গৌরীশঙ্কর । ইহা ইংরেজী-শিক্ষিত উদারমতাবলম্বী যুবকগণের মুখপত্র ছিল । ইহার প্রচারের প্রয়োজনীয়তা সম্বন্ধে প্রথম সংখ্যায় এইরূপ লিখিত হইয়াছিল :—

এক প্রয়োজন এই যে এতদেশীয় বিশিষ্ট বংশোদ্ভব অনেক মহাশয়েরা লোকের প্রপঞ্চ বাক্যেতে প্রতারিত হইতেছেন তাহাতে তাঁহারদিগের কোনরূপেই ভাল হইবার সম্ভাবনা না দেখিয়া খেদিত হইয়া বিবেচনা করিলাম যে নানা দেশ প্রচলিত বেদবেদান্ত মহুমিতাক্ষরা প্রভৃতি গ্রন্থের আলোচনাদ্বারা তাঁহারদিগের ভ্রান্তি দূর করিতে চেষ্টা করিব ।

দ্বিতীয়তঃ এই যে এতদেশনিবাসি অনেকেই আপন২ জাতিবিহিত ধর্মের প্রতি জিজ্ঞাসা করিলে যথাশাস্ত্রানুসারে কহিয়া থাকেন কিন্তু সেই মহাশয়েরা এমন কর্ম করেন যে তাহা কোন বিশিষ্টলোকেরই কর্তব্য নহে ইহার কারণ কি তাহাও বিবেচনা করিতে হইবেক ।

তৃতীয়তঃ এই যে ভূগোলপ্রভৃতি গ্রন্থ যতপি এতদেশে দেশান্তরীয় ও বঙ্গদেশীয় ভাষায় নানাপ্রকারে প্রকাশ হইয়াছে তথাপি সে অতি-বিস্তারিতরূপে প্রচার হয় নাই অতএব সকলের আশু বোধের নিমিত্তে সেই সকল গ্রন্থ আমরা বঙ্গদেশীয় ভাষায় ক্রমে২ প্রকাশ করিব । এবং অন্য২ বিষয় যাহা প্রকাশ করা আবশ্যক তাহাও উপস্থিতানুসারে প্রকাশ করিতে ক্রটি করিব না ইতি ।

১৮৩৩ খ্রীষ্টাব্দের জানুয়ারী মাসে 'জ্ঞানান্বেষণ' দ্বিভাষিক ( ইংরাজী-বাংলা ) পত্রে পরিণত হয় এবং ইহার সম্পাদন ভার গ্রহণ করেন দক্ষিণানন্দনের বন্ধু রসিককৃষ্ণ মল্লিক ও মাধবচন্দ্র মল্লিক। গৌরীশঙ্কর পূর্ববৎ ইহার বাংলা-বিভাগ পরিচালন করিতে থাকেন।

### ‘সম্বাদ ভাস্কর’

১৮৫৯ খ্রীষ্টাব্দের মার্চ মাসে এই সাপ্তাহিক পত্রখানি সিমলা হইতে প্রকাশিত হয়। সম্পাদকরূপে শ্রীনাথ রায়ের নাম থাকিলেও, প্রকৃতশক্ষে ইহার পরিচালক ছিলেন—গৌরী-শঙ্কর তর্কবাগীশ। ‘সম্বাদ ভাস্কর’ প্রকাশিত হইলে ‘জ্ঞানান্বেষণ’ লিখিয়াছিলেন :—

পূর্বে আমারদিগের যে পণ্ডিত ছিলেন তিনি ভাস্কর নামক সংবাদ কাগজ প্রকাশ করিয়াছেন ঐ সম্বাদ পত্র অতি উত্তম হইয়াছে...।

১৮৪০ খ্রীষ্টাব্দের অক্টোবর মাসে শ্রীনাথ রায়ের মৃত্যু হইলে পরবর্তী ১৪ই নবেম্বর তারিখে ‘ক্যালকাটা কুরীয়ার’ যাহা, লিখিয়াছিলেন তাহা হইতেও ইহার প্রমাণ পাওয়া যায় :—

We understand that the death of Sreenauth Roy will not, in the least, diminish the usefulness and efficiency of the *Bhaskar*, as an appropriate instrument for the cultivation of the Bengally language, and a legitimate organ of at least a certain section of the Hindoo community. Sreenauth Roy was not the principal editor of the paper. His contributions to it formed but a small part of the editorials. The individual to whom praise is due for the able manner in which that paper has hitherto been conducted, is still in the land of the living. He is the quondam Bengally editor of the *Gyannaneshun*...

প্রথমাবস্থায় আন্দুল-নিবাসী মথুরানাথ মল্লিকের কনিষ্ঠ ভ্রাতা শ্রীনাথ মল্লিক ‘সম্বাদ ভাস্কর’ পত্রের পৃষ্ঠপোষক ছিলেন। ১৮৪৪

খ্রীষ্টাব্দের মেপ্টেম্বর মাসে শ্রীনাথ মল্লিকের মৃত্যু হইলে গৌরী-  
শঙ্কর তাঁহার সম্বন্ধে এক দীর্ঘ প্রবন্ধ লেখেন। তাহার এক স্থলে  
তিনি লিখিয়াছিলেন, “শ্রীনাথ বাবু ..[ বহু ] কাল আমারদিগকে  
টাকা দিয়া প্রতিপালন করিয়াছেন, আমারদিগের সেই প্রতিপালক  
মিত্র গেলেন।” শ্রীনাথ মল্লিকের প্রতি কৃতজ্ঞতার চিহ্নস্বরূপ  
‘সম্বাদ ভাস্করে’র শিরোভাগে এই শ্লোকটি মুদ্রিত হইত, এরূপ  
হওয়াও বিচিত্র নহে :—

গৌরীশঙ্করবক্তৃ পদ্মহৃদয়ে শ্রীনাথপদ্মাতুরো  
মগ্নোহয়ং সমুদেতি ভাস্করবরঃ সম্বাদপদ্মোদয়ৈঃ ।  
হৃৎপদ্মপ্রকটায় সন্ততমহো সম্বাদপদ্মাখিনাং  
লোকানাং খলু বেদপদ্ম প্রকটে: শ্রীপদ্মযোনির্ঘথা ॥

শ্রীনাথ মল্লিকের মৃত্যুর পর—১৮৪৫ খ্রীষ্টাব্দের ১৮ই মার্চ  
হইতে প্রেমচন্দ্র তর্কবাগীশ-রচিত একটি নূতন শ্লোক, এবং কিছু  
দিন পরে তাহার সহিত অপর একটি শ্লোক সংযুক্ত হইয়া ‘সম্বাদ  
ভাস্করে’র কণ্ঠে শোভা পাইতে থাকে। শ্লোক দুইটি উদ্ধৃত  
করিতেছি :—

ভ্রাতর্কোদধসরোজ কিং চিরয়সে মৌনশ্চ নায়ং ক্ষণো  
দোষধ্বাস্ত দিগন্তরং ব্রজ ন তেহবস্থানমদ্রোচিতম্ ।  
ভো ভো: সংপুরুষা: কুরুধ্বমধুনা সংকৃত্যমত্যা দরা-  
দেগৌরীশঙ্করপূর্বপর্বতমুখাদুজ্জ্বলন্তে ভাস্কর: ॥

নানালোককরক্রিয়ঃ সমুদিতে নব্যায়তে শাস্বতঃ  
শশ্বৎস্বাশ্বগুণাস্বজোজ্জ্বলকরো দোষাক্কারোজ্জ্বিতঃ ।  
নানাদেশবিলাস এষ বিলসন্নজ্বরবর্ণো পরো  
গৌরীশঙ্করপূর্বপর্বতমুখাদোজ্জ্বলন্তে ভাস্কর: ॥

‘সম্বাদ ভাস্কর’ প্রথমাবস্থায় আশুতোষ দেবের ( ছাত্তুবাবুর ) বাটীতে ভাস্কর যন্ত্রে মুদ্রিত হইত। ১৮৪৮ খ্রীষ্টাব্দের ১৪ই জানুয়ারি হইতে ইহা শোভাবাজার বালাখানার বাগানে গৌরীশঙ্করের নিজ ভবনে মুদ্রিত হইতে থাকে। ‘সম্বাদ ভাস্কর’ প্রথমে সাপ্তাহিক পত্ররূপে প্রতি মঙ্গলবারে, ১৪ জানুয়ারি ১৮৪৮ হইতে অর্ধ-সাপ্তাহিকরূপে প্রতি মঙ্গল ও শুক্রবারে, এবং ১২ এপ্রিল ১৮৪৯ হইতে প্রতি মঙ্গল, বৃহস্পতি ও শনিবারে প্রকাশিত হইত।

শোভাবাজারের কমলকৃষ্ণ বাহাদুর ‘সম্বাদ ভাস্করে’র সহিত বিশেষভাবে সংশ্লিষ্ট ছিলেন। তিনি প্রায়ই ইহাতে লিখিতেন।

১৭ আগষ্ট ১৮৫৪ তারিখের ‘সম্বাদ ভাস্করে’ গৌরীশঙ্কর লেখেন :—

যাঁহারা সমাচার পত্র লিখে যোগ্য পাত্র হইয়াছেন তাঁহারা প্রায় সকলেই এদেশের মানুসর বংশধর, আমার পীড়া সময়ে তাঁহারা দিগের মধ্যে অনেকে ভাস্করোদয় পরিপূর্ণ করিয়াছেন আমি বোধকরি বিদেশীয় পাঠকমহাশয়েরা বাস্কবগণের লেখা আমার লেখা নয় এমত বিবেচনা করিতে পারেন নাই, বিশেষতঃ শ্রীযুক্ত যুবরাজ কমলকৃষ্ণ বাহাদুর গোড়ীয় ভাষায় সমাচার পত্র সম্পাদনে এমত সুশিক্ষিত হইয়াছেন রাজা রামমোহন রায় যত্বপূর্ণ জীবিত থাকিতেন তবে উক্ত রাজা বাহাদুরের লেখা দেখিয়া অসীম ধন্যবাদ দিতেন, ...এই ধনেশ্বর যুবরাজ বাহাদুরও আমার শয়নাবস্থায় আমাকে ঔষধ পথ্য দিয়াছেন এবং ভাস্কর পত্র লিখিয়াছেন।

‘ভদ্রার্জুন’ নাটক-প্রণেতা তারাচরণ শীকদার ‘সম্বাদ ভাস্করে’র সম্পাদকীয় বিভাগের সহিত যুক্ত ছিলেন, “যিনি আমারদিগের যন্ত্রালয়ে বঙ্গভাষায় ইংরাজীর অনুবাদ করিতেন।”

‘সম্বাদ ভাস্কর’ সে-যুগের একখানি বিশিষ্ট সংবাদপত্র ছিল। রচনার নিদর্শন-স্বরূপ ‘সম্বাদ ভাস্করের’ একটি সংখ্যা হইতে কিঞ্চিৎ উদ্ধৃত হইল :—

বিলাতী ভাষায় লিখিত তদ্দেশীয় লোকেদের জীবনবৃত্তান্ত যাহা বঙ্গভাষায় সংগৃহীত হইতেছে আমারদিগের দেশস্থ লোকেরা ঐ সকল সংগ্রহ গ্রন্থ পাঠ করিয়া দেখিবেন কোন ব্যক্তি যাদজ্জীবন দয়ার কর্ম করিয়াছেন, কেহ বাহুবলে রাজা হইয়াছিলেন, কেহ বিদ্যাধারা স্বদেশস্থ সমুদায় মনুষ্যকে সচুপদেশ দিয়াছেন, কেহ বা পুণ্যবলে তাবৎকে পুণ্যাত্মা করিয়াছেন, ইত্যাদি বিবিধ বিষয়ে এতদ্দেশীয় লোকেরা উপদেশ প্রাপ্ত হইবেন, কিন্তু আমরা কি দুর্ভাগ্য এই সফল-কালেও আমারদিগের দেশস্থ মান্য লোকদিকের জীবনবৃত্তান্ত দেখাইয়া উত্তর প্রদান করিতে পারিলাম না, ব্রহ্মদেশ, জয়ন্তী, কাছাড়, মণিপুর, নেপাল, চীনাদি প্রদেশীয় রাজ্যপালদিগের জীবনবৃত্তান্ত কি দেশীয় ভাষায় লিখিত আছে, একখানি চিরকুটও নাই, ফ্রেণ্ড অব ইণ্ডিয়া সম্পাদক মহাশয়ের সহিত বিচারকালে আমরা নবদ্বীপের মহারাজ-গোষ্ঠীর জীবনবৃত্তান্ত চাহিয়াছিলাম, রাজবাটী হইতে প্রত্যুত্তর আসিল আমরা যাহা জানি তাহাই লিখিয়া উত্তর দিব তাহাতেই অনুভব হইল রাজপরিবারেরা আমারদিগের অপেক্ষা তাঁহারদিগের বংশাবলীর বিষয় অধিকানুসন্ধান করেন নাই, স্ততরাং আমারদিগের জ্ঞাত বিষয় মাত্রই লিখিতে হইল আমরা তাহাতেই ফ্রেণ্ড অব ইণ্ডিয়া সম্পাদক মহাশয়ের সহিত বিচারে জয়ী হইয়াছি, নাটোর পুঁঠিয়া রাজবংশদিগের পূর্বপুরুষীয় কাণ্ডও এই প্রকার গোলযোগে রহিয়াছে, কলিকাতা নগরীয় রাজগণ ও ধনিগণ কেহ পূর্বপুরুষদিগের জীবনবৃত্তান্ত লেখেন নাই, কেবল শ্রীযুত কালীকৃষ্ণ বাহাদুর তাঁহার পূর্বপুরুষীয় কার্য চরিত্র প্রকাশ করিয়াছিলেন, আর রাজা রামমোহন রায়ের জীবন



বিবরণ প্রকাশ হইয়াছে, স্বাক্ষরকানাথ বাবুর জৈবনিক বিষয় আমরা সংক্ষেপে যাহা লিখিয়াছি তাহাতেই শেষ আর কেহ বিস্তারিত বিবরণ লেখেন নাই, কিন্তু প্রকৃত রূপে তাহা লিখিলে এক বৃহৎ পুস্তক হয় এবং সাধারণ লোকেরাও তাহা পাঠ করিয়া সন্তুষ্ট হইতে পারেন, দর্প-নারায়ণ ঠাকুর, গোপীমোহন ঠাকুর, হরিমোহন ঠাকুর, মোহিনীমোহন ঠাকুর, রাজা জয়নারায়ণ ঘোষাল বাহাদুর, রাজা কালীশঙ্কর ঘোষাল বাহাদুর, গঙ্গাগোবিন্দ সিংহ, রাজা রাজবল্লভ রায় বাহাদুর, শাস্তিরাম সিংহ, প্রাণকৃষ্ণ সিংহ, জয়কৃষ্ণ সিংহ, রামদুলাল দেব, রামলোচন ঘোষ, নিমাইচরণ মল্লিক, গৌরচরণ মল্লিক, বৈষ্ণবদাম মল্লিক, রাজা গোপীমোহন দেব বাহাদুর, অক্রুরচন্দ্র দত্ত, দেওয়ান কাশীনাথ মল্লিক, দেওয়ান রামসেবক মল্লিক ইত্যাদি মহামতিম ব্যক্তিগণা...হসদয়াদি প্রকাশের বিবিধ কৰ্ম করিয়া পৃথিবী হইতে গিয়াছেন তাঁহারদিগের এক এক ব্যক্তির জীবনবৃত্তান্তে একই ইতিহাসপুস্তক হয় কিন্তু আক্ষেপের বিষয় এই যে ঐ সকল মহাপুরুষগণের বংশাবলীর নিকট প্রার্থনা করিলে তাঁহারা এমত চতুঃঙ্গুলী-পরিমিত পত্রও দেখাইতে পারিবেন না তাহাতে কোন মহাজনের জীবনবৃত্তান্ত লিখিত হইয়াছে।

যে সকল মহামহিমেরা বর্তমান আছেন, ইহারাও অনেক সংকৰ্ম করিয়াছেন ইহঁারদিগের জীবনবৃত্তান্তই বা কোথায় লিখিত হইল, আর এক শত বৎসর পরে যদি কেহ জিজ্ঞাসা করেন রাজা সত্যচরণ ঘোষাল বাহাদুর, হরকুমার ঠাকুর, প্রসন্নকুমার ঠাকুর, রমানাথ ঠাকুর, গোপাল-লাল ঠাকুর, উপেন্দ্রমোহন ঠাকুর, দেবেন্দ্রনাথ ঠাকুর, রাজা বাধাকান্ত বাহাদুর, রাজা কালীকৃষ্ণ বাহাদুর, এবং তাঁহার ভ্রাতৃগণ, শিবনারায়ণ ঘোষ, রামনারায়ণ দত্ত, দুর্গাচরণ দত্ত, দেবনারায়ণ দেব, আশুতোষ দেব, শ্রীকৃষ্ণ সিংহ, রাজা বৈষ্ণনাথ রায় বাহাদুর, মতিলাল শীল, প্রাণ-

কৃষ্ণ মল্লিক, শ্রীকৃষ্ণ মল্লিক, গুরুদাস দত্ত ইত্যাদি ধনিলোকেরা কিং সংকর্ষ করিয়াছিলেন তবে এই সকল মহাশয়দিগের কর্ষের বিষয় কেহ বলিতে পারিবেন না, অথচ অনেকেই বলিয়া থাকেন, “মহাজনো যেন গতঃ স পশ্চাৎ” এস্থলে মহাজন বাক্যার্থ-পূর্বপুরুষগণ, তাঁহারা যে পথে চলিয়াছেন সেই পথই পথ, কিন্তু পূর্বপুরুষেরা কিং সংকর্ষ করিয়াছিলেন কেহ তাহা বলিতে পারেন না, ভিন্নদেশীয় লোকেরা হিন্দু জাতির ভাষায় তাঁহারাদিগের পূর্বপুরুষগণের জীবনবৃত্তান্ত প্রকাশ করিতেছেন হিন্দু বালকেরা ঐ সকল লোকের জীবনবৃত্তান্ত দেখিয়া তাঁহারাদিগের কার্যের অনুগমন করিবে, ইহাতে কেন, খ্রীষ্টীয়ান হইবেক না, অতএব আমরা পরামর্শ বলি ধনি হিন্দু মহাশয়েরা আপনারদিগের মধ্যে টান্দা করিয়া টাকা সংগ্রহ করুন, সেই টাকাতে পূর্বপুরুষগণের জীবনবৃত্তান্ত লিখিত পুস্তক হউক, এবং আপনারদিগের জীবনের কার্যও লেখা হইতে থাকুক, এই সকল পুস্তক দেখিয়া উত্তর-কালীন বংশাবলী পৈত্রিক পথে চলিবেন, এবং ধনি মহাশয়দিগের নাম কর্ষ লিখিত পুস্তক সকল পৃথিবীর কোড়ে থাকিয়া সহস্র বৎসর পরেও তাঁহারাদিগের পরিচয় দিবে, বায়ন্ন লক্ষ রাজস্বের মহীশ্বর “মহারাজাধিরাজ রামকৃষ্ণ রায় বাহাদুর” কত সংকর্ষ করিয়াছিলেন এবং তাঁহার কি প্রকার জ্ঞানমৃত্যু হয় কোন পুস্তকে তাহা লেখা নাই, কেবল মহারাজের মৃত্যুকালের একটা ভাষা গান যাহা ভদ্রেতর সাধারণ লোকমুখে শুনিতে পাই এই স্থলে তাহার কিয়দংশ গ্রহণ করি, ঐ মহারাজ গঙ্গাতীরে দেহ স্থাপন করিয়া গান স্বরে তাঁহার ভোলানাথ নামক ভৃত্যকে বলিয়াছিলেন, “আমার মন যদিও ভুলে, বালির শয়্যায় কালীর নাম বলিও কর্ণমূলে” এই গান করিতে করিতেই তাঁহার মৃত্যু হইয়াছিল, অতএব অনিত্য ধনের ও দেহের অভিমান যিথ্যা, ধন দেহ সঙ্গে যায় না, জীবনে যিনি যাহা করেন তাহা লিপিবদ্ধ

হইলে বহুকাল থাকে, এতদ্দেশীয় মান্ত মহাশয়েরা ইহা বিবেচনা করিবেন।—২৭ মে, ১৮৫১।

### ‘সম্বাদ রসরাজ’

১৮৩৯ খ্রীষ্টাব্দের ২৯এ নবেম্বর ‘সম্বাদ রসরাজ’ প্রকাশিত হয়। এক্ষেত্রেও গৌরীশঙ্কর তর্কবাগীশই ‘সম্বাদ রসরাজে’র প্রকৃত পরিচালক ছিলেন—যদিও আমরা কালীকান্ত গঙ্গোপাধ্যায়, গঙ্গাধর ভট্টাচার্য্য ও ধর্মদাস মুখোপাধ্যায়ের নাম বিভিন্ন সময়ে সম্পাদক-রূপে উল্লিখিত হইতে দেখিয়াছি।

‘সম্বাদ রসরাজ’ প্রথমে সাপ্তাহিকরূপে প্রতি শুক্রবার, পরে অর্ধ-সাপ্তাহিকরূপে প্রতি মঙ্গল ও শুক্রবারে প্রকাশিত হইত। গালিগালাজ ও অশ্লীল রচনা প্রকাশ করিয়া ‘সম্বাদ রসরাজ’ অনেকেরই বিরাগভাজন হইয়াছিল, এবং ইহার ফলে গৌরীশঙ্কর তর্কবাগীশের অর্থদণ্ড ও একাধিক বার কারাবাস ঘটে। শেষে “২৮ অগ্রহায়ণের [ ১২৬৩ ] রসরাজে বিধবা-বিবাহের অনুকূলে অত্র নগরীয় সর্বমান্ত দলপতি মহামতি মহোদয়দিগের পরিবার পরীবাদ অকথ্য অসত্য প্রকাশ করাতে ভুবনমান্ত কলিকাতার রাজগণেরাই রসরাজের মুণ্ডুপাতার্থে দণ্ডধর হইলেন।” মহারাজ কমলকৃষ্ণ বাহাদুর ‘রসরাজে’র নামে রাজদ্বারে অভিযোগের উদ্যোগ করাতে গৌরীশঙ্কর ‘সম্বাদ রসরাজে’র প্রচার রহিত করিয়া সে-যাত্রা পরিত্যাগ লাভ করেন। ১৮৫৭ খ্রীষ্টাব্দের ২রা ফেব্রুয়ারি তারিখে ‘সম্বাদ রসরাজে’র তিরোধান ঘটে। গৌরীশঙ্কর ‘সম্বাদ রসরাজে’ এই বিদায়-বাণী লেখেন :—

## “শোকাপনোদন” ও “রসরাজ বিদায়”

কুরুপক্ষ পাণ্ডুপক্ষ, উভয় পক্ষীয় বাহিনী মধ্যে যখন শ্রীকৃষ্ণ বিমান সংস্থাপন করিলেন তখন ধনঞ্জয় শ্রীকৃষ্ণকে কহিয়াছিলেন ‘নহি প্রপশ্যামি যমাপনুত্যাৎযচ্ছোকমুচ্ছাষণমিন্দ্রিয়াণাম্ । অবাধ্য ভূয়াবসপত্নমৃদ্ধং রাজ্যং সুরাণামপি চাধিপত্যং ॥’ অর্থাৎ আমি যত্বপি পৃথিবীতে অতুল সম্পত্তিযুক্ত নিকটক রাজ্য আর দেবতাদিগের আধিপত্যও পাই তথাপি যে শোকেতে আমার ইন্দ্রিয় সকল শুষ্ক হইতেছে তাহার নিবারণের কোন উপায় দেখি না ।

আমরা এত কাল ‘আমরাই’ বলিতাম এইক্ষণে আর আমরাই বলিতে পারিতেছি না, যাহারদিগকে প্রাণাধিক বন্ধু জানিতাম এবং যাহারদিগকে আমরা আনিয়া ‘আমরাই’ লিখিয়াছি, যাহারা সঙ্কট সময়ে রক্ষা করিয়াছেন দুঃখে দুঃখী হইয়াছেন, পীড়িত হইয়াছি ঐবধ পথ্য দিয়াছেন, যন্ত্রাগারে কি রাজদ্বারে যেখানে চাহিয়াছি সেইখানেই অর্থ দিয়া রক্ষা করিয়াছেন, সংপরামর্শ দ্বারা সাহসে রাখিয়াছেন এইক্ষণে তাঁহারাই আমারদিগের বিপক্ষ হইয়া উঠিয়াছেন, সর্ব প্রকারে যাহারদিগের অনুরূপে আমরা, আমরা ছিলাম, তাঁহারাই যদি পক্ষান্তর হইলেন তবে আর আমরা, আমরা কৈ ? একাকী আমি, হইয়া পড়িয়াছি, অর্থাৎ এই বন্ধু বিচ্ছেদ শোক আমাকে মোহিত করিয়াছে, আমার সাহসিক স্বভাবকে আচ্ছন্ন করিয়া ফেলিয়াছে, অভিলাষকে নিকটে আসিতে দেয় না, আয়োদ-মূল পলায়নপর হইয়াছে. ইন্দ্রিয় সরূপ সঙ্কট সময়ে শোক পরি-হারের উপায় কি, যদি কুবের তুলা ঐশ্বর্য্য এবং দেবরাজ রাজ্যও পাই তথাচ এ শোক নাশের সূপায় হইবেক না, নিদারুণ শোক হৃদয় বিদারণ করিতেছে ।

দেশমাত্র অগ্রগণ্য শ্রীযুত রাজা রাধাকান্ত বাহাদুর, যাহার

মহৎগুণগণ পরিগণনা কালে আমার প্রথমা লেখনীও পরিহার স্বীকার করে এবং শ্রীযুত রাজা কমলকৃষ্ণ বাহাদুর যিনি কনিষ্ঠ হইয়াও সর্বাংশে ঐ জ্যেষ্ঠের ন্যায় বিশিষ্টাচারে গৌরব গরিষ্ঠ হইয়াছেন এবং অগ্ৰাণ্য মান্যবর দলপতি মহাশয়গণ যাহারা দান মানাদি সর্ব গুণে মান্য গণ্য ধন্যভাভ করিয়াছেন, ২৮ অগ্রহায়ণ দিবসীয় রসরাজ পাঠে তাঁহারা সকলেই আমার প্রতি অপ্রসন্ন হইয়াছেন, বাস্তবিক আমি তাঁহাদের বিপক্ষে অন্তঃকরণেও কটাক্ষ লক্ষ্য করি নাই, তথাচ বন্ধু বিচ্ছেদ শোকে আমার ঘন২ দীর্ঘ নিশ্বাস হইতেছে, বান্ধবেরাই যদি বিপক্ষ হইলেন, বিশেষে আমার সর্বাশ্রয় রাজা কমলকৃষ্ণ বাহাদুর যদি আমাকে পরিত্যাগ করিলেন তবে আমি কি অবলম্বনে জীবন ধারণ করিব? তবে শোক সম্বরণের এই মাত্র উপায় দেখিতেছি রসরাজ বিদায়, রসরাজ হইতে সকলের মনোদুঃখ হইতেছে অতএব রসরাজকেই বিদায় দিলাম, ইহাতেও কি নির্মলকুল সাধুস্বভাব মহোদয়েরা প্রসন্নতা প্রদানে কৃপণ হইবেন, না, নীতি শাস্ত্রের অভিপ্রায় একরূপ নহে 'স্নেহচ্ছেদেপি সাধুনাং গুণা নায়াস্তি বিক্রিয়াং । ভঙ্গেনাপি যুগলানামমুভয়স্তি তন্তবঃ' ॥ সাধুগণের স্নেহ সূত্র বিচ্ছিন্ন হইলেও গুণসূত্র স্নেহপাত্রকে পরিত্যাগ করে না, যুগল সকল ভঙ্গ হইলেও তন্তসূত্র আবদ্ধ করিয়া রাখে ।

আমি প্রসন্নতা প্রার্থনা করি, সেই গুণ মহৌষধ হইয়া আমার চিত্তকে প্রবোধ দিয়া শোক সাগর হইতে উত্তীর্ণ করিবে, হে মহামহিম দলপতি মহাশয়গণ, এত কাল যেমন মহাশয়েরা মহৎগুণে আমাকে আশ্রয় করিয়াছিলেন, সেই মহৎগুণ সহিত ক্ষমাদানে নিরাশ্রয় একাকী আমাকে পুনর্বার আশ্রয় করুন, আমি মহাশয়দিগের বিশেষতঃ পরমায়ী শ্রীযুত রাজা কমলকৃষ্ণ বাহাদুরের নিকট যে সকল উপকার

প্রাপ্ত হইয়াছি এ দেহে জীবন সঞ্চার থাকিতে তাহা ভুলিতে পারিব না, তাঁহার অনুরোধ প্রতিপালন সর্ব্বথা কর্ত্তব্য হইয়াছে।

এতদ্দেশীয় অনভিজ্ঞ লোকেরা অনেকে কুর্কর্মে নিবিষ্ট হইয়াছিল তাহারদিগের দমনার্থ রসরাজ পত্র প্রকাশ হয় কিন্তু রসরাজ হইতে আমরা বারম্বার নানা প্রকার ক্লেশ সহ করিয়াছি, নানাধিক বিংশতি সহস্র টাকা অপব্যয় দিয়াছি তাহাতে রসরাজ পরিত্যাগ জ্ঞাত অনেকে অনুরোধ করিয়াছিলেন তৎকালে তাহা শ্রবণ করি নাই এক্ষণে গৃহবিচ্ছেদ হইয়া উঠিল, রসরাজের প্রস্তাবে নগরীয় প্রধানেরা সকলেই বিরক্ত হইলেন এই কারণ আমারদিগের সর্ব্বাচ্ছাদক বন্ধু শ্রীযুত রাজা কমলকৃষ্ণ বাহাদুর কহিলেন যাহাতে সকলের মনোদুঃখ হয় এমত কাগজ রাখিয়া প্রয়োজন নাই এবং আমরাও পূর্বে ভাবিয়াছিলাম রসরাজ পরিত্যাগ করিব, ইত্যাদি নানা কারণে অণু রসরাজকে বিদায় দিলাম, পাঠক মহাশয়েরা আর রসরাজ দোখতে পাইবেন না।

### ‘হিন্দুরত্নকমলাকর’

‘সম্বাদ রসরাজে’র প্রচার রহিত করিয়া গৌরীশঙ্কর তর্কবাগীশ ‘হিন্দুরত্নকমলাকর’ নামে একখানি সাপ্তাহিক পত্র প্রকাশ করেন। ১৮৫৭ খ্রীষ্টাব্দের ২৪এ ফেব্রুয়ারি ইহার প্রথম সংখ্যা প্রকাশিত হয়। এই সংখ্যায় সম্পাদক লেখেন :—

সর্ব্বসাধারণ হিন্দুগণ প্রতি আবেদন।—ধর্ম্মপরায়েণ হিন্দু মহাশয় গণ এই বিজ্ঞাপনে দৃষ্টি রোপণ করুন, উপস্থিত কাল কালরূপে উপস্থিত হইয়াছে, এই বিশাল কাল ধর্ম্ম গ্রাসে কালবেশ ধারণ করিয়াছে, কালভয়ে হিন্দু জাতির ধর্ম্মদেহে শিরঃ কম্পন হইতেছে, — কাল বলে বিজাতীয় ধর্ম্মপাল ভূপালগণ হিন্দু রাজ্যে রাজ্যেশ্বর

হইয়াছেন, তাঁহারা হিন্দু ধর্মের অহুকুল নহেন, প্রতিকূল হইয়া হিন্দু কুলকে ব্যাকুল করিতেছেন, হিন্দু ধর্মের বিনাশার্থ নাস্তিকতার স্বস্তায়ন করেন, ইহাতে হিন্দু ধর্ম দুর্বলভাবে পলায়নপর হইয়াছেন, শাস্ত্র স্বভাব হিন্দুগণ রাজাঙ্গা পরিহেলন করিতে পারেন না, হিন্দু ধর্মের দুর্বলতায় কেবল মনোবাধায় কাল বিলয় করিতেছেন, এমত ঘোরতর ভয়ানক সময়ে একখানি সমাচার পত্র দেখিতে পাই না হিন্দুধর্ম পক্ষে একটি কথা কহিয়া উপকার করে, এই সকল দেখিয়া তুনিয়া মাগুবর হিন্দু মহাশয়দিগের উপদেশ ক্রমে আমরা 'হিন্দু-রত্নকমলাকর' প্রকাশ করিলাম, এই পত্র হিন্দু ধর্ম পক্ষের পক্ষ রক্ষার অন্য স্বরূপ হইল, সর্ব সাধারণ ধর্মপরায়ণ হিন্দু মহাশয়গণ এই অন্তকে ব্রহ্মান্ত্র জ্ঞানে রক্ষা করুন,...

'হিন্দুরত্নকমলাকর' পত্রের কণ্ঠদেশে এই শ্লোকটি মুদ্রিত হইত :—

ধর্মরত্নমহুযত্বশালিভিঃ সৌরভে চ বিততে ধৃতাদরৈঃ ।

হিন্দুরত্নকমলাকরঃ পরং সঙ্কটৈঃ সততমেব সেব্যতাম্ ।

গৌরীশঙ্করের মৃত্যুর পর তাঁহার পালিত পুত্র ক্ষেত্রমোহন ভট্টাচার্য্য কিছুদিন 'সংবাদ ভাস্কর' ও 'সংবাদ রসরাজ' পরিচালন করিয়াছিলেন । লর্ড লিটনের আমলে মুদ্রায়ত্ত্ব বিষয়ক আইন বিধিবদ্ধ হইলে ক্ষেত্রমোহন সংবাদপত্রের সংশ্রব পরিত্যাগ করেন । ২৯ পৌষ ১৩১৮ তারিখে কলিকাতায় তাঁহার মৃত্যু হয় ।

### ঈশ্বরচন্দ্র গুপ্ত ও গৌরীশঙ্কর

গৌরীশঙ্করের সংবাদপত্র-পরিচালনার কথা শেষ করিবার পূর্বে তাঁহার সঙ্গে ঈশ্বর গুপ্তের সম্পর্কের উল্লেখ না করিলে.

এই প্রসঙ্গ অসমাপ্ত থাকিবে। বয়সে গৌরীশঙ্কর ঈশ্বরচন্দ্রের অপেক্ষা বারো বৎসরের বড় ছিলেন। কিন্তু উভয়েরই সাংবাদিক জীবন একই বৎসরে—১৮৩১ খ্রীষ্টাব্দে আরম্ভ হয়। তার পর ১৮৫৯ খ্রীষ্টাব্দে এক পক্ষ কালের ব্যবধানে উভয়ের লোকান্তরপ্রাপ্তি পর্যন্ত সুদীর্ঘ ২৮ বৎসর ধরিয়া সে যুগের সংবাদপত্র-জগতের এই দুই দিক্‌পালের জীবন ঘনিষ্ঠ সম্পর্কে সম্পর্কিত ছিল। গুপ্ত-কবি তর্কবাগীশের পাণ্ডিত্য এবং সাংবাদিক হিসাবে তাঁহার কৃতিত্বের প্রশংসা করিতে কার্পণ্য করেন নাই। ‘সংবাদ প্রভাকরে’র সঙ্গে তর্কবাগীশের সম্পর্কের কথা উল্লেখ করিয়া ১২৫৩ সালের ২রা বৈশাখের ‘সংবাদ প্রভাকরে’ ঈশ্বরচন্দ্র লিখিয়াছিলেন, “সুবিখ্যাত পণ্ডিত ভাস্কর সম্পাদক তর্কবাগীশ মহাশয় পূর্বে বন্ধুরূপে এই প্রভাকরের অনেক সাহায্য করিতেন, এক্ষণে সময়াভাবে আর সেরূপ পারেন না।” ১২৫৪ সালের ১লা বৈশাখের ‘প্রভাকরে’ও ঈশ্বরচন্দ্র পুনরায় লেখেন, “ভাস্কর-সম্পাদক ভট্টাচার্য্য মহাশয় এই ক্ষণে যে গুরুতর কার্য্য সম্পাদন করিতেছেন, তাহাতে কি প্রকারে লিপি দ্বারা অস্বং পত্রের আনুকূল্য করিতে পারেন? তিনি ভাস্কর পত্রকে অতি প্রশংসিত রূপে নিম্পন্ন করিয়া বন্ধুগণের সহিত আলাপাদি করেন, ইহাতেই তাঁহাকে যথেষ্ট ধন্যবাদ প্রদান করি। বিশেষতঃ সুখের বিষয় এই যে, সম্পাদকের যে যথার্থ ধর্ম্ম, তাহা তাহাতেই আছে।”

এই মন্তব্য হইতে উভয়ের আন্তরিক প্রীতি ও মৈত্রীর সম্পর্কই সূচিত হয়। কিন্তু ১২৫৪ সালেই অকস্মাৎ কয়েক



মাসের জন্ম 'পাষণ্ডপীড়ন' ও 'সম্বাদ রসরাজে'র পৃষ্ঠায় ঈশ্বরচন্দ্র ও গৌরীশঙ্করের মধ্যে তুমুল বাগ্‌যুদ্ধের সূত্রপাত হয় এবং ক্রমে তাহা রুচি ও শ্লীলতার মাত্রা অতিক্রম করে। এ সম্বন্ধে বঙ্কিমচন্দ্র লিখিয়াছেন,—

ঈশ্বরচন্দ্র 'পাষণ্ডপীড়ন' এবং তর্কবাগীশ 'রসরাজ' পত্র অবলম্বনে কবিতাযুদ্ধ আরম্ভ করেন। শেষে নিতান্ত অশ্লীলতা, গ্লানি, এবং কুৎসাপূর্ণ কবিতায় পরস্পরে পরস্পরকে আক্রমণ করিতে থাকেন। দেশের সর্বসাধারণে সেই লড়াই দেখিবার জন্ম মত্ত হইয়া উঠে। সেই লড়াইয়ে ঈশ্বরচন্দ্রেরই জয় হয়।

কিন্তু দেশের রুচিকে বলিহারি! সেই কবিতাযুদ্ধ যে কি ভয়ানক ব্যাপার, তাহা এখনকার পাঠকের বুঝিয়া উঠিবার সম্ভাবনা নাই। দৈবাধীন আমি এক সংখ্যা মাত্র রসরাজ এক দিন দেখিয়াছিলাম। চারি পাঁচ ছত্রের বেশী আর পড়া গেল না। মনুষ্যভাষা যে এত কদর্য হইতে পারে, ইহা অনেকেই জানে না। দেশের লোকে এই কবিতাযুদ্ধে মুগ্ধ হইয়াছিলেন। বলিহারি রুচি! আমার স্মরণ হইতেছে, দুই পত্রের অশ্লীলতায় জ্বালাতন হইয়া, লং সাহেব অশ্লীলতা নিবারণ জন্ম আইন প্রচারে যত্নবান ও কৃতকার্য হইলেন। সেই দিন হইতে অশ্লীলতা পাপ আর বড় বাঙ্গালা সাহিত্যে দেখা যায় না।

স্বাভাবিক নিয়মেই সে যুগের এই দুই জন শ্রেষ্ঠ সাংবাদিকের কোন্দল লোকের দৃষ্টি বিশেষভাবে আকর্ষণ করিয়াছিল, এবং সাময়িক-সাহিত্য-ইতিহাসের পৃষ্ঠায় ইহাকে একটু বাড়াইয়াও দেখা হইয়াছে। কিন্তু উভয়ের মধ্যে এই বিবাদ অধিক দিন স্থায়ী হয় নাই, এবং শেষ পর্য্যন্ত যে উভয়ের

মধ্যে পূর্ব সৌহার্দ্য ফিরিয়া আসিয়াছিল, তাহারও যথেষ্ট প্রমাণ আছে। বঙ্কিমচন্দ্র লিখিয়াছেন,—“তর্কবাগীশ গুরুতর পীড়ায় শয্যাগত হইলে, ঈশ্বরচন্দ্র তাঁহাকে দেখিতে গিয়া বিশেষ আত্মীয়তা প্রকাশ করেন।” ঈশ্বরচন্দ্রের মৃত্যুকালে তর্কবাগীশও মৃত্যুশয্যায়। তিনি সেই মৃত্যুশয্যা হইতেই ভাস্করে’ প্রস্নোত্তর-ছলে যাহা লিপিবদ্ধ করিয়াছিলেন, তাহার শেষাংশ হইতেই বুঝিতে পারা যাইবে, গুপ্ত-কবির সহিত তাঁহার হৃদয়-সম্পর্ক কি পরিমাণ গভীর ছিল। গৌরীশঙ্কর লেখেন—

প্র। তাঁহার [ ঈশ্বরচন্দ্রের ] গঙ্গাযাত্রা ও মৃত্যুশোকের বিষয়, শনিবাসরীয় ভাস্করে প্রকাশ হয় নাই কেন ?

উ। কে লিখিবে ? গৌরীশঙ্কর ভট্টাচার্য্য শয্যাগত।

প্র। কত দিন ?

উ। এক মাস কুড়ি দিন। তিনি ঈশ্বরচন্দ্র গুপ্ত ও গৌরীশঙ্কর ভট্টাচার্য্য এই দুইটি নাম দক্ষিণ হস্তে লইয়া বক্ষঃস্থলে রাখিয়া দিয়াছেন, যদি মৃত্যুমুখ হইতে রক্ষা পান, তবে আপনার পীড়ার বিষয় ও প্রভাকর-সম্পাদকের মৃত্যুশোক স্বহস্তে লিখিবেন, আর যদি প্রভাকর-সম্পাদকের অনুগমন করিতে হয়, তবে উভয় সম্পাদকের জীবন বিবরণ ও মৃত্যুশোক প্রকাশ জগতে অপ্ৰকাশ রহিল।

গৌরীশঙ্কর তাহা প্রকাশের সুযোগ পান নাই। তাঁহাকে সত্বরই ‘প্রভাকর’-সম্পাদকের অনুগমন করিতে হইয়াছিল।

### রচিত ও সংকলিত গ্রন্থ

গ্রন্থকার হিসাবেও গৌরীশঙ্করের যথেষ্ট খ্যাতি ছিল। তাঁহার রচিত ও সংকলিত গ্রন্থগুলির একটি কালানুক্রমিক তালিকা দিতেছি :—

১। ভগবদ্গীতা—৯ম অধ্যায় পর্য্যন্ত। ১২৪২ স.ল  
( ইং ১৮৩৫ )।

২৯ আগষ্ট ১৮৩৫ তারিখের 'সমাচার দর্পণে' ইহার যে  
বিজ্ঞাপন প্রকাশিত হয়, তাহা উদ্ধৃত হইল—

বিজ্ঞাপন—সকলকে জানান যাইতেছে ভগবদ্গীতা গ্রন্থ পূর্বে  
স্থানে২ বঙ্গ ভাষাতে অনুবাদ হইয়া প্রকাশ হইয়াছে কিন্তু তাহাতে  
শ্লোকের সম্পূর্ণভাব এমত সুস্পষ্টরূপে প্রকাশ পায় নাই যে তাহাতে  
অল্পবুদ্ধি জনের বোধগম্য হয়। তজ্জন্মে শ্রীযুত গৌরীশঙ্কর তর্কবাগীশ  
মূলের নীচে অঙ্কসহিত স্বামিকৃত টীকা ও বঙ্গভাষানুবাদের নীচেও  
অঙ্কসহিত স্বামিকৃত টীকা দিয়া মুদ্রাঙ্কিত করিয়াছেন ইহা দেখিবামাত্রই  
সকল সন্দেহ দূর হয়। এই গ্রন্থ কলিকাতার জ্ঞানান্বেষণ মুদ্রা-  
যন্ত্রালয়ে অথবা যোড়াসাঁকোর শ্রীযুত বাবু রাজকৃষ্ণ সিংহের  
পুস্তোত্থানে অন্বেষণ করিলে পাইতে পারিবেন।

২। ভগবদ্গীতা—সমগ্র অংশের অনুবাদ। ইং ১৮৫২।

২১ সে.প্টেম্বর ১৮৫২ তারিখের 'সংবাদ পূর্ণচন্দ্রোদয়' পত্রে  
প্রকাশ—

স্ববিজ্ঞ পণ্ডিতবর ভাস্কর সম্পাদক শ্রীযুক্ত গৌরীশঙ্কর তর্কবাগীশ  
ভট্টাচার্য মহাশয় কর্তৃক ভগবদ্গীতা গ্রন্থ গোড়ীয় সাধুভাষায়  
অনুবাদিত হইয়া মূল টীকা সহিত অতি পরিষ্কাররূপে মুদ্রাঙ্কিতা-  
নস্তর প্রকাশিত হইয়াছে।...সম্পাদক মহাশয় ইতিপূর্বে ঐ গ্রন্থের  
প্রথমার্ধ অর্থাৎ নবমাধ্যায় পর্য্যন্ত অনুবাদ করিয়া মূল টীকা শুদ্ধ  
প্রকাশ করিয়াছিলেন তাঁহার অনুবাদিত গ্রন্থ পাঠে ধর্মপরায়ণ  
ব্যক্তিমাতে নিরন্তর নিরতিশয় সুখানুভব করত প্রার্থনা করিতেন  
অপরার্ধও ত্বরায় প্রকাশিত হয় কিন্তু মধ্যে কিয়ৎকাল সম্পাদক

মহাশয় তদ্বিষয়ে পরিশ্রম স্বীকারে বিরতি অবলম্বন করাতে তাঁহাদের বাসনা পূর্ণ হইতে পারে নাই এতদ্বারা সম্পাদক মহাশয় উক্ত গ্রন্থের অপব্যক্তি সমুদায় করিয়া সমুদায় একত্র মুদ্রিতানস্তর প্রকাশ করাতে সকলের মনোভিলাষ পূর্ণ করিতে পারিবেন।...

৩। জ্ঞানপ্রদীপ :—১ম খণ্ড। “বালকদিগের শিক্ষার্থ বিবিধ বিষয়ক প্রস্তাব ও দৃষ্টান্ত সকল।”

১ম খণ্ড। প্রকাশকাল—২০ আষাঢ়, ১২৪৭ (জুলাই ১৮৪০)।

২য় খণ্ড। প্রকাশকাল—১৬ মাঘ ১২৫৯ (জানুয়ারি ১৮৫৩)।

৪। ভূগোলসার—পৃথিবীর আকার ও বিবরণাদি নিরূপক নানা গ্রন্থ হইতে সংক্ষেপ সংগ্রহ। ২৫ কার্তিক ১২৬০ (৯ নবেম্বর ১৮৫৩)।

৫। নীতিরত্ন। ১১ জুন ১৮৫৪ (৩০ জ্যৈষ্ঠ ১২৬১) পৃ. ৯৬।

“নীতি শিক্ষা বিষয়ে বঙ্গভাষায় উৎকৃষ্ট পুস্তক প্রস্তুত হয় নাই এই কথা বলিয়া অনেকে আক্ষেপ করেন, আমি বহু বিদ্যালয়ের ছাত্রেরদের বঙ্গভাষা শিক্ষার পরীক্ষা করিয়াছি তাহাতে নীতিজ্ঞান বিষয়ে বালকেরা চাণক্য শ্লোক আর হিতোপদেশের দশ কিস্বা পঞ্চদশ পত্র মাত্রে পরীক্ষা দানে সক্ষম হইয়াছে কিন্তু বঙ্গদেশীয় লোকেরা বঙ্গভাষা শিক্ষালয়ে বালকগণকে অধিক দিন রাখেন না, বালকেরা অল্পকাল মধ্যে হিতোপদেশের অর্দ্ধাংশও পড়িতে পারে না, যাহা দেখে তাহাতে কাক, কচ্ছপ, শৃগাল ও কপোত ও মূষিকাদির কথোপকথনই অধিক তাহাতে নীতিজ্ঞানের কি উপদেশ হইবে অতএব ষায়ায়ণ পুরাণ মহাভারত হিতোপদেশ চাণক্যাদি নানা গ্রন্থে নীতি

বিষয়ক যে সকল শ্লোক দৃষ্ট হইল আমি তাহার মধ্য হইতে বাছনী করিয়া সারস শ্লোক সকল লিখিয়াছি এবং আপনি ভাষা কবিতায় তাহার অর্থ করিয়াছি, কবিতা সকল অতি কোমল সাধু শব্দে লিখিত হইয়াছে, বালক বৃদ্ধ স্ত্রীলোকাদি সকলের পাঠযোগ্য হইবে, এই নীতিরত্ন যিনি পাঠ করিবেন তিনি সভ্য, নীতিকুশল, দাতা, ধার্মিক ও জ্ঞানী হইবেন, সর্ব জাতীয় সর্ব সাধারণ মনুষ্যেরা নীতিরত্ন পাঠ করিলেই বুঝিতে পারিবেন গৃহে বসিয়া মহারত্ন পাইলেন, যদি বিচারত্ন মহাধন হয় তবে নীতিরত্ন বিচারত্নের অনুকূল হইয়াছে ইহাতে সন্দেহ নাই অথচ মূল্য অর্দ্ধ মুদ্রা অতএব আমি অনুরোধ করি সর্বসাধারণ লোকেরা নীতিরত্ন পাঠ করিয়া নীতিরত্ন হউন।” (ভূমিকা)

৬। মহাভারত, ২য় খণ্ড। “উদ্যোগ পর্বাবধি স্বর্গারোহণ পর্ব পর্য্যন্ত। বঙ্গ ভাষা পণ্ড কাশীদাস রচিত। শ্রীগৌরীশঙ্কর ভট্টাচার্য সংশোধিত। সন ১২৬২ সাল পৌষ।”

“আমরা যখন এই মহাভারত সংশোধন করি তখন ভাস্করে লিখিয়াছিলাম বহু ব্যয়ে নানা স্থান হইতে কাশীরাম দাসের সময়ের লিখিত পুস্তক আনাইয়া বাজারে প্রচলিত। কাশীদাসি মহাভারত সংশোধন করিতেছি, অতি শীঘ্র তাহা মুদ্রাঙ্কিত করিব, কাশীরাম দাস

---

\* কাশীদাসী মহাভারতের বটতলা-সংস্করণ কবে প্রথম মুদ্রিত হয়, ৭ জানুয়ারী ১৮৫৪ তারিখের ‘সম্বাদ ভাস্করে’ মুদ্রিত এই বিজ্ঞাপন হইতে তাহার আভাস পাওয়া যাইবে :—

“কাশীদাসি মহাভারত।—কলিকাতা নগরীয় শোভাবাজার বটতলা স্থানীয় প্রসিদ্ধ পুস্তক বিক্রয়কারি শ্রীযুত বাবু মধুসূদন শীল কাশীদাসি মহাভারত মুদ্রাঙ্কিত করিয়াছেন, শ্রীরামপুরীয় পাদরি শ্রীযুত .মার্স্যমেন সাহেবের মহাভারত ছাপার পরে এই ছাপা হইল,....”

হস্তলিখিত দুই খণ্ড পুস্তক মহাভারত প্রকাশ করিয়াছিলেন, সেই সময় অনেকে তাঁহার পুস্তক লিখিয়া লইয়া যান তাহাতেই বঙ্গদেশে নানা প্রদেশে কাশীদাসি মহাভারত ব্যবহার হইয়াছে তৎপরে এতদেশের ছাপাঘর স্থাপিত হইলে কাশীদাসি মহাভারত মুদ্রাক্ত হইয়া বহুব্যাপক হয়, দোকানী পসারী পর্য্যন্ত সকলে কাশীদাসি মহাভারত পড়িতে আরম্ভ করে তাহাতেই ছাপাকরেরা বারম্বার ঐ মহাভারত ছাপিয়া অনেক লভ্য করিয়াছিলেন কিন্তু যখন দেখিলেন কাশীদাসি মহাভারতের প্রতি অনেক লোকের মনোযোগ হইল তখন সকলেই যথেষ্টরূপে মুদ্রাক্ত করিয়া বিক্রয় করিতে লাগিলেন আর মূল্যের প্রতি প্রায় কেহ দৃষ্টিপাত রাখিলেন না, তাহাতেই কাশীদাসি অভিপ্রায় সকল বিপরীত হইয়া উঠিল, পদ পদার্থ মিলন পর্য্যন্তও রহিল না পরে শ্রীরামপুরের সম্পাদকেরা কাশীদাসি মহাভারত বিক্রয়ে লভ্য দেখিয়া প্রকাশ করিলেন কাশীদাসি মহাভারত সংশোধন করিয়া মুদ্রাক্ত করিতেছেন কিন্তু তাঁহারাও সংশোধন করেন নাই, শ্রীরামপুরে মুদ্রাক্ত কাশীদাসি মহাভারত আমারদিগের নিকট রহিয়াছে এবং কাশীদাসের সময়ের হস্তলিখিত তিনখানা পুস্তক আনাইয়াছি তাহার সঙ্গে মিল করিয়া দেখিয়াছি শ্রীরামপুরে মুদ্রাক্ত কাশীদাসি মহাভারত রূপান্তর হইয়া গিয়াছে, কাশীদাসের সময়ের হস্তলিখিত মহাভারত, শ্রীরামপুরে মুদ্রাক্ত মহাভারত, সকল মহাভারত দেখিয়া আমরা বহু ব্যয় পরিশ্রমে কাশীদাসের অভিপ্রায় উদ্ধারপূর্বক কাশীদাসি মহাভারত মুদ্রাক্ত করিতে আরম্ভ করিয়াছিলাম পরমেশ্বর কৃপায় শেষ খণ্ড অর্থাৎ উদ্যোগ পর্কাবেধি স্বর্গারোহণ পর্ক পর্য্যন্ত সমুদায় পর্ক মুদ্রাক্ত করিয়াছি এতদেণীয় লোকসকল যাহারা কাশীদাসি মহাভারতের প্রতি ভক্তি রাখেন তাঁহারা এই শেষখণ্ডের মূল্য ২২ দুই টাকা প্রেরণ করিয়া গ্রহণ করুন, আমরা আদি পর্কাবেধি

বিরাট পর্ক পর্যন্ত পর্ক সকলের আদর্শ পূর্বে প্রাপ্ত হই নাই শেষ খণ্ডের আদর্শ অগ্রে পাইয়াছিলাম। তৎপরে প্রধান প্রধান লোকদিগের নিকট হইতে আদি পর্কাবধি বিরাট পর্ক পর্যন্ত প্রাচীন গ্রন্থ আনাইয়াছি সেই সকল পুস্তকের সহিত শ্রীরামপুর মহাভারতের পদ পদার্থ মিলন করিতেছি অতি শীঘ্র প্রথম খণ্ড ছাপাইতে আরম্ভ করিব ...। শ্রীগৌরীশঙ্কর ভট্টাচার্য্য।”

ইহার প্রথম খণ্ড—আদি হইতে বিরাট পর্ক—পরে প্রকাশিত হইয়াছিল কি না জানিতে পারি নাই।

৭। চণ্ডী। মূল ও গোবিন্দরাম সিদ্ধান্তবাগীশাদি টীকাকারগণ সম্মতা টীকা সহিত। ১ বৈশাখ ১২৬৫ ( ১৩ এপ্রিল ১৮৫৮ )।

\* \* \*

পাদরি লং এবং আরও কেহ কেহ ‘পাকরাজেশ্বর’ গ্রন্থের রচয়িতাহিসাবে গৌরীশঙ্কর তর্কবাগীশের নামোল্লেখ করিয়াছেন। প্রকৃতপক্ষে ইহার রচয়িতা ছিলেন—বিশ্বেশ্বর তর্কালঙ্কার; গ্রন্থকারের মৃত্যুর পর ১২৬০ বঙ্গাব্দে, “বর্ধমানাধীশ্বর শ্রীল শ্রীযুক্ত মহারাজাধিরাজ মহতাপ চন্দ বাহাদুরের আদেশমতে শ্রীযুক্ত গৌরীশঙ্কর তর্কবাগীশ কর্তৃক সংশোধিত” হইয়া পুস্তকখানি পুনর্মুদ্রিত হয়।

গৌরীশঙ্করের কয়েকটি প্রবন্ধ অনুবাদক সমাজ কর্তৃক প্রকাশিত ‘সংবাদসার’ পুস্তকে স্থান পাইয়াছে। ১২ জানুয়ারি ১৮৫৪ তারিখের ‘সংবাদ ভাস্করে’ গৌরীশঙ্কর লিখিয়াছিলেন:—

‘সংবাদসার’ এই পুস্তকের মধ্যে মধ্যে প্রতিমূর্তি আছে এবং ১৯৮ পৃষ্ঠায় মুদ্রাক্ত হইয়াছে...। সংবাদসার গ্রন্থে বহু ভাষার সকল সমাচার সার বিষয় উদ্ধৃত হইয়াছে এবং কোন জাতির ধর্মের বিপক্ষ

নহে অতএব সৰ্বজাতীয় বালকেরাই ইহা পাঠ করিতে পারেন.. যদিও ১৮৪০ সালে আমরাই জ্ঞানান্বেষণ পত্রের সম্পাদক ছিলাম এবং সংবাদ কৌমুদী, সংবাদ সুধাকর ইদানীং সংবাদ ভাস্কর প্রভৃতি সমাচার পত্র হইতেই উক্ত গ্রন্থ অধিক বিষয় উদ্ধৃত হইয়াছে তাহার বহুলাংশই আমারদিগের লিখিত, বালকদিগের পাঠার্থ এই গ্রন্থ চলিত হইলে অনুবাদক সমাজাপেক্ষা আমরা অধিক সুখী হইব।

### উপসংহার

গৌরীশঙ্করের জীবন ও বহুমুখী প্রতিভার বিস্তারিত কাহিনী ইহা নহে। এই ক্ষুদ্র গ্রন্থে বিস্তারের অবকাশও আমাদের নাই। বর্তমান পুস্তিকার স্বল্প পরিসরে সাংবাদিক ও সাহিত্যিক হিসাবে তাঁহার যৎকিঞ্চিৎ পরিচয় প্রদানেরই আমরা চেষ্টা করিয়াছি মাত্র। মানুষ হিসাবে গৌরীশঙ্করের অনমনীয় দৃঢ়তা এবং প্রভাবশালী ব্যক্তিত্ব যেমন আমাদের দৃষ্টি আকর্ষণ করে, তেমনই গ্রন্থাদি সম্পাদনে তাঁহার পাণ্ডিত্য এবং সংবাদপত্রের পৃষ্ঠায় তাঁহার ওজস্বিনী ভাষা ও স্পষ্ট প্রকাশভঙ্গীও আমাদের কাছে মুগ্ধ করে। অবশ্য, যে প্রগতিমন্ত্রে উদ্বুদ্ধ হইয়া ‘জ্ঞানান্বেষণ’ মারফৎ তিনি সংবাদপত্র পরিচালনায় ব্রতী হইয়াছিলেন, শেষ-বয়সে ‘হিন্দুরত্নকমলাকরে’ তাহা রক্ষণশীলতায় পর্য্যবসিত হইয়াছিল কি না, সে জটিল সমস্যার সমাধান করা এখানে সম্ভব নহে। কিন্তু বঙ্গদেশের অনগ্রসর পল্লীগ్రাম হইতে আসিয়া আপন অধ্যবসায় পাণ্ডিত্য এবং ব্যক্তিত্বের প্রভাবে তিনি নাগরিক সভ্যতার



মর্শস্থলে আত্মপ্রতিষ্ঠার ছুরুহ সাধনায় যে সাফল্য অর্জন করিয়া-  
ছিলেন, তাহা অননুসাধারণ। আমাদের প্রথম যুগের বাংলা-  
গদ্য-রচয়িত্ববৃন্দের মধ্যে তাঁহার স্থান কোথায়, সে বিষয় বিশেষজ্ঞ-  
গণই স্থির করিবেন ; কিন্তু সে যুগের একজন শ্রেষ্ঠ সাংবাদিক  
ও পণ্ডিত হিসাবে তাঁহার সম্মানিত উচ্চাসন অবশ্য স্বীকার্য।  
সমসাময়িক সাংবাদিকগণের নিকট তিনি কি পরিমাণ শ্রদ্ধা  
অর্জন করিয়াছিলেন, তাহার একটি মাত্র উদাহরণ দিয়া আমরা  
এই আলোচনা শেষ করিব। তাঁহার মৃত্যুর পাঁচ দিন পরে  
১৮৫৯ খ্রীষ্টাব্দের ১০ই ফেব্রুয়ারি তারিখে 'সংবাদ পূর্ণচন্দ্রোদয়'  
লিখিয়াছিলেন :—

হা কি খেদের বিষয়, বর্তমান সময়ে বঙ্গ ভাষায় বিবিধ বিজ্ঞা  
প্রভৃতি সর্ব আলোচনা করিয়া এদেশের মানব মণ্ডলীর ক্ষেত্র বিস্তারার্থ  
সকলেরই মনে অনুরাগ জন্মিতেছে এ সময় এক পক্ষ মধ্যে দুই জন  
বাঙ্গালা সমাচার পত্র সম্পাদক মানব লীলা সম্বরণ করিলেন ? পাঠক-  
বর্গের অবগতি হইয়াছে প্রভাকর সম্পাদক মহাশয় আকস্মিক রোগে  
আক্রান্ত হইয়া কএক দিবস মধ্যেই [ ২৩ জানুয়ারি, শনিবার ]  
ভৌতিক কলেবর বিসর্জন করিয়াছেন, ভাস্কর সম্পাদকও গত শনিবার  
[ ৫ ফেব্রুয়ারি ] পূর্বাঙ্কে ভাগীরথী তীরনীর স্থিত জীর্ণ শীর্ণ তম্বু  
পরিত্যাগ করিলেন। উল্লিখিত দুই সম্পাদক অতিশয় সুলেখক, দুই  
জন দুই বিষয়ে বিশেষ ক্ষমতাবান ছিলেন, প্রভাকর সম্পাদক মহা-  
শয়ের বিবিধ বিষয়ক কবিতা যাহা দৈনিক ও মাসিক প্রভাকরে  
অক্ষর নিবন্ধ আছে তাহা যাবৎ বর্তমান থাকিবে তাবৎ ঐ মহোদয়ের  
প্রশংসায় গুণজ্ঞ মানব মাত্রেয় রসনা কদাপি শ্রান্ত হইবেক না, ভাস্কর  
সম্পাদক মহাশয়ের গদ্য রচনায় বিশেষ পারকতা ছিল, বিশেষতঃ

তিনি সহজ ভাষায় স্বাভাবিক বিষয় সকল একপ্রকার লিপিবদ্ধ করিতেন যে তাহা পাঠ করিয়া পাঠক মাত্রেরই অস্তুঃকরণ পরমানন্দে পুলকিত হইত। উভয় সম্পাদক মণ্ডোদয় হইতে দেশের অবস্থা শোধন ও সর্বসাধারণের জ্ঞান বর্দ্ধনার্থ সর্বদা নানা প্রস্তাব বিরচিত হইত। তাঁহারা দীর্ঘজীবী হইলে বর্তমান সময়ের সাধারণ হিতানুরাগী ও স্বদেশীয় জ্ঞানার্থী জনগণ অংশয় বিবিধ প্রকারে আনুকূল্য প্রাপ্ত হইতে পারিতেন, অতএব দেশের নোভাগ্যাসুন্দর্যেদয় সময়ে ঐ দুই মহাত্মার মানব লীলা সম্বরণ অতিশয় অনিষ্টকর হইল।

সাহিত্য-সাধক-চরিতমালা—৯

রামচন্দ্র বিদ্যাবাগীশ  
ইরিহরানন্দনাথ তীর্থস্বামী



রামচন্দ্র বিद्याবাগীশ  
হরিহরানন্দনাথ তীর্থস্বামী

শ্রী জে স্ত্র নাথ বন্দ্যোপাধ্যায়



বঙ্গীয় সাহিত্য পরিষদ

২৪৩/১, আচার্য্য প্রফুল্লচন্দ্র রোড

কলিকাতা-৬

প্রকাশক  
শ্রীমদনমোহন কুমার,  
সম্পাদক  
বঙ্গীয় সাহিত্য পরিষৎ

পঞ্চম সংস্করণ—মাঘ ১৩৬২

মূল্য এক টাকা পঞ্চাশ পয়সা

শতাব্দী প্রেস প্রাইভেট লিমিটেড,  
৮০, আচার্য্য জগদীশ বসু রোড, কলিকাতা-৭০০০১৪  
হইতে শ্রীধিৰেন্দ্রলাল রায় কর্তৃক মুদ্রিত ।

# রামচন্দ্র বিদ্যাবাগীশ

১৭৮৬—১৮৪৫

**বা**ংলা ভাষায় প্রথম বাংলা অভিধানকার হিসাবে রামচন্দ্র বিদ্যাবাগীশের নাম বাঙালী মাত্রেই অরণীয়। কিন্তু বিদ্যাবাগীশ মাত্র অভিধানকারই ছিলেন না, স্বাৰ্ভ পণ্ডিতরূপেও তাঁহার খ্যাতি ছিল। সে যুগের সামাজিক বহু ব্যাপারেই তাঁহাকে বিধান দিতে হইত। এতদ্ব্যতীত, তিনি ব্রাহ্মসমাজের প্রথম আচার্য্য ছিলেন। দুঃখের বিষয়, তাঁহার সম্বন্ধে এখন পর্য্যন্ত কোনও বিস্তৃত আলোচনা হয় নাই। ইহাতে আমাদের জাতীয় অকৃতজ্ঞতাই প্রকাশ পাইয়াছে।

## বাল্য ও ছাত্র-জীবন

১৭৬৭ শকের ১লা বৈশাখ (এপ্রিল ১৮৪৫) 'তত্ত্ববোধিনী পত্রিকা'য় বিদ্যাবাগীশের জীবনবৃত্তান্ত প্রকাশিত হয়। ইহাতে তাঁহার বাল্য ও ছাত্রজীবন সম্বন্ধে এইরূপ লিখিত হইয়াছে :—

মহাত্মা শ্রীযুক্ত রামচন্দ্র বিদ্যাবাগীশ ১৭০৭ শকের ২৯ মাঘ বুধবারে পালপাড়া নামক গ্রামে জন্ম গ্রহণ করিয়াছিলেন। তাঁহার পিতা শ্রীযুক্ত লক্ষ্মীনারায়ণ তর্কভূষণের চারি পুত্র; জ্যেষ্ঠ পুত্রের নাম নন্দকুমার বিদ্যালঙ্কার, তিনি গার্হস্থ্য আশ্রম পরিত্যাগ পূর্বক সন্ন্যাসাশ্রম গ্রহণ করিলে হরিহরানন্দনাথ তীর্থস্বামী কুলাবধৌত

## রামচন্দ্র বিদ্যাবাগীশ

নামে খ্যাত ছিলেন ; মধ্যম পুত্রের নাম রামধন বিদ্যালঙ্কার, তিনি স্মৃতি শাস্ত্রে উৎকৃষ্ট রূপে ব্যুৎপন্ন ছিলেন, এবং আপন গৃহেতেই অধ্যাপনা করিতেন ; তৃতীয় পুত্রের নাম রামপ্রসাদ ভট্টাচার্য্য ; এবং শ্রীযুক্ত রামচন্দ্র বিদ্যাবাগীশ মহাশয় সর্ব কনিষ্ঠ ছিলেন ।

বিদ্যাবাগীশ মহাশয় ব্যাকরণাদি ব্যুৎপত্তি শাস্ত্র স্বীয় গ্রামেই অধ্যয়ন পূর্বক কাশী প্রভৃতি পশ্চিমাঞ্চলের নানা স্থানে ভ্রমণ করেন । পরন্তু প্রত্যাগমনান্তর প্রায় পঞ্চবিংশতি বৎসর বয়ঃক্রমে শান্তিপুরস্থ রামমোহন বিদ্যাবাচস্পতি গোস্বামি ভট্টাচার্য্যের নিকটে স্মৃত্যাদি শাস্ত্র অধ্যয়ন করিয়াছিলেন ।

পরন্তু হরিহরানন্দনাথ তীর্থস্বামী দেশ পর্য্যটন করত রঙ্গপুরে উপস্থিত হইয়া তত্রস্থ কালেক্টরির দেওয়ান রাজা রামমোহন রায়ের সহিত সাক্ষাৎ করিলে রাজা তাঁহার শাস্ত্র চর্চা বিষয়ে অত্যন্ত আমোদ প্রযুক্ত তীর্থস্বামিকে মহা সমাদর পূর্বক আহ্বান করিলেন ।... রামমোহন রায়...তীর্থস্বামিকে সমভিব্যাহারি করিয়া ১৭৩৪ শকে [ ১৭৩৬ ? ] কলিকাতা নগরে আগমন করিলেন । এই কালে বিদ্যাবাগীশ মহাশয়ের অত্যাণ্ড ভ্রাতারা তাঁহার প্রতি অনেক প্রকার বিরাগ প্রকাশ করাতে, এবং তাঁহাকে পৃথক্ করিয়া দেওয়াতে, তিনি অত্যন্ত বিপদগ্রস্ত হইলেন, এ প্রযুক্ত তাঁহার জ্যেষ্ঠ ভ্রাতা উক্ত তীর্থস্বামী রাজার নিকটে তাঁহাকে আনয়ন পূর্বক সাক্ষাৎ করাইয়া দিলেন । বিদ্যাবাগীশ মহাশয় অতিশয় বুদ্ধিমান, এবং সংস্কৃত ভাষাতে শব্দালঙ্কারাদি ব্যুৎপত্তি শাস্ত্রে ও ধর্ম্ম শাস্ত্রে অত্যন্ত ব্যুৎপন্ন প্রযুক্ত রাজা তাঁহাকে মহা সম্মম পূর্বক গ্রহণ করিলেন । তিনি ঐ রাজার ইচ্ছানুসারে তাঁহার সমভিব্যাহারি শিবপ্রসাদ মিশ্র নামক এক জন ব্যুৎপন্ন পণ্ডিতের নিকটে উপনিষৎ ও বেদান্ত দর্শনাদি মোক্ষ প্রযোজক



শাস্ত্র অধ্যয়ন করিতে প্রবৃত্ত হইলেন, এবং তাঁহার স্বাভাবিক উজ্জ্বল মেধাবশতঃ অত্যল্প কাল মধ্যে উক্ত শাস্ত্রে অসাধারণ সংস্কারাপন্ন হইলেন। প্রথমতঃ তিনি বঙ্গভাষাতে এক অভিধান ও জ্যোতিঃ শাস্ত্রের একখণ্ড প্রকাশ করেন, এবং তাহা বিক্রয় দ্বারা কিঞ্চিৎ ধন সংগ্রহ পূর্বক পরিবারের বাসের জন্য শিমুলিয়াস্থ হেছুরা পুষ্করিণীর উত্তরে এক বাটা ক্রয় করেন। পরন্তু তিনি রাজার নিকটে ক্রমশঃ অতিশয় প্রতিপন্ন হইয়া তাঁহার বিশেষ আনুকূল্য দ্বারা হেছুরা পুষ্করিণীর দক্ষিণে এক চতুষ্পাঠী সংস্থাপন পূর্বক কয়েক জন ছাত্রকে বেদান্ত শাস্ত্র অধ্যাপনা করিতে লাগিলেন। এইরূপে তাঁহার শাস্ত্রজ্ঞান একপ্রকার উজ্জ্বল হইল, যে সাকার উপাসকদিগের সহিত রাজার যে সকল শাস্ত্রীয় বিচার উপস্থিত হইয়াছিল, তাহাতে তিনিই প্রধান সহযোগী ছিলেন—রাজা তাঁহার পরামর্শ ব্যতীত কোন বিষয়ের সিদ্ধান্ত প্রকাশ করিতেন না। এবম্প্রকার ধর্ম চর্চায় জগৎ তিনি ক্রমশঃ অত্যন্ত মান্ত ও বিখ্যাত হইয়া উঠিলেন।

সংস্কৃত কলেজের অধ্যাপক : ১৮২৭ খ্রীষ্টাব্দের মে মাসে পণ্ডিত কাশীনাথ তর্কপঞ্চানন ২৪-পরগণা জিলা-আদালতের জজ-পণ্ডিত নিযুক্ত হওয়ার, কলিকাতা গবর্নমেন্ট সংস্কৃত কলেজের স্মৃতিশাস্ত্রের অধ্যাপকের পদ শূন্য হয়। এই পদের জন্য পনের জন প্রার্থীর মধ্যে রামচন্দ্র বিদ্যাবাগীশ পরীক্ষায় সর্বাংশে উপযুক্ত বিবেচিত হন। তিনি ১৮২৭ খ্রীষ্টাব্দের ১৪ই মে\* হইতে মাসিক ৮০ বেতনে সংস্কৃত কলেজে

\* Abstract of Salaries and Establishment of the Calcutta

স্মৃতিশাস্ত্রের অধ্যাপক নিযুক্ত হন। তাঁহার নিয়োগ-সম্পর্কে সংস্কৃত কলেজের তৎকালীন সেক্রেটারী উইলিয়ম প্রাইসের মন্তব্যটি উদ্ধৃত করিতেছি :—

...A public notification was issued, inviting the attendance of candidates at the Sanscrit College, for the purpose of undergoing an examination as to their respective qualifications for the office, as well as for obtaining certificates of proficiency as Pundit of the Court, the examination to be conducted by the Committee appointed by Government to determine the fitness of candidates for public appointment. Fifteen individuals accordingly came forward on the occasion and they were duly examined by Mr. Wilson and myself orally and wrote written answers to Law questions in our presence. These exercises having been circulated to the other members of the Committee, and compared with the result of the oral examination, the Members concur in considering Ramchandra Vidyavagesha as eminently qualified for the situation and the Secretary begs therefore to recommend him as a fit person to succeed to the appointment of Smriti Professor in the Sanscrit College, vacated by the resignation of Kashinatha. 16th May 1827.

রামচন্দ্র দশ বৎসর সংস্কৃত কলেজে স্মৃতিশাস্ত্রের অধ্যাপনা করিয়া-  
ছিলেন। তাঁহার পর একটি অভাবনীয় ব্যাপারে তিনি পদচ্যুত হন।

**Government Sanscrit College on 1st May 1835, ইহাতে "Date of Appointment" হলে রামচন্দ্রের নিয়োগের এই তারিখ দেওয়া আছে।**

ব্যাপারটি সংক্ষেপে এই :—গবর্নেন্ট ১৮৩৬ খ্রীষ্টাব্দের ১লা আগস্ট কাশীর বিশ্বস্তর পণ্ডিতের জমিদারি-সংক্রান্ত একটি মামলা সম্পর্কে দুইটি প্রশ্ন পাঠাইয়া তৎসম্বন্ধে সংস্কৃত কলেজের স্মৃতিশাস্ত্রাধ্যাপকের অভিমত বা ব্যবস্থাপত্র চাহিয়া পাঠান। পরবর্তী ১৫ই আগস্ট তারিখে রামচন্দ্র যথারীতি ব্যবস্থাপত্র দেন; ইহাতে সংস্কৃত কলেজের অন্যান্য পণ্ডিত-বর্গের স্বাক্ষর ছিল।\*

এই ব্যবস্থাপত্র সেকৌন্সিল গবর্নর-জেনারেলের নিকট প্রমাণক বিবেচিত হওয়ায়, বিদ্যাবাগীশ স্মৃতিশাস্ত্রাধ্যাপকের পদ হইতে অপসারিত করাই সাব্যস্ত হয়। তদনুসারে ১৩ মার্চ ১৮৩৭ তারিখে ভারত-গবর্নেন্টের সেক্রেটারী ম্যাকনটেন (W. H. Macnaghten) বাংলা-সরকারের সেক্রেটারীকে লিখিয়া পাঠান :—

In the opinion of the Governor General of India in Council the whole of the Pundits of the Sanscrit College who had signed the Vyavastah deserved to be removed from the College, but as they are not professors of the science of Law and as their offence may have amounted to nothing more than carelessness in testifying the accuracy of the opinion which has since been proved to be erroneous, it may be sufficient as an example that the professor of Law, Ramchandar Surmoua be expelled, and that the rest be admonished as to the impropriety of their conduct.

বিদ্যাবাগীশ ১৮৩৭ খ্রীষ্টাব্দের এপ্রিল মাস পর্য্যন্ত কার্য করিবার পর সংস্কৃত কলেজ হইতে অপসারিত হন। তিনি পরবর্তী ১৮ই মে এক

\* ৪৫শ বর্ষ ২য় সংখ্যা (পৃ. ১১১-১৩) 'সাহিত্য পরিষৎ পত্রিকা'য় প্রথমগুলি ব্যবস্থাপত্র সমেত মুদ্রিত হইয়াছে।

সুদীর্ঘ আবেদনপত্র গবর্নর জেনারেলের কাউন্সিলে পেশ করিয়াছিলেন ; ইহাতে তিনি নিজের ব্যবস্থাপত্র যে নিভুল, তাহা প্রতিপাদন করিবার জন্য পূর্বগামী বহু পণ্ডিতের—এমন কি, উইলসন সাহেবের নজীরের উল্লেখ করিয়া জানাইয়াছিলেন :—

That this order in Council was carried into effect on the 1st instant, and copies of the correspondence forwarded to your memorialist on the 12th instant by the College Secretary, and that your memorialist was thus expelled from the Institution, thrown out of employ, and degraded in the estimation of Society, without the erroneousness of his opinion having been pointed out to him or an opportunity afforded for his conviction, or for enabling him to justify himself before the Supreme authority by furnishing such explanations as might have been required.

এই আবেদনপত্রে কোন ফল হয় নাই ।\* এ-সম্বন্ধে কতৃপক্ষের সিদ্ধান্ত উদ্ধৃত করিতেছি :—

READ an extract from the General Dept. No. 74 dated the 21 June last transferring for considerations

\* বিদ্যাবাগীশের পদচ্যুতির কারণ সম্বন্ধে 'তত্ত্ববোধিনী পত্রিকা' (১ বৈশাখ ১৭৬৭ শক) বলেন :—“রাজা রামমোহন রায়ের সহিত কোন কোন ইংরাজের অপ্রণয় থাকাতে তিনি এক ব্যবস্থা উপলক্ষে রাজার সহযোগি বিদ্যাবাগীশ মহাশয়ের প্রতি অনর্থক অপবাদ প্রদান করিয়া তাঁহাকে কর্মচ্যুত করাইলেন।” এই মন্তব্য ভিত্তিহীন বলিয়াই মনে হয় । প্রথমতঃ, রামচন্দ্রের পদচ্যুতির সাত বৎসর পূর্বে রামমোহন বিলাত যাত্রা করেন এবং তথায় ১৮৩৩ খ্রীষ্টাব্দে তাঁহার মৃত্যু হয় । দ্বিতীয়তঃ পণ্ডিতদের ব্যবস্থাপত্রসম্পর্কে কেবল-মাত্র রামচন্দ্রই পদচ্যুত হন নাই—কাশী সংস্কৃত কলেজের একজন পণ্ডিতেরও চাকরি গিয়াছিল ।

Petitions of the Dismissed Pundits of the Benares and Sanscrit Colleges praying restoration to office.

RESOLUTION : On a full and careful reconsideration of all the opinions which have been delivered in this case the Right Hon'ble the Governor General of India in Council is of opinion that they afford a strong preponderating evidence, amounting to presumptive proof that the dismissed Pundits were actuated by corrupt motives in the exposition of the Law on the point submitted for their opinion. His Lordship in Council accordingly resolves that their petitions be rejected.—Extract from the Proceedings of the Rt. Hon'ble the Governor General in Council in the Revenue Dept. under date the 25 Sept. 1837.

বিদ্যাবাগীশের প্রতি গবর্নেন্ট সুবিচার করেন নাই। তাঁহাকে আত্মপক্ষ-সমর্থনের সুযোগ দেওয়া উচিত ছিল, কিন্তু তাঁহার অনুরোধ সম্বন্ধেও তাঁহার ব্যবস্থাপত্রের ক্রটি তাঁহাকে দেখাইয়া দেওয়া হয় নাই। এই অবিচারের প্রতীকার প্রার্থনা করিয়া রামচন্দ্র বিলাতে কোর্ট অব ডিরেক্টসের নিকট আবেদন করিয়াছিলেন। তাহাদের বিবেচনায় তিনি নিরপরাধী সাব্যস্ত হন বটে, কিন্তু পূর্বপদ আর ফিরিয়া পান নাই। ভবিষ্যতে কোন পদ শূন্য হইলে অগ্রে তাঁহার বিষয় বিবেচনা করা যাইবে, এই প্রতিশ্রুতি তাঁহাকে দেওয়া হইয়াছিল।

হিন্দুকলেজ পাঠশালার অধ্যাপক : ১৮৩৯ খ্রীষ্টাব্দের জুন মাসে হিন্দুকলেজ-সংলগ্ন বাংলা পাঠশালার ভিত্তি-প্রস্তর স্থাপিত হয়। হিন্দুকলেজের অধ্যক্ষগণ রামচন্দ্র বিদ্যাবাগীশকে এই পাঠশালার প্রধান অধ্যাপকের পদে নির্বাচিত করেন। ১৮ জানুয়ারি ১৮৪০ তারিখে

এই পাঠশালার পাঠ্যসময়কালে বিদ্যাবাগীশ বাংলায় একটি বক্তৃতা করেন। ইহা পুস্তিকাকারে মুদ্রিত হইয়াছিল। ১৮৪০ খ্রীষ্টাব্দে তিনি শিক্ষায় অগ্রসর পাঠশালার ছাত্রদিগকে কতকগুলি বক্তৃতা দিয়াছিলেন, তাহা পরে ‘নীতিদর্শন’ নামে প্রকাশিত হয়।\*

বিদ্যাবাগীশ ছয় মাস পাঠশালার সহিত সংশ্লিষ্ট ছিলেন বলিয়া মনে হইতেছে। কারণ, ১ জুলাই ১৮৪০ তারিখে ক্ষেত্রমোহন দত্ত মাসিক ৪০ বেতনে “সুপারিন্টেন্ডেন্ট” নিযুক্ত হন। এই পাঠশালার প্রথম শিক্ষক ছিলেন—রমানাথ শর্ম্মণঃ; ইনি ১৮ জানুয়ারি ১৮৪০ তারিখে মাসিক ২০ বেতনে নিযুক্ত হন।†

সংস্কৃত কলেজের সহকারী সম্পাদক : ১৮৪১ খ্রীষ্টাব্দের শেষাংশে সংস্কৃত কলেজের অ্যাসিস্ট্যান্ট সেক্রেটারী মধুসূদন তর্কালঙ্কারের মৃত্যু হইলে এই শূন্য পদে বিদ্যাবাগীশ ১ জানুয়ারি ১৮৪২ তারিখে মাসিক ৫০ বেতনে নিযুক্ত হন।

## ব্রহ্মজ্ঞান প্রচার

বিদ্যাবাগীশ মহাশয়ের ব্রহ্মজ্ঞান প্রচার সম্বন্ধে ‘তত্ত্ববোধিনী পত্রিকা’য় নিম্নলিখিত বিবরণটি পাওয়া যায় :—

রাজা রামমোহন রায়ের বিশেষ যত্ন দ্বারা মাণিকতলাতে ব্রহ্মোপাসনা জন্ম ক্ষুদ্র আকারে আত্মীয় সভা নামী এক সভা

\* “Ramchunder Bidyabagish, the late Professor of Law in the Sanscrit College, delivered in 1840, a course of Lectures on Ethics to the more advanced students of this school.”—*Report of the Late General Committee of Public Instruction for 1840-41 and 1841-42*, p. 78.

† *Ibid.*, p. 53.

সংস্থাপিত। হয়, তাহাতে বিদ্যাবাগীশ মহাশয় ব্রহ্ম জ্ঞান বিষয়ক ব্যাখ্যান করিতেন। পরে যখন ১৭৫১ শকের ১১ মাঘ দিবসে ব্রাহ্মসমাজ যোড়াসাঁকোন্ড বর্তমান গৃহে স্থাপিত হইল, তখন তিনি তাহার এক জন অধ্যক্ষ হইলেন, এবং তত্ত্ববিদ্যা বিষয়ক ব্যাখ্যান দ্বারা স্বদেশস্থ লোকদিগকে ব্রহ্মোপাসনার উপদেশ প্রদান করিতে নিযুক্ত হইলেন।\*...বিদ্যাবাগীশ মহাশয় যদিও তাঁহার তাবৎ জীবন পর্য্যন্ত সাধারণ রূপে ব্রহ্মজ্ঞান প্রচারের জন্ত যত্নশীল ছিলেন, কিন্তু তাঁহার চিন্তে ইহা সর্বদা জাগ্রৎ ছিল, যে বিধিবৎ প্রতিজ্ঞার সহিত ধর্মের আশ্রয় গ্রহণ না করিলে সে ধর্ম শৈথিল্য হইতে পারে না, এবং তদনুসারে পূর্বে একবার রাজা রামমোহন রায়ের সহযোগী হইয়া এই রূপ বিধিবৎ ব্রহ্মোপাসনা লোকদিগকে উপদেশ করিবার জন্ত উদ্যোগ করিয়াছিলেন; কিন্তু তৎকালে অজ্ঞানের প্রাবল্য ও ঘেঘের আধিক্য প্রযুক্ত কেহ তদ্বিবরে সাহসী হইলেন না। সম্প্রতি যখন জ্ঞান বলে লোকের মন সত্য ধর্ম গ্রহণের উপযুক্ত হইতেছে, তখন তিনি তাঁহার মানস সফল হইবার সম্ভাবনা দেখিয়া আচার্য্য রূপে বেদান্ত শাস্ত্রের সারার্থানুসারে বিধি পূর্বক এই ব্রাহ্মধর্ম এদেশে প্রচার করিবার জন্ত ১৭৬৫ শকের ৭ পৌষ বৃহস্পতিবার দিবা দুই প্রহর তিন ঘণ্টার সময়ে প্রথমতঃ একবিংশতি ব্যক্তিকে উক্ত ধর্মে প্রবিষ্ট করিলেন, এবং তৎপরে ব্রাহ্মদিগের সম্মুখে যে মহানন্দ ব্যক্ত করিয়াছিলেন তাহা অনেক ব্রাহ্মেরই হৃদয়জম আছে। ( 'তত্ত্ববোধিনী পত্রিকা,' ১ বৈশাখ ১৭৬৭ শক )

\* আত্মীয় সঙ্গ ও ব্রহ্মসভা সম্বন্ধে যাহারা জানিতে ইচ্ছুক, তাঁহারা ১৯০৫ খ্রীষ্টাব্দের 'মডার্ন রিভিউ'তে প্রকাশিত আমার "Societies founded by Rammohun Roy for Religious Reform" প্রবন্ধ পাঠ করিতে পারেন।

বিদ্যাবাগীশ সমাজ সম্বন্ধে আধুনিক মতাবলম্বী ছিলেন। বিদ্যাসাগর মহাশয়ের পূর্বেই তিনি বিধবা-বিবাহের সম্বন্ধে ব্যবস্থা দিয়াছিলেন। তাঁহার মৃত্যুর পর একজন পত্রলেখক ১১ মার্চ ১৮৪৫ তারিখের *Bengal Harkuru and India Gazette* পত্রে লেখেন :—

The liberal *viavustha* which he recently gave regarding the remarriage of Hindoo widows, on the application of the Bengal British India Society, should rank him at the head of Hindoo reformers.

কিন্তু বিদ্যাবাগীশ সহমরণ-প্রথাকে শাস্ত্রীয় বলিয়া সমর্থন করিয়াছিলেন। ১৮২৯ খ্রীষ্টাব্দের ডিসেম্বর মাসে গবর্নর-জেনারেল বেণ্টিঙ্ক সহমরণ-প্রথার বিরুদ্ধে আইন জারি করিলে ঐ আইন রহিত করিবার জন্য যে আবেদনপত্র রাজদরবারে প্রেরিত হয়, তাহাতে রামচন্দ্র বিদ্যাবাগীশের স্বাক্ষর আছে। সম্ভবতঃ লোকভয়প্রযুক্ত তিনি এরূপ করিয়া থাকিবেন ;—বিশেষতঃ এই সময় তিনি সংস্কৃত কলেজের শ্বতিকাশাস্ত্রের অধ্যাপক, তাঁহার সহকারী অধ্যাপকদের অনেকেই সহমরণ প্রথার অমুকুলে ছিলেন। ইহার ফলে তাঁহাকে রামমোহন রায়ের বিরাগভাজন হইতে হইয়াছিল।

মৃত্যুকালে বিদ্যাবাগীশ ব্রাহ্মসমাজকে পাঁচ শত টাকা দান করিয়া যান। 'তত্ত্ববোধিনী পত্রিকা'র ( ১ বৈশাখ ১৭৬৮ শক ) গোড়ায় প্রকাশ :—

বিজ্ঞাপন।—ব্রাহ্মসমাজের গত আচার্য্য রামচন্দ্র বিদ্যাবাগীশ মহাশয় পরলোক গমনকালে ব্রাহ্মসমাজের জন্য যে ৫০০ পঞ্চ শত টাকা দান করিয়াছিলেন তাহা শ্রীযুক্ত নবকৃষ্ণ সিংহ মহাশয়ের নিকট হইতে প্রাপ্ত হইয়াছে। শ্রীশ্রীধর শর্মা। প্রধান উপাচার্য্য।



## মৃত্যু

সহকারী-সম্পাদকরূপে কিছু দিন সংস্কৃত কলেজের কার্য করিবার পর বিদ্যাবাগীশ পীড়াগ্রস্ত হন এবং দীর্ঘকাল রোগভোগের পর ১৮৪৫ খ্রীষ্টাব্দের ২রা মার্চ পরলোক গমন করেন। 'তত্ত্ববোধিনী পত্রিকা'র প্রকাশ :—

তিনি ১৭৬৫ শকের মাঘ মাসে পক্ষাঘাত রোগে পীড়িত হইলেন। তদবধি ইংরাজ ও বাঙ্গালি চিকিৎসক দ্বারা অনেক প্রকার চিকিৎসা হইয়াছিল, কিন্তু তাহাতে উপশম না হইয়া শরীর ক্রমশঃ অবসন্ন হইতে লাগিল। ইহাতে তিনি অসুভব করিলেন, যে কাশী অঞ্চলের জল বায়ু সুস্থতাदाয়ক, এবং তথায় উত্তম উত্তম মোসলমান চিকিৎসক দ্বারা চিকিৎসা হইবারও সম্ভাবনা, অতএব তিনি ১৭৬৬ শকের ৯ ফাল্গুন বুধবার দিবা নয় ঘণ্টার সময়ে কাশী যাত্রা করিলেন। কিন্তু তথায় উত্তীর্ণ হইবার পূর্বে পরমেশ্বর তাঁহাকে পীড়ার যন্ত্রণা হইতে মুক্ত করিলেন, এবং তিনি ছয় কন্ঠা মাত্র বর্তমান রাখিয়া গত ২০ ফাল্গুন রবিবার [ ২ মার্চ ১৮৪৫ ] দিবা অষ্ট ঘণ্টার সময়ে মুরশিদাবাদে ৫৯ বৎসর ২১ দিন বয়ঃক্রমে ইহলোক হইতে অবসৃত হইলেন।

সংস্কৃত কলেজের কর্মচারিবর্গের বেতনের খাতায় দেখিতেছি, ১৮৪৪ খ্রীষ্টাব্দের সেপ্টেম্বর হইতে মৃত্যুকাল পর্য্যন্ত ছয় মাস বিদ্যাবাগীশ ছুটিতে ছিলেন এবং তাঁহার স্থলে গোবিন্দ শিরোমণি অস্থায়ী ভাবে কার্য করিয়াছিলেন।

বিদ্যাবাগীশের মৃত্যু-তারিখ লইয়া অনেকে গোল করিয়াছেন। সংস্কৃত কলেজের তদানীন্তন সেক্রেটারী রসময় দত্ত ৫ এপ্রিল ১৮৪৫

তারিখে কাউন্সিল অব এডুকেশনকে যে পত্র লিখিয়াছিলেন, তাহাতে বিদ্যাবাগীশের মৃত্যুর সঠিক তারিখ পাওয়া যায়। পত্রখানি এইরূপ :—

With reference to my letter dated 26th February last submitting for sanction a Bill for a moiety of salary of Ramchandrar Bidyabagesha Assistant Secretary to this Institution retrenched by the Civil Auditor for the month of January last and order of Government dated 26th ultimo I have the honor to submit for sanction the enclosed Bill for a similar retrenchment for February last.

2. Ramchandrar Bidyabagesha died on the 2nd March last.

## গ্রন্থাবলী

পণ্ডিত ও সুবক্তা হিসাবে বিদ্যাবাগীশের খ্যাতি ছিল। গ্রন্থ-রচনাতেও তাঁহার নৈপুণ্য কম ছিল না। তাঁহার রচিত ও সম্পাদিত গ্রন্থগুলির একটি কালানুক্রমিক তালিকা দিতেছি :—

১। জ্যোতিষসংগ্রহসার। ১০ মাঘ ১২২৩ সাল (জাম্বুয়ারি ১৮১৭)। পৃ. ১৫৫।

গ্রন্থের প্রারম্ভে মুদ্রিত নিম্নোক্ত অংশ হইতে গ্রন্থকারের নাম ও নিবাস পাওয়া যায় :—

সেই সত্য পরাংপরে বাক্যমন অগোচরে বিশ্বব্যাপি বিশ্বের কারণে ।  
বিজরামচন্দ্র নাম বাস পালপাড়া গ্রাম নতিস্তুতি করি কারণে ॥  
বারতিথিরাশিলগ্ন সুনিতে সকলে মগ্ন গৃহস্থের সদা প্রয়োজন ।  
সবিশেষ জানিবারে জ্যোতিষ অপেক্ষা করে এইহেতু করিয়া বতন ॥

শকে সপ্তদশশতে আটত্রিশ দিয়া তাতে সাধারণ বোধের কারণ ।  
জ্যোতিষসংগ্রহসার যথাশক্তি আপনার করিলাম ভাষাবিবরণ ॥  
প্রথম সংগ্রহ এই মনে বড় ভয় সেই যদি ক্রটি থাকে কোনস্থানে ।  
শুধিবেন সাধুজনে কৃপা করি নিজগুণে দোষনাশে সাধু সন্নিধানে ॥

২। অভিধান । মূল্য ১২ । ইং ১৮১৮ (১)

কলিকাতা স্কুলবুক সোসাইটির প্রথম বার্ষিক বিবরণে ( ইং ১৮১৭-  
১৮ ) বাংলা ভাষার এই প্রথম বাংলা অভিধান সম্বন্ধে এইরূপ লিখিত  
হইয়াছে :—

A small volume has recently appeared, the design and contents of which are stated in an English and Bengalee advertisement prefixed. The author, Ramchundur Surma, there remarks that he has constantly had occasion to observe in private correspondence and public documents written in Bengalee the deficiency of his countrymen (Pundits only excepted) in orthography ; which has induced him to collect as many Bengalee words as are derived from the Sanscrit, and are in most common use, and to publish them, with their definitions or synonymous words in the form of a pocket volume. This little work therefore, under the name of *Obhidhan*, ( vocabulary ) is intended to instruct the natives both in the spelling and the meaning of terms ( p. 8 )

১৮২০ খ্রীষ্টাব্দে এই অভিধানের বর্দ্ধিত সংস্করণ প্রকাশিত হয় ।  
ইহার স্বত্ব তিনি কলিকাতা স্কুলবুক সোসাইটিকে তিন শত টাকায়  
হস্তান্তরিত করেন । সোসাইটির চতুর্থ বর্ষের ( ইং ১৮২০-২১ ) কার্য-  
বিবরণে আয়ব্যয়ের হিসাবে ব্যয়-বিভাগের একটি দফা এই :—

Ram Chandro's Remuneration,

(including 120 Copies of his Obhidhan...300 0 0)

এই অভিধান-প্রসঙ্গে পাদরি লং তাঁহার বাংলা পুস্তকের তালিকায় লিখিয়াছেন, "The author was a Pandit connected with the Calcutta School Book Society."

৩। পরমেশ্বরের উপাসনা বিষয়ে প্রথম ব্যাখ্যান শ্রীরামচন্দ্র

শর্মা কর্তৃক ব্রাহ্ম সমাজ কলিকাতা বুধবার ৬ ভাদ্র শকাব্দা ১৭৫০ [ পৃ. ৭ ]

২য় ব্যাখ্যান ( ১৩ ভাদ্র ), ৩য় ( ২০ ভাদ্র ), ৪র্থ ( শনিবার ৩০ ভাদ্র ), ৫ম ( ৭ আশ্বিন ), ৬ষ্ঠ ( ১৩ আশ্বিন ), ৭ম ( ২০ আশ্বিন ), ৮ম ( ২৭ আশ্বিন ), ৯ম ( ১০ কার্তিক ), ১০ম ( ১৭ কার্তিক ), ১২শ ( ১লা অগ্রহায়ণ ), উনসপ্ততি ( ১১ মাঘ শনিবার শকাব্দা ১৭৫১ ) ।

এই ব্যাখ্যানগুলি বঙ্গীয়-সাহিত্য-পরিষদ-গ্রন্থাগারে আছে । ব্রিটিশ মিউজিয়মে 'পরমেশ্বরের উপাসনা বিষয়ে প্রথমাবধি সপ্তদশ ব্যাখ্যান,' ( ২য় সংস্করণ, পৃ. ৬৩, কলিকাতা ১৭৫৮ ) আছে ।

রচনার নিদর্শনস্বরূপ, 'পরমেশ্বরের উপাসনা বিষয়ে প্রথম ব্যাখ্যান' হইতে কিয়দংশ উদ্ধৃত করিতেছি :—

এই সকল দেদীপ্যমান প্রমাণ দ্বারা প্রতীত হইতেছে যে পরমেশ্বরের সত্তাকে অবলম্বন করিয়া তাবৎ বস্তু রহিয়াছেন, অতএব পরমেশ্বর বোধে যে কেহ যে কোন বস্তুর উপাসনা করেন তাহাতে পরমেশ্বরেরই উপাসনা হয়, এবং প্রত্যক্ষও দেখিতেছি যে যেসকল ব্যক্তির পাষাণের কিম্বা বৃক্ষের কিম্বা নদীর কিম্বা মূর্ত্তি বিশেষের উপাসনা করিয়া থাকেন তাঁহারা ঐ পাষাণকে পাষাণ বোধে বৃক্ষকে বৃক্ষ বোধে নদীকে নদী বোধে ও মূর্ত্তিবিশেষকে কেবল মূর্ত্তি বোধে উপাসনা করেন না কিন্তু পরমেশ্বর বোধে কিম্বা পরমেশ্বরের

আবির্ভাবস্থান বোধে উপাসনা করিয়া থাকেন অতএব তাঁহাদের প্রতি  
ষেণ ও গ্লানি শাস্ত্রত এবং যুক্তিত সৰ্ব্বথা অযোগ্য হয় । যদ্যপিও  
তাঁহারা পরম্পরা উপদেশ দ্বারা অপরিহিত পরমেশ্বরকে পরিহিত  
বোধে উপাসনা করিতেছেন, তথাপি সে উপাসনা সৰ্ব্বথা পরমেশ্বরের  
উপাসনা নহে এমৎ কথা যায় না, যেমন মনুষ্য খট্টাতে কিম্বা  
অট্টালিকাতে কিম্বা বৃক্ষোপরি শয়ন করিলে সে শয়নের আধার পৃথিবীই  
পরম্পরায় হইয়া থাকেন,.... ।

৪। বিবাদচিন্তামণিঃ । ইং ১৮৩৭ । পৃ. ১৭৩ ।

দেবনাগর অক্ষরে মুদ্রিত বাচস্পতি মিশ্রের 'বিবাদচিন্তামণি'র  
"শোধিত" সংস্করণ ।

৫। হিন্দুকালেজ পাঠশালার পাঠারম্ভকালে বক্তৃতা । ৬ মাঘ  
১২৪৬ ( ১৮ জামুয়ারি ১৮৪০ ) । পৃ. ১৬ ।

রামচন্দ্র মিত্র-কৃত ইহার সারাংশের ইংরেজী অনুবাদ সহ ।  
বক্তৃতাটির কিয়দংশ নিম্নে উদ্ধৃত হইল :—

সভাস্থমহাশয়দিগের মধ্যে ষাঁহাদিগকে উপস্থিত দেখিতেছি  
তাঁহারা অনেকে পাঠশালার শিলারোপণের দিবস উপস্থিত ছিলেন,  
অন্য পাঠারম্ভকালেও তাঁহারা এবং অন্যান্য মান্য বিজ্ঞ ধনাঢ্য বহুতর  
মহাশয়রা অধিষ্ঠিত আছেন এবং অস্বদেশাধিপতি ইংলণ্ডীয় কাজকর্ম-  
কারকেরা ও অন্যান্য ইংলণ্ডীয় মহানুভব মহাশয়রা এই সভাতে  
উপস্থিত থাকাতে অস্বদেশীয় লোকদিগের বিশেষ আহ্লাদ জন্মিতেছে,  
যেহেতু ইংলণ্ডাধিকৃত ভারতবর্ষীয় লোকদিগের মধ্যে কতিপয় লোকের  
এরূপ সংস্কার ছিল, যে রাজ্যাধিপতির স্বজাতীয় ভাষা প্রচারে যাদৃশ  
উদ্যোগ অমুরাগ এবং রাজস্বব্যয়, গোড়ীয়ভাষার প্রতি তাদৃশ নাই  
কিন্তু এইরূপে হিন্দুকালেজের অন্তঃপাতি এতৎ পাঠশালাসংস্থাপনে

দ্বারা বিদ্যোপার্জন করান যাইবেক, অর্থাৎ যে ভাষা তাহার মাতৃ-  
ক্রোড়াবধি লালন পালনদ্বারা অভ্যাস করিয়া তদ্বারা জ্ঞাত পদার্থে  
সংস্কার প্রাপ্ত হইয়া আসিতেছে, অতএব ইহাতে তাহাদিগের অপ্রাপ্ত  
সংস্কার যে ভাষান্তর তদভ্যাসের শ্রমনিবৃত্তি হওয়াতে অনায়াসে  
প্রয়োজনোপযোগি বিদ্যা অভ্যাস করিবেক ।.....

এতৎ পাঠশালাতে যেহ বিদ্যা শিক্ষা দেওয়া যাইবেক তাহা  
কথিত হইল, এবং বালকেরা ঐ সকল বিদ্যাতে পারগ হইলে যেরূপ  
বিদ্বান্ হইতে পারিবেক তাহা সভাস্থ মহাশয়দিগের অবশ্য অমুভূত  
হইতেছে । এই গুরুতর প্রার্থনীয় কৰ্ম্ম নির্বাহের নিমিত্তে যে সকল  
শিক্ষক নিযুক্ত হইয়াছেন তন্মধ্যে প্রধানকর্ম্মের ভার হিন্দুকালেক্তের  
অধ্যক্ষ মহাশয়েরা আমার প্রতি অর্পণ করিয়াছেন এবং উপযুক্ত  
সহকারীও দিয়াছেন আমিও আহ্লাদ পূর্বক এই মহোপকারি বিষয়ে  
ভার গ্রহণ করিয়াছি... ।

এক্ষণে আমি আশ্বাস করি যে আমার অধ্যাপকতাবস্থায়  
এতন্মহোপকারি আদি পাঠশালাস্থ কতিপয় ছাত্র শৈশবাবস্থায় মাতৃ-  
ক্রোড়রূপ সুখশয্যাতে উপদেশব্যতিরেকে শ্রবণানুসারে যে ভাষা  
অভ্যাস করিয়াছে সেই ভাষাদ্বারা উৎকৃষ্ট বিজ্ঞ হইবে এবং অন্যৎ শুভাদৃষ্ট  
বশত এই আকাজিক্ত বিষয় সুসম্পন্ন হইলে এমত প্রত্যাশা করি যে  
ভারতবর্ষীয় ইতিহাসবেত্তারা স্বয়ং গ্রন্থে উক্ত বৃত্তান্তসম্বলিত মদীয় নাম  
সংকলন করিবেন ।

অপর, বোধ হয় যে এতন্মহোপকারি কৰ্ম্মসাধনার ভার পরমেশ্বর  
কর্তৃক অন্যৎপ্রতি নির্ধারিত ছিল এবং ইহাও তাহার মানস ছিল যে  
হৃতদেশের পুনঃসভ্যাবস্থা মহাশয়দিগের দৃষ্টি গোচর হইবেক ।

এই অভীষ্ট বিষয়ের সিদ্ধি তৎকালে হইবেক যৎকালে এতৎপ্রধান

পাঠশালাহইতে সুশিক্ষিত ছাত্র ইংলণ্ডাধিকৃত ভারতবর্ষের দেশে, নগরে, গ্রামে, এবং কুটীরদ্বারে শিক্ষকরূপে প্রেরিত হইতে পারিবেক, সম্প্রতি এই সকল বাক্য মনঃকল্পিত প্রায় বোধ হইলেও ভবিষ্যৎকাল যদি বিশ্বাস যোগ্য হয় তবে মদুস্ত ভবিষ্যৎকাল এতৎ শকাব্দীয় শতাব্দে পরিবর্ত হওনের পূর্বে অবশ্য সুসিদ্ধ হইবেক এবং তৎকালে ইংলণ্ডাধিকৃত ভারতবর্ষস্থ ব্যক্তিদিগের লৌকিক ও পারমার্থিক স্বাধীনতা স্বয়ং দেদীপ্যমানা হইবেক ।

এক্ষণে দেশনিয়মানুসারে প্রসিদ্ধ শ্লোকের আবৃত্তি পূর্বক জগদীশ্বরের নিকটে প্রার্থনা করিতেছি ।

বহুয়াহ্বাতি বাতোহয়ং সূর্যাস্তপতি বহুয়াং ।

বস্মাঙ্কিয়ঃ প্রবর্তন্তে ধে তে তর্জা ভবিষ্যতি ।

বাহার নিয়মে বায়ু সর্বদা বহিতেছেন ও বাহার ভয়ে সূর্য যথাযোগ্যকালে উত্তাপ দিতেছেন, এবং যিনি অন্তর্যামী হইয়া বুদ্ধি-বৃত্তিকে প্রেরণ করেন, তিনি তাবতের প্রতিপালক হউন । শ্রীরামচন্দ্র শর্মাণঃ । সংস্কৃত এবং গোড়ীয়ভাষাধ্যাপকশ্রী হিন্দুকলেজ পাঠশালা । কলিকাতা । ৬ মাঘ সন ১২৪৬ সাল ।

৬ । শিশুসেবধি : বর্ণমালা ।\* ইং ১৮৪০ (৭)

ইহা দুই খণ্ডে প্রকাশিত হয় । দ্বিতীয় খণ্ডটি ( পৃ. ৫৬ ) বঙ্গীয়-সাহিত্য-পরিষদে আছে ; ইহার আখ্যাপত্র ও সূচী উদ্ধৃত করিতেছি :

\* 'শিশুসেবধি'তে গ্রন্থকারের নাম দেওয়া নাই, কিন্তু ইহা যে রামচন্দ্রেরই রচনা, তাহার প্রমাণ ১৮৪০-৪২ খ্রীষ্টাব্দের শিক্ষা-বিষয়ক সরকারী রিপোর্টে আছে । এই রিপোর্টে হিন্দুকলেজ সংলগ্ন 'পাঠশালা'র ব্যবহারার্থ সঙ্কলিত বাংলা পুস্তকের যে তালিকা আছে, তাহাতে প্রকাশ :—

Spelling Book in 2 Parts. Prepared by Ramchunder Bydabaugis, the Professor of the Pautsalah, for the use of the School. A revised edition ready for the Press.

শিশুসেবধি। ২ সংখ্যা। বালক শিক্ষার্থ পাঠ সংযুক্ত।  
বর্ণমালা। হিন্দুকালেজের অধ্যক্ষ মহাশয়দিগের আদেশে পাঠশালার  
ব্যবহারার্থে সংগৃহীত। হিন্দুকালেজ শ্রীব্রজমোহন চক্রবর্ত্তির প্রজ্ঞায়স্তে  
যুগ্মাঙ্কিত হইল। সন ১২৪৬।

সূচী :—চতুরক্ষর শব্দ, পঞ্চাক্ষর শব্দ, ষড়ক্ষর শব্দ (পৃ. ১-১২)।  
তিথি ও পক্ষের নাম, নক্ষত্রের নাম, নব গ্রহের নাম, দ্বাদশ রাশির  
নাম, কাল নিরূপণ, দিক্ নিরূপণ (পৃ. ১২-১৪)। বালকোপযোগি  
—ব্যাকরণের সংগৃহীত কিয়দংশ (পৃ. ১৫-৩১)। জাতিমালা  
(৩২-৪৫)। ব্রাহ্মণের বিদ্যা সম্বন্ধি উপাধি, বিষয়ের উপাধি, বৈদ্যের  
বিদ্যা সম্বন্ধে উপাধি (পৃ. ৪৫-৪৬)। পাঠ—ইন্দ্রিয় সংযম ও  
সত্যকথন প্রয়োজন (পৃ. ৪৭-৫৬)।

৭। নীতিদর্শন। ইং ১৮৪১।

(ক) নীতিদর্শন উপদেশ ১ সংখ্যা হিন্দুকালেজান্তর্গত বাঙ্গালা  
পাঠশালার ছাত্রদিগের হিতার্থে অধ্যাপক শ্রীরামচন্দ্র বিদ্যাবাগীশ কর্তৃক

কলিকাতা স্কুলবুক-সোসাইটির সম্পাদক ইয়েট্‌স সাহেব রামচন্দ্রের পুস্তকখানির  
২য় খণ্ড সম্বন্ধে এই রিপোর্টে মন্তব্য করেন :—

“From pages 32 to 47 of the Second Spelling Book, the whole is  
occupied on the names belonging to the different *castes*, and is calcula-  
ted to foster ideas which has better be left to fall into oblivion. The  
concluding chapter contains a few good remarks on subduing the  
passions, and speaking the truth; but in the commencement of it  
there are some statements which agree with Hindoo Philosophy better  
than with European; such for instance as at page 47, where it is said  
that the skin is the originator and communicator of all feeling, and  
again in the same page, that the *organ* by which we speak is a *word*.—  
General Report of the late General Committee of Public Instruction,  
for 1840-41 & 1841-42, App. No. VI, pp. xxxvi, xl.

উল্লিখিত বিবরণের সহিত ‘শিশুসেবধি’র হুবহু মিল আছে। সুতরাং Spelling  
Book ও ‘শিশুসেবধি’ যে অভিন্ন, সে সম্বন্ধে সন্দেহের কোন অবকাশ নাই।



বিবৃত। ২১ মাঘ ১২৪৭ সাল। হিন্দু কালেজ মৃজাপুরস্থ  
শ্রীব্রজমোহন চক্রবর্ত্তির প্রজ্ঞায়ন্ত্রে মুদ্রিত। [ পৃ. ৯ ]

( খ ) নীতিদর্শন পিতাপুত্রের পরস্পর কর্তব্য উপদেশ ২ সংখ্যা  
হিন্দুকালেজাস্তর্গত বাঙ্গালা পাঠশালার ছাত্রদিগের হিতার্থে অধ্যাপক  
শ্রীরামচন্দ্র বিদ্যাবাগীশ কর্তৃক বিবৃত। ২৯ ফাল্গুন ১২৪৭ সাল।  
হিন্দুকালেজ মৃজাপুরস্থ শ্রীব্রজমোহন চক্রবর্ত্তির প্রজ্ঞায়ন্ত্রে মুদ্রিত।  
[ পৃ. ১১ ]

প্রথম সংখ্যা 'নীতিদর্শন' হইতে কিঞ্চিৎ উদ্ধৃত করা গেল :

[ পৃ. ৮ ] পূর্বলিখিত উপদেশ আপাততঃ কতিপয় শ্রেণীতে  
বিভক্ত করিয়া ক্রমশঃ ব্যাখ্যা করা যাইতেছে ॥ যথা ॥

- ১ ভূমিকা, অর্থাৎ নীতিদর্শনোপদেশের প্রয়োজন, এবং উপকার।
- ২ মাতা পিতা ও সন্তান উভয়ের পরস্পর কর্তব্য এবং বিধি।
- ৩ বিদ্যাভ্যাসের প্রয়োজন এবং উপকার।
- ৪ সত্যের মাহাত্ম্য এবং অসত্যের দোষ।
- ৫ কৃতজ্ঞতার প্রয়োজন এবং আবশ্যিকতা।
- ৬ মিত্রতা ফল, ও পরস্পর কর্তব্যতা।
- ৭ পরোপকার প্রয়োজন।
- ৮ ইন্দ্রিয় সংযম।
- ৯ নম্রতার উপকার।
- ১০ স্বদেশপ্ৰীতি।
- ১১ প্রতিহিংসা।
- ১২ বিবাহ সংস্কারের উপকার, এবং বহুত্বের দোষ।
- ১৩ লাম্পট্য দোষ।
- ১৪ দ্যুতক্রিয়া নিষেধ।

- ১৫ দানের সাহিত্যিকতা ।
- ১৬ ইতিহাসোপদেশের প্রয়োজন ।
- ১৭ দেশপর্যটনের উপকার ।
- ১৮ বাণিজ্যের উপকার ।
- ১৯ সন্ধিবিগ্রহ ।
- ২০ রাজার প্রয়োজন, ও দেশবিশেষে তাহার অবস্থার ভিন্নতা ।
- ২১ প্রজাগণের স্বাধীনতা ও রাজাজ্ঞা প্রতিপালনের প্রয়োজন ।
- ২২ সন্যাসস্থা স্থাপনের আবশ্যিকতা ।
- ২৩ দেশাধিপতিরদিগের পরম্পর কর্তব্য ।
- ২৪ সমাপ্তি পরিচ্ছেদ ।

[ পৃ. ৯ ] পূর্বেকৃত উপদেশদ্বারা বিহিত কর্মজ্ঞান ও তদনুসারে কর্মানুশীলনরূপ যে নীতি ও তাহার জ্ঞান যে শাস্ত্রদ্বারা হয় তাহাকে নীতিশাস্ত্র কহে, উক্ত নীতি ঈশ্বরকৃত, ও দেশ বিশেষে সাধারণ লোক কৃত, আর দেশ রক্ষার্থ কৃত, এতদ্রূপে ত্রিবিধা হয়, এবং ঐ ত্রিবিধ কর্মের উপদেশ বক্ষ্যমাণ শ্রেণীতে বিশেষ রূপে বিবরণ করা যাইবেক, তদ্বারা নীতি উপদেশের উপকার বিশেষরূপে জ্ঞাত হইবেক ।

বালকদিগের প্রতি উপদেশ দেওনের জন্য এ উদ্যোগ হইতেছে, এ কারণ তাহাদিগের বোধ সুগমের নিমিত্ত সুলভ দৃষ্টান্ত ও প্রসিদ্ধ শব্দদ্বারা সংগৃহীত হওয়া উচিতবোধে যথাসাধ্য যত্ন বিহিত হইবেক ইতি ।

‘নীতিদর্শন’ পুস্তিকার প্রথম দুইটি সংখ্যা রাধাকান্ত দেবের লাইব্রেরিতে আছে । ব্রিটিশ মিউজিয়মে ‘নীতিদর্শনে’র ৩য়-৫ম সংখ্যা ( একত্রে মুদ্রিত ) আছে ।

# হরিহরানন্দনাথ তীর্থস্বামী

১৭৬২—১৮৩২

আনুমানিক ১৭৬২ খ্রীষ্টাব্দে সুখসাগরের নিকটবর্তী পালপাড়া গ্রামে  
রামচন্দ্র বিদ্যাবাগীশের জ্যেষ্ঠ ভ্রাতা নন্দকুমার বিদ্যালঙ্কারের  
জন্ম হয়।

প্রথম জীবনে নন্দকুমার বিদ্যালঙ্কার অধ্যাপনা করিতেন। ন্যায়দর্শন  
ও তন্ত্রশাস্ত্রে তাঁহার গভীর ব্যুৎপত্তি ছিল। তিনি পরে গার্হস্থ্য আশ্রম  
ত্যাগ করিয়া সন্ন্যাসাশ্রম অবলম্বন করেন এবং হরিহরানন্দনাথ তীর্থস্বামী  
কুলাবধূত নামে খ্যাত হন।

হরিহরানন্দ রাজা রামমোহন রায়ের এক জন ঘনিষ্ঠ বন্ধু ছিলেন।  
কেহ কেহ বলিয়াছেন, তিনি রামমোহনের গুরু; রামমোহন তাঁহার  
নিকট রীতিমত তন্ত্র অধ্যয়ন করিয়াছিলেন। রামমোহনের বয়স যখন  
১৪ বৎসর ( ইং ১৭৮৮ ), তখন তাঁহার সহিত রাধানগরে হরিহরানন্দের  
পরিচয় হয়। তদবধি উভয়ের মধ্যে ঘনিষ্ঠতা বিদ্যমান ছিল।\*

\* সুপ্রীম কোর্টে রামমোহন রায়ের সহিত তাঁহার ভ্রাতুষ্পুত্র গোবিন্দপ্রসাদ রায়ের  
বৈষয়িক মকদ্দমায় হরিহরানন্দ রামমোহনের পক্ষে এক জন সাক্ষী ছিলেন। ২৭ আগষ্ট  
১৮১৮ তারিখযুক্ত জবানবন্দীতে হরিহরানন্দ বলেন :—

“Nandakumar Vidyalkar of Manicktala in Calcutta Pundit aged  
fifty-six years or thereabout...He is a Brahmin and maintains himself  
by the donations and contributions of his disciples *shishyas*...He hath  
known the Defendant Rammohun Roy from the time that the said  
Defendant attained the age of fourteen years and hath ever since been  
on the most intimate terms with him.

সন্ন্যাসাশ্রম গ্রহণ করিবার পর হরিহরানন্দ দেশ পর্যটন করিয়া বেড়াইতেন। রামমোহন রায়ের রংপুরে অবস্থানকালে ( ইং ১৮০৯-১৮১৪ ) হরিহরানন্দ তথায় উপস্থিত হন। তিনি যে ১৮১২ খ্রীষ্টাব্দের জানুয়ারি মাসে তথায় ছিলেন, তাহার প্রমাণ—এই সময় রংপুরে নিম্পাদিত রামমোহনের বিষয়-সংক্রান্ত একটি দলিলে সাক্ষিস্বরূপ তাঁহার নামের স্বাক্ষর আছে।

১৮১৪ খ্রীষ্টাব্দের মাঝামাঝি রামমোহন রংপুর ত্যাগ করিয়া কলিকাতার স্থায়ী বাসিন্দা হন। হরিহরানন্দও রামমোহনের সহিত কলিকাতা আসিয়াছিলেন। এই সময় তিনি তদীয় কনিষ্ঠ ভ্রাতা রামচন্দ্র বিদ্যাবাগীশকে আনাইয়া রামমোহনের সহিত পরিচয় করাইয়া দেন।

কলিকাতায় অবস্থানকালে হরিহরানন্দ ‘কুলার্ণব’ তন্ত্র প্রকাশ করেন। তন্ত্রশাস্ত্রে তাঁহার অসাধারণ পাণ্ডিত্যের প্রত্যক্ষ নিদর্শন—‘মহানির্বাণ-তন্ত্রে’র\* তাঁহার রচিত টীকা। ১৭৯৬ শকাব্দে (ইং ১৮৭৪) আনন্দচন্দ্র বেদাস্ত্রবাগীশ ও হেমচন্দ্র ভট্টাচার্যের সম্পাদকতায় রামায়ণ যন্ত্রে বঙ্গাক্ষরে ‘মহানির্বাণ তন্ত্রম্ ( পূর্বকাণ্ডম্ )’ “কুলাবধূত

এই মকদ্দমায় নথিপত্রের সহিত নন্দকুমার বিদ্যালঙ্কার-স্বাক্ষরিত দুইটি দলিল আছে। একটির তারিখ ২০ ডিসেম্বর ১৭৯৯ ; ইহাতে তাঁহার নিবাস “সাং রঘুনাথপুর” বলা হইয়াছে। অপরটি তারিখ “রংপুর, ১৪ জানুয়ারি ১৮১২” ; ইহাতে তাঁহার নিবাস “সাং পালপাড়া” দেওয়া আছে। শিবনাথ শাস্ত্রী ভুলক্রমে “পালপাড়া”কে “মালপাড়া” করিয়াছেন।

\* কেহ কেহ মনে করেন, মূল মহানির্বাণতন্ত্রই হরিহরানন্দ কর্তৃক সংকলিত বা সংস্কৃত :—

“...it has been suggested that the Mahanirvana was a fabrication in whole or in part of Hariharananda.”—Avalon : Introduction to *Mahanirvan Tantra*, p. vii.

শ্রীমদ্‌হরিহরানন্দনাথভারতীবিবচিতয়া টীকয়া সহিতম্” মুদ্রিত হইয়া সর্বপ্রথম প্রকাশিত হয়।

কলিকাতায় অবস্থানকালে হরিহরানন্দ রামমোহন-প্রতিষ্ঠিত ‘আত্মীয় সভা’র অধিবেশনেও যোগ দিতেন। আত্মীয় সভায় শাস্ত্রীয় আলোচনা হইত। ইহার সেক্রেটারী বা নির্বাহক ছিলেন—বৈকুণ্ঠনাথ বন্দ্যোপাধ্যায়।\* এই সভায় সহমরণ-নিবেধক আলোচনাও চলিত।† সহমরণ-বিষয়ে সংবাদপত্রেও তখন খুব আন্দোলন চলিতেছিল। এই প্রসঙ্গে হরিহরানন্দের একখানি পত্র ১৮১৯ খ্রীষ্টাব্দের এপ্রিল মাসে ‘ইণ্ডিয়া গেজেটে’ প্রকাশিত হয়; পত্রখানি এইরূপ :—

TO THE EDITOR OF THE INDIA GAZETTE.

Sir,

Without wishing to stand forward either as the advocate or opponent of the concremation of Widows with the bodies of their deceased Husbands, but ranking myself among Brahmuns who consider themselves bound by their birth, to obey the ordinances and maintain the correct observance of Hindoo law, I deem it proper to call the attention of the public to a point of great importance now at issue amongst the followers of that law, and upon the determination of which the lives of thousands of the female sex depend.

In the year 1818, a body of Hindoos prepared a petition to Government, for the removal of the existing restrictions on burning Widows, in cases not sanctioned by any Shastur, while another body petitioned

মহানির্বাণতন্ত্রের হরিহরানন্দ-কৃত টীকা সহজে Avaton লিখিয়াছেন :—

“The Manuscript of the commentary which is with the editor, is almost entirely in the Raja’s handwriting. In the Beginning of each chapter of the Commentary the Raja writes *Om namo Brahmane*”... *Ibid.* p. viii.

\* B. N. Banerji : “Societies Founded by Rammohun Roy for Religious Reform.”—*The Modern Review*. February 1935, pp. 415-19.

† ‘সংবাদপত্রে সেকালের কথা,’ প্রথম খণ্ড (২য় সংস্করণ), পৃ. ৩০০ দ্রষ্টব্য।

for at least further restrictions, if not the total abrogation of the practice, upon the ground of its absolute illegality. Some months ago too, Bykunthanauth Banoorjee, Secretary to the Brahmyu or Unitarian Hindoo-community, published a tract in Bungla, a translation of which into English is also before the public, wherein he not only maintains that it is the incumbent duty of Hindoo Widows, to live as ascetics, and thus acquire divine absorption, but expressly accuses those who bind down a Widow with the corpse of her Husband, and also use bamboos to press her down and prevent her escape, should she attempt to fly from the flaming pile, as guilty of deliberate woman murder.

In support of this charge, as well as of his declaration of the illegality of the practice generally, he has adduced strong arguments founded upon the authorities considered the most sacred.

This tract we hear has been generally circulated in Calcutta, and its vicinity, and has also been submitted to several Pundits of the Zillah and Provincial Courts in Bengal, through the respective Judges and Magistrates. It is reported too, that consequent to the appearance of that publication, some Brahmuns of learning were requested by their wealthy followers to reply to that treatise, and I was therefore in sanguine expectation that the subject would undergo a thorough investigation.

This report has now entirely subsided, and the practice of burning Widows is still carried on, and in the manner which has been declared illegal and murderous. At this I cannot help astonishment ; as I am at a loss to conceive how persons can reconcile themselves to the stigma of being accused of woman murder, without attempting to shew the injustice of the charge, or if they find themselves unqualified to do that, without at least ceasing to expose themselves to the reiteration of such a charge by further perseverance in similar conduct. I feel also both surprise and regret that European Gentlemen, who boast of the humanity and morality of their religion, should conduct themselves towards persons who submit quietly to the imputation of murder, with the same politeness and kindness as they would shew to the most respectable persons ; I however must call on those Baboos and Pundits either to vindicate their conduct by the sacred authorities, or to give

up all claims to be considered as adherents of the Shasturs ; as if they do not obey written law, they must be looked upon as followers of blind and changeable custom, which deserves no more to be regarded with respect in this instance, than in the case of child murder. at Gunga Sagur, which has long ago been suppressed by Government. HURRIHURANUND.\* March 27, 1818.

মহর্ষি দেবেন্দ্রনাথের স্বরচিত জীবন-চরিতের এক স্থলে হরিহরানন্দের উল্লেখ আছে। তিনি লিখিয়াছেন :—

এখানে [ দিল্লীতে ] সুখানন্দ নাথ স্বামীর সঙ্গে আমার সাক্ষাৎ হইল। তিনি তান্ত্রিক ব্রহ্মোপাসক। হরিহরানন্দ তীর্থস্বামীর শিষ্য। এই হরিহরানন্দের সঙ্গে রামমোহন রায়ের বড় বন্ধুত্ব ছিল। তিনি রামমোহন রায়ের বাগানেই থাকিতেন। ইহারই কনিষ্ঠ ভ্রাতা রাম চন্দ্র বিদ্যাবাগীশ। আমি দিল্লীতে পহুঁছিবা মাত্রই সুখানন্দ স্বামী আমাকে আঙ্গুর প্রভৃতি পাঠাইয়া দিলেন। আমিও তাঁহাকে উপহার পাঠাইয়া দিলাম এবং তাঁহার সহিত সাক্ষাৎ করিতে গেলাম। তিনিও আমার সহিত সাক্ষাৎ করিতে আসিলেন। এইরূপে তাঁহার সহিত আমার দেখা সাক্ষাৎ, আলাপ পরিচয় হইল। সুখানন্দ স্বামী বলিলেন যে, “আমি এবং রামমোহন রায় উভয়েই হরিহরানন্দ তীর্থস্বামীর শিষ্য ; রামমোহন রায় আমার মতন তান্ত্রিক ব্রাহ্মাবধূত ছিলেন।”—‘পূজ্যপাদ শ্রীমহর্ষি দেবেন্দ্রনাথ ঠাকুরের স্বরচিত জীবন-চরিত’—প্রিয়নাথ শাস্ত্রী কর্তৃক প্রকাশিত (১৮৯৮), পৃ. ১৪৩।

শেষ-জীবনে হরিহরানন্দনাথ কাশীবাস করিতেছিলেন। তথায় ১৭ জানুয়ারি ১৮৩২ তারিখে তাঁহার মৃত্যু হয়। মৃত্যুকালে তাঁহার

\* ১১ এপ্রিল ১৮১৯ তারিখের ‘ক্যালকাটা জর্নালে’ (পৃ. ১১৯-১২০) উক্ত। হরিহরানন্দ ইংরেজী জানিতেন না, সুতরাং ইহা রামমোহনের রচনা হওয়া অসম্ভব নহে।

বয়সক্রম ৭০ বৎসর হইয়াছিল। তাঁহার মৃত্যুতে শ্রীরামপুরের ‘সমাচার দর্পণ’ যে প্রস্তাব লেখেন, নিম্নে তাহা উদ্ধৃত করিতেছি :—

নির্বাণপ্রাপ্তি ।—সুখসাগরের সমীপবর্ত্তি পালপাড়া গ্রামে নন্দ-  
কুমার বিদ্যালয়কার এক জন অধ্যাপক ছিলেন তিনি কলিকাতার  
সংস্কৃত বিদ্যা মন্দিরের ধর্ম্ম শাস্ত্রাধ্যাপক শ্রীযুত রামচন্দ্র বিদ্যাবাগীশের  
অগ্রজ। জ্ঞান দর্শনে এবং তন্মুখে বিদ্যালয়কার ভট্টাচার্য্যের একরূপ গতি  
ছিল যে সংপ্রতি তাদৃশ ছলভ বিশেষতঃ তাঁহার সহজুতা শক্তি যেকরূপ  
ছিল যে তাদৃক আমরা প্রায় দেখি না ইনি অল্প বয়সেই গৃহস্থাশ্রম  
পরিত্যাগ করিয়া নানা দেশ ও দিগদর্শন করিয়াছিলেন শেষে প্রায়  
বিংশতি বৎসর হইতে কাশীতে বাস করিতেন কাশীতে রাজাপ্রভৃতি  
অনেকে এবং কলিকাতা নগর ও পশ্চিম রাজ্যের লোকের মধ্যে  
অনেকেই তাঁহার নিকট দীক্ষিত হইয়াছিলেন কাশীতে বাসের মধ্যে  
প্রায় দ্বাদশ বৎসর হইবেক একবার কলিকাতা নগরে আগমন  
করিয়াছিলেন তৎকালে কুলার্ণবনামে এক গ্রন্থ তাঁহার দ্বারা প্রকাশিত  
হয় কাশী নগরের জনেরা তাঁহার অত্যন্ত মান করিতেন এবং আমরা  
শুনিয়াছি যে গৃহস্থাশ্রম পরিত্যাগের পরেই তেঁহ হরিহরানন্দনাথ  
তীর্থস্বামীকুলাবধূত পদবি প্রাপ্ত হইয়াছিলেন সম্প্রতি তিনি সত্তরি বর্ষ  
বয়স্ক হইয়া এই মাঘ মাসের পঞ্চম দিবস [ ১৭ জানুয়ারি ১৮৩২ ]  
পূর্ণিমা তিথিতে পূর্বাঙ্কসময়ে কাশীক্ষেত্রে সমাধিপূর্বক পরব্রহ্ম প্রাপ্ত  
হইয়াছেন ইঁহার মৃত্যুতে আমরা অবশ্য দুঃখিত হইলাম যেহেতু এতাদৃক  
লোক ইদানীং অত্যন্ত দুপ্রাপ্য। তাঁহার পরিবারের মধ্যে কেবল  
এক পুত্র শ্রীযুত মৃত্যঞ্জয় ভট্টাচার্য্য পিতৃব্যদের সহিত দেশে বাস  
করিতেছেন ।—‘সমাচার দর্পণ’, ১১ ফেব্রুয়ারি ১৮৩২ ।



সাহিত্য-সাধক-চরিত্রমালা— ১০

ঈশ্বরচন্দ্র গুপ্ত

১৮১২ - ১৮৫৯



# ঈশ্বরচন্দ্র গুপ্ত

ব্রজেন্দ্রনাথ বন্দ্যোপাধ্যায়



বঙ্গীয় সাহিত্য পরিষৎ

-২৪৩১১, আচার্য্য প্রফুল্লচন্দ্র রোড

কলিকাতা-৬

প্রকাশক  
কানাইচন্দ্র পাল  
সম্পাদক  
বঙ্গীয় সাহিত্য-পরিষৎ

প্রথম সংস্করণ—মাঘ, ১৩৪৮, দ্বিতীয় সংস্করণ—আশ্বিন, ১৩৪৯  
তৃতীয় সংস্করণ—মাঘ, ১৩৫০, চতুর্থ মুদ্রণ—চৈত্র, ১৩৫২  
পঞ্চম মুদ্রণ—ভাদ্র, ১৩৭০

মূল্য—পাঁচ টাকা

মুদ্রাকর—শ্রীমতী রেখা দে  
শ্রীহরি প্রিন্টার্স,  
১২২/৩ রাজা দীনেন্দ্র ষ্ট্রীট,  
কলিকাতা-৪

যে কানও দেশের সাহিত্য ও সমাজের ইতিহাসে আমরা দেখিতে পাই, নিতান্ত অফারনে আমাদের প্রবহমান জীবনধারায় বিপর্যয় ঘটাইয়া, সমুদ্রগর্ভে জনোন্মাদের মত কচিং এক-এক জন লোকের আবির্ভাব হয়, ইতিহাসের ধারাগাহিকতা বা ক্রমবিকাশের সহিত যাহাদের কোনও প্রত্যক্ষগোচর সম্পর্ক নাই, গ্রহ-উপগ্রহ-পরিব্যাপ্ত নিয়মতান্ত্রিক সৌরমণ্ডলে ধূমকেতুর আবির্ভাব-তিরোভাবের সহিত যাহাদের অভূতপূর্ব ও তিরোধানের তুলনা করা চলে। বাংলা-সাহিত্যক্ষেত্রে ঈশ্বরচন্দ্র গুপ্তকে এইরূপ প্রাকৃতিক বিপর্যয় বলিয়াই মনে হইতে পারে।

কিন্তু ইহা আপাতদৃষ্টির কথা। এবটু গভীর ভাবে অন্বেষণ করিয়া দেখিলে আমরা অনুরূপ দেখিব। আমরা বুদ্ধিতে পারিব, বাংলা দেশের সাহিত্য-সমাজ গুপ্ত-কবির আবির্ভাব অবগুস্তাবী এবং অমোঘ। বাংলা কাব্য-সাহিত্যের ইতিহাসেও তাঁহার স্থান অনন্যসাধারণ। নূতন ও পুরাতনের সন্ধিস্থলে দণ্ডায়মান থাকিয়া পুরাতন প্রবাহকে অব্যাহত রাখিয়াই তিনি নূতনের জন্ম খাত খনন করিয়া, তাহাতে নব নব ধারা প্রবাহিত করিয়াছেন। দুর্গম পার্বত্য প্রদেশের চির-পরিচরহীন কল্পধারাকে তিনি আপন বক্ষ বিদীর্ণ করিয়া গঙ্গোত্রীর মত আলো-বাতাসের রাজ্যে উৎসারিত করিয়াছিলেন বলিয়াছিলেন বলিয়াই মধুসূদন-বিহারীলাল-রবীন্দ্রনাথের সাধনা ও সিদ্ধি সম্ভব হইয়াছে এবং অন্য দিকে কবি ও শিল্পী ভারতচন্দ্রের কবি-টপ্পন-পাঁচালি-হাক-আখড়াইয়ের খিড়কি-ভাবে যে সমুদ্রহীন গ্রামাতায় বাংলা কবিতার অপমৃত্যু হইতে বদিয়াছিল, ঈশ্বরচন্দ্র চেষ্টায় তাহাই ঐশ্বর্য্য-সমারোহে উন্নীত হইয়া সদরের রাজপাটে নবজীবন ও মুক্তি লাভ করিয়াছে। বস্তুতঃ বাংলা কাব্য-সাহিত্যে পুরাতন ধারার তিনি শেষ কবি নব নূতন ধারার তিনি উদ্বোধক। এক দিকে তিনি হাক ঠাকুর,

## ঈশ্বরচন্দ্র গুপ্ত

রাম বহু, তিধুবাবু ( রামনিধি গুপ্ত ), গোঁজলা গুঁই, নিতাই বৈরাগী, রাম-  
নুসিংহ প্রভৃতি 'কবি'-কুলের শেষ ও সক্ষম প্রতিনিধি এবং অল্প দিকে  
ছারকানাথ, বঙ্কিমচন্দ্র, দীনবন্ধু, রঙ্গলাল ও মনোমোহনের ( বহু ) গুরু ও  
শিক্ষাদাতা তিনিই। নূতন ও পুরাতনের সংঘর্ষে যেখানে পথ-বিপর্যয়  
ঘটিয়াছে, ঠিক সেইখানেই তিনি আপনাকে মাইলষ্টোনের মত যুক্তিকাগড়ে  
প্রোথিত রাখিয়া বিরাজ করিতেছেন, হয়ত কালের প্রবাহে ধূলিভঞ্জে সে  
দিনের স্মৃষ্টি পরিচয়-চিহ্নটি ঢাকা পড়িয়াছে ইহার মধ্যে পরবর্তী যুগের  
বাঙালীদের অকৃতজ্ঞতা প্রকাশ পাইলেও সবটাই তাহাদের অপরাধ নহে।  
মহাকালের উর্দ্ধে সমস্ত ঘাত-প্রতিঘাতকে অবজ্ঞা করিয়া যে প্রতিভা  
আপনাকে সমুদ্রত রাখিতে পারে, ঈশ্বরচন্দ্র ঠিক সেই জাতীয় প্রতিভাবান  
ছিলেন না। দীনবন্ধুর সহিত তুলনা করিতে গিয়া স্বয়ং বঙ্কিমচন্দ্র  
বলিয়াছেন—

কবিও সহজে গুরুর অপেক্ষা শিক্ষাকে উচ্চ আসন দিতে হইবে। ইহা  
গুরুরও অগৌরবের কথা নহে।... আগেকার দেশীয় ব্যঙ্গ-প্রণালী এক জাতীয়  
ছিল—এখন আর এক জাতীয় ব্যঙ্গ আমাদের ভালবাসা জন্মিতেছে।  
আগেকার লোক কিছু মোটা কাজ ভাল বাসিত; এখন সরুর উপর  
লোকের অনুরাগ। আগেকার রসিক, লাঠিয়ালের ন্যায় মোটা লাঠি  
সজোরে শত্রুর মাথায় মারিতেন, মাথার খুলি কাটিয়া ঝাইত। এখনকার  
রসিকেরা ডাক্তারের মত, সরু লান্সেটখানি বাহির করিয়া, বখন কুচ  
করিয়া ব্যথার স্থানে বসাইয়া দেন, কিছু জানিতে পারা যায় না, কিন্তু  
হৃদয়ের শোণিত ক্ষতস্থে বাহির হইয়া যায়।...কবির প্রধান গুণ, সৃষ্টি-  
কৌশল। ঈশ্বর গুপ্তের এ ক্ষমতা ছিল না।—ভূমিকা : দীনবন্ধু  
মিত্রের গ্রন্থাবলী।

ঈশ্বরচন্দ্র খাঁটা বাংলা দেশের কবি, এই জন্তই আমাদের স্মরণীয়। তাঁহার জীবনী ও কাব্য সম্বন্ধে অল্পধাৰন করিলে তদানীন্তন বাংলা সমাজ ও সাহিত্য-জীবনের মূল কেন্দ্রটিও আমাদের লক্ষ্যগোচর হইবে। এই কেন্দ্র হইতে আমরা বাহির ও ভিতরের নানা ঘাত-প্রতিঘাতে বর্তমানে বিচ্যুত হইয়াছি বলিয়া পুরাতনের সঙ্গে যোগসূত্র খুঁজিয়া পাইতেছি না, অথচ জাতীয় জীবনের ক্রমোন্নতির পক্ষে এই সূত্র খুঁজিয়া বাহির করা একান্ত আবশ্যিক।

ঈশ্বরচন্দ্রকে বিস্মৃত হইবার অপর কারণ—মাইকেল মধুসূদন দত্ত। ষষ্টিমুদ্রা লিখিয়াছেন :—

১৮৫০/৬০ সাল বাঙ্গালা সাহিত্যে চিরস্মরণীয়—উহা নূতন পুরাতনের সন্ধিস্থল। পুরাণ দলের শেষ কবি ঈশ্বরচন্দ্র অন্তিমিত, নূতনের প্রথম কবি মধুসূদনের নবোদয়। ঈশ্বরচন্দ্র খাঁটা বাঙ্গালী, মধুসূদন ডাहा ইংরেজ।

সেই ইংরেজী য়ানার যুগে “ডাहा ইংরেজের” নিবট “খাঁটা বাঙ্গালী” পরাক্ত হইয়াছিলেন।

## জীবনী

১২১৮ বঙ্গাব্দের ২৫এ ফাল্গুন শুক্রবারে কাঁচরাপাড়ায় ঈশ্বরচন্দ্রের জন্ম হয়। পিতা হরিনারায়ণ গুপ্ত দরিদ্র ছিলেন, প্রথমে কবিরাজী করিতেন, পরে কবিরাজী ব্যবসায় ছাড়িয়া গ্রামের নিকট শেয়ালডাঙ্গার কুঠিতে মাসিক আট টাকা মাহিনায় চাকুরি করিতেন। ঈশ্বরচন্দ্রের মাতার মাম ছিল শ্রীমতী দেবী। দশম বৎসরে তাঁহার মাতৃবিয়োগ হওয়ার পর তিনি কলিকাতা জোড়াসাঁকোয় মাতুলালয়ে আশ্রয় পান। শৈশবে লেখাপড়া বিশেষ না শিখিলেও ঈশ্বরচন্দ্র অসাধারণ মেধাবী ও স্মৃতিধর ছিলেন। অতি শৈশব হইতেই মুখে মুখে ছড়া

ক্লাটিতে পারিতেন এবং কবি ও হাফ আখড়াইয়ের দলে গান বাঁধিয়া দিতেন । তিনি খুব হরমু ছিলেন, এবং তখন হইতেই মেকির উপর ষড়্গুস্ত ছিলেন । ১৫ বৎসর বয়সে গুপ্তি গাড়ার গৌহরি মল্লিকের কন্যা দুর্গামণি দেবীর সহিত তাঁহার বিবাহ হয় । বিশেষ কারণে তিনি আজীবন সংসার করেন নাই, কিন্তু স্ত্রীকে ভরণ-পোষণ করিয়াছেন । স্বীজাতির প্রতি তাঁহার স্বাভাবিক বিদ্বেষ ছিল ।

ঈশ্বরচন্দ্রের শিক্ষার অভাব উপলক্ষ্য করিয়া বঙ্কিমচন্দ্র লিখিয়াছেন—

তিনি বাল্যকালে যে সম্পূর্ণ শিক্ষালাভ করেন নাই, ইহা বড় দুঃখেরই বিষয় । তিনি সুশিক্ষিত হইলে, তাঁহার যে প্রতিভা ছিল, তাঁহার বিহিত প্রয়োগ হইলে, তাঁহার কবিত্ব, কাব্য, এবং সমাজের উপর আবিপত্য অনেক বেশী । • তাহা হইলে তাঁহার সময়েই বাঙ্গালা সাহিত্য অনেক দূর অগ্রসর হইত । বাঙ্গালার উন্নতি আরও ত্রিশ বৎসর অগ্রসর হইত ।

ছোড়াপাঁকোতে অবস্থানকালে পান্থরিমাঘ'টার সুবিখ্যাত গোপীমোহন ঠাকুরের পৌত্র যোগেন্দ্রমোহন ঠাকুরের সহিত তাঁহার বন্ধুত্ব হয় । এই বন্ধুত্বের ফলে ১৮৩১ খ্রীষ্টাব্দে ২৮ জানুয়ারি যোগেন্দ্রমোহনের সাহায্যে ও উৎসাহে এবং ঈশ্বরচন্দ্রের সম্পাদকতায় 'সংবাদ প্রভাকর'র জন্ম এবং ইহা হইতেই ঈশ্বরচন্দ্রের ভাগ পরিবর্তন । 'সংবাদ প্রভাকর' আবির্ভাবে তিন মাস পূর্বে তাঁহার পিতৃবিয়োগ হয় । তখন তাঁহার বয়স মাত্র উনিশ । ঈশ্বরচন্দ্রের সাংবাদিক জীবনের কথা অন্তর্ভুক্ত বিস্তারিত ভাবে আলোচিত হইয়াছে ।

কলিকাতা ও রফতুলের অনেক সভা-সমিতিতে সম্পাদক, পরিচালক ইত্যাদি ভাবে যোগদান করিয়া তিনি কালের গতির সঙ্গে সমানে তাল রাখিয়া গিয়াছেন । তিনি সুবিখ্যাত 'ভববোধিনী সভা,' টাকীর 'নীতিতরঙ্গিনী



সভা,' দর্জিগাড়ার 'নীতি-সভা' প্রভৃতি সভা-পদে থাকিয়া মধ্যে মধ্যে বক্তৃতা, প্রবন্ধ ও কবিতা পাঠ করিতেন। বঙ্কিমচন্দ্র সত্যই লিখিয়াছেন—

সে কাল আর এ কালে সন্ধিহানে ঈশ্বর গুপ্তের প্রাকৃত্যব ।

এ কালের মত তিনি নানা সভার সভ্য, নানা কুল কমিটির মেম্বর ইত্যাদি ছিলেন—আবার ও দিকে কবির দলে, হাক অধড়াইয়ের দলে গান বাঁধিতেন ।

ঈশ্বরচন্দ্র দীর্ঘজীবী ছিলেন না। ১৮৫২ খ্রীষ্টাব্দে ২০এ জাহুরারি ( ১০ মাঘ ১২৬৫ ) “শনিবার রজনী অন্ত্যমান দুই প্রহর এক ঘণ্টা কালে ভাগীর্থ্যাতীরে নীরে সজ্ঞানে” পরলোক গমন করেন। মৃত্যুকালে তাঁহার বয়স ৪৭ বৎসর ছিল ।

তিনি যে-সকল গ্রন্থ লিখিতে মনস্ত করিয়াছিলেন, অকালে মৃত্যুতে পতিত হওয়াতে তাহার অধিকাংশই অসম্পূর্ণ রহিয়া গিয়াছে। ঈশ্বরচন্দ্র গুপ্তের জীবনীর ইহাই অতি সংক্ষিপ্ত পরিচয় ।

১৮৫৬ খ্রীষ্টাব্দে প্রকাশিত ‘চতুর্দশপদী কবিতাবলী’ পুস্তক মাইকেল মধুসূদন দত্ত মহাশয় ঈশ্বরচন্দ্র গুপ্ত সম্বন্ধে যে প্রশস্ত-কবিতা লিখিয়াছিলেন, তাহা নিম্নে উদ্ধৃত হইল :—

### ঈশ্বরচন্দ্র গুপ্ত

শ্রেষ্ঠ-পথে বহি যথা ভীষণ ঘোবনে  
ক্ষণ কাল, অলপুঃ পয়োরাশি চলে  
বরিয়ান জলাশয়ে, দৈব-বিভ্রম্নে  
ঘটিল কি সেই দশা স্বয়ং-মণ্ডলে  
তোমার, কোবিদ বৈত ? এই ভাবি মনে,—  
নাহি কি হে যেহ তব বাক্যের দলে,

তব চিতা-ভস্মরাশি কুড়ায়ে যতনে,  
 স্নেহ-শিল্পে গড়ি মঠ, রাখে তার তলে ?  
 আছিলে রাখাল-রাজ কাব্য-ব্রজদামে  
 জীবে তুমি. নানা খেলা খেলিলা হরষে;  
 যমুনা হয়েছ পার ; তেঁই গোপগ্রামে  
 সবে কি ভুলিল তোমা ? স্মরণ নিকষে,  
 মন্দ-স্বর্ণ-রেখা-সম এবে তব নামে  
 নাহি কি হে জ্যোতিঃ, ভাল স্বর্ণের পরশে ?

### গ্রন্থাবলী

ঈশ্বরচন্দ্র বাংলা-সাহিত্যকে কি পরিমাণে সম্বন্ধ করিয়াছেন, নিম্নের তালিকা হইতে তাহার কিছু আভাস পাওয়া যাইবে।

১। কালীকীর্তন। ইং ১৮৩৩। পৃ ২৭।

শ্রীশ্রী তারা। ত্রিভুবন সারা। কালীকীর্তন গ্রন্থ। লোকান্তর গত ৮রামপ্রসাদ সেনের কৃত। শ্রীঈশ্বরচন্দ্র গুপ্তের যত্নানুসারে সংগ্রহণ পূর্বক সংশোধিত হইয়া কলিকাতাস্থ মুঙ্গাপুরে শ্রীব্রজমোহন চক্রবর্তির গুণাবর যন্ত্রে মুদ্রাঙ্কিত হইল। এই গ্রন্থ গ্রহণে ষাহার অভীলাষ হয় তিনি মোং জোড়াসাঁক চায়াদোবা পাড়ায় শ্রীঈশ্বরচন্দ্র গুপ্তের নিকট অথবা বাগবাজার নিবাসি শ্রীমহেশচন্দ্র ঘোষের বাটীতে স্বয়ং কিংবা লোক প্রেরণ করিলে প্রাপ্ত হইতে পারিবেন ইতি। শকাব্দা ১৭৫৫-ইং ১৮৩৩ সাল।

‘কালীকীর্তন’ই ঈশ্বরচন্দ্র গুপ্ত-প্রকাশিত প্রথম গ্রন্থ। এই পুস্তক-খানির ভূমিকাস্বরূপ তিনি ষায়া লিখিয়াছিলেন, নিয়ে তাহা উদ্ধৃত হইল।—

ঈশ্বরস্তু হৃদয়ে পদান্বজং সন্নিধায় শশিখণ্ডভালিকে ।

চণ্ডমুণ্ডমুখমুণ্ডখণ্ডনশ্রীস্তিমন্তরয় দেবি কালিকে ॥

অথ কালীকীর্তনানুষ্ঠান ।

স্বস্তি কবিরঞ্জনাপরনাম রামপ্রসাদসেনকালীভক্তাবতারাবতারিত নবীন পদাবলী কালীকীর্তনানুষ্ঠান ভক্তিরসপ্রধান মধুরগান পদাবলী পুস্তক অপ্রাচুর্য্য নিমিত্ত সমস্তোভাবে সর্বজনশ্রবণগোচর হয় নাই যদিও গায়ক দ্বারা অথবা অন্য কোনপ্রকারে তাহার যৎকিঞ্চিদংশ কোনও মহাশয়ের বর্ণপথগত হইয়াও থাকে তথাপি সমুদয় শ্রবণ বাতিরেকে তাদৃশাপূর্ব রসান্বাদন হইবার সম্ভাবনা হয় না ইহাতে তত্তদমহাশয়েরদেব যৎকিঞ্চিদংশ শ্রবণোত্তর কালে তত্তাবদংশ শ্রবণ স্পৃহাতে মনের বাগ্রতা সর্বদা থাকে ।

অপরক কালীকীর্তনব্যবসায়ি গাথক যে কয়েক জন দৃষ্ট হয় তাহাদের উচ্চারণানভিজ্ঞতা ও সামান্যতো অজ্ঞতা প্রযুক্ত গীতবর্তীর অভিপ্রত রস ভাবার্থব্যতিক্রমজন্ম রসভঙ্গ হওয়াতে শ্রবণ কালে মনে সুখোদয় না হইয়া বরং খেদোদয় হয় এবং এই পরকায় দোষে গ্রন্থবর্তীর দোষানুমান হওয়াতে তাহার এই মহাকীর্তি সুধাকরে কলঙ্কোদয় সম্ভাবনা হইলেও হইতে পারে ।

অতএব পূর্বেকৃত নানা দোষ পরীহারার্থ এবং ঐ অপূর্ণ গীত-গ্রন্থের অবৈকল্যরূপে ও প্রাচুর্য্যরূপে বহুকালস্থায়িত্বার্থ আমি আকরস্থান হইতে মূলপুস্তক আনয়নপূর্বক সংশোধিত করিয়া কালীকীর্তনপুস্তক যুদ্রিত করণে প্রবৃত্ত হইয়াছি ইহাতে সাধু সদাশয় মহাশয়েরা নয়নান্ত-পাত করিলে তাহারদের মনে কালীভক্তিবল্লভাসুরবুদ্ধি ও পরগুণগ্রাহিতা প্রকাশ হয় এবং গ্রন্থবর্তীর মহাকীর্তি চিরস্থায়িনী হয় এবং আমারকৃত এতাবৎ পরিশ্রমের সুফলসিদ্ধি হয় ।

সংশোধিতামপি যয়া বহুজপ্রয়ঃসৈর্গীভাবলীং পুনরিমাং প্রতিশোধয়ন্ত ।

সন্তঃ স্মশান্তনঃনাস্তনিরীক্ষণেন কৃড়া কুপামিহ মরীশ্বরচন্দ্র গুপ্তে ॥\*

পরবর্তী কালে—১ শে ১৯৬০ সালের 'সংবাদ প্রভাকরে' ঈশ্বরচন্দ্র কবিরঞ্জন ও ভ্রামপ্রসাদ সেনের 'জীবন বৃত্তান্ত' এবং তাঁহার প্রণীত 'কালীকীর্তন' ও কৃষ্ণ-কীর্তনাভিধানভক্তি রসপ্রধান-মধুর গান এবং অবস্থাভেদের শান্তি, কক্ষণা, হাস্য, ভয়ানক, অদ্ভুত ও বীর প্রভৃতি কতিপয় রস ঘটিত পদাবলী\* প্রকাশিত করিয়াছিলেন। ইহা গুলুকাকারে প্রকাশ করিবার অভিলাষে তিনি ১৭ অক্টোবর ১৮৫৫ তারিখের 'সংবাদ প্রভাকরে' নিম্নোক্ত বিজ্ঞাপনটি প্রকাশ করেন—

কবিরঞ্জন ও ভ্রামপ্রসাদ সেন ।

উক্ত মহাশয়ার "জীবন চরিত" এবং তাঁহার প্রণীত সঙ্গীতাদি নানা বিষয়ক কবিতা সকল আমরা অবিলম্বেই টীকা সহিত গুলুকাকারে প্রকটন করিব, তাহার মূল্য নির্দিষ্ট করিয়া পবে প্রকাশ করা যাইবেক ।... এই বিষয় সংগ্রহ করণার্থ আমরা বিংশতি বৎসরাবধি গুরুতর পরিশ্রম করিয়াছি,...

বিন্দু শেষ পর্যন্ত এই পুস্তক প্রকাশিত হয় নাই ।

২। কবিরঞ্জন ও ভ্রামপ্রসাদ সেনের গুলুকাকারের জীবনবৃত্তান্ত ।

ইং ১৮৫৫। পৃ. ৩১ ।

ঈশ্বরচন্দ্রের জন্মতিথি । কবিরঞ্জন ও ভ্রামপ্রসাদ সেনের গুলুকাকারের জীবন বৃত্তান্ত সংবাদ প্রভাকর সম্পাদক শ্রীঈশ্বরচন্দ্র গুপ্ত কর্তৃক সংগৃহীত ও বিরচিত হইয়া কলিকাতা প্রভাকর যন্ত্রে মুদ্রিত হইল । ১ অগাস্ট ১২৬২ সাল । এই গ্রন্থের মূল্য এক তকামাত্র ।

\* এই 'কালীকীর্তন' পুস্তকখানি ৪২শ ভাগ ২য় সংখ্যা (পৃ ৫৫-৬৩) 'নাহিত্য-পরিষৎ-পত্রিকা'য় পুনর্মুদ্রিত হইয়াছে ।

এই পুস্তকের ভূমিকায় ঈশ্বরচন্দ্র লিখিয়াছেন —

পূর্বে কয়েকজন কবির জীবনবৃত্তান্ত প্রকাশ করিয়া গত মাসের প্রথম দিবসের প্রভাকরে বিশ্ববিখ্যাত মহাকবি ভারতচন্দ্র রায় গুণাকরের জীবনচরিত উদ্ভিত করিয়াছি, এবং অত সেই বিষয় স্বতন্ত্ররূপে উদ্ভিত করিয়া পুস্তাকাকারে প্রকাশ করিলাম। এতদ্ব্যতীত উক্ত মহাশয়ের প্রণীত অনেকগুলীন অপ্রকাশিত উৎকৃষ্ট পদ প্রকটিত হইয়াছে,—দেই সকল কবিতা এ পর্যন্ত কাহারো নেত্র কর্ণের গোচর হয় নাই, তাহার মধ্যে সংস্কৃত, বাঙ্গালা, হিন্দি ও পারস্য ভাষার চমৎকার চমৎকার কবিতা আছে, যিনি অভিনিবেশ পূর্বক ভংপ্রতি দৃষ্টিক্ষেপ করিবেন, তিনিই আশ্চর্য্য অভিভূত হইবেন, তিনিই ভারতচন্দ্রের অসাধারণ ক্ষমতা ও পাণ্ডিত্য বিষয়ের প্রচুর প্রতিষ্ঠা করিতে থাকিবেন। অপিচ আমরা এই গ্রন্থে অন্নদামঙ্গল ও বিद्याবন্দরের কয়েকটি কঠিনতর ভাব-ভূষিত পূর্বার্থ ঘটিত কবিতা টীকা সহিত প্রকটন করিয়াছি, তাহাতে সকলের মনে সন্তোষের সঞ্চার হইতে পারিবেক।

বঙ্কিমচন্দ্র লিখিয়াছেন, “ইহাই ঈশ্বরচন্দ্রের প্রথম পুস্তক প্রকাশ।” এই উক্তি ঠিক নহে। ১৮৩০ খ্রীষ্টাব্দে ঈশ্বরচন্দ্র কর্তৃক প্রকাশিত ‘কালার্কান্ডন-গ্রন্থে’র কথা বঙ্কিমচন্দ্রের জানা ছিল না।

৩। প্রবোধপ্রভাকর। ইং ১৮৫৮। পৃ. ১১২।

ঈশ্বরো জয়তি। প্রবোধপ্রভাকর। প্রথম খণ্ড। জ্ঞানগুরু সর্ব-শাস্ত্রজ্ঞ শ্রীযুত পল্লনোচন ঞ্জায়রত্ন ভট্টাচার্য্য মহাশয়ের কৃপায় সংবাদ প্রভাকর সম্পাদক শ্রীঈশ্বরচন্দ্র গুপ্ত কর্তৃক বিরচিত হইয়া কলিকাতা, প্রভাকর খন্ডে মুদ্রিত হইল। সিমুলিয়ার অস্ত্রপাতি হোগোল-কুন্ডিয়ার দুর্গাচরণ মিত্রের ঙ্গীট ৪২ নম্বর ভবন। ১ চৈত্র ১২৩৪। ইহাতে পিতৃ-পুত্রের প্রমোত্তরচ্ছলে “কেবল নীতি এবং হিতোপদেশাদি

অন্যবিধ শিবকর বিষয় লিখিত হইয়াছে, গণ্ডের অপেক্ষা পণ্ডের অংশই অধিক।”

ঈশ্বরচন্দ্রের মৃত্যুর পর তাঁহার অনূজ রামচন্দ্র গুপ্ত তাঁহার যে সমস্ত রচনা পুস্তকাকারে প্রকাশ করেন, নিম্নে সেগুলির উল্লেখ করিতেছি। এই সকল রচনা প্রথমে ‘সংবাদ প্রভাকরে’ প্রকাশিত হইয়াছিল।

৩। হিত-প্রভাকর। ইং ১৮৬১। পৃ. ১১২।

HIT PROBHA-KUR. By the Late Baboo Issur-chundor Goopto. হিত-প্রভাকর। সংবাদ প্রভাকর সম্পাদক শ্রীরামচন্দ্র গুপ্ত কর্তৃক প্রকাশিত হইয়া কলিকাতা প্রভাকর যন্ত্রে মুদ্রিত হইল। সিমুলিয়ার অশ্রুপাত্তি হোগোলকুণ্ডিয়ার দুর্গাচরণ মিত্রের দ্বিটি ৪২ নং ভবনে। ১১ চৈত্র ১২৬৭।

গণ্ড-পণ্ডে বর্ণিত হিতোপদেশের গল্প এই পুস্তকের বিষয়বস্তু।

৪। মহাকবি ঈশ্বরচন্দ্র গুপ্ত মহাশয়ের বিরচিত কবিতাবলীর সার সংগ্রহ। ইং ১৮৬২।

রামচন্দ্র গুপ্তই সর্বপ্রথম ঈশ্বরচন্দ্রের কবিতাসংগ্রহ পুস্তকাকারে প্রকাশ প্রচার করিতে সক্ষম করেন। ইহার প্রথম তিন সংখ্যা প্রকাশিত হয় ১২৬১ সালে (ইং ১৮৬২)। প্রত্যেক সংখ্যায় ৩২ পৃষ্ঠা পরিমাণ লেখা থাকিত। প্রথম সংখ্যার আখ্যা-পত্রটি এখানে উদ্ধৃত করিতেছি—  
ঈশ্বরো জয়তি। মহাকবি ঈশ্বরচন্দ্র গুপ্ত মহাশয়ের বিরচিত কবিতাবলীর সার সংগ্রহ প্রথম ভাগ প্রথম সংখ্যা সংবাদ প্রভাকর সম্পাদক শ্রীযুক্ত রামচন্দ্র গুপ্তের দ্বারা সংগৃহীত হইয়া কলিকাতা সংবাদ প্রভাকর যন্ত্রে মুদ্রিত হইল। সন ১২৬১ সাল মূল্য প্রত্যেক ফরমার হিসাবে এক আনা মাত্র।

ইহার চতুর্থ সংখ্যা ১২৬৬ সালে, ৫ম-৭ম সংখ্যা ১২৮০ সালে, এবং ৮ম সংখ্যা ১৩৮১ সালে প্রকাশিত হয়; আর কোন সংখ্যা প্রকাশিত

হয় নাই বলিয়াই মনে হইতেছে। ১৩ মার্চ ১৮৭০ তারিখের 'সংবাদ প্রভাকরে' সম্পাদক রামচন্দ্র গুপ্তের একটি বিজ্ঞাপনে ইহার ৮ম সংখ্যা পর্যন্ত প্রকাশের সংবাদ আছে।

এখানে উল্লেখ করা প্রয়োজন, রামচন্দ্র গুপ্তের সংস্করণ ছাড়া ঈশ্বরচন্দ্রের গ্রন্থাবলীর অন্ততঃ আরও তিনটি সংস্করণ পরবর্তী কালে প্রকাশিত হইয়াছিল। নিম্নে তাঁহার গ্রন্থাবলীর একটি তালিকা দেওয়া হইল।—

(ক) কবিতাসংগ্রহ। সংবাদ প্রভাকর হইতে সংগৃহীত ঈশ্বরচন্দ্র গুপ্ত প্রণীত কবিতাবলী। শ্রীবঙ্কিমচন্দ্র চট্টোপাধ্যায় কর্তৃক সম্পাদিত। শ্রীগোপালচন্দ্র মুখোপাধ্যায় কর্তৃক প্রকাশিত। [১৫ই আশ্বিন] ১২০২ সাল। পৃ. ৩৪৮।

ইহার ভূমিকায় বঙ্কিমচন্দ্র-লিখিত "ঈশ্বরচন্দ্র গুপ্তের জীবনচরিত্র ও কবিত্ব বিষয়ক প্রবন্ধ" মুদ্রিত হইয়াছে। পর-বৎসর ১লা মাঘ, ১২১০ সালে গোপালচন্দ্র মুখোপাধ্যায়ের সম্পাদকত্বে এই কবিতা-সংগ্রহের দ্বিতীয় খণ্ড (পৃ. ৩৪৮) প্রকাশিত হয়।

(খ) কবির স্বর্গীয় ঈশ্বরচন্দ্র গুপ্তের গ্রন্থাবলী। কালীপ্রসন্ন বিচারত্ন সম্পাদিত। বঙ্গমতী অফিস : আশ্বিন ১৩০৬। পৃ. ১৭-। বঙ্গমতী-অফিস হইতে পরে ১ম ও ২য় ভাগ গ্রন্থাবলী (পৃ. ৩৮) বঙ্কিমচন্দ্রের ভূমিকা সহ একত্রে প্রকাশিত হয়।

(গ) গ্রন্থাবলী। প্রথম খণ্ড। ঈশ্বরচন্দ্র গুপ্ত প্রণীত। শ্রীমণী শ্রদ্ধা গুপ্ত সম্পাদিত। ১৩০৮ সাল। পৃ. ৩৩৬।

ভূমিকায় সম্পাদক লিখিয়াছেন, "এই খণ্ডে, কবিতা-সংগ্রহে প্রকাশিত কবিতা ব্যতীত আরো অনেকগুলি কবিতা প্রকাশিত হইল।" এই গ্রন্থাবলীর দ্বিতীয় খণ্ড (পৃ. ৩৭৬) ১৩০৮ সালেই প্রকাশিত হয়।

এই সকল গ্রন্থাবলীতে ঈশ্বরচন্দ্রের সকল রচনাই স্থান পাইয়াছে।

এরূপ যেন কেহ মনে না করেন। 'সংবাদ প্রভাকরে'র পৃষ্ঠায় ঈশ্বর চন্দ্রের সম্পূর্ণ এক অসম্পূর্ণ বহু রচনা ছড়াইয়া আছে। এতদ্ব্যতীত 'বহুধা' পত্রিকায় ঈশ্বরচন্দ্রের নিম্নলিখিত কবিতাগুলি প্রকাশিত হইয়াছে, এগুলির সন্ধান হ্রদে অনেকেই রাখেন না।

১১শ বর্ষ ( ১৩১৮ ) পৃ. ১২২—লেখকগণের প্রতি উপদেশ

১২শ বর্ষ ( ১৩১৯ ) পৃ. ৫১—অত্র

পৃ. ৩৫—গোল আলুর গরু

১৩শ বর্ষ ( ১৩২০ ) পৃ. ৫-৭—বাল্য-বিবাহ

৬। বোধেন্দু বিকাশ। ইং ১৮৬৩। পৃ. ১৪০।

Bodhaindu Vicaśa. By the Late Baboo Issur Chunder Goopio. published by Ramchunder Goopio Editor of the Probhakar.

বোধেন্দু বিকাশ। প্রবোধচন্দ্রোদয় নাটকের অনুরূপ। অর্থাৎ কথামূল্যায়ণ বর্ণনা মহাকবি ঈশ্বরচন্দ্র গুপ্ত প্রণীত। প্রভাকর সম্পাদক শ্রীযুত রামচন্দ্র গুপ্ত কর্তৃক প্রকাশিত। কলিকাতা প্রভাকর যন্ত্রে মুদ্রিত। সিমুলিয়া নগরানন্দ দত্তের ষ্ট্রীট নং ৫৮ ১২৭০ সাল।

এই পুস্তকের "উপক্রমণিকা" অংশে "ঈশ্বরচন্দ্র গুপ্ত সংবাদ প্রভাকর সম্পাদক" লিখিয়াছেন :—

মদগ্রজ মহাকবি ঈশ্বরচন্দ্র গুপ্ত মহাশয় প্রবোধচন্দ্রোদয় নাটকের রূপক প্রণালী অবলম্বন পূর্বক মূললিখিত গদ্য পদ্য পুস্তিক "বোধেন্দু বিকাশ" নামক যে নাটক বিরচনা করিয়া গিয়াছেন, তাহা ছয় অঙ্কে সমাপ্ত হইয়াছে, এইক্ষেণে আমি এই প্রথম ভাগে তাহার প্রথম তিন অঙ্ক মুদ্রাঙ্কন করিয়া সাধারণ সমাজে প্রকাশ করিলাম, এই মহোপদেশপূর্ণ পরম-জ্ঞানানন্দপ্রদ নাটক প্রথমতঃ মাসিক প্রভাকরে প্রকাশিত হয়, পরে পুস্তকাকারে প্রকাশ করিবার নিমিত্ত কবিবর ইহার কোন কোন স্থান পুনর্বার সংশোধন, পরিবর্তন এবং নূতনরূপে রচনা করেন, মূলগ্রন্থে যেরূপ আছে, তাহা



অপেক্ষা প্রত্যেক বিষয়ের স্বভাব বর্ণনা করাতে গ্রন্থখানি অনেক বৃহৎ হইয়া উঠিয়াছে, সুতরাং এক ভাগে সমুদায়ংশ প্রকাশ করা বিবেচনাসিদ্ধ হইল না,...

৭। সত্যনারায়ণের ব্রতকথা । ইং ১৯১৩ । পৃ. ১২ ।

সত্যনারায়ণের ব্রতকথা । কবিবর ঈশ্বরচন্দ্র গুপ্ত বিরচিত । চুঁচুড়া, সাহিত্য-আলোচনা সমিতি হইতে প্রকাশিত । চুঁচুড়া, স.স্বতী প্রেসে—শ্রীবন্দাবনচন্দ্র দত্ত কর্তৃক মুদ্রিত । বিতরণের উদ্দেশ্যে । এই পুস্তিকার নিবেদন অংশ হইতে কিংকং উদ্ধৃত করিতেছি :—

চুঁচুড়া নিবাসী বালেশ্বরের প্রসিদ্ধ জমিদার উপদলোচন মণ্ডল মহাশয় যখন তাঁহার জমিদারীতে অবস্থান করিতেছিলেন, তখন পুণীধ মে মাইবার পথে কবিবর ঈশ্বরচন্দ্র গুপ্ত মহাশয় তাঁহার আতিথ্য গ্রহণ করেন । যথোচিত সমাদরপূর্বক মণ্ডল মহাশয় তাঁহাকে ছন্দোবন্দে সত্যনারায়ণের ব্রতকথা লিখিয়া দিতে অনুরোধ করেন ; তাহাতেই এই অমূল্য ব্রতকথা রচিত হইয়াছিল । গুণিতে পাওয়া যায়—এই সময় হইতে ডাডুয়া অঞ্চলে সত্যনারায়ণের পূজা প্রচলিত হয় ।

সন ১৩১২ সালে, চুঁচুড়া হইতে প্রকাশিত 'বঙ্গদর্পণ' পত্রে এই ব্রতকথা প্রথম প্রকাশিত হয় । সাহিত্য-ক্ষেত্রে সুপরিচিত শ্রীযুক্ত ব্রজবল্লভ কাব্যকণ্ঠ বিদ্যার্ণব মহাশয়ের ভূমিকা সম্বলিত হইয়া সম্প্রতি [১৩১৯ বঙ্গাব্দে] ইহাই অনুল্ল পুস্তকাকারে প্রকাশিত হইয়াছে ।

মূল পাণ্ডুলিপি হইতে এই পুঁথি মুদ্রিত হইল, সুতরাং অপর পুস্তকের সাহিত্য স্থানে স্থানে বিভিন্নতা পরিলক্ষিত হইবে । ইহা পয়ার ও ত্রিপদী ছন্দে রচিত, কিন্তু পুঁথির আকারে মুদ্রিত হইল বলিয়া ছন্দের ক্রম রক্ষিত হয় নাই ।...শ্রীবলাইচাঁদ চট্টোপাধ্যায় ।...

২৪শে ফাল্গুন সন ১৩১৯ সাল ।

## সাময়িক-পত্র পরিচালন

সংবাদিক হিসাবে সে যুগে ঈশ্বরচন্দ্রের দিনক্ষণ খ্যাতি ছিল। তিনি যে সকল পত্রিকা সম্পাদন করিয়াছিলেন, সেগুলির সংশ্লিষ্ট বিবরণ দেওয়া হইল।

### ‘সংবাদ প্রভাকর’

‘সংবাদ প্রভাকর’ বাংলা ভাষায় প্রকাশিত সর্বপ্রথম দৈনিক সংবাদপত্র। কিন্তু প্রথমে ইহা সাপ্তাহিকরূপে প্রকাশিত হয়। ইহার প্রথম সংখ্যা প্রকাশের তারিখ—২৮ জানুয়ারি ১৮৩১ ( ১৬ মার্চ ১২৩৭, শুক্রবার )। ‘সংবাদ প্রভাকর’ পত্রের বর্ণদেশে এষ্ট দুইটি শ্লোক মুদ্রিত থাকিত। শ্লোক দুইটি সংস্কৃত কলেজের অলঙ্কার-শাস্ত্রের অধ্যাপক প্রেমচন্দ্র তর্কবগীশের রচিত—

॥ সত্যমনস্তামরস প্রভাকরঃ সর্দৈব সর্কেষু সমপ্রভাকরঃ ॥

॥ উদ্দেশ্যে ভাষ্যং সকলাপ্রভাকরঃ সর্দর্শসংবাদনবপ্রভাকর ॥

॥০০০॥ নকুং চন্দ্রকরেণ তিন্নুকুলেষিন্দীবরেষু কচিদ্ভ্রামংভ্রামমতন্ত্রমীষদযুক্ত  
পীত্বা ক্ষুধাকাতরাঃ ॥০০০॥

॥০০০॥ অদ্যোদ্যমিলপ্রভাকরকরণোত্তিরপদ্যোদরে স্বচ্ছন্দং দিবসে পিবন্ত

চতুরশ্বান্তুধিরেফা রসং ॥০০০॥

‘সংবাদ প্রভাকর’ প্রকাশে ঈশ্বরচন্দ্রের সাহায্যকারী ছিলেন পাথুরিয়াঘাটার গোপীমোহন ঠাকুরের পৌত্র নন্দকুমার ঠাকুরের ছোট পুত্র যোগেন্দ্রমোহন ঠাকুর। যোগেন্দ্রমোহন ছিলেন ঈশ্বরচন্দ্রের সমবয়স্ক এক ঠাঁহার কবিতার গুণগ্রাহী। ঠাঁহারই ব্যয়ে ‘সংবাদ প্রভাকর’ প্রথমে চোরবাগানের একটি মুদ্রাঘরে মুদ্রিত হইত। কয়েক মাস পরে—

১২৩৮ সালের শ্রাবণ মাসে ঠাকুরবাড়ীতে 'সংবাদ প্রভাকর' মূদ্রণের জন্য একটি মূদ্রাঘর স্থাপিত হইল। কিন্তু ১২৩৯ সালে যোগেন্দ্রমোহন ঠাকুরের মৃত্যুতে "প্রভাকর করের অনাদররূপ মেঘাচ্ছন্ন হইল এবং এই প্রভাকর কর প্রচ্ছন্ন করিয়া কিছু দিন শুপুভাবে শুপু হইলেন।" দেড় বৎসর পরে—২৫ মে ১৮৩২ ( ১৩ জ্যৈষ্ঠ ১২৩৯ ) তারিখে ৩৯ সংখ্যা প্রকাশের পর 'সংবাদ প্রভাকর' পত্রের প্রচার রহিত হয়। ঈশ্বরচন্দ্র ইহারও মাস-তিনেক পূর্বে 'সংবাদ প্রভাকর'র সংস্রব ত্যাগ করিয়াছিলেন। 'সমাচার চন্দ্রিকা' লেখেন—

...প্রভাকর উদয়াবধি গত মাঘ মাস [ ১২৩৮ ] পর্যন্ত বিলক্ষণরূপে ধর্ম পক্ষ ছিলেন তৎপরে শুপু মহাশয় ঐ পত্রের পরিত্যাগ করিলে প্রভাকরের ধর করের কিঞ্চিৎ হ্রাস হইয়াছিল কলতঃ তৎকালেই ধর্মসভাধ্যক্ষদিগকে কিঞ্চিৎ বটাক্ষ করিয়াছেন। যাহা হউক তথাচ প্রভাকর একেবারে ধর্মদ্বেষ্টী হন নাই কেন না ধর্মাশ্রয় করিয়া জন্ম গ্রহণ করিয়াছিলেন। এইক্ষণে ঐ প্রভাকর প্রায় এক বৎসর চারি মাস বয়স্ক হইয়া ৩৯ সংখ্যক কিরণ প্রকাশ করিয়া গত ১৩ জ্যৈষ্ঠ শুক্রবার অস্তাচল-চূড়াবলম্বন করিয়াছেন আর তাঁহার দর্শন হওয়া ভার.....।

চারি বৎসর পরে, ১০ আগস্ট ১৮৩৬ ( ২৭ শ্রাবণ ১২৪৩ ) তারিখে 'সংবাদ প্রভাকর' পুনঃপ্রকাশিত হয়, তবে এগার সাপ্তাহিকরূপে নহে,— বারত্ময়িক ( সপ্তাহে তিনবার ) রূপে। ঈশ্বরচন্দ্র লিখিয়াছেন—

১২৪৩ সালের ২৭শে শ্রাবণ বুধবার দিবসে এই প্রভাকরকে পুনর্ব্বার বারত্ময়িকরূপে প্রকাশ করি তখন এই শুক্লতর কার্য সম্পাদন করিতে পারি আমাদিগের এমন সম্ভবনা ছিল না। অগদীশ্বরকে চিন্তা করিয়া এতৎ অসংসাহসিক কর্মে প্রবৃত্ত হইলে পাতুর্বেষাটানিবাগী সাধারণ মঙ্গলাভিলাষী বাবু কানাইলাল ঠাকুর

তদনুসৃত্তে বাবু গোপালচন্দ্র ঠাকুর মহাশয় যথার্থ হিতকারী বন্ধুর  
সহায়ে ব্যয়োগ্ণ্যুক্ত বহুল বিত্ত প্রদান করিলেন এবং অচ্যাবধি  
আমাদিগের আবশ্যকক্রমে প্রার্থনা করিলে তাঁহারা সাধমত উৎসাহ  
করিতে ক্রটি করেন না—‘সংবাদ প্রভাকর’, ১লা মৌসাম ১২৫৩।

এই ভাবে তিন বৎসর সন্ধ্যায় চ'লিবার পর ১৪ জুন ১৮৫০ ( ১ আষাঢ়  
১২৪৩ ) তারিখ হইতে ‘সংবাদ প্রভাকর’ দৈনিক সংবাদপত্রে পরিণত হয়।

‘সংবাদ প্রভাকর’ বহু বৎসর স্থায়ী হইয়াছিল। ইহা যে সে যুগের  
একখানি উচ্চাঙ্গের বাংলা সংবাদপত্র ছিল, তাহাতে সন্দেহ নাই।  
বঙ্কিমচন্দ্র চট্টোপাধ্যায়, দানবন্ধু নিভ্র প্রভৃতির প্রাথমিক রচনাগুলি ‘সংবাদ  
প্রভাকরে’ প্রকাশিত হয়।

‘সংবাদ প্রভাকর’ ঈশ্বরচন্দ্র গুপ্তের অধিতীয় কাঁড়ি; ইহাই এক দিন  
বাংলা-সাহিত্যের ভাগ্য-বিপাতা ছিল। তৎকালীন সম্রাট ধনবান, ও কৃতবিদ্য  
লেখক ও পাঠক-সম্প্রদায় ইহার পৃষ্ণোবক ছিলেন। বাংলা গল্প-  
রচনারাতি প্রভাকরের আদর্শে পরিবর্তিত হয়। বঙ্কিমচন্দ্র লিখিয়াছেন—

নিত্য নৈমিত্তিকের বাপার, রাষ্ট্রকীয় ঘটনা, সামাজিক ঘটনা,  
এ সকল যে রসময়ী রচনার বিষয় হইতে পারে, ইহা প্রভাকরই  
প্রথম দেখায়। আজ শিখের যুদ্ধ, কাল পৌষপার্কণ, আজ মিশনারি,  
কাল উমেদারি, এ সকল যে সাহিত্যের অধীন, সাহিত্যের সামগ্রী,  
তাহা প্রভাকরই দেখাইয়া ছিলেন। আর ঈশ্বর গুপ্তের নিজের কাঁড়ি  
ছাড়া প্রভাকরের শিক্ষানবিশদিগের একটা কাঁড়ি আছে। দেশের  
অনেকগুলি লক্ষপ্রতিষ্ট লেখক প্রভাকরের শিক্ষানবিশ ছিলেন।

ছাত্রদিগকে উৎসাহ দান ছাড়াও ঈশ্বরচন্দ্র ‘সংবাদ প্রভাকরে’  
প্রাচীন কবিগদ্যালাপনের গান সংগ্রহ করিয়া প্রকাশ করিতে থাকেন।  
বর্তমানে তাঁহাদের যে সবল বহিষ্ঠা ও গান আদর নানা সংগ্রহ-পুস্তকে

দেখিয়া থাকি, তাহার পনর আনাই ঈশ্বরচন্দ্র গুপ্তের সংগ্রহ। এই কাজে তিনি পরিশ্রম ও অর্থবয়ের ক্রটি করিতেন না। তিনি প্রায় দশ বৎসরকাল কবিতা সংগ্রহের জন্য বাংলার নানা স্থানে পর্যটন করিয়াছেন। ১৩ জানুয়ারি ১৮৭৫ ( ১ মাঘ ১২৬১ ) তারিখের 'সংবাদ প্রভাকরে' প্রাচীন কবি-প্রসঙ্গে ঈশ্বরচন্দ্র লেখেন :—

প্রাচীন কবি—...আমরা বহুকালাবধি নিয়ত নিকর চেষ্টা ও প্রচুর প্রযত্নে প্রকর পরিশ্রম পুরঃসর এ পর্য্যন্ত যাহা সংগ্রহ করিয়াছি, তাহার অবিকাংশ পত্রস্থ করিয়াছি, ক্রমে করিতেছি এবং ক্রমে ক্রমে আরো প্রকাশ করিব, কিছুই গোপন রাখিব না। যে উপায়ে হউক যত পাইব ততই মুদ্রিত করিব।

আমরা পূর্বে ৩রামপ্রসাদ সেন, ৩রামনিধি গুপ্ত অর্থাৎ নিধুবাবু, ৩রাম বহু, ৩নিতাইদাস বৈরাগী ও তাহার সাহায্যকারিগণ, ৩হর ঠাকুর, ৩মজু গোলাই, গোজলা গুঁই, কক মূগী ও লালু নন্দলাল প্রভৃতি কতিপয় মৃত কবিকে কীর্তির সহিত সজীব করিয়াছি। অন্ত আবার ৩রাম নৃসিংহ ও লক্ষ্মীকান্ত বিশ্বাসকে জীবিত করিলাম, অগ্ণাবধি ইহারা এই বিশ্ব বিপিনে অমর হইয়া বিচরণ করিবেন।...

'সংবাদ প্রভাকর' পত্রের মাস-পর্য্যন্ত কাগজে এই সকল কবিগুলার জীবনী ও রচনা মুদ্রিত হইয়াছিল; কয়েকটির তালিকা দিইতেছি—

কবিরঞ্জন রামপ্রসাদ সেন	...	১ আশ্বিন, ১ পৌষ- ১ মাঘ ১২৬০।
৩রামনিধি গুপ্ত ( নিধুবাবু )	...	১ শ্রাবণ, ১ ভাদ্র, ১২৬১।
৩রাম (মোহন) বহু	..	১ আশ্বিন, ১ কার্তিক, ১ অগ্রহায়ণ ১২৬১।
৩নিতাইদাস বৈরাগী	...	১ অগ্রহায়ণ, ১২৬১।
৩হর ঠাকুর	...	১ পৌষ ১২৩১।
৩রাম নৃসিংহ ও ৩লক্ষ্মীকান্ত বিশ্বাস	...	১ মাঘ ১২৬১।
৩কক মূগী, ৩লালু নন্দলাল, ৩গোজলা গুঁই	...	১ অগ্রহায়ণ ১২৬১।

ঈশ্বরচন্দ্রের একান্ত বাসনা ছিল, এই সকল কবিগোষ্ঠার রচনা তাঁহাদের জীবনচরিত-সমেত পুস্তকাকারে প্রকাশ করেন, কিন্তু তিনি তাহা করিয়া বাইতে পারেন নাই। এ কথা নিঃসন্দেহে বলিতে পারা যায়, ঈশ্বরচন্দ্র গুপ্ত হস্তক্ষেপ না করিলে বাংলার বহু প্রাচীন কবিসমূহ একেবারে লোপ পাইত। এই প্রবৃত্তির মূলে ছিল তাঁহার অসাধারণ দেশপ্ৰীতি।

### ‘সংবাদ রত্নাবলী’

বঙ্কিমচন্দ্র লিখিয়াছেন, “প্রভাকর সম্পাদন দ্বারা ঈশ্বরচন্দ্র সাধারণে খ্যাতিলাভ করেন। তাঁহার কবিত্ব এবং রচনাশক্তি দর্শনে আন্দুলের জমীদার বাবু জগন্নাথপ্রসাদ মল্লিক, ১২৩৩ সালের ১০ই শ্রাবণ ‘সংবাদ রত্নাবলী’ প্রকাশ করেন। ঈশ্বরচন্দ্র সেই পত্রের সম্পাদক হইলেন।”

‘সংবাদ রত্নাবলী’ একখানি সাপ্তাহিক সংবাদপত্র। ইহার সম্বন্ধে ঈশ্বরচন্দ্র নিজেই লিখিয়া গিয়াছেন—

বাবু জগন্নাথপ্রসাদ মল্লিক মহাশয়ের আশুকুল্যে মেছুয়া-বাড়ার অস্তঃপাতী বাঁশতলার গলিতে ‘সংবাদ রত্নাবলী’ আবির্ভূত হইল। মহেশচন্দ্র পাল এই পত্রের নামধারী সম্পাদক ছিলেন। তাঁহার কিছুমাত্র রচনাশক্তি ছিল না। প্রথমে ইহার লিপিকাৰ্য্য আমরাই নিষ্পন্ন করিতাম। রত্নাবলী সাধারণ সমীপে সাতিশয় সমাদৃত

\* ১৮০১ সালের বৈশাখ মাসে দক্ষিণেশ্বরনিবাসী শ্রীকেশবনাথ বন্দ্যোপাধ্যায় ‘সুন্দরভোজার বা প্রাচীন কবি-সঙ্গীত সংগ্রহ’ প্রকাশ করেন। তিনি বিভিন্ন স্থান হইতে এই সকল গীত সংগ্রহ করিয়াছিলেন।

রাজনারায়ণ বসুর ‘সেকাল আর একাল’ পুস্তকেও হর ঠাকুর, নিতাই বৈরাগী, পৌজলা গুঁই, আকট, নিফিরিজী প্রভৃতির গানের বিহু কিছু নিদর্শন আছে।

হইয়াছিল। আমরা তৎকর্মে বিরত হইলে, রঙ্গপুর ভূমিাধিকারী সভার পূর্বতন সম্পাদক ৮রাজনারায়ণ ভট্টাচার্য্য সেই পদে নিযুক্ত হইলেন।

—‘সংবাদ প্রভাকর’, ১ বৈশাখ ১২৫০।

২৪ জুলাই ১৮৩২ তারিখে প্রকাশিত হইয়া ‘সংবাদ রত্নাবলী’ “এক বৎসর আট মাস তিন দিবস” পর্য্যন্ত জীবিত ছিল। ঈশ্বরচন্দ্রের অন্তর্জ্ঞানামত্রে গুপ্তও লিখিয়াছেন—

গুণাকর প্রভাকর কর বহুকাল রত্নাবলীর সম্পাদকীয় কার্যে নিযুক্ত ছিলেন না, তাহা পরিত্যাগ করিয়া স্বক্ষিণ প্রদেশে শ্রীক্ষেত্রাদি সীর্থর্শনে গমন করিয়া কটকে পরম পূজনীয় শ্রীযুক্ত শ্রামামোহন রায় পিতৃব্য মহাশয়ের সদনে কিছু দিবস অবস্থান করিয়া এক জন অতি সুপণ্ডিত দণ্ডিত নিকট তন্ত্রাদি অধ্যয়ন করেন, এবং তাহার কিয়দংশ বঙ্গভাষায় সুশ্রিষ্ট কবিতায় অনূবাদও করিয়াছিলেন —‘সংবাদ প্রভাকর’, ১ বৈশাখ ১২৬৬।

### ‘পাষণ্ডপীড়ন’

২০ জুন ১৮৪৬ তারিখে ঈশ্বরচন্দ্র গুপ্ত প্রভাকর যন্ত্রানয় হইতে ‘পাষণ্ডপীড়ন’ নামে একখানি সাপ্তাহিক পত্র প্রকাশ করেন। ঈশ্বরচন্দ্র লিখিয়া গিয়াছেন—

১২৫৩ সালের আষাঢ় মাসের সপ্তম দিবসে প্রভাকর যন্ত্রে পাষণ্ডপীড়নের জন্ম হইল। ইহাতে পূর্বে কেবল সর্বজন মনোরঞ্জন শ্রেষ্ঠ প্রবন্ধপুস্তক প্রকটিত হইত, পরে ৫৪ সালে কোন বিশেষ হেতুতে পাষণ্ডপীড়ন, পাষণ্ডপীড়ন করিয়া, আপনি পাষণ্ড হস্তে পীড়িত হইলেন। অর্থাৎ সীতানাথ ঘোষ নামক জনৈক কৃত্রিম ব্যক্তি যাহার নামে এই পত্র প্রচারিত হয়, সেই অধাশ্মিক ঘোষ বিপক্ষের সহিত যোগদান

করত: ঐ সালের ভাদ্র মাসে পাষণ্ডীড়নের হেড চুরি করিয়া  
পলায়ন করিল, সুতরাং আমাদিগের বন্ধুগণ তৎপ্রকাশে বঞ্চিত হইলেন।  
ঐ ঘোষ উক্ত পত্র ভাঙের করে দিয়া পাতরে আছড়াইয়া নষ্ট করিল।  
—‘সংবাদ প্রভাকর’, ১ বৈশাখ ১২৫২।

‘সংবাদ ভাঙর’-সম্পাদক গৌরীশঙ্কর তর্কবাগীশ “পূর্বে বহুরূপে  
প্রভাকরের অনেক সাহায্য করিতেন” কিন্তু “১২৫৪ সালেই তর্কবাগীশের  
সহিত ঈশ্বরচন্দ্রের বিবাদ আরম্ভ এবং ক্রমে প্রবল হয়। ঈশ্বরচন্দ্র ‘পাষণ্ডীড়ন’  
এবং তর্কবাগীশ ‘রসরাজ’ পত্র অগলঘনে কবিতা যুদ্ধ আরম্ভ করেন।  
শেষে নিতান্ত অশ্লীলতা, গ্লানি, এবং কুংসাপূর্ণ কবিতায় পরস্পরে পরস্পরকে  
আক্রমণ করিতে থাকেন।”

### ‘সংবাদ সাধুবন্ধন’

‘পাষণ্ডীড়ন’ উঠিয়া ষাইবার পর ১২৫৪ সালের ভাদ্র মাসে  
(আগস্ট-সেপ্টেম্বর ১৮৪৭) ঈশ্বরচন্দ্র গুপ্ত ‘সংবাদ সাধুবন্ধন’ নামে আর একখানি  
সাপ্তাহিক পত্র প্রকাশ করেন। ইহা প্রতি সোমবার প্রভাকর বন্ধ হইতে  
প্রকাশিত হইত। ‘সাধুবন্ধন’ পত্রের কণ্ঠদেশে নিম্নলিখিত শ্লোকটি  
শোভা পাইত:—

প্রচণ্ড পাষণ্ড তরু প্রভঞ্জনঃ।	সমস্ত সলোক মনোহনুরঞ্জনঃ ॥
সদা সদা লোচন লোচনাঞ্জনঃ।	প্রকাশতে সম্প্রতি সাধুবন্ধনঃ ॥
।*] প্রচণ্ড পাষণ্ডরূপ তরুপ্রভঞ্জন।	সমস্ত সজ্জনগণ মননরঞ্জন ॥
।*। সদা সৎ মালোচন লোচন অঞ্জন।	সম্প্রতি প্রকাশ হল এ সাধুবন্ধন ॥

‘সংবাদ সাধুবন্ধন’ ঈশ্বরচন্দ্রের ছাত্রমণ্ডলীর কবিতা ও প্রবন্ধ স্থান  
পাইত। কিছু দিন পরে ‘সংবাদ সাধুবন্ধন’ পত্রের অবস্থা কিঞ্চিৎ সচ্ছন্ন  
হইলে, ঈশ্বরচন্দ্র তাঁহার জ্যেষ্ঠভ্রাতা নবকৃষ্ণ রায়ের নাম সম্পাদক-রূপে  
প্রকাশ করেন।



ঈশ্বরচন্দ্র গুপ্তের জীবনচরিতে বঙ্কিমচন্দ্র লিখিয়াছেন, “সাম্বন্ধে ‘সাম্বন্ধে’ ঈশ্বরচন্দ্রের মৃত্যুর পর কয়েক বর্ষ পর্যন্ত প্রকাশ হইয়াছিল।” এই উক্তি ঠিক নহে ঈশ্বরচন্দ্রের মৃত্যু হয় ১২৬৫ সালের ১০ই মাঘ। ‘সংবাদ সাম্বন্ধে’ পর-বৎসরের ( ১২৬৬ ) বৈশাখ মাস পর্যন্ত বাহির হইয়াছিল।

## কবিত্ব ও কবিতা

ঈশ্বরচন্দ্রের কবিত্ব ও কবিতা সম্বন্ধে কিছু বলা প্রয়োজন। তিনি নিজে ইংরেজী শিক্ষায় শিক্ষিত না হইলেও ঘূর্ণ-প্রভাবে আধুনিক ভাষায় ছাপ তাঁহার লেখায় পড়িয়াছে এবং তিনি আধুনিক বহু বিষয়কে কবিতায় ব্যক্ত করিয়াছেন। আচার্য্য কৃষ্ণচন্দ্র ভট্টাচার্য্য তাঁহার স্মৃতিরূপায় বলিয়াছেন :—

বাঙ্গালী ভাষার উন্নতিসাধন সম্বন্ধে যে সকল ব্যক্তির গুণকীর্তন করা আমাদের অভ্যাস হইয়াছে তন্মধ্যে ঈশ্বর গুপ্তের নাম যে সর্বোচ্চ শ্রেণীতে কীর্তিত হওয়া উচিত ভবিষ্যে সন্দেহ নাই।... আমার বোধ হয়, ঈশ্বর গুপ্তের বিষয়ে এতদেশীয় লোকের যে উদাসীনতা তাহার একটি প্রধান কারণ এই যে, তিনি গভর্ণমেন্টে নিকট বড় একটা জানিত ছিলেন না।

ঈশ্বরচন্দ্র গুপ্তের কবিত্ব সম্বন্ধে বঙ্কিমচন্দ্র বিস্তৃত আলোচনা করিয়াছেন। তাহা হইতে কিঞ্চিৎ উদ্ধৃত করিলেই ঈশ্বরচন্দ্র গুপ্তের কবিত্ব সম্বন্ধে সঠিক উত্তর পাওয়া যাইবে—

যক্ষ্মা-হৃদয়ের কোমল, গভীর উন্নত, অক্ষুট তাবলম্বি ধরিয়া তাহাকে গঠন দিয়া, অব্যক্তকে তিনি ব্যক্ত করিতে জানিতেন না। সৌন্দর্য্যস্বপ্নে তিনি তাদৃশ পটু ছিলেন না। তাঁহার স্মৃতিই বড়

নাই।...বিশ্ব তাঁহার যাহা আছে, তাহা আর কাহারও নাই।  
আপন অধিকারের ভিতর তিনি রাজা।...তিনি এই বাঙ্গালার  
সমাজের কবি। তিনি কলিকাতা শহরের কবি। তিনি  
বাঙ্গালার গ্রাম্যদেশের কবি।

তাঁহার বাহু সম্বন্ধে বহিঃক্ষেত্র বলিতেছেন—

ঈশ্বর গুপ্তের বাহুে কিছুমাত্র বিবেচ্য নাই। শত্রুতা করিয়া তিনি  
কাহাবেও গালি দেন না। .. কেবল আনন্দ। যে যেখানে সমুখে  
পড়ে, তাহাবেই ঈশ্বরচন্দ্র তাহার গালে এক চড়, নহে একটা  
কাণ্ডলা দিয়া ছাড়াই দেন— কারণ আর বিছুই নয়, দুই জনে  
একটু হাসিবার জন্ত।

ঈশ্বরচন্দ্রের অনেক কথা ও পদ এখন প্রবাদবাক্যে পরিণত হইয়াছে।  
অথচ আমরা অনেকেই সেগুলি ঈশ্বরচন্দ্রের বলিয়া অবগত নহি। দৃষ্টান্ত :-  
তদানীন্তন কলিকাতা সম্বন্ধে—

রেতে মশা দিনে মাছি,  
এই তাড়য়ে কল্কেতায় আছি।

ঈশ্বরকে সম্বোধন করিয়া—

তুমি হে আমার বাবা, “হাবা আত্মারাম”।

বিবিধের উপলক্ষ করিয়া—

বিড়ালান্ধী বিধুমুখী, মুখে গন্ধ ছুটে।

...

...

বিবিজ্ঞান চলে যান, লবেজ্ঞান কোরে।

বাঙ্গালী মেয়েদের সম্বন্ধে—

সিন্দূরের বিন্দু সহ কপালেতে উড়ি।

নসী জনী ক্ষেমী বামী, রামী শ্রামী গুল্কি ॥

মহারাজী ভিক্টোরিয়াকে স্তুতি করিয়া—

তুমি মা কল্পতরু, আমরা সব পোষা গোক,  
শিখি নি সিং বাকানো,  
কেবল খাব খোল বিচিলি ঘাস ।  
ধেন রাঙা আমলা, তুলে মামলা,  
গামলা ভাঙে না ।

আমরা ভূষি পেলেই খুঁসি হব,  
ঘুঁসি খেলে বাচব না ।

ইংরেজীরানাকে লক্ষ্য করিয়া—

বুঝি হুট বোলে, বুট পায়ে দিয়ে,  
চুরুট ফুঁকে স্বর্গে যাবে ।

পাঁঠা সম্বন্ধে—

এমন পাঁঠার নাম যে রেখেছে বোকা ।  
নিজে সেই বোকা নয়, ঝাড়ে বংশে বোকা ॥

দেশপ্রেম সম্বন্ধে—

কতরূপ স্নেহ করি, দেশের কুকুর ধরি,  
বিদেশের ঠাকুর ফেলিয়া ॥

স্তম্ভনকার দিনের নাটক সম্বন্ধে—

না-টক না মিষ্টি ।

বঙ্গদেশ সম্বন্ধে—

এত ভঙ্গ বঙ্গদেশ ভবু রঙ্গভরা ।

তঁাহার ভাষা সম্বন্ধে বহুবিধ বলাইয়াছেন—

তঁাহার বাঙ্গালা ভাষা বাঙ্গালা সাহিত্যে অতুল । যে ভাষায়  
তিনি পদ্য লিখিয়াছেন, এমন খাঁটি বাঙ্গালায়, এমন বাঙ্গালীর  
প্রাণের ভাষায়, আর কেহ পদ্য কি গদ্য কিছুই লেখে নাই ।

তাঁহাতে সংস্কৃতজনিত কোন বিকার নাই—ইংরেজি-বিলাসী বিকার নাই। পাণ্ডিত্যের অভিমানে নাই—বিশুদ্ধির বড়াই নাই। ভাষা হলে না, টলে না, বাঁকে না—সরল, সোজা পথে চলিয়া গিয়া পাঠকের প্রাণের ভিতর প্রবেশ করে। এমন বাঙ্গালীর বাঙ্গালী ঈশ্বর গুপ্ত ভিন্ন আর কেহই লেখে নাই—আর লিখিবার সম্ভাবনা নাই।

ঈশ্বরচন্দ্রের বিশেষ পরিচয় তাঁহার কাব্যের মধ্যে। তাঁহার কাব্যে ঋগ্বেদ কবিতায়—বিবিধ ভঙ্গিতে বিবিধ বিষয়ে লেখা, অধিকাংশই সাময়িক। সাময়িক হইলেও গুপ্ত কবির এই রচনা মুখে মুখে আমাদের কাল পর্যন্ত পৌঁছিয়াছে, অর্থাৎ ঈশ্বরচন্দ্রের এই সকল কবিতা মহাকালের দরবারে পরীক্ষিত হইয়া পাস-মার্ক পাাইয়াছে। তাঁহার তথাকথিত নাটকগুলির মধ্যেও কবিতা-অংশ কম নয়, সঙ্গীতও আছে। সাধারণ পাঠকের সুবিধার জন্য তাঁহার বিভিন্ন ধরণের কবিতার নমুনা নিয়ে দেওয়া হইল। তাঁহার ব্যাপকভাবে গুপ্ত-কবির কাব্যরস আশ্বাসন করিতে চান, তাঁহারা বঙ্কিমচন্দ্র-সম্পাদিত ‘কবিতাগুণ্ডমালা’ ও মণীন্দ্রকৃষ্ণ গুপ্ত-সম্পাদিত ‘গ্রন্থাবলী’ ব্যবহার করিবেন।

### সব হায় ফাক

ছনিয়ার মাঝে বাবা সব হায় ফাক, বাবা সব হায় ফাক।

ধনের গৌরবে কেন মিছা কর জাঁক, বাবা মিছা কর জাঁক ॥

পেয়েছ যে কলেবর, দৃশ্য বটে মনোহর,

মরণ হইলে পর, পুড়ে হবে থাক।

আমি আমি অহঙ্কার, আমার এ পরিবার

কোথায় রহিবে আর, আমি আমি থাক।

ছনিয়ার মাঝে বাবা সব হায় ফাক ॥

নিখাস হইলে রুক্ষ, মৃত্তিকায় দেহ শুষ্ক,  
চারি দিকে হবে শুষ্ক, রৌদ্রনের ঠাক ।  
মুদিলে ষুগল অঁাখি, সকল হইবে ফাঁকি,  
কোথায় রহিবে চাকি, ভেঙ্গ ঘাণে চাক্ ।  
ছনিয়ার মাঝে বাবা সব হায় ফাক্ ॥

মিথ্যা সূখে সদা রত, শত শত অনুগত,  
গৌরব করিয়া কত, গোপে দাও পাক্ ।  
পোষাকের দাম মোটা, জুতা পায়ে এড়ি এটা,  
৮ পাল জুড়িয়া কেঁ টা, শোভা বরে নাক্ ॥  
ছনিয়ার মাঝে বাবা সব হায় ফাক্ ॥

নারীর কোমল গাত্র, মদনের সুরাপাত্র,  
তাহার উপর মাত্র, মদনের তাক্ ।  
বসনে বিচিত্র সাজ, কাবার রঙ্গিন কাজ,  
শিরে দিবে বাঁকা তাজ, ঢেকে রাখ টাক্ ।  
ছনিয়ার মাঝে বাবা সব হায় ফাক্ ।

স্নেহ বরে পরিজন, সদাই সন্তুষ্ট মন,  
সুদে সুদে বাড়ে ধন, কত লাক্ লাক্ ।  
রাখিয়াছে বাপদাদা, ধপ্ ধপ্ বর্ণ শাদা,  
সারি সারি তোড়া বাঁধা, গোভে থাকে থাক ।  
ছনিয়ার মাঝে বাবা সব হায় ফাক্ ॥

হইয়া আশার বশ, ভ্রমে চাহ মিছা বশ,  
বিষয় বিষের রস, নহে পরিণাক্ ।

## ঈশ্বরচন্দ্র গুপ্ত

তুমি কেবা, কেবা পুত্র,            আপনার নাহি কুত্র,  
মিছামিছি মায়ানুত্র,            শেষ কুস্তীপাক্ ।  
ছনিয়ার মাঝে বাবা সব ছায় ফ'ক্ ॥

চিন্তা কর পরকাল,            নিকট বিকট কাল,  
উচ্চৈশ্বরে বাঞ্চে ভাল, শমনের ঢাক্ ।  
জীবন ছাড়িবে বোল,            না রহিবে কোন বোল,  
হরেকৃষ্ণ হরিবোল,            এই মাত্র ডাক্ ।  
ছনিয়ার মাঝে বাবা সব ছায় ফাক্ ॥

( 'সংবাদ প্রভাকর,' ২১ ভাদ্র ১২৫৫ )

## খল ও নিন্দুক

মহৎ যে হয় তার, সাধু ব্যবহার ।  
উপকার বিনা নাহি, জানে অপকার ॥  
দেখহ কুঠার করে, চন্দন ছেদন ।  
চন্দন সুবাস তাতে, করে বিচরণ ॥  
কাক কারো করে নাহি, সম্পদ হরণ ।  
কোকিল করেনি কারে, ধন বিতরণ ॥  
কাকের কঠোর রব বিষ লাগে কাণে ।  
কোকিল অখিলপ্রিয়, সুমধুর গানে ॥  
গুণময় হইলেই, মান সব ঠাই ।  
গুণহীনে সমাদর, কোনখানে নাই ॥  
শারী আর শুক পাখী, অনেকেই রাখে ।  
যত্ন করে কে কোথায়, কাক পুষে থাকে ?  
অধমে রতন পেল, কি হইবে ফল ?  
উপদেশে কখন কি, সাধু হয় খল ?

## কবিতা ও কবিতা

ভাল, মন্দ, দোষ, গুণ, আধারেতে ধরে ।  
ভুজঙ্গ অমৃত খেয়ে গরল উগরে ॥  
লবণ-জলধি-জল করিয়া ভক্ষণ ।  
জলধর করিতেছে, সুধা বরিষণ ॥  
সুমনে সুষণ গায়, কুষণ ঢাকিয়া ।  
কুজনে কুরব করে সুব নাশিয়া ॥

## নিগুণ ঈশ্বর

কাতর কিঙ্কর আমি, তোমার সন্তান ।  
আমার জনক তুমি, সবার প্রধান ॥  
বার বার ডাকিতেছি, কোথা ভগবান্ ।  
একবার তাহে তুমি, নাহি দাও কাণ ॥  
সর্বদিকে সর্ব লোকে, কত কথা কয় ।  
শ্রবণে সে সব রব, শ্রবণ না হয় ॥  
হায় হায় কব কায়, ঘটিল কি জালা ।  
জগতের পিতা হয়ে, তুমি হোলো কালী !  
... ..  
আবার কি কথা শুনি, প্রকৃতির কাছে ।  
তোমার নয়নে নাকি, দোষ ধরিয়াছে ?  
লোচনের দ্বার আর, না হয় মোচন ।  
অন্ধ হোয়ে পোড়ে আছ, করিয়া শয়ন ॥  
চারি দিকে আপনার, পরিবার যারা ।  
অনিবার হাহাকার, করিতেছে তারা ॥  
তুমি যদি অন্ধ হোয়ে, চক্ষু বুজে রবে ।  
আমাদের দশায় কি, হবে বল তবে ?

দৃষ্টিহীন যদি হয়, পিতার নয়ন ।  
স্বতের সন্তাপ তবে, কে করে হরণ ॥

... ..

অভিধান, অভিধান, রাখিয়াছে মুখ ।  
বিস্তৃত এ কি অসম্ভব, নাহি তব মুখ ॥  
মুখ হোয়ে মুখ নাই, বিমুখ হোয়েছ ।  
মুগ্ধ হয়ে একেবারে, নীরব রোয়েছ ।  
অজ্ঞ গজ চারিমুণ্ড, পাঁচমুণ্ড যারা ।  
নাহি বুঝি মাপানুণ্ড, কি বোলেছে তারা ॥  
শাস্ত্র সব মুখ বোলে, ডাকে কোন্ গুণে ।  
মুণ্ডপাত হইতেছে, মুণ্ড নাই গুনে ॥  
কাহিতে না পার কথা, কি রাখিব নাম ।  
তুমি হে, আমার বাবা, “হাবা আআরাম” ॥  
গোমার বদনে যদি, না করে বচন ।  
বেমনে হইবে তবে, বথোপকথন ?  
আমি যদি কিছু বলি, বুঝে অভিপ্রায় ।  
ইন্দোরায় ঘাড় নেড়ে, সায় দিও তায় ॥  
ভুমিতো আপন ভাবে, হইলে বিমুখ ।  
এই ভিক্ষে দীন সূত্রে, হও না বিমুখ ॥  
চরমে পরম পদ, যদি খাই ভুলে ।  
সে সময়ে একবার, চেও মুখ তুলে ॥  
তুমি হে ঈশ্বর গুপ্ত, ব্যাপ্ত ত্রিসংসার ।  
আমি হে ঈশ্বর গুপ্ত, কুমার গোমার ॥  
গুপ্ত হোয়ে, গুপ্ত সূত্রে, ছল কেন কর ?  
গুপ্ত কায় ব্যস্ত করি, গুপ্ত ভাব হর ॥



ইংরেজী নববর্ষ

...

...

...

খ্রীষ্টমতে মনোহর । নববর্ষ, অতি  
 প্রেমানন্দে পরিপূর্ণ, ষত শ্বেত নর ।  
 চারু পরিচ্ছদযুক্ত, রম্য কলেবর ।  
 নানা দ্রব্যে সুশোভিত অট্টালিকা ঘর ॥  
 মানমন্ডে বিবি সব, হইলেন ফ্রেগ ।  
 ফেরের ফোলোরিস্, ফুটিকাটা ডেস ॥  
 শ্বেত পদে শিলিপর, শোভা তায় মাখা ।  
 বিচিত্র বিনোদ বস্ত্রে, গলদেশ ঢাকা ॥  
 চিকন্ চিকনি চারু, চিকুরের জালে ।  
 ফুলের কোহারা আসি, পড়িতেছে গালে ॥  
 বিড়ালাকী বিধুমুখী, মুখে গন্ধ ছুটে ।  
 আহা তায় রোজ রোজ, কত রোজ ছুটে ॥  
 সুপ্রকাশ্য কিবা আশ্র, যুহুহাশ্র ভরা ।  
 অধরে অমৃত সুধা, প্রেমসুধাহরা ॥  
 গোলাবের দলে বিবি, গড়িয়াছে চিকি ।  
 অনঙ্গ স্রমরূপে, মাগে তথা ভিক ॥  
 মনোলোভা কিবা শোভা, আহা মরি মরি ।  
 রিবিগু উড়েছে কত, করু করু করি ॥  
 চল চল টল টল, বাঁকা ভাব ধোরে ।  
 বিবিধান চলে বান, লবেজান করে ॥

...

...

...

সাদীপরা এলোচুল, আশাধের বেন ।  
 বেসাক নেটিব সেডি, শেষ শেষ শেষ ।

। সন্দরের বিন্দু সহ, কপালেতে উল্লি ।  
 নদী, জলী, ক্ষেয়ী, বামী, রামী, শ্যামী, শুষ্কি ।  
 ঘরে থেকে চিরকাল, পায় মহাহুখ ।  
 কখনো দেখে না, পরপুরুষের মুখ ॥  
 এইরূপে হিন্দুয়ানা, শুদ্ধাচার রেখে ।  
 না পায় সুখের আলো, অন্ধকারে থেকে ॥  
 কোথায় নেটিব লেডি, বলি শুন সবে ।  
 পশুর স্বভাবে আর, কত কাল রবে ?  
 ধন্য রে বোতলবাসি, ধন্য লাল জল ।  
 ধন্য ধন্য বিলাতের, সভ্যতার বল ॥  
 দিশি কৃষ্ণ মানিনেকো, ঋষিকৃষ্ণ জয় ।  
 মেরিছাতা মেরিসুত, বেরিগুড বয় ॥  
 ঈশ্বর পরম প্রেম স্পর্শ করে থাকে ।  
 ধর্ম'ধর্ম' ভেদাভেদ, জ্ঞান নাহি থাকে ॥  
 ষা থাকে কপালে ভাই, টেবিলেতে খাব ।  
 ডুবিয়া ডবের টবে, চ্যাপেলেতে ষাব ॥  
 কাঁটা ছুরি কাজ নাই, কেটে ষাবে বাবা ।  
 দুই হাতে পেট ভরে, ষাব ষাবা ষাবা ॥  
 পাভরে ষাব না ভাত, গোটুহেল কালো  
 হোটেল হোটেল নাশ, সে বরণ ভালো ;  
 পুরিবে সকল আশা, ভেবো না রে মোত ।  
 এখনি সাহেব সেজে, রাখিব না মোত ।

### পৌষ-পার্বণ

সুখের শিশির কাল, সুখে পূর্ণ ধরা ।  
 এত ভদ্র বন্দনেন শুকু রতনরা ॥

ধনুর তনুর শেষ, মকরের যোগ ।  
 সন্ধিক্ষণে তিন দিন, মহা সুখ ভোগ ॥  
 মকর সংক্রান্তি স্নানে, জন্মে মহাকল ।  
 মকর মিতিন সহ, চল্ চল্ চল্ ॥  
 সারা নিশি জাগিয়াছি, দেখ সব বাসি ।  
 গঙ্গাজলে গঙ্গাজল, অঙ্গ ধুয়ে আসি ।  
 অতি ভোরে ফুল নিয়ে, গিয়াছেন মাসী ।  
 একা আমি আসিয়াছি, সঙ্গে লয়ে দাসী ॥  
 এসেছি বাপের কাছে, ছেলে মেয়ে ফেলে ।  
 র'ধাবাড়া হবে সব, আমি নেয়ে এলে ॥  
 ঘোর জ'ক বাজে শ'ক, যত সব রামা ।  
 কুটছে তগুল সুখে, করি ধামা ধামা ॥  
 বাউনি আউনি ঝাড়া, পোড়া আখ্যা আর ।  
 মেয়েদের নব শ'স্ত্র, অশেষ প্রকার ।  
 তুক্ তাক্ মহত্ত্ব, কতরূপ খ্যাল ।  
 পাদাড়ে ফুলিছে শাল্, শাল শাল্ শাল ॥  
 খোলায় পিটুলি দেন, হোয়ে অতি শুচি ।  
 ছ'য়াক ছ'য়াক শব্দ হয়, ঢাকা দেন মুচি ॥  
 উলুনে ছাউনি করি, বাউনি ঝাধিয়া ।  
 চাউনি কর্তার পানে, কাঁড়নি কাঁদিয়া ॥

...

...

মাগীদের নাহি আর, তিন রাত্রি ঘুম ।  
 গড়াগড়ি ছড়াছড়ি, রক্তনের ধুম ॥  
 সাবকাশ নাই মাত্র, এলোচুল বাঁধে ।  
 ডাল ঝোল বাছ শুভ, রাশি রাশি রানখে ।

কত তার কাঁচা থাকে, কত যায় পুড়ে ।  
 সাধে রাঁধে পরমান্ন নলেনের শুড়ে ॥  
 বধুর রক্তনে যদি, যায় তাহা একে ।  
 শান্তুড়ী ননদ কত, কথা কয় বেকে ॥  
 হ্যালো বউ, কি করিলি, দেখে মন চটে ।  
 এই রান্না শিখেছিস মায়ের নিকটে ?  
 সাত জন্ম ভাত বিনা, যদি মরি দুখে ॥  
 তথাচ এমন রান্না, নাহি দিই মুখে ॥  
 বধুর মধুর খনি; মুখ শতদল ।  
 সলিলে ভাগিয়া যায়, চক্ষু ছল ছল ॥  
 আহা তার হাহাকার, বুঝিবার নয় ।  
 ফুটিতে না পারে কিছু, মনে মনে রয় ॥  
 ভাগ্যফলে রান্না সব, ভাল হয় ধার ।  
 ঠাকারেতে মাটিতে পা, নাহি পড়ে তাঁর ।  
 হাসি হাসি মুখখানি অপরূপ আড়া ।  
 বেকে বেকে যান গিন্নী, দিয়ে নথ নাড়া ॥  
 হ্যাগা দিদি এই শাক, রাঁধিয়াছি রেতে ।  
 মাথা খাও সস্তি বল, ভাল লাগে খেতে ॥  
 দিকি দিস কেন বোন, হেন কথা কোয়ে ?  
 ষাট ষাট বেঁচে থাক, জন্ম এয়ো হোয়ে ॥  
 পুরুষেরা ভাল সব, বলিয়াছে খেয়ে ।  
 ভাল রান্না রেঁধেছিস্, ধন্য তুই মেয়ে ॥  
 এইরূপ ধুমধাম, প্রতি ঘরে ঘরে ।  
 নানা মত অহুঠান আহারের তরে ॥  
 ভান্না ভান্না ভান্না পুলি, ভেঙ্গে ভেঙ্গে ভোলে ।

সারি সারি হাঁড়ি হাঁড়ি কাড়ি করে কোলে ॥  
কেহ বা পিটুলি মাখে, কেহ কাই গোলে ।

আলু তিল গুড় ক্ষীর, নাড়িকেল আর ।  
গড়িতেছে পিটেপুলি, অশেষ প্রকার ॥  
বাড়ী বাড়ী নিমন্ত্রণ, কুটুম্বের মেলা ।  
হায় হায় দেশাচার, ধন্য তোর খেলা ॥  
কামিনী ষামিনীযোগে ; শয়নের ঘরে ।  
স্বামীর খাবার দ্রব্য, আয়োজন করে ॥  
আদরে খাওয়াবে সব, মনে সাধ আছে ।  
যেঁষে যেঁষে বসে গিয়া, আসনের কাছে ॥  
মাথা খাও, খাও বলি, পাতে দেয় পিটে ।  
না খাইলে বাঁকামুখে, পিটে দেয় পিটে ॥  
আকুলি বিকুলি কত, চুকুলির লাগি ।  
চুকুলি গড়িয়া হন, চুকুলির ভাগী ॥

... ..

ধন্য ধন্য পল্লীগাম, ধন্য সব লোক ।  
কাহনের হিসাবেতে, আহারের ঝাঁক ॥  
প্রবাসী পুরুষ যত, পোষড়ার রবে ।  
ছুটি নিয়া ছুটাছুটি, বাড়ী এনে সবে ॥  
সহরের কেনা দ্রব্য, বেড়ে যায় ঝাঁক ।  
বাড়ী বাড়ী নিমন্ত্রণ, মেয়েদের ডাক ॥  
কর্তাদের গালগল্প, গুড়ক টানিয়া ।  
কাঁটালের ওঁড়ি প্রায়, ভুঁড়ি এলাইয়া ॥

দুই পার্শ্বে পরিজন, মধ্যে বুড়ো বোসে ।  
 চিটে গুড় ছিটে দিয়ে, পিটে খান কোসে ॥  
 ভরুণী রমণী যত, একত্র হইয়া ।  
 তামাসা করিতেছে সুখে, জামাই লইয়া ॥  
 আহারের দ্রব্য লয়ে, কৌশল কোতুক ।  
 মাছে মাছে হাস্যরবে, সুখের ষৌতুক ॥

### পাঁটা

রসভরা রসময়, রসের ছাগল ।  
 তোমার কারণে আমি, হয়েছি পাগল ॥  
 স্বর্ণকুকী রত্নগর্ভা, জননী তোমার ।  
 উদরে তোমায় ধরে, ধন্য গুণ ভার ॥  
 তুমি যার পেটে যাও, সেই পুণ্যবান ।  
 সাধু সাধু সাধু তুমি, ছাগীর সন্তান ॥  
 ত্রিভাপেতে তরে লোক, তব নাম নিয়া ।  
 বাঁচালে দক্ষের প্রাণ, নিজ মুণ্ড দিয়া ॥  
 চাঁদমুখে চাঁপদাড়ি, গালে নাই খোপ ।  
 শূন্য খাড়া ছাড়া ছাড়া, লোমে লোমে খোপ ।  
 সে সময়ে অপরূপ, মনোলোভা শোভা ।  
 দৃষ্টি মাত্র নেড়ে গাত্র, কথা কয় বোবা ॥  
 স্বর্গ এক উপসর্গ, ফল তাহে কলা ।  
 দিবানিশি পড়ে থাকি, ধোরে তোর গলা ॥  
 চারি পায়ে হাঁদ দিয়া, তুলে রাখি বুকে ।  
 হাতে হাতে স্বর্গ পাই, বোকা গন্ধ সুঁকে ॥  
 শুধু যায় পেট ভোরে, পাঁটারাম দাদা ।  
 ভোজনের কালে যদি, কাছে থাকো বাঁধা ॥  
 শাদা কালো বর্টারূপ, বচি হারি গুণে ।

সাত পাত ভাত মারি, ভ্যা ভ্যা রব শুনে  
মহিমায় নাম ধর, শ্রীমহাপ্রসাদ ।

তোমার প্রসাদে যায়, সকল বিষাদ ॥

জাল দিতে কাল যায়, লাল পড়ে গলে ।

কাটনা কামাই হয়, বাটনার কালে ॥

ইচ্ছা করে কাঁচা খাই, সমুদয় লোয়ে ।

হাড়শুক গিলে ফেলি, হাড়গিলে হোয়ে ॥

মজাদাতা অজা তোর, কি লিখিব বশ ?

যত চুষি তত খুসি, হাড়ে হাড়ে রস ॥

গিলে গিলে ঝোল খায়, আশ্বাসনহত ।

তাদের জীবন বুধা, দাঁত পড়া যত ॥

এমন পাটার মাস, নাহি খায় যারা ।

ঘোরে ঘেন ছাগী-গর্ভে, জন্ম লয় তারা ॥

দেখিয়া ছাগের গুণ, কোরে অভিমান ।

হইলেন বরারূপ, নিজে ভগবান ॥

সাধ্য কার এক মুখে, মহিমা প্রকাশে ।

আপনি করেন বাণ, আপনাপ নাশে ॥

হাড়িকাঠে ফেলে দিই, ধোরে ছুটি ঠ্যাং ।

সে সময়ে বাণ করে ছ্যাড্যাং ছ্যাড্যাং ॥

এমন পাটার নাম যে, রেখেছে বোকা ।

নিজে সেই বোকা নয়, ঝাড়বংশ বোকা ॥

ভ্রমণে যে ভাবোদয়, নদ-নদী পথে ।

রচিলাম ছাগ-গুণ, যথাসাধ্যমতে ॥

প্রতিদিন প্রাতে উঠি, কোরে শুদ্ধ মন ।  
 ভক্তিতাবে এই পণ্ড, পড়িবে যে জন ॥  
 বিচিত্র পুষ্পের রথে, পাঁটা পাঁটা বোলে ।  
 সাতান্ন পুরুষ ভার, স্বর্গে যায় চোলে ॥

### নীলকর

চিতেন ।

হোলে ভক্কেতে বকাকর্তা ঘটে সর্বনাশ ॥  
 কাল সাপ কি কোন কালে, দয়াতে ভেকে পালে,  
 টপাটপ অমনি করে গ্রাস ।  
 বাঙালী তোমার কেনা, এ কথা জানে কে না ?  
 হয়েছি চির কলে দাস ।  
 করি শুভ অভিলাষ ।

তুমি মা করতক, আমরা সব পোষা গরু,  
 শিখি নি সিং বাঁকানো,  
 কেবল খাবো খোল, বিচলি ঘাস ।  
 যেন রাঙা আমলা, তুলে মায়লা,  
 গামলা ভাঙে না,  
 আমরা তুমি পেলেই খুসি হব,

### দুর্ভিক্ষ

ঘুসি খেলে বাঁচব না ॥

বাউলচাঁদী সুর

রাপিনী দেশমল্লার—ভাল আড়খেমটা ।  
 হয় দুনিয়া ওলট পাল্টে,  
 আর কিসে তাই ! রক্ষে হবে ?  
 আর কিসে তাই ! রক্ষে হবে ?  
 পোড়া আকালেতে নাকাল করে,  
 ডামাডোল পেড়েছে তবে ।



আমরা হাটের নেড়া, শিক্ষে ধোরে,  
 ভিক্ষে করে বেড়াই সবে ।  
 হোলো সকল ঘরে ভিক্ষে মাগা,  
 কে এখন আর ভিক্ষে দেবে ?  
 ষত কালের যুবো,                      যেন স্ত্রবো,  
 ইংরাজী কয় বঁকা ভাবে ।  
 ধোরে গুরু পুরুত মারে জুতো,  
 ভিখারী কি অন্ন পাবে ?  
 যদি অনাথ বামুন হাত পেতে চায়,  
 ঘুসি ধোরে ওঠেন তবে !  
 বলে, গতোর আছে, খেটে খেগে,  
 তোর পেটের ভার কেটা ববে ?  
 ষাদের পেটে হেড়া,                      মেজাজ টেরা,  
 তাদের কাছে কেটা ষাবে ?  
 বলে, জোঁ বাঙালি, ড্যাম, গো টু হেজ,  
 কাছে এলেই কোঁৎকা খাবে ॥  
 আমি স্বপনে জানিনে ষাঝা,  
 অধঃপাতে সবাই ষাবে ।  
 হোয়ে হিঁ ছুর ছেলে,                      টেঁয়াসের চেলে,  
 টেবিল পেতে ধানা ষাবে ।  
 এরা বেদ কোরাণের ভেদ মানে না,  
 খেদ কোরে আর কে বোঝাবে ।  
 ঢুকে ঠাকুর ষরে                      কুকুর নিয়ে,  
 জুতা পায়ে দেখতে পাবে ।

হোলো কর্মকাণ্ড,                      লওভণ্ড,  
 হিঁদুয়ানি কিসে রবে ?  
 যত দুধের শিশু,                      ভোজে ইশু,  
 ডুবে মোলো ভবের টবে ।  
 আগে মেয়েগুলো,                      ছিল ভালো,  
 ব্রত ধর্ম কোর্তো সবে ।  
 এক! 'বেথুন' এসে,                      শেষ কোরেছে,  
 আর কি তাদের ভেমন পাবে ?  
 যত ছুঁড়ীগুলো,                      তুড়ী মেরে,  
 কেতাব হাতে নিচ্ছে যবে ।  
 তখন "এ, বি," শিখে                      বিবি সেজে,  
 বিলাতী বোল কবেই কবে ॥  
 এখন আর কি তারা                      সাজী নিরে,  
 সাজ সৈজোতির ব্রত গাবে ?  
 সব কাঁটা চাম্চে                      ধোরবে শেষে,  
 পিঁড়ি পেতে আর কি খাবে ?  
 ও ভাই !                      আর কিছু দিন, বেঁচে থাকলে,  
 পাবেই পাবে, দেখতে পাবে ।  
 এরা আপন হাতে                      হাঁকিয়ে বগী,  
 গড়ের মাঠে হাওয়া খাবে ।  
 আছে গোটাকত                      বুড়ো যদি,  
 তদিন কিছু রক্ষা পাবে ।  
 ও ভাই !                      তারা                      মোলেই দফা রক্ষা,  
 এককালে সব ফুরিয়ে যাবে ।  
 যখন আসবে শমন,                      কোরবে দমন,

কি বোলো তায় বুঝাইবে ?  
 বুছি “হুট” বোলে, “বুট” পায়ে দিয়ে,  
 “চুকট” ফুঁকে স্বর্গে যাবে ।

ঘোর পাপে ভরা, হোলো ধরা,  
 রাঁড়ের বিয়ের হুকুম যবে ।

তাই নীল করেদের মেয়েটির,  
 কেমন কোরে ধর্ম্যে রবে ?

ও ভাই ! তত দিন তো খেতে হবে,  
 যত দিন এ দেহ রবে ।

এখন কেমন কোরে পেট চালাবো,  
 ঘোরে গেলেম তেবে তেবে ।  
 রোজ অষ্ট প্রহর কষ্ট ভুগে,  
 ভাতে পোড়া জোড়ে সবে ।

ভায় তেল জোড়ে তো লুণ জোড়ে না,  
 কেঁদে মরি হাহারবে ।

বে চিরটা কাল মাচ খেয়েছে,  
 কেমনে নে শুকনো খাবে ?

ঋতু বর্ণন

গ্রীষ্ম

আর তো বাঁচি নে প্রাণে, বাপ্ বাপ্ বাপ্ ।  
 বাপ্ বাপ্ বাপ্ এ কি, শুয়টের দাপ ।  
 বিষহীন হয়ে গেল, বিষধর সাপ ।  
 ভেক তার বুকে মুখে, মারিতেছে লাফ ॥  
 বলিতে মুখের কথা, বুকে লাগে হাঁপ ।

বার বার কত আর জলে দিব বাঁপ ?  
 প্রাণে আর নাহি নয়, তপনের তাপ ।  
 শূন্য হতে পড়ে যেন, অনলের চাপ ॥  
 বিকল হোতেছে সব, শরীরের বল ।  
 দে জল দে জল বাবা, দে জল দে জল ।  
 জল দে জল দে বাবা, জলদেরে বল ॥  
 দে জল দে জল বাবা, দে জল দে জল ॥

\* \* \* \*

### বর্ষার ধুমধাম

নিদাঘের সমুদয়, অধিকার লোটে ।  
 ধমকে চমকে লোক, চপলটার চোটে ॥  
 চপ্ চপ্ টপ্ টপ্, কলরব উঠে ।  
 কন্ কন্ ঝন্ ঝন্, হুঙ্কার ছুটে ॥  
 স্তমধুর কত সুর, ডেকে গীত গায় ।  
 ঝম্ ঝম্ ঝাম্ ঝাম্, জলদ বাজায় ॥  
 কড়্ কড়্ মড়্ মড়্, রাগে রাগ বাড়ে ।  
 হড়্ মড়্ কড়্ মড়্, টিটকারী ছাড়ে ॥  
 ধীরি ধীরি শোভে গিরি, স্বভাবের সাথে ।  
 গুড়ু গুড়ু গুড়ু গুড়ু, নহবৎ বাজে ॥  
 ধরতর দিনকর, লুকাইত তাপে ।  
 থর থর গর গর, ত্রিভুবন কাঁপে ॥  
 হড়্ হড়্ হুড়্ হুড়্, ঘন ঘন হাঁকে ।  
 ঝর ঝর ফর ফর, সমীরণ ডাকে ॥  
 ভন্ ভন্ ফন্ ফন্, মশকের ধ্বনি ।

কত রূপ নবরূপ, অপরূপ গণি ॥  
 শশধর জর জর, জলধর রবে ।  
 তারা যারা পরিহারা, কাঁদে তারা সবে ॥  
 চকোরিণী অভাগিনী, হাহারব মুখে ।  
 কুমুদিনী বিষাদিনী, লুকাইল দুখে ॥  
 বরষার অধিকার, হইল গগনে ।  
 হাস্যমুখ মহাসুখ, সংযোগীর মনে ॥  
 ঘন জলে মন ছলে, ব্যাকুল সকলে ।  
 বহে নীর বিরহীর, নয়নযুগলে ॥

### বর্ষায় লোকের অবস্থা

রাগাঘরে কাগ্নাহাটী,                      ভিক্ষে কাট ভিক্ষে মাটি  
 মনোমতে নাহি জলে চুলো ।  
 নাকে চোকে জল সরে,                      সেই দণ্ডে ইচ্ছা করে,  
 চুলোশুক চোলে যায় চুলো ।  
 ধনীর সুখের ধনি,                              নিয়ত নিকটে ধনী,  
 নাহি মাত্র মনের বিকার ।  
 ভাল গাড়ী, ভাল বাড়ী,                      প্রতি হাতে মারে আড়ী,  
 মনোমত আহার বিহার ॥  
 স্থিরভোগে স্থিরবুদ্ধি,                              স্থির যোগে স্থির শুদ্ধি,  
 পাত্রে পাত্রে পাত্রের বিচার ।  
 সদা ভায় সদাচার,                              আচারে কি কদাচার,  
 লোকাচারে মিছে ব্যভিচার ॥  
 দীন তাহা কোথা পান,                              সুধুমাত্র জলপান,  
 তুড়ি সার মুক্তি নাই মুখে ।  
 টাকা বিনে হতবুদ্ধি,                              কিসেস বল, হবে শুদ্ধি,

ঘাস কাটি ধানবনে ঢুকে ।

বিদেশী ধর্মের ষাঁড়,           ভরসা কেবল ভাঁড়,  
ভাগ্যদোষে তাও যায় ভেঙ্গে ।

বহু রাত্রে পেয়ে ছুটি,           ছুটে আসে ছেড়ে কুটী,  
চৌকীদার ধরে চক্ষু রেঙ্গে ॥

যত সব বিনসাধা,           সকল শরীরে কাঁদা,  
জামা পাগ ভিজিল উদকে ।

বহুকালে ছেঁড়া জুতা,           পাইয়া বৃষ্টির ছুতা,  
একবারে উঠিল মস্তকে ॥

শরদের আগমনে লোকের অবস্থা

\*                           \*                           \*

মনোহর সুধাকর, চাকর কর ধরে ।

নিরন্তর সুধার, সুধার বৃষ্টি করে ॥

শরদের আগমনে, আনন্দ আভাস ।

পরমেশী পার্বতীর, প্রতিমা প্রকাশ ॥

রোগ শোক পরিতাপ, প্রতি ঘরে ঘরে ।

তথাপি পূজার হেতু, আয়োজন করে ॥

অনিবার হাহাকার, অর্ধবল হত ।

ঋণজালে বদ্ধ হোয়ে, অর্চনায় রত ॥

স্বদেশ বিদেশবাগী, যত দ্বিজগণ ।

অর্ধহেতু নগরে, কয়েন আগমন ॥

বিজ্ঞা নাই, জ্ঞান নাই, সাধ্য নাই কিছু ।

গায়ত্রীর নাম নাই, বামনাই নিছ ॥

কপালের মাঝে এক, আর্কফলা জুড়ে ।

ঘারে ঘারে লবে শুক, ধন ছুঁড়ে ছুঁড়ে ॥



অপুত্রের পুত্রগাভে,                      কত সুখ মনে ভাবে,  
যত সুখ রবির কিরণে ।

কুটুম্বের কটু বাণী,                      তাহে ক্লেণ নাহি মানি  
যত ক্লেণ শীত-সমীরণে ॥

বলবান বড় বড়,                      সবে হয় জড়জড়,  
হাঁটিতে হোচট খেয়ে পড়ে,  
গায়ে কাঁটা জর জর,                      সদা করে থর থর,  
কম্পিত কদলী যেন বাড়ে ॥

নিশির না যায় রিষ্টি,                      শিশির সন্তত বৃষ্টি,  
ঋষির তাহাতে ভাঙ্গে ধ্যান ।

বিষম প্রবল হিম,                      যে জন সাক্ষাৎ ভীম,  
স্পর্শমাত্রে হরে তার জ্ঞান ॥

সন্নাসী মোহন্ত যত,                      মাঠে ঘাটে শত শত,  
মুহনী গাঞ্জার দম নিয়া ।

ছাই ভস্মে লোম ঢাকে, বম্ বম্ মুখে হাকে,  
পোড়ে থাকে বুকে হাত দিয়া ॥

যেই জন ভাগ্যধর,                      গদী পাতা পাকা ঘর,  
সদা সঙ্গে সুরত-রঙ্গিনী ।

আহার তাহার মত,                      বিহার বিবিধ মত,  
তাহারে জীবনমুক্ত গণি ॥

ধনীৰ শরীরে সাল,                      গরীবের পক্ষে শাল,  
কঞ্চল সঞ্চল করি রয় ।

বেণের পুঁটুলি হোয়ে,                      শুয়ে থাকে শীত সায়ে,  
উম্ বিনা ঘুম নাহি হয় ॥

চিরজীবী ছেড়া কথা,                      সৰ্বক্ষণ বুকে গাঁথা,  
একক্ষণ তারে নাহি ছাড়ে ।



শয়নের ঘর কাঁচা,                      তার হৃৎ প্রাণে বাঁচা,  
 জাড় তার বিচ্ছে হাড়ে হাড়ে ॥  
 সকালে খাইতে চায়,                      আয়োজনে বেলা যায়,  
 সন্ধ্যাকালে খায় ভাতে ভাত ।  
 শীতের কেমন ঝড়ি,                      উড়ায় অন্ধের ঝড়ি,  
 ফাটায় সবার পদ হাত ।  
 সারিতে গায়ের কাটা,                      মহাঘর্ষ আমের আটা,  
 কাটাফাটি করিলেক ভাই ।  
 বিষ্ণুভেল কত মাখি,                      ঘুতে যদি ডুব থাকি,  
 শরীরেতে তবু উড়ে ছাই ॥

\* \* \* \*

### বসন্ত বিরহ

যদবধি প্রাণনাথ, প্রবাসেতে রয় ।  
 বসন্ত পীযুষ সম, বিঘোপম হয় ॥  
 কোকিলের কুহরবে, কুহক লাগায় ।  
 আমার হৃদয়ে আসি, বিঁধে শেল প্রায় ॥  
 বকুল মধুর গন্ধে প্রমোদিত বন ।  
 আকুল করিল তার, অভাগীর মন ॥  
 পলাসে বিলাস করে, মালতীর লতা ।  
 প্রবল করয়ে তার, মনোমলিনতা ॥  
 নাগেশ্বর কেশর বেশর সম শোভা ।  
 প্রজাপতি বসে ধরি, মনোহারী প্রভা ॥  
 যেন কোন চতুর লম্পট জন শেষ ।  
 ভুলায় ললনা-মন, ধরি নানা বেশ ॥

পরে মধু ফুরাইলে, অমনি প্রশ্নান ।  
 যে দিকে সৌরভ ছোটে, সে দিকে পয়ান ॥  
 সেই মত আমারে, ভুলানে অরসিক ।  
 আশাপথ চেয়ে, অঁাধি হোলো অনির্দিখ ॥

### মাতৃভাষা

মায়ের কোলেতে শুয়ে, উকতে মস্তক থুয়ে,  
 খল খল সহাস্ত বদন ।  
 অধরে অমৃত করে, আধো আধো মৃদু স্বরে  
 আধো আধো বচনরচন ॥  
 কহিতে অন্তরে আশা, মুখে নাহি কটুভাষা,  
 ব্যাকুল হোয়েছে কত ভায় ।  
 মা-মা-মা-মা-বা-বা-বা-বা, আবো, আবো, আবো, আবো,  
 সমুদয় দেববানী প্রায় ॥  
 ক্রমেতে ফুটিল মুখ, উঠিল মনের সুখ,  
 একে একে শিখিলে সকল ।  
 মেসো, পিশে, খুড়া, বাপ, জুজু, ভূত, ছুঁচো, সাপ,  
 স্থল, জল, আকাশ, অনল ॥  
 ভান্ন মম্ব জানিতে না, মলমূত্র মানিতে না,  
 উপদেশ শিকি হোলো যত ।  
 পঞ্চমেতে হাতে ধড়ি, ধাইয়া শুরু ছড়ি,  
 পাঠশালে পড়িয়াছ কত ॥  
 ঘোবনের আগমনে, জানের প্রতিভা মনে,  
 বস্ত বোধ হইল তোমার ॥  
 পুস্তক করিয়া পাঠ, দেখিয়া ভবের নাট,  
 হিতাহিত করিছ বিচার ॥

যে ভাষায় হোয়ে প্রীত, পরমেশ-শুণ-গীত,  
বৃদ্ধকালে গান কর মুখে ।

মাতৃ সম মাতৃভাষা, পুরালে তোমার আশা,  
তুমি তার সেবা কর সুখে ॥

### স্বদেশ

জান না কি জীব তুমি, জননী জনমতুমি,  
যে তোমায় হৃদয়ে রেখেছে ।

ধাকিয়া মায়ের কোলে, সম্মানে জননী ভোলে,  
কে কোথায় এমন দেখেছে ?

ভূমিতে করিয়া বাস, ঘুমেতে পুরাও আশ,  
জাগিলে না দিবা বিভাবরী ।

কত কাল হরিয়াছ, এই ধরা ধরিয়াছ,  
জননী জঠর পরিহরি ॥

যার বলে বলিতেছ, যার বলে চলিতেছ,  
যার বলে চালিতেছ দেহ ।

যার বলে তুমি বলী, তার বলে আমি বলি,  
ভক্তিতাবে কর তারে স্নেহ ॥

প্রসূতি তোমাতে যেই, তাহার প্রসূতি এই,  
বসুমাতা মাতা সবাকার ।

কে বুঝে ক্ষিতির রীতি, তোমার জননী কিত্তি,  
জনকের জননী তোমার ।

কত শশু ফলমূল, না হয় বাহার মূল,  
হীরকাদি রজতকাঞ্চন ।

বাঁচাতে জীবের অঙ্গ, বন্ধেতে বিপুল বঙ্গ,  
বসুমতী করেন ধারণ ॥





পাখী নও কিন্তু ধর, মনোহর পাখা ।  
 সুমধুর মিষ্ট রস, সর্ব অঙ্গে মাখা ॥  
 একবার রসনার, যে পেয়েছে তার ।  
 আর কিছু মুখে নাহি, ভাল লাগে তার ॥  
 দৃশ্য মাত্র সর্ব গাত্র, প্রফুল্লিত হয় ।  
 সৌরভে আয়োদ করে, ত্রিভুবনময় ॥  
 প্রাণে নাহি দেরি সময়, কাঁটা আঁধ বাচা ।  
 ইচ্ছা করে একেবারে, গালে দিই কাঁচা ॥  
 অপরূপ হেরে রূপ, পুত্রশোক হরে ।  
 মুখে দেওয়া দূরে থাক, গন্ধে পেট ভরে ॥  
 কুড়ি দরে কিনে লই, দেখে ভাজা ভাজা ।  
 টপাটপ্ খেয়ে ফেলি, ছাঁকাতেলে ভাজা ॥  
 না করে উদরে যেই, তোমায় গ্রহণ ।  
 রশ্ময় জীবন তার, বৃথায় জীবন ॥  
 নগরের লোক সব, এই কয় মাস ।  
 তোমার কৃপায় করে মহাসুখে বাস ॥  
 গুণেতে সবাই কেনা, কেনা করে সব ।  
 কেন কেন, কেনা কেনা, কে না করে রব ?  
 জলে স্থলে অন্তরীক্ষে, হেন আর নেই ।  
 যে দিলে তপস্যা নাম, সাধু সাধু সেই ॥  
 সব গুণে বদ্ধ তব, আছে সর্বজনে ।  
 লোণাজলে বাস কর, এই দুঃখ মনে ॥  
 অমৃত থাকিতে কেন, কুচি হয় বিবে ?  
 লূণ পোড়া, পোড়া জল, ভাল লাগে কিসে ?

উল্বেড়ে আলো করে, করিছ বিহার ।  
 নগরের উত্তরেতে, গতি নাই আর ॥  
 বেনোগাঙ্গে জোর ভাঁটা, তাতেই সন্তোষ ।  
 সমুদ্রের জল খেয়ে, বৃদ্ধি কর কোষ ॥  
 ... ..  
 কিন্তু এক মম মনে, এই বড় শোক ।  
 না জানে তোমার গুণ, উত্তরের লোক ॥  
 তোমার চরণে করি, এই নিবেদন ।  
 কর সবে সমভাবে, দয়া বিতরণ ॥  
 গোং কোরে সোং ঠেলে, ভাঁটি গাং ছেড়ে  
 উজানের পথে চল দাড়ি, গোংপ নেড়ে ॥  
 শাঁখ ঘন্টা বাজাইবে, যত মেয়ে ছেলে ।  
 ভিটে বেচে পূজা দিব, মিটে জলে এলে ॥  
 যথা ইচ্ছা তথা থাক, মনোহর মীন ।  
 পেট ভরে খেতে যেন পাই এক দিন ।  
 ... ..  
 খেতে যদি নাহি পাই, মুখে লই নাম ।  
 প্রণাম তোমার পদে, সহস্র প্রণাম ॥  
 কত জলে থাক তুমি, নাহি তার লেখা ।  
 তোমার আমার হয়, সহজে কি দেখা ?  
 কতরূপ ভাবসূত্র, মানবের মনে ।  
 পেয়েছি তোমার আমি, জেলের কল্যাণে ॥  
 গাভীন হইলে তুমি, রস তার কত ।  
 রাঁড়া হোলে বাড়া, সুখ নাহি হয় তত ।  
 তোমার ডিমের স্বাদ, সুখার সমান ।  
 গণ্ডা গণ্ডা এণ্ডা খেয়ে, ঠাণ্ডা করি প্রাণ ॥

প্রসব করিবে যত, তবু রবে তাজা ।  
 আমাদের আশীর্বাদে, হবে নাকো বাজা ॥  
 ভয় এয়ো হও তুমি, রসবতী সতী ।  
 পোয়াতীর গর্ভে থেকে, হও গর্ভবতী ॥  
 কোন মতে নাহি মেটে, বাসনার ক্ষোভ ।  
 যত পাই তত ধাই, তবু বাড়ে লোভ ॥  
 ভেজে ধাই ঝোলে দিই, কিম্বা দিই ঝালে ।  
 উদর পবিত্র হয়, দেবা মাত্র গালে ॥

### আনারস

বন হোতে এলো এক, চিরে মনোহর ।  
 সোণার টোপর শোভে, মাথার উপর ॥  
 এমন মোহন মূর্তি, দেখিতে না পাই ।  
 অপরূপ চাকুরূপ, অমুরূপ নাই ॥  
 ঈষৎ শ্রামল রূপ, চক্ষু সব গায় ।  
 নীলকান্ত মবিহার, চাঁদের গলায় ॥  
 সকল নয়ন মাঝে, রক্ত-আঁতা আছে ।  
 বোধ হয় রূপসীর, চক্ষু উঠিয়াছে ॥  
 ভাবুক স্বভাবে ভাবে, করে অমুরাগ ।  
 বলে ও যে রাঙা নয়, নয়নের রাগ ॥  
 রূপের সহিত গুণ, সমতুল হয় ।  
 সুবাসে আঘোদ করে, ত্রিভুবনময় ॥  
 নাহি করে যুবভঙ্গি, কথা নাহি কয় ।  
 সৌরভ গৌরবে দেয়, নিজ পরিচয় ॥



চপলা রূপের কাছে, হয় চমকিত ।  
 দৃষ্টিমাত্র ফুল গাত্র, নেত্র পুলকিত ॥  
 সংশয় হয়েছে দেখে, সকলের মনে ।  
 কে 'কামিনী, একাকিনী, বাস করে বনে ?  
 লোকে বলে আনারস, আনারস নয় ।  
 আনা রস হোলে কেন, জানা রস হয় ?  
 তারে তার জানা যায়, রস যোগ আনা ।  
 অরসিক লোক তবু, বলে তারে আনা ॥  
 ফেলিয়া পোনেরো আনা, এক আনা রাখে  
 এই হেতু "আনারস" বলে লোক তাকে ॥  
 অরসিকে নাহি করে, রসেতে প্রবেশ ।  
 আনাতেই যোগ আনা, না জানে বিশেষ ।  
 কোথা বা আনার রস, এ আনার কাছে ?  
 ক্ষুদ্র দামে খেতে পাই, এত টুকি গাছে ॥

### মনের মানুষ

মনের মানুষ কোথা পাই ?  
 মানুষ যতপি হবে ভাই !  
 যাহা বলি কর তবে ভাই,  
 বিপদ হয়েছে যারা, বিপদের হেতু তারা,  
 জগতে মানুষ কেহ নাই !  
 মনের মানুষ কোথা পাই ?

মানুষ মানুষ করে সব,  
 মানুষ মানুষ শুধু রব,

ফলে আমি দেখি সব শব,  
মানুষ মানুষ করে সব ।

— —

নর সব দেখি একাকার,  
কিন্তু নাহি মানে একাকার !  
একাকারে সবার বিকার ।

একাকার মিছে ধরে,                      একাকার নাহি করে,  
মানে নাহি ভাবে একাকার !  
নর সব দেখি একাকার ॥

— —

ছাড় ছাড় ছাড় মিছ ভেকু,  
করিয়া জ্ঞানের অভিব্যেক,  
অন্তর বাহির কর এক,

হৃদয়ে পরম ধন,                      কর মন দরশন,  
হও না কমল বনে ভেকু ।  
ছাড় ছাড় ছাড় মিছা ভেকু

— — —

তুমি তো চকোর বট মন,  
হয়েছে তাঁদের? দরশন,  
সুখে কর পীযুষ ভোজন ।

এখনি ঘুটাও সুধা.                      প্রভাতে<sup>২</sup> তাঁদের সুধা,  
চকোর কি পেয়েছে কখন ?  
তুমি তো চকোর বট মন ॥

— —

## কবিতা ও কবিতা



বল দেখি কেন এলে ভবে ?  
এ ভাবেতে কত দিন রবে ?  
কি ছিলে কি শেষে তুমি হবে ?

আসিয়া জনমভূমি,                      তোমার চেন না তুমি,  
আমার চিনিবে তবে কবে ?  
বল দেখি কেন এলে ভবে ॥

কালে আর রহিবে না কেহ,  
পেয়েছ যে মনোহর দেহ,  
দেহ নয় ভূতের সে গহ,

বিফল প্রাণের আশা,                      ভাবিবে ভূতের বাসা,  
মিছামিছি কেন কর স্নেহ ?  
কালে আর রহিবে না কেহ ॥

এখনো দিতেছ কেন ফাঁকি ?  
করি বা কি, আর নাহি বাকি ?  
প্রাণেরে কেমনে আর রাখি ?

হোরেছি মরণগামী,                      কোথা তুমি কোথা আমি,  
যখন মুদিব আমি আঁখি ।  
এখনো দিতেছ কেন ফাঁকি ?

## ‘বোধেন্দু বিকাশ’ হইতে

ও কথা, আর বোলো না, আর বোলো না,  
বল্ছ ষ্ণু, কিসের য়াঁকে ?

এ বড় হাসির কথা, হাসির কথা,  
 হাস্বে লোকে । হাস্বে লোকে ॥\*  
 বল হে, জ্বালবো কত, বোলবো কত,  
 বোলতে হোলো মনের দুখে । মনের দুখে ।  
 এ বড়, অনাসৃষ্টি, বিষম সৃষ্টি, সূধা রষ্টি,  
 সাপের মুখে । সাপের মুখে ।

### ‘বোধেন্দু বিকাশ’ হইতে

দিন দুপুরে চাঁদ উঠেছে, রাৎ পোয়ানো তার ।  
 হোলো পূর্ণিমেতে আমাবস্তা, তের-পহর অন্ধকার ॥  
 এসে বেন্দাবনে বোলে গেল বামী বষ্টমী ।  
 একাদশীর দিনে হবে জর্জ-অষ্টমী ॥  
 আর ভাদ্র মাসের সাতুই পোবে  
 চড়ক পূজোর দিন এবার ।<sup>১</sup>  
 সেই ময়রা মাগী মরে গেল, মেরে বুকে শূল,  
 বাবুনগুলো ওরুধ নিরে মাথার বোচে চুল,  
 কালো বিষ্টিজলে ছিষ্টি ভেসে পুড়ে হোলো ছারে খার ॥<sup>২</sup>  
 ঐ সৃষ্টিমালা পুর দিগে অস্তে চোলে যার,  
 উত্তর দধিন কোণ থেকে আজ,  
 বাতাস লাগ্চে গার ।  
 সেই রাজার বাড়ীর টাটু বোড়া  
 শিং উঠেছে দুটো তার ।<sup>৩</sup>

\*রবীন্দ্রনাথ ঠাকুর ‘জীবন স্মৃতিতে এই গানটি প্রথমঃম্ব দ্বিজেন্দ্রনাথের রচনা  
 মণিরাছেন ।

ঐ কলু রামী ধোপা শামী, হাসতেছে কেমন ।  
 এক বাপের পেটেতে এরা, জন্মেছে কজন ।  
 কাল কামরূপেতে কাক মরেছে,  
 কালীধামে হাহাকার ॥১

### তত্ত্ব-বোধ

এই ত রয়েছ তুমি অন্তরে আমার ।  
 অন্তর অন্তর তবে কেন ভাবি আর ?  
 মিছে কাল হরিলাম,                      মিছে ঘুরে মরিলাম  
 এত দিন করিলাম মিছে হাহাকার ।  
 এই ত রয়েছ তুমি অন্তরে আমার ॥  
 তোমার বিষয়ে লোক করে কত খেব ।  
 কা'র কাছে নাহি পাই সার উপদেশ ॥  
 বিরূপ কিরূপ তুমি না জেনে বিশেষ ।  
 ভ্রমে প'ড়ে ভ্রমিলাম এ দেশ ও দেশ ॥  
 বৃথা এই চর্খচকু চিনে যাত্র ছায়া ।  
 আছে ষা'র জ্ঞানচকু সেই চেনে মায়া ॥  
 মায়া তা'র মনে আর স্থান নাহি পায় ।  
 যেখানে মায়ার ছায়া, সেখানে না যায় ॥  
 সাধু, সাধু, সাধু সেই, সাধু বলি তা'রে ।  
 মানসের অঙ্ককার যে ঘুচাতে পারে ॥  
 গুরুমুখে শুনিলাম পেলাম সন্ধান ।  
 ভাবময় শুদ্ধাধীন তুমি ভগবান ॥  
 ভাবিলেই মনে হয় তাবের উদয় ।  
 স্বভাবে স্বভাবে আর ভাবিতে না হয় ॥

সদাই ভাবনা তা'র ভাব না যে লয় ।  
 কে করে ভাবনা তার ভাবনা কি রয় ॥  
 সভাবে ভাবিয়া হ'ল ভাবের সঞ্চার ।  
 এই ত রয়েছ তুমি অন্তরে আমার ॥

অন্তর অন্তর তবে কেন ভাবি আর ।

মিছে কাল হরিলাম,                      মিছে ঘুরে মরিলাম,  
 এত দিন করিলাম মিছে হাহাকার ।  
 এই ত র'য়েছ তুমি অন্তরে আমার ॥  
 আপনার কণ্ঠে হার দেখিতে না পায় ।  
 ভ্রমে করে অন্বেষণ যথায় তথায় ॥  
 আপনার নাভিপদ্ম হ'লে প্রস্ফুটিত ।  
 কুরঙ্গ যেরূপ হয় গন্ধে আমোদিত ॥  
 না জেনে কারণ তা'র ব্যাকুল হইয়া ।  
 অবশেষে প্রাণে মরে ছুটিয়া ছুটিয়া ॥  
 সেইরূপ ভ্রম-জালে হইয়া জড়িত ।  
 কিছুমাত্র না হইল সময়ের হিত ॥  
 হইলাম ঘোর অন্ধ থাকিতে নয়ন ।  
 না হইল একদিন বস্তু দর্শন ॥  
 আপনার ঘরে ধন থাকিতে সঞ্চিত ।  
 আপনি আপন ধনে হলেম বঞ্চিত ॥  
 নাহি বসে বিকসিত শতদল দলে ।  
 ভ্রমরার ভ্রম যথা চিত্রের কমলে ॥  
 সে প্রকার আমি নাথ না চিনে তোমায়ে ।  
 কত ভোগ ভুগিয়াছি প'ড়ে অন্ধকারে ॥

এখন ঘুচিল সেই মনের বিকার ।

এই ত র'য়েছ তুমি অন্তরে আমার ।

অন্তর অন্তর তবে কেন ভাবি আর ।

মিছে কাল হরিলাম, মিছে ঘুরে মরিলাম,

এত দিন করিলাম মিছে হাহাকার ।

এই ত র'য়েছ তুমি অন্তরে আমার ॥

## উপসংহার

ঈশ্বরচন্দ্র গুপ্তের যাহা বিশেষত্ব, তাহার পুনরুল্লেখ করিয়া এই প্রসঙ্গের শেষ করিব । ঈশ্বরচন্দ্র খাঁটি বাংলার কবি ছিলেন, খাঁটি বাঙ্গালী কবি ছিলেন । তাঁহার কবিতায় এক দিকে তদানীন্তন বাংলা দেশের অন্তর্লোকের ধবর যেমন মেলে, তেমনি সে-যুগে ঘরে বাহিরে ব্যবহৃত খাঁটি বাংলা বুলিরও পরিচয় পাওয়া যায় । এমনটি আর উনবিংশ শতাব্দীর কোনও কবির রচনায় পাওয়া যায় না । গুপ্ত-কবির 'কবিতা সংগ্রহ' প্রসঙ্গে বঙ্কিমচন্দ্রের প্রশংসিটি আমাদের স্মরণীয় । তিনি লিখিয়াছেন—

...আজিকার দিনের অভিনব এবং উন্নতির পথে সমারুঢ় সৌন্দর্য্যবিশিষ্ট বাঙ্গালী সাহিত্য দেখিয়া অনেক সময় বোধ হয়—  
হোক সুন্দর, কিন্তু এ বৃষ্টি পরের—আমাদের নহে । খাঁটি বাঙ্গালী কথায়, খাঁটি বাঙ্গালীর মনের ভাব ত খুঁজিয়া পাই না । তাই ঈশ্বর গুপ্তের কবিতা সংগ্রহে প্রবৃত্ত হইয়াছি । এখানে সব খাঁটি বাঙ্গালী মধুসূদন, হেমচন্দ্র নবীনচন্দ্র, রবীন্দ্রনাথ শিক্ষিত বাঙ্গালীর কবি—  
ঈশ্বর গুপ্ত বাঙ্গালার কবি । এখন আর খাঁটি বাঙ্গালী কবি জন্মে না—  
—জন্মিবার ঘো নাই—জন্মিয়া কাজ নাই । বাঙ্গালার অবস্থা আবার কিরিয়া অবনতির পথে না গেলে খাঁটি বাঙ্গালী কবি আর

জন্মিতে পারে না। আমরা “বৃহসংহার” পরিত্যাগ করিয়া “পৌষ-পার্বণ” চাই না। কিন্তু তবু বাঙ্গালীর মনে পৌষ পার্বণে যে একটা সুখ আছে—বৃহসংহারে তাহা নাই। পিঠা পুন্ডিতে যে একটা সুখ আছে, শচীর বিদ্যাসর-প্রতিবিম্বিত সুধায় তাহা নাই। যে জিনিষটা একেবারে আমাদের ছাড়িলে চলিবে না; দেশভুক্ত জোন, গমিসের তৃতীয় সংস্করণে পরিণত হইলে চলিবে না। বাঙ্গালী নাম রাখিতে হইবে। জননী জন্মভূমিকে ভাল বাসিতে হইবে। যাহা যার প্রসাদ, তাহা যত্ন করিয়া তুলিয়া রাখিতে হইবে। এই দেশী জিনিষগুলি যার প্রসাদ। এই খাঁটি বাঙ্গালাটি, এই খাঁটি দেশী কথাগুলি যার প্রসাদ। যার প্রসাদে পেট না ভরে, বিলাতী বাজার হইতে কিনিয়া বাইতে পারি—কিন্তু যার প্রসাদ ছাড়িব না। এই কবিতাগুলি যার প্রসাদ। তাই সংগ্রহ করিলাম।

ঈশ্বরচন্দ্রের কবিতা এ-যুগের বাঙালী পড়ুন এবং পড়িয়া সে-যুগের বাংলা দেশের ষষ্ঠাংশ পরিচয় সংগ্রহ করুন, এই উদ্দেশ্য লইয়াই এই সংকলিত জীবনীটি সংকলিত হইল।




দ্বারকানাথ বিদ্যাভূষণ  
তারাশঙ্কর তর্করত্ন



দ্বারকানাথ বিদ্যাভূষণ  
তারাকর তর্করত্ন

ব্রজেন্দ্রনাথ বন্দ্যোপাধ্যায়



বঙ্গীয় সাহিত্য পরিষৎ

২৪৩।১, আচার্য প্রফুল্লচন্দ্র রোড

কলিকাতা-৭০০ ০০৬

প্রকাশক  
শ্রীমদনমোহন কুমার  
সম্পাদক  
বঙ্গীয় সাহিত্য পরিষৎ

ষষ্ঠ সংস্করণ—অগ্রহায়ণ, ১৩৮৩  
মূল্য এক টাকা পঞ্চাশ পয়সা

মুদ্রাকর—শ্রীকালিদাস মুন্সী  
পুরাণ প্রেস- -২১, বলরাম ঘোষ স্ট্রীট, কলিকাতা-৭০০ ০০৪

# দ্বারকানাথ বিদ্যাভূষণ

১৮১৯-১৮৮৬

উনবিংশ শতাব্দীর পঞ্চম দশকে বাংলা দেশের সংবাদপত্র-জগতে এক অভাবনীয় পরিবর্তন সাধিত হয়। তত দিন পর্যন্ত বাংলা সংবাদপত্রে নিষ্ঠা, শুচিতা ও প্রাঞ্জলতার অভাব ছিল। পণ্ডিত দ্বারকানাথ বিদ্যাভূষণের ঐকান্তিক যত্ন, চেষ্টা ও সাধনায় মূলতঃ এই সংস্কার সাধিত হইয়াছিল। বাংলা সংবাদপত্রে নিৰ্ভরযোগ্য রাজনীতির ও সমাজ-সংস্কারনীতির বাহন করিয়া তিনি বাংলা দেশের জনসাধারণের চেতনা ঐ সকল বিষয়ে উদ্বুদ্ধ করিতে সক্ষম হইয়াছিলেন, অসাধারণ পাণ্ডিত্য সম্ভেও তাঁহার ভাষার প্রাঞ্জলতা ও ওজস্বিতার জন্মই ইহা সম্ভব হইয়াছিল। তিনি তৎকালীন বাংলা সংবাদপত্রের অন্ততম প্রধান ধর্ম, কুৎসিত দলাদলি ও পরস্পর কর্দম নিক্ষেপকে বিষবৎ বর্জন করিয়াছিলেন। শুভ্রশুচিতামণ্ডিত হইয়া তাঁহার 'সোমপ্রকাশ' পত্রিকা অচিরেই বাংলা দেশে আদর্শ সংবাদপত্র রূপে পরিগণিত হইয়াছিল। ঐ পত্রে সাহিত্য-সমালোচনাগুলিও বৈশিষ্ট্য ছিল। 'সোমপ্রকাশ'র নামের সহিত জড়িত হইয়া পণ্ডিত দ্বারকানাথ বিদ্যাভূষণের নাম বাংলা-সাহিত্যে চিরস্থায়ী হইয়া আছে।

## বাল্য-জীবন

১২২৬ সালের বৈশাখ ( ১৮১৯, এপ্রিল ) মাসে\* কলিকাতার ৫ ক্রোশ দক্ষিণ পূর্বে চাংড়িপোতা গ্রামে দ্বারকানাথের জন্ম হয়। তাঁহার পিতার নাম—হরচন্দ্র ঝায়রত্ন। কলিকাতায় ঝায়রত্ন মহাশয়ের চতুষ্পাঠী ছিল। তিনি কবিবর ঈশ্বরচন্দ্র গুপ্তকে ‘সংবাদ প্রভাকর’-সম্পাদনে সহায়তা করিতেন। ঈশ্বরচন্দ্রের ভাষায় “শ্রীযুক্ত হরচন্দ্র ঝায়রত্ন ভট্টাচার্য্য মহাশয় আমারদিগের সম্প্রদায়ের একজন প্রধান সংযুক্ত বন্ধু” ( ২ বৈশাখ, ১২৫৪ )।

সেকালের প্রথামত দ্বারকানাথ কিছু দিন গুরুমহাশয়ের পাঠশালায় পড়িয়া সংস্কৃত শিক্ষার জন্য চতুষ্পাঠীতে প্রবেশ করেন। ১৮৩২ খ্রীষ্টাব্দের প্রারম্ভে, হরচন্দ্র পুত্রকে কলিকাতা গবর্নমেন্ট সংস্কৃত কলেজে ভর্তি করিয়া দেন। দ্বারকানাথ ১২ বৎসর ৭ মাস সংস্কৃত কলেজে অধ্যয়ন করিয়া, ১৮৪৪ খ্রীষ্টাব্দের জানুয়ারি মাসে কলেজ ত্যাগ করেন। “কলেজের ছাত্রবৃত্তি পরীক্ষায় দ্বারকানাথ পরীক্ষিত ছাত্রগণের মধ্যে প্রথম ও প্রধান বৃত্তি পাইয়া ‘বিদ্যাভূষণ’ পদবী লাভ করেন।” সংস্কৃত

\* ‘রামতনু লাহিড়ী ও তৎকালীম বঙ্গসমাজ’ পুস্তকে শিবননাথ শাস্ত্রী তদীয় মাতুল দ্বারকানাথের জন্ম-তারিখ—“বৈশাখ মাস, ১৮২০ সাল” বলিয়াছেন। এই তারিখ ঠিক নহে। দ্বারকানাথের মৃত্যুর পর ‘সোমপ্রকাশ’ তাঁহার যে সংক্ষিপ্ত জীবনবৃত্তান্ত প্রকাশ করেন, তাহাতে তাঁহার জন্ম-তারিখ “১২২৬ সাল” ( ইং ১৮১৯ ) পাওয়া যায়। প্রকৃত-পক্ষে ১৮১৯ খ্রীষ্টাব্দের এপ্রিল ( ১২২৬, বৈশাখ ) মাসে দ্বারকানাথের জন্ম হয়। তিনি বিদ্যাসাগর ( জন্ম : সেপ্টেম্বর, ১৮২০ ) অপেক্ষা এক বৎসরের বড় ছিলেন। ৮৪১-৪২ খ্রীষ্টাব্দের শিক্ষা-বিষয়ক সরকারী রিপোর্টে বৃত্তিধারী ছাত্রদের তালিকা প্রকাশ, ১৮৪১ খ্রীষ্টাব্দের এপ্রিল মাসে দ্বারকানাথের বয়স ২২, বিদ্যাসাগরের ২১।

কলেজ হইতে তাঁহাকে যে প্রশংসাপত্র দেওয়া হইয়াছিল তাহাতে  
প্রকাশ :—

...Dwarkanath Vidyabhusan...studied for twelve years seven months....Grammar, Belles-letters, Rhetoric, Arithmetic, Logic Theology, Law and English ..On quitting the college he held a Senior Scholarship of the first grade. He left the College in January 1844. Fort William 1st January 1845.

দ্বারকানাথ সংস্কৃত কলেজের এক জন কৃতী ছাত্র ছিলেন। তিনি হিন্দু ল কমিটির প্রশংসাপত্রও লাভ করিয়াছিলেন। ১৮৪২-৪৩ খ্রীষ্টাব্দের শিক্ষা-বিভাগীয় রিপোর্ট (পৃ. ৫৩) পাঠে জানা যায়, ছয় জন ছাত্রের মধ্যে একমাত্র দ্বারকানাথই হিন্দু ল কমিটির পরীক্ষায় উত্তীর্ণ হন। পরীক্ষক সাদার্ল্যাণ্ড সাহেবের মন্তব্য এইরূপ :—“I have only recommended Dwarkanath for a diploma.”

## চাকুরী

ফোর্ট উইলিয়ম কলেজের পণ্ডিত—সংস্কৃত কলেজ হইতে বহির্গত হইয়া দ্বারকানাথ অল্প দিন ফোর্ট উইলিয়ম কলেজে নবাগত সিবিলিয়ানদিগকে বাংলা পড়াইয়াছিলেন বলিয়া জানা যায়।

সংস্কৃত কলেজের পুস্তকাধ্যক্ষ।—১৮৪৪ খ্রীষ্টাব্দের ৯ নবেম্বর তারিখে নীলাধর শর্ম্মার মৃত্যু হইলে সংস্কৃত কলেজে পুস্তকাধ্যক্ষের পদ শূন্য হয়। পরবর্ত্তী ১৬ই নবেম্বর হইতে দ্বারকানাথ এই পদে মাসিক ৩০ বেতনে নিযুক্ত হন।

ব্যাকরণ-শ্রেণীর ২য় অধ্যাপক।—১৮৪৪ খ্রীষ্টাব্দের মাঝামাঝি গঙ্গাধর তর্কবাগীশের মৃত্যু হইলে, তাঁহার স্থলে ১৪ জানুয়ারি ১৮৪৫

তারিখে ৫০\ বেতনে দ্বারকানাথ স্থায়ী ভাবে ব্যাকরণের ২য় শ্রেণীর অধ্যাপক নিযুক্ত হন। তাঁহাকে এই পাই নির্বাচিত করিয়াছিলেন ফোর্ট উইলিয়ম কলেজের সেক্রেটারী জি. টি. মার্শাল ; শিক্ষাপরিষদ তাঁহারই উপর নির্বাচনের ভার দিয়াছিলেন। মার্শাল সাহেব লেখক :—

The Second Professorship of 50 Rupees per mensem I would recommend to be given to Dwarakanath Vidyabhusan an ex-student of the Sanskrit College who, I have been informed by Dr. Mouat, stood first on the List of Candidates lately examined for these appointments and in fact answered correctly all the questions submitted on the occasion. This last I consider a very satisfactory proof of his perfect efficiency in the particular department which he would be required to teach. In general acquirements also, I know him to be thoroughly qualified. He holds a certificate from the Hindu Law examination Committee, of eminent proficiency in Smriti or Hindu Law. He passed with great credit through the entire regular course of the College, studying every branch of Literature and Science, and quitted the institution last year at the expiry of the prescribed period. 12 years, during 2 last of which he was the head student and held one of the First Scholarships of 20 Rupees a month. This youth (his age is about 25 years) is rather in his favour for this subordinate and laborious situation. I firmly believe no other candidate can produce equal proofs of qualification and I therefore strongly recommend Dwarakanath Vidyabhusan for the vacancy.—Letter dated 2 Jany. 1845 from G. T. Marshall, to Baboo Rassomoy Dutt, Secy. to the Council of Education, Sanst. College Dept.

দ্বারকানাথ এই পদে ১৪ মে ১৮৫৫ পর্যন্ত কার্য করিয়াছিলেন। “কলেজের অধ্যাপনাকালে ইনি হিন্দু স্কুলের কৈলাসচন্দ্র বসু নামক জনৈক শিক্ষকের সহিত স্বীয় সংস্কৃত শাস্ত্রজ্ঞতার বিনিময় করিয়া ইংরাজী শিক্ষা লাভ করিতেন।”



প্রিন্সিপালের সহকারী।—১৮৫৫ খ্রীষ্টাব্দের ১৫ই মে হইতে ৩০এ নবেম্বর পর্যন্ত দ্বারকানাথ প্রিন্সিপালের সহকারি-রূপে মাসিক ১০০/- বেতনে কার্য্য করিয়াছিলেন। সংস্কৃত কলেজের অধ্যক্ষতা ছাড়া, বিদ্যাসাগর মহাশয়ের উপর এই সময়ে নবপ্রতিষ্ঠিত আদর্শ (মডেল) বঙ্গবিদ্যালয়গুলির তত্ত্বাবধানের ভার পড়িয়াছিল। তিনি বিদ্যালয় পরিদর্শনে বাহির হইলে, প্রধানতঃ তাঁহার স্কুলে সংস্কৃত কলেজে অস্থায়ী ভাবে কাজ চালাইবার জন্ত দ্বারকানাথ নিযুক্ত হইয়াছিলেন।

সাহিত্যশাস্ত্রাধ্যাপক।—শ্রীশচন্দ্র বিদ্যারত্ন পদত্যাগ করিলে, তাঁহার স্থলে ১ ডিসেম্বর ১৮৫৫ তারিখ হইতে দ্বারকানাথ মাসিক ৯০/- টাকা বেতনে সংস্কৃত কলেজের সাহিত্যশাস্ত্রাধ্যাপকের পদে নিযুক্ত হন। এই পদে তাঁহাকে সুপারিশ করিয়া অধ্যক্ষ বিদ্যাসাগর মহাশয় ৭ই ডিসেম্বর তারিখে ডিরেক্টর অব পাবলিক ইন্সট্রাকশনকে লিখিয়াছিলেন :

Pundit Sreeshchandra Bidyaratna, Professor of Literature in the Sanskrit College having been appointed Law Officer of the Moorshidabad Circle I have honour to recommend Pundit Dwarakanath Bidyabhushan, Assistant to the Principal of the College for the Professorship. The latter Officer is a man of extensive acquirements and in my humble opinion, fully competent to do justice to the post. He gave satisfactory proof of his abilities as a Teacher while serving as 2nd Professor of Grammar previous to his present employment.

স্বাস্থ্যহানির জন্ত দ্বারকানাথ চাকুরী হইতে অবসর গ্রহণ করিতে বাধ্য হন। ১৮৭৩ খ্রীষ্টাব্দের ১লা জুলাই হইতে তাঁহার পেনশন মঞ্জুর হয়; ইহার পরিমাণ ছিল মাসিক ৬৯।১০। সংস্কৃত কলেজে তাঁহার চাকুরী হইয়াছিল—“২৮ বৎসর ৭ মাস ১৮ দিন”; পেনশন-গ্রহণকালে তাঁহার বয়স—“৫৩ বৎসর ৩ মাস” ছিল। এই পেনশন-সংক্রান্ত

কাগজপত্রে সংস্কৃত কলেজে তাঁহার চাকুরীর যে সংক্ষিপ্ত ইতিহাস আছে, নিম্নে তাহা উদ্ধৃত করিতেছি :—

সংস্কৃত কলেজ	আরম্ভকাল	সমাপ্তিকাল
পুস্তকাদ্যক্ষ ৩০১	১৬ নবেম্বর ১৮৪৪	১৩ জানুয়ারি ১৮৪৫
২য় ব্যাকরণ-অধ্যাপক ৫০১	১৪ জানুয়ারি ১৮৪৫	১৪ মে ১৮৫৫
প্রিন্সিপালের সহকারী ১০০১	১৫ মে ১৮৫৫	৩০ নবেম্বর ১৮৫৫
সাহিত্যশাস্ত্রাধ্যাপক ২০১	১ ডিসেম্বর ১৮৫৫	১১ জুন ১৮৬৩
১০০১	১২ জুন ১৮৬৩	২৮ ফেব্রুয়ারি ১৮৬৬
১২০১	১ মার্চ ১৮৬৬	২৭ মে ১৮৭০
১৫০১	২৮ মে ১৮৭০	২ আগষ্ট ১৮৭২
অস্থস্থতানিবন্ধন ছুটি ..	১০ আগষ্ট ১৮৭২	৩১ আগষ্ট ১৮৭২
সাহিত্যশাস্ত্রাধ্যাপক ১৫০১	১ সেপ্টেম্বর ১৮৭২	২ সেপ্টেম্বর ১৮৭২
অস্থস্থতানিবন্ধন ছুটি ...	৩ সেপ্টেম্বর ১৮৭২	১৭ সেপ্টেম্বর ১৮৭২
সাহিত্যশাস্ত্রাধ্যাপক ...	১৮ সেপ্টেম্বর ১৮৭২	৩০ জুন ১৮৭৩

## জনহিতকর কার্য

“স্বদেশে আসিয়াই তিনি হরিনাভি গ্রামে একটি উচ্চশ্রেণীর ইংরাজী বিদ্যালয় স্থাপন করিলেন। বিদ্যালয়টি প্রথমে একটি সামান্য বাঙ্গালা বিদ্যালয় ছিল। বিদ্যাভূষণ তাহার জীর্ণসংস্কার করিয়া ইংরাজী-সংস্কৃত এনট্রান্স বিদ্যালয়ে পরিণত করেন। বিদ্যালয়টি সংস্থাপন করিয়া রাজপুরে একটি ডাকঘর স্থাপন করিবার জন্য বিদ্যাভূষণ উঠিয়া পড়িয়া চেষ্টা করেন। কিছু দিনের মধ্যেই সে চেষ্টায় সফল হইয়া বিদ্যাভূষণ স্বদেশবাসীর কৃতজ্ঞতাজন হন। ইহার পরই রাত্তা ষাট ও মিউনিসিপালিটির দিকে তাঁহার দৃষ্টি পতিত হয়। তখন রাজপুর

হরিনাভি চাঙ্গড়িপোতা ও তন্নিকটবর্তী আরও কয়েকখানি গ্রাম সাউথ সুবার্বন মিউনিসিপালিটির অধীন ছিল। এতদঞ্চলের অধিবাসিগণ মিউনিসিপালিটিতে যথেষ্ট পরিমাণে ট্যাক্স দিতেন, কিন্তু তাঁহাদের একটি অভাবও মোচিত হইত না। দেশের ভিতর একটিও পাকা রাস্তা ছিল না। এক স্থানেরও বন জঙ্গল কাটা হইত না। বিদ্যাভূষণ তৎকালীন হরিনাভি বিদ্যালয়ের শিক্ষক পণ্ডিত শিবনাথ শাস্ত্রী ও বাবু উমেশচন্দ্র দত্তের সাহায্যে এদেশে একটি স্বতন্ত্র মিউনিসিপালিটি স্থাপন করিবার চেষ্টা করেন। সোমপ্রকাশের জলন্ত ভাষা এবং বিদ্যাভূষণের চেষ্টার গুণে ১৮৭৩ অব্দে রাজপুর মিউনিসিপালিটি নামে এখানে একটি স্বতন্ত্র মিউনিসিপালিটি স্থাপিত হয়। বিদ্যাভূষণ মিউনিসিপালিটির কার্যগুলি তন্ন তন্ন করিয়া পর্যবেক্ষণ করিতেন এবং সময়ে সময়ে প্রশংসা উৎসাহ তিরস্কার ও তৎসনা-বাক্যে কমিশনরগণকে তাহাদের কর্তব্য বুঝাইয়া দিতেন। ইহার আর একটি সংকার্য চাঙ্গড়িপোতার স্টেশন সংস্থাপন। দক্ষিণপূর্ব রেলওয়ে ডায়মণ্ডহারবার পর্যন্ত বিস্তৃত হইলে বিদ্যাভূষণ হরিনাভি কোদালিয়া ও চাঙ্গড়িপোতার অধিবাসিবর্গের সুবিধার জন্ত চাঙ্গড়িপোতায় একটি রেলওয়ে স্টেশন স্থাপিত করিবার জন্ত চেষ্টা করেন। তাঁহার ক্রমাগত চেষ্টায় নিকটে সোনারপুর স্টেশন থাকিতেও চাঙ্গড়িপোতায় আর একটি স্টেশন স্থাপিত হইয়াছে। গ্রামবাসীরা দ্বারকানাথকে দুই হস্ত তুলিয়া আশীর্বাদ করিতেছেন।... সমাজসংস্কার ও স্বদেশের শ্রীবৃদ্ধি সাধনকার্যে তাঁহার চিরজীবন অতিবাহিত হইয়াছে। ইনি বৈদিক ব্রাহ্মণের কুলপ্রথানুসারে “পেটে পেটে সম্বন্ধ” রহিত করেন। তাঁহার দৃষ্টান্তে বৈদিক সমাজে অনেকেই এখন শিশুসম্বন্ধ বন্ধ করিয়াছেন।”—‘সোমপ্রকাশ’।

## মৃত্যু

দ্বারকানাথ স্বাস্থ্য লাভের আশায় জব্বলপুরের অন্তর্গত সাতনায় গিয়া বাস করিতেছিলেন। তথায় ২৩ আগস্ট ১৮৮৬ তারিখে তাঁহার মৃত্যু হয়।\* ভূদেব মুখোপাধ্যায় তৎসম্পাদিত 'এডুকেশন গেজেটে' ( ১৯ ভাদ্র ১২৯৩ ) লিখিয়াছিলেন :—

আমরা অতীব শোকসন্তপ্ত হৃদয়ে প্রকাশ করিতেছি, আমাদের গণনীয় মাননীয় এবং চিরস্মরণীয় সহযোগী সোমপ্রকাশ সংবাদপত্রের সুযোগ্য সম্পাদক পণ্ডিতপ্রবর দ্বারকানাথ বিদ্যাভূষণ মহাশয়ের পরলোক প্রাপ্তি হইয়াছে। বিদ্যাভূষণ মহাশয় বাঙ্গালা সংবাদপত্রের প্রথম শিক্ষাগুরু। তাঁহা হইতেই বাঙ্গালা সংবাদপত্রের উন্নতি হয়। পূর্বে ভাস্কর, প্রতাকর, সমাচারচন্দ্রিকা প্রভৃতি বাঙ্গালা সংবাদপত্র সকল ছিল বটে, কিন্তু সংবাদপত্রের উপযুক্ত বিষয়সমূহ সেই সকল পত্রে লিখিত হইত না। বিদ্যাভূষণ মহাশয়ই সুপদ্ধতিতে বাঙ্গালা সংবাদপত্র পরিচালনের প্রকৃত পথ প্রদর্শন করেন। রাজনীতি, সমাজনীতি প্রভৃতি বিষয়ের আন্দোলন কিরূপে করিতে হয় ; তিনি প্রথম তাহা বাঙ্গালা সংবাদপত্রের সম্পাদকদিগকে দেখাইয়া দেন। এক্ষণে পূর্বাশ্রম বাঙ্গালা সংবাদপত্রসমূহের অনেক উন্নতি হইয়াছে বটে, কিন্তু সোমপ্রকাশ সংবাদপত্রই যে এ উন্নতির মূল, ইহা সকলকেই স্বীকার করিতে হইবে।

বিদ্যাভূষণ মহাশয় বহুদিন যাবৎ বহুমাত্র রোগে কষ্ট পাইতেছিলেন। সম্প্রতি তিনি জব্বলপুর অঞ্চলে জলবায়ু পরিবর্তনের জন্য

---

\* 'রামতনু লাহিড়ী ও তৎকালীন বঙ্গসমাজ' পুস্তকে দ্বারকানাথের মৃত্যু-তারিখ ভুলক্রমে "২২ আগস্ট ১৮৮৬" মুদ্রিত হইয়াছে।

গিয়াছিলেন, সেইখানেই করাল কাল তাঁহাকে গ্রাস করিয়াছে। গত ৮ই ভাদ্র সোমবারে বেলা দুই প্রহরের সময় তাঁহার মানবলীলা সম্বরণ হইয়াছে। বিদ্যাভূষণ মহাশয়ের ৬৭ বৎসর বয়স হইয়াছিল।

“দ্বারকানাথ বড় দয়ালু প্রকৃতির লোক ছিলেন। প্রকৃত দুঃখবস্থায় পড়িলে কেহই তাঁহার সাহায্যলাভে বঞ্চিত হইত না। তিনি মিতব্যয়ী পরিশ্রমী অধ্যবসায়শীল দৃঢ়প্রতিজ্ঞ ও সত্যনিষ্ঠ ব্যক্তি ছিলেন। কখনও কেহ তাঁহাকে মিথ্যা কথা কহিতে শুনে নাই। অথবা কোন-বিষয় গোপন করিতে দেখে নাই। তিনি সত্যপ্রিয়তার বড় আদর করিতেন। মিথ্যাবাদীকে ছুই চক্ষে দেখিতে পারিতেন না। কপটতা তাঁহার স্বভাবের বিরুদ্ধ ছিল। যাহার উপর তাঁহার মনোভঙ্গ হইত, তিনি তাহার ভয়ানক শত্রু হইয়া দাঁড়াইতেন। মিত্রস্থলে তিনি হৃদয় ঢালিয়া দিয়া ভালবাসিতেন। স্বীয় পরিবার, দাসদাসী ও অধিকাংশ প্রতিবেশি-গণের নিকট ইনি বড়ই প্রিয় ছিলেন। কেহ কখনও তাঁহার উপর বিরক্ত বা অসন্তুষ্ট হন নাই। তেজস্বিতা দ্বারকানাথের গুণরাশির শিরোভূষণ ছিল। তিনি স্বয়ং কখন কাহারও আরাধনা করেন নাই। চাটুকার লোকের উপরও তাঁহার বিবদৃষ্টি ছিল।...ইহার স্বদেশবাৎসল্য এত প্রবল ছিল যে, মৃত্যুশয্যায় শয়ন করিয়াও তিনি স্বদেশবাসীর উন্নতির চেষ্টা করিয়াছিলেন।”—‘সোমপ্রকাশ’।

## সাহিত্য-কীর্ত্তি

‘সোমপ্রকাশ’।—দ্বারকানাথ যখন সংস্কৃত কলেজে সাহিত্য-শাস্ত্রের অধ্যাপক, সেই সময় তাঁহার সম্পাদনায় ‘সোমপ্রকাশ’ প্রকাশিত হয়। ইহার প্রথম সংখ্যার প্রকাশকাল—১৫ নবেম্বর ১৮৫৮

( ১ অগ্রহারণ ১২৬৫ ) সোমবার । ‘সোমপ্রকাশে’র কণ্ঠে এই শ্লোকটি থাকিত—

প্রবর্ততাং প্রকৃতিহিতায় পার্থিবঃ সরস্বতী শ্রুতিমহতী ন হীয়তাং ।

‘সোমপ্রকাশ’ প্রথমে কলিকাতায় ( ১ নং সিদ্ধেশ্বর চন্দ্রের লেন, চাঁপাতলা ) বাঙ্গলা যন্ত্র হইতে প্রকাশিত হইত । এই মুদ্রায়ন্ত্রটি দ্বারকানাথকে সহায় করিয়া তাঁহার পিতা হরচন্দ্র ১৮৫৬ সনে প্রতিষ্ঠা করিয়াছিলেন । পরে মাতলা রেল খোলা হইলে মুদ্রায়ন্ত্রটি চাংড়িপোতায় স্থানান্তরিত হয় । ১৮৬২ খ্রীষ্টাব্দের এপ্রিল মাস হইতে ‘সোমপ্রকাশ’ চাংড়িপোতায় মুদ্রিত হইয়া প্রকাশিত হইতে থাকে ।

১৮৬৫ খ্রীষ্টাব্দের ২রা জানুয়ারী হইতে কর্মবাহুল্যের দরুন দ্বারকানাথ ‘সোমপ্রকাশে’র সম্পাদন-ভার মোহনলাল বিদ্যাবাগীশের হস্তে দিয়া কিছু দিনের জন্য অবসর গ্রহণ করেন ।

১৮৭৮ খ্রীষ্টাব্দে ভার্নাকিউলার প্রেস অ্যাঙ্ক জারি হইল “রাজকোপে পড়িয়া সোমপ্রকাশের এক বর্ষ আয়ু ক্ষয় হইয়া” যায় । পরে ৯ এপ্রিল ১৮৮০ ( ৮ বৈশাখ ১২৮৭ ) তারিখ হইতে “২৩শ ভাগ ১ম সংখ্যা” ‘সোমপ্রকাশ’ “নব কলেবর ধারণ করিয়া...কলিকাতা মৃজাপুর দপ্তরি-পাড়া কল্পক্রম যন্ত্রে মুদ্রিত হইয়া প্রতি সোমবার প্রকাশিত” হয় । ইহার অল্প দিন পরেই ‘সোমপ্রকাশ’ হস্তান্তরিত হইয়াছিল ।

‘কল্পক্রম’ ।—১২৮৫ সালের ভাদ্র মাস হইতে দ্বারকানাথ ‘কল্পক্রম’ নামে একখানি উচ্চশ্রেণীর মাসিক পত্রিকা প্রকাশ করেন । এই পত্রিকায় ‘দেবগণের মর্ত্যে আগমন’ ধারাবাহিক ভাবে প্রথমে প্রকাশিত হয় । অপটু স্বাস্থ্য লইয়া দ্বারকানাথ বেশী দিন ‘কল্পক্রম’ পরিচালন করিতে পারেন নাই । পাঁচ বৎসর—১২৯১ সাল পর্যন্ত চলিয়া ইহা লুপ্ত হয় ।

গ্রন্থাবলী।—স্থলিখিত পাঠ্য পুস্তকের একান্ত অভাব অনুভব করিয়া দ্বারকানাথ কয়েকখানি পুস্তক রচনা ও প্রকাশ করিয়াছিলেন। এগুলির একটি কালানুক্রমিক তালিকা দিতেছি :—

১। নীতিসার :

১ম ভাগ... ৫ই চৈত্র ১৯১২ সংবৎ ( ইং ১৮৫৬ )

২য় ভাগ ...১০ বৈশাখ ১৯১৩ সংবৎ ( ইং ১৮৫৬ )

৩য় ভাগ ...১২ ফেব্রুয়ারি ১৮৭৮

২। রোমরাজ্যের ইতিহাস। ইং ১৮৫৭। পৃ. ২৫০।

রোমরাজ্যের ইতিহাস লিয়োনার্ড স্মিটজ ও আর্নল্ড কুত রোমীয় ইতিহাস হইতে সংগৃহীত কলিকাতাস্থ গবর্নমেন্ট সংস্কৃত কলেজের সাহিত্যশাস্ত্রাধ্যাপক শ্রীদ্বারকানাথ বিদ্যাভূষণ কর্তৃক বাঙ্গলা ভাষায় প্রণীত প্রথম ভাগ কলিকাতা টাণ্ডাপাতলা—বাঙ্গলা যন্ত্রে মুদ্রিত সন ১২৬৪ সাল—মূল্য দুই টাকা।

“প্রায় চারি বৎসর অতীত হইল, শ্রীযুক্ত ঈশ্বরচন্দ্র বিদ্যাসাগর মহাশয় আমাকে রোমরাজ্যের ইতিহাস লিখিতে কহেন এবং লিয়োনার্ড স্মিটজ মহোদয়ের কৃত একখানি রোমের ইতিহাস পুস্তক দেন। আমি সেই গ্রন্থ অবলম্বন করিয়া এই পুস্তক লিখিয়াছি। স্থানে স্থানে টমাস আর্নল্ড মহোদয়ের কৃত রোমীয় ইতিহাস হইতে কোন কোন বিষয় গ্রহণ করা গিয়াছে।”—বিজ্ঞাপন

৩। গ্রীসদেশের ইতিহাস। ইং ১৮৫৭। পৃ. ৩৫৭।

গ্রীসদেশের ইতিহাস। প্রথমাবধি রোমকদিগের অধিকার পর্যন্ত লিয়োনার্ড স্মিটজ মহোদয়ের কৃত গ্রীসদেশীয় ইতিহাস হইতে সংগৃহীত। গবর্নমেন্ট সংস্কৃত পাঠশালা সাহিত্যশাস্ত্রাধ্যাপক

শ্রীদ্বারকানাথ বিদ্যাভূষণ কর্তৃক প্রণীত কলিকাতা চাঁপাতলা—  
বাঙ্গালা যন্ত্রে শ্রীগোবিন্দচন্দ্র ভট্টাচার্য্য কর্তৃক মুদ্রিত ১২৬৪ সাল  
মূল্য এক টাকা চারি আনা।

“শ্রীযুক্ত ঈশ্বরচন্দ্র বিদ্যাসাগর মহাশয় আমাকে এই গ্রন্থ  
লিখিতে কহেন এবং একখানি ইংরাজী গ্রীসদেশীয় ইতিহাস  
আনাইয়া দেন। ঐ মহাশয় যথোচিত যত্ন ও উৎসাহ প্রদান না  
করিলে এই গ্রন্থের প্রণয়ন ও প্রচারণ এত শীঘ্র সম্পন্ন হওয়া ভার  
হইত।

লিয়োনার্ড স্মিট্জ মহোদয় ইংরাজী ভাষায় গ্রীসদেশের যে  
ইতিহাস লিখিয়াছেন, তাহা অবলম্বন করিয়া এই গ্রন্থ লিখিত  
হইয়াছে। ইংরাজী ভাষায় কতকগুলি শব্দ আছে, বাঙ্গালা  
ভাষায় তদর্থ বোধক শব্দ নাই। সেই শব্দগুলি নূতন সঙ্কলন  
করিতে হইয়াছে। সেই সকল শব্দ ও তাহার অর্থ গ্রন্থের শেষ  
ভাগে লিখিত হইল। শ্রীদ্বারকানাথ শর্মা। কলিকাতা। সংস্কৃত  
কালেজ। ১২৬৪ সাল। ২৫শে অগ্রহায়ণ।”—বিজ্ঞাপন

৪। স্মৃতি ব্যবহার। ইং ১৮৬০। পৃ. ৫৭।

স্মৃতি ব্যবহার। শ্রীদ্বারকানাথ বিদ্যাভূষণ কর্তৃক অনুবাদিত।  
কলিকাতা। চাঁপাতলা বাঙ্গালা—যন্ত্রে মুদ্রিত। ১২৬৭ সাল ১২  
জ্যৈষ্ঠ মূল্য ১/০ আনা মাত্র।

লর্ড বেকনের প্রণীত এডবাল্‌সমেন্ট অব লার্নিং নামে যে  
গ্রন্থ আছে বেকন তাহাতে সলোমন প্রভৃতির কয়েকটি উপদেশ  
বাক্যের ব্যাখ্যা করিয়াছেন। আমি সেইগুলি অনুবাদ করিয়া  
স্মৃতি ব্যবহার নাম দিয়া মুদ্রিত ও প্রচারিত করিলাম এতৎ পাঠে  
বালকদিগের ধর্মনীতি, নীতি ও রাজনীতি জ্ঞানের সম্ভাবনা  
আছে।”—বিজ্ঞাপন



৫। ভূষণসার ব্যাকরণ। ইং ১৮৬৫। পৃ. ৫৮।

ইহা “নূতন প্রণালী অনুসারে বাঙ্গলা ব্যাকরণ”। ১ মে ১৮৬৫ তারিখের ‘সোমপ্রকাশে’ ইহার প্রকাশ-সংবাদ প্রথমে বিজ্ঞাপিত হয়।

“গ্রন্থকারদিগের অনেকে বাঙ্গলা ভাষার প্রকৃতি রীতির অনুসরণ না করিয়া সংস্কৃতের অনুসরণ করিয়াছেন। তন্নিবন্ধন তাঁহাদিগের প্রয়াস সম্যক্ ফলোপধায়ী হয় নাই। ষাঁহাদিগের বাঙ্গলা রীতির প্রতি সমধিক দৃষ্টি ছিল, তাঁহাদিগেরও গ্রন্থে কএকটা মারাত্মক দোষ ঘটিয়াছে। কেহ অনাবশ্যক ও বালকদিগের দুর্কোষ বিষয়দ্বারা গ্রন্থ পূর্ণ করিয়াছেন; কাহার বা রচনা এমনি ছুরুহ যে বালকের দূরে থাকুক বৃদ্ধেরও দস্তফুট করা ভার। এতদ্ভিন্ন ব্যাকরণজ্ঞেয় অনেক বিষয়ের মীমাংসা হয় নাই, আর কতকগুলি বিষয়ের অযথাযথ মীমাংসা করা হইয়াছে।”

৬। বিশেষ্বর বিলাপ। ৪ ভাদ্র ১২৮১ ( ইং ১৮৭৪ )। পৃ. ১০৫।

বিশেষ্বর বিলাপ। বিবিধ নীতিপূর্ণ বাঙ্গলা পদ্যে কাণীর পাপ বর্ণন করিয়া পাপ হইতে বিরত হইবার উপদেশ। শ্রী দ্বারকানাথ বিদ্যাভূষণ প্রণীত। সোমপ্রকাশ যন্ত্রে মুদ্রিত। ১২৮১ সাল। মূল্য ৥০ আট আনা।

৭। উপদেশমালা :

১ম ভাগ...১ আশ্বিন ১২৯০ ( ইং ১৮৮৩ )

২য় ভাগ... ১২৯০

“আমি বালকবালিকাদিগের শিক্ষার্থ পদ্যে কতকগুলি নীতিবাক্য সংগ্রহ করিয়া উপদেশমালা নাম দিয়া প্রচার করিতে আরম্ভ করিলাম। ইহা ভাগ ভাগ ক্রমে বিরচিত, মুদ্রিত ও প্রচারিত হইবে। উপদেশমালা পদ্যে রচনা করিবার কারণ

এই, দেশের গ্রন্থকারেরা অভিধান ও ধাতুপাঠ পর্য্যন্ত পদ্যে প্রণয়ন করিয়াছেন। তাহাতে স্পষ্ট বোধ হইতেছে এ দেশীয়দিগের পদ্যে রুচি স্বভাবসিদ্ধ। বালকবালিকারা গদ্য অপেক্ষা পদ্যে অধিক ভালবাসে, ইহাও দেখিতে পাওয়া যায়। গদ্য অপেক্ষা পদ্য সহজে কঠিন হয় এবং উহা দীর্ঘকাল স্মৃতিপথে থাকে। নীতিবাক্যগুলি বালকবালিকাদিগের সদা মুখস্থ থাকে, ইহা একান্ত অভিপ্রেত।”  
—বিজ্ঞাপন

[ মৃত্যুর পরে প্রকাশিত ]

৮। সাংখ্যদর্শন। ইং ১৮৮৬। পৃ. ৩০০।

সাংখ্যদর্শন। মূল, ভাষ্য ও সরল অনুবাদ সহ সোমপ্রকাশ সম্পাদক সুবিখ্যাত পণ্ডিতবর ৮দ্বারকানাথ বিদ্যাভূষণ প্রণীত। ৫৪ নং কলেজ স্ট্রীট সোমপ্রকাশ ডিপজিটরি দ্বারা প্রকাশিত। কলিকাতা, ৪৮ নং গুরুপ্রসাদ চৌধুরীর লেন সোমপ্রকাশ যন্ত্রে, শ্রীগিরীশচন্দ্র ঘোষ দ্বারা মুদ্রিত। সন ১২৯৩।

“সাংখ্যদর্শন মুদ্রিত ও প্রকাশিত হইল। পরিতাপের বিষয়, যে মহাত্মা এত যত্ন ও অধ্যবসায় সহকারে এই কার্যে প্রবৃত্ত হইয়াছিলেন, তিনি ইহার মুদ্রাকার্যের শেষ ও প্রকাশিত হওয়া দেখিয়া যাইতে পারিলেন না। যাহা হউক, পরলোক গমনের পূর্বেই তিনি ইহার অনুবাদাদি সমুদায় শেষ করিয়া রাখিয়াছিলেন।”  
—বিজ্ঞাপন

\* \* \*

“দেবগণের মর্ত্যে আগমন”। ইহা দ্বারকানাথ কর্তৃক “সম্পাদিত” হইয়া তাঁহার মৃত্যুর অব্যবহিত পরে দুর্গাচরণ রায় কর্তৃক প্রকাশিত হয়।

# তারশঙ্কর তর্করত্ন

১—১৮৫৮

## জন্ম ; শিক্ষা

**উ**নবিংশ শতাব্দীর তৃতীয় দশকে নদীয়া জেলায় কাঁচকুলি গ্রামে তারশঙ্করের জন্ম হয়। তাঁহার পিতার নাম মধুসূদন চট্টোপাধ্যায়। তারশঙ্কর কলিকাতা গবর্নমেন্ট সংস্কৃত কলেজে প্রবিষ্ট হইয়া বিভিন্ন শ্রেণীতে ১৩ বৎসর অধ্যয়ন করেন। তিনি সংস্কৃত কলেজের কৃতী ছাত্র। ছাত্রাবস্থায় তিনি একবার কতকগুলি সংস্কৃত শ্লোক রচনা করিয়া রবার্ট কার্ট্‌ সাহেব-প্রদত্ত ৫০ টাকা পুরস্কার লাভ করিয়াছিলেন। প্রতিযোগিতা-পরীক্ষা হয় ২১ নবেম্বর ১৮৪৫ তারিখে, ফোর্ট উইলিয়ম কলেজে। এই পরীক্ষার ফলাফল সম্বন্ধে পরীক্ষক জি. টি. মার্শেল শিক্ষা-পরিষদকে লিখিয়াছিলেন :—

F. J. Mouat, Esq.

Secy. to the Coucil of Education,

Sir,

I have the honor to report for the information of the Council that on the 21 Nov. I examined 10 candidates for the Annual Prize of 50 Rupees given by Mr. [R. N.] Cast to be awarded to the author of the best Sanskrit Poetical Essay.

The subject proposed by me was "What are the advantagas and disadvantages of a Town and Country Life and which of the two deserves the preference?"

Only two of the candidates, Tarasunker and Srish Chunder gave in the prescribed number of verses namely 25. I am of opinion that the Essay of Tarasunker deserves the Prize...

College of Fort William

27 Decr. 1842

I have the etc.

G. T. Marshall

তারশঙ্করের ছাত্র-জীবন কিরূপ উজ্জ্বল ছিল, তাহার সিনিয়র-বৃত্তি পরীক্ষার ফল হইতে তাহা জানা যাইবে। শিক্ষাবিষয়ক সরকারী রিপোর্টে প্রকাশ :—

**General Results of the Senior Scholarship Examination of the Govt. Sanskrit College, for 1849-50.**

**Total Number of Marks 300—The Number 50 denoting perfection in each subject.**

**1. Tarashankar Sharma ; “Literature 48 ; Rhetoric 46 ; Science 46 ; Essay 40 ; Poetical Essay 48 ; Bengali Essay 45 ; Total 267. In science selected—Law, Retain.”\***

১৮৫১ খ্রীষ্টাব্দের সেপ্টেম্বর মাসে তারশঙ্কর সংস্কৃত কলেজের পাঠ সাক্ষর করেন। তিনি এই প্রতিষ্ঠান হইতে যে প্রশংসাপত্র লাভ করিয়াছিলেন, নিম্নে তাহার অনুলিপি দিতেছি :—

**No. 150**

**Government Sanscrit College of Calcutta.**

**We hereby certify that Tarasankar Tarkaratna has attended at the Sanskrit College for thirteen years and studied the following Branches of Sanskrit Literature—Grammar, Belleslettres, Rhetoric, Mathematics, Law and Logic, that he has attained eminent proficiency on the subject of these studies ; that he has made fair progress in the English Language and Literature ; and that his conduct has been perfectly satisfactory. At the time of leaving the College he held a Senior Scholarship six years.**

**Fort William**

**The 9th January 1852.**

**James Wm. Colville**

**President, Council of Education.**

**F. J. Mouat**

**Secretary, Council of Education**

**Eshwar Chandra Sharma**

**Principal.**

---

\* Genl. Rep. on Public Instruction, in the Lower Provinces of the Bengal Presidency, From 1st Oct. 1849 to 30th Sept. 1850, App. F. p. ccxliii.

## চাকুরী

সংস্কৃত কলেজের পুস্তকাধ্যক্ষ ।—কাশীনাথ তর্কপঞ্চাননের মৃত্যু হইলে সংস্কৃত কলেজে পুস্তকাধ্যক্ষের পদ শূন্য হয় । কলেজের অধ্যক্ষ পণ্ডিত ঈশ্বরচন্দ্র বিদ্যাসাগর এই পদে তারাশঙ্করকে সুপারিশ করিয়া ১০ নবেম্বর ১৮৫১ তারিখে শিক্ষা-পরিষদকে যে পত্র লেখেন, তাহা উদ্ধৃত করিতেছি :—

...Tarasankar Sharma be appointed to succeed Pundit Kasinath Tarkapanchanan.

Tarasankar is one of the most distinguished students of the Institution. He left the college in September last completing the full period allowed for study. He held a senior scholarship of the first class for five years and, for the last three years successively, kept the first place in the General list. His character is unexceptionable. In addition to his eminent proficiency in Sanscrit, he possesses a fair knowledge of English literature. When, in June last, the overcrowded state of the Grammar classes required a subdivision of the pupils he was temporarily appointed to take charge of a class and discharged his duties very satisfactorily. Of all the ex-students of the Institution, who are still employed, he is decidedly the best. If the Council be pleased to appoint Tarasankar to the Librarian's post I shall derive great assistance from him.

তারাশঙ্কর ১২ নবেম্বর ১৮৫১ তারিখ হইতে মাসিক ৩০ বেতনে সংস্কৃত কলেজে যোগদান করেন । এই পদে তিনি ১৪ মে ১৮৫৫ তারিখ পর্যন্ত নিযুক্ত ছিলেন ।

নদীয়ার সাব-ইন্স্পেক্টর ।—১ মে ১৮৫৫ তারিখে ঈশ্বরচন্দ্র বিদ্যাসাগর সংস্কৃত কলেজের অধ্যক্ষ-পদ ছাড়া, দক্ষিণ-বঙ্গের অ্যাসিস্ট্যান্ট ইন্স্পেক্টর-অব-স্কুলসের পদ লাভ করেন । শহরে ও গ্রামে গ্রামে মডেল স্কুল স্থাপন ও পরিদর্শন জন্ত তাঁহাকে কয়েক জন

সাব-ইন্স্পেক্টর নিযুক্ত করিতে হইয়াছিল। তিনি তারাশঙ্করকে ১০০ বেতনে নদীয়ার সাব-ইন্স্পেক্টর নির্বাচিত করেন। পরবর্তী ১৫ই জুন হইতে তারাশঙ্করের স্থলে জগন্মোহন শর্মা সংস্কৃত কলেজের পুস্তকাধ্যক্ষ নিযুক্ত হইয়াছিলেন।

## মৃত্যু

তারাশঙ্কর স্বল্পায়ু ছিলেন। ১৮৫৮ খ্রীষ্টাব্দের শেষার্ধ্বে তাঁহার মৃত্যু হয়। ১৫ নবেম্বর ১৮৫৮ তারিখে শ্রীপতি মুখোপাধ্যায় ১৫০ বেতনে নদীয়ার ডেপুটি ইন্স্পেক্টর নিযুক্ত হইয়াছিলেন।\*

## গ্রন্থাবলী

তারাশঙ্করের রচিত গ্রন্থের সংখ্যা অধিক নহে। সংক্ষিপ্ত মন্তব্য সহ আমরা এগুলির একটি কালানুক্রমিক তালিকা দিতেছি।

১। ভারতবর্ষীয় স্ত্রীগণের বিদ্যা শিক্ষা। ইং ১৮৫০।

এই পুস্তিকাখানি প্রথমে হেয়ার-পুরস্কারপ্রাপ্ত রচনা হিসাবে ১৮৫০ খ্রীষ্টাব্দে মুদ্রিত হয়। ৭ই নবেম্বর ১৮৫০ তারিখে 'সংবাদ পূর্ণচন্দ্রোদয়' পত্র লেখেন :—

স্ত্রীশিক্ষাবিষয়ক পুস্তক।—শ্রীযুত তারাশঙ্কর শর্মা পণ্ডিত মহাশয় ডেবিড হিয়ার সাহেবের স্মরণার্থ সভার দত্ত স্ত্রীশিক্ষা বিষয়ক প্রস্তাব রচনা করিয়া গত বৎসর শত মুদ্রা পারিতোষিক পাইয়াছেন এবং উক্ত সভা হইতে তাঁহার সেই রচনা পুস্তকাকারে মুদ্রিত হইয়াছে ...।

\* *Report on Public Instruction in Bengal, 1866-67, App. A, p. 7,*

১৮৫১ খ্রীষ্টাব্দে এই পুস্তিকার দ্বিতীয় সংস্করণ ( পৃ. ৫৮ ) প্রকাশিত হয় ।

২ পশ্চাবলী । ইং ১৮৫২ । পৃ. ১৭২ ।

এই পুস্তকখানি প্রথমে ১৮২৮ খ্রীষ্টাব্দে লসন্ কর্তৃক সংকলিত ও পীয়স কর্তৃক অনূদিত হইয়া প্রকাশিত হয় । তারশঙ্কর কর্তৃক আমূল পুনর্লিখিত হইয়া, এই পুস্তকের একটি সংস্করণ কলিকাতা-স্কুলবুক-সোসাইটি কর্তৃক ১৮৫২ খ্রীষ্টাব্দের জুন মাসে প্রকাশিত হইয়াছিল । কলিকাতা-স্কুলবুক-সোসাইটির ১৬শ কার্যবিবরণে ( পৃ. ১ ) প্রকাশ :—

The new addition of Lawson's Animal Biography, in Bengali, re-written by Pandit Tarasankar, appeared in June last...

৩। কাদম্বরী । ইং ১৮৫৪ । পৃ. ১৯২ ।

KADAMBARI Bengali By Tara Shankar Sharma Calcutta, Printed at the Sanscrit Press 1854.

কাদম্বরী । বাঙ্গালা অনুবাদ শ্রীতারশঙ্কর শর্মা প্রণীত । কলিকাতা সংস্কৃত যন্ত্রালয়ে মুদ্রিত । সংবৎ ১৯১১ ।

“সংস্কৃত ভাষায় কাদম্বরী নামে যে মনোহর গদ্যগ্রন্থ প্রসিদ্ধ আছে তাহা অবলম্বন করিয়া এই পুস্তক লিখিত হইল । ইহা ঐ গ্রন্থের অবিকল অনুবাদ নহে । গল্পটি মাত্র অবিকল পরিগৃহীত হইয়াছে । বর্ণনার অনেক অংশ পরিত্যাগ করা গিয়াছে ।...কলিকাতা সংস্কৃত বিদ্যালয় ৩ আশ্বিন সংবৎ ১৯১১ ।”

—বিজ্ঞাপন

গঙ্গাচরণ সরকার ‘বঙ্গসাহিত্য ও বঙ্গভাষা বিষয়ে বক্তৃতা’ ( ইং ১৮৮০ ) পুস্তিকায় তারশঙ্করের ‘কাদম্বরী’-প্রসঙ্গে লিখিয়াছেন :—

বিদ্যাসাগর মহাশয়ের বেতাল পঞ্চবিংশতি ও জীবন-চরিতের পর পণ্ডিতবর শ্রীযুক্ত তারশঙ্কর ভট্টাচার্য মহাশয়ের কাদম্বরী

সাহিত্য সংসারে দর্শন দিল । কাদম্বরী তো কাদম্বরী ! ভাষাকে  
যেন ক্ষণকালের জন্ত মাতাইয়া তুলিল । যেমন শব্দের ঘটা, তেমনি  
সমাসের ছটা, তেমনি উপমার আড়ম্বর । বাঙ্গালার জনসোনিয়ান্  
ভাষা । বাঙ্গালার গদ্যছন্দে কাব্যের উচ্ছ্বাস ।—পৃ. ৬৯ ।

৪ । **রাসেলাস** । ইং ১৮৫৭ । প. ৮ + ২৪২ ।

RASSELAS A Free Translation by Tara Shankar  
Tarkaratna. রাসেলাস । Calcutta : The Sanskrit Press. College  
Square No. 1, Printed And Published by Hurish Chandra  
Tarkalankar 1857.

“ইঙ্গরেজী ভাষায় জনসন প্রণীত সুপ্রসিদ্ধ রাসেলাস গ্রন্থ  
অবলম্বন করিয়া এই পুস্তক লিখিত হইল । ইহা ঐ গ্রন্থের অবিকল  
অনুবাদ নহে ।...কলিকাতা । সংস্কৃত-কালেজ । ২৫এ ভাদ্র ।  
সংবৎ ১৯১৪ ।”—বিজ্ঞাপন

\*

\*

\*

তারাশঙ্করের আর একটি রচনার সন্ধান পাওয়া গিয়াছে । ১৮৫৭  
খ্রীষ্টাব্দে প্রকাশিত, নীলমণি বসাক-সংগৃহীত ‘ভারতবর্ষের ইতিহাস’,  
১ম ভাগে মুদ্রিত “হিন্দুধর্ম” অধ্যায়টি তারাশঙ্করের লিখিত । নীলমণি  
বসাক পুস্তকের ভূমিকায় লিখিয়াছেন :—

...প্রথম খণ্ডে ধর্ম বিষয়ক যে প্রস্তাব লিখিত হইল, তাহা  
কাদম্বরী-লেখক পণ্ডিতবর শ্রীযুক্ত তারাশঙ্কর ন্যায়রত্ন মহাশয়  
লিখিয়া দিয়াছেন,...



## তারশঙ্কর ও বাংলা-সাহিত্য

উনবিংশ শতাব্দীর শেষার্ধ্বে বাংলা দেশের ছাত্রসমাজ তারশঙ্কর তর্করত্নের নামের সহিত বিশেষ পরিচিত না হইলেও তাঁহার রচিত ‘কাদম্বরী’র সহিত তাহাদের ঘনিষ্ঠ পরিচয় ছিল। বিংশ শতাব্দী আরম্ভের সঙ্গে সঙ্গে সে পরিচয়ের সূত্রটুকুও ছিন্ন হইয়া গিয়াছে। অথচ এই তারশঙ্করের প্রভাব এক দিন বঙ্কিমচন্দ্রও বিশেষ ভাবে স্বীকার করিয়াছিলেন। তিনি বলিয়াছিলেন যে, বাংলা ভাষার এক প্রান্তে তারশঙ্করের ‘কাদম্বরী’ এবং অন্য প্রান্তে প্যারীচাঁদের ‘আলালের ঘরের দুলাল’। সুতরাং বাংলা গদ্য-সাহিত্যের ইতিহাসে তারশঙ্করের স্থান আমাদের স্বীকার করিতেই হইবে।

রচনার নিদর্শন-স্বরূপ তারশঙ্করের গ্রন্থগুলি হইতে কিছু কিছু উদ্ধৃত করিতেছি :—

‘ভারতবর্ষীয় স্ত্রীগণের বিত্তা শিক্ষা’ ( ইং ১৮৫০ ) :—

পয়ঃপান দ্বারা পিপাসা শান্তি হইলে যে প্রকার আনন্দ হয় চির বিযুক্ত মিত্র মিলন দ্বারা যে রূপ হৃদয়ে সুখ ধারা বর্ষণ করে নিবিড় ঘন ঘটায় ঘোরতর অন্ধকারাচ্ছন্ন রজনীতে রাজমার্গে আলোক অবলোকন করিয়া যে রূপ চিত্ত হর্ষে পুলকিত হয় তদ্রূপ বিদ্যামৃত অজ্ঞান তৃষ্ণা নষ্ট করিয়া হৃদয়কে হৃষ্ট ও প্রফুল্ল করে। সেই বিদ্যামৃত পান করিলে স্ত্রীলোকেরা সুখী হইবে ইহাতে সন্দেহ কি ? বরং আরও পুরুষদিগের অশেষ ক্লেশ নিবারণ হইবার সম্ভাবনা। বিবেচনা করিলে ভারতবর্ষীয় পুরুষদিগের সংসারের অশেষ দুঃখ সম্ভোগ করিতে হয়। প্রথমতঃ ধনোপার্জন ধন রক্ষণ ও ধন বর্দ্ধনের চিন্তা দ্বিতীয়তঃ তাহার সুনিয়মে

ব্যয় তাবৎ চিন্তাই পুরুষদিগকে করিতে হয়। কি কহিব কোন স্থানে একখানি পত্র লিখিতে হইলে পুরুষের উপাসনা ব্যতিরেকে তাহা সম্পন্ন হয় না। কোন গৃহস্থ বিদেশে গমন করিতে বাধিত হইলে তাঁহার অগ্রে এই ভাবনা উপস্থিত হয় বাটীতে কে থাকিবে ও কি রূপে গৃহকর্ম নিষ্পন্ন হইবে। বিশেষতঃ ষাঁহাদিগের জমিদারি অথবা বাণিজ্য কিম্বা লাভ সংক্রান্ত ব্যাপার থাকে তাঁহাদিগের পুরুষ ব্যতিরেকে কোন প্রকারে চলে না। তদ্বিষয়ক লেখা পড়া ও হিসাব আমাদিগের অভাগা স্ত্রী লোকেরা কিছুই জানে না তাহারা প্রায় এক কুড়ি দশ টাকা বই ত্রিশ টাকা কহিতে জানে না সুতরাং অনেক স্থানে স্ত্রীনিয়াছি ও দেখিতেছি যৌষিদ্গণের হস্তে তাবৎ বিষয় কর্মের ভার অর্পিত হইলে তাহা শীঘ্র বিনষ্ট হয়। ছুঁ লোকেরা প্রলোভ দেখাইয়া, বা অপর উপায় দ্বারা তাহার বিষয় হস্তগত করে। ফলতঃ এতদেশীয় স্ত্রী জনকে প্রতারণা করা অতি সহজ কিন্তু তাহারা লেখা পড়া জানিলে বিষয় রক্ষণাবেক্ষণ করিতে সক্ষম হয় ও তদ্বিষয়ক সকল লেখা পড়া বুঝিতে এবং বুঝাইতে পারে। রাণী ভবানী যদি বাল্যাবস্থায় বিদ্যাভ্যাস না করিতেন তবে তাঁহার স্বামি মরণান্তর কখন তাবৎ বিষয় রক্ষা করিতে পারিতেন না ও সকলের নিকট প্রতিষ্ঠা এবং সুখ্যাতি প্রাপ্ত হইতেন না। রাণী ভবানীর এতাদৃশী কীর্ত্তি যে বাঙ্গলায় অত্যাধিক সকল লোকে তাঁহার নাম স্মরণ করিতেছে, কিন্তু কি আশ্চর্য্য তাঁহার পতির নাম অল্প লোকে অবগত আছে। শাস্ত্রকারেরাও ধন রক্ষণ ও ধন ব্যয়ের ভার স্ত্রীলোকের প্রতি অর্পণ করিয়াছেন।—২য় সংস্করণ, পৃ: ৩১-৩৩

‘কাদম্বরী’ ( ইং ১৮৫৪ ) :—

ভারতবর্ষের মধ্যস্থলে বিক্র্যাচলের নিকটে এক অটবী আছে। উহাকে বিক্র্যাটবী কহে। ঐ অটবীর মধ্যে গোদাবরী নদীর তীরে

ভগবান্ অগস্ত্যের আশ্রম ছিল । যে স্থানে ত্রেতাযতার ভগবান্ রামচন্দ্র পিতৃ আজ্ঞা প্রতিপালনের নিমিত্ত সীতা ও লক্ষ্মণের সহিত পঞ্চবটীতে পর্ণশালা নিৰ্ম্মাণ করিয়া কিঞ্চিৎ কাল অবস্থিতি করিয়াছিলেন । যে স্থানে দুৰ্ব্বৃত্ত দশাননপ্রেরিত নিশাচর মারীচ কনকমৃগরূপ ধারণ পূৰ্ব্বক জানকীর নিকট হইতে রামচন্দ্রকে হরণ করিয়াছিল । যে স্থানে মৈথিলীবিয়োগবিধুর রাম ও লক্ষ্মণ সাশ্রনয়নে ও গদ্গদবচনে নানা প্রকার বিলাপ ও অনুতাপ করিয়া তত্রস্থ পশুপক্ষীদিগকেও দুঃখিত এবং বৃক্ষদিগকেও পরিতাপিত করিয়াছিলেন । ঐ আশ্রমের অনতিদূরে পম্পানামক সরোবর আছে । ঐ সরোবরের পশ্চিমতীরে ভগবান্ রামচন্দ্র শরদ্বারা যে সপ্ত তাল বিদ্ধ করিয়াছিলেন তাহার নিকটে এক প্রকাণ্ড শাল্মলী বৃক্ষ আছে । বৃহৎ এক অজগর সর্প সৰ্ব্বদা ঐ বৃক্ষের মূলদেশ বেষ্ঠন করিয়া থাকাতে, বোধ হয় যেন, আলবাল রহিয়াছে । উহার শাখা প্রশাখা সকল একরূপ উন্নত ও বিস্তৃত, বোধ হয় যেন, হস্ত-প্রসারণ পূৰ্ব্বক গগনমণ্ডলের দৈর্ঘ্য পরিমাণ করিতে উঠিতেছে । স্বক্কদেশ একরূপ উচ্চ, বোধ হয় যেন, একবারে পৃথিবীর চতুর্দিক অবলোকন করিবার আশয়ে মুখ বাড়াইতেছে । ঐ তরুর কোটরে, শাখাগ্রে, স্বক্কদেশে ও বন্ধলবিবরে কুলায় নিৰ্ম্মাণ করিয়া শুক শারিক প্রভৃতি নামাবিধ পক্ষিগণ সুখে বাস করে । তরু অতিশয় প্রাচীন স্মতরাং বিরলপল্লব হইয়াও পক্ষিশাবকদিগের দিবানিশি অবস্থিতি প্রযুক্ত সৰ্ব্বদা নিবিড়পল্লবাকীর্ণ বোধ হয় । কোন কোন পক্ষিশাবকের পক্ষোদ্ভেদ হয় নাই তাহাদিগকে ঐ বৃক্ষের ফল বলিয়া ভ্রান্তি জন্মে । পক্ষীরাত্তিকালে বৃক্ষকোটে আপন আপন নীড়ে নিদ্রা যায় । প্রভাত হইলে আহারের অন্বেষণে শ্রেণীবদ্ধ হইয়া গগনমার্গে উড্ডীন হয় । তৎকালে বোধ হয় যেন, হরিদ্বর্ণদূৰ্ব্বাদলপরিপূর্ণ ক্ষেত্র আকাশমার্গ দিয়া

চলিয়া যাইতেছে। তাহারা দিগদিগন্তে গমন করিয়া আহারদ্রব্য  
অন্বেষণপূর্বক আপনারা ভোজন করে এবং শাবকদিগের মিমিত্ত  
চক্ষুপুটে করিয়া খাদ্য সামগ্রী আনে ও যত্নপূর্বক আহার করাইয়া  
দেয়।—৪র্থ সংস্করণ, পৃ. ৫-৭।

সদৃশে জন্মিলেই যে, সৎ ও বিনীত হয় এ কথা অগ্রাহ। উর্ধ্বরা  
ভূমিতে কি কণ্টকী বৃক্ষ জন্মে না? চন্দনকাষ্ঠের ঘর্ষণে যে অগ্নি নির্গত  
হয় উহার কি দাহশক্তি থাকে না? তবাদৃশ বুদ্ধিমান ব্যক্তিরাই  
উপদেশের যথার্থ পাত্র। মূর্খকে উপদেশ দিলে কোন ফল হয় না।  
দিবাকরের কিরণ কি স্ফটিকমণির ন্যায় মৃৎপিণ্ডে প্রতিফলিত হইতে  
পারে? সদূপদেশ অমূল্য ও অসমুদ্রসমুত হয়। উহা শরীরের বৈরূপ্য  
প্রভৃতি জরার কার্য প্রকাশ না করিয়াও বৃদ্ধত্ব সম্পাদন করে।  
ঐশ্বর্যশালীকে উপদেশ দেয় এমন লোক অতি বিরল। যেমন গিরিগুহার  
নিকটে শব্দ করিলে প্রতিশব্দ হয়; সেইরূপ পার্শ্ববর্তী লোকের মুখে  
প্রভুবাক্যের প্রতিধ্বনি হইতে থাকে; অর্থাৎ প্রভু যাহা কহেন  
পারিষদেরা তাহাই যুক্তিযুক্ত বলিয়া অঙ্গীকার করে। প্রভুর নিতান্ত  
অসঙ্গত ও অন্তায় কথাও পারিষদদিগের নিকট সুসঙ্গত ও ন্যায়ানুগত  
হয়, এবং সেই কথায় পুনঃ পুনঃ উল্লেখ করিয়া তাহারা প্রভুর কতই  
প্রশংসা করিয়া থাকে। তাঁহার কথার বিপরীত কথা বলিতে কাহারও  
সাহস হয় না। যদি কোন সাহসিক পুরুষ তয় পরিত্যাগ করিয়া তাঁহার  
কথা অন্তায় ও অযুক্ত বলিয়া বুঝাইয়া দেন তথাপি তাহা গ্রাহ হয় না।  
প্রভু সে সময় বধির হন অথবা ক্রোধাক্ত হইয়া আত্মমতের বিপরীতবাদের  
অপমান করেন। অর্থ অনর্থের মূল। মিথ্যা অভিমান, অকিঞ্চিৎকর  
অহঙ্কার ও বৃথা ঔদ্ধত্য প্রায় অর্থ হইতে উৎপন্ন হয়।—৪র্থ সংস্করণ,  
পৃ. ৪৫-৪৬।

‘রাসেলাস’ ( ইং ১৮৫৭ ) :—

তাঁহারা প্রভাতে উঠিতেন, আমোদ প্রমোদ করিতেন, রাত্তিকালে সুখে নিদ্রা যাইতেন। রাসেলাস ব্যতিরিক্ত আর সকলেই এই অবস্থায় সুখী ও সন্তুষ্টচিত্ত ছিলেন। এবং আমোদ আহ্লাদে কাল ক্ষেপ করিতেন। ছাব্বিশ বৎসর বয়স্কঃম কালে রাসেলাসের মনে অসন্তোষের উদয় হইল। যেখানে আমোদ প্রমোদ হইত, যেখানে পাঁচজন আসিয়া একত্র বসিত, তিনি আর তথায় যাইতে ভাল বাসিতেন না। তিনি নির্জনে বসিতেন, নির্জনে বেড়াইতেন, মনে মনে সর্বদাই নানাপ্রকার চিন্তা করিতেন। চিন্তায় একরূপ মনোনিবেশ করিতেন যে, ভোজনের সময় নানাবিধ সুখাদ্য সামগ্রী সম্মুখে থাকিত তিনি খাইতে বিস্মৃত হইতেন। কখন কখন তানলয়বিশুদ্ধ সুস্বর সঙ্গীত শুনিতেন শুনিতেন অমনি উঠিতেন ও নির্জন প্রদেশে চলিয়া যাইতেন। তাঁহার ভাবের পরিবর্ত দেখিয়া সঙ্গিগণ তাঁহাকে নানাপ্রকার বুঝাইত এবং পুনর্বার আমোদ প্রমোদে তাঁহার প্রীতি জন্মাইবার যথেষ্ট চেষ্টা পাইত ; কিন্তু তিনি তাহাদিগের প্রবোধ বাক্য ও সাদর সম্ভাষণ অগ্রাহ্য করিয়া প্রতিদিন নদীতীরে উপস্থিত হইতেন, তরুতলের ছায়ায় বসিয়া, কখন বৃক্ষশাখায় উপবিষ্ট পক্ষিগণের মধুর কলরব শুনিতেন, কখন বা জলে মৎস্য সকল সাঁতার দিয়া ক্রীড়া কোতুক করিত দেখিতেন, কখন বা হঠাৎ মাঠের দিকে দৃষ্টিপাত করিয়া, চতুর্দিকে পশু সকল চরিতেছে, কোন কোন পশু শয়ন করিয়া বিশ্রাম করিতেছে, কেহ বা ঘাস খাইতেছে, কেহ বা দৌড়িতেছে, নিমেষশূন্য লোচনে অবলোকন করিতেন।—৪র্থ সংস্করণ, পৃ. ১৮-১৯।

কবি হইবার মানসে নূতন প্রণালীক্রমে সকল বস্তু দেখিতে লাগিলাম। অর্থাৎ সকল বিষয়েই ক্রমশঃ মনঃসংযোগ হইতে আরম্ভ

হইল । তদবধি কোন বিষয়েই অনাদর করিতাম না । পর্বতে পর্বতে আরোহণ করিতাম, বনে বনে ভ্রমণ করিতাম । মনোযোগ পূর্বক সকল বস্তু দেখিতাম । বনের সমুদায় বৃক্ষ, উদ্যানের সমুদায় লতা, গিরিগর্ভ জাত সমুদায় কুম্ভ, আমার চিত্তপটে সর্বদা চিত্রিত থাকিত । পর্বতের তল প্রান্তর ও প্রাসাদের উন্নত চূড়া সমান মনোযোগপূর্বক অবলোকন করিতাম । কখন বক্রগামী গিরিনদীর তীরে তীরে ভ্রমণ করিতাম, কখন বা নিদাঘকালীন মেঘমণ্ডলীর নানাপ্রকারে পরিবর্ত্ত দেখিতাম । কবিদিগের কিছুই অনাবশ্যক হয় না । তাঁহারা দেখিয়া শুনিয়া মনে যাহা সঞ্চিত করিয়া রাখেন, সমুদায়ই কাজে লাগে । কি সুন্দর, কি ভয়ঙ্কর বস্তু সমুদায়ই তাঁহাদিগের মনোমধ্যে জাগরিত থাকা আবশ্যিক । যাহা দেখিলে ভয় ও বিস্ময় জন্মে একরূপ বৃহৎ বস্তু এবং যাহা দেখিলে প্রীতি জন্মে এমন ক্ষুদ্র বস্তু, সকলই তাঁহাদিগকে স্মৃতিপথে উপস্থাপিত করিয়া রাখিতে হয় । উদ্যানের তরু, লতা, অরণ্যের পশু, ভূগর্ভস্থিত ধাতু, আকাশের উল্কা সমুদায় তাঁহাদিগের মনে নিরন্তর সঞ্চিত থাকা আবশ্যিক । কারণ, নীতি ও ধর্ম বিষয়ক প্রস্তাব সকল উজ্জ্বল বেশ ভূষায় ভূষিত ও নানা দৃষ্টান্ত দ্বারা দৃঢ় করিবার নিমিত্ত, সমুদায় জ্ঞানেরই প্রয়োজন হয় । যিনি অধিক জানিতে পারিয়াছেন তিনি অসামান্য দৃষ্টান্ত প্রদর্শন করিয়া ও নানাবিধ সত্বপদেশ দিয়া আপন বর্ণনাকে অলঙ্কৃত এবং পাঠকবর্গকে সৎপথে আনীত ও সন্তুষ্ট করিতে পারেন ।—৪র্থ সংস্করণ, পৃ ৫৭-৫৮ ।







সাহিত্য-সাধক-চরিত্রমালা—১২

অক্ষয়কুমার দত্ত

১৮২০-১৮৮৬



# ଅକ୍ଷୟକୁମାର ଦତ୍ତ

ବ୍ରଜେନ୍ଦ୍ରନାଥ ବନ୍ଦ୍ୟୋପାଧ୍ୟାୟ



ବଙ୍ଗୀୟ-ସାହିତ୍ୟ-ପରିଷଦ

୨୫୩୧, ଆଚାର୍ଯ୍ୟ ପ୍ରଫୁଲ୍ଲଚନ୍ଦ୍ର ରୋଡ

କଲିକାତା-୭୦୦୦୦୬

প্রকাশক  
শ্রীদিনীপ কুমার বিশ্বাস  
সম্পাদক  
বঙ্গীয়-সাহিত্য-পরিষৎ

প্রথম সংস্করণ—চৈত্র ১৩৪৮ ; দ্বিতীয় মুদ্রণ—আশ্বিন ১৩৪৯ ;  
তৃতীয় মুদ্রণ—চৈত্র ১৩৫০ ; পরিবর্ধিত চতুর্থ সংস্করণ—কার্তিক ১৩৫৩  
পঞ্চম সংস্করণ—মাঘ ১৩৬৬ ; ষষ্ঠ মুদ্রণ—মাঘ ১৩৮৮

মূল্য : তিন টাকা

মুদ্রাকর—শ্রীমতী রেখা দে  
শ্রীহরি প্রিন্টার্স, ১২২/৩, রাজা দীনেন্দ্র ষ্ট্রীট, কলিকাতা-৪

## বংশ-পরিচয় : বাল্য-জীবন

অক্ষয়কুমার দত্তের বংশ-পরিচয় ও বাল্য-জীবন সম্বন্ধে ‘অক্ষয়-চরিতে’\* এইরূপ লিখিত হইয়াছে :—

দুর্গাদাস দত্ত দত্তবংশের আদি পুরুষ। ইহার পুত্র শিবরাম। শিবরামের রাজবল্লভ ও রমাবল্লভ নামে দুই সন্তান হয়। রাজবল্লভের চারিটি পুত্র :—১ম, রামরাম ; ২য়, কৃষ্ণরাম ; ৩য়, রাধাকান্ত ; ৪র্থ, রামশরণ। ইনি বর্ধমান-রাজবাটীর একজন কর্মচারী ছিলেন। ইনিই প্রথমে টাকীর নিকটবর্তী পুঁড়াগ্রামের সম্বিহিত গজবপুর হইতে আসিয়া পূর্বে নদিয়া এক্ষণে বর্ধমান জেলার অন্তর্গত পূর্বস্থলী গ্রামের সম্বিকট চুপীতে বাস করেন।...রামশরণের পাঁচ পুত্র ;— ১ম, পদ্মলোচন ; ২য়, কাশীনাথ ; ৩য়, চুড়ামণি ; ৪র্থ, পীতাম্বর ; ৫ম, কীর্তিচন্দ্র।...দত্তরা বঙ্গজ কায়স্থ। চুপীর যে স্থলে ইহাদিগের বাস ছিল তাহা এক্ষণে নদীর গর্ভে।

অক্ষয় বাবুর পিতা পীতাম্বর দত্ত মহাশয় অতি পরোপকারী, দয়ালু ও সুন্দর প্রকৃতির লোক ছিলেন। ইনি সামান্য বাঙ্গালা মাত্র জানিতেন। খিদিরপুরের টলিঙ্ক নলার (আদি গঙ্গার) কুতঘাটের কেশিয়র ও দারগা ছিলেন। এই কর্ম করিয়া কিছু সংস্থান করিয়া যান।...ইহার ভ্রাতৃপুত্র...হরমোহন দত্ত [ কাশীনাথের পুত্র ] তখনকার সুপ্রীমকোর্টের মাষ্টার আপীসের বড়বাবু ছিলেন।...ইনি

---

\* নকুড়চন্দ্র বিশ্বাস : ‘অক্ষয়-চরিত’ ( ভাদ্র ১২২৪ )। এই পুস্তকের “পূর্বভাষে” প্রকাশ, “অক্ষয় বাবুর আত্মীয়বর্গ, শ্রী—র, ও পণ্ডিতবর শ্রীঈশ্বরচন্দ্র বিদ্যাসাগর প্রভৃতি মহোদয়গণ আমাকে এ বিষয়ে বিশেষ সাহায্য করিয়াছেন।”

## অক্ষয়কুমার দত্ত

পীতাম্বর দত্ত মহাশয়ের নিকট চির ঋণী, যেহেতু তিনি উঁহাকে লেখা পড়া শিখান এবং উঁহার ভরণপোষণের সমুদয় ব্যয় আপনার স্বন্ধে লইতে কুত্রাপিও কুণ্ঠিত হন নাই। হরমোহন বাবুও যে অক্ষয় বাবুর শিক্ষাদির সমস্ত ভার গ্রহণ করিয়া তাঁহার পিতৃঋণ কিয়ৎ পরিমাণে শুধিতে সমর্থ হইয়াছিলেন, তদ্বিষয় পরে বিবৃত হইবে।

অক্ষয় বাবুর মাতার মাম দয়াময়ী ছিল। কৃষ্ণনগরের নিকটবর্তী ইট্টলে নামক গ্রামে তাঁহার পিত্রালয় ছিল। পিতার নাম রামজুলাল গুহ। ১০০০১২২৭ সালের ১লা শ্রাবণ [ ১৫ জুলাই ১৮২০ ] শনিবার শুক্র পক্ষ পঞ্চমী তিথিতে রাত্রি অনুমান ৬ দণ্ডের সময় চুপীতে অক্ষয়কুমার জন্মগ্রহণ করেন। ..

আমাদিগের দেশের প্রথানুসারে পাঁচ বৎসর বয়ঃক্রম কালে অক্ষয়কুমারের বিচারস্তু হয়। ইঁহার পিতা গুরুচরণ সরকার নামে জনৈক গুরু মহাশয়কে বেতন দিয়া বাটীতে রাখেন। গুরুচরণ সরকার অতি চমৎকার শাস্ত্র প্রকৃতির লোক ছিলেন। ইনি ছাত্রবর্গকে প্রহার করা দূরে থাকুক কখনও কাহাকে তিরস্কার করিয়াছিলেন কি না সন্দেহ। পিতা মাতা ও শিক্ষকের স্বভাব, সদাশয়তা ও সদয় ব্যবহার প্রথমে ইঁহার শিক্ষার অনুকূল হইয়া তৎপরে ইঁহার ভাবী জীবনে প্রতিফলিত হইয়াছিল। চারি বৎসর পাঠশালায় যাহা শিখিবার শিখিলেন। এক্ষণে আমরা যেরূপ আগ্রহ ও যত্নের সহিত ইংরাজী অধ্যয়ন করিয়া থাকি, পূর্বে সঙ্কীর্ণতর তদ্রূপ আগ্রহ ও যত্নের সহিত স্ব স্ব সম্ভানদিগকে পার্সি ভাষা শিখাইতেন। ইহার কারণ তখনও এই ভাষায় বিচারালয় প্রভৃতি যাবতীয় রাজকীয় কর্ম নিম্পন্ন হইত। আমিউদ্দীন নামে একজন মুন্সীর নিকট ইনি পার্সি শিক্ষা করিতে আরম্ভ করেন। পণ্ডিত শ্রীহর্গাদাস ঝানসরের সহিত

গোপীনাথ তর্কালঙ্কারের ( ভট্টাচার্যের ) নিকট টোলে সংস্কৃত অধ্যয়ন করেন ।...

অক্ষয়কুমারের বয়স যখন ন্যূনাধিক নয় বৎসর তখন ইংরাজী শিখাইবার জন্য হরমোহন বাবু উঁহাকে খিদিরপুরে আনয়ন করেন । এখানে জয় মাষ্টার ( জয়কৃষ্ণ সরকার ) ও গঙ্গানারায়ণ মাষ্টার ( সরকার ) নামে তখনকার বিখ্যাত দুই জন ইংরাজী শিক্ষক ছিলেন ।...হরমোহন বাবু প্রথমে অক্ষয়কুমারকে জয় মাষ্টারের নিকট ইংরাজী পড়িতে দেন । ইঁহার নিকট পড়িয়া সন্তুষ্ট না হইয়া উনি নিজে একজন পাদরীর নিকট পড়িতে যান । পাদরী সাহেবের নিকট অধ্যয়ন করিতে করিতে খ্রীষ্টীয় ধর্মের প্রতি উঁহার কিছু বিশ্বাসের উপক্রম দেখিতে পাইয়া পাছে খ্রীষ্টীয়ান হন এই ভয়ে উক্ত বাবু অ.পনি কিছু দিন প্রত্যহ সন্ধ্যার সময় উঁহাকে পড়ান । সময়ভাবে স্বয়ং অধিক দিন পড়াইতে অক্ষয় হইয়া তিনি হরিহর মুখোপাধ্যায় নামে আপনার আপীসের জনৈক কেরাণীর নিকট পড়িবার বন্দোবস্ত করিয়া ভাইকে সঙ্গে করিয়া আপীসে লইয়া যাইতেন ।...এই প্রকারে কিছু দিন অতিবাহিত হইল । পড়িতে পড়িতে ইঁহার জ্ঞান-পিপাসা ক্রমশঃ বৃদ্ধি হইয়া কেমন করিয়া উত্তমরূপে ইংরাজী শিক্ষা লাভ করিবেন এই চিন্তায় অহর্নিশ ইনি চিন্তিত থাকিতেন ।

ভ্রাতার আগ্রহাতিশয় দেখিয়া হরমোহন বাবু ওরিএণ্ট্যাল সেমিনারিতে তাঁহার পড়িবার নিমিত্ত বন্দোবস্ত করেন । এখন যেমন ট্রাম্ ও গাড়ি ঘোড়ার সুবিধা, তখন মেরুপ ছিল না ।...এই সকল অসুবিধা নিবন্ধন হরমোহন বাবু দেখিলেন যে, প্রত্যহ খিদিরপুর হইতে কলিকাতাস্থ সেমিনারিতে পড়িতে যাওয়া বা দেওয়া বড় সহজ কথা নহে । কলিকাতা, দর্জিপাড়ায় তাঁহার পিতৃত্ব হাই রামধন

## অক্ষয়কুমার দত্ত

বঙ্গের বাসা বাটী ছিল। ইঁহার বাসাতে তাঁহাকে রাখিয়া ইনি তাঁহার লেখা পড়ার সমস্ত ব্যয় নির্বাহ করিতে লাগিলেন।...হার্ডম্যান জেফ্রয় নামে একজন ইংরাজ তখন গৌরমোহন আচ্যের স্কুলের কর্তৃপক্ষীয় ছিলেন। সাহেব মহোদয় স্কুলগৃহে অবস্থিতি করিতেন। অক্ষয়কুমার প্রাতে ও সন্ধ্যার সময়ে ইঁহার নিকট কিছু গ্রীক, লাতিন, হিব্রু ও জার্মান ভাষা অধ্যয়ন করিতে যাইতেন। পঠদশায় ইনি প্রচলিত হিন্দু ধর্মের প্রতি বীতরাগ হন। ইলিয়ড, বর্জিল, পদার্থ-বিজ্ঞা, ভূগোল, জ্যামিতি, বীজগণিত, ত্রিকোণমিতি, উচ্চ অঙ্কের গণিত, শাস্ত্র, বিজ্ঞান, মনোবিজ্ঞান ও ইংরাজী সাহিত্য বিষয়ক ভাল ভাল গ্রন্থ অল্প বা বিনা সাহায্যে অধ্যয়ন করেন। বিজ্ঞানের প্রতি ইঁহার স্বতঃসিদ্ধ অনুরাগ ছিল।

আগড়পাড়া নিবাসী পরলোকগত রামমোহন ঘোষের দুহিতা নিমাইমণির ( শ্যামমণির ) সহিত ইঁহার বিবাহ হয়। এই সময় ইঁহার বয়স অনুমান পঞ্চদশ বৎসর মাত্র।...

ওরিএণ্ট্যালে পড়িতে পড়িতে একটি দুর্ঘটনা হয়। ইঁহার বয়ঃক্রম যখন উনবিংশ বৎসর তখন কানীতে ইঁহার পিতার মৃত্যু হয়।...

পিতাম্বর দত্তজর জীবদ্দশাতেই ও তাঁহার স্ত্রীর হস্তে কিছু সংস্থান সত্ত্বেও হরমোহন দত্তজ সংসার চালাইয়া আসিতেছিলেন। সংসার যেমন চালাইতেছিলেন সেইরূপ চালাইতে আর ভ্রাতার লেখা পড়ার সমস্ত ব্যয় নির্বাহ করিতে ইনি স্বীকৃত হইলেও মাতার পরামর্শে অক্ষয় বাবু বিষয় কর্মের চেষ্টা করিতে প্রবৃত্ত হন।...মাতাজ্ঞার বশবর্তী হইয়া অতি অনিচ্ছায় ইঁহাকে বিদ্যালয় পরিত্যাগ করিতে হইল। ওরিএণ্ট্যালের দ্বিতীয় শ্রেণী পর্যন্ত অধ্যয়ন করিয়াছিলেন। বিদ্যালয় পরিত্যাগ করিতে হইল বটে, কিন্তু ইঁহার শিক্ষাভিলাষ



কখনও হাস হয় নাই। সুতরাং একদিকে যেরূপ অর্থাগম, অপর দিকে সেইরূপ জ্ঞানোন্নতির জন্য সাধ্যমত চেষ্টা পাইতে লাগিলেন।... হরমোহন বাবু আইন জানিতেন। ইনি ভ্রাতাকে আইন পড়িতে বলিলে তিনি উত্তর করিয়াছিলেন “যে বিষয় পরিবর্তনীয়, তাহা শিক্ষা করিলে লাভ কি?” বিষয় কর্মের চেষ্টায় এই প্রকারে ইতস্ততঃ করিয়া কিছু দিন গত হইল।

### গুপ্ত-কবির সহিত পরিচয়

এই সময় অক্ষয়কুমার ‘সংবাদ প্রভাকর’-সম্পাদক ঈশ্বরচন্দ্র গুপ্তের সহিত পরিচিত হন। ‘অক্ষয়-চরিতে’ প্রকাশ :—

সুপ্রীমকোর্টের বিজ্ঞাপনাদি প্রায় সমস্ত কার্য বাবু হরমোহন দত্তের হস্তে গুস্ত ছিল। প্রভাকর পত্রিকার জন্য ঐ সমস্ত বিজ্ঞাপন হস্তগত করিবার মানসে তাঁহার সকাশে ঈশ্বরচন্দ্র গুপ্ত মহাশয়ের গতিবিধি ছিল। বরাবর যাতায়াতে ইঁহার সহিত তাঁহার বন্ধুতা জন্মে। এই বন্ধুতা নিবন্ধন অক্ষয় বাবুও ইঁহার নিকট পরিচিত হন। এতদ্ভিন্ন, রামধন বহুর বাটীর সন্নিকট নরনারায়ণ দত্তের বাটীতে ‘বাঙ্গালা ভাষাশুশ্রূষা সভা’ হইত। এই সভায় ইঁহারা উভয়ে উপস্থিত থাকিতেন। এইরূপে ক্রমে ক্রমে ইনি কবি মহোদয়ের স্নেহভাজন হন। ( পৃ. ১৩-১৪ )

.. [ টাকীর ] জমিদার বৈকুণ্ঠনাথ চৌধুরী মহাশয়ের বরাহনগরস্থ বাটীতে “নীতিতরঙ্গিনী” নামে যে সভা হইত, তিনি ঈশ্বরচন্দ্র গুপ্ত মহাশয়ের সহিত তথায় গমনাগমন করিতেন। কিছু দিন পরে ইঁহারা উভয়েই এই সভার সভ্য মনোনীত হন। নামে স্পষ্ট বুঝাইতেছে যে,

নৈতিক উন্নতি সাধন করাই এই সভার উদ্দেশ্য ছিল। সভাগণ কর্তৃক নীতিবিষয়ক বিবিধ প্রবন্ধ রচিত ও পঠিত হইত। দত্তজর কোন কোন প্রবন্ধ পরে প্রভাকর পত্রিকায় প্রকাশিত হয়।  
( পৃ. ১৭-১৮ )

অক্ষয়কুমার প্রথমে কবিতা লিখিতেন। ‘অনঙ্গমোহন’ নামে তাঁহার একখানি পद्य-গ্রন্থ ছিল। কিন্তু কি ভাবে তাঁহার গद्य-রচনার সূত্রপাত হয়, তাহার বিবরণ ‘অক্ষয়-চরিতে’ এইরূপ আছে :—

ইনি মধ্যে মধ্যে ভাবিতেন পद्य না গद्य কিসে লোকের বেশী উপকার সম্ভাবনা? একদা এবিধ চিন্তাকে প্রশ্রয় দিবার পর ইনি প্রভাকর যন্ত্রালয়ে গুপ্ত মহাশয়ের নিকট গমন করেন। কি বিচিত্র অনুকূল ঘটনা! তাঁহার সহকারী সে দিন উপস্থিত না থাকাতে তিনি উহাকে সুবিখ্যাত ইংলিশম্যান্ পত্রিকা হইতে কিয়দংশ অনুবাদ করিয়া দিতে অনুরোধ করেন। অক্ষয় বাবু বলিলেন, “আমি লিখিতে পারিব না, যেহেতু আমি কখনও গद्य লিখি নাই।” এই কথা শুনিয়া সম্পাদক মহাশয় উত্তর করিলেন “আমার বিশ্বাস তুমি পারিবে, নচেৎ বলিতাম না।” কি করেন, লিখিলেন। লেখাটি এরূপ উত্তম হইল যে, তাহা দেখিয়া তিনি বলিলেন “যে ব্যক্তি বহু দিবসাবধি এই কার্য করিয়া আসিতেছেন, তিনি এমত সুন্দর লিখিতে পারেন না।” যে ওজস্বিনী গद्य রচনায় দত্ত মহোদয় অখিল বঙ্গদেশকে বিমোহিত করেন, এই সেই গद्य রচনার সূত্রপাত।  
( পৃ. ১৪-১৫ )

অক্ষয়কুমার ক্রমে ‘সংবাদ প্রভাকরে’র এক জন বিশিষ্ট লেখক হইয়া উঠেন। ১৮৪৭ খ্রীষ্টাব্দের ১৪ই এপ্রিল তারিখের ‘সংবাদ প্রভাকরে’ লেখক ও অনুগ্রাহক সম্বন্ধে ঈশ্বরচন্দ্র গুপ্ত যাহা লিখিয়াছিলেন, তাহাতে

“প্রভাকরের পুরাতন লেখকদিগের মধ্যে যে যে মহোদয় জীবিত আছেন, তাঁহাদের নাম”-এর তালিকায় “বাবু অক্ষয়কুমার দত্ত”র নাম আছে।

ঈশ্বরচন্দ্র অক্ষয়কুমারের গুণমুগ্ধ ছিলেন। অক্ষয়কুমারও তাঁহাকে নানা ভাবে সাহায্যে করিতেন। ইহার একটি দৃষ্টান্ত আমরা ১২৫৭ সালের চৈত্র মাসে মেদিনীপুরে রাজনারায়ণ বসুকে লিখিত অক্ষয়কুমারের একখানি পত্রে পাই।—

প্রভাকর সম্পাদক আপনাকে একটি প্রার্থনা জানাইয়াছেন মেদিনীপুরের সংবাদগুলি তাঁহাকে লিখিয়া পাঠাইলে তিনি চরিতার্থ হইবেন, এবং আপনার নিকট যাবজ্জীবন বাধিত থাকিবেন। ঝকড়া, মারামারি, ডাকাইতি, গৃহদাহ, চুরি, নরহত্যা প্রভৃতি যত প্রকার সর্বনাশের ব্যাপার আছে, সকলই লিখিয়া দিবেন। বাস্তবিক দেখিবেন, লিখিতে হইলে মনুষ্যের অমঙ্গল সমাচারই অধিক লিখিতে হইবে। এই সকলই লোকের কার্য। ইহাই মর্ত্যলোকের স্বরূপ। এ লোকে আবার নিরবচ্ছিন্ন সুখের প্রত্যাশা!

## তত্ত্ববোধিনী সভায় যোগদান

১৮৩৯ খ্রীষ্টাব্দের ২৫ এ ডিসেম্বর ঈশ্বরচন্দ্র গুপ্তের প্রস্তাবে অক্ষয়কুমার তত্ত্ববোধিনী সভার সভ্য মনোনীত হন। এই তত্ত্ববোধিনী সভাই তাঁহার সৌভাগ্যের মূল। কি ভাবে তিনি এই সভার সভ্য হন, তৎসম্বন্ধে অক্ষয়-চরিতকার লিখিতেছেন :—

১৭৬১ শকের ২১ এ আশ্বিন রবিবার কৃষ্ণপক্ষীয় চতুর্দশী তিথিতে শ্রীদেবেন্দ্রনাথ ঠাকুর কর্তৃক তত্ত্ববোধিনী সভা প্রতিষ্ঠিত হয়। এই সময় ইহার বয়ঃক্রম ষাট্টিশ বৎসর। সভার উদ্দেশ্য জ্ঞানোন্নতি সাধন

তথ্যানুসন্ধান, শাস্ত্রালোচনা, রামমোহন রায়ের গবেষণার উপর নির্ভর করিয়া হিন্দু এবং ব্রাহ্মধর্মের সর্বাঙ্গীন উন্নতি সাধন ও বিদ্যালয়াদি সংস্থাপন দ্বারা অশিক্ষিতদিগের নিকট ব্রাহ্মধর্ম প্রচার। কিছু দিন পরে অর্থাৎ ৩রা কার্তিক তারিখে ঐ সভার নাম তত্ত্ববোধিনী গিয়া তত্ত্ববোধিনী হয়। ১৭৬৩ শকে তত্ত্ববোধিনী সভা ব্রাহ্ম-সমাজের সহিত মিলিত হয়। ...প্রথমে দেবেন্দ্রনাথ ঠাকুরের, তার পর শিমুলিয়াস্ব দক্ষিণারঞ্জন মুখোপাধ্যায়ের, তার পর হেড্‌য়ার দক্ষিণস্ব রমাপ্রসাদ রায়ের বাটীতে এবং সর্বশেষে সমাজগৃহে স্থানান্তরিত হইবার পূর্বে রমানাথ ঠাকুরের ভবনে ইহার অধিবেশন হইত। উক্ত [ ১৭৬১ ] শকের ১৮ই অগ্রহায়ণ তারিখে ঈশ্বরচন্দ্র গুপ্ত এই সভার সভ্যশ্রেণীভুক্ত হন। এক দিবস সন্ধ্যাকালে তাঁহার সমভিব্যাহারে অক্ষয় বাবু সভা দেখিতে যান। দেখিতে গিয়া মহানুভব দেবেন্দ্রনাথ ঠাকুরের নিকট পরিচিত হন। এই পরিচয় দত্তজর সৌভাগ্যের মূল। ইহার অবাবহিত পরে উল্লিখিত [১৭৬১] শকের ১১ই পৌষ তারিখে ঈশ্বর গুপ্তের প্রস্তাবে ও ভগবতীচরণ চট্টোপাধ্যায়ের পোষকতায় ইনি সভ্য মনোনীত হন। (পৃ. ১৫-১৬) অক্ষয়কুমার কিছু দিন তত্ত্ববোধিনী সভার সহকারী সম্পাদকের কার্যও করিয়াছিলেন। ১৮৪৭ খ্রীষ্টাব্দের ফেব্রুয়ারি মাসে তিনি এই পদ ত্যাগ করেন। ১ ফাল্গুন ১৭৬৮ শকের 'তত্ত্ববোধিনী পত্রিকা'র (পৃ. ৪৬০) প্রকাশ :—

বিশেষ সভা ১১ পৌষ ১৭৬৮ শক। ...শ্রীযুক্ত অক্ষয়কুমার দত্ত এই প্রস্তাব করিলেন যে, সভার কর্ম অত্যন্ত বাহুলা হওয়াতে সহকারী-সম্পাদকের যে সমুদয় কর্ম, তাহা এইরূপে আমার দ্বারা উপযুক্ত মত সম্পন্ন হওয়া কঠিন হইয়া উঠিয়াছে, কেবল পত্রিকার

কর্ম নির্বাহ জন্মই সমুদয় সময় ক্ষেপ হয়। অতএব আমার প্রস্তাব এই যে, সভার সমুদয় বিষয়ের তত্ত্বাবধারণ জন্ম আমার পরিবর্তে অন্য এক জন সহকারী সম্পাদক নিযুক্ত হইবেন।

১১ ফাল্গুন ১৭৬৮ শকের অধিবেশনে অক্ষয়কুমারের স্থলে শ্রীমাচরণ মুখোপাধ্যায় তত্ত্ববোধিনী সভার সহকারী সম্পাদক নিযুক্ত হন।

### তত্ত্ববোধিনী পাঠশালায় শিক্ষকতা

তৎকালে ইংরেজীর মাধ্যমে শিক্ষাদানের রীতি প্রবর্তিত হওয়ায় বাংলা শিক্ষার হানি হইতেছিল। ইহা লক্ষ্য করিয়াই হিন্দুকলেজের অধ্যক্ষেরা হিন্দুকলেজ-পাঠশালা স্থাপন করেন ( ১৮ জানুয়ারী ১৮৪০ ) ; এখানে বাংলার মাধ্যমে প্রাচ্য-প্রতীচ্য জ্ঞানবিজ্ঞানের প্রাথমিক পাঠ শিক্ষা দেওয়া হইত, এ জন্ম উপযুক্ত পাঠ্য পুস্তকও রচিত হইয়াছিল। এই পাঠশালায়ই আদর্শে দেবেন্দ্রনাথ ঠাকুর ১৩ জুন ১৮৪০ তারিখে কলিকাতায় তত্ত্ববোধিনী পাঠশালা স্থাপন করেন। ১৮৪০ খ্রীষ্টাব্দের ৩রা জুন তারিখের 'ক্যালকাটা কুরীয়ার' পত্র প্রকাশ :—

*A New School.* We have been given to understand that a new School, having for its object the education of the rising youths in the vernacular languages of the country, is about to be established in Calcutta, under the auspices of some enlightened native Baboos. It is to be conducted on the same principles as the new College Patsala. The boys will further receive religious education which is a new feature in the system of native instruction. It is said that new books suited to the capacities of

youth, are now in course of preparation in the vernacular languages by Baboo Debendernauth Tagore, the son of Baboo Dwarkeynauth Tagore.

তত্ত্ববোধিনী পাঠশালা স্থাপনের আরও একটি উদ্দেশ্য ছিল। তখন মিশনরীরা অবৈতনিক বিদ্যালয়াদি প্রতিষ্ঠা করিয়া এদেশীয় কিশোর ছাত্রবর্গের মধ্যে খ্রীষ্টধর্মের বীজ ছড়াইতেছিলেন; এমন কি, মাঝে মাঝে প্রচলিত হিন্দু ধর্ম ও রীতিনীতির উপরও আক্রমণ চালাইতেছিলেন। মিশনরীদের মুখে ক্রমাগত নিন্দাবাদ শুনিয়া এবং ইংরেজীর মারফৎ পাশ্চাত্য জড়বিজ্ঞান আয়ত্ত করিয়া, ছাত্রেরা ক্রমশঃ হিন্দু ধর্ম ও রীতিনীতির উপর আস্থা হারাইতেছিল। ইহা লক্ষ্য করিয়াই দেবেন্দ্রনাথ বেদান্ত-প্রতিপাদ্য হিন্দুধর্ম প্রচারে অবহিত হন; তত্ত্ববোধিনী পাঠশালা ইহার প্রধান উপায়-স্বরূপ হইয়াছিল। তিনি নিজেই বলিয়াছেন,— “স্বধর্মে থাকিয়া যাহাতে ঈশ্বরজ্ঞান সম্পূর্ণ হয়, তন্নিমিত্তেই এই পাঠশালা স্থাপিত হইয়াছে। পরমার্থ এবং বৈষয়িক উভয় বিচারই উপদেশ প্রদান করা যাইবে।” (‘তত্ত্ববোধিনী পত্রিকা,’ ভাদ্র, ১৭৬৫ শক. পৃ. ৬)

অক্ষয়কুমার তত্ত্ববোধিনী পাঠশালার শিক্ষক নিযুক্ত হন। ‘অক্ষয়-চরিতে’ প্রকাশ :—

পর বৎসর অর্থাৎ ১৭৬২ শকের ১লা [ আষাঢ় ] শনিবার তত্ত্ববোধিনী পাঠশালা সংস্থাপিত হইলে, ইনি ৮ টাকা বেতনে উহার শিক্ষকতায় নিযুক্ত হন। ৪ঠা শ্রাবণ হইতে বেতন ১০ টাকা হয়। তারপর ১৪ টাকা বেতনে তৃতীয় শিক্ষক হন। পাঠশালার পাঠ্য পুস্তকাবলি সভা কর্তৃক প্রকাশিত হইত। আদি ব্রাহ্মসমাজের বৃহৎ পুস্তকাগারে আমরা এই সমস্ত পাঠ্য পুস্তক দেখিয়াছি। অক্ষয়বাবু বর্ণমালা, ভূগোল ও পদার্থবিজ্ঞা এই দুই বিষয়ে অধ্যাপনা

করিতেন। সভা পাঠশালায় নিমিত্ত পদার্থবিজ্ঞা ও ভূগোল প্রকাশ করেন। ইনি ইতঃপূর্বে একখানি ভূগোল প্রস্তুত করেন; কিন্তু অর্থাভাবে বহু দিন যে মুদ্রিত করিতে অসমর্থ থাকেন, পরে সভার সাহায্যে পাঠশালায় নিমিত্ত মুদ্রিত ও প্রকাশিত হয়, তাহা তিনি স্পষ্টাক্ষরে উক্ত পুস্তকে স্বীকার করিয়াছেন।...

এক্ষণে যে স্থানে কালীকৃষ্ণ ঠাকুরের বাটী, সেই স্থানে তত্ত্ববোধিনী পাঠশালায় কার্য সম্পাদিত হইত। ১৭৬৫ শকের ১৮ই বৈশাখ তারিখে উহা কলিকাতা হইতে বাঁশবেড়িয়াতে স্থানান্তরিত হইলে, তত্ত্ববোধিনী সভার কর্তৃপক্ষীয়গণ প্রধান শিক্ষকের পদ গ্রহণ করিয়া ইহাকে তথায় গমন করিতে অনুরোধ করেন। ইনি স্বীকৃত হইলেন না। না হওয়াতে শ্রামাচরণ তত্ত্ববাগীশ ৩০ টাকা বেতনে তথায় গমন করেন। ( পৃ. ১৬-১৭ )

৩০ এপ্রিল ১৮৪৩ তারিখে তত্ত্ববোধিনী পাঠশালা বাঁশবেড়িয়া গ্রামে স্থানান্তরিত হয়। এই উপলক্ষে তথায় ঐ দিন এক বিরাট সভা হয়। সভায় অক্ষয়কুমার যে বক্তৃতা করেন, নিম্নে তাহা কিঞ্চিৎ উদ্ধৃত করিতেছি :—

ইদানীং কলিকাতা নগরে বঙ্গভাষা অমূল্যবোধের দ্বারা যে নানা প্রকার বিজ্ঞার পথ পরিষ্কৃত হইতেছে, এবং তদ্রূপ মনুষ্যেরা স্বদেশের মঙ্গল বৃদ্ধির নিমিত্তে যেরূপ উদ্যোগী হইতেছেন, তাহা দৃষ্টি করিয়া দেশহিতৈষী ব্যক্তি আশ্চর্যে পরিপূর্ণ হইবেন, পরন্তু তৎপরক্ষণেই তিনি পল্লীগ্রামের প্রতি কটাক্ষপাত করিয়া অত্যন্ত ক্রোভযুক্ত হইবেন। যখন তিনি নগর এবং গ্রাম এই উভয় স্থলের অবস্থা বিবেচনা করেন, তখন তাঁহার মনে কি অগণ্য বিপরীত ভাবের উদয় হইতে থাকে! এক দিকে তিনি দৃষ্টি করেন, বিজ্ঞা অতি উজ্জ্বল বেশে দ্রুত

বেগে আগমন পূর্বক লোকের মনোরঞ্জন করিতেছে, অল্প দিকে অজ্ঞানের পরাক্রমে লোকের অন্তঃকরণ জড়তায় আচ্ছন্ন হইতেছে। এক দিকে মনুষ্যের স্বদেশীয় সাধারণ ব্যক্তিদিগকে একান্ত্রে বদ্ধ করিয়া দেশের হিতোন্নাতি করিতে চেষ্টিত হইতেছেন, অল্প দিকে গ্রামবাসীরা দলাদলি ঘেঁষাঘেঁষি করতঃ একতার বিচ্ছেদ পূর্বক দেশের হিতকল্পে অনুরাগশূন্য রহিয়াছেন। এইরূপ পল্লীগ্রামের অবস্থা স্মরণ করিয়া যে দেশহিতৈষী ব্যক্তি ক্ষুব্ধ হইতেছেন, তিনি যদি এইরূপে আমরাদিগের সহিত এই বংশবাণীতে উপবেশন পূর্বক অল্প স্থাপিত নবীন পাঠশালার শোভা সন্দর্শন করেন, তবে তিনি পূর্ব ক্রোভকে বিশ্বৃত হইয়া আনন্দনীরে অবগাহন করেন এবং ইহার সংস্থাপকদিগকে ধন্যবাদ প্রদান পূর্বক পরমেশ্বরের নিকটে ইহার শুভানুধ্যায়ী হইবেন।

বঙ্গভাষা বিস্তার দ্বারা স্বজাতীয় ধর্ম রক্ষার নিমিত্ত যে এইরূপ পাঠশালা স্থাপন করা কিরূপ প্রয়োজনীয় এবং কি অসংখ্যক মঙ্গল-দায়ক, তাহা কাহার না বিদিত হইতেছে? এইরূপে যদিও কলিকাতা নগরস্থ এবং তাহার নিকটস্থ কতিপয় গ্রামবাসী অনেক যুবক ইংরাজী ভাষায় বিদ্যা শিক্ষা করিতেছেন, তথাপি ইহার স্থায়িত্বের প্রতি বিশ্বাস করা যাইতে পারে না, যেহেতু ইংরাজী বিদেশীয় লোকের ভাষা, সুতরাং তাঁহারা যদি দৈবাৎ এদেশ হইতে বিরল হইবেন, তবে কোন্ ব্যক্তি আর ইংরাজী শিক্ষা করিবেন? এবং স্বদেশীয় ভাষায় গ্রন্থ এবং উপদেশকদের অভাব সত্ত্বে কোন্ ব্যক্তি আর জ্ঞান অভ্যাস করিতে শক্ত হইবেন? আমরা আর কোন বিষয়ে আপনাদিগের প্রতি নির্ভর করিতে পারি না। আমরা পরের শাসনের অধীন রহিতেছি, পরের ভাষায় শিক্ষিত হইতেছি, পরের অত্যাচার সহ



করিতেছি, এবং খ্রীষ্টিয়ান ধর্মের যেরূপ প্রাচুর্য্য হইতেছে, তাহাতে শঙ্কা হয়, কি জানি পরের ধর্ম বা এদেশের জাতীয় ধর্ম হয়। অতএব এইরূপে আমারদিগের স্ব স্ব সাধ্যানুসারে আপন ভাষায় শিক্ষা প্রদান করা, এবং এদেশীয় যথার্থ ধর্মের উপদেশ প্রদান করা অতি আবশ্যিক হইয়াছে, নতুবা আর কিয়ংকাল গোঁপে ইংরাজদিগের সহিত আমারদিগের কোন বিষয়ে জাতীয় প্রভেদ থাকিবেক না—তাঁহারদিগের ভাষাই এ দেশের জাতীয় ভাষা হইবেক, এবং তাঁহারদিগের ধর্মই এ দেশের জাতীয় ধর্ম হইবেক, সুতরাং ব্যক্ত করিতে হৃদয় বিদীর্ণ হয় যে, হিন্দু নাম ঘুচিয়া আমারদিগের পরের নামে বিখ্যাত হইবার সম্ভাবনা দেখিতেছি। এই সকল সাংঘাতিক ঘটনার নিবারণ করিতে এবং বঙ্গভাষায় বিজ্ঞান শাস্ত্র এবং ধর্ম শাস্ত্রের উপদেশ প্রদান করিতে তত্ত্ববোধিনী সভা অঙ্ক ১৭৬৫ শকের ১৮ বৈশাখ রবিবারে এতৎ পাঠশালারূপে নবকুমার প্রসব করিলেন।—‘তত্ত্ববোধিনী পত্রিকা’, ১ আশ্বিন ১৭৬৫ শক, পৃ. ১১-১২।

## সাময়িক-পত্র পরিচালন

### ‘বিজ্ঞানদর্শন’

তত্ত্ববোধিনী পাঠশালার শিক্ষকতাকালে অক্ষয়কুমার টাকী-নিবাসী প্রেসনকুমার ঘোষের সহযোগিতায় ‘বিজ্ঞানদর্শন’ নামে একখানি মাসিক পত্র প্রকাশ করেন। ১৮৪২ খ্রীষ্টাব্দের জুন মাসে (আষাঢ়, ১৭৬৪ শক) ইহার প্রথম সংখ্যা প্রকাশিত হয়। পত্র-প্রচারের উদ্দেশ্য সম্বন্ধে প্রথম সংখ্যায় এইরূপ লিখিত হইয়াছে :—

যখন যে জাতির মধ্যে সত্যতা প্রবেশ করে, তাহার পূর্বেই এই প্রকার প্রকাশ্য পত্রের সৃষ্টি হইয়া বিচার পথ মুক্ত হইতে থাকে।

এই পরম প্রিয়কর নিয়মের পশ্চাৎ হইয়া আমরাও বঙ্গদেশের মৃতপ্রায় ভাষার পুনরুদ্ধানে যত্ন করিতে অভিলাষ করিয়াছি, কিন্তু পাঠকগণকে কি প্রকারে তুষ্ট করিতে চেষ্টা করিব, এই চিন্তা এইক্ষণে কেবল সংশয়ে পরিপূর্ণ রহিল, যেহেতুক আমরাদিগের এবশ্চকার উদ্যোগের শ্রায় এতদ্দেশে পূর্বে একরূপ কোন কল্পনার সৃষ্টি হয় নাই, যে তাহার অনুগামী হইয়া আমরাও আমরাদিগের অভিপ্রেত ব্যাপারে তন্তুল্য রচনাদি করিতে উদ্যত হই, স্মরণ্যং একপ্রকার নূতন বস্তু আমরা অতিশয় ভীতচিত্তে অগ্রসর হইলাম, এবং সংশয়াপন্ন হইয়া বিদ্যার্থীগণকে এই পথকে অবলম্বন করিতে নিমন্ত্রণ করিতেছি।

\* \* \* \*

সম্প্রতি এই পত্রের বিশেষ তাৎপর্য ব্যক্ত করিবার জন্য ইহার সংক্ষেপ বিবরণ নিম্নদেশে প্রকাশ করিতেছি। এতৎ পত্রে এমত সকল বিষয়ের আলোচনা হইবেক, যদ্বারা বঙ্গভাষার লিপি বিচার বর্তমান রীতি উত্তম হইয়া সহজে ভাব প্রকাশের উপায় হইতে পারে, যত্নপূর্বক নীতি ও ইতিহাস, এবং বিজ্ঞান প্রভৃতি বহু বিচার যুক্তি নিমিত্ত নানা প্রকার গ্রন্থের অনুবাদ করা যাইবেক, এবং দেশীয় কুরীতির প্রতি বহুবিধ যুক্তি ও প্রমাণ দর্শাইয়া তাহার নিবৃত্তির চেষ্টা হইবেক। তন্নিম্ন রূপকাদিলিখনে একই প্রকার নূতন নিয়ম প্রস্তত করা যাইবেক।

এইক্ষণে কবিতার রীতি আমরাদিগের ভাষায় উত্তম নাই, অতএব তাহার প্রতি অধিক যত্ন করা অত্যন্ত প্রয়োজন বোধে সর্বদাই সাধারণ লেখকদিগকে তর্কদ্বারা সাবধান করিব, এবং উত্তম কবিতা যিনি লিখিয়া প্রেরণ করিবেন, তাহা অবশ্য আমরাদিগের বিচারের সহিত প্রকাশ করিতে ক্রটি করিব না।

‘বিজ্ঞানদর্শন’ দীর্ঘকাল স্থায়ী হয় নাই। ইহার মাত্র ছয়টি সংখ্যা প্রকাশিত হইয়াছিল।

### ‘তত্ত্ববোধিনী পত্রিকা’

তত্ত্ববোধিনী সভা প্রতিষ্ঠিত হইবার কিছু দিন পরে দেবেন্দ্রনাথ সভার একখানি মুখপত্র প্রচারের প্রয়োজন অনুভব করিলেন। ইহারই ফলে ‘তত্ত্ববোধিনী পত্রিকা’ প্রচারিত হয়। প্রতিযোগিতা-পরীক্ষায় অক্ষয়কুমারই পত্রিকা-সম্পাদক নির্বাচিত হন। ‘অক্ষয়-চরিতে’ প্রকাশ :—

কোন ব্যক্তিকে ইহার সম্পাদকতার ভার অর্পণ করা যায়, এই গুরুতর বিষয়টি সভায় বিবেচ্য হইলে অবশেষে স্থিরীকৃত হইল যে, প্রার্থীগণ “বেদান্ত ধর্মানুযায়ী সন্ন্যাস ধর্মের এবং সন্ন্যাসীদিগের প্রশংসাবাদ” এই বিষয়টি অবলম্বন পূর্বক এক একটি প্রবন্ধ লিখিয়া শ্রীদেবেন্দ্রনাথ ঠাকুর মহোদয়ের নিকট প্রেরণ করিবেন। যাহার প্রবন্ধ সর্বোৎকৃষ্ট হইবে, তিনিই সম্পাদকের পদে অভিষিক্ত হইবেন। ভবানীচরণ সেন অক্ষয়কুমার দত্ত প্রভৃতি কৃতবিদ্য ব্যক্তিগণের মধ্যে ইহার প্রতিযোগিতা হয়। অক্ষয় বাবুর প্রবন্ধটি সর্বোৎকৃষ্ট বলিয়া বিবেচিত হইলে, ইনি ৩০ টাকা বেতনে নিযুক্ত হন। তখন এই পদ ‘গ্রন্থ-সম্পাদকতা’ বলিয়া অভিহিত ছিল। ইহাকে সভায়ও কোন কোন কার্য করিতে হইত। এতদ্ভিন্ন, উদ্ভিদাদি বিজ্ঞান বিষয়ে উপদেশ পাইবার জন্য মেডিকেল কলেজে গমন করিতেন।—

‘অক্ষয়-চরিত,’ পৃ. ১৮-১৯।

১৬ আগস্ট ১৮৪৩ তারিখে ‘তত্ত্ববোধিনী পত্রিকা’ সর্বপ্রথম

প্রকাশিত হয়। এই পত্রিকা প্রকাশ প্রসঙ্গে মহর্ষি দেবেন্দ্রনাথ 'স্বরচিত জীবন-চরিতে' যাহা লিখিয়া গিয়াছেন, তাহাও নিম্নে উদ্ধৃত হইল :—

...একটি যন্ত্রালয়, একখানি পত্রিকা অতি আবশ্যিক হইল। আমি ভাবিলাম, তত্ত্ববোধিনী সভায় অনেক সভ্য কার্যসূত্রে পরস্পর বিচ্ছিন্নভাবে আছেন। তাঁহারা সভায় কোন সংবাদই পান না, অনেক সময় উপস্থিত হইতেও পারেন না। সভায় কি হয়, অনেকেই তাহা অবগত নহেন। বিশেষতঃ ব্রাহ্মসমাজে বিদ্যাবাগীশের ব্যাখ্যান অনেকেই শুনিতে পান না, তাহার প্রচার হওয়া আবশ্যিক। আর, রামমোহন রায় জীবদশায় ব্রহ্মজ্ঞান বিস্তার উদ্দেশে যে সকল গ্রন্থ প্রণয়ন করেন, তাহাও প্রচার আবশ্যিক। এতদ্ব্যতীত যে সকল বিষয়ে লোকের জ্ঞান বৃদ্ধি ও চরিত্র শোধনের সহায়তা করিতে পারে, এমন সকল বিষয়ও প্রকাশ হওয়া আবশ্যিক। আমি এরূপ চিন্তা করিয়া ১৭৬৫ শকে তত্ত্ববোধিনী পত্রিকা প্রচারের সংকল্প করি। পত্রিকার একজন সম্পাদক নিয়োগ আবশ্যিক। সভাদিগের মধ্যে অনেকেই রচনা পরীক্ষা করিলাম। কিন্তু অক্ষয়কুমার দত্তের রচনা দেখিয়া আমি তাঁহাকে মনোনীত করিলাম। তাঁহার এই রচনাতে গুণ ও দোষ দুইই প্রত্যক্ষ করিয়াছিলাম। গুণের কথা এই যে, তাঁহার রচনা অতিশয় হৃদয়গ্রাহী ও মধুর। আর দোষ এই যে, ইহাতে তিনি জটা-জুট-মণ্ডিত ভস্মাচ্ছাদিত-দেহ তরুতলবাসী সন্ন্যাসীর প্রশংসা করিয়াছিলেন। কিন্তু চিহ্নধারী বহিঃসন্ন্যাস আমার মতবিরুদ্ধ। আমি মনে করিলাম, যদি মতামতের জন্ত নিজে সতর্ক থাকি, তাহা হইলে ইহার দ্বারা অবশ্যই পত্রিকা সম্পাদন করিতে পারিব। ফলতঃ তাহাই হইল। আমি অধিক বেতন দিয়া অক্ষয় রাবুকে ঐ কার্যে নিযুক্ত করিলাম। তিনি যাহা লিখিতেন, তাহাতে

আমার মতবিরুদ্ধ কথা কাটিয়া দিতাম এবং আমার মতে তাঁহাকে আনিবার জন্ত চেষ্টা করিতাম। কিন্তু তাহা আমার পক্ষে বড় সহজ ব্যাপার ছিল না। আমি কোথায়, আর তিনি কোথায়! আমি খুঁজিতেছি, ঈশ্বরের সহিত আমার কি সম্বন্ধ, আর তিনি খুঁজিতেছেন, বাহ্য বস্তুর সহিত মানব-প্রকৃতির কি সম্বন্ধ। আকাশ পাতাল প্রভেদ। ফলতঃ আমি তাঁহার গায় লোককে পাইয়া তত্ত্ববোধিনী পত্রিকার আশানুরূপ উন্নতি করি। অমন রচনার সৌষ্ঠব তৎকালে অতি অল্প লোকেই দেখিতাম। তখন কেবল কয়েকখানা সংবাদপত্রই ছিল। তাহাতে লোকহিতকর জ্ঞানগর্ভ কোন প্রবন্ধই প্রকাশ হইত না। বঙ্গদেশে তত্ত্ববোধিনী পত্রিকা সর্বপ্রথমে সেই অভাব পূরণ করে। বেদ বেদান্ত ও পরব্রহ্মের উপাসনা প্রচার করা আমার যে মুখ্য সংকল্প ছিল, তাহা এই পত্রিকা হওয়াতে সুসিদ্ধ হইল। ( পৃ. ২৯-৩০ )

‘তত্ত্ববোধিনী পত্রিকা’ কি ভাবে পরিচালিত হইত, ‘অক্ষয়-চরিতে’ তাহার এইরূপ বিবরণ আছে :—

অক্ষয় বাবুর চেষ্টায় ইহাতে ধর্ম বিষয় ব্যতীত, সাহিত্য, বিজ্ঞান, পুরাতত্ত্বাদি উৎকৃষ্ট উৎকৃষ্ট বিষয়গুলি আলোচিত হইতে আরম্ভ হয়। ইহা পূর্বে কিরূপে সম্পাদিত হইত, তদ্বিষয়ে এ স্থলে কিছু উল্লেখ করা আবশ্যিক হইতেছে। মহানুভব দেবেন্দ্রনাথ ঠাকুর এমিয়াটিক সোসাইটি কর্তৃক প্রদর্শিত পথ অবলম্বন করিয়া পেপার কমিটি ( Paper Committee ) নামে একটি প্রবন্ধনির্বাচনী সভা সংস্থাপন করেন। কমিটির পাঁচ জনের অধিক সভ্য ( গ্রন্থাধ্যক্ষ ) সংখ্যা ছিল না ; অগ্ৰাণ্ড সভা সমিতির যেরূপ নিয়ম, ইহারও সেইরূপ ছিল—একজন গ্রন্থাধ্যক্ষ অবসর গ্রহণ করিলে অপর একজন

মনোনীত হইয়া তাঁহার স্থান পূর্ণ করিতেন। পণ্ডিতবর শ্রীঈশ্বরচন্দ্র বিদ্যাসাগর শ্রীযুক্ত বাবু (একগে ডাক্তার) রাজেন্দ্রলাল মিত্র শ্রীযুক্ত বাবু (একগে মহর্ষি) দেবেন্দ্রনাথ ঠাকুর শ্রীযুক্ত বাবু রাজনারায়ণ বসু শ্রীযুক্ত বাবু আনন্দকৃষ্ণ বসু শ্রীধর গায়রত্ন শ্রীঅনন্দচন্দ্র বেদাস্তবাগীশ শ্রীপ্রসন্নকুমার সর্বাধিকারী শ্রীরাধাপ্রসাদ রায় শ্রীশ্যামাচরণ মুখোপাধ্যায় প্রভৃতি মহোদয়গণ ইহার সভ্য ছিলেন। সভার নিয়ম ছিল যে, কি গ্রন্থ-সম্পাদক, কি গ্রন্থাধ্যক্ষ কি অপর কোনও ব্যক্তি, কেহ যতপি পত্রিকায় প্রকটিত করিবার অভিলাষে কোনও প্রবন্ধ রচনা করেন, প্রবন্ধনির্বাচনী সভার অধিকাংশ সভ্য কর্তৃক অগ্রে তাহা মনোনীত ও আবশ্যিক হইলে পরিবর্তিত ও সংশোধিত হইলে তবে পত্রিকা হইবে। ১০০০-১৭০০ শকের ২৩এ শ্রাবণ তারিখের অধ্যক্ষ সভার অধিবেশনে তিনি [অক্ষয়কুমার] পেপার কমিটির সভ্যশ্রেণী ভুক্ত হন। (পৃ. ১৯-২১)।

অক্ষয়কুমার বার বৎসর, ইং ১৮৪৩-১৮৫৫, 'তত্ত্ববোধিনী পত্রিকা' পরিচালন করিয়াছিলেন। তিনি ৩০ টাকা বেতনে এই পদে নিযুক্ত হন, কর্মদক্ষতাগুণে তাহা বৃদ্ধি পাইয়া ৪৫ ও শেষে ৬০ হইয়াছিল। অক্ষয়কুমারের চেষ্টায় পত্রিকায় সাহিত্য, বিজ্ঞান, পুরাতত্ত্বাদি বিষয়েও বহু স্থলিখিত প্রবন্ধ স্থান পাইয়াছিল। তাঁহার নিজের বহু রচনাও এই পত্রিকার পৃষ্ঠা অলঙ্কৃত করিয়া আছে। মহর্ষি দেবেন্দ্রনাথ লিখিয়াছেন :—

তত্ত্ববোধিনী পত্রিকার এক সময়ে ৭০০ জন গ্রাহক ছিল; তাহা কেবল এক অক্ষয় বাবুর দ্বারা। অক্ষয়কুমার দত্ত যদি সে সময় পত্রিকা সম্পাদন না করিতেন, তাহা হইলে তত্ত্ববোধিনী পত্রিকার এরূপ উন্নতি কখনই হইতে পারিত না।—'ব্রাহ্ম-সমাজের পঞ্চবিংশতি বৎসরের পরীক্ষিত বৃত্তান্ত,' পৃ. ২১।

‘তত্ত্ববোধিনী পত্রিকা’র উন্নতির মূলে প্রবন্ধ-নির্বাচনী সভার কথাও স্মরণীয়। ১৮৫৯ খ্রীষ্টাব্দের মে মাসে তত্ত্ববোধিনী সভার সঙ্গে সঙ্গে এই সভাও বিলুপ্ত হয়।

### ব্রাহ্মধর্ম গ্রহণ

তত্ত্ববোধিনী সভার সহিত চারি বৎসর সংশ্লিষ্ট থাকিবার পর অক্ষয়কুমার ২১ ডিসেম্বর ১৮৪৩ তারিখে দেবেন্দ্রনাথ ঠাকুর প্রভৃতির সহিত ব্রাহ্মধর্ম গ্রহণ করেন। এই ব্রত গ্রহণকালে সকলে ব্রাহ্মসমাজ-মন্দিরে আচার্য রামচন্দ্র বিদ্যাবাগীশের বেদীর সম্মুখে প্রতিজ্ঞাবদ্ধ হন যে ‘ঐহ্যারা পৌত্তলিকতা পরিত্যাগ করিয়া এক ঈশ্বরের উপাসনার ব্রতী হইবেন।\*

সতেন্দ্রনাথ সত্যই লিখিয়াছেন, “অক্ষয়বাবু আমাদের ব্রাহ্মসমাজের জ্ঞানমার্গের প্রহরিরূপে দণ্ডায়মান ছিলেন।” “ব্রাহ্মসমাজের ধর্ম অগ্রে বেদান্তধর্ম ছিল। ব্রাহ্মগণ বেদের অভ্রান্ততাতে বিশ্বাস করিতেন। অক্ষয়কুমার দত্ত মহাশয় এই উভয়ের প্রতিবাদ করিয়া বিচার উপস্থিত করেন। প্রধানতঃ ঐহ্যারই প্ররোচনাতে মহর্ষি দেবেন্দ্রনাথ ঠাকুর উভয় বিষয়ে গভীর চিন্তায় ও শাস্ত্রানুসন্ধানে প্রবৃত্ত হন।...তিনি সহজে স্বীয় অবলম্বিত কোনও মত বা কার্যপ্রণালী পরিবর্তন করিতেন না।...সুতরাং ঐহ্যাকে বেদান্তধর্ম ও বেদের অভ্রান্ততা হইতে বিচলিত করিতে অক্ষয় বাবুকে বহু প্রয়াস পাইতে হইয়াছিল। ১৮৫০ সালে দেবেন্দ্রনাথ ঠাকুর মহাশয় বহু অনুসন্ধান ও চিন্তায় পর অক্ষয় বাবুর অবলম্বিত মত

\* ‘দেবেন্দ্রনাথ ঠাকুরের স্বরচিত জীবন-চরিত,’ পৃ. ৩৬-৭

যুক্তিসিদ্ধ জানিয়া, বেদান্তবাদ ও বেদের অভ্রান্ততাবাদ পরিত্যাগ করিলেন।”\*

## আত্মীয় সভা

রাখালদাস হালদার ও অনঙ্গমোহন মিত্রের সহযোগে অক্ষয়কুমার ১৮৫২ খ্রীষ্টাব্দের অক্টোবর মাসে দেবেন্দ্রাথের ভবনে ‘আত্মীয় সভা’ প্রতিষ্ঠা করেন। সভার সভাপতি ছিলেন—দেবেন্দ্রনাথ; সম্পাদক—অক্ষয়কুমার। সামাজিক সমস্যার আলোচনাই সভার মূল উদ্দেশ্য ছিল, শেষে ব্রাহ্মধর্মের মূল তত্ত্বও ইহার আলোচনার বিষয়ীভূত হইয়া পড়ে। এই সভা সম্বন্ধে দেবেন্দ্রনাথ স্বরচিত জীবন-চরিতে (পৃ. ১৪০) লিখিয়াছেন :—

ওদিকে অক্ষয়কুমার দত্ত একটা ‘আত্মীয় সভা’ বাহির করিলেন, তাহাতে হাত তুলিয়া ঈশ্বরের স্বরূপ বিষয়ে মীমাংসা হইত। যথা— একজন বলিলেন, “ঈশ্বর আনন্দ-স্বরূপ কিনা?” যাহার যাহার আনন্দস্বরূপে বিশ্বাস আছে, তাহারা হাত উঠাইল। এইরূপে অধিকাংশের মতে ঈশ্বরের স্বরূপের সত্যাসত্য নির্ধারিত হইত। এখানে যাহারা আমার অঙ্গস্বরূপ, যাহারা আমাকে বেটন করিয়া রহিয়াছেন, তাঁহাদের অনেকের মধ্যে আর কোন ধর্মতাব ও নিষ্ঠাভাব দেখিতে পাই না। কেবলি নিজের নিজের বুদ্ধি ও ক্ষমতার লড়াই।

---

\* শিবনাথ শাস্ত্রী : ‘রামতনু লাহিড়ী ও তৎকালীন বঙ্গসমাজ,’ পৃ. ২০০। এই প্রসঙ্গে যোগেশচন্দ্র বাগল-লিখিত ‘দেবেন্দ্রনাথ ঠাকুর’ পুস্তকের ২৫-৮ পৃষ্ঠাও পঠনীয়।



## সমাজসংস্কারমূলক কার্যের সহিত অক্ষয়কুমারের বিলম্ব যোগ

সমাজসংস্কারমূলক কার্যের সহিত অক্ষয়কুমারের বিলম্ব যোগ ছিল। ১৫ ডিসেম্বর ১৮৫৪ তারিখে কানীপুরে কিশোরীচাঁদ মিত্রের ভবনে সমাজসংস্কারমূলক কার্যের সহিত অক্ষয়কুমারের বিলম্ব যোগ ছিল। ১৫ ডিসেম্বর ১৮৫৪ তারিখে কানীপুরে কিশোরীচাঁদ মিত্রের ভবনে সমাজসংস্কারমূলক কার্যের সহিত অক্ষয়কুমারের বিলম্ব যোগ ছিল। এই সভায় অক্ষয়কুমার দত্তের পোষকতায় কিশোরীচাঁদ মিত্র প্রস্তাব করেন, “দ্বীশিকার প্রবর্তন, হিন্দু-বিধবার পুনর্বিবাহ, বাল্যবিবাহবর্জন এবং বহুবিবাহ-প্রচলন-রোধের নিমিত্ত সমিতির শক্তি বিশেষভাবে প্রয়োগ করা হউক।”

মহর্ষি দেবেন্দ্রনাথ ঠাকুর এই সমিতির সভাপতি, এবং কিশোরীচাঁদ মিত্র ও অক্ষয়কুমার দত্ত যুগ্ম-সম্পাদক ছিলেন। এই সমিতির সভ্যগণের মধ্যে রাজেন্দ্রলাল মিত্র, হরিশ্চন্দ্র মুখোপাধ্যায়, প্যারীচাঁদ মিত্র, রসিককৃষ্ণ মল্লিক ও রাধানাথ শিকদারের নাম উল্লেখযোগ্য।\*

## নর্মাল স্কুলে শিক্ষকতা

১৮৮৫ খ্রীষ্টাব্দের প্রথমার্ধে ঈশ্বরচন্দ্র বিদ্যাসাগর নদীয়া, বর্ধমান, হুগলী ও মেদিনীপুরে অনেকগুলি মডেল বা আদর্শ বঙ্গবিদ্যালয় প্রতিষ্ঠার আয়োজন সম্পূর্ণ করেন। তিনি বাংলা বিদ্যালয়গুলির শিক্ষক-নির্বাচনে যত্নোযোগ দিলেন। কারণ, তিনি জানিতেন, এই সব শিক্ষকের যথোপযুক্তরূপ জ্ঞানের উপরই সরকারী শিক্ষা-ব্যবস্থার সাফল্য নির্ভর করিতেছে। পরীক্ষায় দেখা গেল, শিক্ষক-পদপ্রার্থীদের মধ্যে অতি

---

\* এই সমিতি সম্বন্ধে বিস্তৃত আলোচনা শ্রীমন্নথনাথ ঘোষ-লিখিত ‘কর্মবীর কিশোরীচাঁদ মিত্র’ পুস্তকের ৯৯-১১১ পৃষ্ঠায় দ্রষ্টব্য।

অল্প লোকই সরকারী মডেল স্কুলগুলির ভার লইতে সমর্থ হইবে এমনই করিয়া শিক্ষকদের শিক্ষাদানের জন্য একটি নর্মাল স্কুলের প্রয়োজনীয়তা নিঃসন্দেহে প্রতিপাদিত হইল। এই সময় তিনি প্রস্তাবিত নর্মাল স্কুলের হেড মাস্টারের পদের উপযুক্ত এক জন লোককেও পাইলেন, তিনি অক্ষয়কুমার দত্ত। “পীড়া ও অল্প কোন কারণবশতঃ অক্ষয়বাবু তখন তত্ত্ববোধিনী পত্রিকা ও ব্রাহ্মসমাজের নিকট হইতে বিদায় গ্রহণেচ্ছু হন। এ অবস্থায় যখন বিজ্ঞানাগর মহাশয় তাঁহাকে প্রধান শিক্ষকদের পদ গ্রহণের কথা বলিলেন, তখন তিনি অত্যন্ত আশ্চর্যের সহিত বলিলেন, ‘তা হলে ঝাঁচি’।” (‘অক্ষয়-চরিত,’ পৃ. ৩৭-৮)

‘তত্ত্ববোধিনী পত্রিকা’র সহিত সংশ্লিষ্ট থাকা কালে অক্ষয়কুমার বিজ্ঞানাগর মহাশয়ের সহিত পরিচিত হইয়াছিলেন। এমন কি, অক্ষয়কুমারের সনির্বন্ধ অনুরোধে বিজ্ঞানাগর মহাশয় সময়ে সময়ে তাঁহার অনেক রচনাও সম্বন্ধে দেখিয়া দিয়াছেন।\* অক্ষয়কুমার সম্বন্ধে বিজ্ঞানাগরের উচ্চ ধারণাই ছিল। তিনি নর্মাল স্কুল প্রতিষ্ঠা সম্পর্কে অক্ষয়কুমারকে সুপারিশ করিয়া ২ জুলাই ১৮৫৫ তারিখে শিক্ষা-বিভাগের অধ্যক্ষকে এই পত্র লিখিলেন :—

I would propose that two masters, one at Rs. 150 and the other at Rs. 50 per month; be employed

\* রাজনারায়ণ বসু লিখিয়াছেন :—“অনেকে অবগত নহেন যে, দেবেন্দ্রনাথ ঠাকুর ও বিজ্ঞানাগর মহাশয়ের নিকট অক্ষয়কুমার দত্ত কত উপকৃত আছেন। তাঁহারা তাঁহার লেখা প্রথম প্রথম বিস্তর সংশোধন করিয়া দিতেন।”—‘বাল্যলা ভাষা ও সাহিত্য বিষয়ক বক্তৃতা,’

for the present to undertake the task of training up the teachers for our new vernacular school.

For the post of Head Master of the Normal classes, I would recommend Babu Akshoy Kumar Dutt, the well-known editor of the *Tatwabodhini Patrika*. He is one of the very few of the best Bengali writers of the time. His knowledge of the English language is very respectable and he is well informed in the elements of general knowledge, and well-acquainted with the art of teaching. On the whole. I do not think that we can sure the services of a better man for the Post. For the second mastership, I would propose Pandit Madhusudan Bachaspati. He is a distinguished ex-student of the Sanskrit College an able and elegant Bengali writer, well-acquainted with the art of teaching, and, in my opinion, in every respect qualified to fill the post for which he is recommended.

তাৎপর্য : --“তত্ত্ববোধিনী পত্রিকার সর্বজনবিদিত সম্পাদক বাবু অক্ষয়-কুমার দত্ত নর্মাল ক্লাসগুলির প্রধান শিক্ষক হন—ইহাই আমার অভিমত। বর্তমানে প্রথম শ্রেণীর বাংলা লেখক অতি অল্পই আছে; অক্ষয়কুমার সেই সর্বোৎকৃষ্ট লেখকদের অন্যতম। ইংরেজীতে তাঁহার বেশ জ্ঞান আছে, এবং সাধারণ জ্ঞানের প্রাথমিক তথ্যসমূহ সম্বন্ধে তাঁহার অপেক্ষা যোগ্যতর লোক পাইবার সম্ভাবনা নাই।”

শিক্ষা-বিভাগের অধ্যক্ষ বিজ্ঞাসাগরের প্রস্তাব অনুমোদন করিলেন। ১৭ই জুলাই ১৮৫৫ তারিখ হইতে বিজ্ঞাসাগরের তত্ত্বাবধানে কলিকাতায় একটি নর্মাল স্কুল খোলা হইল। স্বতন্ত্র বাড়ী না পাওয়ার আপাততঃ

নর্মাল স্কুল সকালবেলা দুই ঘণ্টার জন্য সংস্কৃত কলেজেই বসিতে লাগিল। স্কুলটি দুইটি শ্রেণীতে বিভক্ত ছিল; উচ্চ শ্রেণীর ভার—প্রধান শিক্ষক অক্ষয়কুমার দত্তের উপর, এবং নিম্ন শ্রেণীর ভার ছিল—দ্বিতীয় শিক্ষক মধুসূদন বাচস্পতির উপর। অক্ষয়কুমার ভূগোল প্রভৃতি বিষয়ে, এবং বাচস্পতি বাংলা ও সংস্কৃত শিক্ষা দিতেন।

কিন্তু অক্ষয়কুমার দীর্ঘকাল কলিকাতা নর্মাল স্কুলে শিক্ষকতা করিতে পারেন নাই। দারুণ শিরোরোগে তিনি ১৮৫৬ খ্রীষ্টাব্দের আগস্ট মাসে এক বৎসর, পরে ছয় মাস করিয়া দুই বার ছুটি লইতে বাধ্য হইয়াছিলেন। শেষে ১৮৫৮ খ্রীষ্টাব্দের আগস্ট মাসে তিনি পদত্যাগ করেন। তাঁহার স্থলে প্রতিনিধি হিসাবে সংস্কৃত কলেজের প্রাক্তন ছাত্র রামকমল ভট্টাচার্য (আচার্য কৃষ্ণকমলের অগ্রজ) কার্য করিয়াছিলেন; শেষে তিনিই স্থায়ী ভাবে নর্মাল স্কুলের হেড মাস্টার নিযুক্ত হন।

### শেষ জীবন

অক্ষয়কুমার দুরারোগ্য শিরোরোগে অকর্মণ্য হইয়া পড়িলেন। চিকিৎসা, বায়ুপরিবর্তনাদি ব্যাপারে তাঁহার ব্যয় বৃদ্ধি হইল। এই সময় তত্ত্ববোধিনী সভা মাসিক বৃত্তি নির্ধারণ করিয়া তাঁহাকে সাংসারিক দুশ্চিন্তা হইতে কতকটা অব্যাহতি দিয়াছিলেন। মহেন্দ্রনাথ বিজ্ঞানিধি লিখিয়াছেন :—

দেশ-মান্য পণ্ডিতবর শ্রীযুক্ত ঈশ্বরচন্দ্র বিজ্ঞানাগর মহাশয় এ বিষয়ের জন্য বিশেষ উদ্যোগ পাইয়াছিলেন। তাঁহা কর্তৃক বিরচিত সে বিষয়ের বৃত্তান্ত ১৭৭৯ সতর শ উনআশী শকের ( ১২৬৪ সালের ) কার্তিক মাসের তত্ত্ববোধিনী পত্রিকায় প্রকাশিত হয় :—  
'অক্ষয়কুমার দত্তের জীবন বৃত্তান্ত,' ( ভাঙ্গ ১২২২ ), পৃ. ২৩৩।

বিজ্ঞানিধি মহাশয় বিজ্ঞানাগর-বিরচিত যে বৃত্তান্তের উল্লেখ করিয়াছেন, তাহা নিয়ে উদ্ধৃত করিতেছি :—

বিশেষ সভার প্রস্তাব । ২৯ ভাদ্র—১৭৭৯ ।

তত্ত্ববোধিনী পত্রিকা প্রচারিত হওয়াতে এতদেশীয় লোকদিগের যে, নানা গুরুতর উপকার লাভ হইয়াছে, ইহা বোধবিশিষ্ট ব্যক্তিমাতেই স্বীকার করিয়া থাকেন । আত্মোপাস্ত অমুধাবন করিয়া দেখিলে শ্রীযুত বাবু অক্ষয়কুমার দত্ত এই তত্ত্ববোধিনী পত্রিকা সৃষ্টির এক জন প্রধান উদ্যোগী এবং এই মহোপকারিণী পত্রিকার অসাধারণ শ্রীবৃদ্ধি লাভের অস্বীকার্য কারণ বলিয়া বোধ হইবে । তাঁহারই যত্নে ও পরিশ্রমে তত্ত্ববোধিনী পত্রিকা সর্বত্র একরূপ আদরভাজন ও সর্বসাধারণের একরূপ উপকারসাধন হইয়া উঠিয়াছে । বস্তুতঃ তিনি অনন্তমনা ও অনন্তকর্মা হইয়া কেবল তত্ত্ববোধিনী পত্রিকার শ্রীবৃদ্ধি সম্পাদনেই নিয়ত নিবিষ্টচিত্ত ছিলেন । তিনি এই পত্রিকার শ্রীবৃদ্ধি সাধনে কৃতসঙ্কল্প হইয়া অবিপ্রাস্ত অত্যাৎকট পরিশ্রম দ্বারা শরীর পাত করিয়াছেন, বলিলে বোধ হয়, অত্যাঙ্কি দোষে দূষিত হইতে হয় না । তিনি যে অতি বিষম শিরোরোগে আক্রান্ত হইয়া দীর্ঘকাল অশেষ ক্লেশ ভোগ করিতেছেন, তাহা কেবল ঐ অত্যাৎকট মানসিক পরিশ্রমের পরিণাম, তাহার সন্দেহ নাই । অতএব যিনি তত্ত্ববোধিনী পত্রিকার নিমিত্ত শরীরপাত করিয়াছেন সেই মহোদয়কে সহস্র মাধুবাদ প্রদান করা ও তাঁহার প্রতি যথোচিত কৃতজ্ঞতা প্রদর্শন করা অত্যাবশ্যক, না করিলে তত্ত্ববোধিনী সভার সভায় সভ্যদিগের কর্তব্যাহুষ্ঠানের ব্যতিক্রম হয় ।

দীর্ঘকাল ছরস্ত রোগে আক্রান্ত থাকাতে অক্ষয়কুমার বাবুর আয়ের সঙ্কোচ, ব্যয়ের বাহুল্য এবং তন্নিবন্ধন অশেষ ক্লেশ ঘটিবার

উপক্রম হইয়া উঠিয়াছে। এ সময় কিছু অর্থ সাহায্য করিতে পারিলে প্রকৃতরূপে কৃতজ্ঞতা প্রদর্শন করা হয়, এই বিবেচনায় গত শ্রাবণ মাসের ষাদশ দিবসীয় বিশেষ সভায় শ্রীযুক্ত বাবু কানাইলাল পাইন প্রস্তাব করেন যে, তত্ত্ববোধিনী সভা হইতে কিছু কালের জন্য অক্ষয়কুমার বাবুকে সাহায্য প্রদান করা যায়। তদনুসারে অগ্নি সমাগত সভায় নিৰ্ধারিত করিলেন, অক্ষয়কুমার বাবু যত দিন পর্যন্ত সম্যক সুস্থ ও স্বচ্ছন্দশরীর হইয়া পুনরায় পরিশ্রমক্রম না হন, তত দিন তিনি সভা হইতে আগামী আশ্বিন মাস অবধি পঞ্চবিংশতি মুদ্রা মাসিক বৃত্তি পাইবেন। আর ইহাও নিৰ্ধারিত হইল যে, এই প্রতিজ্ঞার প্রতিলিপি অক্ষয়কুমার বাবুর নিকট প্রেরিত হয় এবং সর্বসাধারণের গোচরার্থে তত্ত্ববোধিনী পত্রিকাতেও অবিকল মুদ্রিত হয়।—‘তত্ত্ববোধিনী পত্রিকা,’ কার্তিক ১৭৭২ শক, পৃ. ৮৪।

১৮৫৭ খ্রীষ্টাব্দের ১৬ ই সেপ্টেম্বর হইতে তত্ত্ববোধিনী সভা অক্ষয়কুমারকে মাসিক ২৫ টাকা বৃত্তি দিবার ব্যবস্থা করেন। ক্রমে তাঁহার পুস্তকগুলির আয় যথেষ্ট বৃদ্ধি পাওয়ায় এই বৃত্তি তাঁহাকে অধিক দিন গ্রহণ করিতে হয় নাই। ১৭৮৪ শকের (ইং ১৮৬২) কার্তিক-সংখ্যা ‘তত্ত্ববোধিনী পত্রিকা’র প্রকাশ :—

বিজ্ঞাপন।—শ্রীযুক্ত অক্ষয়কুমার দত্ত মহাশয় সমাজ হইতে যে বার্ষিক বৃত্তি পাইতেছিলেন, সম্প্রতি তিনি তাহা গ্রহণ করা অনাবশ্যক বিবেচনায় উপকার স্বীকার পূর্বক এক্ষণ অবধি আয় না লইবার প্রার্থনায় এক পত্র লিখিয়াছেন, অধ্যক্ষ মহাশয়েরা যে তাঁহার নিকট প্রতিজ্ঞাপাশে বদ্ধ ছিলেন, ঐ পত্র প্রাপ্ত হইয়া তাহা হইতে মুক্ত হইয়া তাঁহাকে সাধুবাদ করিলেন।

অক্ষয়কুমার বালি গ্রামে গঙ্গাতীরে প্রায় এক বিঘা জমির উপর উদ্যান-সমেত একটি গৃহ নির্মাণ করেন। উদ্যানটির নাম রাখেন— ‘শোভনোদ্যান’। বিচিত্র বৃক্ষলতা গুল্ম উদ্যানের শোভা বৃদ্ধি করিয়াছিল। একখানি পত্রে তিনি রাজনারায়ণ বসুকে লেখেন :—“আমার আশ্রম-বৃক্ষগুলি বড়ই ভাল আছে। তাহাদিগকে সতত দেখিয়া ও লালন পালন করিয়া সমধিক সুখী হই।” অক্ষয়কুমার শিরোরোগে কাতর হইলে এই উদ্যানে বিচরণ করিয়া অনেকটা উপশম বোধ করিতেন।

### ধর্মমত পরিবর্তন

অক্ষয়কুমার প্রথমে ব্রাহ্ম ছিলেন বটে, কিন্তু পরে তাঁহার ধর্মমত পরিবর্তিত হইয়াছিল। এই প্রসঙ্গে ‘অক্ষয়-চরিতে’ ( পৃ. ৩২-৪০ ) যাহা লিখিত হইয়াছে, তাহা উদ্ধৃত করিতেছি :—

তিনি প্রথমে ব্রাহ্ম ছিলেন ; কিন্তু প্রার্থনার আবশ্যকতা\* স্বীকার করিতেন না। একদা উত্তর-পশ্চিমাঞ্চলে পর্যটন করিয়া যখন পীড়িতাবস্থায় নৌকা করিয়া চূপীর বাটীতে প্রত্যাগমন করেন, তখন তিনি আরোগ্য লাভের জন্য গৃহ-প্রতিষ্ঠিত নারায়ণের নিকট সাষ্টাঙ্গ প্রণাম করেন। কিন্তু পৌত্তলিকও ছিলেন না। তবে কি ছিলেন ? তিনি যাহা ছিলেন, তাহার সম্বন্ধে তাঁহার পরম সুস্থ বিজ্ঞ শ্রীযুক্ত বাবু রাজনারায়ণ বসু যাহা লিখিয়াছেন, তাহা এস্থলে প্রকাশিত হইল ;—

\* এই সমীকরণ দ্বারা তিনি একদা প্রার্থনার অনাবশ্যকতা প্রমাণ করেন :—পরিশ্রম=শস্ত্র ; প্রার্থনা ও পরিশ্রম=শস্ত্র, অতএব প্রার্থনার শক্তি=০।

The Babu long ago abjured his belief in Brahmoism and turned an agnostic. This change in his opinion could be Proved by passages in his work on Hindu Sects.

## মৃত্যু

অক্ষয়কুমার ৩১ বৎসর ছরস্ক রোগে ভুগিয়া ২৮ মে ১৮৮৬ ( ১৪ জ্যৈষ্ঠ ১২৯৩, রাত্রি অনুমান ৩-১৫ মিনিট ) তারিখে পরলোক গমন করেন। তাঁহার মৃত্যুতে 'সোমপ্রকাশ' লিখিয়াছিলেন :—

এমনি একটি অমূল্য রত্ন হারাইয়া আমরা সকলেই তাঁহার জ্ঞান কাঁদিতেছি, বঙ্গবাসী মাঝেই তাঁহার শোকে ত্রিষ্ণা। আমরা প্রস্তাব করি, কলিকাতা সেনেট হাউসে অক্ষয়কুমার দত্তের একটি প্রতিমূর্তি স্থাপন করিবার জ্ঞান দেশের লোক সম্মত হউন।

## রচনাবলী

অক্ষয়কুমারের রচিত পুস্তকগুলির একটি কালানুক্রমিক তালিকা সংকলন করিয়া দিতেছি :—

১। অনঙ্গমোহন। ইং ১৮৩৪ ( ? )

“ন্যূনাধিক চতুর্দশ বৎসর বয়ঃক্রমকালে বাবু অক্ষয়কুমার দত্ত ‘অনঙ্গমোহন’ নামে একখানি পঞ্চময় গ্রন্থ রচনা করেন। ইহা বর্তমান বটতলার গ্রন্থাবলি হইতে কোনও অংশে উৎকৃষ্ট নহে। ইহা “কামিনী কুমারের” সমতুল্য—উজ্জ্বল রচিত পরিচায়ক। গ্রন্থকারের আত্মীয়বর্গের নিকট ইহার একখণ্ড ছিল, সম্প্রতি নষ্ট হইয়াছে।—‘অক্ষয়-চরিত,’ পৃ. ১৪।



২। ভূগোল। শকাব্দা: ১৭৬৩ (ইং ১৮৪ )। পৃ. ৭৫।

ভূগোল। তত্ত্ববোধিনী সভার অধ্যক্ষদিগের অনুমত্যানুসারে তৎসভা শ্রীঅক্ষয়কুমার দত্ত কর্তৃক প্রস্তুত হইয়া তত্ত্ববোধিনী সভা হইতে মুদ্রাঙ্কিত হইল। কলিকাতা শকাব্দা: ১৭৬৩।

“ইদানীং দেশহিতৈষি বিদ্যোৎসাহী মহাশয়দিগের দৃঢ় উদ্যোগ স্বানে যে প্রকার প্রকৃষ্ট পদ্ধতি ক্রমে বঙ্গভাষায় অনুশীলন হইতেছে, তাহাতে ভবিষ্যতে এ দেশীয় ব্যক্তিগণের বিদ্যা বুদ্ধির উন্নতি হওনের বিলক্ষণ সম্ভাবনা আছে, কিন্তু এ ভাষায় এ প্রকার প্রচুর গ্রন্থ দৃষ্ট হয় না যে, তদ্বারা বালকদিগকে সুচারুরূপে শিক্ষা প্রদান করা যায়। এই সুযোগযুক্ত সময়ে এ অকিঞ্চন হইতে কিঞ্চিং দেশের উপকার সম্ভবে, এই মানস করিয়া চন্দ্রসুখালোভী উষাহ বামনের গায় দীর্ঘ আশায় আসক্ত হইয়া বহুক্লেশে বহু ইংরাজী গ্রন্থ হইতে উদ্ধৃত করিয়া বালকদিগের বোধগম্য অথচ সুশিক্ষাযোগ্য এই ভূগোল পুস্তক প্রস্তুত করিয়াছি।”—ভূমিকা

৩। শ্রীযুক্ত ডেবিড হেরার সাহেবের নাম স্মরণার্থ তৃতীয় সাম্বৎসরিক সভার বক্তৃতা। ইং ১৮৪৫। পৃ. ৮।

৪। বাহ্য বস্তুর সহিত মানব প্রকৃতির সম্বন্ধ বিচার।

১ম ভাগ। ৮ পৌষ ১৭৭৩ শক (ইং ১৮৫১)। পৃ. ২০১।

২য় ভাগ। ১০ মাঘ ১৭৭৪ শক (ইং ১৮৫৩)। পৃ. ২৮২।

“দুঃখ নিবৃত্তি হইয়া সুখ বৃদ্ধি হয় ইহা সকলেরই বাঞ্ছা, কিন্তু কি উপায়ে এই মনেবোঝা পূর্ণ হইতে পারে, তাহা সম্যক রূপে অবগত না থাকিতে, যত্ন অশেষ প্রকার দুঃখ ভোগ করিয়া আসিতেছেন। অতি পূর্বাধি নানা দেশীয় নীতি-প্রদর্শক ও

ধর্ম-প্রযোজক পণ্ডিতেরা এবিষয়ে বিস্তর উপদেশ প্রদান করিয়াছেন, কিন্তু কেহই কৃতকার্য হইতে পারেন নাই। অত্যাধিক ভূমণ্ডল রোগ, শোক, জ্বরা, দারিদ্র্য প্রভৃতি নানা প্রকার দুঃখে আকীর্ণ হইয়া রহিয়াছে। অতএব, এবিষয়ের যাহা কিছু জ্ঞাত হইতে পারা যায়, তাহা একান্ত যত্নপূর্বক প্রচার করা সর্বতোভাবে কর্তব্য।

শ্রীযুক্ত জর্জ কুন্স সাহেব-প্রণীত “কান্স্টিটিউশন্ আব ম্যান্” নামক গ্রন্থে এবিষয় সুন্দররূপে লিখিত হইয়াছে। তিনি নিঃসংশয়ে নিরূপণ করিয়াছেন যে, পরমেশ্বরের নিয়ম প্রতিপালন করিলেই সুখের উৎপত্তি হয়, এবং লঙ্ঘন করিলেই দুঃখ ঘটয়া থাকে। জগদীশ্বর কি প্রকার নিয়ম-প্রণালী সংস্থাপন করিয়া বিশ্ব-রাজ্য পালন করিতেছেন, এবং কোন্ নিয়মানুসারে চলিলে কিরূপ উপকার হয়, ও কোন্ নিয়ম অতিক্রম করিলে কি প্রকার প্রতিফল প্রাপ্ত হওয়া যায়, ঐ গ্রন্থে তাহা স্পষ্টরূপে প্রদর্শিত হইয়াছে। ঐ গ্রন্থের অভিপ্রায় সমুদায় স্বদেশীয় লোকের গোচর করা উচিত ও অত্যাৱশ্যক বোধ হওয়াতে, বাঙ্গলা ভাষায় তাহার সার সম্বলন পূর্বক ‘বাহু বস্তুর সহিত মানব প্রকৃতির সম্বন্ধ বিচার’ নামক এক এক প্রস্তাব ‘তত্ত্ববোধিনী পত্রিকাতে’ প্রকাশিত হইয়া আসিতেছে। সমস্ত প্রস্তাব পাঠ করিয়া অনেকেই অমুগ্ধ প্রকাশ করিয়াছেন, এবং স্বতন্ত্র পুস্তকে প্রকটিত করিতে পরামর্শ দিয়াছেন। তদনুসারে, পুনর্বার মুদ্রিত ও প্রচারিত হইতেছে। ইহা ইংরেজি পুস্তকের অবিকল অনুবাদ নহে। যে সকল উদাহরণ ইউরোপীয় লোকের পক্ষে সুসঙ্গত ও উপকারজনক, কিন্তু এদেশীয় লোকের পক্ষে সেরূপ নহে, তাহা পরিভাষা করিয়া তৎপরিবর্তে যে সকল উদাহরণ এদেশীয় লোকের পক্ষে সঙ্গত ও

হিতজনক হইতে পারে, তাহাই লিখিত হইয়াছে। এদেশের পরম্পরাগত কুপ্রথা সমুদায় মধ্যে মধ্যে উদাহরণ স্বরূপে উপস্থিত করিয়া তাহার দোষ প্রদর্শন করা গিয়াছে।”—বিজ্ঞাপন, ১ম ভাগ। এই পুস্তকের দুই খণ্ডেরই শেষে “সঙ্কলিত শব্দ সমুদায়ের ইংরেজি অর্থ” দেওয়া আছে। যাহারা পরিভাষা লইয়া আলোচনা করেন, এগুলি তাঁহাদের কাজে লাগিতে পারে। আমরা নিম্নে দুই-চারিটি পারিভাষিক শব্দের উল্লেখ করিতেছি :—

মৈম্বরত্ব—Mesmerism ; রসায়ন—Chemistry ; শারীর-বিধান—Physiology ; শারীরস্থান—Anatomy ; কিণ্ডনিবাস—Lunatic Asylum ; পদার্থবিজ্ঞান—Natural Philosophy ; মনোবিজ্ঞান—Mental Philosophy ; রূঢ় পদার্থ—Elements ; লোকযাজ্ঞবিধান—Political Economy ; হস্ততত্ত্ববিবেক—Phrenology.

#### ৫। চাক্রপাঠ।

১ম ভাগ। ৪ প্রাবণ ১৭৭৫ শক ( ইং ১৮৫৩ )। পৃ. ১০৪।

২য় ভাগ। প্রাবণ ১৭৭৬ শক ( ইং ১৮৫৪ )।

৩য় ভাগ। ২২ আষাঢ় ১৭৮১ শক ( ইং ১৮৫৯ )।

“এ গ্রন্থ যে নানা ইংরেজি পুস্তক হইতে সংকলিত, ইহা বলা বাহুল্য। যে সকল প্রস্তাব ইহাতে সংগৃহীত হইল, তাহার অধিকাংশ ‘তত্ত্ববোধিনী পত্রিকা’তে এবং একটি প্রস্তাব প্রভাকর পত্র প্রথম প্রকটিত হয়, অবশিষ্ট কয়েকটি বিষয় নূতন রচিত হইয়াছে।”—বিজ্ঞাপন, ১ম ভাগ।

#### ৬। বাষ্পীয় রথারোহীদিগের প্রতি উপদেশ। ইং ১৮৫৫।

পৃ. ২০।

বিলাতের ইণ্ডিয়া আপিস লাইব্রেরিতে এই পুস্তিকার এক খণ্ড আছে। ইহা ১৮৫৫ খ্রীষ্টাব্দে প্রকাশিত হয়। ‘সংবাদ প্রভাকরে’ ( ১ বৈশাখ ১২৬২ ) প্রকাশ :—

চৈত্র [ ১২৬১ ]...শ্রীযুত বাবু অক্ষয়কুমার দত্ত “বাল্মীকি রথারোহীদিগের প্রতি উপদেশ” নামে একখানি ক্ষুদ্র পুস্তক প্রচার করিয়াছেন।

৭। ধর্মোন্নতি সংসাধন বিষয়ক প্রস্তাব। ইং ১৮৫৫। পৃ. ২৬

বিলাতের ব্রিটিশ মিউজিয়মে এই পুস্তিকার এক খণ্ড আছে। ১৮৫৪-৫৫ খ্রীষ্টাব্দে অক্ষয়কুমার ভবানীপুর ব্রাহ্মসমাজে পাঁচটি বক্তৃতা করেন। ইহার শেষ বক্তৃতাটিই এই পুস্তিকার বিষয়বস্তু। বক্তৃতাটি ১৭৭৭ শকের বৈশাখ-সংখ্যা ‘তত্ত্ববোধিনী পত্রিকা’তে প্রথমে প্রকাশিত হয়।

৮। ধর্মনীতি। ইং ১৮৫৬।

“ইহা কোন গ্রন্থের অবিকল অনুবাদ নহে ; নানা ইংরেজি গ্রন্থ অবলম্বন করিয়া লিখিত হইয়াছে। ইহার এক এক অংশ প্রথমে ‘তত্ত্ববোধিনী পত্রিকা’র প্রকাশিত হয় ; এক্ষণে সেই সমুদায় সম্বলন পূর্বক স্বতন্ত্র পুস্তক করিয়া প্রচার করা যাইতেছে।...১০ই মাঘ। শকাব্দা: ১৭৭৭।”

৯। পদার্থ বিজ্ঞা। শ্রাবণ ১৭৭৮ শক ( ইং ১৮৫৬ )।

“পদার্থ বিজ্ঞা নানা ইংরেজী গ্রন্থ হইতে সংগৃহীত ও অনুবাদিত হইয়াছে এ কথা বলা বাহুল্য। উহার এক এক অংশ প্রথমে তত্ত্ববোধিনী পত্রিকায় প্রকাশিত হয়।”—বিজ্ঞাপন

১০। ভারতবর্ষীয় উপাসক-সম্প্রদায়।

১ম ভাগ। ১২৭৭ সাল ( ইং ১৮৭০ )। পৃ. ১০৬+২১৪।

২য় ভাগ। চৈত্র ১৮০৪ শক ( ইং ১৮৮৩ )।

“কিভাবে এই উপাসক-সম্প্রদায় রচিত ও সংগৃহীত হইল, এক্ষণে পাঠকগণকে অবগত করা আবশ্যিক। কাশীর রাজার মুন্সী শীতল সিংহ ও তদ্রত্যা কালেজের পুস্তকালয়ের অধ্যক্ষ মথুরানাথ ইহার প্রত্যেকে পারসীক ভাষায় এ বিষয়ের এক একখানি গ্রন্থ প্রস্তুত করেন। ঐ দুই পুস্তকে বিবিধ সম্প্রদায়ের প্রবর্তন ও আচরণাদি সংক্রান্ত বহুতর বৃত্তান্ত বিনিবেশিত হয়। আর নাভাজি ও নারায়ণ দাসের বিরচিত হিন্দী ভক্তমালে, প্রিয়দাস কর্তৃক ব্রজ-ভাষায় লিখিত তদীয় টীকায়, বাঙ্গলা কৃষ্ণদাসের কৃত সেই টীকার সবিস্তর বিবরণে এবং ভারবর্ষীয় বিভিন্ন ভাষায় বিরচিত অপরাপর বহুতর সাম্প্রদায়িক গ্রন্থে বৈষ্ণব সম্প্রদায় সমূহের প্রবর্তক ও অন্য অন্য ভক্তগণ সম্বন্ধীয় অনেকানেক উপাখ্যান এবং নানা সম্প্রদায়ের কর্তব্যাদি বিবিধ বিষয় সন্নিবেশিত আছে। সুবিখ্যাত পণ্ডিত শ্রীমান্ হ, হ, উইলসন্ ঐ দুই পারসীক পুস্তক এবং হিন্দী ও সংস্কৃতাদি ভাষায় রচিত ভক্তমাল প্রভৃতি অন্য অন্য সাম্প্রদায়িক গ্রন্থ দর্শন করিয়া ইংরেজী ভাষায় হিন্দু ধর্মাবলম্বী উপাসক-সম্প্রদায় সমূহের ইতিহাস বিষয়ের দুইটি প্রবন্ধ রচনা করেন। এমিয়াটিক্ রিসার্চ নামক পুস্তকাবলীর ষোড়শ ও সপ্তদশ খণ্ডে তাহা প্রথম প্রকাশিত হয়। আমি তাঁহার সেই দুই প্রবন্ধকেই অধিক অবলম্বন করিয়া বাঙ্গলা ভাষায় পশ্চাৎ-প্রস্তাবিত সম্প্রদায় সমূহের অনেকাংশের ইতিবৃত্ত সঙ্কলন করিয়াছি। স্থানে স্থানে কিছু কিছু পরিবর্তন, পরিবর্জন ও সংযোজন করা হইয়াছে এ কথা বলা বাহুল্য। তন্মিন্ন, এই প্রথম ভাগে রামসেনহী, বিখল-ভক্ত, কর্তাভজা, বাউল, ল্যাড়া, সাই, দরবেশ, বলরামী প্রভৃতি আর ২২ বাইশটি সম্প্রদায়ের বিবরণ অন্তর্গত সংগৃহীত হইয়াছে। তাহার

মধ্যে দুইটির বৃত্তান্ত পুস্তকান্তর হইতে নীত, অবশিষ্ট ২০ কুড়িটির বিষয় নূতন সংকলিত।

ন্যূনাধিক ২২ বাইশ বৎসর অতীত হইল, এই পুস্তকের অনেকাংশ প্রথমে 'তত্ত্ববোধিনী পত্রিকা'তে প্রকটিত হয়। এতাদৃশ বহু পূর্বের লিখিত পুস্তক পুনঃপ্রচারিত করিতে হইলে, তাহা বিশেষরূপ সংশোধন করা আবশ্যিক। কিন্তু আমার শরীরের যেরূপ শোচনীয় অবস্থা ঘটয়া রহিয়াছে, তাহা ভক্ত-সমাজে একেবারে অবিদিত নাই।"—উপক্রমণিকা।

অক্ষয়কুমার 'ভারতবর্ষীয় উপাসক সম্প্রদায়ের' ৩য় ভাগ প্রকাশ করিয়া যাইতে পারেন নাই। তাঁহার মৃত্যুর পর ইহার পাণ্ডুলিপি হইতে মাসিক পত্রে কোন কোন প্রবন্ধ প্রকাশিত হইয়াছে। আমরা এই কয়টির সন্ধান পাইয়াছি :—

- (১) "জৈন"—'হিতৈষী,' পৌষ, ফাল্গুন-চৈত্র ১৩০৫।
- (২) "বাবালালি উপাসক সম্প্রদায়"—'হিতৈষী,' মাঘ ১৩০৫।
- (৩) "শিবনারায়ণী সম্প্রদায়"—'সাহিত্য,' বৈশাখ ১৩০৬।
- (৪) "ভারতবর্ষীয় উপাসক সম্প্রদায়"—'প্রবাসী,' শ্রাবণ ১৩১৭।

১১। প্রাচীন হিন্দুদিগের সমুদ্রযাত্রা ও বাণিজ্য বিস্তার।

ইং ১২০১। পৃ. ২০২।

"আমার পরম পূজনীয় স্বর্গীয় পিতা অক্ষয়কুমার দত্ত মহাশয় ভারতের প্রাচীন বাণিজ্য বিষয়ক একটি প্রবন্ধ লিখিয়াছেন। ইহার আকার ন্যূনাধিক ৩৬ পৃষ্ঠা হইবে। সেই প্রবন্ধটি এই পুস্তকের মেরুদণ্ড। ...শ্রীমদীনানাথ দত্ত।"

## পত্রাবলী

অক্ষয়কুমার মেদিনীপুরে রাজনারায়ণ বসুকে কতকগুলি পত্র লিখিয়াছিলেন। এই সকল পত্রের অংশ-বিশেষ ১৩১১ সালের ফাল্গুন-সংখ্যা 'প্রবাসী'তে (পৃ. ৫৭১-৮০) প্রকাশিত হইয়াছে। নিম্নে কয়েকটি পত্রাংশ উদ্ধৃত হইল :—

### মাতৃভক্তি ।

আমি শারীরিক এক প্রকার সুস্থ আছি। কিন্তু পরমারাধ্যা মাতা ঠাকুরাণীর চরমাবস্থা উপস্থিত বোধ হইতেছে। বোধ হয় তাঁহার স্নেহময় মুখমণ্ডল আর অধিক দিন দেখিতে পাইব না। বোধ হয় এত দিন পরে আমার একান্ত অকৃত্রিম স্নেহ প্রাপ্তির প্রত্যাশা উন্মূলিত হইল। যদিই তাহাই ঘটে, আপনকার রচিত, মধুময়, শোকসংহারক প্রস্তাবটি পাঠ করিব।.....

### সহৃদয়তা ।

আপনি দরিদ্র প্রজাদিগের দুঃখে দুঃখিত হইয়া যেরূপ ক্রন্দন করিয়াছেন তাহাতে অন্তঃকরণ ব্যাকুল হইয়া উঠিল। ব্যাকুল হওয়া ও ক্রন্দন করা এইমাত্র আমাদের ক্ষমতা। এ যাত্রা এইরূপ করিয়াই পরমাযু ক্ষেপণ করিতে হইল।...

### বাল্লা সাহিত্যের উন্নতি ।

তথাকার বাল্লা পাঠশালায় এক পুস্তকালয় প্রস্তুত করিবার উত্তোগ হইতেছে, ইহা অতি শুভসূচক বলিতে হইবে। বিশেষতঃ তদর্থে নূতন নূতন গ্রন্থ অনুবাদিত বা রচিত হইলে বহু উপকার হইবে তাহার সন্দেহ নাই। বেলি সাহেব আপনার প্রতি যে সকল গ্রন্থ প্রস্তুত করিবার ভার্য্য করিয়াছেন তাহা লিখিতে অবশ্য বহু পরিশ্রম হইবে, কিন্তু তদ্বারা লোকের বিস্তর উপকার দর্শিবার সম্ভাবনা। এক্ষণে এই সকল কার্য্য ঘাই এ দেশের যথার্থ হিত হইতে পারে। ( ইং ১৮৫১ )...

## বিধবাবিবাহ প্রচলন ।

আপনি মেদিনীপুর অঞ্চলে বিধবাবিবাহ সম্পাদনার্থ সচেষ্টিত আছেন শুনিয়া সুখী হইয়াছি। আমাকে তদ্বিষয়ের সমাচার লিখিতে আলস্য করিবেন না। বিদ্যাসাগরকে মনের সহিত আশীর্বাদ করিতেও ক্রটি করিবেন না। জয়োস্তু! জয়োস্তু!

## স্মরসিকতা ।

এবার অতিশয় স্নিগ্ধ হইয়া আপনার সহিত সাক্ষাৎ করিতেছি। বৃত্রাসুর পরাস্ত হইয়াছে, দেবরাজ ইন্দ্র জয়ী হইয়াছেন এবং ৫, ৬, ৭ বৈশাখে [ ১২৫৮ ] রজনীযোগে অপর্থাপ্ত বারিবর্ষণ দ্বারা মেদিনী সুশীতল হইয়াছে। বৃত্রকে পরাভূত দেখিয়া পবনরাজও দেবরাজের সহকারী হইয়া সকল বায়ু সুস্থ করিয়াছেন। কিন্তু বৃত্রাসুর এখানে পরাস্ত হইয়া পলায়নপূর্বক দক্ষিণ দিকে [ অর্থাৎ মেদিনীপুরে ] গিয়া উদয় হয় এই আমার শঙ্কা হইতেছে। আপনি তাহার তথ্য সংবাদ লিখিয়া বাধিত করিবেন। কিন্তু আমার নিতান্ত প্রার্থনা সেখানেও ইন্দ্রদেবের জয়পতাকা উড্ডীয়মান হয় এবং অবিলম্বে আপনার শরীর সুস্নিগ্ধ হইবার সংবাদ প্রাপ্ত হই।

\*

\*

\*

আপনাকে মহারাণীর ছয়খানি অমূল্য মুখচন্দ্রমা পরিত্যাগ করিতে হইবেক।

\*

\*

\*

আপনি শারীরিক কিরূপ আছেন লিখিবেন। শুনিলাম তথায় মাথা ঘোরা দ্বারে দ্বারে ঘুরিয়া বেড়াইতেছে; কিছু মন্ত্রভঙ্গ করিবেন, যেন আপনার বাটীর ত্রিসীমায় না আসিতে পারে। ভয় কি? “বিষম্ বিধমৌষধং।” বোধ করি, এই অথগুণীর নীতির উপর নির্ভর করিয়া বড়



বাবু [ মহর্ষি দেবেন্দ্রনাথ ঠাকুর ] আপনাকে অভয়দান দিয়া গিয়াছেন। আপনি প্রাতঃস্নান করিবেন, ফলের জল পান করিবেন, উষা ও সায়ংকালের বায়ু সেবন করিবেন, আর ঘটটিকে একটু একটু চালনা করিবেন। আর নিজে হইতে কোন মতে মাথা ঘোরাইবেন না।

ব্রাহ্মসমাজ।

এখানে [ তত্ত্ববোধিনী ] সভা ও [ ব্রাহ্ম ] সমাজের কার্য পূর্ববৎ চলিতেছে। গ্রন্থাধ্যক্ষেরা সকলেই স্ব স্ব ভাবে অবস্থিতি করিতেছেন। সংপ্রতি শ্রীযুক্ত প্রসন্নকুমার সর্বাধিকারী বাবু এক জন গ্রন্থাধ্যক্ষ হইয়াছেন। সমাজে বিলক্ষণ লোকসমাগম হইয়া থাকে। ব্রাহ্মধর্মের বাঙ্গালা ভাষ্য প্রস্তুত হইতেছে। বড় বাবু তাহার কিঞ্চিৎ আপনার দৃষ্ট্যর্থে পাঠাইয়া দিয়াছেন কি না বলিতে পারিলাম না। এ ভাষ্য বিশিষ্টরূপ উপকারী হইবে তাহার সন্দেহ নাই।... ( জুন ১৮৫২ )

তত্ত্ববোধিনী সভার গ্রন্থাধ্যক্ষ সভা কোন্ তারিখে উঠিয়া যায়, যদি অনুসন্ধান করিয়া জানিতে পারেন, অনুগ্রহপূর্বক লিখিয়া বাধিত করিবেন। আপনার একটি বক্তৃতা সংক্রান্ত মোকদ্দমাই উহা উঠিয়া যাইবার কারণ। অতএব আপনি সহজে জানিতে পারিবেন বোধ হয়।

মহেন্দ্রনাথ বিদ্যানিধি-লিখিত জীবনীতেও অক্ষয়কুমারের দুই-চার-খানি পত্র মুদ্রিত হইয়াছে।

## অক্ষয়কুমার ও বাংলা-সাহিত্য

বাংলা গদ্য-সাহিত্যের প্রথম যুগে যে দুই জন শিল্পীর সাধনায় বাংলা ভাষা সাহিত্য-রূপ পরিগ্রহ করিয়াছিল, তাঁহাদের এক জন ঈশ্বরচন্দ্র বিদ্যাসাগর ও অন্য জন অক্ষয়কুমার দত্ত। ঈশ্বরচন্দ্র সংস্কৃত, হিন্দী ও ইংরেজী সাহিত্য-পুস্তককে আদর্শ করিয়া ষে-কার্য করিয়াছিলেন,

অক্ষয়কুমার ইংরেজী বৈজ্ঞানিক ও দার্শনিক গ্রন্থের আদর্শে ঠিক সেই কার্যই সাধিত করিয়া গিয়াছেন। এক জন রসসাহিত্যমূলক এবং অন্য জন বিজ্ঞান ও যুক্তিমূলক ভাষার সাহায্যে একই কালে মাতৃভাষার সাহিত্য-সম্পদ বৃদ্ধি করিয়া গিয়াছেন। আমরা এই কারণে এই দুই জন সাহিত্য-সাধকের এক জনকে স্মরণ করিতে গিয়া অন্য জনকেও স্মরণ করিয়া থাকি। গোড়ার দিকের অন্য সকলের নাম বিস্মৃত হইলেও যত দিন বাংলা ভাষা জীবিত থাকিবে, তত দিন ঈশ্বরচন্দ্র ও অক্ষয়কুমারকে স্মরণ রাখিতে হইবে।

বাংলা-গণের পরিপুষ্টিসাধনে 'তত্ত্ববোধিনী পত্রিকা'র সাহায্যে অক্ষয়কুমার যে বিপুল সাধনা করিয়া গিয়াছেন, তাহা আমাদের চিরদিন স্মরণীয়। তিনিই সর্বপ্রথম দর্শন ও বিজ্ঞানকে সাহিত্যের মর্যাদা দান করিয়াছিলেন, রাজা রামমোহন ও রেভারেণ্ড কে. এম. বাঁড়ুজের দার্শনিক ও বৈজ্ঞানিক ভাষাকে সরসতা ও প্রাঞ্জলতা দান করিয়া ভবিষ্যৎ শিল্পীদের পথ সুগম করিয়াছিলেন।

রচনার নিদর্শন-স্বরূপ অক্ষয়কুমারের বিবিধ গ্রন্থ হইতে কিছু কিছু উদ্ধৃত করিতেছি।—

**'হেম্মার সাহেবের নাম স্মরণার্থ তৃতীয় সাম্বৎসরিক সন্তার বক্তৃতা' ( ইং ১৮৪৫ ) :—**

সপ্তাহ মেঘাচ্ছন্ন হইয়া পরে সূর্য প্রকাশ হইলে চিত্ত কি প্রকার প্রফুল্ল হয়! গ্রীষ্মেতে গাত্র দাহ হইয়া পরে মন্দ মন্দ শীতল বায়ুর হিল্লোলে শরীর ত্রিষ্ণু হইতে আরম্ভ হইলে অন্তঃকরণে কি প্রকার সন্তোষের উদয় হয়! সেই রূপ হিন্দুদিগের মলিন চরিত্রকে ক্রমশঃ উৎকৃষ্ট দেখিয়া চিত্ত আনন্দে পরিপূর্ণ হইতেছে। আমরা কত কাল আক্ষেপ করিতেছি, যে স্বদেশের মঙ্গল চেষ্টা করা যে মনুষ্যের প্রধান ধর্ম

তাহা ভারতবর্ষ লোকদিগের চিত্ত হইতে লুপ্ত হইয়াছে—অমুৎসাহ, অল্প প্রতিজ্ঞা, ঘেব, কলহ, বিচ্ছেদ আমারদিগের মহাশত্রু হইয়াছে। আমরা কত কাল আক্ষেপ করিতেছি, যে আমারদিগের জ্ঞানের প্রতি সমাদর নাই, সত্যের প্রতি প্রীতি নাই, কোন কর্মের উত্তম নাই, এবং যতক্ষণ কোন বিপদ মস্তকোপরি পতিত না হয় ততক্ষণ তাহার প্রতি দৃকপাতও হয় না। আমরা কত কাল আক্ষেপ করিতেছি, যে এ দেশীয় লোক ইতর জন্তুর ন্যায় আহার বিহারাদি অলীক আমোদকেই জীবনের মূলধার কার্য বোধ করেন, এ প্রযুক্ত কিঞ্চিৎ কালের ঐন্দ্রিয় সুখ নিমিত্তে রাশি রাশি ধন সমর্পণ করেন; কিন্তু ইহা তাঁহারা বিবেচনা করেন না, যে জগদীশ্বর কি নিমিত্তে তাঁহারাৎকে ইতর পশু অপেক্ষা শ্রেষ্ঠ করিয়া বুদ্ধির সহিত ভূষিত করিয়াছেন? তাঁহার নিয়মানুসারে উপযুক্তরূপে ক্ষুধা শাস্তি না করিলে যে প্রকার শরীরের স্বস্থতা ভঙ্গ হয়, উপযুক্তরূপে বুদ্ধির আলোচনা না করিলে সেইরূপ মূর্খতা ও কদাচার রূপ মানসিক রোগ উপস্থিত হয়, এই সত্যকে অজ্ঞাত হইয়া তাঁহারা জ্ঞানের অবহেলা সর্বদা করিয়া আসিতেছেন। পুত্রের বিবাহোপলক্ষে কত ব্যক্তি লক্ষ টাকা পর্যন্ত নিক্ষেপ করিয়াছেন, কিন্তু সেই পুত্রের বিद्या উপার্জন নিমিত্তে মাসে পাঁচ টাকাও ব্যয় করিতে কুণ্ঠিত হইয়াছেন। এক রজনীর অপবিত্র আমোদ উপলক্ষে যাহারা সহস্র টাকা অনায়াসে ব্যয় করিয়াছেন, তাঁহারা কোন বিদ্যালয়ের সাহায্য অন্ত দশ টাকা দান করিতেও বিমুখ হইয়াছেন। এই প্রকারে এ দেশস্থ লোকের মনুষ্যত্বের চিহ্ন প্রায় ছিল না। কিন্তু এরূপ অবস্থা কত কাল স্থায়ী হইতে পারে? বায়ু প্রবাহিত না হইয়া কতক্ষণ স্থির থাকিতে পারে? কালক্রমে লোকের মনঃক্ষেত্র পরিষ্কৃত হইতে লাগিল, এবং উৎসাহের বীজ অঙ্কুরিত হইতে আরম্ভ হইল। পদ্মের ভ্রাণ যিনি অনুভব করিয়াছেন,

তিনি বন্ধুদিগকে সেই ভাণ সূত্র প্রদান করিবার জন্য অবশ্য যত্নবান্ হইলেন। যাহারা জ্ঞানের স্বাদ প্রাপ্ত হইলেন, তাঁহারা সেই আনন্দান সূত্র অগ্ৰদিগকে দিবার জন্য উৎসাহি হইলেন। কিন্তু কিয়ৎ কাল সে উৎসাহ কেবল মৌখিক উৎসাহ মাত্র হইল—তদনুসারে কার্য হওয়া ছকর হইল। আমরা বিজ্ঞা বিষয়ে, লোকের উৎসাহ বিষয়ে, রাজনিয়ম বিষয়ে কত আলোচনা করিয়াছি, ধর্মাধর্মের বিষয়ে কত চর্চা করিয়াছি, এবং নানা প্রকারে স্বদেশের মঙ্গলোন্নতি জন্য কত আন্দোলন ও কত প্রস্তাব উত্থাপন করিয়াছি। কিন্তু সে কেবল আন্দোলন মাত্র হইয়াছে। দুই বিজ্ঞান ব্যক্তির পরস্পর সাক্ষাৎ হইলে স্বদেশের মঙ্গল তাঁহাদিগের আলাপের প্রথম সূত্র হইত, কিন্তু পৃথক হইলে চিত্তপটে সে সমুদয়ের চিত্রমাত্রও থাকিত না। কত ব্যক্তির অন্তঃকরণে উৎসাহের শিখা তৃণ সংযুক্ত অগ্নির ন্যায় একেবারে জাজল্যমান হইয়াও পরক্ষণে নির্বাণ হইয়াছে। সাধারণের হিতজনক কত কর্মের সূচনা হইয়াছিল, সে সকল কোন কালে লুপ্ত হইয়াছে। এক দিবস যাহার অন্ধুর দৃষ্টি করিয়াছি, পর দিবসে তাহাকে উচ্ছিন্ন দেখিতে হইয়াছে। এই রূপে স্বদেশহিতৈষি মহাত্মাদিগের কত যত্ন বিফল হইয়াছে। কিন্তু কত দিন বিনা বর্ষণে মেঘগর্জন হইতে পারে? নিদ্রা হইতে জাগ্রৎ হইয়া মনুষ্য কতক্ষণ শয্যাগত রহিতে পারে? কেবল ইচ্ছাতে লোক তৃপ্ত থাকিতে পারিবেন না। অভিলাষ কার্ষেতে পরিণত হইতে লাগিল, ধর্মের উন্নতি জন্য তত্ত্ববোধিনী সভা প্রতিষ্ঠিতা হইল, এবং এ দেশের সূত্র স্বচ্ছন্দতার বৃদ্ধি নিমিত্তে বেঙ্গাল ব্রিটিশ ইণ্ডিয়া সোসাইটি সংস্থাপিত হইল। এই উভয় সভার সভ্যেরা প্রতিজ্ঞার সহিত তাঁহাদিগের কর্ম সম্পন্ন করিতেছেন। বিশেষতঃ এ দেশীয় লোকের উৎসাহ প্রবাহ তখন প্রবল দেখি, এবং তখন অন্তঃকরণ সাহসে পরিপূর্ণ হয়, যখন এই

সম্প্রতিকার ঘটনাকে স্মরণ করি—যখন স্মরণ করি, যে দরিদ্র হিন্দু-বালকদিগকে বিদ্যা দানের নিমিত্তে নগরস্থ সকল লোক উদ্যোগি হইয়াছেন। অল্প জাতি মধ্যে যদিও এ অতি সামান্ত কার্য, কিন্তু ভারতবর্ষ পরাধীন হইলে এ দেশীয় লোকের মধ্যে এমন শুভসূচক ঘটনা কদাপি হয় নাই—এমত ঐক্য কদাপি বদ্ধ হয় নাই—এবং এই উপলক্ষে সম্ভাতে যে সমারোহ হইয়াছিল এদেশের কোন সাধারণ মঙ্গলজনক কর্মে এ প্রকার বহু ব্যক্তি এক স্থানে এককালে কদাপি একত্র হয় নাই। যে স্থানে দশ জনকে একত্র দেখি সেই স্থানেই এই ভাবি হিন্দু হিতার্থী বিদ্যালয়ের\* উন্নতি বিষয়ে আলোচনা করিতে প্রীতি হয়, যেহেতু সকল মঙ্গলের আকর যে জ্ঞান কেবল তাহাই যে ইহার দ্বারা বিস্তীর্ণ হইবার সম্ভাবনা এমত নহে, এই ঘটনাতে ভারতবর্ষের সৌভাগ্য দিবসের উষাকাল প্রাপ্ত দেখিতেছি। অমুৎসাহ, আলস্য, অমুদ্যোগ প্রভৃতি যে আমারদিগের অপবাদ তাহা মোচনের উপক্রম দেখিতেছি, এবং যে ঐক্যের অভাব প্রযুক্ত এ দেশের সকল শুভ কর্মের সূচনা বিফল হইয়াছে, এ বিষয়ে সেই ঐক্য সংস্থাপনের সম্ভাবনা দেখিয়া আনন্দিত হইতেছি। ধনি দরিদ্র, বিদ্বান্ অজ্ঞ, বৃদ্ধ বালক, ব্রাহ্ম পৌতুলিক সকল প্রকার ভিন্ন বর্ণস্থ, ভিন্ন মতস্থ, ভিন্ন ধর্মাবলম্বি ব্যক্তি এ বিষয়ে একত্র হইয়াছেন। এই ঐক্য সংস্থায়ী হইলে কোন দুঃখ মোচন না হইতে পারে? ঐক্য দ্বারা কত গভীর অরণ্য উচ্ছিন্ন হইয়াছে, রাজ্য সকল স্থাপিত হইয়াছে, নগর সমূহ নির্মিত হইয়াছে, এবং সভ্যতার আলোক

---

\* হিন্দুহিতার্থী বিদ্যালয় ১ মার্চ ১৮৪৮ তারিখে স্থাপিত হয়। "The Hindoo Charitable Institution—happily came to the birth on Sunday last, the 1st of March."—*The Friend of India*, 5 March 1846.

প্রদীপ্ত হইয়াছে। এই ঐক্য সংস্থায়ী হইলে আমরা কেবল এক পাঠশালা প্রতিষ্ঠা করিয়াই কি তৃপ্ত থাকিব?—আমারদিগের আশা কত দীর্ঘ হইতেছে—আমারদিগের ভরসা কত বৃদ্ধি হইতেছে। এই ঐক্য দ্বারা উৎসাহের স্রোত প্রবল হইলে যত প্রকার মঙ্গল এইরূপে আমারদিগের মনে জাগ্রৎ রহিয়াছে, সকল সফল করিবার সামর্থ্য হইবে। এ দেশের রাজনিয়ম যাহতে উৎকৃষ্ট হয়, অশ্রয় কর স্থাপন পণ্ডিত হয়, শাস্তি রক্ষার সুশৃঙ্খলা হয়, বিচার কার্য সুসম্পন্ন হয়, কৃষিকার্যের বৃদ্ধি হয়, শিল্প কর্মের উন্নতি হয়, বাণিজ্যের বিস্তার হয়, এবং যাহাতে এ দেশস্থ লোকের সুখ স্বচ্ছন্দতা সম্যক্ প্রকারে বৃদ্ধি হয় তাহা এই ঐক্য দ্বারা সুসম্পন্ন করিতে চেষ্টাবান্ হইতে পারিব। এইরূপে ভরসার সহিত সেই সুখের দিবসকে প্রতীক্ষা করিতেছি যখন ভারতবর্ষস্থ লোক আপনারদিগের বৃদ্ধি ও ক্ষমতা দ্বারা সমুদ্রপোত নির্মাণ করিবেক, সেতু রচনা করিবেক, বাষ্পযন্ত্র প্রস্তুত করিবেক এবং স্বদেশোৎপন্ন দ্রব্য দ্বারা স্বদেশে নানা প্রকার শিল্প কার্যের উন্নতি করিবেক। কিন্তু এইরূপে যে এই সকল মঙ্গলের চিহ্ন দেখিতেছি, এবং ভবিষ্যৎ মঙ্গলের প্রত্যাশাতে পুলকিত হইতেছি, ইহার মূল কোথায়? নদীর স্রোতে স্নিগ্ধ হইয়া তাহার উৎপত্তিস্থান অন্বেষণ করিলে যে প্রকার পর্বতশিখরের প্রতি দৃষ্টি হয়, বায়ুপ্রবাহে সৌগন্ধের ভ্রাণ প্রাপ্ত হইয়া তাহার আকর অন্বেষণ করিলে যে প্রকার মনোহর পুষ্পোচ্চানের স্মরণ হয়, তদ্রূপ এই বর্তমান জ্ঞানের বৃদ্ধি ও তৎফল সৌভাগ্যের উপক্রম আলোচনা করিয়া সেই পরম হিতৈষির নাম ও সেই পরম দয়ালু ব্যক্তির চরিত্র স্মরণ হইতেছে, যাহার উপকার দ্বারা এ দেশ পূর্ণ রহিয়াছে, যাহার দয়াকে হৃদয়ঙ্গম করিয়া ভারতবর্ষের লোক কৃতজ্ঞতা যলে আর্দ্র রহিয়াছেন, যাহার নামকে স্মারি করিবার জন্য এই সাংসারিক সত্তা প্রতিষ্ঠিত হইয়াছে, এবং যাহার গুণানুবাদ করিবার জন্য আমরা অস্ব

এই অট্টালিকাতে একজু হইয়াছি—এই মহাত্মার নাম শ্রীযুক্ত ডেবিড হেয়ার সাহেব। তাঁহার এই সত্য জ্ঞান ছিল, যে পরের উপকার জন্ত তাঁহার জন্ম, এবং পরের উপকার তাঁহার জীবনের সমুদয় কার্য; এবং শরীর, বুদ্ধি, সম্পত্তি সমুদয় তিনি পরের জন্ত সমর্পণ করিয়াছিলেন। তিনি স্বদেশ হইতে ভারতবর্ষকে ভিন্ন জানিতেন না। এই সত্যের প্রতি তাঁহার দৃঢ় প্রত্যয় ছিল, যে পৃথিবী তাঁহার জন্মভূমি, এবং সমুদয় মনুষ্য তাঁহার পরিবার। বিশেষতঃ তাঁহার চরিত্র তখন বিশেষ রূপে হৃদয়ঙ্গম হয়, যখন এ দেশের বিদ্যা উন্নতির প্রতি দৃষ্টিপাত করা যায়। কিয়ৎ বৎসর পূর্বে এদেশ অজ্ঞান তিমিরে আচ্ছন্ন ছিল। কিন্তু তিনি এ ছয়বস্থা সহ করিতে না পারিয়া এই অন্ধকারময় ভারতবর্ষকে জ্ঞানালোক উজ্জ্বল করিতে যত্নবান্ হইলেন, এবং লোকের দ্বারে দ্বারে ভ্রমণ করিয়া তাঁহার প্রতিজ্ঞাত কার্য অনেক ভাগে সম্পন্ন করিয়াছিলেন। এই মহোপকার সাধন জন্ত তিনি শারীরিক ক্লেশ, মানসিক পরিশ্রম, অর্থের ব্যয় ইত্যাদি কোন্ প্রকারে যত্ন না করিয়াছিলেন? এইরূপে আমরা যে কিছু জ্ঞান উপার্জন করিতেছি, সে কেবল তাঁহারই প্রসাদাৎ। তাঁহার প্রসাদাৎ আমরা সৃষ্টির নিয়ম সকল জ্ঞাত হইতেছি, তাঁহার প্রসাদাৎ সূর্য নক্ষত্রাদির স্বভাব জানিতেছি, তাঁহার প্রসাদাৎ গ্রহ চন্দ্র ধূমকেতুর দূর, পরিমাণ, এবং গতিবিধি সকল শিক্ষা করিতেছি, তাঁহার প্রসাদাৎ পৃথিবীস্থ স্বদেশ বিদেশাদি সমূহ স্থানের বৃত্তান্ত আলোচনা করিতেছি, তাঁহার প্রসাদাৎ আমরা আপনাদিগের শরীরের নিয়ম, মনের স্বভাব, নীতিজ্ঞান প্রভৃতি নানা বিদ্যা লাভ করিতেছি, অধিক কি কহিব তাঁহার প্রসাদাৎ আমরা এক নূতন প্রকার জ্ঞানভূমিতে আরোহণ করিয়াছি। ভারতবর্ষের মহৎ বিদ্যালয় যে হিন্দু কলেজ, তাহা স্থাপনের মূল্যধার কারণ কোন্ ব্যক্তি?—সকলেই অবশ্য ব্যক্ত করিবেন যে শ্রীযুক্ত

ভেবিড হেয়ার সাহেব। বঙ্গভাষাকে উন্নত করিবার জন্য প্রথম যত্নবান কোন্ মহাশয়?—ভেবিড হেয়ার সাহেব। উপদেশ দ্বারা চিকিৎসক বিজ্ঞা বিস্তার জন্য মহোৎসাহী কোন্ পুরুষ?—ভেবিড হেয়ার সাহেব। অশেষ মঙ্গলের কারণ যে মুদ্রায়ত্ত তাহার স্বাধীনতা স্থাপনে বিশেষ উদ্যোগী কোন্ মহাশয়?—ভেবিড হেয়ার সাহেব। এই রূপে এদেশের জ্ঞান বৃদ্ধির কারণ সন্ধান জন্য যে প্রস্ন করা যায়, সেই প্রশ্নের উত্তরেই ভারতব্রাহ্মণের বিজ্ঞা রূপ বৃক্ষমূলে হেয়ার সাহেবকে বীজ রূপে দৃষ্টি করা যায়। তিনি আমারদিগকে হীরক দেন নাই, স্বর্ণ দেন নাই, রত্নও দান করেন নাই, কিন্তু তাহার অপেক্ষা সহস্র গুণ—কোটি গুণ মূল্যবান বিচারত্ব প্রদান করিয়াছেন। তাঁহার চেষ্টা দ্বারা আমরা জ্ঞানের আনন্দ প্রাপ্ত হইয়াছি, এবং তাঁহার চরিত্রের দৃষ্টান্ত দ্বারা দয়া ও সত্য ব্যবহার যে কি মহোপকারী, তাহা পূর্ণ রূপে হৃদয়ঙ্গম করিয়াছি। পীড়িতের রোগ শান্তি বিপদগ্রস্তের দুঃখ মোচন, অবিজ্ঞকে পরামর্শ দান, নিরাশ্রয়কে আশ্রয় প্রদান ইত্যাদি হিতকার্য তাঁহার চরিত্রের ভূষণ ছিল। তাঁহার স্থাপিত বিদ্যালয়ের ছাত্রেরা তাঁহার দ্বারা কেবল বিচারত্বের অধিকারী হইলেন নাই, তাঁহার স্নেহ ও প্রীতি দ্বারা সর্বদা লালিত হইয়াছিলেন। আহা, তাঁহার মনের ভাবকে চিন্তা করিলে চিন্তে কি আনন্দের উদয় হয়। যখন আমারদিগের উপকারে তাঁহার প্রবৃত্তি হইল, তখন তাঁহার চিন্তা দ্বারা কি পরিপূর্ণ হইয়াছিল! যখন তিনি সকল প্রতিবন্ধক মোচন করিয়া তাঁহার মানস সফল হইবার উপক্রম দেখিলেন, তখন কি আশ্চর্য মনোহর সন্তোষ তাঁহার অন্তঃকরণকে স্পর্শ করিয়াছিল! যখন তাঁহার বাসনাবৃক্ষ যথেষ্ট রূপে ফলবান হইল, তখন তিনি আপনাকে কৃতার্থ জানিয়া কি মহানন্দে মগ্ন হইয়াছিলেন! যিনি সকল স্বার্থ পরিত্যাগ পূর্বক কেবল আমারদিগেরই উপকার করিয়া এমত আহ্লাদিত হইয়াছিলেন, তাঁহার নিমিত্তে



কি প্রকারে কৃষ্ণতা প্রকাশ করিব!—তাঁহার কি প্রকার ধন্যবাদ করিয়া তৃপ্ত থাকিব!

‘বাহু বস্তুর সহিত মানব প্রকৃতির সম্বন্ধ বিচার,’ ১ম ভাগ  
( ইং ১৮৫১ )

বিশ্ব-নিয়ন্ত্রার নিয়ম লঙ্ঘন হওয়াতে, পরম সুখোদ্দেশ্য উদ্বাহ-ক্রিয়াও বিশেষ যাতনার মূল হইয়াছে। পরস্পর বিরুদ্ধ-স্বভাব, অসম-বুদ্ধি ও বিপরীত-মতাবলম্বী স্ত্রীপুরুষের পাণিগ্রহণ হইলে, উভয়কেই যাবজ্জীবন বিষম যন্ত্রণা ভোগ করিতে হয়। মানসিক ভাব ও বুদ্ধি চালনা বিষয়ে কিঞ্চিৎ বৈলক্ষণ্য থাকাতে, কত কত দম্পতী মহা অসুখে কাল যাপন করিয়া থাকেন। উভয়ের মানসিক বৈলক্ষণ্যই অনৈক্য ঘটায় একমাত্র কারণ। যদিও প্রথম উভয়ে তাঁহাদের প্রণয় সঞ্চার হইলেও হইতে পারে, কিন্তু তাহা অধিক কাল স্থায়ী হয় না। পরম সুন্দরী ভার্যার কুসুম সদৃশ মনোহর লাবণ্যও অবিলম্বে অতি মলিন বোধ হয়, এবং পূর্বে যে অপ্রণয় রূপ অগ্নি-কণা মোহ রূপ নিবিড় আবরণে আচ্ছন্ন ছিল, তাহাও ক্রমে ক্রমে প্রজ্বলিত হইতে থাকে।

যদি স্বামী অতিশয় যিধ্যাবাদী, প্রতারক ও বিশ্বাসঘাতক হয়, আর স্ত্রী যদি সদাচারিণী, সত্যবাদিনী ও অতিশয় ধর্মভীতা হন, তবে নিজ পতিকে পুনঃ পুনঃ অধর্মাচরণে প্রবৃত্ত হইতে দেখিয়া তিনি সর্বদাই ক্রোধান্বিত ও গ্লানি প্রকাশ করেন। যে স্থলে স্বামী যদৃচ্ছা লাভে সন্তুষ্ট থাকিয়া কোন ক্রমে সংসারযাত্রা নির্বাহ করিতে পারিলেই আপনাকে সুখী ও চরিতার্থ বোধ করেন, আর তাঁহার চির-সহচরী ভোগাভিলাষিণী পত্নী পরম শোভাকর বেশ ভূষা বৈষয়িক আড়ম্বর প্রকাশার্থেই সতত ব্যাকুল থাকে, সে স্থলে যেরূপ অসুখ সঞ্চারের সম্ভাবনা, তাহা

অনেকানেক স্বামীই প্রত্যক্ষ অনুভব করিয়া থাকেন। ফলতঃ বিজ্ঞান, উদার-স্বভাব, মহাশয় পুরুষের সহিত কোন বিজ্ঞাহীনা, কলহ-প্রিয়া, ক্ষুদ্রাশয়া রমণীর পানিগ্রহণ হওয়া অশেষ ক্লেশের বিষয়। ইহার উদাহরণ সংগ্রহার্থে আর অধিক আয়াসের প্রয়োজন নাই; এদেশের অনেক বিদার্থী ব্যক্তিই এ বিষয়ের বিশিষ্টরূপ দৃষ্টান্ত-স্থল। বিজ্ঞাবান্ পতি মানব জন্মের সার্থক্য-সাধক জ্ঞান-রসের রসিক হইয়া তদ্বিষয়ের প্রসঙ্গেই পরম পরিতোষ প্রাপ্ত হন, ইহাতে মূর্খ জীব সহবাসে কোন ক্রমেই তাঁহার মনস্তপ্তি জন্মে না, এবং জ্ঞাও পতির ভিন্ন মতি দেখিয়া কখনই সন্তোষ প্রকাশ করেন না। স্বামী যে সকল বিষয় অলীক ও অপকারী বলিয়া জানেন, তাঁহার কুসংস্কারাবিষ্টা পত্নী তাহাই অবশ্য-কর্তব্যরূপে অনুষ্ঠান করিয়া থাকেন। ধর্ম বিষয়ে উভয়ের অতিশয় অনৈক্য বশতঃ একের অতি শ্রদ্ধেয় পূজনীয় পদার্থও অন্নের উপেক্ষা ও অনাদরের আশ্পদ হইয়া উঠে। এক্ষণে এতদেশীয় বিজ্ঞাবান্ যুবক মণ্ডলীর মধ্যে এইরূপ শত শত ঘটনা ঘটিতেছে, এবং তাহা অনেকেরই মনস্তাপ ও দুঃস্বপ্নতিরও কারণ হইয়াছে। ( শারীরিক নিয়ম লঙ্ঘনের ফল ) 'ধর্মনীতি' ( ইং ১০৫৬ )

পরমেশ্বর মনুষ্যকে যে সমস্ত উৎকৃষ্ট গুণে ভূষিত করিয়াছেন, তন্মধ্যে ধর্ম সর্বাপেক্ষা প্রধান। তিনি ভূমণ্ডলস্থ সমুদয় প্রাণীকেই ইন্দ্রিয়-সুখ-সন্তোঙ্গে সমর্থ করিয়াছেন, তাহার মধ্যে মনুষ্যকে জ্ঞান ও ধর্ম লাভে অধিকারী করিয়া সর্বাপেক্ষা শ্রেষ্ঠ করিয়াছেন। এই দুই বিষয়ের ক্ষমতা থাকাতে, মনুষ্য-নামের এত গৌরব হইয়াছে, এবং এই দুই বিষয়ে কৃতকার্য হইলেই মনুষ্যের যথার্থ মহত্ত্ব উৎপন্ন হয়। সুখ যে এমন অনির্বাচনীয় পরম প্রার্থনীয় পদার্থ, ধর্মস্বরূপ রত্নজ্যোতি তদপেক্ষাও শতগুণ উৎকৃষ্ট।

‘পদার্থ বিজ্ঞা’ ( ইং ১৮৫৬ )

জড় ও জড়ের গুণ ।

চক্ষু, কর্ণ, নাসিকা প্রভৃতি ইন্দ্রিয় দ্বারা যে সকল বস্তু প্রত্যক্ষ করা যায়, সে সমুদায়ই জড় পদার্থ ।

জড় পদার্থ দুই প্রকার ; সজীব ও নির্জীব । যাহার জীবন আছে, অর্থাৎ যথাক্রমে জন্ম, বৃদ্ধি, হ্রাস ও মৃত্যু হয়, তাহাকে সজীব কহে ; যেমন পশু, পক্ষী, কীট, পতঙ্গ, বৃক্ষ, লতা ইত্যাদি । আর যাহার জীবন নাই, সুতরাং যথাক্রমে জন্ম, বৃদ্ধি, হ্রাসাদি হয় না, তাহাকে নির্জীব বলা যায়, যেমন প্রস্তর, মৃত্তিকা, লৌহ ইত্যাদি ।

যে বিজ্ঞা শিক্ষা করিলে নির্জীব জড় পদার্থের গুণ ও গতির বিষয় জ্ঞাত হওয়া যায়, তাহার নাম পদার্থ-বিজ্ঞা ।

‘চাক্ষুপাঠ’ ৩য় ভাগ ( ইং ১৮৫৯ )

স্বপ্নদর্শন,—বিজ্ঞাবিষয়ক

পরমেশ্বরের বিচিত্র রচনা দর্শনার্থে পরম কোতূহলী হইয়া আমি কিয়ৎকালাবধি দেশ ভ্রমণে প্রবৃত্ত হইয়াছি এবং নানা স্থান পর্যটন পূর্বক এখন মথুরাসন্নিধানে আসিয়া অবস্থিতি করিতেছি । এখানে এক দিবস দুঃসহ গ্রীষ্মাতিশয় প্রযুক্ত অত্যন্ত ক্লান্ত হইয়া সায়ংকালে যমুনাতীরে উপবেশন পূর্বক স্থললিত লহরীলীলা অবলোকন করিতেছিলাম । তথাকার সুস্নিগ্ধ মারুতহিল্লোলে শরীর শীতল হইতেছিল । কত শত দীপ্যমান হীরক-খণ্ড গগন-মণ্ডলে ক্রমে ক্রমে প্রকাশ পাইতে লাগিল এবং তন্মধ্যে দিব্য-লাবণ্য-পরিশোভিত পূর্ণচন্দ্র বিরাজমান হইয়া, কখনও আপনার পরম রমণীয় অনির্বচনীয় সুধাময় কিরণ বিতরণ পূর্বক জগৎ সুধাপূর্ণ করিতেছিলেন, কখনও বা অল্প অল্প মেঘাবৃত হইয়া স্বকীয় মন্দীভূত কিরণ বিস্তার দ্বারা পৌর্ণমাসী রজনীকে উষাস্বরূপ মান

করিতেছিলেন। কখনও তাঁহার সুপ্রকাশিত রশ্মি-জাল সলিল-তরঙ্গে প্রবিষ্ট হইয়া কম্পমান হইতেছিল, কখনও গগনালম্বিত মেঘবিঘ্ন দ্বারা যমুনার নির্মল জল ঘনতর শ্যামবর্ণ হইয়া অস্তঃকরণ হরণ করিতেছিল। পূর্বে দূর হইতে লোকালয়ের কলরব শ্রুত হইতেছিল, তাহা ক্রমে ক্রমে মন্দীভূত হইয়া আসিল, পশু পক্ষী সকল নীরব ও নিম্পন্দ হইয়া স্ব স্ব স্থানে নিলীন হইল, এবং সর্বসস্তাপনাশিনী নিদ্রা জীবগণের নেত্রোপরি আবির্ভূত হইয়া সকল ক্লেশ শাস্তি করিতে লাগিল।

এইরূপ স্তম্ভিত সময়ে আমি তথায় এক পাষণথণ্ডে উপবিষ্ট হইয়া আকাশ-মণ্ডল নিরীক্ষণ করিতে করিতে জগতের আদি অন্ত, কার্য কারণ, সুখ দুঃখ, ধর্মান্বিত সমুদায় মনে মনে পর্যালোচনা করিতেছিলাম। ইতিমধ্যে জল-কল্লোলের কল কল ধ্বনি, বৃক্ষ-পত্রের শব্দ শব্দ ও স্তম্ভিত সমীরণের সুন্দর হিল্লোল দ্বারা পরম সুখানুভব হইয়া মনোবৃত্তি সমুদায় ক্রমে ক্রমে অবসন্ন হইয়া আসিল, এবং এই অবসরে নিদ্রা আমার অজ্ঞাতসারে নয়ন-দ্বয় নিম্নলিত করিয়া আমাকে অভিভূত করিলেক। আমার বোধ হইল, যেন এক বিস্তীর্ণ নিবিড় অরণ্যে প্রবেশ করিয়া ইতস্ততঃ ভ্রমণ করিতেছি। তন্মধ্যে কোন স্থানে কেবল নবীনদূর্বাদলপরিপূর্ণ শ্যামবর্ণ ক্ষেত্র, কুত্রাপি প্রকাণ্ড প্রকাণ্ড পুরাতন বৃক্ষসমূহ, কোথাও নদী বা নিবর্তিতীরস্থ মনোহর কুসুমোচ্চান দর্শন করিয়া অপরিপূর্ণ আনন্দ লাভ করিলাম। কোঁতুহল-রূপ দীপ্ত ছতাসন ক্রমশঃ প্রজ্বলিত হইতে লাগিল; এবং তদনুসারে দিগ্বিদিক বিবেচনা না করিয়া, যত দূর দৃষ্ট হইল, তত দূরই মহোৎসাহে ও পরম সুখে পর্যটন করিতে লাগিলাম।

অবশেষে এক সরোবর-তীরস্থ অতি নিবিড় নির্জন নিস্তরক বন-খণ্ডে এক অপূর্ণ মূর্তি দর্শন করিয়া পরম আনন্দ প্রাপ্ত হইলাম। তাঁহার

অত্যুজ্জ্বল প্রসন্ন বদন ও অলৌকিক শান্ত স্বভাব অবলোকনে তাঁহাকে বন-দেবতা জ্ঞান করিয়া বিহিত বিধানে নমস্কার করিলাম ও তাঁহার পুনঃ পুনঃ দর্শন লাভ দ্বারা নয়ন-যুগল চরিতার্থ করিবার নিমিত্ত কৃতান্তলিপুটে দণ্ডায়মান থাকিলাম। দেখিলাম, তিনি আপনার কপোল প্রদেশে হস্তার্পণ করিয়া গগন-মণ্ডল নিরীক্ষণ করিতেছেন। আমি তাঁহাকে কোন কথা জিজ্ঞাসার মানস করিয়াছিলাম, কিন্তু আমার বাক্য-ক্ষুরণ না হইতে হইতেই, তিনি গাত্ৰোত্থান করিয়া সাতিশয় আগ্রহ প্রকাশ পূর্বক কহিলেন, “আমি তোমার মানস জানিয়াছি, আমার নাম বিদ্যা, তুমি যে স্থানে যাইবার প্রার্থনা করিয়াছিলে, তাহার এই পথই সর্বাপেক্ষা প্রশস্ত। যাহারা এই রম্য কানন ভ্রমণ করিতে আইসেন, আমিই তাঁহাদিগকে পথ প্রদর্শন করি ; চল, তোমাকেও সঙ্গে লইয়া যাই।”

আমি তাঁহার এই আশ্বাস-বাক্যে বিশ্বাস করিয়া হৃষ্ট মনে তৎক্ষণাৎ পশ্চাৎ পশ্চাৎ গমন করিতে লাগিলাম। উভয়-পার্শ্ববর্তী বৃক্ষ-শ্রেণীর মধ্যদেশ দিয়া কিয়দূর গমন করিতে করিতে অরণ্যের শৈত্য, শোভা ও পবিত্রতা প্রত্যক্ষ করিয়া অতুল আনন্দ প্রাপ্ত হইলাম এবং অত্যন্ত কোতূহলাবিষ্ট হইয়া তাঁহাকে জিজ্ঞাসা করিলাম, “দেবি! এ স্থানের নাম কি এবং এখানে কি কি অপূর্ব ব্যাপারই বা সম্পন্ন হইয়া থাকে?” তাহাতে তিনি স্তব্ধ হইয়া উত্তর করিলেন, “এ বিজ্ঞারণ্য, এ অরণ্যে সুন্দর সুন্দর বৃক্ষ আছে, অতি ভাগ্যবান ব্যক্তিরাই এখানে আগমন করেন; কিন্তু ইহার ফল ভোগ করা অতিশয় আয়াস-সাধ্য, সকলের ভাগ্যে ঘটে না। কেহ কেহ দূর হইতে কোন বৃক্ষের উচ্চতা দর্শনমাত্রে পরাশ্রুত হইয়া প্রতিগমন করেন, কেহ কেহ বা ফল আহরণের প্রত্যাশায় কতকদূর বৃক্ষারূঢ় হইয়াও পুনর্বার অধঃপতিত হন। কিন্তু যে ব্যক্তি

একবার এই রমণীয় কাননের ফলভোগ করিয়াছেন, তিনি আর কদাপি তাহার আশ্বাদন বিস্মৃত হইতে পারেন না। আমি তোমাকে ক্রমে ক্রমে সমুদায় দর্শাইতেছি, চল। ঐ যে সুদৃশ্য মনোহর বৃক্ষ সম্মুখে দৃষ্টি করিতেছ, যাহার সতেজ শাখা সমুদায় সুমধুর-রস-স্ফীত ফলভরে অবনত হইয়াছে, যাহার স্বক হইতে সুধাময় মধু-ধারা সকল অনবরতই করিতেছে, ও সুকুমার স্মৃতি-মতি তরুণ যুবকেরা যাহাতে সুখে আরোহণ করিতেছে, উহার নাম কাব্য-তরু। দেখিয়াছ, অলঙ্কারীরা কি অপূর্ব আশ্চর্য রমণীয় লতা তাহাকে পরিবেষ্টন পূর্বক সুশোভিত করিয়া রাখিয়াছেন। ঐ বৃক্ষ হইতে কিছু দূরে যে প্রকাণ্ড তেজস্বী বৃক্ষ দেখিতেছ, সুধীর প্রবীণ ব্যক্তিরা যাহার সেবা করিতেছেন, তাহার নাম জ্যোতিষ।” ইহা কহিয়া বিজ্ঞাদেবী ঐ বৃক্ষের অশেষ গুণ ব্যাখ্যা করিতে লাগিলেন।

তাঁহার বাক্যাবসান হইলে, আমি জ্যোতিষ-তরুর নিকটবর্তী হইয়া দেখিলাম, পূর্বোক্ত পণ্ডিত সমুদায় এক এক বার প্রগাঢ়রূপ মনোনিবেশ পূর্বক ধ্যানপরায়ণ হইতেছেন; আর বার প্রসন্ন বদনে হাস্য করিয়া অতুল আনন্দ প্রকাশ করিতেছেন। পরন্তু আর এক অসাধারণ ব্যাপার দেখিয়া সাতিশয় বিস্ময়াপন্ন হইলাম। ঐ বৃক্ষের মূল মৃত্তিকা-সংযুক্ত নহে, আর এক প্রকাণ্ড প্রাচীন বৃক্ষের স্বক হইতে উৎপন্ন হইয়াছে। আমি এই শেষোক্ত তরুর স্তায় সারবান্-বৃক্ষ আর একটিও দৃষ্টি করি নাই। তাহার কোন স্থানের কণামাত্রও স্পর্শ হয় নাই ও কুত্রাপি একটি মাত্র ছিদ্র কিংবা চিহ্ন নাই। আমি এই অদ্ভুত তরুর বিষয় সবিশেষ জানিবার জন্য পরম কৌতূহলী হইয়া বিজ্ঞাদেবীকে জিজ্ঞাসা করিলাম। তিনি কহিলেন, “এই সারবান্ অক্ষয় বৃক্ষের নাম গণিত। তুমি কেবল সম্মুখবর্তী জ্যোতিষ তরুর মূল ইহাতে সঘনক দেখিতেছ, প্রদক্ষিণ করিয়া দেখ, অন্যান্য কত আশ্চর্য বৃক্ষ ও লতা ইহার স্বক হইতে উৎপন্ন হইয়া

তদুপরি প্রতিষ্ঠিত আছে।” বস্তুতঃ আমি বেঠেন করিয়া দেখিলাম, তাঁহার কথা প্রামাণিক বটে ; শাখা প্রশাখা ও বৃক্ষরূহ সংবলিত এক এক গণিত-বৃক্ষ অর্ধ কানন ব্যাপিয়া রহিয়াছে।

তথা হইতে প্রস্থানান্তর আমার সমভিব্যাহারিণী পথ-প্রদর্শিকা বনদেবী সানুগ্রহ বচনে বলিলেন, “সর্বদেশীয় বৃক্ষ লতাাদি আনয়ন করিয়া এ কাননে রোপণ করা গিয়াছে। জ্যোতিষ ও গণিতের কয়েকটা কলম আঁমাদিগের দেশ হইতেও আহরণ করা গিয়াছে। দেখ, ভিন্ন-জাতীয় লোকে এই কাননে অবস্থিতি করিয়া উৎসাহ ও যত্ন সহকারে তাহার কেমন পারিপাট্য ও উন্নতি সাধন করিয়াছে। আর তোমার স্বদেশীয় লোকদিগকে ধিক্কার করিতে হয়, কারণ যতগুলি বৃক্ষ রক্ষণাবেক্ষণের ভার কেবল তাঁহাদিগের উপর সমর্পিত আছে, প্রায় তাহার সমুদায়ই ভগ্ন শুষ্ক হইয়া যাইতেছে। দক্ষিণ দিকে যত বৃক্ষ দেখিতেছ, সমস্তই একজাতীয়, তাহার নাম স্মৃতি, আর বাম দিকে যত দৃষ্ট হইতেছে, তাহার নাম দর্শন।” আমি ঐ উভয়-জাতীয় বৃক্ষ অবলোকন করিয়া যৎপরোনাস্তি ক্লেশ পাইলাম। ঐ সমস্ত মহজেই আমার রক্ত পরিপূর্ণ, কোনটা বা নিতান্ত শূন্যগর্ভ, তাহাতে আবার সমুচিত যত্ন সহকারে পরিচালিত না হওয়াতে অতিশয় দুর্বস্থা হইয়া রহিয়াছে। দেখিলাম দক্ষিণ দিকের সমুদায় বৃক্ষ যত্বেপি সম্যক্রূপে নষ্ট হয় নাই, কতকগুলি শুষ্ক ও ভগ্নশাখ হইয়াছে, কিন্তু পারিপাট্য নাই, বোধ হইল, যেন প্রবল ঝড়বাত দ্বারা সমুদায় বিপ্লুত ও বিপর্যস্ত হইয়া গিয়াছে। বামদিকের কোন বৃক্ষের কেবল স্বক্ৰমাত্র আছে, কোনটার বা সমুদায় গিয়া এক-দিকের এক মাত্র শাখা আছে, তন্নিম্ন কোন কোন বৃক্ষের স্বক্ৰমাত্র দৃষ্টিগোচর হইল না। এই দুঃসহ দুঃখের সময়ে এক পরম কোতুক দেখিলাম ; কতকগুলি অতিমানী মনুষ্য উভয়পার্শ্ব বৃক্ষতলে উপবেশন

করিয়া অত্যন্ত দস্ত ও ব্যাপকতা সহকারে মহাকোলাহল ও বিষম কলহ আরম্ভ করিয়াছে।

এইরূপ শারীরস্থান, রসায়ন, চিকিৎসা প্রভৃতি অনির্বচনীয় পরম রমণীয় তরু-সমূহ দর্শন করিয়া সাতিশয় সন্তোষ প্রাপ্ত হইলাম এবং অতি শ্রদ্ধাবিশিষ্ট হইয়া পশ্চিম-্যে পরমারাধ্যা বিজাদেবীকে কহিলাম, “দেবি! আমি তোমার প্রসাদে অণু অল্পম সুখ লাভ করিলাম। ভূ-মণ্ডলে এমত নির্মল সুখ-ধাম আর কোথাও নাই। আমার বোধ হয়, এ স্থানে বিশুদ্ধ-চিত্ত সচ্চরিত্র ব্যক্তিরাই আগমন করেন, অপর লোকের এখানে আসার অধিকার নাই।” এই কথা শ্রবণমাত্র তিনি বিষণ্ণ বদনে কহিলেন, “তুমি যথার্থ বিবেচনা করিয়াছ, এ স্থান ধর্ম-শীল সাধু ব্যক্তিদিগেরই যোগ্য বটে এবং পূর্বে ইহা তাদৃশই ছিল। তখন কেবল পরোপকারী, তত্ত্ব-পরায়ণ, পুণ্যাশ্রম আচার্য সকলেই এই পরম পবিত্র কাননে উপবেশন করিয়া অতুল আনন্দ অনুভব করিতেন। কিন্তু এক্ষণে এ বনে নানা বিভীষিকা উপস্থিত হইয়াছে; পাপ-রূপ পিশাচের উপজ্জবে ইহা অতি সঙ্কট-স্থান হইয়া উঠিয়াছে। ঐ দেখ, বিজাতীয়-বেশধারী অভিমান স্বয়ম্ভক উন্নত ও গ্রীবা-দেশ বক্র করিয়া অত্যন্ত উগ্র ভাবে সকলের উপর খরতর দৃষ্টিপাত করিতেছে ও স্বকীয় পুত্র দম্বকে সমভিব্যাহারে লইয়া মহা শ্লাঘা প্রকাশ পূর্বক সগর্ব পদ-বিক্ষেপ করিতেছে। উহাদের অঙ্গভঙ্গী দেখিয়া কি তোমার বোধ হইতেছে না, যে উহারা মনে মনে বিশ্ব-সংসার তুচ্ছ ভাবিতেছে! তৎপার্শ্বে দৃষ্টি কর, ক্রোধ নিজ কাস্তা হিংসাকে সঙ্গে লইয়া ইতস্ততঃ ধাবমান হইতেছে। উনি অভিমানের অত্যন্ত অহুগত। যদি কেহ অভিমানকে স্পর্শমাত্র করে, ক্রোধ তৎক্ষণাৎ উপস্থিত হইয়া তাহার বৈরনির্ধাতন করিতে উদ্বৃত হয়। এ দিকে অবলোকন কর, একটা প্রকাণ্ড রাকস



দেখিতে দেখিতে আপনার শরীর বৃদ্ধি করিয়া ফেলিলেক। একপে  
ও যেরূপ স্থল-কায় হইয়া উঠিল আমার বোধ হইতেছে, বিশ্ব সংসার  
ভোজন করিলেও উহার উদর পূর্ণ হয় না। উহার নাম কি, জ্ঞান ?  
লোভ। বিশেষতঃ কাব্য তরুতলে যে দুই প্রচণ্ড পিশাচ দণ্ডায়মান  
দেখিতেছ, উহাদের অত্যাচারে এ স্থানের অতিশয় অপঘণ ঘোষণা  
হইয়াছে ; উহাদের নাম কাম ও পান-দোষ। এককালে এই অপূর্ব  
আনন্দ কাননে নিষ্কলঙ্ক দম্পতি-প্রেমেরই প্রাদুর্ভাব ছিল। তৎকালে  
অনেকাংক প্রধান ধর্ম তাঁহার সহচর ছিল, কোন দুষ্ক্রিয়া এ স্থানে  
প্রবেশ করিতেও সমর্থ হইত না। একপে তাহার সম্পূর্ণ বিপর্যয়  
ঘটিয়াছে। দম্পতি প্রেম ও তাঁহার সহচরদিগের দৈন্ত্যদশা উপস্থিত  
হইয়া পরাক্রমি কামরূপ পিশাচেরই আধিপত্য বৃদ্ধি হইতেছে।  
অবলোকন কর, পান-দোষ আপনার দল বল সহকারে কি অহিত  
আচরণ করিতেছে! কি বীভৎস বেশ ধারণ করিয়াছে! দেখ  
দেখ, তাহার ভয়ে ধর্ম সকল ইতস্ততঃ পলায়ন করিতেছে। পশ্চাৎ  
হইতে আর কতকগুলি দুর্দান্ত পিশাচ পিশাচী আসিয়া তাহার সহিত  
বিকট হাস্য করিয়া নৃত্য করিতেছে। হে প্রিয়তম! এমত পরিশুদ্ধ  
পুণ্য ধামের এ প্রকার অবস্থা দেখিয়া আমার হৃদয় বিদীর্ণ হইতেছে।  
যাহারা এই সমস্ত রাক্ষস পিশাচকে আশ্রয় দেয়, তাহারা ওহারা  
আমাকেই প্রহার করে। আমি এ অরণ্যের অধিষ্ঠাত্রী হইয়া  
স্বয়ং এরূপ ভুরি ভুরি অপ্রিয় ব্যাপার আর কত দেখাইব? ঐ  
ঘনপল্লবাবৃত নিবিড় বৃক্ষের অন্তরালে যে এক পরমসুন্দরী রমণীকে  
দৃষ্টি করিতেছ, উহার পর কুৎসিত স্ত্রী আর দ্বিতীয় নাই। উহার  
গায়ে যে কত ব্রণ, কত ক্ষত ও কত কলঙ্ক আছে, তাহার সংখ্যা করা  
যায় না। কেবল কতকগুলি বেশ ভূষা করনা দ্বারা তৎসমুদায়

‘প্রচ্ছন্ন বাথিয়া আপনাকে সজ্জীভূত করিয়া দেখাইতেছে, উহার নাম কপটতা।’

সমুদায় শ্রবণ ও দর্শন করিয়া আমি বিষাদ-সমুদ্রে নিমগ্ন হইলাম এবং মনে মনে চিন্তা করিলাম, এ আমার সংসার স্বভাবতঃ শোক-দুঃখেতেই পরিপূর্ণ; যদিও দুই একটি সুখময় পুণ্যধাম ছিল, তাহাতে এত বিষন্ন ঘটিয়াছে! যাহা হউক, আপনার কর্তব্য-সাধনে পরাভুত হওয়া উচিত নহে, এই বিবেচনা করিয়া সর্ব-দুঃখনিবারণী সস্তাপ-নাশিনী বিজ্ঞাদেবীর পশ্চাৎবর্তী হইয়া গমন করিতে লাগিলাম। কিয়ৎদূর গমনানন্তর এক বার পশ্চাৎ অবলোকন করিয়া দেখি, যে সকল ব্যাকস পিশাচের অহিত আচার দৃষ্টি করিয়া আসিলাম, তাহারাই আমার নিকটবর্তী হইয়াছে। বিশেষতঃ কাম ও পানদোষ এই দুই জন নানাবিধ সুমধুর প্ররোচনা বাক্য বলিয়া আমাকে তৎপথ হইতে নিরস্ত করিবার চেষ্টা করিতে লাগিল। পূর্বে যাহাদিগের অতি কুৎসিত বীভৎস আকার দর্শন করিয়াছিলাম, তখন দেখি, তাহারা পরম মনোহর রূপ ধারণ করিয়া আসিয়াছে। কি জানি তাহারা কি কুমন্ত্রণা দেয়, এই আশঙ্কায় পরম হিতৈষিনী বিজ্ঞাদেবীর সমীপবর্তী হইয়া সবিশেষ সমস্ত মিবেদন করিলাম। তৎকণাৎ তিনি আমাকে অভয় দিয়া ধৈর্য তিতিক্ষা নামে দুই মহাবল পরাক্রান্ত প্রহরীকে আহ্বান করিয়া কহিলেন, “তোমরা দুই জনে ইহার দুই পাশ্বে থাক, কোন শত্রু যেন ইহার নিকটস্থ হইতে না পারে।”

এইরূপ আমরা বনপ্রান্তে উপস্থিত হইয়া সম্মুখে এক ক্ষুদ্র প্রান্তর দেখিতে পাইলাম। তখন বিজ্ঞা অতি প্রেম বদনে সুমধুর হাস্য করিয়া কহিলেন, “এই ক্ষুদ্র প্রান্তরের শেষে যে মনোহর গিরি দর্শন করিতেছ, ঐ তোমার লক্ষিত স্থান; ঐ স্থান প্রাপ্ত হইলেই তুমি চরিতার্থ হইবে।”

এই কথা শুনিয়া আমি পরম পুলকিত চিত্তে অরণ্য হইতে নিষ্কাশিত হইয়া চিরকাঙ্ক্ষিত ফল প্রত্যাশায় মহোৎসাহ সহকারে দ্রুতবেগে পদবিক্ষেপ করিতে আরম্ভ করিলাম, এবং অবিলম্বে পর্বত সন্নিধানে উপস্থিত হইয়া তথায় আরোহণ করিবার এক পথ প্রাপ্ত হইলাম। ঐ পথের এক পার্শ্বে এক দৃঢ়ব্রত স্নানীলা স্ত্রী এবং অন্য পার্শ্বে এক বহু পরিশ্রমী দৃঢ় প্রতিজ্ঞ পুরুষ দণ্ডায়মান আছেন; তাঁহারা যাত্রীদিগকে সমভিব্যাহারে করিয়া পর্বতোপরি লইয়া যাইতেছেন। তাঁহাদিগের পরিচয় জিজ্ঞাসিয়া জানিলাম স্ত্রীর নাম শ্রদ্ধা আর পুরুষের নাম যত্ন।

ঐ পর্বত আরোহণ করা অতিশয় ক্লেশকর বোধ হইল। অতি কষ্টে কিছু দূর গমন করিয়া মনে মনে বিবেচনা করিলাম, সম্প্রতি এই স্থানেই অবস্থিতি করি। বিদ্যা দেবী স্বকীয় মহীয়সী শক্তি দ্বারা তাহা জানিতে পারিয়া কহিলেন, “হে প্রিয়তম! এ পর্বতের পার্শ্ব দেশে কোন স্থানে স্থির থাকিবার সম্ভাবনা নাই, যদি আর উপরে না উঠ, তবে অবশ্যই অধোগমন করিতে হইবে, অতএব সাবধান,—সাবধান।” আমি তাঁহার এই সত্বপদেশ শুনিয়া চৈতন্য প্রাপ্ত হইলাম। পরন্তু স্থখের বিষয় এই যে যত আরোহণ করিতে লাগিলাম, ততই ক্লেশের লাঘব হইয়া স্থখের বৃদ্ধি হইয়া আসিল।

অবশেষে যখন পর্বতোপরি উত্তীর্ণ হইলাম, তখন কি অনির্বচনীয় অমুপম সুখানুভবই হইল। তথাকার স্নানীতল মারুত-হিল্লোলে শরীর পুলকিত হইতে লাগিল। তথায় ঘেষ, হিংসা, বিবাদ, বিসংবাদ, চোৰ্য, অত্যাচার এ সকলের কিছুই নাই, কেবল আরোগ্য ও আনন্দ অবরিত বিরাজ করিতেছে। ইহা দেখিয়া আমার অন্তঃকরণ অপার আনন্দ সাগরে নিমগ্ন হইল। বোধ হইল, বিশ্ব সংসারে এমন রম্য স্থান আর দ্বিতীয় নাই। কিছু কাল ইতস্ততঃ ভ্রমণান্তর দূর হইতে এক অপূর্ব

সরোবর দেখিতে পাইলাম এবং তদর্শনার্থে আমার অত্যন্ত কৌতূহল উপস্থিত লইল। ক্রমে ক্রমে নিকটবর্তী হইয়া দেখিলাম, কতকগুলি পবন পবিত্র সর্বাঙ্গসুন্দরী কন্যা সরোবর-তটে বিচরণ করিতেছেন। তাঁহাদিগের অসামান্য রূপ-লাবণ্য প্রফুল্ল পবিত্র মুখ-শ্রী এবং সায়ল্য ও বাৎসল্য স্বভাব অবলোকন করিয়া অপরিমেয় প্রীতি লাভ করিলাম। আশ্চর্য এই যে, তাঁহাদিগের শরীরে কোন অলঙ্কার নাই, অথচ অনলঙ্কারই তাঁহাদের অলঙ্কার হইয়াছে। বোধ হইল যেন আনন্দ প্রতিমাগুলি ইতস্ততঃ ক্রোড়া করিয়া বেড়াইতেছে। আমি বিশ্বয়াপন্ন হইয়া মনে মনে বিবেচনা করিতে লাগিলাম, ইহারা দেব-কন্যা হইবেন তাহার সংশয় নাই। তখন বিদ্যা-দেবী সাতিশয় অনুকম্পা পূর্বসর ঈর্ষ্য হস্ত করিয়া কহিলেন, “তুমি যথার্থ অনুমান করিয়াছ, ইহারা দেব-কন্যাই বটেন এবং এই ধর্মাচল ইহাদের বাস-ভূমি; ইহাদের কাহারও নাম দয়া, কাহারও নাম ভক্তি, কাহারও নাম ক্ষমা, কাহারও নাম অহিংসা, কাহারও নাম মৈত্রী ইত্যাদি সকলের নিজ নিজ গুণানুসারে নামকরণ হইয়াছে। ইহাদের রূপ ভুবন বিখ্যাত। ইহারা যে পর্যন্ত সুশীল তাহা কি বলিব। বিদ্যারণ্য-যাত্রীদিগের মধ্যে যাহারা এই ধর্মাচল আরোহণ করেন, তাঁহাদিগেরই শ্রম সফল ও জন্ম সার্থক। তুমি এই সরোবরে স্নান করিয়া শরীর স্নিগ্ধ ও জীবন পবিত্র কর।

বিদ্যা-দেবীর উপদেশানুসারে আমি উল্লিখিত শাস্তি-সরোবরে অবগাহন করিয়া অভূত-পূর্ব অতি নির্মল আনন্দ-নীরে নিমগ্ন হইতে-ছিলাম, ইতিমধ্যে নিজা ভ্রম হইয়া দেখি সেই সুন্দর-মাকুত-সেবিত যমুনাকূলেই রহিয়াছি।

সাহিত্য-সংক-চরিতমালা—১৩

জয়গোপাল তর্কালঙ্কার,  
মদনমোহন তর্কালঙ্কার



জয়গোপাল তর্কালঙ্কার  
মদনমোহন তর্কালঙ্কার

ব্রজেন্দ্রনাথ বন্দ্যোপাধ্যায়



বঙ্গীয় সাহিত্য পরিষৎ  
২৪৩/১, আচার্য্য প্রফুল্লচন্দ্র রোড  
কলিকাতা-৬

প্রকাশক :  
শ্রীমদনমোহন কুমার  
সম্পাদক  
বঙ্গীয় সাহিত্য পরিষৎ

চতুর্থ সংস্করণ—আষাঢ় ১৩৫৫  
পঞ্চম সংস্করণ—জ্যৈষ্ঠ ১৩৬৩  
ষষ্ঠ সংস্করণ—জ্যৈষ্ঠ ১৩৭১

মূল্য দুই টাকা

মুদ্রক :  
শ্রীদ্বিজেন্দ্রলাল রায়  
শতাব্দী প্রেস প্রাইভেট লিমিটেড,  
৮০ আচার্য্য জগদীশ বসু রোড, কলিকাতা-১৪



# জয়গোপাল তর্কালঙ্কার

১৭৭৫—১৮৪৬

বাংলা ভাষা ও সাহিত্যের গঠনে শিল্পী হিসাবে প্রত্যক্ষভাবে যিনি খ্যাতিলাভ করেন নাই অথচ পরোক্ষভাবে ষাঁহার দান অতুলনীয়, সেই পণ্ডিত জয়গোপাল তর্কালঙ্কার ভট্টাচার্য্যের সহিত আধুনিক যুগের সাহিত্যসেবীদের পরিচয় সাধন করিবার প্রয়াসে এই সংক্ষিপ্ত জীবনীটি লিপিবদ্ধ করিতেছি। এই ভাবে আপনাকে সম্পূর্ণ আড়ালে রাখিয়া মাতৃভাষার সেবা করিতে সে যুগের আর কোন পণ্ডিতকেই আমরা দেখি না। গদ্য পদ্য উভয়বিধ রচনায় তাঁহার অসাধারণ দক্ষতা ছিল। যে 'সমাচার দর্পণ' ঊনবিংশ শতাব্দীর দ্বিতীয় দশকের শেষার্দ্ধ হইতে প্রায় অর্দ্ধ শতাব্দী কাল বাংলা দেশের সাহিত্য, সমাজ, শিক্ষা ও ধর্ম্মে বহু পরিবর্তন ও সংস্কার সাধনে সহায় হইয়াছিল, জন ক্লার্ক মার্শম্যান নামে তাহার সম্পাদক হইলেও প্রথমাবস্থায় পণ্ডিত জয়গোপালই ছিলেন তাহার স্তম্ভ। এই সংবাদপত্র মারফৎ তিনিই ঋজু কঠিন বাংলা ভাষাকে নমনীয় করিয়া আমাদের প্রাত্যহিক ব্যবহারের উপযোগী করিয়া তুলিয়াছিলেন। তাঁহার দ্বিতীয় অসাধারণ কীর্ত্তি—কুত্তিবাসের রামায়ণ ও কাশীরাম দাসের মহাভারতের সংস্কার সাধন। বাংলা দেশের ঘরে ঘরে শতাব্দীকালের উর্দ্ধকাল কুত্তিবাস ও কাশীরাম দাসের নামাঙ্কিত যে দুইটি মহাকাব্য পঠিত ও গীত হইয়াছে, তাহার মনোহারিণী ভাষা যে জয়গোপালের, এ কথা আজ আমরা কম জন

জানি ? জয়গোপাল কর্তৃক সংস্কৃত হইবার পূর্বে এই দুইটি ভাষা-মহাকাব্যের যে রূপ ছিল, তাহার সহিত পরবর্তী সংস্করণগুলি মিলাইয়া দেখিলেই জয়গোপালের অসাধারণ কাব্যপ্রতিভার পরিচয় আমরা পাইব। সংস্কৃত ভাষায় মহাপণ্ডিত হইয়া মাতৃভাষার জন্ম তাঁহার এই বিপুল অধ্যবসায় আজ সমগ্র বাঙালী জাতিকে জয়গোপালের নিকট ঋণী করিয়া রাখিয়াছে। বাঙালীর আত্মবিশ্বাস্তি ধীরে ধীরে ঘুচিতেছে ; সেই পুরাতন ঋণ পরিশোধ করিবার সময় আসিয়াছে।

## বংশ-পরিচয়

১১৮২ সালের ২২এ আশ্বিন ( ৭ অক্টোবর ১৭৭৫ ) \* নদীয়া জেলার অন্তর্গত বজরাপুর গ্রামে জয়গোপালের জন্ম হয়। তাঁহার পিতার নাম কেবলরাম তর্কপঞ্চানন। ইনি জাতিতে বারেন্দ্র-শ্রেণী ব্রাহ্মণ ছিলেন। তাঁহার বংশ-পরিচয় সম্বন্ধে এইরূপ জানা যায় :—

কৃষ্ণরাম বেদান্তবাগীশের দুই পুত্র,—কেবলরাম তর্কপঞ্চানন ও সদানন্দ বিদ্যাবাগীশ। কেবলরাম তর্কপঞ্চাননের রঘুসুতম বাণীকর্ঠ, সদাশিব তর্করত্ন, বলভদ্র বিদ্যাবাচস্পতি, কালিদাস সভাপতি, জয়গোপাল তর্কালঙ্কার, রামতনু ও হেরম্ব এই সাত পুত্র—। রঘুসুতম বাণীকর্ঠের তিন পুত্র—রামচন্দ্র, গৌরমোহন বিদ্যালঙ্কার ও মহেশ ঞ্জারত্ন ।...জয়গোপাল তর্কালঙ্কারের পুত্র তারক বিদ্যানিধি।

\* জয়গোপালের পৌত্র বিষ্ণুচন্দ্র ভট্টাচার্য্য এই তারিখের উল্লেখ করিয়াছেন।—  
‘জয়গোপাল তর্কালঙ্কারের জীবনচরিত,’ ইং ১৯০১, পৃ. ২ দ্রষ্টব্য। কিন্তু সংস্কৃত কলেজের নথিপত্রে তাঁহার বয়সের উল্লেখ হইতে তাঁহার জন্মকাল “ইং ১৭৭২” বলিয়া অনুমিত হয়।

তাহার তিন পুত্র শ্রীবিষ্ণু, শ্রীরাধাকৃষ্ণ ও শ্রীকৃষ্ণ এবং এক কন্যা শ্রীশারময়ী।—নগেন্দ্রনাথ বসু : ‘বঙ্গের জাতীয় ইতিহাস’ (বারেন্দ্র ভাস্কর্য বিবরণ, ১৩৩৪, পৃ. ২১৯)।

## চাকুরী

জয়গোপাল প্রথমে তিন বৎসরকাল কোলকাতা সাহেবের পণ্ডিত ছিলেন, তৎপরে ১৮০৫ হইতে ১৮২৩ খ্রীষ্টাব্দ পর্য্যন্ত—১৮ বৎসর পাদরি কেরীর অধীনে শ্রীরামপুরে চাকরি করেন, সংস্কৃত কলেজের পুরাতন নথিপত্র\* হইতে ইহা জানা গিয়াছে।

শ্রীরামপুরে অবস্থানকালে তিনি কিছু দিন মিশন-স্কুলে শিক্ষকতা করেন। তাহার পর জে. সি. মার্শম্যানের সম্পাদকত্বে ১৮১৮ খ্রীষ্টাব্দের ২৩এ মে ‘সমাচার দর্পণ’ নামে বাংলা সংবাদপত্র প্রকাশিত হইলে, তিনি প্রথমাবধি ১৮২৩ খ্রীষ্টাব্দ পর্য্যন্ত ইহার সম্পাদকীয় বিভাগের স্তম্ভ-স্বরূপ ছিলেন। ২ জুলাই ১৮৩৬ তারিখে ‘সমাচার দর্পণ’-সম্পাদক লেখেন :—

শ্রীযুক্ত জয়গোপাল তর্কালঙ্কার...কবিবর পূর্বে অনেক কালাবধি দর্পণ সম্পাদনামুকুল্যে নিযুক্ত ছিলেন...।

১৮২৪ খ্রীষ্টাব্দের জানুয়ারি মাসে কলিকাতায় সংস্কৃত কলেজে প্রতিষ্ঠিত হইলে জয়গোপাল মাসিক ৬০ বেতনে ইহার সাহিত্য-শাস্ত্রাধ্যাপকের পদ লাভ করেন। তিনি দীর্ঘ ২২ বৎসর কাল বিশেষ যোগ্যতার সহিত সংস্কৃত কলেজের কাব্য বা সাহিত্য-শ্রেণীর অধ্যাপনা করিয়াছিলেন।

\* Annual Return...dated 1 May 1845. ইহাতে জয়গোপালের বয়ঃক্রম “৭৩ বৎসর” বলিয়া উল্লেখ আছে।

আচার্য্য কৃষ্ণকমল ভট্টাচার্য্য তাঁহার স্মৃতিকথায় জয়গোপাল সম্বন্ধে  
যাহা বলিয়াছেন, নিম্নে তাহা উদ্ধৃত করিতেছি :—

যখন তিনি [ বিদ্যাসাগর ] সংস্কৃত কলেজের ছাত্র ছিলেন,  
তখন সাহিত্যের অধ্যাপনাকার্য্য জয়গোপাল তর্কালঙ্কার নির্বাহ  
করিতেন। ইনি অতি সুরসিক, সুলেখক, ভাবগ্রাহী ও সহৃদয়  
ব্যক্তি ছিলেন। তিনি সাহিত্যের অধ্যাপক ছিলেন বটে, কিন্তু  
পড়া শুনা বড় একটা তাঁহার কাছে কিছু হইত না। শ্লোকটা  
আবৃত্তি করিলেন ; ব্যাখ্যা আরম্ভ করিলেন, কিন্তু অর্দ্ধেক ব্যাখ্যা  
হইতে না হইতেই তাঁহার ‘ভাব লাগিয়া’ গেল, গলার স্বর গদগদ  
হইয়া উঠিল, ‘আহা, হা, দেখ দেখি, কেমন লিখেছে।’ এই বলিয়া  
তিনি কণ্ঠরুদ্ধ হইয়া বসিয়া রহিলেন, তাঁহার গণ্ডস্থল অশ্রুজলে  
প্লাবিত হইয়া গেল ; সেদিনকার মত পড়া এই স্থানেই সমাপ্ত হইল।  
কিন্তু সংস্কৃত শ্লোক রচনা করিতে তাঁহার একটি বিশেষ ক্ষমতা ছিল ;—

—জয়গোপাল তর্কালঙ্কারের দুইটি কবিতা আমার মুখস্থ আছে।  
বর্ধমানের মহারাজা কীর্ত্তিচন্দ্রকে সম্বোধন করিয়া তিনি লিখিতেছেন,

স্বংকীর্ত্তিচন্দ্রমুদিতং গগনে নিশাম্য

রোহিণ্যপি স্বপতিসংশয়জাতশঙ্কা।

শ্রীকীর্ত্তিচন্দ্রনৃপ কঙ্কললাঞ্জনেন

প্রেয়াংসমক্কেদসৌ ন বিধৌ কলঙ্কঃ ॥

হে কীর্ত্তিচন্দ্র মহারাজ ! তোমার কীর্ত্তি চন্দ্রের ত্রায় আকাশে  
উদিত হইয়াছে ; ইহা দেখিয়া চন্দ্রের পতিব্রতা পত্নী রোহিণীরও  
মনে শঙ্কা হইল যে, পাছে তাঁহার স্বামীকে তিনি চিনিতে না পারেন  
এই ভাবিয়া তিনি আপনার স্বামীর গায়ে একটি দাগ দিলেন, তাহাই  
আমরা চন্দ্রের কলঙ্ক বলিয়া থাকি।

দ্বিতীয় শ্লোকটি রচিত হয়, যখন মেকলে প্রভৃতি যুরোপীয়েরা সংস্কৃত কলেজ উঠাইয়া দিবার চেষ্টা করিতেছিলেন। কলেজের মুফকির হরেস্ হেম্যান উইলসন তৎকালে বিলাতে অবস্থান করিতে-ছিলেন ; তাঁহাকে সম্বোধন করিয়া কবিতাটি রচিত হইয়াছিল,—

অগ্নিন্ সংস্কৃতপাঠসদ্বসরসি ত্বৎস্থাপিতা যে সুধী-

হংসাঃ কালবশেন পক্ষরহিতা দূরং গতে তে ত্বয়ি ।

তন্তীরে নিবসন্তি সংপ্রতি পুনর্ব্যাধাস্তুচ্ছিত্তয়ে

তেভ্যস্তান্ যদি পাসি পালক তদা কীর্ত্তিশিরং স্থাস্তি ॥

এই সংস্কৃত পাঠশালাটি একটি সরোবরতুল্য ; ইহাতে যে সকল বিদ্বান্ লোককে আপনি অধ্যাপক নিযুক্ত করিয়া আশ্রয় দিয়া গিয়াছেন, তাঁহারা হংসের তুল্য। এক্ষণে সেই সরোবরের নিকটে কয়েকজন ব্যাধ আসিয়া সেই হংসবংশ ধ্বংস করিতে উদ্যত হইয়াছে। সেই ব্যাধের হস্ত হইতে আপনি যদি তাহাদিগকে পরিত্রাণ করেন, তবেই আপনার কীর্ত্তি চিরস্থায়ী হইবে। ( 'পুরাতন প্রসঙ্গ,' ১ম পর্য্যায়, পৃ: ২২৩-২৫ )

## মৃত্যু

১৩ এপ্রিল ১৮৪৬ তারিখে, ৭০ বৎসর বয়সে, জয়গোপাল পরলোক-গমন করেন। মৃত্যুর কিছু দিন পূর্বে হইতেই তাঁহার স্বাস্থ্য ভঙ্গ হইয়াছিল। তাঁহার জীবন-প্রদীপ নিক্রাণোন্মুখ হইলে তাঁহাকে শিবিকায় নবদ্বীপধামে লইয়া যাওয়া হয়। তথায় পৌঁছিবার দুই দিন পরেই তিনি সজ্ঞানে আকস্মিক-ক্রোড়ে আশ্রয় লাভ করেন।

## রচিত ও সম্পাদিত গ্রন্থ

জয়গোপাল অনেকগুলি গ্রন্থ রচনা বা সম্পাদন করিয়াছিলেন ।  
সংক্ষিপ্ত মন্তব্য সহ এগুলির একটি তালিকা দিতেছি ।

১। শিক্ষাসার ।

ইণ্ডিয়া আপিস লাইব্রেরীতে দ্বিতীয় সংস্করণের এক খণ্ড 'শিক্ষাসার'  
( পৃ. ৭২ ) আছে ; উহার আখ্যা-পত্র এইরূপ :—

শিক্ষাসার । অর্থাৎ গুরুদক্ষিণা ও চাণক্য শ্লোক ও দিনপঞ্জিকা  
ও শুভঙ্করকৃতা আখ্যা । বালকেরদের শিক্ষার্থে শ্রীজয়গোপাল  
তর্কালঙ্কার কর্তৃক সংগৃহীত । শ্রীরামপুরে দ্বিতীয়বার ছাপা হইল ।  
সন ১৮১৮ ।—

২। বিদ্বমঙ্গলকৃত কৃষ্ণবিষয়কশ্লোকাঃ । ১২২৪ সাল (ইং ১৮১৭) ।  
পৃ. ৫২ ।

ইহাতে ১০৯টি শ্লোক ও পয়ারে তাহার বঙ্গানুবাদ আছে । রচনার  
নিদর্শন-স্বরূপ ইহার কতিপয় পংক্তি উদ্ধৃত হইল :—

চারি সমাজের পতি কৃষ্ণচন্দ্র মহামতি ভূমিপতি ভূমিসুরপতি ।  
তার রাজ্যে শ্রেষ্ঠ ধাম । সমাজপূজিত গ্রাম বজরপুরেতে নিবসতি ॥  
শ্রীজয়গোপালনাম হরিভক্তিলাভকাম উপনাম শ্রীতর্কালঙ্কার ।  
ভক্তবৃন্দমধ্যরবি শ্রীবিদ্বমঙ্গল কবি কবিতার প্রকাশে পয়ার ॥০০০

কনককমলমালঃ কেশিকংসাদিকালঃ

সমরভূবি করালঃ প্রেমবাপীমরালঃ ।

অখিলভুবনপালঃ পুণ্যবল্লীপ্রবাল-

স্তব তবতু বিভূতৈ্য নন্দগোপালবালঃ । ২॥

গলে দোলে কনককমল দিব্য মাল ।  
 কেশিকংসচানুর প্রভৃতি দৈত্যকাল ॥  
 সমরে ভীষণ অতি প্রেমনদীহংস ।  
 সমস্ত জগৎপতি মুরলীবতংস ॥  
 পুণ্যরূপ লতার সে নুতন পল্লব ।  
 শ্রীনন্দনন্দন তব করুন বিভব ॥ ২ ॥

উপাসতাং ব্রহ্মবিদঃ পুরাণাঃ  
 সনাতনং ব্রহ্মনিবন্ধচিত্তাঃ ।  
 বয়ং যশোদাপুত্রবালকেলি-  
 কথাসুধাসিন্ধুযু মঞ্জয়ামঃ ॥ ৫ ॥

ব্রহ্মজ্ঞানী পুরাতন যত মুনিগণ ।  
 একচিত্তে নিত্য ব্রহ্ম করুন ভজন ॥  
 আমরা যশোদাপুত্রবাল্যলীলাকথা ।  
 সুধার সাগরে মন মঞ্জাই সর্বথা ॥ ৫ ॥

উদূখলং বা যমিনাং মনো বা ব্রজাঙ্গনানাং কুচকুটুলম্বা ।  
 মুরারিনাম্নঃ কসভস্ত বিষ্ণোরালানমাসীৎ ত্রয়মেব লোকে ॥ ৯ ॥  
 শিশুকালে উদূখলে বাঙ্কিল যশোদা ।  
 ভক্তজনহৃদয়েতে বাঙ্কী কৃষ্ণ সদা ॥  
 ব্রজবালান্তন আর বন্ধনের স্থান ।  
 এই তিন মাত্র হরিকরীর আলান ॥ ৯ ॥  
 মধুরৈকরসং পদং বিভোর্মধুরাবীধিচরং ভজামহে ।  
 নগরীমৃগশাবলোচনানয়নেন্দীবরবর্ষধ্বিতং ॥ ১০ ॥

মধুর রসের সার শ্রীকৃষ্ণচরণ ।  
 মথুরাগমনকালে ভজি অনুক্ষণ ॥  
 গোপিকানয়নরম্যপঙ্কজগলিত ।  
 অশ্রুতে পিচ্ছল পথে যে পদ স্থলিত ॥ ৫৯ ॥

৩। পত্রের ধারা । ইং ১৮২১ । পৃ. ৫৬ ।

পত্রের ধারা । অর্থাৎ পাঠাপাঠ ও পড়া ও কবুলিয়ত ও দরখাস্ত প্রভৃতি যাহা বালকেরদের শিক্ষার্থে সংগৃহীত হইল । শ্রীরামপুরে ছাপা হইল । সন ১৮২১ শাল ।

পুস্তকের আখ্যাপত্রে গ্রন্থকারের নাম না থাকিলেও তিনি যে জয়গোপালই, পাদরি লঙের বাংলা পুস্তকের তালিকায় তাহার উল্লেখ আছে । রচনার নিদর্শন-স্বরূপ একখানি পত্র উদ্ধৃত করিতেছি :—

শ্রীশ্রীঈশ্বরঃ ।

বয়ঃকনিষ্ঠ খুড়াপ্রভৃতিকে এই পাঠ লিখিবেক ।

পুঞ্জনীয় শ্রীযুত রামচরণ বন্দ্যোপাধ্যায় খুড়া

মহাশয় চরণেষু ।

আশীর্ব্বাদাকাঙ্ক্ষি শ্রীকৃষ্ণগোবিন্দ শর্মাণঃ

প্রগামপূর্ব্বক নিবেদনমিদং মহাশয়ের আশীর্ব্বাদে এ জনের সমস্ত মঙ্গল পরং শ্রীরামপুরে শ্রীযুত সাহেব লোকেরা অন্তঃ লোকের-দিগের বিঘাত্যাসের নানা প্রকার চেষ্টা করিতেছেন যত্বপি অধ্যয়ন করিতে বাসনা থাকে তবে শ্রীরামপুরের পাঠশালাতে আসিবেন এখানে বাসাখরচও পাইবেন অতএব এইখানে থাকিয়া অধ্যয়ন করা উপযুক্ত । আগামি মাসে পাঠ আরম্ভ হইবেক একারণ লিখিতেছি যে আপনারা অতিশীঘ্র আসিবেন কেননা এখানে অনেক শাস্ত্রের



আলোচনা আছে এবং শ্রীযুত জয়গোপাল তর্কালঙ্কার ভট্টাচার্য্য মহাশয় অতিসুপণ্ডিত এঁহার নিকট থাকিলে অনেক উপকার আছে ইহা জ্ঞাত কারণ লিখিলাম ইতি তাং ৯ কার্তিক ।

১৮৪৫ খ্রীষ্টাব্দে এই পুস্তক চতুর্থ বার মুদ্রিত হয় । এই সংস্করণে একটি নূতন অংশ দেখিতেছি ; উহা “চাণক্যকর্তৃক সংগৃহীত নীতিগ্রন্থ । সারসংগ্রহ ।”

৪। চণ্ডী । ইং ১৮১৯ ।

“কবিকঙ্কণ চক্রবর্তিকৃত ভাষা চণ্ডী গান পুস্তক নানাপ্রকার লিপি দোষেতে নষ্টপ্রায় হইয়াছিল তৎপ্রযুক্ত শ্রীযুত জয়গোপাল তর্কালঙ্কার বহু দেশীয় বহুবিধ পুস্তক একত্র করিয়া বিবেচনাপূর্বক গ্রন্থ প্রস্তুত করিয়া ছাপা করিতেছেন অনুমান হয় যে লাগাদ শ্রাবণ ভাদ্র সমাপ্ত হইতে পারে ।” ( ‘সমাচার দর্পণ,’ ৩ এপ্রিল ১৮১৯ )

৫। বাস্কীকৃত রামায়ণ । কৃত্তিবাসকর্তৃক গৌড়ীয় ভাষায় রচিত ।

১ম—৭ম কাণ্ড । ইং ১৮৩০-৩৪ ।

“রামায়ণ ।—কৃত্তিবাস পণ্ডিত রচিত সপ্তকাণ্ড রামায়ণ বহুকাল-পর্যন্ত এতদ্দেশে প্রচলিত আছে কিন্তু ঐ রামায়ণ গ্রন্থে লিপিকর প্রমাদে ও শিক্ষক ও গায়কদিগের ভ্রমপ্রযুক্ত অনেক স্থানে বর্ণচ্যুতি ও পয়ারভঙ্গ ও পয়ার লুপ্তইত্যাদি নানা দোষ হইয়াছে এইকণে ঐ গ্রন্থ সুপণ্ডিত দ্বারা বর্ণান্তরাদি বিচারপূর্বক শ্রীরামপুরের ছাপাখানাতে উত্তম কাগজে ও উত্তমান্বরে ছাপারস্ত হইয়াছে... ( ‘সমাচার দর্পণ,’ ৩০ মে ১৮২৯ )

“একণে প্রকাশ হইয়াছে ।—বাস্কী ভাষায় কাব্য অর্থাৎ রামায়ণের আনুকাণ্ড কৃত্তিবাসপণ্ডিত কর্তৃক বাস্কী ভাষায় তরুজমা

করা এবং উত্তম পণ্ডিতকর্তৃক সংশোধিত।” (‘সমাচার দর্পণ,’ ২০  
মার্চ ১৮৩০ )

শ্রীরামপুর মিশন প্রেস হইতে ১৮০২-৩ খ্রীষ্টাব্দে যে রামায়ণ  
প্রকাশিত হয়, তাহা প্রচলিত পুঁথি অনুযায়ী মুদ্রিত হইয়াছিল।  
জয়গোপাল কর্তৃক সংস্কৃত হইয়া ইহা শ্রীরামপুর মিশন হইতে দ্বিতীয়  
বার মুদ্রিত হয়। একই কাব্যংশের আদি রূপ ও সংস্কৃত রূপ দেখিলে  
জয়গোপালের কৃতিত্ব আমরা কথঞ্চিৎ উপলব্ধি করিতে পারিব।  
আমরা নিয়ে একই অংশের দুই পাঠ দিলাম :—

( আদি রূপ )

তুই ছার ছরাচারী হরিলে পরের নারী  
জীবনে নাহি তোর ভয়  
দশরথ মহা রাজা দেব লোকে করে পূজা  
শ্রীরাম তাহার তনয়।  
ষাহার ধনুক টান ত্রিভুবনে কম্পবান  
হেন রাম লঙ্কার ভিতর  
দেবরাজ করে পূজা হেলে মারে বালি রাজা  
তার মনে তোর পাঠান্তর।  
সুগ্রীবের বিক্রম যত তাহাবা কহিব কত  
সে সকল হইব বিদিত  
তোরে এক নাথি মারি কাপাইব লঙ্কাপুরী  
কি করিবে তোর ইন্দ্রজিত।  
শুন রাজা লঙ্কেশ্বর আমার বচন ধর  
আমি আইলাম তোমার গোচর

শ্রীরাম সাগর পার                      তোর নাহিক নিস্তার

জমদার নিকট যে তোর । ( ষষ্ঠ কাণ্ড )

( জয়গোপালের সংস্কৃত রূপ )

তুই ছার ছুরাচারী                      হরিল পরের নারী

পরলোকে নাহি তোর ভয় ।

দশরথ মহারাজা                      দেব লোকে করে পূজা

শ্রীরাম যে তাঁহার তনয় ॥

যাহার দুর্জয় বাণ                      ভয়ে বিশ্ব কম্পবান

হেন রাম লঙ্কার ভিতর ।

দেবরাজ করে পূজা                      হেলে যারে বালি রাজা

তার সনে তোর পাঠাস্তর ॥

সুগ্রীবের বল যত                      তাহা বা কহিব কত

সে সকল হইবি বিদিত ।

তোরে এক নাথি মারি                      কাঁপাইব লঙ্কাপুরী

কি করিবে তোর ইচ্ছজিত ॥

শুন রাজা লঙ্কেশ্বর                      আমার বচন ধর

আইলাম দিতে সমাচার ।

শ্রীরাম সাগর পার                      নাহিক নিস্তার আর

নিকটে যে তোর যমদার ॥ ( ষষ্ঠ কাণ্ড )

৬। মহাভারত । ইং ১৮৩৬ । পৃ. ৪২৪ ।

The MUHABHARUT : Translated into Bengalee Verse By  
KASEE DASS ; and Revised and collated with various manue-  
cripts, By Joy Gopal Turkulunkar, of the Government Sungskrit  
College, Calcutta, in two volumes. Vol. I. Printed at the Seram-  
pore Press. 1836.

মহাভারত । আদি সভা বন পর্ব । গোড়ীয় ভাষাতে কাশীদাস  
কর্তৃক পদ্য রচিত । সুপণ্ডিত শ্রীযুক্ত জয়গোপাল তর্কালঙ্কার ভট্টাচার্য্য-  
কর্তৃক সংশোধিত হইল । দুই বালম । তন্মধ্যে প্রথম বালম ।  
শ্রীরামপুরের মুদ্রাযন্ত্রালয়ে মুদ্রাক্রিত হইল । শ্রীরামপুরের ছাপাখানাতে  
অথবা কলিকাতার লালগির্জার ছাপাখানায় ডিরোজার সাহেবের  
দ্বারা বিক্রয় । ১৮৩৬ ।

ইহার “দ্বিতীয় বালম”-এর আখ্যা-পত্রও পূর্ববৎ । এই “বালমে”  
“বিরাটাদি অবশিষ্ট পর্ব” আছে । ইহাও ১৮৩৬ খ্রীষ্টাব্দে প্রকাশিত হয়,  
পৃষ্ঠা-সংখ্যা ৫২১ ।

জয়গোপালের সংশোধিত মহাভারতই আধুনিক কাল পর্য্যন্ত সর্বত্র  
প্রচারিত । আমরা ইহার কিয়দংশ উদ্ধৃত করিতেছি :—

দেখ দ্বিজ মনসিজ জিনিয়া মুরতি ।

পদ্ম পত্র যুগ্ম নেত্র পরশয়ে শ্রুতি ॥

অনুপম তনুশ্রাম নীলোৎপল আভা ।

মুখরুচি কত শুচি করিয়াছে শোভা ॥

সিংহগ্রীব বন্ধুজীব অধরের তুল ।

ধগরাজ করে লাজ নাসিকা অভুল ॥

দেখ চারু যুগ্ম ভুরু ললাট প্রসর ।

কি সানন্দ গতি মন্দ মন্ত করিবার ॥

ভুজযুগে নিন্দে নাগে আজানু লম্বিত ।

করিকর যুগবর জানু স্তবলিত ।

বুকপাটা দস্তছটা জিনিয়া দামিনী ।

দেখি এরে ধৈর্য্য ধরে কোথা কে কামিনী ॥

মহাবীর্য্য যেন সূর্য্য ঢাকিয়াছে মেঘে ।  
 অগ্নিঅংশু যে পাংশু আচ্ছাদিল নাগে ॥  
 এইক্ষণে লয় মনে বিক্রিবেক লক্ষ ।  
 কাশী ভণে কৃষ্ণজনে কি কস্ম অশক্য ॥—আদিপর্ব্ব  
 তুমি দেব নারায়ণ সভার উপর ।  
 তোমাতে আচ্ছন্ন এই যত চরাচর ॥  
 তোমার মায়ায় বদ্ধ আছে যত প্রাণী ।  
 সম স্নেহ সভাকারে কর চক্রপাণি ।  
 তোমা হইতে আইসে প্রাণী তোমাতে মিলায় ।  
 বিধাতা করেন সৃষ্টি তোমার কৃপায় ॥  
 আপনি পালন সৃষ্টি কর সভাকার ।  
 তোমার আজ্ঞায় শিব করেন সংহার ॥  
 তুমি সৃষ্টি তুমি স্থিতি প্রলয় কারণ ।  
 তুমি ধাতা তুমি কর্ত্তা তুমি পঞ্চানন ॥  
 স্মৃতি কুমতি তুমি স্মৃষ্টি মন্ত্রণা ।  
 তোমাইহতে বিভিন্ন নাহিক কোন জনা ॥  
 যত জীব তত শিব ঘটেতে তোমার ।  
 বসিয়া প্রাণির ঘটে করহ বিহার ॥  
 তুমি যে করিবা দেব সেই কস্ম হয় ।  
 তুমি বল কালে করে এ বড় বিশ্বয় ॥  
 সেই কাল আপনি হইলা নারায়ণ ।  
 কালেতে নিযুক্ত করি করাও নিধন ॥  
 যত কিছু দেখ নাথ তোমার তরঙ্গ ।  
 সংহার করিয়া সব বসি দেখ রঙ্গ ॥—শ্রীপর্ব্ব

৭। পারসীক অভিধান। ইং ১৮৩৮। পৃ. ৮৪।

পারসীক অভিধান অর্থাৎ পারসীক শব্দস্থলে স্বদেশীয় সাধুশব্দ সংগ্রহ শ্রীজয়গোপাল তর্কালঙ্কার কর্তৃক সংগৃহীত শ্রীরামপুরে মুদ্রিত হইল। সন ১২৪৫ সাল।

“এই ভারতবর্ষে প্রায় নয় শত বৎসর হইল যবন সঞ্চার হওয়াতে তৎসমভিব্যাহারে যাবনিক ভাষা অর্থাৎ পারসী ও আরবী-ভাষা এই পুণ্যভূমিতে অধিষ্ঠান করিয়াছে অনন্তর ক্রমে যেমন যবনেরদের ভারতবর্ষাধিপত্য বৃদ্ধি হইতে লাগিল তেমন রাজকীয় ভাষা বোধে সর্বত্র সমাদর হওয়াতে যাবনিক ভাষার উত্তরোত্তর এমত বৃদ্ধি হইল যে অত্র সকল ভাষাকে পরাস্ত করিয়া আপনি বন্ধিযু হইল এবং অনেক অনেক স্থানে বঙ্গভাষাকে দূর করিয়া স্বয়ং প্রভুত্ব করিতে লাগিল বিষয় কর্ত্তে বিশেষত বিচারস্থানে অত্র ভাষার সম্পর্কও রাখিল না তবে যে কোন স্থলে অত্র ভাষা দেখা যায় সে কেবল নাম মাত্র। সুতরাং আমাদের বঙ্গভাষার তাদৃশ সমাদর না থাকাতে এইক্ষণে অনেক সাধুভাষা লুপ্তপ্রায় হইয়াছে এবং চিরদিন অনালোচনাতে বিস্মৃতিকূপে মগ্ন হইয়াছে ষত্বেপি তাহার উদ্ধার করা অতি দুঃসাধ্য তথাপি আমি বহুপরিশ্রমে ক্রমে ক্রমে শব্দ সঙ্কলন করিয়া সেই বিদেশীয় ভাষাস্থলে স্বদেশীয় সাধুভাষা পুনঃ সংস্থাপন করিবার কারণ এই পারসীক অভিধান সংগ্রহ করিলাম। ইহাতে বিজ্ঞ মহাশয়েরা বিশেষরূপে জানিতে পারিবেন যে স্বকীয় ভাষার মধ্যে কত বিদেশীয় ভাষা লুক্কায়িত হইয়া চিরকাল বিহার করিতেছে এবং তাহার। আর বিদেশীয় ভাষার অপেক্ষা না করিয়াই কেবল স্বদেশীয় ভাষা দ্বারা লিখন পঠন ও কথোপকথনাদি ব্যবহার করিয়া আপ্যায়িত হইবেন এবং স্বকীয় বস্তু সঙ্গে পরকীয় বস্তু ব্যবহার

করাতে যে লজ্জা ও গ্লানি তাহা হইতে মুক্ত হইতে পারিবেন এবং প্রধান ও অপ্রধান বিচারস্থলে বিদেশীয় ভাষা ও অক্ষর ব্যবহার না করিয়া স্বদেশ ভাষা ও অক্ষরেতেই বিচারীয় লিপ্যাদি করিতে সম্প্রতি যে রাজাজ্ঞা প্রকাশ হইয়াছে তাহাতেও সম্পূর্ণ উপকার প্রাপ্ত হইতে পারিবেন।

এই গ্রন্থে প্রায় পঞ্চশতাব্দিক দ্বিসহস্র চলিত শব্দ অকারাদি প্রত্যেক বর্ণক্রমে সূচী করিয়া বিস্তৃত করা গিয়াছে ইহার মধ্যে পারসীক শব্দই অধিক কচিৎ আরবীয় শব্দও আছে...” (ভূমিকা)

৮। বঙ্গাভিধান। ইং ১৮৩৮। পৃ. ১০৪।

“বঙ্গাভিধান।—স্বস্তি সমস্ত বিজ্ঞ মহাশয়েরদের বিজ্ঞাপন কারণ আমার এই নিবেদন। বঙ্গভূমি নিবাসি লোকের যে ভাষা সে হিন্দুস্থানীয় অন্তঃ ভাষা হইতে উক্তমা যে হেতুক অন্তঃভাষাতে সংস্কৃত ভাষার সম্পর্ক অত্যন্ত কিঞ্চ বঙ্গভাষাতে সংস্কৃতভাষার প্রাচুর্য আছে বিবেচনা করিলে জানা যায় যে বঙ্গভাষাতে প্রায়ই সংস্কৃত শব্দের চলন যতপি ইদানীং ঐ সাধুভাষাতে অনেক ইতর ভাষার প্রবেশ হইয়াছে তথাপি বিজ্ঞ লোকেরা বিবেচনা পূর্বক কেবল সংস্কৃতভাষায় ভাষা লিখিতে ও তদ্বারা কথোপকথন করিতে চেষ্টা করিলে নির্বাহি করিতে পারেন এই প্রকার লিখন পঠন ধারা অনেক প্রধান স্থানে আছে। এবং ইহাও উচিত হয় যে সাধু লোক সাধুভাষাচারাই সাধুতা প্রকাশ করেন অসাধুভাষা ব্যবহার করিয়া অসাধুর গায় হান্ধ্যাম্পদ না হইয়েন। অতএব এই বঙ্গভূমীয় ভাষা লোকের বোধগম্য অথচ সর্বদা ব্যবহারে উচ্চার্যমান যে সকল শব্দ প্রসিদ্ধ আছে সেই সকল শব্দ লিখনে ও পরস্পর কথোপকথনে হ্রস্ব দীর্ঘ

বহু গণ জ্ঞান ব্যতিরেকে সংস্কৃতানভিজ্ঞ বিশিষ্ট বিষয়ি লোকের মানসিক ক্ষোভ সদা জন্মে তদৌষ পরিহারার্থ বঙ্গভাষা সংক্রান্ত সংস্কৃত শব্দ সকল সংকলনপূর্বক ( বঙ্গাভিধান ) নামক এক পুস্তক সংগ্রহ করিয়া মুদ্রাঙ্কিত করিতে প্রবৃত্ত হইলাম ।...এই গ্রন্থের বিশেষ সৌষ্ঠবার্থ এক দিকে তত্তদর্থক ইঙ্গলণ্ডীয় ভাষারও বিচ্যাস করা গেল তাহাতে ইঙ্গলও ভাষা ব্যবসায়ি লোকেরদের উভয় পক্ষেই মহোপকার সম্ভাবনা আছে... । শ্রীজয়গোপালশর্মণঃ । ( 'সমাচার দর্পণ,' ২৫ আগষ্ট ১৮৩৮ )

“বঙ্গাভিধান গ্রন্থ শ্রীরামপুরস্থ মুদ্রাঘন্টে উত্তম কাগজে উত্তম বাঙ্গলা অক্ষরে মুদ্রাঙ্কিত হইয়াছে পুস্তকের পত্র পৃষ্ঠ সংখ্যা এক শত চারি হইয়াছে স্তত্রাং মূল্য ১ টাকার ন্যূন করিতে পারা গেল না । ( 'সমাচার দর্পণ,' ৩০ নবেম্বর ১৮৩৯ )

ইহা ছাড়া জয়গোপাল ১৮৩৪ খ্রীষ্টাব্দে গঙ্গাদাসের 'ছন্দোমঞ্জরী' ( পৃ. ৩১ ) ও চিরঞ্জীব ভট্টাচার্যের 'সুন্দরত্নাবলী' ( পৃ. ১৫ ) মুদ্রিত করিয়াছিলেন ।\*

১৮৩৭ খ্রীষ্টাব্দে বঙ্গীয় এশিয়াটিক সোসাইটি হইতে দেবনাগর অক্ষরে 'শ্রীমহাভারত' প্রকাশিত হয় ; ইহার তৃতীয় খণ্ড যে তিন জন পণ্ডিত কর্তৃক “পরিশোধিত” হয়, জয়গোপাল তর্কালঙ্কার তাঁহাদের অঙ্গতম ।

\* 'সংবাদপত্রে সেকালের কথা', ২য় খণ্ড ( ২য় সংস্করণ ), পৃ. ১৫৭ দ্রষ্টব্য ।



# মদনমোহন তর্কালঙ্কার

১৮১৭-১৮৫৮

উনবিংশ শতাব্দীর প্রথমার্ধে বাংলা দেশে যে কয় জন কবি অনগ্রহণ করিয়াছিলেন, মদনমোহনের স্থান তাঁহাদের মধ্যে প্রায় পুরোভাগে ছিল। কিন্তু বিষয়াস্তরে মনোনিবেশ করিয়া তিনি তাঁহার কবি-সম্মান নিজেই বর্জন করিয়াছেন এবং বাংলা দেশও এক জন সত্যকার কবিকে হারাইয়াছে। তাঁহার কবি-প্রতিভার যেটুকু পরিচয় ছাপার অক্ষরে মুদ্রিত হইয়া আছে, তাহা দেখিয়া আজ আমরা আক্ষেপ মাত্র করিতে পারি। যে “পাখী সব করে রব রাতি পোহাইল” কবিতার প্রভাবেই এক দিন বাংলা দেশের শিশুসমাজ মুগ্ধ হইয়াছিল এবং যাহা আজিও শিশুরা মুখে মুখে আবৃত্তি করিয়া থাকে, তাহা মদনমোহনেরই রচনা। ‘শিশুশিক্ষা’র তাঁহার দান কোন দিন অস্বীকৃত হইবে না। বিদ্যাসাগর মহাশয়ের কৃতিত্বের সহিত মদনমোহনের কৃতিত্ব বহু স্থলে অঙ্গাঙ্গীভাবে যুক্ত হইয়া গিয়াছে। তাঁহার জীবনী-আলোচনায় আমরা ‘বাসবদত্তা’র কবি মদনমোহনকে বারংবার স্মরণ করিতেছি। বাংলা দেশে স্ত্রীশিক্ষা-প্রচারে যে কয় জন ব্রতী হইয়াছিলেন, মদনমোহন তাঁহাদের অন্ততম প্রধান। তিনি শেষ জীবনে সাহিত্য ও সমাজ হইতে দূরে চলিয়া গেলেও তাঁহার প্রথম জীবনের কীর্তি তাঁহাকে অমরতা দান করিয়াছে।

## বাল্য-জীবন

১৮১৭ খ্রীষ্টাব্দে\* নদীয়া জেলার অন্তর্গত প্রসিদ্ধ বিল্বগ্রামে মদনমোহন তর্কালঙ্কারের জন্ম হয়। তাঁহার পিতার নাম রামধন চট্টোপাধ্যায়।

মদনমোহনের ছাত্রজীবন সম্বন্ধে “সংস্কৃত কলেজের রিপোর্ট পুস্তক হইতে” তথ্য সংগ্রহ করিয়া তাঁহার জামাতা যোগেন্দ্রনাথ বিদ্যাভূষণ লিখিয়াছিলেন :—

১৮২৯ খ্রীষ্টাব্দের জানুয়ারি মাসে তর্কালঙ্কার মহাশয়...সংস্কৃত-কলেজে প্রবিষ্ট হন। তাঁহাদের তৎকালে বয়স দ্বাদশ বৎসর ছিল। ঐ বৎসরের ডিসেম্বর [জুন?] মাসে ঈশ্বরচন্দ্র বিদ্যাসাগর মহাশয় সংস্কৃত-কলেজে প্রথম প্রবিষ্ট হন।...তর্কালঙ্কার ও বিদ্যাসাগর এক শ্রেণীতে ব্যাকরণ অধ্যয়ন করিতে লাগিলেন। উদারচিত্ত ও অসাধারণ প্রতিভায় উভয়ের কেহ কাহার ন্যূন ছিলেন না। প্রথম পুরস্কার ইঁহাদিগের দুই জন ব্যতীত অপর কেহ পাইতে পারিত না। ক্রমে ক্রমে তর্কালঙ্কার ও বিদ্যাসাগর পরস্পরের প্রতি অতিশয় আসক্ত হইয়া পড়িলেন।...তিন বৎসরকাল ব্যাকরণ শ্রেণীতে যুগ্মবোধ পাঠ করিয়া উভয়েই সাহিত্য শ্রেণীতে উঠিলেন।...তৎকালে জয়গোপাল তর্কালঙ্কার সাহিত্যের অধ্যাপক ছিলেন।...দুই বৎসর সাহিত্য শ্রেণীতে অধ্যয়ন করিয়া উভয় বন্ধুই অলঙ্কার শ্রেণীতে অলঙ্কার পাঠ আরম্ভ করেন। সুধীবর প্রেমচাঁদ তর্কবাগীশ তৎকালে অলঙ্কারের অধ্যাপক ছিলেন।...

\* সংস্কৃত কলেজের নথিপত্রে প্রকাশ, ২৭ আগস্ট ১৮৪৭ তারিখে মদনমোহনের বয়স ছিল “৩১”; ৩ জানুয়ারি ১৮৪৮ তারিখে বয়স ছিল “৩২”। এই বয়সের হিসাব মদনমোহনেরই দেওয়া।

অলঙ্কার শ্রেণীতে দুই বৎসর পাঠ করিয়া তর্কালঙ্কার ও বিদ্যাসাগর কিছুদিন জ্যোতিষ শাস্ত্র পাঠ করেন। জ্যোতিষের পর কিছুদিন দর্শনশাস্ত্র পাঠ করিয়া স্মৃতি শ্রেণীতে স্মৃতি পাঠারম্ভ করেন।...

স্মৃতি শ্রেণীতে তিন বৎসর অধ্যয়ন করিয়া তৃতীয় বৎসরের শেষে স্মৃতি শাস্ত্রে পরীক্ষা দেন।...তর্কালঙ্কার ও বিদ্যাসাগর উভয়েই এই স্মৃতি পরীক্ষায় উত্তীর্ণ হইয়া জজপণ্ডিতের সাটিফিকেট প্রাপ্ত হন।\* এই পরীক্ষার পর ১৮৪২ খৃঃঅব্দে তর্কালঙ্কার বিদ্যালয়-জীবন সমাপ্ত করেন।†

## ঢাকুরী

হিন্দুকলেজ পাঠশালা : সংস্কৃত কলেজের শিক্ষা সমাপ্ত করিয়া, মদনমোহন ১৮৪২ খ্রীষ্টাব্দে দুই মাস কাল হিন্দুকলেজ-সংলগ্ন পাঠশালায় শিক্ষকতা করিয়াছিলেন। রামচন্দ্র বিদ্যাবাগীশ এই প্রতিষ্ঠানের প্রধান পণ্ডিত ছিলেন ; তিনি ১ জানুয়ারি ১৮৪২ তারিখে সংস্কৃত কলেজের সহকারী সম্পাদক হন। খুব সম্ভব, তাঁহারই স্থলে বাংলা পাঠশালায় মদনমোহন নিযুক্ত হইয়াছিলেন।

\* বিদ্যাসাগর ২২ এপ্রিল ১৮৩৯ তারিখে হিন্দু-ল কমিটির পরীক্ষা দিয়া পর-মাসে প্রশংসাপত্র লাভ করেন। মদনমোহন হিন্দু-ল কমিটির পরীক্ষা দেন—৩১ ডিসেম্বর ১৮৪১ তারিখে ; শিক্ষা-বিভাগীয় রিপোর্টে ইহার উল্লেখ আছে।

† যোগেন্দ্রমাথ বন্দ্যোপাধ্যায় (বিদ্যাভূষণ) : 'কবির ৬ মদনমোহন তর্কালঙ্কারের জীবনচরিত ও তদগ্রন্থসমালোচনা' ( সংবৎ ১৯২৮ ), পৃ. ১-৭।

বারাসত গবর্নেন্ট বিদ্যালয় : বো গেন্দ্র নাথ বি দ্যা ভূষণ  
লিখিয়াছেন, কলিকাতায় বাংলা পাঠশালার প্রধান শিক্ষকের পদে কার্য  
করিবার পরে মদনমোহন এক বৎসর বারাসত গবর্নেন্ট বিদ্যালয়ের প্রথম  
পণ্ডিতের কার্য করেন।

ফোর্ট উইলিয়ম কলেজ : ১৮৪৩ খ্রীষ্টাব্দের এপ্রিল মাস হইতে  
১৮৪৫ খ্রীষ্টাব্দের ডিসেম্বর মাস পর্যন্ত মদনমোহন ফোর্ট উইলিয়ম কলেজে  
পণ্ডিতী করেন।

কৃষ্ণনগর কলেজ : তৎপরে মদনমোহন ১৮৪৬ খ্রীষ্টাব্দের  
জানুয়ারি হইতে জুন মাস পর্যন্ত কৃষ্ণনগর কলেজে পণ্ডিতের কার্য  
করিয়াছিলেন।

কলিকাতা সংস্কৃত কলেজ : সংস্কৃত কলেজের সাহিত্য-  
শাস্ত্রাধ্যাপক জয়গোপাল তর্কালঙ্কারের মৃত্যু হইলে, মদনমোহন তাঁহার  
স্থলে ৯০ বেতনে নিযুক্ত হন। সংস্কৃত কলেজের সম্পাদক রসময় দত্ত  
এই ৯০ বেতনের পদটি ঈশ্বরচন্দ্র বিদ্যাসাগরকে দিতে ইচ্ছা প্রকাশ  
করিয়াছিলেন। বিদ্যাসাগর এই সময়ে ৫০ বেতনে সংস্কৃত কলেজের  
সহকারী সম্পাদক; কিন্তু তিনি ঐ পদ গ্রহণ না করিয়া, সতীর্থ  
মদনমোহনকে দিতে অস্বীকার করেন। সংস্কৃত কলেজে মদনমোহনের  
নিয়োগ-কাল—২৭ জুন ১৮৪৬।

চারি বৎসর সংস্কৃত কলেজে সাহিত্যশাস্ত্রাধ্যাপকের পদ অলঙ্কৃত  
করিবার পর মদনমোহন ৫ নবেম্বর ১৮৫০ তারিখে পদত্যাগ-পত্র দাখিল  
করেন। তিনি পরবর্তী ১৫ই নবেম্বর পর্যন্ত সংস্কৃত কলেজে ছিলেন।  
কাউন্সিল-অব-এডুকেশন তাঁহার পদত্যাগে এইরূপ মন্তব্য করেন :—

Ordered to be recorded with an expression of the high opinion entertained by the Council for the zeal and ability with which Pundit Muddonmohun Tarkalankar performed his duties during his connection with the Sanskrit College.

জজ-পণ্ডিত ও ডেপুটি ম্যাজিষ্ট্রেট : ১৮৫০ খ্রীষ্টাব্দের নবেম্বর মাসে সংস্কৃত কলেজ ত্যাগ করিয়া মদনমোহন মুর্শিদাবাদের জজ-পণ্ডিত হন। তিনি এই পদে পাঁচ বৎসর কার্য্য করিবার পর ১৮৮৫ খ্রীষ্টাব্দের ডিসেম্বর মাসে ডেপুটি ম্যাজিষ্ট্রেট হইয়াছিলেন। তাঁহার স্থলে শ্রীশচন্দ্র বিদ্যারত্ন ( ইনি প্রথম বিধবা-বিবাহ করেন ) জজ-পণ্ডিত নিযুক্ত হন। মুর্শিদাবাদে এক বৎসর ডেপুটি ম্যাজিষ্ট্রেটের কার্য্য করিয়া মদনমোহন কান্দীর ডেপুটি ম্যাজিষ্ট্রেট হইয়াছিলেন।

## কীৰ্ত্তি-কথা

সংস্কৃত-যন্ত্র : ১৮৪৭ খ্রীষ্টাব্দে মদনমোহনের উদ্যোগে কলিকাতায় সংস্কৃত যন্ত্রের প্রতিষ্ঠা হয়। বিদ্যাসাগর মহাশয় লিখিয়াছেন :—

যৎকালে আমি ও মদনমোহন তর্কালঙ্কার সংস্কৃত কলেজে নিযুক্ত ছিলাম ; তর্কালঙ্কারের উদ্যোগে, সংস্কৃতযন্ত্র নামে একটি ছাপাখানা সংস্থাপিত হয়। ঐ ছাপাখানায়, তিনি ও আমি, উভয়ে সমাংশভাগী ছিলাম। ( ‘নিষ্কৃতিলভপ্রদান’ )

সেকালে সংস্কৃত যন্ত্রের বিলক্ষণ সুনাম ছিল। বহু উল্লেখযোগ্য গ্রন্থই এখানে মুদ্রিত হইয়াছিল। “কৃষ্ণনগরের রাজবাটীর মূল পুস্তক দৃষ্টে পরিশোধিত” ভারতচন্দ্র রায়ের ‘অন্নদামঙ্গল’ এই যন্ত্রে মুদ্রিত সর্বপ্রথম গ্রন্থ।

হিন্দু বালিকা-বিদ্যালয় : ১৮৪৯ খ্রীষ্টাব্দে কলিকাতায় ভারত-  
হিতৈষী ডিক্‌ওয়াটার বীটন ( বেথুন ) কর্তৃক হিন্দু বালিকা-বিদ্যালয়  
( বর্তমান বীটন কলেজ ) স্থাপিত হয়। ইহার প্রতিষ্ঠার সঠিক ইতিহাস  
সমসাময়িক সংবাদপত্র হইতে সংক্ষিপ্ত আকারে নিম্নে উদ্ধৃত হইল :—

আমরা আনন্দিত হইয়া প্রকাশ করিতেছি গত সোমবার  
[ ৭ মে ১৮৪৯ ] হিন্দুজাতীয়া বালিকারা বিদ্যালয়ে যাইয়া বিদ্যারম্ভ  
করিয়াছেন, বাহির শিমুলিয়া পল্লীতে শ্রীযুত বাবু দক্ষিণারঞ্জন  
মুখোপাধ্যায়ের যে বৈঠকখানা আছে উদ্যানমধ্যস্থ ঐ প্রশস্ত রম্য গৃহ  
বালিকাদিগের শিক্ষালয় হইয়াছে, চতুর্দিকে উচ্চ প্রাচীর বেষ্টিত  
বাগানের দক্ষিণদিগে দক্ষিণবাবু একমাত্র দ্বার রাখিয়াছেন, সে দ্বারে  
প্রহরী থাকিলেই স্ত্রীলোক ভিন্ন অন্য পুরুষ কেহ তথায় প্রবেশ  
করিতে পারিবেন না, ...বিদ্যালয় প্রতিষ্ঠার প্রথম দিবসেই অনেক ভদ্র  
বালিকারা তথায় গমন করিয়াছিলেন, শিক্ষাদাত্রী এক সচ্চারিত্রা  
বিবী তাঁহারদিগের মনোরঞ্জন করিয়াছেন, ...আপাততঃ শিক্ষাদানের  
নিয়ম হইয়াছে প্রাতঃকালাবধি নয় ঘণ্টা পর্যন্ত বালিকারা শিক্ষা  
করবেন, ...।

প্রথম দিবস একবিংশতি বালিকা উপস্থিত হইয়াছিলেন, ...বেথুন-  
সাহেবকে এবং উদ্যোগকারি বান্ধবগণকে ধন্যবাদ দিয়া শ্রীযুত বাবু  
দক্ষিণারঞ্জন মুখোপাধ্যায় মহাশয়ের সাধুবাদ করি, উক্ত বাবু এক  
শত টাকা ভাড়ার উপযুক্ত বৈঠকখানা বিদ্যালয়ার্থ অর্জন করিয়াছেন,  
বিদ্যালয়ের উপযুক্ত স্থান যে পর্যন্ত প্রস্তুত না হয় তন্মধ্যে দক্ষিণবাবু  
তাঁহার বৈঠকখানার ভাড়া লইবেন না, এবং উক্ত বাবু ১০০০ সহস্র  
টাকা মূল্যে মৃগাপুরে সাড়ে পাঁচ বিঘা ভূমি ক্রয় করিয়াছিলেন

বিদ্যালয় করণার্থ ঐ ভূমি প্রদান করিয়াছেন। ( 'সম্বাদ ভাস্কর,' ১০ মে ১৮৪৯, বৃহস্পতিবার )

...এতদ্ভিন্ন বিদ্যালয় প্রস্তুত করণ কালে এক সহস্র টাকা দিবেন, আর ঐ বিদ্যালয়ের জ্ঞান পুস্তক যাহার মূল্য ৫০০০ সহস্র টাকার ন্যূন নহে তাহাও দিতে স্বীকার করিলেন, ঐ সকল পুস্তক যথায় আছে আমরা তাহা জানি, এবং ইহাও বিশ্বাস করি দক্ষিণ-বাবু যাহা স্বীকার করিয়াছেন তাহার অগ্রথা হইবেক না, বিশেষতঃ সাহেবের সহিত কথোপকথনান্তর বাটীতে আসিয়া এক পত্রমধ্যে এই সকল বিষয় লিখিয়া বেখুন সাহেবের নিকট পাঠাইয়া দিয়াছেন এবং সাহেবও লিখিয়াছেন তিনি সন্তোষপূর্বক এই সকল দান গ্রহণ করিলেন। ( 'সম্বাদ ভাস্কর,' ১৮ মে ১৮৪৯ )

...বাবু দক্ষিণারঞ্জন মুখোপাধ্যায় উক্ত সাহেবের অভিপ্রায় জানিতে পারিয়া এমত সদ্ব্যাপারে যৎকিঞ্চিৎ আনুকূল্য করণার্থ সাহেবকে এক খণ্ড ভূমি দান করেন তাহার মূল্য ন্যূনাধিক ১২০০০ দ্বাদশ সহস্র মুদ্রা। সেই ভূমির নিকটবর্ত্তি আর এক খণ্ড ভূমি ছিল কিয়ন্মাস গত হইল সাহেব তাহা স্বয়ং ক্রয় করেন সে খণ্ডের মূল্য প্রায় ১০০০০ টাকা কিন্তু ঐ দুই খণ্ড ভূমি নগরের প্রান্ত ভাগে স্থিত হওয়াতে সেখানে অভিপ্রেত বিদ্যালয়ের নিৰ্ম্মাণ না করিয়া স্থানান্তরে করা অভিমত হইয়াছে অতএব সিমুলিয়ার অন্তঃপাতি হেছুরা পুষ্করিণীর পশ্চিমে উত্তম সরকারী ভূমি থাকাতে সাহেব গবর্ণমেন্টের নিকট স্বাভিপ্রায় ব্যক্ত করিয়া উক্ত দুই খণ্ড ভূমির বিনিময়ে হেছুরা পুষ্করিণীর পশ্চিম দিকস্থ ঐ ভূমি প্রাপ্ত হইয়াছেন এবং ঐ স্থলেই বালিকাদের অধ্যয়নার্থ এক সুশোভিত বৃহৎ অট্টালিকা নিৰ্ম্মাণ করিতে উত্তম হইয়াছেন। ঐ অট্টালিকা

নির্মাণে ৪০০০০ টাকা ব্যয় হইবে তাহার অদূরে বালিকাদিগের শিক্ষাদায়িনী বিবিব গৃহ নির্মাণ হইবে তাহাতেও ১৬০০০ টাকা ব্যয় হইবে অপর দৌবারক প্রভৃতি ভৃত্যদিগের গৃহ এবং ভূমি বেষ্টক প্রাচীর কথিতে হইবেক তাহাতেও পাঁচ ছয় সহস্র টাকার প্রয়োজন। অতএব ঐ বিদ্যালয়ের নির্মাণার্থ প্রায় ৬২০০০ টাকা ব্যয় হইবে এবং গবর্ণমেন্ট যে ভূমি পরিবর্তে হেডুয়া পুঙ্করিণীর পশ্চিমদিকস্থ ভূমি দান করিয়াছেন তাহার মূল্য ২২০০০ টাকা সুতরাং সর্বমুদ্র ৮৪০০০ টাকা হইবেক। বেথুন সাহেব স্বয়ং এই বিপুল অর্থ দান করিতেছেন তাহাতেও কেবল দক্ষিণারঙ্গন বাবু ১২০০০ টাকার ভূমি দিয়া আমাদের দেশের মান যৎকিঞ্চিৎ রক্ষা করিয়াছেন। ( 'সংবাদ সুধাংশু,' ১৩ ভাদ্র ১২৫৭ )

গত পরশ্ব সায়াছে স্ত্রী বিদ্যালয়ের শিলারোপ হইল শ্রীযুত ডেপুটী গবর্ণর স্মর জান লিটলর মহোদয়ের অধিষ্ঠান হওয়াতে সমস্ত সম্ভ্রান্ত রাজকায় কর্মচারি ইউরোপীয় মহাশয়ের ও এতদেশীয় বহু ধনি মানি বিদ্বজ্জনের সমাগমে বিদ্যালয়ের অতিপ্রশস্ত ভূমিও অতি সংকীর্ণ হইয়াছিল। ইংরাজদিগের যেই নিয়মে প্রাসাদ বা সাধারণ বিদ্যালয়ের নির্মাণারম্ভ হয় সেই সমুদয়ে নিয়ম সহিত মহামহা সমারোহ সহ স্ত্রী বিদ্যালয়ের শিলারোপ হইয়াছে।...এই বিদ্যালয়ের স্থাপন কাল স্মরণ নিমিত্ত লেডী লিটলর কর্তৃক যে এক বৃক্ষ প্রতিষ্ঠিত হইল তাহার প্রক্রিয়াও আমাদের দেশের বৃক্ষ প্রতিষ্ঠার ব্যাপার হইতে অতিশয় বিভিন্ন নয় ফলে বৃক্ষের তলে পুষ্পাদি অর্পণ হইয়াছিল বোধ হয় কোন মস্ত পাঠও হইয়া থাকিবেক। ( 'সংবাদ পূর্ণচন্দ্রোদয়,' ৮ নবেম্বর ১৮৫০ । )

এই বালিকা-বিদ্যালয় প্রতিষ্ঠিত হইবার পূর্বে সম্ভ্রান্ত ঘরের কন্যাদের



প্রকাশ্য বিদ্যালয়ে শিক্ষালাভের যথেষ্ট বাধা ছিল। প্রধানতঃ যে তিন জন কৃত্তী বঙ্গসন্তানের সাহায্যে এই বাধা দূরীভূত হয়, তাঁহারা আর কেহই নহেন.—বামগোপাল ঘোষ, দক্ষিণারঞ্জন মুখোপাধ্যায় ও মদনমোহন তর্কালঙ্কার। মদনমোহন স্ত্রীশিক্ষার বিশেষ পক্ষপাতী ছিলেন। তিনি নিজের দুই কন্যা—ভুবনমালা ও কুম্ভমালাকে বীটনের হিন্দু বালিকা-বিদ্যালয়ে পাঠাইয়া সংসাহসের পরিচয় দিয়াছিলেন। শুধু তাহাই নহে, তিনি বিনা বেতনে প্রতিদিন এই বিদ্যালয়ের বালিকাদের শিক্ষা দান করিয়াছেন এবং ‘শিশুশিক্ষা’ রচনা করিয়া তাহাদের পাঠ্য পুস্তকের অভাব অনেকটা মোচন করিয়াছিলেন। ২৯ মার্চ ১৬৫০ তারিখে বীটন এই বালিকা-বিদ্যালয় সম্পর্কে গবর্নর-জেনারেল ডালহাউসিকে যে পত্র লেখেন, তাহাতে মদনমোহনের সাহায্য সম্বন্ধে যে উক্তি করিয়াছিলেন, তাহা প্রণিধানযোগ্য ; তিনি লেখেন :—

The three Natives to whom I desire specially to record my gratitude for their assistance are Babu Ram Gopal Ghose, the well known merchant who was my principal adviser in the first instance and who procured me my first Pupils, Baboo Dukkina Runjin Mookerjea, a Zemindar, who was previously unknown to me, but who as soon as my design was published, introduced himself to me for the purpose of offering me, the free gift of a site for the school, or five beegahs of land valued at 10,000 Rupees in the Native quarter of the town and Pundit Madun Mohun Turkalunkar, one of the pundits of Sanscrit College, who not only sent two daughters to the school, but has continued to attend it daily, to give gratuitous instruction to the children in Bengali, and has employed his leisure time in the compilation of series of elementary Bengali Books expressly for their use.

স্ত্রীশিক্ষা-বিস্তারে আন্দোলন : দেশে যাহাতে স্ত্রীশিক্ষার প্রসার হয়, মদনমোহন তাহার জন্য সাময়িক পত্রে প্রবন্ধাদিও লিখিয়াছেন। রাজনারায়ণ বসু ‘আম্ন-চরিতে’ মদনমোহন সম্বন্ধে লিখিয়াছেন :—

ইনি ও ঈশ্বরচন্দ্র বিদ্যাসাগর মহাশয় 'সর্বশুভকরী' নামে পত্রিকা বাহির করেন। এই পত্রিকাতে স্ত্রীশিক্ষার আবশ্যিকতা বিষয়ে একটি প্রস্তাব তর্কালঙ্কার মহাশয় লিখিয়াছিলেন। স্ত্রীশিক্ষা বিষয়ক ঐরূপ উৎকৃষ্ট প্রস্তাব অত্যাধি বঙ্গভাষায় প্রকাশিত হয় নাই। তর্কালঙ্কার মহাশয় বিদ্যগ্রামের একজন ভট্টাচার্য্য হইয়া সমাজসংস্কার কার্য্যে যেরূপ উৎসাহ প্রকাশ করিয়াছিলেন, তৎসঙ্গে তিনি সহস্র সাধুবাদের উপযুক্ত। ( পৃ. ৩৩ )

প্রকৃতপক্ষে ঈশ্বরচন্দ্র বা মদনমোহন কেহই 'সর্বশুভকরী পত্রিকা' সম্পাদন করেন নাই। পত্রিকাখানি ঠনঠনিয়ার সর্বশুভকরী সভার মুখপত্র ছিল। ইহার প্রথম সংখ্যার প্রকাশকাল—আগস্ট ১৮৫০ ( ভাদ্র ১২৫৭ )। পত্রিকায় সম্পাদক-রূপে মতিলাল চট্টোপাধ্যায়ের নাম মুদ্রিত হইত। কি স্মৃত্তে ইহাতে বিদ্যাসাগর বা মদনমোহন তর্কালঙ্কারের রচনা স্থান পাইয়াছিল, বিদ্যাসাগর-সহোদর শম্ভুচন্দ্র বিদ্যারত্ন তাহা লিখিয়া গিয়াছেন ; উহা এইরূপ :—

হিন্দু-কলেজের সিনিয়র ডিপার্টমেন্টের ছাত্রগণ ঐক্য হইয়া, সর্ব-শুভকরী নামক মাসিক সংবাদপত্রিকা প্রকাশ করেন। উক্ত সংবাদপত্রের অধ্যক্ষ বাবু রাজকৃষ্ণ মিত্র প্রভৃতি অসুরোধ করিয়া, অগ্রজকে বলেন যে, "আমাদের এই নূতন কাগজে প্রথম কি লেখা উচিত, তাহা আপনি স্বয়ং লিখিয়া দিন। প্রথম কাগজে আপনার রচনা প্রকাশ হইলে, কাগজের গৌরব হইবে এবং সকলে সমাদরপূর্বক কাগজ দেখিবে।" উহাদের অসুরোধের বশবর্তী হইয়া, তিনি প্রথমতঃ বাল্যবিবাহের দোষ কি, তাহা রচনা করিয়াছিলেন। তাহার লিখিত বলিয়া, তৎকালীন কৃতবিদ্য লোকমাত্রেই সমাদর-পূর্বক সর্বশুভকরী পত্রিকা পাঠ করিতেন। পর যামে, মদনমোহন

ভরকালকার মহাশয়, স্ত্রীশিক্ষা-বিষয়ক প্রবন্ধ লিখেন। (‘বিদ্যাসাগর-  
জীবনচরিত,’ ৩য় সংস্করণ, পৃ. ৮৭-৮৮)

‘সর্বশুভকরী পত্রিকা’র দ্বিতীয় সংখ্যায় (আশ্বিন, শকাব্দা: ১৭৭২)  
মদনমোহনের “স্ত্রীশিক্ষা” প্রবন্ধ প্রকাশিত হয়। পত্রিকাখানি একান্ত  
দুপ্রাপ্য বলিয়া রচনাটি নিম্নে মুদ্রিত হইল :—

স্ত্রীশিক্ষা।—এক বৎসরের অধিককাল গত হইল কল্যাসস্তান-  
দিগের শিক্ষার নিমিত্ত এই মহানগরীতে এবং বারাসতে ও অন্যান্য  
কতিপয় স্থানে শিক্ষা স্থান সংস্থাপিত হইয়াছে। এই শ্রেয়স্কর  
বিষয় সর্বত্র প্রচারিত করিবার নিমিত্ত কএক জন মহাত্মা প্রথমতঃ  
দৃষ্টান্ত স্বরূপ হইয়া আপন আপন কল্যাসস্তানদিগকে তত্তৎ পাঠস্থানে  
নিয়োজিত করিয়াছেন। ঐ ভদ্র মহাশয়েরা সর্বদাই মনের মধ্যে  
এইরূপ প্রত্যাশা করেন যে স্বদেশস্থ সমস্ত ভদ্র ব্যক্তিই তাঁহাদের  
দৃষ্টান্তের অনুবর্তী হইয়া স্ব স্ব কল্যাণের অধ্যয়ন সম্পাদনে যত্নপূর্বক  
প্রবৃত্ত হন।

কিন্তু কি ছুঃখের বিষয় অত্যাপি কেহই এই শ্রেয়স্কর বিষয়ে  
কিছুই উদ্যোগ করিতেছেন না। সকলেই কুসংস্কার ও ভ্রান্তি জালে  
মুগ্ধ ও ভ্রান্ত হইয়া স্ত্রীশিক্ষা বিষয়ের ভাবি উপদেশ কল বোধগম্য  
করিতে পারিতেছেন না, কেবল কুসংস্কারমূলক কথকগুলিন কুতর্ক  
ও আকক্ষিৎকর আপত্তি উপস্থাপিত করিয়া এই মঙ্গল ব্যাপারের  
প্রতিবন্ধকতাচরণ করিতেছেন।

তাঁহারা কহেন

প্রথম। শিক্ষা কর্ণের উপযোগিনী যে সকল মানসিক শক্তি  
ও বুদ্ধিবৃত্তির আবশ্যক স্ত্রীজাতির তাহা নাই সুতরাং কল্যাসস্তানেরা  
শিখিতে পারে না।

দ্বিতীয় স্ত্রীজাতির বিদ্যাশিক্ষার ব্যবহার এদেশে কখন নাই, এবং শাস্ত্রেও প্রতিষিদ্ধ আছে; অতএব লোকাচারবিরুদ্ধ ও শাস্ত্র-প্রতিষিদ্ধ ব্যাপার কদাচ অনুষ্ঠানযোগ্য হইতে পারে না।

তৃতীয়। স্ত্রীলোকেরা বিদ্যাশিক্ষা করিলে দুর্ভাগ্য দুঃখ ও পতিবিরোগ দুঃখের ভাজন হইয়া চিরকাল কষ্টে জীবনযাপন করিবেন অতএব এতাদৃশ দৃষ্টদোষদূষিত বিষয় জানিয়া শুনিয়া পিতা মাতা কেমন করিয়া প্রাণসমান স্বসস্তানকে এই দারুণ দুঃখার্ণবে নিক্ষিপ্ত করিতে পারেন।

চতুর্থ। স্ত্রীজাতি বিদ্যাবতী হইলে স্বেচ্ছাচারিণী ও মুখরা হইবেক, বিদ্যার অহঙ্কারে মত্ত হইয়া পিতা মাতা ভর্তা প্রভৃতি গুরুজনকে অবজ্ঞা করিবেন, এবং পরিশেষে দুঃশরিত্রা হইয়া স্বঃ পতিত হইবেক ও স্বকীয় পবিত্র কুলকে পাতিত করিবেন; অতএব স্ত্রীজাতিকে সর্বথা অজ্ঞানানুকূলে নিক্ষিপ্ত রাখাই উচিত, কদাপি জ্ঞানপথের সোপানপ্রদর্শন করা উচিত নয়।

পঞ্চম। এই সমস্ত দৃষ্ট ও অদৃষ্ট দোষ উল্লঙ্ঘন করিয়াও যদ্যপি স্ত্রীজাতিকে বিদ্যাশিক্ষা প্রদান করা যায়, তাহাতেই বা ফল কি? ইহারা চাকরী করিতে পারিবেন না, আদালতে গত্যাত করিয়া কোন রাজকার্য্য নির্বাহ করিতে পারিবেন না, কোন সাহেব স্ত্রীর সঙ্গে আলাপ পরিচয় করিতে পারিবেন না, এবং হাট বাজারে বসিয়া বা কোন দেশ দেশান্তরে গমন করিয়া বাণিজ্য কার্য্যও সম্পন্ন করিতে পারিবেন না; কুলের কামিনী অন্তঃপুরে বাস করে তাহার বিদ্যাশিক্ষার কিছুই ইষ্টাপত্তি নাই, প্রত্যুত অনিষ্ট ঘটনার সম্পূর্ণ সম্ভাবনা।

আমরা শাস্ত্র, স্মৃতি ও যুক্তি অনুসারে তাঁহাদিগের এই সমস্ত

আপত্তির প্রত্যেকের সমর্থ উত্তর প্রদান করিতে প্রবৃত্ত হইতেছি।  
আমাদিগের প্রদত্ত উত্তর যদি অশাস্ত্রীয়, অত্যায়া, অযৌক্তিক ও  
পক্ষপাতমূলক বলিয়া পক্ষপাতবিহীন দূরদর্শী প্রাজ্ঞ ব্যক্তির বোধ  
করেন, তবে আমরা প্রতিজ্ঞা করিতেছি স্ত্রীশিক্ষার বিষয় আর  
কদাপি মুখেও আনিব না। আর যদি আমাদিগের উত্তর যথার্থ  
হইয়াছে বলিয়া বিবেচনা করেন, তবে অবিলম্বেই এই মহোপকারক  
বিষয়ের অন্তর্গত দেশীয় ভদ্রলোকেরা প্রবৃত্ত হউন নতুবা আর  
যেন তাঁহারা আপনাদিগকে লোকসমাজে মনুষ্য বলিয়া পরিচয়  
না দেন।

প্রথম আপত্তির প্রত্যুত্তর দিবার পূর্বে আমরা আপত্তিকারক  
মহাশয়দিগকে জিজ্ঞাসা করিতে পারি, স্ত্রীজাতি যে বিদ্যাশিক্ষা  
করিতে সমর্থ নয় এরূপ সংস্কার তাঁহারা কি মূল হইতে সংগ্রহ  
করিয়াছেন? আর কোথায় বা এমত দৃষ্টান্ত উপলব্ধি করিয়াছেন,  
যে স্ত্রীজাতির বা যথা নিয়মে বিদ্যাভ্যাসে প্রবৃত্ত হইয়াছিল, শিক্ষা  
উপকরণ সমুদায় উপস্থিত ছিল, বিচক্ষণ উপদেশক যথানিয়মে  
উপদেশ দিয়াছিলেন কিন্তু কোন ফল দর্শে নাই, স্ত্রীগণেরা সকলেই  
মূর্খ হইয়াছিল। বোধ করি আপত্তিকারক মহাশয়েরা এই প্রশ্নের  
কিছুই উত্তর দিতে পারিবেন না, এবং কোথাও এতাদৃশ উদাহরণ  
দেখাইতে পারিবেন না। অতএব তাঁহাদিগের এই আপত্তি কেবল  
অমূলক কল্পনা দ্বারা উদ্ভাবিত মাত্র। ভাল তাঁহারা একবার  
পক্ষপাতশূন্য চিন্তে চিন্তা করিয়া দেখুন না কেন, স্ত্রীজাতির কেমন  
বা শিথিলে পারিবেন না। তাহারা কি মানুষ নয়? সচেতন  
জীবমধ্যে পরিগণিত নয়? তাহাতে কি বুদ্ধিবৃত্তি নাই? মেধা  
নাই? তর্কশক্তি নাই? সঙ্গীতভূতি নাই? কেন! আমরা

ত হুয়োভূম দর্শন করিতেছি শিক্ষাকার্যের উপযোগিনী যে যে শক্তিমন্তর আবশ্যক, স্ত্রীজাতির সে সমুদায়ই আছে কোন অংশের ন্যূনতা নাই; বরং পুরুষ অপেক্ষা স্ত্রীলোকের কোন কোন বুদ্ধি-বৃষ্টির আধিক্যই দেখিতে পাওয়া যায়।

বিশ্বপিতা স্ত্রী ও পুরুষের কেবল আকারগত কিঞ্চিৎ ভেদ সংস্থাপন করিয়াছেন মাত্র। মানসিক শক্তি বিষয়ে কিছুই নূনাধিক্য স্থাপন করেন নাই। অতএব বালকেরা যে রূপে শিখিতে পারে, বালিকারা সে রূপে কেন না পারিবেন? বরং কেহ কেহ বোধ করেন শৈশবকালে বালক অপেক্ষা বালিকারা স্বভাবতঃ ধীর ও মূঢ় হয়, এ নিমিত্ত অধিকও শিক্ষা করিতে পারে। এ বিষয় আমরা পরীক্ষা করিয়া দেখিয়াছি, এক স্থানে এক অপাদান হইতে এককালে বিদ্যারম্ভ করিয়া বালক অপেক্ষা বালিকারা অধিক শিক্ষা করিয়াছে। আপত্তিকারক মহাশয়েরা চক্ষুরান্মীলন করিয়া দেখুন কত শত বিদেশীয় নারীগণ বিদ্যালয়কারে অলঙ্কৃত হইয়া স্ত্রীজাতির শিক্ষাশক্তিমন্তর দেদীপ্যমান প্রমাণ পথে দণ্ডায়মান রহিয়াছে। অতএব আমরা ভরসা করি অস্বদেশীয় লোকেরা স্ত্রীজাতির শিক্ষা করণে শক্তি নাই বলিয়া আর অমূলক অকিঞ্চিৎকর ব্যথা আপত্তি উত্থাপিত করিবেন না।

স্ত্রীলোকের বিদ্যাভ্যাস, ব্যবহার ও শাস্ত্রবিরুদ্ধ বলিয়া যে আপত্তি উত্থাপিত করেন ইহা কেবল অবহৃত্ততা ও অদূরদর্শিত্ব নিবন্ধন, সন্দেহ নাই। কারণ আমরা অতি প্রাচীন কালের ইতিহাস গ্রন্থে দেখিতে পাই, ভারতবর্ষীয় ঋষিগণেরা নানাবিধ বিদ্যার আলোচনা করিতেছেন। মহর্ষি বাস্কীকির শিষ্যা আত্রেয়ী গুরুসম্মিধানে পাঠানুশীলনের প্রত্যহ দর্শন করিয়া জনস্থানস্থিত

ভগবান্ অগস্ত্য-ঋষির পুণ্যাশ্রমে পাঠার্থিনী হইয়া উপস্থিত হইতেছেন। ভগবান্ ব্রহ্মবিদ্যান্ যাজ্ঞবল্ক্য গার্গী ও মৈত্রেয়ীকে সম্বোধন করিয়া ব্রহ্মবিদ্যার উপদেশ দান করিতেন। বিদর্ভ রাজনন্দিনী গুণবতী কল্পিনী শিশুপালের সহিত পাণিগ্রহণরূপ অনিষ্টাপাত দর্শন করিয়া স্বহস্তে সাক্ষেতিক পত্র লিখিয়া দ্বারকাপতি শ্রীকৃষ্ণের নিকট প্রেরণ করিতেছেন। উদয়নাচার্যের নন্দিনী সর্বশাস্ত্রপারদর্শিনী লীলাবতী শঙ্করাচার্যের দিগ্বিজয় প্রস্তাবে স্বভর্তা মণ্ডনমিশ্রের সহিত আচার্যের বিচারকালে মধ্যম্ভতাবলম্বন ও মध्ये মধ্যে পূর্বপক্ষ ও উত্তরপক্ষ সমর্থন করিতেছেন। বোধ করি সকলেই জ্ঞাত আছেন, কর্ণাট-রাজমহিষী ও মহাকবি কালিদাসপত্নী এবং ভাবটুহিতা অতিশয় পণ্ডিতা ছিলেন। আর বিশ্বদেবী গঙ্গাবাক্যাবলী নামে এক ধর্মশাস্ত্রের গ্রন্থ রচনা করিয়া চিরন্তনী কীর্তি সংস্থাপন করিয়াছেন। খনা জ্যোতিষশাস্ত্রে এমন পণ্ডিতা হইয়াছিলেন যে তাঁহার নিবন্ধ বচন সকল প্রসিদ্ধ প্রসিদ্ধ গ্রন্থকারদিগের গ্রন্থে প্রমাণরূপে পরিগণিত হইয়াছে। আমরা সাহস করিয়া বলিতে পারি আপত্তিকারক মহাশয়েরাও ঐ খনার অনেক বচন অবগত আছেন এবং ভদ্রমুসারে বিবাহাদি শুভকর্মের দিন ও লগ্ন নির্ধারণ করিয়া থাকেন। অনেকে স্বচক্ষে দেখিয়াছেন, কিছু কাল হইল হস্তবিদ্যালঙ্কার নামে প্রসিদ্ধ এক রমণী বারাণসীক্ষেত্রে মঠ নিৰ্ম্মাণ করিয়া তুরি তুরি ছাত্রদিগকে বিদ্যাদান করিয়াছেন। আমরা অনুসন্ধান করিয়া আরো কতকগুলি পণ্ডিতা বশিতার নাম উল্লেখ করিতে পারি কেবল পাঠকস্বর্গেরা বিরক্ত হইবেন ভাবিয়া বিরত হইলাম।

এই সকল দৃষ্টান্ত দ্বারা অবশ্যই স্বীকার করিতে হইবেক

পূর্বকালে স্ত্রীলোক মাত্রেই বিদ্যানুশীলনের প্রথা প্রচলিত ছিল। যাহারা বিদ্যা দ্বারা খ্যাতি ও প্রতিপত্তি লাভ করিয়া লোকসমাজে অত্যন্ত প্রসিদ্ধা হইয়াছিলেন তাঁহাদিগেরি নাম ঐতিহ্যক্রমে অস্তাপি চলিয়া আসিতেছে। ইহাও অসম্ভাবনীয় নহে, যে অস্বদেশে উক্তম ইতিহাসগ্রন্থ না থাকিতে, হয় ত অনেকানেক প্রসিদ্ধ বিদ্যাবতী-দিগেরও নাম কালক্রমে লোপ পাইয়া থাকিবেক। এস্থলে আমরা দৃষ্টান্ত স্বরূপে যে একজন প্রসিদ্ধ বিদ্যাবতীর নাম উল্লেখ করিলাম এতদ্ব্যতিরিক্ত যে আর কোন স্ত্রীলোকই বিদ্যানুশীলন করিত না এমত কদাপি সম্ভব হইতে পারে না। কারণ পুরুষ জাতির মধ্যে পুরাতন পণ্ডিতবর্গের নাম উল্লেখ করিতে হইলে আমরা ব্যাস বাল্মীকি কালিদাসাদি একজন গ্রন্থকার তিন্ন আর কাহারো নাম করিতে পারি না; ইহা বলিয়া কি এই স্থির করিতে হইবেক যে পূর্বকালে সর্বসাধারণ পুরুষেরা বিদ্যানুশীলন করিত না। ফলতঃ এখন পর্য্যন্ত প্রচলিত কতিপয় পণ্ডিত পুরুষের নাম শ্রবণে যেমন প্রাচীনকালীন পুরুষসাধারণের বিদ্যাভ্যাস প্রথা স্থির হইতেছে, সেইরূপ পূর্বকালের কতকগুলি বিদ্যাবতী কামিনীর নামপ্রাপ্তি দ্বারা স্ত্রীলোক সাধারণেরও তৎকালে বিদ্যানুশীলনের ব্যবহার অব্যাহতরূপে প্রচলিত ছিল স্থির করিতে হইবেক সন্দেহ নাই।

কিছু কাল হইল এ দেশে স্ত্রীজাতির বিদ্যাভ্যাসের প্রথা কিঞ্চিৎ স্থগিত হইয়াছে তাদৃশ প্রচরুদ্রুপ নাই, ইহা আমরাও অস্বীকার করি না। ইহার কারণ কি? অন্বেষণ করিলে অতি স্পষ্টরূপে প্রতীয়মান হইবেক। এই দেশ যখন দুরন্ত যবনজাতির দ্বারা আক্রান্ত হইয়াছিল তৎকালে ঐ দুর্ভাগ্য জাতির দৌরাত্ম্যে আমাদেরিগের মুখ সম্পত্তির একেবারেই লোপাপত্তি হইয়াছিল।



কেহ ইচ্ছানুসারে নিত্যনৈমিত্তিক ক্রিয়ার অনুষ্ঠান করিতে পারিত না। অগ্নিষ্টোম দর্শ পৌর্ণমাস প্রভৃতি যাগব্যাপারে প্রবৃত্ত হইতে পারিত না। বসন্তোৎসব, কৌমুদী মহোৎসব প্রভৃতি উৎসব সকল একেবারে উৎসন্ন হইয়া গেল। দুশ্চরিত্র যবনজাতির ভয়ে স্ত্রীলোকদিগের প্রকাশ্য স্থানে গমনাগমন ও বিদ্যালুশীলন সম্পূর্ণরূপে শূন্য হইয়া গেল। সকলেই আপন আপন জাতি প্রাণ কুলশীল লইয়া শশব্যস্ত, স্ত্রীজাতিকে বিদ্যা দান করিবেক কি পুরুষদিগেরও শাস্ত্রালোচনা মাথায় উঠিল। তদবধি স্ত্রীদিগের অন্তঃপুরনিবাস ও বিদ্যাভ্যাস নিরাস হইয়া গিয়াছে। এক্ষণে জগদীশ্বরের কৃপায় আমরাদিগের আর সে দুঃবস্থা নাই, অভ্যাচারী রাজা নাই। শুভদিন পাইয়া সকল শুভকর্মেরও অনুষ্ঠান করিতেছি। আমরাদিগের লুপ্তপ্রায় অস্ত্রাস্ত্র সদ্যবহার সকল পুনরুদ্ধার করিতেছি। অতএব এমত সুখের সময়ে সংসার সুখের নিদানভূত আপন আপন পুত্র কলত্র কন্যাদিগকে কি বিদ্যারসের আশ্বাদে বঞ্চিত রাখা উচিত? আমরা, যেমন হউক সাধ্যানুসারে আপন আপন পুত্রসন্তানদিগকে বিদ্যাশিক্ষা করাইতেছি। কন্যাদিগের কি অপরাধ যে তাহাদিগকে অজ্ঞানগ্রস্ত করিয়া চিরকাল দুঃবস্থায় নিষ্কিন্তু রাখিব।

স্ত্রীলোকের বিদ্যাভ্যাস শাস্ত্রনিষিদ্ধ নয়। আমরা পুরাণ ইতিহাস ধর্মশাস্ত্র প্রভৃতি সমুদায় শাস্ত্র উদ্ঘাটন করিয়া সকলের সমক্ষে দেখাইতে পারি “স্ত্রীলোকের বিদ্যাশিক্ষা করিতে নাই” এমত প্রমাণ কেহ একটাও দেখাইতে পারিবেন না, বরং পুত্রের মত কন্যাদিগের বিদ্যাশিক্ষার বিধানই সর্বত্র দেখিতে পাইবেন। যদি এই বর্ন শাস্ত্রনিষিদ্ধ হইত তবে প্রাচীন মহাজনেরা কদাপি স্বয়ং অনুষ্ঠান করিতেন না।

আমরা স্ত্রীশিক্ষার বিষয়ে প্রাচীনব্যবহার ও শাস্ত্রবিধান দর্শাইলাম, এইক্ষেণে আপত্তিকারক মহাশয়েরা অপকৃপাতচিন্তে বিবেচনা করিয়া দেখুন, সমুচিত উত্তর হইল কি না ?

বিদ্যাত্যাস করিলে নারীগণ বিধবা হয়, এই আপত্তি শুনিয়া হস্ত করাই বিজ্ঞ ব্যক্তির পক্ষে সমুচিত উত্তর প্রদান। কারণ বিদ্যাত্যাসের সহিত বৈধব্য ঘটনার কিরূপে কার্যকারণ ভাব ঘটিতে পারে। পতির মৃত্যু হইলে নারী বিধবা হয়, এই পতিমরণরূপ দুর্ঘটনা যদি স্ত্রীর বিদ্যাত্যাসরূপ কারণবশতঃ উৎপন্ন হইতে পারে, তবে একজনের মাদক দ্রব্য সেবনে অণু জনের মস্ততা অণু জনের চক্ষুরোহিত্য অপর ব্যক্তির বুদ্ধিভ্রম ও তদিতরের বাক্যস্থলন সর্বদাই সম্ভবিত্তে পারে। ফলতঃ বিদ্যার এমত মারাত্মক শক্তিও এ পর্য্যন্ত কেহই অনুভব করেন নাই। অনেকেই বিদ্যাত্যাস করিয়াছেন করিতেছেন ও করিবেন, কেহই আপন পরিবারের সংহারক হন নাই এবং হইবেনও না। আর বিদ্যাত্যাস করিলে নারী দৌর্ভাগ্য দুঃখভাগিনী হয়, ইহা আরও হাসিবার কথা। কারণ ঠাহারা বিদ্যাধনের অধিকারী হইয়াছেন তাঁহারা এই সংসারে যথার্থ সৌভাগ্যশালী ও যথার্থ ধনবান্, তন্নিম্নেরা কেবল এই বিশ্বস্তরার ভারস্বরূপ, জীবন্মৃত, একান্ত হতভাগ্য, ও নিতান্ত দরিদ্র। বিদ্যারূপ ধনশালী ব্যক্তির। আপনার অবিনশ্বর নির্মূল সনাতন বিদ্যার প্রভাবে যে কিরূপ অনির্বাচনীয় দুঃখাসক্তির সুখাস্বাদ করিতেছেন তাহা তাঁহারা জানেন। ইতর ধনবানের সেরূপ সুখ ভোগ হওয়া সুদূরে পরাহত মনেরও বিষয় নয়। অতএব স্ত্রীজাতি বিদ্যাবতী হইলে বিধবা অথবা সৌভাগ্যবতী হইবে এই কথার উত্তর না দেওয়াই সমুচিত উত্তর।

যাহারা কহেন বিদ্যাভ্যাস করিলে নারীগণ মুখর হুচরিত্র ও অহঙ্কারী হইবে তাহাদিগকে উত্তর প্রদান সময়ে কিছু হিত উপদেশ দান করা বিহিত বোধ হইতেছে। বিদ্যাভ্যাসের ফলে মনুষ্যজাতি বিনয়ী সচ্চরিত্র ও শাস্ত-স্বভাব না হইয়া তদ্বিপরীত হইয়াছে ইহা যদি কেহ প্রত্যক্ষ করিয়া থাকেন, তবে তিনি আকাশপথে মনোহর উত্তান মধ্যে সুরম্য হর্ষ্যপৃষ্ঠে উত্তানপাদ হইয়া গন্ধর্ক বিদ্যাধরগণ গীতবাণ নাট্যক্রিয়াদি করিতেছে, ইহাও অহরহ দর্শন করিয়া থাকেন। ফলতঃ আমরা সাহসপূর্বক বলিতে পারি, বিদ্যাবান্ মনুষ্যেরা যে দেশে বসতি করেন কিম্বা যে সমাজে উপবিষ্ট হইয়া স্নেহর আলাপ করেন, এই অসম্ভব আপত্তিকারকেরা সেই সেই দেশ ও তত্তৎসমাজের ত্রিসীমা দিয়াও কখন গত্যাত করেন নাই। বিদ্যাবান্ মনুষ্যের চরিত্র দর্শন করা দূরে থাকুক কখন শ্রবণও করেন নাই। বিদ্বজ্জনের মস্তক বিনয়ালঙ্কারে ভূষিত হইয়া সর্বদাই বিনয় রহিয়াছে, ফলবস্তুরূপ শিখরদেশে ফলের ভারে নিত্যই অবনত আছে। বিদ্যারসাস্বাদকের মুখে হিত-মিত ও মধুর বচন ভিন্ন কি কখন কর্কশ অপ্রিয় ও গর্হিত বাক্য নির্গত হইতে পারে? চন্দন কাষ্ঠ শত খণ্ড হইলেও কি তাহার অবয়বে মনোহর গন্ধ ভিন্ন ছুর্গন্ধ নির্গীর্ণ হইতে পারে? আত্ম অপেক্ষায় স্বজাতীয় স্বদেশীয় লোকের অপকর্ষ এবং আপনার উৎকর্ষবোধ উদয় হওয়াতে মনুষ্যের মনে অহঙ্কার সঞ্চার হইয়া থাকে। কিন্তু বিদ্বান্ ব্যক্তির মনে এতাদৃশ ভাবের উদয় কদাপি হইতে পারে না। তিনি সর্বদাই মনে মনে আপনাকে অকিঞ্চন ও অপৰ্যাপ্ত ও অকিঞ্চিৎ জ্ঞানসম্পন্ন ভাবিয়া থাকেন। জ্ঞানরূপ মহাশৈলে যিনি যে পরিমাণে আরোহণ করেন তাঁহার নিকট ঐ

মহাশৈল ততই উন্নত ও দুরারোহরূপে প্রতীয়মান হয়, এবং আকৃষ্ট ব্যক্তির মনে মনে আপনাকে ততই তুচ্ছ বোধ হয়। মহার্গব যে কিমাকার ও কি প্রকার বিস্তার তাহা সংযাত্তিকেরাই বিলক্ষণ অনুভূত আছেন, ইতর ব্যক্তির তাহা বুদ্ধিরও গোচর নয়। এই নিমিত্ত জ্ঞানসম্পন্ন ব্যক্তির মনের মধ্যে অহঙ্কার করিবেন কি আপনাদিগকে মৃত্তিকাবৎ তুচ্ছ পদার্থ বোধ করেন। সর্বতত্ত্বদর্শী মহা পণ্ডিত সন্ন আইজাক নিউটন মহাশয় অতিশয় বিনীত-বচনে কহিয়াছেন “আমি যে কিছু তত্ত্ব উদ্ভাবন ও পদার্থ গবেষণা করিলাম, ইহা কেবল বালকের জ্ঞায় বেলাভূমিতে উপল সকল সঙ্কলন করিলাম মাত্র, জ্ঞানমহার্গব পুরোতাগে অক্ষুণ্ণ রহিয়াছে।”

। স্ত্রীজাতি স্বভাবতঃ সুলীলা বিনয়বতী ও লজ্জাবতী ইহাদের ত কথাই নাই। বিদ্যাভ্যাস করিলে নিতান্ত উদ্ধত অবিনীত ও চঞ্চল ব্যক্তিরও একান্ত বিনীত শাস্ত ও সুধীর হইবে সন্দেহ নাই। যাক্কা করিলে যেমন মান নষ্ট হয়, জরার উদয়ে যেমন শরীরের লাবণ্য ভ্রষ্ট হয়, সূর্য্যোদয়ে যেমন অন্ধকার ধ্বস্ত হয়, জ্ঞানালোক সঞ্চার হইলে সেইরূপ দুশ্চরিত্র দোষ নিরস্ত হয়। দুর্বিনয় দোষ ও অধর্ম্মপ্রবৃত্তিরূপ মহারোগের শাস্তি নিমিত্ত বিদ্যাই একমাত্র মহৌষধ। হিতাহিত কার্য্যাকার্য্য ধর্ম্মাধর্ম্মের উপদেশের নিমিত্ত বিদ্যাই মহাগুরু স্বরূপ। শ্রদ্ধা শাস্তি ও ধর্ম্মপথের পাহুগণের পথপ্রদর্শন নিমিত্ত একমাত্র সার্থ হইয়াছেন। অতএব বিদ্যালোকসম্পন্ন কি পুরুষ কি স্ত্রী কেহই দুশ্চরিত্র ও অধর্ম্মপরায়ণ হইতে পারেন না, তাহা হইলে বিদ্যার মহিমা এতাদৃশ গুরুতররূপে কোন বিচক্ষণ ব্যক্তিই অঙ্গীকার করিতেন না। সুতরাং বিদ্যাভ্যাস করিলে স্ত্রীলোক দুশ্চরিত্র অহঙ্কৃত ও মুখর হইবে এ কথা কথাই নয়।

স্ত্রীলোককে বিদ্যা শিখাইলে কি ফল হইবে, এই পঞ্চম আপত্তিই প্রতিপক্ষগণের প্রধান আপত্তি বোধ হইতেছে। কারণ তাঁহাদিগের স্ত্রীশিক্ষা বিষয়ে যাবতীয় আপত্তি, বিবেচনা, বিতর্ক ও অনুৎসাহ সকলি এতন্মূলক উখিত হইয়াছে, এবং এরূপ হওয়াও নিতান্ত বিশ্বয়াবহ নহে, যেহেতু প্রারম্ভিক বিষয়ে প্রয়োজনাত্মক দর্শন হইলে কাজে কাজেই তদ্বিষয়ে অকুচি, অনুৎসাহ ও পরাভুখতা জন্মিতে পারে। অতএব আমরা এই আপত্তির সবিস্তর উত্তর এবং স্ত্রীজাতিকে বিদ্যাভ্যাস করাইলে যে যে মহোপকার দর্শিবে তাহা সপ্রমাণ উল্লেখ করিতেছি।

আমাদের দেশস্থ লোকেরা প্রায় সকলেই মনে করিয়া থাকেন, কতগুলি ধনোপার্জন করা, সময়ে সময়ে সভা ও সমাজস্থলীতে অনর্গল বক্তৃতা করা, এবং রাজপুরুষগণের সন্নিধানে খ্যাতি প্রতিপত্তি লাভ করা, এই সকলই বিদ্যাভ্যাসের মুখ্য ফল। কিন্তু আমরা নিশ্চয় বলিতে পারি, তাঁহারা নিতান্তই অদূরদর্শী ও অত্যন্ত ভ্রান্ত। বিদ্যা যে কি অদ্ভুত পদার্থ, এবং তাহার ফল যে কি উপাদেয় ও কত মহৎ তাহা কিছুই জানেন না। জানিলে কখনই এই সকল তুচ্ছ বিষয়কে বিদ্যার মুখ্য ফল বলিয়া জ্ঞান করিতেন না। যথার্থ বিদ্যা হইলে এই মনুষ্য আর এক প্রকার মনুষ্য হয়, তাঁহার বুদ্ধিবৃত্তি সকল নৈসর্গিক দোষসমূহনির্মুক্ত হইয়া কেবল গুণগ্রামে গুণ্ডিত হয়। তাঁহার অন্তঃকরণে এমত কোন অনির্কচনীয় অলৌকিক জ্যোতিঃপুঞ্জ প্রস্ফুরিত হইতে থাকে যদ্বারা সমস্ত অজ্ঞানতমোরাশি বিনাশিত হইয়া যায় এবং বিশ্বের সমুদায় তত্ত্ব তাঁহার নিকট স্ফুটরূপে অবতাসিত হইতে থাকে। হৃদাস্ত ইন্দ্রিয় সকল তাঁহার শাসনের অধীন হইয়া কেবল যথার্থ পথে পর্যটন ও তত্ত্বের অনুশীলনের

প্রযুক্ত হয়। দয়া, দাক্ষিণ্য, ধৈর্য্য গাভীর্য্যাদি গুণগ্রাম তাঁহার হৃদয়ে আসিয়া নিত্য অধিষ্ঠান করে। কাম ক্রোধ মোহ ঈর্ষ্যা ঘেব মাৎসর্য্য প্রভৃতি দোষবর্গ তাঁহার চিন্তাক্ষেত্রে আশ্রয় না পাইয়া হতাশ হইয়া স্থানান্তরে প্রস্থান করে। শাঠ্য কাপট্য পৈশুণ্য প্রভৃতি দস্যুগণের প্রবেশাবরোধ নিমিত্ত তাঁহার চিন্তা নিত্যই বন্ধকবাট হইয়া থাকে। তাঁহার মুখমণ্ডল এমত সৌম্য আকার ধারণ করে যে দর্শন মাত্রেই দর্শকগণের অন্তঃকরণে হর্ষ ও ভক্তির সঞ্চার হয়। তিনি দক্ষিণ হস্তে সত্য ও বাম হস্তে স্তায় এই উভয়কে অবলম্বন করিয়া অকুতোভয়ে সকল ব্যাপার সমাধান করিতে থাকেন। সংসারের সকল ব্যক্তিকে তাঁহার আত্মীয়, একবারো কাহারো প্রতি অনাত্মীয় ও শত্রুভাব বুদ্ধির আবির্ভাব হয় না; স্মৃতরাং বিবাদবিসম্বাদ কুতর্ক কলহ জিগীষা দম্ব, তাঁহার চিন্তাপথে অবতীর্ণ হইতে পারে না। অধিক কি? এই দুঃখময় সংসার তাঁহার সন্নিধানে কেবল সুখের নিধানরূপে ভাসমান হইতে থাকে। অতএব এতাদৃশ বিদ্যাবান্ মহাপুরুষ কি তুচ্ছ ধনোপার্জনকে পরম পুরুষার্থ বোধ করেন? লোকসমাজে বক্তৃতা করা কি তাঁহার পক্ষে শ্লাঘ্য কর্ম্ম বলিয়া পরিগণিত হইতে পারে? এবং রাজা কি রাজকীয় পুরুষ সমীপে সুখ্যাতিলাভকে তিনি গুরুতর লাভ বলিয়া বোধ করেন? বলন্টিন জামীরে ডুবাল নামক একজন ইউরোপীয় পণ্ডিতের চরিত্র অশ্বদেশীয় মধুরানাথ তর্কবাগীশ নামক পণ্ডিতের চরিত্র শ্রবণ করিলেই ইহার পর্য্যাপ্ত প্রমাণ পাওয়া যায়। ডুবাল রাজপ্রসাদলাভের বিষয়ে এমত উদাসীন ছিলেন যে রাজবাটীর মধ্যে বহুকাল বাস করিয়াও রাজপরিবারের সকলকে চিনিতেন না। মধুরানাথের বিদ্যা ও পাণ্ডিত্য শ্রবণ করিয়া নবদ্বীপের রাজা সাক্ষাৎ পরিবার

বাসনার দূত দ্বারা ঐ পণ্ডিতকে একেবারে আহ্বান করেন। নিম্পূহ মথুরানাথ বিদ্যালোচনার ব্যাঘাতের আশঙ্কা করিয়া রাজসম্মিধানে গমনে অসম্মত হইলে রাজা স্বয়ং তাঁহার আশ্রমকুটীরে আসিয়া সাক্ষাৎ করিলেন। দেখিলেন, মথুরানাথ, যথার্থ বিদ্যাবান্ কিন্তু অত্যন্ত ছুরবস্থাগ্রস্ত। রাজা তাঁহার সেই সাংসারিক ছুরবস্থা দূর করিবার বাসনায় কিছু অর্থ প্রদান করিবার ছলে প্রশ্ন করিলেন। “আপনকার যদি কিছু অল্পপপত্তি থাকে আঞ্জা করিলে আমি তাহা পূরণ করিতে প্রস্তুত আছি” মথুরানাথ শুনিয়া উত্তর করিলেন আমি চারি খণ্ড চিন্তামণি গ্রন্থের উপপত্তি করিয়াছি, আমার অল্পপপত্তি কি? রাজা এই উত্তর শ্রবণে মথুরানাথকে একেবারে ধনভূষণশূন্য দেখিয়া বিস্ময়াপন্ন হইলেন। অতএব যাহারা ধনোপাঞ্জনাদিহি বিদ্যার মুখ্য ফল বলিয়া বোধ করেন তাঁহাদিগকে অদূরদর্শী বলিতে পারা যায় কি না?

এতাদৃশ মহোপকারক ও মনুষ্যকৃৎ সম্পাদক বিদ্যানুশীলনে স্ত্রীজাতিকে নিযুক্ত করিলে এই সকল উপায়ে ফলের কি সমুদায় লাভ হইবেক না? যদিও সমুদায় না হয় কিয়দংশেরও কি লাভ হইবেক না? আর যতপি অস্বদেশীয় লোকেরা নিতান্তই ধনোপাঞ্জনের নিমিত্ত লালারিতচিত্ত হন, স্ত্রীজাতি বিদ্যাবতী হইলে তাঁহাদিগকে একবারেই যে নিরাশ করিবে এমত কদাপি সম্ভাবনীয় নহে। আমরা সাহসপূর্বক বলিতে পারি তাঁহারা অবশ্যই তাঁহাদের ধনোপাঞ্জনের মনোরথ সম্পন্ন করিতে পারিবে। তাহারা অন্তঃপুরে বসিয়া নানাবিধ শিল্পকার্য্য ও কারুকর্ম্ম নির্মাণ করিবে তদ্বারা অনায়াসে অভিলষিত অর্থেরও অধিগম হইতে পারিবে। পুরুষেরা গৃহে বসিয়া যে সকল লেখা পড়া করেন স্ত্রীজাতির তাহা সম্বন্ধে সম্পূর্ণ

সাহায্য দান করিতে পারিবে। গৃহস্থালী ব্যাপারের আর ব্যয় বিষয়ক লিখন পঠন নির্বাহার্থে বেতন দিয়া যে সমুদায় লোক নিযুক্ত করিতে হয় গৃহের গৃহিণী ও নন্দিনীরা অনায়াসে তৎসমুদায় সম্পাদন করিতে যে সমর্থ হইবে তদ্বিষয়ে সন্দেহ কি? এবং তাহারা স্বয়ং গ্রন্থাদির রচনা ও অনুবাদ করিয়া তদ্বারা ভূরি ভূরি অর্থ উপার্জন করিতে সমর্থ হইবে। রাজদ্বারে অথবা বণিজ্জনের কন্ঠালয়ে চাকরি করা বই কি অর্থোপার্জনের অন্য উপায় নাই? বোধ করি সকলেই অবগত থাকিবেন ফ্রান্সদেশীয় মেড্যাম ডি. টেল নামে এক পণ্ডিতা রমণী অনেক বিষয়ে অনেক গ্রন্থ রচনা করিয়া গিয়াছেন এবং তত্তৎ বিষয়ে সেই সেই গ্রন্থ অদ্যপি অতুৎকষ্টরূপে পরিগণিত আছে। তাহার ঐ সকল গ্রন্থ প্রস্তুত হইবামাত্রই মুদ্রাকারকেরা যথেষ্ট অর্থ দানপূর্বক ক্রয় করিয়া লইয়া যাইত, এইরূপে তিনি অপরিচালিত ধনোপার্জন করিয়াছিলেন। মিস্ একওয়ার্থ নামী ইংলণ্ডবাসিনী এক রমণী নানাবিধ পুস্তক রচনা করিয়া অনায়াসে অনেক ধন সংগ্রহ করিয়াছেন। এইরূপে ইউরোপের যে সকল রমণীরা এক্ষণে অর্থোপার্জন করিতেছেন, এমত শত শত ব্যক্তির নাম আমরা উল্লেখ করিতে পারি। আর আর চিত্রকর্ম শিল্পকর্ম ও অন্তবিধ কারুকর্ম দ্বারা বিলাতের যে রমণী অর্থোপার্জন করিতে না পারেন এমত স্ত্রীলোকই দেখিতে পাওয়া যায় না।

ইউরোপের কি ধনী কি দরিদ্র সকল পরিবারের মধ্যেই দেখিতে পাওয়া যায়। শিশু সন্তানগণকে তাহারা প্রথমেই বিদ্যারস্তার্থে প্রায় বিদ্যালয়ে প্রেরণ করেন না। শিশুগণের জননী অ্যেঠতগিনী পিসী মাসী ইহারাই প্রথমে শিক্ষা দেন, এবং সেই



অকৃত্রিম বাৎসল্য ও অল্পমম স্নেহ সহকারে শিশুগণের চিত্তক্ষেত্রে যে সকল উপাদেয় উপদেশ বীজ বপন করা হয় সেই সকল বীজ অত্যল্পকাল মধ্যে উদ্ভিন্ন হইয়া ইউরোপীয় জাতিকে এইরূপ বিদ্যাফলে ভূষিত করিতেছে যে এক্ষণে ভূমণ্ডলে বিদ্যা বিষয়ে উহাদিগের প্রতিদ্বন্দ্বী অথবা তুল্যকক্ষ মনুষ্য আর পাওয়াই যায় না। অতএব অস্বদেশীয় লোকেরা বিবেচনা করিয়া দেখুন যে বাল্যকালে জননীৰ দত্ত উপদেশ ও গুরুমহাশয়ের উপদেশ এ উভয়ের কত ইতর বিশেষ হইয়া থাকে। আমাদের দেশস্থ শিশুগণ পঞ্চমবর্ষ অতীত না হইলে পাঠশালায় পাঠার্থে নিযুক্ত হইতেই পারে না। আর ঐরূপ বালককে যখন গুরুর সন্নিধানে প্রথম উপস্থাপিত করা হয় তখন সে সেই অপরিচিত ভীষণাকার শিক্ষক মহাশয়কে ব্যাঘ্র অথবা মূর্ত্তিমান্ মৃত্যুরাজ বোধ করিয়া ভয়ে তাঁহার নিকটেই যাইতে চায় না, উপদেশ গ্রহণের ত কথাই নাই। কিন্তু সেই শিশুগণের জননী প্রভৃতির। যদি স্বয়ং শিক্ষাদান করিতে পারিতেন তবে পঞ্চবর্ষ পর্য্যন্ত অপেক্ষা করণের প্রয়োজন কি? তাহার পূর্বেও তাহারা জননীৰ ক্রোড়ে উপবিষ্ট হইয়া একবার তাঁহার সুধাসোদর পয়োধরের রসাস্বাদ ও একবার তাঁহার মুখচন্দ্রবিনিঃসৃত অল্পমম উপদেশ গ্রহণ করিতে পারিত। এবং তাঁহার অকৃত্রিম স্নেহমিশ্রিত সুললিত উপক্ৰাস ছলে কত শত মহোপকারক বিষয়ের শিক্ষা লাভ শৈশব-কালেই সম্পন্ন হইত।

আপত্তিকারক মহাশয়েরা মনোমধ্যে ভাবিয়া দেখুন, এতদেশে স্ত্রীজাতির বিদ্যাভ্যাস না থাকাতো তাঁহাদের স্ত্রীপরিবারেরা কিরূপ ছুরবস্থায় গৃহস্থাশ্রম যাত্রা সম্বরণ করিতেছে, এবং তাঁহারই বা স্বয়ং মুর্থ পরিবারবর্গ বেষ্টিত হইয়া কত কষ্টে কালহরণ করিতেছেন।

যাহার সহিত চিরকাল এক শরীরের স্থায় হইয়া বাস করিতে হয়, যাহার স্নেহে স্নেহী, দুঃখে দুঃখী হইতে হয়, এবং শাস্ত্রানুসারে যে ব্যক্তি শরীরের অর্ধ বলিয়া পরিগণিত হয় ; সেই সহধর্মিণী পশুর মত ঘোরতর মূর্খ, ইহা অপেক্ষা আর কি অধিকতর কষ্ট ঘটিতে পারে ? গৃহের অবোধ স্ত্রীজাতির। সর্বদাই সংসারে সামান্য বিষয় লইয়া পরস্পর এমত ঘোরতর কলহ উত্থাপিত করে যে তন্নিমিত্ত তাহারাই কেবল স্বয়ং অশেষ ক্লেশ সহ করে এমত নহে, গৃহস্থ ব্যক্তিকেও সাতিশয় বিরক্ত করে। এবং কখন কখন সেই কন্দল অত্যন্ত অনর্থেরও হেতু হইয়া উঠে। আমরা নিশ্চিত বলিতে পারি এতদ্দেশে কি ধনাঢ্য কি দরিদ্র এমত পরিবারই নাই যাহার গৃহে সর্বদা স্ত্রীজাতির নিরর্থক কন্দল উপস্থিত হয় না ও তৎকৃত্য পরিবারের কর্তাকে কষ্টভোগ করিতে হয় না। অতএব স্ত্রীজাতির এই প্রকার কুকুর কন্দল নিবারণের উপায় বিদ্যা শিক্ষা তিন আর কি আছে ?

গৃহের স্ত্রীবর্গের। অনেকই এমন অবোধ যে, গৃহস্থের দুঃসময় ছুরবস্থা ও অসঙ্গতির প্রতি একবারও নেত্রপাত করে না, কখন পুরোহিতের প্রতারণায় কখন বা প্রতিবেশিগণের কুমন্ত্রণায় মুগ্ধ হইয়া অশেষ ব্যয়সাধ্য বৃথা ব্রতাদিগুষ্ঠানে সঙ্কল্পরূঢ় হয় এবং তৎকৃত্য গৃহস্থামিকে যৎপরোনাস্তি বিব্রত করে। বোধ করি ইহা কেহই অস্বীকার করিবেন না, অস্বদেশীয় স্ত্রীগণের। বিদ্যারূপ অলঙ্কার না থাকিতে সূবর্ণের অলঙ্কার ও সূচিকণ বসনাদিকে পরম পদার্থ বলিয়া গণ্য করে, এবং কোন প্রতিবেশিনীকে আপন অপেক্ষা উত্তম বেশ-ভূষায় ভূষিত ও সুসজ্জিত দেখিলে চর্ষ্যায় মনে মনে অত্যন্ত কাতর হয়, ও সেইরূপ বসনভূষণের নিমিত্ত আপন ভর্তাকে

প্রত্যহই বিরক্ত করিতে থাকে, তাহার অর্থ সামর্থ্য আছে কি না ? একবারো বিবেচনা করে না। আমরা অবগত আছি অলঙ্কারাদি বিষয়ক ভার্য্যার নিৰ্ব্বন্ধাতিশয় এড়াইতে না পারিয়া অনেক ভদ্র ব্যক্তিকে অভদ্ররূপে অর্ধোপার্জনে প্রবৃত্ত হইতে হইয়াছে। যদি কোন পুরুষ অস্তঃকরণের দৃঢ়তা বশতঃ ভার্য্যার সেই নিৰ্ব্বন্ধ লজ্বন করিয়াছেন বটে কিন্তু তাঁহাকে দাম্পত্যনিবন্ধনস্থখে যাবজ্জীবন বঞ্চিত হইতে হইয়াছে। কারণ, তৰ্ত্তা বৈষয়িক স্থখে নিধান স্বরূপ স্বকীয় প্রেমসীর প্রার্থনা পরিপূরণে অসমর্থ হইয়া চিরকাল ক্ষোভে বিষনায়মান থাকেন। ভোগাভিলাষিণী পত্নীও সকল স্থখের নিদানভূত প্রাণাধিক প্রিয়তমের নিকট প্রার্থনাতজ্ হুঃখে হুঃখিনী ও আপনাকে অভাগিনী জ্ঞান করিয়া চিরকাল অশ্ৰুচক্ষুচিত্তা হইয়া থাকে। সুতরাং দাম্পত্যের পরম্পর এইরূপ অসন্তোষ জন্মিলে আর সাংসারিক স্থখের বিষয়ক কি রহিল ? কিন্তু যদি ঐ অবোধ অবলাগণের শরীরে বিদ্যারূপ অলঙ্কার সম্পূর্ণরূপে সমর্পিত হয়, এবং যদি সেই বিদ্যারূপ অলঙ্কার প্রভাবে সামান্য অলঙ্কার সম্ভারকে শরীরের ভার ও অসার বলিয়া বোধ জন্মে, তাহা হইলে অশ্ৰুদেহীয়া জয়াপতীর ঐ অপরিহার্য্য হুঃখ কি একেবারে দূরীভূত হইবে না ? এবং তাঁহারা স্বচ্ছন্দে কি প্রণয়স্থখ সম্ভোগ করিতে পারিবেন না ?

এতদেহীয়া স্ত্রীজনেরা আপন আপন গৃহকর্ম্ম সমাধা করিয়া মধ্যে মধ্যে অনেক অবকাশ পাইয়া থাকে। শাস্ত্রজ্ঞান না থাকিতে ঐ অবকাশকাল ভদ্ররূপে অতিবাহিত করিতে পারে না। তখন কার্য্যান্তরে, অব্যাসক্ত অস্তঃকরণে নানা দুর্শ্ৰুতি ও দুঃশ্চিন্তার আবির্ভাব হয়। পঞ্জরবদ্ধ পক্ষির স্থায় পর্য্যাকুলচিত্তে একবার ঘরের কবাট

উদ্ঘাটন করিয়া রাজপথ অবলোকন করিতে থাকে, একবার গবাক্ষদ্বারে দণ্ডায়মান হইয়া পরপুরুষদিদৃক্ষায় ইতস্ততো দৃষ্টি নিক্ষেপ করিতে থাকে, একবার বা শৈবর সখীর সঙ্গে হাস পরিহাস ও অসদ্বিষয়ক আলাপপ্রসঙ্গে নানা অসাধু কল্পনার উদ্ভাবন করিতে থাকে। কোন প্রকারেই অস্থির চিত্তকে স্থির করিতে পারে না। এই প্রকারে অনেক রমণীর ব্যভিচার দোষ স্পর্শও হইয়া থাকে। এরূপ দুর্ঘটনা হওয়াও নিতান্ত অসম্ভাবনীয় নহে। যেহেতু পণ্ডিতেরা কহিয়া থাকেন, কার্যাস্তরে অবিনিয়োজিত সময় অতিশয় ভয়াবহ হয়। কিন্তু স্ত্রীজাতির যদি শাস্ত্রজ্ঞান থাকিত, এবং সেই শাস্ত্রানুশীলন রস আশ্বাদন করিয়া সুখে কালযাপন করিবার সামর্থ্য থাকিত, তাহা হইলে কদাপি অন্তঃকরণে দুর্শ্রুতি বা দুষ্চিন্তার আবির্ভাব হইত না, এবং দুর্বশ দুষ্ট ইন্দ্রিয়গণ কখনই তাহাদিগের নিষ্কলঙ্ক নির্মল চরিত্রকে সকলঙ্ক ও অপবিত্র করিতে পারিত না।

হায়! আমরাদিগের সেই সৌভাগ্য ও সুখের দিন কবে সমাগত হইবে। এবং কবেই বা অশ্বদেশীয় হতভাগ্য নারীগণের সেই সৌভাগ্যসূচক শুভগ্রহের উদয় হইবেক। যখন আমরা দেখিতে পাইব, আমরাদিগের স্ত্রীপরিবারেরা বৃথা কন্দল কলহ পরিত্যাগ করিয়া শাস্ত্রীয় তর্ক বিতর্ক দ্বারা সুখে কালহরণ করিতেছে। সাবিত্রী পঞ্চমী অনন্ত পিপীতকী প্রভৃতি ব্রতোপবাসানুষ্ঠানে পরাঙ্মুখ ও তন্তুশ্রামকীর্তনেও বিলম্বিত হইয়া ইতিহাস পুরাণাদি পুস্তকে পারায়ণব্রতে দীক্ষিতা হইতেছে। স্বামিন্নিধানে তুচ্ছ বসন ভূষণাদি প্রার্থনার কথা পরিহরণ পূর্বক বিস্তৃত কাব্যালঙ্কার বিষয়ক প্রসঙ্গে স্বয়ং সুখিত ও প্রিয়ভমকে সুখায়িত করিতেছে। কেহ বা করকমলে বিচিত্র তুলিকা ধারণ

করিয়া চিত্রপটে বিবিধ জগতী পদার্থের চিত্র বিন্যাস করিতেছে। কেহ বা সূচী ও শুভসন্তান হস্তে লইয়া শিল্পনৈপুণ্যের পরীক্ষা প্রদর্শন করিতেছে। কেহ বা পুত্র কন্যা প্রভৃতি শিশুসন্তানগণকে সন্নিধানে উপবেশিত করিয়া ভাষাদিগের কোমল মানস ক্ষেত্রে নিশ্চল উপদেশ বীজ সকল বপন করিতেছে। কেহ বা নানা দেশীয় ইতিহাস সন্দর্ভ সন্দর্শনপূর্বক সত্যাসত্য নির্বাচন করিয়া তদাত্মনে নবীন মলিত সন্দর্ভ সঙ্কলিত করিতেছে। কেহ বা দৃষ্টি পথের পুরোভাগে বিচিত্র ভূচিত্র সকল সংস্থাপিত করিয়া ভূগোলের তত্ত্ব নির্ণয় করিতেছে। কেহ বা নিশাভাগে অনাবৃত উন্নত প্রদেশে দণ্ডায়মান হইয়া নিশ্চল নভোমণ্ডলে দূরবীক্ষণ বিনিবেশিত করিয়া গ্রহনক্ষত্রাদির পরস্পরের অস্তর ও সঞ্চারাদি গবেষণা করিতেছে। তখন আমরাদিগের কি সুখের অবস্থা উপস্থিত হইবে, এবং কত সুখেই বা এই সংসার-যাত্রা নির্বাহ করিতে পারিব।

হে করুণাময় জগদীশ্বর! আমরাদিগের দেশীয় লোকের অন্তঃকরণ হইতে কুসংস্কার ও কুমতি দূর করিয়া সুমতি প্রদান করুন যাহাতে সকলেই একমনা, এককর্মা ও এক উদ্দেশ্য হইয়া দৃঢ়তর অধ্যবসারে আরোহণপূর্বক আপন আপন নন্দিনী ও গৃহিণী প্রভৃতি স্ত্রীপরিবারকে বিত্যাভ্যাগ কার্যে নিয়োজিত করেন।

আমাদিগের বোধ হইতেছে এ দেশের হতভাগা সীমস্তিমীগণের ছুরবস্থা দর্শনে করুণাময় বিশ্বকর্তার অন্তঃকরণে করুণার সঞ্চার হইয়াছে এবং সেই ছুরবস্থা একবারে দূর করিবার নিমিত্ত তাঁহার সম্পূর্ণ অভিনিবেশও হইয়াছে। যেহেতুক তিনি এতদেশীয় লোক-সমূহকে ত্রীশিক্ষানুষ্ঠান বিষয়ে ব্যয়কাতর, অসুংসাহী, অসুদ্দেশ্যগী ও সাহসবিহীন হইয়া তদনুষ্ঠানে অসমর্থ বিবেচনা করিয়া অতি দূর

দেশ হইতে একজন উদারচিত্ত মহাত্মা মহাপুরুষকে ঐ সংকল্প সম্পাদনের নিমিত্ত আনিয়া দিয়াছেন। এই মহাত্মা বিদ্যানান বিষয়ে যেমন বদান্ত তেমনি উৎসাহগুণসম্পন্ন, এ দেশের অবস্থানুসারে এক্ষণে ষাটশ ব্যক্তির নিতান্ত আবশ্যক ইনি যথার্থতই সেই রূপ। বোধ করি উক্ত মহাত্মার নাম সকলেই অবগত আছেন। ইনি এক্ষণে আমাদের দেশে শিক্ষাসমাজের সর্বাধ্যক্ষ। ইহার নাম অনরেবল ডিক্কাওয়াটার বীটন। ইনি সেই সর্বনিয়ন্তা জগদীশ্বরের অভিপ্রেত সাধন করিবার নিমিত্ত গত বর্ষে এই মহানগরীতে এক বালিকা বিদ্যালয় সংস্থাপন করিয়াছেন। স্বয়ং আসিয়া সর্বদা তত্ত্বাবধান করেন। এবং সেই বিদ্যালয়ের যখন যে সকল নিত্য নৈমিত্তিক ব্যয়াদির আবশ্যক হয়, উক্ত মহাত্মা একাকী অকাতরে তৎসমুদায় নির্বাহ করিতেছেন।

বালিকা বিদ্যালয় সংস্থাপনার কালে আমরা মনে করিয়াছিলাম, এ দেশের প্রাচীন লোকেরা প্রথমতঃ এতৎ কার্যে প্রবৃত্ত হইবেন না, কারণ তাঁহারা স্বভাবসিদ্ধ বদ্ধমূল কুসংস্কারের একান্ত বিধেয়। তদ্ভাভিন্ন কিছুই বিবেচনা করেন না কেবল গতানুগতিক ঞ্চায়ে পুরাতন পদবীর অনুসরণ করিয়া থাকেন। কিন্তু তাঁহারা বাস্তবিক প্রসিদ্ধ বিদ্যালয়ে ইউরোপীয় বিদ্যার অনুশীলন করিয়া কৃতবিদ্য হইয়াছেন, ঞ্চায় নীতি পদার্থ-মীমাংসা প্রভৃতি পাঠ করিয়া সত্যাসত্য নির্বাচন করিতে সমর্থ হইয়াছেন, নানাবিধ ইতিহাস গ্রন্থ পাঠ দ্বারা নানা দেশের আচার ব্যবহার চরিত অবগত হইয়া অন্তঃকরণের কুসংস্কার দোষ শোধন করিয়াছেন, এবং সর্বদা স্বদেশের দুর্দশা বিমোচন ও মঙ্গল সম্পাদন করিবার আকাঙ্ক্ষার কথাপ্রসঙ্গে কত প্রকার সংকল্পানুষ্ঠানের সঙ্কল্পে আক্ৰান্ত

হইয়া থাকেন। তাঁহার এই অবসর পাইয়া অবশ্যই আত্মাদে প্রফুল্লচিত্ত হইয়া এক উত্তমের এই মহৎ কর্মের অমুঠানে অগ্রসর হইবেন, এবং সাধ্যানুসারে ঐ বিদেশীয় বান্ধবের সাহায্য দান করিবেন। হা! আমরা কি দারুণ ভ্রমে পতিত ছিলাম, আমাদের সেই ফলোন্মুখী আশালতা কোথায় বিলীন হইয়া গেল। সত্য্যভিমানী নবীনতন্ত্রের লোকেরা একবারে আমাদের হতাশ করিয়া দিয়াছেন। কথা কহিব কি? আমরা দেখিয়া শুনিয়া অবাক হইয়াছি, হস্তপাদাদি সকল উদরের মধ্যে প্রবিষ্ট হইয়া গিয়াছে। ভাবিয়াছিলাম সত্য্যভিমানী নব্য সম্প্রদায়িক মহাশয়েরা স্বকীয় বিদ্যার প্রভাবে দেশের সকল প্রকার ছুরবন্দা দূর করিবেন। স্ত্রীজাতির বিদ্যাশিক্ষা ভারতবর্ষে সর্বপ্রদেশে প্রচারিত করিবেন, বাল্যপরিণয় প্রথা স্তূদূরপরাহত করিয়া দিবেন। বিধবাগণের দারুণ যজ্ঞা ও দুঃখ দূর করিয়া দিয়া তাহাদিগকে পুনর্বার বিবাহ সংস্কার প্রদান করিবেন। এবং সকল ছুরবন্দার নিদানভূত যে জাত্যভিমান তাহাকে আর স্থান দিবেন না। এই সমুদায় মহৎ কার্য যাহাদের কৃত্তিসাধ্য ভাবিয়া আমরা নিশ্চিত ছিলাম, সেই নবীন সম্প্রদায়িক মহাত্মারা প্রথম সংগ্রামের উপক্রমেই অর্থাৎ বালিকাবিদ্যালয়ের প্রারম্ভেই যেরূপ দৃষ্টান্ত দর্শাইয়াছেন, সেই এক আঁচড়েই তাহাদিগের বিজ্ঞা, বুদ্ধি, উৎসাহ, উদ্বেগ, দেশোপকারিতা প্রভৃতি সমুদায় গুণের পরিচয় প্রাপ্ত হওয়া গিয়াছে। এক্ষণে আমরা এক প্রকার স্থির করিয়াছি, এ দেশের যুক্তিকার বখার্ব উৎসাহী ও বখার্ব হিতকারী মনুষ্য জন্মিতে পারে না। অতএব এ দেশ মধ্যে স্ত্রীশিক্ষা অথবা বিধবা বিবাহ প্রভৃতি যে কিছু মহৎ কার্য যখন ঘটবে, তাহা বিদেশীয় লোকের

অর্থাৎ ইউরোপীয় জাতির হস্ত দ্বারা সম্পাদিত হইবে, দেশের লোক কেবল হাঁ করিয়া চাহিয়া রহিবেন। বরং পারেন ত সাধ্যানুসারে প্রতিবন্ধকতাচরণ করিতে ক্রটি করিবেন না। কি লজ্জার বিষয়! কি লজ্জার বিষয়! অনরবল বীটন মহাশয় যে আমাদিগেরি কল্যাণসন্তানগণের শিক্ষার্থে প্রাণপণে যত্ন করিতেছেন ইহা একবারও কেহ মনে ভাবিলেন না, তিনি যে কেবল আমাদিগেরি হিত করিবার নিমিত্ত কায়মমোবাক্যে অশেষ অয়াস পাইতেছেন ইহা একবারও আলোচনা করিলেন না, তিনি যে নিত্যন্ত স্বার্থশূন্য কেবল আমাদিগেরি কল্যাণের নিমিত্ত প্রতি মাসে সাত আট শত টাকা ব্যয় করিয়া যথার্থ মিত্রের কার্য করিতেছেন ও বহুসংখ্য টাকা ব্যয় করিয়া উৎকৃষ্ট বিদ্যালয়দিগের নিৰ্ম্মাণ করিয়া দিতেছেন, ইহা একবারও বিবেচনা করিলেন না, কেবল অহরহ এই মহানুভাবের নিন্দাবাদ, অকীর্তি রচনা ও মিথ্যা কলঙ্ক জল্পনা করিয়া আপন আপন ইংরাজি বিদ্যার পরিচয় দিলেন। কি লজ্জার কথা! কি লজ্জার কথা! এ দেশীয় লোকের ইউরোপীয় বিদ্যাধ্যয়ন ও সভ্যতার উদয় কেবল অভক্ষ্য ভক্ষণ ও অপের পাস প্রভৃতি ছদ্মিমা কলাপেই পর্য্যবসিত হইল বীটন সাহেবের লিখিত এ দেশের লোকেরা যে প্রকার অসম্মত ব্যবহার করিলেন, শুনিয়া বিদেশীয় তত্ত্ব লোকেরা কি মনে করিতেছেন, আমরা বোধ করি তাহারা এ দেশকে অকৃতজ্ঞ পাকও বলিয়া মিরস্তুর ভৎসনা করিতেছেন সন্দেহ নাই।

এই প্রস্তাব সময়ে আমরা বাবু রামচন্দ্র খোবাল, বাবু রামগোপাল ঘোষ, বাবু প্যারীচাঁদ মিত্র, বাবু শৈলানন্দ বসু, বাবু সুরেন্দ্রনাথ মিত্র, বাবু রমিকমাল সেন, পণ্ডিত মদনমোহন ভট্টাচার্য



পণ্ডিত ভাবানাথ ভূঁইয়াচন্দ্রাতি, বাবু শঙ্করচন্দ্র পণ্ডিত প্রভৃতি কতিপয় মহাত্মার গুণকীর্তন না করিয়া লেখনী সঞ্চালন স্মৃষ্টি করিতে পারি না, যেহেতু ঐক্য মহাশয়েরা যথার্থ মহাত্মাভব ও যথার্থ উদার স্বভাবের কার্য করিয়া দেশের নাম রক্ষা করিয়াছেন, এবং যদি জগদীশ্বরের ইচ্ছায় জ্ঞানীশিক্ষা ব্যবহার এদেশে পুনর্বার প্রচরুপ হয় তবে এই উল্লিখিত মহাত্মাগাই তাহার প্রথম প্রচারক অথবা পুনরুদ্ধারক বলিয়া দেশ বিদেশে খ্যাতি প্রতিষ্ঠা পুণ্য কীর্তি প্রশংসার পাত্র হইয়া জগদীশ্বরের শুভাশীর্ষাদের অধিতীয় আধার হইবেন।

আমাদের বোধ হইতেছে এই প্রসঙ্গ সময়ে আর কতকগুলি মহাত্মারা সর্বাত্মে ও সর্বাপেক্ষায় অধিকতর ধর্মবাদের আশ্রয় হইতে পারেন। বাবু কালীকৃষ্ণ মিত্র, বাবু নবীনচন্দ্র মিত্র, বাবু নবীনকৃষ্ণ মিত্র, বাবু প্যারীচাঁদ সরকার ইঁহারা কলিকাতা নগরীর বালিকা বিদ্যালয় সংস্থাপনার প্রায় সমকালেই স্বয়ং পরিশ্রম দান ও স্বয়ং অর্থ ব্যয় স্বীকার করিয়া আপনাদিগের নিবাসস্থান বারানাতে এক বালিকা বিদ্যালয় স্থাপন করিয়াছেন। বিদ্যালয় স্থাপনার পরে কতকগুলি ঘোর পাষণ্ড রাক্ষস লোকেরা এই সংকল্পানুষ্ঠান অসহমান হইয়া সেই সাধুগণের উপর দারুণ উপদ্রব ও ঘোরতর অত্যাচার করিয়াছিল, তথাপি সেই সাধুগণ স্বাবলম্বিত অধ্যবসায় হইতে নিরস্ত না হইয়া বরং অধিকতর প্রয়াসে অকুতোভয়ে স্বকার্য সাধন করিতেছেন। ইঁহাদিগের অধিক ধন সম্পত্তি নাই, রাজকীয় কোন প্রধান পদে নিয়োগ নাই, বরং ইঁহাদিগের নামও কেহ জানেন না। এমত সামান্ত্যাবস্থাপন্ন হইয়াও ইঁহারা কেবল আপন২ পরিশ্রম ও মনের দৃঢ়তা সহকারে এতাদৃশ গুরুতর ব্যাপার সমাধা করিতেছেন। অতএব ইঁহাদিগের নাম ও গুণগ্রন্থ পাষণ্ডনিহিত

লেখার ঞ্চায় সর্বসাধারণের অন্তঃকরণে চিরজাগরুক থাক।  
অত্যাবশ্যক।

**জনহিতকর অশুষ্ঠান :** তর্কালঙ্কার জীবনে বহু সংকল্প করিয়া  
গিয়াছেন। ১২৬০ সালে মুর্শিদাবাদে অবস্থানকালে, গঙ্গাচরণ সেন ও  
তাঁহার সর্বিশেষ যত্নে বহরমপুরে একটি দাতব্য সমাজ স্থাপিত হয় ;  
অনাথ-আতুরদের সাহায্যদানই এই সভার উদ্দেশ্য ছিল তাঁহার অন্যান্য  
জনহিতকর কার্য সম্বন্ধে যোগেন্দ্রনাথ বিদ্যাভূষণ লিখিয়াছেন :—

কান্দী তর্কালঙ্কারের কীর্তির চরমস্থান। কান্দীতে তিনি  
যৎকালে প্রথম আসেন তখন সেখানে রাস্তা, ঘাট, বিদ্যালয় প্রভৃতি  
কিছুই ছিল না। তিনি আসিয়া এই সকলের প্রথম সৃষ্টি করেন।  
মুর্শিদাবাদের ন্যায় কান্দীতেও একটা অনাথমন্দির সংস্থাপন  
করেন।...বালিকাদিগের শিক্ষার নিমিত্ত এখানে একটা বালিকা  
বিদ্যালয় সংস্থাপন করিয়াছিলেন।...তিনি স্বয়ং এই বিদ্যালয়ের  
তত্ত্বাবধারণ করিতেন। ইহা ভিন্ন কান্দীর ইংরাজী বিদ্যালয় ও  
দাতব্য চিকিৎসালয়েরও ইনি সৃষ্টিকর্তা।

## মৃত্যু

৯ মার্চ ১৮৫৮ তারিখে কলেরা রোগে কান্দীতে মদনমোহনের  
মৃত্যু হয়।

## গ্রন্থাবলী

শুকবি বলিয়া তর্কালঙ্কারের খ্যাতি ছিল। তাঁহার সাহিত্য-প্রতিভা  
সম্বন্ধে আচার্য্য কৃষ্ণকমল বলিয়াছেন :—

মদনমোহন তর্কালঙ্কারের অন্তর্ভুক্ত আমার বড় আপশোষ হয়। স্কুলে যত দিন শিক্ষক ছিলেন, সেই সময়েই তিনি বাঙ্গালা সাহিত্যচর্চা করিতেন, ডেপুটি ম্যাজিষ্ট্রেট হওয়ার পর আর সেদিকে নজর দেন নাই। তাঁহার অননুসাধারণ প্রতিভা তাঁহাকে যে স্বাতন্ত্র্যদান করিয়াছিল, সেই স্বাতন্ত্র্য বাঙ্গালা সাহিত্যের একটা অমূল্য জিনিষ। সেই স্বাতন্ত্র্যই বাঙ্গালা সাহিত্যকে বৈচিত্র্য দান করিতে পারিত, শুধু বিদ্যাসাগরের ভাষাই বাঙ্গালার একমাত্র উপকরণ হইয়া থাকিত না। কিন্তু তিনি সংস্কৃত কলেজের সঙ্গে সঙ্গেই বাঙ্গালা-সাহিত্যচর্চাও ছাড়িলেন। যিনি ‘বাসবদত্তা’র প্রণেতা তাঁহারই ‘শিশুশিক্ষা’ এখনও আমাদের ছেলেমেয়েদের উপভোগ্য জিনিষ। তাঁহার ‘পাখী সব করে রব’ কবিতাটি কোন্ শিশু না সুর করিয়া আবৃত্তি করিয়াছে? (‘পুরাতন প্রসঙ্গ,’ ১ম পর্য্যায়, পৃ. ৫৩-৪)।

মদনমোহন যে কয়েকখানি গ্রন্থ রচনা করিয়া গিয়াছেন, নিম্নে সেগুলির একটি তালিকা দিতেছি :—

১। রসতরঙ্গিনী। ইং ১৮৩৪ (?)

যোগেন্দ্রনাথ বিদ্যাভূষণ লিখিয়াছেন, সংস্কৃত কলেজে “অলঙ্কার শাস্ত্র অধ্যয়ন সময়েই সপ্তদশ বৎসর বয়ঃক্রম কালে তর্কালঙ্কার রসতরঙ্গিনী-নামক কবিতা গ্রন্থে বঙ্গভাষায় তাঁহার বিচিত্র কবিত্ব শক্তির প্রথম পরিচয় দেন।” ‘রসতরঙ্গিনী’র “ভূমিকা”টি এইরূপ :—

শ্রীমন্ন্যহারাজাধিরাজ বিক্রমাদিত্যের সম্রাটবধি অনেকানেক কবিকুলতিলক ত্রিলোকলোকলোচনানন্দদায়ক মহাকবীন্দ্র মহাশয়-দিগের যে সুরসিকসমূহাঙ্কাদক সুরসংস্কৃত স্বাহু কবিতা সকল এতদ্ভূবনমণ্ডলাকাশে উজ্জ্বলতরু তারকার স্থায় প্রকাশমান ছিল তাহা



যুঝি মদনের পাছে,

ধনুর্গণ ছিঁড়িয়াছে,

অনুমানি সে জনের তাই নাই দেখা লো ॥

লোচনে হরিণগর্ভমোচনে

মা বিভূষণ কৃষ্ণাগ্নি কঙ্কলৈঃ ।

স্তম্ভ এব যদি জীবহারকঃ

সায়কো হি গরলৈন লিপ্যতে ॥

শুধু শুধায়ুখি নয়নে তব ।

যদি যুবজনা মোহিত সব ॥

তবে বল দেখি কি ফল দেখে ।

উজ্জল করিছ কঙ্কল মেখে ॥

শুধু শরে যদি জীবন হরে ।

কি ফল গরল মাখিয়া তারে ॥

জানীমো বয়মাসনশ্চ কমলে তস্তা মুখেন্দোস্থিষা

সংকোচঃ সমুপাগতে স ভগবান্ হৃদ্বঃ সরোজাসনঃ ।

কুণ্ডলং ক্রলতিকাযুগং বিহিতবান্ বক্রে দৃশৌ সৃষ্টবান্

মধ্যং বিশ্বতবান্ কচাংশ্চ কুটিলান্ বামক্রবঃ সৃষ্টবান্ ॥

অনুমানি অহুরাগে,

বিধি তার আগে ভাগে,

বদনকমলখানি যতনেতে সৃজিল ।

সৃজিতে সৃজিতে তার,

বসিতে ঘটিল দায়,

মুখ দেখে আসনকমল মুখ মুদিল ॥

ব্যস্ত হয়ে প্রজাপতি,

গড়িলেন দ্রুতগতি

তাই অতি কুরূপাতি, বাঁকা হয়ে রহিল ।

বেঁকিল নয়ন শেষ,

কুটিল হইল কেশ,

গঠিতে মাঝারদেশে একেবারে ভুলিল ॥

২। বাসবদত্তা। ইং ১৮৩৬ ( শক ১৭৫৮ )।

“তর্কালঙ্কার সংস্কৃত বাসবদত্তার অবিকল অনুবাদ করেন নাই। তাহা হইলে বাসবদত্তার রচয়িতা বলিয়া কবি-শ্রেণীভুক্ত হইতে পারিতেন না। তিনি বাসবদত্তা-ঘটিত উপাখ্যানমাত্র অবলম্বন করিয়া, নিজের ভাবে, নিজের ভাষায়, নিজের ছন্দে ও নিজের রাগ রাগিণীতে এই কবিতা গ্রন্থ রচনা করিয়াছেন। বিংশবর্ষীয় পঠদশাপন্ন ছাত্র এত ছন্দ ও এত রাগ রাগিণী শিক্ষা করিয়া তাহাতে এমন সুললিত কবিতামালা কিরূপে রচনা করিলেন তাহা আমরা ভাবিয়া স্থির করিতে পারি না।” ( যোগেন্দ্রনাথ বিদ্যাভূষণ : ‘তর্কালঙ্কারের জীবনচরিত’ )

রচনার নিদর্শন-স্বরূপ ‘বাসবদত্তা’ হইতে কিছু কিছু উদ্ধৃত করিতেছি :...

প্রভাত বর্ণন।

রাগিণী বিভাস। তাল আড়াঠেকা।

গচ্ছতি রজনী, কোকিল রমণী, কুঞ্জতি ভূশ-মহুবারং ।  
বিকসিত কুমুদং, রৌতিচ বিষমং, কল কল-মলিপরি-পারং ॥  
গতবতি তিমিরে, উদয়তি মিহিরে, স্ফুটতি চ নলিনী জ্বালং ।  
কুমুদ কলাপে, বিহিত বিলাপে, সীদতি রহসি বিশালং ॥  
বিরহিত শোকে, কুঞ্জতি কোকে, ছষতি বিগত বিকারং  
সকল কিশোরী, ছষিত চকোরী, রোদিতি সকরুণ তারং ॥  
শ্রীকবি মদন, ধৃতহরিচরণ, রচয়তি রহিত বিষাদং ।  
বিহিত সুসজ্জাং, পরিহর শয্যাং, নৃপসুত অর হরিপাদং ॥

কামিনীর সজ্জা

একাবলী ছন্দ:

একেত চিকণ চিকুর জাল ।  
 তাহাতে গাঁথনি মুকুতা মাল ॥  
 খেদেতে ক্ষুবধ হেরি খোঁপায় ।  
 রাগিনী নাগিনী রাগে কোঁপায় ॥  
 মলয়জ রজ রস মিশালে ;  
 তিলেকে তিলক করিল ভালে ॥  
 অঞ্নে রঞ্জন করিল আঁথি ।  
 যেন নাচে দুটি খঞ্জন পাঁথি ॥  
 গৃধিনী গঞ্জিত শ্রবণ মূলে ।  
 কুণ্ডল যুগল পরিল তুলে ॥  
 সহজে অধর বাঁধুলি ফুল ।  
 রঙ্গিনী রঙ্গিম করিল মূল ॥  
 মোহন মুকুরে মোহন ছাঁদ ।  
 নিরখিয়া নিজে নিন্দিল চাঁদ ॥  
 তরুণ তরল তারকাকার ।  
 গলে গজমতি গছিল হার ॥  
 পয়োধর পরে ঈষত দোলে ।  
 যেন শশী রাশি স্নমেকু কোলে ॥  
 বাঁধে কুচযুগে কাঁচলী কসে ।  
 যেন কি চিত্রিল হেম কলসে ॥  
 কর কিদলয়ে মণি বলয় ।  
 সাজে ভূজে মণি কেয়ুরঘর ॥  
 মুখর মঞ্জিম মঞ্জির শোভা ।

বিনাইয়া বেণী বাঁধিল ভালা ।  
 বেড়িয়া বিলসে বকুল মালা ॥  
 শুনি যেন কি জাগে মনোভব ॥  
 সখীগণে মনে মিটায় আশ ।  
 বাছিয়া বাছিয়া পরাল বাস ॥  
 চিরদিন যার যে ছিল মনে ।  
 সেই সাজাইল সেই ভূষণে ॥  
 একে রাকা নিশাকর বরণী ।  
 তাহে বেশ ভূষা ধরিয়া ধ্বনি ॥  
 দাঁড়াইল আসি সখীর মাঝে ।  
 তারা তারাপতি লুকায় লাজে ॥  
 চলিতে নুপুর বাজিছে পায় ।  
 কত শত কাম মোহিত তায় ॥  
 ধনি কহে কথা মধুর স্বরে ।  
 যেন রাশি রাশি পীযুষ করে ॥  
 আজি মনোচোর মিলিবে বলে ।  
 মৃদু মৃদু হাস মুখ-কমলে ॥  
 গরবে উলসি উঠিছে কায় ।  
 সঘন আপন মুরতি চায় ॥  
 শুনলো যুবতি কহিছে কবি ।  
 হের না আপনি আপন ছবি ॥  
 যে তব নয়ন বিষম কাঁদা ।  
 শেষে কি আপনি পড়িবে বাঁধা ॥

যুব জন মন মরাল লোভা ॥  
কটিতটে করে মধুর রব ।

কাকারের গলে পড়িলে অগ্নি ।  
তারে কি কাটে না ওলো রূপসী ॥

কামিনীর বিরহোৎকৃষ্টিতা ।

রাগিনী ভৈরবী । তাল আড়াঠেকা ।

কই এল সেই সেই প্রাণ কালিয়া                      আনিতে যে গেল, পুনঃ নাহি  
স্বর খর শরে তনু যায় জলিয়া ॥                      ফিরে এল,  
এ বন ফুলের মালা, বিষম শুলের জালা,                      নাথ বা আগিতেছিল, কে  
এ দেহ বিহনে কালা, যায় বুঝি গলিয়া ।                      রাখিল ছলিয়া ॥

৩। শিশুশিক্ষা । ১ম-২য় ভাগ—ইং ১৮৪৯ ; ৩য় ভাগ—ইং ১৮৫০ ।

১ম ভাগ ‘শিশুশিক্ষা’ কাউন্সিল-অব-এডুকেশনের সভাপতি বীটন সাহেবকে উৎসর্গীকৃত । উৎসর্গ-পত্রের প্রথমাংশ এইরূপ :—

অনেকেই অবগত আছেন, প্রথম পাঠোপযোগি পুস্তকের অসম্ভাবে অস্বদেশীয় শিশুগণের যথানিয়মে স্বদেশ ভাষাশিক্ষা সম্পন্ন হইতেছে না । আমি সেই অসম্ভাব নিরাকরণ ও বিশেষতঃ বালিকাগণের শিক্ষা সংসাধন করিবার আশয়ে ও পুস্তকপরিষ্কার প্রস্তুত করিতে প্রবৃত্ত হইয়াছি, এই কয়েকটি পত্র দ্বারা তাহার প্রাথমিক সূত্রপাত করিলাম ।

প্রথম ভাগ ‘শিশুশিক্ষা’ হইতে একটি সুপরিচিত কবিতা উদ্ধৃত করিতেছি :—

পাখী সব করে রব, রাতি পোহাইল ।

কাননে কুসুম কলি, সকলি ফুটিল ॥



রাখাল গরুর পাল, লয়ে যায় মাঠে ।  
 শিশুগণ দেয় মন, নিজ নিজ পাঠে ॥  
 ফুটিল মালতী ফুল, সৌরভ ছুটিল ।  
 পরিমল লোভে অলি, আদিয়া জুটিল ॥  
 গগনে উঠিল রবি লোহিত বরণ ।  
 আলোক পাইয়া লোক, পুলকিত মন ॥  
 শীতল বাতাস বয়, জুড়ায় শরীর ।  
 পাতায় পাতায় পড়ে, নিশির শিশির ॥  
 উঠ শিশু, মুখ ধোও, পর নিজ বেশ ।  
 আপন পাঠেতে মন, করহ নিবেশ ॥

২য় ভাগ 'শিশুশিক্ষা'ও ১৮৪৯ খ্রীষ্টাব্দে প্রকাশিত হয় । ইহার  
 মুখবন্ধে প্রকাশ :—

শিশুশিক্ষার প্রথম ভাগে, কেবল অসংযুক্তবর্ণপরিচয়ের উপায়  
 ব্যবস্থাপিত হইয়াছে, সংযুক্তবর্ণপরিচয়ের নিমিত্ত, দ্বিতীয় ভাগ  
 সঙ্কলিত হইল ।... এই বৈশাখ । সংবৎ ১৯০৬ ।

৩য় ভাগ 'শিশুশিক্ষা' পর-বৎসর প্রকাশিত হয় । ইহার মুখবন্ধটি  
 এইরূপ :—

শিশুশিক্ষার প্রথম ও দ্বিতীয় ভাগে বর্ণ পরিচয়ের উপায়  
 ব্যবস্থাপিত হইয়াছে । এক্ষণে তৃতীয় ভাগে অতি ঋজু ভাষায়  
 নীতিগর্ভ নানাবিষয়ক প্রস্তাব সকল সঙ্কলিত হইল ।

কেবল মনোরঞ্জনের নিমিত্ত শিশুগণের উন্মেষামুখ চিত্তে কোন  
 প্রকার কুসংস্কার সঞ্চারিত করা আমাদের অতিশ্রেয় নহে ।  
 এ নিমিত্ত হংসীর স্বর্ণডিম্ব প্রসব, শৃগাল ও সারসের পরম্পর পরিহাস  
 নিমন্ত্রণ, ব্যাঘ্রের গৃহদ্বারে বৃহৎ পাকস্থালী ও কাঠতার দর্শনে ভয়ে

বলীবর্দের পলায়ন, পুরস্কার লোভে বক কর্তৃক বুকের কর্ণবিদ্ধ  
অস্থিখণ্ড বহিষ্করণ, খুঁর্ড শৃগালের কপট স্তবে মুগ্ধ হইয়া কাকের স্বীয়  
মধুর স্বর পরিচয় দান প্রভৃতি অসম্বন্ধ অবাস্তবিক বিষয় সকল  
প্রস্তাবিত না করিয়া সুসম্বন্ধ নীতিগর্ভ আখ্যান সকল সম্বন্ধ করা  
গেল। ১০০১৬ই ভাদ্র শকাব্দাঃ ১৭৭২।

সম্পাদিত গ্রন্থঃ মদনমোহন অনেকগুলি সংস্কৃত গ্রন্থ সম্পাদন  
করিয়া গিয়াছেন। এগুলি ১৯০৫-৭ সংবতে (ইং ১৮৪৮-৫০)  
প্রকাশিত হয়।

“সাংখ্যতত্ত্ব-কৌমুদী, চিন্তামণি-দীপ্তি, বেদান্ত-পরিভাষা এই  
তিন খানি পুস্তকের সংস্করণ ও প্রথম মুদ্রাঙ্কন দ্বারা তর্কালঙ্কার মহাশয়  
সংস্কৃত দর্শনশাস্ত্রের বিলক্ষণ উপকার করিয়া গিয়াছেন। শিবশক্তি  
প্রকাশিকা ও বোপদেবের ধাতুপাঠ এই দুই খানি ব্যাকরণ গ্রন্থ এবং  
কাদম্বরী, কুমারসম্ভব ও মেঘদূত এই তিনখানি সাহিত্যগ্রন্থ সংশোধিত  
ও মুদ্রাঙ্কিত করিয়া তর্কালঙ্কার মহাশয় সংস্কৃত কাব্য ও ব্যাকরণ-  
সংসারে চিরস্মরণীয় কীর্তিলাভ করিয়া গিয়াছেন।” (‘তর্কালঙ্কারের  
জীবনচরিত’)






ফোর্ট উইলিয়ম কলেজের পণ্ডিত



# ফোর্ট উইলিয়ম কলেজের পণ্ডিত

গোলোকনাথ শর্মা, ভারিণীচরণ মিত্র, চণ্ডীচরণ মুনশী, রাজীবলোচন  
মুখোপাধ্যায়, রামকিশোর তর্কচূড়ামণি, মোহনপ্রসাদ  
ঠাকুর, হরপ্রসাদ রায়, কাশীনাথ তর্কপঞ্চানন

ব্রজেন্দ্রনাথ বন্দ্যোপাধ্যায়



বঙ্গীয়-সাহিত্য-পরিষৎ

২৪৩/১, আচার্য প্রফুল্লচন্দ্র রোড

কলিকাতা-৭০০০০৬

প্রকাশক  
শ্রীদিলীপকুমার বিশ্বাস  
সম্পাদক  
বঙ্গীয়-সাহিত্য-পরিষৎ

প্রথম সংস্করণ—বৈশাখ, ১৩৪৯ ; দ্বিতীয় সংস্করণ—পৌষ, ১৩৪৯ ;  
তৃতীয় সংস্করণ—জ্যৈষ্ঠ, ১৩৫১ ; চতুর্থ সংস্করণ—শ্রাবণ, ১৩৫৪ ;  
পঞ্চম সংস্করণ—ভাদ্র, ১৩৬৬ ; ষষ্ঠ মুদ্রণ—চৈত্র, ১৩৮৮ ।

মূল্য—তিন টাকা

মুদ্রাকর—শ্রীমতী রেখা দে  
শ্রীহরি প্রিন্টার্স, ১২২/৩ রাজা দীনেন্দ্র স্ট্রীট,  
কলিকাতা-৭০০০০৪



## পূর্বাভাষ

বাংলা গদ্য-সাহিত্যের গোড়ার ইতিহাস জানিতে হইলে সর্বাগ্রে ফোর্ট উইলিয়ম কলেজের বাংলা-বিভাগের ইতিহাসের সহিত পরিচিত হওয়া প্রয়োজন।

ইস্ট ইণ্ডিয়া কোম্পানী যে-সকল ইংরেজকে শাসনকার্য পরিচালনার জন্ত এদেশে পাঠাইতেন, কর্মক্ষেত্রে প্রবেশ করিতে দিবার পূর্বে তাঁহাদিগকে এদেশীয় ভাষা শিক্ষা দেওয়ার প্রয়োজনীয়তা গবর্নর-জেনারেল লর্ড ওয়েলেসলী বিশেষভাবে উপলক্ষি করিয়াছিলেন। এই উদ্দেশ্যে তিনি ১৮০০ খ্রীষ্টাব্দের নবেম্বর মাসে কলিকাতায় ফোর্ট উইলিয়ম কলেজের প্রতিষ্ঠা করেন। ১৮০১ খ্রীষ্টাব্দের ৪ঠা মে তারিখে কলেজের বিভিন্ন বিভাগের জন্ত পণ্ডিত, মৌলবী প্রভৃতির নিয়োগ মঞ্জুর হয়। বাংলা-বিভাগের কর্তা হন—শ্রীরামপুরের পাদরি উইলিয়ম কেরী। তাঁহার অধীনে যে-সকল পণ্ডিত নিযুক্ত হন, তাঁহাদের নামের তালিকা :—

প্রধান পণ্ডিত—মৃত্যুঞ্জয় বিদ্যালঙ্কার...বেতন	২০০\
দ্বিতীয় পণ্ডিত - রামনাথ বিদ্যাবাচস্পতি...	১০০\
সহকারী পণ্ডিত—শ্রীপতি মুখোপাধ্যায়.	৪০\
আনন্দচন্দ্র	৪০\
রাজীবলোচন [মুখোপাধ্যায়]	৪০\
কাশীনাথ [মুখোপাধ্যায়]	৪০\
পদ্মলোচন চূড়ামণি	৪০\
রামরাম বসু	৪০\

এই সকল পণ্ডিতের অনেকেই কেরীর সুপারিশে ফোর্ট উইলিয়ম কলেজে পণ্ডিতের পদে নিযুক্ত হইয়াছিলেন। শ্রীরামপুর মিশনের

পুস্তকাদি রচনা-ব্যাপারে সহায়তা করিবার জন্ত মালদহ, নবদ্বীপ প্রভৃতি স্থান হইতে কেবী তাঁহাদের সংগ্রহ করিয়াছিলেন।

ফোর্ট উইলিয়ম কলেজে নিযুক্ত হইয়া কেবী বাংলা পাঠ্য পুস্তকের অভাবে বিশেষ অসুবিধায় পড়িলেন। কলেজ-কর্তৃপক্ষও এই অসুবিধা সম্বন্ধে উদাসীন ছিলেন না; তাঁহারা দেশীয় পণ্ডিতগণকে পুস্তক-রচনায় উৎসাহিত করিবার জন্ত নগদ পুরস্কারের ব্যবস্থা করিলেন। ৭ জুলাই ১৮০১ তারিখে অনুষ্ঠিত কলেজ-অধিবেশনের কার্যবিবরণে প্রকাশ :—

RESOLVED that Premiums shall be proposed to the learned Natives for encouraging literary works in the Native languages. (Home Dept. Miscellaneous No. 559, p. 6.)

ইহা ছাড়া পুস্তক-মুদ্রণ তখন ব্যয়সাধ্য ব্যাপার ছিল বলিয়া, এই সকল পুস্তক মুদ্রণের সাহায্যকল্পে কলেজ-কাউন্সিল তাহার অনেকগুলি খণ্ড কলেজ-লাইব্রেরির জন্ত ক্রয় করিতেন। এই ব্যবস্থায় এবং কেবীর নিকট হইতে উৎসাহ পাইয়া কলেজের পণ্ডিতগণ পাঠ্য পুস্তক রচনায় মনোযোগী হইয়াছিলেন। ফলে আমরা যে-সকল পুস্তক লাভ করিয়াছি, তাহাদের মধ্যে এইগুলি বিশেষ উল্লেখযোগ্য :—

১।	রামরাম বসু	...রাজা প্রতাপাদিত্য চরিত্র	ইং ১৮০১
		লিপিমাল্য	১৮ ২
২।	মৃত্যুঞ্জয় বিদ্যালঙ্কার	...বত্রিশ সিংহাসন	১৮০২
		প্রবোধচন্দ্রিকা	১৮০৩
৩।	গোলোকনাথ শর্মা	...হিতোপদেশ	১৮০২
৪।	তারিণীচরণ মিত্র	...ওরিয়েন্টাল ফেবুলিষ্ট	১৮০৩
৫।	চণ্ডীচরণ মুন্সী	...তোতা ইতিহাস	১৮০৫
৬।	রাজীবলোচন মুখোপাধ্যায়	...মহারাজ কৃষ্ণচন্দ্র রায়চন্দ্র চরিত্র	১৮০৮
৭।	রামকিশোর তর্কচূড়ামণি	...হিতোপদেশ	১৮০৮

৮।	মোহনপ্রসাদ ঠাকুর	...	ইংরেজী-বাংলা শব্দকোষ	১৮১০
			ইংরেজী-ওড়িয়া অভিধান	১৮১১
৯।	হরপ্রসাদ রায়	...	পুরুষপরীক্ষা	১৮১৫
১০।	কাশীনাথ তর্কপঞ্চানন	...	পদার্থকৌমুদী	১৮২১

এক জন ( গোলোকনাথ ) ছাড়া ইঁহারা সককেই ফোর্ট উইলিয়ম কলেজের সহিত যুক্ত ছিলেন। কলেজের সহিত সংশ্লিষ্ট নহেন, এমন অনেকে পুস্তক-প্রকাশকালে কলেজ-কর্তৃপক্ষের অর্থসাহায্য লাভ করিয়াছেন ; দৃষ্টান্তস্বরূপ গোলোকনাথ শর্মার নাম করা যাইতে পারে। উপরের তালিকার রামরাম বসু ও যতুজয় বিদ্যালঙ্কারের জীবনী আমরা ইতিপূর্বে এই গ্রন্থমালায় প্রকাশ করিয়াছি ; বাকী কয় জন পণ্ডিতের সম্বন্ধে যেটুকু সংবাদ সংগ্রহ করিতে পারা গিয়াছে, বর্তমান পুস্তকে তাহাই বিবৃত হইল। ইহাদের রচিত পুস্তকগুলির অধিকাংশই ফোর্ট উইলিয়ম কলেজের বাংলা-বিভাগের পাঠ্য পুস্তক ছিল। কয়েকখানি পুস্তক -- যেমন, রাজীবলোচনের 'মহারাজ কৃষ্ণচন্দ্র রায়সিং চরিত্রং' ও হরপ্রসাদ রায়ের 'পুরুষপরীক্ষা'—আবার দীর্ঘকাল ধরিয়া অন্যান্য শিক্ষা-প্রতিষ্ঠানে ছাত্রদের ভাষাশিক্ষার সহায়তা করিয়াছিল।



## গোলোকনাথ শর্মা

গোলোকনাথ শর্মার কোন পরিচয় এত দিন আমাদের জানা ছিল না। শ্রীযুত সজনীকান্ত দাসের চেষ্টার ফলে তাঁহার সম্বন্ধে যেটুকু তথ্য জানিতে পারা গিয়াছে, নিম্নে তাহা উদ্ধৃত করিলাম :—

মালদহ হইতে জন টমাসের আস্থানে মদনবাটীর নীলকুঠির অধ্যক্ষের চাকুরি লইয়া কেবী যখন নৌকাযোগে সুন্দরবন অঞ্চল হইতে যাত্রা করেন, তখন তাঁহার মুনী রামরাম বসু সঙ্গে ছিলেন। ১৭২৪ খ্রীষ্টাব্দের জুন মাসে তিনি মদনবাটী পৌঁছেন; টমাস তখন বারো মাইল দূরে মহীপালদীঘির নীলকুঠিতে অধ্যক্ষতা করিতেছেন। জন টমাস বাংলা ও সংস্কৃত শিখিবার জন্ত এই সময়েই একজন স্থানীয় পণ্ডিতকে নিযুক্ত করেন। এই পণ্ডিতই যে গোলোকনাথ শর্মা, তাহা মনে করিবার পরোক্ষ কারণ আছে। ১৭২৫ সনের ১ নবেম্বর হইতে ১৭২৬ সনের ২৬ জানুয়ারি তারিখের মধ্যে লেখা টমাসের ডায়ারি ‘পিরিয়ডিক্যাল অ্যাকাউন্টস’ প্রথম খণ্ড ৪র্থ সংখ্যার ২৭৮-২২৪ পৃষ্ঠায় মুদ্রিত আছে। ইহার এক স্থলে টমাস লিখিয়াছেন, আমার পণ্ডিত যে “হিন্দু ফেব্‌ল্‌স” অনুবাদ করিতেন, তাহার মধ্য হইতে তিনটি গল্প বাছিয়া আমি তাহার ইংরেজী অনুবাদ ডক্টর রাইল্যাণ্ডের নিকট পাঠাইলাম। গল্প তিনটি এই—(1) Crow and the Deer, (2) Old Dove and the young ones—Snare, (3) Jackals and Elephant. ১৮০১ সনের ১৫ই জুন উইলিয়ম কেবী ডক্টর রাইল্যাণ্ডকে যে পত্র লেখেন, তাহার এক স্থলে আছে—

Our Pundit has also, nearly translated the Sanscrit fables, one or two of which brother Thomas sent you, which we are going to publish.

১৮০১ সনেই এই গল্পগুলি প্রকাশিত হয় এবং ইহাই গোলোকনাথ শর্মার 'হিতোপদেশ'। ইতিপূর্বে সকলেই কেবীর এই পত্রে লিখিত "Our Pundit" অর্থে ভুল করিয়া মৃত্যুঞ্জয় বিদ্যালঙ্কার বুঝিয়াছিলেন।

এই গোলোকনাথ পণ্ডিতের ভ্রাতা কাশীনাথ মুখোপাধ্যায় ১৭৯৫ সনের প্রারম্ভেই কেবীর পণ্ডিতরূপে নিযুক্ত হন, ইনি কিশোরবয়স্ক ছিলেন এবং ইঁহার কণ্ঠস্বর স্মৃষ্টি ছিল। এই কাশীনাথ পরবর্তী কালের ফোর্ট উইলিয়ম কলেজের কাশীনাথ তর্কপঞ্চানন নহেন।

সুতরাং অনুমান করা যায়, গোলকনাথ শর্মার সম্পূর্ণ নাম গোলোকনাথ মুখোপাধ্যায় এবং মহীপালদীঘির (বর্তমানে দিনাজপুর জিলার অন্তর্গত) কাছাকাছি কোনও স্থানে তাঁহার নিবাস ছিল। ইনি ১৭৯৪ সন হইতে মৃত্যু পর্যন্ত মিশনরীদের সহিত যুক্ত ছিলেন; কেবী যখন মালদহ পরিত্যাগ করিয়া শ্রীরামপুরে আগমন করেন, গোলোকনাথও তাঁহার সহিত আসিয়াছিলেন। টমাসের নির্দেশে রচিত 'হিতোপদেশ'র গল্পগুলিই ১৮০১ সনে ফোর্ট উইলিয়ম কলেজের পাঠ্য পুস্তকরূপে মুদ্রিত ও প্রকাশিত হয়। ১৮০৩ খ্রীষ্টাব্দে স্বদেশে তাঁহার মৃত্যু হয়। 'পিরিয়ডিক্যাল অ্যাকাউন্টসে'র ত্রয়োদশ সংখ্যায় (২য় খণ্ড) ৪০২-৪১২ পৃষ্ঠার জোসুয়া মার্শম্যানের জার্নালে এই মৃত্যুর উল্লেখ আছে। ২রা জুলাই (১৮০৩) তিনি লিখিয়াছেন—

Our brahman (Not a professor, but employed by them) Golook Naut is dead, at his own house, whither he had gone for his health. He died in all the superstition of hindoo idolatry...

( 'বাংলা গঢ়ের প্রথম যুগ', পৃ. ১৫১-৫২ )

গোলকনাথের 'হিতোপদেশে'র একটি ইংরেজী ও একটি বাংলা আখ্যা-পত্র আছে। ইংরেজী আখ্যা-পত্রে প্রকাশকাল "১৮০১" 'কিন্তু

বাংলা আখ্যা-পত্রে “১৮০১” আছে। প্রকৃতপক্ষে ইহা ১৮০২ খ্রীষ্টাব্দে প্রকাশিত হয়।\* আখ্যা-পত্র দুইটি উদ্ধৃত করিতেছি :—

HEETOPADESHU, or Beneficial Instructions. *Translated from the original Sangskrit* By GOLUK NATH, Pundit, SERAMPORE, PRINTED AT THE MISSION PRESS. 1802.

হিতোপদেশ।—সংগ্রহ ভাষাতে—গোলোক নাথ শর্মা ক্রিয়তে।—শ্রীরামপুরে ছাপা হইল।—১৮০—

‘হিতোপদেশে’র পৃষ্ঠা-সংখ্যা ২৪৭। রচনার নিদর্শনস্বরূপ ইহা হইতে কিছু উদ্ধৃত করা গেল :—

কোন নদীর তীরেতে পাটলীপুত্র নামধেয় এক নগর আছে সে স্থানে সর্ব স্বামী গুণোপেত সুদর্শন নামে রাজা ছিল। সেই রাজা এক কালে কোন কাহার মুখে দুই শ্লোক শুনিলেন তাহার অর্থ এই শাস্ত্র সকলের লোচন অতএব যে শাস্ত্র না জানে সেই অন্ধ। আর যৌবন ধন সম্পত্তি প্রভুত্ব অবিবেক ইহার যদি এক থাকে তবেই অনর্থ সমুদায় থাকিলে না জানি কি হয়। ইহা শুনিয়া সেই রাজা অত্যন্ত উদ্বিগ্ন মনে চিন্তা করিতে লাগিলেন যে আমার পুত্রেরা অতি মূর্থ অতএব ইহারদের কি হবে এমন পুত্র থাকা না থাকা তুল্য। যে পুত্র অবিদ্যান ও অধার্মিক সে পুত্রের কি কার্য যেমন কানার

---

\* ১৮০১ খ্রীষ্টাব্দের জুন মাসেও এই পুস্তকের রচনা সম্পূর্ণ হয় নাই, —পূর্ব-পৃষ্ঠায় উদ্ধৃত কেরীর পত্রাংশ দ্রষ্টব্য। ইহার প্রকাশকাল যে ১৮০২ সন, শ্রীরামপুর মিশনারীদের Tenth Memoir-এ তাহার উল্লেখ আছে ( “A previous translation into Bengali by ‘Goluk Nath Pundit’ was published at Serampore in 1802.” See *Indian Antiquary* for 1903, p 241 ff ) ।

চক্ষু পীড়া মাত্র। যদি পুত্র হইয়া মরিত কিম্বা না হইত সে কেবল এক ার দুঃখ কিন্তু মূর্খ পুত্র প্রতি পদে। বিদ্যায়ুক্ত এবং সাধু যদি এক পুত্র হয় তিনি পুরুষের মধ্যে সিংহ। যেমন চন্দ্র। যাদৃশ বজ্রনীতে চন্দ্র উদয় না হইলে কোটি ২ নক্ষত্রে অক্ষকার নাশ করিতে পারে না। তাদৃশ এক শত মূর্খ পুত্র জানিবা এক সূপুত্রের তুল্য নহে।

অপর যে ব্যক্তি অনেক দান ও পুণ্য করে তাহার পুত্র ধনবান ও ধীবান ও ধার্মিক হয়। ঋণকর্তা পিতা শত্রু মাতা অপ্রিয়বাদিনী ভার্যা রূপবতী পুত্র অপণ্ডিত। উচ্চ বা নীচ হউক গুণবান সকল স্থানে পূজনীয়। যেমন বংশের গুণযুক্ত ধনুক নিগূর্ণ কি কার্ণের। যে পুত্র না পাঠ করে সে পুত্র পণ্ডিতের মধ্যে কীদৃশ যেমন পঙ্কের মধ্যে গরু পড়িলে হয়। গভস্থ মনুষ্যের এই পাঁচ যোগ হইয়া থাকে আয়ু কর্ম বিত্ত বিদ্যা নিধন। কিন্তু যদি কেহ ভাবে যে যা হবার তা হবে সে অতি অলসের কথা তাহার প্রমাণ যেমত বৃথের গতি কেবল চক্রেতে হয় না এবং পুরুষকারের চেষ্টা ব্যতিরেক হয় না। অপর কুস্তকার আপন ইচ্ছা মত তাহার কার্য করিতে পারে তাদৃশ আত্মকৃত কর্ম মনুষ্যে করিতে পারে। অপরঞ্চ কাকের তাল ফেলার স্তায় অগ্রে নিধি দেখিয়া পায় তাহা ঈশ্বর দত্ত বটে কিন্তু পুরুষার্থ অপেক্ষা করে যদি কোন কাহার অগ্রে পাকা তাল কাকে ফেলায় সে দেখিয়া যদি না যায় তবে কখন পাবে না অতএব যে পিতামাতা তাহার পুত্রকে না পড়ায় সে শত্রু এবং সে পুত্র সভার মধ্যে কেমন দীপ্তি হয় যেমন হংসের মধ্যে বক। মুকের শোভা যাবৎ কিছু না বলে তাবৎ মাত্র। মোটা দ্রব্য চিকন হয় ও চিকন মোটা হয় যেমন চন্দ্র কৃষ্ণ পক্ষে ও শুক্র পক্ষে। সে রাজা এই সকল চিন্তা করিয়া পণ্ডিতের সভা করিলেন। ভো ভো পণ্ডিতেরা অবধান



কর। আমার পুত্রেরা নিত্য উল্টা পথগামী অতএব তাহাদের নীতি শাস্ত্রে পুনর্বার জন্ম দেহ। যথা কাঞ্চন সংসর্গতে কাচ যে তিনি বহু মূল্য প্রস্তুতের দীপ্তি ধারণ করেন তথা সন্ধিধানেতে মূর্খ যে তিনি প্রীণতা পান। তাহার স্থল এই যদি হীনের সহিত থাকে তবে হীনমতি হয় সমানের সংসর্গে সমতা হয় বিশিষ্টের সহিত থাকিলে বিশিষ্টতা পায়। অতঃপরে বিষ্ণু শর্মা নামেতে ব্রাহ্মণ মহা পণ্ডিত সকল নীতি শাস্ত্রজ্ঞ বৃহস্পতির গ্রাম কহিলেন, হে মহা রাজা এই সকল রাজ পুত্রেরদিগকে আমি নীতি শাস্ত্রেতে জ্ঞান করিয়া দিব বিনা ব্যাপারে কাহারু কিছু হয় না অতএব আমি মহা রাজার পুত্রেরদিগকে ছয় মাসের মধ্যে যে রূপে হয় সেই রূপে নীতি শাস্ত্রেতে জ্ঞান জন্মাইয়া দিব মহা রাজা তাহারদিগের কারণ কোন চিন্তা করিবেন না। রাজা বিনয় পূর্বক পুনর্বার কহিতেছেন। যদি কীট পুষ্পের সহিত থাকে তবে মহতের শিরে আরোহণ করে। আর সাধু ব্যক্তি যতপি পাথর স্থাপন করে তবে সে পাথর দেবত্ব পায় যেমন পর্বতের উপরের দ্রব্য নিকটে দীপ্তি হয় তেমন সতের নিকটে হীন বর্ণের দীপ্তি হয়। অতএব বিষ্ণু শর্মা কে বহু মর্যাদা করিয়া রাজা আপন পুত্রেরদিগকে লইয়া সমর্পণ করিলেন। অথ রাজা পুত্রেরদের অগ্রে প্রস্তাপ ক্রমেতে সেই পণ্ডিত কহিলেন যে কাণ্ড শাস্ত্র বিনোদেতে পণ্ডিতেরা কাল যাপন করেন মূর্খের কাল তৃণ ও নিদ্রা ও কলহেতে যায়। অতএব তোমারদিগের জ্ঞান জন্ম কাক কুর্মাদির বিচিত্র কথা কহি। রাজ পুত্রেরা কহিলেন ঃলিতে আজ্ঞা হউক। ( পৃ. ৪-২ )

## তারিণীচরণ মিত্র

আনুমানিক ১৭৭২ খ্রীষ্টাব্দে তারিণীচরণের জন্ম হয়। তিনি স্বনামধন্য দুর্গাচরণ মিত্রের পঞ্চম পুত্র। কলিকাতার উত্তর-সিমলা বা পুরাতন-সিমলা অঞ্চলে তাঁহার নিবাস ছিল।

৪ মে ১৮০১ তারিখে কলেজ-কমিটির অধিবেশনে ফোর্ট উইলিয়ম কলেজের বিভিন্ন বিভাগে পণ্ডিত, মুনশী প্রভৃতির নিয়োগ মঞ্জুর হয়। হিন্দুস্থানী-বিভাগের অধ্যক্ষ হন জন গিলক্রাইস্ট। তাঁহার অধীনে মীর বাহাদুর আলি মাসিক দুই শত টাকা বেতনে প্রধান মুনশী, এবং তারিণীচরণ মিত্র মাসিক এক শত টাকা বেতনে দ্বিতীয় মুনশীর পদে নিযুক্ত হইয়াছিলেন।

তারিণীচরণ গুণী লোক ছিলেন; অল্প দিনের মধ্যেই চাকুরীতে তাঁহার পদোন্নতি ঘটিয়াছিল। ১৯ ডিসেম্বর ১৮০৯ তারিখে হিন্দুস্থানী-বিভাগের তৎকালীন প্রধান মুনশী মীর শের আলী আফশোবের মৃত্যু হইলে কলেজ-কমিটি তাঁহার পদে তারিণীচরণকে মাসিক দুই শত টাকা বেতনে নিযুক্ত করেন। কলেজ-কমিটির কার্যবিবরণে প্রকাশ :—

**At a council held on 1 Feb. 1810. Meer Sher Ulee Ufsos, head Moonshee in the Hindoostanee Dept. having departed this life on the 19th of December 1809,—Resolved that the following Promotions and appointments in that Dept. take effect from the 21 December, viz**

**Tarnee Churn appointed Head Moonshee on the 21st December in the room of Meer Sher Ulee deceased,.. ( Home Mis. No. 561, p. 186. )**

হিন্দুস্থানী-বিভাগের প্রধান মুনশীর পদে তারিণীচরণ অনেক দিন—  
১৮৩০ খ্রীষ্টাব্দের মে মাস পর্যন্ত প্রতিষ্ঠিত ছিলেন। তিনি ৫৮ বৎসর

বয়সে মাসিক এক শত টাকা পেনশনে এই কর্ম হইতে অবসর গ্রহণ করেন ।\*

ফোর্ট উইলিয়ম কলেজে কার্যকালে আর একটি প্রতিষ্ঠানের সহিত তাঁহার ঘনিষ্ঠ যোগ ছিল। এই প্রতিষ্ঠানটি—কলিকাতা স্কুল-বুক সোসাইটি, ৪ জুলাই ১৮১৭ তারিখে প্রতিষ্ঠিত হয়। এই সমিতির প্রধান উদ্দেশ্য ছিল—ইংরেজী ও এ-দেশীয় ভাষায় পাঠশালার উপযোগী পাঠ্য পুস্তক প্রণয়ন ও প্রকাশ, এবং স্থলভে বা বিনা মূল্যে সেগুলি বিতরণ। কোন ধর্মগ্রন্থ প্রকাশ এই সমিতির উদ্দেশ্য বহির্ভূত ছিল, অবশ্য নীতি-মূলক পুস্তকের কথা স্বতন্ত্র। বলা বাহুল্য, সে-সময় অনেকে পাঠশালা স্থাপন করিতেছিলেন, কিন্তু ছেলেদের পাঠোপযোগী পুস্তকের একান্ত অভাব ছিল। স্কুল-বুক সোসাইটির প্রথম বর্ষের বার্ষিক বিবরণে পরিচালক-সমিতির (Committee of Managers) মধ্যে তিন জন বাঙালীর নাম পাওয়া যায়। এই তিন জন—মৃত্যুঞ্জয় বিদ্যালঙ্কার, রাধাকান্ত দেব ও তারিণীচরণ মিত্র। তন্মধ্যে তারিণীচরণ ছিলেন সোসাইটির দেশীয় সম্পাদক বা নেটিব সেক্রেটারী। তিনি অনেক দিন পর্যন্ত স্কুল-বুক সোসাইটির সহিত সংশ্লিষ্ট ছিলেন; এই সমাজের নবম রিপোর্টের বা ১৩শ ও ১৪শ বর্ষের (১৮৩০-৩১) কার্যবিবরণেও কমিটির সদস্য-হিমায়ে তাঁহার নাম মুদ্রিত আছে।

আরও একটি প্রতিষ্ঠানের সহিত তারিণীচরণ সংশ্লিষ্ট ছিলেন। ইহা কলিকাতার ধর্মসভা। ৪ ডিসেম্বর ১৮২২ তারিখে গবর্নর-জেনারেল

\* The following situation to cease from 1 June 1830....Tarnee Churn, Head Moonshee in the Hindoostanee Department of the College of Fort William, to whom a pension of Rs. 100 per mensem ...is fiftyeight years of age. Sd. Wm. Price. 24 May 1830. ( Home Mis. No. 571. p 47 )

লর্ড উইলিয়ম বেণ্ডিক সতীনিবারণের আইন জারি করেন। এই আইনের বিরুদ্ধে যাহারা গবর্নমেন্টের নিকট দরখাস্ত করিয়াছিলেন, তারিণীচরণ মিত্র তাঁহাদের অগ্ৰতম। এই দরখাস্তে কোন ফল না হওয়ায় কলিকাতার হিন্দু বাঙালী ও হিন্দুস্থানী প্রধান লোকেরা ১৮৩০ খ্রীষ্টাব্দের ১৭ই জানুয়ারী সংস্কৃত কলেজে এক বিরাট সভা করিয়া “ধর্মসভা” নামে এক সমাজ গঠন করেন। “সতীনিবারণের বিরুদ্ধে ইংলণ্ড দেশে আপীলকরণার্থে এবং হিন্দুদিগের ধর্ম বজায়” রাখাই এই সমাজের উদ্দেশ্য ছিল। সতীনিবারণ-আইনের বিরুদ্ধে ধর্মসভা হইতে বিলাতে যে আবেদন-পত্র প্রেরিত হয়, তারিণীচরণ মিত্র সেই আবেদন-পত্রের হিন্দী ও বঙ্গানুবাদ করিয়া দিয়াছিলেন। ১৮ জুলাই ১৮৩০ তারিখে ধর্মসভার যে অধিবেশন হয়, তাহার কার্যবিবরণে প্রকাশ :—

গত ৪ শ্রাবণ [ ১২৩৭ ] রবিবার ধর্মসভার বৈঠক হইয়াছিল... শ্রীযুত বাবু রামকমল সেন পুনর্বার উত্থান করিয়া শ্রীযুত বাবু তারিণীচরণ মিত্রের অনেক প্রশংসা করিলেন বিশেষতঃ সতীর পক্ষীয় আরজী হিন্দী ও বাঙালী ভাষায় এবং ব্যবস্থাপত্র অত্যন্তমরূপে তরজমা করিয়াছেন এতদ্বিষয়ে ইঁহার ক্ষমতা ও বিজ্ঞতা ও পরিশ্রম বিশেষ প্রকাশ হইয়াছে। মিত্র বাবু এ প্রকার পরিশ্রম না করিলে ইঁদুরেজী আরজীর অর্থ তাবতের বোধগম্য হইত না ইত্যাদি। অতএব ইঁহাকে ধন্যবাদ করা যাউক সভাস্থ সমস্তই কহিলেন অবশ্য কর্তব্য।—‘সমাচার দর্পণ,’ ৩১ জুলাই ১৮৩০।

ফোর্ট উইলিয়ম কলেজের কার্য হইতে অবসর গ্রহণ করিবার পর ১৮৩২ খ্রীষ্টাব্দের জুলাই মাসে তারিণীচরণ মিত্র কালীঘাটের দরবারে

চাকরি গ্রহণ করিয়াছিলেন। রাজা রাধাকান্ত দেবের চেষ্টায় তিনি এই পদ লাভ করেন \* খুব সম্ভব ১৮৩৭ খ্রীষ্টাব্দে কাশীতে তাঁহার মৃত্যু হয়।

তারিণীচরণ বাংলা-গজের ইতিহাসে একটি বিশিষ্ট স্থান অধিকার করিয়া আছেন। বাংলা ভাষায় তাঁহার বিশেষ ব্যুৎপত্তি ছিল; উর্দু হিন্দী ত তিনি ভাল জানিতেনই। ফোর্ট উইলিয়ম কলেজে কার্যকালে তিনি হিন্দুস্থানী ভাষায় কতকগুলি পুস্তক রচনা করিয়াছিলেন, আবার

\* শ্রীযুত যোগেশচন্দ্র বাগলের মৌজ্ঞে আমি ১৮৩২-৩৬ খ্রীষ্টাব্দের মধ্যে কাশীতে তারিণীচরণকে লিখিত রাধাকান্ত দেবের কতকগুলি পত্র দেখিয়াছি। এই সকল পত্রের কিছু কিছু নিয়ে উদ্ধৃত করিতেছি :—

"My Dear Dada, I beg to acknowledge the receipt of your letter of the 11th ultimo and am sorry to learn that you suffered much in your way from the inclemency of the weather. I am very glad to hear that the Rajah received you with great respect,...I received a letter from the Rajah, in which I am happy to inform you, he highly applauds your great talents." ( 13 Aug. 1832. )

"...exceedingly sorry to hear of the inattention of the Rajah towards you. Should you find his Durbār to be of no advantage to you, I would advise you to return to Calcutta, as I had the Pleasure of sending you there for your own benefit,...

I deeply regret to inform you that the Suttee Petition was dismissed after a long argument for three days." ( 17 Nov, 1832. )

"I am glad to learn that you are now doing the duty of the Moonsiff at Gopeegunge, and am anxious to know whether you receive your salary from the Rajah regularly every month, exclusive of that of your present office." ( 7 Aug. 1833. )

"I am exceedingly happy to learn that...the Rajah(to whom I beg to be remembered) has been pleased to permit you to stay and to discharge the functions of Commissioner at Benares." ( 18 May 1834. )

"...your letter of the 5th ultimo announcing the melancholy death of our much esteemed friend, the Rajah of Benares..."(12 May 1835.)

অপর্যাপ্ত অনেক পুস্তক রচনার সাহায্যও করিয়াছিলেন। এই সকল পুস্তক ফোর্ট উইলিয়ম কলেজের অর্থানুকূল্যে অথবা কলেজে পঠন-পাঠনের সুবিধার জন্যই রচিত হইয়াছিল। আমরা এখানে কেবল তারিণীচরণের বাংলা রচনা সম্বন্ধেই আলোচনা করিব।

জন গিলক্রাইস্টের তত্ত্বাবধানে কলেজের পণ্ডিত মৌলবী ও মুনশীগণ ইংরেজী হইতে ঈসপের গল্প ও অন্যান্য প্রাচীন কাহিনী ছয়টি দেশীয় ভাষায় অনুবাদ করেন। এই অনুবাদ-গ্রন্থ *The Oriental Fabulist* নামে ১৮০৩ খ্রীষ্টাব্দে প্রকাশিত হয়। পুস্তকখানির আখ্যা পত্র এইরূপ :—

**The Oriental Fabulist or Polyglot Translations of Esop's and Other Ancient Fables from the English Language into Hindoostanee, Persian, Arabic. Brij B, hak, ha, Bongla and Sunskrit, in the Roman Character By Various Hands Under The Direction and Superintendence of John Gilchrist, For the Use of The College of Fort William Calcutta, Printed at The Hurkaru Office. 1803.**

এই পুস্তকের বাংলা, ফার্সী ও হিন্দুস্থানী অংশ তারিণীচরণ-কৃত। এই অনুবাদে—বিশেষতঃ বাংলা অনুবাদে—তারিণীচরণের কৃতিত্ব কিরূপ, সে সম্বন্ধে গ্রন্থের ভূমিকায় গিলক্রাইস্ট লিখিতেছেন :—

**The names of the Learned Natives who have generally been employed on this Polyglot Translation, are as follows :**

<b>Tarnee Churun Mitr,</b>	<b>Bungla, Persian &amp; Hindoostanee,</b>
<b>Meer Buhadoor Ulee,</b>	<b>Persian and Hindoostanee,</b>
<b>Meer Sher Ulee Ufsos.</b>	<b>Persian and Hindoostanee,</b>
<b>Muoluwee Umanut Oollah,</b>	<b>Arabic and Persian,</b>
<b>Sudul Misr,</b>	<b>Sunskrit,</b>
<b>Sree Lal Kub,</b>	<b>B,hak,ha.</b>
<b>Ghoolam Ushruf,</b>	<b>Persian,</b>

**It behoves me now more particularly to specify, that to TARNEE CHURUN MITR'S patient labour and considerable proficiency in the English tongue, am I greatly indebted for the**

accuracy and dispatch. with which the Collection has been at last completed. The public may yet feel, and duly appreciate the benefit of his assiduity and talents, evident in the Bungla Version, especially when published, as I intend, in the proper character of that useful dialect; a design, that if duly encouraged, I may, as already hinted, extend to all the rest. (Pp. xxiv-xxv.)

‘ওরিয়েন্টাল ফেলিসিট’ ফোর্ট উইলিয়ম কলেজের পাঠ্যপুস্তক-রূপে রচিত ও কলেজ-কর্তৃপক্ষের অর্থানুকূলে প্রকাশিত হইয়াছিল।

ইহা রোমান অক্ষরে মুদ্রিত। রচনার নিদর্শন-স্বরূপ আমরা বঙ্গাক্ষরে ইহা হইতে কিঞ্চিৎ উদ্ধৃত করিতেছি :—

একবিংশতি কথা কেন্দ্রিয়া ও পর্বতী কুকুরের।

এক নেকড়িয়া ক্ষীণ ক্ষুধাতে আধমরা অসাবধানে এক সামর্থী পুষ্ট কুকুরের পথে উপস্থিত হইল। নেকড়িয়া অত্যন্ত দুর্বলতাপ্রযুক্ত হিংসা করিতে অশক্ত হইয়া, এই অতি উচিত ঠাওরাইলেক যে এ উত্তম কুকুরের সহিত সৌহার্দ করি, পরে অল্প অল্প শিষ্টাচারের মধ্যে সে বড় শিষ্টরূপে তাহার রূপের প্রশংসা করিলেক। কুকুর কহিলেক, অবশ্য, কেন এমন না হইব, প্রকৃত আমি স্বচ্ছন্দে থাকি; তুমিও যদি আমার মতাবলম্বী হও, তবে স্বরা একেবারে এমনি দশায় পড়। কেন্দ্রিয়া তাহার এ কথায় মন দিলেক, এবং জিজ্ঞাসা করিলেক যে এমন যথেষ্ট ভক্ষ্য উপার্জন করিতে আমাকে কি করিতে হইবেক। কুকুর উত্তর দিলেক, যে অত্যন্ত কর্ম; কেবল ভিখারিদিগকে তাড়াইয়ো, আমার প্রভুর সহিত সোয়াগ করিয়ো, আর তাহার পরিজনের নিকট শিষ্ট থাকিয়ো। এই সকল কথায় ক্ষুধার্ত নেকড়িয়া কিছু আপত্তি করিলেক না; এবং বড় আগ্রহ হইয়া লম্বত হইল যে নূতন বন্ধু আমাকে যেখানে লইয়া যাইবেক সেইখানে তাহার সঙ্গে যাইব। তাহারা যখন দুইজনে ফালন করিয়া যাইতেছিল, নেকড়িয়া দেখিলেক যে বন্ধুর ঘাড়ের চারিদিকের ঘোয়া মণ্ডলাকার উঠিয়া গিয়াছে, ইহাতে তাহার প্রবণেচ্ছা হইল,

এবং কারণ জিজ্ঞাসিলেক। কুকুর উত্তর দিলেক, কিছু নহে, কিছা কিছু হেতু হইবেক, বুঝি পাটার চিহ্ন যাহাতে কখন কখন শিকলি বাঁধা যায়। কেন্দুয়া বড় বিশ্বয়ান্ন হইয়া উত্তর করিলেক, হরি হরি শিকলি! তবে বুঝা গেল যে সময়ে এবং যে স্থানে ভূমি বেড়াইতে চাহ তাহাতে তোমাকে অনুমতি নাহি। কুকুর মাথা হেট করিয়া কহিলেক, সর্বদা নহে; কিন্তু ইহাতে কি দোষ? নেকড়িয়া বলিলেক, ইহাতে এই দোষ যে তোমার ভোজনে আমি কোন অংশের বাসনা করিব না; আমার বিবেচনায় স্বাধীনতার সহিত অর্ধগ্রাম পরাধীনতার সহিত সম্পূর্ণ গ্রাম অপেক্ষা ভাল।

ফল, স্বতন্ত্রতার সহিত দিনপাতের সম্ভাবনা অত্যন্ত সৌষ্টবেতে দামত্ব অপেক্ষা ভাল। (পৃ. ১১৭-১৮)

একত্রিংশতি কথা খেঁকশিয়াল ও ছাগলের।

এক খেঁকশিয়াল ও ছাগল একত্রে অতি গ্রীষ্ম দিনে ভ্রমণ করিতে করিতে, অত্যন্ত তৃষ্ণাতুর হইল; তখন কোথা এমন স্থান পাইবেক যেখানে জল থাকে, এজন্তে গ্রামের চারি দিগ দেখিতে লাগিল, পরে এক কূপের মধ্যে পরিক্ষিত জল দেখিলেক। তাহারা দুই জনে বড় ইচ্ছাপূর্বক তাহাতে নামিল, এবং যথেষ্টরূপে আপন আপন পিপাসা নিবৃত্তি করিয়া, বিবেচনা করিতে লাগিল যে কেমন করিয়া বাহির হইব। অনেক উপায় উভয়ে ঠাওরিলেক আর খণ্ডিলেক। শেষে ধূর্ত খেঁকশিয়াল বড়ই আহ্লাদে ডাকিয়া উঠিল, এক্ষণে আমার অন্তঃকরণে এক যুক্তি উপস্থিত হইল, তাহাতেই আমার হৃদবোধ হয় যে আমারদিগকে এ বিপত্তি হইতে উদ্ধার করিবেক: ছাগলকে কহিলেক, তাহাই কর, কেবল আপন পিছলি পায় দাঁড়াও, আর আগলী পা কূপের ধারে রাখ। এইরূপে আমি তোমার মাথার উপর



চড়িব, আর সেইখান হইতে, এক লাফে উপরে যাইতে পারিব : যখন আমি ওখানে পঁছছিলাম, তুমি জান তখন আমি অন্যায়সে তোমার শিং ধরিয়া টানিয়া তুলিতে পারিব। বোকা ছাগল এ কথা বিলক্ষণ গ্রাহ্য করিলেক, এবং যে মত कहিয়াছিল তৎক্ষণাৎ সেই মত করিলেক : এই উপলক্ষে খেঁকশিয়াল, অক্লেশে উপরে গেল। ছাগল कहিলেক তুমি যে সাহায্য বলিয়াছিলে তাহা কর। শৃগাল উত্তর দিলেক, ওরে বুড়া নির্বোধ, তোমার বুদ্ধি যদি তোমার দাড়ির মত অর্ধেক হইত, তবে, তুই কখন এমন প্রত্যয় করিতিস না, যে তোমার প্রাণ রক্ষা করিতে আমি আপন প্রাণকে সঙ্কটে ফেলিব। কিন্তু তোকে এক নীতি कहি, যদি তুই শুভাদৃষ্টক্রমে ইহা হইতে মুক্ত হইতে পারিস, তবে তাহা পশ্চাতে তোমার কাজে আসিবেক : “কুপে হইতে কেমনে বাহির হইবে ইহা যাবৎ না বিলক্ষণ বিবেচনা না করহ তাহার পূর্বে কদাচ তাহার ভিতর যাইতে অসংসাহসী করিও না।”

ফল, যখন আমরা কোন বিষয় দ্বায়ে পড়ি, তখন এই উচিত যে প্রতিবাসীর সহায়তা অপেক্ষা আপন শক্তির উপর অধিক নির্ভর করি। ( পৃ. ১৭৪-৭৫ )

তারিণীচরণ কলিকতা স্কুল-বুক সোসাইটির অনুরোধে বাংলা, হিন্দী ও উর্দু ভাষায় কোন কোন পুস্তক রচনা বা অনুবাদ করিয়াছিলেন। ১৮১৮ খ্রীষ্টাব্দে তিনি রাধাকান্ত দেব ও রামকমল সেনের সহযোগে ইংরেজী ও আরবী হইতে ৩১টি কাহিনী বাংলায় অনুবাদ করিয়া ‘নীতিকথা’ নামে ৩৫ পৃষ্ঠার একখানি পুস্তিকা প্রকাশ করেন।\*

\* 1. A collection of Fables, 31 in all, have been translated into Bengalee, from the English and Arabic, by Baboos Tarinee Churun Mitr, Radhacant Deb, and Ram Comul Sen. These have been highly and universally approved, and found to constitute an excellent reading book. (The First Report of the Calcutta School Book Society, 1818, p. 4.)

রচনারীতির নিদর্শন-স্বরূপ 'নীতিকথা' হইতে একটি নীতিকথা উদ্ধৃত করা হইল :—

১২ নীতিকথা

সিংহ ও বলদ

কোন সময় এক সিংহ একটা বলদ শিকার করিতে মনস্থ করিলেক কিন্তু বলদের বলাধিক্য হওন প্রযুক্ত নিকটে যাইতে পারিলেক না পরে তাহাকে ছলিবার জন্তে নিকটে গিয়া কহিলেক ওহে বলদ আমি একটা ছুটপুট ভেড়ার ছা মারিয়াছি অতএব আমার বাশনা এই যে অণ্ড রাত্রে তুমি আমার গৃহে অধিষ্ঠান হইয়া ভোজন কর বলদ নিমন্ত্রণ স্বীকার করিলেক যখন বলদ সিংহের আলয়ে গেল দেখিলেক যে সিংহ অনেক কাষ্ঠ ও বড় হাঁড়া প্রস্তুত করিয়া রাখিয়াছে বলদ ইহা দেখিয়া ফিরিয়া চলিল সিংহ কহিলেক তুমি এখানে আসিয়া কেন যাও বলদ উত্তর দিলেক যে আমি তোমার মনস্থ জানিলাম ভেড়ার ছার নিমিত্তে এতাবৎ ঘটা নহে তাহা হইতে বড় কোন ব্যক্তির জন্তে আয়োজন করিয়াছ।

ইহার আভাষ এই

বুদ্ধিমান ব্যক্তির কর্তব্য নহে যে শত্রুর কথা সত্য জানে ও

তাহার সহিত প্রীতি করে। ( পৃ. ১০-১১ )

তারিণীচরণ 'নীতিকথা' উর্দু ভাষায় এবং যে-হার্লি-পীয়ার্সন-সঙ্কলিত 'নীতিকথা' ২য় খণ্ড হিন্দীতে অনুবাদ করিয়াছিলেন।\*

\* The Second Report of the Calcutta School Book Society' Procdgs. Second Year 1818-19. pp. 11-12

## চণ্ডীচরণ য়ুন্শী

১৮৮১ খ্রীষ্টাব্দের যে মাসে ফোর্ট উইলিয়ম কলেজের বাংলা-বিভাগ প্রতিষ্ঠিত হয়। ইহার অব্যবহিত পরেই চণ্ডীচরণ এই প্রতিষ্ঠানে যোগদান করেন।

চণ্ডীচরণের নাম বিশেষভাবে স্মরণীয় তাঁহার 'তোতা ইতিহাসে'র জন্য। ইহা কাদির বখ্শ-প্রণীত ফার্সী 'তুতিনামা'র বঙ্গানুবাদ। এই অনুবাদ করিয়া তিনি কলেজ-কাউন্সিলের নিকট হইতে ১০০ টাকা পুরস্কার লাভ করিয়াছিলেন। চণ্ডীচরণের 'তোতা ইতিহাসে'র পাণ্ডুলিপি কলেজ-কাউন্সিলের ১৬ জানুয়ারি ১৮০৪ তারিখের অধিবেশনে উপস্থাপিত হয়। এ সম্বন্ধে কেবীর সুপারিশ পত্র ও কাউন্সিলের সিদ্ধান্ত এইরূপ :—

Sir,...Accompanying this is a translation of the Toteenama from Persian into Bengalee by one of the Pundits of this Class, Chundeechurn. I will thank you to present it to the Council of the College. It is rendered into very plain and good Bengalee, and very fit for a class book. Should the Council order him any reward for his labour, it will be gratefully received by him, and as he is a poor man will be a great help to him. W. Carey.

AGREED that the sum of one hundred Rupees be allowed to the Pundit Chundeechurn for his translation of the Toteenama in Bengalee,—Home Mis. No. 559, p. 304.

'তোতা ইতিহাস' ১৮০৫ খ্রীষ্টাব্দে শ্রীরামপুর মিশন প্রেসে মুদ্রিত হয়। ইহার পৃষ্ঠা-সংখ্যা ২২৪ এবং আখ্যা-পত্রটি এইরূপ :—

তোতা ইতিহাস।—বাকালী ভাষাতে শ্রীচণ্ডীচরণ য়ুন্শীতে রচিত।—শ্রীরামপুরে ছাপা হইল।—১৮০৫।—

ভাষার নিদর্শন স্বরূপ প্রথম সংস্করণের 'তোতা ইতিহাস' হইতে কিছু উদ্ধৃত করিতেছি :—

:৬ ষোড়শ ইতিহাস।—

চারি জন ধনবান গরিব হইয়াছিল তাহার কথা।—

যখন সূর্য অস্ত হইল এবং চন্দ্রোদয় হইল তখন খোজেস্তা প্রেমানলে দগ্ধা হইয়া ক্রন্দন করিতে২ তোতার অগ্রে যাইয়া কহিলেক ওহে শ্রামবর্ণ তোতা তুমি প্রত্যহ জ্ঞান বাক্য কহিয়া আমার গমন বারণ করিতেছ কিন্তু তোমার নীতবাক্যেতে আমার কোন উপকার হইবে না কেননা যে ব্যক্তি প্রেমানুক্ত হয় তাহার নীতবচনে কি হইতে পারে অতএব আমি প্রিয়তমের সহিত সাক্ষাৎ করিতে না পারিয়া যে রূপ দগ্ধচিত্তা হইতেছি তাহা কি কহিব? তোতা কহিলেক 'শুন কর্জী বন্ধুলোকের বাক্য শ্রবণ করা উচিত কিন্তু যে ব্যক্তি তাহা না শুনিয়া কার্য করে সে দুঃখ পায় এবং লজ্জিত হয়। যে মত চারিজন বন্ধুর মধ্যে একজন কথা না শুনিয়া ব্যামহ পাইয়া ছিল? খোজেস্তা জিজ্ঞাসিলেন যে সে কিরূপ ইতিহাস তাহা কহ তোতা কহিতে আরম্ভ করিলেক।—

বলক নামে এক সহরে চারিজন বন্ধু ধনবান ছিল তাহাদের অত্যন্ত প্রীতি ছিল। কতক কাল পরে সেই চারিজন দুঃখী হইয়া বহুশাস্ত্র এক পণ্ডিতের নিকটে যাইয়া আপনাদের দশার বিস্তারিত কহিলেন সেই পণ্ডিত তাহাদেরিগকে অল্পগ্রহ করিয়া সেই চারি জনকে চারি মণি দিয়া কহিলেন যে এই চারি মণি তোমরা চারি জনে আপন২ মস্তকে রাখিয়া প্রস্থান কর। কিন্তু যাহার মস্তক হইতে মণি যে স্থানে পড়িবেক সেই ভূমি খনন করিলে ষাহা বাহির হইবেক সে ব্যক্তি তাহাই লইবেক। পণ্ডিত

এই রূপে সকলকে বিদায় করিলে তাহারা পণ্ডিতের আঞ্জানুসারে কিছু দূরে গমন করিতে এক জনের মস্তকের মণি খুলিয়া ভূমিতে পড়িলে ঐ ব্যক্তি সেই স্থান খনন করিয়া তাম্র দেখিয়া আর তিন জনকে কহিল যে আমার প্রাক্তনে তাম্র ছিল তাহা বাহির হইল অতএব আমি এ তাম্রকে স্বর্ণ হইতে উত্তম জানিয়া লইলাম যদি তোমরা চাহ তবে এই স্থানে থাকে। তাহারা তিন ব্যক্তি স্বীকৃত না হইয়া কিছু পথ যাইতে দ্বিতীয় জনের মাথার মণি মৃত্তিকায় পতন হইলে সে ব্যক্তি সেই স্থান খুদিয়া রূপার আকার দেখিয়া অন্য দুই জনকে বলিলেক যে আমার কপাল হইতে রূপা বাহির হইয়াছে অতএব তোমরাও এই স্থানে থাকিয়া লও এবং তাহারা দুই পুরুষ সম্মত না হইয়া সেই স্থান হতে কিঞ্চিৎ দূরে গমন করিতেই তৃতীয় ব্যক্তির মস্তকের মণি মাটিতে পড়িল পরে সেই জন ঐ স্থান খুদিয়া স্বর্ণের আকার দেখিয়া চতুর্থ জনকে কহিলেক স্বর্ণ হইতে অধিক আর কোন বস্তু নাই অতএব আইস দুই জনে এই স্থানে থাকি। চতুর্থ ব্যক্তি তাহা না শুনিয়া মনে করিলেক যে আরও অগ্রে গেলে রত্ন পাইব ইহা ভাবিয়া এক ক্রোশ পথ গমন করিতেই সেই মণি ভূমিতে পড়িলে সে জন সেই স্থান খনন করিয়া লোহার আকার দেখিয়া লজ্জিত হইয়া কহিলেক যে হায় কেন স্বর্ণ ত্যাগ করিলাম যদি বন্ধুর কথা শুনিতাম তবে ভাল হইত ইহা বলিয়া সেই স্থানে আসিয়া বন্ধুর এবং স্বর্ণের অন্বেষণ করিলেন তাহা দেখিতে না পাইয়া পুনর্বার সে লোহা লইতে আসিয়া বিস্তর অন্বেষণ করিলে তাহাও পাইল না। অনন্তর সেই দুঃখী অনুপায় দেখিয়া সেই পণ্ডিতের নিকট গমন করিলে তাহাকেও সে স্থানে না দেখিয়া অতি খেদিত হইল।

তোতা এই কথা সাজ করিয়া খোজেস্তাকে কহিলেক যে কেহ আপন বন্ধুর কথা না নামে সে এই মত দুঃখ ও লজ্জা পায় অতএব তুমি এখন আপন প্রিয়তমের স্থানে যাও কেননা এই সময় যাওয়া ভাল। পরে খোজেস্তা যাইতে উদ্যত হইলেই পক্ষিগণেরা বন্ধ করিতে লাগিল ও প্রাতঃকাল হইল অতএব যাওয়া হইল না।—

(পৃ. ১০৭-১০)

‘তোতা ইতিহাস’ বহুল-প্রচারিত পুস্তক। লণ্ডন হইতেও ইহার একাধিক সংস্করণ প্রকাশিত হইয়াছিল।

চণ্ডীচরণ আরও একখানি গ্রন্থ রচনা করিয়া কলেজ-কাউন্সিলের নিকট হইতে ৮০ টাকা পুরস্কৃত হইয়াছিলেন। ইহা ভগবদ্গীতার পয়ার ছন্দে বঙ্গানুবাদ। ইহার পাণ্ডুলিপি কলেজ-কাউন্সিলের ১২ নবেম্বর ১৮০৪ তারিখের অনিবেশনে উপস্থাপিত হয়; এ-সম্বন্ধে কেবীর সুপারিশ-পত্র ও কাউন্সিলের সিদ্ধান্ত এইরূপ :—

To the Council of the College of Fort William  
Gentlemen.

In consequence of the encouragement given to literary merit by this institution Rajeeb Lochun, a Pundit in the Bengalee Department has lately composed an history of Raja Krishnu Chunder Roy (late of Krishn nagur) in the Bengalee Language.

Chundee Churn, another Pundit in the same Department, has, with the help of some learned Brahmuns, translated the Bhagvut Geeta into Bengalee.

I have examined these works and think them to be worthy the patronage of the College, and recommend the writers as deserving some reward for their labours.

Accompanying this I send the manuscripts of these two works, which with the translation of the Tooteh numah, by

Chundee Churn I recommend to be printed for the use of the Bengalee Class.

College  
5th October 1804

I am, Gentlemen  
Your most obedient humble servant,  
W. Carey.

RESOLVED that 100 copies of the History of Rajah Krishna Chunder Roy in the Bengalee Language, and 100 copies of the Translation of the Tooté namah into the Bengalee Language be subscribed for by the College,

ORDERED that a fair copy of each of the foregoing works be made in order to be deposited in the Library of the College.

RESOLVED that a premium of Sicca Rupees 100 be awarded to Rajeeb Lochun Pundit for his History of Rajah Krishna Chunder Roy in the Bengalee Language. That a premium of Sicca Rupees Eighty be awarded to Chundee Churn Pundit for his translation of the Bhagbut Geeta into the Bengalee Language,—Home Mis. No. 559, pp. 384-85,

চণ্ডীচরণ-কৃত ভগবদ্গীতার বঙ্গানুবাদ মুদ্রিত হয় নাই। ইহার পাণ্ডুলিপিটি বর্তমানে রয়াল এশিয়াটিক সোসাইটিতে আছে।

২৬ নবেম্বর ১৮০৮ তারিখে চণ্ডীচরণ মুন্সীর মৃত্যু হয়। পর-বৎসরের ২৭ ডিসেম্বর তারিখে অনুষ্ঠিত কলেজ-কাউন্সিল-অধিবেশনের কার্য-বিবরণে প্রকাশ :—

Chunde Churn a Pundit of the fixed Bengalee Establishment having died on the 26 November 1808—Anund Chunder was appointed on the 2nd December 1808 to succeed him. (Home Mis. No. 560, p. 554.)

## রাজীবলোচন মুখোপাধ্যায়

রাজীবলোচন মুখোপাধ্যায় মাসিক ৪০ টাকা বেতনে ফোর্ট উইলিয়ম কলেজের বাংলা-বিভাগের এক জন সহকারী পণ্ডিত ছিলেন। ফোর্ট উইলিয়ম কলেজের কার্যবিবরণে উল্লিখিত আছে, তিনি কৃষ্ণনগর-রাজবংশের সহিত সম্পর্কিত ছিলেন (“descended from the family of the Rajah”)

রাজীবলোচন ‘মহারাজ কৃষ্ণচন্দ্র রায়শ্য চরিত্রং’ নামে একখানি পুস্তক রচনা করিয়া তাহার পাণ্ডুলিপি কলেজের বাংলা-বিভাগের অধ্যক্ষ কেবীর হস্তে সমর্পণ করেন। তাহার রচনা পাঠে সন্তুষ্ট হইয়া কেবী ১৮০৪ খ্রীষ্টাব্দে অক্টোবর মাসে কলেজ-কর্তৃপক্ষকে যে পত্র লেখেন, এই পুস্তকের ২৬-৭ পৃষ্ঠায় তাহা উদ্ধৃত হইয়াছে।

কেবীর সুপারিশে কলেজ-কর্তৃপক্ষ রাজীবলোচনকে এক শত টাকা পুরস্কার দিতে এবং পুস্তকখানি মুদ্রিত হইলে ১০০ খণ্ড ক্রয় করিতে স্বীকৃত হন—২৬-৭ পৃষ্ঠায় মুদ্রিত কেবীর পত্র ও কাউন্সিলের সিদ্ধান্ত দ্রষ্টব্য।

রাজীবলোচন ফোর্ট উইলিয়ম কলেজের সহিত বেশী দিন যুক্ত ছিলেন বলিয়া মনে হয় না। ১৮১৮ খ্রীষ্টাব্দে ফোর্ট উইলিয়ম কলেজের বাংলা ও সংস্কৃত-বিভাগের পণ্ডিতগণের যে তালিকা পাওয়া যায়, তাহাতে রাজীবলোচনের নাম নাই।\* কিন্তু কেবীর একখানি জীবন-চরিতে লিখিত হইয়াছে—“Rajib Lochan served throughout arey's twenty nine years...” †

\* Roebuck : *Annals of the College of Fort William*. App. pp. 49-50,

† S. Pearce Carey : *William Carey*, (8th ed.) p. 227



১৮০৫ খ্রীষ্টাব্দে শ্রীরামপুর মিশন প্রেসে 'মহারাজ কৃষ্ণচন্দ্র রায়শ্য চরিত্রং' মুদ্রিত হয় ; ইহার পৃষ্ঠা-সংখ্যা ১২০ ; আখ্যা-পত্রটি এইরূপ :—

মহারাজ কৃষ্ণচন্দ্র রায়শ্য চরিত্রং ।—শ্রীযুত রাজীবলোচন মুখোপাধ্যায়ের রচিতং ।—

কৃষ্ণচন্দ্র মহারাজ ধরণীর মাজ  
যাহার অধিকারে নবদ্বীপ সমাজ ।  
পূর্ব বৃত্তান্ত যত করিয়া প্রচার  
কৃষ্ণচন্দ্র চরিত্র পরে কহিব বিস্তার ।

শ্রীরামপুরে ছাপা হইল ।—১৮০৫ ।

ভাষার নিদর্শন-স্বরূপ আমরা মহারাজ কৃষ্ণচন্দ্র রায়শ্য চরিত্রং পুস্তকের প্রথম সংস্করণ হইতে কিছু উদ্ধৃত করিতেছি :—

পরে কালীপ্রসাদ সিংহ শিগনিবাসে আসিয়া রাজা কৃষ্ণচন্দ্র রায় মহাশয়ের সহিত সাক্ষাৎ করিলেন রাজা বিরলে গিয়া পাত্রকে আহ্বান করিয়া কহিলেন, মুরসিদাবাদের যাবতীয় সংবাদ বিস্তার করিয়া কহ কালীপ্রসাদ সিংহ বিস্তারিত করিয়া সমস্ত নিবেদন করিল তিনি সমস্ত সমাচার জ্ঞাত হইয়া আত্মপাত্রকে অত্যন্ত তুষ্ট হইয়া রাজপ্রসাদ দিয়া যথেষ্ট সন্মান করিয়া আজ্ঞা করিলেন ভাল দিবস স্থির করহ রাজধানীতে যাইব কিঞ্চিৎ গোণে শুভরূপে মহারাজ কৃষ্ণচন্দ্র রায় উক্তমত মন্ত্রী লইয়া মুরসিদাবাদে উপস্থিত হইলেন কিঞ্চিৎ পরে নবাবের যাবতীয় প্রধান পাত্র মিত্রগণের সহিত সাক্ষাৎ করিতে গমন করিলেন সকলের সহিত সাক্ষাৎ হইলেই নবাবের দ্বারে উপনীত হইয়া সংবাদ দিলেন । নবাব সাহেব শুনিয়া আজ্ঞা করিলেন আসিতে কহ রাজা কৃষ্ণচন্দ্র রায় নানাবিধ ভেটের দ্রব্য দিয়া দাঁড়াইয়া রহিলেন ভেটের সামগ্রী নবাব সাহেব দৃষ্টি করিয়া তুষ্ট

হইয়া বসিতে আজ্ঞা করিয়া জিজ্ঞাসা করিলেন শারীরিক ভাল আছ রাজা করপুটে নিবেদন করিলেন সাহেবের প্রসাদাৎ সকল মঙ্গল এক শারীরিকও মঙ্গল এইরূপ অনেক শিষ্টাচার গেল ক্রমে বসিয়া রাজা নিবেদন করিলেন যদি আজ্ঞা হয় তবে বাসায় যাই অনেক নিবেদন আছে পশ্চাৎ গোচর করিব নবাব অমুমতি দিলেন। এ দিবস রাজা বাসায় আসিয়া মহারাজ মহেন্দ্র ও রাজা রামনারায়ণ ও রাজা রাজবল্লভ এবং জগৎসেট ও মীর জাফরালি খাঁ ইহারদিগের নিকট মনুষ্য প্রেরিত করিলেন আমি সাক্ষাৎ করিতে যাইব সকলেই অমুমতি করিলেন রাতে আসিতে কহিও ক্রমে রাজা সকলের নিকট রাতে গমন করিয়া আত্মনিবেদন করিলেন। পরে জগৎসেট কহিলেন এ দেশের অত্যন্ত অপ্রতুল হইল দেশাধিকারী অতিদুরন্ত কারু বাক্য শুনে না দিনে দৌরাখ্য অধিক হইতেছে অতএব সকলে একবাক্যতা হইয়া বিবেচনা না করিলে কাহারু নিকৃতি নাই এই কথার পর রাজা কৃষ্ণচন্দ্র রায় কহিলেন আপনারা রাজস্বারের কর্তা আমরা আপনকারদিগের মতাবলম্বী যেমন কহিবেন সেইরূপ কার্য করিব ইহাই শুনিয়া জগৎসেট কহিলেন অণু বাসায় যাউন আমি মহারাজা মহেন্দ্রের সহিত পরামর্শ করিয়া নিভৃত এক স্থানে বসিয়া আপনকাকে ডাকাইব সে দিবস বিদায় হইয়া রাজা বাসায় আসিলেন পরে এক দিবস জগৎসেটের বাটিতে রাজা মহেন্দ্র প্রভৃতি সকলে বসিয়া রাজা কৃষ্ণচন্দ্র রায়কে আহ্বান করিলেন দূত আসিয়া রাজাকে লইয়া গেল যথাযোগ্য স্থানে সকলে বসিলেন। ক্রমে পরে রাজা রামনারায়ণ প্রশ্ন করিলেন আপনারা সকলেই বিবেচনা করুন দেশাধিকারী অতিশয় দুরন্ত উত্তরঃ দৌরাখ্যের বৃদ্ধি হইতেছে অতএব কি করা যায় এই কথার পর মহারাজা মহেন্দ্র কহিলেন

আমরা পুরুষানুক্রমে নবাবের চাকর যদি আমারদিগের হইতে কোন ক্ষতি নবাব সাহেবের হয় তবে অধর্ম এবং অখ্যাত অতএব আমি কোন মন্দ কর্মের মধ্যে থাকিব না তবে যে পূর্বে এক আধ বাক্য কহিয়াছিলাম সে বড় উদ্ভ্রাণযুক্ত এইক্ষণে বিবেচনা করিলাম এসব কার্য ভাল নয় এই কথায় পর রাজা রামনারায়ণ ও রাজা রাজবল্লভ এবং জগৎসেট ও মীর জাফরালি খাঁ কহিলেন যতপি আপনি এ পরামর্শ হইতে ক্ষান্ত হইলেন কিন্তু দেশ রক্ষা পায় না এবং ভদ্র লোকের জাতি প্রাণ থাকা ভার হইল। অনেক রূপ কহিতে মহারাজা মহেন্দ্র কহিলেন তোমরা কি প্রকার করিবা তখন রাজা রামনারায়ণ কহিলেন পূর্বে এ কথায় প্রস্তাব এক দিবস হইয়াছিল তাহাতে সকলে কহিয়াছিলেন রাজা কৃষ্ণচন্দ্র রায় অতিবড় মন্ত্রী তাঁহাকে আনাইয়া জিজ্ঞাসা করা যাউক তিনি যেমন পরামর্শ দিবেন সেই মত কার্য করিব এখন রাজা কৃষ্ণচন্দ্র রায় এই সাক্ষাতে আছেন ইহাকে জিজ্ঞাসা করুন যে পরামর্শ কহেন তাহাই শ্রবণ করিয়া যে হয় পশ্চাতে করিবেন। ইহার পর রাজা কৃষ্ণচন্দ্র রায়কে সকলে জিজ্ঞাসা করিলেন তুমি সকলি জ্ঞাত হইয়াছ এখন কি কর্তব্য। রাজা কৃষ্ণচন্দ্র রায় হাস্ত করিয়া নিবেদন করিলেন মহাশয়েরা সকলেই প্রধান মনুষ্য আপনকারা আমাকে অল্পমতি করিতেছেন পরামর্শ দিতে এ বড় আশ্চর্য্য সে যে হউক আমি নিবেদন করি তাহা শ্রবণ করুন আমারদিগের দেশাধিকারী যিনি ইনি জবন ইহার দৌরাশ্রয়ক্রমে আপনারা ব্যস্ত হইয়া উপায়ান্তর চিন্তা করিতেছেন। সমভিব্যাহিত মীর জাফরালি খাঁ সাহেব ইনিও জ্ঞাতে জবন অতএব আমার আশ্চর্য্য বোধ হইতেছে। এই কথায় পর সকলে হাস্ত করিয়া কহিলেন হাঁ ইনি জবন বটেন কিন্তু ইহার

প্রকৃতি অতি উত্তম আপনি ইহাকে সন্দেহ করিবেন না পশ্চাৎ  
 কৃষ্ণচন্দ্র রায় নিবেদন করিলেন এ দেশের উপর বুঝি ঈশ্বরের নিগ্রহ  
 হইয়াছে নতুবা এককালীন এত হয় না প্রথম যিনি দেশাধিকারী  
 ইহার সর্বদা পরানিষ্ট চিন্তা এবং যেখানে শুনে স্ত্রী আছে  
 তাহা বলক্রমে গ্রহণ করেন এবং কিঞ্চিৎ অপরাধে জাতি প্রাণ নষ্ট  
 করেন দ্বিতীয় বরগী আসিয়া দেশ লুট করে তাহাতে মনোযোগ নাই  
 তৃতীয় সন্ন্যাসী আসিয়া যাহার উত্তম ঘর দেখে তাহাই ভাঙ্গিয়া কাঠ  
 করে তাহা কেহ নিবারণ করে না অশেষ প্রকার এ দেশে উৎপাত  
 হইয়াছে অতএব দেশের কর্তা জবন থাকিলে কাহারু ধর্ম থাকিবে  
 না এবং জাতিও থাকিবে না অতএব ঈশ্বরের নিগ্রহ না হইলে এত  
 উৎপাত হয় না আমি একারণ অনেক২ বিশিষ্ট লোককে কহিয়াছি  
 তোমরা সকলে ঈশ্বরের আরাধনা বিশিষ্টরূপে কর যেন আর উৎপাত  
 না হয় এবং জবন অপিকারী না থাকে আত্ম২ জাতি ধর্ম রক্ষা  
 পায় এইরূপ ব্যবহার আমি সর্বদাই করিতেছি অতএব নিবেদন  
 করি ঈশ্বর সৃষ্টি করিয়াছেন নষ্ট করিবেন না কিন্তু এক সুপরামর্শ  
 আছে আমি নিবেদন করি যদি সকলের পরামর্শ সিদ্ধ হয় তবে  
 তাহার চেণ্টা পাইতে পারি। তখন সকলে জিজ্ঞাসা করিলেন  
 কি পরামর্শ কহ রাজা কৃষ্ণচন্দ্র রায় কহিলেন সকলে মনোযোগ  
 করিয়া শ্রবণ করুন।

এ দেশের অধিকারী সর্বপ্রকারে উত্তম হন এবং অল্প জাতি ও  
 এ দেশীয় না হন তবেই মঙ্গল হয়। জগৎসেট প্রভৃতি কহিলেন এমন  
 কে তাহা বিস্তারিয়া কহ রাজা কহিলেন বিলাতে নিবাস জাতে  
 ইঙ্গরাজ কলিকাতায় কোঠি করিয়া আছেন যদি তাহার এ রাজ্যের  
 রাজা হন তবে সকল মঙ্গল হবেক। ইহা শুনিয়া সকলেই কহিলেন

তঁাহারদিগের কিং গুণ আছে রাজা কৃষ্ণচন্দ্র রায় কহিলেন তঁাহার-  
 দিগের গুণ এই সকল সত্যাদী জিতেদ্রিয় পরহিংসা করেন না  
 যোদ্ধা অতিবড় প্রজাপতি যথেষ্ট দয়া এবং অত্যন্ত ক্ষমতাপন্ন বুদ্ধিতে  
 বৃহস্পতির গায় ধনেতে কুবের তুল্য ধার্মিক এবং অর্জুনের গায়  
 পরাক্রম প্রজা পালনে সাক্ষাৎ যুধিষ্ঠির এবং সকলে ঐক্যতাপন্ন শিষ্টের  
 পালন ছুষ্টের দমন রাঙ্গার সকল গুণ তঁাহারদিগের আছে অতএব যদি  
 তঁাহারা এ দেশাধিকারী হন তবে সকলের নিস্তার নতুবা জ্বনে  
 সকল নষ্ট করিবেক। এই কথাই পর জগৎসেট কহিলেন তঁাহারা  
 উত্তম বটেন তাহা আমি জ্ঞাত আছি কিন্তু তঁাহারদিগের বাক্য  
 আমরাও বুঝিতে পারি না ও আমরাদিগের বাক্য তঁাহারাও বুঝিতে  
 পারেন না ইহার পর রাজা কৃষ্ণচন্দ্র রায় কহিলেন এখন তঁাহারা  
 কলিকাতায় কোঠি করিয়া বাণিজ্য করিতেছেন সেই কলিকাতার  
 দক্ষিণে কালীঘাট নামে এক স্থান আছে তাহাতে কালীঠাকুরাণী  
 আছেন আমি মধ্যম কালীপূজার কারণ গিয়া থাকি সেই কালে  
 কলিকাতার কোঠির ঘিনি বড় সাহেব তঁাহার সহিত সাক্ষাৎ করিয়া  
 থাকি ইহাতেই তঁাহারই চরিত্র আমি সমস্তই জ্ঞাত আছি। এই কথাই  
 পর রাজা রামনারায়ণ কহিলেন আপনি মধ্যম কলিকাতার কোঠির  
 বড় সাহেবের সঙ্গে সাক্ষাৎ করেন কিন্তু তঁাহার বাক্য কি প্রকারে  
 আপনি বুঝেন আর আপনকার কথা তিনি বা কি প্রকারে জ্ঞাত  
 হন। এই কথাই উত্তর রাজা কৃষ্ণচন্দ্র রায় কহিলেন কলিকাতায়  
 অনেক বিশিষ্ট লোকের বসতি আছে তঁাহারা সকলে ইংরাজী  
 ভাষা অভ্যাস করিয়াছেন এবং সেই সকল বিশিষ্ট মহুশ সাহেবের  
 চাকর আছেন তঁাহারাই বুঝাইয়া দেন। ( পৃ. ৬৩-৭১ ) অনেকে  
 ভুল করিয়া 'মহারাজ কৃষ্ণচন্দ্র রায়শু চরিত্রঃ' পুস্তকের প্রথম

সংস্করণের প্রকাশকাল “১৮০১” খ্রীষ্টাব্দ বলিয়াছেন। ইহা ১৮১১ খ্রীষ্টাব্দে লণ্ডনে পুনর্মুদ্রিত হয়। শ্রীরামপুর হইতে ইহা একাধিক বার মুদ্রিত হইয়াছিল; তাহা ছাড়া লং সাহেবের আদশানুসারে গোপীনাথ চক্রবর্তী অ্যাণ্ড কোম্পানির উদ্যোগে ১৭৮০ শকে প্রকাশিত একটি সংস্করণও আছে। শেষোক্ত সংস্করণের পুস্তকের অনেক স্থানে ভাষার বিঘ্নাম বিপর্যয় ইত্যাদি যেসকল দোষ ছিল, তাহা গিরিশচন্দ্র বসুস্বয়ং সংশোধন করিয়া দেন।

## রামকিশোর তর্কচূড়ামণি

রোবাক্-সঙ্লিত ফোর্ট উইলিয়ম কলেজের ইতিহাসে প্রকাশ, রামকিশোর তর্কচূড়ামণি ১৮০৫ খ্রীষ্টাব্দের নবেম্বর মাসে ফোর্ট উইলিয়ম কলেজের বাংলা-বিভাগের পণ্ডিত নিযুক্ত হন।\* কিন্তু ৪ সেপ্টেম্বর ১৮০৫ তারিখে অনুষ্ঠিত কলেজ-অধিবেশনের কার্যবিবরণ পাঠে জানা যায়, রামকিশোর তখনও সংস্কৃত ও বাংলা-বিভাগে মাসিক ৪০ বেতনে পণ্ডিতের কার্য করিতেছেন,† এই পদ অস্থায়ী ছিল বলিয়া মনে হয়। ১৮১২ খ্রীষ্টাব্দের ১৭ই নবেম্বর তারিখে লিখিত কেবীর একখানি পত্র হইতে রামকিশোরের মৃত্যুসংবাদ জানা যায়।‡

রামকিশোর সংস্কৃত হিতোপদেশ বাংলায় অনুবাদ করিয়াছিলেন ; তাঁহার 'হিতোপদেশ' ১৮০৮ খ্রীষ্টাব্দে শ্রীরামপুর হইতে প্রকাশিত হয়। ১৮২৩ খ্রীষ্টাব্দে শ্রীরামপুরের মিশনারীরা নিজেদের মধ্য হইতে লিখিয়াছিলেন :—

...They printed also the Hitopudeshha : the work was translated however, by the late Raj [Ram ?]-Kishora Tarka Chooramonee.—*The Friend of India* (Quarterly Series), Vol. II. No. VIII, p. 566.

ফোর্ট উইলিয়ম কলেজের ইতিহাসে প্রকাশ :—

FABLES. হিতোপদেশ by Ramukishoru, Turkalunkaru, 8 vo. 1808. \*\*

\* Roebuck : *The Annals of the College of Fort William* (1819), App. p. 50.

† Home Miscellaneous No. 559, p. 444.

‡ Home Mis. No. 565, p. 569.

\*\* Roebuck : *The Annals of the College of Fort William*, App. No. II. p. 29.

## মোহনপ্রসাদ ঠাকুর

মোহনপ্রসাদ ঠাকুর সম্বন্ধে কিছুই জানা যায় না। তিনি ১৮০৭ খ্রীষ্টাব্দের অক্টোবর মাসে ফোর্ট উইলিয়ম কলেজের অ্যাসিষ্ট্যান্ট লাইব্রেরিয়ানের পদে নিযুক্ত হন। ১৮১৮ খ্রীষ্টাব্দেও যে তিনি এই পদে প্রতিষ্ঠিত ছিলেন, য়োবাকের গ্রন্থের শেষে তাহার উল্লেখ আছে। ইহার কিছু দিন পরেই তিনি শ্রীরামপুরে আশ্রয় গ্রহণ করিতে বাধ্য হইয়াছিলেন। শ্রীরামপুরনিবাসী কালিদাস মৈত্র তাঁহার 'বাঙ্গালীয় কল ভারতবর্ষীয় রেলওয়ে' ( ১২৬২ সাল ) পুস্তকে লিখিয়াছেন :—

তৎকালে কলিকাতা প্রভৃতি স্থানের নিয়মানুসারে মানিলোকের মান রক্ষা হওয়া অতি কঠিন হইয়াছিল, অপিচ যে সমস্ত অধমর্গ উক্তমর্গের ঋণ পরিশোধ করিতে পারিত না, তাহাদিগকে যাবজ্জীবন কারাগারে কাল যাপন করিতে হইত, সুতরাং সেই সমস্ত লোক আপন২ মান সম্ভয় রক্ষার নিমিত্তে অন্য উপায় না থাকাপ্রযুক্ত শ্রীরামপুরে আসিয়া রক্ষা পাইত। কলিকাতায় ইন্সলভেন্ট কোর্ট (Insolvent Court,) স্থাপিত হইলে পরে ঐ সমস্ত যোত্রহীন অধমর্গগণ কলিকাতায় পুনরাগমন করিয়াছে, ... ( পৃ. ২৪ )

শ্রীরামপুরে শ্রীযুত হলেনবর্গ সাহেব বিচারপতিপদে নিযুক্ত হইয়া শ্রীযুত বাবু মোহনপ্রসাদ ঠাকুরের সহকারে তদন্ত বিচারালয়ে ইষ্টাম্প কাগজ ব্যবহারের নিয়ম করিয়াছিলেন, মোহনপ্রসাদ ঠাকুরও কলিকাতা হইতে এই নগরে আশ্রয় লইয়াছিলেন। ( পৃ ২৫ )

হলেনবর্গ ১৮২২ খ্রীষ্টাব্দে শ্রীরামপুরের গবর্নর হন এবং ১১ মে ১৮৩৩ তারিখে মারা যান। সুতরাং এই সময়ের মধ্যে মোহনপ্রসাদ যে শ্রীরামপুরে ছিলেন তাহা নিঃসন্দেহ।



মোহনপ্রসাদ ঠাকুরের যে-কয়খানি গ্রন্থের সন্ধান পাওয়া গিয়াছে, প্রকাশকাল-সমেত সেগুলির তালিকা দেওয়া হইল :—

1. A Vocabulary. Bengalee and English, for the use of Students. *By Mohunpersaud Takoor*, Assistant Librarian in the College of Fort William. Calcutta : Printed by Thomas Hubbard, at the Hindoostanee Press. 1810 [ পৃ. ২০০+২ ]

১৮১১ খ্রীষ্টাব্দে মোহনপ্রসাদ একখানি ওড়িয়া-ইংরেজী অভিধান প্রকাশ করেন। ১৮১২ খ্রীষ্টাব্দে প্রকাশিত রোবাকের গ্রন্থ ( পৃ ২৮৮ ) ফোর্ট উইলিয়ম কলেজ-কর্তৃপক্ষের আনুকূল্যে যে-সকল গ্রন্থ ১৫ সেপ্টেম্বর ১৮১০ তারিখের পরে প্রকাশিত হয়, তাহার তালিকায় প্রকাশ :—

2. An Ooriya and English Vocabulary. *By Mohun Prusad Thakoor*, Native Librarian to the College, and Author of a Bengalee and English Vocabulary, already published, The Ooriya Language is the vernacular dialect of the Province of Oris a ; and as no Dictionary, or Vocabulary, of it has been yet printed, the present work will be of considerable utility. The compiler is well qualified for his undertaking, being a good English Scholar ; besides his knowledge of several other languages, Asiatic and European.

8. A Choice Selection of the most amusing Tales from the Persian, with The Rules of Life, compiled from Gladwin's Persian Classicks. To which is added, A Dictionary, comprising All the words contained in the Tales and Rules, with their interpretations in Bengalee by MOHUNPERSAUD TAKOOR, Assistant Librarian in the College of Fort William. Calcutta : Printed at the Times Press 1816, [ পৃ. ১২৬ ]

## হরপ্রসাদ রায়

হরপ্রসাদের নিবাস—কাঁচরাপাড়া।\* তিনি ফোর্ট উইলিয়ম কলেজের বাংলা-বিভাগের এক জন অস্থায়ী পণ্ডিত ছিলেন। বিজ্ঞাপতির 'পুরুষপরীক্ষা' অনুবাদ করিয়া তিনি কলেজের বাংলা-বিভাগের অধ্যক্ষ কেবীর হস্তে অর্পণ করেন। কেবী ২২ মার্চ ১৮১৫ তারিখে কলেজ-কাউন্সিলকে এ-বিষয়ে যে পত্র লেখেন, নিম্নে তাহা উদ্ধৃত করিতেছি :—

Huru Prusada, a Pundit on the Bengalee fluctuating Establishment of the College has translated a Sanskrit work called Pooroosha Pureeksha, into the Bengalee language which he intends to print, if he can obtain the usual encouragement of a subscription of 100 copies...†

কলেজ-কাউন্সিল প্রতি খণ্ড ১০ হিঁসাবে একশত খণ্ড 'পুরুষ-পরীক্ষা' গ্রহণ করিতে স্বীকৃত হইয়াছিলেন ( ৩০ মার্চ ১৮১৫ )।

১৮১৫ খ্রীষ্টাব্দের মাঝামাঝি 'পুরুষপরীক্ষা' প্রকাশিত হয়। ইহার পৃষ্ঠা-সংখ্যা ২৭৩ ; আখ্যা-পত্রটি এইরূপ :—

শ্রীযুক্ত বিজ্ঞাপতি পণ্ডিতকর্তৃক সংস্কৃতবাক্যে সংগৃহীতা পুরুষ-পরীক্ষা।—শ্রীহরপ্রসাদ রায় কর্তৃক বাঙ্গালা ভাষাতে রচিত।—  
শ্রীরামপুরে ছাপা হইল।—১৮১৫।

পুস্তকের বিষয়বস্তু সম্বন্ধে গ্রন্থকার ভূমিকায় এইরূপ লিখিয়াছেন :—

অভিনব প্রজ্ঞাবিশিষ্ট বালকেরদিগের নীতি শিক্ষার নিমিত্তে এবং কামকলা কোতুকাবিষ্ট পুরুষজগণের হর্ষের নিমিত্তে শ্রীশিবসিংহ রাজার আজ্ঞামুসারে বিজ্ঞাপতি নামে কবি এই গ্রন্থ রচনা করিতেছেন...। যে গ্রন্থের লক্ষণোক্ত পরীক্ষার দ্বারা লুক্কিত সকলের পরিচয় হয় এবং যে গ্রন্থের কথা সকল লোকের মনোরমা সেই পুরুষপরীক্ষা নামে পুস্তক রচনা করা যাইতেছে।—

\* Rev. James Long : Returns relating to Native Printing Presses & Publications in Bengal...(1855), p. 47.

† Home Miscellaneous No 563 p. 343.

...পৃথিবীতে পুরুষাকার মাত্র অনেক পুরুষ আছে সেই কেবল পুরুষাকার মনুষ্য সকলকে ত্যাগ করিয়া বাস্তব পুরুষকে বর করহ আমি ইহা কহিতেছি। সেই পুরুষ যে প্রকার হয় তাহা কহা যাইতেছে কেবল পুরুষাকার অনেক লোক মিলিতে পারে কিন্তু বক্ষ্যমাণ লক্ষণেতে যুক্ত যে পুরুষ সে অতি দুর্লভ তাহাও কহিতেছি বীর এবং সুধী ও বিদ্বান্ আর পুরুষার্থযুক্ত এই চারি প্রকার পুরুষ তত্ত্বিন্ন যে লোক সকল তাহারা পুরুষাকার পশু কেবল পুচ্ছঃহিত। ভাষার নিদর্শন-স্বরূপ প্রথম সংস্করণের 'পুরুষপরীক্ষা' হইতে কিছু উদ্ধৃত করিতেছি :—

ইতি নিস্পৃহকথা।

জীবের আশাত্যাগ হইলেই তত্ত্বজ্ঞান হয় অর্থাৎ মোক্ষসাধক জ্ঞান হয় কিন্তু কেবল উত্তম কর্ম করিলে তত্ত্বজ্ঞান হয় না যে পর্যন্ত মনেতে চাঞ্চল্য থাকে ও অর্থাভিলাষ থাকে এবং যাবৎ কন্দর্পের আবির্ভাব থাকে আর যাবৎ সকল জীবতে সমজ্ঞান না হয় ও যে পর্যন্ত প্রয়োজনরহিত মিত্রতা না হয় তাবৎ পরমেশ্বর নিবিড় বনের স্তায় থাকেন অর্থাৎ জীবের জ্ঞানের অগোচর থাকেন যখন বিষয় হইতে মনের নিবৃত্তি হয় তখন তত্ত্বজ্ঞান হয় সেই তত্ত্বজ্ঞানেতে ঈশ্বরদর্শন হইয়া জীবের মুক্তি হয়।

অথ লকসিদ্ধি কথা।—

উজ্জয়িনী নগরেতে এক রাজার তিন পুত্র ছিল প্রথম পুত্র ভর্তৃহরি দ্বিতীয় শক তৃতীয় বিক্রমাদিত্য এই তিন সহোদরের মধ্যে জ্যেষ্ঠ ভর্তৃহরি তিনি পূর্ব জন্মের পুণ্য হেতুক ষোষাদি দোষেতে রহিত ও পবিত্র এবং শাস্তাস্তঃকরণ আর সাকরণ এবং সকল বিষয়েতে বিরক্ত ছিলেন। পরে রাজা পরলোকগত হইলে জ্যেষ্ঠ পুত্র ভর্তৃহরি রাজ্য-

বাসনা করিতেন না কিন্তু মন্ত্রিদ্বিগের অন্তরেতে কহিলেন যে আমি রাজ্যাভিলাষ করি না কেবল তোমাদের অনুরোধে রাজত্ব স্বীকার করিলাম কিন্তু ধর্মার্থেই কিঞ্চিৎকাল রাজত্ব করিব কেবল স্বার্থে রাজ্য করিব না আর আমি একবার যে সুখভোগ করিব পুনশ্চ সেই সুখভোগ করিব না এবং তোমরাও আমাকে সেই ভুক্ত ভোজনে প্রবৃত্ত করিবা না। এই পরামর্শ স্থির করিয়া ভর্তৃহরি ঐ রাজ্যে রাজা হইয়া দণ্ডনীতি শাস্ত্রের মতে শত্রুগণকে জয় করিয়া ও শিষ্ট লোকের সম্বর্ধনা এবং দুষ্ট লোকের দমন আর প্রজাবর্গের পালন করিয়া এক বৎসর রাজত্ব করিলেন। পরে মন্ত্রিগণ এই নিবেদন করিলেন হে মহারাজ আপনি এক বৎসর রাজত্ব করিয়া সকল কর্ম সিদ্ধ করিয়া ষেরূপ সুখভোগ করিয়াছেন ইহার পর আগামী বৎসরে সেই সকল সুখ পুনশ্চ আসিবে কিন্তু সেই অনুভূত সুখের পুনর্বার অনুভব করিলেই ভুক্তভোজন হইবে কিন্তু আপনি পূর্বে আশ্রয় করিয়াছেন যে তোমরা আমাকে ভুক্তভোজনে প্রবৃত্ত করিবা না এই নিমিত্তে নিবেদন করিলাম এখন মহারাজের যেমত স্বেচ্ছা হয় তাহাই করুন। রাজা ভর্তৃহরি মন্ত্রিদ্বিগের ঐ কথা শুনিয়া বিবেচনা করিলেন যদি একবার ভুক্ত বিষয়ের পুনর্বার ভোগ কর্তব্য হয় তবে মনুষ্য কখনও তৃপ্ত হইতে পারে না, এবং যে পুরুষ সম্বৎসর পর্যন্ত সময় বিশেষের যেরূপ সুখ একবার অনুভব করিয়াছে সে প্রতিবর্ষে পুনশ্চ সেই সুখের অনুভব করিতে পারে অধিক সুখভোগ করিতে পারে না অতএব একবার ভুক্ত সুখের পুনর্বার ভোগ করা উত্তম পুরুষের কর্তব্য নহে অপর ভোগ্য বস্তুর একবার ভোগ করিয়াও যে লোকের পিপাসা নিবৃত্তি না হয় তাহার সেই তৃষ্ণারূপ যে প্রাণাস্তক রোগ সেই রোগের চিকিৎসাও হয় না অতএব আর সুখেচ্ছা কিংবা রাজ্য

বাসনা করিব না! রাজা ভর্তৃহরি মন্ত্রিদেগের আপনার অভিপ্রায় জানাইয়া এবং রাজ্য ও সমুদায় সুখভোগ ত্যাগ করিয়া শক নামে ভ্রাতাকে রাজ্য দিয়া আপনি তপোবনে প্রবেশ করিলেন। অনন্তর ভর্তৃহরি সর্বদা যোগাবলম্বন করিয়া ঈশ্বরেতে মনঃসংযোগ করিয়া থাকেন। এক সময়ে রাজা ঐ তপশ্রা হইতে কিছুকাল নিবৃত্ত হইয়া আপনার এক জীর্ণ বস্ত্র সীবন করিতে অর্থাৎ সেলাই করিতে আরম্ভ করিলেন। সেই সময়ে শ্রীমন্নায়ন ভর্তৃহরিকে অবকাশপ্রাপ্ত দেখিয়া এই আজ্ঞা করিলেন যে ভর্তৃহরি তুমি আমার প্রধান ভক্ত এবং অতি প্রিয় পাত্র সম্প্রতি আমি তোমাকে সন্তুষ্ট হইলাম তুমি আমার নিকটে বাঞ্ছিত বর প্রার্থনা করহ। রাজা ভর্তৃহরি পরমেশ্বরকে দর্শন করিয়া আপনাকে চরিতার্থ বোধ করিয়া পরমেশ্বরের চরণে প্রণিপাত পূর্বক এই নিবেদন করিলেন হে জগদীশ্বর আমি সমাগরা পৃথিবী কামনা করি না এবং ইন্দ্রের অমরাবতী ইচ্ছা করি না ও কল্প পর্যন্ত পরমাণু বাসনা করি না আর কোন সুখাভিলাষ করি না এবং দিব্যাজনা কামনা করি না আমি নিতান্ত কামনারহিত হইয়াছি আমার বাঞ্ছামাত্র নাই আমাকে বরদান করিলে কি হইবে আপনি ত্রিলোকে কর্তা যদি বরদানোৎসুক হইয়াছেন তবে কোন যাচক ব্যক্তিকে বাঞ্ছিত বর প্রদান করুন। ( পৃ. ২৬৮-৭২ )

'পুরুষপরীক্ষা'র আরও কতকগুলি সংস্করণ মুদ্রিত হইয়াছিল। ১৮২৬ খ্রীষ্টাব্দে ইহা লণ্ডনে পুনর্মুদ্রিত হয়। ১৩১১ সালে বঙ্গবাসী কার্যালয় 'পুরুষপরীক্ষা'র একটি সংস্করণ প্রকাশ করেন; কিন্তু পুস্তকের আখ্যাপত্রে ও প্রকাশকের ভূমিকায় গ্রন্থকার-হিসাবে ভ্রমক্রমে মৃত্যুবিদ্যালঙ্কারের নাম মুদ্রিত হইয়াছে।

## কাশীনাথ তর্কপঞ্চানন

কাশীনাথ তর্কপঞ্চাননও কেরীর অধীনে ফোর্ট উইলিয়ম কলেজেয় একজন সহকারী পণ্ডিত ছিলেন। ১৮১৩ হইতে ১৮২৪ খ্রীষ্টাব্দ পর্যন্ত—এগার বৎসর কাল তিনি এই পদে নিযুক্ত ছিলেন। তিনি ‘পদার্থকৌমুদী’ পুস্তকের পাণ্ডুলিপির কিয়দংশ কলেজ-কর্তৃপক্ষের নিকট পাঠাইয়া গ্রন্থ মুদ্রণে আনুকূল্য করিবার প্রার্থনা জ্ঞাপন করেন। তিনি লিখিয়াছিলেন :—

মহামহিম শ্রীযুত কালেজ কৌন্সলের সাহেবান বরাবরেয়  
কলেজের পণ্ডিত শ্রীকাশীনাথ তর্কপঞ্চাননের নিবেদনমিদং  
আমি শ্রীযুতদর্শনের ভাষাপরিচ্ছেদ পুস্তকের গোড়দেশীয় সাধুভাষাতে  
সিদ্ধান্ত-মুক্তাবলী প্রভৃতি টীকার অনুসারে স্পষ্টরূপে অর্থপ্রকাশ  
করিতেছি যে শাস্ত্রের অতি কাঠিন্যপ্রযুক্ত অর্থপ্রকাশ করণে অত্যাপি  
কোন পণ্ডিত প্রবৃত্ত হইবেন নাই—মেস্তর পিয়র সাহেবের মুদ্রাগৃহে এই  
পুস্তকের মূল-সহিত মুদ্রাকরণে পঞ্চ শত মুদ্রা বায় হইবেক পুস্তকের  
মূল্যে শ্রীযুতেরদিগের বিবেচনায় নির্ভর করিয়া দৃষ্টি করিবার নিমিত্তে  
পুস্তকের প্রথম ও দ্বিতীয় ভাগ সমর্পণ করিতেছি এইরূপ বিংশতি  
ভাগ হইবেক তাহাতে শ্রীযুতেরা অনুগ্রহপূর্বক এক শত পুস্তক গ্রহণ  
করিলে পুস্তক মুদ্রিত হইতে পারে ও আমার পরিশ্রম সফল হয় এবং  
কালেজের পাঠার্থি সাহেবদিগের অজ্ঞান্যানে শ্রীর ও বৈশেষিক দর্শন  
বিজ্ঞা ও বাঙ্গালাভাষাতে নৈপুণ্য হইতে পারে অতএব নিবেদন যে  
অনুগ্রহপূর্বক এই প্রতিপাল্য ব্যক্তির প্রতি সফলা আশ্রয় হয়, ইতি  
১৮২০ সাল তারিখ ৭ দিসম্বর

শ্রীকাশীনাথ শর্মণঃ

কলেজ-কাউন্সিল দশ খণ্ড পুস্তক ৫০- মূল্যে ক্রয় করিতে স্বীকৃত হইয়াছিলেন। ১৮২১ খ্রীষ্টাব্দে এই পুস্তক 'পদার্থকৌমুদী' নামে প্রকাশিত হয়; ইহার কথা পরে আলোচিত হইবে।

১৮২৫ খ্রীষ্টাব্দের নবেম্বর (?) মাসে রামচন্দ্র বিদ্যালঙ্কারের মৃত্যু হইলে সংস্কৃত কলেজে স্মৃতিশাস্ত্রাধ্যাপকের পদ শূন্য হয়। "সিমুল্যা-নিবাসী" কাশীনাথ তর্কপঞ্চানন এই পদের জন্য আবেদন করেন এবং প্রতিযোগিতা-পরীক্ষায় শ্রেষ্ঠ স্থান অধিকার করিয়া মাসিক ৮০- বেতনে নিযুক্ত হন। এই পদে তিনি ১৯ নবেম্বর ১৮২৫ হইতে ৩০ এপ্রিল ১৮২৭ তারিখ পর্যন্ত নিযুক্ত ছিলেন।

১৮২৭ খ্রীষ্টাব্দের মে মাসে কাশীনাথ তর্কপঞ্চানন ২৪-পরগণা জেলার জজ-পণ্ডিতের পদ প্রাপ্ত হন। এই সংবাদে 'সমাচার চন্দ্রিকা' লিখিয়াছিলেন :—

পাণ্ডিত্য কর্মে নিয়োগ।—সিমুল্যা নিবাসি শ্রীযুত কাশীনাথ তর্কপঞ্চানন ভট্টাচার্য যিনি সংস্কৃত কলেজের স্মার্তাধ্যাপক ছিলেন তিনি ২১ বৈশাখ ৩ মে বৃহস্পতি বারে জেলা চব্বিশ পরগণার পাণ্ডিত্যকর্মে নিযুক্ত হইয়াছেন।—১২ মে ১৮২৭ তারিখের 'সমাচার দর্পণে উদ্ধৃত।

১৮৩১ খ্রীষ্টাব্দ পর্যন্ত কাশীনাথ এই কার্য করিয়া চাকুরি হইতে বরখাস্ত হন। কাউন্সিল অব এডুকেশনের ২৭ ফেব্রুয়ারি ১৮৪৭ তারিখের অধিবেশনের কার্যবিবরণে প্রকাশ :—

He was dismissed by order of the Sudder Dewany Audalat but by a subsequent proceedings of that Court it appearing that the said order did not prohibit his future employment his name was registered in the Council's list for employment ..

১৮৩২ হইতে ১৮৪৬ খ্রীষ্টাব্দ পর্যন্ত কাশীনাথ কি করিয়াছিলেন, তাহা জানা যায় নাই ১৮৪৭ খ্রীষ্টাব্দের ১২ মার্চ হইতে তিনি নবগঠিত

ব্যাকরণের ৫ম শ্রেণীর অধ্যাপকরূপে ৪০ বেতনে পুনরায় সংস্কৃত কলেজে যোগদান করেন।\*

বৃদ্ধ কাশীনাথের দ্বারা অধ্যাপনা-কার্য আশামূৰ্খ ভাবে চলিতেছিল না। সংস্কৃত কলেজের প্রিন্সিপ্যাল হইবার প্রাক্কালে বিজ্ঞানাগর মহাশয় কলেজের সাহিত্য-অধ্যাপক ও অস্থায়ী সেক্রেটারীরূপে সংস্কৃত কলেজের আমূল সংস্কারকল্পে শিক্ষা-পরিষদকে ১৬ ডিসেম্বর ১৮৫০ তারিখে যে সুদীর্ঘ রিপোর্ট পাঠাইয়াছিলেন, তাহাতে কাশীনাথকে ব্যাকরণের অধ্যাপক-পদ হইতে সরাইয়া গ্রন্থাধ্যক্ষ-পদে, এবং গিরিশচন্দ্র বিজয়ারত্নকে গ্রন্থাধ্যক্ষ-পদ হইতে ব্যাকরণ-অধ্যাপকের পদে নিযুক্ত করিবার প্রস্তাব ছিল। তিনি লিখিয়াছিলেন :

The 5th Grammar Professor, Pundit Kashinath Tarkapanchanana, is not quite equal to discharge the duties of his class. He is an old Pundit and seems to be in his dotage, He is altogether unacquainted with that discipline which is absolutely required for so young a class as his. Being an old man, he will not bear to be directed, as is usual with all Pundits of his age.

From all these circumstances his class is the most irregular of all. Therefore, I beg leave to propose that he be placed in charge of the library with his present salary, Rs. 40 a month,...

বিজ্ঞানাগরের এই প্রস্তাব শিক্ষা-পরিষদ কর্তৃক গৃহীত হইয়াছিল। কলেজের বেতনের রসিদ-বইয়ে প্রকাশ, কাশীনাথ ১৮৫১ খ্রীষ্টাব্দের জুন মাস হইতে “গ্রন্থাধ্যক্ষ” হিসাবে বেতন লইয়াছিলেন।

\* কাশীনাথ পূর্বে যে-যে চাকরি করিয়াছিলেন, সংস্কৃত কলেজের নথিপত্রে তাহার এইরূপ বিবরণ আছে :—

Pundit of the College of Fort William from 1813 to 1824. Professor of Smriti in the Government Sanscrit College from 1825 to 1826, Pundit and Sudder Ameen of the District of 24 Purganahs from 1827 to 1831.—Annual Return...dated 1 May



৮ নবেম্বর ১৮৫১ তারিখে কাশীনাথ তর্কপঞ্চাননের মৃত্যু হয়, মৃত্যুকালে তাঁহার বয়স ৬৩ বৎসর\* হইয়াছিল। ১০ নবেম্বর তারিখে শিক্ষা-পরিষদকে লিখিত বিজ্ঞাসাগর মহাশয়ের পত্রে প্রকাশ :—

I have the honor to report for the information of the Council of Education, that on the 8th Instant, Pundit Kasinath Tarkapanchanan the Librarian expired.

কাশীনাথ তর্কপঞ্চানন অনেকগুলি গ্রন্থ রচনা করিয়াছিলেন। আমরা তাঁহার যে-কয়খানি গ্রন্থের সন্ধান করিতে পারিয়াছি, নিম্নে সেগুলির সংক্ষিপ্ত পরিচয় দিলাম।

১। পদার্থকৌমুদী। ইং ১৮২১। পৃ. ১৪৫।

A System of Logic ; written in Sanscrit by The Venerable Sage Boodh, and explained in a Sanscrit commentary by The Very Learned Viswonath Turkaluncar, Translated into Bengalee by Kashee Nath Turkopunchanun. মহর্ষি গৌতমকৃত জ্ঞানদর্শন ; মহামহোপাধ্যায় শ্রীবিখনাথ তর্কালঙ্কারকৃত তদীয় ভাষাপরিচ্ছেদঃ। শ্রীকাশীনাথ তর্কপঞ্চাননকৃতস্তদীয়ার্থ সাধুভাষা সংগ্রহঃ। গ্রন্থনাম পদার্থকৌমুদী স্কুলবুক সোসাইটির দ্বারা কলিকাতা মিসন মুদ্রায়ন্ত্রে মুদ্রিত হইল। C. S. B. S. Calcutta ; Printed for the Calcutta School-Book Society, At the Baptist Mission press, Circular Road. 1821.

আখ্যা-পত্রের পর-পৃষ্ঠায় গ্রন্থকারের নিবাস ও গ্রন্থের প্রকাশকাল এইরূপ দেওয়া আছে :—

শ্রীবিখনাথ তর্কালঙ্কার কৃত তদীয় ভাষা পরিচ্ছেদ।

\* সংস্কৃত কলেজের নথিপত্রে প্রকাশ, ১ মে ১৮৫১ তারিখে কাশীনাথের বয়স ছিল “৬৩”।

আরিয়ানহ গ্রামনিবাসি শ্রীকানীনাথ তর্কপঞ্চানন কৃতঃ গোড় দেশ প্রচলিত সাধুভাষা রচিত, সিদ্ধান্ত মুক্তাবলী সম্বত, তদীয়ার্থ সাবসংগ্রহ।

### গ্রন্থনাম পদার্থ কোমুদী

কলিকাতা নগরে মিনন মুদ্রাঘন্টে বাঙ্গালা মন ১২২৭ সালের চৈত্র মাসে ২ তারিকে মুদ্রিত হইল।

রচনার নিদর্শন : -

বুদ্ধি ছই প্রকার হয় অনুভব ও স্মরণ। সেই অনুভব চারি প্রকার প্রত্যক্ষ অনুমিতি উপমিতি ও শব্দ। এই প্রত্যক্ষাদি অনুভব চতুষ্টয়ের করণ যে প্রত্যক্ষ অনুমান উপমান ও শব্দ তাহার নাম প্রমাণ। চক্ষুরাদি ইন্দ্রিয় করণক যে অনুভব তাহার নাম প্রত্যক্ষ। সেই প্রত্যক্ষের করণ যে চক্ষুরাদি ইন্দ্রিয় তাহার নাম প্রত্যক্ষ প্রমাণ। ব্যাপ্তি জ্ঞান করণক যে অনুভব তাহার নাম অনুমিতি। সেই অনুমিতির করণ যে ব্যাপ্তি জ্ঞান তাহার নাম অনুমান প্রমাণ। সাদৃশ্য জ্ঞান করণক যে অনুভব তাহার নাম উপমিতি। সেই উপমিতির করণ যে সাদৃশ্য জ্ঞান তাহার নাম উপমান প্রমাণ পদ জ্ঞান করণক যে অনুভব তাহার নাম শব্দ। সেই শব্দের করণ যে পদজ্ঞান তাহার নাম শব্দ প্রমাণ। (পৃ. ৩৭-৩৮)

২। আশ্বত্থ কোমুদী। ইং ১৮২২। পৃ. ১৮২+৫।

শ্রীশ্রীহরিঃ।—শ্রীআদি পুরুষায় নমঃ।—উৎপত্তি স্থিতি লয়, জগতের ধার হয়, পুনর্জন্ম হরে ধার জ্ঞান। অনাদি অনন্ত শাস্ত, ধার মায়ায় জগদ্ভ্রাস্ত, স্মরি সেই পুরুষ প্রধান। গ্রন্থনাম আশ্বত্থ কোমুদী। শ্রীশ্রীকৃষ্ণমিশ্র কৃত প্রবোধচক্রোদয় নাটক, শ্রীকানীনাথ তর্কপঞ্চানন শ্রীগদাধরভট্টায়রত্ন শ্রীরামকিঙ্কর শিবোমণি কৃত, সাধুভাষা

রচিত তদীয়ার্থ সংগ্রহ। গ্রন্থের সংখ্যা ছয় অঙ্ক, প্রথমাক্ষের নাম বিবেকোত্তম, দ্বিতীয়াক্ষের নাম মহামোহোদযোগ, তৃতীয়াক্ষের নাম পাষণ্ডবিড়ম্বন, চতুর্থাক্ষের নাম বিবেকোদযোগ, পঞ্চমাক্ষের নাম বৈরাগ্যোৎপত্তি, ষষ্ঠাক্ষের নাম প্রবোধোৎপত্তি, এই গ্রন্থের নাট্যশাস্ত্রোক্ত সংজ্ঞাশব্দের অর্থ এবং মোহবিবেকাদির লক্ষণ তন্ত্ৰ শব্দার্থের নির্ঘণ্টপত্রে অকারাদিক্রমে দৃষ্টি করিয়া অবগত হইবা। পুস্তকের মূল্য ৪ মুদ্রাচতুষ্টয় মাত্র। মহেন্দ্রলাল প্রেমে মুদ্রাঙ্কিত হইল। সন ১২২৯ শাল।

রচনার নিদর্শনস্বরূপ পুস্তকের কয়েক পংক্তি উদ্ধৃত করিতেছি :

একি আশ্চর্য অজ্ঞানিলোকেবা অজ্ঞান দৃষ্টিতে নারীতে কিং  
আরোপিত না করিতেছে দেখ মুক্তা রচিত হার, শকারমান মণিময়  
শ্বর্ণনূপুর, কুঙ্কুমের রাগ সুগন্ধি কুসুম রচিত আশ্চর্য মালা এবং  
আশ্চর্য বসন পরিধান, অর্থাৎ মুক্তাহারাদির শোভাতে শোভিতা  
কিন্তু ফলতঃ বক্ত মাংসময়ী যে নারী তাহাকে দর্শন করিয়া এই এই  
নারী কি পরমা সুন্দরী এইরূপ ভ্রান্তিতে ভ্রান্ত লোকেবা মুগ্ধ  
হইতেছে কিন্তু জ্ঞানিলোকেবা জ্ঞাতদৃষ্টিতে সেই নারীকে নরকরূপে  
দর্শন করিতেছেন যে হেতু তাঁহারা তাবৎ বস্তুর বাহ্য ও অন্তর জ্ঞাত  
আছেন এবং নারীর কনকচম্পক সদৃশ যে শরীর তাহাও ফলতঃ  
মলমুত্রাদিতে পরিপূর্ণ আছে। ( পৃ ১০০-১০১ )

৩। পাষণ্ডপীড়ন। ইং ১৮২৩। পৃ. ২৮৫।

শ্রীশ্রীহর্গা ॥—জয়তি ॥—( পাষণ্ডপীড়ন নামক প্রত্যুত্তর ) A  
Reply, Entitled 'A TORMENT TO THE  
IRRELIGIOUS' কোন ধর্মসংস্থাপনাকাজি কর্তৃক কোন  
পণ্ডিতের সহায়তায় স্বদেশীয় লোক হিতার্থ প্রস্তুত ও প্রকাশিত

হইল PREPARED AND PUBLISHED WITH  
THE ASSISTANCE OF A PUNDIT, *By a person,*  
*wishing to defend and disseminate Religious*  
*Principles.* FOR THE BE EFIT OF HIS  
COUNTRYMEN. সমাচার চন্দ্রিকা মুদ্রাযন্ত্রে মুদ্রাঙ্কিত হইল।  
[ Printed at ] the Sumachara Chndrica Press.  
CALCUTTA, 1823. কলিকাতা সন ১২২৩ ২০ মাঘ।

‘পাষণ্ডপীড়ন’ রচনার ইতিহাস এইরূপ। ৬ এপ্রিল ১৮২২ তারিখে  
শ্রীরামপুর মিশনারীদের ‘সমাচার দর্পণ’ পত্রে “ধর্মসংস্থাপনাকাজক্ষী” এই  
ছদ্ম স্বাক্ষরে এক ব্যক্তি চারিটি প্রশ্ন করেন। ১৮২২ খ্রীষ্টাব্দের ১১ই মে  
রামমোহন কর্তৃক এই চারিটি প্রশ্নের উত্তর প্রকাশিত হয়; উহা  
রামমোহন বায়ের গ্রন্থাবলীতে ‘চারি প্রশ্নের উত্তর’ নামে মুদ্রিত  
হইয়াছে। “ধর্মসংস্থাপনাকাজক্ষী” এই উত্তরে সন্তুষ্ট না হইয়া প্রত্যুত্তর-  
স্বরূপ ১৮২৩ খ্রীষ্টাব্দের ১লা ফেব্রুয়ারী ‘পাষণ্ডপীড়ন’ পুস্তক প্রকাশ  
করেন। ইহাতে “ধর্মসংস্থাপনাকাজক্ষী”র চারি প্রশ্ন, “ভাক্ততত্ত্বজ্ঞানী”র  
উত্তর, এবং ধর্মসংস্থাপনাকাজক্ষী”র প্রত্যুত্তর একত্র মুদ্রিত হয়।

‘পাষণ্ডপীড়ন, উমানন্দন ( বা নন্দলাল ) ঠাকুরের নির্দেশে কাশীনাথ  
তর্কপঞ্চানন কর্তৃক রচিত হয়। উমানন্দন পাথুরিয়াঘাটা ঠাকুর-গোষ্ঠীর  
হরিমোহন ঠাকুরের পুত্র। পুস্তকে গ্রন্থকাররূপে কাশীনাথের নাম না  
থাকিলেও, রামমোহনের ‘চারি প্রশ্নের উত্তর’ পুস্তকে তাহার ইঙ্গিত  
আছে। কাশীনাথ তর্কপঞ্চানন এই সময়ে উইলিয়ম কেরীর অধীনে  
কলিকাতার ফোর্ট উইলিয়ম কলেজের এক জন সহকারী পণ্ডিত ছিলেন  
এবং বিলাত হইতে নবাগত সিবিলিয়ানদিগকে বাংলা শিখাইতেন।  
তিনি ১৮২১ সনে ‘শ্রায়দর্শন’ প্রকাশ করেন; তাহার অনুরোধে কলেজ-

কাউন্সিল ইহার দণ্ড ৫০ মূল্যে কলেজ-লাইব্রেরীর জন্য গ্রহণ করেন। নিম্নোক্ত অংশে রামমোহন এই সকল কথাই ইঙ্গিত করিয়াছেন :

আর যদি এক ব্যক্তি বহুকাল স্নেহসেবা ও স্নেহকে শাস্ত্র অধ্যাপনা করিয়া এবং গ্রায় দর্শনের অর্থ ভাষাতে রচনাপূর্বক স্নেহকে তাহা বিক্রয় করিতে পারে সে আশ্চর্যজনক করিয়া অন্তকে কহে যে তুমি স্নেহের সংসর্গ কর ও দর্শনের অর্থ ভাষায় বিবরণ করিয়া স্নেহকে দেও অতএব তুমি স্বধর্মচ্যুত হও তবে সে ব্যক্তিকে কি কহা উচিত হয়।

রচনার নিদর্শন-স্বরূপ 'পাষণ্ডীড়ন' হইতে কিছু উদ্ধৃত করিতেছি :

...নগরাস্তম্বাসি মহাশয়কে যবন স্পর্শ করিয়া থাক বলিয়া কোন্ ভদ্রলোকে নিন্দা করিয়া থাকেন, যদি কেহ করেন, সেও অসুচিত, যেহেতু অত্যন্নপাপৈর্বিপদঃ শুচীনাং পাপাত্মনাং পাপশতেন কিম্বা। অর্থাৎ শুচি ব্যক্তির অত্যন্ন পাপেই বিপদ হয়। পাপাত্মার শতং পাপেও সমুদ্রের জলের গ্রায় হাস বৃদ্ধি হয় না, কি জানি, কে দেখিয়াছে, পরমেশ্বরই জানেন, কিন্তু অনেকেই যবনান্নভোক্তা বলিয়া মহাপুরুষকে নিন্দা করিয়া থাকেন, লোকপরম্পরা শুনিতে পাই, ন স্বয়ং জনশ্রুতিঃ, বহু জনের বাক্য প্রায়ঃ অমূল হয় না, সুবোধ লোকেরাই বিবেচনা করিবেন।

যে ব্যক্তি বাল্য অবধি অহরাত্র যবনমাত্রেয় সহিত আলাপ পরিচয় একাসনে সহবাস ও অন্তঃ তবাভ্যবহার করিতেছেন, তেঁহ সুতরাং আত্মব্রহ্মতে জগৎ ইহার গ্রায় অন্য ব্যক্তিকেও যবনজ্ঞান করিতে পারেন, সে যাহা হউক, তাঁহার এইরূপ যবনজ্ঞানে

পরমাপ্যায়িত হইলাম, বুঝিলাম যে ভাস্করতত্ত্বজ্ঞানি পণ্ডিতাভিমাত্রী  
বহু কালে বহু পরিশ্রমে এক্ষণে ভাস্করতত্ত্বজ্ঞানের ফল সম্পূর্ণ হইবার  
উপক্রম হইতেছে, ভাল, ভাল, ঈশ্বর মঙ্গল করুন, ক্রমে সর্বত্রই  
যবনজ্ঞান হইবেক, ( পৃ. ২৮-২৯ )

...ধর্মসংস্থাপনাকাজ্জীদিগের জিজ্ঞাসার এই তাৎপর্য যে  
ভাস্করতত্ত্বজ্ঞানি মহাশয়েরা যে নিগূঢ় শাস্ত্রের অনুসারে অভক্ষ্য ভক্ষণ  
অপেয় পান ও অগম্যাগমন ইত্যাদি সংকর্মের অনুষ্ঠান করিতেছেন,  
সে নিগূঢ় শাস্ত্রের নাম কি ? কি দুঃসাহস, ভাস্করতত্ত্বজ্ঞানি মহাশয়েরা  
শ্রুতি-স্মৃতি পুরাণাদি প্রমাণের অনুসারে অতি সুগম কর্মকাণ্ডে  
অশক্ত হইয়া অতি দুর্গম জ্ঞানকাণ্ডে প্রবৃত্তি করিতেছেন, যেমন  
একজন সামান্য পশুরক্ষণে অসমর্থ হইয়া হস্তিরক্ষণে প্রবৃত্ত হইয়াছিল,  
কিন্তু পশ্চাৎ তাহার যে দুর্গতিশ্রবণ আছে, তাহারদিগেরো বুঝি  
সেই দুর্গতি হইবেক কি আশ্চর্য, সুরাচার্য সুরাসঙ্গে পরম রঙ্গে  
অচৈতন্য হইয়া শ্রীচৈতন্য নিত্যানন্দ অষ্টৈত অবতারকে এবং  
তদুপাসক সকলকে অমান্য ও জঘন্য জ্ঞানে অমানবদনে অতিসামান্যের  
ন্যায় বাঙ্গ ও নিন্দা করিয়াছেন, তাহার পিতা, ও মাতা চিরকাল  
যে গৌরান্ধাবতারাদির সাধন ও তদুভক্তগণের অধরামৃত পান  
করিয়া উদ্ধার হইয়াছেন, সেই আপন কুলদেবতাকে কুলমূবলের ন্যায়  
উক্তি করিয়াছেন, ধিক্ এ নরাধামের কি গতি হইবেক, পিতামাতার  
বহু জন্মার্জিত সুকৃতপুঞ্জপুঞ্জের ফলেই এতাদৃশ সুসন্ধান জন্মিয়া কুল  
উজ্জল করে। ( পৃ. ১০০-১০১ )

বঙ্গীয়-সাহিত্য-পরিষৎ কর্তৃক প্রকাশিত 'রামমোহন-গ্রন্থাবলী'র  
৬ষ্ঠ খণ্ডে 'পাষণ্ডীড়ন' পুনর্মুদ্রিত হইয়াছে।

৪। সাধু সন্তোষিনী।

মুদ্রিত বাংলা পুস্তকের তালিকায় পাদরি লং এই পুস্তকের নিম্নলিখিত বর্ণনা দিয়াছেন :

In 1826, the *Sadhu Santoshini* to prove that AFFIDAVITS on the Ganges water are forbidden by the Hindu Law, by Kashinath Tarkapanchanan. (Long's *Descriptive Catalogue ...* p 56)

৫। শ্যামাসন্তোষণ।

কলিকাতা বয়াল এশিয়াটিক সোসাইটিতে কাশীনাথ তর্কপঞ্চাননের 'শ্যামাসন্তোষণস্তোত্র' নামে একখানি পুথি আছে। পুথিতে ইহার রচনাকাল—চৈত্র ১৭৫৬ শক (= ১৮৩৫ খ্রীষ্টাব্দে) এইরূপ দেওয়া আছে :

ব্রহ্মশরমুনিচন্দ্রে বক্ষিতেহস্মিন্ শকাবে  
গগনগুণমিতাংশে সৌরচৈত্রে শুভাহে।  
স্তুতিরিয়মতিসাক্ষী সন্মুখাস্তোজাতা  
ভবতু চিতমবগ্নাং

চতুর্থ পংক্তির শেষ অংশটুকু পুথিতে নাই। পরবর্তীকালে কাশীনাথ তর্কপঞ্চানন বঙ্গানুবাদ সমেত স্তোত্রটি পুস্তকাকারে প্রকাশ করিয়াছিলেন বলিয়া মনে হইতেছে। ১ পৌষ ১৭৬৮ শকের 'তত্ত্ববোধিনী পত্রিকা'র 'শ্যামাসন্তোষণ' পুস্তকের উল্লেখ আছে :

...শ্রীযুক্ত কাশীনাথ তর্কপঞ্চানন স্বকৃত শ্যামাসন্তোষণ নাম গ্রন্থে ইহার স্পষ্ট বিবরণ করিয়াছেন যথা ...। ( পৃ. ৩৮৫ )

বর্তমান শ্রীযুক্ত কাশীনাথ তর্কপঞ্চানন স্বকৃত শ্যামাসন্তোষণ গ্রন্থে দুই প্রকার গৃহস্থ অবধূতের প্রসঙ্গ লেখেন, ...। ( পৃ. ৩৮৭, পাদটীকা )





সাহিত্য-সাধক-চরিতমালা—১৫\*

উইলিয়ম কেরী



# উইলিয়ম কেৰী

সজনীকান্ত দাস



বঙ্গীয় সাহিত্য পরিষৎ  
২৪৩১, আচার্য প্র ফুল্লচন্দ্র রোড  
কলিকাতা-৭০০০০৬

প্রকাশক  
শ্রীমদনমোহন কুমার  
সম্পাদক  
বঙ্গীয় সাহিত্য পরিষৎ

প্রথম সংস্করণ—বৈশাখ ১৩৪৯ ; দ্বিতীয় সংস্করণ—অগ্রহায়ণ ১৩৪৯  
তৃতীয় সংস্করণ—বৈশাখ ১৩৫১ ; চতুর্থ সংস্ক. ৭—জ্যৈষ্ঠ ১৩৫৫  
পঞ্চম সংস্করণ—বৈশাখ ১৩৬৩ ; ৬ষ্ঠ মুদ্রণ—আষাঢ় ১৩৬৩

মূল্য দুই টাকা

মুদ্রাকর—শ্রীসুধাবিন্দু সরকার  
ব্রাহ্মমিশন প্রেস  
২১১১, বিধান সরণী, কলিকাতা-৬

বাংলা ভাষা ও সাহিত্যের ইতিহাসের সহিত কয়েক জন বৈদেশিক পণ্ডিত ও কন্সার্নার নাম যুক্ত হইয়া আছে। বাংলা-গণের গঠনের প্রারম্ভে ইহাদের উদ্যম ও অধ্যবসায় কোনও কালেই বিস্মৃত হইবার নহে। পতুগীজ প্রভাবের যুগে পাদরি মনোএল-দা-আসুন্সাম্ এবং ইংরেজ প্রভাবের যুগে নাথানিয়েল ব্রাসি হাল্হেড, জোনাথান ডান্‌কান, এন. বি. এডমন্স্টোন, হেন্‌রি পিটস ফরুস্টার, জন টমাস ও উইলিয়ম কেরীর নাম বিশেষভাবে উল্লেখযোগ্য। বস্তুতঃ ইহাদের সহযোগিতা না থাকিলে বিজ্ঞান ও অভিধানের আশ্রয়ে বৈজ্ঞানিক ভিত্তির উপর প্রতিষ্ঠিত হইতে বাংলা-গণের বিলম্ব ঘটত। লঙ্কার সহিতও এ কথা আজ আমাদের স্বীকার করিতে হইবে যে, প্রধানতঃ এই সকল বৈদেশিক কন্সার্নার চেষ্টায় বাংলা গণ-সাহিত্যের গোড়াপত্তন হইয়াছে, ইহাদেরই উৎসাহে বাঙালী পণ্ডিতেরা বাংলা ভাষা ও সাহিত্য বিষয়ে সচেতন হইয়াছেন।

উপরি-উক্ত বৈদেশিক পণ্ডিত-সমাজে উইলিয়ম কেরী প্রধান এবং শ্রেষ্ঠ ; বাংলা ভাষার উন্নতির জন্য তাঁহার পরিশ্রমের তুলনা হয় না। দীর্ঘ একচল্লিশ বৎসর কাল তিনি এই কার্যে নিযুক্ত ছিলেন এবং তাঁহারই উদ্যোগে ও উৎসাহে দেশীয় পণ্ডিতেরা বাংলা-গণের প্রাথমিক রূপ দান করিয়াছিলেন ; বাংলা-গণের প্রথম যুগকে আমরা বিশেষভাবে উইলিয়ম কেরীর প্রভাবের যুগ বলিতে পারি। এই ভাষার প্রতি তাঁহার সত্যকার প্রেম জন্মিয়াছিল। সত্য বটে, এই প্রেম অহেতুকী ছিল না। তাঁহার জীবনের প্রধান উদ্দেশ্য ও একমাত্র লক্ষ্য ছিল—অশ্রীষ্টিয়ান সমাজে খ্রীষ্টধর্মের প্রচার, এবং সেই উদ্দেশ্য লইয়াই তিনি বাংলা ভাষার চর্চা আরম্ভ করিয়াছিলেন। কিন্তু এই বৈজ্ঞানিক

পশ্চিমের মন চিরকাল সেই উদ্দেশ্যকে আঁকড়াইয়া থাকিত পারে নাই ; কাজ করিতে করিতে ভাষার প্রতি প্রীতি আপনিই জন্মিয়াছে এবং উইলিয়ম কেরী এই ভাষাকে বৈজ্ঞানিক ও সাহিত্যিক ভিত্তির উপর প্রতিষ্ঠিত করিবার কাজে শেষ পর্য্যন্ত অন্য প্রেরণার কথা বিস্মৃত হইয়াছেন । যে প্রেরণাই তাঁহার থাকুক, বাংলা ভাষা ও বাঙালী জাতি তাঁহার চেষ্টার ফলে লাভবান হইয়াছে এবং আমরা কৃতজ্ঞতাবশে তাঁহাকে তাঁহার যথাযোগ্য সম্মান দিয়া আসিতেছি ।

কেরীর প্রতিভা বহুমুখী, জীবন বহুধাবিস্তৃত ছিল ; তাঁহার জীবনের সৰ্ব্বাঙ্গীণ পরিচয় দিতে গেলে একটি বৃহৎ গ্রন্থ রচনা করিতে হয় । এই সংক্ষিপ্ত ইতিহাসে ততখানি বিস্তারের স্থান নাই । ধর্মপ্রচারার্থে বঙ্গদেশ যাত্রা করিবার পূর্ব পর্য্যন্ত তাঁহার জীবনের সামান্য পরিচয় দিয়া, বঙ্গদেশে তাঁহার কার্যকলাপের অপেক্ষাকৃত বিস্তৃত বিবরণ দিবার চেষ্টা করিব । কারণ, কেরীর জীবনের এই অংশের ইতিহাস ( ১৭৯৩ খ্রীষ্টাব্দের ১১ই নবেম্বর কলিকাতায় পদার্পণ-দিবস হইতে ১৮৩৪ খ্রীষ্টাব্দের ৯ই জুন মৃত্যু-দিবস পর্য্যন্ত ৪১ বৎসর ) প্রত্যক্ষ এবং পরোক্ষ ভাবে বাংলা-গণের প্রাথমিক ইতিহাসের সহিত জড়িত । বলিতে কি, এই কালের মধ্যে তিনি একদিনের জন্তও বঙ্গদেশ ত্যাগ করেন নাই— মদনাবাটীতে অবস্থানকালে টমাসের সঙ্গে একবার ভূটান গিয়াছিলেন ; বঙ্গদেশের পরিধি তখন ভূটান পর্য্যন্ত বিস্তৃত ছিল । এই ৪১ বৎসরের প্রথম ছয় বৎসর তাঁহার শিক্ষানবিশীর কাল ; শিক্ষক—জন টমাস ও রামরাম বসু । ১৮২৯ খ্রীষ্টাব্দের শেষে মার্শম্যান, ওয়ার্ড প্রভৃতির আগমনকাল হইতেই মিশনরী-গোষ্ঠীর তিনি পরিচালক, ১৮৩০ খ্রীষ্টাব্দের সূত্রপাত হইতেই শ্রীরামপুর মিশনের পত্তন ; কলিকাতায় প্রতিষ্ঠিত ফোর্ট উইলিয়ম কলেজের সহিত ১৮০১ খ্রীষ্টাব্দ হইতে তাঁহার সংশ্লিষ্ট ।

এই শ্রীরামপুর ব্যাপটিস্ট মিশন ও ফোর্ট উইলিয়ম কলেজের সহায়তায় বাংলা-গণের বিকাশ ও পরিণতি, এবং উভয় ক্ষেত্রেই উইলিয়ম কেরী প্রধান।

## প্রথম জীবন—ইংলণ্ডে

( আগস্ট ১৭৬১—জুন ১৭৯৩ )

১৭৬১ খ্রীষ্টাব্দের ১৭ই আগস্ট তারিখে নরুদাম্টনশায়ারের পলার্স-পিউরি গ্রামে উইলিয়ম কেরী জন্মগ্রহণ করেন। পিতা এড্‌মণ্ড কেরা তখন স্বহস্তে তাঁত বুনিয়া অন্নসংস্থান করিতেন। উইলিয়মের বয়স যখন ছয় বৎসর, এড্‌মণ্ড তখন তত্ত্ববায়বৃত্তি ত্যাগ করিয়া স্থানীয় অবৈতনিক বিদ্যালয়ে শিক্ষকতা শুরু করেন এবং স্থানীয় প্যারিশের কেরানী নিযুক্ত হন। পিতার এই জীবিকা-পরিবর্তন উইলিয়মের পক্ষে শুভফলদায়ক হইয়াছিল। শিক্ষক পিতার আদর্শে সর্বপ্রকার জ্ঞান-বিজ্ঞানের প্রতি তাঁহার অসাধারণ আগ্রহ জন্মিয়াছিল। ইতিহাস, ভূগোল অর্থাৎ পৃথিবীর নানা দেশের বিবরণ, ভ্রমণকাহিনী, বিশেষ করিয়া কলম্বুসের আবিষ্কার-বৃত্তান্ত এবং প্রাকৃতিক বিজ্ঞান বিষয়ে তাঁহার জ্ঞানার্জন করিবার আগ্রহ ও উৎসাহের কথা সকলেই উল্লেখ করিয়াছেন। এই সময়ের অধীত বিদ্যা উত্তরকালে বঙ্গদেশে অবস্থান-সময়ে স্থানীয় পশুপক্ষী ও বৃক্ষলতাদি সম্পর্কে গবেষণাকার্যে তাঁহার সহায় হইয়াছিল। ব্যাপটিস্ট মিশন সোসাইটির প্রথম ছয় খণ্ড ‘পিরিয়ডিক্যাল অ্যাকাউন্টসে’ ইহার বহু পরিচয় আছে। পুস্তকগত জ্ঞান ছাড়াও বাল্যকাল হইতেই তিনি হাতে-কলমে উদ্ভিদবিজ্ঞান আলোচনা করিতেন। এই বিজ্ঞানে তিনি এমনই দক্ষ হইয়াছিলেন

যে, এক সময় তাঁহাকে কলিকাতার কোম্পানির বাগানের তত্ত্বাবধায়ক-রূপে নিয়োগ করার প্রস্তাব উঠিয়াছিল, এবং বিখ্যাত উদ্ভিদতত্ত্ববিৎ ডক্টর রক্সবার্গের অকালমৃত্যুতে তাঁহার সুপ্রসিদ্ধ *Flora Indica* পুস্তক উইলিয়ম কেরী কর্তৃক সম্পাদিত হইয়া প্রকাশিত হইয়াছিল। কলকাতার জীবনী ও ভ্রমণকাহিনী বালক কেরীকে এমনই আবিষ্ট করিয়া রাখিত যে, তিনি দিনের পর দিন তাঁহার সহপাঠীদের কাছে কেবলই কলকাতার গল্প করিতেন ; তাঁহার উৎসাহাতিশয়া দেখিয়া তাহারা তাঁহাকে কলকাতা নামে ডাকিয়া উপহাস করিত। অন্যান্য বিষয়ে কেরী সাধারণ ছাত্রদের মতই ছিলেন, কেবল তাঁহার পিতা বাল্যে তাঁহার পাঠ্যগণিত বিষয়ে দক্ষতার উল্লেখ করিয়াছেন দেখিতে পাওয়া যায়। বারো বৎসর বয়সে কেরী পলার্সপিউরির তত্ত্বাবধায়ক-পণ্ডিত টমাস জোন্সের নিকট বিশেষ মনোযোগের সহিত লাতিন ভাষা শিখিতে আরম্ভ করেন। কথিত আছে, তিনি মাত্র কয়েক মাসের মধ্যেই একটি লাতিন শব্দকোষ ('Vocabularium') কণ্ঠস্থ করিয়াছিলেন।

এড্‌মন্ডের আর্থিক অবস্থা ভাল ছিল না, সুতরাং বারো বৎসর বয়স হইতেই বালক কেরীকে উপার্জনের চেষ্টা দেখিতে হয়। প্রথম দুই বৎসর তিনি কৃষিকার্য্য শিখিবার চেষ্টা করিয়াছিলেন, কিন্তু বিশেষ চর্মরোগের জন্য রৌদ্রতাপ মোটেই সহ্য করিতে পারিতেন না বলিয়া এই জীবিকা তাঁহাকে ত্যাগ করিতে হয়। তিনি হ্যাকলটনের জুতা-নির্যাতা ক্লার্ক নিকলসের সহযোগী হিসাবে জুতা-সেলাইয়ের কাজ শিখিতে আরম্ভ করিয়া চার বৎসর শিক্ষানবিশী করিয়াছিলেন। এই সময়ে তিনি প্রত্যহ রবিবারে পলার্সপিউরি আসিয়া টমাস জোন্সের নিকট গ্রীকভাষা শিখিতে আরম্ভ করেন। ক্লার্ক নিকলসের দোকানে কয়েকটি ধর্মবিষয়ক গ্রন্থ ছিল, কেরী সেগুলিও মনোযোগের সহিত পাঠ



করিতে থাকেন। ১৭৭৯ খ্রীষ্টাব্দে ক্লার্ক নিকলসের মৃত্যু হওয়াতে তাঁহার আত্মীয় টি. ওল্ডের দোকানে কেবল শিক্ষানবিশ হন। এই ভদ্রলোক একাধারে মদ্যপ, বদমেজাজী ও ধর্মবাতিকগ্রস্ত ছিলেন; বালক কেবলর সহিত প্রায়শঃ তাঁহার ধর্মবিষয়ে তর্ক হইত। তর্কে জিতিব্যবস্থা জন্য কেবল প্রাণপণে ধর্মগ্রন্থসকল অধ্যয়ন করিতে থাকেন এবং লাতিন, গ্রীক ও হিব্রু ভাষা শিক্ষায় অধিক মনযোগী হন। এই সকল তর্কমূলক ধর্মচর্চা সম্বন্ধে কেবলর নৈতিক চরিত্র সংসর্গদোষে কলুষিত হইয়া পড়ে।

এই সময়ে জন ওয়ার (Warr) নামক এক জন সহ শিক্ষানবিশের আদর্শ তাঁহার জীবনের গতি পরিবর্তিত করিয়া দেয়, তাঁহার মনে সত্যকার ধর্মভাব জাগ্রত হয়; চার্চ অব ইংলণ্ডের বিখ্যাত প্রচারক রেভারেন্ড টমাস স্কটের সহিত তাঁহার এই সময়েই ঘনিষ্ঠতা জন্মে। ১৭৮১ খ্রীষ্টাব্দে মাত্র কুড়ি বৎসর বয়সে মনিব ওল্ডের শ্যালিকা নিরক্ষর ডরোথি প্লাকেটের সহিত তাঁহার বিবাহ হয়। ১৭৮২ খ্রীষ্টাব্দে নর্দাম্‌টনশায়ারের ব্যাপটিস্টমণ্ডলীর পালক-সভ্য যোগদান করিয়া রাইল্যাণ্ড, সাটক্লিফ, ফুলার ও পীয়ার্সের সহিত তাঁহার পরিচয় হয়। ১৭৮৬ খ্রীষ্টাব্দে মূলটনে একটি অবৈতনিক পাঠশালায় শিক্ষকতা গ্রহণ করিয়া কেবল পিডিংটন (হাকলুটন) ত্যাগ করেন; জুতা-সেলাইয়ের ব্যবসায় তিনি তখনও পরিত্যাগ করেন নাই। তৎপূর্বেই ক্যাপ্টেন কুকের ভ্রমণবৃত্তান্ত প্রকাশিত হয়। এই পুস্তক মনোযোগের সহিত পাঠ করিয়া পৃথিবীর অখ্রীষ্টান “হিদের” জাতিসমূহের অনন্ত নিগ্রহের কথা ভাবিয়া তাঁহার মনে বেদনা জাগে, তিনি তাহাদের মুক্তির উপায় চিন্তা করিতে থাকেন। মূলটনে আসিয়া তিনি স্বহস্তে পৃথিবীর একটি বৃহৎ মানচিত্র প্রস্তুত করেন ও সেটিকে দেওয়ালে টাঙাইয়া হিদেরদের

উদ্ধার-চিন্তায় মনোনিবেশ করেন। তিনি এই সময়ে ডাচ, ইটালিয়ান ও ফ্রেঞ্চ ভাষাও শিখিতে থাকেন এবং ডাচ ভাষার একটি পুস্তক ইংরেজীতে অনুবাদ করেন। তাঁহার এই প্রথম রচনা এখনও পাণ্ডুলিপি আকারেই আছে। ধীরে ধীরে জুতা-সেলাই ও শিক্ষকতা-বৃত্তি ত্যাগ করিয়া কেরী ধর্মযাজকবৃত্তি গ্রহণ করেন ও ১৭৮৯ খ্রীষ্টাব্দে লীস্টার শহরের হার্ভি লেনে পাকাপাকি রকম পাদরিরূপে প্রতিষ্ঠিত হন। ১৭৯২ খ্রীষ্টাব্দে এখান হইতেই তাঁহার *An Enquiry into the obligations of Christians to use means for the conversion of the Heathen* পুস্তক প্রকাশিত হয় এবং ঐ বৎসরের ২রা অক্টোবর তারিখে কেটারিঙের ঐতিহাসিক সভায় *The Particular Baptist Society for propagating the Gospel amongst the Heathen* নামক সমিতি তাঁহারই উদ্যোগে গঠিত হয়।

এই সভাই ব্যাপটিস্ট মিশনরী সমিতির প্রথম সভা। দ্বিতীয় সভা বসে ১৭৯২ খ্রীষ্টাব্দের ৩১এ অক্টোবর। ১৩ই নবেম্বর নরুদাম্টনের প্রাইমারী সমিতির সভায় কেরী উপস্থিত হইতে পারেন নাই। একটি পত্রে তিনি সমিতিকে বঙ্গদেশীয় মিশনরী জন টমাসের কথা জানান। জন টমাসই বাংলা দেশে আগত প্রথম ব্যাপটিস্ট মিশনরী। ১৭৮৩ খ্রীষ্টাব্দে তিনি একটি জাহাজের ডাক্তাররূপে বঙ্গদেশে আসেন এবং শেষ পর্যন্ত এখানে তাঁহার খ্রীষ্টধর্ম প্রচারের প্রবৃত্তি প্রবল হয়। তিনি নিজে একাকী এই কার্যে অক্ষম জানিয়া কেটারিঙে সচলপ্রতিষ্ঠিত এই সমিতির নিকট সাহায্য প্রার্থনা করেন। টমাসের সহিত কেরীর ইতিমধ্যেই পরিচয় হইয়াছিল এবং টমাস তাঁহাকে সর্বপ্রথম বাংলা দেশে তাঁহাদের প্রচারকার্য চালাইতে অনুরোধ করিয়াছিলেন। টমাস বলেন, তিনি নিজেও বাংলা দেশে প্রচারকার্যের সুবিধার জন্য লণ্ডনে চাঁদা সংগ্রহ

করিতেছেন ; এক জন সঙ্গী পাইলে তিনি বাংলা দেশে প্রচারের ভার লইতে রাজি আছেন ।

কেরীর পত্র পঠিত হইলে সমিতি জন টমাস সম্বন্ধে বিস্তৃত বিবরণ সংগ্রহ করিতে মনস্থ করেন । সমিতির সম্পাদকের উপর এই বিষয়ের ভার অর্পিত হয় ।

১৭৯৩ খ্রীষ্টাব্দের ১০ই জানুয়ারি কেটারিঙে সমিতির অধিবেশনে “টমাস-অনুসন্ধান”র ফল বিবৃত হয় ; সমিতি ইহা সন্তোষজনক বিবেচনা করাতে টমাসকে সমিতির পক্ষে বাংলা দেশে প্রচারকার্য পরিচালনের অনুরোধ জ্ঞাপন করার প্রস্তাব হইল । টমাস যদি রাজি থাকেন, তাহা হইলে তাঁহার সঙ্গী কে হইবেন, পূর্বাঙ্কেই তাহা স্থির করিবার কথা উঠিল । উইলিয়ম কেরী স্বতঃপ্রবৃত্ত হইয়া জন টমাসের সহকর্মীরূপে নিজের নাম প্রস্তাব করিলেন । ১৭৯৩ খ্রীষ্টাব্দের ১৬ই জুন ক্যাপ্টেন ক্রিস্‌মাসের অধীনে পরিচালিত ডেনিশ ইণ্ডিয়াম্যান ( জাহাজ ) ‘প্রিন্সেস মারিয়া’-যোগে জন টমাসের নেতৃত্বে উইলিয়ম কেরী—পত্নী ডরোথি, শ্যালিকা কাথারিন প্ল্যাকেট, পুত্র ফেলিক্স, উইলিয়ম, পিটার ও সছোজাত জ্যাবেজকে লইয়া বঙ্গ-দেশ অভিমুখে যাত্রা করেন ।

আমাদের প্রয়োজনের পক্ষে কেরীর জীবনের তিনটি উল্লেখযোগ্য বিশেষত্ব এই—ভাষা-শিক্ষায় তাঁহার অসাধারণ দক্ষতা, শারীরিক ক্লেশ উপেক্ষা করিয়া তাঁহার অপরিসীম অধ্যবসায় এবং সর্ববিষয়ে তাঁহার প্রবল কৌতূহল ।

## কেরী, টমাস ও রামরাম বসু

( নবেম্বর ১৭৯৩-অক্টোবর ১৭৯৯ )

কেরী-সমভিব্যাহারে তৃতীয়বার বঙ্গদেশ অভিমুখে রওয়ানা হইবার পূর্বেই টমাস বাংলা দেশ, বাঙালী জাতি ও বাংলা ভাষা সম্বন্ধে ওয়াকিবহাল। বিকৃত উচ্চারণ লইয়াই তিনি বাংলায় অনর্গল বক্তৃতা করিতে পারেন এবং ১৭৯২ খ্রীষ্টাব্দের ফেব্রুয়ারি মাসে দ্বিতীয় বার স্বদেশ প্রত্যাবর্তন করিবার পূর্বেই রামরাম বসুর সহায়তায় বাইবেলের ম্যাথু, মার্ক, জেমস, জেনেসিসের কিয়দংশ, সামস (psalms) ও প্রফেসিঙ্গ-এর বিভিন্ন অংশ বাংলায় অনুবাদ করিয়া মূল পাণ্ডুলিপির নকলের সাহায্যে মালদহের হিন্দুদের মধ্যে তাহার প্রচারও করিয়াছেন।

কেরী জাহাজেই টমাসের নিকট বাংলা শিখিতে আরম্ভ করেন, টমাসও জাহাজে বসিয়াই হিব্রু-ভাষাভিজ্ঞ কেরীর সাহায্যে জেনেসিসের অনুবাদ শেষ করেন। ১১ই নবেম্বর তারিখে কলিকাতা পৌঁছিয়াই রামরাম বসুর সহিত জাহাজঘাটে কেরীর পরিচয় হয়, টমাসের মুনশী রামরাম সেই দিন হইতেই মাসিক কুড়ি টাকা বেতনে কেরীর মুনশী নিযুক্ত হন। ১১ই নবেম্বর ১৭৯৩ হইতে ১৭৯৬ খ্রীষ্টাব্দে মালদহের মদনাবাটীতে একটি অমার্জনীয় অপরাধের জন্য মুনশীত্ব হইতে বরখাস্ত হওয়া পর্য্যন্ত রামরাম বসু বরাবরই কেরীর সহিত যুক্ত থাকিয়া ভাষা-শিক্ষায় এবং অনুবাদ-কার্যে তাঁহাকে সাহায্য করিয়াছিলেন। বঙ্গদেশে পদার্পণ করিয়া পুরা সাড়ে সাত মাস কাল কেরী হাল-ভাঙা নৌকার মত সমগ্র পরিবার এবং মুনশী সমেত সম্পূর্ণ নিঃস্ব অবস্থায় কলিকাতা হইতে ব্যাণ্ডেল, ব্যাণ্ডেল হইতে নদীয়া, নদীয়া হইতে ব্যবসায়ী নীলু দত্তের

বদান্যতার তাঁহার মানিকতলার বাগানবাড়ীতে এবং শেষ পর্য্যন্ত সুন্দরবন অঞ্চলের দেবহাটায় ভাসিয়া বেড়াইতে থাকেন। এই সময়ে শারীরিক ও মানসিক অত্যধিক যন্ত্রণায় কেরী-পত্নী ডরোথি অর্কোন্সাদ হইয়া যান। এই সাংঘাতিক অবস্থার মধ্যেও কেরী এক দিনের জন্যও তাঁহার আসল উদ্দেশ্যের কথা বিস্মৃত হন নাই এবং ভাষা-শিক্ষা ও অনুবাদের কাজে শৈথিল্য প্রদর্শন করেন নাই। ১৭২৪ খ্রীষ্টাব্দের গোড়ায় মালদহের মদনাবাটীর নীলকুঠির তত্ত্বাবধায়কের পদে তিনি নিযুক্ত হন। ১৫ জুন ১৭২৪ তারিখে কেরী সপরিবারে রামরাম বসু সহ নৌকাযোগে ইছামতী, জলাঙ্গী, গঙ্গা, পদ্মা ও মহানন্দা নদীপথে মদনাবাটী পৌঁছান। পশ্চিমধ্যে সুন্দরবনের কাছাকাছি টাঙ্গুরিয়া নামক স্থানে কেরী সর্বপ্রথম বাংলায় বক্তৃতা করেন।

এই সময়েই তিনি নিজের সুখ-সুবিধার জন্য নিজেই বাংলা ভাষায় একটি সংক্ষিপ্ত শব্দকোষ ও একটি ব্যাকরণ প্রস্তুত করিয়াছিলেন।

১৭২৫ খ্রীষ্টাব্দের শুরুরপাত হইতেই কেরী বাংলা ভাষায় বেশ দক্ষতা অর্জন করিয়াছেন, লিখিতে ও বলিতে তাঁহার বিশেষ অসুবিধা হয় না। এই সময়েই তাঁহার মাথায় বাইবেল-মুদ্রণের খেয়াল চাপে, তিনি ইংলণ্ড হইতে হরফ প্রস্তুত করাইয়া আনিতে মনস্থ করেন। ৬ জানুয়ারির একটি পত্রে তিনি লিখিতেছেন, "I intend soon to send specimens of Bengalee letters, for types. A considerable part of this expense I hope to be able to bear myself." মদনাবাটীতে প্রতিষ্ঠিত হইয়াই তিনি স্থানীয় কৃষক প্রজাদের জন্য একটি বিদ্যালয় স্থাপন করেন; যত দূর জানা যায়, ইউরোপীয় মতে দেশীয় লোকদের শিক্ষা দিবার চেষ্টা ইছাই দ্বিতীয়। মালদহের গোয়ামাল্টির জন এলার্টন ইহার অব্যবহিত পূর্বেই তাঁহার বিদ্যালয় স্থাপন করিয়াছিলেন।

২৭ জানুয়ারি তারিখেই কেরী ডক্টর রাইল্যাণ্ডকে লিখিতেছেন—

It will be requisite for the society to send a printing press from England, and, if our lives are spared, we will repay them. We can engage native printers, to perform the press and compositor's work.

কেরীর জার্নালে ঐ বৎসরের ১৪ই জুন তারিখে লিখিত আছে—

The Translation also goes on—Genesis is finished and Exodus to the XXIII d. Chapter I have also for the purpose of exercising myself in the language, begun translating the gospel by John ; which Moonshee afterwards corrects...

এই পর্য্যন্ত কেরীর অনুবাদের খবর মাত্র আমরা পাইতেছি, নমুনা দেখিতে পাই না। মদনাবাটী হইতে ১৩ আগস্ট তারিখে লিখিত একটি পত্রে তিনি স্বয়ং নমুনা দিয়াছেন, কেরী-লিখিত বাংলার ইহাই সর্বপ্রথম দৃষ্টান্ত। কেরী লিখিতেছেন,—

Ram Ram Boshoo and Mohun Chund are now with me...I often exhort them, in the words of the apostle, 2 Cor. VI. 17, which in their language I thus express :—

বাহিরে আইস এবং আলাদা হও এবং অপবিত্র বস্তু স্পর্শ করিও না এবং আমি কবুল করিব তোমারদিগকে এবং তোমরা হইবে আমার পুত্রগণ এবং কন্যাগণ এই মত বলেন সর্বশক্তি ভগবান।\*

সংস্কৃত ও চলতি বাংলা, এই দোটার মধ্য পড়িয়া কেরী কিছুকাল অত্যন্ত বিচলিত হইয়া পড়িয়াছিলেন এবং কোনও ব্যাকরণ-অভিধানের

\* "Forth come and separate be : and unclean thing touch not : and I will accept you : and you shall be my sons and daughters : thus says the Almighty God."

আশ্রয় না পাইয়া শেষ পর্য্যন্ত নিজেই সংস্কৃতের আদর্শ ধরিয়া ব্যাকরণ-অভিধান রচনায় মনোনিবেশ করিলেন। ফরাস্টারের অভিধান তখনও প্রকাশিত হয় নাই, এবং যে কারণেই হউক, হাল্হেডের ব্যাকরণ ও আপ্‌জনের অভিধান তখন পর্য্যন্ত তিনি সংগ্রহ করিয়া উঠিতে পারেন নাই। তিনি বলিতেছেন ( ৩১ ডিসেম্বর, ১৭৯৫ )—

I have been trying to compose a compendious grammar of the language, which I send you, together with a few pages of the Mahabharat, with a translation, which I wrote out for my own exercise in the Bengalee...I have also begun to write a dictionary of the language, but this will be a work of time ;...

বাংলা ভাষা শিক্ষা ও গদ্য রচনার কাজ এই ভাবে ধীরে ধীরে অগ্রসর হইতেছিল, হঠাৎ মুন্সী রামরাম বসুর দুশ্চরিত্রতা প্রকাণ্ড বাধার সৃষ্টি করিল, ১৭৯৬ খ্রীষ্টাব্দের জুন মাসে কেরী, নিতান্ত দুঃখিত চিত্তে রামরাম বসুকে তাড়াইয়া দিতে বাধ্য হইলেন। বসুর সঙ্গে সঙ্গে পাঠশালার পণ্ডিতটিও পলায়ন করিলেন। সকল কাজ একসঙ্গে বন্ধ হইয়া গেল।

ঐ বৎসরের ১০ই অক্টোবর তারিখে জন ফাউন্টেন নামক এক জন যুবক প্রচারক কেরীর সহকারীরূপে মদনাবাটীতে উপস্থিত হইলেন। এই যুবকের উৎসাহে কেরী আবার নূতন উদ্যমে কাজ আরম্ভ করিলেন, ফাউন্টেন অতি অল্প কালের মধ্যে বাংলা ভাষা শিখিয়া লইয়া স্কুলের কাজ ও অনুবাদের কাজে কেরীকে সাহায্য করিতে লাগিলেন, ১৭৯৬ খ্রীষ্টাব্দ শেষ হইবার পূর্বেই নিউ টেস্টামেন্ট সম্পূর্ণ অনূদিত হইয়া গেল, শুধু ছাপার অপেক্ষা। কিন্তু তাহাতে প্রচুর অর্থের প্রয়োজন, হিসাব করিয়া দেখা গেল, এ দেশে ১০০০০ কপি ছাপিতে ৪৩৭৫০ খরচ

হইবে। সুতরাং ইংলণ্ড হইতে একটি মুদ্রাযন্ত্র ও হরফ পাঠাইতে অনুরোধ করিয়া কেরী ১৬ই নবেম্বর তারিখে ফুলারকে পত্র দিলেন, এক জন দক্ষ মুদ্রাকরকেও ঐ সঙ্গে পাঠাইতে বলিলেন।

এই পত্রের জবাব আসিবার পূর্বেই কেরী ডিসেম্বর মাসের মাঝামাঝি কলিকাতা রওনা হইলেন—“To make the necessary enquiries about the expense of printing it here...”। তিনি তখনও সংস্কৃত শিখিতেছেন এবং প্রত্যহ হিন্দুস্থানীতেও পাঠ লইতেছেন। কলিকাতার মুদ্রাকর হিসাব করিয়া জানাইলেন যে, নিউ টেস্টামেন্ট ছাপার অক্ষরে মোট ৬০০ পৃষ্ঠা হইবে, তাহার সম্পূর্ণ নূতন সেট টাইপ কাটাইয়া সেই হরফে ১০০০০ কপি ছাপিয়া দিতে প্রায় ৪০ হাজার টাকা লইবেন। অত টাকা সংগ্রহ করা অসম্ভব জানিয়া কেরী দুঃখিত চিত্তে মদনাবাটীতে ফিরিয়া আসিলেন। ১৭২৭ খ্রীষ্টাব্দের ৬ই জুলাই তারিখে ডক্টর রাইল্যাণ্ডকে লিখিত পত্রে দেখিতেছি—

I am forming a dictionary, Shanscrit, Bengalee and English, in which I mean to include all the words in common use. It is considerably advanced ; and should my life be spared, I would also try to collate the Shanscrit with the Hebrew roots, where there is any familiarity between them...

মূল সমিতি কিন্তু মুদ্রাযন্ত্র ও হরফের কোনই ব্যবস্থা করিতে পারিলেন না, সুতরাং মুদ্রাকরের সন্ধানও প্রয়োজন হইল না। মদনাবাটীতে কেরীর জীবনযাত্রাও নিরুপদ্রবে চলিতেছিল না। অনাবৃষ্টি অথবা অতিরিক্ত বৃষ্টিপাতে উপরূপর্ণিত বৎসর নীলকুঠির কাজ প্রায় বন্ধ ছিল। সদয়হৃদয় উড়নি বিপন্ন কেরীকে সাহায্যের জন্য আরও দুই এক বৎসর কুঠির কাজ চালাইতে মনস্থ করিলেন। ১৭২৭ খ্রীষ্টাব্দের ডিসেম্বর



মাসে সংবাদ পাওয়া গেল যে, কলিকাতায় দেশীয় ভাষার হরফ প্রস্তুতের একটি কারখানা স্থাপিত হইয়াছে—

A Letter-Foundry has lately been set up at Calcutta for the country languages, and I think it will be cheaper and better to furnish ourselves with types for printing the Bible in this country, than to have them cast in Europe...W. Carey, Jan. 1, 1798.

এই কারখানার কর্তা কে ছিলেন জানা যায় না বটে, কিন্তু উইল্কিন্স-শিষ্য পঞ্চানন যে এখানে কাজ করিতেন, জে. সি. মার্শম্যান সে কথা উল্লেখ করিয়াছেন ; তিনি লিখিয়াছেন—

All trace of the author or the result of this project has been lost except the fact that the punches were cut by the workman whom Sir Charles Wilkins had trained up. Mr. Carey immediately placed himself in communication with the projector of this scheme, and relinquished all idea of obtaining Bengalee types from England,—*The Life and Times of Carey, Marshman and Ward*, Vol. I. p. 80.

এইখানেই পঞ্চাননের সহিত ১৭৯৯ খ্রীষ্টাব্দে কেরীর পরিচয় হয় এবং তাহারই ফলে শ্রীরামপুরে ছাপাখানা স্থাপিত হইবার পর পঞ্চানন কেরীর সহিত যোগদান করেন ।

ইহারই কিছু দিন পরে ইংলণ্ড হইতে সত্ত-আগত একটি কাঠনির্মিত মুদ্রাযন্ত্র কলিকাতায় নিলামে বিক্রয় হইবে বলিয়া বিজ্ঞাপিত হয়, যাত্র ৪৬ পাউণ্ড ( জে. সি. মার্শম্যানের মতে ৪০ পাউণ্ড ) মূল্য ধার্য হইয়াছিল । বাইবেল মুদ্রণের সাহায্যের জন্য ধর্মপ্রাণ উদ্‌নি উহা ক্রয় করিয়া আনাইয়া কেরীকে দান করিলেন । সেপ্টেম্বর মাসে (১৭৯৮) মুদ্রাযন্ত্রটি মদনাবাটী ঘাটে আসিয়া পৌঁছিল । ১৭৯৯ খ্রীষ্টাব্দের প্রারম্ভে কেরী টাইপ অর্ডার দিবার জন্য কলিকাতা যাত্রা করিলেন ।

মদনাবাটীতে আসিয়াই তিনি একটি বিপদে পড়িলেন। জর্জ উড্‌নির নিকট হইতে মদনাবাটী কুঠির কাজ বন্ধ করিবার আদেশ আসিল। বিপন্ন কেরী নিকটবর্তী খিদিরপুর গ্রামে নিজের এত দিনের সঞ্চিত সমস্ত অর্থ ব্যয় করিয়া উড্‌নির নিকট হইতে একটি নীলকুঠি ক্রয় করিলেন, কেরী ও ফাউন্টেন মুদ্রাযন্ত্রটি লইয়া সেখানে নূতন সংসার পাতিতে গেলেন।

১৭৯৯ খ্রীষ্টাব্দের ১৩ই অক্টোবর মার্শম্যান, ওয়ার্ড, ব্রালডন, গ্রান্ট প্রভৃতি নূতন মিশনারীদল কলিকাতায় আশ্রয় না পাইয়া ডেনিশ-রাজ্য শ্রীরামপুরে পদার্পণ করেন। জন ফাউন্টেন তাঁহাদিগকে সম্বর্ধনা করিবার জন্য পূর্বেই কলিকাতা গিয়াছিলেন। ভবিষ্যতের কর্মপন্থা নিজেরা স্থির করিতে না পারিয়া সকলের পরামর্শমত কেরীর মতামতের জন্য ফাউন্টেন ও ওয়ার্ড ১৪ই নবেম্বর নৌকাযোগে খিদিরপুর রওয়ানা হইলেন। ১৭৯৯ খ্রীষ্টাব্দের ১লা ডিসেম্বর তাঁহারা কেরীর গৃহে পৌঁছিলেন। নিজের ও মিশনের ভবিষ্যৎ সম্বন্ধে চিন্তা করিতে কেরী তিন সপ্তাহ সময় লইলেন এবং শেষ পর্য্যন্ত বহু কষ্টে উপার্জিত খিদিরপুরের সমস্ত সম্পত্তি পরিত্যাগ করিয়া মুদ্রাযন্ত্র সঙ্গে লইয়া নৌকাযোগে ২৫ ডিসেম্বর তারিখে শ্রীরামপুর অভিমুখে যাত্রা করিলেন।

## শ্রীরামপুর মিশন—কেরী, মার্শম্যান ও ওয়ার্ড

( ১০ জানুয়ারি ১৮০০-৩ মে ১৮০১ )

১৭৯৯ খ্রীষ্টাব্দের ১৩ই অক্টোবর রবিবার ব্যাপটিস্ট মিশনারী সোসাইটির দ্বিতীয় দল শ্রীরামপুরে উপস্থিত হন।

১৮০০ খ্রীষ্টাব্দের ১০ই জানুয়ারি কেরীর শুভাগমনে শ্রীরামপুরে মিশনের পত্তন হইল। ১১ই জানুয়ারি হইতে মিশনের কাজ আরম্ভ

হইল। ওয়ার্ড, ব্রান্ডন ও কেরীর প্রথম পুত্র ফেলিক্স ছাপাখানা লইয়া পড়িলেন। সুদক্ষ মুদ্রাকর ওয়ার্ডের পরিচালনায় অত্যল্পকালমধ্যে খিদিরপুর হইতে আনীত কাঠের মুদ্রায়ন্ত্রটি মিশন-বাড়ীর একটি কক্ষে স্থাপিত হইল এবং কলিকাতা হইতে ক্রীত হরফ সাজাইয়া ওয়ার্ড, ফেলিক্স, ব্রান্ডন ও এক জন দেশী কম্পোজিটর নিউ টেস্টামেন্টের ম্যাথু-লিখিত সমাচার কম্পোজ করিতে এবং কপি ও প্রুফ সংশোধনের জন্য অবিরত কেরীর পিছনে ধাওয়া করিতে লাগিলেন। ১৮ই মার্চ তারিখে প্রথম শীট (sheet) মুদ্রণের জন্য প্রস্তুত হইল। মার্চ মাসের গোড়ায় কলিকাতা হইতে পঞ্চানন আসিয়া শ্রীরামপুর মিশন-ছাপা-খানার কাজে যোগদান করিয়াছিলেন; সুতরাং টাইপের অসুবিধা যেটুকু ছিল, তাহাও দূর হইয়াছিল। ওয়ার্ডের জর্নালে ১৮ই মার্চ তারিখে লিখিত আছে—

This day brother Carey took an impression at the press of the first page in Matthew.

সেদিন মিশন-গোষ্ঠীর উৎসাহের আর সীমা ছিল না। বাংলা দেশের আকাশ-আচ্ছন্ন-করা কুসংস্কারের মেঘ ধীরে ধীরে কাটিয়া আসিতেছে, ইহা মানস-নেত্রে প্রত্যক্ষ করিয়া সেদিন তাঁহারা উৎসব করিয়াছিলেন।

২৫এ মে তারিখে রামরাম বসু আসিয়া মিশনরী-গোষ্ঠীতে যোগ দিলেন এবং খ্রীষ্টমহিমাসম্বলিত ‘হরকরা’, ‘জ্ঞানোদয়’ প্রভৃতি কবিতা-পুস্তক রচনা করিয়া পুনরায় তাঁহাদের দলে সুপ্রতিষ্ঠিত হইলেন।

১৮০০ খ্রীষ্টাব্দের আগস্ট মাসের গোড়ায়\* ‘মঙ্গল সমাচার মতীয়েক’

\* ওয়ার্ডের জর্নাল, ১৫ই আগস্ট, ১৮০০

“and also 500 additional copies of Matthew for immediate distribution; to which are annexed, some of the most remarkable prophecies in the Old Testament respecting Christ. These are now distributing...”

রচিত' প্রকাশিত হয়। শ্রীরামপুর মিশন-ছাপাখানা হইতে মুদ্রিত ইহাই সর্বপ্রথম গদ্য-পুস্তক।\* এই পুস্তকটি নানা দিক্ দিয়া উল্লেখযোগ্য। ইহার পাণ্ডুলিপি ১৭৯৬ খ্রীষ্টাব্দে পণ্ডিতের সাহায্যে কেরী কর্তৃক সংশোধিত এবং মুদ্রায়ন্ত্রের জন্য প্রস্তুত হইলেও টমাস ও রামরাম বসুর অনুবাদকে ভিত্তি করিয়াই এই পাণ্ডুলিপি রচিত হয়। রামরাম বসু, টমাস ও কেরীর নাম একত্র গ্রথিত করিয়া এই পুস্তকটি বাংলা সাহিত্যের ইতিহাসে চিরকাল স্মরণীয় হইয়া থাকিবে। ১২৫ পৃষ্ঠায় ( ডিমাই আটপেজী ) সম্পূর্ণ এই পুস্তকের একটি মাত্র কপি শ্রীরামপুর কলেজ-লাইব্রেরির বোর্ড-ক্রম ( শো-কেসে ) রক্ষিত আছে। ভাষার নমুনা এইরূপ—

আবরহামের সন্তান দাউদ তাহার সন্তান যিশু খ্রীষ্ট তাহার পূর্ব পুরুষাখ্যান।

আবরহাম হইতে যিসহকের উদ্ভব ও যিসহক হইতে যাকুবের

অতএব তোমরা এই মত প্রার্থনা করহ হে আমারদের স্বর্গস্থ পিতঃ তোমার নাম পুণ্য করিয়া মানা যাউক। তোমার রাজ্য আইসুক তোমার ইচ্ছা যে মত স্বর্গেতে সেই মত পৃথিবীতে পালিত হউক। আমারদের দিবসিক আহার এই দিবসে দেও। ও যেমত আমরা আপনারদের দায়ীর-দিগকে ক্ষমা করিতেছি সেই মত আমারদের দাওয়া সকল ক্ষমা করহ। এবং আমারদিগকে পরীক্ষায় লওয়াইও না কিন্তু মন্দ হইতে রক্ষা করহ কেননা রাজত্ব ও প্রাক্রম ও গৌরব তোমার সদা সর্বক্ষণে আমেন।

১৮০০ খ্রীষ্টাব্দের আগষ্ট মাসে কেরী বার্মিংহামের স্যামুয়েল পীয়ার্স

\* খ্রীষ্টীয় মওলী কর্তৃক গের কতকগুলি সঙ্গীত ও রামরাম বসুর 'হরকরা' কবিতা ইতিপূর্বে মুদ্রিত হইয়াছিল। এই সঙ্গীতগুলির কয়েকটি কেরী কর্তৃক রচিত।

লিখিত *A Letter to the Lascars* নামক পুস্তিকার অনুবাদ ও মুদ্রণ করেন।

১৮০১ খ্রীষ্টাব্দের ৭ই ফেব্রুয়ারি বাংলা নিউ টেস্টামেন্টের মুদ্রণ হয়। 'মঙ্গল সমাচার মতীয়ের রচিত' পুস্তকের ভাষা অল্পকালের মধ্যে সংশোধন ও পরিবর্তন করিয়া কেরী এইরূপ দাঁড় করান—

এ আবরহামের সন্তান দাউদের সন্তান য়েশু খ্রীষ্টের পূর্ব পুরুষের পুস্তক—  
আবরহাম জন্ম দিল য়িছক্ষককে এবং য়িছক্ষক জন্ম দিল ষাঁকুবকে...

অতএব এই মত কামনা কর আমারদের পিতা তিনি স্বর্গে পবিত্র হউক তোমার নাম তোমার রাজ্য আগমন করুক তোমার ইচ্ছা হউক যেমন স্বর্গে তেমন পৃথিবীর উপরে অল্প আমারদিগকে দিও আমারদের নিত্য ভক্ষ এবং মর্যাদা কর আমারদিগকে আমারদের দেনা যে মত আমরা মর্যাদা করি আমারদের দায় গৃহস্থেরদিগকে এবং আনয়ন করিও না আমারদিগকে পরীক্ষায় কিছ পুরিত্রাণ কর আমারদিগকে আপদ হইতে একারণ রাজ্য ও শক্তি ও নাম তোমার সদাকাল আমেন।

স্পষ্টই দেখা যাইতেছে, কেরী ভাষার বিন্দুমাত্র শ্রীবৃদ্ধি করিতে পারেন নাই। বাইবেল-মুদ্রণের ইতিহাস কেরীর শেষ-জীবন পর্যন্ত বিস্তৃত হইলেও প্রাসঙ্গিকজ্ঞানে এইখানেই বর্ণনা করিতেছি। শ্রীরামপুর মিশনেরও ইতিহাস এইখানেই শেষ।

১৮০২ খ্রীষ্টাব্দে ১ম সংস্করণ নিউ টেস্টামেন্ট ডিমাই আটপেজী আকার, কোনও পৃষ্ঠা-সংখ্যা নাই। ইহার ২য় সংস্করণে "১৮০৩ খ্রীষ্টাব্দে ছাপা থাকিলেও প্রকৃতপক্ষে ইহা ১৮০৬ খ্রীষ্টাব্দে মুদ্রিত হইয়া ছিল। ১৮০২-এ ওল্ড টেস্টামেন্টের *The Pentateuch* অংশ, ১৮০৩-এ *Job, Song of Solomon*, ১৮০৭-এ *Isaiah—Malachi*, ১৮০৭-এ *St. Luke's Gospel, Acts and Romans*, ১৮০৯-এ *Joshua*—

Esther, ১৮১১ খ্রীষ্টাব্দে নিউ টেস্টামেন্টের তৃতীয় ফোলিও সংস্করণ, ২য় সংস্করণেরই পুনর্মুদ্রণ। ১৮১৩-তে The Pentateuch দ্বিতীয় সংস্করণ। ১৮১৬-তে নিউ টেস্টামেন্ট ৪র্থ সংস্করণ। ১৮৩২ খ্রীষ্টাব্দের পূর্বে এইরূপ ৭টি সংস্করণ হয়।

মার্ডকের ক্যাটালগ হইতে জানা যায় যে, 'লাসকারদের প্রতি' ও বিভিন্ন খণ্ড বাইবেল ছাড়া মিশন-প্রেস হইতে কেরীর নিম্নলিখিত পুস্তিকাগুলিও মুদ্রিত হইয়াছিল—

ওয়ার্ডের The Missionaries Address to the Hindoos, কেরী-কৃত অনুবাদ।

কেরী-কৃত A Short Summary of the Gospel.

মৃত্যুর কিছু কাল পূর্বেই কেরী সম্পূর্ণ বাইবেলের সংশোধিত সংস্করণ প্রকাশ করেন, সংশোধনে পুরা বারো বৎসর লাগিয়াছিল। ইহার মধ্যে নিউ টেস্টামেন্টের ৮ম সংস্করণ স্থান পাইয়াছে। কেরীর শেষ সংশোধিত ভাষা এইরূপ—

অতএব এই মত প্রার্থনা কর হে আমারদের স্বর্গস্থ পিতা তোমার নাম পবিত্ররূপে মাগ্ন হউক। তোমার রাজ্যের আগমন হউক। যেমন স্বর্গে তেমনি পৃথিবীতে তোমার ইষ্টক্রিয়া করা যাউক। অতঃপর আমারদের নিত্য ভক্ষ্য আমারদিগকে দেও। এবং যেমন আমরা আপনাদের ঋণধারির দিগকে মাক করি সেই মত আমারদের ঋণ মাক কর। এবং আমারদিগকে পরীক্ষায় চলাইও না কিন্তু আমারদিগকে আপদ হইতে পরিত্রাণ কর কেন না সদা সর্বক্ষণে রাজ্য ও শক্তি ও গৌরব তোমার। আমিন।

ভাষার দিক্ দিয়া কেরী যে শেষ পর্য্যন্ত বিশেষ উন্নতি করিয়াছিলেন, তাহা মনে হয় না। মুনশী ও পণ্ডিতদের উৎসাহিত করিয়া তিনি তাহা করিয়াছেন, তাঁহার নিজের কীর্ত্তি তাহার তুলনায় সামান্য।

তথাপি তাঁহার নিউ টেস্টামেন্টের প্রথম সংস্করণ প্রকাশের ফলেই ১৮০১ খ্রীষ্টাব্দের ৮ই এপ্রিল তারিখে ভারতের তদানীন্তন গবর্নর-জেনারেল মাকুইস ওয়েলেস্লি কর্তৃক পূর্ব-বংসরে কলিকাতায় প্রতিষ্ঠিত ফোর্ট উইলিয়ম কলেজের বঙ্গভাষার অধ্যাপক (teacher)-পদে নিয়োগের প্রস্তাব ডেভিড ব্রাউন মারফৎ তাঁহার নিকট পৌঁছে। আত্মমগুলীর সহিত পরামর্শ করিয়া কেরী ৪ঠা মে ঐ পদ গ্রহণ করেন।

## উইলিয়ম কেরী ও ফোর্ট উইলিয়ম কলেজ

( ৪<sup>মে</sup> ১৮০১-১৮৩১ )

শ্রীরামপুর ব্যাপটিস্ট মিশনের প্রধান হিসাবে এবং অবিশ্বাসীদের মধ্যে ধর্মগ্রন্থ প্রচার ব্যপদেশে উইলিয়ম কেরী বাংলা ভাষার যে উন্নতি সাধন করিয়াছিলেন, তাহা উল্লেখযোগ্য সন্দেহ নাই। কিন্তু বাংলা ভাষা ও সাহিত্যের ইতিহাসে ওয়েলেস্লি-প্রতিষ্ঠিত ফোর্ট উইলিয়ম কলেজকে কেন্দ্র করিয়াই কেরীর যথার্থ সাধনা শুরু হয়। কেশবচন্দ্র সেনের পিতামহ দেওয়ান রামকমল সেন তাঁহার সুবিখ্যাত *A Dictionary in English and Bengalee* (1834) গ্রন্থের ভূমিকায় ( পৃ. ১৪ ) এই প্রসঙ্গে লিখিয়াছেন—

In 1800 the College of Fort William was instituted and the study of the Bengalee language was made imperative on young Civilians. Persons versed in the language were invited by Government and employed in the instruction of the young writers. From this time forward writing Bengalee correctly may be said to have begun in Calcutta ; a number

of books were supplied by the Serampore Press, which set the example of printing works in this and other eastern languages. The College Pundits following up the plan produced many excellent works Amongst them the late *Mrityunjoy Vidyalankar*, the head Pundit of the College, was the most eminent. I must acknowledge here that whatever has been done towards the revival of the Bengalee language, its improvement, and in fact the establishing it as a language must be attributed to that excellent man Dr. Carey and his colle[a]gues, by whose liberality and great exertions many works have been carried through the Press and the general tone of the language of this province so greatly raised.

বাংলা ভাষার উন্নতির বিষয়ে এই ফোর্ট উইলিয়ম কলেজের দান-অসামান্য, বস্তুতঃ আমাদের কাল পর্য্যন্ত এই প্রতিষ্ঠানের খ্যাতি কেবল এই কারণেই। কোম্পানির রাইটারদিগকে যখন আরবী ফারসী ও হিন্দুস্থানী ভাষা শিক্ষা দিবার কাজ কিয়ৎপরিমাণে অগ্রসর হইয়া গিয়াছে, তখন পর্য্যন্তও বাংলা দেশে প্রতিষ্ঠিত এই বিদ্যালয়ে বাংলা ভাষা শিক্ষা দিবার কোনও বন্দোবস্ত করা সম্ভব হয় নাই।...বাংলা-বিভাগের ভার লইতে পারেন, এমন কোনও ইংরেজের কথা কর্তৃপক্ষ অবগত ছিলেন না। ১৮০১ খ্রীষ্টাব্দের প্রারম্ভে শ্রীরামপুর মিশন হইতে নিউ টেস্টামেন্টের বঙ্গানুবাদ প্রকাশিত ও প্রচারিত হইবার সঙ্গে সঙ্গে লর্ড ওয়েলেসুলির দৃষ্টি উইলিয়ম কেরীর প্রতি আকৃষ্ট হয়। তাঁহারই নির্দেশমত কলেজের প্রোভোস্ট ডেভিড ব্রাউন বাংলা-বিভাগের দায়িত্ব লইতে কেরীকে অনুরোধ করিয়া পত্র দেন। অনেক চিন্তার পর কেরী



ঐ পদ গ্রহণে স্বীকৃত হন। ১৮০১ খ্রীষ্টাব্দের ১লা মে হইতে তিনি নিযুক্ত হন এবং ৪ঠা মে হইতে কলেজে যোগদান করেন।\*

১৮০৫ খ্রীষ্টাব্দের ৮ই ফেব্রুয়ারি তারিখে সাটক্রিফের নিকট লিখিত একখানি পত্রে দেখিতে পাই, ১৮০৪ খ্রীষ্টাব্দের কোনও সময়ে মারাঠী ভাষার শিক্ষকতার ভারও তাঁহার উপর অর্পিত হয় এবং তাঁহার বেতন দুই শত টাকা বৃদ্ধি পাইয়া মাসিক সাত শত হয়। ১৮০৬ খ্রীষ্টাব্দের ৬ই ফেব্রুয়ারি তারিখের "পাবলিক ডিস্‌পিউটেশনে" তাঁহার ছাত্রদের কৃতিত্ব দৃষ্টিে তাঁহাকে হাজার টাকা বেতনে অধ্যাপকের পদ দেওয়ার প্রস্তাব হয়, কিন্তু তৎকালে এই প্রস্তাব গৃহীত হয় নাই। ১৮০৬ খ্রীষ্টাব্দের শেষাংশে হেলিবরি ( হার্টফোর্ড ) কলেজ প্রতিষ্ঠিত হইবার পর ফোর্ট উইলিয়ম কলেজের বায়সংক্ষেপ করিবার জন্য প্রোভোস্ট, সহকারী প্রোভোস্ট প্রভৃতি কয়েকটি মোটা মাহিনার পদ উঠাইয়া দেওয়া হয় এবং সেই সময়েই ( জানুয়ারি, ১৮০৭ ) কেরী বাংলা ও সংস্কৃত ভাষার অধ্যাপক ও মারাঠী ভাষার শিক্ষকরূপে মাসিক ১০০০ টাকা বেতনে নিযুক্ত হন।

শ্রীরামপুর মিশনের পাদরি হিসাবে উইলিয়ম কেরীর যে সফীর্ণতা দেখিয়া আমরা পীড়িত হই, ফোর্ট উইলিয়ম কলেজের সংস্কৃত ও বাংলা ভাষার অধ্যাপনা করিতে করিতে তাঁহাকে ধীরে ধীরে সেই সফীর্ণতা-বিমুক্ত হইতে দেখিয়া আমরা আনন্দিত হই। বস্তুতঃ এই কলেজের জন্মই বাংলা দেশ কেরীকে নিবিড়ভাবে আপনার করিয়া পাইয়াছিল, ফোর্ট উইলিয়ম কলেজ সেদিক্ দিয়াও কম সার্থক নয়। ফোর্ট উইলিয়ম কলেজকে কেন্দ্র করিয়া বাংলা ভাষার প্রধান অধ্যাপক উইলিয়ম

\* জন ক্লার্ক মার্শম্যানের মতে ১২ই মে।

কেরীর যত্নে এবং উৎসাহে বাংলা-সাহিত্যের প্রথম সর্বাঙ্গীণ উন্নতি সাধিত হইয়াছিল।

কেরী ১৮৩১ খ্রীষ্টাব্দ পর্য্যন্ত অধ্যাপক হিসাবে কলেজের সহিত যুক্ত ছিলেন। এই কালের মধ্যে তিনি বাংলা ভাষা সংক্রান্ত ব্যাকরণ, অভিধান ও বাংলা পাঠ্য পুস্তক রচনা ছাড়াও বাংলা ও অন্যান্য বহু ভারতীয় ভাষায় বাইবেলের অনুবাদ এবং সংস্কৃত, মারাঠী, ওড়িয়া, অসমীয়া, পঞ্জাবী, কর্ণাট প্রভৃতি ভাষার ব্যাকরণ, অভিধান ও সংকলন ও প্রকাশ করিয়াছিলেন। এগুলির বিস্তৃত বিবরণী আমাদের এই জীবনীর পক্ষে অনাবশ্যিক। ষাঁহার এ বিষয়ে বিস্তারিত জানিতে চাহেন, তাঁহার 'সাহিত্য-পরিষৎ-পত্রিকা'য় প্রকাশিত (৪৬ বর্ষ) লেখকের "বাংলা গদ্যের প্রথম যুগ" নামক ধারাবাহিক প্রবন্ধ দেখিবেন।\* কেরী-সঙ্কলিত "Universal Dictionary" বা "পলিগট ভোকাবুলারি"র বিস্তৃত উল্লেখও তাহাতে আছে।

এই কালের মধ্যে কেরীর আরও বহুবিধ কীর্ত্তি আছে; তন্মধ্যে ভারতীয় কৃষি, ভূবিদ্যা, উদ্ভিদবিদ্যা ও প্রাণিবিজ্ঞান সম্বন্ধে তাঁহার বহুবিধ গবেষণা উল্লেখযোগ্য। বাংলা হরফ সংস্কার এবং অন্যান্য ভারতীয় ভাষার হরফ নির্মাণ করাইয়া তিনি যথেষ্ট কীর্ত্তি অর্জন করিয়া গিয়াছেন। ১৮২২ খ্রীষ্টাব্দে তিনি বিখ্যাত লিনিয়ান সোসাইটির সভ্য হন। ১৮২৩ খ্রীষ্টাব্দে তিনি লণ্ডন ডিওলজিকাল সোসাইটি, ব্রয়াল এগ্রিকাল্চারাল সোসাইটি প্রভৃতির সভ্য হন এবং ভারতবর্ষে এগ্রি-হটিকাল্চারাল সোসাইটি স্থাপন করেন। ১৮২৪ খ্রীষ্টাব্দে তিনি উক্ত সমিতির সভাপতি নিযুক্ত হন এবং ঐ বৎসরেই মাসিক ৩০০১ টাকা বেতনে গবর্নমেন্টের বাংলা-অনুবাদক-পদে প্রতিষ্ঠিত হন; ১৮২২

\* ইহা স্বতন্ত্র পুস্তকাকারেও প্রকাশিত হইয়াছে।

খ্রীষ্টাব্দের বাজেয়াপ্তি আইন তাঁহারই অনুবাদ । ১৮২৯ খ্রীষ্টাব্দে প্রসিদ্ধ সতীদাহ-নিবারক আইনের অনুবাদও তাঁহার ।

কেব্রীর বিভিন্ন ভাষায় বাইবেল অনুবাদ এবং বিভিন্ন ভাষার ব্যাকরণ ও অভিধান রচনার বঁহর দেখিয়া অনেকে বিশ্বয় প্রকাশ করিয়াছেন এবং কেহ কেহ সন্দেহ করিয়াছেন, মিশনে এবং ফোর্ট উইলিয়ম কলেজে প্রধান হওয়ার দরুন অপরের কৃতিত্ব তিনি আত্মসাৎ করিয়াছেন । কিন্তু সমসাময়িক বিবরণ হইতে যাহারা তাঁহার কীর্তি-কলাপ অনুধাবন করিবেন, তাঁহারা এই বিরাত্ত্ব দেখিয়া বিস্মিত হইবেন না । এই সময়ে তাঁহার দৈনন্দিন কাজের একটি তালিকা একজন মিশনারীর ব্যক্তিগত পত্রে পাই । তিনি শয্যাত্যাগ করিতেন পৌনে ছয়টায়. হিব্রু বাইবেলের এক অধ্যায় পাঠ ও উপাসনা করিতে সাতটা বাজিয়া যাইত । তার পর পরিবারস্থ সকলকে লইয়া বাংলায় উপাসনা করিতেন । প্রাতরাশের পূর্ব পর্য্যন্ত মুন্সীর সহিত ফরাসী পড়িতেন । প্রাতরাশের পর পণ্ডিতকে লইয়া রামায়ণ অনুবাদের কাজ চলিত, তার পর কলেজে গিয়া বেলা দুইটা পর্য্যন্ত শিক্ষকতা করিতেন । বাড়ী ফিরিয়া সমস্ত দিনের সঞ্চিত বিভিন্ন পুস্তকের প্রুফ দেখিতে হইত, তাহার পরিমাণ বড় কম ছিল না । সন্ধ্যা-আহার সারিয়া তিনি যৃত্যঞ্জয় পণ্ডিতের সহায়তায় সংস্কৃতে বাইবেল অনুবাদ করিতেন । এক অধ্যায় শেষ হইলেই তেলিঙ্গা পণ্ডিতের নিকট পাঠ লইতেন । রাত্রি নয়টার সময় তিনি একাকী বাংলা অনুবাদে বসিতেন । রাত্রি এগারোটায় সময় গ্রীক বাইবেল এক অধ্যায় পড়িয়া তিনি শয়ন করিতেন । নিতান্ত অসুস্থ না হইলে তিনি এই ধরনের পরিশ্রম হইতে কখনও বিরত হইতেন না । অসুখেও তিনি খুব কম পড়িয়াছেন ।

# কেরী-লিখিত বাংলা ও বাংলা ভাষা সংক্রান্ত উল্লেখযোগ্য পুস্তকাবলী

পূর্বেই বলিয়াছি, ১৮০০ খ্রীষ্টাব্দের আগস্ট মাসে জন টমাস, রামরাম বসু ও উইলিয়ম কেরীর সমবেত চেষ্টা ও যত্নে অনূদিত 'মঙ্গল সমাচার মতীয়ে'র রচিত' মুদ্রিত ও প্রকাশিত হয়।\* ঐ মাসেই স্যামুয়েল পীয়ার্সের *A Letter to the Lascars* পুস্তকের কেরী-কৃত বাংলা অনুবাদ মুদ্রিত হয়, ইহাই একান্তভাবে কেরীর লিখিত প্রথম পুস্তিকা। এই ধরনের পুস্তিকা তিনি আরও লিখিয়াছেন, সেগুলির উল্লেখ অনাবশ্যক। আমরা এখানে কেরী-লিখিত বা সঙ্কলিত বাংলা ভাষার উন্নতির সহিত সম্পর্কিত প্রধান প্রধান পুস্তকেরই পরিচয় দিতেছি।

১। নিউ টেস্টামেন্ট। ইং ১৮০১। পৃ. সংখ্যা নাই।

১৮০১ খ্রীষ্টাব্দের ১২ই ফেব্রুয়ারি ( ৭ই ফেব্রুয়ারি ছাপা শেষ হয় ) টমাস-বসু-কেরী-ফাউন্টেন-অনূদিত এবং কেরী-সম্পাদিত সমগ্র নিউ টেস্টামেন্ট প্রকাশিত হয়। আখ্যা-পত্রটি এইরূপ :—

ঈশ্বরের সমস্ত বাক্য। / বিশেষত / যাহা মনুষ্যের ত্রাণ ও  
কার্যশোধনার্থে প্রকাশ করিয়াছেন।—/ তাহাই ধর্ম পুস্তক / তাহার  
অন্ত ভাগ।— / তাহা আমারদের প্রভু ত্রাণকর্তা যিশু খ্রীষ্টের।  
মঙ্গল সমাচার / গ্রীক ভাষা হইতে তর্জমা হইল। / শ্রীরামপুরে ছাপা  
হইল।— / ১৮০১

কেরীর জীবদ্দশায় এই পুস্তকের আটটি সংশোধিত সংস্করণ  
হইয়াছিল।

---

\* এই পুস্তকের কোনও মলাট বা আখ্যা-পত্র দেখি নাই। প্রথম পৃষ্ঠার  
'মঙ্গল সমাচার মতীয়ে'র রচিত' এই নাম লেখা আছে।

২। বাংলা ব্যাকরণ। ইং ১৮০১।

নিউ টেস্টামেন্ট প্রথম সংস্করণ ছাপা হইবার অব্যবহিত পরেই (মে, ১৮০১) কেরীকে ফোর্ট উইলিয়ম কলেজের পাঠ্য পুস্তকাদি লইয়া ব্যস্ত থাকিতে হয়। ওল্ড টেস্টামেন্টের অনুবাদ মুদ্রিত হইতে হইতেই কলেজের জন্য দুইখানি পুস্তক তিনি সঙ্কলন করিয়া ফেলেন। রাইল্যাণ্ডকে লিখিত ১৮০১ খ্রীষ্টাব্দের ১৫ই জুনের পত্রে আমরা দেখিতে পাই যে, কেরীর বাংলা ব্যাকরণটি সেই সময়েই সঙ্কলিত এবং অর্ধেক মুদ্রিত হইয়াছিল। খ্রীষ্টধর্মসংক্রান্ত পুস্তক ও পুস্তিকা বাদ দিলে বাংলাভাষাবিষয়ক ইহাই কেরীর প্রথম পুস্তক। ইহার মুদ্রণকার্য্য শ্রীরামপুর মিশন প্রেসে ১৮০১ খ্রীষ্টাব্দেই সম্পন্ন হইয়াছিল। ব্যাকরণটি হাল্হেডের ব্যাকরণের আদর্শে সম্পূর্ণ ইংরাজীতেই লেখা। আখ্যাপত্রটি এইরূপ ছিল :

A / Grammar / of the / Bengalee Language. /

Serampore. / Printed at the Mission press. / 1801.

প্রথম সংস্করণের পুস্তক আমরা দেখি নাই। ইণ্ডিয়া অফিস লাইব্রেরির ইংরেজী পুস্তক-সংগ্রহের তালিকার প্রথম ভলুমে (ইং ১৮৮৮) ৩২৫ পৃষ্ঠায় ইহার অস্তিত্বের উল্লেখ আছে, পৃষ্ঠা-সংখ্যা দেওয়া নাই। ইউস্টেস কেরী সঙ্কলিত *Memoir of William Carey, D. D.* (ইং ১৮৩৬) পুস্তকের পরিশিষ্টে ৫৮৭ হইতে ৬১০ পৃষ্ঠায় প্রসিদ্ধ প্রাচ্যবিদ্যা বিশারদ পণ্ডিত এইচ. এইচ. উইলসন "Remarks on the Character and Labours of Dr. Carey, as an Oriental Scholar and Translator" নামক যে নিবন্ধ লিখিয়াছেন, তাহাতে কেরীর ব্যাকরণের প্রথম ও দ্বিতীয় সংস্করণের ভূমিকা হইতে অংশ-বিশেষ উদ্ধৃত হইয়াছে। প্রথম সংস্করণে তিনি লিখিয়াছেন...

I have made some distinctions and observations not noticed by him [Halhed], particularly on the declension of nouns and verbs, and the use of participles.

উইলসন, গ্রামারসন প্রভৃতি পণ্ডিতগণের মতে এই পুস্তকের দ্বিতীয় সংস্করণ ১৮০৫ খ্রীষ্টাব্দে বাহির হয়। ইহা প্রথম সংস্করণের প্রায় দ্বিগুণ আকার লইয়াছিল।\* দ্বিতীয় সংস্করণের ভূমিকা হইতে কিয়দংশ উদ্ধৃত করিতেছি।

Since the first edition of his work is published, the writer has had an opportunity of obtaining a more accurate knowledge of this language. The result of his publication to it he has endeavoured to give in the following pages, which [on account of the variations from the former edition,] may be esteemed a new work.

এই ব্যাকরণ রচনার উদ্দেশ্য সম্বন্ধে কেরী তাঁহার ভূমিকায় (৪র্থ সংস্করণ, ১৮১৮) বলিয়াছেন—

Bengal, as the seat of the British government in India, and the centre of a great part of the commerce of the East, must be viewed as a country of very great importance. Its soil is fertile, its

\* ২১শে সেপ্টেম্বর ১৮০৩ তারিখে সাটক্লিফের লিখিত পত্রে কেরী স্বয়ং বলিতেছেন, "I am reprinting my Bengali grammer, with many alternations and additions." সাটক্লিফের নিকট লিখিত ২২ আগষ্ট ১৮০৫ তারিখের পত্রে আছে, "I have written and printed a second edition of my Bengali grammer, wholly new worked over, and greatly enlarged....."

population great and the necessary intercourse subsisting between inhabitants and these of other countries who visit its ports, is rapidly increasing. A knowledge of the language of this country must therefore be a very desirable object.

The pleasure which a persons feels in being able to converse upon any subject with those who have occasion to visit him, is very great. Many of the natives of this country, who are conversant with Europeans, are men of great respectability, well informed upon a variety of subjects both commercial and literary, and able to mix in coversation wttth pleasure and advantage. Indeed, husbandmen, labourers, and people in the lowest stations, are often able to give that information on local affairs which every friend of science would be proud to obtain...

সুতরাং বাংলা ভাষা শিক্ষা ইউরোপীয়দের পক্ষে একান্তভাবে আবশ্যিক। তাহা ছাড়া, বাংলা ভাষার নিজস্ব মহিমার কথা উল্লেখ করিতেও কেহী ভুলেন নাই।

...Bengalee, a language which is spoken from the Bay of Bengal in the south, to the mountains of Bootan in the north, and from the borders of Ramgur to Arakan.

It has been supposed by some, that a knowledge of the Hindoosthanee language is sufficient for every purpose of business in any part of India. THIS IDEA IS VERY FAR FROM CORRECT; for though it be admitted, that persons may be found in every part of India who speak that

language, yet Hindoosthanee is almost as much a foreign language, in all countries of India, except those to the north-west of Bengal, which may be called Hindoosthan proper, as the French is the other countries of Europe. In all the courts of justice in Bengal, and most probably in every other part of India the poor usually give their evidence in the dialect of that particular country, and seldom understand any other ; ...

The Bengalee may be considered as more nearly allied to the Sungskrita than any of the other language of India ; ...four-fifths of the words in the language are pure Sungskrita. WORDS MAY BE COMPOUNDED WITH SUCH FACILITY, AND TO SO GREAT AN EXTENT IN BENGALÉE, AS TO CONVEY IDEAS WITH THE UTMOST PRECISION. A CIRCUMSTANCE WHICH ADDS MUCH TO ITS COPIOUSNESS. On these, and many other accounts, it may be esteemed one of the MOST EXPRESSIVE AND ELEGANT LANGUAGES OF THE EAST.

কেরীর ব্যাকরণ এগারটি অধ্যায়ে বিভক্ত।—১। বর্ণপরিচয়, ২। যুক্তবর্ণ, ৩। শব্দ ও তাহার বিভিন্ন রূপ ( বিশেষ্য ), ৪। গুণবাচক শব্দ ( বিশেষণ ), ৫। সর্বনাম, ৬। ক্রিয়াপদ, ৭। শব্দগঠন, ৮। সমাস, ৯। অব্যয় ও উপসর্গ, ১০। সন্ধিপ্ৰকরণ এবং ১১। অন্বয় (Syntax)।

এই ব্যাকরণের অধিকাংশ দৃষ্টান্ত-বাক্য ফোর্ট উইলিয়ম কলেজের পাঠ্য পুস্তক হইতে, প্রধানতঃ যুক্ত্যঞ্জয়ের রচনা হইতে সংগৃহীত হইয়াছে। পুস্তকের শেষে একাদশ অধ্যায়ের পর সংখ্যাবাচক শব্দ, ওজন ও মাপের বিভাগ, টাকাকড়ির বিভাগ, সময়ের বিভাগ, বার মাস ও তিথির হিসাব দেওয়া হইয়াছে।



কেরীর ব্যাকরণ বাংলা ভাষার একটি বিশেষ উল্লেখযোগ্য পুস্তক হওয়া সত্ত্বেও গত দীর্ঘ দেড় শত বৎসর কালের মধ্যে এক উইলসন সাহেব ব্যতীত অন্য কেহ ইহার সম্বন্ধে আলোচনা করেন নাই। পরবর্তী কালে যে দুই এক জনের পুস্তকে এ বিষয়ে আলোচনা করিতে দেখা যায়, তাঁহারাও নির্বিবাদে উইলসনের আলোচনাই আশ্রয়সাৎ করিয়াছেন। :৮৫৯ খ্রীষ্টাব্দে মেরিডিথ টাউনসেণ্ড এই ব্যাকরণ সম্বন্ধে লিখিয়াছেন—

It is the one Grammar we have ever seen made for men ignorant of the language to be studied, divested of all rigmarole about the structure of inflexions, and reduced to the half-dozen arbitrary formulas by which, and not by philosophical discussion, children learn their mother tongue.

পণ্ডিত এইচ. এইচ. উইলসন লিখিয়াছেন—

The Bengali grammar of Dr. Carey explains the peculiarities of the Bengali alphabet, and the combination of its letters; the declension of substantives, and formation of derivative nouns; the inflexions of adjectives and pronouns; and the conjugations of the verb: it gives copious lists and descriptions of the indeclinable verbs, adverbs, prepositions, etc., and close with the syntax, and an appendix of numerals, and tables of weights and measures. The rules are comprehensive, though expressed with brevity and simplicity; and the examples are sufficiently numerous and well chosen. The syntax is the least satisfactorily illustrated; but this defect was fully remedied by a separate publication printed also in 1801, of Dialogues in Bengali, with a translation into English ...

৩। কথোপকথন। ইং : ৮০১। পৃ. সংখ্যা ৮ + ২১৭।

কেরীর এই *Dialogues*...পুস্তকখানি *Colloquies* নামেও প্রসিদ্ধ। পুস্তক আরম্ভ হইবার অব্যবহিত পূর্বে একটি “ফ্লাই লীফে” ঐ নাম দেওয়া আছে বলিয়া পুস্তকেরও ঐ নামে প্রসিদ্ধি হইয়াছে। বাংলায় উহা কেরীর ‘কথোপকথন’ নামে পরিচিত। পুস্তকারম্ভে কেরী স্বয়ং ঐ নাম দিয়াছেন। পুস্তকটির যথার্থ সম্পূর্ণ নাম এই—

*Dialogues, / intended / to facilitate the acquiring / of /  
The Bengalee Language. / Serampore, / Printed at the  
Misson Press / 1801.*

এই পুস্তক ১৮০১ খ্রীষ্টাব্দের আগস্ট মাসে প্রকাশিত হয় ; ভূমিকায় ৪ঠা আগস্ট, এই তারিখ দেওয়া আছে। বাঙালী-রচিত প্রথম বাংলা গল্প-পুস্তক রামরাম বসু-প্রণীত ‘রাজা প্রতাপাদিত্য চরিত্র’ মুদ্রণ-গোঃবে ইহা অপেক্ষা মাত্র এক মাসের বড়।

প্রথম সংস্করণের ভাষা অপেক্ষাকৃত চলতি-যেঁষা ছিল। দ্বিতীয় সংস্করণ হইতে সকল পরবর্তী সংস্করণে কেরী কথোপকথনের ভাষাকে স্থানে স্থানে সংস্কৃত-যেঁষা করিয়া উন্নতির চেষ্টা করিয়াছেন।

*Dialogues*...পুস্তকখানি নানা দিক্ দিয়া উল্লেখযোগ্য। অনেকে এই পুস্তক সম্বন্ধে আলোচনা করিয়াছেন এবং বলিয়াছেন, কেরীর ব্যাকরণ হইতেও ইহার গুরুত্ব বাংলা ভাষা ও সাহিত্যের দিক্ দিয়া অধিক। উইলসন বলিয়াছেন, এই পুস্তক বাংলা ফ্রেজ ও ইডিয়মের বৈচিত্র্যে পূর্ণ। মৌখিক ভাষা শিখিবার পক্ষে সে যুগে ইহার উপযোগিতা অনুমেয়।

ব্যাকরণের মত *Dialogues*...পুস্তকেরও প্রথম সংস্করণে কেরীর নাম আখ্যা-পত্রে ছিল না। ভূমিকায় তিনি লিখিয়াছেন—

That the work might be as complete as possible,  
I have employed sum sensible natives to compose

dialogues upon subjects of a domestic nature, and to give them precisely in the natural style of the persons supposed to be speakers. I believe the imitation to be so exact, that they will not only assist the student, but furnish a considerable idea of the domestic economy of the country.

The great want of books to assist in acquiring this language, which is current through an extent of country nearly equal to Great Britain, and which, when properly cultivated will be inferior to none, in elegance and perspicuity, has induced me to compile this small work : and to undertake publishing of two or three more, principally Translations from the Sangskrito. These will form a regular series of books in the Bengalee, gradually becoming more and more difficult till the student is introduced to the higher classical works in the language.

এই পুস্তক সম্পর্কে কেরীর কৃতিত্ব সঙ্কলনের ও সম্পাদনের, এই কার্যে তিনি যে সাহস, বিচক্ষণতা ও বিবেচনাবুদ্ধির পরিচয় দিয়াছেন, সেকালের এক জন মিশনারীর পক্ষে তাহা সত্যই বিস্ময়কর। গ্রন্থের রচনা সম্পর্কে শ্রীরামপুর মিশন ও ফোর্ট উইলিয়ম কলেজের পণ্ডিতদের কৃতিত্বও অস্বীকার করা যায় না। কেরীর মৃত্যুর অব্যবহিত পরে তাঁহার একজন অত্যন্ত ঘনিষ্ঠ বন্ধু 'এশিয়াটিক জর্নালে' লিখিয়াছিলেন—

As evincing the practical tendency of his works, we may notice a very useful performance, his Bengali and English Colloquies. These were composed in the original Bengali, probably by a clever native, and may be compared, in respect of the graphic power they discover of showing life as it is,— in its

rustic and familiar, as well as more polite forms,—  
to the detached scenes of good play, exhibiting  
correct transcripts of nature.

সে যুগের পণ্ডিতদের রচনার সহিত তাঁহাদের লিখিত ও অনূদিত  
পুস্তক মারফৎ আমাদের যে পরিচয় আছে, তাহাতে আমরা মনে  
করিতে পারি, এই সকল কথোপকথন রচনার কৃতিত্ব সম্ভবতঃ মৃত্যুঞ্জয়  
বিদ্যালঙ্কারেরই। অন্য কেহ তাঁহার মত মৌখিক ভাষা এবং প্রচলিত  
ইডিয়ম সম্বন্ধে ওয়াকিবহাল ছিলেন না। তাঁহার কথোপকথন-  
পারদর্শিতার পরিচয় আমরা তাঁহার ‘বত্রিশ সিংহাসন,’ ‘হিতোপদেশ’ ও  
‘প্রবোধ চন্দ্রিকা’য় যথেষ্ট পরিমাণে পাইয়াছি। তথাপি, কেৰীর নামে  
যখন পুস্তকটি বাহির হইয়াছে, আজ সকল প্রশংসাই কেৰীরই প্রাপ্য।

*Dialogues...* পুস্তকখানিতে চাকর ভাড়া করণ, সাহেবের  
হুকুম, সাহেব ও মুনসি, পরামর্শ, ভোজনের কথা, যাত্রা, পরিচয়, ভূমির  
কথা, মহাজন আসামি, বাগান করিবার হুকুম, ভদ্রলোক ভদ্রলোক,  
প্রাচীন প্রাচীন, শুপারিস, মজুরের কথা বার্তা, খাতক মহাজনি, সাধু  
খাতকি, ঘটকালি, হাটের বিষয়, স্ত্রীলোকের হাট করা, স্ত্রীলোকের  
কথোপকথন, তিয়রিয়া\* কথা, ইজারার পরামর্শ, ভিক্ষুকের কথা, কায  
চেষ্টার কথা, কন্দল, স্ত্রীলোকের হাট করণ, যাজক ও যজমান, স্ত্রী লোক  
স্ত্রী লোক কথা বার্তা, মাইয়া কন্দল, যজমান যাজকের কথা, জমিদার  
রাইয়ত এবং কথোপকথন—মোট একত্রিশটি অধ্যায় আছে। মূল  
বাংলা বাম পৃষ্ঠায় ও কেৰীর ইংরেজী অনুবাদ দক্ষিণ পৃষ্ঠায় ছাপা।  
“জমিদার রাইয়ত” বৃহত্তম অধ্যায়, জমিদার ও প্রজার মধ্যে যত দূর  
সম্ভব, প্রায় সকল বাস্তব আলোচনাই দেওয়া হইয়াছে। শেষ অধ্যায়  
“কথোপকথনে” সাধারণভাবে বিবাহ, ঘটকালি, পণ, বিবাহরাত্রির

\* তিয়রিয়া—জলে, fisherman ।

খাওয়াদাওয়া ও রোসনাইয়ের কথা ; বাকি সকল অধ্যায়েরই বিষয় শিরোনামায় দেওয়া আছে । তন্মধ্যে তিয়রিয়া কথা, ভিক্ষুকের কথা, হাটের বিষয়, স্ত্রীলোকের হাট করা, মজুরের কথাবার্তা, স্ত্রীলোকের কথোপকথন প্রভৃতি অধ্যায় এমনই সহজ এবং বাস্তব ভঙ্গীতে রচিত যে, এগুলি পড়িলে টেকচাঁদ ঠাকুর, হতোম ও দীনবন্ধু মিত্রের কথা মনে পড়ে । খ্রীষ্টধর্ম-প্রচারক পাদরি এবং ফোর্ট উইলিয়ম কলেজের সংস্কৃত ও বাংলা বিভাগের প্রধান অধ্যক্ষ হইয়া কেরী যে তাঁহার সংকলনে “কন্দল” ও “মাইয়া কন্দল” অধ্যায় সন্নিবিষ্ট করিতে দ্বিধা করেন নাই, ইহাতে তাঁহার যুক্তিবাদী বৈজ্ঞানিক মনোবৃত্তির পরিচয় পাই । অনেকে এই কারণে তাঁহার নিন্দাবাদ করিয়াছেন ; কিন্তু বাংলা ভাষার সর্বপ্রকার সম্ভাবনা ও প্রকাশ-বৈচিত্র্যের পরিচয় দিতে বসিয়া কেরী বাক্যাঙ্কুরিত জন্ম নাটিকা কুঞ্চিত করিতে পারেন নাই । বাংলা ভাষা ও সাহিত্যের সকল ছাত্রের এই ‘কথোপকথন’ বইখানির সহিত পরিচিত হওয়া উচিত ।<sup>\*</sup> আমরা কোতূহলী পাঠকের জন্য ১৮০১ খ্রীষ্টাব্দে প্রকাশিত প্রথম সংস্করণ হইতে নীচে সীমান্য দুই একটি দৃষ্টান্ত উদ্ধৃত করিলাম । বাংলা ব্যাকরণের দিক্ দিয়া এই বইখানি লইয়া বিশেষ আলোচনা হওয়া প্রয়োজন ।

### মজুরের কথা বার্তা

ফলনা কায়েতের বাড়ী মুই কায করিতে গিয়াছিলুঁ তার বড়ী অনেক কায আছে । তুই যাবি ।

না ভাই । মুই সে বাড়ীতে কাজ করিতে যাব না তারা বড় ঠেটা । মুই আর বছর তার বাড়ী কায করিয়াছিলাম মোর ছুদিনের কড়ি হারামজাদগি করিয়া দিলে না মুই সে বেটার বাড়ী আর যাব না ।

<sup>\*</sup>তুস্মাপ্য গ্রন্থমালার ১৩ সংখ্যক পুস্তক হিসাবে ইহা মুদ্রিত হইয়াছে ।

## উইলিয়ম কেরী

কেন ভাই। মুইত দেখিলাম সে মানুষ বড় ধারা মোকে আঙু এক টাকা দিয়াছে আর কহিয়াছে তুই আর লোক নিয়া আসিস মুই আগাম টাকা দিব তাকে।

আচ্ছা ভাই। যদি তুই মোকে সে বাড়ী নিয়া যাবি তবে মুই তোঁর ঠাই মোঁর খাটুনি দিব।

ভাল ভাই। তুই চল তোঁর যত খাটুনি হবে তা মুই তোঁকে দিব।...

## স্ত্রীলোকের হাট করা

আয়টে সকাল করে চল সূতা না বিকলে তো বুন তেল বেসাতি পাতি হবে না।

ওটে বুন সে দিন কলাঘাটার হাটে গিয়াছিলাম তাহাতে দেখিয়াছি সূতার কপালে আঙুন লাগিয়াছে। পোড়া কপালে তাঁতি বলে কি আট পণ করে সূতাখান। সে সকল সূতা আমি এক কাহন বেচেচি টে।

সে দিন দেখে আর হাটপানে মুয়াতে ইচ্ছা করেনা। চল দিকি যাই না গেলে তো হবে না ঘরে বেসাতি পাতি কিছু নাই ছেলেরা ভাত খাবে কি দিয়া আর আধ সেরটাইক কাপাইস আনিতে হবে।

ওগো দিদি সূতা আছে। বাহির কর দিকি দেখি।

নারে তোঁরে আর সূতা দিব না আর দিন তুই যে সূতা হাঁটকিয়াছিলি তাহাতে আমার সূতা নষ্ট হইয়াছে।

ওটে পাগল বুন। দেতো দেখি গোচের হয়তো দিব।...

## কন্দল

আর শুনেছিসতো নির্মলের মা। এই যে বেণে মাগীর অহঙ্কারে আর চকে মুখে পথ দেখে না। হাচ্চাধ কালি যে আমার ছেলে পথে ভাড়িয়াছিল তা ঐ বুড়া মাগী তিন চারি ছেলের মা করিলে কি

ভরস্তু কলসিডা অমনি ছেলের মাথার উপর তলানি দিয়া গেল। সেই হইতে ঘাইটের বাছা জ্বরে ঝাউরে পড়েছে। এমন গরবাস্তুকি বল্পে আবার গালাগালি ঝকড়া করে। এ ভাতার খাগি সর্বনাশির পুতটা মরুক তিন দিনে উহার তিনটা বেটার মাথা খাউক ঘাটে বসে মঙ্গল গাউক।

হালো ঝি জামাই খাগি কি বলছিস। তোরা শুনেছিস গো এ আটকুড়ি রাঁড়ির কথা। তুই আমার কি অহঙ্কার দেখিলি তিন কুলখাগি আমি কি দেখে তোর ছেলের মাথার উপর দিয়া কলসি নিয়া গিয়াছিলাম যে তুই ভাতার পুত কেটে গালাগালি দিচ্ছিস। তোর ভালডার মাথা খাই হালো ভালডা মাগি তোর বুকে কি বাঁশ দিয়াছিলাম হাড়ে।

থাকলো ছারকপালি গিদেদি থাক। তোর গিদেদির ছাই পল প্রায়। যদি আমার ছেলের কিছু ভাল মন্দ হয় তবে কি তোর ইটা ভিটা কিছু থাকিবে যা মনে আছে তা করিব। তখন তোমার কোন বাপে রাখে তাই দেখিব। হে ঠাকুর তুমি যদি থাক তবে উহার তিন বেটা যেন সাপের কামড়ে আজি রাত্রে মরে। ও বে কালি প্রাতঃকালে বাছা করে কান্দে তবেই ও অহঙ্কারির অঙ্কারে ছাই পড়ে। হা বউরাঁড়ি তোর সর্বনাশ হউক। তোর বংশে বাতি দিতে যেন কেউ থাকে না।

ওলো। তোর শাপে আমার বাঁ পার ধূলা ঝাড়া যাবে। তোর ঝি পুত কেটে দি আমার ঝি পুতের পায়। যা লো যা বারোছয়ারি ভাড়ানি হাটবাঁজার কুড়ানি খানকি যা। তোর গালাগালিতে আমার কি হবে লো কুন্দলি।

আইহ। এমন কর্ম কি ও দেখে করেছে তা নহে। ওও পোয়াতি বটে। যা বুন। তুইও যা। ও যাউক। আর ঝকড়া কন্দলে কাজ নাই। পাড়াপড়সি রাতি পোয়াইলেই দেখা হবে এত বাড়াবাড়ি কেন।

৪। ওল্ড টেস্টামেন্ট—মোশার ব্যবস্থা। ইং ১৮০২।

টমাস, রামরাম বসু, মার্শম্যান ও ফাউন্টেনের আংশিক সহায়তায় অনূদিত কেরীর ওল্ড টেস্টামেন্টের চারি খণ্ড ১৮০২ হইতে ১৮০৯ খ্রীষ্টাব্দের মধ্যে বাহির হইয়াছিল। প্রথম খণ্ডের প্রকাশকাল ভুলক্রমে আখ্যা-পত্রে ১৮০১ খ্রীষ্টাব্দ বলিয়া উল্লিখিত থাকিলেও উহা প্রকৃতপক্ষে ১৮০২ খ্রীষ্টাব্দে প্রকাশিত হয়। পুস্তকের আখ্যা-পত্র এইরূপ—

ধর্মপুস্তক / তাহা ঈশ্বরের সমস্ত বাক্য।— / যাহা প্রকাশ  
করিয়াছেন মনুষ্যের ত্রাণ ও কার্যশোধনার্থে— / তাহার প্রথম ভাগ  
যাহাতে চারিবর্গ— মোশার ব্যবস্থা।— / যিশরালের বিবরণ।— /  
ইত্যাদি— . ভবিষ্যত বাক্য।— / মোশার ব্যবস্থা, তর্জমা হইল  
গুৱি ভাষা হইতে।— / শ্রীরামপুরে ছাপা হইল।— / ১৮০১

The Pentateuch বা মোশার ব্যবস্থা অর্থাৎ ওল্ড টেস্টামেন্টের প্রথম খণ্ড যে ১৮০১ খ্রীষ্টাব্দে প্রকাশিত হয় নাই, তাহার প্রমাণ কেরী মার্শম্যান-ওয়ার্ডের ১৮ ডিসেম্বর ১৮০১ তারিখের একটি চিঠিতে পাই। তাহার লিখিতেছেন—

The first volume of the old Testament is nearly half printed ; viz., to the thirty-third chapter of Exodus.

১৮০২ খ্রীষ্টাব্দে ১৩ই জুলাইয়ের চিঠিতে দেখিতেছি—

The last sheet of the pentateuch will be printed next week ; and we are about to print the last volume but one of the testament, including Job and Solomon's song. One hundred copies of the Psalms and Isaiah have been ordered by the College at Calcutta.

অর্থাৎ ওল্ড টেস্টামেন্ট প্রথম খণ্ড ১৮০২ খ্রীষ্টাব্দে জুলাই মাসের শেষে বাহির হইয়াছিল। ঠিক এই সময়ে কেরী বাংলা ভাষা ও সাহিত্য সম্পর্কে আরও কিছু কাজ করিতে বা করাইতে মনস্থ করিতেছিলেন, ডক্টর রাইল্যান্ডের নিকট ৩১এ আগস্ট তারিখে লিখিত তাঁহার পত্রে তাহা জানা যায়। তিনি লিখিয়াছেন—



I have some time past been contriving the plan of a work. which I propose to write in Bengalee. The design is to prove to the natives of the country, that the gospel is a necessary blessing to them ..AND THE INSUFFIOIENCY AND CONTRADICTION OF THE BOOKS BY THEM ACCOUN- TED SACRED. I intend that it should occupy about two hundred pages....

বাহির হইয়া থাকিলে এই পুস্তকের সন্ধান আমরা পাই নাই ।

৫-৬। কৃত্তিবাসের রামায়ণ ও কাশীরাম দাসের মহাভারত ।

ইং ১৮০২ ।

১৮০২ খ্রীষ্টাব্দেই কেরী কর্তৃক কৃত্তিবাসের রামায়ণ ও কাশীরাম দাসের মহাভারতের সর্বপ্রথম মুদ্রিত সংস্করণ প্রকাশিত হয় । মহাভারতের ছাপা শুরু হয় আগে, ইহা চারি খণ্ডে সমাপ্ত হইয়াছিল । রামায়ণ পাঁচ খণ্ডে প্রকাশিত হয় । বর্তমানে আমরা বাজারে যে সকল রামায়ণ-মহাভারতের সংস্করণ দেখি, তাহার প্রায় প্রত্যেকটিই শ্রীরামপুর মিশন প্রেসের আদর্শে মুদ্রিত । পণ্ডিত জয়গোপাল তর্কালঙ্কার পরবর্তী সংস্করণ কৃত্তিবাস-কাশীদাসের উপর কলম চালাইয়া “অবিভুদ্ধ” মূলকে বিস্তৃত করিয়াছিলেন ।

৭। ওল্ড টেস্টামেন্ট—দাউদের গীত । ইং ১৮০৩ ।

দাউদের গীত।— / এবং / যিশ গিহার ভবিষ্যৎ বাক্য।— /  
শ্রীরামপুরে ছাপা হইল / — ১৮০৩ / —

ওল্ড টেস্টামেন্টের তৃতীয় খণ্ড দ্বিতীয় খণ্ডের আগেই ১৮০৩ খ্রীষ্টাব্দের জানুয়ারি মাসে মুদ্রিত ও প্রকাশিত হয় । আখ্যা-পত্র এইরূপ—

এই পুস্তক ফোর্ট উইলিয়ম কলেজের পাঠ্যতালিকাভুক্ত হইয়াছিল এবং ইহার এক শত খণ্ড ৬/০ হিসাবে কলেজ কর্তৃক ক্রীত হইয়াছিল । ইংরেজী আখ্যা-পত্রে প্রকাশকাল ১৮০৪ খ্রীষ্টাব্দে ভুল ।

৮। ওল্ড টেস্টামেন্ট—ভবিষ্যৎবাক্য । ইং ১৮০৭ ।

৮ মার্চ ১৮০৭ তারিখে আমেরিকার ব্রাউন বিশ্ববিদ্যালয় কেরীকে ‘ডক্টর অব ডিভিনিটি’ উপাধি প্রদান করেন । ঐ বৎসরের ৮ই ডিসেম্বর

তারিখে তাঁহার পত্নী ডরোথি দীর্ঘ বারো বৎসর কাল উন্মাদরোগগ্রস্ত থাকিয়া মৃত্যুমুখে পতিত হন। ঐ বৎসরেই ওল্ড টেস্টামেন্টের চতুর্থ বা শেষ খণ্ড (ইশায়া—মালাচি) প্রকাশিত হয়। আখ্যা-পত্রে ভ্রমক্রমে ১৮০৫ খ্রীষ্টাব্দ মুদ্রিত হইয়াছে। আখ্যা-পত্রটি এইরূপ—

ঈশ্বরের সমস্ত বাক্য—। / মানুষের ত্রাণ ও কার্যশোধনার্থে / যাহা প্রকাশ করিয়াছেন।— / তাহাই / ধর্মপুস্তক। / তাহার প্রথম ভাগ যাহাতে চারি বর্গ।— / মোশাকরণক ব্যবস্থা। / যিশরালের বিবরণ।— / গীতাদি।—ভবিষ্যদ্বাক্য। / তাহার চতুর্থ বর্গ ভবিষ্যদ্বাক্য এই।—এবি ভাষা হইতে তর্জমা হইল।— / শ্রীরামপুরে ছাপা হইল।— / ১৮০৫

২। ওল্ড টেস্টামেন্ট—যিশরালের বিবরণ। ইং ১৮০৯।

১৮০৯ খ্রীষ্টাব্দের ১লা জানুয়ারি কেরী কলিকাতার লালবাজার চ্যাপেল প্রতিষ্ঠা করেন এবং ৩৪নং বউবাজারে বাসা ভাড়া করিয়া কলিকাতাতে একটি পাকাপাকি রকমের আশ্রম স্থাপন করেন। জুন মাসের ২৪এ তারিখে ওল্ড টেস্টামেন্টের শেষাংশ অর্থাৎ দ্বিতীয় খণ্ড প্রকাশিত হইয়া বাইবেল সম্পূর্ণ হয়। এই পুস্তকের আখ্যা-পত্রটি এইরূপ—

ঈশ্বরের সমস্ত বাক্য। / বিশেষতঃ / মনুষ্যের ত্রাণ ও কার্য-সাধনার্থে তিনি যাহা প্রকাশ / করিয়াছেন।— / অর্থাৎ / ধর্মপুস্তক। / তাহার প্রথম ভাগ—যাহাতে চারিবর্গ / মোশার ব্যবস্থা।— / যিশরালের বিবরণ।— / গীতাদি।— / ভবিষ্যদ্বাক্য।— / তাহার দ্বিতীয় বর্গ অর্থাৎ যিশরালের বিবরণ এই।— / এবি ভাষা হইতে তর্জমা হইল। / শ্রীরামপুরে ছাপা হইল।— ১৮০৯ / —

বাইবেল সম্পূর্ণ প্রকাশ করিয়া কেরীর মানসিক উত্তেজনা এত অধিক হয় যে, তিনি সাংঘাতিক অসুস্থ হইয়া পড়েন। জীবনের একমাত্র কাম্য বহু ঘাত-প্রতিঘাত এবং প্রতিবন্ধকের মধ্য দিয়া অধিগত হইবার

সঙ্গে সঙ্গে তিনি প্রবল অরবিকারে আক্রান্ত হন এবং দুই মাস কাল শয্যাশায়ী থাকেন। তাঁহার জীবনের আশা একেবারেই ছিল না। এই সময়ে ডেক্টর মার্শম্যান ফোর্ট উইলিয়ম কলেজে তাঁহার বদলে কাজ করিয়াছিলেন।

১০। **ইতিহাসমালা**। ইং ১৮১২। পৃ. ৩২০।

১৮১২ খ্রীষ্টাব্দের মার্চ মাসে কেরী-সম্পাদিত 'ইতিহাসমালা' প্রকাশিত হয়। কেরীর বাংলা অন্যান্য ভাষার রচনা লইয়া পণ্ডিত উইলসন প্রভৃতি সমসাময়িক পণ্ডিতেরা যে সকল আলোচনা করিয়াছেন এবং পরবর্তী কালে যে সকল আলোচনা হইয়াছে, তাহার কোনটিতেই এই পুস্তক সম্বন্ধে উল্লেখ মাত্র নাই। ১৮০১ হইতে ১৮৫২ খ্রীষ্টাব্দের মধ্যে শ্রীরামপুর মিশন প্রেসে বা অন্যত্র বাংলা গদ্যে এবং ইংরেজীতে বাংলা ভাষা সম্বন্ধে (ব্যাকরণ-অভিধান ইত্যাদি) যাহা কিছু ছাপা হইয়াছে, মায় বাইবেল এবং আইনের বহি পর্য্যন্ত ফোর্ট উইলিয়ম কলেজের ছাত্রদের ব্যবহারের জন্য তাহার প্রায় সকলগুলি একাধিক কপি (অধিকাংশ ক্ষেত্রেই এক শত কপি) কলেজ-কর্তৃপক্ষ ক্রয় করিয়াছেন এবং কলেজের জন্ম মুদ্রিত ও ক্রীত পুস্তকের তালিকা কলেজের কার্যবিবরণে সময়ে সময়ে বাহির হইয়াছে। রোবাক ১৮১৮ খ্রীষ্টাব্দ পর্য্যন্ত মুদ্রিত পুস্তকের তালিকা দিয়াছেন। পরম আশ্চর্যের বিষয় এই যে, কুত্রাপি কেরী-সম্পাদিত 'ইতিহাসমালা'র নাম নাই। লংও তাঁহার তালিকায় এই পুস্তকের নামোল্লেখ করেন নাই। শ্রীরামপুর মেমসে'-এ (দশটি) মিশন প্রেসে মুদ্রিত পুস্তকের তালিকা হইতেও 'ইতিহাসমালা' বাদ পড়িয়াছে।\* ইহার একটি মাত্র কারণ এই হইতে

\* গ্রীয়ার্সন তাঁহার *The Early Publications of the Serampore Missionaries* পুস্তকের শেষে এই দশটি মেমসে'-এর একটি সংক্ষিপ্ত তালিকা প্রকাশ করিয়াছেন।

পারে যে, ১১ মার্চের ( ১৮১২ ) অগ্নিকাণ্ডে 'ইতিহাসমালা'র অধিকাংশ কপি পুড়িয়া যায়, সুতরাং ফোর্ট উইলিয়ম কলেজে এই পুস্তক পাঠ-হিসাবে দেওয়া সম্ভব হয় নাই। পুস্তকের আখ্যা-পত্র এইরূপ :—

ইতিহাসমালা । / or / A collection / of / Stories / in / the  
Bengalee Language. / Collected from various sources. / By  
W. Carey, D. D. / Teacher of the Sungskrit, Bengalee, and  
Mahratta Languages, / in the College of Fort William /  
Serampore : / Printed at the Mission Press. / 1812.

'ইতিহাসমালা'র যতগুলি কপি আমরা দেখিয়াছি, তাহাদের কোনটিতেই কোনও ভূমিকা নাই। কেরীর প্রত্যেক পুস্তকেই ভূমিকা আছে, এটিতে না থাকাকাটাও বিস্ময়কর। এই পুস্তকের একাধিক খণ্ড বঙ্গীয়-সাহিত্য-পরিষদ গ্রন্থাগারে আছে।

'ইতিহাসমালা' নাম হইলেও এই পুস্তকে ইতিহাস অতি অল্পই আছে। 'ইতিহাসমালা' বিবিধ বিষয়ের ১৫০টি গল্পের সমষ্টি, গল্পগুলি বিভিন্ন স্থান হইতে আহৃত, সকলগুলিই অনুবাদ। কেরী সম্ভবতঃ এক্ষেত্রেও সম্পাদক ও সঙ্কলনকর্তা।

'ইতিহাসমালা'র ভাষা ফোর্ট উইলিয়ম কলেজের প্রাথমিক যুগের ভাষা অপেক্ষা অনেক উন্নত এবং গদ্যরচনার একটা স্টাইলও ইহাতে লক্ষিত হয়। গল্পগুলির অধিকাংশই ব্যঙ্গপ্রধান, বত্রিশ সিংহাসনের টুকরা টুকরা গল্পের মত। কেরী যদি স্বয়ং এগুলি রচনা করিয়া থাকেন, তাহা হইলে বলিতে হইবে, বাইবেল-অনুবাদের আড়ম্বলতা তিনি ইহাতে বর্জন করিয়াছেন—অবশ্য 'কথোপকথনে'র সবেগ সাবলীলতা ইহাতে নাই, কিন্তু ভাষা নিতান্ত নীরসও নয়। সামান্য দৃষ্টান্ত উদ্ধৃত করিতেছি—

#### ৪০ চত্বারিংশ কথা। —

এক রাজার অতিসুন্দরী কন্যা কিন্তু সে হরিণীবদনা জন্মিয়াছিল রাজা তাহাতে সদা ভাবিত কি ক্রমে বিবাহ হইবেক স্বীকার কেহ করে না এই মতে প্রায় বার তের বৎসর বয়ঃক্রম হইল। এক দিবস

রাজা ভাবিত হইয়া সভামধ্যে বসিয়া প্রতিজ্ঞা করিলেন রাজি প্রভাতে প্রথমে যাহার মুখ দর্শন করিব তাহার সহিত কল্যাই কন্যার বিবাহ দিব। পর দিন প্রথমে এক জন মন্ত্রিপুত্রকে দেখিয়া প্রতিজ্ঞা পালন করিলেন। মন্ত্রিপুত্র এক দিন রাজকন্যাকে জিজ্ঞাসিলেন তোমার হরিণীবদনের বিবরণ কি কন্যা কহিল তবে কহি শুন যদি তুমি ইহার প্রতিকার করিতে পার তবে আমার মনুষ্যের মুখ হইতে পারিবেক শুন আমি জাতিস্মরা পূর্ব জন্মে হরিণী ছিলাম চিত্রকূট পর্বতের মধ্যে একটা অতি বড় কুপ আছে তন্মধ্যে যে যে মানস করিয়া প্রাণত্যাগ কবে তাহার জন্মান্তরে তাহাই সিদ্ধ হয় অতএব আমি রাজকন্যা হইব এই মানস করিয়া তাহাতে পড়িয়াছিলাম কিন্তু আমার মস্তকে একটা লতা লাগিয়া মাথা উপবে ছিল সর্বাঙ্গ জল মধ্যে এ কারণ আমার এ দশা তুমি যদি সেই মাথা তথায় যাইয়া সেই জল মধ্যে ফেলিয়া দিতে পার তবে আমার মস্তক মনুষ্যাকার হয় মন্ত্রিপুত্র তাহা শুনিয়া সেই চিত্রকূট পর্বতে গিয়া সেই মত করিলে রাজকন্যার মনুষ্যের মস্তক হইল। রাজা দেখিয়া এবং বিবরণ শুনিয়া অতিতুষ্ট হইয়া মন্ত্রিপুত্রকে অর্দ্ধরাজ্য দিয়া রাজা করিলেন ইতি।—

রামরাম বসুর 'রাজা প্রতাপাদিত্য চরিত্র' হইতে মাত্র বারো বৎসরের মধ্যে বাংলা ভাষার এই উন্নতি কেমন করিয়া সম্ভব হইল, তাহা বুঝিতে হইলে পণ্ডিত-মুন্শীগণের সমবেত চেষ্টা ও কেরীর বৈজ্ঞানিক নির্দেশের কথা স্মরণ করিতে হইবে। Syntax বা ভাষার অর্থ বস্তুটা কেরী বেশ ভাল করিয়াই বুঝাইয়া দিয়াছিলেন এবং ফোর্ট উইলিয়ম কলেজে বাংলা-সংস্কৃত-বিভাগের অধ্যক্ষ হিসাবে ভাষার বিত্ত্বতার প্রতিও তিনি কড়া নজর রাখিয়াছিলেন। ফারসী মিশ্রণের প্রতি তিনি অত্যন্ত বিরূপ ছিলেন। 'ইতিহাসমালা'র সেরূপ ভাষাসঙ্করের দৃষ্টান্ত পাওয়া যায় না। 'ইতিহাসমালা'র আর একটি "কথা" উদ্ধৃত করিতেছি—

## ১৩৪ চতুস্ত্রিংশদধিক শততম কথা—

সাধু স্বভাব এক ব্যক্তি পথে যাইতেছিলেন তথ্যে এক সরোবরে কথগুলি লোক লোক বড়ীতে মাংসাদি অর্পণ করিয়া মৎস্য করিতেছে মৎস্যসকল আহারার্থ আসিয়া আপন প্রাণ দিতেছে ঐ সাধু এইরূপ দেখিয়া নিকটস্থ এক রাজসভাতে গিয়া কহিলেন অত্র পুষ্করিণীর তটে আশ্চর্য দেখিলাম সভাস্থিত ব্যক্তির কহিল কি তিনি কহিলেন দাতা ব্যক্তি নরকে যাইতেছে এবং গ্রহীতাও প্রাণ ত্যাগ করিতেছে তখন কোন সত্য ব্যক্তি কহিল এমত হয় না কেননা দান করিলে উত্তম গতি হয় এবং গ্রহণ করিলে নিরপরাধে প্রাণ নাশ হয় না এই কথা সাধু কহিলেন যে আহারের আশা দিয়া নিকটে বড়ী মাংসাদি দান করিলে বিশ্বাসঘাতকের পাপ ভোগ করিতে হয় অতএব এমন দাতার অবশ্য নরক প্রাপ্তি হইতে পারে এবং ঐ মাংস আহারলোভি যে মৎস্যাদি তাহারও অবশ্য প্রাণ নাশ হইতে পারে এই কথা শুনিয়া সকলে জানিলেন যে দাতারও নরকপ্রাপ্তি সম্ভব বটে এবং গ্রহীতারও এ মৃত্যু সত্য বটে ইতি ।—

‘ইতিহাসমালা’য় প্রাচ্য এবং পাশ্চাত্য উভয়বিধ গল্পই আছে এবং হিতোপদেশ, পঞ্চতন্ত্র প্রভৃতি প্রাচীন সংস্কৃত উৎস ছাড়াও অপেক্ষাকৃত আধুনিক ধনপতি-খুলনা-লহনা, রূপগোস্বামী-সনাতনগোস্বামীর-কথা দেওয়া হইয়াছে; প্রসিদ্ধ চোরচক্রবর্তী এবং আকবরের ব্রাহ্মণ-মন্ত্রী বীরবরের কথাও বাদ যায় নাই। অনুবাদ কি পরিমাণে প্রাঞ্জল হইতে পারে, ‘ইতিহাসমালা’র গল্পগুলি তাহার দৃষ্টান্ত।

‘ইতিহাসমালা’র শেষ গল্পের শেষে একটি ছড়া-জাতীয় গদ্যাংশ সন্নিবিষ্ট আছে; সেটি এমনই অপরূপ যে, উদ্ধৃত করিবার লোভ সম্বরণ করিতে পারিলাম না।

মাছ আনিলা ছয় গণ্ডা চিলে নিলে দুগণ্ডা বাঁকী রহিল ষোল তাহা ধুতে আটটা জলে পলাইল তবে থাকিল আট দুইটায় কিনিলাম দুই আটি কাট তবে থাকিল ছয় প্রতিবাসিকে চারিটা দিতে হয় তবে থাকিল দুই তার একটা চাখিয়া দেখিলাম মুই তবে থাকিল এক ঐ পাত পানে চাখিয়া দেখ এখন হইস যদি মানুষের পো তবে কাঁটাখান খাইয়া মাছখানা খো আমি বেঁই মেয়ে ভেঁই হিসাব দিলাম কয়ে...

### ১১। বাংলা-ইংরেজী অভিধান। ইং ১৮১৫-২৫।

বাংলা ভাষা ও সাহিত্যের ইতিহাসের দিক দিয়া ১৮১৫ খ্রীষ্টাব্দ একটি উল্লেখযোগ্য বৎসর। কেরীর যুগান্তকারী বাংলা-ইংরেজী অভিধানের প্রথম খণ্ডের প্রথম সংস্করণ এই বৎসর বাহির হয়। কিন্তু গোড়ার দিকে বড় হরফে ছাপাতে এই অভিধান এমন অতিকায় আকার ধারণ করে যে, কেরী অভিধানের বাকি অংশ সেই বড় হরফে ছাপা বন্ধ করিয়া বিশেষভাবে অভিধানের জন্য প্রস্তুত ছোট হরফে আবার গোড়া হইতে ছাপিতে আরম্ভ করেন, \* ফলে কেরীর বাংলা-ইংরেজী অভিধানের প্রথম খণ্ডের প্রথম সংস্করণের বিক্রয় ও প্রচার বন্ধ করিয়া দেওয়া হয়। ১৮১১ খ্রীষ্টাব্দের ১০ই ডিসেম্বর রাইল্যাণ্ডকে লিখিত কেরীর একটি পত্রে দেখিতে পাই—

I am now printing a dictionary of the Bengali, which will be pretty large, for I have got to page 256. quarto, and am not near through the first letter. That letter, however, begins more words than and two others.

কেরীর মৃত্যুর পরেই 'এশিয়াটিক জর্নালে' এই অভিধান প্রসঙ্গে লিখিত হইয়াছিল—

\* "The first volume was printed in 1815; but the typographical form adopted being found likely to extend the work to an inconvenient size, it was subsequently reprinted...."—H. H. Wilson.

It was the opinion of his son, the late Felix Carey [d. in 1822], at the earliest stage of this work, as he told us at Serampore, that the first letter of the alphabet, forming the Sanscrit and Greek privative prefix, had been injudiciously multiplied by examples, the positive forms of which were to be found in the subsequent pages. The Doctor, however, acted from the best motive,—an anxiety to supply his pupils with a ready resolution of primary difficulties.

প্রথম খণ্ড প্রথম সংস্করণের অভিধান আমরা কুত্রাপি দেখি নাই, কোনও পুরাতন পুস্তক-তালিকাতেও এই সংস্করণের উল্লেখ পাওয়া যায় না। কেরীর অভিধানের প্রথম খণ্ডের দ্বিতীয় সংস্করণ ১৮১৮ খ্রীষ্টাব্দে ( ১৭ই এপ্রিল ) এবং দ্বিতীয় খণ্ড দুই ভাগে সম্পূর্ণ ১৮২৫ খ্রীষ্টাব্দে ( ৭ই জুন ) প্রকাশিত হয়।

বাংলা ভাষা ও সাহিত্যের ইতিহাসে ১৮১৮ খ্রীষ্টাব্দ নানা কারণে উল্লেখযোগ্য এক হিসাবে এই বৎসরকে যুগ-পরিবর্তনের বৎসর বলা চলে ; যে ভাষা এত দিন অনুবাদ-গ্রন্থ, বিচার-গ্রন্থ ও পাঠ্য পুস্তকের অস্বাভাবিক আশ্রয়ে খোঁড়াইয়া চলিতেছিল, সাময়িক-পত্র প্রকাশের সঙ্গে সঙ্গে সেই ভাষাকেই খোঁড়া পায়ে দৌড় করানো হইল।

উইলিয়ম কেরীর জীবনের সহিত শ্রীরামপুর মিশন হইতে প্রকাশিত 'দিগ্दर्शन' ও 'সমাচার দর্পণে'র পরোক্ষ যোগ আছে। 'সমাচার দর্পণ' প্রকাশে প্রথমে আপত্তি জানাইলেও পরে নানা উপাদান সরবরাহ করিয়া কেরী ইহার পুষ্টিসাধনে যত্ন করিয়াছিলেন ; এই পত্রিকাটিতে তাঁহার জীবনের অনেক কীর্তির বিস্তারিত বিবরণ আছে :\*

\* বঙ্গীয়-সাহিত্য-পরিষৎ হইতে প্রকাশিত শ্রীযুক্ত ব্রজেননাথ বন্দ্যোপাধ্যায়-সম্পাদিত 'সংবাদপত্রে সেকালের কথা' ১ম-২য় ৫৩ ( ২য় সংস্করণ ) ও 'বাংলা সাময়িক-পত্র' দ্রষ্টব্য।



‘ফ্রণ্ড অব ইণ্ডিয়া’ কেরীর অন্যতম কীর্তি। ইহার সম্পাদনায় জোন্সয়া মার্শম্যান ও উইলিয়ম ওয়ার্ড তাঁহার সহযোগী ছিলেন। ১৮১৮ খ্রীষ্টাব্দের মে মাস হইতে ইহার প্রকাশ আরম্ভ হয়।

১৮১৮ খ্রীষ্টাব্দের ১৫ই জুলাই জোন্সয়া মার্শম্যান ও তাঁহার পত্নী স্থানা মার্শম্যানের বিশেষ চেষ্টায় শ্রীরামপুর কলেজের ভিত্তি স্থাপিত হয়। মদনাবাটীতে ও খিদিরপুরে অবস্থানকালে এদেশে শিক্ষাবিস্তারের যত্নে যত্ন কেরী দেখিয়াছিলেন, এত দিনে যেন তাহা বাস্তবে পরিণত হইল।

জন মার্ডকের মতে : ১৮১৮ খ্রীষ্টাব্দে কেরী-কৃত বাইবেলের সংস্কৃত অনুবাদ সম্পূর্ণ হয়। কিন্তু কেরীর জীবনে ১৮১৮ খ্রীষ্টাব্দের সর্বাঙ্গিক উল্লেখযোগ্য ঘটনা— তাঁহার প্রায় শতাব্দীপাদের সাধনার ফল, তাঁহার বাংলা-ইংরেজী অভিধানের প্রথম খণ্ডের প্রকাশ। বহু অক্ষরে এই অভিধানের কিয়দংশ মুদ্রণ ও প্রকাশ করিতে গিয়া ১৮১৫ খ্রীষ্টাব্দে সে কাজ কি ভাবে পরিত্যক্ত হয়, পূর্বেই তাহার উল্লেখ করিয়াছি। অভিধানের জন্য বিশেষভাবে ছোট হরফ প্রস্তুত করাইয়া কেরী তখন হইতেই অভিধান পুনর্মুদ্রণের কাজ আরম্ভ করিয়াছিলেন ; ১৮১৮ খ্রীষ্টাব্দের ১৭ই এপ্রিল সমস্ত স্বরবর্ণ লইয়া প্রথম খণ্ড সমাপ্ত ও প্রকাশিত হয়।

বাংলা ভাষা সম্পর্কে এইটাই কেরীর শেষ এবং শ্রেষ্ঠ কীর্তি। প্রথম খণ্ড প্রকাশিত হইবার পর মুদ্রণের কাজ যথারীতি চলিত থাকে এবং ১৮২৫ খ্রীষ্টাব্দের মধ্যে দ্বিতীয় খণ্ড অর্থাৎ ব্যঞ্জনবর্ণ দুই ভাগে প্রকাশিত হইয়া অভিধান সম্পূর্ণ হয়। আখ্যা-পত্রটি ( ১ম খণ্ডের ; দ্বিতীয় খণ্ডের আখ্যা-পত্রও অনুরূপ ) এইরূপ—

A / Dictionary / Of the / Bengalee Language, / In Which / The Word / Are Traced To Their Origin, / And / Their Various

*Meanings Given. / Vol. I. / By W. Carey, D. D. / Professor of  
The Sungskrita, And Bengalee Languages, In the / College Of  
Fort William. / Second Edition, With Corrections and Addi-  
tions. / Serampore : / Printed At the Mission Press, / 1818.*

১৮১৫ খ্রীষ্টাব্দে যখন অভিধান মুদ্রণ সম্পূর্ণ হয়, তখন অবিক্রীত প্রথম খণ্ডগুলির আখ্যা-পত্রের তারিখ বদল করিয়া ১৮২৫ খ্রীষ্টাব্দ করা হয়। এই কারণে একই সংস্করণের আখ্যা-পত্রে ১৮১৮ এবং ১৮২৫ দুই তারিখই মুদ্রিত দেখা যায়। প্রথম খণ্ড ১৮২৫ খ্রীষ্টাব্দে পুনর্মুদ্রিত হয় নাই।

এই পুস্তকের আকার ডিমাই কোয়ার্টো, দুই কলামে মুদ্রিত। প্রথম খণ্ডের পৃষ্ঠা-সংখ্যা ৬১৬। তন্মধ্যে ভূমিকা ৫ পৃষ্ঠা এবং সংস্কৃতে ষাত্তর তালিকা ৩৫ পৃষ্ঠা; দ্বিতীয় খণ্ডের পৃষ্ঠা-সংখ্যা ( দুই ভাগে ১-৭২০ + ৭২১-১৫৪৪ ) মোট ১৫৪৪; গোড়াতে প্রথম খণ্ডের ভূমিকাও যোজিত আছে।

কেরীর অভিধানে গুণ বা ষাত্তর তালিকা হিসাবের মতো ধরিলে প্রায় পঁচাত্তর হাজার শব্দ স্থান পাইয়াছে। এই অভিধানের ভূমিকায় কেরী যাহা লিখিয়াছেন, তাহা হইতে সংস্কৃত ও বাংলা ভাষা সম্বন্ধে তাঁহার অসাধারণ প্রীতির পরিচয় পাওয়া যায়।

কেরীর অভিধান সম্পর্কে অধ্যাপক এইচ. এইচ. উইলসন যে মন্তব্য করিয়াছেন ( ইং ১৮৩৬ ) তাহা হইতে ইহার বিশেষত্ব ধরা পড়ে; পরবর্তী কালে এ বিষয়ে যাহারা আলোচনা করিয়াছেন, তাঁহারা উইলসনের কথারই পুনরাবৃত্তি করিয়াছেন মাত্র। উইলসন বলিয়াছেন --

Besides the meanings of the words, their derivation is given wherever ascertainable. This is almost always the case, as the great mass of the words are Sanskrit...he endeavoured to introduce into the dictionary every simple word used in the language, and all the compound terms which are commonly current, or which are to be found in Bengali works, whether

published or unpublished. It may be thought, indeed, that in the latter respect he has been more scrupulous than was absolutely necessary, and has inserted compounds which might have been dispensed with, their analysis being obvious, and their elements being explained in their appropriate places. The dictionary also includes many derivative terms, and private, attributive, and abstract nouns, which in composition, and are of palpable signification...it evinces his careful research, his conscientious exactitude, and his unwearied industry. The English equivalents of the Bengali words are well chosen, and of unquestionable accuracy. Local terms are rendered with the correctness which Dr. Carey's knowledge of the manners of the natives, and his long domestication amongst them, enabled him to attain; and his scientific acquirements and conversancy with the subjects of natural history qualified him to employ, and not unfrequently to devise, characteristic denominations for the products of the animal or vegetable world peculiar to the East.....the dictionary of Dr. Carey must ever be regarded as a standard authority.

পরবর্তী কালে একাধিক প্রকাশক কেরীর অভিধানকে কেন্দ্র করিয়া কয়েকটি অভিধান প্রকাশ করিয়াছিলেন। মোহনপ্রসাদ ঠাকুর, রামকমল সেন, তারার্টাদ চক্রবর্তী, মর্টন, মেণ্ডিস্. হর্টন প্রভৃতি অভিধানকারেরাও কেরীর নিকট হইতে বিশেষ সাহায্য পাইয়াছিলেন।

## শেষ জীবন ও চরিত্র

১৮৩০ খ্রীষ্টাব্দের জুলাই মাস হইতে ফোর্ট উইলিয়ম্ কলেজে কেরীর বেতন পাঁচ শত টাকা কমিয়া যায় এবং গবর্নেন্টের অনুবাদকের পদটি উঠিয়া যাওয়াতে তাঁহাকে আয়ের দিক্ দিয়া বিশেষ বিপন্ন হইতে হয়। ১৮৩১ খ্রীষ্টাব্দে ফোর্ট উইলিয়ম্ কলেজের অধ্যাপক-পদ হইতেও তাঁহাকে

বিদায় দেওয়া হয়। তিনি মাসিক পাঁচ শত টাকা হিসাবে পেনশন পাইতে থাকেন। ৯ জুন ১৮৩৪ তারিখে ৭৩ বৎসর বয়সে তাঁহার মৃত্যু হয়।

বাংলা ভাষা ও সাহিত্যের সর্বশ্রেষ্ঠ বৈদেশিক সহায়ক উইলিয়ম কেয়ীর সংক্ষিপ্ত কীর্ত্তি ইহাই। অক্লান্ত অধ্যবসায় এবং ঐকান্তিক নিষ্ঠার স্রুণে তিনি একাঙ্গী যাহা করিয়া গিয়াছেন, তাহার তুলনা পৃথিবীতে কচিৎ মিলে। তাঁহার ভ্রাতুষ্পুত্র ইউস্টেস কেয়ী তাঁহার চরিত্র বর্ণনা করিতে বসিয়া যাহা বলিয়াছেন, আমরা তাহাই উদ্ধৃত করিয়া কেয়ী-প্রসঙ্গ শেষ করিতেছি।

In Dr. Carey's mind, and in the habits of his life, there is nothing of the marvellous to describe. There was no great and original transcendency of intellect ; or enthusiasm and impetuosity of feeling ; there was nothing in his mental character to dazzle or even to surprise. Whatever of usefulness and of consequent reputation he attained to, it was the result of an unreserved and patient devotion of a plain intelligence and a single heart to some great, yet well defined one withal practicable objects...He had no genius, no imagination. He had nothing of the sentimental, the tasteful, the speculative, or the curious, in his constitution.

কেয়ী স্বয়ং একবার ইউস্টেসকে বলিয়াছিলেন—

Eustace, if, after my removal, any one should think it worth his while to write my life, I will give you a criterion by which you may judge of its correctness. If he give me credit for being a plodder, he will describe me justly. Anything beyond this will be toy much. I can plod. I can persevere in any definite pursuit. To this I owe everything.

## উইলিয়ম কেরী ও বাংলা-সাহিত্য

বাংলা-গদ্যের ইতিহাস প্রসঙ্গে উইলিয়ম কেরীর কৰ্মময় দীর্ঘ জীবনের কাহিনী যথাসম্ভব সংক্ষেপে বিবৃত করিয়া আমরা সৰ্বশেষে বাংলা ভাষা ও সাহিত্যে তাঁহার স্থান নির্ণয়ের চেষ্টা করিব। বস্তুতঃ আমাদের ইতিহাসের পক্ষে এই অংশটুকুই প্রয়োজনীয়—আসল মানুষটিকে বাদ দিয়া তাঁহার কীর্তিকথামাত্র প্রচার করিতে বসিলে ইতিহাস অসম্পূর্ণ থাকিয়া যায় ; কিন্তু একটি মানুষের জীবনকে সমগ্র-ভাবে দেখিলে কোনও খণ্ড বিষয়েও তাঁহার কৃতিত্বের পরিমাপ করা সহজ হয় ; গোটা মানুষটি সম্বন্ধে পাঠকের মনে ঔৎসুক্য জাগ্রত করিতে পারিলে তৎসংক্রান্ত বিষয়টিও অনাগত ভবিষ্যতে একটি জাগ্রত মহিমা লাভ করে ; ব্যক্তির অন্তরঙ্গতা বিষয়ের অন্তরঙ্গতায় পর্যাবসিত হয়। কেরীর জীবন-কথা যিনি ঔৎসুক্য ও কৌতূহলের সহিত অনুধাবন করিয়াছেন, বাংলা-সাহিত্যের ইতিহাস হইতে তিনি আর তাঁহাকে বিচ্ছিন্ন করিতে পারিবেন না। সাহিত্যের কাহিনী লিপিবদ্ধ করিতে বসিয়া সাহিত্যিকের জীবনী আলোচনা এই কারণেই এত মূল্যবান। বিশেষ করিয়া কেরী, মৃত্যুঞ্জয়, রামমোহন, ভবানীচরণ, ঈশ্বর গুপ্ত, ঈশ্বরচন্দ্র, অক্ষয়কুমার, কৃষ্ণমোহন, রাতেন্দ্রলাল, প্যারীচরণ, কালীপ্রসন্ন, কৃষ্ণকমল প্রভৃতি বিরাট অথচ অধুনা-বিস্মৃত সাহিত্য-সেবকদের কীর্তি-অত্যন্ত নিষ্ঠার সহিত অনুধ্যান না করিলে বঙ্কিমচন্দ্র-রবীন্দ্রনাথের কীর্তির সম্যক পরিচয় লাভ করা কখনই সম্ভব নয়।

কেহ কেহ কেরীর সহিত বাংলা-সাহিত্যের ক্রমবিকাশের সম্পর্কে কাকতালীয় ঘটনার পর্যায়ে ফেলিয়া তাঁহার কৃতিত্ব লাঘব করিতে চাহিয়াছেন, অর্থাৎ খ্রীষ্টধর্মপ্রচাররূপ মূল লক্ষ্যে পৌঁছিতে অনিবার্য-

ভাবে বাংলা ভাষার যে সমৃদ্ধি ঘটয়া গিয়াছে, তাহার জন্ত কেরীকে ষোল আনা পূজা দিতে তাঁহার নারাজ। কেহ কেহ উৎসাহদাতা ও সহায়িতা মাত্র হিসাবে তাঁহার সর্বাঙ্গীণ গৌরব-কীর্তনে কার্পণ্য করিয়াছেন; কেহ কেহ আবার ব্যাকরণ-অভিধানকার মাত্র জ্ঞানে তাঁহাকে শিল্পীর পর্যায়ে স্থান দেন নাই, মজুরের কোঠায় ফেলিয়া মজুরের প্রাপ্য সম্মানটুকু মাত্র তাঁহাকে দিতে চাহিয়াছেন। কিন্তু আজ আমরা বুঝিতেছি, ইহার কোনও একটিতেই কেরীর পরিচয় সম্পূর্ণ নয়। বাংলা ভাষা ও সাহিত্যের পক্ষে তিনি সব মিলিয়া এক জন উইলিয়ম কেরী, কোনও অগ্রিম তুলনার দ্বারা অথবা বৈদেশিকত্বের কারণ দর্শাইয়া আজ তাঁহার মর্যাদা ক্ষুণ্ণ করা চলে না।

বাংলা দেশে কেরীর অপর সকল কীর্ত্তিও যদি কোন দিন নিঃশেষে বিলুপ্ত হয়, বাংলা সাহিত্য বাঁচিয়া থাকিলে তিনি স্বমহিমায় চিরদিন প্রতিষ্ঠিত থাকিবেন, কারণ তিনিই সর্বপ্রথম বাংলা ভাষাকে উচ্চ ও শিক্ষিত জনের আলোচ্য ভাষায় মর্যাদা দান করিয়াছিলেন। এক দিক হইতে আরবী ও ফারসী এবং অল্প দিক হইতে সংস্কৃতের চাপে বাংলা ভাষার যখন মৃতকল্প অবস্থা, তিনিই তখন আশ্চর্য্য রকম দূরদৃষ্টি দেখাইয়া এই ভাষার আশ্রয়ে আত্মপ্রকাশ করিতে স্থিতি করেন নাই; অন্য প্রাদেশিক বা প্রচলিত ভাষার প্রাধান্য অস্বীকার করিয়া সংস্কৃতানুসারিনী বাংলাকেই তিনি প্রচলিত ভারতীয় ভাষাসমূহের মধ্যে শ্রেষ্ঠ আসন দিয়াছিলেন। তাঁহার প্রচার মৌখিক প্রচারমাত্র নয়, তিনি বাংলা ভাষা ও সাহিত্যের সর্বাঙ্গীণ উন্নতিকল্পে দীর্ঘ জীবনের সাধনার দ্বারা মুখের উক্তিকে সপ্রমাণ করিয়াছেন। তিনিই প্রথম অনুভব করিয়াছিলেন—একটি বৃহৎ জাতির অন্তরে সর্ববিধ ভাব প্রকাশের পক্ষে এবং সাংসারিক ও ব্যবহারিক সকলবিধ প্রয়োজন সাধনের পক্ষে

বাংলা ভাষার মাধ্যমই যথেষ্ট ; যাতা সংস্কৃত ছাড়া অন্য কোনও ভাষার উপর নির্ভর না করিলেও তাহার চলিতে পারে। অষ্টাদশ শতাব্দীর শেষ ভাগে বৈদেশিক কেরী যাহা বুদ্ধিয়াছিলেন, বাঙালী প্রধানদের তাহা সম্যক্ প্রণিধান করিতে আরও শতাব্দীকাল সময় লাগিয়াছিল। কিন্তু কেরীর সেদিনকার চিন্তা ও ভাবনার ফসল আমরা পাইয়াছি এবং পাইয়া লাভবান হইয়াছি।

কেরীর এই ভাবনার সাক্ষ্যরূপ ফোর্ট উইলিয়ম কলেজের কাউন্সিলকে লিখিত তাঁহার ১৮২২ খ্রীষ্টাব্দের একটি পত্র আমরা পাইয়াছি। কলেজের আর্থিক অবস্থা তখন অত্যন্ত খারাপ, কর্তৃপক্ষ এই ওজুহাতে কলেজের বাংলা-বিভাগ উঠাইয়া দিবার আয়োজন করিতেছিলেন ; এই অবস্থায় বৃদ্ধ কেরী মর্মে আঘাত পাইয়া লিখিয়া-  
ছিলেন—

To the Council of the College of Fort William  
GENTLEMEN.

In reply to a letter from the Secretary to the College Council, under date of the 8th instant, calling upon me to state how far it may be necessary to maintain the Native Bengali Establishment in the College, which under existing circumstances appears "to be excessive," I beg leave to observe that the Establishment for the Bengalee and Sanskrit languages consists of

A First Pundit	at	200 Rs. per month.
A Second Pundit	at	100 Rs. ,,
A Writing Master	at	60 Rs. ,,
A Pundit	at	60 Rs. ,,
Four Pundits	at	40 Rs. each Rs. 160

making a total of Sa. Rs. 580 per month

Convinced as I am that the Bengalee language is superior in point of intrinsic merit to every language spoken in India, and in point of real utility yields to none, I can never persua-

ade myself to advise a step which would place it in a degraded point of view in the College. While therefore a first and second pundit are retained in the Persian and Hindoostanee Departments I must consider them as equally necessary in this.

...It is to be hoped that the present unprecedented and unmerited neglect of the Sanskrit and Bengalee languages will not continue....

13 August 1822.

W. Carey.\*

কেরী নিজে যুদ্ধক্ষেত্রে অবতীর্ণ হইয়াছিলেন কি না, তাহা আজ বিচার করিতে বসিলে হয়ত বিচারে ভুল হইবে, কিন্তু তিনি যে সুদক্ষ সেনাপতি হিসাবে যুদ্ধ পরিচালনা করিয়াছেন এবং তাঁহার পরিচালনাতেই যে যুদ্ধ জয় হইয়াছে, এ কথা আজ অস্বীকার করিবার উপায় নাই। এই গোষ্ঠীপতি উইলিয়ম কেরীই বাংলা-সাহিত্যের চিরস্মরণীয়। এ কথাও আমাদের চিরদিনই মনে রাখিতে হইবে যে—

To Carey belongs the credit of having raised the language from its debased condition of an unsettled dialect to the character of a regular and permanent form of speech, capable, as in the past, of becoming the refined and comprehensive vehicle of a great literature in the future.—S. K. De: *Bengali Literature*...p. 156.

ভবিষ্যতের সেই উত্তরাধিকার আমরা অর্জন করিয়াছি, সুতরাং কেরীকে স্বীকার করার মধ্যে আমাদের পূর্বপুরুষকে স্মরণের পুণ্য আছে।

\* Proceedings of the College of Fort William.—Home Miscellaneous No. 567, pp. 65-66.



সাহিত্য-সাধক-চরিতমালা—১৬৯

রামমোহন রায়

১৭৭৪—১৮৩৩



# ৰামমোহন ৰায়

ব্ৰজেন্দ্ৰনাথ বন্দ্যোপাধ্যায়



বিকাশে  
প্ৰচলিত  
কেন  
জীবন-

*and of*

ৰাষ্ট্ৰীয় সাহিত্য-পৰিষৎ  
২৪৩/১ আচাৰ্য প্ৰফুল্লচন্দ্ৰ বোড  
কলিকাতা-৬

## রামমোহন রায়

আবিষ্কার করিয়াছি। এই আবিষ্কারের ফলে রামমোহনের বহুমুখী প্রতিভার এমন সকল পরিচয় উন্মোচিত হইয়াছে, যাহা এত দিন লুক্কায়িত ছিল। 'সাহিত্য-সাধক-চরিতমালা'র এই সকল নূতন তথ্য লইয়া আলোচনার সুযোগ নাই, স্বল্প-পরিমারে ইহাতে ইঙ্গিত মাত্র দেওয়া হইয়াছে। জানি না, রামমোহনের বিস্তৃত ও পূর্ণাঙ্গ জীবনী লিখিয়া উত্তমতঃ পারিব কি না। না পারিলেও, যদি ভবিষ্যতে কেহ লেখেন, রায়ের সুবিধার জন্ত আমি এ-যাবৎ যে-সকল নূতন তথ্যের সন্ধান পাইয়াছি, সেগুলির প্রতি সহজেই দৃষ্টি আকর্ষণের জন্ত নিম্নে একটি তালিকা দিতেছি :—

### The Modern Review.

April,	1926	The Padishah of Delhi to King George the Fourth of England.
Apr.-May,	1926	Rajah Rammohun Roy's Mission to England.
June,	1927	An Unpublished letter of Rajah Rammohun Roy. P. 764.
Oct.	1928	Rammohun Roy on International Fellowship. Rajah Rammohun Roy at Rangpur. P. 434.
Dec.	1928	The English in India should adopt Bengali as their language.
Jan.-Feb.	1929	Rammohun Roy's Political Mission to England.
May,	1929	Rammohun Roy on the value of Modern Knowledge. P. 650.
June,	1929	Rammohun Roy and an English Official.
July,	1929	Rammohun Roy on Religious Freedom and Social Equality.
Oct.	1929	The Last Days of Rajah Rammohun Roy.
Jan.	1930	Rammohun Roy's Engagements with the Emperor of Delhi.

- May, 1930 Rammohun Roy in the Service of the East India Company.
- Apr.-May, August, 1931 Rammohun Roy as a Journalist.
- March, 1932 English Impressions of Rammohun Roy before his visit to England.
- June, 1932 Rammohun Roy on the disabilities of Hindu and Muhammadan Jurors.
- Dec. 1938 Three Tracts by Rammohun Roy.
- Jan. 1934 Rammohun Roy's Embassy to England.
- May, 1934 Answers of Rammohun Roy to Queries on the Salt Monopoly.
- Oct. 1934 Hariharananda-Nath Tirthaswami Kula-badhuta—The Spiritual Guide of Rammohun Roy.
- Apr. 1935 Societies founded by Rammohun Roy for Religious Reform.
- Oct. 1935 Rammohun Roy's Reception at Liverpool.

JOURNAL OF THE BIHAR AND ORISSA  
RESEARCH SOCIETY.

- Vol.-xvi, Pt. II Rammohun Roy as an Educational Pioneer.

THE CALCUTTA REVIEW.

- Aug. 1931 A Chapter in the Personal History of Raja Rammohun Roy.
- Dec. 1933 Rammohun Roy : The First Phase.
- Jan. 1934 Rammohun Roy.
- March, 1934 Rejoinder to 'A Note on Rammohun Roy : The First Phase.'
- Oct. 1935 Sutherland's Reminiscences of Rammohun Roy.

## বঙ্গশ্রী

আশ্বিন,	১৩৪০	রামমোহন রায়ের প্রথম জীবন
অগ্রহায়ণ,	১৩৪০	রামমোহন রায়
আষাঢ়,	১৩৪১	রামরায় বসু ও রামমোহন রায়
শ্রাবণ,	১৩৪১	ধর্মসংস্কারক রামমোহন রায়—প্রথম অভিব্যক্তি
ভাদ্র,	১৩৪২	রামমোহন রায় সংক্রান্ত একটি দলিল ।

## দেশ

২৬ জুন, ১৯৩৭ প্রাচীন ইংরেজী সংবাদপত্রে রামমোহন রায়ের কথা ।

## শনিবারের চিঠি

আষাঢ়... ১৩৫৩ রামমোহন রায়ের একটি অপ্রকাশিত দলিল ।

১৯২৬ *Rajah Rammohun Roy's Mission to England.*

১৯৩৭ 'সংবাদপত্রে সেকালের কথা,' ১ম খণ্ড, ২য় সংস্করণ

১৯৪২ 'সংবাদপত্রে সেকালের কথা,' ২য় খণ্ড, ২য় সংস্করণ

এগুলির মধ্যে তিনটি প্রবন্ধ বিশেষভাবে উল্লেখযোগ্য । প্রবন্ধ

তিনটি এই :—

Rammohun Roy : The First Phase. (*From New and Unpublished Sources.*) *The Calcutta Review* For December 1933.

Rammohun Roy : (*From New and Unpublished Sources.*) *The Calcutta Review* for January 1934.

ধর্মসংস্কারক রামমোহন রায়—প্রথম অভিব্যক্তি । 'বঙ্গশ্রী,' শ্রাবণ

১৩৪১ ।

১৮১৭ খ্রীষ্টাব্দে রামমোহনের আত্মসূত্র গোবিন্দপ্রসাদ রায় রামমোহনের নামে কলিকাতা সুপ্রীম কোর্টের ইকুইটি ডিভিশনে

একটি মকদ্দমা রুজু করেন। এই মকদ্দমায় রামমোহনের প্রথম-জীবন ও বিষয়-সম্পত্তি সম্বন্ধে প্রায় সকল কথাই উঠে, এবং রামমোহনের নিজে, তাঁহার বন্ধু ও আত্মীয়স্বজন এবং তাঁহার কর্মচারীদের সাক্ষ্য ও জবানবন্দি লওয়া হয়। রামমোহনের পরিবার-পরিজন, বাল্য-জীবন, বিষয়-সম্পত্তি ও চাকুরী ব্যবসায় সম্পর্কিত তথ্য সংগ্রহ করিতে হইলে এই সকল জবানবন্দির ব্যবহার অপরিহার্য। এই তিনটি প্রবন্ধে রামমোহনের প্রথম-জীবনের যে বিবরণ দেওয়া হইয়াছে, তাহা প্রধানতঃ এই সকল কাগজপত্র ও বোর্ড অব রেভিনিউয়ের পত্রাবলীর সাহায্যে রচিত।

এই তিনটি প্রবন্ধ প্রকাশের চার-পাঁচ বৎসর পরে পরলোকগত রায় চন্দ ও শ্রীযতীন্দ্রকুমার মজুমদার-সম্পাদিত *Selections from official Letters and Documents relating to the Life of Raja Rammohun Roy* (1938) নামক গ্রন্থ প্রকাশিত হইয়াছে। ইহারা এক শ্রেণীর লোক কর্তৃক এই গ্রন্থে বহু নূতন তথ্য উদঘাটনের জন্য অভিনন্দিত হইয়াছেন। কিন্তু আশ্চর্যের বিষয় এই যে, আমার বাংলা ও ইংরেজী প্রবন্ধ তিনটিতে রামমোহনের প্রথম-জীবন সম্বন্ধে জ্ঞাতব্য যে-সকল সংবাদ আছে, এই স্ববৃহৎ গ্রন্থে তাহার অতিরিক্ত একটি সংবাদও নাই। আমার ভাগ্য-দেবতা আমার প্রতি অপ্রসন্ন ছিলেন বলিয়াই উপরি-উল্লিখিত বিচারকদের হিসাব হইতে আমি বাদ পড়িয়াছিলাম। শুধু তাঁহারাই নন, রামমোহনের এই জীবনচরিতকাহেরাও আমাকে হিসাবের মধ্যে ধরেন নাই। ধরিবার কারণ যে যথেষ্ট ছিল, তাহার একটি সামান্য প্রমাণ এই : রামমোহন-জননী তারিণী দেবীর শ্রীক্ষেত্র গমন ও তথায় মৃত্যুর তারিখ সম্বন্ধে 'প্রবাসী'তে প্রকাশিত চন্দ-মহাশয়ের একটি প্রবন্ধের মূল সংশোধনার্থ আমি ২৬ জুন ১৯৩৭ তারিখের "দেশ" পত্রিকায় 'সম্বাদ কোমুদী'র যে বিবরণটুকু উদ্ধৃত করি, তাহাও দেখিতেছি, বিনা-স্বীকৃতিতে উক্ত গ্রন্থে যথাযথভাবে স্থান পাইয়াছে।

শ্রীযতীন্দ্রকুমার মজুমদার *Raja Rammohun Roy and the Last Moghuls. A Selection from Official Records (1803-1859)* নামক আরও একটি সুবৃহৎ গ্রন্থ তিন বৎসর পূর্বে (ইং ১৯৩৯) প্রকাশ করিয়া রামমোহন-ভক্তদের কৃতজ্ঞতাভাজন হইয়াছেন। কিন্তু মজুমদার-মহাশয় এই গ্রন্থে রামমোহনের যে-সকল চিঠিপত্র বা রামমোহন-সংক্রান্ত যে-সকল সংবাদ তাঁহার আবিষ্কার হিসাবে স্থান দিয়াছেন, তাহার সকলগুলিই যে বর্তমান জীবনী লেখক 'মডার্ন রিভিউ'পত্রে এবং *Raja Rammohun Roy's Mission to England (1926)* পুস্তকে প্রকাশ করিয়া ফেলিয়াছিল—এই সামান্য সত্য কথাটি জ্ঞাপন করিতে তাঁহার ভুল হইয়াছে। এমন কি, গত বর্ষে (ইং ১৯৪১) প্রকাশিত মজুমদার মহাশয়ের *Raja Rammohun Roy and Progressive Movements in India. A Selection from Records (1775-1845)* পুস্তকে মৎকর্তৃক বহুপূর্বে প্রকাশিত বহু উপাদান সন্নিবিষ্ট হইলেও সেই সেই উপাদান-সম্পর্কে আমার পরিশ্রম স্বীকৃত হয় নাই। সম্পূর্ণ সহায়সম্পদহীন ভাবে আমি যে সামান্য কাজ করিয়াছি, তাহা এই ভাবে উপেক্ষিত হওয়াতে আমি বেদনা বোধ করিয়াছি, তাহা বলাই বাহুল্য।

শ্রীব্রজেন্দ্রনাথ বন্দ্যোপাধ্যায় ।



# ৰামমোহন ৰায়

## পিতৃপরিচয়

ইংরেজ-শাসনকালে ভাৰতবৰ্ষে যে-সকল মহাপুৰুষ জন্মগ্ৰহণ কৰিয়াছেন, ৰামমোহন ৰায় তাঁহাদের এক জন। অষ্টাদশ শতাব্দীর তৃতীয় পাদ পূৰ্ণ হইবার দু-এক বৎসর পূৰ্বে হুগলী জেলার ৰাধানগরে এক সম্পন্ন বাঙালী ভদ্রলোকের ঘরে তাঁহার জন্ম হয়। তিনি যে-পরিবারে জন্মগ্ৰহণ করেন, সেই ধৰণের পরিবার তখনকার দিনে বাংলা দেশে বিৰল ছিল না। সে-যুগে অনেক বাঙালীই অৰ্থোপার্জনৰ উদ্দেশ্যে মুসলমান ৰাজসরকাৰে, বিশেষ কৰিয়া মুসলমান শাসকের ৰাজস্ব-বিভাগে চাকুরী লইতেন ও সেই চাকুরীলব্ধ অৰ্থে ভূসম্পত্তি কিনিয়া স্বগ্রামে জমিদার বা তালুকদার হিসাবে প্রতিষ্ঠিত হইবার চেষ্টা কৰিতেন।

ৰামমোহনের পিতা, পিতামহ, প্ৰপিতামহ, সকলেই এই শ্ৰেণীভুক্ত ছিলেন। তাঁহার প্ৰপিতামহ কৃষ্ণচন্দ্ৰ বন্দ্যোপাধ্যায় বাংলার ৰাজসরকাৰে চাকুরী কৰিয়া 'ৰায়-ৰায়ান্' উপাধি পান। তাঁহার পিতামহ ব্ৰজবিনোদ আলিবৰ্দ্দী খাঁৰ শাসনকালে বিশিষ্ট কৰ্মচাৰী ছিলেন এবং সম্ৰাট্ দ্বিতীয় শাহ আলম যখন পূৰ্বদেশে ছিলেন, তখন তিনি তাঁহার অধীনে কৰ্মচাৰী হিসাবে সুখ্যাতি অৰ্জন করেন। ৰামমোহনের পিতা ৰামকান্ত ৰায়ও মুৰ্শিদাবাদ সরকারে কাজ কৰিতেন বলিয়া কিংবদন্তী আছে। কিন্তু পর-জীৱনে তাঁহাকে আমরা নিজগ্রামে বিষয়-সম্পত্তিৰ তত্ত্বাবধানে ব্যাপৃত দেখিতে পাই।

ৰামকান্ত ছাড়া ব্ৰজবিনোদের আরও ছয় পুত্র ছিল। ইহাদের নাম—নিমানন্দ, ৰামকিশোর, ৰাধামোহন; গোপীমোহন, ৰামৰাম ও

বিষ্ণুরাম। ভ্রাতাদের মধ্যে রামকান্ত পঞ্চম ছিলেন। ইহারা সকলে রাধানগরের পৈতৃক ভদ্রাসনে একত্র বাস করিলেও পৃথগ্ন ছিলেন এবং প্রত্যেকের স্বাবর-অস্বাবর সম্পত্তিও স্বতন্ত্র ছিল। রামকান্ত রায়ের তিন সংসার ছিল। প্রথমা স্ত্রী সুভদ্রা দেবী নিঃসন্তান ছিলেন; দ্বিতীয়া তারিণী দেবী জগমোহন, রামমোহন ও এক কন্যার মাতা ও তৃতীয়া রামমণি দেবী—রামলোচন রায়ের মাতা ছিলেন।

তারিণী দেবীর দুই পুত্রের মধ্যে রামমোহন কনিষ্ঠ। পিতার রাধানগরে বাসকালেই ১৭৭৪ খ্রীষ্টাব্দে\* তাঁহার জন্ম হয়। তারিণী দেবী

\*রামমোহনের জন্মের দুইটি তারিখ চলিয়া আসিতেছে, ইং ১৭৭২ ও ১৭৭৪। ইহাদের মধ্যে কোনটি ঠিক, তাহা অকাট্যরূপে নির্ধারণ করিবার উপায় না থাকিলেও ১৭৭৪ খ্রীষ্টাব্দের পক্ষে সমসাময়িক প্রমাণ আছে ইহা রামমোহনের মনিব ও বন্ধু জন্ ডিগবীর দুইটি উক্তি। ডিগবীর উদ্বোধনে ১৮১৭ খ্রীষ্টাব্দে লণ্ডন হইতে *Trans. of an Abridgment of the Vedant, ..Likewise A Trans. of the Cena Upanishad* প্রকাশিত হয়। এই পুস্তকে তিনি রামমোহনের একটি সংক্ষিপ্ত পরিচয় দিয়াছেন। তাহাতে প্রকাশ, ১৮১৭ খ্রীষ্টাব্দে রামমোহনের বয়স ৪৩ বৎসর, এবং ডিগবীর সহিত যখন তাঁহার প্রথম সাক্ষাৎ হয়, তখন তাঁহার বয়স ২৭ বৎসর। এই দুইটি উক্তি হইতেই রামমোহনের জন্মবৎসর—ইং ১৭৭৪ পাওয়া যায়। ডিগবী ১৮০০ খ্রীষ্টাব্দের ডিসেম্বর মাসে এদেশে আসেন, এবং এর পর-বৎসর (ইং ১৮০১) কলিকাতায় রামমোহনের সহিত তাঁহার সাক্ষাৎ হয়। ১৭৭২ খ্রীষ্টাব্দে রামমোহনের জন্ম ঘরিলে, ১৭৯৯ খ্রীষ্টাব্দে ২৭ বৎসর হয়। কিন্তু ১৭৯৯ খ্রীষ্টাব্দে ডিগবী এদেশেই আসেন নাই,—রামমোহনের সহিত সাক্ষাৎ ওয়া ত দূরের কথা।

তেজস্বিনী, প্রথর বুদ্ধিশীলা ও নিষ্ঠাবতী মহিলা ছিলেন। রামমোহনের চরিত্রের অনেক গুণ সম্ভবতঃ তাঁহার মাতার নিকট হইতে পাওয়া।

রামমোহনের বাল্যকাল সম্বন্ধে আমরা কিছুই জানি না বলিলেই চলে। তাঁহার বাল্যশিক্ষা সম্বন্ধে কিংবদন্তী এইরূপ : তিনি কিছু দিন গুরু মহাশয়ের পাঠশালায় পড়িয়া, বাড়ীতে ফার্সী শেখেন ; অতঃপর তাঁহার পিতা তাঁহাকে আর্বা শিখিবার জন্য পাটনায় এবং শেষে সংস্কৃত শিখিবার জন্য কাশীতে পাঠাইয়াছিলেন। এই সকল কথার মধ্যে কতটা সত্য নিহিত আছে, তাহা বলা দুঃকর। রামমোহনের বন্ধু অ্যাডাম সাহেব আবার একখানি পত্রে লিখিয়াছেন ( ইং ১৮২৬ ) যে, রামমোহন যে একাদিক্রমে দশ বৎসর কাশীতে থাকিতে পারেন না, তাহা সুনিশ্চিত। বাল্যকালে রামমোহনের তিনটি আত্মগীতিক বিবাহের কথাও আমরা জানতে পারি। অতি অল্প বয়সে তাঁহার প্রথম স্ত্রীর মৃত্যু হয় ; অ্যাডামের একখানি পত্রে প্রকাশ, রামমোহনের বয়স যখন মাত্র ৯ বৎসর, সেই সময় তাঁহার পিতা এক বৎসরেরও কম ব্যবধানে দুই বার পুত্রের বিবাহ দিয়াছিলেন।

রামমোহন তাঁহার জীবনের প্রথম ১৪ বৎসর যে প্রধানতঃ রাধানগরের বাড়ীতেই কাটাষ্টয়াছিলেন, সে বিষয়ে সন্দেহ নাই। এই বাড়ীতেই চৌদ্দ বৎসর বয়সে তাঁহার সহিত সুখসাগরের নিকটবর্তী পালপাড়া গ্রাম-নিবাসী নন্দকুমার বিদ্যালঙ্কারের পরিচয় হয়। এই নন্দকুমার প্রথম-জীবনে অধ্যাপক ছিলেন ও পর-জীবনে তান্ত্রিক সাধনা করিয়া হরিহরানন্দ তীর্থস্বামী কুলাবধূত নামে পরিচিত হন। মনে হয়, রামমোহনের সংস্কৃত শাস্ত্রে অধিকার অনেকটা ইহার শিক্ষার ফল। অস্তুতঃ তিনিই যে রামমোহনকে তান্ত্রিক মতে আকৃষ্ট করেন, তাহা নিঃসন্দেহ। তিনি বয়সে রামমোহন অপেক্ষা প্রায় ১১ বৎসরের বড় ছিলেন।

পর-বৎসর, অর্থাৎ রামমোহনের বয়স যখন ১৫, তখন তিনি অন্য প্রকার ধর্ম দেখিবার মানসে পিতৃগৃহ ত্যাগ করিয়া দুই-তিন বৎসরের জন্ত তিব্বতে গিয়াছিলেন,—ডাঃ কার্পেণ্টার এই কথা রামমোহনের মুখে শুনিয়াছিলেন বলিয়া উল্লেখ করিয়াছেন। কিন্তু রামমোহন তাঁহার কোন রচনাতেই নিজমুখে তিব্বত-ভ্রমণের কথা বলেন নাই। তাঁহার প্রথম-জীবনের ভ্রমণ সম্বন্ধে, ১৮০৩-৪ খ্রীষ্টাব্দে প্রকাশিত 'তুহ্ ফাৎ-উল্-মুয়াহ্-হিদীনে' এইরূপ লিখিয়াছেন :—

আমি পৃথিবীর সুদূর প্রদেশগুলিতে, পার্বত্য ও সমতল ভূমিতে পর্যটন করিয়াছি।

১৭৯১ খ্রীষ্টাব্দের কাছাকাছি রামকান্ত রায় তিন স্ত্রী, তিন পুত্র ও দৌহিত্র সহ রাধানগরের পৈতৃক বাড়ী ছাড়িয়া চলিয়া যান এবং নিকটেই লাকুলপাড়া গ্রামে নূতন বাড়ী স্থাপন করেন। কি কারণে রামকান্ত পৈতৃক ভিটা ত্যাগ করেন, তাহা জানা যায় না। তবে রাধানগরের বাড়ীতে স্থানাভাব ইহার একটি কারণ হইতে পারে। এই সময়ে রামকান্তের অবস্থা খুব সচ্ছল ছিল। তিনি ১৭৯১ খ্রীষ্টাব্দের মে মাসে কোম্পানীর নিকট হইতে নয় বৎসরের জন্ত (ইং ১৭৯১-১৮০০) ভূরস্ট পরগণা ইজারা লন। রামকান্তের জ্যেষ্ঠ পুত্র জগমোহন এই ইজারার জন্ত পিতার জামিন হন। রামকান্ত পুত্রদ্বিগকে অল্প বয়স হইতেই বিষয়কর্মে শিক্ষা দিতে আরম্ভ করেন। ১৭৯৪ খ্রীষ্টাব্দে মেদিনীপুরের চেতোয়া পরগণায় হরিরামপুর নামে একটি বড় তালুক জগমোহন রায়ের নামে কেনা হয়। ১৭৯২-৯৫ খ্রীষ্টাব্দে রামমোহন কোথায় কি করিতেছিলেন, জানা যায় না বটে, তবে ২২ মার্চ ১৭৯৬ তারিখ দেওয়া তাঁহার লিখিত একখানি বাংলা চিঠি হইতে আমরা জানিতে পারি যে, এই সময়ে তিনিও পিতার বিষয়সম্পত্তির তত্ত্বাবধান করিতেছিলেন।

## সম্পত্তি-বিভাগ

দ্বীপুত্র পরিজন লইয়া রামকান্ত রায় লালুলপাড়ার নূতন বাড়ীতে দিন কাটাইতেছিলেন, এমন সময়ে একটি ঘটনা ঘটিল। ১৭২৬ খ্রীষ্টাব্দের ১লা ডিসেম্বর ( ১২ অগ্রহায়ণ ১২০৩ ) একটি দানপত্র দ্বারা নিজের জন্ম কিছু অংশ রাখিয়া, রামকান্ত বাকী সমস্ত সম্পত্তি পুত্রদের মধ্যে ভাগ করিয়া দিলেন। জগমোহন, রামমোহন ও রামলোচন তিন জনই এই দলিলে স্বীকারপত্র লিখিয়া দিলেন এবং উহা খানাকুল কৃষ্ণনগরের কাজীর নিকট রেজেষ্ট্রী করিয়া লওয়া হইল। কোন্ পুত্র কোন্ সম্পত্তি পাইবেন, তাহার তালিকা করিয়া দিয়া রামকান্ত লিখিলেন যে, তাঁহার তিন পুত্র এই ভাগ অমুযায়ী বসতবাটী ও জমিজমা ভোগ করিবেন, এবং কাহারও সম্পত্তির উপর অন্য কাহারও কোন প্রকার দাবী দাওয়া থাকিবে না; তিন পুত্র কাহাকেও নগদ টাকা দেওয়া হইল না; বস্ত্র অলঙ্কার প্রভৃতি ইতিপূর্বে যাহাকে যাহা দেওয়া হইয়াছে, তাঁহারই থাকিবে এবং পরে যদি দেওয়া হয়, তাহা হইলেও এইরূপ ব্যবস্থাই হইবে; তিন পুত্রের অংশ ছাড়া তাঁহার স্বেপার্জিত সম্পত্তির সামান্য অংশ ও বর্দ্ধমানের বসতবাটী তাঁহার নিজের রহিল; তাঁহার বর্দ্ধমান এবং ভবিষ্যৎ দেনা বা উপার্জনের সহিত তাঁহার পুত্রদের এবং পুত্রদের আয়ের সহিতও তাঁহার কোন সম্পর্ক রহিল না; অতঃপর তিনি যাহা উপার্জন করিবেন, তাহা তিনি যাহাকে ইচ্ছা দিবেন; পৈতৃক বিগ্রহের সেবা ও পূজার ভার পুত্রেরা সমভাবে লইবেন, কিন্তু তাঁহার নিজের স্থাপিত বিগ্রহের জন্ম তিনি নিজে দায়ী, উহার সহিত পুত্রদের কোন সংশ্বব নাই; জগমোহন রায় ও রামমোহন রায় তাহাদের মাতামহদত্ত জমিজমা পাইবেন; রামলোচন রায় তাঁহার মাতামহদত্ত জমি পাইবেন; ৬ ভট্টাচার্যের কন্যা [ তারিণী দেবী ] নিজ পুত্রদের নামে যে জমি এবং পুষ্করিণী ক্রয় করিয়াছেন, তাহা তাঁহাকে দেওয়া

হইল এবং ৮রামশঙ্কর রায়ের কন্যা [ রামমণি দেবী ] যে-সকল জমি ক্রয় করিয়াছেন, তাহা তাঁহাকে দেওয়া হইল ; তালুক হরিরামপুর সম্পূর্ণ জগমোহন রায়ের, উহার সহিত রামমোহন রায় বা রামলোচন রায়ের কোন সংশ্বব নাই ।

রামকান্ত রায়ের তিন পুত্রই এই দলিলে নিজ নিজ অংশের নীচে, “আমি শ্রী.....রায় বসন্তবাটী প্রভৃতি যাহা আমাকে দেওয়া হইল তাহা গ্রহণ করিলাম ও এই বাটোয়ারা অনুযায়ী দখল ও ভোগ করিব ; যদি অন্য কাহারও নামে লিখিত জমিজমাতে দাবী করি বা কেহ করে তবে তাহা মিথ্যা”—এই মর্মে স্বাক্ষর করিলেন ।

এই বাটোয়ারা অনুযায়ী রামমোহন নিম্নলিখিত সম্পত্তি পাইলেন :—

#### শ্রীরামমোহন রায়ের অংশ

মোজা লাসুলপাড়া :—

বসন্তবাটী ও বেড়, চৌহদ্দিযুক্ত, গাছ প্রভৃতি সহ এবং  
খিড়কীর দরজার দিকে পুষ্করিণী ও নূতন পুষ্করিণী ।

এই সকলের অর্ধেক ... ১ দফা

গোহালবাড়ী ও বেড়, গাছ সহ ও চৌহদ্দিযুক্ত বাড়ী ... ৮ বিঘা

মোজা কৃষ্ণনগর :—

স্বর্ষ্যদাস রায়ের বেড় ধানের জমি ... ২ বিঘা

কোঠালিয়ারকুণ্ডের ধানের জমি ... ৩ বিঘা

পরগণা চন্দ্রকোণায় পুরণচক ... ৭০ বিঘা

মোজা কাট্যাদলে পৈতৃক বেড়ে আমার অংশ ... ১ দফা

মোজা কলিকাতার জোড়াসাঁকোতে রামকৃষ্ণ

শেঠ ও অন্যান্য লোক হইতে ক্রীত বাড়ী

ও পুষ্করিণী । চৌহদ্দিযুক্ত ... ১ দফা

গোপীনাথপুরে পৈতৃক পুষ্করিণীতে নিজ অংশ ... ১ দফা

অন্য ভ্রাতাদের অংশের বর্ণনা এখানে দেওয়া নিম্নয়োজন। তবে মোটামুটি এই কথা বলা যাইতে পারে যে, একটি তালুকের ( হরিরামপুর ) কথা বাদ দিলে তিন পুত্রই সমান ভাগ পান। বসতবাড়ীর মধ্যে লাজুলপাড়ার নূতন বাড়ী সমানভাবে জগমোহন ও রামমোহনের ভাগে পড়িল। রামকান্ত রাধানগরের পৈতৃক বাড়ীর স্বত্ব ত্যাগ করেন নাই; উহা দেওয়া হইল রামলোচন রায়কে। রামকান্ত রায়ের কলিকাতা জোড়াসাঁকোর বাড়ী একমাত্র রামমোহনেরই ভাগে পড়িল; এই বাড়ীটির মূল্য তখনকার দিনে আন্দাজ তিন হাজার টাকা।

সম্পত্তি ভাগ হইয়া গেল এবং তাহার সঙ্গে সঙ্গে আরও কিছু পরিবর্তন আসিয়া পড়িল। কিছু দিন পরে মাতা সহ রামলোচন রায় লাজুলপাড়া হইতে রাধানগরে চলিয়া গেলেন এবং মৃত্যু পর্য্যন্ত ( পৌষ ১২১৬ ) সেইখানেই বাস করিলেন। রামকান্ত বর্দ্ধমানে চলিয়া গেলেন এবং সেইখানে থাকিয়া নিজের ইজারা-লওয়া জমিদারী ও বর্দ্ধমানাধিপতি তেজচন্দ্রের মাতা মহারানী বিষ্ণুকুমারীর বিষয়সম্পত্তির তত্ত্বাবধান করিতে লাগিলেন। এখানে বলা প্রয়োজন, তিনি মহারানী বিষ্ণুকুমারীর মোক্তার ছিলেন। সম্পত্তি-বিভাগের পর হইতে মৃত্যু পর্য্যন্ত রামকান্ত সাধারণতঃ বর্দ্ধমানেই থাকিতেন, কিন্তু মাঝে মাঝে লাজুলপাড়া ও রাধানগরেও যে না-যাইতেন, এমন নহে। তাঁহার পুত্রেরাও সময়ে সময়ে তাঁহার সহিত দেখা করিবার জন্য বর্দ্ধমানে যাইতেন। দেশে থাকিলে রামমোহনও অন্য পুত্রদের মত পিতার সহিত সাক্ষাৎ করিতে যাইতেন। কিন্তু রামকান্তের পত্নীরা কখনও বর্দ্ধমানে গিয়া বাস করেন নাই।

সম্পত্তি-বিভাগের ফলে রামলোচন রায় ও তাঁহার মাতা লাজুলপাড়ার বাড়ী হইতে চলিয়া গেলেন, কিন্তু সেখানে কোন বিশেষ ব্যবস্থা-পরিবর্তন হইল না। ভারিণী দেবী কর্তী হইয়া বাড়ীর ঐহিক ও পারত্রিক সকল কৰ্ম নির্বাহ করিতে লাগিলেন। তাঁহার পুত্র, পুত্রবধু, দৌহিত্র

( গুরুদাস মুখোপাধ্যায় ) প্রভৃতি তাঁহারই কর্তৃত্বাধীনে বাস করিতে লাগিলেন ।

এই সময় হইতে রামমোহনের কার্যকলাপ ও গতিবিধি সম্বন্ধে আমরা আরও একটু বেশী সংবাদ পাইতে আরম্ভ করি । এই সকল সংবাদ যথেষ্ট না হইলেও উহাদের সাহায্যে এই সময় রামমোহন কোথায় কি কাজে ব্যাপ্ত ছিলেন, তাহার অনেকটা আভাস পাওয়া যায় । রামমোহনের জ্যেষ্ঠা নিমানন্দের পুত্র গুরুপ্রসাদ রায়ের জবানবন্দিতে প্রকাশ, সম্পত্তি-বিভাগের নয় মাস পরে রামমোহন কলিকাতায় বাস করিতে যান । কিন্তু এত শীঘ্রই তিনি কলিকাতার বাসিন্দা হইয়াছিলেন কি-না, সে বিষয়ে সন্দেহ আছে ।

১৭২৭ খ্রীষ্টাব্দে রামমোহন যে কলিকাতা যান, তাহার কারণ খুব সম্ভব একটি বৈষয়িক ব্যাপার । এই বৎসর তিনি অনরবেল অ্যাণ্ডক-র্যাম্জে নামে কোম্পানীর এক সিবিলিয়ানকে সাড়ে সাত হাজার টাকা কর্জ দেন । এই টাকাটা রামমোহন তাঁহার সরকার—গোলকনারায়ণ সরকারের হাতে এক অ্যাটর্নীর আপিসে পাঠাইয়া দিয়াছিলেন । সেইখানে র্যাম্জে দলিল লিখিয়া দেন ।

ইহার পর রামমোহনের লিখিত ২১ ফেব্রুয়ারি ১৭২৮ ও ২৮ ফেব্রুয়ারি ১৭২৯ তারিখের দুইটি পত্রে আমরা দেখিতে পাই যে, ১৭২৮ ও ১৭২৯ খ্রীষ্টাব্দের প্রথম দিকে তিনি ভুরস্ট পরগণায় পিতার বিষয়-সম্পত্তির তত্ত্বাবধান করিতেছেন । এই সকল আভাস-ইঙ্গিত হইতে মনে হয়, রামমোহন এই কয় বৎসর বিষয়কর্ম উপলক্ষে কলিকাতা, বর্ধমান, লাহুলপাড়া ও নিকটবর্তী নানা জায়গায় ঘুরিয়া বেড়াইতেছিলেন ।

১৭৩২ খ্রীষ্টাব্দে রামমোহন বিষয়সম্পত্তি-সংক্রান্ত একটি বড় কার্য সমাধা করেন । এই বৎসরের ১২ই জুলাই তিনি বর্ধমানে গঙ্গাধর ঘোষ ও রামতল্লু রায়ের নিকট হইতে ৩,১০০ ও ১,২৫০ টাকায়



গোবিন্দপুর ও রামেশ্বরপুর নামে দুইটি বড় তালুক একই দিনে ক্রয় করেন। ইহার প্রথমটি জাহানাবাদ পরগণায় ও দ্বিতীয়টি চন্দ্রকোণা পরগণায় অবস্থিত। রামমোহনের ভূসম্পত্তির মধ্যে এ-দুটি খুব মূল্যবান ছিল। উহা হইতে আদায়-খরচ ও সদর-জমা (বাৎসরিক ২১,৮৬৫১৯) দিয়া রামমোহনের পাঁচ-ছয় হাজার টাকা আয় হইত।

## রায়-পরিবারের ভাগ্যবিপর্যয়

১৭৯৯ ও ১৮০০ খ্রীষ্টাব্দে হঠাৎ রায়-পরিবারের ঘোরতর দুর্ভিক্ষ উপস্থিত হইল এবং ইহার ফলে তিন বৎসরের মধ্যে উহারা প্রায় সর্বস্বান্ত হইয়া গেলেন। ১৭৯৮ খ্রীষ্টাব্দের নবেম্বর মাসে মহারানী বিষ্ণুকুমারীর মৃত্যু হয়। এই ঘটনার সঙ্গে সঙ্গে বর্দ্ধমানের রামকান্ত রায়ের যে প্রতিপত্তি ও ক্ষমতা ছিল, তাহার অবমান হইল। ১৮০০ খ্রীষ্টাব্দে রামকান্ত রায়ের ভূরস্বটের ইজারার মিয়াদ ফুরাইয়া গেল এবং দেখা গেল, তাঁহার খাজনার কিস্তি বাকি পড়িয়াছে। এই সময় বাকি খাজনা বাবদ তাঁহার নিকট বর্দ্ধমানের রাজার দাবীও প্রায় আশী হাজার টাকায় দাঁড়াইয়াছিল। এই সকল ঋণ শোধ করিবার সঙ্গতি রামকান্তের ছিল না। সুতরাং ১৮০০ খ্রীষ্টাব্দের মাঝামাঝি সর্বপ্রথমে গবর্নেন্ট তাঁহাকে বাকি খাজনার জন্ত হুগলীর দেওয়ানী জেলে আবদ্ধ করিলেন। এই টাকার (সুদ ও আসলে ৩,৩৩৮৯/৫) কিয়দংশ রামকান্ত নিজে শোধ করিলেন, বাকিটা তাঁহার পুত্র ও জামিন জগমোহন রায়ের সম্পত্তির অংশ-বিশেষ বিক্রয় করিয়া শোধ করা হইল; এবং রামকান্ত ১৮০১ খ্রীষ্টাব্দের অক্টোবর মাসে মুক্তি পাইলেন। কিন্তু বর্দ্ধমানের রাজা প্রাপ্য টাকার জন্ত তখনই আবার তাঁহাকে দেওয়ানী জেলে আবদ্ধ করিলেন।

এই বাবে রামকান্তকে প্রথমে হুগলী ও পরে বর্ধমানের জেলে রাখা হইল। পরে বর্ধমানের মহারাজাকে পাঁচ শত টাকা নগদ ও বাকি টাকা এগার বৎসরে শোধ করিবেন—এই মর্মে একটি কিস্তিবন্দির দলিল লিখিয়া দিয়া দেওয়ানী জেল হইতে মুক্তি পান। ১৮০১ খ্রীষ্টাব্দে জগমোহন রায়ও গবর্মেণ্টের খাজনা বাকি ফেলিলেন এবং তাঁহাকেও মেদিনীপুরের দেওয়ানী জেলে আবদ্ধ করিয়া রাখা হইল। এই জেল হইতে তিনি মুক্তি পাইলেন ১৮০৫ খ্রীষ্টাব্দের মার্চ মাসে।

রায়-পরিবারের এই ভাগ্যবিপর্যয় হইতে একমাত্র রামমোহনই মুক্ত রহিলেন। ১৭৯৯ খ্রীষ্টাব্দের শেষের দিকে তিনি “পাটনা, কাশী ও কলিকাতা হইতে দূরবর্তী প্রদেশে” যাইবার জন্য অন্তরঙ্গ বন্ধু (“confidential friend”) রাজীবলোচন রায়ের সহিত নিজের তালুকাদির বিলি-বন্দোবস্ত করিতে আরম্ভ করিলেন। ১৮০০ খ্রীষ্টাব্দের মাঝামাঝি পুত্র রাধাপ্রসাদ জন্মবার পূর্বেই, রামমোহন পশ্চিম যাত্রা করিলেন। এই যাত্রার উদ্দেশ্য খুব সম্ভব চাকুরী বা অর্থোপার্জন। যে রায়মুজকে তিনি বৎসর-তিনেক পূর্বে সাড়ে সাত হাজার টাকা কর্ত্ত দেন, তিনি তখন কাশীতে ছিলেন।

কিন্তু রামমোহনের বিদেশ-প্রবাস দীর্ঘকাল স্থায়ী হয় নাই। ১৮০১ খ্রীষ্টাব্দেই তিনি আবার কলিকাতায় ফিরিয়া আসেন। ইহার পর বৎসর-দুই রামমোহন কলিকাতা হইতে কোথাও গিয়াছিলেন বলিয়া মনে হয় না। কয়েক বৎসর পরে (ইং ১৮০২) বড়লাটের নিকট একটি দরখাস্তে রামমোহন লেখেন যে, তাঁহার বংশ ও শিক্ষা সম্বন্ধে সকল সংবাদ সম্বর দেওয়ানী আদালত ও কোর্ট উইলিয়ম কলেজের প্রধান কর্মচারীগণ ও কোম্পানীর অন্যান্য কর্মচারীদের নিকট হইতে জানা যাইবে। তাঁহাকে রংপুরের দেওয়ানীর জন্য সুপারিশ করিবার সময়ে কলেজের ডিগবীও লেখেন (৩১ জানুয়ারি ১৮১০) যে, সম্বর দেওয়ানী

আদালতের প্রধান কাজী ও কোর্ট উইলিয়ম কলেজের প্রধান ফার্সী মুন্সী রামমোহন রায়ের চরিত্র ও কর্মদক্ষতা সম্বন্ধে সংবাদ দিতে পারিবেন। এই সকল উক্তি হইতে মনে হয়, রামমোহন সদয় দেওয়ানী আদালতের ও কোর্ট উইলিয়ম কলেজের সহিত কোন-না-কোন প্রকার ঘনিষ্ঠভাবে সংশ্লিষ্ট ছিলেন। ইংরেজ কর্মচারিগণের ফার্সী ও মুসলমান আইন শিক্ষার প্রয়োজনের জন্ত সে যুগে কলিকাতায় মুসলমানী বিদ্যালয় খুব চর্চা ছিল। সুতরাং রামমোহন কলিকাতায় মুসলমানী বিদ্যালয় মৌলবীদের সাহায্যে আর্বা-ফার্সীর ব্যাপ্তি গভীরতর করেন, তাহাও অসম্ভব নয়। ১৮০১ খ্রীষ্টাব্দে খুব সম্ভব কলিকাতাতেই তিনি জন্ ডিগবীর সহিতও পরিচিত হন। ডিগবী ১৮০০ খ্রীষ্টাব্দের ডিসেম্বর মাসে এদেশে আসেন এবং অল্প সকল সিভিলিয়ানদের মত সর্বপ্রথম কলিকাতায় কোর্ট উইলিয়ম কলেজে দেশীয় ভাষা শিক্ষা করেন। ডিগবী বলিয়া গিয়াছেন যে, তাঁহার সহিত রামমোহনের প্রথম পরিচয় হওয়ার সময়ে রামমোহনের বয়স সাতাইশ বৎসর ছিল। আমাদের হিসাবে উহা ১৮০১ খ্রীষ্টাব্দেই হয়।

কলিকাতায় রামমোহন নানা বৈষয়িক কাজকর্মও করিতেন। তিনি কোম্পানীর কাগজ কিনিতেন ও উহার বাবসা করিতেন। ১৮০২ খ্রীষ্টাব্দে তিনি কলিকাতায় টমাস উডফোর্ড নামে কোম্পানীর আর একজন সিভিলিয়ানকে পাঁচ হাজার টাকা কর্তব্য দেন। এই টাকাটা কর্তব্য দিবার সময় রামমোহনের তহবিলে মাত্র দুই হাজার টাকা থাকায় বাকি তিন হাজার টাকা জোড়াসাঁকোর সুরকুম্ভ সিংহের নিকট হইতে আনা হয়। উডফোর্ড ইহার জন্ত রামমোহনকে তমসুক লিখিয়া দেন।

ইহার কয়েক মাস পরেই রামমোহন ঢাকা-আলালপুরে (বর্তমান কুড়িদপুরে) যথারীতি জামিন দিয়া উডফোর্ডের দেওয়ান নিযুক্ত হইয়াছেন (৭ মার্চ ১৮০৩) দেখিতে পাই। উডফোর্ড ঢাকা-আলালপুরের কলেक्टर ছিলেন। রামমোহনের এই দেওয়ানী-পদ দীর্ঘকাল স্থায়ী হয় নাই। দুই

মাস পরেই ১৮০৩ খ্রীষ্টাব্দের ১৪ই মে তিনি পদত্যাগ করেন। ইহার কারণ, অসুস্থতার জন্য উডফোর্ডের ঢাকা-জালালপুর ত্যাগ।

আর্থিক দুশ্চিন্তা ও দুর্দশার মধ্যে এই সময়ে—১২১০ সালের জ্যৈষ্ঠ মাসে (মে-জুন ১৮০৩) বর্ধমানের বাড়ীতে রামকান্ত রায়ের মৃত্যু হইল। তাঁহার পুত্রদের মধ্যে রামলোচন রায় সম্ভবতঃ তখন সেখানে উপস্থিত ছিলেন, তাঁহার দৌহিত্র গুরুদাস মুখোপাধ্যায় মৃত্যুর পনের দিন বর্ধমানে আসিয়া পৌঁছেন। তাঁহার অপর দুই পুত্রের মধ্যে জগমোহন রায় তখন মেদিনীপুর জেলে, রামমোহন খুব সম্ভব কলিকাতায় অথবা ঢাকা-জালালপুর হইতে কলিকাতার পথে। তিনি ১৪ই মে (২রা জ্যৈষ্ঠ) ঢাকা-জালালপুরের কর্ম ত্যাগ করেন। তিনি পিতার মৃত্যুশয্যায় উপস্থিত ছিলেন না বলিয়াই আমাদের ধারণা।\*

রামকান্তের মৃত্যুর পর শ্রদ্ধা লইয়া রামমোহন ও অন্যান্য সকলের মধ্যে একটা গণ্ডগোল উপস্থিত হইল। পরিশেষে রামমোহন নিজ-

---

\* আমরা মকদ্দমার যে-সকল কাগজপত্রের সাহায্যে এই আখ্যায় রচনা করিয়াছি, উহাদের মধ্যে তারিণী দেবীকে রামমোহনের পক্ষ হইতে জেরা করিবার উদ্দেশ্যে লিখিত কয়েকটি প্রশ্ন আছে। উহাদের একটি এইরূপ :—“উল্লিখিত রামকান্ত রায়ের মৃত্যু সময়ে রামমোহন রায় কোথায় ছিলেন, এ-বিষয়ে কি জানেন, কি শুনিয়াছেন, কি বিশ্বাস করেন?” ঠিক এই ধরণের প্রশ্ন জগমোহন সম্বন্ধেও জিজ্ঞাসা করা হইয়াছে: কিন্তু রামলোচন সম্পর্কে এ প্রশ্ন করা হয় নাই। জগমোহন পিতার মৃত্যুর সময়ে অসুস্থ ছিলেন। সে জন্য মনে হয়, রামমোহনও পিতার মৃত্যুকালে উপস্থিত ছিলেন না। তাহা ছাড়া রায়-পরিবারের পুরোহিত রাধাকৃষ্ণ বন্দ্যোপাধ্যায় ভট্টাচার্যের জবানবন্দিতে আছে :—“রামকান্ত রায়ের মৃত্যুর সময়ে জগমোহন রায় মেদিনীপুর জেলে ছিলেন এবং রামমোহন রায় বিদেশে ছিলেন ; সে দেশের নাম তাঁহার স্মরণ নাই।”

ব্যয়ে কলিকাতায় এক শ্রাদ্ধ করিলেন, তারিণী দেবী দৌহিত্রের অলঙ্কারাদি বন্ধক রাখিয়া টাকা সংগ্রহ করিয়া লাজুলপাড়ায় শ্রাদ্ধের ব্যবস্থা করিলেন এবং সেই শ্রাদ্ধ করিলেন রামলোচন রায়, জগমোহন জ্যেষ্ঠ পুত্র হিসাবে মেদিনীপুর জেলের মধ্যেই আর একটি শ্রাদ্ধ করিলেন।

মৃত্যুকালে রামকান্তের কোন নগদ টাকা ছিল না। সম্পত্তির মধ্যে বর্ধমানের সাত-আট হাজার টাকা মূল্যের একটি বাড়ী ও পঞ্চাশ-ষাট বিঘা নিষ্কর ও ব্রহ্মোত্তর ছিল। বাড়ীটি বর্ধমানের মহারাজা ঋণের জন্ত দখল করিয়া লইলেন, ব্রহ্মোত্তর জমি রামকান্তের নির্দেশ অনুযায়ী তারিণী দেবী কর্তৃক দেবসেবায় নিয়োজিত হইল।

রামকান্তের মৃত্যু ও জগমোহনের কারাবাসের জন্ত রায়-পরিবার যখন দুর্দশাগ্রস্ত, তখন রামমোহনের অবস্থা বেশ সম্পন্ন। তিনি নিজেও এই কথার ইঙ্গিত করিয়া গিয়াছেন এবং আমরা তাঁহাকে ১৮০৩ খ্রীষ্টাব্দে লাজুলপাড়ায় একটি নূতন তালুক কিনিতেও দেখি।

রামমোহন ইহার কিছু দিন পরেই সম্ভবতঃ মুর্শিদাবাদে যান। এই সময় তাঁহার দুই সিবিলিয়ান পৃষ্ঠপোষক—র্যাম্‌জে এবং উডফোর্ডও মুর্শিদাবাদে ছিলেন। মুর্শিদাবাদে ১৮০৩ অথবা ১৮০৪ খ্রীষ্টাব্দে রামমোহনের একেশ্বরবাদ সম্বন্ধীয় আর্বি ও ফার্সী পুস্তক 'তুহফাৎ উল্ মুয়াহ্‌হিদীন' প্রকাশিত হয় বলিয়া মিস্ কলেট বলিয়া গিয়াছেন। ইহা ঠিক হওয়াই সম্ভব।

## রামমোহন ও জন্ ডিগবী

রামমোহনের উপরিতন কর্মচারী, মনিব ও বন্ধু হিসাবে জন্ ডিগবীর নামে সুপরিচিত। কিন্তু যে সকল ইংরেজ রাজপুরুষের সহিত তাঁহার পরিচয় ও ঘনিষ্ঠতা হয়, ডিগবী তাঁহাদের প্রধান হইলেও প্রথম

নহেন। ইহার পূর্বে রামমোহন যে উডফোর্ড নামে এক জন সিভিলিয়ানকে টাকা কর্ত্ত্ব দেন ও তাঁহার অধীনে কাজ করেন, তাহা আমরা পূর্বেই দেখিয়াছি। ১৮০৪ খ্রীষ্টাব্দের ফেব্রুয়ারি মাসে উডফোর্ড মুর্শিদাবাদে বদলি হন এবং রামমোহনও সম্ভবতঃ তাঁহার সঙ্গে সেখানে যান। কিন্তু পর-বৎসরেই উডফোর্ড পীড়িত হইয়া পড়েন এবং ১৮০৫ খ্রীষ্টাব্দের আগস্ট মাসে সমুদ্র-যাত্রা করেন। এই ঘটনার পর রামমোহন ডিগবীর অধীনে কর্ম্মগ্রহণ করেন।

১৮০৫ খ্রীষ্টাব্দের মধ্যভাগ হইতে ১৮১৪ খ্রীষ্টাব্দের মধ্যভাগ পর্যন্ত রামমোহনের সহিত ডিগবীর ঘনিষ্ঠ পরিচয়ের যুগ। এই সময়ে রামমোহন ডিগবীর সহিত প্রথমে রামগড়, পরে রামগড় হইতে যশোহর, যশোহর হইতে ভাগলপুর, এবং সর্বশেষে ভাগলপুর হইতে রংপুর যান। কিন্তু ডিগবীর সহিত রামমোহনের কেবল মাত্র মনিব-কর্ম্মচারীর সম্বন্ধই ছিল না। রামমোহন ডিগবীর নিকট হইতে গভীর ভাবে ইংরেজী শিক্ষা করেন। ডিগবীও রামমোহনকে অতিশয় শ্রদ্ধা করিতেন।

রামমোহন যখন যেখানে যে চাকুরীই করুন না কেন, সর্বদাই আত্মসম্মান বজায় রাখিয়া চলিবার চেষ্টা করিয়াছেন। এ-বিষয়ে একটি ঘটনার উল্লেখ করিতেছি। ডিগবী ভাগলপুরে বদলি হইবার পর রামমোহনও ভাগলপুরে গিয়াছিলেন। ১৮০৯ খ্রীষ্টাব্দের ১লা জানুয়ারি তারিখে রামমোহন ভাগলপুরে পৌঁছেন; সেই দিন তাঁহার সহিত সেখানকার কলেक्टर সারু ফ্রেডারিক হ্যামিল্টনের একটা সংঘর্ষ হয়। মুসলমান আমলে উচ্চপদস্থ রাজকর্ম্মচারীদের সম্মুখ দিয়া সাধারণ লোকের পাঙ্কীতে বা ঘোড়ায় চড়িয়া বা ছাতা-মাথায় যাইবার অধিকার ছিল না। ইংরেজরা যখন প্রথম এই দেশে আসেন, তখন তাঁহাদের কেহ কেহ এইরূপ সম্মান আদায় করিতে ভালবাসিতেন। সারু ফ্রেডারিক হ্যামিল্টনও এই শ্রেণীর লোক ছিলেন। রামমোহন যখন পাঙ্কীতে কড়িয়া যাইতে-

ছিলেন, তখন তিনি এক ইটের পাঁজার উপর দাঁড়াইয়া ছিলেন। এক জন দেশীয় লোককে সম্মুখ দিয়া পাঙ্কী চড়িয়া চাপরাসী বরকন্দাজ লইয়া যাইতে দেখিয়া সারু ফ্রেডারিকের অত্যন্ত রাগ হইল। তিনি চীৎকার করিয়া রামমোহনকে পাঙ্কী হইতে নামিতে বলিতে লাগিলেন, এবং ইহাতে রামমোহনের পাঙ্কী ধামে না দেখিয়া ঘোড়া ছুটাইয়া গিয়া তাঁহার পাঙ্কী আটকাইলেন। তখন রামমোহন পাঙ্কী হইতে নামিয়া সারু ফ্রেডারিক হ্যামিণ্টনকে ভদ্রভাবে অভিবাদন করিয়া বুঝাইবার চেষ্টা করিতে লাগিলেন। কিন্তু ইহাতে সারু ফ্রেডারিকের রাগ ধামে না দেখিয়া গালাগালিতে কর্ণপাত না করিয়া আবার পাঙ্কীতে চড়িয়া চলিয়া গেলেন ও কিছু দিন পরে [ ১২ এপ্রিল ১৮০২ ] স্বয়ং বড়লাট লর্ড মিন্টোর নিকট এই অপমানের প্রতিকারের জন্য আবেদন করিলেন। এই আবেদনের ফলে আদেশ হইল যে, ভবিষ্যতে সারু ফ্রেডারিক হ্যামিণ্টন যেন দেশীয় লোকের সহিত এইরূপ বচসা না করেন।

রামমোহনের এই আবেদনপত্রখানি ইংরেজীতে লিখিত। এটিকে আপাততঃ তাঁহার সর্বপ্রথম ইংরেজী রচনা বলিতে হইবে। প্রচলিত কোন রামমোহন-জীবনীতে ইহা নাই, এই কারণে আবেদনপত্রখানি নিম্নে উদ্ধৃত হইল :—

To the Right Hon'ble Lord Minto

Governor-General, etc. etc

The humble petition of Rammohun Roy

Most humbly sheweth,

That your petitioner, in common with all the native subjects of the British Government, looks up to your Lordship as the guardian of the just rights and dignities of that class of your subjects against all acts which have a tendency either directly or indirectly to invade those right and dignities, and your petitioner more especially appeals

to your Lordship as, from the nature of the treatment, however degrading, which he has experienced, and from the nature of existing circumstances with reference to the rank and distinction of the gentleman from whom it proceeded, your petitioner is precluded from any other means of obtaining redress.

Confiding therefore in the impartial justice of the British Government and in the acknowledged wisdom which governs and directs all its measures in the just spirit of an enlarged and liberal policy, your petitioner proceeds with diffidence and humility to lay before your Lordship, the following circumstances of severe degradation and injury, which he has unmeritedly experienced at the hands of Sir Frederick Hamilton.

On the 1st of January last, your petitioner arrived at the Ghaut of the river of Bhaugulpur, and hired a house in that town. Proceeding to that house at about 4 o'clock in the afternoon, your petitioner passed in his palanquin through a road on the left side of which Sir Frederick Hamilton was standing among some bricks. The door of the Palanquin being shut to exclude the dust of the road, your petitioner did not see that gentleman, nor did the peon who preceded the palanquin, apprise your petitioner of the circumstance, he not knowing the gentleman, much less supposing that, that gentleman (who was standing alone among the bricks), was the Collector of the district. As your petitioner was passing, Sir Frederick Hamilton repeatedly called out to him to get out of his palanquin, and that with an epithet of abuse too gross to admit of being stated here without a deparature from the respect due to your Lordship. One of the servant of your petitioner who followed in the retinue, explained to Sir Frederick Hamilton, that your petitioner had not observed him



in passing by, nevertheless that gentleman still continued to use the same offensive language, and when the palanquin had proceeded to the distance of about 300 yds. from the spot where Sir Frederick Hamilton had stood, that gentleman overtook it on horseback. Your petitioner then for the first time understood that the gentleman who was riding alongside of his palanquin, was the Collector of the district, and that he required a form of external respect, which, to whatever extent it might have been enforced under the Mogul Government, your petitioner had conceived from daily observation, to have fallen under the milder, more enlightened and more liberal policy of the British Government, into entire disuse and disesteem. Your petitioner then, far from wishing to withhold any manifestation of the respect due to the public officers of a Government with he held in the highest veneration, and notwithstanding the novelty of the form in which that respect was required to be testified alighted from his palanquin and saluted Sir Frederick Hamilton, apologizing to him for the omission of that act of public respect on the grounds that, in point of fact, your petitioner did not see him before, on account of the doors of his palanquin being nearly closed. Your petitioner stated however at the same time that even if the doors had been open, your petitioner would not have known him, nor would have supposed him to be the Collector of the district. Upon this Sir Frederick asked your petitioner how the servant of the latter came to explain to him already, with your petitioners's salam, the reason of your petitioner's, not having alighted from his palanquin. Your petitioner's servants stated in reply to the observations of Sir Frederick Hamilton that, he had not been desired by your petitioner to give that explanation, but that seeing that your petitioner had

gone on and knowing that the doors of the palanquin were almost shut, he had explained that circumstance to Sir Frederick Hamilton, in the hope of inducing that gentleman to discontinue his abusive language, but that he the servant had not expressed your petitioner's salam as he had had no communication with your petitioner on the subject ; Sir Frederick Hamilton then desired your petitioner to discharge the servant from his service and went away. In the course of that conversation, calculated by concession and apology to pacify the temper of Sir Frederick Hamilton, that gentleman still did not abstain from harsh and indecorous language. The intelligence of your petitioner's having been thus disgraced has been spread over the town, and your Lordship's humane and enlightened mind will easily conceive, what must be the sensations of any native gentleman under a public indignity and disgrace, which as being inflicted by an English gentleman, and that gentleman an officer of Government, he is precluded from resenting, however strong the conviction of his own mind that such ill-treatment has been unmerited, wanton and capricious. If natives, therefore, of caste and rank were to be subjected to treatment which must infallibly dishonour and degrade them, not only within the pale of their own religion and society, but also within the circle of the English societies of high respectability into which they have the honour of being most liberally and affably admitted, they would be virtually condemned to close confinement within their house from the dread of being assaulted in the streets with every species of ignominy and degradation. Your petitioner is aware that the spirit of the British laws would not tolerate an act of arbitrary aggression, even against the lowest class of individuals, but much less would it continue an unjust degradation of persons of respectability, whether that respec-

tability be derived from the society in which they move or from birth, fortune, or education ; that your petitioner has some pretensions to urge on this point, the following circumstances will shew :—

Your petitioner's grandfather was at various times, chief of different districts during the administration of his Highness the Nawab Mohabut Jung, and your petitioner's father for several years, rented a farm from Government the revenue of which was lakhs of rupees. The education which your petitioner has received, as well as the particulars of his birth and parentage, will be made known to your Lordship by a reference to the principal officers of the Sudder Dewani Adawlats and the College of Fort William, and many of the gentlemen in the service of the Hon'ble Company, as well as other gentlemen of respectability and character. Your petitioner throwing himself, his character and the honor of his family on the impartial justice, liberality and feeling, of your Lordship, entertains the most confident expectation that your Lordship will be pleased to afford to your petitioner every just degree of satisfaction for the injury which his character has sustained, from the hasty and indecorous conduct of Sir Frederick Hamilton, by taking such notice of that conduct, as it may appear to your Lordship to merit.

And your petitioner in duty bond shall every pray.  
12th April 1809.

রামমোহনের চাকুরী সম্বন্ধে একটা আন্তর্ধারণা প্রচলিত আছে। এখানে উহা সংশোধন করা আবশ্যিক। যে নয় বৎসরের কথা বলা হইয়াছে, এই সময় রামমোহন ইস্ট ইন্ডিয়া কোম্পানীর চাকুরী করিতেছেন ইহাই সকলের বিশ্বাস। প্রকৃত প্রস্তাবে রামমোহন এই নয় বৎসরের মধ্যে অতি অল্প কালই কোম্পানীর চাকুরীতে নিযুক্ত ছিলেন। ১৮০৩ খ্রীষ্টাব্দের আগস্ট হইতে অক্টোবর পর্য্যন্ত ভিগনী রামমোহনের অস্থায়ী

জেলা-ম্যাজিস্ট্রেটের কাজ করেন। রামমোহন এই সময়ে তাঁহার অধানে ফৌজদারী আদালতের সেরেস্টাদার ছিলেন। ইহার পর ডিগবী যখন রংপুরের কলেक्टर হন, তখন তিনি কয়েক মাসের জন্য রামমোহনকে অস্থায়ী দেওয়ানের পদে নিযুক্ত করেন [ ডিসেম্বর ১৮০২ হইতে ]। ডিগবী রামমোহন সম্বন্ধে খুব উচ্চ ধারণা পোষণ করিতেন। সে জন্য তিনি রামমোহনকে স্থায়ী দেওয়ান করিবার জন্য অনেক চেষ্টা করেন। কিন্তু কলিকাতার বোর্ড-অব-রেভিনিউ কিছুতেই তাহাতে সম্মত হইলেন না। এমন কি, ডিগবীর পীড়াপীড়ির উত্তরে তাঁহাকে লিখিলেন, “ভবিষ্যতে ডিগবী যদি বোর্ডের প্রতি এইরূপ অসম্মানসূচক ব্যবহার করেন, তাহা হইলে তাঁহারা উহার সমুচিত উত্তর দিতে বাধ্য হইবেন।” ১৮১১ খ্রীষ্টাব্দের মার্চ মাসে অল্প লোক রংপুরের দেওয়ান নিযুক্ত হইল।

রামমোহনকে স্থায়ী ভাবে দেওয়ানের পদে নিযুক্ত করিতে বোর্ডের এইরূপ প্রবল আপত্তি হইবার কারণ কি, সে-সম্বন্ধে অনেকেরই কোতূহল হইতে পারে। এই বিষয়ে বোর্ড ডিগবীকে যে চিঠি লেখেন, তাহাতে রামমোহনের নিয়োগের বিরুদ্ধে দুইটি যুক্তি দেওয়া হয়। প্রথম যুক্তি এই যে, দেওয়ানের কাজ করিতে হইলে খাজনা আদায়ের ক্ষমতা অভিজ্ঞতা এবং নিয়মাবলীর জ্ঞান থাকা প্রয়োজন; রামমোহন ফৌজদারী আদালতের অস্থায়ী সেরেস্টাদারের কার্যে এই জ্ঞান বা অভিজ্ঞতা অর্জন করিতে পারেন নাই। দ্বিতীয় আপত্তি তাঁহার জামিন সম্বন্ধে। রামমোহন রংপুরের দুই জন জমিদারকে তাঁহার জামিন হইতে স্বীকার করাইয়াছিলেন। বোর্ড বলেন, কোন দেওয়ানের জামিন যে-জেলায় তিনি কাজ করিতেছেন, সেই জেলার জমিদার হওয়া বাঞ্ছনীয় নয়।

এই ত গেল প্রকাশ্য আপত্তির কথা। ইহা ছাড়া, বোর্ড-অব-রেভিনিউয়ের কাগজপত্রের মধ্যে এ-বিষয়ে উহার প্রেসিডেন্ট বুরিশ ক্রীপ সাহেবের স্বহস্তলিখিত একটি মন্তব্য আমি দেখিয়াছি। উহাতে

রামমোহনের নিয়োগ সম্বন্ধে উল্লিখিত আপত্তি দুইটি ছাড়া আর একটি আপত্তির উল্লেখ আছে, এবং সেই আপত্তিই প্রকৃত আপত্তি বলা চলে। অল্প কথার পর বুরিশ ক্রীম্প লিখিতেছেন, “রামগড়ে সেরেস্টাদার ঠাকাকালীন তাঁহার কার্যকলাপ সম্বন্ধে অপ্রশংসানুচক কথা [“Unfavourable mention of his conduct”] আমার কানে আসিয়াছে।”

সে যাহা হউক, এই বিবরণ হইতে দেখা গেল, রামমোহন দুই বার অল্প কালের অল্প ইস্ট ইণ্ডিয়া কোম্পানীর চাকুরী করেন। বাকি সময় তিনি ডিগবীর খাস কর্মচারী ছিলেন। ডিগবী যে-সময়ে যশোহরে ছিলেন [ ডিসেম্বর ১৮০৭—জুন ১৮০৮ ], তখন রামমোহন যে তাঁহার খাস ফার্সী মুনশী ছিলেন, এ-কথার উল্লেখ ডিগবীর একটি চিঠিতে আছে। দেশীয় লোকের সহিত কাজকর্মের সুবিধার জন্য সে কালের অনেক সাহেব বাঙালী ‘বাবু’ রাখিতেন। ইহাদিগকে দেওয়ান বলা হইত। রামমোহনও ডিগবীর সহিত এইরূপেই সম্পৃক্ত ছিলেন। তিনি সাধারণ লোকের নিকট ‘ডিগবীর দেওয়ান’ বলিয়া পরিচিত ছিলেন।

## দৌত্যকার্যে ভূটান-যাত্রা

১৮১৪ খ্রীষ্টাব্দের ২০এ জুলাই বংপুর কলেক্টরীর ভার স্মেন্টকে বুঝাইয়া দিয়া ডিগবী দীর্ঘ ছুটি লইলে, রামমোহনও বংপুর ত্যাগ করিয়া কলিকাতা ফিরিয়াছিলেন। এই বৎসরের মাঝামাঝি তাঁহাকে কলিকাতায় বিষয়কর্মে ব্যাপৃত দেখিতে পাই। কিন্তু কলিকাতার স্থায়ী বাসিন্দা হইবার পূর্বে, পূর্ব-বৎসর ইংরেজের দৌত্যকার্যে তাঁহাকে ভূটান-যাত্রা

---

\* ১৫ জানুয়ারী ১৮০৮ তারিখে ডিগবী ভাগলপুর কোর্টের সেক্রেটারি হন, অল্প দিন পরেই আবার তিনি যশোহরে ফিরিয়া আসেন।

করিতে হইয়াছিল। এই ভূটান-যাত্রার বিবরণ ডঃ সুরেন্দ্রনাথ সেন-সঙ্লিত 'প্রাচীন বাঙ্গালা পত্র সঙ্কলন' ( ইং ১৯৪২ ) গ্রন্থের কয়েকখানি পাত্রে আত্মপ্রকাশ করিয়াছে।

অনপাইগুড়ি হইতে ২৫-২৬ মাইল দূরবর্তী মরাঘাটের সীমানা লইয়া অনেকদিন হইতে ভোটরাজের সহিত কুচবিহার-রাজের বিরোধ চলিতেছিল। ভুটিয়ারা মাঝে মাঝে কুচবিহারের সীমান্ত হইতে রাজার প্রজাগণকে ধরিয়া লইয়া যাইত। রংপুরের কলেক্টর-রূপে কার্যকালে ডিগবী কুচবিহার সীমান্তে উপস্থিত হইয়া উভয় রাজ্যের প্রতিনিধিগণের সমক্ষে দুই বার— ১৮০৯ ও ১৮১১ সনে তদন্ত করিয়া আপোষ-সীমাংসার চেষ্টা করিয়াছিলেন। এই সবেজমিনে তদন্তকালে প্রথম বার দেওয়ান রামমোহন রায়, এবং দ্বিতীয় বার দেওয়ান হেমায়েৎ-উল্লা ও রামমোহন তাঁহার সঙ্গে ছিলেন ( 'প্রাচীন বাঙ্গালা পত্র সঙ্কলন,' ভূমিকা, পৃ. ৫৭ ও ১১৬-১৭ নং পত্র )। কিন্তু ডিগবীর বিচারে এই সীমান্ত-বিবাদের শান্তি হইল না। ভূটানের দেবরাজা ও তাঁহার কর্মচারিগণ কলিকাতায় বড়লাটকে ক্রমাগত অনুরোধ করিতে লাগিলেন। শেষে বড়লাটের নির্দেশে রংপুরের তদানীন্তন ম্যাজিস্ট্রেট ডেভিড স্কট সীমানা সম্বন্ধে আলোচনার জন্য তাঁহার সেরেস্তার বিশ্বস্ত কর্মচারী কৃষ্ণকান্ত বসুকে ১৮১৫ সনের মধ্যভাগে দূতরূপে ভূটান-দরবারে পাঠাইলেন। কৃষ্ণকান্তের সঙ্গে গিয়াছিলেন—রামমোহন রায়।

তাঁহার গাওয়ানপাড়া হইতে বিজনি এবং তথা হইতে সিউলি ও চেয়ক্কেব পথে পাচু-মাচু উপত্যকা অতিক্রম করিয়া ভূটানের ( শীতকালের ) রাজধানী পুনাথে উপস্থিত হন। ভূটানে প্রবেশাধিকার-পত্র পাইতে বিলম্ব হওয়ায় চেয়াক্কে তাঁহাদের দুই মাস অপেক্ষা করিতে হইয়াছিল। ১৩ই তারিখ দেবরাজা ( ভূটানের অধীশ্বর ধর্মরাজার প্রধান কর্মচারী ) স্কটকে লিখিয়াছিলেন :—“তোমার উকীল চিরাক হুয়াবে পহুছিয়াছে

আমার ইখানে মালুম হইয়া তাহাকে আনিতে রাহাদারি পাঠাইয়াছী রাস্তাপথে তন্দারি করিয়া আমার এখানে আনিবেক” ( ১৩২ নং পত্র ) ।

ভোটরাজের দাবী-দাওয়া জ্ঞাত হইয়া রামমোহন কর্তৃপক্ষের নির্দেশমত কৃষ্ণকান্তের অগ্রেই ১৮১৫ সনের শেষাশেষি রংপুরে ফিরিয়া আসিয়াছিলেন । ২১এ আশ্বিন তারিখে রংপুরের গ্যাজিষ্ট্রেট স্কটকে লিখিত ভূটানরাজের পত্রে প্রকাশ :—“আপনের ২ আসাড়েব শত্রুচিহ্ন দোরোখা বানাত ৫ পাঁচ জামা ও ছরবিন ১ একটা সহিত আপনের তরফ উকিল শ্রীরামমোহন রাএ ও শ্রীকৃষ্ণকান্ত বসুর মাঃ পাইয়া বহুত খুসি হইলাও রাএ ও বসু মোঁষুফের জবানিতে সমস্ত বিবরণ জ্ঞাতো হইলাও চিন্তের তরক দুই জন আশ্বা মোকাম লাসাতে থাকে তাহারাক এক খত লিখিয়াছেন সে খত লাসাতে রওনা করা গেল তাহারদিগের জওব আদিলে পশ্চাত পঠান জাবেক আপনের তরফ রাএ ও বসু মশতুর এখানে আরজ করিল জে দুইজনের মধ্য এক জনেক এখাতে রহিতে হুকুম করিয়াছে একজন এখানের সমস্ত বিস্তারিত ওয়াকিফহাল হইয়া আপনের নিকট জ'হের করিতে চাহিল এ জর্গো রাএ মোঁষুবেক আমার এখাকার সমস্ত বিবরণ সাক্ষাতকার করিয়া বলিয়া নিকট পাঠান জাএ রাএ মোঁষুফের জবানিতে সমস্ত বিবরণ জ্ঞাতো হবেন....”

( ১৪০ নং পত্র )

রামমোহনের দৌত্যের আসল উদ্দেশ্য আজিও রহস্যাবৃত রহিয়াছে । ভোটরাজের সহিত সীমানা সম্বন্ধে আলোচনা দৌত্যের গোণ উদ্দেশ্য হইলেও, মুখ্য উদ্দেশ্য যে রাজনৈতিক তাহা মনে করিবার সঙ্গত কারণ আছে । তখন ইংরেজ সরকারের সহিত নেপালের যুদ্ধ চলিতেছিল । ভোটরাজ নেপালের সহিত যোগ দিবার সঙ্কল্প করিয়াছেন, এ সংবাদ ইংরেজের কানে পৌঁছিয়াছিল ( ১৩৪-৩৫ নং পত্র ) । এ অবস্থায়

গোপনে ভূটান অঞ্চলের রাজনৈতিক অবস্থার সন্ধান লওয়া এবং কোশলে দেবরাজাকে নিরস্ত করাই রামমোহনের দৌত্যের প্রকৃত উদ্দেশ্য ছিল বলিয়া মনে হয়। ভোটরাজ পূর্বোক্ত ২১এ আশ্বিনের পত্রের শেষে লিখিতেছেন :—“ক্রোরঞ্চ বিশেষঃ রায় ও বসু জ্বানিত জেমত যুনিলাম গোরথার সহীত জে প্রকারে লড়াইর যুকু ইহাতে মালুম হইলাম হর ২ যুকুতে গোরথা তোমারদিগের পর জুলুম বদীয়ত করিয়াছে জদি এহী লড়াইর বিসয় জদি গোরথা অন্ত ২ কোনো প্রকারে আঁমার এখানে লিখে তবে তাহার কখনো গোঁউর হবেক না আপনের সহীত কদিম দুস্তী বহাল থাকিলে গোরোথা কী করিতে পারে।” ‘প্রাচীন বাঙ্গালা পত্র সঙ্কলন’-কার লিখিয়াছেন :—“এই সময়ে বাঙ্গালা দেশ হইতে সীমানা সম্বন্ধে আলোচনা করিবার জন্ম ভূটানে উকিল পাঠাইবার অনিবার্য্য প্রয়োজন হইয়াছিল বলিয়া মনে হয় না। ভূটান ভ্রমণ তখনকার দিনে নিতান্ত সহজও ছিল না। কৃষ্ণকান্ত ও রামমোহনের পূর্বে মাত্র দুই জন ইংরাজ কর্মচারী—জর্জ বোগল (Bogle) ও কাণ্ডেন টার্নার (Turner)—ভূটানে গিয়াছিলেন। তখনও নেপালে যুদ্ধ শেষ হয় নাই।... সীমান্তের সমস্যা মিটাইবার ছলে ভূটান অঞ্চলের রাজনৈতিক অবস্থার খবর লওয়াই কি এই দৌত্যের প্রকৃত উদ্দেশ্য ছিল? মনে রাখিতে হইবে যে বোগল তাঁহার ভ্রমণ বৃত্তান্ত লিপিবদ্ধ করেন নাই, টার্নার ও কৃষ্ণকান্ত ভিন্ন ভিন্ন পথে ভূটান গিয়াছিলেন।” (ভূমিকা, পৃ. ৫০)

যাহা হউক, রামমোহনের দৌত্য সাফল্যমণ্ডিত হইয়াছিল; ভোট-রাজা নেপাল-পক্ষে যোগদান করেন নাই। ডিগবীর বিচার ঠিক হয় নাই সাব্যস্ত হওয়ায় ভোটরাজা শেষ-পর্য্যন্ত বিবাদীয় জায়গার দখল লাভ করিয়াছিলেন।



## রামমোহনের বৈষয়িক উন্নতি

রংপুরে রামমোহন চাকুরী ও ব্যবসা দ্বারা যে যথেষ্ট অর্থোপার্জন করিতেছিলেন, সে-বিষয়ে সন্দেহ নাই। এই সময়ে রংপুর ও কলিকাতা দুই জায়গাতেই তাঁহার হিসাবনবীশ ও তহবিলদার ছিল। রংপুরে যে তাঁহার হিসাবপত্র রাখিত, তাহার নাম ভবানী ঘোষ ও কলিকাতার তহবিলদারের নাম গোপীমোহন চট্টোপাধ্যায়। রামমোহন বাহির হইতে যে টাকাকড়ি পাঠাইতেন, তহবিলদার গোপীমোহন তাঁহার নামে উহা কলিকাতার জমা করিয়া রাখিত। এই প্রসঙ্গে একটি কথার উল্লেখ প্রয়োজন। রংপুর ছাড়িয়া কলিকাতার স্থায়ী বাসিন্দা হইবার পর রামমোহন “বেনিয়ানে”র কাজ করিতেন, ইহার উল্লেখ সে কালের সূপ্রীম কোর্টের জুরির তালিকায় পাওয়া গিয়াছে।\*

এই কয় বৎসরের মধ্যে রামমোহন তিনটি তালুক কেনেন। উহাদের প্রথম দুইটির নাম বীরলুক ও কৃষ্ণনগর (আহানাবাদ পরগণা); তৃতীয় তালুকটির নাম শ্রীরামপুর (পরগণা ভূরসুট)।

অনেকেই বলিয়াছেন, রামমোহন ১০ বৎসর সরকারী চাকুরী করিয়া বার্ষিক ১০ হাজার টাকা আয়ের বিষয়-সম্পত্তি করিয়াছিলেন। রামমোহনের এই আর্থিক উন্নতির যূলে কিশোরীচাঁদ মিত্র ঘূষের ইঙ্গিত করিয়াছেন। লিয়োনার্ড আবার ব্রাহ্মসমাজের ইতিহাসে ইহার প্রতিবাদ করিয়া লিখিয়াছেন যে, রামমোহন যাহা লইতেন, তাহা ঘূষ নহে—সে কালের দেওয়ানের “legal perquisites.” হারা কেহই জানিতেন

\* “Calcutta’s Indian Jurors A Hundred Years Ago.”—*The Calcutta Municipal Gazettee* for May 30, 1936.

না যে, রামমোহন মাত্র ১ বৎসর ৯ মাস বিভিন্ন স্থানে সরকারী চাকুরী করিয়াছিলেন। সরকারী চাকুরীতে তিনি যাহাই সক্ষম করুন না কেন, তাঁহার অল্প আয়ের পথও ছিল; তিনি দীর্ঘকাল ডিগবীর খাস মুন্সীর কাজ করিয়াছেন, কলিকাতায় কোম্পানীর কাগজের ব্যবসা করিয়াছেন এবং সিভিলিয়ান প্রভৃতিকে টাকাকড়ি কর্ত্ত দিয়াছেন।

এইরূপে রামমোহনের অবস্থার যখন উত্তরোত্তর উন্নতি হইতেছিল, তখন লালুপাড়ায় তাঁহার ভ্রাতারা ও পরিজনবর্গ ক্রমেই নিতান্ত দারিদ্র্যের দিকে চলিয়াছিল। ১৮০৪ খ্রীষ্টাব্দে রামমোহন যখন মুর্শিদাবাদ যান তখন তাঁহার জ্যেষ্ঠ ভ্রাতা জগমোহন মেদিনীপুরের দেওয়ানী জেলে, তাহা আমরা দেখিয়াছি। এই সময়ে মাতা তারিণী দেবী তাঁহাকে মাসিক দশ টাকা করিয়া অর্থসাহায্য করিতেন। গবর্নেন্টকে কিছু টাকা দিয়া জেল হইতে মুক্তি পাইবার জন্ত জগমোহন অর্থশালী কনিষ্ঠের নিকট কিছু সাহায্য প্রার্থনা করেন। অনেক চিঠিপত্র লেখালেখির পর ১৮০৫ খ্রীষ্টাব্দের ১৩ই ফেব্রুয়ারি তারিখে সুদ সমেত ফিরাইয়া দিবেন, এই মর্মে তমসুক লিখিয়া দিবার পর রামমোহন জ্যেষ্ঠকে এক হাজার টাকা কর্ত্ত দেন। জগমোহনও এই টাকা গবর্নেন্টকে দিয়া এবং বাকি ৩,৩৫৮ টাকা মাসিক ১৫০ টাকা কিস্তিতে পরিশোধ করিয়া দিবেন, এই অঙ্গীকারপত্র দিয়া মেদিনীপুর-জেল হইতে মুক্তি পাইলেন (৯ মার্চ ১৮০৫)। কিন্তু জগমোহন এই টাকার একটি পয়সাও শোধ করিতে পারিলেন না। ১২১৮ সালের চৈত্র মাসে (১ মার্চ-এপ্রিল ১৮১২) তাঁহার মৃত্যু হইল।

জগমোহনের পুত্র গোবিন্দপ্রসাদ পিতার মৃত্যুর পর তাঁহার উত্তরাধিকারী হন। তখন গোবিন্দপ্রসাদের বয়স পনের বৎসর। জগমোহনের মৃত্যুর দুই বৎসর পূর্বে ১২১৬ সালের পৌষ মাসে

( ডিসেম্বর-জানুয়ারি ১৮০২-১০ ) রামমোহনের সর্বকনিষ্ঠ ভ্রাতা রামলোচনেরও মৃত্যু হইয়াছিল। ইহার পর রায়-পরিবারে এক রামমোহন ব্যতীত আর প্রাপ্তবয়স্ক পুরুষ কেহ রহিল না।

রামমোহনের পরিবার-পরিজনের যখন এইরূপ অবস্থা, তখন তিনি নিজে প্রবাসী। রামমোহনের নিজের উক্তি হইতে আমরা জানিতে পারি যে, ইং ১৮০৩ হইতে ১৮১৪ পর্যন্ত এগার বৎসর তিনি শুধু ভাই বা মানয়, নিজের পুত্র-পরিবার হইতেও দূরে ছিলেন। ইং ১৮০২ হইতে ১৮১৩ পর্যন্ত রামমোহনের ভাগিনেয় গুরুদাস মুখোপাধ্যায় মাতুলের সহিত বংপুরে ছিলেন। গুরুদাসের পিতার একটি পত্র হইতে রামমোহন ও গুরুদাস জগমোহনের মৃত্যুর সংবাদ জানিতে পারেন।

জগমোহনের মৃত্যুকালে রামমোহন যে স্বগ্রামে ছিলেন না, তাহার স্পষ্ট প্রমাণ পাওয়া যাইতেছে। ইহাতে তাঁহার সম্বন্ধে প্রচলিত একটি কিংবদন্তীর কোন ভিত্তি নাই দেখা যাইতেছে। মিস কলেট তাঁহার জীবনীতে লিখিয়াছেন :—

১৮১১ খ্রীষ্টাব্দে [ রামমোহনের ] জ্যেষ্ঠ ভ্রাতা জগমোহনের মৃত্যুর পর তাঁহার পত্নী তাঁহার অঙ্গুগমন করেন। শোনা যায়, রামমোহন তাঁহাকে এই ভীষণ কার্য হইতে নিবৃত্ত করিবার চেষ্টা করিয়াছিলেন, তিনি সফল হন নাই। পরে যখন শরীরে আগুন আসিয়া লাগিল, তখন জগমোহনের পত্নী চিতা হইতে উঠিয়া আসিবার উপক্রম করেন। কিন্তু তাঁহার গোড়া আত্মীয় ও পুরোহিতেরা তাঁহাকে বাঁশ দিয়া চাপিয়া রাখে এবং তাঁহার চীৎকার ডুবাইবার জন্ত চারি দিকে ঢোল কাঁশি ইত্যাদি বাজান হয়। রামমোহন তাঁহাকে রক্ষা করিতে না পারিয়া অসীম ক্রোধ ও

অনুকম্পায় অধীর হইয়া সেইখানেই প্রতিজ্ঞা করেন, এই নিষ্ঠুর প্রথা উচ্ছেদ না করিয়া তিনি বিশ্রাম করিবেন না।

এই গল্পটি মিস কলেট রাজনারায়ণ বসু মহাশয়ের নিকট হইতে পান। তিনি আবার উহা তাঁহার পিতা নন্দকিশোর বসুর নিকট শোনেন। নন্দকিশোর রামমোহনের এক জন বিশিষ্ট শিষ্য ছিলেন।

জগমোহনের তিন পত্নীর মধ্যে কেহ সত্যই স্বামীর অনুগমন করিয়াছিলেন কি-না, তাহা আমাদের জানিবার উপায় নাই অস্ততঃ গোবিন্দপ্রসাদের মাতা দুর্গা দেবী যে অনুগমন করেন নাই, তাহা স্থনিশ্চিত, তিনি স্বামীর মৃত্যুর ৯ বৎসর পরে ( ১৩ এপ্রিল ১৮২১ ) রামমোহনের বিরুদ্ধে সুপ্রীম কোর্টে একটি মকদ্দমা আনিয়াছিলেন। তবে রায়-পরিবারে অনুগমনের রেওয়াজ ছিল বলিয়া মনে হয় না। রামমোহনের পিতা রামকান্তের তিন পত্নী ছিলেন। তাঁহাদের কেহই সহমরণে যান নাই। রামমোহনের কনিষ্ঠ ভ্রাতা রামলোচনের পত্নীও সহমৃত্যু হন নাই। সে যাহা হউক, জগমোহনের মৃত্যুর পর তাঁহার কোন পত্নী সহগামিনী হইলেও রামমোহন যে ঘটনাস্থলে উপস্থিত ছিলেন না, তাহা স্থনিশ্চিত ; কারণ, তখন ও পরবর্তী দুই বৎসর পর্য্যন্ত তিনি যে সুদূর রংপুরে অবস্থান করিতেছিলেন, তাহা পূর্বেই আমরা দেখিয়াছি।

### রামমোহনের কলিকাতা-বাস

১৮১৪ খ্রীষ্টাব্দের ২০এ জুলাই রংপুর কলেক্টরীর ভার শ্বেল্ট নামে এক সিবিলিয়ানকে বুঝাইয়া দিয়া ডিগবী দীর্ঘ ছুটি লইলেন। সেই সঙ্গে রামমোহনও রংপুর ত্যাগ করিলেন। এই বৎসরের মাঝামাঝি তাঁহাকে

কলিকাতায় বিষয়কর্মে ব্যাপৃত দেখিতে পাই, “১৮১৬ সন হইতে প্রকৃতপক্ষে রামমোহন স্থায়ীভাবে কলিকাতাবাসী হন।” সে-বিষয়ে কোন সন্দেহ নাই।

রামমোহন তখন সম্পন্ন ব্যক্তি, জীবিকার্জনের জন্য তাঁহার দেশে দেশে ঘুরিয়া বেড়ানোর আর দরকার ছিল না। সুতরাং প্রথমেই তিনি কলিকাতায় বাস করিবার জন্য বাড়ী অন্বেষণ করিতে লাগিলেন। ১৮১৪ খ্রীষ্টাব্দে তাঁহার নামে দুইখানা বড় বাড়ী ক্রয় করা হইল। উহার প্রথমটি চৌরঙ্গীতে অবস্থিত বড় হাতা-সংযুক্ত একটি দোতলা বাড়ী। উহা ২০,৩১৭ টাকায় এলিজাবেথ ফেনউইক নামে এক মেমের নিকট হইতে কেনা হয়। দ্বিতীয় বাড়ীটি মাণিকতলায়; এই বাড়ীটি এখন উত্তর-কলিকাতার পুলিশের ডেপুটি কমিশনারের আপিসে পরিণত হইয়াছে। উহা ১৩,০০০ টাকায় ফ্রান্সিস মেণ্ডেস নামে এক সাহেবের নিকট হইতে কেনা। এই সময়ই সম্ভবতঃ জোড়াসাঁকোতে তাঁহার যে বাড়ীটি ছিল, উহা বিক্রয় করিয়া ফেলা হয়।

বিষয়-সম্পত্তির সুব্যবস্থা করিবার কালে রামমোহন গ্রামে নূতন বাড়ী করিবার কথাও ভোলেন নাই। লাক্সলপাড়ার বাড়ীর প্রতি আর তাঁহার কোন আকর্ষণ ছিল না; এই বাড়ীতে তাঁহার নিজের অংশ তিনি ভাগিনেয় গুরুদাস মুখোপাধ্যায়কে দান করেন (নবেম্বর-ডিসেম্বর ১৮১৪)। এই সময়ে কিংবা কিছু পূর্বে মাতা তারিণী দেবীর সহিত আবার তাঁহার মতান্তর বা মনান্তর উপস্থিত হয়, তাহার কিছু কিছু আভাস আমরা পাই। এই কারণেই হউক কিংবা অন্য কারণেই হউক, তিনি লাক্সলপাড়া ত্যাগ করিয়া নিকটবর্তী রঘুনাথপুরে একটি নূতন বাড়ী নির্মাণ করাইতে আরম্ভ করেন। বাড়ী সম্পূর্ণ হইবার পূর্বেই ১৮১৭ খ্রীষ্টাব্দের ২৮এ জানুয়ারি (১৭ মাঘ ১২২৩) রামমোহনের পরিবার

লাজুলপাড়ার বাড়ী ত্যাগ করিয়া রঘুনাথপুরের নূতন বাড়ীতে চলিয়া আসেন ।

কলিকাতা আসিবার অল্প দিনের মধ্যেই রামমোহন সেখানকার এক জন গণ্যমান্য ব্যক্তি বলিয়া পরিগণিত হইলেন । তাঁহার তখন অর্থের অভাব ছিল না, সুতরাং কলিকাতায় তিনি ঐশ্বর্যশালী ব্যক্তির মতই থাকিতেন, দশ জনের কাছেও প্রতিপত্তিশালী ব্যক্তির মতই মান্য হইতেন । তাঁহার মানিকতলার বাড়ীতে শহরের বহু সন্ত্রাস্ত লোকের সমাগম হইত । উহাদের মধ্যে দেশী লোক ভিন্ন বহু বিদেশী ব্যক্তিও থাকিত । বিদেশ হইতে যাহারা ভারত-ভ্রমণে আসিতেন, তাঁহাদের মধ্যে প্রায় সকলেই রামমোহনের সহিত সাক্ষাৎ করিতে আসিতেন । এইরূপ পরিব্রাজকদের মধ্যে ফিট্‌স্‌ক্রায়েন্স ( আর্ল অব মান্‌স্টার ), ফরাসী বৈজ্ঞানিক ভিক্টর জাকমঁ ও ইংরেজ মহিলা ফ্যানী পার্কসের নাম উল্লেখযোগ্য । এই ইংরেজ মহিলা তাঁহার ভ্রমণবৃত্তান্তে রামমোহনের বাড়ীতে একটি উৎসবের বর্ণনা করিয়াছেন ; তিনি লিখিয়াছেন :—

১৮২৩, মে—মেদিন সন্ধ্যাবেলা আমরা রামমোহন রায় নামে একজন ধনী বাঙালী বাবুর বাড়ীতে একটি ‘পার্টি’তে গিয়াছিলাম । বাড়ীর বড় হাতার বেশ ভাল রোশনাই হইয়াছিল এবং চমৎকার বাজীপোড়ান হইয়াছিল । বাড়ীর ঘরে ঘরে নাচওয়ালীরা নাচগান করিতেছিল...উহাদের গান গাহিবার রীতি অদ্ভুত ; সময়ে সময়ে স্বর নাকের ভিতর দিয়া আসিতেছিল ; কতকগুলি স্বর বেশ মিষ্ট ; এই নাচওয়ালীদের মধ্যে নিকীও ছিল—তাহাকে প্রাচ্য জগতের কাটালানী বলা হইত ।

ইহা হইতে দেখা যায়, সেকালের সকল বড়লোকের মত রামমোহন

মুসলমানী ধারণধারণের পক্ষপাতী ছিলেন। তিনি নিজে মুসলমানী জোকা চাপকান প্রভৃতি পরিভাষা এবং এই পোষাক শোভন বলিয়া মনে করিতেন। এমন কি, অনেকের ধারণা ছিল, তিনি মুসলমানের সহিত পান-ভোজনও করেন। এই জন্য হিন্দু-আচারের পক্ষপাতী লোকেরা তাঁহাকে অত্যন্ত মন্দেহের চক্ষে দেখিত ও 'ঘবন' বলিয়া নির্দা করিত। রামমোহন কিন্তু সেজন্য নিজের আচার-ব্যবহারের কোন পরিবর্তন বা মুসলমান বন্ধুদিগকে বর্জন করেন নাই।

## রামমোহনের বিরুদ্ধে গোবিন্দপ্রসাদের মকদ্দমা

এই সকল আমোদপ্রমোদ ও বড়মামুসি ছাড়া রামমোহনের জীবনে ঝগড়াটোও ঘটেছিল। এই সময় তিনি বিষয়-সংক্রান্ত কয়েকটি মামলা-মকদ্দমায় জড়িত হইয়া পড়েন। এই সকল মকদ্দমার মধ্যে মাত্র একটির কথা এখানে উল্লেখ করিতেছি। উহা ১৮১৭ খ্রীষ্টাব্দে ২৩এ জুন তাঁহার ভ্রাতুষ্পুত্র গোবিন্দপ্রসাদ রায় রুজু করেন এবং উহার সুনানি হয় কলিকাতা সুপ্রীম কোর্টের ইকুইটি-বিভাগে প্রধান বিচারপতি মার্স এডওয়ার্ড হাইড ইস্টের সম্মুখে। এই মকদ্দমা সম্বন্ধে নানারূপ ভ্রান্ত ধারণা প্রচলিত আছে। ডাঃ কার্পেন্টার লিখিয়া গিয়াছেন যে, রামমোহন জাতি ও ধর্মচ্যুত হইয়াছেন, এই কথা প্রমাণ করিয়া তাঁহাকে পৈতৃক সম্পত্তি হইতে বঞ্চিত করিবার জন্য এই মকদ্দমা রুজু করা হয়, কিন্তু রামমোহন তাঁহার প্রগাঢ় শাস্ত্রজ্ঞানের দ্বারা এই প্রচেষ্টা ব্যর্থ করেন। রামমোহনের বন্ধু পাদরি অ্যাডামের বিবরণও এই মর্মেই। তিনি বলিয়াছেন, রামমোহনকে বিধর্মী প্রমাণ করিয়া বিষয় হইতে বঞ্চিত

করিবার জন্য তাঁহার মা এই মকদ্দমা করেন, কিন্তু তাঁহার মনস্কামনা পূর্ণ হয় নাই।

কার্পেন্টার ও অ্যাডাম দুই জনই ধর্মপ্রাণ পাদরি। সুতরাং তাঁহাদের পক্ষে এইরূপ উক্তি করিয়া আইন-জ্ঞানহীনতার পরিচয় দেওয়া কিছুমাত্র আশ্চর্য্য নয়। এই মকদ্দমার প্রকৃত রূপ সম্পূর্ণ বিভিন্ন। এই মকদ্দমা যখন রুজু হয়, তখন রামমোহন কতকগুলি সম্পত্তি ভোগ করিতেছিলেন। গোবিন্দপ্রসাদ রায় বলেন, এই সম্পত্তিগুলি এক হিন্দু একান্তভুক্ত পরিবারের সম্পত্তি, উহাতে তাঁহার পিতা ও পিতামহেরও স্বত্ব ছিল, সুতরাং পিতার উত্তরাধিকারী হিসাবে এগুলিতে তাঁহারও অংশ আছে। রামমোহন এই দাবী সম্পূর্ণ অগ্রাহ্য করেন। তিনি বলেন, সম্পত্তিগুলি সম্পূর্ণ তাঁহার নিজের; কারণ, ঐ সকল সম্পত্তি ক্রয়কালে তিনি এবং তাঁহার পিতা ও ভ্রাতা সম্পূর্ণ স্বতন্ত্র ছিলেন।

কিছু দিন পরে গোবিন্দপ্রসাদ মকদ্দমা মিটাইয়া ফেলিলেন ও পিতৃব্যের নিকট ক্ষমা ভিক্ষা করিয়া নিম্নোক্ত পত্রখানি লিখিলেন :—

শ্রীকৃষ্ণ

শরণং .

সেবক শ্রীগোবিন্দপ্রসাদ দেব শর্ষণঃ প্রণামা পরাঙ্ক নিবেদনঞ্চ বিশেষঃ। মহাশয়ের শ্রীচরণ প্রসাদাৎ এ সেবকের মঙ্গল পরং আমি অন্য অন্য লোকের কথা প্রমাণ মহাশয়ের নামে হিন্দু পাইবার প্রার্থনায় সুপরেম কোর্টে একুইটিতে অজ্ঞার্থ নাশি করিয়াছিলাম এক্ষণে জানিলাম যে আমার বুঝিবার ভ্রমে এ বিষয়ে প্রবর্ত হইয়া নানা প্রকার ক্লেশ পাইতেছি এবং মহাশয়েরও মনস্তাপ এবং অর্থব্যয় অতএব মহাশয় আমার পিতার তুল্য আমার অপরাধ মর্যাদা করিয়া



জদি আমাকে নিকট জাইতে অনুমতি করেন তবে আমি নিকট পৌঁছিয়া সকল বিষয় নিবেদন করি ।

শ্রীচরণাম্বুজেষু ইতি ।—

সন ১২২৬ সাল তাং ১৪ কার্তিক,

পরম পূজনীয়—

শ্রীযুৎ রামমোহন রায় খুড়া মহাশয়,

শ্রীচরণ সরজেষু

পত্র দেনা

মোং কলিকাতা ।

মকদ্দমার শেষ সুনানির দিন ( ১০ ডিসেম্বর ১৮১৯ ) গোবিন্দপ্রসাদ আদালতে উপস্থিত হইলেন না, এজন্য তাঁহার মকদ্দমা ডিসমিস হইয়া গেল ।

## তারিণী দেবীর মৃত্যু

তারিণী দেবী বোধ হয় সংসারে বীতরাগ হইয়াছিলেন । ১৮২০ খ্রীষ্টাব্দে তিনি একদিন একাকিনী শ্রীক্ষেত্রে যাত্রা করিলেন, সঙ্গে একজন পরিচারিকাও লইলেন না । তথায় অবস্থানকালে তিনি প্রতি দিন জগন্নাথ-মন্দিরে ঝাঁট দিতেন । দুই বৎসর পরে—২১ এপ্রিল ১৮২২ তারিখে বৈষ্ণবের সেই বাহিত তীর্থে তারিণী দেবীর মৃত্যু হয় ।

## ধর্ম মতের বিকাশ

রামমোহনের ধর্মমতের পরিবর্তন কখন কি ভাবে হয়, তিনি কেন প্রচলিত ধর্ম ও সামাজিক ব্যবস্থায় সন্তুষ্ট না থাকিয়া সংসার-কার্যে ব্রতী হন, এই নৃতমতের অনুরোধে তাঁহার নিকট কোথা হইতে আসে, এই সকল প্রশ্নের উত্তর না দিতে পারিলে মনের কৌতূহল মেটে না। সম্ভাবজনক প্রমাণ সহ রামমোহনের ধর্মজীবনের ধারাবাহিক ইতিহাস লেখা আজিকার দিনে আর সম্ভব না হইলেও, রামমোহনের ধর্মমতের বিকাশ সম্বন্ধে কিছু কিছু আলোকপাত করা যে একেবারে অসম্ভব, তাহা মনে করিবার কারণ নাই। রামমোহনের বাল্য ও যৌবনের কতকগুলি ঘটনা হইতে তাঁহার মন ও কার্যকলাপের গতির অনেকটা আভাস পাওয়া যায়।

প্রথমে রামমোহনের প্রথম-জীবনে আবেষ্টনীর কথা ধরা যাউক। রামমোহন বিষয়ী-পরিবারে জন্মগ্রহণ করেন। ইহার ফলে তিনিও যে বাল্য হইতেই বিষয়বুদ্ধিতে প্রবীণ হইয়া উঠিয়াছিলেন, সে-বিষয়ে কোন সন্দেহ নাই। বস্তুতঃ রামমোহনের বাল্য ও প্রথম যৌবন সম্বন্ধে যাহা কিছু স্থনিশ্চিত, সে-সকলই বিষয়কর্ম-সম্পর্কিত—পিতার সম্পত্তির তত্ত্বাবধান, পিতার নিকট হইতে সম্পত্তিলাভ, সিবিলিয়ানদিগকে টাকা কর্ত্ত দেওয়া, নিলামী সম্পত্তি ক্রয়, সম্পত্তি বেনামী ইত্যাদি।

এই আবেষ্টনীতে বর্দ্ধিত রামমোহন বাল্যকালে প্রচলিত ধর্মের বিরুদ্ধে বিদ্রোহ করেন নাই, এই অহুমানের সপক্ষে অল্প যুক্তি আছে। এক এক করিয়া উহাদের বিচার করা যাক।

যৌবনে রামমোহনের ধর্মমত কি ছিল, এ-সম্বন্ধে সাক্ষাৎ প্রমাণ যাহা কিছু আছে, তাহা হইতে দেখা যায়, তিনি তখনও প্রচলিত ধর্ম বা দেশাচারের বিরুদ্ধাচরণ করেন নাই। প্রথমতঃ, বিগ্রহসেবার ব্যয়ভার

বহন করিবেন, এই অঙ্গীকার করিয়া ১৭২৬ খ্রীষ্টাব্দের ডিনেম্বর মাসে তিনি পিতার নিকট হইতে সম্পত্তি গ্রহণ করেন। এই ব্যয় তিনি নিয়মিত ভাবেই বহন করিয়াছিলেন। তৃতীয়তঃ, পিতার মৃত্যুর পর রামমোহন স্বতন্ত্রভাবে কলিকাতায় একটি শ্রাদ্ধ করেন।

জীবনীকারগণ বলিয়া আসিয়াছেন যে, ধর্মমতের পরিবর্তনের জন্য রামমোহন দুই বার পিতৃগৃহ ত্যাগ করিতে বাধ্য হন এবং পৈতৃক সম্পত্তি হইতে বঞ্চিত হন। এই সকল কথা সম্পূর্ণ অমূলক। কারণ, আমরা পূর্বেই দেখিয়াছি যে, রামমোহনও রামকান্ত রায়ের অন্য দুই পুত্রের মত পিতার সম্পত্তির স্বেচ্ছা অংশ পাইয়াছিলেন। ইহা ছাড়া রামকান্তের সহিত রামমোহনের কোন বিরোধ বা মনোমালিন্য ছিল, তাহারও কোন প্রমাণ নাই। পক্ষান্তরে জানা যায় যে, সম্পত্তি বিভাগের পরও রামমোহন পিতার সহিত সাক্ষাৎ করিবার জন্য বর্ধমানের যাইতেন। এই সময়ে তিনি যে পিতার বিষয়ের তত্ত্বাবধান করিতেছিলেন, তাহার প্রমাণও আমরা পাই তাঁহার নিজের লিখিত দুইখানি চিঠি হইতে।

এখন দেখা প্রয়োজন, রামমোহন বাল্যকালে কানী ও পাটনায় শিক্ষালাভ করিয়াছিলেন এবং দেশ-দেশান্তরে ভ্রমণ করিয়াছিলেন, এই সকল কিংবদন্তীর মূলে সত্য কতটুকু। দলিলপত্র হইতে দেখা যায়, ১৭৯১ হইতে ১৮০০ খ্রীষ্টাব্দ পর্য্যন্ত তিনি লাজুলপাড়ায়, কলিকাতায় অথবা নিকটবর্তী কোন-না-কোন জায়গায় রহিয়াছেন। এই কয় বৎসরের মধ্যে ১৭৯৬ হইতে ১৮০০ খ্রীষ্টাব্দ পর্য্যন্ত তিনি কখন কোথায় ছিলেন, তাহার সন্তোষজনক প্রমাণ আছে। ১৭৯১ খ্রীষ্টাব্দে তিনি যে লাজুলপাড়ায় ছিলেন, তাহারও সন্তোষজনক প্রমাণ আছে। একমাত্র মাঝের চার বৎসর তাঁহার কার্যকলাপের কোন উল্লেখ পাওয়া যায় না। কিন্তু রামকান্ত রায়ের বিষয়াসক্তি ও রামমোহনের ধর্মমত সম্বন্ধে যাহা বলা

হইয়াছে, তাহা হইতে রামকান্ত রায় পুত্রকে শিক্ষার জন্ত পাটনা ও কাশীতে পাঠাইয়াছিলেন অথবা রামমোহনই ধর্মবিশ্বাসের খাতিরে স্বেচ্ছায় পিতৃগৃহ ত্যাগ করিয়াছিলেন, এইরূপ অনুমান সঙ্গত বলিয়া মনে হয় না। স্বরণ রাখা প্রয়োজন, সে-যুগে শিক্ষা একমাত্র জীবিকা-অর্জনের জন্তই দেওয়া হইত। যাহারা বৈষয়িক কর্ম করিতেন, তাঁহারা তখন ফার্সী শিখিতেন ও যাহাদের অধ্যাপক ও পুরোহিত বৃত্তি ছিল, তাঁহারা সংস্কৃত পড়িতেন। এই দুই প্রকার শিক্ষাই গ্রামে হইতে পারিত। উহার জন্ত বিদেশে যাইবার প্রয়োজন হইত না।

আর একটিমাত্র প্রশ্নের বিচার করিলেই রামমোহনের ধর্মমতের পরিবর্তন বাল্যকালেই হইয়াছিল কি-না, সে আলোচনা সম্পূর্ণ হয়। যে রচনাটি রামমোহনের আত্মকথা বলিয়া আমাদের নিকট পরিচিত, তাহা ঠিকমত না বুঝিয়া অনেকে বলিয়া আসিয়াছেন, ষোল বৎসর বয়সে রামমোহন হিন্দুদের পৌত্তলিকতার বিরুদ্ধে একখানি বাংলা পুস্তক রচনা করেন। রামমোহনের প্রণীত নিজের দ্বারা প্রকাশিত অন্য পুস্তক হইতে জানা যায় যে, পৌত্তলিকতা বর্জনের অব্যবহিত পরেই তিনি যে-পুস্তক রচনা করেন, উহা আর্বি ও ফার্সী ভাষায় রচিত। ১৮২০ খ্রীষ্টাব্দে প্রকাশিত *An Appeal to the Christian Public* নামক পুস্তকের ভূমিকায় তিনি লিখিয়াছেন :—

Rammohun Roy. . although he was born a Brahman, not only renounced idolatry at a very early period of his life, but published at that time a treatise in Arabic and Persian against that system ; and no sooner acquired a tolerable knowledge of English, than he made his desertion of idol worship known to the Christian world by his English publication—a renunciation that, I am sorry to say, brought severe difficulties upon him, by exciting the displeasure of his parents,

and subjecting him to the dislike of his near, as well as distant relations, and to the hatred of nearly all his countrymen for several years.\*

এই পুস্তক যে 'তুহ্ ফাৎ-উল্-মুয়াহ্-হিদ্দীন' সে বিষয়ে কোন সন্দেহ নাই। রামমোহন ইহার পূর্বে কোন পুস্তক রচনা বা প্রকাশ করিয়া থাকিলে উহার উল্লেখ এ স্থানে নিশ্চয়ই থাকিত। 'তুহ্ ফাৎ' ১৮০৩-৪ খ্রীষ্টাব্দে প্রকাশিত হয় এবং উহার অল্প দিন পূর্বে রচিত হয়। রামমোহনের বয়স তখন ত্রিশ। এই পুস্তকের শেষে বলা হইয়াছে, "In order to avoid any future change in this book by copyists, I have had these few-pages printed just after composition." সুতরাং রামমোহন যে ১৮০৩-৪ খ্রীষ্টাব্দের পূর্বে বাংলা বা অন্য ভাষায় কোন পুস্তক রচনা করেন নাই, তাহা প্রায় স্থনিশ্চিত।

রামমোহনের ধর্মমতের বিকাশ সম্বন্ধে যাহা বলা হইল, তাহার দ্বারা অনেক প্রচলিত ধারণা ভিত্তিহীন বলিয়া প্রমাণিত হইলেও প্রকৃত ব্যাপার যে কি, তাহা জানা গেল না। এ-বিষয়ে সত্যনির্ধারণের উপায় যে একেবারে নাই, তাহা নহে। নানা অভাস-ইন্ধিত হইতে রামমোহনের ধর্মমতের পরিবর্তন ও মানসিক বিকাশ সম্বন্ধে মোটামুটি একটা ধারণা করা যায়। প্রথমে পারিবারিক কলহ ও মতান্তরের কথাই ধরা যাউক। ধর্মমত ও দেশাচার পালন লইয়া মাতা ও অন্যান্য আত্মীয়স্বজনের সহিত রামমোহনের মতান্তরের একাধিক পরিচয় আমরা পাই। রামমোহনের সহিত তাঁহার মাতার প্রথম কলহের উল্লেখ পাওয়া যায় রামকান্ত রায়ের শ্রাব্দের সময়ে অর্থাৎ ১৮০৩ খ্রীষ্টাব্দের মে-জুন মাসে। এই ঝগড়ার ফলে তিনি পিতার শ্রাব্দের নিজে স্বতন্ত্রভাবে কলিকাতায় করেন। এই কলহের

\* এই পুস্তক তিনি নিজ নামে প্রকাশ করেন নাই, পুস্তকে প্রস্তুকার হিসাবে "A Friend To Truth" নাম আছে।

কারণ যে একমাত্র ধর্মমত, ইহা অনুমান করার হেতু নাই। এ ঘটনার অল্পকাল পূর্বে তাঁহার পিতা এবং ঘটনার সময়ে তাঁহার জ্যেষ্ঠ ভ্রাতা দুই জনেই অত্যন্ত দুর্বস্থায় পড়িয়া দেওয়ানী জেলে আবদ্ধ ছিলেন। আর্থিক সঙ্কতি থাকার সত্ত্বেও রামমোহন পিতা বা ভ্রাতাকে সাহায্য করেন নাই, হয়ত ইহাও তাঁহার মাতার বিরাগের কারণ হইতে পারে।

এই ঘটনার পর এগার বৎসর রামমোহন গৃহ-পরিজন হইতে দূরে ছিলেন। ইহার মধ্যে পাঁচ বৎসর তিনি রংপুরে কাটাইয়াছিলেন। রংপুরে হরিহরানন্দনাথ তীর্থস্বামী আসিয়া উপস্থিত হন এবং (অন্ততঃ জানুয়ারি ১৮১২ হইতে) কয়েক বৎসর রামমোহনের নিকটেই অবস্থান করেন। রংপুরে ভিগীর সাহচর্যে রামমোহন যেমন ভাল করিয়া ইংরেজী শিখিয়াছিলেন, তেমনি আবার তীর্থস্বামীর উপস্থিতির সুযোগ লইয়া হিন্দু-শাস্ত্র ও দর্শনের রীতিমত চর্চা করেন।

সে যাহা হউক, যে এগার বৎসর রামমোহন বাহিরে ছিলেন, তাহার মধ্যে মাতার সহিত তাঁহার কলহের কোন উল্লেখ পাওয়া যায় না। মনান্তর ও কলহের কাহিনী আবার শোনা যায় রামমোহন কলিকাতায় ফিরিয়া আসিয়া বেদান্তদর্শন প্রভৃতি প্রকাশ করিবার পর। ১৮১৬ খ্রীষ্টাব্দে প্রকাশিত *Translation of an Abridgment of the Vedant* গ্রন্থের ভূমিকায় রামমোহন লেখেন :—

By taking the path which conscience and sincerity direct, I, born a Brahman, have exposed myself to the complainings and reproaches even of some of my relations, whose prejudices are strong, and whose temporal advantage depends upon the present system.

ইহার পর-বৎসরই রামমোহনের সহিত তাঁহার ভ্রাতৃপুত্র গোবিন্দ-প্রসাদ রায়ের মকদ্দমা উপস্থিত হয়। এই মকদ্দমায় রামমোহনের পক্ষ

পক্ষ হইতে তারিণী দেবীকে জেরা করিবার জন্ত যে প্রস্তাবলী তৈয়ারী করা হয়, তাহাতে আমরা পাই—

আপনার পুত্র রামমোহনের ধর্মমতের জন্ত তাহার সহিত আপনার কি বিবাদ ও মনান্তর হয় নাই, এবং আপনি যে-ভাবে হিন্দু-ধর্মের পূজা-অর্চনা করিতে ইচ্ছা করেন, সেই মকল করিতে অস্বীকৃত হওয়ায় প্রতিশোধস্বরূপ কি আপনি আপনার পৌত্রকে মকদ্দমা করিতে প্ররোচিত করেন নাই? আপনি বাদী এবং আপনার অন্য পরিজনেরা কি রামমোহনের রচনাবলী ও ধর্মমতের জন্ত তাঁহার সহিত মকল সম্পর্ক ত্যাগ করেন নাই? আপনি কি বার-বার বলেন নাই যে, আপনি রামমোহনের সর্বনাশসাধন করিতে চান, এবং ইহাও কি আপনি বলেন নাই যে, ইহাতে পাপ হওয়া দূরে থাকুক, রামমোহন পূর্বপুরুষের আচার পুনরায় অবলম্বন না করিলে তাঁহার সর্বনাশসাধন করিলে পুণ্যই হইবে? আপনি কি নর্কসমক্ষে বলেন নাই, যে-হিন্দু প্রতিমা-পূজা ত্যাগ করে, তাহার প্রাণ লইলেও পাপ নাই? হিন্দুধর্মের প্রতিমা-পূজা-সংক্রান্ত অন্তর্ধানাদি করিতে কি রামমোহন প্রকৃতপক্ষে অস্বীকার করেন নাই? বাদী, আপনি এবং বিবাদীর অন্য আত্মীয়স্বজনের মধ্যে কি এই বিষয়ে পরামর্শ হয় নাই? ধর্ম-সংক্রান্ত ব্যাপারে বিবাদী যদি আপনার ইচ্ছা ও অনুরোধ এবং পূর্বপুরুষের প্রথার বিরুদ্ধাচরণ না করিতেন, তাহা হইলে এই মকদ্দমা হইত না—এ-কথা আপনার জ্ঞান বিশ্বাস মত শপথ করিয়া অস্বীকার করিতে পারেন কি? বিবাদী প্রতিমা-পূজা বজায় রাখিতে অস্বীকার করিয়াছেন, সেজন্ত তাঁহাকে সর্বস্বান্ত করিবার জন্ত যথাসাধ্য করা, এমন কি মিথ্যা সাক্ষ্য দেওয়াও কি আপনার বিবেকবুদ্ধিতে অন্তর্চিত নয় বলিয়া

বিশ্বাস করেন না? এই মকদ্দমা আরম্ভ হইবার পর আপনি নিজে বিবাদীর কলিকাতাস্থ সিমলার বাড়ীতে আসিয়া কি বিগ্রহের সেবার জন্ত কিছু জমি চান নাই? বিবাদী কি উহার পরিবর্তে দরিদ্রের সাহায্যের জন্ত অনেক টাকা দিতে চাহেন নাই, এবং প্রতিমা-পূজার জন্ত কোনরূপ সাহায্য করিতে অস্বীকার করেন নাই? তখন কি আপনি বিবাদীর উপর অসন্তুষ্ট হইয়া আপনার অনুরোধ অগ্রাহ্য করাতে বিবাদীর উপর বিরক্তি প্রকাশ করেন নাই?

তারিণী দেবীকে শেষ-পর্যন্ত আদালতে উপস্থিত হইতে হয় নাই। স্মরণ্য এই সকল প্রশ্নের উত্তরে তাঁহার কি বলিবার ছিল, তাহা আর আমাদের জানিবার উপায় নাই; কিন্তু এই প্রশ্নগুলি হইতে স্পষ্টই মনে হয়, প্রচলিত হিন্দুধর্মের অমুষ্ঠানাদি লইয়া রামমোহন ও তাঁহার মাতার মধ্যে বচসা হইত। ১৮১৪ খ্রীষ্টাব্দের মাঝামাঝি বংপুর হইতে কলিকাতা ফিরিয়া রামমোহন ধর্মসম্বন্ধীয় বিচার এবং পুস্তক প্রকাশের আয়োজন আরম্ভ করেন। ঠিক এই সময়েই তিনি লাজুলপাড়ার পৈতৃক বাড়ীর অর্দ্ধাংশ ভাগিনেয় গুরুদাস মুখোপাধ্যায়কে দান করিয়া বিগ্রহ-সেবার ব্যয়ভার হইতে মুক্ত হন। এই সকল কারণে কলিকাতা-প্রত্যাবর্তনের কালকে তাঁহার ধর্মমত পূর্ণ বিকশিত হইবার কাল বলিয়া ধরিয়া লওয়া যাইতে পারে। এই মত-পরিবর্তনের সূচনার প্রথম প্রমাণ আমরা পাই ১৮০৩-৪ খ্রীষ্টাব্দে প্রকাশিত 'তুহ্‌ফাৎ' গ্রন্থে।

এখন দুইটি প্রশ্ন জিজ্ঞাসা করিবার থাকে। প্রথমতঃ, রামমোহনের মত পরিবর্তন কাহার প্রভাবে ঘটে এবং দ্বিতীয়তঃ, কোথায় ঘটে।

যে মুসলমান ও ইংরেজ সংসর্গ এবং তাহার ফলে মুসলমানী ও পাশ্চাত্য বিচার সহিত পরিচয় রামমোহনের ধর্মমত পরিবর্তন ও



মানসিক বিকাশের প্রধান কারণ, তাহার সূচনা যে কলিকাতায় ঘটে, সে-সম্বন্ধে বিন্দুমাত্রও সন্দেহ নাই। ইংরেজ-রাজত্ব স্থাপনের ফলে অষ্টাদশ শতাব্দীর শেষের দিকে কলিকাতা মুসলমানী, হিন্দু ও ইংরেজী, এই তিন প্রকার বিজ্ঞাচর্চারই কেন্দ্র হইয়া উঠিয়াছিল। অর্থোপার্জনের জন্ম তখন বহু পণ্ডিত ও মৌলবী কলিকাতায় বাস করিতেন, এবং শাসনের সুবিধার জন্ম ইংরেজরাও মুসলমানী ও সংস্কৃত শাস্ত্রাদির আলোচনা আরম্ভ করেন। এমন কি, ১৮০০ খ্রীষ্টাব্দে মিশনারীদের শিক্ষায় অনুপ্রাণিত হইয়া এক জন বাঙালী হিন্দুদের পৌত্তলিকতার বিরুদ্ধে একটি পুস্তিকা প্রণয়ন করেন। এই বাঙালীটির নাম রামরাম বসু; তিনি ১৮০১ খ্রীষ্টাব্দ হইতে কলিকাতার ফোর্ট উইলিয়ম কলেজের সহিত সংশ্লিষ্ট ছিলেন। ঠিক এই সময় হইতেই কলিকাতা এবং কলিকাতার ফোর্ট উইলিয়ম কলেজ ও সদর দেওয়ানী আদালতের সহিত রামমোহনের ঘনিষ্ঠ সম্পর্কের প্রমাণ পাওয়া যায়। ডিগবীর সহিত রামমোহনের পরিচয়ও কলিকাতাতেই ঘটে। সব দিক হইতেই রামমোহনের সহিত কলিকাতার সংস্রবের পরিচয় আমরা পাই।

রামমোহনের ধর্মমতের বিকাশ সম্বন্ধে যে আলোচনা করা হইল তাহার দ্বারা রামমোহনের জীবন সম্বন্ধে এই স্কুল সিদ্ধান্তে উপস্থিত হওয়া যায় বলিয়া আমার বিশ্বাস।—রামমোহনের ধর্মসংস্কারক বৃত্তি আরম্ভ হয় পরিণত বয়সে। একান্ত শৈশবের কথা দূরে থাকুক, পঁচিশ-ত্রিশ বৎসর বয়সের পূর্ব পর্য্যন্ত তাঁহার ধর্মমত পরিবর্তনের আভাসমাত্র দেখা দেয় নাই। কিংবদন্তী ছাড়িয়া দিয়া একমাত্র দলিলপত্রের উপর নির্ভর করিলে রামমোহনের প্রথম-জীবনের যে-পরিচয় পাওয়া যায়, তাহা হইতে মনে হয়, তিনি প্রাপ্তবয়স্ক হওয়া পর্য্যন্ত সে-যুগের সকল সমৃদ্ধ ভদ্রসন্তানের মত স্বগ্রামে থাকিয়া পিতার ও নিজের সম্পত্তির তত্ত্বাবধানে

ব্যাপ্ত ছিলেন। হয়ত বা তখন তাঁহার সাধারণ ভদ্রলোক অপেক্ষা ফার্সী ও সংস্কৃত জ্ঞান বেশী ছিল, কিন্তু তখনও তিনি দেশাচার বা প্রচলিত ধর্মের বিরুদ্ধে কোনরূপ বিদ্রোহ করেন নাই। তাঁহার মনে এই সংশয় ও বিদ্রোহের সূচনা হয় যখন তিনি প্রাপ্তবয়স্ক হইয়া বৈষয়িক কাজের বশে বিদেশে আসিয়া এক নূতন জগতের সন্ধান পান। এই সংশয় প্রথমে মুসলমানী বিচার দ্বারা অনুপ্রাণিত হইয়াছিল, পরে ইংরেজী-প্রভাবে ইহা পূর্ণ বিকশিত হইতে প্রায় পনের বৎসর লাগিয়াছিল।

### ধর্মসংস্কারের প্রথম চেষ্টা

ভাল করিয়া ইংরেজী শেখায় এবং ধর্ম ও রাজনীতিসংক্রান্ত গ্রন্থ ভাল করিয়া অধ্যয়ন করায় এক দিকে রামমোহনের যেমন জ্ঞানবৃদ্ধি হয়, আর এক দিকে তেমনই সমাজ ও ধর্মসংস্কারের ইচ্ছাও প্রবল হয়।

কলিকাতার স্থায়ী অধিবাসী হইবার সঙ্গে সঙ্গেই রামমোহন ধর্ম ও সমাজ সংস্কারের কাজে ব্রতী হইলেন। তিনি নিজে এক এবং অদ্বিতীয় ঈশ্বরে বিশ্বাস করিতেন ও বলিতেন, এইরূপ ধর্মই প্রাচীন হিন্দুশাস্ত্রের অনুমোদিত। রামমোহনের যেরূপ পাণ্ডিত্য ছিল, তেমনই মনের প্রসারও ছিল। সেজন্য তিনি কোন সঙ্কীর্ণ গণ্ডির মধ্যে নিজেকে আবদ্ধ না রাখিয়া ধর্ম, সমাজ, রাষ্ট্র, বাংলা ভাষা ও সাহিত্য প্রভৃতি সকল বিষয়েরই উন্নতি করিবার চেষ্টা করিয়াছিলেন। ইহাদের মধ্যে ধর্মসংক্রান্ত আন্দোলনই তিনি সর্বপ্রথম আরম্ভ করেন। পূর্বেই বলিয়াছি, রামমোহন একেশ্বরবাদী ছিলেন। তিনি তাঁহার এই মত প্রচার করিবার জন্ম চারি প্রকার পথ অবলম্বন করিলেন—

- ১। পুস্তক ও পত্রিকা প্রকাশ,
- ২। কথোপকথন ও আলোচনা,
- ৩। সভা স্থাপন,
- ৪। বিদ্যালয় স্থাপন।

কলিকাতা আসিবার অল্প দিন পরেই রামমোহন অনুবাদ ও ভাষ্য সহ বেদান্ত গ্রন্থ প্রকাশ করেন (ইং ১৮১৫)। সে-সময়ে বাংলা দেশে বেদ-উপনিষদ্ প্রভৃতির চর্চা মন্দীভূত হইয়াছিল। রামমোহন নূতন করিয়া বেদান্ত-চর্চার সূত্রপাত করেন; বাংলা ভাষায় তিনি বেদান্তের সর্বপ্রথম ভাষ্যকার। ইহা ছাড়া ব্রহ্ম-সম্বন্ধীয় আলোচনার জন্ত তিনি 'আত্মীয় সভা' নামে একটি সভা স্থাপন করিয়াছিলেন (ইং ১৮১৫)। ইহার পর তিনি ক্রমাগত কেন, ঙ্গ, কঠ প্রভৃতি অনেকগুলি উপনিষদ্ প্রকাশ করেন। রামমোহনের উদ্দেশ্য ছিল যে, তিনি হিন্দুদের প্রাচীন ও অতিসম্মানিত শাস্ত্র প্রকাশ করিয়া প্রমাণ করিবেন, হিন্দুধর্মে নিরাকার ব্রহ্মোপাসনাই শ্রেষ্ঠ বলিয়া স্বীকৃত হইয়াছে। এই জন্ত তিনি অর্থব্যয়ে কাৰ্পণ্য করেন নাই। এই সকল ধর্মগ্রন্থ তিনি বিনামূল্যে বিতরণ করিয়াছিলেন।

রামমোহনের প্রগাঢ় জ্ঞান ও ধর্মালোচনার এক দিকে যেমন অনেক গণ্যমান্য ও বিদ্বান্ ব্যক্তি তাঁহার প্রতি আকৃষ্ট হইলেন, আর এক দিকে রক্ষণশীল দল তেমনই তাঁহার প্রবল শত্রু হইয়া দাঁড়াইলেন। এই দল কেবলমাত্র তাঁহার মতের বিরুদ্ধে পুস্তক প্রকাশ করিয়া ও তর্কবিতর্ক করিয়াই সন্তুষ্ট রহিল না,—তাঁহার চরিত্র, আচার-ব্যবহার সম্বন্ধেও নানারূপ সমালোচনা করিতে লাগিল। রামমোহন অধিকাংশ ক্ষেত্রেই ধীরতা না হারাইয়া ইহাদের যুক্তির উত্তর দিলেন।

নূতন ধর্মমত প্রচারের জন্ত রামমোহনের এক দিকে যেমন রক্ষণশীল

হিন্দুদের সহিত বিরোধ আরম্ভ হইল, আর এক দিকে তেমনই গোড়া খ্রীষ্টান পাদ্রিদের সহিতও তর্কবিতর্ক বাধিল। খ্রীষ্টান ধর্মশাস্ত্রে রামমোহনের প্রগাঢ় অজ্ঞা ছিল। বাইবেলের পুরাতন অংশ মূলে অধ্যয়ন করিবার জন্ত তিনি হিব্রু ভাষা শিখিয়াছিলেন। কিন্তু তিনি খ্রীষ্টের জীবনের অলৌকিক ঘটনাবলীকেই খ্রীষ্টধর্মের সর্বাপেক্ষা মূল্যবান্ তত্ত্ব বিবেচনা করিতেন না, এবং খ্রীষ্টকে অবতার বলিয়া বিশ্বাস করিতেন না। তিনি বলিতেন, খ্রীষ্টের বাক্যাবলীতে মানুষের মন, চরিত্র ও ধর্মবুদ্ধি উন্নত করিবার জন্ত যে বহু উপদেশ আছে, উহাই সর্বাপেক্ষা মূল্যবান্। এই উপদেশ এদেশের লোকদের বোধগম্য করিবার জন্ত তিনি উহা হইতে নানা বিষয়ের একটি সঙ্কলন প্রকাশ করেন। এই সঙ্কলন লইয়াই খ্রীষ্টান পাদ্রিদের সহিত তর্ক বাধে। তখন শ্রীরামপুরের খ্রীষ্টান পাদরি মার্শম্যান ও কেবী খুব প্রতিপত্তিশালী। তাঁহারা তাঁহাদের 'ফ্রেণ্ড অব ইণ্ডিয়া' পত্রিকায় লিখিলেন যে, রামমোহন খ্রীষ্টধর্ম বুঝেন নাই এবং তাহার সারাংশই বাদ দিয়াছেন। রামমোহনও এই সমালোচনার উত্তর দিলেন। এইরূপে উত্তর-প্রত্যুত্তর হিসাবে বিরাট গ্রন্থ প্রকাশ হইতে লাগিল। এই সময় রামমোহন উইলিয়ম অ্যাডাম নামে এক জন খ্রীষ্টান পাদরিকে নিজের দলে টানিয়া আনিলেন। এই অ্যাডাম আজীবন তাঁহার সঙ্গী ছিলেন।

### সাময়িক-পত্র পরিচালন

এই সকল পুস্তক ভিন্ন রামমোহন কয়েকখানি পত্রিকাও প্রকাশ করিয়াছিলেন। ইহাদের নাম 'ব্রাহ্মনিক্যাল ম্যাগাজিন— ব্রাহ্মণ সেবধি' (সেপ্টেম্বর ১৮২১), 'সম্বাদ কোমুদী' (৪ ডিসেম্বর ১৮২১) ও 'মীরাৎ-উল্-আখ্বার' (১২ এপ্রিল ১৮২২)। এইগুলির মধ্যে প্রথমটি ইংরেজী-

বাংলায়, দ্বিতীয়টি বাংলায় ও শেষেরটি ফার্সী ভাষায় প্রকাশিত হইত।\* 'সংবাদ কোমুদী' খুব উচ্চাঙ্গের সাপ্তাহিক পত্রিকা ছিল। উহাতে বহু সারগর্ভ প্রবন্ধাদি থাকিত।

রামমোহন সংবাদপত্রের স্বাধীনতার অত্যন্ত পক্ষপাতী ছিলেন। সে জন্ম ১৮২৩ খ্রীষ্টাব্দে যখন সংবাদপত্রের জন্ম গবর্মেণ্টের নিকট হইতে লাইসেন্স লইতে হইবে, এই নিয়ম প্রবর্তিত হয়, তখন তিনি উহা নিষ্প্রয়োজন ও অসম্মানসূচক জ্ঞান করিয়া 'মীরাৎ-উল্-আখ্‌বার' বন্ধ করিয়া দেন। তিনি এই প্রসঙ্গে যাহা লেখেন, নিম্নে তাহার বঙ্গানুবাদ দেওয়া হইল :—

### মীরাৎ-উল্-আখ্‌বার

শুক্রবার ৪ এপ্রিল ১৮২৩—(অতিরিক্ত সংখ্যা)

পূর্বেই জানান হইয়াছিল যে, মহামান্য গবর্নর-জেনারেল ও তাঁহার কোন্সিল দ্বারা একটি আইন ও নিয়ম প্রবর্তিত হইয়াছে, যাহার ফলে অতঃপর এই নগরে পুলিশ আপিসে স্বত্বাধিকারীর দ্বারা হলফ না করাইয়া ও গবর্মেণ্টের প্রধান সেক্রেটারীর নিকট হইতে লাইসেন্স না লইয়া কোন দৈনিক, সাপ্তাহিক বা সাময়িক পত্র প্রকাশ করা যাইবে না এবং ইহার পরেও পত্রিকা সম্বন্ধে অসন্তুষ্ট হইলে গবর্নর-জেনারেল এই লাইসেন্স প্রত্যাহার করিতে পারিবেন। এখন জ্ঞাত করা যাইতেছে যে, ৩১এ মার্চ তারিখে সুপ্রীম কোর্টের বিচারপতি মাননীয় সারু ফ্রান্সিস ম্যাকনটেন এই আইন ও নিয়ম অনুমোদন করিয়াছেন। এই অবস্থায় কতকগুলি বিশেষ বাধার

\* এই সকল সাময়িক-পত্রের বিস্তৃত বিবরণ আমার 'বাংলা সাময়িক-পত্র' ও 'বাংলা সাময়িক-সাহিত্য' পুস্তকে দ্রষ্টব্য।

জন্য, মনুষ্য-সমাজে সর্বাপেক্ষা নগণ্য হইলেও আমি অত্যন্ত অনিচ্ছা ও দুঃখের সহিত এই পত্রিকা (‘মীরাৎ-উল্-আখ্‌বার’) প্রকাশ বন্ধ করিলাম। বাধাগুলি এই :—

প্রথমতঃ, প্রধান সেক্রেটারীর সহিত যে-সকল ইউরোপীয় ভদ্রলোকের পরিচয় আছে, তাঁহাদের পক্ষে যথারীতি লাইসেন্স গ্রহণ অতিশয় সহজ হইলেও আমার মত সামান্য ব্যক্তির পক্ষে দ্বারবান ও ভৃত্যদের মধ্য দিয়া এইরূপ উচ্চপদস্থ ব্যক্তির নিকট যাওয়া অত্যন্ত দুঃস্থ ; এবং আমার বিবেচনায় যাহা নিস্প্রয়োজন, সেই কাজের জ্ঞান নানা জাতীয় লোকে পরিপূর্ণ পুলিশ আদালতের দ্বার পার হওয়াও কঠিন। কথা আছে,—

আক্র কে বা-সদ্‌ খুন ই জিগর বস্ত, দিহদ্

বা-উমেদ্-ই করম্-এ, খাজা, বা-দারবান্ মা-ফরোশ্,

অর্থাৎ,—যে-সম্মান হৃদয়ের শত রক্তবিন্দুর বিনিময়ে ক্রীত, ওহে মহাশয়, কোন অনুগ্রহের আশায় তাহাকে দরওয়ানের নিকট বিক্রয় করিও না। দ্বিতীয়তঃ, প্রকাশ্য আদালতে সম্ভ্রান্ত বিচারকদের সমক্ষে স্বেচ্ছায় হলফ করা সমাজে অত্যন্ত নীচ ও নিন্দার্ক বলিয়া বিবেচিত হইয়া থাকে। তাহা ছাড়া সংবাদপত্র-প্রকাশের জ্ঞান এমন কোন বাধ্যবাধকতা নাই, যাহার জ্ঞান কাল্পনিক স্বত্বাধিকারী প্রমাণ করিবার মত বেআইনী ও গর্হিত কাজ করিতে হইবে।

তৃতীয়তঃ, অনুগ্রহ প্রার্থনার অখ্যাতি ও হলফ করিবার অসম্মানভাজন হইবার পরও গবর্নেন্ট কর্তৃক লাইসেন্স প্রত্যাহত হইতে পারে, এই আশঙ্কার জ্ঞান সেই ব্যক্তিকে লোকসমাজে অপদস্থ হইতে হইবে এবং এই ভয়ে তাহার মানসিক শাস্তি বিনষ্ট হইবে। কারণ, মানুষ স্বভাবতঃই ভ্রমশীল ; সত্য কথা বলিতে গিয়া তাহাকে

হয়ত এরূপ ভাষা প্রয়োগ করিতে হইবে, যাহা গবর্মেণ্টের নিকট অপ্রীতিকর হইতে পারে। সুতরাং আমি কিছু বলা অপেক্ষা মৌন অবলম্বন করাই শ্রেয় বিবেচনা করিলাম।

গা-এ গোশা-নশিনি ! হাফিজা ! মাখ্‌রোশ্,

কুমুজ্-ই-মসুলিহ্-ই খেশ্‌ খুস্‌রোয়ান্ দানন্দ্ ।

—হাফিজ ! তুমি কোণঘেঁষা ভিখারী মাত্র, চূপ করিয়া থাক। নিজ রাজনীতির নিগূঢ় তত্ত্ব রাজারাই জানেন।

পারস্য ও হিন্দুস্থানের যে সকল মহানুভব ব্যক্তি পৃষ্ঠপোষকতা করিয়া 'মীরাৎ-উল্-আখবারু'কে সম্মানিত করিয়াছেন, তাঁহারা যেন উপরোক্ত কারণসকলের জন্ত প্রথম সংখ্যার ভূমিকায় তাঁহাদিগকে ঘটনাবলীর সংবাদ দিব বলিয়া যে প্রতিশ্রুতি দিয়াছিলাম, সেই প্রতিশ্রুতি ভঙ্গের জন্ত আমাকে ক্ষমা করেন, ইহাই আমার অনুরোধ ; এবং ইহাও আমার অনুরোধ যে, আমি যে-স্থানে যে-ভাবেই থাকি না কেন, নিজেদের উদারতায় তাঁহারা যেন আমার মত সামান্ত ব্যক্তিকে সর্বদাই তাঁহাদের সেবায় নিরত বলিয়া জ্ঞান করেন।

কেবলমাত্র পত্রিকা বন্ধ করিয়া দিয়াই রামমোহন তাঁহার কর্তব্য শেষ করেন নাই। এই আইন রেজেস্ট্রীকৃত হইবার পূর্বে ইহা সংবাদপত্রের স্বাধীনতা-অপহারক বলিয়া তিনি তাঁহার কয়েক জন কলিকাতাস্থ বন্ধুর সহিত ইহার প্রতিবাদ করেন (৩১ মার্চ ১৮২৩)। তাহাতে কোন ফল না হওয়ায় তাঁহারা ইংলণ্ডেশ্বরের নিকট এক আবেদনপত্র পাঠাইয়াছিলেন।

রামমোহন আর কোন পত্রিকা পরিচালন করেন নাই বটে, তবে মুদ্রাধর্ম বিষয়ক আইন বিদ্যমান থাকা কালেই মাস-তিনেকের জন্ত আর

একখানি পত্রিকার অন্ততম স্বত্বাধিকারী হইয়াছিলেন।\* ইহা ৯ মে ১৮২৯ তারিখে প্রকাশিত 'বেঙ্গল হেরাল্ড'।

### ব্রাহ্ম সমাজ স্থাপন

কলিকাতায় আসিয়াই রামমোহন 'আত্মীয় সভা' স্থাপন করিয়াছিলেন—এক কথা পূর্বেই বলিয়াছি। এই সভায় শাস্ত্রীয় আলোচনা, বেদপাঠ ও ব্যাখ্যা, ব্রহ্মসঙ্গীত প্রভৃতি হইত। ১৮১৬ খ্রীষ্টাব্দে অনুষ্ঠিত এইরূপ একটি সভায় নিম্নের ব্রহ্মসঙ্গীতটি গীত হয়; ইহা রামমোহনের 'ব্রহ্মসঙ্গীতে' মুদ্রিত আছে, গ্রন্থাবলী দ্রষ্টব্য। রামমোহন রায়ের রচিত :—

কে ভুলানো হয়  
কল্পনাকে সত্য করি জান, এ কি দায়।  
আপনি গড়হ যাকে;  
যে তোমার বশে তাঁকে  
কেমনে ঈশ্বর ডাকে কর অভিপ্রায় ?  
কখনো ভূষণ দেও, কখনো আহ্বার ;  
কণেকে স্থাপহ, কণেক করহ সংহার।

\* "I have the honour to inform you for the information of Government that Rammohun Roy and Rajkissen Sing have ceased to be proprietors of this newspaper, entitled the *Bengal Herald*, from the present date."—R. M. Martin, Principal Proprietor of the *Bengal Herald*, dated 30th July 1829, to G. Swinton, Chief Secretary to Government.



প্রভু বোলে মান যারে,

সম্মুখে নাচাও তারে—

হেন ভুল এ সংসারে দেখেছ কোথায় ?

প্রথমে এই সভায় অনেকেই আসিতেন। কিন্তু ক্রমে ক্রমে যখন রামমোহনের ধর্মমত লইয়া তুমুল দলাদলি আরম্ভ হইল, তখন অনেকেই ভয় পাইয়া আত্মীয় সভায় আসা বন্ধ করিয়া দিলেন। এই সভা খুব কার্যকরী ও স্থায়ী না হওয়ায় রামমোহন ‘ইউনিটারিয়ান কমিটি’ নাম দিয়া আর একটি সভা স্থাপন করিলেন (সেপ্টেম্বর ১৮২১)। এই সভার ধর্মমত খ্রীষ্টান ধর্ম হইতে গৃহীত হইয়াছিল ও উহাতে ইউনিটারিয়ান খ্রীষ্টান মতেই উপাসনা প্রভৃতি হইত। পুত্র বাধাপ্রসাদ, কয়েক জন আত্মীয় এবং তারাচাঁদ চক্রবর্তী ও চন্দ্রশেখর দেব নামে দুই জন শিষ্য লইয়া রামমোহন এই সভায় যাইতেন। এই সভা প্রতিষ্ঠায় ও পরিচালনে অ্যাডাম রামমোহনের প্রধান সহায়ক ছিলেন। কিন্তু এই সভাও খুব কার্যকরী হইল না।

এক দিন রামমোহন ইউনিটারিয়ান কমিটির অধিবেশন হইতে বাড়ী ফিরিয়া আসিতেছেন, এমন সময় তারাচাঁদ চক্রবর্তী ও চন্দ্রশেখর দেব বলিলেন, ‘আমাদের বিদেশী উপাসনা-মন্দিরে যাইবার প্রয়োজন কি? আমাদের নিজেদেরই একটি মন্দির থাকা আবশ্যিক। এই কথাটি রামমোহনের মনে লাগিল। তিনি ষারকানাথ ঠাকুর প্রভৃতি কয়েক জন বিশিষ্ট বন্ধুর সঙ্গে পরামর্শ করিয়া, ব্রহ্মোপাসনার জন্য একটি নূতন সভা স্থাপন করিলেন। এই সভার প্রথম অধিবেশন হয় ১৮২৮ খ্রীষ্টাব্দের ২০এ আগস্ট। ইহার নামকরণ হয়—“ব্রাহ্ম সমাজ”। সে সময়ে লোকে এই সভাকে ব্রহ্মসভা বলিত।

প্রতি শনিবার সন্ধ্যা ৭টা হইতে ৯টা পর্যন্ত সভার কাজ হইত।

বাওজী নামে একজন হিন্দুস্থানী ব্রাহ্মণ বেদ এবং উৎসবানন্দ বিদ্যাবাগীশ উপনিষদ্ পাঠ করিতেন। পরে হরিহরানন্দ তীর্থস্বামীর কনিষ্ঠ ভ্রাতা রামচন্দ্র বিদ্যাবাগীশ বৈদিক শ্লোকের ব্যাখ্যা করিলে সঙ্গীত হইয়া সভা ভঙ্গ হইত। এই সঙ্গীত করিতেন বিষ্ণু চক্রবর্তী\* ও পাথোরাজ বাজাইতেন গোলাম আক্বাস নামে এক জন মুসলমান। বিষ্ণু অতি সুকণ্ঠ ছিলেন। সকলেই তাঁহার গান মুগ্ধ হইয়া শুনিত। বিশেষতঃ রামমোহন তাঁহার কণ্ঠে নিম্নের স্তোত্রটি শুনিতে ভালবাসিতেন :—

বিগতবিশেষং জনিতাশেষং সচ্চিৎসুখপরিপূর্ণং ।

আকৃতিবীতং ত্রিগুণাতীতং ভজ পরমেশং তুর্গং ॥ ১ ।

হিত্বাকায়ং হৃদয়বিকারং মায়াময়মত্রত্যং ।

আশ্রয় সততং সত্তাবিততং নিরবচ্ছং তৎ সত্যং ॥ ২ ।

বেদৈর্গীতং প্রত্যগতীতং পরাৎপরং চৈতন্যং ।

অজরমশোকং জগদালোকং সর্বশৈশ্রুকশরণং ॥ ৩ ।

গচ্ছদপাদং বিগতবিবাদং পশুতি নেত্রবিহীনং ।

শৃণুদকর্ণং বিরহিতবর্ণং গৃহুদহস্তমপীনং ॥ ৪ ।

ব্যাপ্যাশেষং স্থিতমবিশেষং নিগুণমপরিচ্ছিন্নং ।

বিততবিকাসং জগদাবাসং সর্বোপাধিবিভিন্নং ॥ ৫ ।

যস্য বিবর্তং বিশ্বাবর্তং বদতি শ্রুতিরবিরামং ।

নাথস্থূলং জগতো মূলং শাশ্বতমীশমকামং ॥ ৬ ।

প্রথমে এই ব্রাহ্ম সমাজ বা ব্রাহ্মসভার কোন নিজস্ব বাড়ী ছিল না।

\* ইনি বার্লুক্যানিবন্ধন ১৮০৪ শকের মাঘ মাসে ( ইং ১৮৮৩ ) আদি ব্রাহ্মসমাজের গায়কপদ হইতে অবসর গ্রহণ করেন। ৪ মে ১৯০০ ( ২২ বৈশাখ ১৮২২ শক ) তারিখে ৯৬ বৎসর বয়সে তাঁহার মৃত্যু হয়।—  
'তত্ত্ববোধিনী পত্রিকা', ফাল্গুন ১৮০৪ ও জ্যৈষ্ঠ ১৮২২ শক দ্রষ্টব্য।

কিছু দিন পরে অর্থ সংগ্রহ করিয়া জোড়াসাঁকোয় জমি কিনিয়া বাড়ী করা হইল। ১৮৩০ খ্রীষ্টাব্দের ২৩এ জামুয়ারি এই নূতন বাড়ীতে সমাজের কাজ আরম্ভ হয়। উদ্বোধনের দিন প্রায় ৫০০ হিন্দু ( তন্মধ্যে অনেকে ব্রাহ্মণ ) সমবেত হইয়াছিলেন। একজন সাহেবও উপস্থিত ছিলেন, তিনি মণ্টগোয়ারি মার্টিন। ইহার প্রথম আচার্য্য হন রামচন্দ্র বিদ্যাবাগীশ। রামমোহনের “ব্রাহ্ম সমাজ” কোন দিনই একটি বিশিষ্ট ধর্ম সম্প্রদায় ছিল না—ইহা বিশেষ ভাবেই স্বরূপীয়। এই সমাজে আসিয়া সকল সম্প্রদায়ের লোকই এক ঈশ্বরের উপাসনা করিতে পারিতেন, বস্তুতঃ হিন্দু-মুসলমান, খ্রীষ্টান-ইহুদী সকলেই এই উপসনায় যোগ দিতেন। পরে মহর্ষি দেবেন্দ্রনাথের নেতৃত্বে বিশিষ্ট ধর্ম সম্প্রদায়ের সূচনা হইয়াছিল এবং এই সমাজই পরে আদি ব্রাহ্ম সমাজ নামে পরিচিত হইয়াছে।

রামমোহনের স্থাপিত সভায় কি ভাবে কাহার উপাসনা হইবে তাহা তিনি একটি দলিলে লিখিয়া যান। তিনি নির্দেশ করিয়া যান যে, ব্রহ্মাণ্ডের স্রষ্টা, পালনকর্তা, আদিঅন্ত রহিত, অগম্য ও অপরিবর্তনীয় পরমেশ্বরই একমাত্র উপাস্ত। কোন সাম্প্রদায়িক নামে তাঁহার উপাসনা হইতে পারিবে না। যে-কোন ব্যক্তি শ্রদ্ধার সহিত উপাসনা করিতে আসিবেন, তাঁহারই জন্ম জাতি, ধর্ম, সম্প্রদায়, সামাজিক পদ-নির্বিশেষে মন্দিরের দ্বার উন্মুক্ত থাকিবে। কোন প্রকার চিত্র, প্রতিমূর্তি বা খোদিত মূর্তি এই মন্দিরে ব্যবহৃত হইবে না। প্রাণিহিংসা হইবে না, পান-ভোজন হইবে না, জীবই হউক বা জড়ই হউক, কোন সম্প্রদায়ের উপাস্তকে ব্যঙ্গ বিদ্রূপের ভাবে উল্লেখ করা হইবে না। যাহাতে পরমেশ্বরের ধ্যান-ধারণার প্রসার হয়, প্রেম নীতি ভক্তি দয়া সাধুতার উন্নতি হয়, এবং সকল ধর্ম সম্প্রদায়ভুক্ত লোকের মধ্যে ঐক্যবন্ধন

দৃড়ীভূত হয়, এখানে সেই প্রকার উপদেশ, বক্তৃতা, প্রার্থনা ও সঙ্গীত হইবে; অন্য কোনরূপ হইতে পারিবে না।

### সমাজ-সংস্কার ; সহমরণ প্রথার-উচ্ছেদ

রামমোহন যখন ব্রহ্মসভার প্রতিষ্ঠা করেন, তখন এদেশে সহমরণ-প্রথা লইয়া তুমুল আন্দোলন চলিতেছিল। রামমোহন সহমরণ-প্রথার বিরোধী ছিলেন ও যাহাতে এই নৃশংস প্রথা রহিত হয়, তাহার জ্ঞাত খুব চেষ্টা করিতেছিলেন। মোগল-সম্রাট আকবর প্রথমে এই প্রথা রহিত করিবার চেষ্টা করেন। ইংরেজ-শাসন স্থাপন হওয়া অবধি মিশনরীরাও এই প্রথার বিরুদ্ধে আন্দোলন করিতেছিলেন। ইংরেজ-শাসকদের মধ্যে লর্ড ওয়েলেসলী প্রথমে এই প্রথা সংযমিত করিবার চেষ্টা করেন। তাহার পর হইতে গবর্নেন্ট এই বিষয়ে নানা নিয়ম করিতেছিলেন, কিন্তু একেবারে বন্ধ করিয়া দিবেন কি-না, স্থির করিতে পারিতেছিলেন না। রামমোহন কলিকাতা আসার অল্প দিন পর হইতেই সতীদাহের বিরুদ্ধে আন্দোলন আরম্ভ করেন। তিনি হিন্দুশাস্ত্র হইতে প্রমাণ করেন যে বিধবাদিগকে স্বামীর সহিত সহমরণে যাইতে হইবে, এমন কোন নির্দেশ নাই। ১৮২৯ খ্রীষ্টাব্দের ৪ঠা ডিসেম্বর লর্ড উইলিয়ম বেটিক এই প্রথা আইনবিরুদ্ধ বলিয়া ঘোষণা করিলেন। রক্ষণশীল হিন্দুরা সতীদাহ বন্ধ হইলে হিন্দুধর্ম লোপ পাইবে, এই কথা বলিতে লাগিলেন ও তাঁহাদের মত প্রচার করিবার জ্ঞাত ধর্মসভা বলিয়া একটি সভা করিলেন ( ১৭ জানুয়ারি ১৮৩০ )।

সতীদাহ-প্রথা উচ্ছেদের চেষ্টাই এদেশের নারীদের জ্ঞাত রামমোহনের একমাত্র কল্যাণকর কাজ নহে। নারীজাতি সম্বন্ধে রামমোহনের

অতিশয় উচ্চ ধারণা ছিল। তাহারা যাহাতে সম্পত্তির অধিকারিণী হয়, সে-বিষয়েও রামমোহন আন্দোলন করিয়াছিলেন।

### শিক্ষা-সংস্কার

রামমোহন শিক্ষাবিস্তার সম্বন্ধে যে-সকল কাজ করেন, তাহাও এইখানে উল্লেখ করা উচিত। তিনি এদেশে পাশ্চাত্য শিক্ষাবিস্তারের পক্ষপাতী ছিলেন। গবর্নেন্ট হিন্দু পণ্ডিতগণের তত্ত্বাবধানে সংস্কৃত শিক্ষা দিবার জন্য কলিকাতায় সংস্কৃত কলেজ স্থাপনে অগ্রসর হইয়াছেন, এই সংবাদে তীব্র প্রতিবাদ জানাইয়া তিনি ১৮২৩ খ্রীষ্টাব্দের ১১ই ডিসেম্বর লর্ড আমহার্স্টকে একখানি দীর্ঘ পত্র লেখেন। তাঁহার মতে, সংস্কৃত এতই কঠিন যে, ভাষা আয়ত্ত করিতেই প্রায় সারা জীবন কাটিয়া যায়। বহু দিন ধরিয়া এই কারণেই সংস্কৃত ভাষা জ্ঞানের প্রসারের পক্ষে শোচনীয় বাধাস্বরূপ। সংস্কৃত ব্যাকরণের খুঁটিনাটি আয়ত্ত করিতেই যদি শিক্ষার্থীর প্রথম জীবনের শ্রেষ্ঠ ষাটশ বৎসর অতিবাহিত হয়, তাহা হইলে সে শিক্ষায় উন্নতির আশা কোথায়? বেদান্ত,\*

\* "Neither can much improvement arise from such speculations as the following which are the themes suggested by the Vedanta,— in what manner is the soul absorbed in the Deity? What relation does it bear to the Divine Essence? Nor will youths be fitted to be better members of society by the Vedantic doctrines which teach them to believe, that all visible things have no real existence, that as father, brother & c., have no actual entity, they consequently deserve no real affection, and therefore the sooner we escape from them and leave the world the better."

বেদান্ত সম্বন্ধে রামমোহনের এই মতে আশ্চর্য্য হইবার কিছুই নাই। একেশ্বরবাদ ও নিরাকার উপাসনার পরিপোষক বলিয়াই তিনি বেদান্ত প্রচারের প্রয়াসী হইয়াছিলেন। এই পত্রে উল্লিখিত বেদান্তদর্শনের আলোচিত বিষয়গুলি তাঁহার রচিত বেদান্তসার পুস্তকে স্থান পায় নাই।

মীমাংসা কিংবা ত্রায়শাস্ত্রের শিক্ষাও শিক্ষার্থীর পক্ষে সবিশেষ উপকারী হইবে না। সংস্কৃত-শিক্ষাপ্রণালী দেশকে অজ্ঞানানন্ধকারে রাখিবার প্রকৃষ্ট উপায়। রামমোহন চাহিয়াছিলেন, যে-সকল কার্য্যকর জ্ঞান-বিজ্ঞান—যথা, গণিত, পদার্থবিজ্ঞা, রসায়ন, শারীর সংস্থানবিজ্ঞা—চর্চা করিয়া ইউরোপীয় জাতিসমূহ পৃথিবীর অন্যান্য জাতি অপেক্ষা শ্রেষ্ঠ হইতে সমর্থ হইয়াছে, তাঁহার দেশবাসীর মধ্যেও যেন সেই প্রকার উদার শিক্ষানীতি প্রবর্তন হয়। লক্ষ্য করিবার বিষয়, এই পত্রে তিনি ইংরেজী ভাষা শিক্ষার কথা বলেন নাই, পাশ্চাত্য জ্ঞান-বিজ্ঞান শিক্ষার কথাই বলিয়াছেন। সে যাহা হউক, রামমোহন এ-বিষয়ে কেবলমাত্র মতপ্রকাশ করিয়াই ক্ষান্ত হন নাই; তিনি পূর্বেই—১৮২২ খ্রীষ্টাব্দে পাশ্চাত্য জ্ঞান-বিজ্ঞান শিক্ষার উপায়স্বরূপ নিজব্যয়ে হেতুয়া পুষ্করিণীর দক্ষিণ-পূর্ব কোণে অ্যাংলো-হিন্দু স্কুল নামে একটি ইংরেজী স্কুলও স্থাপন করিয়াছিলেন।

বাংলা ভাষার উন্নতি ও প্রচারের জন্ত রামমোহন যে চেষ্টা করিয়াছিলেন, তাহা এ চরিতমালায় বিশেষ উল্লেখযোগ্য। বাংলা-গত সম্পর্কে তাঁহার কীর্ত্তির কথা অন্ত্র আলোচিত হইয়াছে।

## রাজনৈতিক আলোচনা

ধর্ম, শিক্ষা ও সমাজ-সংস্কারে রামমোহনের যেরূপ আগ্রহ ছিল, রাজনৈতিক ব্যাপারেও তেমনি আগ্রহ ছিল। ইউরোপ ও আমেরিকার রাজনৈতিক অবস্থা সম্বন্ধে তাঁহার গভীর জ্ঞান ছিল। তিনি রাজনৈতিক ব্যাপারে উদার এবং আন্তর্জাতিক-মনোভাবসম্পন্ন ছিলেন। স্বৈচ্ছাচারী রাজার নিকট হইতে এক নিয়মানুগ শাসনতন্ত্র আদায় করিয়াও নেপলস-

বাসিগণ অস্বীয় সৈন্তগণ কর্তৃক পুনরায় দাসত্বপাশে আবদ্ধ হইতে বাধ্য হয়—ভারতবর্ষে এই সংবাদ শ্রবণে রামমোহন মনে মনে এতই আহত হন যে, ১১ আগষ্ট ১৮২১ তারিখে সিন্ধু বাকিংহামকে লেখেন :—

I am afraid I must be under the necessity of denying myself the pleasure of your society this evening ; more especially as my mind is depressed by the late news from Europe...I consider the cause of the Neapolitans as my own, and their enemies as ours. Enemies to liberty and friends of despotism have never been and never will be, ultimately successful.

স্পেনের স্বৈচ্ছাচার হইতে দক্ষিণ-আমেরিকার উপনিবেশগুলির মুক্তির সংবাদে উৎফুল্ল হইয়া রামমোহন স্বভবনে বহু ইউরোপীয় বন্ধুকে আমন্ত্রণ করিয়া ভোজে আপ্যায়িত করেন। ভোজ-সভায় তিনি বলেন :—

‘What!’ replied he ( upon being asked why he had celebrated by illuminations, by an elegant dinner to about sixty Europeans, and by a speech composed and delivered in English by himself at his house in Calcutta, on the arrival of important news of the success of the Spanish patriots ), ‘ought I to be insensible to the suffering of my fellow creatures wherever they are, or however unconnected by interests, religion or language?’—*Edinburgh Magazine* ( Constable ) for September 1823.

ইংলণ্ডে বা ফ্রান্সে উদারনৈতিক দল জয়ী হইতেছেন শুনিয়া তাঁহার অতিশয় আনন্দ হইত। ফ্রান্সে ১৮৩০ খ্রীষ্টাব্দে যে রাজনৈতিক পরিবর্তন হয়, তাহাতে তিনি অতিশয় আনন্দিত হন। ইংলণ্ডে যাইবার পথে তিনি যখন দক্ষিণ-আফ্রিকার কেপটাউনে, তখন দুইটি ফরাসী জাহাজে স্বাধীনতাসূচক নূতন তিন রঙের নিশান উড়িতেছে দেখিয়া ভাঙ্গা-পা গ্রাহ্য না করিয়া, সেই জাহাজগুলিতে গিয়া আনন্দ জ্ঞাপন করেন ও ফিরিবার সময় “ফ্রান্স ধন্য, ধন্য, ধন্য” বলিতে থাকেন। ইংলণ্ডে

প্রোটেষ্ট্যান্ট ও ক্যাথলিকদের মধ্যে যখন রাষ্ট্রীয় ব্যাপারে সাম্য প্রবর্তিত হয়, তখন তিনি অত্যন্ত আনন্দ প্রকাশ করিয়াছিলেন। পরে তিনি যখন বিলাতে, তখন “রিফর্মস্ বিল” পাস হওয়া সম্বন্ধে খুব উৎসাহ দেখাইয়াছিলেন। এই সকল ব্যাপার ছাড়া, এদেশে সংবাদপত্রের স্বাধীনতা সংরক্ষণ, উত্তরাধিকার সম্বন্ধে আইন পরিবর্তন, জুরী-প্রথার প্রবর্তন প্রভৃতি সম্বন্ধেও তিনি আন্দোলন করেন। তখন এদেশে রাজনৈতিক আলোচনা ছিল না বলিলেই হয়। রামমোহনকেই এ-বিষয়ে পথপ্রদর্শক বলা চলে।

### বিলাত-প্রবাস ও মৃত্যু

বাঙালীদের মধ্যে রামমোহন রায়ই সর্বপ্রথম বিলাত যাত্রা করেন। তিনি ১৮৩০ খ্রীষ্টাব্দের ১২এ নবেম্বর কলিকাতা হইতে দ্রুতগামী ‘ফর্বস’ নামক ষ্টীমারে রওনা হইয়া পরদিন খাজুরীতে পালের জোরে চান্নিত মসুরগতি ‘অ্যালবিয়ন’ জাহাজকে ধরেন। এই অ্যালবিয়ন জাহাজে যাত্রা করিয়া পর-বৎসরের ৮ই এপ্রিল লিভারপুল শহরে জাহাজ হইতে অবতরণ করেন। ইউরোপ গিয়া সেখানকার আচার-ব্যবহার স্বচক্ষে দেখিবার ইচ্ছা রামমোহনের বহুকাল হইতেই ছিল। কিন্তু স্রযোগের অভাবে যাওয়া ঘটিয়া উঠে নাই। দ্বিতীয়-আকবর তখন নামে মাত্র দিল্লীশ্বর। তিনি ১৮৩০ খ্রীষ্টাব্দে রামমোহনকে দূত স্বরূপ বিলাতে পাঠাইবার ব্যবস্থা করায় এই সুবিধা ঘটিল। দিল্লীর নিকটবর্তী কতকগুলি জমিদারীর রাজস্ব নিজের অধিকার আছে বলিয়া দিল্লীশ্বর কোম্পানীর কর্তৃপক্ষের নিকট আবেদন করিয়াছিলেন। এই আবেদনে কোন ফল না হওয়ায় বাদশা ইংলণ্ডের রাজার নিকট আবেদন করিতে সঙ্কল্প করেন ও রামমোহনকে ‘রাজা’ উপাধি দিয়া বিলাত পাঠাইতে মনস্থ করেন।



মোগল-বাদশার দেওয়া এই 'রাজা' উপাধির জন্যই আমরা তাঁহাকে 'রাজা রামমোহন রায়' বলিয়া থাকি। কোম্পানী রামমোহনের এই দৌত্য এবং উপাধি স্বীকার করিলেন না এবং তাঁহাকে দূত-হিসাবে বিলাত যাইতে অনুমতিও দিলেন না। তখন রামমোহন সাধারণ ব্যক্তি হিসাবে বিলাত যাইবার অনুমতি চাহিলেন ও অনুমতি পাওয়ার পর বিলাত পৌঁছিয়া নিজেকে দিল্লীখরের দূত বলিয়া ঘোষণা করিলেন।

দিল্লীখরের দৌত্য ভিন্ন অন্য কারণেও রামমোহন সেই সময়ে বিলাত যাওয়া প্রয়োজন বলিয়া বিবেচনা করিয়াছিলেন। তখন সহমরণ-প্রথা রহিত করিবার বিরুদ্ধে রক্ষণশীল হিন্দুরা যে আপীল করিয়াছিলেন, প্রিভি-কাউন্সিলে তাহার সুনানি হইবার উদ্যোগ হইতেছিল, এবং ঈস্ট ইণ্ডিয়া কোম্পানীকে নূতন সনন্দ দিবার ও ভারতবর্ষের ভাবী শাসন-প্রণালী স্থির করিবার সময়ও নিকটবর্তী হইয়াছিল। রামমোহন বিলাতে গিয়া এই সকল বিষয়েই নিজের মতামত ব্যক্ত করেন ও যাহাতে এদেশের শাসনপ্রণালীর বিধিব্যবস্থা ভাল হয়, তাহার জন্য চেষ্টা করেন।

রামমোহন যখন স্নেহলালিত পুত্র রাজারাম,\* দুই জন সঙ্গী রামবহু মুখোপাধ্যায় ও রামহরি দাস এবং মুসলমান ভৃত্য শেখ বকসকে লইয়া ১৮৩১ খ্রীষ্টাব্দে বিলাত পৌঁছিলেন, তখন সকলে তাঁহাকে বিপুল সম্বর্ধনা করিয়াছিল। পণ্ডিত ও সমাজসংস্কারক হিসাবে রামমোহনের খ্যাতি বহু পূর্বেই বিলাতে পৌঁছিয়াছিল।† সেখানে তাঁহার অনেক গণ্যমান্ত

\* 'সংবাদপত্রে সেকালের কথা' ২য় খণ্ড (২য় সংস্করণ), ১১০-৮৪ পৃষ্ঠায় রাজারামের পরিচয় সম্বন্ধে বিস্তৃত আলোচনা আছে।

† ১৮১৬ খ্রীষ্টাব্দের জানুয়ারি মাসে প্রকাশিত তাঁহার *Translation of an Abridgment of the Vedant* পুস্তকখানি বিলাতের *The Asiatic Journal and Monthly Register* পত্রে ঐ বৎসরের নবেম্বর সংখ্যায় PREFACE BY A BRAHMIN To a Translation of an Abrid-

বন্ধু-বান্ধব ছিলেন। তিনি বিলাত পৌঁছিবার পূর্বেই তাঁহার তাঁহার অভ্যর্থনার জন্ত প্রস্তুত হইয়া ছিলেন এবং সেখানে পৌঁছিলে তাঁহাকে সাদরে অভিনন্দিত করিয়াছিলেন। ৮ই এপ্রিল লিভারপুল পৌঁছিয়াই রামমোহন ঐতিহাসিক রস্কোর সহিত সাক্ষাৎ করিতে যান ও স্থানে স্থানে বক্তৃতা করেন। এই সময়ে তিনি সংবাদ পান যে, শীঘ্রই পার্লেমেন্টে রিফর্মস্ বিল সম্বন্ধে আলোচনা আরম্ভ হইবে। সুনিয়াই তিনি তাড়াতাড়ি ১৬ই এপ্রিল লিভারপুল হইতে রওনা হইয়া ১৮ই তারিখে লণ্ডনে পৌঁছেন।

লণ্ডনে পৌঁছিবার অল্প সময় পরেই বিখ্যাত দার্শনিক জেরেমি বেঙ্হাম তাঁহার সহিত সাক্ষাৎ করিতে আসেন। বেঙ্হাম সে-যুগের এক জন বিখ্যাত লেখক ও চিন্তাবীর। তিনি রামমোহনকে যে সমাদর করেন, তাহা হইতেই বিলাতে রামমোহনের কিরূপ খ্যাতি হইয়াছিল, তাহা বুঝা যায়। ইহা ছাড়া রামমোহন রাজসম্মানও লাভ করেন; ইস্ট ইণ্ডিয়া কোম্পানী তাঁহাকে দূত বলিয়া স্বীকার না করিলেও রাজার নিমন্ত্রণে তাঁহাকে দূতদিগের মধ্যেই আসন দেওয়া হইয়াছিল। ইস্ট ইণ্ডিয়া কোম্পানীও তাঁহাকে ভোজ দিয়া সম্মান প্রদর্শন করিয়াছিলেন।

বিলাতে রামমোহন ভারতবর্ষ-সংক্রান্ত নানারূপ রাজনৈতিক আলোচনায় যোগদান করিয়াছিলেন ও যাহাতে ইংরেজ-শাসনে এদেশের লোকদের উন্নতি হয় ও সুখস্বাচ্ছন্দ্য বাড়ে, তাহার চেষ্টা করিয়াছিলেন। ইহা ছাড়া দিল্লীশরের যে-কাজের জন্ত বিলাত গিয়াছিলেন, তাহাতেও তিনি কৃতকার্য হন। তাঁহার চেষ্টার ফলে বাদশার বৃত্তি বৃদ্ধি হয়। ইংলণ্ড হইতে রামমোহন নিজের ইংরেজী গ্রন্থাবলীও প্রকাশ করিয়াছিলেন।

*gment of the Vedant* নামে পুনর্মুদ্রিত হয় (পৃ. ৪৬৮-৮৪)। পরবর্তী ডিসেম্বর সংখ্যা 'এসিয়াটিক জর্নালে' এই প্রসঙ্গে *Britannicus* লিখিত একটি প্রশংসামূলক পত্রও প্রকাশিত হইয়াছিল (পৃ. ৫৫৩-৫৬)।

দার্শনিক ও রাজনৈতিক আলোচনায় উন্নত বলিয়া ফ্রান্স ও ফরাসী জাতি সম্বন্ধে রামমোহনের অতিশয় উচ্চ ধারণা ছিল। এই ফ্রান্স দেশ সম্বন্ধে দেখিবার জন্য রামমোহন ১৮৩২ খ্রীষ্টাব্দের শেষের দিকে (সেপ্টেম্বর-ডিসেম্বর) প্যারিসে যান। তখন ফ্রান্সের রাজা লুই-ফিলিপ তাঁহাকে অতিশয় সম্মানের সহিত অভ্যর্থনা করেন।

রামমোহন ফ্রান্স-ভ্রমণের ছাড়পত্র চাহিয়া যে পত্রখানি রচনা করেন, তাহার একটি নকল বিলাতেই ইণ্ডিয়া আপিসে আছে। ইহাতে দেশ ও জাতিনির্বিশেষে মানবের একেবারে বানী পরিস্ফুট হইয়াছে। শুধু তাহাই নয়, সেকালেও যে রামমোহনের মনে একটি 'জাতিসংঘ-গঠনের' পরিকল্পনা জাগিয়াছিল, তাহাও স্পষ্টভাবে ব্যক্ত হইয়াছে। পত্রখানি এইরূপ :—

To

The Minister of foreign Affairs of France, Paris.

Sir,

You may be surprised at receiving a letter from a Foreigner, the Native of a country situated many thousand miles from France, and I assuredly would not now have trespassed on your attention, were I not induced by a sense of what I consider due to myself and by the respect I feel towards a country standing in the foremost rank of free and civilized nations.

2nd. For twelve years past I have entertained a wish (as noticed, I think, in several French and English Periodicals) to visit a country so favoured by nature and so richly adorned by the cultivation of arts and sciences, and above all blessed by the possession of a free constitution. After surmounting many difficulties interposed by religious and national distinctions and other circumstances, I am at last opposite your coast, where, however, I am informed that I must not place my

foot on your territory unless I previously solicit and obtain an express permission for my entrance from the Ambassador or Minister of France in England.

3rd. Such a regulation is quite unknown even among the Nations of Asia ( though extremely hostile to each other from religious prejudices and political dissensions ), with the exception of China, a country noted for its extreme jealousy of foreigners and apprehensions of the introduction of new customs and ideas. I am, therefore, quite at a loss to conceive how it should exist among a people so famed as the French are for courtesy and liberality in all other matters.

4th. It is now generally admitted that not religion only but unbiassed common sense as well as the accurate deductions of scientific research lead to the conclusion that all mankind are one great family of which numerous nations and tribes existing are only various branches. Hence enlightened men in all countries must feel a wish to encourage and facilitate human intercourse in every manner by removing as far as possible all impediments to it in order to promote the reciprocal advantage and enjoyment of the whole human race.

5th. It may perhaps be urged that during the existence of war and hostile feelings between any two nations ( arising probably from their not understanding their real interests ), policy requires of them to adopt these precautions against each other. This, however, only applies to a state of warfare. If France, therefore, were at war with surrounding nations or regarded their people as dangerous, the motive for such an extraordinary precaution might have been conceived.

6th. But as a general peace has existed in Europe for many years, and there is more particularly so harmonious an understanding between the people of

France and England and even between their present Governments. I am utterly at a loss to discover the cause of a regulation which manifests, to say the least, a want of cordiality and confidence on the part of France.

7th. Even during peace the following excuses might perhaps be offered for the continuance of such restrictions, though in my humble opinion they cannot stand a fair examination.

First : If it be said that persons of bad character should not be allowed to enter France ; still it might, I presume, be answered that the granting of passports by the French Ambassador here is not usually founded on certificate of character or investigation into the conduct of individuals. Therefore, it does not provide a remedy for that supposed evil.

Secondly : If it be intended to prevent felons escaping from justice : this case seems well-provided for by the treaties between different nations for the surrender of all criminals.

Thirdly : If it be meant to obstruct the flight of debtors from their creditors : in this respect likewise it appears superfluous, as the bankrupt laws themselves after a short imprisonment set the debtor free even in his own country ; therefore, voluntary exile from his own country would be, I conceive, a greater punishment.

Fourthly : If it be intended to apply to political matters, it is in the first place not applicable to my case. But on general grounds I beg to observe that it appears to me, the ends of constitutional Government might be better attained by submitting every matter of political difference between two countries to a Congress

composed of an equal number from the Parliament of each ; the decision of the majority to be acquiesced in by both Nations and the Chairman to be chosen by each Nation alternately, for one year, and the place of meeting to be one year within the limits of one country and next within those of the other ; such as at Dover and Calais for England and France.

8th. By such a Congress all matters of difference, whether political or commercial, affecting the Natives of any two civilized countries with constitutional Government, might be settled amicably and justly to the satisfaction of both and profound peace and friendly feelings might be preserved between them from generation to generation.

9th. I do not dwell on the inconvenience which the system of passports imposes in urgent matters of business and in cases of domestic affliction. But I may be permitted to observe that the mere circumstance of supplying for a passport seems a tacit admission that the character of the applicant stands in need of such a certificate or testimonial before he can be permitted to pass unquestioned. Therefore, any one may feel some delicacy in exposing himself to the possibility of refusal which would lead to an inference unfavourable to his character as a peaceable citizen.

My desire, however, to visit that country is so great that I shall conform to such conditions as are imposed on me, if the French Government, after taking the subject into consideration, judge it proper and expedient to continue restrictions contrived for a different state of things, but to which they may have become reconciled by long habit ; as I should be sorry to set up my

opinion against that of the present enlightened Government of France.

I have the honor to be,  
Sir,  
Your most obedient Servant,  
RAMMOHUN ROY

ইহার পর রামমোহন বিলাতে ফিরিয়া আসেন ও পর-বৎসর ব্রিস্টলে বাস করিতে যান। এই সময়ে তিনি অত্যন্ত আর্থিক দুশ্চিন্তায় কাল কাটাইতেছিলেন। তিনি কলিকাতায় যে হোসের সহিত টাকা-পয়সার ব্যবস্থা করিয়া গিয়াছিলেন, তাহা ফেল হইয়া যাওয়ায় এই অসুবিধা ঘটে। রামমোহনের যখন এই অবস্থা, তখন তিনি কয়েকটি ইংরেজ-পরিবারের নিকট হইতে খুব যত্ন পাইয়াছিলেন। এই সকল পরিবারের মধ্যে হেয়ার ও কার্পেন্টার পরিবারের নাম বিশেষ উল্লেখযোগ্য। ডাঃ ল্যান্ট কার্পেন্টার রামমোহনের বিশেষ বন্ধু ছিলেন ও তাঁহার মৃত্যুর পর একটি সংক্ষিপ্ত জীবনী লেখেন।

ব্রিস্টলে থাকা কালেই রামমোহনের জ্বর হয়। এই জ্বরে আট দিন মাত্র ভুগিয়া তাঁহার মৃত্যু হয়। পীড়ার সময় রামমোহন তাঁহার বহু ইংরেজ বন্ধু কর্তৃক পরিবৃত ছিলেন। তাঁহাদের বহু যত্নেও রোগের কোন উপশম হইল না। ১৮৩৩ খ্রীষ্টাব্দের ২৭এ সেপ্টেম্বর তারিখে তাঁহার দেহান্তর ঘটিল। তিনি যজ্ঞোপবীত কখনও পরিত্যাগ করেন নাই; মৃত্যুকালেও তাঁহার দেহে দ্বিজত্বের প্রতীক যজ্ঞোপবীত বিদ্যমান ছিল।

পাছে তাঁহার পুত্রদের বিষয়-সম্পত্তি পাওয়া সম্বন্ধে কোন অসুবিধা ঘটে, সেজন্য রামমোহন পূর্ব হইতেই বন্ধুদিগকে অসুরোধ করিয়া রাখিয়াছিলেন যে, তাঁহাকে যেন খ্রীষ্টান সমাধিস্থানে সমাহিত করা না হয়। তাঁহার এই নির্দেশ অনুসারে তাঁহার দেহ ব্রিস্টলে যে-বাড়ীতে তিনি থাকিতেন, তাহারই নিকট এক নির্জন স্থানে সমাধিস্থ করা হয়।

দশ বৎসর পরে তাঁহার বন্ধু স্বাকানাথ ঠাকুর বিলাত গিয়া তাহার দেহ স্থানান্তরিত করিয়া ব্রিস্টলের নিকট 'আরনোস্ ভেল' নামে একটি জায়গায় সমাধিস্থ করেন ও তাহার উপর একটি সুন্দর মন্দির তৈয়ার করাইয়া দেন।

### রামমোহনের কাঁতি

রামমোহন পাণ্ডিত্যে যেমন শ্রেষ্ঠ ছিলেন, দৈহিক শক্তি ও সৌন্দর্য্যও তেমনই অসাধারণ ছিলেন। তাঁহার দীর্ঘ ও বলশালী দেহ, উজ্জ্বল চক্ষু ও শ্রী-সম্পন্ন মুখ দেখিয়া সকলেই তাঁহার প্রতি আকৃষ্ট হইত। গল্প আছে যে, তিনি দিনে বারো সের দুধ খাইতেন, একাই একটি পাঁঠা খাইয়া ফেলিতে পারিতেন এবং পরিমিতভাবে স্বরাপানও করিতেন। ইহা সত্য হউক আর না-ই হউক, এইরূপ গল্প যে তাঁহার শারীরিক শক্তির পরিচায়ক, সে বিষয়ে কোন সন্দেহ নাই। রামমোহন অতিশয় তেজস্বী ছিলেন বলিয়া সকলেই স্বীকার করিয়াছেন। তিনি চাকুরী করিবার সময়ে সার্জ ফ্রেডারিক হ্যামিল্টনের অভদ্রতার বিরুদ্ধে যে-আপত্তি করিয়াছিলেন, তাহাতেই তাঁহার আত্মসম্মানজ্ঞান ও সাহসের পরিচয় পাওয়া যায়। তেমনই তিনি আবার চরিত্রমাধুর্য্যেরও যথেষ্ট পরিচয় দিয়াছেন। মহর্ষি দেবেন্দ্রনাথ ঠাকুর বাল্যকালে রামমোহনকে অনেক বার দেখিয়াছিলেন, তিনি তাঁহার বাড়ীতে প্রায়ই যাইতেন। তিনি বলিয়া গিয়াছেন যে, রামমোহনের মত সুমিষ্ট মেজাজের লোক তিনি আর দেখেন নাই। এই ভদ্রতা, বিনয় ও তেজস্বিতার একত্র সম্মিলন রামমোহনের চরিত্রের বৈশিষ্ট্য ছিল।

পাশ্চাত্য জ্ঞান, রীতিনীতি ও চিন্তাধারার সহিত ভারতীয় জ্ঞান, রীতিনীতি ও চিন্তাধারার সমন্বয়ের পথ নির্দেশ রামমোহনের প্রধান



কীৰ্ত্তি। তিনি চিন্তায় ও কৰ্ম্মে সার্বভৌমিক ছিলেন, জাতীয় সঙ্কীৰ্ণতা পছন্দ করিতেন না। তবুও তিনি জাতীয় ধৰ্ম্ম ও আচার বৰ্দ্ধন করিবার বিপক্ষে ছিলেন। তিনি মনে করিতেন, এক জাতির আচার-ব্যবহার অন্য জাতির মধ্যে জোর করিয়া প্রবৰ্ত্তন করা সম্ভব নহে, উচিতও নহে ; সুতরাং সংস্কারের প্রয়োজন হইলেও প্রত্যেক জাতিরই উহা জাতীয়ভাবে করা উচিত। সেজন্য একেশ্বরবাদও তিনি উপনিষদ ও বেদান্তের সাহায্যেই প্রচার করিবার চেষ্টা পাইয়াছিলেন। বিদেশী শাস্ত্রের দ্বারা অনুপ্রাণিত হইলেও উহাদিগকে সৰ্ব্বতোভাবে গ্রহণ করেন নাই। রামমোহনের পর যে-সকল মহাপুরুষ ভারতবর্ষের সামাজিক জীবনে বা ধৰ্ম্মজীবনে, সাহিত্যে বা শিল্পকলায় নূতন ধারার প্রবৰ্ত্তন করিয়াছেন, তাঁহাদের প্রায় সকলেই তাঁহার প্রদর্শিত পথ অনুসরণ করিয়া প্রাচ্য ও পাশ্চাত্যের সমন্বয়ের চেষ্টা করিয়াছেন। এই জন্মই রামমোহন রায় ভারতবর্ষে বৰ্ত্তমান যুগের প্রবৰ্ত্তক। বস্তুতঃ নানা ক্ষেত্রেই তিনি প্রথম পথ দেখাইয়াছিলেন। বহু বিষয়ে পথপ্রবৰ্ত্তকের সম্মান তাঁহারই প্রাপ্য। তাঁহার সমসাময়িক বয়োজ্যেষ্ঠ মৃত্যুঞ্জয় বিদ্যালঙ্কারের কথায়—

দুৰ্গম বন পৰ্বতে কণ্টকোদ্ধার করিয়া, প্রথম পথপ্রবৰ্ত্তক প্রাচীনতর বিদ্যাজ্ঞানবুদ্ধ পণ্ডিতেরদের কর্তৃক প্রকাশিত পথের পরিষ্কার করিয়া, সেই পথের পূৰ্ব্বাপেক্ষা উত্তমত্বকারীও যদি হউন প্রাচীন পণ্ডিতেরা, তথাপি তাদৃশ প্রাচীনতর পণ্ডিতেরদের হইতে বড় হন না ; যে প্রথম পথপ্রবৰ্ত্তক সেই বড় ও তৎপ্রবৰ্ত্তিত ও তদন্তরপণ্ডিতপরিষ্কৃত যে পথ সেই পথ। মহাজনো যেন গতঃ স পশ্বাঃ ।

### রামমোহন রায় ও বাংলা-গল্প

বাংলা-গল্পের স্রষ্টা হিসাবে রামমোহন বহু বার বহু জন কর্তৃক কীৰ্ত্তিত হইয়াছেন, কিন্তু এই 'সাহিত্য-সাধক-চরিতমালা'র ইতিমধ্যে প্রকাশিত

জীবনীগুলি যাঁহারা পাঠ করিয়াছেন, তাঁহারা অমুভব করিবেন, এই দাবী তাঁহার পূর্ববর্তী অনেক লেখক করিতে পারেন। বাংলা-গদ্যসাহিত্যের ভিত্তিস্থাপনে ফোর্ট উইলিয়ম কলেজের পণ্ডিতবৃন্দের দান অপরিসীম। তাঁহারা সকলেই রামমোহনের পূর্বগামী। বিশেষ করিয়া মৃত্যুঞ্জয় বিদ্যালঙ্কারের নাম এই প্রসঙ্গে আমাদিগকে স্মরণ করিতে হইবে। তিনি সর্বপ্রথমে বাংলা-গদ্যকে সাহিত্য-রূপ দেওয়ার প্রয়াস পাইয়াছিলেন। বাংলা গদ্যের সাধু ও চলতি রীতি লইয়াও তিনি পরীক্ষা করিয়াছিলেন। সুতরাং স্রষ্টা যদি কাহাকেও বলিতে হয়, তাঁহার দাবী সর্বাগ্রে।

কিন্তু বাংলা-গদ্য সম্পর্কে রামমোহনের কীর্তিও সামান্য নয়। তিনি বাংলা ভাষায় ধর্ম' শব্দে বহু পুস্তক ও বাংলা ভাষার একটি ব্যাকরণ প্রণয়ন করিয়াছিলেন। সে-যুগের বাংলা-গদ্যে সংস্কৃত শব্দের খুব বাহুল্য থাকিত, সেজন্য সাধারণ লোকের উহা বুঝিতে কষ্ট হইত। রামমোহন এই রীতির বিরোধী ছিলেন। তিনি বাংলা রচনা যাহাতে সাধারণ লোকের বোধগম্য হয়, তাহার পক্ষপাতী ছিলেন। অবশ্য তাঁহার নিজের লেখাও আজকালকার বাংলা-গদ্যের তুলনায় অনেক বেশী সংস্কৃতবহুল ও আড়ষ্ট। তবু তিনি যে সে-যুগের এক জন বিশিষ্ট বাংলা-গদ্য-লেখক, সে-বিষয়ে কোন সন্দেহ নাই।

বাংলা-গদ্যে গুরুগম্ভীর বিষয় লইয়া প্রবন্ধরচনার অন্ততম প্রবর্তক রামমোহন। তাঁহার শাস্ত্রবিচার ও তৎসংক্রান্ত বিবাদমূলক রচনার সাহায্যে বাংলা-গদ্যের গুরুত্ব যে প্রভূত পরিমাণে বৃদ্ধি পাইয়াছিল, তাহাতে আর সন্দেহ নাই। তিনি এক দিকে প্রাচীন সংস্কৃত শাস্ত্র-সমূহকে ভাষায় প্রকাশ করিয়া যেমন ভাষার ভাব ও শব্দসম্পদ বৃদ্ধি করিয়াছিলেন, তেমনই অন্য দিকে তর্ক ও বিচারমূলক গ্রন্থ রচনা করিয়া ভাষায় প্রকাশ-ভঙ্গির দৃঢ়তা ও মননশীলতা সঞ্চার করিয়া ইহাকে ঋজু, সতেজ ও পুষ্ট করিয়াছিলেন, মৃত্যুঞ্জয়ের মত এ-বিষয়ে তিনি সর্বদা

সঙ্গাগ ছিলেন। তাঁহার ব্যাকরণের বাক্যরীতি অধ্যায়ে তিনি পদের অর্থ সঙ্কে যাহা বলিয়াছেন, তাহা হইতেই প্রমাণ হইবে যে, ভাষার সৌষ্ঠব সাধনে তিনি বিবিধ রীতি প্রয়োগের কথা জানিতেন। আমরা নিম্নে তাঁহার বহুবিধ রচনা হইতে কয়েকটি দৃষ্টান্ত উদ্ধৃত করিলাম। ইহা হইতেই বাংলা-গণ সম্পর্কে তাঁহার কৃতিত্ব অনেকটা বুঝা যাইবে।—

প্রথমত বাংলা ভাষাতে আবশ্যিক গৃহব্যাপার নির্বাহের যোগ্য কেবল কতকগুলি শব্দ আছে এভাষা সংস্কৃতের জে রূপ অধীন হয় তাহা অন্য ভাষার ব্যাখ্যা ইহাতে করিবার সময় স্পষ্ট হইয়া থাকে দ্বিতীয়ত এভাষায় গণ্ডতে অত্যাধিক কোনো শাস্ত্র কিংবা কাব্য বর্ণনে আইসে না ইহাতে এতদেশীয় অনেক লোক অনভ্যাস প্রযুক্ত দুই তিন বাক্যের অর্থ করিয়া গণ্ড হইতে অর্থ বোধ করিতে হটাৎ পারেন না ইহা প্রত্যক্ষ কানুনের তরজমার অর্থ বোধের সময় অসুভব হয় অতএব বেদান্ত শাস্ত্রের ভাষার বিবরণ সামান্য আলাপের ভাষায় গায় সুগম না পাইয়া কেহ ২ ইহাতে মনোযোগের ন্যূনতা করিতে পারেন এনিমিত্ত ইহার অনুষ্ঠানের প্রকরণ লিখিতেছি। তাঁহাদের সংস্কৃতে ব্যুৎপত্তি কিঞ্চিত্তো থাকিবেক আর তাঁহারা ব্যুৎপন্ন লোকের সহিত সহবাস দ্বারা সাধু ভাষা কহেন আর সুনেন তাঁহাদের অল্প শ্রমেই ইহাতে অধিকার জন্মিবেক। বাক্যের প্রারম্ভ আর সমাপ্তি এই দুইয়ের বিবেচনা বিশেষ মতে করিতে উচিত হয়। জে ২ স্থানে যখন যাহা যেমন ইত্যাদি শব্দ আছে তাহার প্রতি শব্দ তখন তাহা সেই রূপ ইত্যাদিকে পূর্বের সহিত অস্থিত করিয়া বাক্যের শেষ করিবেন। যাবৎ ক্রিয়া না পাইবেন তাবৎ পর্য্যন্ত বাক্যের শেষ অঙ্গীকার করিয়া অর্থ করিবার চেষ্টা না পাইবেন। কোন্ নামের সহিত কোন্ ক্রিয়ার অর্থ হয় ইহার বিশেষ অনুসন্ধান করিবেন জে হেতু এক বাক্যে কখন ২ কয়েক নাম এবং কয়েক

ক্রিয়া থাকে ইহার মধ্যে কাহার সহিত কাহার অর্থ ইহা না জানিলে অর্থ জ্ঞান হইতে পারে না তাহার উদাহরণ এই। ব্রহ্ম জ্ঞানকে সকল বেদে গান করণ আর জাহার সত্তার অবলম্বন করিয়া জগতের নির্বাহ চলিতেছে সকলের উপাস্ত্র হইল। এ উদাহরণে যद्यপি ব্রহ্ম শব্দকে সকলের প্রথমে দেখিতেছি তদ্যপি সকলের শেষে হইল এই যে ক্রিয়া শব্দ তাহার সহিত ব্রহ্ম শব্দের অর্থ হইতেছে আর মধ্যেতে গান করেন জে ক্রিয়া শব্দ আছে তাহার অর্থ বেদ শব্দের সহিত আর চলিতেছে এ ক্রিয়া শব্দের সহিত নির্বাহ শব্দের অর্থ। অর্থাৎ করিয়া জেখানে ২ বিবরণ আছে সেই বিবরণকে পর পূর্ব পদের সহিত অর্থিত জেন না করণ এই অনুসারে অনুষ্ঠান করিলে অর্থ বোধ হইতে বিলম্ব হইবেক না। আর জাহাদের বুৎপত্তি কিঞ্চিতো নাই এবং বুৎপন্ন লোকের সহিত সহবাস নাই তাঁহারা বুৎপন্ন ব্যক্তির সহায়তাতে অর্থ বোধ কিঞ্চিৎ কাল করিলে পশ্চাৎ স্বয়ং অর্থ বোধে সমর্থ হইবেন বস্তুত মনযোগ আবশ্যিক হয় এই বেদান্তের বিশেষ জ্ঞানের নিমিত্ত অনেক বর্ষ উত্তম পণ্ডিতেরা শ্রম করিতেছেন যদি দুই তিন মাস শ্রম করিলে এ শাস্ত্রের এক প্রকার অর্থ বোধ হইতে পারে তবে অনেক সুলভ জানিয়া ইহাতে চিত্ত নিবেশ করা উচিত হয়।—  
'বেদান্ত গ্রন্থ', ইং ১৮১৫, পৃ. ১২-১৪।

এস্থানে এক আশ্চর্য, এই যে অতি অল্প দিনের নিমিত্ত আর অতি অল্প উপকারে যে সামগ্রী আইসে তাহার গ্রহণ অথবা ক্রয় করিবার সময় যথেষ্ট বিবেচনা সকলে করিয়া থাকেন আর পরমার্থ-বিষয় যাহা সকল হইতে অত্যন্ত উপকারি আর অতি মূল্য হয় তাহার গ্রহণ করিবার সময় কি শাস্ত্রের দ্বারা কি যুক্তির দ্বারা বিবেচনা করেন না আপনার বংশের পরম্পরামতে আর কেহ ২

আপনার চিন্তের যেমন প্রাশস্ত্য হয় সেইরূপ গ্রহণ করেন এবং প্রায় কহিয়া থাকেন যে বিশ্বাস থাকিলে অবশ্য উত্তম ফল পাইব। কিন্তু এক জনের বিশ্বাসদ্বারা বস্তুর শক্তি বিপরীত হয় না যেহেতু প্রত্যক্ষ দেখিতেছি যে দুষ্কের বিশ্বাসে বিষ খাইলে বিষ আপনার শক্তি অবশ্য প্রকাশ করে। বিশেষ আশ্চর্য্য এই যে যদি কোন ক্রিয়া শাস্ত্রসংমত এবং সত্যকাল অবধি শিষ্ট পরম্পরাসিদ্ধ হয় কেবল অল্পকাল কোন ২ দেশে তাহার প্রচারের ক্রটি জন্মিয়াছে আর সংপ্রতি তাহার অনুষ্ঠানেতে লৌকিক কোনো প্রয়োজন সিদ্ধ হয় না এবং হান্স আমোদ জন্মে না তাহার অনুষ্ঠান করিতে কহিলে লোকে কহিয়া থাকেন যে পরম্পরা সিদ্ধ নহে কিরূপে ইহা করি কিন্তু সেই সকল ব্যক্তি যেমন আমরা সেইরূপে সামান্য লৌকিক প্রয়োজন দেখিলে পূর্বশিষ্টপরম্পরায় অত্যন্ত বিপরীত এবং শাস্ত্রের সর্বপ্রকারে অগ্রথা শত ২ কর্ম করেন সে সময়ে কেহ শাস্ত্র এবং পূর্বপরম্পরায় নামো করেন না যেমন আধুনিক কালের নিয়ম যাহা পূর্বপরম্পরায় বিপরীত এবং শাস্ত্রবিরুদ্ধ। আর ইঙ্গরেজ যাহাকে স্লেচ্ছ কহেন তাঁহাকে অধ্যয়ন করান কোন শাস্ত্রে আর কোন পূর্বপরম্পরায় ছিল। আর কাগজ যে সাক্ষাৎ যবনের অন্ন তাহাকে স্পর্শ করা আর তাহাতে গ্রন্থাদি লেখা কোন শাস্ত্র বিহিত আর পরম্পরা সিদ্ধ হয় ইঙ্গরেজের উচ্ছিষ্ট করা আর্দ্র ওয়ঙ্কর দিয়া বন্ধ করা পত্র যত্ন-পূর্বক হস্তে গ্রহণ করা কোন পূর্ব পরম্পরাতে পাওয়া যায় আর আপনার বাটীতে দেবতার পূজাতে যাহাকে স্লেচ্ছ কহেন তাঁহাকে নিমন্ত্রণ করা আর দেবতাসমীপে আহাৰাদি করান কোন পরম্পরা সিদ্ধ হয় এইরূপ নানা প্রকার কর্ম যাহা অত্যন্ত শিষ্ট পরম্পরা বিরুদ্ধ হয় প্রত্যহ করা যাইতেছে। আর শুভমূচক কর্মের মধ্যে জগদ্ধাত্রী রটম্বী ইত্যাদি পূজা আর মহাপ্রভুর নিত্যানন্দপ্রভুর বিগ্রহ এ কোন

পরম্পরায় হইয়া আসিতেছিল তাহাতে যদি কহ যে এ উত্তম কর্ম শাস্ত্র বিহিত আছে যद्यপিও পরম্পরা সিদ্ধ নহে তত্রাপি কর্তব্য বটে। ইহার উত্তর শাস্ত্রবিহিত উত্তম কর্ম পরম্পরাসিদ্ধ না হইলেও যদি কর্তব্য হয় তবে সর্বশাস্ত্র সিদ্ধ আয়োপাসনা যাহা অনাদি পরম্পরা-ক্রমে সিদ্ধ আছে কেবল অতি অল্পকাল কোনো ২ দেশে ইহার প্রচারের ন্যূনতা জন্মিয়াছে ইহা কর্তব্য কেন না হয়।—  
'ঈশোপনিষৎ', ইং জুলাই ১৮১৬, পৃ. ১২-১৫।

...দেখ কি পর্য্যন্ত দুঃখ, অপমান, তিরস্কার, যাতনা তাহারা কেবল ধর্মভয়ে সহিষ্ণুতা করে, অনেক কুলীন ব্রাহ্মণ যাহারা দশ পোনের বিবাহ অর্থের নিমিত্ত করেন, তাহারদের প্রায় বিবাহের পর অনেকের সহিত সাক্ষাৎ হয় না, অথবা যাবজ্জীবনের মধ্যে কাহারো সহিত দুই চারিবার সাক্ষাৎ করেন, তথাপি ঐ সকল স্ত্রীলোকের মধ্যে অনেকই ধর্মভয়ে স্বামীর সহিত সাক্ষাৎ ব্যতিরেকেও এবং স্বামি দ্বারা কোন উপকার বিনাও পিতৃগৃহে অথবা ভ্রাতৃগৃহে কেবল পরাধীন হইয়া নানা দুঃখ সহিষ্ণুতা পূর্বক থাকিয়াও যাবজ্জীবন ধর্ম নির্বাহ করেন, আর ব্রাহ্মণেরা অথবা অন্তর্বর্গের মধ্যে যাহারা আপন ২ স্ত্রীকে লইয়া গার্হস্থ্য করেন, তাহারদের বাটীতে প্রায় স্ত্রীলোক কি ২ দুর্গতি না পায়? বিবাহের সময় স্ত্রীকে অন্ধ অঙ্গ করিয়া স্বীকার করেন, কিন্তু ব্যবহারের সময় পশু হইতে নীচ জানিয়া ব্যবহার করেন; যে হেতু স্বামির গৃহে প্রায় সকলের পত্নী দাস্য বৃত্তি করে, অর্থাৎ অতিপ্রাতে কি শীতকালে কি বর্ষাতে স্থান মার্জন, ভোজনাদি পাত্র মার্জন, গৃহ লেপনাদি তাবৎ কর্ম করিয়া থাকে; এবং সূপকারের কর্ম বিনা বেতনে দিবসে ও রাত্ৰিতে করে, অর্থাৎ স্বামি শস্তর ও শান্তি ও স্বামির ভ্রাতৃবর্গ অমাত্যবর্গ এ সকলের রক্ষন পরিবেষণাদি আপন ২ নিয়মিত কালে করে, যে হেতু

হিন্দু বর্গের অন্তর্জাতি অপেক্ষা ভাই সকল ও অমাত্য সকল একত্র স্থিতি অধিক কাল করেন এই নিমিত্ত বিষয় ঘটিত ভ্রাতৃ বিরোধ ইহারদের মধ্যে অধিক হইয়া থাকে ; ঐ রকমে ও পরিবেষণে যদি কোন অংশে ক্রটি হয়, তবে তাহারদের স্বামী শাস্তি দেবর প্রভৃতি কিং তিরস্কার না করেন ; এ সকলকে ও স্ত্রীলোকেরা ধর্ম ভয়ে সহিষ্ণুতা করে, আর সকলের ভোজন হইলে ব্যঞ্জনাদি উদর পূরণের যোগ্য অথবা অযোগ্য যৎকিঞ্চিৎ অবশিষ্ট থাকে, তাহা সন্তোষ পূর্বক আহার করিয়া কাল যাপন করে ; আর অনেক ব্রাহ্মণ কায়স্থ ইহারদের ধনবত্তা নাই, তাহারদের স্ত্রীলোক সকল গোসেবাদি কর্ম করেন, এবং পাকাদির নিমিত্ত গোময়ের ঘসি স্বহস্তে দেন, বৈকালে পুস্করণী অথবা নদী হইতে জলাহরণ করেন, রাত্রিতে শয্যা করা যাহা ভৃত্যের কর্ম তাহাও করেন, মধ্যে ২ কোনো কর্মে কিঞ্চিৎ ক্রটি হইলে তিরস্কার প্রাপ্ত হইয়া থাকেন, যত্নপি কদাচিৎ ঐ স্বামির ধনবত্তা হইল, তবে ঐ স্ত্রীর সর্বপ্রকার জ্ঞাতসারে এবং দৃষ্টি গোচরে প্রায় ব্যভিচার দোষে মগ্ন হয়, এবং মাসমধ্যে এক দিবসও তাহার সহিত আলাপ নাই, স্বামী দরিদ্র যে পর্য্যন্ত থাকেন, তাবৎ নানাপ্রকার কায়ক্লেশ পায়, আর দৈবাৎ ধনবান্ হইলে মানস দুঃখে কাতর হয়, এ সকল দুঃখ ও মনস্তাপ কেবল ধর্মভয়েই তাহারা সহিষ্ণুতা করে, আর যাহার স্বামী দুই তিন স্ত্রীকে লইয়া গার্হস্থ্য করে, তাহারা দিবা রাত্রি মনস্তাপ ও কলহের ভাজন হয়, অথচ অনেকে ধর্ম ভয়ে এ সকল ক্লেশ সহ্য করে ; কখন এমত উপস্থিত হয়, যে এক স্ত্রীর পক্ষ হইয়া অন্য স্ত্রীকে সর্বদা তাড়ন করে, এবং নীচলোক ও বিশিষ্ট লোকের মধ্যে যাহারা সংসর্গ না পায়, তাহারা আপন স্ত্রীকে কিঞ্চিৎ ক্রটি পাইলে অথবা নিষ্কারণ কোন সন্দেহ তাহারদের প্রতি হইলে চোরের তাড়না তাহারদিগকে করে,

অনেকেই ধর্মভয়ে লোকভয়ে ক্ষমাপন্ন থাকে, যত্নপিও কেহ তাদৃশ যত্নগায় অসহিষ্ণু হইয়া পতির সহিত ভিন্ন রূপে থাকিবার নিমিত্ত গৃহ ত্যাগ করে, তবে রাজ দ্বারে পুরুষের প্রাবল্য নিমিত্ত পুনরায় প্রায় তাহারদিগকে সেই পতিহস্তে আসিতে হয়, পতিও সেই পূর্বজাতক্রোধের নিমিত্ত নানা ছলে অত্যন্ত ক্রেশ দেয়, কখন বা ছলে প্রাণ বধ করে; এ সকল প্রত্যক্ষ সিদ্ধ, স্মতরাং অপলাপ করিতে পারিবেন না, দুঃখ এই, যে এই পর্য্যন্ত অধীন ও নানা দুঃখে দুঃখিনী, তাহারদিগকে প্রত্যক্ষ দেখিয়াও কিঞ্চিৎ দয়া আপনকারদের উপস্থিত হয় না, যাহাতে বন্ধন পূর্বক দাহ করা হইতে রক্ষা পায় ইতি সমাপ্ত, ১৭৪১ শক ১৬ অগ্রহায়ণ।— ‘সহমরণ বিষয়ে প্রবর্তক নিবর্তকের দ্বিতীয় সন্ধাদ,’ ইং নবেম্বর ১৮১২, পৃ. ৩১-৩৩।

শতাব্দী বৎসর হইতে অধিককাল এদেশে ইংরেজের অধিকার হইয়াছে তাহাতে প্রথম ত্রিশ বৎসরে তাঁহাদের বাক্যের ও ব্যবহারের দ্বারা ইহা সর্বত্র বিখ্যাত ছিল যে তাঁহাদের নিয়ম এই যে কাহারো ধর্মের সহিত বিপর্য্যতাচরণ করেন না ও আপনার আপনার ধর্ম সকলে করুক ইহাই তাঁহাদের যথার্থ বাসনা পরে পরে অধিকারের ও বলের আধিক্য পরমেশ্বর ক্রমে ক্রমে করিতেছেন। কিন্তু ইদানীন্তন বিশ বৎসর হইল কতক ব্যক্তি ইংরেজ যাহারা মিসনরি নামে বিখ্যাত হিন্দু ও মোছলমানকে ব্যক্ত রূপে তাঁহাদের ধর্ম হইতে প্রচ্যুত করিয়া খ্রীষ্টান করিবার যত্ন নানা প্রকারে করিতেছেন। প্রথম প্রকার এই যে নানাবিধ ক্ষুদ্র ও বৃহৎ পুস্তক সকল রচনা ও ছাপা করিয়া যথেষ্ট প্রদান করেন যাহা হিন্দুর ও মোছলমানের ধর্মের নিন্দা ও হিন্দুর দেবতার ও ঋষির জুগুপ্সা ও কুৎসাতে পরিপূর্ণ হয়, দ্বিতীয় প্রকার এই যে লোকের দ্বারের নিকট অথবা রাজপথে



দাঁড়াইয়া আপনার ধর্মের উৎকর্ষ ও অন্তের ধর্মের অপকৃষ্টতা সূচক উপদেশ করেন, তৃতীয় প্রকার এই যে কোনো নীচলোক ধনাশায় কিম্বা অন্য কোনো কারণে খ্রীষ্টান হয় তাহাদিগো কস্ম'দেন ও প্রতিপালন করেন যাহাতে তাহা দেখিয়া অন্তের উৎসুক্য জন্মে । যতপিও যিশুখ্রীষ্টের শিষ্যেরা স্বধর্ম সংস্থাপনের নিমিত্ত নানা দেশে আপন ধর্মের উৎকর্ষের উপদেশ করিয়াছেন, কিন্তু ইহা জানা কর্তব্য যে সে সকল দেশ তাহাদের অধিকারে ছিল না সেই রূপ মিশনারিরা ইংরেজের অনধিকারের রাজ্যে যেমন তুরকি ও পারস্য প্রভৃতি দেশে যাহা ইংলণ্ডের নিকট হয় একরূপ ধর্ম উপদেশ ও পুস্তক প্রদান যদি করেন তবে ধর্মার্থে নির্ভয় ও আপন আচার্যের যথার্থ অনুগামীরূপে প্রতিক্রিয়া ইহতে পারেন কিন্তু বাঙ্গালা দেশে যেখানে ইংরেজের সম্পূর্ণ অধিকার ও ইংরেজের নাম মাত্রে লোক ভীত হয় তথায় একরূপ দুর্বল ও দীন ও ভয়ানক প্রজার উপর ও তাহাদের ধর্মের উপর দৌরাখ্য করা কি ধর্মত কি লোকত প্রশংসনীয় হয় না, যেহেতু বিজ্ঞ ও ধার্মিক ব্যক্তির দুর্বলের মনঃপীড়াতে সর্বদা সঙ্কুচিত হইয়েন...।—‘ব্রাহ্মণ সেবধি’, ইং ১৮২১ । ( রাজা রামমোহন রায়-প্রণীত গ্রন্থাবলি, পৃ. ৪৫৫ ) ।

চতুর্থ প্রশ্ন অনেক বিশিষ্ট মস্তান যৌবন ধন প্রভুত্ব অবিবেকতা প্রযুক্ত কুসংসর্গগ্রস্ত হইয়া লোক লজ্জা ধর্মভয় পরিত্যাগ করিয়া বৃথা কেশচ্ছেদন সুরাপান যবগাদি গমনে প্রবৃত্ত হইয়াছেন ইহার শাসন ব্যতিরেকে এই সকল দুষ্কর্মের উত্তরোত্তরবৃদ্ধি হইতেছে...।।।। উত্তর যৌবন ধন প্রভুত্ব অবিবেকতা প্রযুক্ত লজ্জা ও ধর্মভয় পরিত্যাগ করিয়া যাহারা বৃথা কেশচ্ছেদন সুরাপান যবগাদি গমন করেন তাহারা বিরুদ্ধকারী অতএব শাসনাই অবশ্য হইয়েন সেইরূপ যাহাদের পিতা বিচ্যমান আছেন . এ নিমিত্ত ধন ও প্রভুতা নাই কেবল যৌবন

ও অবিবেকতা প্রযুক্ত ধর্মকে তুচ্ছ করিয়া বৃথা কেশচ্ছেদ সুরাপান ও যবগ্ৰাদি গমন করেন তাঁহারাও শাসনযোগ্য হয়েন অথবা কেশে অস্ত্যজ রচিত কলপের ছোপ প্রায় প্রত্যহ দেন ও সন্নিদা যাহা সুরাতুল্য হয় তাহার পান এবং স্বভৃত্য যবন স্ত্রী ও চণ্ডালিনীবেশা ভোগ করেন সেই ব্যক্তিও বিরুদ্ধকারী ও শাসনাই হয়েন। যেহেতু পিতা অবিদ্যমানে ধন ও প্রভুত্ব এ দুই অধিক সহকারী হইলে তাঁহাদের কিপর্য্যন্ত অসৎ প্রবৃত্তির সম্ভাবনা না হইবেক?— ‘চারি প্রশ্নের উত্তর’, ইং মে ১৮২২, পৃ. ২০-২১।

২২ পৃষ্ঠে ১৬ পংক্তিতে নিগূঢ় শাস্ত্রের অর্থ করেন যে “বহু বিজ্ঞ জনের অগোচর যে শাস্ত্র তাহার নাম নিগূঢ় শাস্ত্র” পরে ১০০ পৃষ্ঠে ৪ পংক্তিতে কহেন “যে নিগূঢ়শাস্ত্রের অনুসারে অভক্ষ্য ভক্ষণ অপেয় পান ও অগম্যা গমন ইত্যাদি সংকল্পের অনুষ্ঠান করিতেছেন সে নিগূঢ় শাস্ত্রের নাম কি”

উত্তর, ধর্মসংহারকের এই লক্ষণ দ্বারা সম্প্রতি জানা গেল যে চরিতামৃতই নিগূঢ় শাস্ত্র হয়েন যেহেতু পণ্ডিতলোক সমাগমে চরিতামৃতে ভোর পড়িয়া থাকে তাহার কারণ এই যে বহু বিজ্ঞ জনের বিদিত না হয়, ও পঙ্কতে অভক্ষ্য ভক্ষণাদি ও উপাসনায় অগম্যা গমন বর্ণন ওই চরিতামৃতে বিশেষরূপে আছে অতএব ওই লক্ষণ দ্বয়ো চরিতামৃত স্মতরাং নিগূঢ় শাস্ত্র হইলেন। গোয়াক্র যাহার পরব্রহ্ম ও চৈতন্য চরিতামৃত যাহার শব্দ ব্রহ্ম তাঁহার সহিত শাস্ত্রীয় আলাপ যত্বপিও কেবল বৃথাশ্রমের কারণ হয়, তথাপি কেবল অনুকম্পাধীন এ পর্য্যন্ত চেষ্টা করা যাইতেছে।

\* \* \* \* \*

ধর্মসংহারক ২২৪ পৃষ্ঠে ১১ পংক্তি অবধি নবীন এক প্রশ্ন করেন যে “এস্থানে শৈব বিবাহের ব্যবস্থাপক মহাশয়কে এই ব্যবস্থা

জিজ্ঞাসা করি যে যাহারা জ্বনী গমনে ও বেষ্ঠা সেবনে সর্বদা রত তাঁহাদের স্ত্রীও বিধবা তুল্যা, যদি তাহারা সপিণ্ডা না হয় তবে ঐ সকল স্ত্রীকে শৈব বিবাহ করা যায় কি না” উত্তর, স্মৃতি ও তন্ত্র উভয় শাস্ত্রানুসারে স্বস্ত্রী বঞ্চক পুরুষ সর্বথা পাপী হয়েন, কিন্তু ভর্তা বর্তমানে স্ত্রীর বৈধব্য, কি মহেশ্বর শাস্ত্রে কি স্মৃতিশাস্ত্রে লিখেন না, তবে ভর্তা বিদ্যমানেও বৈধব্যের স্বীকার এবং তাহার সহিত অন্তের বিবাহের বিধি ধর্মসংহারকের মতানুসারে তাঁহার ক্রোড়স্থই আছে, অর্থাৎ পাঁচশিকা গোসাঁইকে দিলেই স্বামী থাকিতেও পূর্ব বিবাহের খণ্ডন হইয়া স্ত্রীর বৈধব্য হয়, আর পাঁচশিকা পুনরায় প্রদানের দ্বারা তাহার সহিত অন্তের বিবাহ পরে হইতে পারে, অতএব ধর্মসংহারক এরূপ বৈধব্যের ও পুনরায় বিবাহের উপায় আপন করস্থ থাকিতে অন্তকে যে প্রশ্ন করেন, সে বুঝি তাঁহার স্বমতের প্রবলতার নিমিত্ত হইবেক।—‘পথ্যপ্রদান’, ইং ১৮২৩, পৃ. ১৩৫-৩৬, ২৫২-৬০।

সকল প্রাণির মধ্যে মনুষ্যের এক বিশেষ স্বভাব সিদ্ধ ধর্ম হয়, যে অনেকে পরস্পর সাপেক্ষ হইয়া একত্র বাস করেন। পরস্পর সাপেক্ষ হইয়া এক নগরে অথবা এক গৃহে বাস করিতে হইলে স্তত্রাং পরস্পরের অভিপ্রায়কে জানিবার এবং জানাইবার আবশ্যক হয়। মনুষ্যের অভিপ্রায় নানাবিধ হইয়াছে, এবং কণ্ঠ তালু ওষ্ঠ ইত্যাদির অভিঘাতে নানা প্রকার শব্দ জন্মিতে পারে; এ নিমিত্তে এক ২ অভিপ্রেত বস্তুর বোধ জন্মাইবার নিমিত্তে এক ২ বিশেষ শব্দকে দেশ ভেদে নিরূপিত করিয়াছেন। যেমন ভিন্ন ২ বৃক্ষ সকলের বোধের নিমিত্তে আম্র, জাম, কাঁঠাল, ইত্যাদি ভিন্ন ২ ধ্বনিত্তে গোড় দেশে নিরূপণ করেন, সেই রূপ ভিন্ন ২ ব্যক্তি সকলের উচ্চোধের নিমিত্তে রামচন্দ্র, রামহরি, রামকমল ইত্যাদি নাম স্থির

করিতেছেন ; সেই ২ ধ্বনিকে শব্দ ও পদ কহেন, এবং সেই ২ ধ্বনিত হইতে যাহা বোধগম্য হয় তাহাকে অর্থ ও পদার্থ কহিয়া থাকেন ।—‘গৌড়ীয় ব্যাকরণ’, ইং ১৮৩৩, পৃ. ১ ।

## গ্রন্থপঞ্জী

রামমোহন রায়ের রচিত গ্রন্থগুলির মূল সংস্করণ বর্তমানে অপ্রাপ্য হইয়া উঠিয়াছে । এই কারণে প্রথম সংস্করণের প্রকাশকাল-সমেত এই সকল গ্রন্থের একটি পূর্ণাঙ্গ ও সঠিক তালিকা সংকলন করা যতই আপাত সহজসাধ্য বোধ হউক না কেন, কার্যতঃ তাহা অত্যন্ত দুর্লভ । নানা অসুবিধা সত্ত্বেও আমরা একটি নির্ভরযোগ্য গ্রন্থপঞ্জী সংকলন করিয়া দিলাম ।

রামমোহনের অধিকাংশ পুস্তকেই গ্রন্থকার-হিসাবে তাঁহার নাম ছিল না ; কতকগুলি আবার অপরের নামে বা ছদ্ম নামে প্রকাশিত । তবে এইগুলি যে তাঁহারই রচনা, সে-বিষয়ে সমসাময়িক সাক্ষ্য আছে । কলিকাতা-স্কুলবুক-সোসাইটির তৃতীয় বার্ষিক বিবরণের ( ইং ১৮১৯-২০ ) দ্বিতীয় পরিশিষ্টে দেশীয় ছাপাখানায় মুদ্রিত পুস্তকাবলীর যে তালিকা মুদ্রিত হইয়াছে, তাহাতে অনেকগুলি পুস্তকের গ্রন্থকার-হিসাবে রামমোহনের নামের স্পষ্ট উল্লেখ পাওয়া যায় । এই প্রসঙ্গে রামমোহনের ইংরেজী গ্রন্থাবলীর ১ম খণ্ডের ভূমিকায় সম্পাদক যোগেন্দ্রচন্দ্র ঘোষ যে আলোচনা করিয়াছেন (pp. xvii-xviii), তাহাও দ্রষ্টব্য ।

## আব্দী-ফার্দী

১। ভূফাৎ-উল্-মুয়াহ্-হিদীন । ইং ১৮০৩-৪ ।

এই পুস্তিকার ভূমিকাটি কেবল আব্দীতে রচিত । ঢাকা গবর্নেন্ট

মাদ্রাসার সুপারিন্টেণ্ডেন্ট মোলবী ওবেদুল্লা (Obaidullah El Obeide) ১৮৮৪ খ্রীষ্টাব্দে সর্বপ্রথম ইহা *Tuhfat-ul-Muwahhidin, or A Gift to Deists* নামে ইংরাজীতে অনুবাদ করেন। তাহার পর আরও কেহ কেহ করিয়াছেন।\*

‘তুহ্‌ফাৎ’ সম্পর্কে একটি কথা বলিবার আছে। রামমোহন এই পুস্তকের শেষে লেখেন :

“এই সকল বিষয়ের বিস্তৃত আলোচনা আমি ‘মনাজ্জিরাৎ-উন্ আদিয়ান’ বা ‘নানা ধর্মের বিচার’ নামে আমার আর একখানি পুস্তকে করিব।”

ইহা হইতে অনেকে ধরিয়া লইয়াছেন যে, রামমোহন এই পুস্তকখানিও প্রকাশ করিয়াছিলেন। ইহা ঠিক বলিয়া মনে হয় না। রামমোহন হয়ত ‘তুহ্‌ফাৎ’ লিখিবার সময়ে আর একটি পুস্তক লিখিবেন সন্দেহ করিয়াছিলেন, এমন কি, অংশ বিশেষ রচনাও করিয়াছিলেন। কিন্তু এ-পুস্তক কখনও প্রকাশিত হয় নাই সিদ্ধান্ত করাই সম্ভব। কেহ এ-পর্যন্ত ‘মনাজ্জিরাৎ’-এর এক খণ্ড আবিষ্কার করিতে পারেন নাই। তাহা ছাড়া পর-জীবনে রামমোহন তাঁহার দ্বারা পৌত্তলিকতার বিরুদ্ধে আর্বি বা ফার্সী ভাষায় লিখিত একখানি মাত্র পুস্তকেরই উল্লেখ করিয়াছেন। ১৮২০ খ্রীষ্টাব্দে তিনি ছদ্ম নামে *An Appeal to the*

\* বিলাতের ব্রিটিশ মিউজিয়মে ‘তুহ্‌ফাৎ’-সংক্রান্ত একখানি পুস্তিকা আছে; ইহা রামমোহনের রচিত হওয়া বিচিত্র নহে। পুস্তিকাখানি এই—

*Javaj-i-tuhfat ul Muvahhidin.* An anonymous defence of Rammohun Roy's "Tuhfat..." against the attacks of the Zoroastrians. Calcutta ( 1820 ? )

*Christian Public* নামে একখানি পুস্তিকা প্রকাশ করেন ; উহাতে তিনি লেখেন :—

“রামমোহন রায়...ব্রাহ্মণ বংশে জন্মগ্রহণ করিলেও অতি অল্প বয়সে পৌত্তলিকতা বর্জন করেন এবং সেই সময়ে আর্বি ও ফার্সী ভাষায় একখানি পুস্তিকা প্রকাশ করেন।”

‘তুহ্‌ফাৎ’ ভিন্ন তাঁহার রচিত অন্য কোন আর্বি ও ফার্সী পুস্তক থাকিলে তিনি একাধিক গ্রন্থের নাম করিতেন।

## বাংলা ও সংস্কৃত

এই তালিকায় প্রকাশকাল-সমেত প্রথম সংস্করণের পুস্তকেরই উল্লেখ করা হইয়াছে। অধিকাংশ পুস্তকেরই মূল সংস্করণ দেখিয়াছি ; কিন্তু দু-একখানি ছাড়া কোনখানিরই আখ্যাপত্র নাই, আদৌ ছিল কি না সন্দেহ। এরূপ ক্ষেত্রে প্রচলিত গ্রন্থাবলীতে পুস্তকগুলির যে নাম ব্যবহৃত হইয়াছে, তাহাই গ্রহণ করিয়াছি।

১। বেদান্ত গ্রন্থ। ইং ১৮১৫। পৃ. ১৭+১৬৬।

The Bengalee Translation of the Vedant, or Resolution of all the Veds ; the most celebrated and revered work of Brahminical Theology, establishing the unity of the Supreme Being, and that He is the only object of worship. Together with a preface, By the Translator. Calcutta : From the Press of Ferris and Co. 1815.

রামমোহন ‘বেদান্ত গ্রন্থ’ হিন্দুস্থানীতে অনুবাদ করিয়া বিনামূল্যে বিতরণ করিয়াছিলেন—*Translation of an Abridgement of the Vedant* পুস্তকের ভূমিকা দ্রষ্টব্য।

২। বেদান্তসার। ইং ১৮১৫। পৃ. ২২।

রামমোহন ইহারও হিন্দুস্থানী অনুবাদ প্রচার করিয়াছিলেন।

৩। ভলবকার উপনিষৎ ( কেনোপনিষৎ )। ইং জুন ১৮১৬। পৃ. ১৭।

৪। ঈশোপনিষৎ। ইং জুলাই ১৮১৬। পৃ. ২০+৪+১৩।

৫। উৎসবানন্দ বিদ্যাবাগীশের সহিত বিচার। ইং ১৮১৬-১৭।

কলিকাতা স্কুলবুক সোসাইটির তৃতীয় বার্ষিক বিবরণের ( ইং ১৮১২-২০ ) ২য় পরিশিষ্টে দেশীয় ছাপাখানায় মুদ্রিত পুস্তকাবলীর যে তালিকা আছে, তাহাতে উৎসবানন্দ ভট্টাচার্যের সহিত বিচার-সম্পর্কীয় সংস্কৃত ভাষায় রচিত এই তিনখানি পুস্তিকার উল্লেখ পাওয়া যায় :—

SANSKRIT

Reply to the observations of

Ootsobanund Bhuttacharjya . . Rammohun Roy...

Lulloo Jee [Sunscrit Press]

Answer of the said Ootsobanund

to the above...Otsobanund Bhuttacharjya Ditto

Rejoinder to the above answer of

the said Bhuttacharjya . . Rammohun Roy Ditto

\* সকলেই ইহার প্রকাশকাল “১৮১৬” খ্রীষ্টাব্দ বলিয়া আসিতেছেন। রামমোহনের *Translation of an Abridgement of the Vedant* ১৮১৬ খ্রীষ্টাব্দের জানুয়ারি মাসে প্রকাশিত হয় ( ১ ফেব্রুয়ারি ১৮১৬ তারিখে *The Government Gazette* পত্রে ইহার সমালোচনা দ্রষ্টব্য )। ‘বেদান্তসার’ যে ইহার পূর্বেই বাংলায় রচিত ও প্রকাশিত, তাহার উল্লেখ এই ইংরেজী পুস্তিকার ভূমিকায় আছে। সুতরাং ‘বেদান্তসারে’র প্রকাশকাল “১৮১৫” ধরাই সঙ্গত হইবে।

রামমোহনের ইহাই প্রথম শাস্ত্রীয় বিচার। ইহা ১৮১৬ খ্রীষ্টাব্দে হইয়াছিল। শ্রীরামপুর কলেজে বঙ্গাক্ষরে মুদ্রিত এই বিচারপুস্তকগুলি আছে (N. 80.3.090)।

৬। ভট্টাচার্যের সহিত বিচার\*। ইং মে ১৮১৭ ( ১৩ জ্যৈষ্ঠ, ১৭৩৯ শক )। পৃ. ৩+৬৪।

৭। কঠোপনিষৎ। ইং আগস্ট ১৮১৭। পৃ. ৫৭।

৮। মাণ্ডুক্যোপনিষৎ। ইং অক্টোবর। ১৮১৭ ( পৃ. ২৩+১২)।

৯। গোস্বামীর সহিত বিচার। ইং জুন ১৮১৮। পৃ. ৫০।

ইহা “ভগবদ্গৌরান্ধপরায়ণ গোস্বামিজী পরিপূর্ণ ১১ পত্রে যাহা লিখিয়া পাঠাইয়াছিলেন তাহার উত্তর”।

কলিকাতা স্কুলবুক সোসাইটির তৃতীয় বার্ষিক বিবরণের ( ইং ১৮১৯-২০ ) সহিত যে পুস্তক-তালিকা মুদ্রিত হইয়াছে, তাহার বাংলা-বিভাগে রামমোহনের একখানি পুস্তিকার এইরূপ উল্লেখ পাইতেছি :—

Reply to a MS. of Ram-gopala Sormono.

ইহা ‘গোস্বামীর সহিত বিচার’ হওয়া অসম্ভব নহে।

১০। সহায়ণ বিষয় প্রবর্তক ও নিবর্তকের সম্বাদ। ইং নবেম্বর ১৮১৮। পৃ. ২২।

এই পুস্তিকার শেষে কোন প্রকাশকাল দেওয়া নাই। ইহা যে

\* ১৮১৭ খ্রীষ্টাব্দের প্রথম ভাগে প্রকাশিত, মৃত্যুঞ্জয় বিদ্যালয়কারের ‘বেদান্ত চন্দ্রিকা’র উত্তরে এই বিচারপুস্তক লিখিত। ১৩৪৬ সালে রজন পাবলিশিং হাউস কর্তৃক প্রকাশিত ‘মৃত্যুঞ্জয়-গ্রন্থাবলী’তে ‘বেদান্ত চন্দ্রিকা’ পুনর্মুদ্রিত হইয়াছে।



১৮১৮ খ্রীষ্টাব্দের নবেম্বর-ডিসেম্বর মাসে প্রকাশিত হয়, ২৬ ডিসেম্বর ১৮১৮ তারিখের 'সমাচার দর্পণে' প্রকাশিত নিম্নাংশ হইতে তাহা জানা যাইবে :—

“সহমরণ ।—কলিকাতার শ্রীযুত রামমোহন রায় সহমরণের বিষয়ে এক কেতাব করিয়া সর্বত্র প্রকাশ করিয়াছে । তাহাতে অনেক লিখিয়াছে কিন্তু স্থূল এই লিখিয়াছে যে সহমরণের বিষয় যথার্থ বিচার করিলে শাস্ত্রে কিছু পাওয়া যায় না ।”

১১। গায়ত্রীর অর্থ । ইং ১৮১৮ ( শকাব্দা ১৭৪০ ) ।

১২। মূণ্ডকোপনিষৎ । ইং মার্চ ১৮১৯ ।

এই পুস্তকের শেষে প্রকাশকাল দেওয়া নাই । সকলেই ইহার প্রকাশকাল “১৮১৭” খ্রীষ্টাব্দ বলিয়া উল্লেখ করিয়াছেন, কিন্তু ইহা যে ১৮১৯ খ্রীষ্টাব্দের প্রথম ভাগে প্রকাশিত হয়, ২৭ মার্চ ১৮১৯ তারিখের 'সমাচার দর্পণে' প্রকাশিত নিম্নাংশ হইতে তাহা জানা যাইবে :—

“নূতন পুস্তক ।—শ্রীযুত রামমোহন রায় অথর্ক বেদের মূণ্ডকোপনিষদ ও শঙ্করাচার্য্য কৃত তাহার টীকা বাঙ্গালা ভাষাতে তর্জমা করিয়া ছাপাইয়াছেন ।”

পাদরি লঙ্ও তাঁহার মুদ্রিত বাংলা পুস্তকের তালিকায় লিখিয়াছেন—  
“*Mundak Upanishad, by R. Ray, 1819.*”

রাজনারায়ণ বসু ও আনন্দচন্দ্র বেদান্তবাগীশ 'রাজা রামমোহন রায় প্রণীত গ্রন্থাবলী'র ৮১৪ পৃষ্ঠায় লিখিয়াছেন যে, মূণ্ডকোপনিষৎ “মূণ্ডকোপনিষদের পূর্বে প্রকাশিত হইয়াছিল, তাহার ভূমিকাতে এমন উল্লেখ আছে ।” কিন্তু মূণ্ডকোপনিষদের ভূমিকায় আদ্যত্র একরূপ কোন উল্লেখ পাই নাই ।

- ১৩। সহমরণ বিষয়ে প্রবর্তক নিবর্তকের দ্বিতীয় সম্বাদ\*।  
ইং নবেম্বর ১৮১৯। পৃ. ৩৩।

Second Conference between an Advocate and an Opponent of the practice of Burning Widows Alive. সহমরণ বিষয়ে প্রবর্তক নিবর্তকের দ্বিতীয় সম্বাদ, Calcutta, Printed at the Mission Press. 1819.

- ১৪। কবিতাকারের সহিত বিচার। ইং ১৮২০। পৃ. ২৩+৪৯।

“ঈশোপনিষৎ প্রভৃতির ভূমিকায় আমরা যাহা প্রতিপন্ন করিয়াছি তাহার উল্লেখমাত্র না করিয়া কবিতাকার উত্তর দিবার ছলে নানাপ্রকার কছুক্তি ও ব্যঙ্গ আমাদের প্রতি করিয়া এক পুস্তক প্রকাশ করিয়াছেন... তাহার মধ্যে২ দেবতা বিষয়ের শ্লোক এই দুইকে একত্র করিয়া ঐ পুস্তকে প্রত্যুত্তর শব্দে বিখ্যাত করিয়াছেন...।”

- ১৫। সূত্রজ্ঞান্য শাস্ত্রীর সহিত বিচার। ইং ১৮২০। পৃ. ১৬।

ইহা দেবনাগর অক্ষরে সংস্কৃত ও হিন্দী ভাষায়, এবং বাংলা অক্ষরে সংস্কৃত ও বাংলা ভাষায় এবং ইংরেজীতে ইহার ইংরেজী অনুবাদও *Apology for the Pursuit of Final Beatitude, independently of Brahmunicipal Observances* নামে মুদ্রিত হইয়াছিল। শ্রীরামপুর কলেজ লাইব্রেরীতে ইহার এক খণ্ড আছে।

\*কালার্টাদ বসুর আদেশে কাশীনাথ তর্কবাগীশ ‘বিধায়ক নিষেধকের সম্বাদ’ (আগষ্ট ১৮১৯, পৃ. ২৮) ইংরেজী অনুবাদ-সহ প্রকাশ করেন। ইহারই উত্তরে রামমোহন উপরিলিখিত পুস্তকখানি প্রচার করিয়াছিলেন।

১৬। ব্রাহ্মণ সেবধি ব্রাহ্মণ ও মিসিনরি সম্বাদ। ইং ১৮২১।

এই সাময়িক পুস্তকের তিন সংখ্যা ১৮২১ খ্রীষ্টাব্দে প্রকাশিত হয়। এগুলির এক পৃষ্ঠায় বাংলা ও অপর পৃষ্ঠায় তাহার ইংরেজী অনুবাদ (*The Brahmunicipal Magazine The Missionary and the Brahmun*) থাকিত। ১৮২৩ খ্রীষ্টাব্দের নবেম্বর মাসে প্রকাশিত ৪র্থ সংখ্যা *The Brahmunicipal Magazine* কেবল ইংরেজীতে মুদ্রিত।

১৭। চারি প্রশ্নের উত্তর\*। ইং মে ১৮২২। পৃ. ২৬।

১৮। প্রার্থনাপত্র। ইং মার্চ ১৮২৩। পৃ. ৪।

ইহার ইংরেজী ও বাংলা অংশ একত্র প্রমথকুমার ঠাকুরের নামে প্রকাশিত হয়।

১৯। পাদরি ও শিষ্য সংবাদ। ইং ১৮২৩।

ইহার ইংরেজী অংশ ১৮২৩ খ্রীষ্টাব্দের মে মাসে প্রকাশিত হইয়াছিল, বাংলা অংশও ঐ সময়ে প্রকাশিত হইয়া থাকিবে।

২০। গুরুপাদুকা। ইং ১৮২৩। পৃ. ৬।

পাদরি লঙের মুদ্রিত-বাংলা-পুস্তকের তালিকায় প্রকাশ :—

*Guru Paduka*, by R. Ray, pp. 6. 1823, reply to the Chandrika's defence of idolatry.

এই পুস্তিকার ভূমিকাটি এইরূপ :—

১৭ই আষাঢ় ১০ সংখ্যার সমাচারচন্দ্রিকা সম্বলিত শ্রীমদ্বন্দ্ব-সংস্থাপনাকাজির প্রিয় পোষ্য কস্তচিং ক্ষুদ্র শিষ্য ইতি স্বাক্ষরিত

\* ২৫ চৈত্র ১২২৮ তারিখের 'সমাচার দর্পণে' ধর্মসংস্থাপনাকাজী যে চারিটি প্রশ্ন করেন, উপরিলিখিত পুস্তকে তাহারই উত্তর দেওয়া হইয়াছে।

জ্ঞানাঙ্কন শলাকা নামে এক ক্ষুদ্র গ্রন্থ প্রকাশ হইয়াছিল যত্বপি বিশেষ বিবেচনা করিলে সে দুর্ভাগ্যের উত্তর দিবার প্রয়োজনাভাব কিন্তু গত চল্লিকায় তদুত্তর প্রার্থনায় শ্রীগৌরাজ দাস এক পত্র প্রকাশ করিয়াছেন স্মরণ্য তাহার এবং তৎসংসর্গিদের কৃতার্থের নিমিত্ত গুরু-পাছকা নামিকা এই পত্রিকা প্রদান করিতেছি ইহাতে যদি জ্ঞান না জন্মে তবে চেষ্টাস্তর করিতে হইবে।—‘ছোট গল্প,’ ২য় বর্ষ, ২৪ সংখ্যা, পৃ. ১১৭২।

২১। পথ্যপ্রদান\*। ইং ডিসেম্বর ১৮২৩। পৃ. ২৬১।

পথ্য প্রদান সম্যগনুষ্ঠানাক্ষম তজ্জগন্মনস্তাপবিশিষ্ট কর্তৃক কলিকাতা সংস্কৃত মুদ্রায়ন্ত্রে মুদ্রাঙ্কিত হইল। শকাব্দা ১৭৪৫ MEDICINE for the sick offered By One who laments his inability to perform all righteousness. Calcutta, printed at the Sungscrit Press 1823.

২২। ব্রহ্মনিষ্ঠ গৃহস্থের লক্ষণ। ইং ১৮২৬ (শকাব্দা ১৭৪৮)।

২৩। কায়স্থের সহিত মত্বপান বিষয়ক বিচার। ইং ১৮২৬ (শকাব্দা ১৭৪৮)।

২৪। বজ্রসূচী। (১ম নির্ণয়)। ইং ১৮২৭ (শকাব্দা ১৭৪৯)।

২৫। গায়ত্র্যা পরমোপাসনাবিধানং। ইং ১৮২৭।

এই পুস্তিকার ইংরেজী অনুবাদ ১৮২৭ খ্রীষ্টাব্দে প্রকাশিত হইয়াছিল।

২৬। ব্রহ্মোপাসনা। ইং ১৮২৮।

\* এই পুস্তকখানি উমানন্দন (বা নন্দলাল) ঠাকুরের নির্দেশে কাশীনাথ তর্কপঞ্চানন-রচিত ‘পাষাণ্ডীড়নে’র উত্তরে লিখিত।

- ২৭। ব্রহ্মসঙ্গীত। ইং ১৮২৮।\*
- ২৮। অনুষ্ঠান। ইং ১৮২৯। পৃ. ৬+৪।  
অনুষ্ঠান। শকাব্দা: ১৭৫১।
- ২৯। সহায়ক বিষয়। ইং ১৮২৯ ( শকাব্দা: ১৭৫১ )। পৃ. ১১ ;
- ৩০। গোড়ীয় ব্যাকরণ। ইং ১৮৩৩। পৃ. ২৭।

Grammer of the Bengali Language. গোড়ীয় ব্যাকরণ তন্ত্রাধা বিরচিত শ্রীযুত রাজা রামমোহন রায়দ্বারা পাণ্ডু লিপি ও কলিকাতা স্কুল বুক সোসাইটিদ্বারা এবং তন্মুদ্রায়ন্ত্রে মুদ্রিত হয়। ১৮৩৩। Calcutta : Printed at the School-Book Society's Press ; and sold at its Depository, Circular Road 1833.

\*

\*

\*

ইহা ছাড়া নিম্নলিখিত পুস্তিকা দুইখানি রামমোহন-গ্রন্থাবলীতে মুদ্রিত হইয়াছে, কিন্তু এগুলির প্রকাশকাল জানা যায় নাই :—

কুজপত্রী। ( বিতরণার্থ মুদ্রিত ) আত্মানাত্মবিবেক ( বঙ্গানুবাদ সহ )

রামমোহন ভগবদ্গীতা পণ্ডে অনুবাদ করিয়াছিলেন বলিয়া জানা যায়। ১৮৫৮ খ্রীষ্টাব্দে রাজেন্দ্রলাল মিত্র 'বিবিধার্থ-সঙ্গ্রহে' সমালোচনা-প্রসঙ্গে লিখিয়াছিলেন :—

৬। শ্রীমদ্ভাগবতীয় একাদশ স্কন্ধের মূল ও শ্রীযুত সনাতন

---

\* যোগেন্দ্রচন্দ্র ঘোষ-সম্পাদিত রামমোহন রায়ের ইংরেজী-গ্রন্থাবলীর ভূমিকায় ( i.xx ) রামমোহনের রচনাবলীর যে তালিকা আছে, তাহা হইতে ২৫-২৭ সংখ্যক পুস্তিকার প্রকাশকাল গৃহীত।

চক্রবর্ত্তি কৃত তাহার বাঙ্গালি অর্থ। শ্রীলালচাঁদ বিশ্বাস কর্তৃক প্রকাশিত। এই পুস্তকের সমস্ত মুদ্রিতাবস্থায় দেখিতে আনাদিগের বিশেষ বাসনা আছে, যেহেতু সংস্কৃত মূলের অর্থ বাঙ্গালি পণ্ডে ইহাতে অতি সূচাকরূপে রক্ষা পাইয়াছে; বোধ হয়, শ্রীযুত রাজা রামমোহন রায় কর্তৃক ভগবদ্গীতার অনুবাদ ভিন্ন অন্য কোন বাঙ্গালি পণ্ডগ্রন্থে তদ্রূপ হয় নাই। 'বিবিধার্থ-সংস্কৃত' আষাঢ় ১৭৮০ শক, পৃ. ৭২।

১৮২২ খ্রীষ্টাব্দে প্রকাশিত 'সহমরণ বিষয়' ( দ্র. গ্রন্থাবলী ) পৃ. ৫৬ পুস্তকে রামমোহন লিখিয়াছেন—

সহমরণাদিরূপ কাম্য কর্মের নিন্দা ও নিষেধের ভূরি প্রমাণ গীতাদি শাস্ত্রে দেদীপ্যমান রহিয়াছে তাহার কিঞ্চিৎ আমাদের প্রকাশিত ভগবদ্গীতার কতিপয় শ্লোকে ব্যক্ত আছে,...

আমরা রামমোহন-কৃত গীতার পণ্ডানুবাদ দেখি নাই। তবে ১৮১২ খ্রীষ্টাব্দে প্রকাশিত বৈকুণ্ঠনাথ বন্দ্যোপাধ্যায়-কৃত 'ভগবদ্গীতা'র পণ্ডানুবাদ দেখিয়াছি; বৈকুণ্ঠনাথ রামমোহন-প্রতিষ্ঠিত আত্মীয় সভার "নির্বাহক" ছিলেন। "কোন পণ্ডিতের সহকারাবলম্বনে" তিনি 'ভগবদ্গীতা' অনুবাদ করেন। এই অনুবাদ রামমোহন রায়ের বেনামী রচনা কি না, বলিবার উপায় নাই।

এই তালিকায় রামমোহন কর্তৃক "প্রকাশিত" অথচ প্রণীত নহে, এমন কতকগুলি পুস্তকের নাম বাদ দেওয়া হইয়াছে। যথা,—১৮১৮ খ্রীষ্টাব্দে প্রকাশিত 'শারীরক মীমাংসা' ( পৃ. ৩৭৭ ), এবং ঈশ, কেন, কঠ, মুণ্ডক, প্রভৃতি কয়েকখানি উপনিষদের মূল ও ভাষ্য। 'কুলার্ণব' সম্বন্ধেও ঐ কথাই প্রযোজ্য। 'কুলার্ণব' রামমোহন-গ্রন্থাবলীতে মুদ্রিত হইয়া আসিতেছে বটে, কিন্তু উহা বোধ হয় হরিহরানন্দনাথ তীর্থস্বামী

কলিকাতায় অবস্থানকালে ১৮১৬-১৭ খ্রীষ্টাব্দে প্রকাশ করিয়াছিলেন ।  
**গ্রন্থাবলী :**

১৮৩২ খ্রীষ্টাব্দে তেলেনীপাড়ার জমিদার অন্নদাপ্রসাদ বন্দ্যোপাধ্যায়  
 রামমোহনের বাংলা গ্রন্থগুলি পুনর্মুদ্রিত করিয়া প্রচার করিয়াছিলেন ।  
 তাহার পর তত্ত্ববোধিনী সভা রামমোহনের ইংরেজী-বাংলা অধিকাংশ  
 গ্রন্থেরই সারাংশ প্রকাশ করেন । গ্রন্থাবলী-আকারে রামমোহনের  
 বাংলা গ্রন্থগুলি সর্বপ্রথম প্রচারিত হয় ১৮৮০ খ্রীষ্টাব্দে । ইহা—

**রাজা রামমোহন রায় প্রণীত গ্রন্থাবলী । ইং ১৮৮০ । পৃ. ৮১৪ ।**

রাজনারায়ণ বসু ও আনন্দচন্দ্র বেদান্ত বাগীশ কর্তৃক সংগৃহীত ও  
 পুনঃপ্রকাশিত । ইহার পরে রামমোহন গ্রন্থাবলী একাধিক প্রতিষ্ঠান  
 হইতে পুনঃপ্রকাশিত হইয়াছে । তন্মধ্যে একমাত্র উল্লেখযোগ্য সংস্করণ—  
**রামমোহন গ্রন্থাবলী । ইং ১৯৪৪ — । ( বঙ্গীয়-সাহিত্য-পরিষৎ ) ।**

শ্রীব্রজেন্দ্রনাথ বন্দ্যোপাধ্যায় ও শ্রীমঙ্গলকান্ত দাস-সম্পাদিত ।  
 রামমোহন রায় কর্তৃক প্রকাশিত মূল বাংলা পুস্তকগুলির সহিত পাঠ  
 মিলাইয়া, সম্পাদকীয় টীকা টিপ্পনী সহ এই গ্রন্থাবলী প্রকাশিত

• ১৮৩২ খ্রীষ্টাব্দের জানুয়ারি মাসে কাশীতে হরিহরানন্দের মৃত্যু  
 হইলে, পরবর্তী ১১ ফেব্রুয়ারি তারিখে ‘সমাচার দর্পণ’ যাহা লেখেন,  
 তাহার এক স্থলে আছে :—“প্রায় ষাটশ বৎসর হইবেক একবার  
 কলিকাতা নগরে আগমন করিয়াছিলেন তৎকালে কুলার্গবনামে এক গ্রন্থ  
 তাঁহার দ্বারা প্রকাশিত হয় ।”

† “It affords us great please to be able to announce that  
 Baboo Annodapersaud Bonerjee, a distinguished Patron of native  
 education has published at his own expence the whole of the  
 Bengallee writings of the late RAJA RAMMOHUN ROY, for the  
 purpose of disseminating generally the enlightened view of that  
 Indian philosopher in respect to theology and the Hindoo Shasters.”  
 —*The Calcutta Courier* for January 6, 1840.

হইতেছে। পাঠকের বোধসৌকর্যার্থ ইহাতে রামমোহনের প্রতিপক্ষের বক্তব্যও মুদ্রিত হইতেছে। এই বাংলা গ্রন্থাবলী ৭ খণ্ডে সম্পূর্ণ হইবে। ইতিমধ্যে এই দুই খণ্ড প্রকাশিত হইয়াছে :—

৩য় খণ্ড (সহমরণ বিষয়ক পুস্তকাবলী) ... অগ্রহায়ণ ১৩৫১।

৬ষ্ঠ খণ্ড (চারি প্রশ্ন ও তৎসংক্রান্ত বিচারগ্রন্থ) ... ফাল্গুন ১৩৫২।

### ইংরেজী :

রামমোহন রায়ের অনেকগুলি ইংরেজী রচনাও অপরের নামে বা ছদ্ম নামে প্রকাশিত হয়। তাঁহার সকল ইংরেজী পুস্তকের মূল সংস্করণ দেখিবার সুবিধা হয় নাই।

বিলাতে অবস্থানকালে তিনি অনেকগুলি ইংরেজী পুস্তক পুনর্মুদ্রিত করিয়াছিলেন। এই সকল গ্রন্থের তালিকা প্রধানতঃ মেরী কার্পেন্টারের *Last Days in England...* পুস্তকের পরিশিষ্টে প্রদত্ত তালিকা অবলম্বনে সংকলিত। বিলাতে তিনি কয়েকখানি নূতন পুস্তিকাও প্রচার করিয়াছিলেন।

এই তালিকায় রামমোহনের এমন কতকগুলি রচনার নাম পাওয়া যাইবে, যেগুলি নবাবিকৃত এবং প্রচলিত গ্রন্থাবলীতে স্থান পায় নাই।

### কলিকাতা হইতে প্রকাশিত :

1. Translation of an abridgment to the Vedant, or Resolution of all the Veds ; the most celebrated and revered work of Brahminical Theology ; establishing the unity of the Supreme Being ; and that He alone is the object of propitiation and worship. By Kammohun Roy. Calcutta 1816. 3+14 pp.

রামমোহনের এই পুস্তিকাখানি পর-বৎসর জার্মান ভাষায় *Auflosung des Wedant* নামে ( Jena, 1817 ) প্রকাশিত হয়। এই বৎসরেই



আবার ইহা ( কেনোপনিষদের ইংরেজী অনুবাদ-সম্মত ) বিলাত হইতে প্রকাশিত হইয়াছিল ।

2. Translation of the Cena Upanishad one of the chapters of the Sama Veda ; according to the gloss of the celebrated Shancaracharya : establishing the unity and the sole omnipo- tence of the Supreme Being ; and that He Alone is the object of worship. By Rammohun Roy, Calcutta : printed by Philip Pereira, at the Hindoostanee Press. 1816. vii+11 pp.

3. Translation of the Ishopanishad, one of the chapters of the Yajur Veda : according to the commentary of the cele- brated Shankar Acharya : establishing the unity and incom- prehensibility of the Supreme Being ; and that His worship alone can lead to eternal beatitude. By Rammohun Roy. Calcutta : Printed by Philip Pereira, at the Hindoostanee Press. 1816. xxii+8pp.

4. A Defence of Hindoo Theism in reply to the attack of an advocate for Idolatry, at Madras. Ram Mohun Roy. Calcutta. 1817. 29 pp.

5. A Second Defence of the Monotheistical System of the Veds, in reply to an apology for the present state of Hindoo worship. By Rammohun Roy. Printed at calcutta. 1817 58 pp.\*

6. Counter-Petition of the Hindu Inhabitants of Calcutta against Suttee. August (?) 1818

১৮১৯ খ্রীষ্টাব্দের জুলাই সংখ্যা 'এশিয়াটিক জর্নালে' ( পৃ. ১৫-১৭ ) ইহা মুদ্রিত হইয়াছে । এটিকেও কেহ কেহ রামমোহনের রচনা বলিয়া মনে করেন ।

---

\* ইহা ১৮১৭ খ্রীষ্টাব্দে প্রকাশিত যুক্তাশয় বিজ্ঞানকারের *An Appology for the present system of Hindoo Worship* পুস্তকের উত্তরে রচিত । যুক্তাশয়ের ইংরেজী পুস্তকখানি 'যুক্তাশয়-গ্রন্থাবলী'তে স্থান পাইয়াছে ।

7. Translation of a Conference between an advocate for, and an opponent of, the practice of burning widows alive ; from the original Bungla. Calcutta : 1818.

8. Translation of the Moonduk Opunishad of the Uthuru-  
Ved, according to the gloss of the celebrated Shunkuracharyu.  
Calcutta : D. Lankheet, Times Press, 1819, 25 pp.

২৫ মার্চ ১৮১৯ তারিখের Supplement to *Government Gazette*  
পত্রে ইহার সমালোচনা প্রকাশিত হইয়াছে।

9. Translation of the Kut'h-opunishud of the Ujoor-Ved,  
according to the gloss of the celebrated Sunkuracharyu.  
Calcutta, 1819. 40 pp.

10. An Apology for the Pursuit of Final Beatitude, inde-  
pendently of Brahmunicipal observances. By Ram Mohun Roy  
Calcutta printed at the Baptist Mission Press, Circular Road  
1280. 4 pp.

ইহার আখ্যা-পত্রে প্রকাশকালটি ইং ১৮২০ খ্রীঃ অব্দে “1280”  
ছাপা হইয়াছে।

11. A second conference between an advocate and an  
opponent of, the practice of burning widows alive. Translated  
from the original Bengalee. Calcutta : Printed at the Baptist  
Mission Press, Circular Road. 1820.

12 The precepts of Jesus, the Guide to Peace and  
Happiness ; extracted from the Books of the New Testament  
ascribed to the four Evangelists. With translations into  
Sungscrit and Bengalee. Calcutta : Printed at the Baptist  
Mission Press, Circular Road. 1820. iv+82 pp.

এই পুস্তকের আখ্যা-পত্রে সংস্কৃত ও বাংলা অনুবাদের কথা আছে,  
কিন্তু তাহা আর মুদ্রিত হয় নাই। ১৮৫৯ খ্রীষ্টাব্দে রাখালদাস হালদার  
এই পুস্তকের বঙ্গানুবাদ ‘ঐশ্বরপ্রদীপ হিতোপদেশ’ নামে প্রকাশ করেন।

13. An Appeal to the Christian Public in Defence of the 'Precepts of Jesus,' by A Friend to Truth. Printed at Calcutta : 1820. 20 pp.

14. Second Appeal to the Christian Public, in defence of the 'Precepts of Jesus.' By Rammohun Roy. Calcutta : Printed at the Baptist Mission Press, Circular Road. 1821. 173 pp.

১ আগষ্ট ১৮২১ তারিখ 'ক্যালকাটা জর্নালে' ইহা সমালোচিত হয়।

15. The Brahmunicipal Magazine ; or, the Missionary and the Brahmun. Being a vindication of the Hindoo Religion against the attacks of Christian Missionaries. By Shivu-Prusad Surma. Nos. 1, 2 & 3. 1821.

১৮২১ খ্রীষ্টাব্দে ইহার প্রথম তিন সংখ্যা ইংরেজী-বাংলায় প্রকাশিত হয়। তাহার পর আর বাংলা অংশ প্রকাশ করিবার প্রয়োজন ঘটে নাই। দুই বৎসর পরে ১৮২৩ খ্রীষ্টাব্দের ১৫ই নবেম্বর ৪র্থ সংখ্যা কেবল ইংরেজীতে প্রকাশিত হইয়াছিল। ইহার পৃ. সংখ্যা ২৬ ; আখ্যা পত্রটি এইরূপ :—

The Brahmunicipal Magazine : or, The Missionary and the Brahmun. To be continued occasionally. No. IV. By Shivu-Prusad Surma. Calcutta, 1823.

'ব্রাহ্মনিক্যাল ম্যাগাজিনে'র ১ম-৩য় সংখ্যা ১৮২৩ খ্রীষ্টাব্দের আগষ্ট মাসে পুনর্মুদ্রিত হয় ( পৃ. ৩+৪১ )। এই সংস্করণে বাংলা অংশ বর্জিত হইয়াছিল ; তাহার কারণ সম্বন্ধে ২য় সংস্করণের ভূমিকায় এইরূপ উল্লেখ আছে :—

*...the 3rd No. of my Magazine has remained unanswered for nearly two years. During that long period the Hindoo community (to whom the work was particularly addressed and therefore printed both in Bengallee and English) have made up their minds that the arguments of the BRAHMUNICAL MAGAZINE are unanswerable ; and I now republish, therefore, only the English*

*translation, that the learned among Christians, in Europe as well as in Asia, may from their opinion on the subject.*

16. Brief Remarks regarding modern encroachments on the ancient rights of Females, according to the Hindoo Law of Inheritance. By Rammohan Roy. Calcutta: Printed at the Unitarian Press. 1822.

১৮ জানুয়ারি ১৮২২ তারিখের *Calcutta Journal* পত্রে ইহা সমালোচিত হইয়াছে।

17. Final Appeal to the Christian Public in Defence of the "Precepts of Jesus" Calcutta, Dhurmtollah, Unitarian Press, January 30, 1823. vii+379 pp.

18. Humble Suggestions to his countrymen who believe in the one True God. By Prusunnu Koomar Thakoor. Calcutta: 1823.

ইহার ইংরেজী ও বাংলা অংশ একত্রে প্রকাশিত হয়। ১৫ মার্চ ১৮২৩ তারিখের 'ক্যালকাটা জর্নালে' ইহা সমালোচিত হইয়াছে।

19. Petitions against the Press Regulations :

(a) *Memorial to the Supreme Court.* March 1828.

এই আবেদনপত্রখানি ১৮২৩ খ্রীষ্টাব্দের ডিসেম্বর সংখ্যা 'এশিয়াটিক জর্নালে'র ৫৮১-৮৩ পৃষ্ঠায় মুদ্রিত হইয়াছে।

(b) *Appeal to the King in Council.* 1825.

এই আবেদনপত্রখানি সম্বন্ধে একটি ভুল আমাদের মধ্যে চলিতেছে। এই ভুলের সূত্রপাত হয় রামমোহন-জীবনীতে মিস কলেটের নিম্নলিখিত উক্তি হইতে :—

"The Privy Council in November 1825, after six months' consideration, declined to comply with the petition, presented by Mr. Buckingham, late of the Calcutta Journal, against the Press ordinance of 1825."  
(P. 105.)

কিন্তু প্রকৃতপক্ষে মুদ্রায়ত্ত্ব বিষয়ক আইনের বিরুদ্ধে এদেশবাসীর এই আবেদনপত্র বাকিংহামও দাখিল করেন নাই, “প্রিভি কাউন্সিলে” উপস্থাপিত করিবার জন্তও রচিত হয় নাই; উহা বোর্ড অব কন্ট্রোলের যারফৎ সম্রাট চতুর্থ জর্জের নিকট প্রেরিত হইয়াছিল।

20. A Few Queries for the Serious Consideration of Trinitarians. Part I. Calcutta, May 9, 1823. 8 pp.

21. A Few Queries for the Serious Consideration of Trinitarians. Part II. Calcutta, May 12, 1823. 8 pp.

22. Two Dialogues. Calcutta, May 16, 1823. 8pp

(a) Dialogue First between a Trinitarian Missionary and Three Chinese Converts.

(b) Dialogue Second between a Unitarian Minister and an Itinerant Bookseller.

ইহার প্রথমটি রামমোহন বায়ের রচনা। দ্বিতীয়টি রাইট (Wright) নামে একজন সাহেবের রচনা—১৮২৪ খ্রীষ্টাব্দের *Monthly Repository...* তে ইহার উল্লেখ আছে।

পূর্বোল্লিখিত তিনখানি পুস্তিকা (নং ২০-২২) ১৯৩৩ খ্রীষ্টাব্দের ডিসেম্বর-সংখ্যা *Modern Review* পত্রে (পৃ. ৬২৪-২৮) পুনর্মুদ্রিত হইয়াছে।

23. A Vindication of the Incarnation of the Deity, as the Common basis of Hindooism and Christianity, against the Sciamatic attacks of R. Tytler, Esq., M. D. . . By Ram Doss. Calcutta : Printed by R. S. Smith and Co., Hurkaru Press. 1823.

24. A Letter on European Education. Calcutta, 11 December 1823.

এই পত্রখানি রামমোহন বিশপ হেবারের যারফৎ গবর্নর জেনারেল লর্ড আমহাষ্টের নিকট পাঠাইয়াছিলেন। হেবার লিখিয়াছেন :—

“Rammohun Roy, a learned native, who has sometimes been called, though I fear without reason, a Christian, remonstrated against this [Orientalist] system last year, in a paper which he sent me to be put into Lord Amherst's hands, and which, for its good English, good sense, and forcible arguments, is a real curiosity, as coming from an Asiatic.”—*Journal*, ii. 388.

এই পত্রের প্রতিলিপি বাংলা-গবর্মেণ্টের দপ্তরখানায় (*Copy Book of letters Received and Issued by the General Committee of Public Instruction, 1823-24 pp. 42-50*) রক্ষিত আছে। H. Sharp সম্পাদিত *Selections from Educational Records* গ্রন্থের ৯৮-১০১ পৃষ্ঠাতেও ইহা পুনর্মুদ্রিত হইয়াছে।

রামমোহনের এই পত্র সম্বন্ধে গবর্মেণ্টের বা জেনারেল কমিটি অব পাবলিক ইন্সট্রাকশনের মস্তব্য আমি সর্বপ্রথম সরকারী দপ্তর হইতে প্রকাশ করি; ১৯২৯ খ্রীষ্টাব্দের মে সংখ্যা ‘মডার্ন রিভিউ’র ৬৫০ পৃষ্ঠা অথবা J. B. O. R. S.-এ প্রকাশিত (Vol. xvi. pt, II) “Rammohun Roy as an Educational Pioneer” প্রবন্ধের ১৬০-৭০ পৃষ্ঠা দ্রষ্টব্য।

25. A letter to the Reverend Henry Ware on the Prospects of Christianity in in India. Calcutta, 1824.

26. Translation of a Sanscrit Tract ou different modes of worship. By a Friend of the Author, Calcutta: 1825

27. Bengalee Grammar in the English Language. By Rammohun Roy. Calcutta : Printed at the Unitarian Press, 1826, 140 pp. .

28. A Translation into English of a Sanskrit Tract, inculcating the divine worship ; esteemed by those who believe in the revelation of the Veds as most appropriate to the nature of the Supreme Being. Calcutta : 1827.

29. Answer of a Hindoo to the question, "Why do you frequent a Unitarian Place of worship instead of the numerous attended Established Churches ?" 1827.

মিস কলেট রামমোহন-জীবনীতে লিখিয়াছেন, "Towards the close of the year, he published a little tract entitled *Answer of a Hindoo...* it bears the signature of Chundru Shekhur Dev, a disciple of Rammohun ; but, as Mr. Adam informed Dr. Tuckerman in a letter dated Jan. 8, 1828, it was entirely Rammohun's own composition." ( P. 127. )

30. Symbol of the Trinity. 1828 (?)

১৮২৯ খ্রীষ্টাব্দের জুলাই সংখ্যা 'এশিয়াটিক জর্নালে' ( পৃ. ৭১-৭২ ) রামমোহনের এই রচনাটি মুদ্রিত হইয়াছে ।

31. The Universal Religion : Religious Instructions founded on Sacred authorities. Calcutta : 1751 s. [ 1829.]

32. The Padishah of Delhi to King George the Fourth of England. Feb. 1829.

রামমোহন কর্তৃক রচিত এই আবেদনপত্রখানি আমার *Raja Rammohun Roy's Mission to England* (1926) পুস্তকের ৫১-৬৫ পৃষ্ঠায় মুদ্রিত হইয়াছে ।

33. Petition to the Government against Regulation III of 1828 for the resumption of Lakheraj Lands. 1829 (August ?)

ইহা ১৮৩০ খ্রীষ্টাব্দের এপ্রিল সংখ্যা 'এশিয়াটিক জর্নালে' (Asiatic Intelligence, - Calcutta, pp. 203-5) মুদ্রিত হইয়াছে। ২৯ সেপ্টেম্বর ১৮২৯ তারিখে গবর্নেন্ট এই আবেদন নামঞ্জুর করেন ।

এই আবেদনখানি রামমোহনের রচনা বলিয়া কেহ কেহ মনে করেন ।

উইলিয়ম আডাম তাঁহার *A Lecture on the Life and Labours of Rammohun Roy* পুস্তিকায় এই আইন প্রসঙ্গে লিখিয়াছেন :—

“Rammohun Roy instantly placed himself at the head of the native land-holders of Bengal, Behar, and Orissa, and in a petition of remonstrance to Lord William Bentinck, Governor General, protested against such arbitrary and despotic proceedings. The appeal was unsuccessful in India, was carried to England, and was there also made in vain ; ...Rammohun Roy, both in India and England, raised his powerful and warning voice on behalf of his countrymen whom he loved, and on behalf of the British Government to which he was in heart attached...”

34. Address to Lord William Bentinck, Governor-General of India, upon the passing of the Act for the abolition of the Suttee. 1830.

এই মানপত্রখানি রামমোহনের রচনা বলিয়া ধরা হয়। ১৮ জানুয়ারি ১৮৩০ তারিখের *Government Gazette* পত্রে ইহার ইংরেজী ও বাংলা উভয় অংশই প্রথম প্রকাশিত হয়, পরবর্তী ২৩ জানুয়ারি তারিখে শ্রীরামপুরের ‘সমাচার দর্পণ’ (তখন দ্বিভাষিক) উহা উদ্ধৃত করেন। মানপত্রের বাংলা অংশও রামমোহনের রচনা হওয়া বিচিত্র নয়।

35. Abstract of the arguments regarding the burning of widows, considered as a religious rite. Calcutta. 1830.

36. Essay on the rights of Hindoos over ancestral property, according to the Law of Bengal. Calcutta, 1830. 47 pp.

ইহা ১৬ সেপ্টেম্বর তারিখের *Bengal Chronicle* পত্রে সমালোচিত হইয়াছে।



37. Counter-petition to the House of Commons to the memorial of the advocates of the Suttée.

ইহা ৩০ নবেম্বর ১৮৩০ তারিখের *Bengal Chronicle* পত্রে প্রকাশিত হইয়াছে। 'এশিয়াটিক জর্নালে'ও (May 1831, Asiatic Intelligence,—Calcutta, pp. 20-21) ইহা প্রকাশিত হয়।

38. The English in India should adopt Bengali as their language. (Unpublished)

১৯২৮ খ্রীষ্টাব্দের ডিসেম্বর সংখ্যা 'মডার্ন রিভিউ' (পৃ. ৬৩৫-৩৬) দ্রষ্টব্য।

39. Hindu authorities in favour of slaying the Cow and eating its flesh.

এই প্রবন্ধটি সম্বন্ধে শ্রীশুকুমার হালদার ১৮৫৫ শকের জ্যৈষ্ঠ-সংখ্যা 'তত্ত্ববোধিনী পত্রিকা'য় (পৃ. ৬৩) লিখিয়াছেন :

“আমার পিতা ৬রাখালদাস হালদার...১৮৬০, খৃঃ তিনি উচ্চ শিক্ষা লাভার্থ বিলাত গমন করেন। তথায় প্রবাসকালে তিনি রাম মোহন রায়ের পরম বন্ধু Mr. Willam Adam-এর নিকট হইতে রাজার স্বহস্তলিখিত একটি প্রবন্ধ প্রাপ্ত হন। প্রবন্ধটির বিষয়—  
“Hindu authorities in favour of slaying the cow and eating its flesh.” ইহাতে অপর হস্তে ইংরাজী ভাষায় লিখিত একটি অসম্পূর্ণ ভূমিকা ছিল। ইং ১৮৮৭ খৃঃ আমার পিতার মৃত্যুর পর কাগজগুলি আমার নিকটেই ছিল। কয়েক বৎসর হইল আমি ঐগুলি তত্ত্ববোধিনী পত্রিকার অঙ্কেয় সম্পাদক মহাশয়কে পাঠাইয়াছিলাম। এক্ষণে কাগজগুলি তাঁহারই নিকটে আছে।”  
রামমোহনের এই প্রবন্ধটি এখনও অপ্রকাশিত রহিয়াছে।

## ENGLISH WORKS

রামমোহনের ইংরেজী-গ্রন্থবলীর মধ্যে এই তিনখানি উল্লেখ-  
যোগ্য :—

- (a) The English works of Raja Ram Mohun Roy. Edited by Jogendra Chunder Ghose Vol. I (Aug. 1885). Vol. II ( 1887. )
- (b) The English works of Raja Rammohun Roy. Panini Office. 1906.

রামমোহনের কতকগুলি পত্র ‘তুহ্‌ফাৎ-উল্-মুয়াহ্‌হিদীন’-এর ইংরেজী অনুবাদ ও রামানন্দ চট্টোপাধ্যায় লিখিত গ্রন্থকারের জীবনী ছাড়া এই সংস্করণ শ্রীযোগেন্দ্রচন্দ্র ঘোষের সংস্করণের পুনর্মুদ্রণ মাত্র ।

- (c) The English Works of Raja Ram Mohun Roy (Social and Educational). The Centenary Edition. May 1934.

ইহাতে মুদ্রিত *Some Remarks in vindication of the resolution passed by the Government of Bengal in 1929...* এবং *Bengalee Grammer in the English Language* পুস্তক দুইখানি রামমোহনের অন্যান্য গ্রন্থাবলীতে স্থান পায় নাই ।

বিলাত হইতে প্রকাশিত :—

1. Translation of an Abridgment of the Vedant, or, Resolution of all the Veds ; the most celebrated and revered work of Brahminical Theology. Likewise a Translation of the Cena Upanishad, one of the chapters of the Sama Veda ; according to the gloss of the celebrated Shancaracharya, establishing the unity and the sole omnipotence of the Supreme Being ; and that He alone is the object of worship. By Ram-mohun Roy. London : Printed for T. and J. Hoitt, Upper Berkeley Street, Portman Square. 1817.

ইহাতে রামমোহনের মনিব-বন্ধু জন্ ডিগবীর ভূমিকা ও রামমোহনের একখানি পত্র স্থান পাইয়াছে। বিলাতের ব্রিটিশ মিউজিয়মে এই পুস্তকের এক খণ্ড আছে।

2. The precepts of Jesus the Guide to Peace and Happiness, extracted from the Books of the New Testament ascribed to the Four Evangelists to which are added the first and Second Appeal to the Christian Public, in reply to the Observations of Dr. Marshman, of Serampore. London, 1823.

3. Final Appeal to the Christian public in Defence of the "Precepts of Jesus." London, Hunter, 1823.

4. Answers to Queries by the Rev. H. Ware of Cambridge, U. S., printed in "Correspondence relative to the prospect of Christianity, and the Means of promoting its Reception in India. London : C. Fox. 1825.

5. Treaty with the King of Delhi. Decision thereon by the Governor-General of India, Reports of the British Resident and political Agent at Delhi ; with Remarks. London : Printed by John. Nichols, 47, Tottenham Court Road. 1831.

ইহা ১২৩৪ খ্রীষ্টাব্দের জানুয়ারি সংখ্যা *Modern Review* পত্রের ৪২-৬১ পৃষ্ঠায় মুদ্রিত হইয়াছে।

6. Some Remarks in vindication of the Resolution passed by the Government of Bengal in 1829 abolishing the practice of Female Sacrifices in India. Nichols and Sons, Printers, Earl's Court, Cranbourn Street, Leicester Square. London [1831 Sep. ?] ৪ + 4 pp.

ইহা নব্ব্বপ্রথম ১২৩৪ খ্রীষ্টাব্দের মার্চ সংখ্যা *Modern Review* পত্রে

( পৃ. ২৭২-৭৬ ) পুনর্মুদ্রিত হয়। ইহার একখণ্ড লাহোর কোরম্যান ক্রীষ্টান কলেজ লাইব্রেরিতে আছে।

7. Essay on the Right of Hindoos over Ancestral Property, according to the Law of Bengal. By Raja Rammohun Roy. Second Edition : with an appendix containing Letters on the Hindoo Law of Inheritance. Calcutta : Printed, 1830. London : Smith, Elder, and Co, 65, Cornhill. 1832.

এই লগুন সংস্করণে প্রদত্ত “Appendix” অংশটি ১৮৩০ খ্রীষ্টাব্দে কলিকাতা হইতে প্রকাশিত প্রথম সংস্করণের পুস্তকে ছিল না।

8. Exposition of the practical operation of the Judicial and Revenue Systems of India, and of the general character and condition of its native inhabitants, as submitted in evidence to the authorities in England. With Notes and Illustrations. Also a brief Preliminary sketch of the ancient and modern boundaries, and of the history of that country. Elucidated by a Map. By Rajah Rammohun Roy. London : Smith, Elder and Co., Cornhill. 1832.

9. Answers of Rammohun Roy to Queries on the Salt Monopoly, March 19, 1832.

Parliamentary Papers of 1831-32 (Vol. XI, pp. 685 86 হইতে আমি ইহা ১৯৩৪ খ্রীষ্টাব্দের যে সংখ্যা ‘মডার্ন রিভিউ’তে ( পৃ. ৫৫৩-৫৫ ) পুনর্মুদ্রিত করিয়াছি।

10. Translation of several Principal Books, Passages and Texts of the Veds and of some controversial works on Brahmunicipal Theology. By Rajah Rammohun Roy, Second Edition. London : Parbury, Allen & Co. 1832. 282 pp.

11. Appeal to the British Nation against a violation of common justice and a breach of public faith by the Supreme Government of India with the Native Inhabitants. London. [1832 ?]

ইহার এক খণ্ড লাহোর ফোরম্যান থ্রিষ্টান কলেজ লাইব্রেরিতে আছে ।

১৮২৯ খ্রীষ্টাব্দের বঙ্গীয় গবর্নেন্ট লাথেরাজ বা নিকর ভূমি-সংক্রান্ত আইন সম্বন্ধে এদেশবাসীর আবেদন অগ্রাহ্য করেন—এ-কথা পূর্বেই বলিয়াছি । বিলাতে অবস্থানকালে রামমোহন অন্ততম শ্রী রামরত্ন মুখোপাধ্যায়ের নামে এ বিষয়ে কোর্ট অব ডিরেক্টরদের নিকট আপীল করিয়াছিলেন । ইহাতে কোন ফল না পাইয়া তিনি শেষে ব্রিটিশ জনসাধারণকে সচেতন করিবার মানসে রামরত্ন মুখোপাধ্যায়ের নামে আলোচ্য পুস্তিকাখানি প্রচার করেন । এই পুস্তিকায়, বঙ্গীয় গবর্নেন্টকে প্রেরিত আবেদনপত্র ( নং ৩৩ দ্রষ্টব্য ) ছাড়া পূর্ব ইতিহাসের একটি সংক্ষিপ্তসার, বঙ্গীয় গবর্নেন্ট ও কোর্ট অব ডিরেক্টরদের উত্তর ও আরও কিছু সংবাদ ও মন্তব্যাদি স্থান পাইয়াছে । ৪ অক্টোবর ১৮৩৩ তারিখের ‘বেঙ্গল হরকরা’ পত্রে ইহা পুনর্মুদ্রিত হয় ।

বিলাতের *Times* পত্র এই ব্যাপারে বঙ্গীয় গবর্নেন্ট ও কোর্ট অব ডিরেক্টরদের আচরণ সম্বন্ধে ৬ই ও ১০ই এপ্রিল ১৮৩৩ তারিখে সম্পাদকীয় স্তম্ভে মন্তব্য করেন । ইহা পাঠ করি, সম্ভবতঃ ভারত সরকারের কার্যাবলীর সহিত পরিচিত জনৈক ব্যক্তি ‘A B.’ স্বাক্ষরে বিলাতের ‘এশিয়াটিক জর্নালে’ ( জুন ১৮৩৩, পৃ. ১০৯-১১ ) “Case of Ram Rutton Muckerjah” নামক প্রবন্ধে প্রতিবাদ করেন । ইহার প্রত্যুত্তর “C. D.” স্বাক্ষরে পরবর্তী জুলাই সংখ্যা ‘এশিয়াটিক জর্নালে’ ( পৃ. ২১৪-১৮ ) প্রকাশিত হয় । এই প্রত্যুত্তরের লেখক খুব সম্ভব রামমোহন ।

আলোচ্য পুস্তিকাখানি এবং 'টাইমস' ও 'এশিয়াটিক জর্নালে' প্রকাশিত পত্রাবলী শ্রীযতীন্দ্রকুমার মজুমদার মহলিত *Raja Ram-mohun Roy and Progressive movements in India* পুস্তকের ৫১৩-২৮ পৃষ্ঠায় পুনর্মুদ্রিত হইয়াছে।

12. Translation of the Creed maintained by the Ancient Brahmins, as founded on the Sacred Authorities. Second Edition reprinted from the Calcutta Edition : Nichols and Son. 1833. 15 pp.

13. Autobiographical Sketch. October, 1833.

রামমোহনের মৃত্যুর পর স্ত্রাণ্ডফোর্ড আর্নট ৫ অক্টোবর ১৮৩৩ তারিখে বিলাতের *Athenaeum* পত্রে (পৃ. ৬৬৬-৮) রামমোহনের জীবনকথার সহিত এই আত্মজীবনী প্রকাশ করেন।\* তিনি লিখিয়াছেন :

“The Rajah gave this brief sketch of his life, shortly before he proceeded to France in the autumn of last year (1832), and it complete account of his life, character, and opinions, be compiled from the memoranda he has left behind him, his published works, and the recollections of his friends. But a few particulars in illustration of the above sketch, by one who was for years in

habits of daily confidential communication with him, both before and since his arrival in England, may gratify the rational curiosity of the public, regarding this eminent and truly remarkable man.”

• ২৮ ডিসেম্বর ১৯৩৩ তারিখের পাক্ষিক *Onward* পত্রের রামমোহন-সংখ্যায় “Appreciation of Rammohan Roy” নামে আমি ইহা প্রকাশ করিয়াছি।

মিল কলেট এই আত্মজীবনীকে, “spurious ‘autobiographical letter published by Sandford Arnot’” বলিয়াছেন (*Life and Letters of Raja Rammohun Roy*, p. 7n.) কিন্তু কেন তিনি ইহাকে জাল মনে করেন, তাহার কোন কারণ উল্লেখ করেন নাই।

### বাংলা-ইংরেজী পত্রাবলী

রামমোহনের জীবনচরিতগুলিতে, সরকারী দপ্তরে এবং সাময়িক পত্রাদিতে তাঁহার লিখিত যে-সকল পত্র আমার নজরে পড়িয়াছে, তাহার একটি তালিকা সংকলন করিয়া দিলাম।—

**সাক্ষেতিক শব্দ।**—নগেন্দ্রনাথ=নগেন্দ্রনাথ চট্টোপাধ্যায় কৃত ‘মহাত্মা রাজা রামমোহন রায়ের জীবনচরিত’; কলেট=S. D. Collet: *Life and Letters of Raja Rammohun Roy*, 2nd ed.; মেরী কার্পেন্টার=Mary Carpenter: *The Last Days in England of the Rajah Rammohun Roy*, 2nd ed., Panini=The English Works of Raja Rammohun Roy, pub. by the Panini office, Allahabad (1906); Banerjee=Brajendra Nath Banerjee: *Rajah Rammohun Roy’s Mission to England* (1926); Majumdar=J K. Majumder: *Rammohun Roy and Progressive Movements in India* (1941); M. R.=*The Modern Review*.

তারিখ	কাহাকে লিখিত	কোথায় মুদ্রিত
১৩ চৈত্র, ১২০২ (২২ মার্চ ১৭২৬)	মৌজে সাহানপুরের কর্মচারী	নগেন্দ্রনাথ
১২ কাশ্বন ১২০৪ (২১ ফেব্রুয়ারি ১৭২৮)	মৌজে কাবিলপুরের কর্মচারী	ঐ
১২ কাশ্বন ১২০৫ (২৮ ফেব্রুয়ারি ১৭২৯)	অভয়চরণ দত্ত, কর্মচারী	ঐ

12 April	1809	Governor-General Minto	<i>M. R.</i> June 1929
	? 1816	John Digby	London ed. of the <i>Abridgment of the Vadant.. (1817) ; Collet, p. 36.</i>
5 Sep.	1820	V. Blacker	Panini ; <i>M. R.</i> March 1932
	? 1821	Rev. Thos. Belsham	<i>M. R.</i> March 1932
11 Aug.	1821	James Silk Buckingham	Panini
17 Oct.	1822	...Baltimore	Panini ; <i>M. R.</i> March 1932
9 Dec.	1822	do	do
15 Dec.	1822	John Bowring	<i>M. R.</i> June 1927 (p. 764)
15 Feb.	1823	(Capt. Gowan ? )	<i>M. R.</i> March 1932
11 Dec.	1823	Govr. Genl. Lord Amherst	Mazumder ; Panini
5 Feb.	1824	W. Ward, Jun. of Medford	<i>M. R.</i> July 1942
4 June	1824	Dr. T. Rees	Panini
7 Feb.	1827	J. B. Estlin, Bristol	Mary Carpenter
9 Oct.	1827	—	R. Rickard's <i>India</i> ; Panini ; <i>M. R.</i> July 1929
23 Nov.	1827	—	do.
8 Dec.	1827	—	do.
18 Jan.	1828	(Dr. Tuckerman ? )	Collet, p. 124
18 Aug.	1828	J. Crawford	Collet, p. 153
23 Feb.	1829	Chief Secy. to Govt.	Banerjee
26 Oct.	1829	do.	do.
8 Jan.	1830	Governor-General Bentinck	do.
7 March	1830	Secy. Stirling	do.
? Sept.	1830	Governor-General Bentinck	do ; Collet



10 Nov.	1830	Delhi Heir-apparent	do.
1 May	1831	Jeremy Bentham	<i>Hindusthan Standard</i> Pujah Special for Oct. 1939, p. 41.
10 May	1831	J. B. Estlin	Mary Carpenter
25 June	1831	Chairman and Depy. Chairman, E. I. Co.	<i>M. R. Jany. 1929</i>
1 Aug.	1831	Garcin de Tassy	<i>Appendic aux Rudimens de la Langue Hindustani</i> Paris 1833. *
6 Sep.	1831	Chairman and Dy. Chairman, E. I. Co.	<i>M. R. Jany. 1929</i>
11 Oct.	1831	Sir Chas, Grant President. Board of Control	do.
21 Oct.	1831	Hyde Villiers, Secy. B. Control	do
4 Nov.	1831	Sir Chas. Grant	<i>M. R. Feb. 1929</i>
7 Nov.	1831	do	do

\* এই পুস্তকের ৩১ পৃষ্ঠায় মুদ্রিত ১৪ নং পত্রখানি রামমোহনের ; ইহা উর্দুতে লিখিত ; পূর্ব-পৃষ্ঠায় ইহার ফরাসী অনুবাদও দেওয়া আছে। এই পত্র পাঠে জানা যায়, রামমোহন তিন মাসের অধিক ইংলণ্ডে রহিয়াছেন, শীঘ্রই তাঁহার প্যারিসে যাইবার ইচ্ছা আছে, এবং টাসির সাহায্য পাইলে সেজির (Chezyr) সহিত সাক্ষাৎ করিতে পারিবেন। *Histoire de la Litterature Hindoul et Hindustani* (1839, tome i. 413-17) পুস্তকে টাসি লিখিয়াছেন, ১৮৩২ খ্রীষ্টাব্দের শরৎকালে রামমোহন ফ্রান্সে গমন করেন ; টাসি তাঁহাকে প্যারিসে দেখিয়াছেন এবং তাঁহার নিকট হইতে ইংরেজী ও হিন্দুস্থানীতে লিখিত অনেক পত্র পাইয়াছেন।

22 Dec. 1831	T. Hyde Villiers, Secy. India Board	<i>M. R. Oct. 1929</i>
28 Dec. 1831	do. The Minister of Foreign Affairs of France, Paris.	do. do.
5 March 1832	Mrs. Belnos	'প্রবাসী', কার্তিক ১৩৩৯, পৃ. ৪৮
31 March 1832	Miss Kiddell	Mary Carpenter
16 April 1832	C. W. Wynn, M. P.	<i>M. R. Oct. 1939</i>
19 April 1832	do.	do.
27 April 1832	Mrs. Woodforde	Mary Carpenter
31 July 1832	Wm. Rathbone	Mary Carpenter
(Aug. ?) 1832		<i>India Gaz. 22 Jan. 1833 ; Majumdar.</i>
(Aug. ?) 1832		<i>India Gaz. 28 Jan. 1833; M. R. June 1932</i>
২২ সেপ্টেম্বর ১৮৩২	রাধাপ্রসাদ রায়	Mary Carpenter (3d ed., p. 135)
31 Jany. 1833	Mr. Woodforde	Mary Carpenter
7 Feb. 1833	Miss Kiddell, Bristol	do.
14 May 1833	do.	do.
12 June 1833	do.	do.
(June ?) 1833	do.	do.
22 June 1833	Miss Castle	do.
9 July 1833	Miss Kiddell	do.
9 July 1833	Miss Castle	do.
19 July 1833	Miss Ann Kiddell	do.
19 July 1833	Miss Castle	do.
23 July 1833	Court of Directors	<i>M. R. Oct. 1929</i>
24 July 1833	Miss Ann Kiddell	Mary Carpenter
16 Aug. 1833	do.	do.
22 Aug. 1833	Mr. Woodforde	do.

মিস মুরের ( *Adrienne Moore-এর* ) *Rammohun Roy and America* পুস্তকে সাময়িক-পত্রে প্রকাশিত রামমোহনের আরাও কয়েক-

খানি পত্রের উল্লেখ পাওয়া যায় ( পৃ. ৭২, ৮২, ১৫০-৫১ ) ; সেগুলির তালিকা নিম্নে দেওয়া হইল :—

*Christian Register* :

1. Rammohun Roy to David Reed, editor of the *Christian Register*. Published on December 7, 1821, p. 65.
2. Rammohun Roy to "A gentleman in this city (*i. e.*, Boston) who has lately visited him in Calcutta and who became acquainted with him there." Vol. I, p. 107 (February 14, 1823).
3. Rammohun Roy to David Reed, in answer to three specific questions asked him by David Reed. Vol. III, p. 154 (May 7, 1824),
4. Rammohun Roy to "A gentleman in the country and politely forwarded to us during the past week." Letter dated Calcutta, December 1824. Vol. VI, p. 66.
5. Rammohun Roy to the Boston India Association, December, 1825, acknowledging receipt of money sent for the Unitarian Chapel in Calcutta. The letter is recorded, but not quoted, in *Christian Register*, April 22, 1826.

*The Times*, London :

1. Rajah Rammohun Roy to the editor. (A correction of the statements of the "Correspondent.") June 15, 1831, 5c.
2. Letter from Rammohun Roy. ( Letter asking that no further comment be made on him until he is well enough to speak for himself.) June 16, 1831. 3b.
3. Rajah Rammohun Roy, a letter to the editor. October 9. 1833, 3d.

*Christian Reformer or Unitarian Magazine*, London :

1. Letter from Rammohun Roy to William Alexander, dated July 16, 1831. Vol. III. p. 466 (1835).

রামমোহনের এই সকল চিঠিপত্র একত্র সংগৃহীত হইয়া পুস্তকাকারে প্রকাশিত হওয়া উচিত ।

## রামমোহনের বাণী

[ ইংরেজী রচনা ও পত্রাবলী হইতে ]

Enemies to liberty and friends of despotism have never been and never will be, ultimately successful.—Letter dated August 11, 1821 to J. S. Buckingham.

Wise and good men always feel disinclined to hurt those that are of much less strength than themselves, and if such weak creatures be dependent on them and subject to their authority, they can never attempt, even in thought, to mortify their feelings.

We have been subjected to such insults for about nine centuries, and the cause of such degradation has been, our excess in civilization and abstinence from the slaughter even of animals ; as well as our division into casts which has been the source of want of unity among us.—*The Brahmunicipal Magazine*. Preface to the 1st Edition.

Every good Ruler, who is convinced of the imperfection of human nature, and reverences the Eternal Governor of the world, must be conscious of the great liability to error in managing the affairs of a vast empire ; and therefore he will be anxious to afford every individual the readiest means of bringing to his notice whatever may require his interference. To secure this important object, the unrestrained Liberty of Publication, is the only effectual means that can be employed. And should it ever be abused the established Law of the Land is very properly armed with sufficient powers to punish those who may be found guilty of misrepresenting the conduct or character of Government, which are effectually guarded by the same Laws to which individuals must look for protection of

their reputation and good name.—Memorial to the Supreme Court.

\* \* \*

Asia unfortunately affords few instances of Princess who have submitted their actions to the judgment of their subjects, but those who have done so, instead of falling into hatred and contempt, were the more loved and respected, while they lived, and their memory is still cherished by posterity; whereas more despotic Monarchs, pursued by hatred in their lifetime, could with difficulty escape the attempts of the rebel or the assassin, and their names are either detested or forgotten...

A Government conscious of rectitude of intention, cannot be afraid of public scrutiny by means of the press, since this instrument can be equally well employed as a weapon of defence, and a Government possessed of immense patronage, is more especially secure, since the greater part of the learning and talent in the country being already enlisted in the service, its actions if they have any shadow of Justice, are sure of being ably and successfully defended ..

A free Press has never yet caused a revolution in any part of the world, because, while men can easily represent the grievances arising from the conduct of the local authorities to the supreme Government, and thus get them redressed, the grounds of discontent that excite revolution are removed; whereas, where no freedom of the Press existed, and grievances consequently remained unrepresented and unredressed, innumerable revolutions have taken place in all parts of the globe, or if prevented by the armed force of the Government, the people continued ready for insurrection...

It is well known that despotic Governments naturally desire the suppression of any freedom of expression which

might tend to expose their acts to the obloquy which ever attends the exercise of tyranny or oppression, and the argument they constantly resort to, is, that the spread of knowledge is dangerous to the existence of all legitimate authority, since, as a people become enlightened, they will discover that by a unity of effort, the many may easily shake off the yoke of the few and thus become emancipated from the restraints of power altogether, forgetting the losses derived from history, that in countries which have made the smallest advances in civilization, anarchy and revolution are most prevalent—while on the other hand, in nations the most enlightened, any revolt against government which have guarded inviolate the rights of the governed, is most rare, and that the resistance of a people advanced in knowledge, has ever been—not against the existence,—but against the abuses of the Governing power... In fact, it may be fearlessly averred, that the more enlightened a people become, the less likely are they to revolt against the Governing power, as long as it is exercised with justice tempered with mercy, and the rights and privileges of the governed are held sacred from any invasion.—Appeal to the King in Council.

I regret to say that the present system of religion adhered to by the Hindus is not well calculated to promote their political interest. The distinction of castes introducing innumerable divisions and sub-divisions among them has entirely deprived them of patriotic feeling, and the multitude of religious rites and ceremonies and the laws of purification have totally disqualified them from undertaking any difficult enterprise... It is, I think, necessary that some change should take place in their religion, at least for the sake of their political advantage and

social comfort.—Letter dated 18 January 1828 to Dr. Tuckerman (?)

\* \* \*

The struggles are not merely between the reformers and anti-reformers, but between liberty and tyranny throughout the world ; between justice and injustice, and between right and wrong. But from a reflection on the past events of history, we clearly perceive that liberal principle in politics and religion have been long gradually, but steadily, gaining ground, notwithstanding the opposition and obstinacy of despots and bigots.—Letter dated 27 April 1832 to Mrs. Woodforde.

\* \* \*

Turning generally towards One Enternal Being, is like a natural tendency in human Beings and is common to all individuals of mankind equally. And the inclination of each sect of mankind to a particular God or Gods, holding certain especial attributes, and to some peculiar forms of worship or devotion, is an excrescent quality grown (in mankind) by habit and training.—*Tuhfat*. Introduction.

It is to be seen that the truth of a saying does not depend upon the multiplicity of the sayers and the non-reliability of a narration cannot arise simply out of the paucity of the number of the narrators.—*Tuhfat*.

\* \* \*

I hope it will not be presumed that I intend to establish the preference of my faith over that of other men. The result of controversy on such a subject, however multiplied, must be ever unsatisfactory ; for the reasoning faculty, which leads men to certainty in things within its reach, produces no effect on questions beyond its comprehension.—*Trans. of an Abridgment of the Vedant*. Introduction.

\* \* \*

I have often lamented that, in our general researches into theological truth, we are subjected to the conflict of many obstacles. When we look to the traditions of ancient nations, we often find them at variance with each other ; and when, discouraged by this circumstance, we appeal to reason as a surer guide, we soon find how incompetent it is, alone, to conduct us to the object of our pursuit. We often find that, instead of facilitating our endeavours or clearing up our perplexities, it only serves to generate a universal doubt, incompatible with principles on which our comfort and happiness mainly depend. The best method perhaps is, neither to give ourselves up exclusively to the guidance of the one or the other ; but by a proper use of the lights furnished by both, endeavour to improve our intellectual and moral faculties, relying on the goodness of the Almighty Power, which alone enables us to attain that which we earnestly and diligently seek for.—*Trans. of the Cena Upanishad.* Introduction.

\* \* \*

I have found the doctrines of Christ more conducive to moral principles, and better adapted for the use of rational beings, than any others which have come to my knowledge.—Letter dated.....1816 to John Digby.

\* \* \*

In matters of religion particularly men in general, through prejudice and partiality to the opinions which they once form, pay little or no attention to opposite sentiments (however reasonable they may be) and often turn a deaf ear to what is most consistent with the laws of nature, and conformable to the dictates of human reason and divine revelation.—*The Precepts of Jesus.* Introduction.

\* \* \*

No human acquirements can ever discover the nature



even of the most common and visible things.—Letter dated 5 Sept. 1820 to V. Blacker.

Truth and true religion do not always belong to wealth and power, high names, or lofty palaces.—*The Brahmunicipal Magazine*. Preface to the 1st Edition.

\* \* \*

It is well known to the whole world, that no people on earth are more tolerant than the Hindoos, who believe all men to be equally within the reach of Divine beneficence, which embraces the good of every religious sect and denomination.—*The Brahmunicipal Magazine*, Preface to the 2nd Edition.

\* \* \*

If a body of men attempt to upset a system of doctrines generally established in a country, and to introduce another system, they are, in my humble opinion, in duty bound to prove the truth, or, at least, the superiority of their own...

My view of Christianity is, that in representing all mankind as the children of one eternal father, it enjoins them to love one another, without making any distinction of country, caste, colour, or creed.—Letter dated 17 October 1822 to a friend in Baltimore.

\* \* \*

As religion consists in a code of duties which the creature believes he owes to his Creator, and as “God has no respect for persons ; but in *every nation*, he that fears him and *works righteousness*, is accepted with him ; it must be considered presumptuous and unjust for one man to attempt to interfere with the religious observances of others, for which he well knows, he is not held responsible

by any law, either human or divine. Notwithstanding, if mankind are brought into existence, and by nature formed to enjoy the comforts of society and the pleasures of an improved mind, they may be justified in opposing any system, religious, domestic, or political, which is inimical to the happiness of society, or calculated to debase the human intellect; bearing always in mind that we are children of ONE Father, "who is above *all* and through *all* and in us *all*."—*Final Appeal to the Christian Public-Preface.*

There is a battle going on between reason, scripture and common sense; and wealth, power and prejudice. These three have been struggling with the other three.—Speech at the meeting of the Unitarian Association, London.

\* \* \*

The Vedas (or properly speaking, the spiritual parts of them) uniformly declare, that man is prone by nature, or by habit, to reduce the object or objects of his veneration and worship (though admitted to be unknown) to tangible forms, ascribing to such objects attributes, supposed excellent according to his own notions: whence idolatry, gross or refined, takes its origin, and perverts the true course of the intellect to vain fancies. These authorities, therefore, hold out precautions against framing a deity after human imagination, and recommend mankind to direct all researches towards the surrounding objects, viewed either collectively or individually, bearing in mind their regular, wise and wonderful combinations and arrangements, since such researches cannot fail, they affirm, to lead an unbiassed mind to a notion of a Supreme Existence, who so sublimely designs and disposes of them,

as is everywhere traced through the universe. The same Vedas represent rites and external worship addressed to the planets and elementary objects, or personified abstract notions, as well as to deified heroes, as intended for persons of mean capacity ; but enjoin spiritual devotion, as already described, benevolence and self-control, as the only means of securing bliss. *Trans. of several Principal Books.....Introduction.*



সাহিত্য-সাধক-চরিতমালা— ১৭

গৌরমোহন বিদ্যালঙ্কার, বাধামোহন সেন,  
ব্রজমোহন মুজুমদার, নীলরত্ন হালদার



গৌরমোহন বিদ্যালঙ্কার, বাধামোহন জেন,  
ব্রজমোহন মুজুমদার, নীলরত্ন হালদার

ব্রজেন্দ্রনাথ বন্দ্যোপাধ্যায়



বঙ্গীয়-সাহিত্য-পরিষৎ  
২৪৩/১, আচার্য প্রফুল্লচন্দ্র রোড  
কলিকাতা-৭০০০০৬

প্রকাশক  
সম্পাদক  
বঙ্গীয়-সাহিত্য-পরিষৎ

চতুর্থ সংস্করণ—আষাঢ়, ১৩৫৫  
পঞ্চম সংস্করণ—আষাঢ়, ১৩৬৩  
ষষ্ঠ সংস্করণ—চৈত্র, ১৩৭৪

মূল্য—১.৫০

মুদ্রাকর—রেখা দে  
শ্রীহরি প্রিন্টার্স, ১২২/৩ রাজা দীনেশ্বর স্ট্রীট, কলিকাতা-৭০



# গৌরমোহন বিদ্যালয়

উনবিংশ শতাব্দীর প্রথম দিকে মিশনারীদের উত্তোগে কলিকাতায় বালিকা-বিদ্যালয় প্রতিষ্ঠিত হইয়া ব্যাপকভাবে জ্ঞানশিক্ষার আয়োজন আরম্ভ হয়। কিন্তু সম্রাস্ত হিন্দুরা তখন মেয়েদের বিদ্যালয়ে পাঠাইবার পক্ষপাতী ছিলেন না; তাঁহারা অন্তঃপুরে কন্যাদের বিদ্যাচর্চার ব্যবস্থা করিতেন। এই কারণে মিশনারী-পরিচালিত বালিকা-বিদ্যালয়গুলিতে দরিদ্র ঘরের—অনেক স্থলে নিম্ন জাতির মেয়েরাই লেখাপড়া শিখিত। ১৮৪২ খ্রীষ্টাব্দে বীটন কর্তৃক বালিকা-বিদ্যালয় প্রতিষ্ঠিত হইবার পূর্ব পর্যন্ত শিক্ষিত ও সম্রাস্ত পরিবারের কন্যাগণকে প্রকাশ্য বিদ্যালয়ে বিদ্যাশিক্ষা করিতে দেখা যায় নাই।

উনবিংশ শতাব্দীর প্রথম পাদে হিন্দু বালিকাদের শিক্ষাবিস্তারকল্পে কলিকাতায় যে-কয়েকটি খ্রীষ্টীয় মহিলা-সমিতির উদ্ভব হইয়াছিল, তাহার মধ্যে The Female Juvenile Society for the Establishment and Support of Bengalee Female Schools-এর নাম সর্বাগ্রে উল্লেখযোগ্য। এই মহিলা-সমিতিটি খুব সম্ভব, ১৮১২ খ্রীষ্টাব্দের জুন মাসে প্রতিষ্ঠিত হয়।\* নন্দনবাগান, গৌরীবেড়ে, জানবাজার ও চিৎপুর অঞ্চলে সমিতির বালিকা-বিদ্যালয় ছিল। এই বিদ্যালয়গুলির নাম জুভিনাইল

\* ২২ আগষ্ট ১৮১২ তারিখে কলিকাতা-স্কুল-সোসাইটির সেক্রেটারী পীয়ার্স (W. H. Pearce) সোসাইটির অন্তঃস্থ সভ্য ফর্বিস (G. Forbes) সাহেবকে একখানি পত্র লেখেন। তাহা হইতে বালিকা-বিদ্যালয় প্রতিষ্ঠা সম্পর্কীয় অংশটুকু নিম্নে উদ্ধৃত হইল :

...there are not more than two hundred Bengalee Schools, averaging twenty one pupils each, or four thou-

স্কুল, লিভারপুল স্কুল, সালেম স্কুল ও বার্মিংহাম স্কুল\* ক্রীড়ার প্রয়োজনীয়তা বুঝাইবার জন্য এই মহিলা-প্রতিষ্ঠানের উদ্যোগে ১৮২২ খ্রীষ্টাব্দে 'ক্রীড়া শিক্ষাবিধায়ক' নামে একখানি পুস্তক প্রকাশিত হয়।

sand and two hundred Children under instruction from Chitpoor Bridge to Birjootulao... Females too in Calcutta are in an inferior proportion... from this number Hindoo Girls are excluded, a single school for this interesting, but neglected class our fellow subjects having never, I believe, till without these last three months, existed in Calcutta.\*

\* "Many attempts to collect a Female School had been previously made, but failed on account of the prejudices of the parents. The one here referred to was instituted at the expence of a small 'Society for the promotion of Female Bengalee Schools', formed a few months ago in a Ladies' [Mrs. Lawson and Pearce's] Seminary in Calcutta."—The Second Report of the Calcutta School-Book Society's Proceedings. Second Year, 1818-19. P. 88.

এখানে ফিমেল জুভিনাইল সোসাইটির কথা বলা হইয়াছে; পীয়ার্স এই প্রতিষ্ঠানের সভাপতি ছিলেন। এই প্রসঙ্গে ল্যাশিংটন সাহেবের *The Hist. Disign, and Present State of the religious, Benevolent and Charitable institutions* (Dec. 1824) পুস্তকের ১৮৫ পৃষ্ঠা দ্রষ্টব্য।

\* বালিকা বিদ্যালয়গুলির এইরূপ নামকরণের হেতু নিম্নাংশ পাঠ করিলে জানা যাইবে :—

*Female Juvenile Society*—The second Report of the Calcutta Female Juvenile Society... is dated the 14th of December last... The society has been in operation upward of two years and a half : ... Each of the schools is placad under the particular care of a Member of the Committee, and is visited by her, if possible, once or twice every week ; and as a mark of gratitude as well as matter of convenience, the Schools (with the exception of that first formed, called the "Juvenile School" are named after the place in which the Ladies reside who as appears by recent

পুস্তকখানিতে প্রাচীন ও আধুনিক কালের অনেক বিদুষী হিন্দু মহিলার দৃষ্টান্ত উদ্ধার করিয়া জ্ঞানশিক্ষা যে সামাজিক রীতি নীতিবিরুদ্ধ নয়, তাহা প্রমাণ করিবার চেষ্টা করা হইয়াছিল।

ফিমেল স্কুভিনাইল সোসাইটিই যে প্রথমে নন্দনবাগানে স্কুভিনাইল স্কুল প্রতিষ্ঠা করিয়া ব্যাপকভাবে স্ত্রীশিক্ষার সূচনা করেন, 'স্ত্রী শিক্ষা-বিধায়ক' পুস্তকে তাহার উল্লেখ আছে। ইহাতে প্রকাশ—

কেবল আমারদের দেশের স্ত্রী লোকের লেখা পড়ার পদ্ধতি আগে ছিল না, এই জন্মে কিছু দিন কেহ করে নাই। কিন্তু প্রথম ইং ১৮২০ [ ১৮১৯ ? ] শালের জুন মাসে শ্রীযুত সাহেব লোকেরা এই কলিকাতায় নন্দনবাগানে যুবনাইল পাঠশাল নামে এক পাঠশালা করিলেন, তাহাতে আগে কোন কন্যা পাড়তে স্বীকার করিয়াছিল না, এই ক্ষণে এই কলিকাতায় প্রায় পঞ্চাশটা স্ত্রী পাঠশালা হইয়াছে। 'স্ত্রী শিক্ষাবিধায়ক,' ৩য় সংস্করণ, ইং ১৮২৪ পৃ. ২।

'স্ত্রী শিক্ষাবিধায়ক' পুস্তকখানি রচনা করেন গৌরমোহন বিদ্যালয়। তাহার পিতা কেবলরাম তর্কপঞ্চাননের জ্যেষ্ঠ পুত্র রঘুসুন্দর বাণীকর্ষ, জয়গোপাল তর্কালঙ্কারের অগ্রজ।

কলিকাতা-স্কুলবুক-সোসাইটি ও কলিকাতা-স্কুল সোসাইটির প্রতিষ্ঠা-

accounts, have contributed to their support. The second is called the "Liverpool School", the third that of "Salem", and another near Chitpore established since the date of the Report, the "Birmingham School".—*The Calcutta Journal*, 11 March 1822, pp. 105-06.

এখানে যে সালেম স্কুলের কথা বলা হইয়াছে, তাহাই 'স্ত্রী শিক্ষাবিধায়ক' পুস্তকের "শৈলম পাঠশালা"।

লিখনাদিতে ক্ষমতাপন্ন হইলেন। পরে শ্রীযুক্ত ইংলণ্ডীয় লোকেরা মুদ্রিত পুস্তকের প্রচার করিলেও এতদেশীয়েরা তৎপথপ্রস্তু হইয়া কামসংবর্দ্ধক নানাবিধ রতিমঞ্জরী বিদ্যাসুন্দর কামশাস্ত্র প্রচার করিয়া বালকেরদিগের মনশ্চঞ্চল্য করিয়া কুপথ দৃষ্টিই লাভ করিয়াছিলেন।

এইক্ষণে লোকনিকরশেষ হিতার্থি শ্রীযুক্ত ইংলণ্ডীয় ও শ্রীযুক্ত বাঙ্গালি লোক কর্তৃক বঙ্গ দেশস্থ দুস্থ বালকদিগের জ্ঞানোদয়ার্থে অমুগ্রহ প্রকাশ পূর্বক জনমনোমহাক্ককার নিকরোৎসারণ কারণাথও প্রতাপাশ্রিত মার্ভণ্ড প্রতিবিশ্ব স্কুলবুক সোসাইটি নামক এক সমাজোদিত হইয়াছেন তাহার প্রথরতর কর নিকর স্বরূপ যে ভূগোল বৃত্তান্ত ও দিগদর্শন ও অভিধান ইত্যাদি নানাবিধ মহোপকার জনক শুদ্ধ পুস্তক তদ্বারা লোক সমূহের অজ্ঞানাক্ককার নষ্ট হইয়া ক্রমে ২ জ্ঞানোদয়ের উপক্রম হইতেছে অতএব বঙ্গ দেশস্থ লোকেরা স্কুলবুক সোসাইটির উপকার বার ২ স্বীকার করিয়া প্রার্থনা করিতেছেন যে স্কুলবুক সোসাইটি এই রূপে আমারদিগের জ্ঞান প্রদান করুন।\*

১৮৩২-৩৩ খ্রীষ্টাব্দে কলিকাতা-স্কুল-সোসাইটির অর্থসঙ্কট উপস্থিত হইলে ব্যয়সঙ্কোচের জন্ত গৌরমোহন ও অন্য কয়েক জন প্রাচীন কর্মচারীকে বিদায় দিবার কথা উঠে। গৌরমোহনের কৃতিত্ব ও পাণ্ডিত্যের কথা স্মরণ করিয়া সোসাইটির কর্তৃপক্ষস্থানীয় ডেভিড হেয়ার ও পীয়ার্স প্রস্তাব করিয়াছিলেন যে, পণ্ডিতের প্রতি কমিটির একটা কর্তব্য আছে, বিদায় দিবার পূর্বে তাঁহাকে যেন অগ্রত্বে একটি চাকুরী

\* The Third Report of the Calcutta School-Book Society's Procdgs. Third Year, 1819-20. Pp. 49-50.

সংগ্রহ করিয়া দেওয়া হয়। এইরূপ প্রস্তাবের ফলেই গৌরমোহন কিছু দিন পরে রাধাকান্ত দেবের চেষ্ঠায় সুখসাগরে মুন্সেফ নিযুক্ত হন। তাহার এই নূতন পদলাভের কথা 'সমাচার দর্পণ' (৮ই জুন ১৮৩২) পাঠে আমরা জানিতে পারি :

পরম্পরা শুনিতেছি যে সুখসাগরের মুন্সেফ শ্রীযুক্ত গৌরমোহন বিদ্যালঙ্কার ভট্টাচার্য্য লোভ ও পক্ষপাত ও হিংসা ঘেব ও মাৎসর্য্য শূন্য হইয়া ধর্ম্মতঃ প্রজাবর্গের বিবাদ ভঞ্জন দ্বারা তাহারদিগের সমস্তোষ জন্মাইতেছেন...ঐ মুন্সেফ ২০ বৎসর পর্য্যন্ত স্কুল ও স্কুলবুক সোসাইটির সপ্রেস্টেণ্ডেণ্টি কার্য্য নিরপরাধে সুন্দররূপে নির্বাহ করিয়া তদুভয় সভায় সেক্রেটারি ও মেম্বর ও প্রেসিডেন্ট প্রভৃতি অনেক মহামহিম সাহেব লোকের সুখ্যাতি পত্র পাইয়াছেন সংপ্রতিও তাদৃশ প্রজা রঞ্জন ও শুদ্ধ লিখনাদি দ্বারা কার্য্য সম্পন্ন করিতেছেন...।

## গ্রন্থাবলী

গৌরমোহনের রচিত দুইখানি পুস্তকের সন্ধান পাওয়া গিয়াছে প্রকাশকাল-সমেত পুস্তক দুইখানির সংক্ষিপ্ত পরিচয় দিতেছি।—

১। স্ত্রী শিক্ষাবিধায়ক। মার্চ ১৮২২। পৃ. ২৪।

স্ত্রী শিক্ষাবিধায়ক অর্থাৎ পুরাতন ও ইদানীন্তন ও বিদেশীয় স্ত্রী লোকের শিক্ষার দৃষ্ট। কলিকাতার মিশন যুক্রাগৃহে মুদ্রিত হইল বা° সন ১২২৮।

THE IMPORTANCE of FEMALE EDUCATION ; or evidence in favour of the EDUCATION OF HINDOO FEMALES, from the examples of illustrious women, both ancient and modern.

*Calcutta* : Printed at The Baptist Mission Press, for the Female Juvenile Society for the Establishment and Support of Bengalee Female Schools. 1822.

‘স্ত্রী শিক্ষাবিদায়ক’র ২য় সংস্করণ ১৮২২ খ্রীষ্টাব্দের আগস্ট মাসে প্রকাশিত হয়—ইহার উল্লেখ কলিকাতা-স্কুলবুক-সোসাইটির পঞ্চম রিপোর্টে আছে। কয়েক মাসের ব্যবধানে পুস্তকখানির দুইটি সংস্করণ মুদ্রিত হইবার কারণ আছে। তখন মিশনারীদের চেষ্টায় চারি দিকেই বালিকা-বিদ্যালয় প্রতিষ্ঠিত হইতেছিল। চার্ট মিশনারী সোসাইটির পৃষ্ঠপোষকতায় মিস কুক (পরে বিবি উইলসন) নামে এক মহিলা অনেকগুলি বালিকা-বিদ্যালয় স্থাপন করিতেছিলেন। এই সময়ে লোকমত গঠনের জন্ত ‘স্ত্রী শিক্ষাবিদায়ক’ পুস্তকের প্রয়োজনীয়তা বিশেষভাবে উপলব্ধি করিয়া প্রধানতঃ বিতরণের জন্তই কলিকাতা-স্কুলবুক-সোসাইটি ঐ বৎসরের আগস্ট মাসে উহার দ্বিতীয় সংস্করণ প্রকাশ করেন।

‘স্ত্রী শিক্ষাবিদায়ক’ পুস্তকের ৩য় সংস্করণ (পৃ. ৪৫) প্রকাশিত হয় ১৮২৪ খ্রীষ্টাব্দে। কলিকাতা স্কুলবুক সোসাইটির ষষ্ঠ রিপোর্টে (ইং ১৮২৪-২৫) প্রকাশ :—

Gourmohun's Treatise on Female Education has been reprinted, the second edition of 500 copies having been rapidly distributed. The author has enlarged it to nearly double its original size, and has imposed it by simplifying the language and by

suiting it to the capacity of those for whose use it is intended. ( P. 6. )

এই সংস্করণে সংযোজিত “দুই জ্বীলোকের কথোপকথন” অধ্যায় হইতে রচনার নিদর্শন-স্বরূপ কয়েক পংক্তি উদ্ধৃত হইল :

প্র। ওলো। এখন যে অনেক মেয়্যা মানুষ লেখা পড়া করিতে আরম্ভ করিল এ কেমন ধারা। কালে২ কতই হবে ইহা তোমার মনে কেমন লাগে।

উ। তবে মন দিয়া শুন দিদি। সাহেবেরা এই যে ব্যাপার আরম্ভ করিয়াছেন, ইহাতেই বুঝি এত কালের পর আমারদের কপাল ফিরিয়াছে, এমন জ্ঞান হয়।

প্র। কেন গো। সে সকল পুরুষের কায। তাহাতে আমাদের ভাল মন্দ কি।

উ। শুন লো। ইহাতে আমারদের ভাগ্য বড় ভাল বোধ হইতেছে; কেননা এদেশের জ্বীলোকেরা লেখা পড়া করে না, ইহাতেই তাহারা প্রায় পশুর মত অজ্ঞান থাকে। কেবল ঘর ঘরের কায কর্ম করিয়া কাল কাটায়।

প্র। ভাল। লেখা পড়া শিখিলে কি ঘরের কায কর্ম করিতে হয় না। জ্বীলোকের ঘর ঘরের কায রাখা বাড়া ছেলাপিলা প্রতিপালন না করিলে চলিবে কেন। তাহা কি পুরুষে করিবে।

উ। না। পুরুষে করিবে কেন, জ্বীলোকেরই করিতে হয়, কিন্তু লেখা পড়াতে যদি কিছু জ্ঞান হয় তবে ঘরের কায কর্ম সারিয়া অবকাশ মতে দুই দণ্ড লেখা পড়া নিয়া থাকিলে মন স্থির থাকে, এবং আপনার গণ্ডাও বুঝিয়া পড়িয়া নিতে পারে।

প্র। ভাল। একটা কথা জিজ্ঞাসা করি। তোমার কথায়

বুঝিলাম যে লেখা পড়া আবশ্যিক বটে। কিন্তু সে কালের স্ত্রীলোকেরা কহেন, যে লেখা পড়া যদি স্ত্রীলোকে করে তবে সে বিধবা হয় এ কি সত্য কথা। যদি এটা সত্য হয় তবে মেন্নে আমি পড়িব না, কি জানি ভাঙ্গা কপাল যদি ভাঙ্গে।

উ। না বইন, সে কেবল কথার কথা। কারণ আমি আমার ঠাকুরাণী দিদির ঠাই শুনিয়াছি যে কোন শাস্ত্রে এমত লেখা নাই, যে মেয়্যা মানুষ পড়িলে রাড় হয়। কেবল গতির শোগা মাগিরা এ কথার সৃষ্টি করিয়া তিলে তাল করিয়াছে। যদি তাহা হইত তবে কত স্ত্রীলোকের বিচার কথা পুরাণে শুনিয়াছি, ও বড়২ মানুষের স্ত্রীলোকেরা প্রায় সকলেই লেখা পড়া করে এমত শুনিতে পাই। সংপ্রতি সাক্ষাতে দেখ না কেন, বিবিরা তো সাহেবের মত লেখা পড়া জানে, তাহারা কেন রাড় হয় না।

প্র। ভাল। যদি দোষ নাই তবে এত দিন এ দেশের মেয়্যা মানুষে কেন শিখে নাই।

উ। শুন লো। যখন স্ত্রীলোক মা বাপের বাড়ী থাকে, তখন তাহারা কেবল খেলা ধুলা ও নাট রঙ্গ দেখিয়া বেড়ায়। বাপ মাগুও লেখা পড়ার কথা কহেন না। কেবল কহেন, যে ঘরের কায কর্ম রাখা বাড়ী না শিখিলে পরের ঘর কন্না কেমন করিয়া চালাইবি। সংসারের কর্ম দেয়া থোয়া শিখিলেই শশুর বাড়ী সুখ্যাতি হবে। নতুবা অখ্যাতির সীমা নাই। কিন্তু জ্ঞানের কথা কিছুই কহেন না।

প্র। হায়২ কেমন দুঃখের কথা দিদি। ভাল প্রায় সকল গাঁয়েই তো পাঠশাল আছে, তবে কন্নারা আপনাবাই সেখানে গিয়া কেন শিখে না। তখন তো বাল্যকাল থাকে কোন স্থানে যাইবার বাধা নাই।



উ। হেদে দেখ দিদি। বাহির পানে তাকাইতে দেয় না। যদি ছোট কণ্ঠার বাটার বালকের লেখা পেড়া দেখিয়া সাদ করিয়া কিছু শিখে ও পাততাড়ি হাতে করে তবে তাহার অখ্যাতি জগৎ বেড়ে হয়। সকলে কহে যে এই মন্দা ঢেটি ছুঁড়ি বেটা ছেলের মত লেখা পড়া শিখে, এ ছুঁড়ি বড় অসৎ হবে। এখনি এই, শেষে না জানি কি হবে। যে গাছ বাড়ে তাহার অঙ্কুরে জানা যায়। (পৃ. ১-৪)

কৌতূহলী পাঠকের জন্য 'স্ত্রী শিক্ষাবিধায়ক' হইতে আরও কিছু কৃত করিতেছি :—

যদি বল স্ত্রী লোকের বুদ্ধি অল্প এ কারণ তাহাদের বিদ্যা হয় না, অতএব পিতা মাতাও তাহাদের বিদ্যার জন্যে উদ্যোগ করেন না, এ কথা অতি অনুপযুক্ত। যেহেতুক নীতি শাস্ত্রে পুরুষ অপেক্ষা স্ত্রীর বুদ্ধি চতুর্গুণ ও ব্যবসায় ছয় গুণ কহিয়াছেন। এবং এ দেশের স্ত্রী লোকদের পড়া শুনার বিষয়ে বুদ্ধি পরীক্ষা সংপ্রতি কেহই করেন নাই। এবং শাস্ত্র বিদ্যা ও জ্ঞান ও শিল্প বিদ্যা শিক্ষা করাইলে যদি তাঁহারা বুদ্ধিতে ও গ্রহণ করিতে না পারেন তবে তাঁহাদিগকে নির্বোধ কহা উচিত হয়। এ দেশের লোকেরা বিদ্যা শিক্ষা ও জ্ঞানের উপদেশ স্ত্রী লোককে প্রায় দেন না বরং তাঁহাদের মধ্যে যদি কেহ বিদ্যা শিখিতে আরম্ভ করে তবে তাঁহাকে মিথ্যা জনরব মাত্র সিদ্ধ নানা অশাস্ত্রীয় প্রতিবন্ধক দেখাইয়া ও ব্যবহার ছুঁট বলিয়া মানা করান। স্ত্রী সকল গৃহকর্মের কিছু অপকাশ পাইয়া বিনা উপদেশে কেবল আপন বুদ্ধিতে স্ত্রী নির্মাণ আলিপনা সিন্দুর চুবড়ী গাঁথা ফোঁটা কাটা বুটা তোলা ও নানা প্রকার মিঠাই পাক করা খএরের গাছ কোঁটা ইত্যাদি দ্রব্যের আকার গড়ন ও চুল বান্ধা। যাহা

পুরুষেরা উপদেশ বিনা কদাচ করিতে পারেন না এই সকল অনায়াসে করেন। তবে কি তাঁহাবা বালক কাল অবধি বিদ্যা শিক্ষিতে অশক্ত হন এমত নহে।

যদি স্ত্রীলোকের শাস্ত্রীয় জ্ঞান থাকিত তবে তাঁহাবা স্বামির ও শ্বশুরের সেবা কি রূপে করিতে হয় ও স্বামির সেবাতে ও স্বামিবাক্য পালন করাতে কি ফল, তাহা জানিয়া শাস্ত্রের মত স্বামির সেবা করিতেন এবং স্বামির আজ্ঞানুসারিণী হইতেন। এখনকার স্ত্রী লোক প্রায় অজ্ঞান এই নিমিত্ত তাহাদের নানা দোষ ঘটিতেছে। তাঁহার লেখা পড়া জ্ঞান যদি থাকিত তবে আপন২ ঘরের কর্ম ও পতির সেবার অবকাশে পুস্তকাদি পড়িয়া সুস্থির মনে ধর্মের অনুষ্ঠান করিতে পারিত ॥ ( পৃ. ২২-৩৩ )

তৃতীয় সংস্করণের 'স্ত্রী শিক্ষাবিধায়কে' প্রচলিত বহু প্রবাদবাক্য পাওয়া যায়। এই সকল প্রবাদবাক্যের কয়েকটি নিম্নে উদ্ধৃত হইল :—

- ১। যে গাছ বাড়ে তাহার অঙ্কুরে জানা যায়। ( পৃ. ৪ )
- ২। ধীর পানী পাতর বিঁধে। ( পৃ. ৫ )
- ৩। যে খেলে সে কানা কড়িতেও খেলিতে পারে। ( পৃ. ৬ )
- ৪। যে রাঁধে সে কি চুল বাঁধে না। ( পৃ. ৬ )
- ৫। গাছে নাই উঠিতেই এক কাঁধি। ( পৃ. ৬ )
- ৬। শতক রাঁড় এক আয়ো যারে সেবা দেয় সেই দলে আমার মত হইও। ( পৃ. ৭ )
- ৭। কিসে নাই কি পাস্তাভাতে ঘি। ( পৃ. ১০ )
- ৮। কাকের বাসায় কোকিলের ছা জাতি স্বভাবে কাড়ে রা ( পৃ. ১২ )
- ৯। মাচা বড় সাঁচা তার দ্বারে গোড়খাই। ( পৃ. ১২ )

- ১০। কবার কথা নয় না কহিলেও নয়। (পৃ. ১৩)
- ১১। দশের নড়ি একের বোঝা। (পৃ. ১৩)
- ১২। ধীরেই বুনে সকল তাঁতি জিনে। (পৃ. ১৪)
- ১৩। মুখে মৌ বর্ষণ, হৃদয়ে পিপুল ঘষণ। (পৃ. ১৪)
- ১৪। সাধ করিয়াছেন কেউয়া, পাকিলে খাবেন ডেউয়া। (পৃ. ১৫)
- ১৫। এঁটো খাই মিঠার লোভে। (পৃ. ১৬)
- ১৬। বড় হাঁড়ির আমানি ভাল। (পৃ. ১৬)
- ১৭। যে ছেলে তাঁটা মারে তার নাটা হেন চক্ষু। (পৃ. ১৬)
- ১৮। মানুষ বড় মান, তার হেঁড়া দুইটা কান। (পৃ. ১৬)
- ১৯। পেটে ক্ষুধা মুখে লাজ মে পিরিতে কিবা কাজ। (পৃ. ১৭)
- ২০। আগে তুলা দিয়া সহাই পাছে লোহা দিয়া বহাই। (পৃ. ১৮)
- ২১। পিঁড়ায় জিনিলে পেঁড়োয় জিনা যায়। (পৃ. ১৯)

‘স্ত্রী শিক্ষাবিদায়কে’ গ্রন্থকারের নাম নাই। শিবনাথ শাস্ত্রী প্রভৃতি অনেকে ভুলক্রমে রাধাকান্ত দেবকেই এই পুস্তকের রচয়িতা হিসাবে উল্লেখ করিয়াছেন। ‘স্ত্রী শিক্ষাবিদায়ক’-রচনায় রাধাকান্ত গৌরমোহনকে কিছু সাহায্য করিয়াছিলেন বটে, কিন্তু তিনি যে ইহার রচয়িতা নহেন, তাহা ২০ মার্চ ১৮৫১ তারিখে ডিব্ৰুগড়ার বীটনকে লিখিত তাঁহারই পত্রের নিম্নাংশ পাঠ করিলে পরিস্ফুট হইবে :—

On perusing the new edition of the *Stri Siksha Vidayaka* which you lent me the other day I find that the first part of it containing Dialogues between two Native females in a vulgar colloquial style is comparatively a modern edition made I believe by Goura Mohana Vidyalankara the late Pandit of the School Society in some of the subsequent editions of the work—I knew nothing of it before—the second part

is an exhortation to the Hindoo females by English ladies to enlighten their minds with education. It was also I think composed by the said Pandit—but most of the materials were supplied by me especially the instance of some Sanskrit texts on behalf of female education and the examples of educated women both ancient and modern. To this extent I have a share in the execution of the work and no further. I cannot therefore conscientiously take upon myself the credit of an author.

২। কবিতামৃতকুপ । ইং ১৮২৬ । পৃ. ৪৪ ।

A Choice Collection of Sanscrit Couplets, with a Translation in Bengalee. কবিতামৃতকুপ । সম্পত্ত-  
রত্নাকর হিতোপদেশ প্রভৃতি গ্রন্থ হইতে সংগৃহীত । পাঠশালার  
বালকদিগের জ্ঞানবৃদ্ধি ও নীতি শিক্ষার কারণ কলিকাতা স্কুলবুক  
সোসাইটি দ্বারা শ্রীগৌরমোহন বিদ্যালয় ভট্টাচার্য কর্তৃক মুদ্রিত  
হইল । শন ১৮২৬ । C. S. B. S. Printed at the Calcutta  
School-Book Society's Press. 1826.

পুস্তকখানির শ্লোক-সংখ্যা ১০৬ । ইহার ভূমিকাটি নিম্নে উদ্ধৃত  
করিতেছি :—

বঙ্গ দেশীয় পাঠশালাস্থ শিশুদিগের জ্ঞান ও নীতি বৃদ্ধির কারণ  
চাণক্য মুনি কর্তৃক সংগৃহীত এক পুস্তক মাত্র আছে, প্রায় সকল  
বালকেই তাহা পাঠ করিয়া থাকে ; এবং সেই পুস্তকে তাহাদিগের  
অধিক আশ্রয় দেখিয়া বালক সকলের জ্ঞান স্ননীতি বৃদ্ধির কারণ  
চাণক্য মুনি সংগৃহীত পুস্তকের স্থায় কবিতামৃতকুপ নামক অপরা

এক পুস্তক নানা গ্রন্থহইতে সংগ্রহ করিয়া মুদ্রিত করিলাম। বোধ হয়, যে ইহাতে শিশুদিগের অধিক জ্ঞান ও নীতিজ্ঞতা হইবে, অতএব যদি এই পুস্তক সকলের গ্রাহ্য হয়, তবে পুনর্বার ছাপান যাইবে ইতি। ইহার ছাপার ব্যয়ের কারণ মূল্য ৥০ আনা মাত্র।

রচনার নিদর্শন-স্বরূপ এই পুস্তিকা হইতে কিঞ্চিৎ উদ্ধৃত করিতেছি :—

অনধ্বন্যাঃ কাব্যোৎসলসগতয়ঃ শাস্ত্রগহনে-  
 স্বদুঃখজ্ঞা বাচং পরিণতিষু মুকাঃ পরশুণে ।  
 বিদক্ষানাং গোষ্ঠীষকৃতপরিচর্যাশ্চ খলু যে  
 ভবেয়ুস্তে কিম্বা পরভণিতিকতুতিনিকষাঃ ॥

যাহারা কাব্যপথে পথিক নহে, অর্থাৎ যাহাদিগের কাব্যজ্ঞান নাই, আর যাহারা শাস্ত্ররূপ বন গমনে অলস এবং পরের বাক্য পরিণাম বিষয়ে অদুঃখজ্ঞ, ও পরশুণ কহিতে মুক, এবং বিদক্ষ সভাতে যাহারা বাস করে নাই, তাহারা কি অন্তের বাক্যরূপ কতুতি অর্থাৎ চুলকনার নিবারক পাষণ বিশেষ হইতে পারে? ইহার তাৎপর্য এই, যাহারা এইরূপ করে নাই, তাহারা পরের বাক্য বুঝিতে পারে না। ১০৫।  
 ( পৃ. ৪৩ )

\* \* \*

কলিকাতা-স্কুলবুক-সোসাইটির পঞ্চম রিপোর্ট বা ৫ম ও ৬ষ্ঠ বর্ষের ( ইং ১০২২-২৩ ) কার্যবিবরণে গৌরমোহনের আর একখানি পুস্তক ( “Gormohon’s Shunscrib Grammar, in Bengali” ) “ষদ্রন্থ” হইবার সংবাদ আছে কিন্তু শেষ পর্যন্ত আত্মপ্রকাশ করে নাই বলিয়াই মনে হয়।

# রাধামোহন সেন

কলিকাতার কাঁসারিপাড়ায় এক কায়স্থ-পরিবারে রাধামোহন সেনের জন্ম হয়। তাঁহার জীবনকাহিনী সম্বন্ধে বিশেষ কিছু জানা না গেলেও, তাঁহার রচিত 'সঙ্গীততরঙ্গ'র কথা সুবিদিত। প্যারীচাঁদ মিত্রের পিতা রামনারায়ণ\* 'সঙ্গীততরঙ্গ'-রচনায় রাধামোহনকে সাহায্য করিয়াছিলেন বলিয়া জানা যায়।

কাশীপ্রসাদ ঘোষ রাধামোহনের রচনার পরম ভক্ত ছিলেন। তিনি ১৮৩০ খ্রীষ্টাব্দের জানুয়ারি (?) সংখ্যা 'লিটারারি গেজেট' "On Bengali Works and Writers" প্রবন্ধে লেখেন, "কলিকাতার ঘোড়াসাঁকোর শ্রীযুত রাধামোহন সেন বাঙ্গলা ভাষায় কাব্যরচনার বিষয়ে স্বদেশীয় লোকের অতিপ্রসিদ্ধ।" তিনি রাধামোহনের কয়েকটি সঙ্গীত ইংরেজীতে অনুবাদ করিয়াছিলেন। একটি এইরূপ :—

“বিরহ-অনলে তনু হ'লো ত ভস্মের রাশি।  
তাই আরাধনা রূপে সমীরণে সম্ভাষি ॥  
যদি বায়ু সখা হয়্যা, এ ভস্ম কিঞ্চিৎ লয়্যা,  
দেয় শ্রামের শরীরে এই মনে অভিলাষী।”

\*“তিনি রামমোহন রায়ের একজন অন্তরঙ্গ বন্ধু ছিলেন এবং ধর্ম পুস্তকের ও ধর্মসঙ্গীতের অত্যন্ত অনুরাগী ছিলেন। ইনিই রাধামোহন সেনের সাহায্যে 'সঙ্গীততরঙ্গ' নামক উৎকৃষ্ট সঙ্গীত-বিজ্ঞান গ্রন্থ প্রকাশ করেন।”—শ্রীমন্নথনাথ ঘোষ : 'কর্মবীর কিশোরীচাঁদ মিত্র' পৃ. ১১।

A heap of ashes soon will be,  
 my frame by love's cremation,  
 Wherefore upon the gale I call.  
 by way of invocation.

That may it prove a friend to me  
 and some of the ashes bearing  
 Scattered it o'er my loved-one's form.  
 This wish my heart's declaring.

( 'বঙ্গভাষার লেখক,' পৃ. ২৬৪ )

### গ্রন্থাবলী

রাধামোহন কয়েকখানি গ্রন্থ রচনা করিয়া গিয়াছেন, প্রকাশকাল-  
 সমেত সেগুলির একটি তালিকা দিতেছি :—

১। সঙ্গীততরঙ্গ । ইং ১৮১৮ ( ২৫ আষাঢ় ১২২৫ ) । পৃ. ২৬৭ ।

সঙ্গীততরঙ্গ । ভাষাগ্রন্থ । শ্রীরাধামোহন সেন দাস । কৃত ।—

কলিকাতায় বাঙ্গালি । প্রেসে । বাঙ্গলা বর্ষযন্ত্রে ছাপা হইল ।

সন ১২২৫ । ১৭৪০ শক ।

'সঙ্গীততরঙ্গে' শতাধিক সঙ্গীত সঙ্গিবিষ্ট হইয়াছে । কবিতায় প্রত্যেক  
 রাগরাগিণীর রূপ বর্ণনাও আছে । ইহার ভূমিকাটি এইরূপ :—

সঙ্গীত বিজ্ঞার বহুতর গ্রন্থ হয় ।

তাবতের ভাষা করা যুক্তিমত নয় ॥

অতএব কতগুলি গ্রন্থকে ভাঙ্গিয়া ।

প্রকাশ করিব আমি নানা ভাষা দিয়া ॥

সংস্কৃত আদি তাতে যেসব বচন ।

গল্প পদ্য রূপে তাহা করিব রচন ॥

সোমেশ্বর মত আদি যত মত আছে ।  
 শ্রেণিমত না রচিব রচিব আগে পাছে ॥  
 হিন্দুস্থান অবধি করিয়া নানা দেশ ।  
 কলিকাতা পর্য্যন্ত যে বাঙ্গালার শেষ ॥  
 হিন্দুস্থানী লোক কি বাঙ্গালি লোক যত ।  
 সকলের অতি গ্রাহ হনুমান মত ॥  
 তত্রাপি রচিব আমি একরূপ নিয়মে ।  
 নাদ পুরাণের মত প্রকাশ প্রথমে ॥  
 মধ্যো মধ্যো অন্ত অন্ত মত প্রকাশিব ।  
 সর্বশেষে হনুমান মত বিরচিব ।  
 গ্রন্থমাগরে কবিতা সলিল কলিত ।  
 নানা মত নদ নদী তাহাতে মিলিত ॥  
 ভাব রস ছন্দ অলঙ্কার আদি যত ।  
 জলজন্তু জলচর পক্ষিগণ মত ॥  
 পায়্যা রাগ বাণ্য রূপ পবনের সঙ্গ ।  
 সঙ্গীত নামেতে তায় উঠিল তরঙ্গ ।  
 বুদ্ধিরূপ ক্ষুদ্র তরি তাহাতে ডুবিল ।  
 জ্ঞান সমারুঢ় ছিল ভাসিতে লাগিল ॥  
 উদ্ধার কারণে মন উপায় করিল ।  
 পয়ার ছন্দের সূত্রে তাহাকে বাঁধিল ॥  
 ভাষা পুতি রূপ তটে টানিয়া তুলিল ।  
 সঙ্গীত তরঙ্গ নাম তদর্থে হইল ॥

কোতুহলী পাঠকের জন্য 'সঙ্গীততরঙ্গ' হইতে রাগরাগিণীর একটি  
 রূপ-বর্ণনা উদ্ধৃত করিতেছি :



ভৈরব রাগের ধ্যান ও ধারা ।১।

ভয়রোঁ আদি রাগ শিবের বেশ ।	কোটি শশধর জিনিয়া কায় ।
শিব অবয়ব গুণে বিশেষ ॥	তাহাতে বিভূতি কলঙ্ক প্রায় ॥
ভুজঙ্গ নিন্দিত শিরেতে জটা ।	বৃষভ বাহন করে ত্রিশূল ।
জটায় বেড়িয়া ভুজঙ্গ ঘটা ॥	অক্ষির ভাব ঢুলু ঢুলু ঢুল ॥
হিল্লোল কল্লোল তরঙ্গবায় ।	সম্পূরণ ভাবে বেড়ান ফিরি ।
ঝরঝর গঙ্গা ঝরিছে তায় ॥	ধৈবত গাঙ্গার ছয়েতে গিরি ॥
ভাল শোভা হরিতাল তিলকে ।	রিখভ সম্বাদি গাঙ্গার বাদি ।
সুধাংশুকলা কপালফলকে ॥	খরজ তাহাতে হবে অম্বাদি ॥
আসন বসন বাঘের ছালা ।	ছয় দণ্ড নিশি থাকিতে গাবে ।
দলমল দোলে মুণ্ডের মালা ॥	অরুণ উদয়ে সকধা পাবে ॥

‘সঙ্গীততরঙ্গ’ রামচাঁদ রায়ের খোদিত রাগ-রাগিণীর ছয়খানি ধাতুর খোদাই চিত্র আছে । ইহা ১২৫৬ সালে গ্রন্থকারের পৌত্র “শ্রীআদিনাথ সেন দাসের অনুমত্যনুসারে পুন সংশোধনপূর্বক মুদ্রিত” হয় । এই সংস্করণের সহিত ১ম সংস্করণের পুস্তকের অনেক স্থলে পার্থক্য দৃষ্ট হইবে । ১৩৩০ সালের শ্রাবণ মাসে বঙ্গবাসী-কার্যালয় ১ম সংস্করণের ‘সঙ্গীততরঙ্গ’ পুনর্মুদ্রিত করেন । “তবে ১২৫৬ সালের গ্রন্থে যে-যে স্থলে অত্যাবশ্যক অতিরিক্ত পাঠ” আছে, তাহাও পাদটীকায় উদ্ধৃত হইয়াছে ।

২ । বিদ্বন্মোদ তরঙ্গিণী । ইং ১৮২৬ । পৃ. ১০০ ।

অথ বিদ্বন্মোদ তরঙ্গিণী সংস্কৃত গ্রন্থ এবং তদনুযায়ীক ভাষা বিরচিত পণ্ড শ্রীরাধামোহন সেন দাস কর্তৃক কলিকাতায় শ্রীবিষ্ণুনাথ দেবের ছাপাখানায় মুদ্রাঙ্কিত হইল ১২৩২ ।

ইহা গুণপন্নী-নিবাসী চিরঞ্জীব শর্মা-রচিত 'বিষ্মোদ তরঙ্গিণী'র পয়ারাভূবাদ। 'সমাচার দর্পণে' ( ১১ ফেব্রুয়ারি ১৮২৬ ) মুদ্রিত নিম্নোক্ত বিজ্ঞাপনে পুস্তকের বিষয়বস্তুর আভাস পাওয়া যাইবে :—

বিজ্ঞাপন।—...বিষ্মোদতরঙ্গিণী সংস্কৃত গ্রন্থ এবং তদনুযায়ী ভাষা বিরচিত পঞ্চ শ্লীষুত রাধামোহন সেনকৃত...মুদ্রাক্রিত হইয়াছে তাহাতে বৈষ্ণব শৈব শাক্ত হরিহরাষ্টৈতবাদী নৈয়ায়িক মীমাংসক বৈদান্তিক পৌরাণিক আলঙ্কারিক সাংখ্য পাতঞ্জলিক প্রভৃতির সভায় আগমন এবং ব্রহ্ম নিরূপণার্থে তাঁহারদিগের বিচার এবং তাহার মীমাংসা ইত্যাদি আছে...মূল্য ২ দুই টাকা নিরূপিত হইয়াছে।

'বিষ্মোদ তরঙ্গিণী'তে মাধবচন্দ্র দাস-খোদিত "শ্লীষুত রাজা বিক্রমসেনের রাজসভা" নামে একখানি ধাতু-খোদাই চিত্র আছে। রচনার নিদর্শন-হিসাবে আমরা ইহার একটি স্থল উদ্ধৃত করিতেছি :—

অত্রাস্তরে কৃষ্ণোপাসকঃ । রাধাদিগোপীজনদৃক্চকোরনিপীয়-  
মানাননপূর্ণচন্দ্রাৎ । বংশীনিনাদাজিতজীবতৃষ্ণাৎ । কৃষ্ণাৎ পরঃ কঃ  
পুরুষঃ পুরাণঃ ॥ ৫৬ ॥

অস্ত্র ভাষা ॥

পয়ার ॥

শ্রীকৃষ্ণের উপাসক কহেন তখন ।

অকলক পূর্ণচন্দ্র প্রভুর বদন ॥

শ্রীরাধিকা আদি করি যত গোপীগণ ।

চকোর সমান সেই সবার নয়ন ॥

লাবণ্য সুধার আশে পক্ষ ভরে যয় ।

অর্থাৎ স্থিরতা ভাবে অনিমেষ হয় ॥

অথবা বরণছটা দলিত অঙ্গন ।  
 কিম্বা জলধরঘটা করিয়া গঙ্গন ।  
 নৃত্য করিতেছে দুটি নয়ন খঙ্গন ।  
 গোপিকাগণের মন করেন রঙ্গন ॥  
 বংশীরবে মেঘনাদ সুনিয়া মধুর ।  
 গোপিকার শ্রবণচাতক তৃষ্ণাতুর ॥  
 জগতের মনোহর শ্রীমধুসূদন ।  
 তার তুল্য শ্রেষ্ঠ আর আছে কোন জন ॥৫৬

৩। অন্নপূর্ণা মঙ্গল । ইং ১৮৩৩ ।

শ্রীহরি ॥ শরণং ॥ অন্নপূর্ণা মঙ্গল গোড়ীয় ভাষা ভাষিত পুস্তক  
 মহাকবি শ্রীল শ্রীযুক্ত ভারতচন্দ্ররায় গুণকর কর্তৃক রচিত অমূল্য  
 হেতুক বহুবিধ অন্তর্ভুক্ত সম্প্রতি সংশোধিত হইয়া কলিকাতা নগরে  
 বঙ্গদূত সম্বন্ধে মুদ্রাঙ্কিত হইল । শকাব্দা: ১৭৫৫ ; সম্বত ১৮২০ বাং  
 ১২৪০ ইং ১৮৩৩ ।

ভারতচন্দ্রের রচনার যে-যে স্থল ভ্রমাত্মক বা ত্রুটিপূর্ণ বলিয়া সন্দেহ  
 হইয়াছে, গ্রন্থকার সেই সেই স্থলে টীকাকারে স্বাভিপ্রায় ব্যক্ত  
 করিয়াছেন । তিনি লিখিতেছেন :—

॥ ব্যতিক্রম বিষয়ক ॥

ক্রম দোষ হয় অন্নদার বন্দনায় ।  
 ছন্দোভঙ্গ পদ রাজ সভা বর্ণনায় ॥  
 অমূল্যি দ্বারাতে অন্তর্ভুক্ত ঘটয়াছে ।  
 স্থানে স্থানে অনেক শোধিত হইয়াছে ॥

কোন কোন স্থানে ব্যতিক্রম সম্ভাবনা ।  
 পরিবর্তে তথা তথা নূতন রচনা ॥  
 কোতাও বা তুল্য পদ নহিল বিনাশ ।  
 তদধঃ শোধিত পদ্য পাইল প্রকাশ ॥  
 নানা স্থানে অর্গোরব বচন বিস্তার ।  
 মধ্যে মধ্যে তার বিনিময় উপস্থার ॥  
 গ্রন্থরূপ উপবনে ভাবরূপ গাছে ।  
 কচিত বা দুষ্টনামা ফল ফলিয়াছে ॥  
 আনুপূর্বী যদিষ্ঠাত্ করেন শীলন ।  
 বহু পদে দেখিবেন আছে কুমিলন ॥  
 অর্থাতেকাকরি মিল ভাষা পড়ে হয় ।  
 অন্য অন্য বিষয়ে সামান্য উপায় ॥  
 প্রচলিত স্বাক্ষর মিল বুঝিবা সত্তম ।  
 স্বরে স্বরে হলে হলে মিলন উত্তম ॥  
 কথিত বিবিধ শব্দ ব্যাপ্ত অগণন ।  
 হয় নয় পরীক্ষা করিবা সুধীজন ॥  
 উক্ত তাবতের পত্র পংক্তি অঙ্কগণ ।  
 নাহি লিখিলাম অতি বাহুল্য কারণ ॥  
 শ্রীরাধামোহন সেন করয়ে প্রার্থনা ।  
 অত্র প্রমাণেতে করিবেন বিবেচনা ॥

৪ । রসসার সঙ্গীত । ইং ১৮৩২ । পৃ. ৭৭ ।

শ্রীহরিঃ । শরণং । বিচক্ষণাগ্রগণ্যসংকবীন্দ্র ৮রাধামোহন  
 সেন মহাশয় রচিত রসসার সঙ্গীত বঙ্গদূত যন্ত্রে মুদ্রাঙ্কিত হইল  
 শকাব্দা: ১৭৬০ ১২৪৫ সাল ইং ১৮৩২ সাল ।

ইহার প্রথম পৃষ্ঠা হইতে কয়েক পংক্তি উদ্ধৃত করিতেছি :—

॥ আলাহিয়া অথবা আলায়া রাগিনী ॥

॥ আড়া তেতালী ॥

আমি আমিই কি সেই আমি আমি বুঝিতে নারি ॥ ৩ ॥

তুমি তুমিই তাই বলি, বলহ বিচারি ॥

তার আকার অবয়ব, দেখি এ শরীরে সব ॥

তুমি আমাকে কি দেখ, পুরুষ কি নারী ॥ ১ ॥

সে যদি হইয়া থাকি, শরীর গোপনে রাখি, নহে

তারে দেখি তার, মনঃ হবে ভারি ॥ ২ ॥

# ব্রজমোহন মজুমদার

১৮১৪ খ্রীষ্টাব্দের শেষ ভাগে রামমোহন রায় প্রবাস হইতে ফিরিয়া কলিকাতার বাসিন্দা হন। কলিকাতায় অবস্থানকালে প্রচলিত হিন্দুধর্মের সংস্কারকার্যে সর্বাগ্রে তাঁহার দৃষ্টি পড়ে। এই উদ্দেশ্যে তিনি “আত্মীয় সভা” নামে একটি সভার সূচনা করেন; সভায় ব্রহ্মসম্বন্ধীয় আলোচনা, বেদপাঠ ও ব্রহ্মসঙ্গীত হইত। সভার নির্বাহকারী ছিলেন বৈকুণ্ঠনাথ বন্দ্যোপাধ্যায়। ধর্মসংস্কারকার্যে একদল বন্ধু ও শিষ্য রামমোহনকে বিশেষ সহায়তা করিয়াছিলেন। ব্রজমোহন মজুমদার এইরূপ এক জন বন্ধু ও শিষ্য। মজুমদার-গৃহে একবার আত্মীয় সভার অধিবেশন হইয়াছিল। এই অধিবেশনের বিবরণ ‘সমাচার দর্পণ’ (২২ মে ১৮১৯) হইতে উদ্ধৃত করিতেছি :—

বেদান্ত মত।—২ মে রবিবার শ্রীযুত রাধাচরণ মজুমদারের পুত্র শ্রীকৃষ্ণমোহন ও শ্রীব্রজমোহন মজুমদারের ঘরে শ্রীযুত রামমোহন রায় প্রভৃতি সকল বৈদান্তিকেরা একত্র হইলেন এবং পরস্পর আপনারদের মতের বিবেচনা করিলেন। আমরা শুনিয়াছি যে সেই সভাতে জাতির প্রতি বিধি কিম্বা নিষেধ বিষয়ে বিচার হইল ও খাণ্ডের প্রতি যে নিষেধ আছে তাহারও বিষয়ে বিচার হইল। এবং যুবতি স্ত্রীর স্বামি মরণান্তর সহমরণ না করিয়া কেবল ব্রহ্মচর্য্যে কাল ক্ষেপ কর্তব্য এই বিষয়েও অনেক বিবেচনা হইল এবং বৈদিক ধর্মের বিষয়ে বিচার হইল সেই সময়ে বেদের উপনিষদ হইতে আপনারদের মতানুযায়ি বাক্য পড়া গেল ও তাহার অর্থ করা গেল ও তাঁহারা বেদান্তের মতানুসারে গীত গাইলেন।

ব্রজমোহনের ভ্রাতা কৃষ্ণমোহনও রামমোহনের এক জন ছিলেন। তিনি আত্মীয় সভা বা ব্রহ্মসভার জন্ম কয়েকটি সঙ্গীত রচনা করিয়াছিলেন; এগুলি রামমোহন-প্রকাশিত 'ব্রহ্মসঙ্গীতে' স্থান পাইয়াছে। কৃষ্ণমোহনের একটি সঙ্গীত এইরূপ :—

তুমি কার, কে তোমার কারে বল হে আপন।  
 মহামায়া নিদ্রাবশে দেখিছ স্বপন।  
 রজ্জুতে হয় যেমন, ভ্রমে অহি দরশন।  
 প্রপঞ্চ জগত মিথ্যা সত্য নিরঞ্জন।  
 নানা পক্ষী এক বৃক্ষে, নিশিতে বিহরে স্মৃথে,  
 প্রভাত হইলে দশ দিগেতে গমন।  
 তেমনি জানিবে সব, অমাত্য বন্ধু বান্ধব,  
 সময়ে পলাবে তারা কে করে বারণ।  
 কোথা কুসুম চন্দন, মণিময় আভরণ,  
 কোথা বা রহিবে তব প্রাণ প্রিয়জন।  
 ধন যৌবন গুমান, কোথা রবে অভিমান,  
 যখন করিবে গ্রাম নিষ্ঠুর শমন ॥ ৮২ ॥

১৮২০ খ্রীষ্টাব্দে ব্রজমোহন পৌত্তলিকতার বিরুদ্ধে একখানি পুস্তক প্রকাশ করেন; ইহার নাম 'ব্রাহ্ম পৌত্তলিক সম্বাদ'।\* অনেকে ভুল

\* কলিকাতা-স্কুলবুক-সোসাইটির ৩য় বার্ষিক ( ইং ১৮১৯-২০ ) কার্য-বিবরণের ২য় পরিশিষ্টে দেশীয় মুদ্রাযন্ত্র হইতে প্রকাশিত বাংলা পুস্তকের যে তালিকা আছে, তাহাতে প্রকাশ :—

38. *Bruhma pootlik-sombad*, Conference between a True Believer and Idolator...Birjomohon Mozoomdar.

পাদরি লণ্ডের বাংলা-পুস্তকের তালিকাতেও এই নামই আছে, তবে তিনি ইহার গ্রন্থকার-রূপে রামমোহন বায়ের নামোল্লেখ করিয়াছেন। রাম-

করিয়া পুস্তকখানির নাম 'পৌত্তলিক মুখচপেটিকা' বলিয়া আসিতেছেন।  
ত্রৈমাসিক 'ক্রেণ্ড-অব-ইণ্ডিয়া' ১৮২০ খ্রীষ্টাব্দের ডিসেম্বর সংখ্যায় এই  
পুস্তক সম্বন্ধে একটি আলোচনা প্রকাশ করেন, তাহার কয়েক পংক্তি  
উদ্ধৃত করিতেছি :—

Art. IV.—Strictures on the Present System of  
Hindoo Polytheism, a work in the Bengalee language,  
by Brujo-mohun. 8vo pp. 84. No title page,—no  
printer's name or date affixed.

...Of its author we have been able to discover no  
trace beyond his name, with which he has modestly  
furnished us in the last line of the book. The work,  
however, bears internal marks of being purely native..  
(p. 249.)

এই পুস্তকখানি ইংরেজীতেও *A Tract Against the Prevail-  
ing System of Idolatry* নামে প্রকাশিত হইয়াছিল। ইহার পৃষ্ঠা-  
সংখ্যা ৬৮; পুস্তকের কোন ভূমিকা বা আখ্যা-পত্র নাই, কেবল শেষে  
রচনাকাল ও গ্রন্থকারের নাম এইরূপ দেওয়া আছে :

In the year 1742, the 7th of Joisthya according  
to the Hindoo chronology, or the 19th of May 1820,  
according to the Christian Æra.

BRAJAMOHAN DEBASHYA.

পুস্তকখানির প্রথম পৃষ্ঠা হইতে কিছু উদ্ধৃত করিতেছি :—

A TRACT  
AGAINST

*The Idolatry cammonly practised by the Hindoos.*

I WOULD ask those Pundits, together with their  
followers, who are averse to the worship of the

---

মোহনের পক্ষে এই পুস্তকের গ্রন্থকার হওয়াও বিচিত্র নহে, তিনি তাঁহার  
অনেক রচনা অপরের নামে বা ছদ্ম নামে প্রচার করিয়াছিলেন।



supreme God.\* and devoted to the service of images ; Why do you make yourselves the laughing-stock of all sensible men, by considering miserable images which are devoid of sense, motion and the power of speech as the omniscient, omnipresent and almighty God ? And why do you expose yourselves to the scorn and contempt of all the world, by considering such absurd practices, as playing with the fingers on the mouth, beating one's sides, snapping the finger and stamping with the foot on the ground, further clapping with the hands and singing exceedingly obscene and abominable songs, and finally bending and moving the body in various disgusting ways, as spiritual worship ?

১৮২১ খ্রীষ্টাব্দের ৬ই এপ্রিল ব্রজমোহনের মৃত্যু হয়। ইহার অব্যবহিত পরে Deocar Schimd নামে একজন পাদরি ব্রজমোহনের পুস্তকখানির ইংরেজী অনুবাদ প্রকাশ করেন। এই প্রসঙ্গে মাসিক 'ফ্রেণ্ড-অব-ইণ্ডিয়া' ( জুন ১৮২১, পৃ. ১০২ ) লিখিয়াছেন :—

DEATH OF BRUJA-MOHUNA,—We are deeply concerned to state, that Bruja-mohuna the Author of that excellent treatise against Idolatry lately reviewed by us, died about two months ago. This information we obtain from the preface to a Translation of this valuable work, by our esteemed friend the Rev. Deocar Smith, which we lay before our readers in his own words.

\*Which according to the theology of the Hindoos is incompatible with the use of images.

‘Brujo-mohun’s father was a person of respect ability, and was once employed as Dewan by Mr. Middleton, one of the late Residents at the Court of Lucknow. Bruja-mohuna was a good Bengalee Scholar, and had some knowledge of Sungskrita. He had made considerable progress in the study of the English language, and was also well versed in Astronomy ; and at the time of his death was engaged in translating Fergusson’s Astronomy into Bengalee for the School Book Society.\* He was a follower of the Vedanta doctrine, in so far as to believe God to be a pure spirit ; but he denied that the human soul was an emanation from God : and he admired very much the morality of the New Testament. Being suddenly taken ill of a bilious fever on the 6th of April last, he begged his friend Ram-mohuna-rama to procure him the aid of a European physician, which request was immediately complied with ; but it was

\* কলিকাতা-স্কুলবুক-সোসাইটির তৃতীয় বার্ষিক ( ইং ১৮১৮-১৯ )  
রিপোর্টে ( পৃ. ৪ ) প্রকাশ :—

“Birjoomohan-Mojoomdar and the Brothers Palit, three Hindoos who had claimed and obtained the patronage of the Society for their translation into *Bengalee* of *Fergusson’s* Introduction to *Astronomy*, state in a recent letter to the Hindoo Native Secretary of this Institution that the translation has been completed, and 96 pages printed.”

সোসাইটির তৃতীয় বার্ষিক ( ১৮১৯-২০ ) রিপোর্টের শেষে যে আয়-ব্যয়ের হিসাব আছে, তাহাতে ব্যয়-বিভাগের একটি দফা এইরূপ :

“Birjoomohun Mojoomdar and Palits for 90 pp. of *Fergusson’s* *Astron*, translated, etc..168-0-0.”

too late :— the medicine administered did not produce the desired effect, and he died the very same night, aged thirty-seven years.\*

১৮৪৩ খ্রীষ্টাব্দের ফেব্রুয়ারি মাসে ব্রজমোহনের পুস্তকখানি পাদরি ডবলিউ মর্টনও অনুবাদ করিয়া প্রকাশ করিয়াছিলেন। এই সঙ্গে তিনি মূল বাংলা পুস্তকখানিও পুনর্মুদ্রিত করেন, তাহার আখ্যা-পত্রটি এইরূপ :—

ওঁ তৎসৎ । অর্থাৎ শ্রীযুত ব্রজমোহন দেবকর্ষক বিরচিত তথ্যপ্রকাশ । পুনর্বার শুদ্ধীকরণ পূর্বক টীকা সহিত মুদ্রাঙ্কন করা গেল ।

১৮৪৬ খ্রীষ্টাব্দে তত্ত্ববোধিনী সভা ব্রজমোহনের পুস্তকখানি 'পৌত্তলিক প্রবোধ' নামে প্রকাশ করেন। ব্রজমোহনের প্রথম সংস্করণের পুস্তক হস্তগত না হওয়ায়, রচনার নিদর্শন-স্বরূপ আমরা 'পৌত্তলিক প্রবোধ' হইতে কিছু উদ্ধৃত করিতেছি :

প্রাজ্ঞ—চেতনরহিত স্পন্দনরহিত বাক্যরহিত একপ যে অত্যন্ত জড় পুত্তলিকা তাহাকে সর্বজ্ঞ সর্বব্যাপী সর্বশক্তিমান্ পরমেশ্বর জ্ঞান করিয়া তাবৎ প্রাজ্ঞ লোকের নিকট কেন আপনাকে হান্তাস্পদ কর, আর বিজাতীয় মুখবাত্ত কক্ষবাত্ত অজুনিধনি ও ভূমিতে পদাঘাত আর করতালী এবং অত্যন্ত নিন্দিত ও অশ্রাব্য গীত আর

\*ব্রজমোহনের এই পরিচয়টুকু অনুবাদক রামমোহনের নিকট হইতে পাইয়াছিলেন :

“Rammohun Roy, his intimate friend, has communicated to the translator the following particulars concerning him—”

নানা কুৎসিত অঙ্গ ভঙ্গীকে পরমার্থ সাধন জানিয়া তাবৎ মহেশ্বের  
ব্যঙ্গ বিক্রপের আলায় কেন হইতেছ। (পৃ. ১)

পৌত্তলিক—আমরা পুস্তলিকার আরাধনা করি না কিন্তু  
এ সকল পুস্তলিকা বিশেষ বিশেষ দেবতার প্রতিমূর্ত্তি হইলে, ঐ সকল  
দেবতা অন্য মরণ রহিত নিত্য সর্বত্র পরব্রহ্ম হইলে, ইহার দ্বারা  
দেবতাদিগের আরাধনা করিয়া থাকি।

প্রোক্ত—জিজ্ঞাসা করি ঐ বিশেষ বিশেষ দেবতারা সকলেই  
পরব্রহ্ম হইলে কি তাঁহাদের মধ্যে একজনকে পরব্রহ্ম বল, ইহার  
উভয়ই অসম্ভব হয়, যে হেতু সকলকে পৃথক্ পৃথক্ পরব্রহ্ম মানিলে  
বেদ বাক্য অপ্রমাণ হয়, কেননা বেদে সর্বত্র এক ব্রহ্ম কহেন, এবং  
অনেক স্বতন্ত্র ব্রহ্ম কহিলে যুক্তি বিরুদ্ধ হয়, যেহেতু ঐ পাঁচ জন কি  
দশ জন স্বতন্ত্র ব্রহ্ম যদি হইলে তবে সকলের সৃষ্টি স্থিতি প্রলয়ের  
শক্তি এবং অন্য সর্ব শক্তি তাঁহাদের মানিতে হইবেক, কেননা  
যাহার সর্ব শক্তি নাই তাহাকে ব্রহ্ম বলা যায় না, এক্ষণে এক সর্ব  
শক্তি বিশিষ্ট ব্রহ্ম হইতে যদি সৃষ্টি প্রভৃতি জগতের তাবৎ কার্য  
নির্বাহ হইল তবে অন্য সকল ব্রহ্ম সম্যক্ প্রকারে অপ্রয়োজন  
হইলেন, অতএব প্রত্যেক ঐ সকল দেবতাকে স্বতন্ত্র পরব্রহ্ম কহিতে  
পারিবে না, আর তাঁহাদের মধ্যে কেবল এককেও ব্রহ্ম কহা  
শাস্ত্র এবং যুক্তি বিরুদ্ধ হয় যেহেতু যেমন ঐ এককে কল্পনা করিয়া  
পুরাণাদিতে ব্রহ্ম কহিয়াছেন, সেইরূপ অন্য অন্তকেও স্থানান্তরে  
কল্পনা করিয়া ব্রহ্ম কহেন, অতএব কল্পনাকে এক স্থানে সত্য জ্ঞান  
করা অন্যস্থানে সত্য জ্ঞান না করা এ সর্বথা অসিদ্ধ হয়।

পৌত্তলিক—তাঁহারা সকলে পৃথক্ পৃথক্ নহেন, বস্তুত এক  
কিছু পৃথক্ পৃথক্ শরীরে দৃষ্ট হইলে। (পৃ. ৯-১০)

পৌত্তলিকতার বিরুদ্ধে লিখিত বলিয়া ব্রজমোহনের পুস্তকখানি সে-যুগে মিশনরী-মহলে অতিরিক্ত প্রশংসাপাত করিয়াছিল। জে. সি. মার্শম্যান লিখিয়াছেন :—

...a pamphlet appeared in Calcutta in the Bengalee language, which created an extraordinary sensation in Hindoo society. It was compiled by Brujumohan, a learned Brahmin, who placed his name in the last line of the book,... The style of the work was idomatic and attractive, combining great simplicity and ease with great vigour and strength ; but its chief power lay in the pungency of its satire. Brujumohun was well versed in the shasters, and quoted them with great efficacy against the popular superstition. He was familiar with the mental habits, thoughts, and feelings of his countrymen, and was enabled to address them with great effect. Seldom has the system of Hindoo idolatry been subject to so severe and irritating an exposure. From the elegance of its diction, the pamphlet may be considered as one of the most valuable of vernacular classics.—*The life and Times of Carey, Marshman and Ward* (1859), ii. 239-40.

# নীলরত্ন হালদার

ঊনবিংশ শতাব্দীর প্রথমার্ধে যে-সকল বাঙালী লেখক ও পণ্ডিতের যথেষ্ট খ্যাতি-প্রতিপত্তি ছিল অথচ বর্তমান কালে যাঁহারা বিস্মৃত হইয়াছেন, নীলরত্ন হালদার তাঁহাদের এক জন। সে-যুগে সাময়িক-পত্র পরিচালনায় ইনি কৃতিত্বের পরিচয় দিয়াছিলেন ; তাঁহার সম্পাদিত 'বঙ্গদূত' বিদ্বজ্জন-সমাজে যথেষ্ট প্রতিষ্ঠা অর্জন করিয়াছিল। সঙ্গীত রচনাতেও তাঁহার বিশেষ হাত ছিল। নীলরত্নের পরিচয় মোটামুটি সংবাদ-পত্র পরিচালন ও সঙ্গীত রচনাবিষয়ক হইলেও বাংলা-সাহিত্যের গঠনেও তাঁহার কিছু দান আছে।

**বংশ পরিচয় :** রাজনারায়ণ বসু 'সেকাল আর একাল' পুস্তকে নীলরত্ন হালদারের এই সংক্ষিপ্ত পরিচয় দিয়াছেন :—

বাবু নীলরত্ন হালদার বঙ্গদূত সম্পাদক ছিলেন। ইনি নানা ভাষায় পণ্ডিত ও সুরকারি ও সঙ্গীত শাস্ত্রে বিশারদ ছিলেন, এবং অতি স্বপুরুষ ছিলেন। ইনি চুঁচুড়া নিবাসী প্রসিদ্ধ বাবু, বাবু নীলমণি হালদার মহাশয়ের পুত্র। তৎকালে তাঁহার পিতার জায় কেহ বাবু ছিল না। বাবু ষায়কানাথ ঠাকুরের পর টরেন্স সাহেবের আমলে নীলরত্ন বাবু সর্ট বোর্ডের দেওয়ান ছিলেন।

৭ আগস্ট ১৮৩৭ তারিখে নীলরত্নের পিতা নীলমণি হালদারের মৃত্যু হয়। তিনি ১৮২৫ খ্রীষ্টাব্দে শ্রীরামপুরে একটি মুদ্রাঘরের প্রতিষ্ঠা করিয়া পুস্তক-মুদ্রণ কার্যের প্রসারকল্পে যথেষ্ট সহায়তা করিয়াছিলেন।

‘বঙ্গদূত’ সম্পাদন : ইংরেজী, বাংলা, ফার্সী ও নাগরী এই চারি ভাষায় ‘বেঙ্গল হেরাল্ড’ নামে একখানি সাপ্তাহিক পত্র প্রতি শনিবার সন্ধ্যায় প্রকাশ করিবার জন্য ৭ নং বাঁশতলা গলির সার্জন আর মণ্টগোমারি মার্টিনকে ৫ মে ১৮২৯ তারিখে সরকার লাইসেন্স মঞ্জুর করেন। ‘বেঙ্গল হেরাল্ড’ কেবল ইংরেজীতেই প্রকাশিত হইত। ইহার “সহচর” ছিল ‘বঙ্গদূত’; নীলরত্ন ইহা সম্পাদন করিতেন। ‘বঙ্গদূতের’ প্রথম সংখ্যার প্রকাশকাল ১০ মে ১৮২৯ (রবিবার); পরবর্তী সংখ্যা হইতে ইহা প্রতি শনিবার প্রকাশিত হইত। ‘বেঙ্গল হেরাল্ড’ পত্রের স্বত্বাধিকারী ছিলেন—আর. এম. মার্টিন, ষারকানাথ ঠাকুর, প্রমথকুমার ঠাকুর, রামমোহন রায়, নীলরত্ন হালদার ও রাজকৃষ্ণ সিংহ। ‘বঙ্গদূত’ পত্রের শিরোভাগে এই কবিতাটি শোভা পাইত :—

সংগোপনেল্পবিবৃতিং প্রবদন্তি দূতাঃ সর্বে ন তত্র সৃজনা হিতমভ্যুপেতাঃ ।  
কিঞ্চাখিলার্থকলনাৎহৃদেদেহভূতপ্রজ্ঞাময়ং বিতমুতে খলু বঙ্গদূতং ॥

—•—

অন্ত অন্ত দূতগণ, সামান্ত যে বিবরণ, সেইমাত্র কহে সংগোপনে ।  
তাহাতে সচরাচরে, তত্ত্ব না জানিতে পারে, মুগ্ধ রহে মর্ম অন্বেষণে ॥  
অতএব সাধারণ, সর্বজন প্রয়োজন, স্বদেশ বিদেশ সমুদ্ভূত ।  
সমাচার সমুচ্চয়, প্রকাশ করিয়া কয়, হিতকারী এই বঙ্গদূত ॥  
এক বৎসর যোগ্যতার সহিত ‘বঙ্গদূত’ সম্পাদন করিয়া নীলরত্ন অবসর লইতে বাধ্য হইয়াছিলেন। ‘সম্বাদ তিমিরনাশক’ পত্রে প্রকাশ :—

প্রথমতঃ সন ১৩৩৬ সালে বঙ্গদূত শ্রীযুত বাবু নীলরত্ন হালদার মহাশয় তাহার প্রকাশক হইয়াছিলেন কিন্তু শেষ রক্ষা হইল না কেননা স্থপ্রিয় কোর্টে কাগজের দ্বারা দোষী হইয়াও তথাচ কাগজ





কাব্যশাস্ত্রাদি হইতে উদ্ধার করিয়া অথচ যথা শ্রুত মহাজন গৃহীতবাক্য ও সাধুবাক্য ও কবিবাক্যপ্রভৃতি উদ্ধৃত কবিতা একত্র করিয়া এবং তাহার অর্থ ও আনুষ্ঠানিক ইতিহাস ও পরিহাস গোড়ীর ভাষায় রচনা করিয়া শ্রীনীলরত্ন শর্ম্মকর্তৃক যাহ, সংগৃহীত হয় তাহা ইঙ্গরেজী ভাষায় তরজমার সহিত দ্বিতীয়বার শ্রীরামপুরে মুদ্রাহিত হইল সন ১৮৩০ ।

২। জ্যোতিষ। ইং ১৮২৫।

“...সম্প্রতি প্রাচীন জ্যোতিষ যামল ও কেবলী ও স্বরোদয় ও সর্কার্চিষ্টামণিপ্রভৃতি গ্রন্থের সারোদ্ধার পূর্বক জ্যোতিষের ফল ঐকোর নিমিত্তে শ্রীযুত বাবু নীলরত্ন হালদার মহাশয় এক গ্রন্থ প্রস্তুত করিয়াছেন ঐ গ্রন্থ অতি আশ্চর্য্য ও অনেক লোকোপকারি হইয়াছে যেহেতুক এই সকল প্রাচীন গ্রন্থ ও তাহার সন্দর্ভ এদেশে প্রায় লুপ্ত হইয়াছিল...।” (‘সমাচার দর্পণ’, ২৩ জুলাই ১৮২৫)

৩। পরমায়ুঃ প্রকাশ। ইং ১৮২৬। পৃ. ৬৮।

পুস্তকের প্রারম্ভে “অথ নীলরত্ন জ্যোতিঃ প্রথমভায়াং প্রথম কিরণে। পরমায়ুঃ প্রকাশ” এবং শেষে “সমাশ্রোয়ং গ্রন্থঃ শকাব্দাঃ ১৭৪৭। ২০ মাঘ ॥” মুদ্রিত আছে।

৪। অদৃষ্ট প্রকাশ। ইং ১৮২৬। পৃ. ৬২।

পুস্তকের প্রারম্ভে “অথ নীলরত্ন জ্যোতিঃ প্রথমভায়াং দ্বিতীয় কিরণে। অদৃষ্ট প্রকাশ ॥” এবং শেষে “শকাব্দাঃ ১৭৪৭ ফাল্গুনী পূর্ণিমা ॥ সমাশ্রোয়ং গ্রন্থ ॥” পাওয়া যায়।

৫। বহুদর্শন। ইং ১৮২৬। পৃ. ১৪৭।

“...বহুকালাবধি বহুভাষার বহুবিধ দৃষ্টান্ত সংগ্রহ করণে বহুতর যত্ন ছিল যেহেতুক এক গ্রন্থে দৃষ্টিক্রম করিলে বহুদর্শী হওনের

সম্ভাবনা হয় অতএব এই সংগ্রহ ভিন্নজাতীয় প্রসিদ্ধ বাক্য এবং শাস্ত্রোক্তির তাৎপর্য স্বজাতীয় শাস্ত্রোক্তি ও চলিতোক্তির সহিত ঐক্যবাক্যতা ও সমন্বয় করিয়া অর্থাৎ প্রথমতঃ ইংরাজী ও লাতীন ভাষার বিবিধ পুস্তকাস্তর্গত চলিত দৃষ্টান্ত ও নীতিশিক্ষাবিষয়ক গল্পপন্থ তদীয় বাক্যার্থ ভাবার্থ সাধুভাষায় প্রকাশপূর্বক তত্ত্বহুক্তির তাৎপর্য সংস্কৃত মূলের সহিত তুল্য মূল্য করিয়া এবং দ্বিতীয়তঃ পারস্য ভাষার বহুগ্রন্থোদ্ধৃত অথচ সমাজব্যবহৃত অশেষ বিশেষ গল্পপন্থ ইংরাজী ও সংস্কৃত প্রমাণের সহিত সমতাপূর্বক তাহার প্রত্যেকের যথার্থ অর্থ সাধু ভাষায় প্রকাশ করিয়া এবং তৃতীয়তঃ আরবীয় ভাষোক্ত বিবিধ দৃষ্টান্ত ও নীতিশিক্ষ্য পারস্য ও ইংরাজী ও সংস্কৃতের সহিত একতাৎপর্যক্রমে তত্ত্বহুক্তির স্বভাবার্থ পৃথক২ বর্ণন করিয়া কিঞ্চিৎ সংগ্রহ করিলাম ।... অল্পটান পত্র ।”

৬। **দম্পতী শিক্ষা** । ইং ১৮৩৪ ( বাং ১২৪০ ) ।

এই পুস্তকে “সাংসারিক ব্যবস্থা নানা পুরাণাদি হইতে” সংগৃহীত হইয়াছে। পাদরি লং লিখিয়াছেন : “In 1834 Nil Ratna Haldar Published Dampati Shikha on the duties of husband and wife taken from the Shastras.

৭। **সর্বান্নোদত্তরঙ্গিনী** । ১২৫৮ সাল ( ইং ১৮৫১ ) ।









